



Ex libris Bibliothecæ quam Illustrissimus
Archiepiscopus & Prorex Lugdunensis
Camillus de Neufville Collegio S. S.
Trinitatis Patrum Societatis JESU
Testamenti tabulis attribuit anno 1693.

314215

160

25/66

Inst 22 p 1201 +

Joannes Sabardus.

JOANNIS LABARDÆI

MATROLARUM
AD SEQUANAM MARCHIONIS,

REGIS AD HELVETIOS ET RHÆTOS

EXTRA ORDINEM LEGATI,

DE REBUS GALLICIS

HISTORIARUM

LIBRI DECEM,

AB ANNO 1643. AD ANNUM 1652.



PARISIIS;

Apud DIŌNYSIUM THIERRY, viā Jacobzā, sub signo
Urbis Lutetiz.

M. DC. LXXI.

CUM PRIVILEGIO REGIS,

25156-40

1847

F. A. HARRIS

of the
of the
of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the



S A C R Æ
ATQUE AUGUSTISSIMÆ MAJESTATI
LUDOVICI XIV.
GALLIARUM
ET NAVARRÆ
REGIS CHRISTIANISSIMI.

DE V M *immortalem (Rex
LUDOVICE) sicuti Maximum, ita
& Optimum esse scimus : docu-
mentò mortalibus , qui ceteris
maiores sint , eos & meliores esse debere.
Id adeò ad Reges pertinet , qui omnes
alios homines dignitate longè antecellunt.
Quin & hos Deum sui simillimos esse vo-*

â ij

luisse vel ex eo existimandi copia est ;
quòd & Regis nomen sibi uni proprium ,
& potentia sua in nos , atque Imperii par-
tem cum ipsis communicavit.

At non eà modò causà Reges Deo simi-
les esse censëbimus : sed & si prater eà bo-
nitatis ejus æquè , ac potentia participes
sint : ita ut ad illius normam , quam di-
vinis legibus suis nobis tradidit , horum
mores , atque omnis vitæ ratio componan-
tur : hæc enim illa est sui similitudo , at-
que imago , ad quam hominem sese for-
maturum edixit , & quæ ubi primo om-
nium scelere fœdata , atque labefactata
est , ibi ille ab potestate , & Imperio ,
quod huic Deus super omnibus ab se crea-
tis tradiderat , statim excidit. Quod cum
ita sit , quantum Reges ab omni pravita-
te alienos esse deceat , clarissimum est : ne-
que verè sensisse eos , qui jus ipsum vio-
lare regnandi causà licere sunt arbitrati.
Ita enim regnum sceleris præmium esset ,
quod cum iis artibus , quibus initio partum

est , retineri soleat , necesse esset , uti perpetuis sceleribus retineretur. Sed hac perpetrando in miserrimam incidimus servitutem , quàm nihil magis regno contrarium est. Id vel ipsi qui Christiana veritatis expertes fuere , haud ignoraverunt , ubi solos bonos liberos esse dixere. Sed horum unus Imperium semper ad optimum quemque , ab minus bono transferri rectissime dixisse videtur , atque adeò sensisse nullam magis virtutem Regibus convenire quàm Bonitatem : quæ nimirum ceteras omnes complectitur , atque homines tam similes Deo reddit , ut hæc fretos in regni æterni societatem cum ipso venire certò credamus.

Hanc virtutem in te Rex omnes agnoscunt , & quia ea est , quæ in tanto Principe debet esse , magnoperè admirantur , non segnem videlicet , non desidem , non humilem , qualis in ignavis quandoque Principibus , atque adeò haud vera solet esse , sed sicuti divinam , quàm omnis hic mundus

perpetuò gubernatur, ac regitur, agentem,
ac molientem. Tu enim quæ pace, ac bello
Reipublicæ procedant, providere, atque
agere non desinis; quæ ad cives per mer-
caturam, per varia textilium genera,
per longinquas navigationes conlocuple-
tandos; quæ ad jus ex breviori formulâ,
ac minore litigantium sumptu dicendum;
quæ ad copias in omni militari ratione,
ac bellicâ disciplinâ exercendas, confir-
mandasque pertinent. Tu denique sum-
mam ærarii inopiam præteritorum tem-
porum iniquitate contractam, quæ gran-
di ære alieno conflato, & oppigneratis
vectigalibus, tributis, ac cæteris regiis
fructibus, per multos annos duratura
videbatur, brevî præter omnium spem
sustulisti, & pro hac copiam propè incre-
dibilem habes: postremò de republicâ
cogitandi, consulendi, agendi nullum
tempus intermittis, nec te quod ad hanc
augendam, ornandamque pertineat, quid-
quam fugit.

Sed præterea tu rebus cujusque privatis consulere posthac velle visus es, ubi singulorum civium postulata scripto ad te ipsum, vel ab infimis perferri jussisti, ut & si quid coram dicendum habeant, id liberè facere possint, quod certè in tanto Principe, ac tot, tantisque negotiis circumvallato, perrarum bonitatis exemplum est. Ex eo te non magis illis Regem, quàm Patrem esse velle sentiunt, quod & nomen adversum se homines usurpare Deus ipse mirificè delectatur. Certè si hos filiorum loco habueris, fortunis eorum consulendo, hoste vicissim Patris, ac Dei loco, cujus apud nos vicem geris, habere æquum est: quâ re ad fidei erga te firmitatem nihil validius esse potest. Non exercitus, neque thesauri præsidia regni sunt, verum amici, quos maximè bonitate paraveris. Omnium fermè rerum Regibus copia est, amicorum neque his, neque aliis nimium usquam fuit.

Sed quæ usquè gessisti, gesturusque es

digna laude, ac memoriâ sempiternâ, ea qui posteritati tradant, non defuturos credo: id verò te meminisse velim, quantavis fuerint, tamen apud posteros tanta habitum iri, quantum hac orationis dignitate exequare potuerint præclara ingenia, atque his scribendis magis idoneos futuros qui in republicâ versati fuerint.

Ego interea quæ de Principatûs tui initiis scripsi, ea tibi Rex dicare, atque consecrare me debere sentio, cui me ipsum jamdiu continuò data tibi opera dicavit. Horum varietas, pericula, casus, adversa, prospera, Anna Augusta optima matris tuæ memoriam illustrabunt: neque enim hac varietas prohibuit, quo minus per pueritiam tuam cum in Procuratione Regni esset, ita rempublicam gesserit, ut id multo quàm acceperat amplius tibi tradiderit.

Quæ autem postea gessisti, ea supra quàm dici possit magnifica, atque excelsa
sum:

*sunt: nam cum tibi atas vixdum militia
patiens esset, hujus tyrocinium in victo-
riis, & triumphis posuisti, & nî regia
Virginis formâ, atque omni virtutum
quibus ornata est, genere fretus Amor,
arma victrici dextera tua detraxisset, vix
quidquam reliqui victis futurum fuisse
videtur. Sed idem hac ipse tibi reddidit,
uti quam duxisti tum uxorem, eam in bo-
norum suorum sicuti necesse fuit, possessionem
mitteres. Id certè ita facere cœpisti,
uti quæ singulis per prius bellum æstivis
fieri solebant, longe superaveris. Tunc
enim unum, aut alterum oppidum cape-
re operæpretium fuit, tu plures Belgii
opulentissimas Vrbes, cum amplissimâ cir-
cum regione in ditionem tuam, potesta-
temque redeigisti. Sed qui finis æstivis, non
is tibi moliundi, atque agendi fuit: neque
hyems, quam anni tempestatem natura
otio, ac quieti dicavit, eam attulit virtu-
ti tuæ, quæ certè suprâ ipsam naturam
est. Igitur paulum requietos milites ex hy-*

bernis in expeditionem evocasti, Sequanorum fines ingressus es, pleraque oppida naturâ, alia opere munita statim deditio-
nem fecere, Dolla ipsa caput gentis, diu antehac sed frustrâ ingenti belli mole oppugnata, ubi quantâ virtute, quantisque animis idem abs te gereretur, per biduum modò sensit, excidio suo deditio-
ne prævertendum rectè est arbitrata. Ita confectâ diebus omninò decem quàm tibi proposueras provinciâ, victor ad nos reversus es, atque adeò tibi triumphanti urbem inire licuit. Sed hac Imperatoribus Romanis perdomitâ hujusmodi provinciâ ampla merces visa; tibi verò ne Orbis quidem terrarum provincia nimis ampla, neque merces ulla satis digna pro virtute esse potest, quam si eadem porrò fortuna, atque celeritas comitabitur, illum quantumcumque est, maturè subegeris: neque enim tibi quisquam modum facere posse videtur, præter Vnum Te, ubi videlicet Te ipsum aliorum victorem vincere vo-

lueris : quæ profectò victoria cæteris omnibus præclarior est. Nam qui cæteros multi , qui se ipsos vicerint , pauci fuere. Sed nunc de tuis rebus amplius dicere non est consilium , quamobrem finem faciam , uti quæ de Principatûs tui primordiis scripsi , ea legendi , qui voluerint , initium facere possint. Vale.

Lutetiâ Parisiorum Calend. April. CIO. IDC. LXVIII.

*SUMMA PRIVILEGII REGIS
Christianissimi.*

LUDOVICUS XIV. Dei gratiâ Galliarum & Navarræ Rex Christianissimus, singulari Privilegio sanxit, ne quis per universos Regnorum suorum fines, intra decem annos à die perfectæ primæ editionis computandos imprimat, distribuât, aut alibi excusum venalem habeat Librum, etiam gallicè versum, qui inscribitur *JOANNIS LABARDÆI Matrolarum ad Sequanam Marchionis de Rebus Gallicis historiarum libri decem ab anno 1643. ad annum 1652. præter DIONYSIUM THIERRY, & CLAUDIUM BARBIN, Bibliopolas Parisienses, in quorum gratiam dictus D. LABARDÆUS cessit jure suo. Qui secus fecerit librorum confiscatione, & pœnis statutis in Diplomate Regio, mulctabitur. Datum Parisiis, die decima Martii 1669. Signatum, LE GROS. De mandato Regis.*

In publicas Bibliopolarum, ac Typographorum Parisiensium Societatis tabulas relatum, mense Aprilis 1670. Signatum, ANDRÆAS SOVERON, Syndicus.

Hæc prima editio absoluta fuit die ultima Octobris 1670.



JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER PRIMUS.
E P I T O M E.

Quid Ludovicus XIII. de Richelii morte senserit. Julius Mazarinus tunc primum in Consilium de Republica ab Ludovico adhibitus. De Charvignio, Nucerio, Butbillerio, Seguiero Cancellario. Angiani, & Mazaringi uter alterum præiret controversia. Gastonis in Aulam reditus. Ebersteini Monachi ad Aulam adventus, missi ab Trautmansstorffo explorandis Aula post Richelii obitum consiliis. Montacuti Angli item adventus, hic fautor Mazarino apud Reginam. Vurius, Bassomperæus, Carmainus custodiâ emissi. Fontenaii Marchionis apud Pontificem Regis Legati ab Roma secessio. Hyberna expeditio in Catalonia. Inter Urbanum Pontificem, atque Odoardum Farnesium Parmæ Ducem de Castro oppido bellum. Hispani Dertonam in Italia, Thomas Princeps Asturiæ villam novam recipiunt. Longavilla, & Avauxius de Pace Legati in Germaniam destinantur: de Charvignio qui & eo legaretur facta mentio. Nucerus Aula pulsus. Tellierius huic successus in Quatuorviratu. Hospitalio Campana, Lenuncurio Lotaringia decernuntur, Angiano Belgium cum exercitu. Morbus Ludovici Regis. Edicto Regni Procuratorum Regine uxori tribuit per filii pueritiam. Ludovicus moritur. Bellovacensis Episcopus, & Belfortius apud Reginam gratiâ valent. Ludovicus XIV. cum Anna Regina matre in Senatum venit. Quid eo decretum. Mazarinus apud Reginam omnibus gratiâ potior denique fuit. Abrogata Butbillerio summa Quæstura. Rupes regia ab Hispanis oppugnatur. De his Angiani victoria. Margaritæ Lotaringiæ Gastonis uxoris ad Aulam ab Bruxellis adventus, atque eorum celebratæ denuð nuptiæ. Almericus Contratubularius creatus. Baillleulio, & Avauxio summa Quæstura mandata. Quatuorviratum Charvignius abdicat, quem Regina Lomenio Brienne mandat. Reditus Mariæ

1643.

1643.

Robane Mombasone Caprosi uxoris ad Aulam. Castronovanus Montem rubrum suum aliter ab urbe lapide advenit. Robane Mombasone ut hic ad Reginam adire possit frustra operam dat, contra nitente Mazarino. Cognexii Praesidii ad urbem, atque in Senatum rediit. Diplomata ab Imperatore missa, quæ Regis Legati tunc Monasterium Vestphalorum ire possent. Angianus Theodonisvillam oppugnat. Ellebrovius capitis antehac ab Divionensi-Curia damnatus, Senatûs decreto absolvitur, atque huic Picardis Provincia redditur. Quid in Italia gestum. Navalis Brezæi cum Hispanis pugna. Philippi Hispaniæ Regis ad Casaraugustam adventus. Elixium frustra Hispani tentant. Monsionem oppugnant, ac redigunt ad deditionem. Guebriani in Germania Rotveilana oppugnat, atque ad deditionem redigit, dein ex vulnere moritur. Statrus Gallorum apud Dutlingam oppugnata, captique prope omnes cum Ramsario. Turenæ Germania Provincia cum exercitû decreta. Gassio Equitum Tribunus creatus. Belfortius in custodiam apud Vincennas conjectus. Bellovacensis Aulâ pulsus. Servianus Legatus cum Longavilla, & Avaxio in Germaniam de pace destinatus. Bellum Suecos inter, & Danos. Suecorum cum Racocio Transsilvaniæ Regula fœdus, cui Regem adscribunt. Valencæus Gallus, Lugo Hispanus Cardinales Romæ creati.



OSTQVAM ab negotiis, in quibus per adolescentiam versatus sum, fortuna me Principatûs hujus initio ad otium traduxit, hoc ita utendum decrevi, uti quemadmodum opera nostra nonnihil reipublicæ usque processit, ita & illud huic haud inutile videatur. Quamobrem statui quæ posthac memoriâ digna evenient, ea posteritati tradere, si modo nobis hujusmodi scribendi genus erit, quo ab oblivione vindicari possint: non enim hominibus mediocre ad res præclarè gerendas incitamentum est, si speraverint earum memoriam fore sempiternam.

* Armand
Jean du Plef-
fis de Riche-
lieu.

UBI *Armandus Joannes Plessius Richelius Cardinalis diem suum obierat, vir tantæ virtutis, ac famæ, quantam post hominum memoriam meritò consecutus est nemo: primum sicuti par erat, Ludovicus XIII. Rex talis hujus viri desiderium iniquo, ac constanti animo ferre: primores, plebesque mœstitiâ Regis ex ingenio suo imitari. Post ubi corpus elatum, atque communis hominum fati misericordia mentibus decesserat, ibi verò mortuo tanto acrius maledicere, quanto magis vivum metuerant. Id eò fiebat, quòd magnas cum Principibus viris pro Republica inimicitias susceperat, nec ea strenuè, ac fortiter geri domi, forisque potuerat, quin plebes vectigalibus premeretur: sed hæc, atque illi æquè Richelio insensî dum viveret, odium suppresserant, quòd post ejus mortem denique erupit, cum neque huic, neque ipsis quidquam nocere posset. Haud ingratus fuit Regi, quidquid utrique antehac sibi malè factum fuisset credebant, id eos Richelio tribuere, quò facilius adductus est, ut hunc è vivis subla-*

tum agrè ferre desineret: nam carmina adversùm hunc in vulgus edita cantavit, sicuti dempto severioris disciplinæ magistro gaudium, atque lætitiā agitaret. Et quod dicendum hic sit, post sumptum de Henrico *a* Ruzæo Quinquemartio, & de Francisco Augusto *b* Thuano supplicium, Richelius cum Ludovico acerbius quàm decebat cum Rege, egerat: quibus ob virtutem, & audaciā fidebat maximè, eos abigi importunè flagitando, ut ne horum opera si quid fortè ex Regum ingenio de se gravius consuleret, ad id patrandum uti possit. Fuere enim qui ita existimarent, Ludovicum de Richelii cæde ubi ad Narbonem anno proximo decreta profectio fuerat, Quinquemartio auscultasse: dein ubi patranda fuerat, religione impeditum animum, quoniam ille Sacerdos, Episcopus, & Cardinalis erat, ab tanto facinore abhorruisse.

Omnia tamen quæ Richelius moriens constituerat, de Provinciis, Oppidis, Arcibus, Præfecturis, Sacerdotiis, quæ ipse obtinebat, Ludovico rata, atque firma fuere: seu id tantæ hominis virtuti, magnique in se, atque in rem publicam meritis tribuebat; seu satis magnum se in ejus sola morte lucrum fecisse arbitrabatur. *c* Carolo Portæo Melderæo Britannia, *d* Armando Maillæo Brezæo Rei Navalis Præfectura, præterea *e* Broagium, Rupellæ cum vicino agro, Rea, atque Olerona insulae quibus Præfectus esset, data: Armando *f* Vignerotio Poncuriaio navium longarum Præfectura, Portus Gratiaë Arx, atque oppidum ad Sequanæ ostia, & Oceanum posita: Sacerdotia hujus fratri minori data.

Richelius duos Testamento scripsit hæredes, Armandum Vignerotium qui Franciscæ sororis nepos, atque Armandum Maillæum Brezæum qui Nicolæ filius erat. Illi *g* Richelianum prædium, huic *h* Fronfacum cum aliis utrique bonis attribuit, quæ postea utriusque filii natu majoribus, dein eadem serie nepotibus ovenirent: si alteragens deficeret, Richeliana quæ possedisset bona ad alteram transirent, atque cæteris in majore natu conjungerentur, is Richelianum nomen, atque insignia perpetuò gereret. *i* Mariæ Vignerotiaë Aquiloniaë quæ ipsi sororis filia, Vignerotio amita erat, Luxemburgenses suas Ædes in D. Germani Suburbio, Ruellium altero ab Urbe lapide Rus nobile, atque amœnum, atque alia item legavit: hæc Richelio erat carissima, atque hujus honoris causâ maximè Vignerotium delegerat, in quem omnem quam Richeliorum nomini addiderat gloriam transfunderet. Regi denique legavit suas apud urbem ædes, cum pleraque quæ in illis erat suppellectili, magnam argenti cælati vim, præterea gemmam insignem.

Armando Brezæo Clara Clementia soror erat, *k* Ludovico Borbonio Angiano nupta, cui ab Richelio Avunculo per nuptiarum pacta dos satis ampla dicta, cautumque fuerat, ut ea dote contenta nullam præterea in avunculi bonis haberet partem. Ludovico tamen, atque *l* Henrico Borbonio Condæo patri nonnulla spes fuerat, Richelium haud permanurum in hac sententia, cui longè gloriosissimum videri debere

1643.

a Ruzé de
Cinq-Mars
b De Thou.

c Le Maréchal de la
Melleraie.
d Le Marquis
de Brezé
Maillé.
e Brouage, la
Rochelle.
f Vignerot
Marquis de
Pont de
Courlay.

g Le Duché
de Richelieu.
h Le Duché
de Fronfac.

i La Duchesse
d'Aiguillon.

k Le Duc
d'Anguien.

l Le Prince
de Condé.

1643.

arbitrabantur, sororis filiam per has nuptias in Borboniorum regiam familiam transiisse; sed homini virtute, & rerum gestarum gloria, gratiâ, atque potentiâ pollenti, præterea ab ipso Rege (si fas est dicere) nedum ab Principibus viris coli, atque observari sueto, hæ nuptiæ, atque ea affinitas haud tanti quàm par erat visa, vel ex eo maxime, quòd eas Condæus cupidius expetiverat, gratiæ plus æquo serviens. Itaque Richelii nihil Brezææ doti Testamento addidit: id autore Aquilonia factum Condæus suspicatus, graves cum ea posthac inimicitias exercuit, neque maledictis in mulierem temperavit.

a Le Cardinal
Mazarin.

Cæterùm mortuo Richelio, cui Ludovicus omnem propè rem publicam permiserat, hanc sibi nunc omninò suscipiendam, capeSSendamque esse constituit. Eò frequentius habita Consilia, quibus tunc primum Julius a Mazarinus Cardinalis adhibitus est. Hic homo Romanus ob ingenii multa bona, magnaque in Galliam merita, civitate ante triennium ab Ludovico donatus fuerat, præterea hujus commendatione Cardinalis Romæ creatus. Jamdiu Reges nostri Cardinalibus in administranda Republica multum fidei habuere, nam hanc propinquis permittere fortasse religio fuit, ut ne gratia, atque potentiâ generi conjuncta transversos ageret. Cardinales is gradus viris etiam è regia gente Principibus exæquat, quòd fit ut in his ad summa quæque gerenda satis dignitatis sit, genus verò quod tametsi quandoque summum, haud unquam ferme regium est, præterea ordo Ecclesiasticus regnandi spem si qua in pravo suapte naturâ ingenio nasceretur, prorsus adimat. Ex hac Regum, ac Ludovici maxime disciplina Mazarinus in Richelii locum susceptus videbatur: quia tamen Rex quid de Richelio sentiret palam fecerat, naviter Mazarinus operam dedit, ut ne Ludovico suspicio incideret, sese eandem gratiæ, atque potentiæ famam expetere.

b Bouthillier
Comte de
Chavigny.
c Sublet de
Noyers.

Leoni Buthillierio b Chavignio, & Francisco c Subleto Nucerio magna apud Ludovicum fides erat, quorum ille negotia Regni quæ foris agenda, hic bellica procurabat, ambo maximarum rerum quæ pridem gestæ fuerant, Richelio adjutores, atque adeò qui in iisdem negotiis porrò versarentur, ab Ludovico digni habiti. Sed diversissima inter eos omnia fuere, quæ ex utriusque in Richelium cultu, atque observantiâ æstimare facile est. Nucernius corpore pusillus parva item, levia, & tenuia agitare, quin & quandoque servilibus officiis intentus multa haud satis sese digna, modò ut ad Richelium attinerent, curare, aut facere; huic cuncta obsequi, quæ diceret, faceretve, ea omnia juxta admirari. Interea quæ vulgi oculis objiceret ædificationes regias, auri argentique fabricam novam, Typographiam item regiam instituere, quò frequentior apud plebem sui inventio foret, quibus rebus magis, quàm ingenii viribus famam quærebat. Complures reipublicæ specie dimittebat in provincias sua disciplina imbutos adolescentes, qui nomen Patroni, gratiam potentiamque prædicarent, ipsis provinciarum Præfidiis, atque aliis graves, quibus illos minùs coluisse apud Nucernium sæpius fraudi fuit. At Chavignio cuncta excelsa, mens, animus, mores,

tota denique vitæ consuetudo, magnarum rerum peritia, dicendi, scribendique genus eximium, integra cum amicis juxta, & inimicis fides, ad hoc præclara facies, vis, & magnitudo corporis, præterea divitiæ, atque alia optanda bonis superabant. Quibus rebus tam carus, acceptusque Richelio fuit, uti sibi assiduitate apud eum minus opus esse censeret: huic nusquam nisi in republica dabat operam, liberè in omnibus quæ sentiret dictitans, nec falsam gratiam inire studens. Cupidus erat voluptatum, quibus honestis inter negotia spatium erat: nam in Regis Consilio, aut apud Richelium de omni republica sententiam dicendi, & cum Legatis agendi partes sibi sumpserat, quæ scribenda erant in iis aliena opera utebatur.

Sed inter Chavignium, & Nucერიum per Richelii tempora fuere similitudines, annitente Nucერიო per suos in Aula, atque in Urbe, præterea in provinciis clientes, uti primas apud Richelium partes habere videretur: per easdem sibi Cardinalatum destinari spargebat in vulgus, tametsi hunc Rex primum ^a Josepho Clerico Tremblaiο Capucino ab Pontifice petiverat, qui postea est in Mazarinum collatus. Sed vivente Josepho, cui vitæ finem adesse senectus satis indicabat, Nucერიus dabat operam, uti Richelio veniret in mentem hunc Cardinalem facere, rationemque inibat, quò id ipse nusquam affectasse videretur, atque Richelius eò se sua sponte adduci crederet: quod quidem fieri posse arbitrabatur, si ad hunc permaneret fama, ipsum ab omnibus idoneum, atque dignum haberi, qui Cardinalis crearetur: nam tametsi non erat ex Ordine Ecclesiastico, tamen cælibem vitam, pietatēque colebat impensius. Sed hæc de Cardinalatu ab Nucერიο excogitata vivente Richelio frustra fuerant; eo verò mortuo idem porro molitus est: neque jam Chavignium, quem gratia atque potentia anteciret, sed ipsum respiciebat Mazarinum. Hunc advenam, ac nuper civitate donatum, & Cardinalem creatum si eundem honorem assequeretur, facile ab se superari posse. Erat Regi Confessarius Jacobus ^b Sirmundus Jesuita, vir pietatis eximiæ, atque doctrinæ, cujus operâ Nucერიus ad Cardinalatum pervenire constituit. Igitur hujus consilii, ac spei plenus vitæ sanctitatem arctius colere, Regi in precum libris instituendis, cui reitum studebat, multis adesse, Consilio de republica habito solus ex Administris cum eo manere, atque unâ recitare cum Ecclesiasticis preces, quibus rebus efficere se posse sperabat, uti denique ab eo de Cardinalatu impetraret.

Hæc atque alia hujuscemodi Mazarinum impulere, uti de abigendo Nucერიο consilium caperet: quin & idem de Chavignio decrevisse plerique existimavere; nam quamdiu ambo in Aula forent longo rerum usu cogniti Ludouico, probatique, vix se primum apud hunc gratiæ, atque fidei locum habere posse credebatur. Nucერიum quoquo modo pellere nihil pensi habebat. Chavignium verò, cujus maxima erant in se merita, non ejiciendum quidem, sed tantisper honorificentissimæ Legationis specie procul habendum esse constituit: quæ uti pararet,

^a Le Pere Joseph.^b Le Pere Sirmund.

1643.

atque perficere, aliquanto tempore, magnisque opportunitatibus opus habebat.

a Bouthillier
Sur-Inten-
dant des Fi-
nances.

b Claude
Bullion.

Chavignio pater erat Claudius *a* Buthillierius regni Quæstor summus, postquam Quatuorviratum quem Leo filius gereret, dudum abdicaverat, atque in hoc Magistratu Regi, atque Republicæ egregiam navaverat operam: summam deinde Quæsturam cum Claudio *b* Bullione, validi ac propè ferocis ingenii viro per decennium gesserat, ita ut cuncta ex hujus voluntate faciunda essent: postea ipse unus per triennium hunc Magistratum gessit, magna cum probitatis atque integritatis fama, quam ipsi denique fraudi fuisse plerique existimavere: nam id obstat, quoniam alii per rei publicæ damna familiari augende, ut fere fit, operam darent; quamobrem huic summam Quæsturam abrogatam volebant.

Igitur hanc hominem pellere aggressi sunt, atque id filii voluntate fieri posse videbatur. Ipsi ad eam atque uxori persuadere nitentur, horum maximam interesse, uti Buthillierius summam Quæsturam abdicaret: Hunc neque sibi, aut suis, neque aliis consulere satis fere, longè præstare alium ex amicis, & clientibus Chavignii hunc gerere Magistratum ex voluntate Patroni. Præterea dicebant in novo Principatu, quem infirma Regis valetudo portendebat, difficiliora omnia fore: nam per Regis filii pueritiam Principes viros omnem sibi regiam pecuniam expeturos, quæ si non dabitur, vestigalia, portoria, tributa in provinciis quas obtinent, interversuros, ut agrè denique Regis, & rei publicæ sumptibus suppeditari posse videatur, nisi si corrogandæ pecuniæ pleraque fiant insolita, quæ vix Buthillierius incipere ausi, aut vellet. His atque aliis hujusmodi sermonibus permotus Chavignius patri suadere conabatur, uti summam Quæsturam abdicaret, neque id pro amicitia celabat Mazarinum: Buthillierius verò qui nihil videret, quamobrem quicquam rectius etiam difficillimis quæ impendere videbantur temporibus, summam gerere Quæsturam posset, nusquam adducebatur, ut in hac abdicanda filio morem gerere vellet. Cæterum ea est summa Regni Quæstura, quam vix quisquam lubens deponat. Apud Chavignium ea tempestate multus erat, frequensque *c* Renatus Longolius Maisoniensis, in Senatu Præses, illi dudum amicus ac familiaris, cui summam Quæsturam mandari voluisset, quæ Chavignii sententia Jacobo *d* Thubovio maximè probabatur. Is unus è minoribus *e* Quæstoribus est, cujus opera primum *f* Antonius Ruzæus Effatus, dein Bullio, atque unà Buthillierius, ac postremò hic solus in summa Quæstura gerenda usi sunt, qui item apud Chavignium frequens erat.

c Le Président
de Maisons
René Longolius,
d Thubœuf,
e Intendant
des Finances.
f Le Marquis
d'Effat.

g Pierre Seguier.

h Secrétaire
d'Etat.

Buthillierius cum Mazarino, & *g* Petro Seguiero regni Cancellario, ab Rege in consilium de republica adhibebatur; atque hi tres Regi consulenti assidebant: *b* Quatuorviri de more stantes aderant, inter quos Chavignius, atque Nucernus. Petrus Seguierus ab Senatu in quo Præses erat, in Aulam ab Rege, Richelio autore, ante decennium vocatus fuerat. Is judiciarum, atque earum quæ ad Aerarium pertinent rerum peritissimus, has in regio, cui per Regis absentiam præesse solet Consilio ita trac-

tabat, ut id nemo usque rectius omnium iudicio fecerit. Cæterum huic ea dicendi facultas & gravitas, quæ primum regni Magistratum decebat, præterea in immensa negotiorum mole summa animi tranquillitas, quin & sæpius otium est, mira ingenii ad omnia plusquam sufficientis facilitate quasitum. His Administris Ludovicus republicam gerebat, quibus propè par apud hunc gratia, atque fides, quod Mazarino molestum, nam qui cæteros dignitate antecelleret, ita & fide, atque autoritate præstare æquum censebat.

Sed huic intercedebat magna cum Ludovico Borbonio Angiano controversia, nuper Narbone cæpta; dum eò Richelius morbo tenebatur. Nam Angianus more majorum Cardinales, atque adeò Mazarinum anteire decreverat, atque id ab Henrico patre in Richelio interruptum in usum, & pristina consuetudinem revocare. Igitur primum id apud Lugdunum in a Alfonso Cardinale Richelii fratre, Lugdunensi Archiepiscopo, dein apud Narbonem in ipso Mazarino tentaverat; quod Richelius tam violenter tulerat, uti continuò Regis Rescriptum fieri curaret, quo cavebatur Cardinales in Gallia omnibus viris, tametsi è regia gente Principibus præturos, filiis modò, atque fratribus Regum exceptis; cui Rescripto, vivente Richelio, Angianus parere coactus est. Sed eo mortuo Mazarinum anteire planè constituit, quo fiebat, ut hic cum uterque in veteri Regia apud b Germanifanum agigaret, cubiculo egredi non auderet, ut ne in Angianum incidere, ferocem sicuti genus, & ætas ferebant adolescentem. Huic dirimendæ controversiæ suam Chavignius impendit operam, amboque eò adduxit, ut aliud Regis Rescriptum fieri utrique placeret in hanc sententiam, scilicet ut in Templo, ac cæteris quæ ad sacra pertinerent, Cardinales viris è regia gente Principibus præirent; at quocumque aliò his primas concederent. Haud ingratum Chavignio fuit, eo pacto sentire Mazarinum, quid inter se atque Richelium interesset: nam illi cautio erat, ut ne Mazarinus eòdem sibi spiritus sumeret, seque ab cæteris Administris perinde, ac Richelium coli, atque observari vellet. Eò impensius Chavignius operam dabat, uti cum eo nihil de solita familiaritate, jocos, cæteraque libera sicuti inter æquales agendi ratione remitteret. Id verò quanto gravius advertebat Mazarinus, tantò accuratius dissimulabat.

Ludovico Regi frater unicus erat c Gasto Aurelius Dux, bonus, atque amicitia facilis, qui anno proximo, Quinquemartii impulsu, suadentis uti Richelium ab re publica, quam Ludovicus huic omnem permittebat, amotum vellet, ea gratia cum Hispanis hostibus fecerat foedus. Quod ubi cognitum Ludovico, jure in hunc jussu agi, uti res omnis in aperto esset, ac de his qui ipsi conscii fuerant, supplicium more majorum sicuti factum est, sumeretur; illi autem delicti gratiam fecerat. Sed cum hunc postilla puderet fratri venire in conspectum, sponte d Blefiam ad Ligerim amnem prædium suum concesserat. Tunc verò mortuo Richelio, cui Rex haud diu superstes fore videbatur, Chavignio venit in mentem cum eo Gastonem in gratiam reducere,

a Le Cardin
mal de Lyon.

b S. Germain
en Laye.

c Gaston Duc
d'Orléans.

d Blois.

1643.

a Louis Bar-
bier, dit Abbé
de la Rivière.

b Le Comte
de Bethune.
c De Bour-
deilles Com-
te de Mon-
teior.

d Le Duc de
Liencour Ro-
ger d'Alles.

atque adeo operam dare, ut in Aulam rediret, quod quidem ita faciendum existimavit, ut ex eo sibi maximam Gasto debere gratiam crederet, atque hanc ubi opus esset, referret. Id rectè consultum cum Mazarino cui conjunctissimus erat, communicavit, atque ambo decrevere Ludovicum Barberium *a* Rivieram Abbatem, cujus Gasto tum erat in potestate, ad Urbem accersendum, cum quo ea de re agerent. Gastonis Cancellarius dudum Chavignius erat, qui tametsi Richelio ex publicis, privatisque negotiis fuisset obnoxius, Gastonis tamen, & commodis, & famæ sæpius servierat, quò sese hujus benevolentiam promeruisse jure arbitrabatur. Sed ubi Rivieram de Gastonis rebus ut ad Urbem venire vellet rogavere, ille verò se id facturum negavit, nisi si ab *b* Bethunii Comitibus, atque *c* Burdelii Monthefaurii injuriis se tutum præstarent, nam uterque illi crudeliter minabatur, hic ex gratia Gastonis nuper ab Riviera sibi crepta, alter ab eo proditiōis iniunxerat, sicuti fœdus inter hunc, & Hispanos factum Richelio patefecisset, quod falsissimum fuit. Mazarinus, & Chavignius uti Riviera de Bethunio metum abstergerent, hujus per *d* Rogerium Pleesium Liencurium postulavere fidem, qui cum ut hanc daret adduci nequiret, postremò Regis litteris ea de re acceptis coactus est iræ atque vindictæ temperare: de Monthefaurio qui tum longè aberat, haud ita laborabatur. Ita Riviera venit ad Urbem denique, cum quo de Gastonis in Aulam reditu transactum. Sed tum incidit suspicio Chavignio consilium esse, uti Ludovicus Gastoni fratri, æquè ac Annæ uxori Procuracionem Regni mandaret, ubi ipse è vivis discessisset, quâ suspicione Nucernæ Reginae animum implevisse ferunt, unde hujus in Chavignium odium cœperit.

Sed Gasto, facta ab Rege potestate, in Aulam redit, ab hoc benigne, sicuti fratrem æquum erat, acceptus: Ubi primùm ad Regem adiit, hujus genua advolvi conatus, ab ipso manibus sublevante prohibitus est. Oratio illius, sicuti res monebat, submissa, & quantum præteritorum pœniteret significavit. Id Aula coram, atque de industria magis quàm ex animo, atque uti fert natura factum, omnibus in vultum utriusque intentis: mox ubi sub noctem Ludovicus corpus curabat, discussisque diurnis curis liberius agendi facultas fuit, ibi verò rursum Gasto de facto suo tanta cum doloris significatione locutus est Regi, ut hunc misratio simul cum fraterno amore caperet. Ita se omnium quæ Gasto secus fecerat, oblivisci declarat, bono animo esse, atque ab se quæ ab fratre, aut patre æquum sit sperare jubet, quo demum pacto gratia inter fratres serio conciliata.

Richelio persuasum fuisse ferunt Regem, quâ erat infirma valetudine haud diu victurum; seque huic superstitem fore, atque adeo rationem finire voluisse, quemadmodum Procuracionem Regni obtineret, interea dum Ludovici, atque Annæ Reginae filius adolefceret. Hæc per hujus pueritiam ubi pater è vivis abiisset, in Annam matrem, aut in Gastonem patrum more majorum recidebat. Ita necesse erat Richelio dare

dare operam, uti neuter ad hanc Regni Procuracionem idoneus haberetur. Anna Philippi IV. Hispaniæ Regis soror est, adversum quem dudum Ludovicus gerebat bellum, neque eò minùs Annam ad eum clam Rege litteras dedisse constabat, quin & Richelius quibusdam hujuscemodi litteris interceptis hanc quod in eo peccasset, id fateri scripto coegerat, scilicet longè ante providens ea quæ sibi usui postea forent. Namque hæc fuit homini disciplina, ut ubi quis ex amicis, aut clientibus graviusculam commoverisset culpam, hanc ei primùm condonare, eà lege, uti se admisisse scripto fateretur. Ita hos sibi magis, magisque obnoxios habere studebat. Præterea insertum in quodam Edicto fuerat quidpiam, quo in dubium vocabatur rectène, atque ordine Regni Procuratio foeminis permetteretur. Ad hoc Richelius nuper cùm ipse apud Narbonem implicitus morbo, Rex in castris circum *a* Perpinianum esset, Annam ab Rege accersi curaverat, uti per illius absentiam filii duo qui apud Germanifanum erant, *b* Ambosiam, aut *c* Vincennas deducerentur, essentque in sua potestate, quæ res uti Regni Procuracionem obtineret, si quid humani accideret Ludovico, magnum habebat momentum. De Gastone haud difficile videbatur huic illam adimere, nam quæ sæpiùs deliquerat, ea in aperto erant. Itaque Richelius palàm hunc impugnaverat, quod æque rei publicæ illum, ac suà causâ fecisse existimo, nam quod ea de re perscriptum Edictum fuerat, id illius voluntate postridie quàm obierat mortem, in Senatu promulgatum est: nisi si cui credere lubet, tantùm humanæ prudentiæ in ipso vitæ fine reliquum homini fuisse, uti quod ambitioni suæ serviendo designasset, id vno rei publicæ studio factum videri voluerit. Quoquo modo se res habeat, hæc Gastonis famæ labe in hærebat, quæ postea Regis benignitate, aque temporum, rerumque commutatione item Edicto regio subblata est.

a Perpignan.*b* Amboise.
c Châteaude Vincennes.

Eà tempestate Germanifanum advēnit quidam *d* Ebersteinus Monachus ex Dominicanorum Ordine cum litteris quas *e* Maximilianus Trautmanstorffius ad Richelium dederat: hæc Mazarino redditæ, quibus Trautmanstorffius significabat Ferdinandum III. Imperatorem Pacem cum Rege factam velle, de quâ re Ebersteino fidem habere possēt. Sed is quæ in mandatis haberet scripto edere jussus, nihil admodum his quæ in litteris perscripta erant, addidit, nihil de Suecis, atque aliis, quos Ludovicus in belli societatem adsciverat, ut & cum his pax unâ sanciretur, nihil de Pacificatoribus, quorum operâ controversiæ minuerentur, nihil denique de die ad quam omnium Legati, & de loco quo convenire deberent, rem tantam incepturi: prorsus uti fides fieret Ebersteinum ab Trautmanstorffio missum, uti quid nobis animi, aut consilii post mortem Richelii esset, exploraret, tametsi ad eum se scribere sinxerat. Ebersteino sic est scripto responsum, haud minus Regi, quàm Ferdinando placere pacem, sed hanc sicuti convenerit cum cunctis unâ faciendam, qui Pacificatores esse debeant, eorum operâ in eo negotio utendum videri, neque usquam discedendum ab eis, quæ apud Ham-

d Le Pere
d'Eberstein.
e Le Comte
de Trautman-
storff.

1643.

burgum ab omnium Legatis sancita fuerant. Cum hoc responso dimissus est, quod omne negotium statim cum Suecis est communicatum, ut ne quid Regem cum Ferdinando seorsim agere suspicarentur.

Cæterum Trautmanstorffius Ferdinando carus, acceptusque est, ac negotiorum Curator fidus, cui omnem, quantum Imperium ejus in Germaniâ patet, rempublicam credidit, more, institutoque aliorum Principum, qui hæc tempestate regnant, scilicet, quibus dulce visum labori parcere, atque alienâ operâ pro suâ uti, tametsi ea res multos ob naturam mortaliū Imperii avidam recipiat casus, quos effugere, quàm subire fatius est.

* Momaigu.

Post paulò * Montacutus Anglus ab Henricâ Ludovici sorore Britannicæ Reginâ missus ad Regem venit, hunc Henricæ verbis de Richelii morte consolaturus: sed neque Rex consolatione magnoperè egebat, neque Henricæ Richelium obiisse ægrè erat, cui scilicet ejus omnis ratio postquàm Carolo Britannicæ Regi nupserat, minùs probabatur, atque adco huic iniquior fuerat. Henrica enim Gallici moris nimium retinens, cum Britannis concordare nusquàm poterat, sed quosdam modò sicuti hunc Montacutum, paucosque alios acceptos habuit, quò factum est, ut ipsa, atque illi popularibus invisi essent, neque ea res leve adversis viri rebus momentum denique attulit. Hæc tum Hagæ Comitum apud Batavos exulabat, opperiens si fortè quid sibi, ac Carolo Regi in Henrico Nassavio *b* Arausiorum Principe præfidii foret, nam illorum filia Guillelmo Henrici filio nupserat.

† Prince d'Aurange.

Sed Montacutus apud Germanifanum morabatur, & apud Annam Reginam multus erat, frequensque. Hic in Henricæ Aulâ adoleverat, aptus se mulierum negotiis admiscere, quarum operâ pleraque in republicâ fiunt. Ita se res habebant in Galliâ, ob infirmiores in dies Regis valetudinem, ut ab eo Henrica nullam haberet auxilii spem: restabat igitur nihil, nisi in futurum prospicere, Reginam ambiendo, quæ Procurationem Regni brevè habitura videbatur. Id faciebat Montacutus sedulo, dudum Reginæ cognitus, atque omnis Aulæ nostræ prudens, in quâ sæpius versatus fuerat: præterea multarum rerum Reginæ conficiens, quæ ipsi cum * Mariâ Rohana Mombasona Caprosi uxore intercesserant: hæc mulier Reginæ carissima erat, atque ejus causâ varios subicrat in Galliâ, Hispania, atque Britannia casus. Montacutus in multis haud dissimilis erat Mazarino, quibus amicitia pridem inter eos facile constata. Fuere qui ita existimarent Mazarinum hujus operâ usum, uti sibi Reginæ gratiam conciliaret, atque id Montacutum & sibi, & Henricæ vltui futurum credidisse.

* La duchesse de Chevreuse.

Id Chavignio clam fiebat, tametsi Montacutus huic amicus esse videbatur: sed amicior erat Mazarino, ad quem cum sæpius ab Reginâ commearet, quandoque accidit, uti Chavignius ab Mazarino exiens in illum incideret, in proximo Conclavi expectantem, usque dùm Mazarinus ab cæteris negotiis vacuus foret: continuo Chavignius officii plenus regrediebatur ad Mazarinum, monebaturque illic adesse Monta-

1643.

cutum, ibi verò ille sicuti sibi molestum esset, ægrè introduci hominem jubebat: ita Mazarinus clam quod in tali negotio maximè necesse est, sibi viam ad hanc quam jam obtinet gratiam, potentiamque sternebat. Huic præterea fautorem apud Reginam, atque adiutorem fuisse aiunt Henricum a Beringanum, invitum antehac Richelio, atque eà causâ exulare iussum, cujusmodi omnes tum erant Reginæ carissimi: præterquam quòd huic per Richelii tempora multorum quæ adversum eum movebantur, conscius, ac particeps fuerat. Reginam aiunt in his quæ ad rempublicam domi pertinerent, se b Augustini Potieri Bellovacensis Episcopi consilio, judicioque usuram credidisse, in his verò quæ foris agenda essent, Mazarinum sibi utilem Administrum fore, sicuti Ludovico post Richelii obitum erat: neminem omnium cuncta negotia quæ Regi cum omnibus foris Principibus intercedant, magis callere, quod planè necesse sit, uti rectè gerantur: sed id huic maximè apud Reginam profuisse putavere, quòd ejus magis, quam Galli hominis operâ pacem se cum Philippo fratre facturam crediderit, Gallis ab naturâ insitum in Hispanos odium esse, quòd Mazarino nullum sit, diù multumque in Hispania versato, præterea Cardinali Italico, cujusmodi homines sibi Hispanos aduersos esse nolint. Hæc ab hujus fautoribus opportunè Reginæ subjecta illi magno usui fuere, ita ut posthac hunc omnibus Gallis in omni republicâ gerendâ prætulerit. Cæterum Reginæ studium pacis inter Ludovicum filium, & Philippum fratrem conciliandæ fuisse nemini mirum fuerit, atque divinitus accidisse videtur, ut in hanc eà causâ summa rerum reciderit: nam id Galliæ non modò, atque Hispaniæ utile futurum erat, sed & ad universam rempublicam pertinebat: neque majus quidquam, aut rectiùs facere potuit, quòd suam in Regni per filii pueritiam Procuracione prudentiam apud posteros commendaret. Certè ipsi Richelio ubi primùm inter ambos Reges bellum coeperat, tantum ejusdem pacis studium fuit, uti post primam Gallos inter, & Hispanos pugnam, in qua nostri victores fuerant, de illâ faciundâ cogitaverit, atque eodem Mazarino interprete usus fuerit, ut hanc suam sententiam Hispani resciscerent: sed hi haud sibi committendum existimaverant, ut uno modò, neque eo gravi accepto incommodò animum despondisse viderentur.

Chavignius interea haud satis sibi consulebat apud Reginam, neque prospiciebat quantum sibi periculi impenderet. Facile dudum huic fuerat per Buthillerium patrem magnam apud Reginam gratiam inire, scilicet hujus sumptibus suppeditando è pecunia regia, cujus omnis impensa ferme summi Quæstoris quem Magistratum Buthillierius gerebat, arbitrio fieri solet: sed neuter ad id, aut ad aliud quidpiam quòd Reginæ gratiam promererentur, animum adjecerat.

Postquam Gasto cum Rege redierat in gratiam, c Franciscus Bassompereus, Nicolaus Hospitalius Vitrius, ambo Tribuni Equitum, & Adrianus Monlucius Carmainus Comes custodiâ emissi sunt, atque rus procul ab Aulâ abire iussi: Bassompereus, & Carmainus per Richelii

a Beringhen.

b Augustin Potier.

e Le Mar-
chal de Bas-
sompierre.
Le Maréchal
de Vitry
Le Comte de
Carmain.

1643.

a E'coubleau
de Sourdis.

tempora quædam adversum hunc temerè dixerant, fecerantque, quod eâ tempestate gravius crimine Majestatis erat. Vitrius cum Henrico a Escobello Surdio Burdigalensi Archiepiscopo asperius egerat, quàm cum tali dignitate viro æquum esset, scipione quem præ manibus habebat hominem pulsando, hic tum in Provincia erat (quam Vitrius obtinebat) uti Classi Gallicæ præficeret, quam illi Rex autore Richelio Rei Napolis in Gallia Præfecto permiserat.

b Le Marquis
de Fontenay
Mareuil.c Le Pere
Michel Ma-
zarin.d Hugue de
Lionne.e Le Comte
de Servien.

Exeunte anno proximo Franciscus Duvalius b Fontenaius Marchio Ludovici apud Urbanum VIII. Pontificem Legatus Regis injussu Româ discesserat, ad hunc pertinere arbitratus, quòd Pontifex c Michaelen Mazarinum Julii Cardinalis fratrem ex Ordine Dominicanorum cujus Ordinis Generalatum nuper sibi mandatum gerere vetuerat, deinde vocari in jus, ac postremò detrectantem rapi jussierat, tametsi Fontenaius Pontificem impensius orasset Regis verbis, ut hujus honoris causâ id omittere vellet: negabat enim Pontifex id ad Regem quidquam attinere, sed aliter sentiebat Fontenaius Mazarino gratificari studens: itaque sicuti Pontifex grave quidpiam in Regem admisisset, Urbe decessit. Erat tum apud Fontenaium d Hugo Lionius vivente Richelio in Italiam missus Mazarini operâ, ad quem se nuper applicaverat, quia hic e Abeli Serviano antehac Quatuorviro Lionni Avunculo amississimus fuerat. Is ex voluntate Patroni mandata ab Rege ad omnes Italiæ Principes habebat, quod faciliè Mazarinus & ab Richelio, & ab Chavignio impetraverat: magnificum enim tunc erat Mazarino suam apud Regem, & Richelium gratiam Italicis Principibus ostentare, sibi que ab eis magnam super Italiæ rebus haberi fidem, quas & sibi, & clienti suo permitterent. Hoc autore magis, quam suâ sponte, judicioque Fontenaium Româ discessisse ferunt: nam Lionno ad famam Patroni pertinere visum, Pontificem sentire, quam violentè Rex laturus esset Mazarini fratrem ab illo tam malè habitum.

Posteâ verò Fontenaio eam rem in otio cum animo reputanti haud tanta est visa, uti propterea discedendi consilium capere debuisset. Igitur non eâ modò causâ se, sed & quòd Pontifex de pace cum Odoardo Farnesio Parmæ Duce fanciunda, de admittendo Joannis Lusitanæ Regis Legato, postremò de omni alia re ferme Ludovico negare, abiisse vulgavit. Cæterum inter hæc mortuo Richelio quod Fontenaius fecerat, id Mazarino, & Chavignio annitentibus Ludovico faciliè probatum. Ipsi tamen edictum, uti qui tum Venetorum res Romæ procurabat, ejus operâ salvâ suâ, Regisque dignitate Romam redire niteretur. Sed ubi recessit Pontifex Mazarinum cum gratiæ locum apud Regem tenere, uti deinceps huic de omni re publica, ac maximè quæ ad Italiam attineret, magna fides haberetur, Michaëli quidem fratri Generalatum Ordinis Dominicanorum abrogavit, cæterum sacri Palatii Magistrum creavit, qui honos in doctissimos hujus Ordinis viros usque collatus fuerat: de Lusitanæ autem Regis Legato admittendo, & de pace cum Odoardo Farnesio fanciunda, cæterisque negotiis Pontifex, atque Bar-

berini benignè in speciem Fontenaio polliciti sunt, neque tamen promissa apparuere, nam postquam Mazarino de fratre fecerant satis, nihil præterea opus esse probè scibant.

Principio hujus anni Februario mense a Inojosa Marchio Hispanus tribus peditum millibus, & quingentis equitibus fretus in Ampulstæ regionem, quæ ultra Iberum amnem in Hispaniâ sita est, hybernandi causâ venit. Eò præter *b* Flixium, quod est oppidum ad Iberum amnem, & *e* Miravæzem, cætera omnia loca ad propugnandum infirma sunt, si igitur duobus illis oppidis potiretur, nihil fore negotii credidit, quin cæteram omnem regionem in ditionem Hispaniæ Regis brevi redigeret. Primum igitur ad Flixium movit, quò ubi posuit castra, subito Iberi aquæ immensum crevere, ita ut Hispani castra propèrè movere cogerentur. Post paulò Inojosa pedites mille, atque equites centum Miravæzem versùs misit, qui oppidum oppugnarent: hi ubi collocatis opportunè tormentis id facere sunt aggressi, subito *d* Mottæus hac de re factus certior Iberum traduxit copias: Equitum Alæ fuere tres, atque Sclopetarii octingenti, qui cum omni equitatu Moram inter, & Miravæzem confedere, dein Sclopetarios octingentos ipse dimisit in oppidum: hi postridi eruptionem fecere, dum Mottæus cum equitibus hostes diversâ parte adortur, qui post acre prælium fusi denique, fugatique sunt, cessante Inojosa, qui haud procul cum reliquis Hispanorum copiis apud Gandesam erat, confusus nondum omni dilapsâ aquarum in Ibero vi Gallos hunc haud superaturos. Cæsi ex hostibus complures, capti quadringenti, qui Barcinonem deducti sunt, cujus triumphus tametiâ exigui speciem Mottæus & plebis, & amicæ mulieris oculis obicere studuit. Sed isthuc hujus haud sanè magnum operæpretium Nucerio inflatus multò, quàm res erat, Regi narravit, quò tandem hunc adduceret, uti *e* Cardonam prædium in Cataloniâ nobile, atque opimum cum Ducatûs titulo Mottæo dono dare vellet. Id quoniam hujus Dominus Philippi Hispaniæ Regis partes sequebatur, tum vacuum fuit, atque adeo Ludovico copia erat, aut id retinere sibi, aut alteri cui videretur, dono dare. Illud suadebat prædii amplitudo, quæ non exiguam Cataloniæ partem complectitur, & cujus uberrimi fructus sunt, haud leve sumptibus in hac provinciâ sustinendo bello faciendis adiumentum. Postremò tamen Rex eadem de re sæpiùs ab Nucerio fatigatus, ægrè adductus est, uti Cardonam Mottæo dono daret, cujus hunc rei brevi poenituit.

Intercà Mazarinus in Italiâ per Lionnum clientem multa, magnaque movebat. Bellum erat inter Urbanum Pontificem, & Odoardum Parmensium Ducem, cujus opimum, atque nobile prædium *f* Castrum Urbanus publicaverat. Id prædium in agro Pontificio est, Pontificibus aut vectigale, aut obnoxium. Ingens Parmensi æs alienum Rome fuit, cujus forti, atque usuris solvendis prædium pignori oppositum erat. Cessabat jamdiu Parmensis, neque de annuis usuris creditoribus faciebat satis, eò Pontifex Castrum sicuti dudum exoptabat, sibi vindicare constituit, id Cameræ sicuti appellant, Apostolicæ attribuendo, atque

a Marquis
d'Inojosa.

b Flix.
c Miravæz.

d Le Maré-
chal de la
Motte.

e Le Duché
de Cardone.

f Le Duché
de Castro.

1643.

æſ Parmenſis alienum diſſolvendo, aut cavendo creditoribus. Id ex ſententiâ facile factum, quoniam Caſtrum haud procul Româ poſitum eſt, neque Parmenſi qui longiùs agitabat, Caſtri defendendi copia fuerat. Sed is tùm recipiundo Prædio adverſum Pontificem ſumpſerat bellum, quod uti conditionibus componeretur, Mazarinus Parmenſi cum Pontifice pacem ſuadebat, aut inducias, Pontifici autem uti Caſtrum tantisper alicui permitteret, intereà dùm de omni quam habebat cum Parmenſi controverſiâ diſceptaretur, ac demùm conveniret. Hancipſam nuper Odoardo tulerat conditionem Spada Cardinalis Pontificis Legatus, ut hujus fines cum exercitu ingreſſum moraretur, dein ex Italico- rum hominum ingenio ludificaretur. Rurſum Parmenſis Mazarinus ſua- dere conabatur, ut omiſſâ totius hujus negotii in præſens curâ copias cum Ludovico Rege pellendis Italiâ Hiſpanis conjungeret. Hujus rei amplam ipſi fore mercedem, cunctâ quæ huic finitima Hiſpani poſſideant. Intereà Pontificem ſenio gravem occaſurum, aliam fore novo Pontifici de Caſtro ſententi- am, cui Pontificatus initio pacem bello potiorem futuram, Ludovico maxime annitente, uti Caſtrum Parmenſi reſtituatur: poſſe intereà cum Urbano fieri In- ducias, ſatius id illi eſſe, quam ſolo a Francisco Aſtentino Mutinæ Duce adiutore adverſum Pontificem bellum fruſtra continuare, cui propulſando longè par ſit. In eorem, atque operam Parmenſem planè perdere, ni Venetos in ſocietatem belli ad- ducat. Sed eos ab hac ſententiâ alienos eſſe, iſtuc ab eorum Legato reſcitum, quò magis Inducias cum Pontifice fieri, atque aliò transferri bellum in rem Parmen- ſis eſſe videatur. Quin & eo pacto Venetos uti bellum adverſum Hiſpanos ſumant, adduci poſſe: nam antehac quominus id facerent ſeſe prohiberi dixiſſe Pontificis copiis, quæ haud procul finibus ſuis ſint: ſibi curæ eſſe quorũ ejus conſilia eva- derent: ſed ubi hæc per Induciarum conditiones dimiſſæ fuerint, nullam amplius Venetis de iis fore ſollicitudinem. Lionno tamen præceptum fuerat, ut hæc Regi placere diceret, modò ut & Parmenſi placerent, ſin aliter ejus ſententia eſſet, huic omninò morem gereret, atque omnia ex ejus vo- luntate faceret. At Parmenſis talia conſilia aſpernatus, incerta pro certis captare nequaquàm decrevit, atque ex Lionni oratione incidit ſuſpicio, Mazarinum Urbano, atque Barberinis quàm ſibi æquio- rem eſſe; ſcilicet hæc eò pertinere, uti Caſtri oppidi per Inducias poſſeſſio ipſis pro jure denique quodammodò foret, atque ipſo id prædium poſſidere de- diſceret. Igitur bello jus ſuum porrò perſequi decrevit, atque interim ſuo iſthic Procuratori ut ne poſthac de rebus ſuis cum Mazarino agere velit, interdicit: quod quidem hunc haud ſatis rectè feciſſe cenſeo. Nam qui gratiâ, & potentiâ valet, cum non ſuo ſæpiùs, ſed tuo damno laſce- ris. Poſtremò Parmenſis nihil ſibi ab Galliâ præter mera apud Pontificem pro ſe verba ſperandum eſſe probè judicans, Venetos, atque Ferdinan- dum Etruriæ Ducem ad belli ſocietatem impellit. Parmenſi cum iis ſœ- dus intercedebat, tuendis Parmenſis, atque Placentini agrorum fini- bus, quò faciliùs convénit, ut & ſibi recipiundo Caſtro, atque Pontifi- cis, Barberinorumque conſiliis diſturbandis adiutores eſſe vellent: nam rem communem agi, neque committendum uti Pontifices pro ſuâ, aut

• François
d'Efſe, Duc
de Modene.

suorum lubricine hos, vel illos Italiæ Principes spoliare, & possessionibus suis ejicere sinant.

1643.

Jam tùm Mazarinus Francisci Atestini Mutinæ Ducis animum per Lionnum tentabat, ut hunc ab Philippi Hispaniæ Regis clientelâ ad Ludovici partes adduceret. Ab Hispaniâ redierat nuper ingentibus promissis oneratus: sed hæc Hispani nusquam repræsentabant, tædebatque Principem virum sese ab his ludibrio haberi, atque adeò haud difficulter huic persuasum, ut eorum partes ubi primum opportunum foret, desereret. Porro eâ tempestate & Fontenaio Romæ, & Lionno qui tùm apud Venetias erat, nuntiatum est a Medinam Torresium Neapoli Proregem res novas moliri, atque ab Philippo Hispaniæ Rege postulare, ut hanc sibi provinciam prorogaret: quod si negaretur, nusquam tamen hanc depositurum, si de Ludovici auxilio certus foret: hæc quidam missus ab Medinâ dicebat, affirmabatque, cæterùm nihil ab ipso Medinâ quo fidem faceret, attulerat. Messianæ in Siciliâ quidam de illâ Ludovico tradendâ consilia inierant, quòque pacto id fieret, constitutum fuerat. Ex composito naves Gallicæ duæ propius urbem advenère, signa de quibus convenerat, utrimque edita, cæterùm naves re infectâ discessère. Nam magnum, & memorabile facinus animo agitare cuivis etiam ignavo, fortissimis modò perficere copia est.

a Medina de las Torres.

Anno proximo b Dertonam in Italiâ quæ procul in hostico posita est, Padum inter, & Ligurum fines c Henricus Aurelius Longavilla in dedicationem redegerat, quam Hispani maturè oppugnare hoc anno decreverunt, priusquam ab Galliâ copius nostris quæ in Italiâ hyemaverant, supplementum, aut aliæ copiæ venire, atque cætera hyendo oppido, atque arci satis provideri, atque administrari possent. Id oppidum d Thomæ Sabaudico viro Principi Ludovicus dono dederat, neque eo minùs præsidium alebat, atque huic curabat stipendium. Sed Thomæ qui trans Alpes incolit, facilius erat, quàm ipsi Regi quæ ad defendendum oppidum essent necessaria, ea ex propinquo providere, atque mittere. Postulaverat dudùm, ut in Italiam Rex peditum tria millia, atque equites mille duci juberet, quod quidem propter alia quæ per gravem Regis valetudinem domi urgebant negotia fieri non potuerat. Sed Mazarino venit in mentem per Lionnum Parmensis animum tentare, utrum Dertonam sibi ab Rege donatam vellet, quia illi tum copiarum ad hanc defendendam satis esse videbatur; hic autem præterquàm quòd satis intelligebat sibi tùm oppidum obtudi, cum neque ab Rege, neque ab Thomâ defendi posset, suspicio ex eo haud mediocriter crevit suam cum Hispanis pacem hoc pacto Mazarinum porro imminuere velle, atque se ab Pontificio ad Hispanicum bellum traducere: quamobrem haud sibi quidquam in Dertonæ negotio faciendum decrevit.

b Tortone.

c Henry d'Orleans Duc de Longueville.

d Le Prince Thomas.

Interea Hispani cum omnia circum oppidum loca in suâ potestate essent, hæc præsidii solito amplioribus firmaverunt, ne quâ ad Dertonam

1643.

nostris aditus foret, pistrina duo quæ extra mœnia erant, disjccere, ac denique circum posuere, ac munivere castra. In oppido pauci qui id defenserent fuere, atque adeo deferta hujus parte maximam arcem modò, atque editiorem in quo Dominicanorum Monasterium positum est, locum tuenda sibi sumpsere, eò munitiones exstruere, & quæ ad propugnandum necessaria fuere, ea ex cæteris oppidi regionibus convexere.

a La Sefia,
le Taner.

Thomas ut hostium consiliis, atque conatibus occurreret. quantas potuit copias ex præfidiis coëgit: sed hæ paucae fuere, quas a Sessitem, ac Tanarum amnes traducere consilium fuit, uti terrore hostibus objecto ne quid aliò ipsis inferret damni, inceptum omittere vellent: sed ubique populares armaverant, ac centuriaverant, qui ad fluminum vada, ac saltuum angustias, quæ Thomæ ultra tendenti transitus erat, custodias agitabant, atque his præerant nobiles, sicuti quisque prædia his locis vicina habebat: præterea equitatum quoquo versum dimittebant, qui & ipsè fluminum transitu Thomam arceret.

b Le Comte
de Sirucla
Jean de Velaicus.

Id factum semel, atque iterum, ubi Padum copias traducere conatus est, prohibente cum firmo equitatu ex altera ripa Vincentio Gonzagâ: sæpius & Caracena Marchio, & ipse b Sirucla Comes Joannes Velacicus qui Mediolanensem obtinebat agrum, cum equitatu Padum versus, atque aliò iere prohibendis transitu nostris. Sed Thomas denique ad Astam duxit: hoc Sabaudicæ ditionis oppidum est quod ab Hispanis captum antehac fuerat, ubi Thomas horum partes sequebatur, fratris filio Carolo Emanueli Sabaudicæ Duci, atque hujus matri Christinæ Ludovicæ Regis forori infensus, ac tum hostis, quibus quæ antehac damna intulerat, ea nunc sarcire studebat. Igitur Astam recipere decrevit, postquam Tanarum amnem ad Bartholomæi-fanum transierat, haud procul Annone: postridiè Munitionem quæ Tanarum inter, & Astæ arcem posita erat, improvisò expugnat, quæ Munio si penes hostes mansisset, magna his auxilia illæ in oppidum introducendi fuisset copia, nam haud procul in Tanaro vadum erat, quæ hostibus transire occupatâ ab nostris Munitione difficilior fuit. Dein adversum mœnia quatuor sunt locata, direstaque tormenta, & quoniam res in celeritate posita videbatur, non his, neque militum qui eò excubabant stationi obducta munio ulla, aut quidquam fuit præter arbores, quo protegerentur.

c Le Colo-
nel Monti.

Ubi Astam ab Thomâ oppugnari Siruclæ nuntiatum, subito cum magnâ copiarum parte ad Tanarum versus contendit, cui ubi appropinquavit, mille sclopetarios dextrâ, lævâque ad ripam disponit, qui crebrâ glandium missione equitatum flumen transcurrentem protegerent: hic ubi ad alteram evasis ripam, ibi equites nostri unâ cum Tribuno qui hos ducebat c Montio procurrere, quorum impetu Hispani perterriti capessunt fugam; rursusque Tanarum prætergressi ad Annonem iter intendere. Interea ab oppido hostes eruptione factâ ad stationem quæ ad tormenta collocata fuerat, veniebant, sed fugâ suorum cognitâ, præterea tympanorum, tubarumque strepitu qui Thomæ, ac d Pralinopleffi jussu

d Le Comte
du Flis
Pralin.

tup

tum major quàm pro numero equitum , peditumque qui eò reſtiterant editus eſt , perterreſcanti retroceſſere. Ita omni auxilii ſpe damnatà primùm oppidum , dein poſt acrem oppugnationem Caſtellum , ac denique Arx ipſa dedita ſunt.

Apud Dertonam noſtri rem majori animo , atque conſtantià ſuſtentabant , ac jam ſuprà quàm exiſtimari ab hoſtibus , aut ab Thomà , ipſo & Pralinopleſſio poterat , prolataverant , omnium prope quâ laborabant rerum inopiam patienter tolerantes , ut illis ad ferendas ſuppetias ſpatium eſſet. Jam ab Galliâ ſupplementa , atque aliæ advenerant copiæ , quibus auctus exercitus ad quodvis inceptum haud impar videbatur. Igitur Thomas cum Pralinopleſſio conſtitutis apud Aſtam , ut oppidum in tuto eſſet , rebus , Tanarum traducit exercitum , atque ad Annonem , ad a Niciam ac denique Alexandriam verſus ducit , quo Sirvela Comes tùm commorabatur. Is habito cum ducibus conſilio omnes copias quaſ circumquaque dimiſerat , ad Caſtra circum Dertonam properare jubet , quò & ipſe profeſtus eſt. In caſtris ſexdecim armatorum millia fuere : b Caracena verò ad Scriviam annem habebat equitatum , uti noſtros tranſitu prohiberet : ſed flumen paulò ſuprà ad colles verſus vado tranſierat noſter equitatus , dein omnis exercitus , cujus antecurſores ad hoſtium munitiones propiùs acceſſerant. At tùm imber frequens , metum Thomæ fecit , ut ne Scrivia creſcente commeatus advehi ad ſua poſſent caſtra , quò adductus eſt , uti citra annem rediret : dein dilapſa aquarum vi ruſſum ultra annem haud longiùs quàm tormentum adigi poſſet , ab hoſtium caſtris conſedit , loco paulò quam cætera editiori : pars militum virgultorum faſces , alii aggerem qui ſuper injiceretur ad foſſam caſtrorum complendam portare iuſſi : ſed priuſquam ad hanc pervenire poſſent , haud ſatis certos an quod animis agitabant , planè faciendum eſſet , nox oppreſſit. Poſtridie Thomas , ac Pralinopleſſius circumspectâ ſuorum paucitate , præ hoſtium multitudine , quæ ſtabat ex adverſo , vallo , foſſæque probè teſtâ , ac munitâ vix conandum , an omittendum inceptum eſſet , ſatis expediebant : relicto tamen in caſtris quæ loco editiori poſita fuiſſe diximus , aliquo peditum , atque equitum numero , qui ſpeciem juſti exercitus hoſtibus facerent , atque ſuſpicionem injicerent , quos ad munitiones miſerant anteſignanos modo eſſe , ad caſtrorum oppugnationem parati videbantur. Interè equitum noſtrorum alæ quædam ad c Farſanum , & Malepaſtum munita loca quæ Serra Marchio , ac Riviera Comes deſenſabant , acceſſere , queis intervénit Hiſpanorum equitatus , ab quo noſtri malè habiti , eò maxime quòd ab Farſano , & Malepaſto tormentis miſiæ pilæ eorum ordines nonnullâ factâ ſtrage perturbaverant. Ibi verò Thomas habito cum ducibus omnibus conſilio caſtra inde movere decrevit , cum neque Caſtello ferre ſuppetias , neque diutiùs ob inopiam commeatûs eò commorari copia eſſet. Ita Dertona Hiſpanis denique dedita eſt , & qui hanc deſenſaverant , cum tormentis quatuor deducti ab Hiſpanorum præſidio ſunt , uſque ad Thomæ caſtra , qui haud ita procul moverat , dein utrumque ſicuti excompoſito ceſſatum.

a Nice de la Paſſie.

b Le Marquis de Caracene.

c Farſano Malpaſciuto.

1643.

a Le Duc de
Longueville,
b De Mesme
Comte d'A-
vaux.

Sed eâ tempestate Ferdinandus quem nondum Imperatorem appel-
labamus, & Philippus Hispaniæ Rex sicut apud Hamburgum conve-
nerat, de pace Legatos Monasterium Westfalorum mittere sese velle
seriò significavere, modò ut idem Ludovico facere placeret. Delecti
igitur qui eò legarentur, *a* Henricus Aurelius Longavilla, & Clau-
dius *b* Memmius Avauxius, ille qui Legationis princeps esset, hic lon-
go Germanicarum rerum usu maximè idoneus ei Legationi habeba-
tur, atque in hujus virtute, & industriâ magnam de pace conficiendâ
spem positam omnes habebant. His duobus tertius quispiam adhiben-
dus, cujus opera tantæ rei profutura videretur: is fuit ex Mazarini sen-
tentia Chavignius: neque hic abnuebat Provinciam, quæ ipsi Mazarino
priusquàm Cardinalis esset, decreta fuerat. Ita enim Chavignio æquè,
ac sibi antehac consulere videbatur, nisi quòd Mazarinus Legationis
princeps futurus fuerat, qui honos postea Longavillæ habitus: secun-
dum sibi locum deberi non dubitabat Chavignius, ex Quatuorviratu,
cujus magna in Aula dignitas est. Sed Avauxius ætate major, & in Regis
Consilium multò antè Chavignium lectus, ægrè ut huic concederet ad-
ducebatur. Cæterùm Chavignius sibi magnificum existimabat, suaden-
te Mazarino Pacem inter tot, tantosque Principes conciliare, neque id
sibi pacis artibus dedito minùs gloriosum fore, quàm Imperatori bellum
gerenti ex profligato hoste victoria, atque triumphus. Qui Nuceri-
cum Chavignio similitates noverant, illum totius hujus rei artificem
fuisse sunt arbitrati, ut æmulus procul ab Aulâ esset: alii veriùs id ipsum
studuisse Mazarinum, cum quòd suæ gratiæ, atque potentiæ modum
impositum Chavignius vellet, tùm quod per ejus absentiam majorem si-
bi de omni republica ab Rege fidem habitum iri satis intelligeret: nam
sicuti antehac memoravimus, hanc maximam Rex Chavignio, & Nuce-
rio habebat, per Richelii tempora longo usu sibi cognitis, probatisque,
atque adeò ineunda Mazarino ratio fuit, quò salvâ quæ ipsi cum Cha-
vignio intercedebat amicitia, hunc tantisper ab Aulâ procul haberet,
interea dum sua apud Ludovicum gratia, & fides adolesceret. De Nuce-
rio haud ita sollicitus erat, quia neque obligatus ipsi quidquàm erat, fatif-
que scibat quæ ejus consilia de se essent, atque adeò nihil prohibebat
quominùs hunc ubi opportunum foret, Aulâ pelleret, quod post paulò
factum ex sententia est.

Certum est Regem qui sibi vitæ finem adesse sentiret, eâ tempestate
pacis cupidissimum fuisse, & cum Chavignii ingenio, solertiæ, ac fidei
multum crederet, hunc peridoneum judicasse, qui rem tantam brevi con-
ficeret, eò hominem sicuti prensasse, & ambiisse, ut hanc accipere hono-
ris sui causâ provinciam vellet, quod quidem illi est libentissimè obse-
cutus, nihil de Mazarino suspicatus id hunc fuisse machinatum, neque
enim sibi amiciorem esse neminem tùm arbitrabatur.

Magnam quidem Nucerio fidem usque Rex habuerat, sed quòd nup-
per de Cardonæ Ducatu Mottæo donando illi dixerat, atque impor-
tuniùs inculcaverat, Regis erga illum benevolentiam omninò extinxit.

rat, nihil enim homini intolerabilius est, quàm alio videri infirmiores, quod quidem accidit ei, qui victus alterius oratione quidpiam invitatus facit, atque id quotiès huic redit in mentem, totiès hunc malè odit, ab quo sibi vim factam fuisse sentit. Isthuc in Rege, ac Nucerio experti sumus, nam postquàm de Cardonæ Ducatu huic fuerat obsecutus, incredibile memoratu est, quantum illum hujus odium cepit. Tunc enim rediit Regi ad memoriam Nucერიum Richelio planè deditum fuisse, cujus non modò vivi mandata, atque imperia nullà propè sui habità ratione executus fuisset, sed & pleraque adhuc faceret, sicuti etiam tum Richelio fretus esset. *Sese quidem huic plurimum merito ejus tribuisse, quem videlicet unum in totà Gallia dignum fuisse crediderit, ut eum autorem in omni republicà gerendà haberet; sed errare Nucერიum ubi se alterum Richelium fingat esse, nam hujus neminem unum, Nucერიj verò munere complures fungi posse, eò multa se ab Richelio molesta rei publicæ causà dissimulando perulisse, quæ alios adversum se audere posthac nusquam passurus sit.* Intercèa cùm æstivorum tempus appeteret, Rex sibi Commentarium in quo perferiptæ erant equitum, peditumque copiar, quibus singuli hoc anno exercitus constare deberent, adferri jussit: quem ubi Nucერიus recitat, ille complures Prætorianorum Centurias iis exercitibus attribui, atque adeò paucas circum se quæ custodias de more agitent, mansuras animadvertit. Ibi verò solito commotior Nucერიum gravius increpat, qui sese expurgare conatus alterius denique operam Regi acceptiorem quidem, non autem fideiorem fore ait: ille verò ita respondit, uti quod Nucერიus de discessu suo postulare videbatur, id factum, an infectum vellet in incerto esset: quamobrem Chavignius qui fortè aderat, Nucერიo ut ne quid ampliùs diceret, animumque Regis exacerbaret, innuit, seducitque hominem, atque hortatur, uti quod ab Rege sibi dictum fuerat, atque ipse vicissim responderat, ejus ne meminisset, ac porrò pergeret negotiis operam dare, nihil enim Regem obstiturum videri. At Nucერიus seu abire certus, seu si abeundi consilium ostentaret, Regem sibi uti manere vellet supplicaturum credebat, (tantum de se homines plerumque sentiunt) post paulò Chavignium adit, ac postulat, uti sibi ab Rege discedendi facultatem impetret: ille iterum hominem ab hoc consilio deterere, dein ubi pergit obsecrare, atque obtestari, uti isthanc sibi operam dare ne gravaretur, neque se ab suà deduci sententia finit, tùm Chavignius id liquido se negare facturum, aut commissurum, uti de hujus secessione quidquam ab se profectum fama ferat. Nucერიus quod ab Chavignio negatum fuerat, id ab Mazarino flagitatum iit: qui oblatam occasionem tam optatam, haudquaquàm sibi dimittendam censuit: ut ne tamen lubens id facere videretur, impenitus simulare haud sibi probari Nucერიi de secessione consilium, multaue dicere, sed ea levia, sicuti ab hoc hominem deducere vellet: ille tantò magis instare, orare, ac vix tandem exorare visus, uti sibi morem gereret. Itaque Mazarinus de omni alià re cum Ludovico agens, nam cum eo quàm cum Nucერიò simulatione magis egebat, de hoc mentionem injicere, Regis ut sit animus

1643.

erga hominem explorare, dein ubi lenem, atque clementem esse sentit, tantò magis hunc instare ait, uti sibi potestas abscedendi fiat. Rex Mazarinum ad Nucერიum adire jubet, si manere velit, hunc ad se protinùs adduceret, sin abire pertendat, suis verbis potestatem faceret. Ita hominis quem Mazarinus Aulà pulsū volebat, huic ipsi fors permissa. Ille Dangusium suum rus nobile quod non ita pridem comparaverat, postridiè secessit. Cùm huic Mazarinus Regis verbis discedendi potestatem fecisset, quia fortè præter spem evenerat, *Quid inquit amici mei facient?* Ignarus quàm pauci sint, qui res alienas suo periculo curare velint, & quos ubi his secundæ res erant, coluere, eos ubi in adversa mutavêre, obliuvare pergant.

Ubi Nucერიus ab Aula discesserat, eò Melleraius advenit, qui primùm cum Mazarino de amico Aula pulso graviter conquestus est, atque expurganti se, dicentique se omnia sedulò fecisse, ut hominem ab discedendi consilio dimoveret, Melleraius respondit sese Italicas artes haud satis callere, sed more Gallico sicuti natura ferret, agere: cùm autem Mazarinus nihil his verbis commotus placidè colloqui perrexisset, Melleraius sibi temperavit, & cum bonâ vtrimque gratiâ discessum est. Hic verò ad *a* *Esitæ* pontem Nucერიum visens iit, undè ubi Germani-
a Pontoise. fanum redierat, ad Regem adiit, qui hunc de Nucерio dicere incipientem obturbavit, ac nihil pluribus opus esse ait, neque enim quæ ad huiusmodi homines pertinerent, de iis sibi haud magnoperè laborandum videri: hæc Regis oratio Melleraium obstupescit, quam nihil ad se attinere velle visus est, quò factum est, uti suæ de Nucерio finem faceret.

Nucერიus unus ex Quatuorviris ab Epistolis, & Negotiis erat, sicuti suprà diximus, atque ea quæ ad bellum, & exercitus pertinebant, procurabat, quorum tanta erat eâ tempestate moles, ut in ejus locum alium quempiam properè suffici necesse esset. Duo erant qui hunc Magistratum petebant, Avauxius de quo suprà memoravimus, vir clarissimus, atque in magnis negotiis foris versari solitus, quæ cum laude maximâ in Italiâ, Germaniâ, Sueciâ, Poloniâque sæpius in eas regiones extra ordinem Legatus gesserat, ubique summam solertia, atque probitatis famam simul adeptus: alter erat *b* Michaël Particellus Almericus unus è minoribus Quæstoribus, qui pridem Quæstor missus in Italiam ad exercitum, Pacis quæ eò confecta cum Hispams fuerat, negotio unâ eum *c* Thoirasio, & Serviano operam contulerat, dein Legatus apud Sabaudia Ducem factus: sed neuter Quatuorvir est creatus, nam Mazarino callido, atque prudenti in primis viro eâ tempestate cautio fuit, ut ne quis ingenio validus, & qui omni reipublicæ gerendæ par haberetur, Regiæ satis notesceret, eò Avauxium de Pace Monasterium Vestfalorum, sicut & Chavignium legari placuerat, neque Quatuorviratum Almerico mandari consilium fuit, qui administrandis *d* *Ærarii* rebus magis idoneus erat. Igitur venit in mentem Magistratum hunc cuiuspiam mandandi, què quanto longius tùm esset ab ea spe, tantò majorem sibi ex eo adeptor

b Particelli
Asmeri.

c Le Maré-
chal de Tho-
irai.

gratiam deberet. Is fuit ^a Michaël Tellierus, qui pridem in Italia ^b Quaestor apud Regis exercitum erat: eò & antè triennium Mazarinus extra ordinem fuerat Legatus, quem Tellierus diligenter coluerat, atque obfervaverat, neque id ingratum Mazarino, vix enim cuiquam Quaestoris amicitia damno fuit. Hunc quippè ferunt unà cum Christina Regis sorore Caroli Emanuelis Sabaudiae Ducis matre rationem inisse, quò hæc ipsi Legatio non oneri sicuti fermè accidit, ob ingentes qui ab Legatis fieri solent sumptus, sed & lucro esset. Igitur Mazarinus Regem nactus multorum sibi Quatuorviratum habere volentium petitione fatigatum, negantemque se ullius eorum operà in hoc gerendo Magistratu usurum, oportune quod ad rem maximè conferre visum, Tellieri mentionem iniecit, hominis ingenium, industriam, fidem collaudans. Huius Rex magis uti molestia quæ sibi ab petentibus continuo adferebatur, animum levaret, quàm aut Mazarini autoritate; aut his quæ de Telliero verè dixerat, adductus, hunc absentem, atque nihil huiusmodi cogitantem, nedùm de Quatuorviratu fatigantem delegit, qui huius munia obiret, atque hunc Magistratum ubi Nucerii abdicatione, aut alio pacto vacuus foret, planè haberet. Certè id omnibus probatum est, nam quos magistratus Tellierus alium post alium usque gesserat, in iis eo modo agitaverat, ut ampliore dignus haberetur. Sed nemo omnium in Aula fuit, quin crederet Mazarinum cum Chavignio consultaturum, quem in Nucerii locum sufficiendum censeret, tantæ inter ambos necessitudinis causæ esse videbantur, quod non est tamen ab illo factum, neque eò minùs Avauxius, & Almericus Chavignio ex repulsi perinde offensi fuere; ac si ambobus obstitifset, quod falso ab iis creditum.

Interea Campania ^c Ludovici Borbonii Sueffionis morte dudum vacua ^d Francisco Hospitalio Haliero Equitum Tribuno, ^e Lotaringia Lenuncurio Provinciae decrete: hic Claromontio finitimo utrique Provinciae Oppido, atque Arci Praefectus erat, præterea multa benè, fortiterque gesserat in acie, & præliis quæ & sine imperio, & cum imperio sicuti Castrorum Praefectus interfuerat: Halierus unius Custodum regii Corporis turmae Dux, Castrorum Praefectus, dein Equitum Tribunus creatus, sæpius exercitus etiam ante Tribunatum Equitum quod raro fit, duceverat, ipse Lotaringiam obtinebat, quam tunc deposuit, uti Campaniam haberet.

Sed eà tempestate tametsi Regis valetudo infirmior in dies fieret, nullam tamen de republica curam omittebat, supra corporis vires ingenio validus. Duo ipsi ex Anna uxore filii erant, quorum alter natu maior cum quinquennis modò esset, cui interea dum adolefceret, rempublicam permetteret, anxius erat. Veniebat in mentem illorum temporum, quibus hæc penes Mariam matrem fuerat, atque hanc ex unius hominis maximè consilio, atque iudicio qui peregrinus erat, omnem gessisse rempublicam: hanc primò factionum, dein belli civilis causam fuisse. Ita ab natura comparatum, uti mulieres ad parendum, non ad imperandum natæ sint. Id paucissimas rectè fecisse; ab cæteris multa mala in rempublicam orta, quam

1642.

^a Le Tellier.
^b Intendant
de Justice &
Finances.

^c Le Comte
de Soissons.
^d Le Maré-
chal de l'Hô-
pital.
^e Le Marquis
de Lenan-
cours.

1643.

plerumque pessimam dedissent. Annam uxorem bonam hanc quidem, sed amicitiam facilem ab malis viris, atque mulieribus usque circumventam, factionibus, & partibus studuisse: quæ quanquam in Richelium facta videbantur, tamen quia huic fidem habebat maximam, haud æquum fuerat uxorem aliter sentire. Cæterum Anna diu multumque fuerat in potestate Mariæ Rohanæ Mombasconæ, quæ primum a Carolo Alberto Luinæo, dein post hujus mortem a Claudio Guisio Caproso nupserat: huic sæminæ audacia virilis, cætera præterea quæ supra mulierem sunt, cordi fuere, animus iniquus, factionum avidus, quas alias ex aliis serere studebat. Gastonem fratrem Ludovicus pernoverat, haud secus quam Annam iis quorum esset in potestate obnoxium, atque ex eorum lubricine republicam si ipsi permitteretur, planè gesturum.

Sed interea æstivorum tempus appropinquabat, monebatque de provinciis quò bellum porro gerendum erat, uti mature decerneret, quibus has dari placeret. a Ludovico Condæo Belgium decretum cum exercitu, atque huic Legatus fuit a Hospitalibus Haliæus, de quo supra memoravimus, vir maturæ ætate, & scientissimus belli, qui adolescentem consilio, atque operâ juvaret. At in eo compertum est quorundam animis sicuti audaciam, ita & prudentiam ab naturâ inesse, uti nati Imperatores potius quam facti videantur, neque iis necesse esse, ut ad id locorum per omnes militiæ gradus adscendant, sicut ex iis quæ postea commemorabimus palum erit. Is igitur ab Urbe paludatus in Provinciam profectus est, magnâ omnium spe, quæ de hujus virtute animis præceperant. Priusquam ab Autâ discederet, a Rapiſcaldum Marſillacum Reginæ clientem cum f. Colinio Andeloto item Angiani cliente egisse serunt, ut inter ambos conveniret, scilicet Angianum Reginæ commodis, ac rationibus fideſiter ſerviturum, Regnam vero hunc quantum citrà Gastonis offensionem poſſet, ornaturum, atque aucturum.

Cùm Rex in dies magis, magisque hæſitaret, cuiam Procuracionem Regni per filii pæritiam permitteret, nemo ex Adminiſtris ſermè audebat, quid huic conſilii eſſet explorare, ut ne ſuprà quàm ipſe vellet, expiſcari viderentur: præterea hominem quotidianis de republicâ curis, & morbo qui ſua dîuturnitate magis, quàm vi corpus ſenſim, atque animum conſiciebat, fatigatum, ad hoc ſuſpicacem eâ de re uti decerneret virgere religio erat. Cùm tamen certiores facti eſſent ab Medicis XV. Calend. Maias morbum adeò ingraveſcere, uti tempus adeſſet providendi, ſi quid reipublicæ Rex in tuturum conſultum vellet, Condæus, atque Mazarinus haud ampliùs tergiverſandum cenſuere, ſed ex omnium Adminiſtrorum ſententiâ ad Regem adire. De hujus valitudine Medicos ſpem nondùm abjeſſe dicere, cæterum hanc ſicuti cuncta mortalium incertum eſſe: quod reliquum vitæ ſit, id reipublicæ in futurum conſtituendâ ſi dederis, magnam ex eo rebus antehac præclare ab ipſo geſſis gloriam, famamque acceſſuram. Ubi Rex id ſibi ſatis placere offendiſt, Condæus Reginæ prudentiam, virtutem, bonitatem collaudat: de Gaſtone verò ita locutus eſt, uti ſpecie expurgantis quæ antehac deliquerat, ea Regi

a Le Duc de Luine.
b Le Duc de Chevreuſe.

c Le Duc d'Anguien.
d Le Maréchal de l'Hopital.

e Le Prince de Marſillac, la Rochefoucauld.
f Coligny d'Andelot.

ad memoriam redigeret, sicuti magis adversum Richelium, quam adversum Regem ipsum, ac rempublicam facta fuissent: quod quidem ut ne Gasto ab republica gerenda per fratris filii pueritiam atoveretur, valere poterat, non autem ut omnia Regina huic permitteretur, quod Condæo gravissimum accidisset. Sed cum etiam tunc Rex neutri le satis recte rempublicam permittere posse crederet, ibi vero Administrum rationem iniere quod id præclare fieri posse sentiret, si videlicet Reginae Procuracionem Regni tradendo, huic Consilium institueret, ita ut necesse haberet ex plurimum qui huic adessent sententiâ de omni republicâ decernere, quod quidem Regi omnino probatum est, atque eâ de re Edictum perferri iussit. Id in hanc sententiâ factum, uti penes Reginam Procuratio Regni foret, Gasto Regi puero cuius vices obitura Regina erat, in omnibus Provinciis Legatus esset, item regii Consilii princeps, ac per huius absentiam Condæus, & utroque abente Mazarinus: huic Consilio præter hos tres, ac Petrum Seguierum Regni Cancellarium, Claudius Buthillierius Summus Regni Quæstor, ac Leo Buthillierius Chavignius filius Quatuorvir adessent, quæ ad rempublicam pertinerent, ea ex horum sententiâ Regina decerneret, Potestates, Imperia, ac majores Magistratus mandaret, ac singillatim Primarii in Senatu Præfidi, Cognitorisque regii, maiora vero sacerdotia ex Mazarini singillatim sententiâ: si quid humani Reginae impenderet, priusquam Rex filius adolefceret, ex ejusdem Consilii sententiâ, de Procuracione Regni hæc ipsa quid optimum factu videretur constitueret, ediceretque. Reginam diximus antehac in potestate Mariæ Rohanæ Mombasônæ fuisse, quæ cum a Carolo Albaspinæo Castronovano congruebat. Is per Richelii tempora Procancellarius huius operâ creatus nihil minus hominem fuerat infectatus, unâ cum Rohanâ Mombasônâ, atque ipsâ Regina: quam obrem ille Inculisnam deductus, atque eò in arcem conjectus fuerat, Rohana vero Mombasóna finibus Regni discedere coacta: qui si redirent in Aulam, facile Regina ex voluntate usuri videbantur, atque rempublicam invasuri. Eò cavere visum, ut his sanctâ demum Gallos inter, & Hispanos pace in Aulam redire liceret, si ita Regina tunc ex Consilii sententiâ videretur. Administrum Reginae, Gastoni, atque Condæo, ac denique sibi præclare consuluisse videbantur: Mazarinus Gastoni, atque Condæo propè æquando se, ac præterea cavendo, ut ex sententiâ suâ sacerdotia ab Regina darentur: Seguierus Castronovanum ab Aulâ arcendo: Buthillieri haud ferme disparem ab cæteris in republicâ gerendâ potentiam adipiscendo. Edictum id Chavignius ad Reginam tulit, cui quamvis suprâ quàm dici possit, ægre esset rempublicam ita gerere, uti cuncta haud ferè magis ab se penderent, quàm ab cæteris, qui Consilio adfuturi essent, tamen satis tum habuit, sibi Regni Procuracionem tradi, cui ubi vir è vivis abiisset, omnia prona fore viderentur.

Intimus tunc huius consilii erat Augustinus Potierus Bellovacensis Episcopus, sacris apud eam Præfectus: qui quò magis hanc in Admi-

a Charles de l'Aubepine, Marquis de Châteauneuf.

Augustin Potier Evêque de Beauvais.

1643.

nistros accenderet, eò quos vellet pellendi majorem posthac sibi copiam fore arbitratus, haud cessabat hos apud Reginam criminari, accusare gravius, diffidit. *Regi autores fuisse, uti sibi equè, ac ipsi Regine Procuracionem Regni traderet. In illius reliquâ paucorum dierum potentia magis, quam in Regine fide, & gratia suæ dignitati præsidium quæsisse: quod quàm infirmum sit, maximâ Regine interesse, uti reipsâ sentiant: dissimulandam tamen in præsens injuriam, ut ne Regem mutatâ sententiâ ad Regni Procuracionem Gastoni tradendam impellant.* De Gastone magnopere metuebat Condæus, ut id honoris, atque potentiaæ assequeretur: cum enim nihil inter hunc, atque Gastonem medium sit, eò se huic quodammodò parem arbitrabatur: at si Regni Procuracionem adipisceretur, huic parendum fore, atque eâ causâ longè superiorem futurum: nam unicuique ægrè est, quempiam ejusdem ordinis supra se extolli, eò Condæus Administros prensare, colere, collaudare Edictum, quo sibi egregie cavissent, id ut inviolatum foret, sese daturum operam, postremò fautorem ipsis futurum, quorum ubi Ludovicus obierat mortem, nihil planè præstitit.

Sed Ludovici in dies morbus ingravescerebat, quò factum est ut Edicto recitando diem diceret. Id factum xii. Calend. Maias Reginâ, & duobus filiis coram, Gastone, Condæo, Mazarino, Seguiero, & Buthilleriis: adfuere præterea Duces, & Pares Franciæ, Equitum Tribuni, atque omnis Aula: dein Rex Annam Reginam, & Gastonem Edicto nomina sua adscribere jussit, & uti de eo servando jusjurandum pollicerentur, utrumque rogavit, quod factum ex sententiâ est: postremo in Regis Conclave vocati sunt Primarius Senatûs Præses *Matthæus Molæus*, alii Præsides, atque duo ex unâ quaque Classe Consiliarii, præterea Cognitor, atque Actores regii: hos Rex edocet, quo pacto republicæ postquàm è vivis abiisset, gerendæ prospexisset, orat, atque obtestatur, uti si hanc salvam velint, dent operam ut Edictum firmum, ratumque sit, neque quidquam secus fieri patiantur: Gastoni, atque Condæo, præterea Seguiero Cancellario negotium dat, uti postridiè in Senatum eant, quâ die Edictum promulgari, & in acta Senatûs referri jubet. Id postridiè sicuti Rex præceperat factum, magno omnium qui aderant consensu. Ipse Actor regius *Audomarus Talonus* pro Cognitore regio ut in tali re solet, verba faciens Ludovici prudentiam ad cælum tollere, nihil parcere laudibus, postremò ea dicere, quibus significaret Edicto optimè republicæ consultum videri: postea verò quàm quædam in Edicto haud satis Reginæ placere suboluit, ibi verò dici cœptum id Administris fraudi fore.

Interea pro more Christianorum Rex Delfino filio Prænomen dari jussit: id factum in Templo absque solito apparatu, quoniam Regis morbus ingravescens luctum magis suadebat. Pro Delfino fidejussere Julius Mazarinus, & *Carola Margarita Mommorantia* Condæi uxor, quæ Ludovici prænomen Delfino dandum indicavit. Id Principi feminae Mazarinus honoris habuit, ut ipse ab indicando prænominè abstineret, easque

*Matthæus
Molæus.*

*5 Omer Ta-
lou.*

*e Charlotte
Marguerite
de Mommo-
ranty Prin-
cesse de
Condé.*

que huic deferret partes. Regis modò Prænomen Edictis, Mandatis, Diplomatum, Epistolis inscribitur, neque alio nomine dum regnat, aut postquam regnare desiit, apud posteros appellatur, addito si plures ejus nominis regnaverint, quotus sit, de quo fiat mentio, atque adeò Prænomen dari Delfino quam primum necesse fuerat. Cæterum magnificum fuit Mazarino pro Delfino fidejubere, nam ea fidejussoris cum eo pro quo fidejubit necessitudo inter Christianos haud levis ducitur, cui propè patris loco est. Ab his sacris Delfinus ad patrem deducitur, cui de Prænominis percunctanti respondisse ferunt sese Ludovicum appellatum, sed nondum XIV. esse, pater XIII. hujus nominis erat.

At Rex mensis Aprilis reliquos dies, & Maii primos prout morbus augescebat, remittebatve, variè exegit. Eà tempestate Cæsar *a* Vindocinus Henrici IV. Regis ex concubinâ filius è Britannîâ Insulâ rediit, quò per Richelii tempora profugerat, suspectus in caput hominis sicarios subornasse. Hunc Rex benignè excepit, neque enim id inceperat, necne, satis compertum fuerat, nam purgandi sui causâ cum in Aulam venire se simulasset, aliò converterat iter, atque exulare, quàm Richelio sese permittere maluerat. Rediit & ab Florentiâ Tuscorum *b* Catharina Henrica Jousia amissò illic viro Henrico *c* Guisio, & Juin villâ filio, qui magna virtutis documenta in Italiâ prima stipendia faciens dederat, hæc & ab Rege benignè excepta est.

Ubi ad VII. Id. Maias ventum, ibi verò de Regis salute conclamatum videri. Gasto, & Condæus qui Germanifano interdium commorabantur, Urbem sub noctem repetentes eò pernoctabant: at constituere postredie apud Germanifanum pernoctare: ortum id ab Condæo, qui eò se suos adducturum ait. Ex eâ oratione incidit suspicio, hunc si quid facti opus esset, validiorem in Aula esse velle, adeoque postredie Gasto item suos monuit, uti Germanifano haud procul parati, intentique essent, si quid eorum operâ egeret, ipse paulum ampliori quàm solebat comitatu Germanifanum advenit: propterea visum apud Delfinum custodias agi, & ad veteris Regiæ portam collocare stationem, fores clausæ fuere, ostiolum modò patuit. In hac vetere Regiâ Delfinus, Rex in novâ agitabat. At Gasto ubi videt Condæum suam modò penes se habere familiam, misit ad suos, præcepitque ut ad Urbem redirent.

Pridie Id. quæ dies Ludovico postrema fuit, Bellovacensis Episcopus de quo supra memoravimus, toto matutino tempore ab novâ, ad veterem Regiam sicuti gratiâ, atque potentiâ jam adeptâ commcare, mittere, monere, præcipere quid facto usus esset, *d* Renatum Potierum Tresmæum propinquum, qui unius Custodum regii Corporis turmæ dux est, Delfino cum aliquot ex his Custodibus adesse jubet, eodem Regina Casarem Vindocinum, & *e* Belfortium filium mittit. Sed tum primum existimandi copia fuit, cum quibus ingenis mox Administris consiliandum foret: Vindocinus homo callidus, inquieto animo, Richelio dum viveret, quoniam apud Regem gratiâ valebat, insensissimus, Belfortius filius ingenti vir animo, at non perinde consilio, Bellovacensis Episcopus

a Le Duc de Vandoime.

b La Duchesse de Guise Douziere.

c Le Duc de Guise, & le Prince de Joinville.

d René Potier Comte de Tresme.
e Le Duc de Beaufort.

1643.

vultu, atque ingenio severiore, quàm ut cum cæteris concordare facile posse videretur. Horà denique post meridiem secundà Ludovicus mortem obiit. Animæ salutì prius consuluerat, per diuturnum morbum in supplicando frequens, cæterâ vitâ piè, sanctèque exactâ. Res publica ex Administrorum, quos nactus erat, ingenio variè gesta, sed hanc ubi Richelio permisérat, incredibile memoratu est quàm præclarè floruerit: domi rebellium Sectariorum, foris Hispanorum opes confusæ: in Italiâ, Belgio, Hispaniâ ipsâ, in Germaniâ Austriaci malè habiti, eò arces, oppida capta, provinciæ occupatæ, terrâ marique victi hostes. Sed in eo Principe nullam magis virtutem, quam celeritatem laudaverim, quâ sæpius occupata civium rebellantium, aut hostium consilia, illi inter nectarios, ac periculosissimos conatus oppressi: sed eadem illa celeritas ubi res moræ indiguit, quandoque Ludovico fraudi fuit: nam eâ re infectâ discedere impatiens animus properabat, ni Richelii autoritas attinuisset. Cæterum illi ingenium mediocre, sui diffidens, suspiciosum, ad severitatem, quàm ad clementiam proclivius, quo factum est uti quoties in matrem, fratremve quidpiam gravius rei publicæ causâ Richelius suaderet, nihil pietas, caritasve obstaret, quominus id factum vellet.

Mortuo Ludovico Anna ab novâ in veterem Regiam in quâ Rex filius agitabat, statim rediit, accersitoque puero Condæum Palatio Præfectum huic jusjurandum dicere jussit. Magnus erat in Regina Conclavi hominum concursus, jamque ad Urbem profectura cum Rege filio videbatur: sed uti dici tempus erat, in crastinum dilata est profectio. Appetente nocte Regina proximorum dierum labore, & vigiliis circum Regem virum actis fessâ paulum requiescere velle visa, adeoque Belfortium ad Condæum mittit, rogans, ut omnes qui aderant abigere vellet, hic Reginam ait si quid se vellet, id posse per Ducem Custodum corporis significare, cujus hoc munus, non Belfortii esse videatur, quæ res ferocem Juvenem, atque tunc cum maximè Regina gratiâ præclarum impulit, uti Condæo responderet, sese ab nemine prohiberi posse, quæ Regina juberet, ea ut ne exequeretur: sed hæc turba statim sedata, cujus tamen memoria in utriusque animis restitit. Alii dixere Belfortium qui aderant in Regina Conclavi eos facessere jussisse, quod cum hunc Juvenem sibi quidpiam novæ potentia sumere ostentaret, id Condæo haud satis placuisse, atque adeo monuisse graviter, has non alterius quàm Ducis custodum Regina corporis partes esse.

Cum Regina profectionem ad Urbem in crastinum constituisset, eâ de re Senatam, ^a Herculem Rohanum Mombasonum Ducem Præfectum Urbi, atque urbanos Magistratus certiores facere visum, uti Regi, atque Regina matri ubi advenissent præsto forent, qui & paternum filio obtigisse Principatum gratularentur, jusjurandum de more pollicerentur, & quid Regina fieri vellet, juberetque resciscerent; Senatam ad Regem in veste purpureâ venire debere Administri censebant, qui huic jusjurandum polliceretur, negabant verò Patres se novum Re-

^a Hercule de Rohan Duc de Mombason.

gi regnare incipienti iurjurandum polliceri, aut ad hunc eâ causâ universum Ordinem venire solere: misere modò qui de Principatûs initio gratularentur, & Senatûs obsequia deferrent, simul Regem, atque Reginam matrem docerent, *Nihil prius usque novis Regibus, atque antiquis fuisse, quam venire in Curiam, atque eò primum frequentis Senatu capessendi Regni initium facere, quod Regem ipsâ autore Regina matre facturum sperarent.* Hæc nonnihil hæcebat, quid sibi faciendum esset dubia, atque incerta: huic certè parùm placebat sibi propè æquatos Gastonem, atque Condæum in Regni Procuracione, quin & omnes qui Consilio adesset deberent Administros, cùm ex plurium sententiâ sibi res omnis publica gerenda esset, rem usque inauditam, atque ab Regibus, aut qui horum vices gesserint, alienam, postremò regiz quæ penes se tantisper esse debeat, potentiz planè contrariam. Sed quamvis Administri Edictum de Regni Procuracione fabricassent, ubi tamen perspexerant quantum isthuc Reginae grave esset, ad hanc subito post Regis viri obitum adierant, professique fuerant, *Se se nihil obligatam Reginam velle, aut censere, ex hoc Edicto, non modò ut ex plurium qui Consilio adfuturi essent, sententiâ rem publicam gereret, sed ne uti quidem eorum consilio, iudicio, aut operâ in hac gerendâ uteretur, quod omnino ex hujus voluntate pendere debeat: ab ipsis Ludovico in eâ re morem gestum oportuisse, quò lubentius ad id quod æquum erat de Regni Procuracione Reginae tradendâ adduceretur, sese id & scripto si satis huic placeret, profiteri paratos.*

Mirum est graves, ac sapientes viros existimasse Regis mortui Edicto, tametsi & Reginae, & Gastonis nominum adscriptione, præterea iurejurando firmato, sibi satis cautum fore, ut utrique in republicâ gerendâ prope socii forent, in quo certè quod ab his peccatum fuerat, quantocyùs correctum oportuit. Gratum id quidem, acceptumque Reginae fuit, atque adeò minùs hanc, atque Regem filium ire in Curiam necesse videbatur: nam promulgato, atque in acta Senatûs relato Ludovici Regis de Regni Procuracione Reginae uxori traditâ Edicto, nihil opus esse viri Principes, atque Administri censebant, uti porrò eâ de re in Senatu ageretur: præterea cùm in Mariâ Ludovicâ XIII. matre totum de Regni Procuracione huic tradendâ negotium Senatus sibi sumere voluisse videretur, cavendum arbitrabantur, ut ne id porro sui juris esse crederet: sed qui Administris haud satis æqui tùm fuere, ac Bellovacensis Episcopus maximè qui fratrem in senatu Andream Potierum a Novionen habebat Præsidentem, atque alios propinquos, ii Reginae persuasere, *Ipsi satius esse quod de Administris Edicto Regis viri cautum fuisset, id ab Rege filio in senatu sedente pro Tribunali infirmari, quam sicut illorum habere meritum, ac beneficium: quod fecerint id haud satis solemne, aut validum esse adversus Regis Edictum promulgatum in Senatu: hunc Ordinem sicut humane se res habent, posse ab ipsâ posthac dissentire, apud quem si Administri sese coactos ab jure suo discessisse mox exposuissent, scilicet ut ex plurium sententiâ sicut Edicto Regis de Regni Procuracione cautum sit, Regina rempublicam administret, Senatui potestatem fore, ut id nihilomi-*

a Potier de
Novion.

nus fiat, decernere: *sic autem ad hunc Ordinem ultro Regina rem deferat, hunc baud dubiè secundum ipsam decreturum, atque huic eò impensius quæ voluerit omnia deinceps obsecuturum.*

Inter hæc Gasto qui missi ad Reginam ab Senatu fuerant, eos edocuerat, Sibi perinde grave, atque illi fuisse, utrique æquatos Edicto Regis omnes Administratos, atque necessitudinem Reginæ impostam, ut horum consilio, iudicio, atque operâ in re publicâ administrandâ utatur, quod novum, atque insolitum in Regno sit: *Reginæ enim quæ Regis filii vices gestura sit, æque liberum esse debere, ac ipsi Regibus quos velut in Consilium de re publicâ adhibere: idem sentire Condæum, atque se considerare Senatuum ut id corrigatur secum operam daturum: Condæus Gastonis orationem paucis confirmavit. Ambo ea de re cum Regina congruebant, cum suâ sponte, tum quia utrumque in suam sententiam duarum pactione provinciarum adduxerat, quarum altera Gastoni, altera Condæo, aut Angiano filio destinata.*

Postridiè Rex cum Anna matre venit in Curiam, ac pro Tribunali sedens paucis Senatuum est allocutus, neque pluribus puer poterat. Regina hujus excepit orationem, dixitque *Se dolore ex viro morte impeditam nihil usque publicæ rei gerere potuisse, cum autem pridie missi ab Senatu hujus verbis Regi salutem dixerim, fidemque hujus Ordinis adversum hunc perpetuam fore atque huic supplicaverim, ut in Curiam venire vellet, atque eò in majorum sedere Tribunali, ac regnandâ feliciter initium facere: id se verò fieri æquum censuisse, & unâ cum Rege filio in Senatuum venisse, uti quæ sua in hunc Ordinem benevolentia sit, coram significaret, quam re ipsâ lubentius quoties copia erit comprobatura sit: considerare se Regi filio, sibi que Senatuum quæ hoc Ordine digna sint consilia, atque operam daturum, uti res publica bene, feliciterque geri possit. Dein Gasto, atque Condæus eadem ferme quæ pridie in Regia missis ab Senatu dixerant, repetièrè, & quod ad ambos in Regis Edicto quo Regni Procuratio Reginæ tradebatur pertineret, id se planè huic permittere professi sunt, neque alias in republica quam quas ipsa vellet, partes sibi expetere, aut tributas hoc Edicto velle. Secundum hæc Seguierus Cancellarius de Regis Ludovici morte luculentam juxta, ac gravem habuit orationem, hujus virtutes collaudans, & quantum in tanto Principe res publica damni fecisset commemoravit: Regis pueri egregiam indolem ostendit, quæ Reginæ matris curâ, atque præceptis adjuncta reipublicæ saluti, ornamento, atque gloriæ futura sit. Sed hanc interea Reginæ ipsius virtute, atque prudentiâ fultam benè, feliciterque gestum iri neminem omnium dubitare posse, præterea nihil hujus pietatis Deum Opt. Max. denegaturum videri. Certè his fretos Gastonem, ac Condæum rectè existimasse, illi rem publicam planè permitti æquum esse, ita ut in hoc gerenda quorum consilio, iudicio, atque operâ utatur ipsi integrum, ac liberum sit, magis id convenire potentæ regiæ quæ huic per filii pueritiam credita fuerit, nam quamò major sit in bona Principe, tantò rei publicæ utiliores evadere.*

Conversus dein Seguierus ad Cognitorem, atque Actores regios, uti quod dicendum haberent id expromere vellent, innuit. Ibi Audomarus Talonus Actor regius postquam Regi, atque Reginæ multa quæ ad

rem publicam rectè administrandam pertinebant, prolocutus fuerat, atque hortatus ut ab legum æquitate quæ Regibus perinde regnandi, ac populis parendi vera norma sit, nusquam discedere vellent, censuit denique ac Regis nomine pro Cognitore regio postulavit, *Ut ex voluntate Ludovici Regis nuper demortui Anna Regina Ludovici Regis filii pueritiæ curam gereret, atque in Regni Procuratore esset, Gasto Patruus huic in omnibus provinciis Legatus, ac præterea regis Consilii princeps, quod & per hujus absentiam ad Henricum Condaem pertineret: Regina integrum esset quorum vellet in gerenda re publica consilio, judicio, atque operâ uti, nihil obligatam in Consiliis quæ de hac haberentur, plurium sententiæ stare, sed quod è republica, & fide sua esse judicaret, id statuere, ac facere.* Postea Cancellarius ab his qui aderant, sententias rogavit, ac postremò ab Rege quid vellet, juberetque, dein de more hunc pro Tribunali in Senatu sedentem ait decernere, Reginam matrem ex Ludovici patris voluntate suæ ipsius pueritiæ curam gesturam, & cætera consimilia his quæ Talonus pro Cognitore regio dixerat, atque postulaverat.

Priusquam Rex, atque Regina in Curiam venissent, Patres inter se collocuti fuerant, de abigendis qui pristinæ Tyrannidi (ita Richelii in republicâ gerendâ rationem quidam appellabant) servierant Administris, supplicandumque Reginæ censuerant, ut aliorum quorum probitas nota esset, operâ uti vellet: sed id ab omnibus omissum ubi Intentionem rogati sunt, unus modò a Joannes Jacobus Barillonus in una ex Inquisitionum Classibus Præses rei hujus mentionem sed hanc lenem, atque clementem iniecit, quo facilius in Bellovacensis sententiam ab cæteris discessum, qui tantam rem, tamque vtilem rei publicæ ab Reginæ prudentia, & æquitate expectandam esse censuit, in quo ipse sibi fraudi fuit, nequedum enim quid Reginæ de Mazarino sententiæ esset, noverat. Cæterum quoniam in Senatûs Decreto nulla hujus mentio facta fuerat, eò hunc sicuti Buthillerium, & Chavignium filium Reginæ invisum plerique omnes arbitrabantur; neque cui Ludovici viri rationusquam antehac probabatur, in eo quod uni modò Richelio omnem credidisset rempublicam, id eam in Mazarino Richelii cliente facturum quisquam omnium existimabat: si tamen placeret exemplum, hoc magis ad Bellovacensem Episcopum spectaturum, quàm ad Mazarinum: nam ille in hujus familiâ principem locum pridem obtinebat, cum magnâ pietatis, atque doctrinæ opinione: sed quid in re publica valeret, neque ipsa, neque quisquam omnium satis scibat, scilicet cujus nullam partem attigerat: nihilominus Regina hunc cum cæteris Administris in Consilium de omni re publicâ adhibuit, præterea ab Rege filio litteras ad Pontificem dari jussit, quibus illi Cardinalatum peteret, ubi primùm creandis Cardinalibus Pontifex operam daret. Hæc imagnascentis gratiæ magnam salutantium multitudinem in Bellovacensis aedes accivit: apud cæteros Administratos haud quaquam par frequentia fuit, quo factum est uti Bellovacensis sibi facile esse confideret, quos ex his vellet, eos loco pellere, atque ipsum maximè Mazarinum: mo-

a Barillon

1643.

nitus tamen ab Regina est, ut ipsi de petitione Cardinalatus gratias ageret, quam eo autore instituerat, quod quidem satis superque fuisse videtur, uti quid Regina de Mazarino sentiret, Bellovacensis probe intelligeret: neque tamen animum inducere quivit, huic cum illa convenire, in quo mirum videtur hominem qui in Reginae Aula inveteraverat, hanc nondum satis cognovisse, nihilosecius enim sicut hujus ingenium quo vellet flectere posset, ita omnia dicebat, faciebatque.

Igitur Bellovacensis Richelio quondam sicuti diximus infensus, omnia ejus consulta, factaque rescindere, quos amicos habuerat, iis inimicus esse, contra qui hunc odissent, iis impensius favere sibi ingens operæpretium esse ducebat. Ita Vindocino cui Britannia provincia Richelii operâ abrogata fuerat, hanc reddere, præterea Rei navalis Præfecturam dare properabat, ipsius Richelii, aut ejus propinquorum spolia: nam Britanniam Carolus Portæus Mellerius, Navalis rei Præfecturam Brezæus sicut antehac memoravimus, obtinebant: quin & de Sedano a Frederico Mauricio Turrio Buillio restituendo agitasse ferunt, postremò multarum rerum viris Principibus ab eo spem factam, quæ sine rei publicæ detrimento præstari nequirent. Cuncta hæc Mazarinus vir callidus hominem moliri sinebat, uti Regina re ipsâ potiùs, quàm monitu suo Bellovacensem rei publicæ gerendæ haud satis idoneum esse cognosceret, neque in se ulla invidiæ adversum hunc suspicio caderet.

Inter hæc Chavignius cum & ipse Bellovacensem apud Regnam gratiâ pollere crederet, rationem inire constituit, quâ inter hunc, atque Mazarinum amicitiam, atque gratiam conciliaret: nam ab veteri amico discedere, ut ad novum accederet, id verò sibi neutiquam faciendum existimabat. Itaque per hominem fidum Bellovacensis animum tentat, conaturque primùm efficere, uti sibi æquus esset: feruntur utrimque conditiones, postremò res eò deducitur, uti Bellovacensis Buthillerius, ac maximè Chavignio placatus videretur. Litteræ regiæ de Cardinalatu ad Pontificem, & Barberinos, præterea ad Fontenarium Romæ Legatum quam amicissimè ea res fieri poterat, ab Chavignio Quatuorviro perscriptæ fuerant: præterea uti sororis filius b Nicolaus Choartius Buzanvallus ad Helvetios legaretur, Chavignius sese daturum operam pollicitus fuerat, quibus rebus Bellovacensis animum sibi conciliaverat. Sed ubi de amicitia, atque gratia Mazarinum inter, & Bellovacensem componenda agere visum, Chavignius primam hujus rei mentionem Mazarino fieri voluit, ab eo quo interprete apud Bellovacensem usus fuerat, cui ille respondit, quæ Chavignius cum Bellovacensi designasset, ea se æqui, bonique consulere, cæterum alienæ opis nusquam indigere, qui mole suâ itaret, nam his postremis verbis latine usus est: quæ verba plena fiduciæ rem ejus in tuto apud Regnam esse indicio erant: sed id Chavignio occultum habebat, dictabatque, *Se eâ modò causâ in Gallia resistisse, ut huic pro maximis in se meritis qualem posset hisce difficillimis temporibus gratiam referret: nam absque eo esset sibi satius in Italiam re-*

a De la Tour,
Duc de
Bouillon,

b Choart de
Buzanval.

dare, ubi tuta tranquillaque omnia forent. Chavignius gratias agere, conferre cum eo de more consilia, quid speraret, metueretve sicuti fratri patefacere, nam usque ab Chavignio fratris loco haberi voluerat, patri huius, matrique dictitans hos non unicum sicuti rebantur, sed duos habere filios, neque enim se ipsi Chavignio concedere, uti maiorem adversum hos pietatem haberet. De suo in Italiam discessu palam locutus fuerat, ubi Regina Ludovici viri Edicto de Regni Procuracione modum fieri ab Rege filio ex Senatûsconsulto voluerat, quæ de Administris pater edixerat infirmando, ne ipso quidem excepto Mazarino. Sed Regina post paulò quàm ab Senatu in Regiam redierat, Condæm ad Mazarinum adire iusserat, ac dicere homini, sese hunc Administru Regis filii Rescripto, præterea Consilii regii Principem per Gastonis, & ipsius Condæ absentiam creare velle, quam conditionem ægrè accipere visus, seu id ex composito inter hunc, atque Reginam fiebat. Sequierum qui Regni Cancellarius esset, omnibus quæ de republicâ haberentur Consiliis adesse necesse erat ex Magistratu, atque adeo ex Administrorum quos Ludovicus Edicto instituerat, numero reliqui erant Buthillerii, qui ab illis exclusi viderentur.

Sed alterum modò abigere tum consilium fuit: nam post paulò Regina Bellovacensem Episcopum ad eos iussit ire, qui utrumque edoceret Reginæ placere, Buthillerium patrem summam abdicare Quæsturam, atque ab Aulâ, & Urbe discedere. Id verò utrique qui sibi nullius rei perperam gestæ conscî, & quorum multa, magnaque in rempublicam, ac nonnulla in Reginam merita essent, gravius vilum. Quamobrem Bellovacensis respondere, *Si Buthillerii opera in summâ Quæsturâ Reginæ minùs placeret, hanc continuò sicuti jubeat, abdicaturum: at quæ huius benignitas, & clementia sit, non existimare se, id ita hanc factum velle, uti quidquam Buthillerii famæ noceat: postridi igitur hunc si Reginæ videbitur, ei supplicaturum uti sibi summam Quæsturam abdicare liceat, ac continuò factâ potestate abdicaturum: quâ re ex Reginæ sententia consecrâ triduum ut in Consilium sicut Administru venire copia sit, postulare, dein rus abiturum.* Cuncta hæc Bellovacensis sese Reginæ renuntiaturum amicissimè recepit, uti planè ab eo id omne nulquam ortum esse crederes. Sed Mazarinus probè sciebat Chavignio dudum consilium fuisse, uti pater summam Quæsturam abdicaret, de quâ ubi quid Bellovacensis respondissent, resciverat, continuò ad eos venit, quàm sibi ægrè esset significans Reginam de Buthillerio id consilii cepisse, sed ibi Chavignius hunc summo oravit opere, atque obtestatus est, uti dare vellet operam, quò Regina quæ ab hac per Bellovacensem postulaverant, ea facta vellet. Cæterum, *Quoniam pater in abdicando Magistratu antehac tergiversatus graviter offenderit, non esse sibi consilium in eamdem fraudem incidere, sed maturè Quatuorviratum abdicare, pecuniâ in æstimationem acceptâ. Nihil pacati videre se in Reginæ vultu, quæ nibilo magis filio quàm patri æqua futura videatur, cui rei prævertendum existimet: obsecrare Mazarinum pro amicitia, ut in eo sibi adjutor sit, quo cæteras fortunas suas in tuto collocatum iri credat: nam abdicato Quatuorviratu nihil præ-*

terea pones se fore, quo invidiam, & cupidinem cuiquam moveat. Quamdiu Mazarinus intactus foret, hunc sibi praesidio esse posse, sin verò uti sibi consulat, quoad utrumque inimici petant, expectet, alterum alteri nulli usui futurum. Non eandem sibi, ac Mazarino periculum effugendi facultatem, cui ubi velis in Italiam discedere liceat, interea adversum omnes inimicorum injurias purpurea sudamina: sibi quaecumque fortuna sit, manendum in patria, uxori, atque liberis prospiciendum. Ad hæc Mazarinus Chavignii, atque patris casum misereri, Reginam amaram, atque atrocem dicere, neque se tamē existimare banc quod uterque de abdicanda ab patre sponte Quæstura, & secessione post paulo faciunda postulaverit, abnuitiuram: de Quatuorviratu quod Chavignius tantopere festinet nihil esse: brevi aut pessum ituras res suas, aut gratiā apud Reginam omnibus fore potiorē: si id oppetiri velit, suo quidem iudicio rectē facturum: sin id satis certum, atque tutum esse diffidat, uti luberet facere posse: nam si ipse posthac gratiā valebit, Quatuorviratum Chavignio, atque alia majora ultro adventura: interea daturum operam, ut ipsi quam maxima fieri poterit pecunia in aestimationem Quatuorviratus curetur, præterea ut in Administrorum numero porro sit, atque in Consilium de omni republica ab Regina de more adhibeatur. Buthilleno, atque Victori fratri Turonum Archiepiscopo qui aderat, parum placebat, Chavignium ultro abdicare Quatuorviratum, sed res quorum evaderent, opperiendum cum Mazarino censebant. Ita tamen tum discessit ab iis, ut cui Chavignius in sententiā permanens videretur, & Quatuorviratum abdicaturus, si paulum modò Regina hominem perterrefaceret. Cæterum de Buthillero patre sicut ipse, atque filius postulaverant, ita factum est, nam postulanti, uti summam Quæsturam abdicare, dein post paulo secedere liceret, facta potestas est. Sed priusquam filio quid acciderit expedio, mihi de re omnium quæ eā tempestate evenere maximā dicendum puto.

Richelio mortuo, dein Ludovico Rege gravi morbo laborante ita ut huic vitæ finem adesse fama ferret, magnam rerum in Gallia perturbationem fore Hispani sperabant, infirmam mulieris, atque pueri dominationem, virorum Principum, atque Administratorum factiones, discordem Aulam, atque alia omnia, quæ per paucos pueritiæ qui reliqui Ludovico XIII. fuerant annos, ubi regnare cæperat, olim acciderant, tum eventura sibi fingebant: postremo neque Regem per diuturnum morbum, neque Administratos tali suo, atque rei publicæ tempore, cuncta quæ in bello vario, & multarum rerum egenti usui esse solent, satis providere potuisse. Ipsi per hybernorum tempus paraverant omnia sedulo, neque labori, aut sumptui pepercerant, uti maturè activa inciperent, priusque Urbem aliquam oppugnaturi obsiderent, quam ex hybernis copiæ nostræ discessissent. Neque fefellerat Ludovicum id eos consilii capere, quò magis uti frustra essent, operam dederat: nam & Imperatorem, & copias numero, atque virtute propulsandis hostibus idoneas delegerat.

Belgium quod Philippi Hispaniæ Regis est, eā tempestate obtinebat Franciscus Mello vir pacis, quam belli artibus clarior, atque adeo quæ
consilio

consilio provideri debuerant, ea felicius, quam ubi factò opus fuit, processere. Is maturè copias ex hybernis eduxerat, atque his in unum conductis acriter Galliae fines ingressus est, rem Hispanis usque insolitam. Sed Angianus ubi primum hostes ad fines venire nuntiatum, diem, locumque quò omnes copiae nostrae convenirent edixerat: missi ad Franciscum Potierum ^a Gesfræum Marchionem qui apud Rhemos, & ad ^b Espenatum qui ad Picardiae & Campaniae fines certis copiis praeerant, qui Angiani verbis juberent paratos, intentosque esse, ut ne in mora forent, ubi accerferentur: Espenano negotium dat, uti Guisium oppidum neque loco, neque opere satis firmum amplius praesidium mitteret, nam quò tenderent hostium consilia adhuc in incerto erat. Idem apud Capellam factum.

^a Marquis de
Gévre.
^b Espenau.

Postremo Angianus Isenburgum Comitem ab Mello praemissum esse rescivit ad ^c Rupem regiam, qui circum oppidum stationes collocaret: ipse magnis itineribus subsequabatur. Ibi verò Angianus Gassioni qui praeerat equitatu levis armaturae, praecipit uti cum quingentis equitibus eò progrediretur, atque cerneretur Rupem regiam quantum fieri posset militum introducere. Gassio propter Angiani mandata exequitur, nam & appropinquavit circum Rupem regiam hostium castris, & pulsus quae longius collocatae fuerant, stationibus, usque ad ipsa principia pervadit. Eo dum pugnatur acriter, atque ex omnibus concurritur castris, ad id modò intentis omnibus, Sclopetarii equites centum ad oppidum contendere, receptique intra moenia magno posthac usui fuere: nam instructi grandioribus Sclopetis quibus ad venationem uti solemus, ad moenia defendenda maximè idonei erant, pedites juxta, atque in equis praeliari soliti. Ubi primum oppidum ingressi facta cum cæteris militibus, atque aliquo oppidanorum numero eruptione, munitionem extra oppidum pro Mauberti Porta, quâ potiti hostes fuerant, pugnando recipere, alteram quæ pro altera oppidi Porta erat haud tentare ^d Jofrevillae visum. Is oppido Praefectus erat qui primum defensorum paucitate adductus quæ extra oppidum erant munitiones, eas modò tormentis, atque aliis missilibus ex oppidi muro protegendas esse constituerat: nam in iis pugnare manu periculosum ducebat, ut ne caesis iis quos in iis munitionibus collocaret, brevi decissent qui moenia ipsa defensarent. In eo tamen plus æquo prudentem fuisse compertum est, nam per dies septem, quibus hostes oppidum oppugnare, ita suorum operæ, vitaeque pepercerat, uti non amplius quatuor, atque foemina una desiderati fuerint, ex hostibus caesi modò septingenti. Rupes regia in tumulo posita est, qui ex mediâ exurgit planitie: hanc haud ita magnam circumquaque Carbonaria claudit Silva: quinque ex aggere ^e propugnacula, præterea aliæ munitiones ^f Semilunas appellant, oppidum cingunt. Cum totigitur apud Rupem regiam munitiones essent, pauci autem defensores, maturare Angianovium, quoniam jam hostis in oppidi fossa esse nuntiabatur, quo Jofrevillam brevi ad deditionem redigi necesse erat. Itaque Gesfræo, Espenano, & Gassione accersitis, atque omnibus in unum conductis copiis,

^c Rocroy.

^d Jofreville

^e Bastions.
^f Demy-Lou-
na.

1643.

decem ab Rupe regia passuum millibus castra ponit: dein vocato in Consilium Hospitalio Haliero, cæterisque quibus id honoris haberi solet, de Consilii sententiâ suppetias oppido ferendas esse decrevit, atque ut in crastinum milites itineri, simul & prælio parati essent, edixit.

Interea compertò per exploratores duo omninò itinera, eaque perangusta esse, quibus per medium saltum ad eam planitiem quæ ad oppidum pertinet, perveniretur, eorum altero quinquaginta Illyricos equites, Croatas appellant, ultrà saltum pergere jubet: hi saltu digredientes hostium stationes ex adverso conspiciantur, quâ re Angiano nuntiati, is Gassionem cum regia equitum ala, sua Sclopetariorum equitum turma, quam custodiæ causâ habebat, Illyricis equitibus omnibus, atque aliis eodem pergere, & quidquid obvium foret, pellere quàm longius posset imperat, uti sibi in planitiem advenienti aciem instruere vacuum esset. Id ab Gassione factum ex sententiâ, præterea haud procul ab hostium castris locum paulò quàm cætera editiorem occupat. Ex eo hostes castris egredientes, instruentesque animadvertit, subitoque Angianum ea de re facit certiorum. Is saltum prætergressus cum Hospitalio Haliero, ^a Fertæo Sannectario, & Espenano, quæ secum erant copiæ, eas instructas adversum hostem constituit, dein velitationibus perpetuis distinct, donec reliquæ copiæ in planitiem deductæ, uti quæque adveniant instructæ, & suis locis dispositæ essent: quædam nondum saltum erant egressæ, jamque locus iis in planitie collocandis decrat, atque ad eò visum hostes summoveere vicino loco paulum edito, quo dextrum cornu produxerant. Tum diei vespere erat, consultabatque cum Ducibus Angianus, vtrum prælio decertandum jamjam, aut postridiè censerent, aut nocte proximâ introducendum militem in oppidum, ut aucto defensorum numero Jofrevilla diutius propugnare posset. Haud satis diei reliquum esse visum ad incipiendam, conficiendamque pugnam, in ea non gloriam modò, & famam Galliæ, sed & rem, & salutem agi, quæ clarissimâ luce, uti satis prospicias, provideasque, indigeant: nullam itaque prælii partem tenebris permittendam, in quibus omnia incerta, & casu magis, quàm consultò fiant: neque satis placuit militem in oppidum noctu introducere, quoniam & res difficilis erat, & exercitus eò minuebatur, quem ad crastinam pugnam fortissimum, atque firmissimum efficere opus erat, nam hanc ex Consilii sententiâ postridiè faciendam ubi primùm lucefceret, decrevere. Idem hostibus consilium fuit, sicuti ab Gallo equite perfugâ nuntiatum: is de tertia vigilia, relictis quibus meruerat hostibus, ad stationes nostras accefferat, & ad Angianum deduci postulaverat, hunc quid hostes pararent edocet, præterea ^b Beccum cum equitibus mille, & peditum millibus tribus is adventare subsidio, atque horâ diei septimâ adfuturum. Tantò magis in suâ sententiâ confirmatus Angianus antequam lucefceret, quid facto opus esset, sedulo præcipit. Gassionem in dextro, Fertæum Sannectarium in sinistro cornu, præterea cum majore imperio Hospitalium Halierum, Espenatum in mediâ acie, ubi robur peditum erat, curare jubet,

^a Le Marquis de la Ferté-Sannectaire.

^b Bec.

a Sirotum Baronem in subsidii esse, neque quidquam nisi maximè opus foret, movere. Ipse insigni equo, atque armis decoribus egregius singulas turmas, atque manipulos circueiens monet, Usque adhuc hostes maximus oppidorum relictos Gallorum virtutem frustratos esse, magisque operibus faciendis, fossis, vineisque ducendis, manibus vallisque subruendis, quam praelio cuius vix usquam potestatem fecerint, devictos, eam nunc æquis locis fieri. Non propugnacula superanda, non inter manium ruinas evadendum, uti praelium manu faciatis : quæ quanquam difficilia, atque aspera, tamen virtuti vestræ prona fuere. Quo major me spes victoria tenes, cum quâ parte belli omnibus gentibus potiores estis, ei rem publicam hostes permiscere. Gratulor igitur mihi, vobisque milites, quod ubi primum me Imperatorem habuistis, praelium manibus faciendis lubido hostes incesit : quo pacto qualis mea simul, atque omnium vestram pœstet fortuna futura sit, periculum facere, quam sicuti antebag oppidorum oppugnationibus satius esse duco. Hoc diuturnum, laboriosum, oppugnantibus, quam propugnantibus longè periculosius. In pugna æquatus utriusque laboris periculumque, virtute modò victoria paratur, & quodcumque futurum est, una dies constituet. Quare agite, & benè jurante Deo me ducem ad victoriam, & gloriam sequimini, ex qua & ampla vobis præda erit. Hæc matura, & in promptu sunt, si ego, vosque, quod unum ab vobis postulo, nos in pugna juxta gesserimus.

Hæc prolocutus pugnae signum dedit, neque ad hanc hostes segniores fuere. Peditibus e Hemburgus Comes, equitibus e Albuquerque Dux præerat, summa Imperii penes d Mellum fuit, huic e Fontanus Comes erat Legatus. Pro cornibus equites, pedites in media acie collocati, amplius viginti quinque millia armatorum fuere, nostrorum quinque millibus minor numerus. In dextro nostrorum cornu locum sibi Angianus delegit, quo primum procurri captum, idem continuò ab sinistro, mediâque acie factum. Inter saltum ab dextrâ, & sinistram paludem primum res gerebatur, loco paulum angusto : mox ubi hostium antesignani pulsi, patientiore campo, minus ab Rupe regia mille passibus pugnatum. Quocumque Angianus impetum facit, eò pedites, equitesque hostium juxta pelli, occidi, capi : primum sclopetarii mille paulò humiliori loco secundum saltum positi, in quibus præsidium sibi fore equites speraverant, ab nostris equorum pulsu afflicti, protriti, profligati : dein eâ parte hostes cedere, Angianus insequi, sua opinione jam victor, scilicet ignarus suorum in sinistro cornu diversam esse fortunam. In eo Fertæus Sannectarius, & qui unâ cum ipso pugnant, neque animo, neque virtute defecerant : sed ille breviorum sclopetorum glandibus semel, atque iterum, dein ter gladiis vulneratus, postremò equo suffossio, ab hostibus captus fuerat, & mox ab nostris receptus, qui denique perturbatis ordinibus pedem referre coacti sunt, ad eum usque locum, quo tormenta locata fuerant, his hostes aliquandiu potiti, cæso qui iis præerat f Labarreo. Iamque his adversum nos conversis in perniciem nostram uti properabant, cum Hospitallius Halierus qui sese recipiebant, his exceptis, restitutusque ordinibus redintegrat pugnam, hostes omittit tormenta, atque loco aliquantum cedere cogit, plus facere prohibuit

e Le Comte
d' sem-
bourg.
e Le Duc
d' Albuquerque.
d Mello.
e Le Comte
de Fontaine.

f De la Barre.

1643.

vulnus ex glande influctum brachio, atque rursùm eâ parte inclinata res erat, nî propter subvenisset Sirotus Baro, quem in subsidii ad incerta pugnae collocatum supra memoravimus. Is tùm cum copiis quibus praeerat, magno usui fuit, scilicet qui hostium impetum usque sustentavit, donec equites qui in dextro fuerant cornu, profligatis iis quos adversùm ierant, reliquos hostes ab tergo invasere. Italici, Germani, Belgae equites, peditesque primùm fusi, in Hispanis equitibus aliquod morae fuit: at pedites incredibile memoratu est, quantâ firmitudine animi, atque virtute adversùm omnem victorem exercitum aliquandiu steterint: postremò accersitis omnibus, ac maximè qui in Cornu dextro fuerant, peditibus, præterea victore cui Gassio praeerat equitatu, tum denique Hispani ab universo exercitu circumventi, cæsi in medio, ab Helvetiis maximè, qui pugnae initio ab hostibus malè habiti de commilitonum necè poenas atroces ab miseris Hispanis repetebant. Sed Gassionis virtus in hoc prælio maximè enituit, qui ubique præsto fuit Angiano, quæ imperavit impigrè, nonnulla sponte suâ, iudicioque quæ ad victoriam conferre visa, patravit, eò deinceps carus, acceptusque in primis Angiano: qui postquàm satis superque hostes erat inscutus, eò demum quò pugnatum fuerat rediit. Ibi verò spectaculum visu horrendum, & miserabile, Civium, atque hostium, virorum, equorumque promiscua strages. Quâcumque prospectus erat, humus constrata cadaveribus, atque infecta sanguine, arma, tela, galeæ, loricae, vexilla lacera, cruentata, atque alia cladis Hispanorum, & Angiani victoriæ documenta. Sed inter hæc ipse memor humanarum rerum, gnarusque quàm opportunè hæc victoria Galliae accidisset, quàm anceps fuisset pugna, atque adeò fortuna Regni, Deo immortali extemplo grates agendas decrevit. Id factum ab exercitu victore, inter hostilia cadavera, spoliaque, eò majori studio, quò subiecta oculis hostium clades, quàm dispar tùm utriusque partis fortuna esset, intentiùs monebat.

Octo millia hostium in pugna fugaque cæsa, nam agrestes genus ferum, atque atrox omnes quâ hosti receptus erat, vias obsederant, & quotquot in manus incidere immisericorditer trucidarunt: duo millia amplius nostrorum desiderata, tanti hæc victoria constitit, signa militaria ducenta, viginti tormenta, neque plura hostes habuere, cum omni tormentario instrumento, atque impedimentis in potestatem victorum venire, præda militibus ingens, captivorum millia sex, inter quos ducenti nobilitate insignes, ipse Franciscus Mello primùm captus, post ubi hostis acriùs urgebat, omissus: postremò ubi suorum cædem, fugamque, & res suas perditas videt, Mariæburgum profugit: eòdem plerique ex fugâ contendere, quibus recensitis, cum tanti exercitus reliquiae vix hominum duo millia explerent, longiùs abscedere visum, ad Philippivillam, quò demum omnes è fugâ constiterunt. Fontanus Comes cuius clara in Belgio virtus, famaque, in eo prælio cæsus est, huic in sellâ adfuit, senio gravis, atque infirmâ valetudine: fuere qui id iurifurandi religione factum dicerent, quò antehac pollicitus fuerat, cum

apud socias Belgarum Civitates captivus esset, se nusquam adversum has, & earum socios, aut pedibus, aut in equo militaturum. Isemburgi Comes ex vulnere quod in prælio acceperat, post paulò interit. At Beccus cum quinque armatorum millibus subsidio hostibus veniens tumultum, & clamorem pugnantium duobus ab Hispanorum castris passum millibus accepit, dein fusos esse nuntiatum, atque adeò aliòiter convertit, in rem Philippi esse ratus has ei copias incolumes ad fines tutandos superesse, cum quibus Lucemburgensem Agrum obtinebat. E nostris præter duo millia caesa, faucii complures erant, ipse Angianus femur leviter afflictus glande, lorica duas alias exceperat, equus duabus aliis vulneratus, ita Imperator æquato cum cæteris omnibus periculo pugnaverat, ubique intacto capite, uti suis exemplo, hostibus terrori esset.

Ex eà tempestate nihil Angiani virtute clarius, nihil Gallia utilius, atque gloriosius fuit, nam tot tantaque gessit, ut his pro dignitate narrandis imparem me, neque cuiusquam dicta huius factis æquari possentiam. Sed ubi devictos hostes, tantamque ipsis cladem ab Angiano illatam Regina nuntiatum est, ac mox signa militaria iis adempta fuere in conspectu, incredibile memoratu est quanta omnium animis lætitia incescit, quos ex recenti Ludovici Regis morteluctus tunc cum maximè occupabat, præterea metus ne quid adversi rei publicæ portenderet, pro quo victoria, atque trophæa obversabantur oculis. Igitur ob rem publicam ab Angiano benè, feliciterque gestam decreta supplicatio est, cui adfuit frequens Senatus, præterea aliæ Curia, Urbanique Magistratus, signa militaria Templo appensa, Rex, atque Regina ob recentem Ludovici mortem ab eà se sacrorum celebritate abstinuere.

Interea ab Brussellis ^a Margarita Lotharinga in Aulam advenit, quam Gasto dudum Regis fratris injussu, quod quidem, facere Principibus viris in Gallià jus, fasque esse negant, uxorem duxerat: hæc ^b Caroli Lotharingæ antehac Ducis soror est, qui ob eas nuptias invito, ac prohibente Ludovico confectas pulsus Lotharingià, atque eà dudum spoliatus sese Hispanis conjunxit, neque spernendas popularium copias habet. Marganta apud Nancium Gastoni nupserrat, qui subitò Brussellas cum uxore abierat, ut ne Ludovicus frater cum exercitu Nancium oppugnatum veniret, sui cum uxore comprehendendi causà: at postea compositis cum Gastone rebus, huic in Galliam redeundi potestas sine uxore facta fuerat, cujus infirmas esse nuptias Senatus decreverat. Tunc verò mortuo Ludovico, atque Richelio, qui maximè his nuptiis adversatus fuerat, Regina Gastoni ut uxorem accerferet, potestatem fecerat: sed ut ne posthac viri Principes Gastonis exemplo sibi licere crederent, quas vellent Regum injussu uxores ducere, Ludovici XIV. voluntate Gasto Margaritam duxit iterum, nuptiarumque solemnia in Templo celebrata sunt, & si quid infirmitatis primùm habuissent, eo pacto sanatum.

Quatuor fuere minores Quæstores, quorum facillè princeps erat Almericus, de quo supra memoravimus: hi singuli per vices quæ ad Æra-

^a Marguerite de Lorraine.

^b Le Due Charles de Lorraine.

1643.

a Contrôlle.
b Tresorier
de l'Espa-
gne.

c Contrôl-
leur général
des Finan-
ces.

d Charron.

e Le Pré-
sident Bail-
leul, Claude
de Melme,
Comte d'A-
vaux.

f Henry Au-
guste de Lo-
menie, Com-
te de Brienn-
ne.
g Guene-
gaud.
h de Beon
du Macé,
Comte de
Brienne.

rii dispensationem pertinent, eorum Commentarium conficiebant, quod *a* Contratubulas appellavêre: quæ scilicet contra *b* Præfecti Ærario, atque aliorum qui rem regiam tractare solent, tabulas institutæ sunt: continet enim quidquid ex regis prædiis, vectigalibus, tributis, Portoriis, aliisque fructibus accipiendum ab his, aut acceptum, expendendum, aut expensum sit, uti cognoscatur utrum id omne, & an rectè acceperint, aut expenderint, atque in tabulas bonâ fide retulerint. Has Contratubulas unus modò antehac conficiebat Magistratus, cui *c* Contratubulario nomen ex re inditum, atque hæc tanta visâ, uti secundum summum Quæstorem maxima inter Magistratus qui rem regiam administrant, contratubularii dignitas esset. Eò nuper cupido incesserat Almericum hujus habendi Magistratus, cujus gratiâ Quæsturam quam gerebat abdicaturus fuerat, quod quidem tum frustra fuit: dein cum Quatuorviratus petitio nihilò magis huic processisset, rursùm ad illum alium Magistratum, cui certè magis idoneus fuit, animum adjecit: is ipsi ab Regina mandatus est, atque id hanc eò lubentius fecisse aiunt, *d* Carionio qui res suas forenses sedulò usque gesserat, benè faciundi studio, cui Quæsturam ab Almerico abdicatam mandavit. Cæterùm delecti queis summa Quæstura Buthillerii abdicatione vacua mandaretur *e* Bailleulius, & Avauxius: sed hi parum gnari fuere earum rerum quæ ad Ærarium pertinent, nam aliis ab hac nequitia plenissimâ disciplinâ diversissimis negotiis inveteraverant, Bailleulius in forensibus, quia in Senatu Præses est, Avauxius in Legationibus obeundis, qui & propediem Mænastrerium Vestfalorum de Pace Legatus iturus erat, eò ad Almericum cum ex Magistratu, tum quòd rei Quæstoriæ dudum scientissimus erat, omnis hujus cura reductura Mazarini voluntate videbatur.

Sicuti Buthillerius summam abdicaverat Quæsturam, ita & Leonem Buthillerium Chavignium filium Quatuorviratum abdicare velle suprâ diximus, qui sibi Reginam iniquam esse crederet, atque adeò Mazarinum erat obtestatus, ut in eâ re sibi adjutor esset. *f* Henricus Augustus Lomenius Brienna patre Quatuorviro natus similem antehac gesserat Magistratum, quem magnâ ab *g* Guenegaldo acceptâ pecuniâ nuper abdicaverat atque huic tradiderat. Sed *h* Ludovica Beona Dumacæa uxor per Richelii tempora qui haud ita æquus Reginae fuerat, hanc coluerat, atque observaverat diligentissimè, quæ hujus rei nunc secundis in rebus suis memor illi benè, atque ex animo factum volebat. Viro sicuti uxori singularis in Deum pietas, summa bonitas, & beneficentia, præterea Briennæ rerum in Galliâ gestarum magna scientia, quarum multos conscriptos habet Commentarios: eò Regina hujus sibi operam in re publicâ per Regis filii pueritiam gerendâ haud inutilem sibi futuram credit. Cum autem Briennæ atque uxori nihil esset optatius, quàm iterùm Quatuorviratum adipisci, satis placebat Reginae hunc Chavignium abdicare velle, quem Briennæ mandaret. At si Chavignius de summâ patris Quæsturâ antehac, ac tum de Quatuorviratu suo quid sentiret, aut metueret, nulli patefecisset, & quid sibi Principatus commutatio portende-

ret patienter expectasset, hunc intactum futurum fuisse censeo, aut certe Reginam his summam modò Quæsturam adepturam fuisse, qui Magistratus haud diù ferme penes quemquam fuit. Certè si Buthilleriorum nomini insensam fuisset, utrumque simul Magistratûs abdicare jussisset, atque id per Bellovacensem significasset, qui cùm de summâ Quæsturâ modò locutus fuerit, haud dubium est Reginam de Chavignu Quatuorviratu nihil dum consilii habuisse, de quo abdicando ipse inconsulto metu mentionem Mazarino injiciendo huic improvisam ejus rei patrandæ spem objecisse. Fuere eâ tempestate qui ita existimarent, Mazarinum Reginæ adversum suos studio adductum, quos statim ornatos volebat, Carronium videlicet, Bailleulium Cancellarium suum, & Briennam, quò id fieri posset, rationem iniisse, quæ nulli damno foret: de Carronio enim & cum Almerici lucro factum: ornandis verò Bailleulio, & Briennæ opportunè accidisse, uti Chavignius summam Quæsturam ab patre abdicatam voluisset, atque ipse tum Quatuorviratum abdicare vellet: volenti enim nullam fieri injuriam: quin & Chavignium ut id sibi facere liceret, Mazarinum fatigasse, qui cum amico consuluerit, sicut hic ipse sibi consultum voluerit, officio planè functus sit. Cæterum uti Brienna iterum Quatuorvir esset, è Quatuorvirorum Collegio aliquem amotum oportebat, quò quidem in Tellierum casum videbatur, qui hujus Magistratûs munia Nucerii vice obiret magis, quàm verè Quatuorvir esset: sed si id fieret, nihil huic dignitatis reliquum futurum erat, multoque honestius fuisset in eodem quò antehac statu permanisse, quàm eò evectum esse, unde tam subito præceps daretur, quam in fraudem Mazzarino durum visum suâ operâ Tellierum incidere, quam ut ornatio, & auctior esset impensam voluerat. In Chavignio disparem esse rationem, qui & vellet Quatuorviratum abdicare, & penes quem Administri Regni dignitas mansura esset: postremò novum, & insolitum esse Quatuorvirum Regi in Consilio assistere, dum Collegæ stantes adsunt, quò vel maxime hunc Magistratum rectè ab Chavignio abdicari. Sed nemo profectò est, quin se Quatuorvirum adesse stantem Regis Consilio, quàm sedentem Administrum malit, si nulla huic aliunde gratia, atque potentia sit, tanta Quatuorvirorum dignitas, atque auctoritas est. Sed statim atque Regina Chavignium Quatuorviratum abdicare velle certò resciverat, continuò hunc Briennæ se mandaturam pollicita fuerat: cui quidem rei Chavignii propinqui vehementer obstabant, suadebantque ut ne scripto abdicaret Magistratum, quæ sola legitima abdicatio est. Ipse verò in suâ sententiâ se permanere ait, si tamen ab Reginâ de retinendo impetrare possent, in eorum potestate futurum. Interea Briennæ uxor a Vincentium, & Amelotum viros Ecclesiasticos missabat ad Chavignium, qui se suâ sponte venire simulabant: atque Reginam ipsi insensissimam dicebant, abdicandumque Quatuorviratum videri, si reliquum dignitatis statum cum cæteris fortunis obtinere vellet. Amelotus singillatim uti vitam posthac ab omni republicâ procul ageret autor erat, quo liberius animum divinis adjiceret, atque hoc pictatis velum prodicioni pessimè obtendebat. Vincentium Re-

a Le Pere
Vincent, Le
Pere Amelot.
te.

gina quia sanctitatis nomine Monialibus probabatur, quibus illa tribuebat plurimum, in Consilium cum aliis Ecclesiasticâ dignitate præstantibus viris, atque cum Mazarino ipso de rebus Ecclesiasticis adhibebat: mirum certè est ambos qui sanctitatem vitæ profiterentur, Briennæ uxoris Chavignio damnum molientis artibus servire nihil pensi habuisse: sed adversum id genus hominum munifica semper, ac liberalis fuit, quo factum est, ut ipsi gratiam occasione datâ referre æquum censerent, quod de alieno quivis lubentius, quàm de suo facit. Postremò Chavignius cum pueret ab eo discedere, quod se facturum dixerat, neque propinqui ab Reginâ per amicos impetraverant, ut illi mutare sententiam cum bonâ hujus gratiâ liceret, Quatuorviratum denique scripto abdicavit, pecuniâ cum ab Briennâ, tum ab Rege ipso, sed eâ haud multâ in aestimationem acceptâ. Ibi verò documento fuit non hominum virtutem, sed fortunam modò ab plerisque omnibus coli: nam ubi hanc unâ cum Magistratu abdicare visus est, tum solitudo in ædibus, pauci primum venire salutatum, dein vix unus, aut alter ex amicis, quorum dum res secundæ erant, magnus numerus fuerat: hos fermè omnes ex media Aula levissimum genus hominum habuerat, qui cum fortuna simul dilapsi sunt.

Magnæ Mazarino necessitudinis cum Chavignio causæ intercedebant, quas commemorare longum esset, breviter dicam nihil illi esse dignitatis, aut potentiæ, quò non Chavignii operâ pervenerit, quam & diuturnam, & solertissimam dederat, uti Richelius Cardinalatum quem Pontifex hominibus Gallis, Regis commendatione dare solet, Mazarino hospiti, atque advenæ datum vellet. Scio equidem Chavignium eâ re sibi in posterum consultum voluisse, ac sperasse Mazarini amicitiam, atque potentiam sibi ad omnes casus præsidio, aut si minùs eo egeret, ornamento fore, in eo certè offendit, quòd sibi haud perinde colendum hunc cui videlicet ornando, augendoque tantopere laboraverat, ac Richelium, ab quo ornatus ipse auctusque fuerat existimavit: utrùm id Chavignio apud Mazarinum fraudi fuerit, haud satis scio, cæterum huic facile erat meo quidem iudicio, opperiri, quoad ejusdem adversum se, ac priùs adversum Richelium adhibendę reverentiæ ab cæteris exemplum caperet, invalescente in dies suâ apud Reginam fide, atque gratiâ, quam Chavignium ante Quatuorviratum adeptum maximam esse voluisse certum est, neque huic venisse in mentem Magistratum abdicandi, nisi quia hanc, aut nullam esse crederet, aut tam infirmam, uti sibi præsidio esse non posset. Sed quis Mazarinum culpa liberaverit, qui Chavignium tantum de se meritum quæ sua fides, quæ gratia apud Reginam esset, celatum voluerit, atque hujus rei ignorance perditum, aut certè summopere labefactum?

Sed postquàm Quatuorviratum abdicaverat, atque hæc filii clades ad paternam accesserat, mirum non fuit Mazarinum de hujus ab Aula procul habendi consilio non destituisse, atque id quidem Chavignio ut ipsi tempus erat, opportunissimum fuisset. Nihil enim cuiquam gravius est, quàm quò floruerit, eò cum minori gratiâ, atque potentiâ esse. Primum igitur

igitur id est Mazarino obsecutus uti cum Longavilla, & Avauxio Monasterium Vestfalorum de pace legari vellet. Sed & in ea re continuo sensit, quantam dignitatis jacturam fecerat: nam ubi primum de hac Legatione cum Mazarino convenerat, misit ad Avauxium, qui suis verbis nuntiaret in ea se huic tanto, & tam amico viro Collegam factum, & magnificum videri, & jucundum esse: præterea hunc opportunè summum Quaestorem creatum, quò sublata de medio sit ea controversia, quæ antehæc sibi cum eò intercessisset, sicuti hujus semper virtuti, ita & dignitati se tunc lubentissimum concedere. Hæc erat humanitatis plenissima oratio, ad quam Avauxius ex præsentī utriusque fortuna respondit, rectè, atque ordine Chavignium facere, sibi que gratum esse, quod tandem æqua nosceret. Id eò gravius Chavignio fuit, quòd in Quatuorviratu Avauxius hunc diligentissimè coluerat, atque observaverat, præterea intercesserat amicitia, quam in utraque fortuna eandem esse decet.

Avauxius Equestris sancti Spiritus regię Militiæ Scribæ, Chavignius ejusdem Militiæ Quæstor erat: Illi venit in mentem, uti Legationem quam obire debebat, magis, magisque cohonestaret, postulare ut hujus Militiæ torquem aureum sibi gestare ab Rege potestas fieret: id ad eos modò qui in hujus Militiæ societatem ab Rege lecti sunt, attinet: nam ubi solemnibus intersunt sacris, hunc torquem super Paludamento, quandoque super Pallio gestare solent, cujus rei facta Avauxio potestas est. Id fuit hujusmodi, uti neque Chavignio magnoperè exoptandum, neque spernendum esset: sed ad famam pro Collegio pertinere visum, ut ne quid minus suâ, quàm Avauxii causâ factum videretur. Quamobrem eundem expetivit, atque impetravit honorem, cautumque est, ne quid præter morem omnino fieri videretur, ut ambo ubi Rex creandis hujus Militiæ Equitibus operam daret, in eorum societatem, aut Collegium Avauxium, & Chavignium legeret, quod quidem magnificum amobus visum, tametsi infectum fuerit, utroque ante ullam Equitum ab Rege factam creationem mortuo. In eo negotio Chavignio ægrè fuit, quòd id totum clam se Avauxius molitus fuerat, quòd & contra veteris amicitie, & novæ in Legatione societatis jus factum videbatur.

Ubi Regina non Regis modò Edicto, sed & Senatûs Decreto Regni Procuracionem adepta erat, ibi verò nihil se illo Edicto, neque Jurisjurandi quod invita pollicita fuerat, religione teneri est arbitrata, neque obstare quidquam quominus Rohanam Mombasonam quæ Brussellis agitabat, in Aulam revocaret, quâ de re & illa sæpius ad Reginam scripserat, & qui Mazarino infensi fuere, hanc ut id faceret magnoperè hortabantur, spem nacti ubi Rohana Mombasona advenisset, ipsam ab Regina uti Castronovanum accerseret impetraturam, nam id operæpretium pellendo Mazarino videbatur, si alterum reipublicæ gerendæ æquè idoneum Reginæ objicerent.

Sed ille tametsi de Reginæ erga se benevolentia certus erat, tamen ut ferè sunt omnia in Aula incerta, ac tunc cum maximè ingenia, atque negotia varia, fuere, quàm plurimos sibi amicos adjungere studabat. Henri-

1643.

a Le Duc de Longueville.

cus Condæus ipsi magis æquus, quàm iniquus erat: Mommorantia uxor favebat, infensa Belfortio ob *a* Condæam filiam Longavillæ uxorem, cui cum illo lites intercedebant: Gastonem Riviera cuius erat in potestate Mazarinum inter, & Vindocinum incertum animi, dubiumque fecerat, dum Vindocini promissa opperitur, spem facientis homini hunc se ab omni injuria quam ab Betunio, & Monthesaurio metuebat, tutum præstaturum, quâ in re Belfortium patri adiutorem esse volebat, atque ab eo accipere fidem: quæ si data foret, ipse Gastonem se adversum Mazarinum impulsurum pollicebatur: quæ res omnis tergiversante Belfortio, uti Betunio, atque Monthesaurio morem gereret, frustra fuit, atque adeò Riviera sibi apud ipsum consuluit Mazarinum, qui illius operâ Gastonis amicitiam est adeptus, huic contra adversæ factionis consilia, atque conatus utilissimam.

b Le Duc de Verneuil.

c Le Duc d'Espèron, le Comte de Fiesque, le Comte de Nancé la Chastre, Colonel General des Suisses, le Comte de Betune.

Vindocinus, Belfortius filius, *b* Vernolius Henrico IV. item ut Vindocinus natus ex alterâ Concubinâ, *c* Spernonius, Fiescus Comes, Castræus Tribunus Helvetiorum mercede Regi militantium, Betunius, Monthesaurius atque alii Mazarino, ac Seguiero infensi erant, huic magis ut in ejus locum Castronovanum sufficerent, quàm propter damnatum sicuti aiebant, judicio capitis Thuanum, cujus operâ adversum Richelium Cardinalem nuper usi fuerant. Mazarinum verò consimilem Richelio potentiam affectantem, ac propè habentem oderant, & utrumque accersito in Aulam Castronovano pellere studebant. Hujus factionis princeps erat Vindocinus, cujus tamen ipse, opesque in Belfortii filii virtute maximè sitæ erant. Sed cum in dies Mazarini apud Reginam gratia, atque fides cresceret, seseque frustra contra hunc niti animadvertent, vel serio, vel per simulationem cum eo concordare velle visi.

At Mazarinus seu Reginæ monitu, seu huic morem gerere sponte suâ voluerat, Rupifocaldi Marfillaci amicitiam, quem sibi fidum ipsa rebatur, expetiverat, quàm honestissimâ oratione, fidem dans homini, sese procul ab omni rei, aut dignitatis augendæ, ac magis ab omni cuiquam bono, atque honesto nocendi lubricine abesse. Marfillacus qui ex Vindocini, atque aliorum grege erat, Mazarino ita respondit, ut illi Reginâ consultâ opus esse satis intelligeret, quæ illum magnopere hortata est, uti Mazarino amicus esse vellet, nihil quod sibi sit optatius, facere posse significans, uti facile crederes apud ipsam eâ tempestate majorem gratiam, atque fidem esse nemini: dein Marfillacus omni re cum amicis communicatâ apud Mazarinum visens iit, ab quo humanissimè, ac perliberaliter acceptus, habitusque est. Cum Regina Vernolio eadem quæ Rupifocaldo atque ampliora dixisset, orans uti quàm plurimos posset Mazarino amicos adjungeret, habitum denique ab Vindocino omnium gregalium consilium est, qui uno ore cum illo redeundum in gratiam censuere. Datum Fiesco negotium, ut ad eum adiret, diceretque Butilleriis patre, & filio labefactis nihil propè ob stare, quominus huic Vindocini, atque alii amici sint: ante Quatuorviratum Charvignio abrogatum nullam ipsi conditionem ferendam existimasse, unam modò ferre tunc, quam

ipsi haud gravem futuram putent, quoniam nulla ipsi cum Seguiero necessitudo sit, quem Aulâ pelli cupiant, huic ob damnatum capitis Tbuatum, & pessimam ejus in Spernonis negotio rationem jure insensu. Mazarinus gratissimam sibi Fiesci orationem esse respondit, negavitque se ullam antehac adversum Charvingnium conditionem accepturum fuisse, qui sponte sua Quatuorviratum abdicaverit: Seguieri verò tuendi privatim nullam sibi causam esse, sed hunc pellendo locum Castronovano vacuum relinqui, quem socium in republica habere nolit.

Ita se habebant hujus rei principia, multaque verba ultro, citroque commutata, quæ tandem eò rediére, uti Vindocinus, atque alii sese ullam Mazarino conditionem latam velle negarent, quæ ipsi damno foret, atque adeò satis habere, sicubi ipsi cum Castronovano conveniret, tum Seguiorum honoris eorum causâ pellere vellet: sed ne hanc conditionem quidem sibi primùm accipiendam putavit: dein comperito nihil eâ se nisi ubi luberet, teneri, postremò hanc haud sibi abnuendam esse decrevit: per sex dies ea res acta, quibus Mazarinus dubius, atque animo varius visus, cum se quandoque hujus percupidum, quandoque nihil, aut parum studiosum ostenderet.

Interea Belfortius ad Rohanam Mombasonam quæ jam Gallia fines ingressâ erat, miserat a Championem patris clientem, ac negotiorum Curatorem fidum, ut huius sententiam exquireret: nam ipsi, patrique, atque Spernonio cum ea magna familiaritas, atque conjunctio inerat. Sed hæc ab Regina acceperat litteras, quibus significabat sibi pergratum fore, si ipsi cum Mazarino conveniret, atque adeò Rohana Belfortio, cæterisque per Championem autor erat, ut & ipsi in ea re Reginae morem gererent, quod est ab ipsis continuò factum, atque omnes ad Mazarinum adiére, ab quo perbenignè accepti sunt.

Post paulò Rohana Mombasona ad Urbem advénit, ac pristinâ Regina gratiâ freta ad Regiam rectâ tendit. Eò post prima benevolentia, atque humanitatis verba, adventûsque gratulationem, Regina ad rempublicam pertinere ait, ut illa tantisper Rus secedat, ne fortè Socii, ac Foederati ex ejus ad Aulam mansionem, quid ab hostibus apud quos diu agitaverat, hujus operâ nobiscum agi de pace clam fanciundâ suspicentur. Rohana Mombasona tametsi id præter spem eveniebat, tamen ut in subitâ, plerumque mulieribus, quàm viris præfentior animus est, nihil eâ oratione Reginae turbata hanc pro amicitia monet, uti videat ne ea res sibi ipsi fraudi sit. *Neminem ignorare quæ passa sit, ea sibi ob constantem in eam fidem evenisse, cui talem referri gratiam ut ne quis credat, ad Reginae famam magnopere pertinere, cui tamen si aliter videatur, nihil sibi antiquius fore, quàm ut huic statum obtemperet.* Aderat haud procul Mazarinus, quem Rohana ab Regina consuli super ea re postulat: is illam rectè sentire ait, neque porrò de Rohanae discessu mentio facta: cæterum non eandem sibi quam antehac gratiam, atque fidem apud Reginam esse sensit, quod quidem sedulò omnibus occultum habuit.

Postridie Mazarinus venit ad eam, causatusque ex Ærario præsentem pecuniam vix auferri posse, quinquaginta millia nummum huic se

1643.

numeraturum ait, præterea si quid se vellet, quò suum erga hanc studium palam probaret, id se quod posset, effectum redditurum. Placuit hujus rei periculum facere, postulando uti Vindocino Britannia provincia ab Regina decerneretur, Spernonio Aquitania, atque Gallorum militum Tribunatus redderetur. Isthuc quidem factum continuò est, ac pro abrogatâ Harcurio Aquitania data Regni Hipparchi est, pro Britannia quam sibi ipsi Regina destinaverat provincia, rei navalis Præfecturam Vindocino dare constituit, atque eâ causâ ad Brezæum mittit Briennam Quatuorvirum, qui suis verbis hortaretur, ut hanc abdicare vellet, & quæ explere animum adolescenti possent, ea in æstimationem polliceretur. Post paulò Rohana Mombasona ab Mazarino postulat, uti Marfillacum *a* Gratiæ portui Præfectum esse vellet, quod oppidum, atque Arcem penes Richelium Cardinalem fuisse, dein Richelio Vignerotio sororis nepoti ab Ludovico XIII. permissum memoravimus: eò Mazarinus negare primùm id se satis pie facere posse, in quem tanta Richelii Cardinalis merita essent, quod etiam denique Rohanæ obsecutus: sed & ea res, & quod antehac de rei navalis Præfectura Vindocino tradenda diximus, frustra fuere, abnuentibus Brezæo, & Richelio & hanc, & Gratiæ portum deponere. Postremò Rohana cum sibi Mazarinus de ullâ re negaret, hujus animum de reducendo in Aulam Castronovano pertentavit, in quo graviter offendit, quæ scilicet sua, atque factionis consilia hoc postulato nudaverit, quo se Mazarinus peti sentiens Rohanæ Mombasonæ colendæ, ambiendæque, ac promerendæ hujus amicitie finem fecit.

a Havre de Grace.

b Châteauneuf.

c Mont-Rouge.

Ubi Rohana Mombasona Bruscillis quò exulaverat profecta ad Urbem properabat, *b* Castronovanus item ab Inculis quò conjectus pridem fuerat in carcerem, dein Regine jussu emissus, eodem iter intenderat: sed apud *c* Monterubeum suum altero ab Urbe lapide restiterat, quod quidem huic fraudi fuisse plerique existimavere: nam si quemadmodum Rohana Mombasona de improviso Regine intervenisset, omnia hujus de se consilia faciliè disturbaturum fuisse, virum animo forti, summæque rerum peritiâ, prorsus omni gerendæ reipublicæ parem. Sed sibi tamen absenti Rohana Mombasona apud Reginam freto in promptu fore omnia speraverat, ac maxime se Mazarinum Aulâ pulsurum, dein illam ex priâ cum Regina familiaritate operam daturam, ut huic nihil domi quod animum explere posset, deesset, reque fore omnes quæ cum ea erant mulieres, sese interea pro sua prudentia, atque rerum usu omnem rem publicam placidè tractaturum. Jam se verè Cancellarium, Seguierum hunc rectè, atque ordine creatum prædicabat: nam quo Diplomate Procancellarius creatus esset, eodem si quid Haligrio tum Cancellario humani eveniret, se Cancellarium factum: nevisquam homini vivo tunc abrogari Magistratum, atque adeò se vivo hunc Seguiero perperam mandatum. Huic orationi quædam veri species inerat, ceterum ubi abrogatus est Procancellario Magistratus, nihil posthac ad Cancellariatum juris habet.

Nihil fecit Castronovanus sese pro Cancellario gerere, hujus infi-

gnia Magistratûs circum se habere: cum interea accepit ab Regina litteras, quæ hunc ad Urbem venire prohiberent, quia videlicet Mazarrino spatium sibi apud illam consulendi dederat: id homini supra quam dici potest grave, ac præter spem accidit. Placuit tamen eam de Cancellariatu habebat spe in speciem abjectâ, experiri utrum sibi ad Urbem venire liceret. Itaque rescribit, *Nihil sibi prius, aut antiquius esse, quam Regine coram agere gratias, quod se durissimo emissum carcere voluisset: hanc sibi antehac summam domûs, ac negotiorum suorum Præfecturam dedisse, cui operam impendere gloriosissimum existimes: quamobrem huic supplicare, ut eâ causâ se ad eam accedere vellet.* Sed ne id quidem ex Castronovani sententiâ cessit, tamen pro eo Rohana Mombasona, & quidquid in Regina Gynæceo clientelæ huic erat, atque alii amici omni ope niterentur.

Obstant Condæus, atque Carola Margarita Mommorantia uxor, ob hujus fratrem a Mommorantium capitis antehac damnatum ab Castronovano huic infensi, tum etiam Belfortio, omnique ejus factioni, quibus diximus de causis. Obstabat præterea magno conatu Seguierus Cancellarius, qui b Joannæ sororis Monialis, atque Montacuti operâ apud Reginam tendendæ porro dignitati consuluerat. Nam huic de quo supra memoravimus Montacuto cum ea Moniali amicitia intercedebat, apud Esix-pontem, quod hujus Monasterium est, agitare solito: scilicet qui corruptis Henricæ Britannicæ Reginæ rebus, in cujus dudum erat clientelâ, sicuti plerique tali suo tempore, pietatem in Deum impensius colere velle videbatur, cujus specie bona, malaque multa in Aula juxta fiunt. Joanna verò ob vitæ sanctitatem Reginæ cara, acceptaque erat, atque adeo illius commendatio apud hanc magnum pondus habebat, ac maximè pro fratre, eo quem gerebat Magistratu longè dignissimo, & qui adeo singulari suâ virtute adversum inimicorum injurias, haud minus quam alienâ ope sese tutabatur: postremò in hoc pellendo Mazarini res agebatur, qui & ipse id ut ne fieret diligenter operam dabat: nemo enim Seguiero commodior usquam fuit his, qui gratiâ valere, scilicet non ipsis obniti sicuti Castronovanus, sed salvâ republicâ, ac dignitate suâ omnia obsequi solitus, quæ certè summa prudentia est.

Non his omnibus tamen Castronovanus est ab incæpto planè deteritus. Namque ambitio sibi cuncta facilia factu putat: atque interea dum fortunam opperitur, famæ, atque vulgi de futurâ potentiâ opiniononi serviundum existimavit. Pergit igitur in Monterubeo suo commorari, Urbi tam propinquo, uti nemini veniret in mentem, id hunc injussu Reginæ facere. Nam ubi ante decennium Procancellarius erat, eodem sæpius agitabat, atque negotiis haud secus quam in Urbe dabat operam: quo factum est, uti cuncti è Consilio regio, præterea alii salutatum, atque adventum gratulatum frequentes venirent. Idem ædium ornatus, eadem Magistratus insignia, idem homini habitus, cultusque, prorsus Cancellarium quem se videri volebat, esse diceres, tam scitè hanc adornarat fabulam: neque quisquam omnium fuit, quin propediem huic allatum iri regium Signum arbitraretur, donec Regina per eum-

a Le Due de Mommorantcy.

b La Mere Jeanne.

1643.

dem Montacutum antehac & Rohanæ Mombasonæ, & Castronovano, dum Favonius flabat, nunc verò eadem de causâ Mazarino amicum, illum longius ab Aulâ, atque ab Urbe abscedere iussit.

• Le Col-
gicux.

Post paulò Jacobus • Cognexius in Senatu Præfex, atque antehac Gastonis Cancellarius ab exilio redit, in Senatu posthac, quàm prius in Aulâ clarior: nam in eo homine multæ, bonæque artes animi sunt, quas dum in Aulâ versabatur, ambitio corrumpibat. Sed huic per difficilia Gastonis tempora, sicuti secedendi, atque in Belgium profugendi ipsi fuisset autor, abrogatus Magistratus fuerat, publicata bona, ipse Divionensis Curix iudicio damnatus: sed cuncta hæc Senatus neque rectè, neque ordine facta fuisse decrevit, atque adeò Cognexium in integrum restituit. De Magistratu magna intercessit difficultas, quoniam primum

• La Mo-
ignon.
• De Nes-
mond.

Christiano • Lamognono Senatori, dein hoc mortuo Francisco Theodoro • Nesmondo hujus genero mandatus fuerat, quem Senatu pellere cum suâ virtute, tum Condæi gratiâ nixum neque faciliè, neque satis æquum videbatur. Claudius Bullio cum summam Regni Quæsturam gereret, Præsidum in Senatu numerum, atque item Consiliariorum augendum esse censuerat, idque Ludovico XIII. Regi autor fuerat, quod Senatui grave, tum eo gravius, quod ipse sibi novum Præsidis Magistratum, dein si quid sibi humani eveniret, filio sumplerat. Is mortuo tum patre in Senatu erat Consiliarius, legitimam ad ingrediendum Præsidis Magistratum ætatem opperens. Patris ubi summam Quæsturam gerebat acerbitas, ingentes divitiæ, auctus in Senatu Magistratum, atque Consiliariorum numerus, atque omnis hujus hominis ferocitatis plena ratio faciliè tum redibat in memoriam, atque invidiam filio faciebat. Quo factum est, uti veniret in mentem Reginx, atque Administris huic abrogare paternum Præsidis Magistratum, quod in eo, quàm in Nesmondo tolerabilius videbatur, quoniam hic jamdiù Præfex erat ille nondum Magistratum erat ingressus.

Sed ut id hujus voluntate fieret, rem quæ juvenis oculos percelleret, objecere, scilicet uti sancti Spiritus Militiæ Scriba fieret. Id muneris pecunes Avauxium esse supra diximus, quod ipse datâ in æstimationem pecuniâ lubens abdicavit, ita Bullio abdicato & ipse Magistratu ad quem gerendum ætas modò legitima decrat, in Avauxii locum succedens est, ornatusque hujus Militiæ insigni, quâ re maximè adductus fuerat, uti spontè Præsidis Magistratum abdicaret: nam id insigne & Equitibus, & Administris hujus Militiæ cum Rege commune est, aurea crux fasciâ ceruleâ collo pendula, quam porro gestare tametsi abdicato Magistratu Avauxio facta copia est. Id sæpius in viris tali loco, atque virtute fieri solet, præterea hic, atque Chavignius designati Equites fuerant. Ad hoc Bullioni quo luberet magis Reginx morem gerere, concessum uti deposito Consiliarii quem gerebat Magistratu, atque hoc de more dividendito, maneret tamen in Senatu, honorarius sicut aiunt Consiliarius: ita Nesmondus in Magistratu, atque adeò in Senatu mansit, Cognexius verò quo spoliatus fuerat, eo rursum ornatus est.

Sub id tempus Ferdinandus III. Ferdinandi II. Imperatoris filius quem patre vivo Romanorum Regem perperam creatum, dein mortuo Imperatorem appellatum Gallia censuerat, atque adco Pannoniæ Regem usque appellaveramus, ad Reginam cujus sororem Mariam uxorem duxerat, litteras dedit: simul aderant Mariæ uxoris litteræ, his uterque illam de viri Regis morte consolabantur, ipsi, atque Ludovico filio omnia secunda exoptabant: præterea cum his litteris Diplomata missa, quibus per Ferdinandum tutò licebat Monasterium Westfalorum petere iis qui ab Rege eò de pace legarentur. Tum primùm Ferdinandus isthic Imperator est appellari captus, atque id pacis studio factum, quod litteris suis ostendere visus est. Regina Mariæ forori rescripsit, Ferdinando non item, quia ad illam scribens titulum Majestatis omiserat, quem sibi uni deberi Imperator haud rectè existimabat. Nam quibus appellari solet Imperatoris, aut Regis Romanorum nominibus, ea planè aliena, ac fictitia sunt, cum verè Germanorum, aut Germaniæ non Romanorum Rex, aut Imperator sit: Ita enim Caroli magni nepotes ubi Germaniam seorsim ab Galliâ possedèrè, sunt appellati. Scio hunc quidem Romanorum Imperatorem fuisse, cui videlicet Leo III. Pontifex, præterea Senatus, populusque Romanus jus summum, judiciumque Romæ detulerint. Sed quam tùm adeptus est potentiam, ea paulatim exolevit, aliis post alios Pontificibus hanc sibi summentibus, nihil aut parum ea de re sollicitis Imperatoribus, qui procul ab Urbe Româ, in Gallia, aut in Germania agitavèrè, variis impliciti bellis, ac negotiis, ita ut quibus Romæ imperitare, & quæ ad ipsum Pontificatum, Episcopatus, resque alias Ecclesiasticas pertinerent, multa facere jus erat, si denique illis omnibusexuti, unum modò Regis Romanorum, aut Imperatoris Titulum retinuerint, cujus unius causâ quàm rectè sibi solis Majestatem convenire contendant, existimare facile est. Cæterùm Galliarum Regnum omnium antiquissimum esse, ac nobilissimum nemo negare potest, & qui id possidet, ei majores quàm ulli omnium qui hac tempestate regnant, opes esse, neque ullum usquam dignitatis discrimen inter Galliarum, & Germaniæ Reges, aut Imperatores factum. Cæterùm milites Romani Ducibus suis ubi quid operæpretii facere ceperant, nomen Imperatoris tribuèrè, quod postea C. Cæsari ubi rempublicam invaserat, ac cæteris qui hanc postea temerè, perpetuum fuit, quibus videlicet sese Reges dicere religio erat, nam id summi Imperii nomen ne oppressâ quidem, ac profligatâ libertate Romani usquam tolerare potuèrè, tantum hos ab primis Regibus exactis hujus nominis odium ceperat. His certè clarum est eandem potentiam, eandem dignitatem, eandem denique Majestatem Galliarum Regi, ac Germanorum Imperatori esse, & si quid in alterutro nomine fraudis sit, hanc magis in Imperatoris, quàm in Regis nomen cadere. Sed Austriacos tum demùm animum ad pacem adjecisse scunt; seu mortuo Richelio, dein Ludovico nihil in Galliâ remissum, nihil quod mutationem ullam portenderet, animadvertent; seu Reginam sibi tunc æquio-

rem fore, quàm antehàc Ludovicum Richelio fretum speraverint.

Intercà Angianus re apud Rupem regiam benè, feliciterque gestâ, per Gallia fines ad Sabim amnem versùs duxit: Barlemontium, & Almericum Castella ad illius ripam posita deditionem facere cœgit: dein Malbodium progressus Binchium petit, oppidum longiùs in hostico situm. Eò ex agris tria hominum millia, prætercà ex fugâ post malam pugnam complures, quia satis firmum videbatur, sese receperant: postmodò tamen, quàm mœnia tribus tormentis verberari cœpta, deditionem fecere: novem illic dies Angianus stativa habuit, item hostes haud procul, ponè Montes Oppidum, atque amnem, utroque muniti stativa habuere, circumspèctantes quid Angiano post victoriam consilii foret: nostri circumquaque ingentes ex vicis, villis, Castellisque prædas egere, nullo prohibente, quoniam armis ampliùs valuerant. Marimontio rure regio, atque aliis regiis prædiis Angiani jussu abstinere: Id Hispaniæ Regi ab Regiæ Gentis adolescente honoris habitum: Gaslio Brussellas versùs mille ducentorum equitum agmen ductans, præ se cùm Nobilium, tùm agrestium fugientium magnam agebat multitudinem, longè, latèque spatio terrore. Ast ubi Brussellæ fuere in conspectu, tùm ad castra redire converso gradu cœpit, neque euntem, aut redeuntem quisquam omnium moratus est. Dein Angianus Binchio movit, quinque tormenta eò inventa tecum advehens: Sed progressus aliquantum sistit agmen, ab hostium castris passibus mille, aciem instruit, atque pugnandi potestatem facit: hostes sese munitionibus continuere, neque mox abeuntem qui prosequeretur, aut quid ipsi consilii esset, exploraret, aut ab effusâ prædâ prohiberet, misere neminem. Priusquàm Angianus longius abscederet, visum ab Malbodio, Almerico, ac Barlemontio deducere præsidia, quod mœnibus horum locorum subversis factum.

Post cæsas apud Rupem regiam copias, Franciscus Mello impensius Belgio metuens, Beccum qui suas integras cum his quæ ex malâ pugná superaverant, mox conjunxerat, ab Theodonis-villâ mille quingentos prætercà pedites accersere jussèrat: reliqui fuere in eo præsidio omnino quingenti, qui numerus satis tùm esse visus, quoniam Theodonis-villa in Lucemburgensi agro quem Beccus obtinet, procul ab Belgio ad Mosellam amnem posita est, quæ res cum falsum habuit. Nam Mazarinus de imminuto Theodonis-villæ præsidio certior factus, hanc Reginæ oppugnandam esse persuasit, neque tantæ patranda rei opportunitatem omittendam. Quod esset apud Rupem regiam præclare gestum, id jure Ludovico viro tribui, qui Angiano Belgium Provinciam, exercitumque decrevisset, atque omnia huic gerenda rei necessaria sedulo præcepisset, ac paravisset. At Theodonis-villæ oppugnanda consilium ipsi Regiæ tributum iri, quod si feliciter eveniat, vel ex eo quæ futura sit novi Principatûs fortuna, hostes, atque socios juxta æstimaturos: hos in fide, ac federe, illos in metu quem usque de Gallorum virtute habuerint, permansuros. His impulsâ Regina mittit ad Angianum, scribitque, uti Gestarum ad Theodonis-villam properare jubeat, qui stationibus

tionibus circumquaque positis, ut ne quid auxilii eò introducatur prohibeat, ipse Angianus subsequatur, ac denique cum graviori agmine Sirotus Baro, uti castris circum Urbem positis hanc Angianus oppugnet, & ad victoriam tam grandem quam suâ maximè virtute fretus reportaverit, Theodonis-villæ expugnatae decus, & gloriam adjungat, cujus rei sicuti speret patratae fore uti Rex filius, atque ipsa maximam huic gratiam debeat, ac referre studeat. Igitur Angianus præmissis cum levi, atque expedito agmine Gesvraeo, ipse ad Mosam properat, traductisque hunc amnem apud Mezieram, quò pontis copia est, copiis, per Lucemburgensem agrum & ipse expedito agmine pergit iter facere, cum interea Sirotus Baro per Campaniæ fines cum tormentis, & impedimentis, cæteroque graviori agmine eodem iter intendit.

Sed Angianus Montem-medium prætergressus Viretonem ex itinere capit. Ea die deprehensus nuntius est, quem ad Montis-medii Præfectum Beccus miserat cum litteris, quibus præcipiebat, uti continuo quantum posset militum Theodonis-villam mitteret, quæ res Angianum jam bonæ spei plenum ad patrandum inceptum magnoperè confirmavit: nam paucos apud Theodonis-villam esse, qui mœnia defenderent, hæc litteræ satis significabant: postremò XIV. Calend. Quint. ad Theodonis-villam castra ponit, quò biduo modò ante Gesvraeus Castrorum Præfectus advenerat præmissus ab Angiano.

Franciscus Mello ubi omisso Belgio Angianum ad Mosam contendere nuntiatus est, Beccum Namurcum ire, atque eò Mosam transire, & si quâ fieri posset per Lucemburgensem agrum hostes antevenire jubet: sed id tardiùs consultum Angiani celeritate frustra fuit. Igitur Beccus comperto circum oppidum hostes castra posuisse, ipse apud Lucemburgum oppidum restitit, deditque operam, ut auxilii quidpiam Theodonis-villam introduceretur. Id factum haud difficulter, quoniam munitiones castrorum circum oppidum nondum erant perfectæ, seriisque ab nostris fuerat animadversum hostes per media præsidia ad oppidum properare: centum tamen ex postremis partim cæsi, alii fugientes amnem ingressi nihiloseius periëre, quadringenti equites, peditesque ad oppidum incolentes evasëre, hi singuli cum singulis equitibus eodem equo vehabantur itineris properandi causâ.

Theodonis-villa secundo Mosellæ amni ab sinistra est, semicirculi instar, cui amnis rectâ fluens finem facit: sex propugnacula suis ad mœnia intervallis extructa, præterea inter propugnacula semilunæ oppidum muniunt: quæ pars ad flumen est, tametsi per se munita, ea tamen operibus firmior facta, aquæ fluminis omnem oppidi fossam complent. In externo fossæ latere via tecta est, dein glaciarium, atque palorum ordo. Primum omnium cautum ab Angiano in quâ quisque castrorum parte curaret, vallum, turres, atque Castella perfici jubet adversum exteriorem hostem, dein ratibus junctis supra, atque infra oppidum pervium amnem facit, ut ab castris quæ cis, transque erant commeari posset: secundum flumen fossa ducta, ut ne hostes si clam munitiones.

1643.

a Jacques de
Roussel,
Comte de
Granicy.
b d'Aumont-
Villequier.

castrorum transcenderent, ad flumen faciliè accedere, atque ratibus ad oppidum evadere possent. Hæc castra *a* Jacobo Russello Comiti Granfæo attributa, alteris castris Angianus ipse, Gervæus, *b* Almontius, & Gassio suæ quisque parti præfuere, summa rei penes Imperatorem Angianum erat. Sirotus Baro mox cum cæteris copiis, atque impeditis tormentisque advenit. Sed interea alia Divioduro Mediomatricum secundo Mosellâ advecta fuerant, quò pluribus machinis oppidi mœnia quaterentur. Hostes primum nequaquam quieti fuere, sed eruptionibus crebris nostrorum stationes, atque custodias perturbare, plusque virtutis, quàm pro numero ostentare. Eò missi fuerant Illyrici Equites, Croatas appellant, genus hominum durum, at campestribus expeditionibus, quàm statariæ pugnae aptius: sed quoniam incredibili celeritate opus fuerat, uti quid præsidii in Oppidum priusquam nostri adventarent, aut aditus clausissent, introduceretur, hos equites Beccus delegerat, solitos diu, noctuque ubi opus est iter facere, equis perinde ad laborem, & longiora itinera assuefactis, maximè prædandi causâ: hi primum crumpentes oppido nostris ex improvîso, ac sæpius intervenire, si fortè cederent, acriter persequi; si resisterent, alius aliò quàm maximè diversi recedebant, atque ita nostrorum virtutem frustabantur: hæc illis disciplina, atque pugnandi ratio est: sed horum eruptiones inhibere visum, quatuor exstructis ex aggere turribus, atque tormentis duobus in singulas collocatis. Id munitionis genus quadratum est, & receptacula vocant, quoniam eò milites si quid gravius urgeat, recipiunt se, ac propugnant. Antequam turres essent exstructæ, frequentes Croatæ eruperant, quorum impetum sustinere Gassionis equitum ala, cui haud dissimilis & prædandi, & pugnandi ratio fuit, præterea Condæi Catafractorum turma duce *d* Salxio Tavanio Comite: is dum impigrè rem gerit, glandis ictu brachium sauciatur, dein interveniente cum majori equitum numero Gassione hostes ad stationes usque suas quæ pro oppido erant, compulsi sunt, eò sclopetarii erant, cum levi munimento, quoniam hos propinquitas oppidi protegebat.

e Redours.

d De Saux,
Comte de
Tavane.

Nonis Quintilibus magna vi equites, peditesque oppido erupere, at è turribus nostris petiti tormentis, & ab equitibus qui in statione erant, primum subistere, dein compluribus undequaque subsidio advenientibus recipere sese coacti sunt, ac ni pedes equiti in tempore adfuisset, magna huic impendebat clades: nam ubi prælium, clamor, & tumultus per omnia castra significaverat, eò concurrere plerique, inter quos è primâ nobilitate adolescentes fuere *e* Cocceius Brislacus, Jarseus Marchio & Colinius Anelotus: hi dum inter hostium ordines præclari, ferocesque dimicant, Anelotus longius progressus propè ab hostibus est oppressus, cui ubi opitulatur Jarseus, glande vulneratur graviter, sicut & ipse Anelotus brevioris sclopeti glande.

e Collé de
Brislac, le
Marquis de
Jarsé, Coli-
gny Dandé-
lot.

Postridiè duabus partibus solæ ad oppidi propugnacula duo, atque ad semilunam mediam duci coeptæ: quæ ubi propius perductæ sunt, primæ hostium munitiones passibus modò triginta aberant, quas perrum-

pere, atque in has impetum facere quantocyùs visum. Tormenta inter utramque fossam variis locis posita fuerant, ac præterea alia duabus oppidi turribus, quibus in fossas nostras despectus erat, diruendis idoneè collocata. Prima hostium munitio *a* ordo palorum fuit, ab terra in maiorem humanà altitudinem prominentium; dein ab his leniter acclive ad oppidi fossam versùs spatium, id quoniam ad glaciæ speciem politum est, Glaciarium appellant: post Glaciarium est via tectà, ac denique oppidi fossa.

Nostri igitur primùm palorum ordinem perfregère, locumque in Glaciario occupavère, atque munivère, ut ab glandibus, tormentisque hostium tecti essent. Eà parte curabat Angianus ipse, cui cæterisque visum, uti postridiè de secundâ, aut tertiâ vigiliâ nostri cùm eà parte, tum quâ curabat Gesfræus, in hostes impetum facerent, quò ad viam tectam, & fossæ latus pervaderent. Id utrimque factum ex sententiâ, tametsi hostes egregiè propugnaverant: sed hi abscedentes denique cuniculo quem sub Glaciario instituerant, ignem admovère, qui supernè humum cum ingenti fragore disjecit, at nostri id futurum suspicati tantum periculum effugère: cæterum hostes eà parte pulsi Gesfræo qui aliâ parte idem moliebatur, intervenère, quo atrocius illic prælium fuit, duplicato hostium numero: postremò tamen & inde pulsi sunt, & utrimque locus est ab nostris in Glaciario, & viâ tectâ occupatus, munitusque, ita omni Glaciario, atque viâ tectâ, quantum inter utrumque locum ab Angiano, & ab Gesfræo munitum patebant, nostri potiti: dein ab altero ad alterum perpetua instituta munitio, atque eò admota tormenta, quibus propius utriusque propugnaculi, atque semilunæ quæ in medio erat, latera quaterentur, ac maximè ut earum omnium munitionum summa disjicerentur, & ne cui in his consistere copia esset: præterea uti quæ in his erant tormenta, ea pilis tormentorum nostrorum corrumperentur: ad hoc Sclopetarii per vices in eo omni occupato spatio glandes ubicumque hostes in utroque propugnaculo, semilunâ, & mœnibus conspici poterant, emittebant.

Posteà loci utrobique, & quâ Angianus, & quâ Gesfræus curabant, æsto sub viâ tectâ cuniculo perfractum utrobique fossæ oppidi latus est, atque patuit in eam descensus. Tunc Nancio in castra venit Lenuncurius, qui vicinam sicuti suprâ diximus, obtinebat Lotharingiam: is dum propius quò tormenta ultimum locata fuerant, per id spatium quâ intermisso vallo tormenti unius os prominebat, oppidi situm eà parte contemplantur, glande ictus occubuit, vir sicuti genus, atque virtus ferebat, excelso animo, bellicâ laude clarus, qui eò rei modò quæ gerebatur visundæ studio venerat: Lotharingia hujus morte vacua Fertæo Sannectario de quo suprâ memoravimus, data provincia est.

Inter hæc hostes propugnandi quâ parte nostri instabant, omni fermè ademptâ copiâ, eruptionem aliâ parte quâ proximam fuit, fecère: tres equitum turmæ de improvviso intervenère nostris nihil tale suspicantibus, ducenti pedites in subsidiis erant: equites primùm nostros ab his quæ

1643.

ad fossæ latus erant munitionibus pepulère, ac tormenta duo corrumpere: ast ubi Melleraii equitum ala quæ in propinquo præsidium agitabat, eò advenit, hostes in oppidum compulsi, æquo propè utrimque damno. Eà quæ subsecuta est nocte, Espenanus Castrorum Præfectus, qui ad fossas, munitionesque nostras cum Picardiæ, Maritimæque Legionibus excubabat, semilunam, sicuti Angianus decreverat, oppugnare aggreditur. Legionem voco pedites aliquanto numero, qui sub uno merent Tribuno, ac suis Centurionibus, quæ legio alicujus provinciæ nomine appellatur, sicuti Pedemontana, Navarrica, Picardica, Normannica, quæ autem Tribuni modò nomen gerunt, quia pauciores habent Centurias, iis cohortium nomen dare visum. Pontes duos quibus milites in semilunam traducerentur, Espenanus ex virgultorum falciculus inter se colligatis instituit, ac jam semilunæ latera tormentorum nostrorum pilis disiecta, atque diruta fuerant, quò facilius in hanc nostri traducti, neque tamen sine magno, atque acri certamine, hostibus egregiè propugnantibus. Sed abeuntes eò cuniculum pulvere tormentario oppletum reliquerant, qui post paulò concepit ignem, verùm id frustra fuit, nostris seu fortè, seu consilio nondum superstantibus, ita neque virtute, neque dolis quidquam hostibus procedebat. Espenanus continuò semilunam, quæ ad oppidi mœnia patebat, vallo muniri jubet, uti miles tectus eà parte, quæ opus esset gerere, atque administrare tutò posset. Postridie ab fossæ latere, ad semilunam pons firmiori opere est institutus, traductæque in eam tormenta, quò propius & mœnia oppidi, & propugnaculorum latera quæ utrimque in conspectu erant, præterea humeri labefactarentur, atque ut in summo quo propugnandi causâ miles esse solet, nemo tutò consistere posset. Eà gratiâ & sclopetarii per vices perpetuam glandium grandinem emittebant in hanc summam, & mœnium, & propugnaculorum partem, sicubi qui ex hostibus in conspectum veniebant: dein injectus fossæ agger, quâ brevior ab semilunâ, ad utrumque propugnaculorum latus via visa, uti supra aquam extaret: eà cunicularii utrimque traducti sese noctu propugnaculorum lateribus applicuere, atque illic infima muri saxa vectibus convellere capere, dein ubi ad aggerem deventum, hunc egessere, & cuniculos instituere, quibus triduo confectis Calend. Sext. est admotus ignis. In altero propugnaculo ingens edita ruina, quâ viginti quinque milites rectâ fronte ad id latus ascendere possent. In altero propugnaculo fortè extincto igne nihil effectum, at sequenti nocte & in eo ingens est edita ruina; super utraq; ruina nostri locum occupavere, atque munivere. Tunc placuit nuntiari oppidi Præfecto eò rem rediisse, ut ipsi denique necesse esset, sibi, suisque consulere: si conditionibus deditionem facere vellet, has honestissimas laturum Angianum. Sed negavit Præfectus eodum se redactum, uti conditiones accipere, atque oppidum dedere cogeretur. Igitur Angianus alios porrò cuniculos in propugnacula duo agi jussit, quæ omnis agger subverteretur: id hostes prohibere sedulo, glandes, saxa, ferreos, atque æneos globos pulvere tormentario oppletos (malograna ob similitudinem appellant) atque alia hu-

jus generis ardentia mittere, prorsus nihil omnium omittere, quod nostros arcerent: postremò duobus ulteriùs actis in utroque propugnaculo cuniculis, disjectoque aggere, nostri impetu factò ad summa alterius propugnaculi evasere: sed eo consistere nusquam copia fuit, tantam glandium, saxorum, atque malogranatorum vim hostes ingessere. Illic Gassio caput graviter afflicto castris uti vulnus curaret, abscedere coactus est. In altero propugnaculo duo acti cuniculi sunt, prior unus ignem concepit, ruinaeque edidit, alter ampliùs opinione morabatur, atque Gesfræus qui eâ parte curabat, militum impetum inhibere conabatur, cum & hic cuniculus concepit ignem denique, quo disiectus magno impetu lapis hominem attingit, necavitque. Hic Juvenis multa rei militaris facinora fecerat, in secundis, atque dubiis rebus quod difficillimum in primis est, juxta egregius, firmusque: paternum huic genus ab Potieris clarum, matrum ab Luxemburgi Principibus fuit, virtus, & gloria quæ utrique genti ornamento futura sit: Castrorum Præfectus, & regiae Corporis Custodem turmae dux, atque in exercitu Angiano Legatus fuit: Tribunatum Equitum habiturus erat si diutiùs vixisset, sed hunc omnium judicio promeruisse Gesfræo aequè gloriosum est.

Gesfræo caeso, & Gassione vulnerato, quorum alter hinc, alter illinc propugnaculorum oppugnationi præfuerat, nonnihil moræ rebus nostris uterque casus attulit: cum tamen ingentes utrimque ruinae essent editæ, neque satis præsidii esse hostibus visum in iis quas opere tumultuario obtecerant munitionibus, novis denuò subter actis cuniculis postremò deditioem fecere. Hujus leges ab Angiano dictæ quam honestissimæ, hostes IV. Id. Sext. oppido discesere. Ita Angiam operâ Ludovicus XIV. Rex Theodonis-villâ potitus, oppido ad Mosellam munitissimo, quo Hispani freti quidquid inter Rhenum, & Mosam, Gallos, atque Helvetios regionum est, in suâ fide, aut clientelâ esse cogeant.

Interea Lutetiæ Parisiorum ^a Carolus Lotharingus Ellebovius antè decennium Curia Divionensis in Ædus judicio capitis absens damnatus, frequenti Senatu præfens absolvitur, decretumque est quod ab Curia Divionensi in eâ causâ factum sit, neque rectè, neque ordine factum videri, cui de Parium Regni causis, in quibus capitis agatur, cognoscere jus non sit. Ellebovius antè judicium capitis adversum hunc latum ab Divionensi Curia Picardiam obtinebat Provinciam, quæ per ejus absentiam, ac præterea capitis damnationem vacua ^b Honorato Alberto Chalpio Duci permixta fuerat. Sed ubi ille ad Urbem redierat, atque Senatus decreto absolutus fuerat, huic est reddita provincia, quam deinceps sicuti priùs obtineret.

^a Charles de Lorraine Duc d'Elbeuf.

^b Honoré d'Albert Duc de Chaunc.

Bernardus ^c Nogaretus Dux Valetta similiter absens capitis damnatus fuerat ab ipso Ludovico XIII. Rege, ex Consilii bellici sententiâ, nam cujus criminis reus agebatur id in castris apud ^d Aragifontem in Hispaniâ admixtum dicebant, scilicet ubi in hujus oppidi muro edita ruina fuerat, aliquantum militum in eam evasisse, qui subsequi debuerant cæteri, eos ab Valettâ qui eâ parte curabat dolo malo prohibitos. Vocati in

^c De Nogaret Duc de la Valette.
^d Fontalvie.

1643.

a Belforiorum de Soyecurium.
b Le Marquis du Bec.

id Consilium Senatûs Præfides fuerant, ut ne hujus Judicii omninò Senatus expers esset, qui tamen hoc anno Valettam videri extrà noxam esse decrevit: nam illud iudicium non ab Ludovico, sed ab Richelio profectum censēbat, jucundumque erat ostentare cæterorum potentiam brevem, hujus verò Ordinis perpetuam esse. Præterea quæ in *a* Belforiorum Soyecurium, in Picardiâ Ellebovio Legatus fuerat, atque in *b* Dubecum Vardium ob deditas ante septennium hostibus Corbiam, & Capellam citiùs sicuti tùm aiebant, quàm belli ratio postulare, capitis lata iudicia in absentes fuerant, ea ab Senatu antiquata sunt, decretumque videri ambos extrà noxam esse.

c Henry de la Tour, Vicomte de Turenne.
d Le Marquis-Ville.

Post captam ab Hispanis in Italiâ Dertanam, & ab nobis Astam, utrimque cessatum fuisse supra diximus, sed hæc quies haud diuturna fuit. Penes Thomam Imperii summam in regio exercitu esse memoravimus, ac de Pralinoplessio Legato mentionem fecimus: Thomæ præterea Legatus fuit *c* Henricus Turrius Turena Vicecomes, *d* Guido Villa Caroli Emanuelis Sabaudicæ Ducis copias regis conjunctas ducabat. Is præmissus ad Astæ villam novam, quod oppidum Sabaudicæ ditionis hostes occupaverant, id obsidione cinxit, oppugnavitque, quod ab Augustino Molinari Præfecto deditum est denique.

e Le Thésin.

Interea Thomas Princeps cum Turenâ, & Pralinoplessio sese Alexandriam ad Tanarum amnem oppugnare velle simulavit, dein ad Pomarum habuit castra, quod oppidum ad Padum est. Eò hostes credidère nostros transuros amnem, quò factum est uti Laumellio agro metuentes, qui fertilissimus Sessitem inter, *e* Ticinum, Padumque amnes jacet, complures qui huic præsidio forent copias Padum traducerent: sed nostri subitò ad Casalium iter flexère atque eò transmissio Pado Trinum contendère. Mille modò pedites in oppido, trecenti equites fuère, abductis in alia præsidia qui suprâ hunc numerum fuerant militibus: præterea ab hostibus missi iclopetarii equites centum, & sexaginta per stationumstrarum intervalla oppidum introière: nam omnia circum aut saltuosa, aut paludosa sunt. Trinum in eâ Montisferrati agri parte positum est, quæ Victori Amedæo Sabaudicæ Duci ante annos duodecim Cherascensî fœdere est attributa, nuper ab Hispanis dum Thomas eorum partes sequebatur, haud difficulter captum: nam ab Thomâ qui Carolo Emanueli Victoris filio Sabaudicæ Duci patruus est, haud alieni erant omnes Subalpini, qui Trino, & aliis Sabaudicæ ditionis oppidis Præfecti erant. Cæterùm eâ tempestate Thomas cum Carolo Emanuele fratris filio, cum Christinâ hujus matre, quæ propter ætatem filii in procuratione Principatûs erat, & cum Ludovico Rege Christinæ fratre redierat in gratiam, atque adeò posthabitis Hispanis rursùm Gallorum partes sequebatur: is igitur quæ damna Carolo Emanueli atque Christinæ matri intulerat, eâ tum sarcire properabat.

Primum circum oppidum castra posita, munitaque, pontes frequentibus lacunis, fossisque uti cuncta in castris loca inter se pervia essent, impositi: dein duobus locis fossæ, altera ad oppidum, altera ad arcem du-

ci cœptæ : ubi est appropinquatum, tormentis, atque cuniculis quæ extrâ oppidum, atque arcem erant munitiones, eæ disiectæ sunt. *a* Battevilla Præfectus oppido fuit, qui nihil omnium omittebat, quo opera nostra tardaret, sæpius eruptionibus, præterea alia ipse, dein alia obiciens opera, prorsus ut in externis munitionibus capiendis multum laboris, periculi que fuerit : postremò musculus in ipsâ arcis fossâ factus, quo Cuniculari ad propugnaculi latus traducti, atque appliciti sunt : dein tormentorum operâ disrupto, disiectoque ab hostibus musculo, contrâ tormentis nostris hostium tormenta perfractis rotis, axibus, trahibus ita corrupta fuere, ut ne his amplius uti possent : itaque refecto musculo cuniculi in arcis propugnaculum, atque aliò longius acti, ac pulvere tormentario oppleti ruinas edidère, in quibus acriter utrimque pugnatum, ac tandem Battevilla sibi, suisque deditione consulere coactus est : hujus leges ab Thomâ quàm honestissimæ dictæ, pro Præfecti, atque militum virtute, dein Hispani oppido, atque arce discescere. Turonensis Legio cò cum aliis præsidii causâ relicta, Ambosius oppido Præfectus fuit. Id Pado haud procul sex suprà Casalium passuum millibus, mille suprà Sturæ-pontem positum est, muro, turribusque lateritiis, profundâ, atque paludosâ fossâ, propugnaculis novem, atque aliis operibus munitum, cum arce firmissimâ. Caminum Castellum intercè dum Trinum oppugnabatur *b* Covongius Casalio Præfectus pugnando ceperat, ac post paulò Pralinoplestius *c* Sturæ-pontem recepit, ut ne quis ad Padum locus Trinum inter, & Casalium in hostium potestate esset. In oppugnando Sturæ-ponte haud minor propè labos, quàm apud Trinum fuit, nisi quòd castra vallo munire opus non fuit, equitatus omnis quâ adventus hostium erat, præsidium agitabat, nam apud Valentium cum copiis erat *d* Velada Marchio, qui nuper Insubres Provinciam, seu Mediolanensem agrum obtinebat, si fortè quid auxilii ad Sturæ-pontem mittere ex propinquo copia foret : nihil tamen est tentare ausus, atque adeò oppidum ab eo qui Præfectus erat postremò deditum est.

Uti res Philippi in Italia prosperè cedant, necesse est in primis, ut eò ab Hispaniâ commodè navigetur, subvehendis militibus, atque pecuniâ ad usum belli : hæc numeratur Genuensibus Publicanis, dein ab his ubicumque in Italiâ, Germaniâ, Belgio, atque aliò opus est Hispanis, nonnullâ acceptâ mercede perscribitur. Hæc ut iis conturbetur ratio, Massiliæ, atque in aliis Provinciæ nostræ, quæ inter Hispaniam, & Italiam media est, portubus navium copiam habere nostri student : quæ ubi tempore anni mare classibus patefactum est, Hispanos quo minùs ab alterâ, in alteram commeent, prohibeant. Eâ gratiâ *e* Armandus Maillæus Brezæus rei navali in Galliâ Præfectus classẽ in mari Gallico instruxerat, navium actuariarum novem, viginti grandiorum quæ velis modò aguntur, duarum ejusdem generis minorum, Incendiariarum duodecim. Hoc navium numero fretus ad mare Belcaricum cursum intendit. Tarraconem, & Rhodam Hispani ad Cataloniæ oram tenebant, cætera cum omni propè provincia penes Gallos fuere, quam

1643.
Batteville.*b* Couvonge.
c Pont de Stur.
re.*d* Le Marquis
de Velade,
Antoine San-
che d'Avila.*e* Le Duc de
Bresé.

1643.

a Toralte.

obtinebat Mottæus Hodencurius Equitum Tribunus. Cum eo collocutus apud Barcinonem Brezæus hostibus metum fecit, ut ipse mari, Mottæus terrâ Tarraconem oppugnare vellent, cui tuendo a Toraltus oppidum cum copiis est ingressus.

Metuebant & Rhodæ Hispani, ob rei frumentariæ inopiam, cui sublevandæ sex navibus cò commeatus supportabatur: hæ majore Balcari solverant, cum è Barcinonis speculâ, quæ ad Jovis montem est, datur signum, dein nostri naves hostium ab suis ipsi speculis, quæ in summis malis sunt, animadvertère. Adversum illas totidem è suâ classe naves Brezæus emisit, nequedum comperto hostiles esse, nam longius aberant, quàm ut dignosci possent, has ad Prætoriam de more adduci jubet, simul actuarias novem grandioribus si quid durius accideret, subsidio esse, paratus ipse, intentulque cum reliquâ classè, si usus veniret, subsequi. Ventus erat nostris rectâ tendentibus iniquior, adeoque visum paulum flectere cursum, & naves grandiores à totidem actuariis remulco trahi, usque dum aliquantum progressæ vento secundo ad procurrendum in hostiles naves uti possent. Harum una erat Hispanica ad Belgicarum normam fabricata, tormentis viginti dèto instructa, alia Indica ad Cantabricarum normam duodeviginti tormentis, tertia oneraria longior (fistulam appellant) pane nautico, & vino onusta, quarta Polonica genus in his maribus vectoriæ navigiæ, cui nomen id inditum est, vino item, & farinâ onusta, quinta Dunkercica, leve navigium excurrendis maribus idoneum (fregatam appellant) sexta vectoria major erat. Ubi cò ventum est, undè tormentum adigi posset, utrumque eminùs pugnari cœptum, dein nostri propiores facti Polonicam, & vectoriam majorem ad deditionem redegere, reliquæ aliquandiù propugnare, donec labefactatæ omnes & ipsæ deditionem fecère. Postridiè captivæ naves quinque sub Prætorix vexillum adductæ, nam vectoria post paulò deditionem vulneratâ tormentorum pilis carinâ, atque per ejus vitia majori aquæ vi quàm quæ exauriri posset, subeunte, depressa fuerat, ita hostes & sex navium, & omnis qui Rhodam supportabatur commeatûs jacturam fecère.

b Cap Saint Vincens.

Sed id nondum Brezæo operæpretium videbatur, Hispanicam omnem classem sibi dari in conspectum, atque hanc oppugnare gestiebat: quæ quoniam nondum adventabat, huic ad fretum Herculeum, quin & ad a Sacrum (si usus foret) Promontorium obviam conari decrevit. Eo consilio XIV. Calend. Sept. Barcinone solvit, relictis cò navibus actuariis, prætervectulque Tarraconem ad Sucronensem sinum, Valentiam versus, naves quatuor præmisit: hæ in Britannicam navim incidere, quæ Hispanos milites ducentos Tarraconem vehebat. Eâ captâ, ab vectoribus de Hispanicâ classè percunctando cognitum est, hanc viginti quinque navium grandiorum esse, atque ad c Calpem stare, quod continuò Brezæo nuntiatum spe, & cupidine gloriæ egregium adolescentem implevit. Igitur superatis d Ferrariæ, & e Scombrariæ promontoriis, cum inf Carthaginis novæ conspectum sub vesperam venisset, in eo portu bellicas naves quatuor, actuarias sex, cum aliquot onerariis esse comper-

d Cap Martin.
e Cap de Pa-
los.
f Carthagene.

tum

tum est, quas oppugnare, aut incendere Brezæus constituit. Id uti possit faceret, ad fauces portus jactis anchoris eam noctem agitavit : dein ubi illuxit, tota Classis in cornua, & mediam aciem distributa impetum in portum factura videbatur, cum repente scivior ab terra ventus coortus hostibus præsidio fuit, Brezæumque altum petere coëgit. Is tamen quod intenderat cursum tenens ad *a* Charidemum promontorium navigavit, quod classiem venti adversi biduum tenuere. Eò ab nave Batavâ ad Prætoriam de more adductâ fit certior, classiem Hispanicam etiamtùm ad Calpem esse : sed tertiâ denique die sub vespèram ab summis malis conspecta est, & qui eò in speculis erant, viginti quinque naves quæ grandiores videbantur, numeravere : quod dici reliquum fuit, id apparandis ad crastinam pugnam navibus consumptum est. In vtraque Prætoriâ, nostrâ, atque hostili, de more ignis ab puppi noctu conspicuus quàm longè inter se essent, indicio erat : prætercâ missæ ab Brezæo per omnes noctis vigilias scaphæ quid apud hostes fieret, exploravere, neque hi nostræ classis erant ignari, nam fortè navis vectoria biduò antè in Sucronensi sinu ab nostris capta eâ nocte decurraverat, ignem Hispanicæ Prætoriæ pro nostro secuta, atque adeò in potestatem hostium venerat.

Postridiè cum lucefceret, Gallica classis gubernatorum arte eo loco est constituta, unde in Hispanicam quæ quatuor millia passuum aberat, secundo vento ageretur. Prætoriam Hispanorum ingentis magnitudinis fuit, Viceprætoriam paulò minor, Neapolitana Prætoriam tertiâ parte minor Hispanicâ Prætoriâ, duæ aliæ mediâ parte minores ; ejusdem magnitudinis Belgicæ sex, & Dunkercicæ quatuordecim, singulæ triginta, quadraginta, quinquaginta tormentis erant instructæ : quidquid firmum & egregium, cum navium, tùm nautarum, & militum Gadibus, aut Dunkercæ, quò celeberrima Philippi Regis in Hispaniâ, & Belgio navalia fuere, in hac classe erant. Igitur III. Non. Sept. horâ dici septimâ Brezæus tormento ab Prætoriam dat pugnæ signum, atque omnibus velis ad hostes contendit : reliquæ prout quæque velis apta celeritate præstabant, sequebantur. Hostibus ea maximè cura, ut ne qua navis ab classe disjungeretur, atque adeò singulæ ad Prætoriæ exemplum velis moderabantur : una fortè venientibus nostris ab cætera classe procul fuit, hæc Viceprætoriam Hispanicæ subsidiaria erat, sed hujus præsidio tunc indigebat, quæ huic præsto cum unâ Dunkercicâ fuit : Prætoriam his tribus navigiis metuens vela sua cursui tardando miscet, idem cæteræ faciunt, vique dùm tria illa navigia advenirent, quod est exsententiâ factum, atque adeò præmissæ adversum hæc quatuor ab Brezæo naves cum incendiariis duabus frustrâ fuere. Intercâ hujus Prætoriam ad hostium Prætoriam rectâ properabat, comitabantur subsidiariæ quatuor, quæ præerant *b* Montadius, Baiardus, Marfacus, Rupealardus, & *c* Lalandius, jamque eò progressæ erant, undè tormentis agi possent, cum hostes crebras in nostros tormentis pilas mittere, qui contrâ neque pilas remittere, neque aliud quidquam facere, quàm tenere cursum, atque ad

a Cap de Gê-
te.

b Montade,
Baiard, Mar-
fac, Roche-
lard.

c Lalande.

1643.

hostes contendere : princeps in eos incidit Prætoria Brezæi, neque procul ab Hispanica Prætoria aberat, cum una ex hujus subsidiariis Dunkercica Prætorix nostræ occurrit, objectoque de more latere, hanc omnibus suis, quæ in eâ parte erant, tormentis petitura erat : at Prætoria prior ex omnibus, quæ multa, atque ingentia latus suum muniebant tormentis, maximam pilarum vim emisit : hæ usque ad interiora Dunkercicæ penetravère, atque pulveris tormentarii locum fortè nactæ totam navim momento incendièrè, cum horribili fragore, atque strage : in hac viginti quinque tormenta, trecenti milites fuère, quæ omnia cum ipsâ navi aut incendio, aut naufragio perièrè. Montadius dùm hæc ab Prætoriâ geruntur, paulùm erat progressus, atque inter hostium Prætoriam, & Dunkercicas, quæ huic subsidiariæ erant, naves versabatur, tormentis, atque sclopetis quaquà versùm petens, petitusque : post paulò cæteræ quæ Prætorix nostræ subsidiariæ erant naves, eodem progressu sunt. Viceprætoriam hostium, & quæ huic subsidiaria erat navim ^a Lescasselius, & Luceraius cum duabus navibus nostris impigrè sequebantur : sed quia celerius hæ duæ, & aliæ hostium naves fugam capessibant, quàm ut eas assequi possent, Luceraius ad Prætoriam nostram rediit, Lescasselius Neapolitanam Prætoriam quæ ab ceterâ Hispanicâ classe recedebat conspicatus hanc insequitur, oppugnat, jamque in eam parabat transcendere, cum incendiaria quam ipse adduxerat Neapolitanæ applicita eam incendit : tormentis æneis quinquaginta, quingentis militibus instructa erat. Viceprætoriam Hispanicam quam Luceraius, atque Lescasselius omiserant, tres aliæ naves nostræ postea erant secutæ : sed hæc velis egregia postquam uti subsidiariæ suæ præsidio esset, tantisper restiterat, ac nostras instare videt, postremo hanc deserit, quam nostri expugnavère, hæc quadraginta sex tormentis, trecentis, & quinquaginta militibus instructa fuit. His navibus fugatis, captis, incensis, tum demùm Prætoria Hispanica cum subsidiariis cæteris omnia ad fugam vela intendit, tantusque incessit omnibus pavor, uti funes quibus scaphæ ad majora navigia religatæ erant, ne quid inde moræ esset, præciderent, atque has decerent. Tunc nostris, atque in primis Prætoriâ Brezæi haud segniùs quàm hostes fugiebant, insequentibus, alia navis ex Hispanicâ classe, quæ cæteris tardior fuerat, capta, tormenta triginta, trecentos habebat milites, sed inclinatâ ad noctem die, simul corruptis navium nostrarum propè omnibus armamentis, ut hæc sarcire copia esset, Brezæus restitit. Id & facturos hostes rebatur, eundemque ipsis fugiendi, quàm sibi insequendi finem fore : sed hi minùs incerta noctis, quàm nostros veriti nihil intermisère cursum, atque omni velorum vi Carthaginem novam contendère.

Postridiè ubi lucescere cœpit, Brezæus hostes persequi gestiebat, at vento remittente impetus adolescentis tardatus est, dein post paulò exortus ab mari classẽ nostram ad Carthaginis novæ portûs fauces impulit : eò venère nostris obviam actuariæ naves quindecim, quibus ^b Ferrandinus Dux præerat : harum præsidio tuta hostium classis intimum portum

^a Le Duc de Ferrandine.

tenuit : sed eò naves Hispanorum octo alveos vulneratæ aquâ subeunte depressæ sunt, ac recensitis militibus, nautisque tria millia desiderati. Brezæus portum sicuti constituerat ingredi ab actuariis navibus prohibitus, & ipse vicissim has egredi prohibebat : sed eò morari diutius periculosum videbatur, quia ventus plerumque in eâ regione sævior est, quo post paulum inerebescente primum altum petere, dein ad *a* Ebusum, & *a* Yvique. Ophiufam tendere coactus est : eò refectæ naves, & captivi amplius *b* Pousmanciere. mille per has omnes æqualiter distributi custodiæ causâ, inter quos centum & viginti insignes fuere. Saucii, atque ægri è classè Gallica eum duabus navibus bellicis, quæ in pugna labefactatæ fuerant, & fistulis duabus *c* Tauroëntum dimissi. Brezæus per hæc maria porro navigare, atque hostium naves si portibus egredi auderent, querere institit : sed nihil posthac tametsi aliæ naves ipsi ab Oceano vincerant, operepretii fecit, hostibus abnuentibus pugnam, ac furtim, cautè, & exploratò, nec nisi procul ab classe nostrâ navigantibus.

Sed quoniam in Hispaniæ maria nos Gallica classis adduxit, quid in Cataloniæ sinibus Philippus per hæc æstiva aut gesserit, aut moverit, commemorare haud abs re fuerit. Is mensè Sextili ubi copiæ nostræ ætatem in his præservidam regionibus sub tectis agerent, Cæsaraugustam venit, quæ ad Iberum flumen in Hispaniâ Tarraconnensi posita tunc Aragoniæ Regni caput est. Eò cives res simul diversissimas, Regem habent, & libertatem, hujus studiosiores : si cui cum Rege controversia intercedit, is apud summum Magistratum (Justitiam vocant) æquo cum illo jure agit, eundem Magistratum si quid his ab Rege gravius accidit, appellant. Philippo advenienti Cæsaraugustani sicuti Regi decebat, obviam prodire. Sed si is cum militibus quos secum custodiæ causâ habere solet, urbem ingrederetur, eò libertatem suam minui rati, hos subsistere jubent, atque ipsi sese Regi custodes adhibent. Inter vulgi acclamationes exaudita sunt in Gasparem *d* Gusmanum Olivarem maledicta, qui nuper apud Philippum gratiâ pollebat, ab Aulâ paulò antehac secedere iussus. Id Philippus afflictis in rebus magis ut uxori quæ Olivari infensa, & plebi, quæ huic iniqua erat, morem gereret, quam judicio suo, atque voluntate fecerat, atque etiam tùm Olivarem de omni republica ab eo per litteras consuli fama erat, quod utrùm verè, an falsò creditum, sublecutâ brevi Olivaris morte parum compertum est. Cæterùm huic & animi magnitudo, & rerum peritia inerat : sed omnia benè consultâ omni prudentiâ potior fortuna subvertebat, quod eò maximè evenisse reor, quod ex pessimâ quorundam disciplinâ quod utile, id & rectum esse sentiret : quò factum est, uti potiundi per injuriam in Italiâ Casalii Philippo antehac autor esset, unde bellum in ipsâ Italia exortum, dein totâ Europâ gestum, quò Philippi, atque Ferdinandi II. Imperatoris qui huic adjutor in illa injuria fuerat, opes confusæ. Documentò mortalibus esse humana Deo curæ, atque hæc non ex Princepum potentiâ, atque opibus, sed ex ejus modò voluntate prosperè, aut secus cedere.

d De Gusman Comte, Duc d'Olivares.

1643.

a Madrit.

b Tean de
Garai.

c Lerida.

d Rouffillon.
e Roquelau-
re.

f Erille.

g Du Sau-
fay.

Antequam Philippus a Mantuâ Carpetanorum (hæc Regni caput est) discederet, Ludovico sicuti Regi, & sororio decebat, iusta magnificè fecerat, nihil prohibente quod inter ambos intercedebat bello: nam neque id inter affines, & Christianos Reges internecinum, neque publicis de causis privatum odium erat. Porro Philippus peditum millia septem, equites mille quingentos ab Lusitanix finibus evocaverat, quibus præerat b Joannes Garaius, quatuor millia ab Valentix veniebant Regno, omnibus copiis præcelsè debebat accessitus ab Italiâ Picolominius, at peregrini hominis imperium Hispani abnuere. Igitur his Philippus Torrecusam, & Philippum Sylvam præfecit, quæ legavit Garaium: Singillatim equitatu præfecit Mortaram: qui ex Equitum diversis in Hispania Collegiis in eo exercitu fuere, eis Alvarus Quignones præfuit. Hæ omnes copię apud Balbastrum quo Varus annis Cingam subit, recensitæ sunt. Peditum millia quatuordecim, equitum quatuor millia, præterea quingenti fuere. Recensito, lustratoque exercitu Philippus quid fieri placeret edicit: c Ilerdam ad Sicorim, aut Flixium ad Iberum amnes hostes ituri videbantur: quò factum est, uti Mottæus rursùm coactò exercitu Flixium d Rossilonii, & e Rupelaui, suam verò, atque Angiani Cohortes Ilerdam properè mitteret, ipse loco idoneo ut utrique subsidio esset, confedit. Flixium hostes pars terræ, alii secundo Cingæ, dein Ibero navigantes petiere: nec eò tamen omnis ierat exercitus, nam pars maxima Ilerdam versùs tendebat, quò Mottæum ab Flixio averteret, sed hic fraudem sentiens Flixium movit. Eò cùm hostes navibus advenissent atque exscendissent, haud procul oppido post vicinos colles taciti confedere, donec Garaius cum reliquis copiis adveniret. Tùm Rossilonii & Rupelaui Cohortes, simul Ludovicus Ricardelus, & Jacobus f Erillus Catalani cum suâ quisque Cohorte hostes adorti quadringentos cecidere: quod ubi Garaio nuntiatum, atque Mottæum haud procul abesse, inceptum omisit, & qui navibus venerant, eos ad se iis incensis properare jubet, quibus id quod iussi erant molientibus intervenere ab oppido nostri, & quod reliquum erat illic hostium fudere, pars cæsi, alios fugiendo amnem ingressos gurgites hausere, pauci hujus cladis nuntii ad Garaium evasere.

Mox Balaguieram, & Ilerdam versùs hostes movent, utrobique spem prodicionis naçti: postremò cùm horum consiliis omnibus maturè Mottæus occurreret, eò denique res rediit, uti Monsonem, qui procul in hostico erat, oppugnare aggredierentur: sed tantus fuit ab Mottæo metus, uti duplici vallo, duplici fossâ castra munirent: eò strenuè ab g Salicæo propugnatum, qui omni auxilii spe damnatâ, rem tamen in hyemem extraxit. Cùm tanta esset Hispanis castrorum firmitudo, uti muniones perrumpere nulla copia esse videretur, Mottæus hanc eis conditionem tulit, scilicet sese his Monsonem protinùs dediturum, si de pugna item protinùs faciunda fidem dare vellent, sed hanc Hispani conditionem abnuere. Id eò factum ab Mottæo, quòd & ipsi cæ se modò gratiâ Monsonem oppugnare aggressos dixerant, uti Mottæum ad prælium faciun-

dum adigerent : itaque ad gloriam, & famam pertinere est arbitratus, omnibus palam facere, id Hispanos contra quam sentirent, & auderent, per vaniloquentiam prædicasse.

In Germania Rex per Joannem a Budam Hirellum Guebrianum Comitem, Equitum Tribunum bellum adversum Ferdinandum III. gerebat, atque id ex Suecorum sententiâ administrari volebat : nam cum his nobis & fœdus, & belli societas dudum intercedit : ita bellum adversum Hispanos Gallis, adversum Ferdinandum Succis proprium est, atque ab nobis potissimum geritur, ut horum commodis serviamus, quæ & profecto nostra sunt : nam Ferdinandus bello impeditus Hispanis optulari nequit.

Ferdinando in eo bello Socius est Maximilianus Baioariæ Dux, atque Imperii Septemvir, scilicet qui Ferdinandi fororem habet uxorem. Is & milite, & pecuniâ validus maximam hujus belli sustinet partem, quem adeo labefactare Gallis, & Succis visum. Sed hujus omnis ager optimus is quidem, & fertilissimâ soli regione ultra Danubium latissimum, atque rapidissimum flumen jacet, cui appropinquare Guebriano consilium fuit, atque in Suevia Danubium proximâ locum hybernis deligere, nam id sub finem æstivorum moliebatur. Haud facile erat in Suevia hybernare, nam Mercius cum exercitu cui præerat Baioarico, item Lotharingicis quas Carolus quondam Lotharingiæ Dux miserat copiis, quid Guebrianus moliretur sedulo explorabat, quò id omni conatu prohiberet.

Postquam Angianus de quo supra memoravimus, insigni partâ victoriâ, dein Theodonis-villâ ad Mosellam amnem, ac postremo Circo oppido paulò infra captis in Aulam redierat gloriæ, & famæ plenus, tanta huic apud milites & fides, & gratia fuit, uti quocumque ducere vellet, eò secuturi Imperatorem lubentissimi viderentur : necesse autem erat exercitum cui Guebrianus præerat, augere, quò satis validus ad hyberna Danubium versùs capiunda foret, hinc autem æstivorum eò copias ægrè ituras constabat. Igitur optimum factu visum, Angianum Rhenum versùs mittere cum exercitu victore, sicuti huic Germania decreta in annum proximum provincia esset. Eâ spe freti milites alacres ad Rhenum contendere, dein traditâ Guebriano copiarum parte Angianus in Aulam rediit : huic sese haud satis dignum visum fuisse aiunt, ducendis modò Germaniam versùs copiis iterum ab urbe, & Aula paludatum proficisci, atque ut id faceret vix adductum, quod est tamen denique Reginæ obsecutus.

At Guebrianus traducto Rhenum exercitu, diversis itineribus ut hostem falleret, copias Friburgum versùs, & Rotveillam ducit. Baioari qui in Badensi agro stativa habebant, nondum satis compertò quid Guebriano consilii esset, in iis morabantur, satisque habebant Franconiensem, atque Vitembergensem agros tegere. Intereâ Guebrianus multum itineris ad Rotveillam anteceperat, ac tandem circum oppidum posuerat castra. Ad Nicrum haud procul hujus amnis fonte positum est, edito, atque prærupto loco, profunda fossa mœnia circumdat, cujus latus

1643. ad hostes versum muro suffultum est, suburbium eodem munitum erat modo. Primum id oppugnari ceptum, acto in fossæ latus cuniculo: quod ubi disiectum hostes videre, in oppidum discescere. Dein Guebrianus eadem ratione in oppidi fossæ latus cuniculum agi jubet, atque admoventi tormenta, quibus mœnia, & turres quateret: sed ad hæc dum attentior est, pilâ ab oppidi tormento emissâ brachium graviter vulneratur, neque tamen discessit ab opere, quin quæ porro faciunda essent, ea præcepisset. At cum sub vesperam hæc animis ex vulnere Imperatoris anxius se-gnè administrari nuntiatum est, Legatos, atque Tribunos advocat, atque eos per amicitiam, perque rempublicam obsecrat, & pro imperio jubet, uti si se saluum, & honestum velint, quæ imperaverint, ea mature fieri curent, *Alterum quidem ex periculo vulneris in dubio, alterum in eorum manu positum esse: si hanc postremam Imperatori navent operam, ut oppidum victor ingreditur, id faucio, & post paulò si fors ferat interituro satius esse, quam incolumem re infectâ discedere. Postremò gloriæ, quam vitæ suæ magis studeant, huic certos fines, illi nullos esse constitutos.* Hujusmodi oratione paulum arrectis Legatorum, atque Tribunorum animis, quæ jusserat Imperator, ea naviter faciunt. In muro denique ruina editur, quæ ad impetum in oppidum faciundum satis idonea visa, quo is ordine, & ab quibus fieri debeat, qui ad succedendum principes, qui subsidio forent, qui malogranata, qui materiam portarent, quis cuique rei præficeret, postremò totius rei gerendæ seriem ipse Guebrianus e lectulo constituerat. At hostes ubi nostros ad impetum faciundum paratos, intentosque videre, tum demum acceptis quæ ferebantur conditionibus, oppidum dedidit, & sicuti per conditiones potestas facta fuerat, abscessere. Postridè Guebrianus victor oppidum introiit, atque huic Vitembergum Principem virum cum idoneo Gallorum, Germanorumque præsidio præfecit, sed is VIII. denique Calend. Decemb. ex vulnere, nam disruptum brachium fuerat, interiit. Huic clarum in Britannia nostra genus, animus ingens, res familiares (scilicet cui frater natu major fuerat) haud satis ampla, adjuvit *a* Renata Dubeca Vardiaxor, cui item genus clarum, divitiæ honestæ sunt: his fretus, sed maxime uxoris virtute, atque solertiâ, perpetuisque dum ipse ab Aulâ procul esset, officiis, quæ se digna essent, assecutus est. In Prætorianorum Legione Centurio primum fuit, dein Castrorum Præfectus, postremò Equitum Tribunus, Franciæ Marescallos vocat: hujus virtuti; ac rebus gestis tributum ut in majori Urbis Templo pro concione laudaretur, corpusque humi mandaretur.

a Renée du Bec de Vaz-de.

b Ramsau.

c Tubatel, Rose, Keim-bee.

Guebriano mortuo ad *b* Ramsavium Legatum summa imperii redibat, qui posthac pro Prætorio in eo exercitu fuit. Huic clarum in Holstia genus, & rei militaris scientia, tamen quia plerisque ducibus junior erat, pigebat eos huic parere, *c* Tubatelem videlicet, Rosam, Keimbecum qui Germanicis bellis inveteraverant, quæ res magnæ post paulò causâ cladis fuit. Rotveillâ captâ ad Danubium ire visum: apud Dutlingam Ramsavius cum peditibus, tormentisque habuit castra, omnibus circum

locis equites quibus hi veterani Duces præerant, diversi agitavêre: per hæc loca hostibus Dutlingam venientibus iter erat futurum, atque adeò ex improvîso adventuros haud erat vero simile. Sed hos quid inter nostros esset simultatis, non fugiebat, quare omnia negligentius agi haud falsò arbitrati, simul Maximiliani Baioariæ Ducis terris impenitus tùm metuentes, sibi aliquid conandum esse statuere.

Igitur tacito agmine profecti, interminatique ut nequis ab ordinibus discederet, aut uspiam vagaretur, inter media equitum nostrorum præsidia transeunt, neque quicquam omnium tantum hostium numerum aut oculis, aut auribus (nam sine strepitu, atque tumultu tanta multitudo incedere nequibat) animadvertit, ita ad Dutlingam Ramsavio omnia magis quàm hostes expectanti intervenère, cui simul & hos adest, & oppido potiri nuntiatum est; ipse & qui cum eo erant Tribuni, atque Duces signa, tormenta, impedimenta, omnia denique capta, plerique milites dum ad prædam hostes attentiores sunt, ad vicina equitum præsidia diffugere. Tubatel, Rosa, alique sibi iniquum cum Baioaris eo successu præclaris certamen fore sentientes, quantum fieri posset, itineris antecapere, dum ad Dutlingam morantur, ipsi constituunt, atque continuo alius ab alio diversi abecedunt, pedites equitum sequi vestigia, atque ad properare jussi. Ita Baioari re apud Dutlingam confecti incerti quâ potissimum hostem insequerentur, ad Rotveillam movere, si forte Vitembergus suorum clade perculsus ad deditionem impelli posset, quam mox postquàm egregiè propugnauerat, III. Non. Decemb. ob annonæ, & pulveris tormentarii inopiam facere coactus est. Equites nostri peditesque ad Rhenum contenderant, quo transmissi, in Alsatia, Suntgovia, vicinisque locis hyemandi causâ distributi sunt. Ita quod ab Guebriano bene, feliciterque ceptum fuerat, ejus morte, Tribunorum simultatibus, præterea eorundem, & Ramsavii ipsius negligentia corruptum est, nostri hyemare cis Rhenum coacti, Maximilianus metu liberatus, nam eò nostris in Germaniâ hyemare consilium fuerat, ut huic terrore oblato ad pacem denique animum adjiceret, atque idem Ferdinandum facere cogeret.

Eâ tempestate Carolus antehac Lotharingæ Dux rursùm se velle cum Rege redire in gratiam simulavit, quâ de re missus ad eum clam fuerat *a* Albericus Maurerius, cum quo ex ingenio suo egerat, pessimo scilicet, & infidelissimo: at post paulo *b* Malgironum Dutlingæ cum cæteris captum, atque Vormatiam abductum, quò Carolus hyemabat, ipse datâ ab eo de reditu fide in Galliam dimisit, atque abeunti quas Regine ferret conditiones tradidit. Eâ haud iniquæ visæ, quamobrem paucis modò immutatis per eundem Malgironum ad Carolum remissæ sunt, cui est adhibitus *c* Plessius Befansonus, nam per hominem capite minutum rem tantam agere, aut transigere minus ex Regis dignitate videbatur. Sed quoties de pace cum Carolo actum, toties frustrâ fuit, quam planè confectam, & jurejurando firmatam antehac infringere, atque violare nihil pensû habuerat, tanta homini levitas, atque ingenii mobilitas est.

a Aubery du Maurier.
b Malignon.

c Plessius Befanson.

1643.

Accepto per Legatorum, Tribunorumque similitates in Germaniâ incommodo, res monebat uti tali dignitate, atque virtute quæpiam cõ Regina mitteret, cui faciliè omnes & concederent, & parerent. Nuper ob multa egregiè, atque fideliter acta, summamque rei militaris scientiam multis, magnisque in rebus spectatam, Henricus Turrius Turenæ Vicecomes Equitum Tribunus, seu Franciæ Marefcallus creatus fuerat, hunc in Germaniam mittere placuit, uti rem corruptam restitueret, quò sub finem anni profectus est.

Eadem tempestate & Equitum Tribunus creatus fuerat Gassio, homo militaris, Castrorum quàm Aulæ magis gnarus. Is ubi apud Rupem-regiam benè pugnatum, litteras ad Reginam dederat, quibus de se ita magnificè prædicabat, uti victorem omnem exercitum paratum esse diceret Regiæ genua advolvi, atque huic supplicare, uti sibi Tribunatum Equitum daret : sed Imperatoris commendatio hâc hominis de se ipso magniloquentiâ potior fuit, nam Angianus sibi ipsi præclarum arbitratum, quam Gassio in hac pugna impenderat operam, si ex eâ maximum fructum caperet, ipsi Tribunatum Equitum ab Regina petiverat, atque impetraverat. Cæterum vix cuiquam usquè adhuc hæc mandata Potestas fuerat, nisi cujus auspicii reportata victoria, aut urbs insignis capta fuerat, Gassio longè aliâ belli parte solertissimus erat, scilicet equitatum longius ducere, ex improviso intervenire hostibus, procul ab agmine, aut castris agentes intercipere, cedere, prorsus apud eos nihil tutum, aut quietum pati, quam belli gerendi rationem in Germaniâ prima sub Gustavo Adolfo Sueciæ Rege stipendia faciens didicerat : præterea huic militia sicuti in Germania solet, quæstui fuit, collationum quæ aut captis, aut malè pacatis, aut finitimis imperantur peritissimo.

Bellovacensis Episcopi gratiam apud Reginam debilitatam supra diximus, simul Belfortius qui ex ejusdem benevolentia ingentia præceperat animo, id se denique frustra sperasse animadvertit. Nam ubi Mazarinus apud Reginam frequens esse, atque hunc ipsa satis nosse cæperat, incredibile memoratu est, quanta hujus apud illam gratia, quanta auctoritas fuerit, prorsus uti cæteri planè negligerentur. Quod ubi intelligit Belfortius, suasque spes corruptas videt, ibi verò Juvenis ferox indignari miserè, & quam sibi ab Mazarino fieri rebatur injuriam, eam tolerare violentius, postremò in hunc manu vindicandam constituisse ferunt. At eâ de re non ita secretò inita consilia sunt, ut ne quâ ad Mazarinum manarint. Is proximè Regiam in a Clivianis Ædibus habitabat, quò post meridiem nuntiatum parari insidias, aut eunti sicuti sub vesperam solebat in Regiam, aut sub noctem redeunti : has ut effugeret continuò Regiam properè petit, quâ horâ neque solebat, neque tùm uti peteret quidquam causæ esse poterat, nam aberat Regina, nequedùm uti dici tempus erat, domum reditura videbatur; moniti interea, atque accersiti amici, qui præsidio essent, frequentes in Regiam circùm Mazarinum convenère. Eò fortè, seu consulto venit & Belfortius, qui solito

majore

maiore per Reginæ absentiam frequentia animadversa patefacta consilia sensit : nihilo tamen secius quod sibi faciendum esse decreverat, id patrare certus, per homines fidos itinera, egressusque Mazarini, postremo loca, atque tempora cuncta explorat, dein comperto Longolii Mafsonii rus nobile profecturum, eo sibi conficiundæ rei casum dari arbitratus in paternis quibus & ipse habitabat ædibus, & quâ Mazarino iter erat, insidias tendit : nihil magis ex sententiâ, nihil opportunius fore videbatur, sed rhedam conscendere paranti Mazarino intervenerat Gasto, qui hunc in suam conscendere jussérat, atque unâ rus pergebant : ubi ad Vindocini ædes perventum, Gastonis verecundia ut ne quid Belfortius adversum Mazarinum inciperet, prohibuit : restabat uti redeunti hanc machinaretur perniciem, atque is ab Gastone diversus in rheda sua ad Urbem redire decreverat, qui rursum hunc propè invitum unâ secum redire jussit : ita bis eâ die ignarus quid sibi mali pararetur, id Gastonis operâ effugit. Sed hæc Reginæ seu vera, seu falsa essent, nuntiata hanc impulere denique, uti Belfortium in Vincennarum arcem altero ab Urbe lapide deduci, atque asservari juberet.

Cæsar Vindocinus pater eâ tempestate Aneto suo bidui ab Urbe itinere commorabatur, seu ut ne talium filio consiliorum conscius esse videretur, seu nihil horum scibat. Eo tamen in custodiam conjecto sicuti de filio æquum erat, rem eam ægerrimè tulit. Qui tantum facinus perpetrare unâ cum Belfortio voluisse crediti, ii ad patrem confugerant, quò se fore in tuto sunt arbitrati : sed ea fuit rerum capitalium in Insulâ Franciæ Præfecti ars, atque industria, uti clam Anetum profectus hos composito dolo Vindocini Castello excitos comprehenderit, abduxeritque : adversum a Belputeum quem maximè comprehensum Mazarinus voluisset, parum processere Præfecti doli : is post paulò in Italiam profugit, nusquam iis penes quos gratia, & potentia fuit, æquus, prius Richelio, dein Mazarino insensus. Eò potissimum metuendus videbatur, quòd regionum levis armaturæ equitum turmæ vexillarius erat, atque ei circum Regem domo egredientem armato esse jus erat, quibus equitibus fretus pessimum quid pro lubricine patrare poterat. At Vindocinus eo se moneri ratus, uti longius abscederet, Genevam primum, dein Florentiam Etruscorum abiit, fato quodam & ipse iis qui gratiâ, & potentia pollerent adversus, & ab his malè habitus.

a Belputeum.

Belfortio in carcerem conjecto, atque Vindocino patre pulso haud difficile fuit Mazarino, & Bellovacensem pellere. Primum quas Rex de Bellovacensi Cardinale creando ad Pontificem dederat litteras, ut ne iis ampliùs haberet fidem, cautio fuit : postremò III. Id. Septem. in suam Bellovacensem Diocesim secedere jussus est : huic regendæ erat aptissimus, quæ res ei laudi esse debet : bonâ, fidelique ejus operâ Regina difficillimis suis temporibus usa erat, quò minùs dignus omnibus visus, qui postquam secunda fuere, ex alienâ lubricine pelleretur, atque de Cardinalatu huic petendo sententia mutaretur, quem perpetuâ erga Reginam fide satis promeruerat : cæterum ab omni republicâ facillè prohiberi

1643.

poterat, si in hac administranda ejus opera Reginæ parùm placebat. In Mazarino, sicut humanæ se res habent, nemo reprehendere jure possit, quod Bellovacensem Aulâ pulsum voluerit, qui idem adversum se fuerat molitus: sed in Reginâ non item, cui nulla hujus pellendi causa fuit. Sed Mazarinus profectò fortunatissimus est, cui inimici, atque æmuli abigendi sui, aut labefactandi tam brevî, ac propè vltro copiam fecere.

Eâ tempestate Avauxius, & Chavignius Monasterium Vestfalorum propediem ituri profectionem adornabant, nequedùm tamen hic satis certus erat, utrùm in rem suam magis foret, domi, an foris esse. Illud suadebat consueta vivendi ratio, præterea tædebat alienâ magis, quàm suâ voluntate discedere. Multa in Aulâ quæ non expectes evenire, ab qua si procul fueris, nullam absentis rationem haberi, præsentibus omnia potiora. Id ubi sensit Mazarinus, seu quidquid hujus fecisset, Chavignii causâ fecisse videri vellet, seu sese tùm ita Reginæ probasset, uti nullius virtutem ampliùs, aut dolum domi metueret, hunc in Aulâ manere æquo animo ferre visus est. Fuere qui ita existimarent Mazarinum de Chavignio Monasterium Vestfalorum legando tunc mutasse sententiam, veritum scilicet ut ne illic rempublicam satis ex suâ voluntate gereret, eò spem huic opportunè obtulisse Quatuorviratûs recuperandi, quâ tùm, atque posthac sæpiùs hominis hujus rei cupidissimi animus lætasse ferunt, ut ne sibi planè adversaretur.

Sed necesse erat Mazarino uti placidè rempublicam tractaret, Gastonem qui Regis patruus est, æquum habere: huic Cancellarius erat Chavignius, sed in potestate Rivieræ tùm esse videbatur, quem Mazarinus sicuti suprà diximus tergiversante Belfortio ad suas partes adduxerat. Riviera primùm Ludimagister ad Urbem fuerat, stipem ab adolescentulis quos artem Grammaticam docebat, colligens, quò vitam toleraret, dein ad Petrum *a* Habertum Mommortium Cadurcensem Episcopum qui sacris apud Gastonem præerat, applicaverat sese, cujus studiis serviret, quod munus altero haud fermè dissimile, neque adeò nobilius fuit. Is dum Patronum ad Gastonem sacrorum causâ sæpiùs euntem comitatur, brevî huic notus, & ut erat solerti, audaci, vario, ac multiplici ingenio, quale aptissimum est iis, qui abtenui fortunâ ad summam nituntur, nec quæ Principis tum adolescentis ætas ferebat, ab iis usquam alienus, ipsi etiam carus, acceptusque fuit, primùm levium, dein graviorum negotiorum quandoque conscius, ac particeps. Ex Ordine Ecclesiastico est, atque opima habet sacerdotia, at majora, ipsumque exoptabat Cardinalatum, ad quem capiendum tamen omnia huic deesse videbantur, tamen una modò, quæ profectò in omni re dominatur fortuna defuit. Hunc hominem Mazarinus sibi opportunum ratus, uti Gastone ex voluntate uteretur, magis, ac magis sibi adjunctum voluit, atque uti sibi tantò majori usui foret, hujus gratiam, & fidem apud Gastonem auxit. Id ipsi prònum, atque facile fuit, cuncta quæ aut grata, aut utilia essent, per Rivieram Gastoni significando, aut quæ per illum ab se peteret, ea protinùs effecta reddendo, quibus rebus brevî perfecit, uti

a Habert de Montmor.

Gasto in dies magis in Rivieræ, atque aded in suâ potestate esset, illi omnia consilia crederet, & cuncta sua sicuti antehac aliis, permetteret.

Sed Rivieræ importunum erat, neque fortasse minus Mazarino, Chavignio sibi offensum Gastonis diutius Cancellarium, aut Procancellarium esse, ex quo illi nonnulla apud hunc autoritas, præterea ex virtute, atque pristina dignitate porro futura videbatur: ad hoc pudebat Rivieram, qui dicto audiens esse, & cuncta ferme Chavignio antehac obsequi consueverat, sese huic tali viro deinceps anteferre, atque sicuti futurum fuisset, sæpius obniti, aut clam hunc facere apud Gastonem omnia. Igitur dolum probus talium artifex componit, quo Chavignius ad abdicandum Procancellarium adduceretur, quem post amotum Cogneuxium Gastonis Cancellarium de quo supra memoravimus, usque gesserat. Eo Riviera Cogneuxium impellit, ut ab Gastone sibi Cancellariatus munia sicut antehac obeundi copiam fieri postularet, quem videlicet nusquam abdicasset: sperabat enim hujus rei metu Chavignium facile adductum iri uti Procancellarium acceptâ in æstimationem pecuniâ abdicaret; nam si Cogneuxius Cancellarium gereret, nullæ Procancellarii partes erant futuræ: Riviera tamen non fuit consilium, ut iterum apud Gastonem Cancellarium Cogneuxius gereret, sed ut & ipse aliquantâ acceptâ pecuniâ hunc pariter deponeret. Interea Riviera Joannem Choisium è Consilio regio hominem locupletem, atque amicum paraverat, qui Cogneuxio, simul & Chavignio pecuniam in Cancellariatûs, & Procancellariatûs æstimationem numeraret, quâ acceptâ lubentissimi suum quisque Munus abdicavere. Sed hoc Procancellariatu Chavignius sicuti antehac Quatuorviratu spoliatus nihil præter virtutem quo dignitatem sustentaret, reliquum habuit, quæ certè, ac cætera corporis, atque animi bona si nihil præterea fuerit, quo bene, aut malè hominibus facere possis, parùm æstimantur. Quo magis adducor ut credam Chavignio satius fuisse obtrusam antehac ab Mazarino de pace Legationem obire, quod unum ipse primùm cupiebat, ut illum aliquandiu ab Aulâ procul haberet, quàm in eâ manendo hujus technis, atque insidus opportunum esse: nam & isthuc de Procancellariatu Riviera Mazarini voluntate machinatus fuerat.

Sed in illâ Legatione Chavignio successus est Abel Servianus, qui antehac in Gratianopolitanâ Curia Cogmitor regius, dein Magister Libellorum, ac postremò Quatuorvir fuerat. Is per Richelii tempora ab Aulâ secedere jussus procul ab negotiis tantisper agitaverat, cui nescio quo fato frequentes cum collegis lites fuere, primùm cum Thoirasio Equitum Tribuno, ubi in Italiâ Legati ambo paci inter Ludovicum XIII. & Philippum Hispaniæ Regem operam dabant, dein ubi ab Italiâ redierat, & Quatuorviratum gerere cœperat, consimiles huic cum Chavignio lites intercescere, quin & cum ipso Quæstore summo Bullione, quibus apud Richelium annitentibus Aulâ pulsus fuerat. Sed ubi cum Thoirasio unâ in Italiâ Legatus agitabat, eodem fortè Mazarinus Pacificatoria Gallos inter, Hispanosque partes pro Pontifice sustine-

1643.

bat, atque ex eo orta inter hunc, & Servianum amicitia, cujus Mazarinus in suis secundis memor hominem ab otio ad negotia revocavit. Primum uti Servianus Romam ab Rege legaretur censuerat, dein Chavignio Legationem apud Monasterium Vestfalorum abnuenti sufficiendum. Is igitur cum Avauxio mense Octobri profectus, secundo Mosâ ad Batavorum Insulam navigavit, subitôque inter ambos exortæ simulatae mox in graves contentiones erupere.

Ubi apud Hamburgum Ludovici XIII. Galliarum Regis, Ferdinandi Imperatoris, ac Sueciæ Reginae Legati quando, quove in loco de pace ageretur, & quorum Principum operâ in re tantâ uti vellent, convenerant, Sueci uti Christianus Daniæ Rex è Pacificatorum numero esset, singillatim postulaverant, quia Lutheranorum sectam sicut illi profitetur: sed postea sententiam mutavere, nam hunc adversum se facere sedulô quæ clâm posset omnia sibi persuasere; ubi Ferdinando militum inopia esset, dimittere consulto, atque exautorare equites, peditesque, qui huic militarent; cum Moscovitis, atque Polonis agere de fœdere; dictitare sibi in manu esse Suevici maris aditum, quo prohibere quovis posset; portoria contra quàm fœdere cautum esset, ab Sueciis navibus Danicum transgredientibus fretum exigere, aut harum tardare cursum, donec moram pretio redimerent; inter sanciendam pacem prædicare se pro virili daturum operam, ut ne quid soli in Germaniâ Sueci retinerent, sed his partim præsentem, cæterum certis pensionibus curandâ pecuniâ fieret satis. Hæc maximè Axelum Oxenstiernam Regni Sueciæ Cancellarium impulere, uti bellum adversum Christianum Daniæ Regem gerendum esse Christianæ Reginae persuaderet. *Id facile fieri posse, si Tortsensonus ab Germania Holsatiam, Gustavus Hornius ab Sueciâ Scamiam cum singulis exercitibus invaderent: id hyeme incipiendum, quo anni tempore congelato mari, fluminibusque, Dania fretis concisa ubicumque pervia sit, proximâ hyeme debellari posse.*

Hujus consilii pleni Sueci si fortè diutiùs opinione bellum adversum Danos duraret, ut ne interea Ferdinandus Imperator in Germaniâ quæ illi occupaverant, recipere posset, decrevere cum Racocio Transylvaniae Regulo fœdus, ac belli utrimque gerendi societatem sancire, ab Racocio videlicet in Pannoniâ finitimâ. Id ab Tortsensono factum ex sententiâ: sed quoniam Racocius quæ Regis potentia, atque opes sunt, satis noverat, ut hic in illius fœderis societate cum Suecis esset, ab his postulavit, quod adeo suo, Regisque ipsius nomine pepigere. Isthuc vero Regi, ac Reginae matri scilicet injussu suo, neque satis ex suâ dignitate factum nequaquam placuit, nec tamen quid eâ de re sentirent, Suecis significandum existimavere, sed quod offensum ab his fuerat, id misso ad Racocium qui cum eo de fœdere ex tanti Regis majestate ageret, mox correxere. Postremò Tortsensonus Holsatiam optimam, atque omni rerum copiâ refertam provinciam est ingressus, in quâ quid molitus fuerit, haud satis ad nos attinet, ut id singillatim perscrui debeamus, neque quid Racocius & ipse

per hyemem Hungariæ fines armatâ manu ingressus eò gesserit.

Tum Nucernum quem Ludovicus XIII. nuper ab Aulâ secedere iusserat, aut volenti ut id faceret lubens concesserat, ruris, & otii fatias cepit. Fortè accidit uti Regina Esiaepontem Joannam Monialem de quâ suprà memoravimus, visura peteret. In eodem quo Joanna Monasterio Nucerii filia virgo & ipsa Monialis agitabat: eò Joannæ præterea pietatis, & pristinae dignitatis famâ notissimus ad eam miserat litteras, quas Regina redderet. Id ab eâ factum ex sententia, quæ præterea haud vulgarem litteris addidit commendationem. Earum litterarum sententia hæc erat. *Se se ab viris qui pietate, & doctrinâ præditi sint, monitum sedulò, ut ne diutius in otio ætatem ageret. Cum ipse sibi conscius esset quàm pulchrè sua antehæc opera reipublicæ processisset, peccaturum graviter, si non hanc Regina exhiberet, quod uti faceret eò se modo, non ullâ ambitione adductum, quam procul ab se esse antea vita satis ostendat.* Mirum omnibus fuit, novam hanc religionem hominem qui sapientem, ac sanctum audiret, incessis: cæterum nihil omnium posthæc omisit, quo rursùm aliquam reipublicæ partem attingere copia esset, eâ gratiâ frequens apud Mazarinum esse, operiri in porticu, omnem ejus adeundi, atque conveniendi indignitatem, atque molestiam petferre, servilibus in ejus ornandis adibus, aut re quâpiam faciundâ, aut reficiundâ officiis ex ingenio suo operam dare, quibus rebus quantum sibi esset otii tædium, quanta rerum gerendarum lubido, frustra ostendit. Eò certè quorundam opinionem confirmavit, qui hunc ab Aula tantisper modò, non in perpetuum secedere voluisse aiebant, ubi ab Rege Ludovico XIII. ut id sibi liceret, Mazarini operâ postulaverat, scilicet metuentem ut ne cum cæteris Ministris in proximâ mutatione Principatûs offenderet, sed huic consilium fuisse mox integrâ suâ apud Reginam gratiâ quam promereri maturè studuerat, in Aulam redire, ubi Regni Procuracionem esset adepta, in qua gerenda suâ operâ opus habituram credebat. Id eò sibi persuadebat facilius, quòd non abdicaverat Quatuorviratum, ignarus quàm subito absentium memoria ex Principum animis effluat, in tantâ hominum qui horum oculis obversantur copia.

Exeunte anno creati ab Pontifice Cardinales duo Achilles ^a Valancæus Stampæus Gallus, & Joannes Lugo Hispanus è Jesuitarum Societate; ille genere, & bellicâ laude, hic pietate, & doctrinâ clarissimus, utriusque opera Ecclesiæ, aut Pontifici bona, utilisque fuerat, hanc enim Valancæus fortem nuper adversum Venetos, Etruriæ, Parmæ, & Mutinæ Duces Pontifici navaverat, cui bellum intulerant, Lugo nonnulla Ecclesiæ profutura scripserat.

Mortem hoc anno obiit Massiliæ Joannes Baptista ^b Gualtius, vir magnâ sanctitatis famâ, qui primùm ex Oratorianorum Collegio, dein hujus urbis, atque Dioecesis Episcopus fuit. Præterea Joannes ^c Vergerius Hauranius Sancerinus Abbas, pietate, & doctrinâ clarissimus, Episcoporum potentia defensor acerrimus, de quâ librum insignem sub Petri Aurelii nomine edidit, conscripsit præterea Epistolâ, atque alia tanto homine dignissima.

^a Valancæus
d'Estampes.

^b Gualtic.

^c Du Verger
de Hauranne
Abbé de S.
Cyan.



JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER SECUNDUS.
E P I T O M E.

1644



E Antonio Arnaldo, & Barcosio jussis ire Romam ad causam dicendam. Robana Mombasone, atque Avaucurie cum Margaritâ Mommorantiâ, & Annâ Condeâ lites. Inter Guisium, & Colinium certamen. Avaucuria Rupefortium viri rus, Robana Mombasone Cesarodunum abire jussæ. Avaucius, & Servianus Hagam Comitibus adveniunt. Quæ cum fœderatis Ordinibus egere. Almerici conatus ut ad locupletioribus in Urbe pecuniam cogeret. Gastoni Septimania, Angiano Campania Provincie decreta. Gastoni cum exercitu Belgium, Angiano in finibus Campanie decretus exercitus. Philippus per Sylvam Ilerdani oppugnat, atque ad deditionem redigit. Gasto in Belgio Gravelingam item ad deditionem redigit. Angianus in Germaniam ducit, huic Turena conjungitur. Baioarorum castra loco edito sita oppugnat, eos abscedere cogit, prosequitur, atque oppugnat iterum. Philippiburgum oppugnat, atque ad deditionem redigit. Moguntia, ac Vormatia ad Rhenium huic deditæ. Thomas in Italiâ Aronam ad Verbanum lacum frustra tentat, Iacobisanum oppugnat. Frustâ Finalem tentat, cum Brezeus nondum cum classe advenisset. Mottæus Tarraconem oppugnat frustra. In Galliam redire jussus. Elizabetha Hispanie Regina moritur. Henrica Britannie Regina in Galliam profugit. Mazarini apud Fontenbel-laquem quod Aula agitabat morbus. Buccii Cardinalis operâ pax inter Urbanum Pontificem, & Odoardum Parmæ Ducem conciliata. Mors Pontificis. In hujus locum successit Innocentius X. Pamphilius antebac appellatus. Buillonius Regis injussu abiit in Italiam. Compressa plebecula ad Urbem sedi-

tio. Fine æstivorum Elleborius cum Gassione una exercitus in Picardiæ finibus præfuit. Inter ambos ortæ similitates. Thuillierius ab Rege extrâ ordinem ad Christianum Danicæ Regem, & Christinam Sueciæ Reginam legatus, paci inter ambos conciliandæ. Roncallus ab Vladislao Poloniæ Rege ad Ludovicum missus de pace inter hunc atque Imperatorem. Vicissim missus ab Rege ad Vladislavum Bregius.

1644.

N I H I L magis ad rempublicam pertinet quàm Sacra, atque Divina, neque hanc præclariorem, atque fortunatiorem ulli habuere populi, quàm qui hæc diligentius coluere. Nam religione plenas mentes facile recti studium tenet, quod Deo cordi esse sciunt, atque eo beatam immortalitatem parari. Quamobrem Principibus Sacra magnopere curæ esse decet, scilicet uti recte fiant, ac ne quis de his secus sentiat, loquatur, aut scribat. Nulla autem divinæ Majestatis verior, atque dignior apud nos imago est, quàm ipsa Principis Majestas: neque quisquam omnium est, qui non hanc ab illâ profectam, ac derivatam sentiat, atque id nos credere & nobis, & ipsi Principi utile est. Hâc igitur permota de Sacris curâ Regina principio hujus anni de ablegandis Romam Antonio ^a Arnaldo & ^b Barcosio consilium cepit. Arnaldo singillatim crimini dabatur, quod homines ab Eucharistiæ Sacramento arce re velle videretur, multa quæ difficilia factu sunt, proponendo, ut ad id Sacramentum accedamus: utrique verò fraudi erat, quod cum Joanne Vergerio Hauranio cui Barcosius fororis filius erat, de Gratiâ Christi sentirent, seque id Augustino autore facere prædicarent. Ambo denique Romam abire jussi, quæ res utrique, ac plerisque aliis gravis visa. Nam præter morem, ac Regni leges est, homines Gallos ad causam dicendam Romam dimitti, quò eâ gratiâ ablegabantur: sed in rebus sacris sicubi de his causæ cognitio ad Pontificem attinet, Recuperatores Gallos in ipsâ Galliâ dare debet, apud quos nostrates aut agant, aut vocentur in jus, quod quidem Reginam edocere, ac monere Senatui visum, cujus haud dubiè partes sunt, ut ne quid contra leges Regni fiat providere. Postremò seu valuit apud Reginam Senatûs autoritas, seu ubi locorum Arnaldus, & Barcosius laterent, resciscere difficile fuit, ea de re agi desitum.

Mariam Rohanam Mombasonom Reginæ carissimam antehâc fuisse diximus, atque illam Castronovano amicissimam esse. Utrique ægrè erat Reginam in Mazarini potestate, neque sibi apud eam gratiæ, ac potentiae aut locum, aut omnino spem ullam reliquam esse. Id ipsis, ac maxime Rohanæ Mombasonæ eò iniquius videbatur, quò per difficilia Reginæ tempora hanc diligentissimè coluerat, atque observaverat, atque eâ causâ & Ludovico XIII. & Richelio invisa, Aulâ pulsâ, in custodiam congesta, postremò fugâ sibi consulere, atque in Hispania, & Belgio exulare coacta fuerat, pro quibus meritis æquum censebat Reginam in suis secundis sibi gratiam referre, neque unum modò respicere Mazarinum, cujus arbitrato, judicioque diceret, faceretque omnia, cæteros omnes negligeret, atque nihili penderet. Quæ cum frustrâ sentire se probè intelli-

^a Arnaldus
Docteur de
Sorbonne.
^b Barcos Ab-
bé de S. Cy-
ran.

1644.

a d'Avan-
gour, Du-
chesse de
Montbason.

b Le Duc de
Guise.

c Mademoi-
selle de Bou-
bon.

d Coligny
Chastillon.

geret, Aulam omnem conturbare constituit, si fortè quas excitaret tur-
bas in eis quid proficere, aut pro se, aut pro amicis posset. Eadem sæpius
moliri per Richelii tempora tentaverat, formâ tùm elegantissimâ, & quæ
multorum animos pelliceret, quibus ex voluntate utebatur. Sed nunc
florentem atatem prætervecta, tamen ad solitas artes revoluta est: quæ
quoniam parùm validæ in ipsa erant, alienâ operâ indigebat. Huic erat
Noverca Maria a Avaucuria, quam Hercules Rohanus Mombasonus
pater dudum uxorem duxerat, eximiâ per adolescentiam pulchritudine,
tantaque vis boni in ipsa erat forma, ut ne hanc quidem ætas exstingueret:
quò fiebat, uti multi domum ejus frequentarent, mulieris amore capti,
atque inter hos Henricus b Guisus vir è Lotharingica gente Princeps.
Prius Henricus Aurelius Longavilla apud hanc multus fuerat, frequen-
que: Sed is nuper c Annam Borboniam Condæam Henrici Borbonii
Condæi filiam, atque Angiani sororem uxorem duxerat: hæc autem
ætate florentissima erat, quod quidem ad pulchritudinem addebat plu-
rimùm: rem Avaucuriæ molestam, pro more mulierum, inter quas per-
petua formæ certamina sunt, cò huic gravius fuit Condæam nupsisse
Longavillæ. Præterea hæc, atque Rohana Mombasona iniquo ferebant
animo Carolam Margaritam Mommorantiam Condæi uxorem, & Con-
dæam filiam unas ab Regina magnifici, ac benignissimè haberi: quam-
obrem utrique ac maximè Condææ insigne aliquid facere decreverit.
Affingunt mulieri adolescenti amatorem, atque ut id verosimilius vide-
retur Mauricium e Colinium esse aiunt, qui ob affinitatem frequens apud
Condæum, Mommorantiam uxorem, Angianum filium, atque adeò Con-
dæam jandiù erat: datas præterea ab illo ad Condæam litteras confin-
gunt, sparguntque in Aulâ, atque hanc fabulam scitè adornant. Contin-
nuò Mommorantia de illata filix ab Avaucuria tam insigni injuriâ, apud
Reginam graviter queri, atque postulare, ut ne id illi impunè sit. Ea res
ad Henricum Patrem, ad Ludovicum fratrem, atque ad ipsum Longa-
villam virum magnoperè pertinebat: sed hic nihili se isthuc pendere
ostentavit, sicuti mulierum rixam haud satis dignam deputaret, cui admis-
ceretur. Sed Mommorantia haud quietura erat, donec ulta esset injuriam,
qua de causa omnis Aula in partes discessura videbatur. Propter Mariam
Rohanam Mombasonom quæ Guisii Caprosi uxor erat, omnis Guisio-
rum gens Avaucuriæ favebat, ac maximè Henricus Guisius hujus amo-
re captus: hi omnes negabant scè quidquam adversum hanc fieri, quod
eâ indignum esset, passuros. Contra Condæi è regia gente haud cessatu-
ri videbantur, ni quod Avaucuria contumeliosè in Condæam fecerat, id
pro rei gravitate corrigeret, sarciretve. Ita Borbonios inter, & Guisios
ut ne similitates, & odia sicut olim fuerant, iterum forent, metuumdum
fuit: quò si res rediret, haud fermè dubium erat, quin Gasto Guisii qui
è Lotharingicâ gente sunt, fautor futurus esset, propter uxorem Mar-
garitam, quæ ex eadem gente est. Certè eâ tempestate Gastonem, &
Condæum neque magnoperè concordēs, neque magnoperè discordēs
esse usui erat: quorum alterum ad Reginam, & Mazarinum, & alterum

ad

ad rempublicam pertinebat: nam si inter se congruerent, his rerum summam ad se trahere haud difficile; si magna discordia intercederet, ex hac bellum civile futurum videbatur: Sed tùm alterum cum altero planè congruere vix suspicère, prohibente utriusque ut ne alter plus æquo crederet, studio: magnæ discordiæ causas procul habere visum. Eò Regina pervicit, uti Mommorantia quam Condææ filix ab Avaucuria illatam fuisse rebatur injuriam, de ea sibi satisfieri ab ipsa Avaucuria vellet, sicut illa ipsa ex amicorum sententia æquum censeret. Id ubi est ab Mommorantia impetratum, convenit ut apud Reginam Avaucuria Mommorantiæ diceret, *Quod esset adversum Condæam dictum, factumve, id misquam ab se ortum, neque dictum, factumve usquam voluisse, quod si dixisset, fecissetve, se quavis penâ dignam deputaturam fuisse, & quam Regina decrevisset, eam se lubentem fuisse subituram, ac maxime ut buys culpe veniam ab ipsâ peteret Mommorantiæ, ceterum huic supplicare uti crederet nunquam se commissuram, ut ab ea quam habere debeat de Condææ virtute opinione discedat.* Istiuc factum ab Avaucuriâ ex sententiâ, responditque Mommorantia: *Quæ illa diceret, iis se lubentissimè fidem adhibere, atque adèò quod in ea re fieri Regina voluisset, id huic se planè obsequi, ut ne illius rei posthac meminere.* Aula ubi hæc utrimque ex scripto ab utrâque recitata sunt, frequens fuit: dein Avaucuria paucis cum Mommorantia commutatis quæ ad humanitatem pertinerent, verbis, ita discessit, uti gratiam inter ambas haud conciliatam facîle diceret: nam hæc fuerat in eo negotio omnis Avaucuriæ ratio, uti se magis Reginæ morem gerere voluisse ostentaret, quam Mommorantiæ de illata filix injuria satisfacere: eò Mommorantia sibi dandam operam esse constituit, ut ne in Avaucuriam incidere, aut ullo in loco cum illa esset. Postpaulò Rohana Mombasona Reginam in suburbanas Renardi ædes ad merendam invitaverat, quò & Avaucuria fuit: eò Reginam comitata est Mommorantia, quæ ubi Avaucuriam adesse rescivit, abundi subitò consilium cepit, ni Regina attinuisset, atque hanc adduxisset unâ secum in hortum propinquum ædibus, interea dùm Avaucuriam suis verbis rogari jubet, ut honoris sui causâ aliò tantisper divertere vellet: quæ ubi id ægrè facere visa denique est, Regina & ipsa inde statim abiit, indignata tantam mulieri impudentiam fuisse, uti quod ipsa vellet, ac magis rogaret, quàm juberet, id facere propè reculasset. Igitur per Guenegualdum Quatuorvirum hanc Urbe facessere, atque Rupisfortium rus viri nobile secedere jubet: sed hæc id ultro, ac sponte sua jam fecerat: quò factum est, uti quod reliquum erat, hanc eò manere Regina præciperet, ita finem Condææ negotio imposuisse videbatur. Sed Colinius quem Avaucuria huic affinxerat amatorem, ea de re Guisium ex mulieris quam deperibat lubrici locutum sæpius fuisse rescivit, quò sibi cum eo ferro decertandum existimavit, uti faminx Principis cui propinquus erat, injuriam ulcisceretur. Estrada vir fortis, ac strenuus missus ab Colinio Guisium adit, & quid illi consilii esset, aperit, simul postulat ut utroque decertante sibi cum quo Guisio videbitur idem facere de more liceat. Guisius latam ab

1644.

Estrada conditionem accipit lubens, & qui cum eo depugnaret, Briedum delegit, haud secus strenuum, fortemque. In Regia Platea districtis gladius res utrimque primò acriter geritur, sed vulneratus graviter est ab Guisio Colinius, atque adeò victus. Hic animo, quàm corpore validior fuit, nam id ob valetudinem infirmum erat, quā integrā certè is opus habet, cui depugnare consilium est. Estrada, atque Briedus qui unà cum his alter alteri locius decertabant, ambo vulnerati graviter, eorum qui his intervenère, operā quominus alter alterum necaret, prohibiti sunt. Guisium summa laus ex hoc certamine secuta est, cujus virtutem, comitatemque omnis nobilitas celebravit, qui tametsi vir princeps esset cum illius Ordinis viro non abnuisset decertare. Sed Regina ut ne quid ampliùs Rohana Mombafona turbarum in Aulā moveret, hanc a Casarodunum abire jussit.

a Tours.

Antehac quotannis cum sociis Belgarum Civitatibus Rex Ludovicus XIII. agebat, quid utrimque per æstiva proxima gerendum videretur, quid copiarum ipse, atque sociæ Civitates, quid hæ navium in ora maritimā habituræ essent, nam hæc pars belli ad eas maximè pertinebat, utri oppidum quoddam hostium oppugnarent, ad Oceanum, an ad Mosam? qui oppidum esset oppugnaturus, is tardiùs moveret ex hybernais, intercèdùm alter adversum se propè omnes hostium copias avertisset: postremò ut ne isthæc quidquam fœderibus antehac sancitis obstarent cavebatur, ac ne ab his usquam discederetur. Sed hæc inter Ludovicum XIII. & socias Civitates fuerant instituta, cujus adeò morte defuisse videbantur, quæ res sollicitum habuerat Mazarinum, jure dubitantem utrū hæc sociæ Civitates sibi cum Ludovico XIV. filio etiamtū intercedere sentirent, cujus ætas haud eandem in re publicæ gerenda virtutem, quàm quæ in patre fuerat, ostentabat, sed omnia contra per hujus pueritiam infirma, atque incerta. Cū tamen summā vi bellum ab nobis anno proximo geri vidissent, ac Principem modò mutatum, fortunam verò eandem esse, de fœderibus sicuti cum Ludovico XIII. unà interiissent, nihil dixerant, quò quidem Mazarino nonnulla spes fuit, ab his socias Civitates nequaquam discessuras. Sed isthic animadvertendum videtur; eò nos in his fœderibus sanciundis offendisse, quòd cautum non fuerat hæc & inter Regis posteros, ac socias Civitates valitura, quòd quidem in omnibus consimilibus fœderibus nusquàm omitti velim. Caterū quid iniquius excogitari potest, quàm si sociæ Civitates in medio belli cursu, quòd unà cum Ludovico XIII. adversum Hispaniæ Regem ex fœdere gerebant, illo mortuo Ludovicum XIV. filium deseruissent, atque hoc posthabito pacem cum Hispanis hostibus fecissent, causantes fœdus Ludovici XIII. morte defuisse? Id tamen sibi jus esse contendebant, quòd certè summum, atque adeò summa injuria fuisset, quam denique Ludovico XIV. facere ipsis religio fuit.

Quæ fœdera inter Ludovicum XIII. & socias Civitates antehac iætæ fuerant, iis cavebatur, uti bellum utrimque adversum Hispaniæ Regem gereretur, usque dū hic pelleretur omni Belgio: si tamen ut sunt huma-

na, rectius interea videretur pacem fieri, de hac ab utrisque unà, atque conjunctim ageretur, neque alteri alteris in hoc negotio properantius quidquam facerent. Sed hæc ubi Avauxius, & Servianus Sociarum Civitatum Senatui, qui apud Hagam Comitibus haberi, atque agitare solet (Fœderatos Ordines appellant) unà cum Gaspere Cogneto Thuillerio, qui apud hos Regis Legatus erat, redegere ad memoriâ, ut & ipsi Monasterium Vestfalorum quospiam de pace legarent, & quid eò utrimque ex fœdere faciendum esset, quove modo Regis, ac Sociarum Civitatum Legati sese alteri adversum alteros gererent, convenire vellent: ibi verò quid Fœderatis Ordinibus sententiæ de fœderibus esset, palam fuit, hæc videlicet Ludovici morte soluta esse, neque se horum legibus porro teneri. Delecti ab Fœderatis Ordinibus sunt, qui cum Legatis Gallicis agerent: hi aut fœdera nusquam renovanda censabant, aut si renovarentur, id in suas leges sese facturos arbitrabantur, ac multum de pristinis detracturos: Regi enim suam in bello porro gerendo, aut in pace faciundo operam tantoperè necessariam esse sibi persuadebant, ut hunc ad quasvis condiciones adigere se posse confiderent, ut ne illâ careret. Quod uti corrigerent Legati, atque Delectos ab hac sententiâ dimoverent, his seriò edixere, Regi perindè esse fœderibus Sociæ Civitates stare vellent, necne, id modò postulare, uti quid sibi sententiæ esset, expromere vellent, quo ex illâ sibi consilium caperet. Isti hæc homines obstupescere, neque quidquam satis certi primum respondebant, ac denique sibi fœdera porro placere dixere.

Hæc igitur Legatis renovari visum, quâ in re haud levis intercessit difficultas: nam Regi pacem cum Hispanis facere placebat, Fœderati verò Ordines Inducias modò pacisci voluissent: seu dubitabant Hispanos adduci posse, uti secum pacem facere vellent, seu ad rem suam publicam pertinere credebant, bellum modò interrumpi, quo hanc usque tam præclare auxissent. Si pax utrimque cum Hispanis fieret, certa, & expedita erant omnia, quæ ab Rege, & ab Sociis Civitatibus faciunda forent, sicuti hanc Hispani violarent: sed si pax Regi, Induciæ autem Sociis Civitatibus essent, has quidem hunc iis præstare debere dubium non erat, ac denuò bellum sumere sicuti has item violarent, sed ubi dies earum exisset, Fœderati Ordines ibi Regem operam dare æquum censabant, uti prorogarentur, atque item adversum Hispanos bellum sumere denuò, si id se facturos negarent. Legati hujusmodi quidquam fœderum legibus cautum negabant, sed eò rem redire aiebant, uti Rex Socias Civitates integrâ suâ quam cum Hispanis sanxisset pace, quantâ posset ope sustinendo adversum hos bello juvaret, sicut ante fœdus, ac belli societatem cum Sociis Civitatibus initam Ludovicus XIII. pater, atque Henricus IV. avus liberalissimè, atque munificentissimè fecissent.

Sed cum istuc Fœderatis Ordinibus haud satis placeret, visum denique renovare fœdus, sicuti utrisque pax, aut utrisque Induciæ futuræ essent, ita tamen ut si has modò cum Sociis Civitatibus pacisci Hispani-

1644.

ni vellent, Regi nihilo secius cum his pacem sancire copia esset, quod si fieret, quæ sibi Regem Foederati Ordines gratificari cuperent, de iis commentarium Legatis nostris tradidère, quem ad hunc, & Reginam matrem mitterent, ab quibus interea dum responsum veniret, postulavère, utne in pacis negotio quidquam Legati apud Monasterium Vestfalorum se facturos reciperent.

Ita igitur tum renovatum fœdus est, uti quædam huic addere, aut detrachere secundùm Foederatorum Ordinum commentarium copia esset, neque tamen irritum, sed contrà ratum, ac firmum foret, tametsi nihil in eo mutari Regi, ac Reginæ matri placeret. Præter hanc quam diximus de pace ab alteris sancienda, ab alteris vero Induciis pacificendis, controversiam nihil fermè in Foederatorum Ordinum commentario satis dignum erat, quo in fœdere renovato quidquam mutaretur. Sed horum omnis ratio Legatos nostros edocuit, quid ab illis Regi sperandum porrò foret, aut in bello gerendo, aut in pace faciendâ, aut post hanc confectâ, quidquid videlicet ipsi usui esset, facturos, nullâ planè fœderis habitâ ratione. Induciis favebat Henricus Nassâuvius Arausius, cui satis placuisset omne pacis negotium disturbari, quod nostrâ cum Sociis Civitatibus si nos pacem, ipsæ Inducias modò vellent, controversiâ fieri posse arbitrabatur: postremò bellum quo usquè claruerat, potestatem, atque imperium tenuerat, paci anteferebat. Foederati Ordines multam impenderant operam, uti Legatis persuaderent, æquè Inducias Regi, ac sibi processuras, qui interea adolefceret, & ad ætatem imperio maturam perveniret: neque id displicebat Mazarino, quo facilius adducti sunt Legati, ut ne Foederatorum Ordinum commentarium respuerent: sed ad tamam pertinebat omnibus pacis avidis ostentare hanc Regi, atque Reginæ matri cordi esse.

Præter fœdus renovatum ab Legatis, de proximis æstivis ab iis cum Foederatis Ordinibus, sicuti quotannis fieri solebat, actum est. Sed Cognetus Thuillierius singillatim Regis, ac Reginæ Matris verbis cum Henrico Nassâuvio de Dunkercâ ab ipso oppugnandâ egit, cui ex propinquis Galliæ finibus com meatus copia foret, ac præterea huic quatuor peditum millia conjungerent: sin id ipsi haud satis placeret, eadem conditione scilicet si Arausius quatuor peditum millia mittere ad Regem vellet, hunc Dunkercam oppugnaturum: sed neutrum se facere posse Arausius docuit, alterum quia si terrâ ad Dunkercam duceret, acie sibi cum hostibus decertandum foret, cujus rei necessitatem effugere sapientis sit, mari verò longiùs esse Dunkercam positam, quam ut eò navibus develi omnis Sociarum Civitatum exercitus posset, citrà pericula maris, ac varios, incertosque casus, postremò ubi longiùs abesset ab Sociarum Civitatum finibus, hos fortasse invadendi studium Germa-

nīs fore, rem ipsis ubi nullæ copię prohibere possent, factū facilem: si verò quatuor millia peditum ab exercitu suo sejungeret, hunc tūm infirmiore fore, quā ut quidpiam quod rei publicæ prodesset, incipere possēt. Cæterū Cognetus quid de Gravelingā ab Rege oppugnanda sentiret, ab eo quæsit, quod quidem ipsi maximè probatum est, ac se intecā quidpiam operæpretii facturum recepit, seu ad Oceanum versū, seu ad Mosā amnem, quō Cognetus maluisset hunc ducere, diversissimā scilicet ab Gravelingā parte, quo longiūs hostem distineret: sed illius consilia ad Oceanum tendebant, quō factum est, ut & contra ipse diversissimā parte hostem ab Rege distineri vellet, & Cogneto persuadere niteretur, nihil illum quod ad rempublicam magis pertineret, incipere posse, quā Namurci, quod oppidum ad Mosā amnem positum est, oppugnationem, hoc enim si potiretur, Germanos Mosæ transitu prohiberi, quā maximè Hispanis opitulatum in Belgium venire possint: sed Cognetus Carolimontem prius ab Rege capiundum docuit, qui propius Galliæ fines sit, Hispanis opportunum, commeatibus prohibendis, qui ab Galliā ad Gallorum Namureum longiūs in hostico oppugnantium castra veherentur: Ita Gravelingæ inceptum cæteris omnibus antepositum.

Sed Avauxio unā cum Serviano, atque Cogneto de cæteris negotiis agenti, & cum Fœderatis Ordinibus colloquente venit in mentem isthuc adungere, scilicet uti quæ in Catholicos usque decrevissent, ea clementius, ac molliùs posthac facta vellent, quæ oratio omnium animos ita offendit, uti qui Senatum habebat, is continuò Fœderatos Ordines id facturos Avauxio in os negaret, prætercā id ab Catholicis ortum arbitrati hos solito asperius tantisper habuere.

Fuere qui ita existimarent Avauxium magis pietatis ostentandæ, quā rei impetrandæ aut studio, aut spe isthuc designasse: nam Cardinalatum dudum affectabat, vir ingens animi, ac se dignum deputans, cui res omnis publica sicuti antehac Richelio, ac tūm Mazarino quandoque permetteretur, neque ipsi fermè deerat quidquam præter hunc dignitatis gradum, quem ad id eā tempestate necessarium homines arbitrabantur. Cæterū Servianus seu iniustū suo de Catholicis Avauxius Fœderatis Ordinibus locutus fuerat, seu ut apud hos, atque apud Regem, Reginam Matrem, & Mazarinum huius rei offensionem ab se amotam vellet, illam omnem quia secus cesserat, illi uni attribuit, atque ex eo inter utrumque auctræ similitates, dein lites, atque turbæ, quæ ambos in magnā, diuturnaue contentione habuere.

Intecā quos in bellum sumptus usque dūm pax sanciretur, facere necesse erat, eos suppeditare difficile videbatur: prædia regia, atque possessiones omnes dudum divenditæ, eā tamen lege sicuti moris est, uti restituto emptoribus pretio domino redderentur. Quæ Tributa à populo annua pendi solent, sectiones appellant, ea in annos aliquot Publicanis permittā: restabat modò pars aliquanta eorum Portiorum, quæ subsidia vocant, intacta, atque integra: hæc ex dividendis in Urbe,

atque in aliis oppidis cum mercibus quibuscumque, tum rusticorum prædiorum quibusdam fructibus, exigi solent, & Publicanis locari annuis pensionibus. Sed majores erant in rempublicam sumptus faciendi, quam ut his sustinendis hujusmodi pensiones, cæterique annui fructus Regni sufficerent. Visum igitur Administris, qui locupletiores in Urbe essent, ab iis grandem pecuniam stœnore sumere, quod ex his pensionibus annuatim penderetur. Utrum autem hanc sponte credituri essent, merito dubitabatur, nam Rege, aut ærario fœnus hujusmodi ægrè exolvere solito, sed uti crederent, Reipublicæ cujus salus suprema lex sit, causâ, cogi posse censebant. Id fortè aliâ tempestate ab Regis Consilio nihil consulto Senatu factum fuisset, tunc verò Rege ob pueritiam per Matrem imperitante, Senatum consuli placuit, ut ne hoc inconsulto frustrâ foret. Vocatur eâ gratiâ in Regiam Senatus, quò primarius Præfex Molæus, aliique Præsides, atque delecti ex Classibus iere: his Regina quid sibi consilii esset, per Cancellarium aperit: Molæus quidquid in rempublicam esset, id studiosè Senatum facturum respondet.

At quibus Ærarii rerum cura, quorum potissimus erat Almericus, nam Baileulius Quæstor summus vir placidi ingenii de his haud magnopere laborabat, iis consilium erat, ut ne Publicani quorum operâ ad Rempublicam sustentandam quotidie utebantur, ad pecuniam Regi stœnore sicuti diximus dandam cogerentur: contrâ Senatus hos modò cogi æquum censebat, quos difficillimis temporibus adjuvare Rempublicam deceret, ab qua tantæ divitiæ dum faciliore essent, ad eos pervenerant. Almericus uti quosdam Regina ex Patribus deligeret, qui ea de re cognoscerent, decernerentque, contendebat: Senatu ut ab sese deligerentur placebat. Itaque in majus conclave frequens convenit, aderant Gasto, & Condæus, Andreas Potierus Novio per Molæi absentiam Senatum habebat: ubi Cognitor regius per Actorem regium quid ageretur Senatum edocuerat, rogabanturque Patres quos deligi placeret, si fortè quos ex Aulæ sententiâ minus idoneos nominarent, ibi verò Condæus obturbare, interloqui, monere, prorsus conturbare rem, neque per otium sententias dici sinere. Tum Senatum habere se, atque huic moderari Novio dixit graviter, nulli nisi sibi qui roget, aut huic qui sententiam dicat, loqui fas esse: Condæo verò sciscitanti nùm se è regiâ gente Principem virum esse ignoraret, quo nemo Regi propinquior esset, hujus fratre, & Gastone patruo exceptis? ita respondit uti pigeret hominem isthuc ab illo quævisse, ac magis tacito sibi opus fuisse sentiret. Bellovacensis Episcopi de quo supra memoravimus Novio frater erat, cui tum fratre Aulâ pulso haud magnum Reginæ morem gerendi studium fuit. Cæterum ubi Senatum probiores viros deligere est animadversum, quam qui ex Almerici lubricine, stœnoris de quo diximus specie, ab quibusvis ingentem pecuniam extorqueri sinerent, alia denique hujus rei conficiundæ inita ratio est.

Eâ tempestate viri Principes, quæ opimiores erant in Galliâ Provinciæ, eas obtinere studebant: quod per Regis pueritiam, quam ubi hanc

egressus foret, facilius erat: nam his explere animum, ut ne initio Principatus res novas molirentur, Regina necesse habebat: Regibus verò ubi per ætatem licet, cautio est, ut ne viri Principes aut in Aulâ, aut in Provinciis plus æquo potentes sint. Jam anno proximo Vindocinus de obtinenda Britannia consilium ceperat, sicuti suprà memoravimus, quod quidem ob ea quæ in Aulâ tùm accidere, huic frustra fuit. At Henricus Condæus pridem Septimaniam magnam, atque optimam Provinciam sibi expetebat: hæc Henrici Mommorantii fuerat, cujus fororem Carolam Margaritam Condæus uxorem habebat: Ubi de illo supplicium sumptum, atque hujus publicata fuerant bona, hæc fermè omnia Rex Condæo dono dederat, inter quæ *a* Piscena oppidum in Septimanîâ fuit, cum amœnis ædibus, agrisque compluribus. Quæ Mommorantii fuerant in Provinciâ avita, atque paternæ clientelæ, eæ ad Condæum transiture videbantur: nam jam diu Septimania penes Mommorantios fuerat. Sed hanc tùm obtinebat Carolus *b* Schombergius Equitum Tribunus, cujus Patri Henrico ab Ludovico XIII. Rege data fuerat, opimum Mommorantii quem devicerat, ceperatque spoliis. His proximis annis Condæus in Septimanîâ exercitum ductaverat, bellum Ludovici XIII. iussu adversum finitimos Hispanos gerens: quo exercitu fretus Schombergium satis illiberaliter habuerat, ægrè quantum posset faciens homini, ut hunc sibi Provinciâ cedere, pecuniâ in æstimationem acceptâ cogeret: sed is nihil istis rebus permotus Provinciam per Richelii tempora porrò tenuit: nam neque hæc Condæum, neque Mommorantii qui sibi inimicus fuerat, clientelis augeri Richelius volebat, coërcendæ virorum Principum ambitioni natus: sed in novo Principatu Condæum rem se ex sententiâ confecturum sperabat. Britanniam Richelii morte, dein Melleraii abdicatione vacuam Gasto sibi dari æquum censebat. Regina Septimaniam dare maluit: Campania, atque Bria Angiano Condæi filio datæ, ut ne de Septimanîâ patri ægrè esset: qui has prius obtinebant Provincias, Schombergius videlicet, atque Halicrus Hospitalius, sicuti suprà memoravimus, ii in his Legati Gastoni, atque Angiano posthæc fuere: præterea Montepessulo oppido, atque Arci, & Brescovio in Septimanîâ Gastonem, Satenaio item oppido, atque Arci in Campaniæ finibus Angianum Regina præfecit. Id maximum viris Principibus studium est, ut oppida, atque Arces in iis quas obtinent Provinciis habeant, quò Regibus, ac popularibus formidolosiores sint, atque adeò pro lubidine agitent, & ab utrisque quod sibi bonum sit, atque commodum, id extorqueant: pro Montepessulo, cui Schombergius præfectus fuerat, dati huic Mediomatrices, cum Divioduro oppido, atque Arce, & Lamberto qui huic præerat, pecuniâ in æstimationem curatâ: *d* Theobaldus qui Satenaio Præfectus fuerat. Quintinifano in Veromanduis præesse iussus: cæterum Campania Angiano opportunissima Provincia erat, scilicet quæ Æduis, quos pridem Henricus pater obtinet, finitima est. De Britannia nihil tùm Regina decrevit, quam sibi mox sumere consilium erat, ut ne tunc de Septimanîâ, atque Cam-

a Piscena.*b* De Schomberg.*c* De Lamberto.
d De Theobaud.

1644

paniâ adversum Gastonem, Condæum, & Angianum ingratum esset, sicuti & habendæ ipsa Provinciæ exemplum quævisse videretur, eò res in posterum dilata.

Principiò hujus anni gravis in Urbe annona fuit, cum proximi anni infecunditate, tum crebrâ ex Provinciis quæ in Regni finibus sunt, frumenti avectione: hanc ab Batavis factam aiebant, dum vile hujus pretium esset, quo mox ob inopiam aucto, id omne, aut majorem partem revexere: præterea Regina Batavo cuidam Publicano negotium dedit, ut ab usque Gedano, quod ad Venedicum sinum, & Vitulæ ostia est, frumentum isthuc comportari curaret, quod plebi levi pretio venum datum est, atque hoc pacto sublevata præsens inopia.

Quamquam Regina ad Pacem animum adjecerat, atque eâ gratiâ Avauxium, & Servianum Monasterium Vestfalorum legaverat, nihilo segnius per hyemem cuncta quæ ad bellum pertinerent, summâ curâ, atque diligentia apparabat. Quæ anno proximo gesta ea Ludovico XIII. magis, quàm Ludovico filio, aut Annæ Matri videbantur tribuenda, quoniam illius operâ tametsi per gravissimam valetudinem, quam mors erat consecuta, omnia quibus freti duces exercituum undequaque rem publicam benè, feliciterque gesserant, provisa fuerant: at in novo principatu quid nobis animi, aut consilii esset, hostes ex proximis ætibus existimatuos: quæ pro ut nobis secunda, aut adversa forent, ita hos ad pacem, aut ad bellum pronos fore: Igitur nihil omissum quo rempublicam perinde atque antehac administrari sentirent. Gastoni in Belgio, Angiano ad Mosam decreti exercitus, Thomas ut in Italia, Turena in Germania, Mottæus in Hispania iisdem quibus antehac copias bellum administrarent visum: Gastoni Carolus Portæus Melleraius, & Gassio Equitum Tribuni; Angiano a Gramontius, & ipse Equitum Tribunus; Thomæ Pralinopleßius Legati fuere: veteribus exercitibus supplementum, complures copię in Santonas missæ, uti per Petrocorios, Ruthenosque haud satis pacatos ab nupero tumultu populos iter haberent, metumque facerent belli, prædarum, atque cædis, si iterum rebellarent: has ducere jussus est b Villaregius Neovilla, quæ per Foxensem agrum, & Pirenæos saltus Cataloniam ingrederentur, nam ipse ab Regni finibus in Aulam rediturus erat.

a Le Maréchal de Gramont.

b Le Marquis de Villaroy.

In Hispaniâ Philippus Rex apud Cæsaraugustam erat, atque eò complures coegerat copias, nuper Monsonem receperat, atque in Cataloniam venienti Ilerda, & Balaguiera utrumque ad Sicorim oppidum obvia quæ in Gallorum essent potestate, loca erant: horum igitur alterum oppugnare velle videbatur: sed huic consilium fuit, totam si quâ fieri posset, recipere Cataloniam, eò præteritorum gratiam Catalanis ostentabat, præterea fidem dabat, si in viam redire vellent, Civitatem sicuti antehac immunem justo, atque clementi imperio habitum iri, neque tamen id ad Josephum Margantum, Fontanellam, atque alios tres pertinere significabat, qui Catalanis defectionis autores fuerant. Sed bi postquam Ludovico XIII. dederant sese, semper boni, fidelesque mansere.

mansere. At ubi Philippus sese eo pacto parum proficere sentit, neque flectuntur Catalanorum animi, vim sicuti constituerat, adhibendam censuit. Exercitum habebat & numero hominum, & virtute egregium: huic Philippus Sylva Lusitanus præerat, cui Mortara Legatus fuit, castrorum Magistrum generalem appellabant, Joannes Viverus equitatus, Franciscus Totavilla rei tormentariæ præfecti fuere. Nonis Maiis, atque VIII. Id. Noguera amnem traductæ copiæ sunt, quæ res indicabat omisâ Ilerdâ Balaguieram peti, quo factum est, ut octingentos milites eò Mottæus mitteret: tres in oppido Cohortes fuere, quibus hic numerus militum additus, ad propugnandum satis esse visus. At postridiè hostes converso itinere, ac traductis rursùm Noguera copias, ad Ilerdam ex improvviso accessere, junctoque ratibus Sicori amne, oppidum circumvenire undique, castra vallo, fossâ, turribus, castellisque, quò adversum exteriorem hostem tuti essent, munire properabant. Haud satis firmum in oppido præsidium, atque id augere ad sustinendam hostium vim necesse fuit. Itaque priusquam munitiones castrorum perfecissent, Mottæus eò sibi milites introducendos esse constituit. Igitur ad hostes propius accedere, & fortunam quâ sæpè prosperè ulus fuerat, tentare decrevit. Per speculatores erat cognitum Sicorim immensum crevisse, atque hostium interruptum fuisse pontem, quo sibi maturandum ratus quingentos equites præmittit, qui tumultum hostium castris proximum occuparent: nam qui cis amnem erant, eos ab cætero exercitu interrupto ponte seclusos deprehendere se posse, atque adeò facilius militem in oppidum introducere confidebat. Sed ubi ipsæ cum reliquis copiis advenit, & vis aquarum dilapsa, & pons hostium resectus erat: nam quibus tempestatibus Sicoris crescere solet, eæ haud diuturnæ plerumque sunt, prout proximis in montibus exortæ momento temporis sæviunt, defæviuntque. Diei tunc medium erat, neque multò antè Philippus ab castris Fragam receperat se. Mottæus nihil territus hostium multitudine, quâ parte auxiliium Ilerdam introducere decreverat, eò directis opportunè tormentis magnam stragem edere, atque illac quos paraverat, eos ad oppidum pervadere jubet, interea pluribus simul partibus hostem aggreditur, ac distinct. Magnam congressu facta cædes, commeatus, ac milites in oppidum introducti, ex quo nostri eodem tempore eruptionem fecere. Primum ancipiti malo perculsi hostes nostris utrimque instantibus, neque animo, neque consilio satis competere: mox & numero freti, & paucitatis nostrorum memores conglobati inter se, atque adhortati ultro procurrere: pedites nostri tamen multis partibus pauciores, tamen cum pluribus egregiè pugnare: Mottæus qui in sinistro cornu cum Boislaco, & Baltasare erat, in dextrum hostium cornu impetum facit, atque id propellit, ita ut effuso cursu equitatus fugiens peditum qui subsequerantur ordines perturbaret, atque hi abjectis armis sese victos faterentur, nostri pro victoribus agerent, cum his sinistram hostium cornu profligato nostro dextero nec opinantibus intervenit: protinus in fugam conjiciunt se, ne-

164.

quicquàm uti resisterent, ac propugnarent hortante Mottæo, qui cum paucis equitibus agrè ad pedes recepit se. Hi etiamtùm strenuè rem gerebant, sed ab equitatu destituti, neque tanto hostium numero usquàm pares partim per medios hostes Ilerdam petunt, alii quàm copia fuit dilapsi: ita multò plures quàm Mottæus decreverat, oppidum introîre, is verò Cerveram contendit. Eò pudebat hominem vinci insolitum, ignavià equitum qui in dextro cornu fuissent, rem nostram usque florentem, tam foedè labefactatam fuisse, atque agrè sibi temperabat, quin tantam ignominiam eorum qui in noxà essent, supplicio expiaret: sed exercitûs sui reliquias circumspectans, has nequaquàm sibi minuendas esse constituit. Igitur graviter increpitis iis quorum vano terrore res ab se tam benè cæpta postremò corrupta fuerat, tantus his incessit pudor, uti de sarcinando incommodo ubi primùm Imperator pugnandi potestatem faceret, fidem darent, atque is tùm demùm ipsis se delicti gratiam facturum pronuntiavit. Quà parte equites prælium abnuerant, eà curabat Terralius, qui cum hos in hostem procurrere iussisset, unicus filius ejus adolescentulus patri dicto audiens fuit, atque in hostes impetum fecit, quindecim omnino equitibus simul procurentibus, neque plures adolescentis exemplum movit, uti decertare vellet: sed is multitudine hostium oppressus egregiè dimicans occidit: Patre, majoribusque quorum nomen per Petri & Terralii Baiardi bellicam virtutem celebre est, soboles dignissima. Duobus muralibus, octo campestribus tormentis hostes potiti sunt, amplius duo millia peditum nostrorum aut cæsa, aut capta, quingenti sparsî fugâ per agros ad Mottæum mox redière, quod reliquum fuit Ilerdam sese receperat: nec ea victoria hostibus parvo constitit, compluribus item ex eorum numero cæsis, captisque. Postridiè recensitis apud Ilerdam ducibus, militibusque, centum & quinquaginta fuère Tribuni, Centuriones, Procenturiones, Vexillarii, tria militum millia quingenti septuaginta quinque, præter oppidanos, & agrestium qui eò ex agris confugerant duo millia, qui & ipsi bonam, fidelemque in propugnando navabant operam.

Ubi rescitum est in Aulâ, quantum apud Ilerdam offensum esset, ibi verò Administrî Mottæum accusare, quod ab hybernis seriùs movisset, nam huic consilium fuerat maturè Tarraconem oppugnatum ire, atque eà causâ Classem eò mitti postulaverat, quæ jam in Balcarico mari navigabat, intereādum is apud Barcinonem morabatur: nam si ad Tarraconem movisset, Hispanorum planè de Ilerdâ, atque Balaguerâ consilia disturbasset, aut si nihilominus alteram oppugnasset, hujus jacturam, ac damnum Tarracone captâ Mottæus compensasset: sed hoc incepto posthabito ad Sicionim moverat, prohibendis ab Ilerdâ, aut Balaguerâ hostibus, quod ipsi de Ilerdâ postremò secus cessit.

Intercæ copiæ quas Uillaregius ad Regni fines duxerat, in Catalonia pergebant iter facere, quibus Mottæum fretum Rhodâ, aut Tarracone haud difficulter potiturum Rex, & Regina crediderant, atque ad eum scripserant id sibi magis probari, quam Ilerdâ, aut Balagueræ

• Biard du
Terrail.

ferri suppetias, his quas diximus de causis. Sed Mottaum simul cum Nucerio Patrono fortuna deseruerat, nam sicuti hominis ad Ilerdam venientis mora pontis interrupti qui hostium exercitum separaverat, opportunitatem corruerat, quā si usus fuisset, quæ pars citrà Sicorim erat, eam faciliè fudisset, ac profligasset, ita ubi oppidum obsidebant, prohibendis com meatibus, aut quærendæ castrorum oppugnandorum opportunitati tempus frustra consumpsit, neque prius ad Tarraconem animum adjecit, quàm hostibus Ilerda dedita est, qui ab hoc negotio vacui ut ne illud Motta ex sententiâ procederet, operam dedere.

Igitur postquàm apud Ilerdam nostri quoties hostes appropinquaverant mœnibus, toties egregiè propugnaverant, crebras eruptiones fecerant, multa loca procul ab mœnibus tenuerant, postremò tamen rerum omnium inopiâ compulsi Sextili demùm mense fecere deditionem. Philippus cui ea res præter solitum prosperè evenerat, tantò magis lætari, in oppido recepto complures dies morari, festos dies, ludosque agitare, quàm diversâ sibi aliò fortuna esset, nusquam sentire.

Ad Regni fines Belgium versùs Portæus Melleraius, & Gassio primum, dein Gasto mense Maio profecti sunt: apud Ambianos Melleraius, apud Peronam Gassio habuere castra, eò Gasto advenit, uti quod oppugnare decreverat oppidum, ab eo quàm maximè diversus consiliū suum hostibus occultum haberet: Ramsavius cum cæteris copiis ad Abbativillam stativa habuit. Præmittere placuit Almontium Villequierum, is Boloniensi Civitati præerat, qui cùm pleraque hujus Civitatis nobilitate ad bellum exercitatissima, atque alio equitatu Gravelingam ad Aa annis ostia properaret. Haud insolitum erat Villequiero, atque huic nobilitati excurrere in hostium fines, prædas agere, loca vastare, atque alia hostilia facere: datum Villequiero negotium uti quibus locis opportunum judicaret, stationes, atque custodias collocaret, ut ne quid aut com meatūs, aut militum Gravelingam introduceretur, intèræ dum Melleraius, dein cum Gassione ipse Gasto oppidum oppugnaturus adveniret. Is per Atrebates eò maximis itineribus contendebat, atque inter Audomarifanum, quod oppidum est in hostium ditione, & Arderam Gallicæ ditionis habebat castra, cùm ei redditæ ab Melleraii litteræ sunt, quibus significabat, pontem super Aa amne faciendum, quo traderetur exercitus, Baictam præterea Castellum ab hostibus communitum capiendum, ut ne ab Audomarifano ad Gravelingam commeare possent, ad id sibi peditum millia quatuor, equites mille opus esse, quos si videretur, ad se mitteret, hi postridiè missi Gassione duce. Gasto castris apud Marcam haud procul a Icio portu positus illi ipse pernoctavit. Eò nuntiatum est & pontem perfectum, & Castellum captum esse, præterea alia duo Castella ad Aam amnem: dein nostri castra circumquaque Gravelingam posuere, atque munivere. Priusquàm id omninò factum esset, Gastonem venire in castra tali loco virum haud satis dignum, aut tutum videbatur: sed is omnis moræ impatiens non modò advénit, sed ab sinibus nostris diversissimâ parte

a Calais.

Dunkercam versùs, quâ hostium, si quid conari consilium foret, ad-ventus erat, Prætorium tendi iussit. Triginta majores naves ex fœdere ab sociis Belgarum Civitatibus eò missæ in hac omni ora Belgica, ac tùm maximè ante Gravelingæ portum stationes habebant, atque omnibus navigiis quibus è Galliæ portubus commeatus, & alia quæ usui essent in castra supportabantur, præsidio erant. Batavis navibus præerat Martinus Herpers Tromp, vir magnâ rei navalis scientiâ, atque famâ multis hostium classibus fufus clarus. Præsidium in oppido haud satis amplum erat, quod hostes quadringentis militibus eò missis auxêre, qui navibus in oppidum introducti sunt : neque id ubi ventus ab Oceano secundus est, facilè prohiberi potest : nam ab oppido ad mare fossâ pertinet, in eam altitudinem depressâ, quâ & majora navigia ad oppidum decurrere possint : secundùm hanc paribus intervallis turres, atque æquo inter oppidum, & mare spatio Castellum probè munitum erat : hæ protegendæ fossæ munitiones extructæ, ut ne ab mari, & navigatione oppidum secluderetur. Castellum Gastoni oppugnare visum, quod Philippicum appellabant, atque intercâ Mellerius ex his turribus, quæ ab Castello ad oppidum pertinebant, quinque deditionem facere cœgerat : quæ res metum fecit iis qui Castellum defensabant, ut ne omninò ab oppido interclusis ubi res moneret eò recipere sese copia esset. Itaque sibi maturè consulere decreverunt, nactique obscuram noctem quarto postquàm oppugnari cæperant die dilapsi sunt : miles unus in Castello restitit, qui ubi nostros ingressos videt, cuniculo ad id preparato ignem admovet, quo disjecta superne humus, saxaque paucos qui propius erant, læsit, unus modò Primipilaris necatus est. In Castello tormenta septem, omnia præter unum corrupta, commeatus, atque armorum aliquantum reperta : Gasto in eo Castello donec Gravelinga dedita est agitavit, reliquæ turres, quæ ab Castello ad mare pertinebant, & ipsæ deditæ sunt, ubi nostrorum vim, & Batavarum navium quæ tormentis instructissimæ fuêre fulmina sese diutiùs sustinere posse defensores diffidunt. Nocte unâ Tribunus, atque Centuriones aliquot, quos ab proxima Dunkerca hostes Gravelingam parvo navigio miserant, & Batavorum custodias in transgressu fecellerant, ab Oceano fossam ingressi secundo vento, atque æstu ad oppidum ferebantur, ni deprehensi ab nostris forent. Ibi verò Tribunus sese dejecit in fossam, atque nando ad turrim propinquam appulit, captusque est, captum item cum Centurionibus, vectoribusque omnibus nâvigium, in quo quinque nummum millia reperta, captaque.

Trina circum Urbem castra fuêre, una Gastonis ad Aam amnem, Galliam versùs, quod denique magis tutum, magisque ex hominis dignitate, quàm quâ hostes advenirent, visum : nam Imperatoris partes non sunt, uti princeps prælium manu faciat, verùm uti quæ aguntur iis circumspectis, atque cognitis, quod optimum factu sit, id imperet, & summæ rerum per otium, quantum belli tumultus fert, ipse consulat. In his castris Ramfavius Vicelegatus (id ipsi novum Imperii nomen, quoniam

Equitum Tribuni Gastoni Legati erant, datum fuerat) *a* Potus Fargius, Magalottus vir Italicus, & *b* Foliadæus castrorum Præfecti curabant. Altera castra Melleraii fuere Dunkercam versùs, & mare, in quibus ipse, præterea *c* Jacobus Stampæus Fertimbaltius, Lambertus, Russellus Granseus, Hoquincurius castrorum Præfecti. Tertia demùm Gassionis Burburgum versùs, in quibus *d* Manicampus, Brichantæus Nangius, & ipsi castrorum Præfecti curabant.

1644.
a Pot du Fargis.
b La Feuillade.
c D'Estampes.
 Ferté - Imbert, de Bousfel-Graslay, Hocquincourt.
d Manicamp, Nangis - Brichanteau.

Junio mense in ea regione scilicet quæ ad Oceanum est, sædæ coortæ sunt tempestates, quæ hanc humilem, atque depressam aquis complevere. Omnibus campis profundæ interjacent fossæ, aquarum receptacula: hæ ubi per vices Oceanus æstu crecit, & ipsæ crescent, tunc & pluviis auctæ erant plurimum, eò pontes pessimi totis castris struere, uti pervia essent, necesse fuit: præterea perpetuis imbribus sublutis munitionum queis castra cingebantur agger pluribus locis erat dilapsus, cui reficiendo data est opera: dein duæ ad oppidi totidem propugnacula fossæ duci captæ, cujus rei cura pones Melleraium, & Gassionem fuit. Quâ parte hic, & quâ alter curabat, Præfecti castrorum cum singulis Cohortibus per vices ad opus excubabant, hoc illi promovère, ac maturare, qui in opere essent milites, eos tutari, si hostes prohibitori accederent, propulsare, prorsus omni rei suæ quisque die præesse, atque hanc sedulò administrare. Eadem apud Gravelingam munitionum ratio, atque series erat, quàm aliò diximus, præterquam quòd circum mœnia fossa duplex est, quàm & Aæ fluminis aquæ, & Oceani æstus subeunt: quæ extrâ mœnia munitiones erant, eas Italici, Oppidum Belgæ, Arcem Hispani milites defensabant, cuncti numero duo millia quingenti, præterea oppidani, & qui ex agris eò confugerant, ex quibus nonnulli ad propugnandum satis idonei fuere, Oppido Ferdinandus Solis Hispanus Præfectus fuit.

Ubi aliquantùm fossæ ad oppidum versùs promotæ, inter utramque ducta alia fossa est, præterea vallum ponè quem viginti tormenta locata, queis hostium munitiones inter duo propugnacula disjicerentur. Apud Dunkercam, Burburgum, & Bergam Fani-Vinoci quæ Gravelingam propiora hostium oppida sunt, Picolominius copias distribuebat, si quâ parte ad hanc terrâ, aut mari pervadere copia esset, quin & castra nostra tentaturum fama erat: quò fiebat uti Gasto qui hanc sibi potissimum sumpserat provinciam, uti castra ab omni externâ vi tuta præstaret, ad vallum, & munitiones frequens, multusque adesset, quâ parte hostes venturos sapius nuntiabatur, cum equitatu obviam aut ipse procederet, aut alios mitteret: neque tamen omittebat quid ad oppidum versùs operis promoveretur, ipse coràm cognoscere, ut id maturarent milites hortari, atque his eâ gratiâ de suo largiri, postremò quasi nullo imposito omnia providere. Quâ tantâ Imperatoris sedulitate effectum, uti nostri brevi ad primam oppidi fossam opera promoverent. Eò hostibus frustrâ prohibere conantibus captus, munitusque locus, & stationes locatæ, quâ Melleraius, & quâ Gassio cu-

1644

rabant. Sed hanc primam oppidi fossam pertransire operæpretium erat: nam ex adverso hostes munitionibus, atque vineis tecti propugnabant, pontesque fieri prohibebant: tres tamen ex utraque parte confecti ex virgultis, & cratribus inter se colligatis, atque ex alia levi materiâ, quæ ne igni corrumperetur, bubulis coriis recens detractis integebatur: hostium vineæ, cæteræque in adversâ ripâ munitiones tormentis nostris diruebantur, neque cessabat intereâ miles ex his locis quos captos, munitosque supra diximus, sclopetis qui se in adversis munitionibus ostenderent, vel qui iis disiectis, aut labefactatis ad ictus paterent, eos infestare, quæ res & damno hostibus, & nostris qui pontes perficiebant, præsidio erat: ubi primùm unus confectus fuit, ita ut satis tutò superstare miles, atque ad hostem pergere possêt, qui id primi tentavêre, eorum pars malè mulctati sunt: nam dùm cæteri cupidius subsequuntur, majori quàm ferre possent onere pons depressus, dein interruptus est, quo casu qui supersteterant in fossam præcipitavêre, ac miserè periêre: pauci ad hostem transgressi, quorum audaciâ qui declive defensabant inter utramque fossam spatium, perterriti id deferere velle videbantur, cùm casu pontis, & paucitate nostrorum animadversâ restitêre: at brevi reffecto ponte, nostri ultra primam fossam locum cepêre, atque munivêre, neque indè maximâ hostium vi depelli posthâc quivêre.

Inter hæc cognitum ex perfugis, de primâ vigiliâ milites trecentos ex oppido consensu scaphis secundo amne profectos, atque ad dextram fluminis excensionem factâ, eò quàm occultissimè stationem humi jacentes habere, id jam triduum fieri, eâ venturos subsidio hostes, quò hos exciperent, & ad oppidum iisdem scaphis perducerent: continuo Gasto mittit ad Ramsavium, qui hunc de hostium adventu moneret, nam quâ venturi dicebantur, in eâ Castrorum parte curabat. Ramsavius quadringentos è Piedmontanâ Legione pedites, equites ducentos è Magaloti alâ statim ducit, quò hostes ab oppido egressi stationem habebant, quos non modò, sed & eos qui subsidio ab Picolominio missi veniebant, reperit. Multorum stipendiorum viri erant, Centuriones, aut qui ordines duxerant trecenti sexaginta, cujusmodi hominum operâ Hispani si quid operæpretii faciendum sit, sapiùs utuntur: hi aut dilapsis, aut dimissis quos ducere solebant, militibus, sub diversâ signa distributi, aut sub eodem unâ vexillo militum vicem fungi haud abnuunt, cæterum idem qui priùs militiæ honos, eadem aut paulò minora stipendia sunt. Igitur ubi in nostros incidere strenuè capessunt pugnam, neque his virtute cessêre, sed numero victi, atque undique circumventi postremò dedidêre sese, quadraginta modò in congressu cæsi. Eodem tempore quidam ex oppido egressi uti suis laborantibus auxilio essent, crebrâ glandium ab nostris emissionem regredi coacti sunt. Porro hostes furtim modò, & clam auxilia ad oppidum mittere, neque omnibus copiis castra nostra oppugnare velle, Gasto, cæterique satis intellexêre: præterea Picolominus sicuti jam de Gravelingâ conclamatum esset, ab Mardico, ad Bergam Fani-Vinoci fossam, vallumque du-

rebat, & per intervalla turres, atque castella struebat, nostros si Gravelingâ captâ Dunkercam peterent his munitionibus objectis faciliè prohibitus: neque tamen eò segnius qui in oppido erant, propugnabant, opera quæ ab nostris fiebant igne, sed maximè aquâ corrumpendo, nam maris æstum bis in die fossam subeuntem apertis omnibus cataractis excipiebant, dein iisdem clausis quominus recederet, impediabant: eò fiebat, uti pontes, locaque ab nostris inter utramque oppidi fossam munita magnoperè labefactarentur, dein nostris inter hæc mala versantibus armati, infestique interveniebant, quæ omnia Imperatoris, Legatorum, atque militum virtute superata, nam nullæ uspiam tantæ asperitates, tantaque pericula fuere.

Ubi ad secundam fossam ægrè perventum, alia tùm laboris facies observabatur oculis, atque tùm primum oppugnatio incipere visâ, nam cætera oppida unâ modo fossâ munita sunt, at isthîc duplici fossâ conduplicatus labos, inter propugnacula duo, ad quorum latera nostri omne opus ex disciplina intenderant, semiluna erat ex aggere, casspite vestita, prominente circum summa palorum ordine; eâ potiri primum erat necesse, ut ad propugnaculorum latera, & ad murum quem tegebat, aditus esset. Pons adeo factus suprà fossam est, applicitoque ad semilunam cuniculario brevi disiectus est effossus, atque accenso cuniculo agger, occupatusque, & munitus ab nostris in semiluna locus, postquam semel ab hostibus pulsus, acriores, atque infestiores redierant; huic rei præfuit a Gesfræus frater hujus quem apud Theodonif-villam interemptum memoravimus, ille glande inter dimicandum leviter brachium reclusus est: ei successit qui operi stationibusque die suâ præfesset Potus Fargius cum Ramburica Cohorte, quæ occupata loca muniit accuratius, factoque altero cuniculo amplior est disiectus agger, & aliquantùm petrupta interior hostium in semiluna munitio, ad ejusdem semilunæ formam. In hanc interiorem munitionem impetum facere visum, quâ in re Guisus, fratresque ejus duo, & ex eadem gente Harcurius adolescens Ellebovii filius, præterea è primâ nobilitate plerique principes esse gestiebant, ni prohibuisset Gasto virorum principum saluti confusus. Qui iussu fuerant milites, ii impetum in munitionis ruinam fecere, jamque in eam propè evaserant, cum summâ vi subeuntes hostis deiecit, atque adeo in imâ modò ruinâ locum tenuere, atque munivere. Illic Gasto dùm hortando, pugnandoque, strenuè rem gerit, saxo brachium afflictus est. Quincæus castrorum Præfectus eâ quæ subsecuta est nocte cum Pedemontanâ Legionem quæ in semiluna excubaret in Fargii locum successit. Tribunus Legioni erat Vassæus, qui unâ cum Quincæo, & Gastione munitionem hostium expugnavit, hos cum Gasto haud diù restituros intelligeret, mittit ad proximam fossæ munitionem, quò tormenta aliquot nostra locata erant, qui suis verbis juberet, hæc in pontem quò hostibus ab semiluna in murum oppidi receptus erat, dirigi, quibus brevî pons perfractus, atque interruptus est. Eò Præfectus oppido scapham ab muro demitti jussit, quò suos reciperet,

a François
Potier, Mar-
quis de Ge-
vres.

hæc nimio simul, & incerto onere depressa est, quo casu plerique eorum qui conscenderant interiëre: tanta autem horum in abeundo prosperantia fuit, uti cuniculum in semiluna institutum, atque in nostrorum perniciem paratum incendere nequiverint.

Postquam semilunâ nostri potiti, eò tormenta advexëre quatiundis ex propinquo propugnaculorum lateribus, atque humeris, ac maxime corumpendis quæ in humeris erant tormentis, ut ne pontes quos ab semilunâ ad propugnaculorum latera ducere necesse erat, perfringerent: hi pontes facti properè, atque appliciti hinc, & illinc ad propugnaculorum latera, & ad murum qui medius est cunicularii sunt, qui dum faxis, atque aggeri subducendis operam dant, intereà loci Fertimbaltius quâ Melleraius, & Foliadæus quâ Gassio curabant, utriusque iussu hostes ab stationibus, quas propius nostros habebant, in eo quod inter utramque oppidi fossam est spatio, pellere aggressi sunt, quæ res tametsi egregiè propugnarent, transversis quas objecerant munitionibus tecti, tamen ex sententiâ confecta est.

Ad unum ex Pontibus quos suprâ ad propugnaculorum latera, murumque medium institutos esse demonstravimus, quod Gassio curabat, Brichantæus Nangius castrorum & ipse Præfectus excubabat, atque operi suâ die administrando, stationibusque præerat, qui dum fidelem Regis, atque reipublicæ navat operam, glande ictus occubuit, Juvenis egregius, neque suâ minùs, quam majorum virtute clarus.

Ubi cunicularii & ad propugnaculorum latera, & ad murum appliciti cuniculos illic egere, atque quantum loci necesse erat, pulvere tormentario complevere, ibi verò certa hostibus perniciës, nostris oppidi capiundi spes aderat: nam tùm cuniculis est admotus ignis, atque utrimque ruinâ editâ, nostri impetum faciunt: sed ab hostibus prohibiti in summa ruina locum capere, in ima postremò pulsî resistere, locumque munivere, dein ulterius acti cuniculi sunt, neque dùm tamen oppido Præfectus adduci potuit, uti deditionem faceret. Igitur his est admotus ignis, tantaque edita ruina, uti nostri ad utriusque propugnaculi summa evaserint: hostes inter ruinas egregiè propugnâvere, postremò tamen pulsî sunt ab nostris, qui in utroque propugnaculo locum amplissimum tenuere, atque munivere. Tùm demùm Ferdinandus Solis Gravelingæ Præfectus ad deditionem animum adjecit, misitque potestate factâ ad Gastonem, qui eâ de re cum eo ageret. Gasto huic quàm honestissimas deditionis condiciones tulit, quibus acceptis Ferdinandus VI. Calend. Sextiles decessit oppido. Ita Ludovicus XIV. Gravelingâ munitissimo oppido, atque Arce, prætereà commodissimo, atque tutissimo ad Oceanum portu Gastonis patrui operâ potitus est. Nullam dùm maritimam Urbem per hæc bella oppugnaveramus, cùm hujus rei difficultate, quoniam mari, quàm terrâ præsidia, & commercius introducere facilius est, tùm vicinorum Britannorum qui tenui modò freto dirempti sunt, æmulatione deterriti, quos id iniquo animo laturos fuisse pro comperto habebatur: sed his tùm domestico bello implicitis, quid foris ageretur, nulla cura fuit.

Non

Non isthic omittendum arbitror, quanta, quàmque exitialis multis, ac tandem propè omni exercitui Melleraii, & Gassionis æmulatione in hac urbis oppugnatione fuerit: nam dùm hic eâ parte belli scilicet Collegæ æquiparare studet, cuncta quæ curabat, plus æquo adproperare, quæ spatio ut ex disciplina fierent, indigebant, ea maturius, vel cum multorum caputum pernicie conficere, postremò nihil pensi habere, modò ut collegam anteveniret, atque maturato opere hostes ad deditionem redigeret: ita Melleraium tot per Ludovici XIII. tempora captis urbibus clarum, & cum omnibus quos prior, aut nostra ætas tulit, Imperatoribus in urbium expugnationibus comparandum, in suâ ipsius arte adæquare, quin & superare gestiebat. Sed hic tantùm arrogare sibi novum hominem tolerare violenter, atque invitum item suâ ex parte festinare, neque hanc contumeliam pati posse, ut ab Gassione potiundi oppidi initium fieret: quò factum est, ut inter hanc Ducum prope- rantiam multi temerè in hostem missi alienæ ambitionis poenas darent. Deditione denique ab hostibus factâ Melleraius Prætorianos, atque Helvetios è Legione quæ ad Regiæ custodiam centuriatum adesse, sicut & Prætorii Gallorum solet, ducebat ad expugnata Propugnacula, Portamque vicinam, cùm in Navarricam Legionem, & in Geivrai Cohortem incidit, quas Gassio ad expugnatum ab se propugnaculam præmiserat, ignarus in urbe captâ, aut deditâ Prætorianos, atque è Regia custodiâ Helvetios præsidium agitare solere, donec huic quispiam Præfectus sit, atque certum ab Rege decretum præsidium. Eo Melleraius Legionem Navarricam restare, neque ultrâ progredi jubet: qui hanc ducebat, is enimverò se quod ab Gassione jussus fuerat, facturum respondet: Melleraius vi hominem uti pareret, cogere parabat, cùm Gassio qui haud procul aberat, districto gladio cum amicis, & clientibus advolat: Melleraius & ipse cum suis item districto gladio fiebat huic obviam, & uterque integras Cohortes appellabat, quæ sibi auxilio forent, cùm intervenit Lambertus Castrorum Præfectus, cui maxima ex virtute, ac multis stipendiis apud milites fides, & gratia est: is eos est hortatus, uti magis cessare, quam ex utriusvis Tribunorum Equitum lubricine agere vellent, quando id sine gravi rei publicæ damno fieri nequiret, expectandum videri Gassionis, qui ea de re cognosceret, judicium: is verò ab Lamberto certior de hac Tribunorum Equitum contentione factus, hos ad se venire jussit, atque in gratiam statim redegit, monito benignè Gassione quod Melleraius fecisset, id rectè, atque ordine fecisse, neque ab se disturbatum oportuisse.

Ubi Nucerus res in Aulâ quæ ad bellum pertinebant, procurabat, Gassioni fautor fuerat, hunc omnibus modis ornare, augere, celebrare, atque ab eo vicissim coli, atque observari suetus, quem aded Aulâ pulsum ægrè ferebat Gassio, paratus omni opo, ut in pristina dignitate, & potentia locum restitueretur, hominem juvare. Itaque cùm ipsi ubi Gravelinga oppugnabatur, magna cum Gastone colloquendi copia esset, statuit ejus animum tentare, si fortè Nucerio favere vel-

1644

let. Igitur de eo crebram apud Gastonem facere mentionem, uti se in rebus bellicis procurandis antehac gereret, quanta hominis sedulitas esset, demonstrare, virtutem, pietatem, atque alia bona commemorare: quod ubi sensit Riviera, in cujus potestate Gastonem esse supra diximus, ipse uti Mazarino gratificaretur, Gassioni adversari sedulo, neque Gastonem huic sese admiscere rei finire, cæterum utrum id sua sponte, ac Nucerii injussu Gassio fecerit, parum compertum habeo. Gravelingæ deditæ ad Aulam nuntio perlato ob eam rem ab Gastone benè, feliciterque gestam, decreta supplicatio est, atque in majori Urbis templo Deo immortalis Rege, & Regina Matre coram, Senatu, atque aliis Curiis, Urbanisque Magistratibus honos habitus.

Angiano ad Mosam exercitum decretum fuisse supra memoravimus, quem ut in Germaniam duceret, consilium erat. Jam eò ipse fine anni proximi ad Rhenum usque copias ductaverat, atque Guebriano Equitum Tribuno qui hanc provinciam obtinebat, tradiderat, quo mortuo Turenæ cum exercitu permissa fuerat. At tùm majori conatu bellum in Germania gerere Regina decreverat, atque adeò Angianum cum majori copiarum numero eò mittere, qui imperii summam haberet. Quæ copiæ in Campaniâ Sequanam inter, & Mosam hyemaverant, eæ Angiano datæ circum Virodunum convenerant, quò processus ipse post paulò cum octo peditum, tribus equitum milibus Mesieram versùs descendit:

Id fiebat duabus de causis, primùm uti Gastoni tunc cùm maximè Gravelingam oppugnanti usui esset, aliquas in Lucemburgensi agro in cujus finibus erat, hostium copias attinendo: præterea novæ apud Eburones copiæ quæ Ludovico mercede militarent, conscriptæ ab Marsino fuerant, quas sub Trajecti ad Mosam mœnibus in stativis habebat, pedites octingenti, equites mille ducenti fuere: hos sæpiùs in proximis hostium fines miserat, qui plures captivos, magnamque interdum prædam in castra redeuntes adduxerant. Angianus has copias suis adjungere decreverat, quæ res haud facilis, atque expedita videbatur: nam ab Mosæ Trajecto, ad Galliæ fines multùm hostilis agri interest, saltuosi, & continentibus sylvis impeditissimi, tramites angusti, nec agmini satis pervii, loca omnia, atque itinera ab hostibus obsidebantur. Eò Angianus Mesieram usque processerat, quò propior Marsinum ex-ciperet: sed ubi ne id quidem satis esse intelligit, omnes copias apud Mesieram Mosam amnem traducit. In propinquo est Lucemburgensis ager, cui Beccus cum exercitu præsidebat: hujus fines ingressus Angianus, quâ parte Beccum habere castra nuntiatum, eò ducere properat, sicuti prælio decertaturus, ratus scilicet quod res monebat, Beccum præsidia quæ habebat in sylvis deducendum, quò validior capefferet pugnam, aut si hanc abnueret, iis opus habiturum, quæ in oppida distribueret, atque adeò Marsino iter expeditum in Galham fore, quæ res ex sententiâ cessit: nam Beccus deductis ab saltu præsidiis, pedites omnes in Montem-Medium, Arlonem, & Lucemburgum oppida distri-

buit, post hæc oppida equitatum agitare jubet, ut ne Angiano opportunus foret: quo factum est, uti Marfinus quietum ab hostibus iter haberet, quem Espenanus castrorum Præfectus cum copiis obviam missus excepit, atque unâ Mesieram petiére. Arlonem versùs moverat Angianus, atque haud procul oppido stativa habuit; eò cum pergeret, castella duo Villamontem, & Mariæfanum ex itinere ceperat: mox ubi Marfinum advenissè nuntiatum, Mesieram reversus *a* Turnonum Comitum Præfectum castrorum cum copiis aliquot capiundis, diruendisque Mortavio, & Lavalles Castellis dimisit, quæ Castella in finibus Lutemburgensis agri posita hostibus qui in Galliæ fines prædatum ventitabant, receptaculo erant, quibus dirutis minor ipsis posthàc prædandi copia fuit.

a Le Comte de Tournon.

Eà tempestate Friburgum in Brisgavia ab Baioaris hostibus acriter oppugnari Angiano nuntiatum: quò maturius in Germaniam jam omnibus quæ huic decretæ fuerant, copiis in unum collectis movit. Mense Januario Baioari Uberlingam ad Acronium Lacum, quâ nostri nuper potiti, obsidere cæperant, præfidiis circumquaque dispositis, ac mox oppidum arctius habuere, atque oppugnare. At *b* Corvalli Vicecomes oppido Præfectus egregiè propugnare, hostium stationes perturbare, pellere, mox ubi propius acceperant, eò frequentius crumpere, quæ incipiebant opera prohibere, destruere, ubi cuniculos in murum, atque aggerem moliebantur, eos adversis cuniculis excipere, atque irritos reddere, denique magnâ muri, atque aggeris parte collapsâ, impetum hostium inter ruinas, ac rudera sustinere, ac populsare: prorsus ab eo propugnatum suprâ quàm dici potest egregiè, resque ad V. I. Id. Maias producta, quâ die denique subveniente nullo deditionem facere coactus est. Ex hostibus complures eò cum hyemis, tum nostrorum sæpius erumpentium sævitiâ periére. Uberlingâ receptâ Baioari frustra Hoentuiellem in Vitembergeni Agro tentare. Castellum est in prærupti montis vertice, cui Præfectus erat *c* Viderholtius, homo callidus, magnâque rei militaris scientiâ: hostes castella quatuor circum exstruxerant, prohibendo commeatui, nam locum oppugnare difficile videbatur. Quod cum Baioari satis intelligerent, varias Præfecto tulere conditiones, uti Vitembergo Ducem arcem permitteret, nam ante hæc bella Vitembergi Ducis fuerat, qui mox Austriacorum armis oppressus Fœderatorum Germaniæ Principum partes deserere coactus fuerat, atque tunc in Austriacorum erat potestate: at Viderholtius nihilo secius easdem partes sequi, quibus Ludovicus favebat, cuius opibus adjutus arcem porro tenere, & si vis adesset, defendere decreverat.

b Le Vicomte de Courval.

c Viderholt.

Sed ubi primùm Baioari Castella circum Hoentuiellem muniverant, procul erant Ludovici copiar, & auxiliorum spes longinqua videbatur: quò factum est, ut hostem arte tractare Viderholtius in rem suam esse duceret. Eò deditionem suadenti auscultare, quæ ferebantur conditiones, eas neque omnino probare, neque planè abnuere, induciæ

1644.

câ gratiâ uti fierent postulare, atque interea tempus procedere. Post ubi aderant æstiva, atque Turenâ cum copiis appropinquare, Angianum in Germaniam venire accepit, simul induciarum tempus exibat, tûm nihil simulationis indigens, si Imperator Vitembergum Ducem in integrum restituere, & in eodem quo ante bellum statu esse velit, sese ab Ludovico impetraturum confidere, uti per eum liceat qui Hoentuiem teneant, eos neutri parti studere, aut adversari, sin aliter Imperatoris sententia sit, sese Arcem adversum quorumvis conatus defensurum declarat: dein tormentis castella hostium incescere, eruptionibus pugnare, excurrere longius, donec ii ubi vident frustra incœptum, postremò abscessere.

Sed neque Überlingæ, neque Hoentuieli subsidio Turena venit, primum quoniam anni tempestas prohibebat, dein copiis multò quàm quas Baioari habebant, paucioribus rem in discrimen adducere periculosum esse intelligebat. Nec tamen interea quietus fuerat, nam per hybernorum tempus Balmium, Vesulium, atque alia oppida: castellaque Luxeulium, & Falconioium in Sequanis ceperat. At ubi hostes Friburgum contendere nuntiatum, IV. Non. Jun. ex hybernis profectus quatuor equitum, totidem peditum millia, eodem properè ducit, Rhenum apud Brisfacum copias traducit, & celeris hostium spe Friburgum advēit. Haud procul duobus in vicis erant duæ Baioarorum equitum alæ, alteri Gazelquius, alteri Volsius præerant: has uti Rosa improvisò aggrediretur Turena jubet, qui cum duobus equitum millibus, & peditibus sclopetariis trecentis eò profectus hostem consilii sui gnarum, atque acie instructâ opperientem invenit. Tres gravioris armaturæ equitum alæ erant, duæ Illyricorum equitum, seu Croatarum, atque Draconum una: in has tamet si numerus spe amplior erat a Betsium Tribunalum cum quatuor equitum alis impetum facere Rosa jubet: nec mora Gazelquii equites pellunt, quos ubi insequuntur, in Draconum alam incidere, ab qua vicissim pulsî, suis Rosa Margravii equitum alam subsidio mittit, quæ rata omnem hostium equitatum ad se versum tendere, nihil conata retrocessit, frustrâ uti resisteret nitente Rosa, qui ipse tunc pugnam excipere coactus duas equitum alas hostibus objecit, aliis duabus prælio abstinere iussis, quas ad incerta pugne integras, atque paratas esse ex disciplina erat: sed his opus non fuit, hostibus in fugam coniectis, quos nostri tria passuum millia subsecuti, postremò Friburgum rediēre: ducenti ex hostibus cæsi, quingenti capti, ipse Gazelquius Tribunalus, duo Draconum duces, tummarum duces duo, Vicarii, vexillarii, atque alii, impedimenta omnia, vexilla septem, præterea octuaginta Galli milites, qui anno proximo apud Dutlingam capti fuerant, tûm forte recepti sunt. Captivi equites facili in Germanorum qui Ludovico metebant, turmas sese adscribi siverit, nam ubi Germani militiam ingressi, id modò iis curæ est, ut in eo vitæ genere ætatem agant, cui militent modò stipendium detur, parum solliciti.

Ab hac expeditione Turena postquam hostes stativa habere cognovit, nequedum in eo esse, uti Friburgum oppugnare aggredierentur, cis Rhenum reducit copias, interim dum iis ab Gallia supplementum, & novas præterea copias expectat. Hæc ubi advenire rursùm Baioaros Friburgum versùm tendere nuntiatum est, de quibus uti certius cognosceret, Rosam præmittit, ipse cum omnibus copiis subsequitur. Septem equitum, quatuor peditum millia sub signis habebat, præterea pedites mille è finitimorum oppidorum præfidiis deductos, cum quibus copias ultrà Rhenum castra ponit. At hostes circum Friburgum positis, munitisque probè castris, oppidum oppugnabant: nostri quod unum restabat, commeatu, & pabulationes prohibere sunt aggressi, atque eà gratiâ Turena equites quoquò versùm dimittebat, itinera succisis, atque ex transverso positis arboribus impediēbat: dein cum haud procul ab hoste haberet castra, hujus quæ extrà vallum erant stationes invadere visum: qui illic fuere, ù subito pulsī in castra profugiunt, ea tumultu, & terrore complent, ad vallum concurritur, omnis equitatus protinùs in unum conductas erumpit. Iam nostri cuius rei gratiâ venerant, eà consecrâ recipiebant sese, & Almontius qui agmen cogeret, atque hostium impetum si usus foret, sustentaret, lentius abscedebat: is omnem hostium equitatum ducentis modò equitibus fretus eatenus est moratus, uti cæteris in castra sese recipientibus tutum, & quietum iter præstaret: triginta è nostris equites in eà expeditione cæsi, at ex hostibus multò plures. Dies viginti quatuor Turena haud longiùs ab hostibus stativa habuit, quam tormentum adigi possēt: dein pabuli inopiâ, & quia oppidi obsidione eximendi nulla spes erat, ad Gottingam retrocessit: postremò l Canoschius qui Frigurgo Præfectus erat, ubi duobus locis moenia diruta, atque ingentem ruinam editam videt, neque sibi militum satis esse, ut impetum hostium sustineret, V. Calend. Sext. deditionem facit: hujus conditiones ab Mervio qui Baioaris Imperator erat, latæ quàm honestissimæ, octingenti pedites, equites centum fauci, aut morbo impliciti, ducenti cum armis, impedimentis, & tormentis tribus Friburgo egressi Brisiaçum petiere.

Sed hujus rei nondum gnarus Angianus ad Rhenum interea loci properabat, quò ubi advenit de Friburgi deditione certior factus, tamen traducere annem copias, & ad hostem versùm ducere constituit, si fortè pugnandi copiam faceret, & quæ facta erat Friburgi jactura, eam insigni aliquâ victoriâ sarcire ipse possēt, hæc aditum in Germaniam intimam, & ultrà Rhenum hyemandi, quod operæpretium videbatur, facultatem fore: si hostes prælium abnuant, oppugnanda castra esse, neque committendum uti frustra eò se venisse fama tærat: ingens animi adolescens, neque dum adversi quidquam expertus omnia virtuti suæ prona esse arbitrabatur. Sed priusquam Rhenum traduceret copias, hostis quid capto Friburgo, aut quò agitare, acquis, an editoribus locis haberet castra, ea uti munita essent, sibi cognoscendum esse decrevit. Eà gratiâ Legatos, & castrorum Præfectos unâ secum venire jubet,

«Le Marquis,
cy - devant
Chevalier
d'Almont.

l Canoschi.

Brisiacum pergit, quò ipsi è castris Turena obviam profectus, hunc quæ ad hostes attinebant, omnia edocet. Tunc ab Angiano cum omnibus Ducibus quid optimum factum esset consultatum, de quâ re & Erlacum Brisiaco Præfectum in consilium adhibere placuit. Hic locorum sciens, atque omnis bellicæ Germanorum rationis prudentissimus, auctor erat, ut ne veteranum horum exercitum, cui præessent duces præclarissimi, edito loco positum, fossâ, valloque munitum Angianus oppugnare tentaret, quod periculosissimum videbatur, sed S. Petri vallem occupandam censëbat, interceptiundis qui eâ maximè ad Baioarorum castra vehebantur, comitatibus, quibus prohibiti brevè aut deductionem facere, aut aquis sese locis permittere, atque pugnare cogerentur. Hæc sententia Gramontio probabatur Equitum Tribuno: sed Turena contra suadebat, castra hostium oppugnanda, neque id tam difficile esse, quàm Erlaco videretur: satis scire se aliquâ parte haud ita munita esse, ut ne fossâ, ac vallum transcendere possent, si aliis partibus distineretur hostis. Id consultò hominem suavisse Angiano ferunt, feroci, atque præclaro adolescenti, quò per hujus virtutem, atque copias Baioarorum rebus sub æstivorum finem labefactis, sibi proximorum initio per Angiani absentiam, omnia adversum hos expeditiora forent, postquam intereà hyberna in ipsâ quemadmodum sperabat, Germaniâ exegisset, quod & ad rem publicam ex sententiâ gerendam magni momenti futurum erat. Sed id subtiliùs, quàm veriùs de Turenâ excogitatum, atque inde ortum, existimo, quod nescio quo fato accidit, uti qui cum hoc unâ, atque pari Imperio rem publicam gessere, ab iis sæpius sit offensum, salvis, atque integris quibus ipse præerat, copiis, quod hominis prudentiæ, quàm calliditati tribuere malim.

Postridiè Angianus ad Turenæ castra venit, atque ambo quò hostes stativa habebant progressi, quamproximè fieri potuit accessere: sed eo loco posita erant, uti vix quidquàm quod usui esset, animadvertere possent: nam montes duos propinquos inter se occupaverant, ex quorum altero in alterum erat despectus: ille verò propior Angianum, & Turenâ erat, atque his adinebat prospectum: præruptus erat ad priorem hunc montem adscensus, præterea arbores, vineæ, atque arbuta iter impediabant, utrumque montem munitionibus hostes complexi erant, turres, castellaque construxerant, vias arboribus caesis præcluscrant, atque ea materia pluribus locis, pro vallo objecta, pali quâ necesse fuerat, affixi, nihil omnium quò sese munirent omissum, atque adeò castrorum oppugnationem tentare res ardua, atque aspera videbatur: qui hæc defendebant ii continentibus per Germaniam bellis inveteraverant, pedites, equitesque juxta militiæ scientissimi, neque fermè usquam victi, sæpius victores fuerant. Cum hujuscemodi hostibus res Angiano futura erat, qui nihil his difficultatibus ab incepto deterritus, ubi in Turenæ castra rediit, hostium stativa postridiè oppugnatum iri pronuntiavit, neque aliud quidquam militum auribus jucundius accidere posse visum. Omnes Angiani copię ab Marfino quem in suis cis Rhenum castris pro

Prætorē abiens reliquerat, amnem traductæ apud Brisiacum fuerant, atque in una castra cum Turenæ copiis collocatæ.

Hæ igitur III. Non. Sext. bipartitò ad hostium stativa ductæ, quorum quæ pars erat propior, eam sibi Angianus oppugnandam delegit, partem adversam Turena oppugnatum iit: de hac magis exploratum erat, quàm munita, quibus copiis defenderetur, quoniam is haud ita excelsus mons, atque adedò facilior visu speculantibus fuerat. Quâ parte Angianus curabat, Persana, & Angiana Cohortes ab dextrâ Espernani: Contia, atque Mazarina ab sinistrâ Turnonio castrorum Præfectis attributæ: *a* Paliavius & ipse castrorum Præfectus cum Angiani equitum alâ in subsidiis locatus: gravioris armaturæ equites arctissimæ vallis fauces ut ne hostes ab latere nostris aperto intervenireint, obsidebant: cum Angiano Gramontius Equitum Tribunus, Marstinus castrorum Præfectus, *b* Scalæus, & Mauvillius aciem instruere sucti, præterea pleraque nobilitas, & Sclopetariorum equitum turma quam custodiæ causâ habere solebat, ipsi aderant. Quas suprà diximus Cohortes quatuor, eæ ad hostium castra versum alacres ière, perruptisque qui objecti fuerant palis, propius vallum, turres, castellaque pervenère: eò glandibus eminus pugnatum est tantisper, ac tùm Angiano nuntiatum, quâ parte Contia, & Mazarina Cohortes impetum facere iussæ, eâ perumpi posse munitiones. Ibi verò audaciæ, atque fiduciæ plenus adolescens omisso equo, districtoque gladio, cum omni quæ comitabatur nobilitate, ante duas has Cohortes constitit. Duæ positæ erant ex adverso turres, quæ à singulis Cohortibus oppugnari cœptæ: eùmque nostri in conspectu Imperatoris magnâ vi agerent, postremò expugnatæ sunt. Qui has defensaverant, ii in proximum castellum compulsis, quò hostes tormenta locaverant: sed obscurior solito nox ad quam turrium oppugnatio duraverat, simul imber effusus, continuusque huius diei labos quominus tùm castellum tentarent, prohibuère, atque adedò in crastinum res dilata.

a Paliavius de Cierambaut.

b L'Elie. de Mauvilly.

Ab aliâ parte Turena ex Montalscria, Meloduna, Mazarina altera, Turenia, Nettancuria, Albaterrea, & Chombecia Cohortibus Centuriis aliquot, quæ ad hostes contenderent, delegerat, sclopetarios qui pugnae initium facerent Rupe-Serivio duce præmiserat, Nettancurius cum Centuriis delectis est subsecutus. Quâ ière primùm saltus, dein sylva fuit, ex quâ evadere ad proximam planitiem consilium fuit: sed objectæ erant opportunis locis in sylvâ hostium stationes, multusque peditatus erat in planitie, ex quâ progressi complures arbores cedere, viamque occludere parabant, cùm in eo conatu oppressi sunt: egregiè tamen in sylvâ, atque in planitie propugnare: sed hanc ubi nostri ingressi, subito substitère, ut ne æquo loco hostium equitatu opportuni forent. Inter hos, atque hostes exigua modò sæpes erat, neque præter duas cum Rosâ turmas quidquam equitum aderat, qui multò majori hostium equitatu opponerentur: octo ampliùs horas utrobique pugnatum, usquedùm prælium nox diremit. At hostes tantâ Angiani Impe-

1644

ratoris, Legatorum, militumque virtute, atque audaciâ terribi silentio noctis castris egrediuntur, atque editum haud procul montem occupant.

Hostes totâ eâ die, & quæ subsecuta est nocte arbores cedere, eâ lese materiâ munire, turres ex aggere fabricare, nihil satis firmum contra Angiani virtutem, atque fortunam arbitrari. Mons in quo confederant, haud procul Friburgo est, intercedit planities, in quâ equitatum prælio instruxere, huic oppositus Angiani equitatus est, præterea Germanorum equitum alæ quatuor, atque eò Gramontius curabat. Angianus verò, Turena, Espenanus, atque Turnonius aliquantùm processere, uti de hostibus propius cognoscerent, decretumque uti pedites ab tribus partibus eorum castris succederent : sed Espenanus properantiùs quàm constitutum fuerat, Turrim quæ sub radicibus montis erat, oppugnare est aggressus, atque hæc nostri potiti. Tunc hostes ab superiore quem obtinebant loco, tantam glandium vim, tanto sclopetorum strepitu emisere, uti qui ab dextra, lævâque collocati fuerant, eo strepitu excitati, ut ferè sit, atque commoti vix sibi temperarent, nequedùm satis quæ opus erant, iis constitutis, apud signa tumultuarentur, pars temere progredierentur, alii subsisterent, quid sibi faciendum esset, atque pugnandi nec ne tempus adesset, incerti.

Interea dùm ab his cessatur, eò acriùs qui prælium inceperant ab hostibus premebantur, quos uti sublevaret Scakeus, mille sclopetarios qui subsidio essent, adducit ex Albaterrea, & Totiâ Cohortibus, postremò eò strepitus Angianum, Turenâ, & Turnonium accivit : ille perturbatos nostrorum ordines conspiciatus, Turenâ cum Fleckensteini equitum alâ sustentare rem, atque copias alias accersere optimum factu judicavit. Interea Turnonium Albaterreæ Cohortis partem adversum hostes irmittere jubet, ipse cum Rupeserverii Cohorte subsequitur, nam quæ accersitæ fuerant copiæ, eæ nondùm adveniant. Interea Gramontius ubi videt hostium equitatum quietum esse, neque quidquam moturum, ibi verò sibi vacuum esse credidit ad Angianum properare, atque operam dare ut ne nimia adolescentis audaciâ quidpiam quod minimè opus esset eveniret : curriculo igitur ad hunc percurrit, neque procul ab eo erat, cum ipsi confossus equus est, cæterùm cum Gramontius advēnit, Angianus duobus sibi item confossis equis tantisper cessaverat, caufatusque Espenani properantiâ rem labefactatam, addidit hunc sibi compertum esse dicere, aliâ parte iri ad hostes facilius, atque horum munitiones perumpi posse. Gramontius Espenani consiliū respuere, cujus temeritate & pridè, & tunc graviter esset offensum, suadere uti receptui caneret, & quid porro factu opus esset, consultaretur. In hoc temporis vestigio nuntiatum hostium equitatum sese ad pugnam accingere videri, quò Gramontius ad planitiem redire, ubi noster equitatus erat, coactus est. Interea Angianus oppugnationem redintegrat, quâ nihil præter vulnera, ac cædes questum est, hostibus è loco superiore, atque arboribus cæsis probe munito,

egregiè

egregiè propugnantibus, donec Gramontius iterùm, præter opinionem, cessante etiamtùm hostium equitatu, venit ad Angianum, qui denique adduci se sivit, uti receptui caneret. Id sibi primùm difficile, atque damnosum fore crediderat, metuens ut hostes castris erumperent, aut equitatus in suos sese recipientes impetum faceret, atque hos perturbaret, quod quidem haud facturos Gramontius probè judicavit, nam qui in castris propugnaverant, eos haud minùs huius dici perpetuo labore fatigatos, quàm nostros esse, equitatum verò, cui noster erat oppositus, porrò quieturum, atque id juxtà ac ratus erat evenit. Mauvillius aciem ex præcepto Imperatoris instruere solitus egregiè dimicans, atque alii ad quingentos usque, qui ordines ducerent, pridè, atque eà die cæsi, ac propè militum sex millia, Scalæus Mauvillii Collega, permultique alii vulnerati, atque hostibus par clades illata: Haslangius, ac Mirfia Tribuni, Gaspar Mercius Mercii qui Baioaris Imperator erat frater, atque complures alii Tribuni, Centuriones, quique ordines duxerant, cæsi, vulnerati, capti.

Postremò Angiano tantà militum jacturà edocto Erlaci consilium rectius, ac tutius fuisse visum, quàm quod adolescentia suaferat. Itaque placuit hostes commeatibus prohibere, atque eà gratià ad S. Petri movere vallem: sed triduum manere in stativis necesse fuit, ut intercà qui faucios Brisfacum, atque alia ab castris devexerant carri, quique ad commeatus petendos, atque alia necessaria advehenda eòdem irant, reverterentur. Tùm iter ad S. Petri vallem institutum est, quod ubi hostes sensère, vasis militari more collectis & ipsi movère castra, ut Angiani consiliis præverterent. Priùs ad Petrifanum advenère quàm nostri, quibus aliquanto circuitu, ac per saltus, & montes asperos itinere facto opus fuerat, ita ut tertià demùm vigilià postremum agmen ad Angiani castra adveniret. Turena ad hostes versum quid agerent, aut molirentur miserat exploratum, quos primà luce ad profectiorem accingere se nuntiatum est.

Vix satis ab nocturni itineris labore milites refecti erant, cùm datum profectiõnis signum est. Mercius qui prælium effugere celeritate studebat, tormentis in altissimas convalles ut ne his nostri potirentur, dejectis, duo modò, atque ea levia, ac mortaria totidem cum cæteris impedimentis, carrisque, ac rhedis vehibat, hæc omnia deferere certus, si nostri priùsqvam Filingam adveniret, hunc assequi posse viderentur. Rosa primum nostrorum ducēbat agmen, quem ad hostes properare Angianus jussit: hi verò paucitate nostrorum animadversâ Rosam, & quos ducēbat equites, eos malè habuère: dein advenientes nostros conspiciati, tormenta, carros, rhedas, ac cætera quæ diximus, impedimenta deseruère, & dùm nostri aciem instruunt, multùm itineris ad Filingam antecerpere, quò factum est, ut Angianus hos sequendi, quando allequi non poterat, finem faceret. Fame, ac labore confecti milites erant, nam triduum jam pane caruerant: visum igitur quò hostes carros, & impedimenta reliquerant, eò castra ponere, uti commeatu qui multus

in carris fuit, reficerentur, dein direptis omnibus quæ faciliè asportari poterant, quod reliquum fuit, igne corruptum est.

Quamquam Angianus in his audaciæ magis, ac gloriæ, quàm Reipublicæ commodis serviisse videretur, ac propè par nostrorum, ac hostium clades in binâ castrorum oppugnatione fuisset, quia tamen detrectantes pugnam longiùs abscellerant, omnium opinione victor videbatur, neque in Aula diversâ ab exercitu sententia fuit, atque adeò sicuti re benè gestâ decreta supplicatio est, atque pro more in maiore urbis Templo gratiæ Deo immortalis solemnes actæ. Sed quoniam Gravelingæ ab Gastone captæ, quàm rerum ab Angiano gestarum major in vulgus fama erat, fuere eâ tempestate qui crederent, datum precibus Henrici Condæi, uti pro Angiani filii rebus supplicatio decerneretur, ceterum sicuti Gasto ad Oceanum, ita & mox Angianus ad Rhenum munitissimo, atque validissimo oppido potitus est.

Friburgum erat in propinquo nuper ab Baioaris receptum, at id oppidum haud satis dignum Angiano visum, quod pulsis hostibus oppugnaret. Sed Philippiburgum ad Rhenum est, longè infra Brisacum, Udenheimum antehac appellavere. Id oppidum & ab natura, & ab operibus munitum est: nam præter quàm quod palude undequaque cingitur, Philippus Soheternus Archiepiscopus Treverensis, atque Spirensis Episcopus antiquis mœnibus vallum obduxerat, cum propugnaculis septem, omne id opus factum ex aggere, ac cespite vestitum, cui propè in summo additus est palorum procumbentium, atque extrâ vallum magnâ sui parte prominentium ordo, quò adscensus hosti prohibeatur: moles ab oppido ad Rhenum pertinet, atque in eâ extremâ Munitionis est quadrata, cum quatuor propugnaculis. Bambergum Philippus Soheternus oppido præfecerat: sed hic ubi se antehac Ludovico XIII. dederat in clientelam, & fidem, Bambergus ab eo defecerat neque eò minùs oppidum eodem præsidio tenebat, Ferdinandi II. Imperatoris, dein Ferdinandi III. partes secutus, quibus Sacramento dicere milites coegerat. Id oppidum Angianus oppugnare constituit.

Sed priusquàm longius ab Friburgo discederet, Erlaco qui Brisaco haud procul sito Præfectus erat, negotium dat, uti Baioaris qui Friburgum tenebant, quantum posset incommodi, atque detrimenti adferret, commercat prohiberet, prædas circum ageret, insidias egredientibus tenderet, atque alia hostilia faceret. Ipse copias quò faciliùs agerent, simul uti formido latius cresceret, Tubaltio, Rosæ, Almontio, Paluavio, qui diversi eas ducerent, attribuit, quarum partem & ipse duxit. Almontius traductis Rhenum peditibus mille, cum equitibus quingentis, & tormentis tribus, Germersem nullo negotio cepit, Castellum oppugnavit quatrduum, dein ab Centurione qui præerat, deditum est: ipse Centurio, Procenturiones duo, totidem vexillarii, atque alii, qui præsidio erant è Caroli Lotharingiæ quondam Ducis copiis, vitam modo pacti sese Almontio permisere, qui hos captivorum loco habuit.

Tubaltius cum Germanorum equitum parte, & mille sclopetariis equitibus, qui & pedibus pugnare solent, Ettingam, Bretsingam, Rosâ Badenam, Cupenem, atque alia in Badensi agro oppida duo deditionem facere coëgit, Liëtenavium ab Paluavio triduo expugnatum, cò Renatus Josephus & Berardus Cruceus Paluavio castrorum adjutor egregie dimicans est interfectus, postremò IX. Calend. Sept. cum omnibus quæ ultrâ Rhenum erant, copiis, ad Philippiburgum Angianus accessit.

• Berard de
la Croix.

Bambergus qui scilicet nihil hujusmodi suspicatus fuerat, nostris procul cum Baioaris bellum gerentibus, haud satis firmum in oppido habebat præsidium: quò factum est, ut hujus paucitati diffusus molem, atque munitionem quæ ad Rhenum pertinet, omitteret, atque omni præsidio nudatam permitteret nostris. Angianus quadriduo fossâ, vallo, turribus, castellis circumquaque oppidum castra munit, ratibus jungit amnem, Spiram in propinquo per Almontium ad deditionem redigit, & V. Calend. Sept. fossas ad oppidum ducere cæpit. Propugnacula omninò duo, cum eo quod intercedit vallo, hostibus tuenda erant, nam cætera ab palude invia sunt, quò minori militum numero Bambergus propugnare poterat: sed câ virtute ab nostris actum, câ diligentia opera sunt confecta, uti VII. Id. Sept. disiectis qui pro oppidi fossâ positi erant, palis, hujusque perosso latere, multo in fossam aggere conjecto, molem ad tertiam usque fossæ partem perduxerint: quâ celeritate permotus Bambergus, suorum paucitatem circumspectans, qui continuò stationum, excubiarum, & vigiliarum labore fatigati, atque confecti erant, ad deditionem adjecit animum, cujus condiciones postulanti latæ ab Angiano quàm honestissimæ sunt, qui mox oppidum victor ingressus eò septuaginta tormenta ænea reperit, neque quidquam & ad speciem, & ad firmitudinem melius visum, quàm quæ circum sunt, ex aggere modò, & cæspite munitiones. Id oppidum tam firmum, atque munitum, & ad Rhenum positum penes Ludovicum esse permagno usui est a l rempublicam in Germaniâ gerendam, scilicet quòd sicuti Brisacum ad Rhenum positum est, ut amicis illic præsidio, hostibus terrori sit. Vormatia, atque Moguntia infra Philippiburgum ad Rhenum posite, appropinquante cum copiis Turenâ Angiano dedidêre sese, ac præsidia, Præfectosque sibi dari postulavêre. Moguntiam Mercius qui Baioaris Imperator erat, Volsium miserat, qui urbi, cum quadringentis equitibus, & sclopetariis equitibus sexcentis præsidio esset: sed Archiepiscopus Moguntinus Imperii septemvir ubi Philippiburgum Angiano deditum resciverat, maturè diffugerat, ut ne tali dignitate vir Moguntiam, ac se ipsum victori dedere cogeretur: cæterum Capitulum Moguntinum penes quod per Archiepiscopi absentiam res publica in urbe fuit, atque unâ oppidani Volsium haud recipiendum mœnibus decrevêre, sed magis dedendam urbem Angiano, ab quo ipso condiciones accipere voluêre, quæ honestissimæ fuêre.

Cum Turena Vormatiam peteret, per exploratores cognoscit, Becum equites sexcentos, Frankendalium versùs misisse, qucis Fle-



1644

kensteinum insidias tendere jussit: hi in eas imprudentes præcipitavère, trecenti cæsi, quinquaginta cum equis quadringentis capti. Oppenheimum, Landavium, Binga, Baccara minoris ad rempublicam momenti sunt, quàm sicuti quæque in potestatem nostrorum venerint, fusiùs commemorem. Postremò tot tantisque rebus in Germaniâ gestis Angianus in Aulam rediit, quæ tùm demùm, magnificæ, atque amplissimæ visæ. Ubi Philippiburgum oppugnabatur, ictus glande Turmonius castorum Præfectus occubuit, & genere, & bellicâ laude clarus adolescens, Turmonie gentis in Galliâ Narbonensi nobilissimæ postremus, gentilitium prædium opimum, atque nobilissimum ad dextram Rhodani ripam infra Lugdunum positum est, is Vivariensem agrum obtinebat, atque in Allobrogibus Legatus erat: Idem ad Landavium Almontio fatum fuit, Equitem antehac appellaverant, quoniam è Meliteni Militiâ fuerat: Id oppidum duplici fossâ munitum oppugnabat, Legati titulo nuper in exercitu Turenæ ornatus ab Rege, propter virtutem, quâ certè majoribus par, nondùm propter ætatem dignitate fuit.

Angiani discessu summa imperii in his regionibus ad Turenam rediit, cujus una tùm cura fuit, ut oppidis cis amnem captis præsidio esset: nam haud satis firma esse cognoverat, nuntiabaturque Beccum in finitimo Lucemburgensi agro, Carolum Lotharingiæ quondam Ducem, & Gleenem, qui in Vestfalia quibusdam Ferdinandi copiis præerat, varia moliri, præterea Frankendalium munitissimum in agro Palatino oppidum Hispani firmissimo præsidio tenebant, Ferdinandi rebus favere soliti, atque suo ipsi nomine Galliæ hostes insensibilissimi.

At Baioari ubi cis Rhenum Turenam esse cognovère, Manheimum vastum, disiectum, ac fugâ incolarum propè vacuum, pluribusque locis nudatum mœnibus oppidum occupavère: eò leve præsidium ab nostris relictum fuerat, facilius agitandi magis, quàm oppidi tuendi causâ: id ad Rhenum quò hunc Nicer influit, positum est in agro Palatino. Sed eo oppido hostes fracti Spiram uti dolo reciperent, cum quibusdam oppidanis consilium inierant, atque adverso Rheno navigantes oppidum petebant, ni Turena dispositis in amnis ripâ sclopetariis prohibuisset, navisque secundo flumini permittere coëgisset: dein omisso Manheimo, apud Ladenburgum ad Nicrum Baioari habuère castra, atque per Mænetterum Tribunum Baccaram oppidum ab nostris desertum nullo negotio cepit: dein Schnetterus ubi arcem oppugnat, quò nostri ab oppido discesserant, glande ictus occubuit, milites duce amisso oppugnationem omiserunt. Reliquum anni Turena parte copiarum Rhenum denuò ductâ Baioaros attinuit, quominus Ferdinando Imperatori adversum Suecos socios nostros auxilium laturo proficiscerentur: dein cis Rhenum reductis copiis cum Carolo Gleenem equitatus nostri hybernis immi-

nentem ad Mosellæ, & Rheni Confluentem sese recipere coëgit: postremo copię utrinque in hyberna deductæ, quæ Baioari in Vitembergensi agro, nostri de more cis Rhenum habuere.

Principiò hujus anni Thomas vir è Sabaudicâ gente Princeps de quo sæpius memoravimus, in Aulam venerat: huic primùm in Regia veteri, Luparam appellant, datus, ornatusque locus, decretus sumptus, delecti è familiâ regiâ qui viro Principi ministrarent: dein ut apud socrum divertere, atque agitare liceret postulavit: hæc fuit Anna Montafiera mulier pridem vidua, quæ Caroli Borbonii Successionis uxor fuerat. Postquàm cum Regina, atque Administris de bello Italico uti gerendum videretur, consultaverat, in Italiam rediit. Eò Hispani Sandovallium Castellum munitissimum, quod in finibus suis exstruxerant, dùm Vercellensis ager in ditione Sabaudie Ducum erat, præterea Arassipetram, & Annonem Castellum subvertère, quò præsidii inde abductis exercitum augerent; ad hoc Vercellis, & Jacobinano metuentes, eò pedites mille, atque equites centum, Vercellas pedites quingentos, equites quadringentos, quò præsidium amplius esset, misere. Sed Thomas conductis in unum Gallicis, Sabaudicisque copiis, Ponsionem in Montis-Ferrati agro per Nestierum, & Passagium castrorum Præfectos ad deditionem redegit, post oppugnationem dierum decem, actumque sub muro cuniculum: dein Bremam oppugnare se velle simulavit, intereà dùm apud Aronam de hac Regi dedendâ consilia cum quibusdam inita maturefcerent. Id oppidum Boromæorum est, in ipsis Verbani Laci faucibus, quâ ab ipso Ticinus amnis effluit, haud procul Mediolano positum. Sed ubi eò Thomas Bremâ omisâ movit, sese denique delusum sensit, atque Hispanos de re omni certiores factos: fossas tamen ad oppidum duxit, tormenta idoneis locis collocavit, in mœnia missæ pilæ, ac ruina edita: Sed Hispani pro libito defensores in oppidum mittebant, nam lacum habebant in potestate, in quo naves arceendis auxiliis, & comœatibus sese habiturum. Thomas speraverat, quæ ubi advênit, nullæ fuere. Ubi igitur videt haud magis apertâ vi, quàm prius dolo rem procedere, aliò animum adjecit, atque Covongium Casatio Præfectum ad Jacobinanum properare jussit, ac circum stationes, & custodias collocare, ut ne quid auxilii, aut comœatûs eò introduci posset, intereà dùm ipse cum omni exercitu eodem adveniret, universâ belli mole oppidum oppugnaturus. Id in campo situm opere magis, quàm loco munitum est, nullius idoneæ rei ad propugnandum egens, propugnacula novem, semilunæ sex, fossâ lata, atque altissima oppidum cingunt, circumquaque planities ad propugnantium glandes, tormentorumque pilas, aut farragines patens, atque obnoxia: nihilo scilicet Thomas XIV. Calend. Sept. fossas ad oppidum ducere cepit, quæ postea continenti labore promotæ, tormenta idoneis locis posita, cætera quæ ad oppugnationem pertinebant, sedulo, atque maturè administrata. Neque intereà hostes quieti erant, sed crebris eruptionibus peditum, equitumque nostros in opere adoriri, qui in statione erant,

1644. eos perturbare, prorsus eminus, & cominus magnâ vi agere, & propugnare: nostros tamen oppido potituros denique Hispani iudicavere, quò factum est, uti cùm sese huic subsidio esse posse diffiderent, aliò animum adjicerent, atque damnum hoc sarcire studerent. Apud Astam quod est oppidum Sabaudicæ ditionis, Præfectus piscandi causâ aquam Arcis fossâ subduci iusserat, & qui præsidio erant, magnam piscium vim nacti, de apparando modò, celebrandoque convivio cogitabant, nihil de Hispanis solliciti, quorum omnes curas, cogitationesque ad auxilium Jacobisano ferendum conversas esse existimabant, cùm hi ad fossam clam accedunt, quàm faciliè aquâ vacuum transire, in munitiones, atque propugnacula evasere, & eo pacto arce potiti sunt.

Id ubi rescivit Thomas, ab castris Astam advolat, quo tùm Hispanorum omnes copiae properabant, nam paucis ad arcem capiendam opus fuerat, urbem præsidii firmat, & adversum Arcem communiter, Santandream Mombrunum castrorum Præfectum oppido præficit, atque adeò re in tutum collocatâ in castra redit. Per ejus absentiam Pralinoplessius Legatus his præfuerat, neque omiserat opus maturare: postremò ubi arctius haberi cœpti hostes, neque ulla Auxilii spes erat, V. Id. Sept. deditionem fecere, post paulò & arx apud Astam ab Thomâ recepta est. Ubi Jacobisfanum oppugnabatur, Choiseulius Comes Pralinoplessii frater Protribunus omnium levis Armaturæ equitum dùm egregiam Regi ac reipublicæ operam dat, saxo ab vicinâ hostium munitione missò necatus est.

Postea loci Thomas Finalem versùs duxit, Oppidum Philippi Hispaniæ Regis in Ligurum Genuensium finibus ad mare. Eò Hispanis in Italiam navigantibus prima statio est, quæ antehac ad Monæci portum fuit: Sed hujus oppidi Regulus Honoratus Grimaldus ante triennium ab Philippi Hispaniæ Regis partibus sese in Ludovici XIII. Galliarum Regis clientelam, & fidem contulerat, pulsoque Hispanorum quod in oppido erat, præsidio Gallicum acceperat: Gallicæ autem ditionis portus attingere prohibet bellum, quod Hispanis nobiscum intercedit, quamobrem continenti navigatione ab Hispaniæ orâ, ad Finalem, aut Genuensium Ligurum portus contendere necesse habent: nam his perindè ac suis utuntur, quoniam Genuenses ex publicis, privatique negotiis Hispanis obnoxii sunt, atque adeò integras eorum classes portubus suis præterquam Genuensi accipiunt, copias per fines suos iter facere sinunt in Mediolanensem Agrum, quæ inde sicubi opus est, per Rhoetos in Germaniam, atque in Belgium pergunt ire. Sed hanc Hispanis in Italiam, Germaniam, ac Belgium commendi facultatem aut adimere, aut imminuere nostris consilium fuit: nam si Finali oppido potirentur, neque eò exscensuros Hispanos, neque ipsis hujus rei copiam tam faciliè posthac facturos in suis portubus Genuenses, ob vicinitatem Gallorum, qui id correcturi forent.

Igitur Thomas ad Finalem accedere properavit, sed quoniam eò tendenti itinera equitatu importuna erant, Villam Marchionem cum par-

te equitum Sabaudicorum ad Bistanium reliquit, cæteros ad Carceram Castellum, quæ duo loca ab his dirui iussit, Gallicum equitatum cui Santandreas Mombrunus præerat, ad Calizzanum misit, qui id occuparet, ac postremò Sabaudicam Alam ad Altare. Ita omnes ab terra ad Finalem aditus Hispanis clausi fuere, cæterum Thomas, ac Pralinopleusius cum omnibus peditum copiis Finalem propiores facti, quæ opportunitiora ad oppugnandum loca circum oppidum fuere, ea continuo occupavere: neque dubitavit quisquam, quin propediem Regi decederetur, cum pauci defensores neque satis commeatus in oppido esset. Sed Thomæ celeritas sua fraudi fuit, nondum enim Brezæus cum classe advenerat, quâ ab mari auxilia, & commeatus prohiberentur: quò factum est uti Velada Marchio qui Mediolanensem obtinebat agrum, mille quadringentos pedites, atque commeatum in oppidum navibus introduceret: has in proximis Genuensium portibus conscenderant, summâ eorum voluntate, qui sibi vicinos Hispanos, quàm Gallos malebant: Ita horum spe de habendo Finale postremò corruptâ, Thomas vasis militari more collectis movit castra, ac vix discesserat, cum classis advenit, quæ ob tempestates paulò tardiùs quàm convenerat, cursum fecerat, præterea pleraque naves quas ad Tarraconem versùs miserat, seriùs redierant. Hæc Mottæo urbem oppugnanti magno usui fuerant, quæ res tamen huic haud ex sententiâ cessit, nam alieno tempore isthuc inceperat, & contrà quàm ab Rege præceptum fuerat: visum enim ad Tarraconem Mottæum ducere, atque oppidum oppugnare, intereà dum Hispani Ilerdam propè otiosi obsidebant, opperientes usque dum qui hanc defensabant, u fame coacti deditiorem facerent denique, quo spatio atque etiam breviori Tarraco expugnari, aut ad deditiorem redigi posse videbatur, atque adeò Ilerdæ iactura compensari: Sed isthuc contra Mottæus sibi prius tentandum esse decrevit, quò factum est, ut utrumque huic foedè, atque asperè eveniret. Ubi igitur Ilerdâ deditâ hostes diuturnâ huius obsidione fatigati variis circum locis reficiunt se, Mottæus ad Tarraconem versùs movit. Terralius Castrorum Præfectus ad radices montis mare propius cum parte copiarum confedit, Ferraciera alter Castrorum Præfectus in ipso monte, ac denique Mottæus cum reliquis copiis advenit, atque cognitâ loci naturâ, quibus partibus ad oppidi mœnia fossas ducere, atque opera moliri oporteret, subito decrevit. Postridiè tormenta ab Barcinone sunt advecta, ac Mottæo consilium fuit, mole primùm quæ Tarraconis portui objecta est, potiri, quo pacto auxilia ab mari prohiberet, quod & classis haud procul ab ipso portu iactis anchoris factura erat, atque omnem aliam operam huic incepto necessariam datura. Non longè ab S. Antonii Portâ Munitio erat valida, cum idoneo præsidio, quam pedites quingenti ab Terralio missi acriter oppugnare, reliquæ quibus præerat Cohortes in subsidiis fuere, quæ primis ubi opus foret subvenirent: utrimque acriter gesta res est, neque qui propugnabant hostes, ii virtute nostrorum, sed numero superati Munitione decedere, quâ nostri poti-

ti aquæ ductum ad oppidum interrumpere. Interea tormentis in Molem frequentes pilæ mittebantur, quibus magna strages edita, Franciscus Torraltus oppido Praefectus erat, qui suos erumpere, atque ad nostrorum opera properare iussit, frequens tùm imber cælo decidebat, quo ferme tempore homines segniores, socordioresque sunt, quod quidem nostri de hostibus juxta, ac de se falso judicaverant: nam illi hastis modò, atque gladiis instructi nec opinantibus intervenire, ac cæsis plerisque, cæteris pulsus tormenta corrumpere, quin & duo ad oppidum advehere conabantur, ni molientibus obstituisset Schombergii Equitum Tribuni turma, atque Campanica Legio, ab quibus hostes intrâ munitiones suas compulsi denique sunt.

Nihilo seciùs Mottæus cuniculos duos ad Molis propugnaculum duci iussit, ac Campanicam Legionem ad dextram, Nereſtanam Cohortem ab sinistra paratas, intentasque esse, ubi ignis cuniculo admotus ruinam in propugnaculo edidisset, eâ impetum facere, & in propugnaculum evadere, atque ultrâ si copia foret pergere. Classis ab mari quæ Actuariatum navium quatuordecim quibus Balmius, majorum navium quæ velis modò agebantur viginti quinque quibus Garnerius præerat numero constabat, haud desinebat tormentis munitiones hostium in mole magnâ pilarum vi quater, verberare, ab quâ & pedites exscendere, ut & operam suam in oppugnando impenderent: omnes copiae quæ in Mottæi exercitu fuere, stabant in acie, Campanicæ Legionis, & Nereſtanæ Cohortis impetum adiuturæ ac secuturæ. Igitur ubi ruina in propugnaculo edita, quâ patuit iter nostri irrumpere, hostes aggredi, vallum, fossas, munitiones, quæ multiplices fuerant, transcendere, postremò omni Mole pulsus hostibus potiri: sed hi, ac maximè Jacobus Aquilera egregiè propugnaverant, neque incruenta nostris hujus diei victoria fuerat.

Postea loci Mottæus Terralium, ac Ferracieram Praefectos Castrorum duabus partibus opera ad oppidum versùs incipere, ac promoveri jubet, quæ Torraltus eruptionibus maximè nocturnis corrumpere, diruere, atque adeo tardare conabatur. Mottæus castra munire nihil opus esse crediderat, quæ undequaque aperta fuere, satisque fore, si cum equitatu Boissacum in Urgellarum planitie relinqueret: sed & hunc denique accersiverat, quò pluribus copiis res publica ad Tarraconem gereretur.

Interea Philippo curæ erat, ut ne quod apud Ilerdam præclare gesserat, id Tarraconis jacturâ fœdaretur. Philippus Sylva post Ilerdam captam ex tantâ re invidiam Optimatum ut fere sit, in se concitaverat, qui ex ingenio gentis superbissimæ atque alienæ virtuti iniquissimæ, conditiones Ilerdensibus ab eo latas haud satis graves fuisse dicebant: eâ causâ Sylva qui Lusitanus erat Hispanorum invidiæ cedendum, atque potestatem, & imperium sibi dimittenda esse censuit, atque vitam in otio agendam, quod ipsi perhonorificum foret, post tantum operæ pretium, quò satis ostentaverat nondùm Hispanos vincere dedidicisse.

Primum

Primùm Philippus Rex ægrè adduci videbatur, ut hunc discedere sineret, postremò victus illius precibus, hunc Burgos abire iussit, atque eò mandata sua opperiri. Cæterùm Andræ Cantelmo viro strenuo, sed austero, severoque exercitum permisit, quem Tarraconem versùs duceret, atque indè Gallos pelleret. Res ardua, atque aspera Cantelmo videbatur, quia paucæ Hispanorum copiæ erant, neque satis ex diuturnæ obsidionis apud Ilerdam labore refectæ, nulla, aut pauca, quæ Tormenta, atque impedimenta veherent: jumenta, plenisque equitibus deerant equi, ac postremò cunctis magis necessaria quies, quàm itineris ac militiæ labos videbatur: ea tamen Philippo Regi cura, diligentia, atque reipublicæ studium fuit, uti brevi quæ deerant, ea exercitui suppetere, carri, jumenta, equi, atque viginti dierum comœtus, quibus fretus Cantelmus Sicorim traducere copias decrevit, id factum apud Ilerdam: sed haud procul ab oppido Sicoris immensum auctus altero præter solitum alveo decurrebat, quem ubi tormenta vado transvehuntur leviora quædam vi fluminis abrepta sunt, atque ægrè vadis quibus longius hæserant extracta.

Sed in castra Mottæi perlatà de Hispanorum exercitu Sicorim tracto famâ illum impulit, uti statim abductis tormentis conclamatisque vasis Tarraconis inceptum omitteret, & ad hostes versum duceret: hi verò ubi vident Tarraconis solutam obsidionem, nihil opus esse sunt arbitrati, uti cum hoste confingerent, sed Ilerdam, atque ultrà Sicorim recepere sese, sicut & Mottæus ad Cerveram, quò stativa habuit, explorans quid hostibus consilii esset. Hi ad Balaguieram versùs movere, quæ non pro numero defensorum, atque oppidanorum hostes attinuit, sed opinione celerius dedita est, sicut & Agramons: apud Agèrem oppidani ad ultimum propugnare, loco edito, atque ad omnes Machinationes importuno: nihil plùs Mottæus Balaguieræ, Agramonti, atque Agèri ad hostium castra accedendo profecit, quàm apud Ilerdam profecerat: dein alia in proximis montibus loca Hispanis dedita, quò factum est, ut in Cataloniâ posthac hyemare possent, quod antea in Aragoniæ, atque Valentia finitimis Regnis fecerant, magno Incolarum incommodo.

At Mottæus rerum adversarum insoletus, quæ prosperè usque in Catalonia evenissent, ea sibi uni arrogabat: quæ secus cecidissent ea Ad ministris tribuebat, ac singillatim Mazarino, qui se Nucerii amicum, & affinem porro egregium, atque florentem esse nollet eadem de causâ sibi invidere, Tellierum, qui Nucerio in Quatuorviratu subrogatus fuisset: ambos parè omnia quæ ad tuendam Cataloniam essent necessaria consultò præbuisse, neque his curæ fuisse eâ parte sicut aliò augere, ac ne sustentare quidem rem publicam: ne ipsi quidem Annæ Reginæ matri parcebat, quam Philippo fratri Catalonia recipiendæ copiam facere voluisse dictitabat, id ultimum affirmare non ausim, sed magis ab hujus obrectatoribus inventum, ac fictum fuisse arbitrari lubet.

1644

Erat apud Barcinonem Petrus Marca vir & fide, & doctrinâ clarus, Visitatorem generalem appellabant, cujus munus erat explorare quæ fierent ab aliis omnia, atque operam dare, uti rectè, atque ordine fierent: Is ab Hispanis institutus fuerat in Catalonia Magistratus, cujus munia & nostris haud inutilia visa. Hic suâ sponte, judicioque maledictis Mottæi utne rei publicæ nocerent, pro virili fidem adimebat: sed præterea Mazarino ad hunc scribere visum, ac mittere Commentarium copiarum omnium, quæ proximo biennio in Catalonia dimissæ fuerant, ac præterea pecuniæ in belli sumptus, simul quibus temporibus hæc eò advenerant, ut omnibus palam esset, nihil accuratius fieri potuisse, neque Regi, Reginæ matri, atque Administris defuisse providentiam, sed Mottæo aut prudentiam, aut fortunam.

Dux erant apud Barcinonem factiones, una quæ Mottæo Proregi favebat, altera quæ huic contraria erat, multa fuere Mottæi in Catalonia merita, cujus antehac virtute Hispanorum adversum hanc conatus confusi fuerant: sed hæc plurimum adjuncta ab Nucerio affine fuerat, qui nihil huic deesse patiebatur ad rempublicam gerendam, quin & ad familiarem superesse quidpiam voluisse fama vulgaverat: sed hoc Aulâ pulso nuper, Mottæus nihil postea operæpretii fecit, seu hoc pacto factam sicuti rebatur homini affini injuriam sese in Mazarinum ulcisci arbitrabatur, seu fortuna sicuti Nucერიum, ita & Mottæum simul deferuerat. Quomodo cumque se res habeat, factio apud Barcinonem Mottæo adversa in urbis Consilio pervicit, uti mitterentur ad Regem, ac Reginam matrem, qui Barcinonenses illi autores fuisse negarent Tarraconis incepti, sicuti prædicabat, omittendi, cæterum docerent res Cataloniae afflictissimas esse, quibus restituendis haud mediocri virtute opus esset, atque maximis adjumentis: hæc sperare se ab Regis, ac Reginæ matris benignitate, ac maxime si his placeret Principem è regiâ gente virum Catalonia obtinere: planè certum esse non aliò majorem Hispanis inferri perniciem posse, cujus metu aut ad pacem brevi animum adjecturi sint, aut omnem Hispaniam in Regis ditionem venturam, quò nihil ad Belgicarum urbium normam munitum, omnia propè nisi quâ fluminibus, aut montibus clauduntur, aperta sint. Istæ Legati Regi, atque Reginæ dixere graviter, de Mottæo verò breviter, ac modicè locuti sunt. Regina his pro innatâ benignitate respondit, atque his item dari jussit Commentarium copiarum proximo biennio in Catalonia missarum, ac præterea pecuniæ, ut apud Barcinonem omnibus palam esset, nihil quod ad Catalanorum præsidium pertineret, isthuc omissum, quin & ad labefactandos hostes plus satis præbitum Mottæo fuisse.

Postremò Condæus non quidem Principem è regiâ gente virum in Catalonia mittendum, sed Harcurium è Lotharingicâ gente censuit summâ virtute virum, ac summâ gloriâ ex rebus præclare gestis partâ: atque id ex Condæi sententiâ Rex, atque Regina mater decrevere: cæterum a Barrii Santaunesii Equitatu in hac Provincia præfēcere,

hominem egregium, sed inquieto animo, ac partium nimium studio, cui adeò Leucata oppidum in Septimanià ad mare haud procul Cataloniæ finibus nuper ademptum fuerat, ac tùm demùm Condaci operà red-ditum, uti Regi posthàc bonam fidelemque navaret operam: Mottæum Rex atque Regina mater iussere quamprimum in Galliam redire, qui discedens Terralio Legato exercitum permisit.

At Philippus Ilerdà dedità, ac Tarraconis obsidione solutà postpaulò Mantuum Carpetanorum rediit, ob Elizabethæ uxoris morbum festi-nans, ac suprà modum de hujus salute sollicitus: sed hæc priusquàm vir adveniret, obierat diem suum, quò factum est uti Rure regio (Pardum appellant) tantisper commoraretur, Aulæ frequentiam fugiens, ac do-lori indulgens, qui sicuti res monebat, ingens fuit. Elisabetha Regis Ludovici amita fuerat, atque adeò mors ejus, & ad eum, & ad An-nam matrem ipsius Philippi forem attinebat. Igitur tametsi bellum Regi, cum Philippo intercederet, tamen in majore urbis Templo Elisa-bethæ manibus parentatum, ipsa laudata publicè est. Rex, atque Anna mater veste lugubri induta publici luctus dedere signa, neque enim bel-la quæ plerumque pro gloriâ fiunt, propinquitatem, aut si qua alia ne-cessitudo est, apud Principes extinguunt. Cæterùm Elisabetha Henrico magno Patre, Ludovico XIII. fratre dignissima fuit, omnibus quæ fœ-minam principem, atque Reginam decerent virtutibus ornata: per Oli-varis tempora nihil reipublice ab viro cum hac communicatum, postea verò quàm eo Aulâ pulso omnis illius cura in Philippum reciderat, in-credibile memoratu est, quam bonâ, atque utili uxoris operâ in illâ ad-ministrandâ usus fuerit: prorsus ut ad bellum Catalogicum proficiscens hanc ipsi omnem per absentiam suam rectè permitti existimaverit, quæ res illi maximo usui fuit, nam Elisabethæ tanta apud omnes Hispanos virtutis fama erat, atque ex hac tanta collecta gratia, uti quidquid ab his in belli sumptus postularet, id faciliè impetraret, neque ei de ullâ re, aut ab Proceribus, aut ab plebe negaretur.

In Britannia Henrica Regina Elisabethæ soror longè diversis plebis animis utebatur, quæ ipsi, & viro Carolo Regi infesta, hunc armis, il-lam maledictis persequeretur: multi præterea proceres cum plebe sen-tiebant, pauci queis aliqua sanctitas regii nominis reliqua erat, Caroli partes sequebantur. Huic ubi omnia secus procedere cæperant, primùm uxorem in Batavos, sicuti suprà memoravimus, dimiserat, dein eâ in Bri-tanniam regressâ, postquàm res suas nihilo secundiores esse videt, rursùm hanc plebis malevolentia, simul & belli periculis subducere visum. Hujus anni principio Anna Regina per Henricum Harcurium Comitem quem extra ordinem in Britanniam legaverat, inter Carolum Regem, & Re-gni Consilium, Parlamentum appellant, pacem conciliare tentaverat: nec Consilium sibi id ingratum esse simulabat, ut ne Galliarum Regem tantâ necessitudine cum Carolo conjunctum sibi insensum redderet: nam tametsi multiplici bello esset implicitus, postremò tamen ut ne pace cum omnibus factâ, de quâ apud Monasterium Westsalarum pro-

1641

pediem actum iri fama erat, omnibus opibus bellum in Britanniam transferret, metuendum videbatur. Eò Harcurium arte tractare, pacem neque abnuere, neque polliceri, quod huic faciundæ Galliarum Rex, atque Regina mater operam darent, gratias agere, neque intereà quidquam omittere quod ad bellum pertineret, donec Harcurius omni pacis faciundæ spe damnata in Galliam rediit.

Post paulò ex fœdere inter Anglos, Scotosque nuper sancito, hi ab illis accersiti in Angliam venêre, quò factum est uti Carolus Rex rebus suis impensius diffidens, iterum uxorem dimittendam censeret. Hæc igitur tametsi ab partu recens, ab Excetere quò agitabat, Falmutium ad Oceanum petit, quò Batavam navim firmissimam, & tormentis egregie instructam conscendit: comitabantur minores Britannicæ duxæ, ad pugnandum idoneæ, cæteræ erant onerariæ, quæis jumenta, atque impedimenta vehebantur: hæc ubi cum regiâ navî altum tenuêre, in questuor majores Consilii, aut Parlamenti Britannicas incidere, quæ nihil sociarum Belgii Civitatum in Batava insigne, neque Reginam in eâ navigantem reveritæ, quoniam ejus cursum scilicet velocissimæ adæquare nequibant, hanc tormentis vulnerare, atque deprimere conabantur: sed ea nihilo secius cursum tenuit, cæteræ perterritæ quò solverant, eò properè rediere. At Regina postridè sub vesperam Mellonem Britannicæ nostræ portum tenuit, quò ubi hanc advenisse vulgatum est, omnis quæ in eâ regione agitatur nobilitas, eò confluit, subitoque Brestum in propinquo oppidum deducta ab Propræfecto, atque ab oppidanis lætissimis animis excepta est, reliquæ naves dilapsis quæ hostilia fecerant Britannicis, idoneam tempestatem noctæ, iterum Falmutio solvere, atque post quatrimum Brestum appulere. Cæterum tali loco foeminæ fortunam eò rediisse mirari lubet, uti virum, gnatos, Regnum deferre coacta, mari profuga ab his qui ipsi parere debebant, oppugnata, propè in eorum potestatem venerit, qui patrum nostrorum memoriâ Mariam Scotiæ Reginam supplicio affecere. Documento Principibus ne suam quidem dignitatem ab humanis casibus immunem, neque tantum in hac sibi quantum in virtute, & æquitate præsidii esse.

Vergente in Autumnum æstate Rex, atque Regina mater Fontembellaqueum iere. Rus regium est, unius dici itinere ab Urbe: eò ædes luculentæ, atque amenissimæ, circumquæque Sylvæ, & saltus ferarum receptacula. His ædibus Nucerus, simul & regiis Ædificationibus. Præfectus erat, quam utramque Præfecturam ad id quod agitabat animo, sibi maximo usui fore dudum erat arbitratus. Pecuniæ in ædificiorum regionum reficiendorum, aut ornandorum sumptum ipsi copia erat, quam in exornandâ apud Fontembellaqueum eâ ædium parte in quâ Regina agitare solebat, pleramque insumpserat: picta, atque inaurata laquearia, Galliæ conjuncta atque Hispaniæ insignia ubique sculpta, ipsa Reginæ effigies, prætereà compluribus locis regii nominis permixtæ litteræ, prorsus excogitata ab Nucerio, atque efficta, quæ Reginæ grata essent omnia, quò & ipse gratus, acceptusque foret, neque du-

bitabat quamdîu eò Aula commoraretur, quin sibi cum Regina sæpiùs colloquendi copia futura esset, multaque fortè eventura, quæ ad pristinum dignitatis, & gratiæ statum recuperandum conferrent, quod tamen frustra fuit. *Ædes* sunt regis conjunctæ, seu potius regiarum pars, harum Præfecto dudum attributa, in quâ tamen quoniam multa conclavia sunt, locus quandôque datur, aut Principibus qui foris in Aulam adveniunt, aut Cardinalibus. Ipse Richelius in his pndem ædibus agitaverat, quod & Mazarinus cum hujus exemplo, tum uti Nucერიum abigeret, facere decrevit. Ita Cardinalibus, aut Principibus locus dabatur in his ædibus, uti reliqua quædam essent pro ædium regiarum Præfecto conclavia, quod etiamtum futurum rebatur Nucერიus. At ubi conclavia omnia Mazarino destinari ab eo qui eâ gratiâ præmissus fuerat, animadvertit, id non de industria, sed per inscitiam factum esse aut credidit, aut se credere simulavit, deditque operam uti quid fieri antehac consuevisset, Mazarinus edoceret. Sed huic neque hominem invisum simul, & offensum in eadem secum domo versari, neque exploratorem in sinu habere visum. Quamobrem quòd Nucერიus eò loci moraretur diutius, nihil esse, atque huic abire per Reginam licere respondit, quibus verbis percussus Nucერიus tum demum ecquid porro de recuperandâ dignitate spei esset, planè intelligere cepit, atque Dangusium suum rediit. Neque tamen etiamtum adductus est, uti Quatuorviratum abdicaret, tametsi pecuniam satis grandem in æstimationem sibi curatum iri minimè dubitaret, nam in eo homine plus gloriæ cupido, quàm avaritia valebat.

Apud Fontembellaqueum Regina cum Rege, & Andium Duce filiis, Gastone, atque omni Aulâ quæ frequens fuit, tantisper commorata est. Mimi, Comœdi, fidicines eo fuere, Regis pueri oblectandi causâ, neque ea res præterea cæteris displicebat. Post meridiem petebant sylvas, quò prius apri in locum perpetuis circum telis septum compulsi fuerant: ubi Rex, atque Regina mater eò advenerant, septum ingrediebantur adolescentes nobiles in equis, qui feras gladiis confoderent, quod & ipse Mazarinus fastidabat, nihil se indignum ratus, quod Regi, atque Reginæ matri placeret.

Ubi se hoc venationis genere die quâdam oblectassent, atque advesperaſceret, Rex, atque Regina domum rediere. At Galto Mazarinum mvitat, ut in densiores abeant sylvas, visuri Cervarum quæ eâ tempestate amoris deditæ sunt greges. Unicuique gregi grandior adest cervus, cuius juniores metuentes vum procul plerumque adsunt: si quis alter grandior cervus intervenerit, de gregis Principatu cum altero sæpius decertat, cui prælio ubi cummaximè uterque intentus est, interea loci cervi juniores sese in desertum immittunt gregem, surtimque lubidinem explent: id plerisque visu haud jucundum est. Mazarinus uti dici tempus erat, eò cum Gastone citato vadit equo, quò excitatus sudor id cuius gratiâ venerant, per otium, & quietem adspectanti postea refrixit, dein domum serius rediens primæ noctis frigus perpassus, iis de cau-

sis in febrim incidit. Fuere eà tempestate qui dicerent, ubi Gasto, & Mazarinus ad cervas properarent, illum uti singuli modò ex suis subsequerentur iussisse, ne feræ hominum multitudine perterritæ diffugerent, qui Gastonem comitabantur huic paruisse, at qui comitari Mazarinum solebant, porrò subsecutos: eò ab Gastone ubi feris appropinquaret, gravius objurgatos tùm demùm restituisse, atque ibi Mazarinum desertum ab suis metum cepisse insidiarum; ex quo in febrim inciderit: sed hanc ex Aulæ ingenio fabulam ortam existimo, cui omnia quæ fortè accidere, de industriâ facta fuisse sibi fingere mos est, cuique dudum est persuasum nulli Italico homini animum ab suspicione, aut metu vacuum esse.

Mazarini febris satis diuturna fuit, per cujus tempus Regina de hominis salute cui rempublicam permiserat, sicuti par erat sollicita ad eum ventitabat, & mittebat crebro: sed intereà si quid huic humani eveniret, Chavignium solito benignius, atque familiarius habebat, ipsi verò ne id sibi apud Mazarinum fraudi esset, cautio erat, atque adeò nihil, aut parùm rei publicæ attingebat, apud Mazarinum quàm apud Reginam tùm frequentior, quo pacto rursùm metuebat, ne se hic morbi sui gravitatem explorare suspicaretur: tam difficilis in Aulâ unicuique, ut nihil offendant, agendi ratio est.

Inter Urbanum VIII. Pontificem, & Odoardum Farnesium Parmæ Ducem bellum esse suprà demonstravimus, ob publicatum ab illo Castrum prædium in agro Romano positum, Venetos præterea, Etruriæ, & Mutinæ Duces in huius belli societatem cum Odoardo venisse, quæ res Barberinos sollicitos habebat, quos videlicet Urbani patrum atas monebat, ut id bellum aut hoc vivente conficerent, aut conditionibus quod brevius fore videbatur desinere vellent. Igitur summâ eorum voluntate Rex, atque Regina mater Bicchio Cardinali negotium dedere, uti paci inter Urbanum, & Odoardum Parmæ Ducem, atque unâ Venetos, Ferdinandum Etruriæ, Franciscum Atestinum Mutinæ Duces conciliandæ suo nomine operam daret. Id ab homine solertissimo factum denique ex sententia est. Odoardo Castrum, atque Monsaltus ab Urbano reddita sunt, cuius rei causâ bellum motum fuerat: præterea quæ loca Venetorum, Etruriæ, ac Mutinæ Ducum ab Pontificiis capta, atque occupata fuerant, ea his ab Pontifice restituta, dirutis primum quæ in his exstructæ per id bellum fuerant munitionibus, atque adeò pax inter eos firma sancita est.

Id certè peropportunè accidit, nam post paulò Urbanus mortem obiit, quem ubi in morbum incidisse, atque huic vitæ finem adesse rescitum; Cardinales omnes de more, ac singillatim Alphonsus Plessius Richelius Cardinalis Lugdunensis Archiepiscopus Romam ad Comitium Pontifici creando properavere. Sed hæc ubi haberi cœpta. Franciscus atque Antonius Barberini id maximè studebant, uti quos Urbanus Patrum Cardinales creaverat, ex eorum numero quispiam huic subrogaretur: Sacrum maximè cupiebant, hominem antiquâ virtute, ac fide, quem

aded omnes dignum deputabant, qui Pontifex fieret. Duæ in Cardinalium Collegio factiones fuere, una Galliae, altera Hispaniae: sed illa Antonii Barberini Cardinalis gratia nitebatur, quem Roinæ Comprotectorem Regni Rex Ludovicus XIII. creaverat, quia tùm Mauncius Cardinalis Caroli Emanuelis Sabaudiae Ducis filius ProteCTOR erat, qui cùm plerumque ab Urbe abesset, visum Antonium scilicet qui eò agitaret deligere, qui quotidiana Regni negotia suà apud Patrum gratia, atque fide sustentaret: sed privatim id fiebat, prohibente Francisco fratre, ut ne quid publicè hujus muneris, usurparet, causatus haud decere qui Pontifici fratris filius esset, eum partium studium præ se ferre: sed ille ipse Hispaniae partes sequebatur, ac Lusitaniae ProteCTOR fuerat, quod munus uti fratri exemplo esset abdicaverat, at id non est secutus Antonius, Munus sibi ab Rege mandatum retinens, quin & ProteCTOR postea creatus est in Mauricii Principis locum, qui id Muneris unà cum Cardinalatu abdicaverat, ut uxorem duceret. Igitur Antonius nulla Galliae ProteCTORis munia obiit, quamdiù Urbanus Patruus fuit in Pontificatu, at ubi id per hujus mortem ipsi facere licuit, ibi verò graviter offendit, sicuti postea dicemus.

Franciscus Barberinus primum unum, aut alterum ex Cardinalium numero quos Urbanus Patruus creaverat, proposuit huic subrogandum, uti quid spei ab clientibus, atque amicis, quid metùs ab Adversariis habendum esset, periculum faceret: dein ubi id satis sibi compertum esse credidit, de Sacheto mentionem facere coepit. Huic adversabatur altera factio, Hispaniae videlicet, cujus Medicæus Cardinalis princeps erat Ferdinandi Etruriæ Ducis Patruus: nam privata Ferdinando cum Sacheto similitudines erant, mirumque visum in tanto negotio Philippum Hispaniae Regem alienæ lubrici servisse, ac tam idoneum Pontificatui gerendo hominem respuisse. Ubi igitur Cardinales in suffragium de Sacheto iere, ne ipsi quidem Barberinorum clientes, atque amici omnes Sacheto sunt suffragati, ita ut multa uti Pontifex crearetur suffragia decissent: rem tamen eandem Franciscus sæpiùs tentavit, quæ toties secùs cessit. Igitur ad alium Franciscum discedendum necesse fuit, quæ esset hujusmodi, uti de hoc Pontifice creando adversa factio cum eo concordare posset. Is fuit Joannes Baptista Pamphilus, qui ni Pontifex crearetur, alium ex clientibus Francisci Barberini creari posse spes nulla reliqua erat. Sed illi privatae cum Antonio similitudines fuere, qui adeò vix adduci posse videbatur, ut hunc Pontificem creari vellet. Gualtierus quidam Pamphilio propinquus in Antonii Barberini familia fuit, sicuti Romæ nobiles sese ad Cardinales, ac maximè qui gratia, & potentià valent, plerumque applicant. Is ab Antonio malè habitus fuerat, neque tamen sine causâ, ac postremò facessere iussus, quæ res & ad Mazarinum pertinuerat, Antonio tunc cùm maximè familiarem: dein Gualtierum in Germaniam militatum abiisse aiebant, atque eò ita cæsum, uti non nihil suspicionis esset, isthuc haud ab hostibus factum fuisse. Eò Pamphilus Antonio, & Mazarino insensus videbatur, quam-

1644.

obrem neuter hunc Pontificem creari volebat, atque hic dederat operam, uti Rex si eò res evasura videretur, huic intercedere Legatum suum juberet : sæpiùs Antonius palàm edicere voluerat, per Galliarum Regem Pamphilium Pontificem creari haud licere, qui ipsi suspectus esset : Franciscus tamen gratià, atque autoritate pervicerat, ut ne id facere vellet.

Postremò ubi Franciscus eo loco rem esse sensit, uti si Pamphilium creatum nollet, Pontificatus ad Cardinalem alienum, ex numero videlicet eorum qui ab Paulo V. creati fuissent, transiret, seriò Antonium fratrem docere coepit utriusque fortunam, ac fortasse vitam ipsam in dubio futuram, si Pontificem ex sententià creare nequirent, tanta in utrumque, atque in omnem Barberinorum gentem omnium Ordinum Romæ invidia, ac malevolentia erat. Sibi ipsi igitur cavendum videri, quòd aliter facere nequeant, quàm si Pamphilium Pontificem creari curent : nam tunc unum esse ex omnibus quibus Cardinalatus ab Urbano Patruo mandatus fuerit, cui Cardinales suffragari velint : obviare modò Galliam Antonii, ac Mazaroni causid, quoniam uterque Pamphilium sibi insensum putes : sed iniri rationem posse, quòd utriusque, atque ipsi Gallie caveatur. Certè si Pamphilus senserit utrumque nihil sibi mox obviare velle, quominùs Pontifex creetur, haud dubiè hunc tanti meriti gratiam utrique relaturum, nedùm in odio quod pertimescant permanfurum, quòd de re fidem ejus accipiendam, ac præterea de omnibus quæ ad eam rem pertineant. Cæterum dandam ab se, ab Antonio, atque Thadeo Legato Gallico fidem, sese omnes palàm Gallie partes secuturos, cujus rei inducio hujus insignia ædium vestibulis appensuros : ab Pontifice de Britannia, de Provincià, atque Metensi, Tullenfi, ac Viromenfi Diœcesibus impetraturos, uti Regi in his majora Sacerdotia perundè ac in cæteris Regni Provinciis posthac cui videbitur donare copia sit, postremò uti Michaelem Mazarinum filium Cardinalis fratrem, ac Mancinum affinem Cardinales Pamphilus creet. Melchior a Mites Sanchamondus Marchio Regis Romæ Legatus erat, vir genere, ac dignitate clarus, qui per Ludovicum XIII. tempora tantisper Administer Regni fuerat, dein foris Legationis in Germaniam specie dimissus : hæ ipsi conditiones latæ, ac præterea demonstratum, Si Pontifex ab Barberinis alienus crearetur, eorum gratiam, atque potentiam infringi, ac fortasiè omnem familiam perditam iri, quæ adèò Gallie nulli usus futura esset : præstare igitur Pamphilium habere Pontificem, qui his Pontificatus gratiam debeat, quam his perditis quemvis alium. Thadeo fratri, atque Pamphilus liberos esse, quorum connubiis affinitas contrahat inter utramque familiam possit, quarum alteri mutuum operam traditura sit. Sed Sanchamondus ægrè adducebatur, uti quæ sibi ab Rege mandata de Pamphilio fuerant, ab iis discederet, atque adèò huic explendus animus fuit, quod ab Sanuito Marchione Theodoli Cardinalis fratre factum denique est : hic Regis partes sequebatur, cæterum Pamphilio amicus erat, quicum & vetus amicitia Sanchamondo fuit, cepta in Gallià, quò Franciscum Barberinum Urbani Legatum Pamphilus comitatus fuerat, ita ut Sanchamondo haud ingratum esset, eò rem rediisse, uti Pamphilio favere sibi necesse esset : quin & hic in re tantà haud sibi desuit,

a Mite Mar-
quis de Saint
Chamond.

defuit, promissis hominem per Sanuitum onerando. Convenit igitur inter utrumque, uti Sanchamondus ad Regem, Reginam matrem, atque ad Mazarinum scriberet, atque hos doceret, *Frustrâ se Pamphilio obstare, quem nihilominus Cardinales Pontificem creaturi sint, quamobrem præstare ut id Regis voluntate fieri videatur: sese interea de Provincia, de Britannia, & de tribus Diocesisibus, uti Regi ab Pontifice mos gereretur cum Pamphilio Interprete egisse, cuius res spes sibi facta sit, ac præterea Cardinalatûs pro Michaele Mazarino, atque Mancino, ac denique tres Barberinos fratres sese Regi daturus in clientelam, & fidem, atque Galliae insignia ædium suarum vestibulis appensuros.* Interea Cardinales quos omnes in unis ædibus conclusos esse moris est, usquedum Pontificem creaverint, tædebat tandiù eodem in loco sicuti in carcere commorari, jamque morbi inter hos grassari cæperant, ab quibus Bentivolius interierat nobilitate juxta, ac virtute, dicendi, scribendique peritiâ insignis, neque adeo spatium erat opperiundi, quid ab Galliâ Sanchamondo rescriberetur: cum jam de Pamphilio creandi conditionibus Sanuito Marchioni auscultasset, de his modò, non de Pamphilio personâ agi visum, quæ si Regi tam invisâ esset, hujus Legatum nūllas ferri sibi passurum fuisse: postremò Franciscus Barberinus uti Mazarino autore Rex de Pamphilio sententiam mutare nollet mectere, quod ubi nuntiatum esset, hujus injussu Pamphiliū Pontificem creare sibi non fore integrum, quamobrem properandum existimavit, atque Hispanicæ factioni quid sibi eâ de re consiliū esset significandum. Continuo plerique ad Pamphilio cubiculum advolant, Pontificatum in crastinum, nam diei vesper erat, gratulantur, hujus rei fama primū per Cardinalium cubicula, dein ad Urbem manat, res magna in expectatione est. Sed de hac Bicchius Cardinalis factus certior ad Antonium properat, orat, obsecrat, obtestatur ut ne id factum velit, quod ipso maxime autore, cæterum aliis gravissimis de causis Rex vetuerit. Antonius dictitare id primū sententiæ Regi fuisse, cæterum hunc ab eâ denique discessisse sibi compertum esse: Bicchius postulare, uti se docere velit, quo pacto id resciverit: quod cum facere Antonius nequiret, continuo per omnia Cardinalium cubicula Bicchius volitare, clamitare, *Rem fieri insolitam, Pamphilio Pontificatum invito, ac reclamante Rege mandari, ex quo in Republicâ Christianâ, atque in Ecclesiâ lites, ac turbæ exoriri possint: non deesse alios qui Urbano subrogentur.* Sed hæc tardius dicebantur, quibus Antonius demebat fidem, prædicando isthæc Bicchium dictitare prioribus Regis mandatis fretum, ab quibus posteriora ad se missa diversâ essent, præterea Sanchamondus Legatus cessabat, quo factum est, uti postridiè Pamphilius Pontifex omnium propè suffragiis crearetur. Certè nemini dubium esse potest, Pamphiliū Barberinorum fratrum operâ ad Pontificatum pervenisse, qui & ab Urbano horum patruo Cardinalis creatus fuerat. Sed hic nihilo minus hos perdere funditus omni ope conatus est, sicuti postea videbimus.

In Aulâ ubi quid Antonius Romæ designaverat nuntiatum, immane quot, quantaque in eum maledicta congesta, quantus in Sanchamon-

dum furor, ad quem subito Rex scripsit, ut ab Antonio Rescriptum repeteret, quo Galliae Protector creatus fuerat, juberetque Regis insignia quae ad aedium ejus limen appensa erant, detrahere, quod & idem Cardinali Theodolo, ac Sanuito Marchioni fratri est ab Dunoseto imperatum. Sanchamondus triduo post acceptas ab Rege litteras Romam proficisci iussus, in Galliam redire, atque rure agitare. Sed haec propere decessa, ac facta fuisse quae postea dicemus, ea satis ostendunt.

At Pamphilus assumpto sicuti Pontificibus moris est, novo nomine, Innocentius est vocari coeptus, perbellè simulans se Barberinis acquisitum fore. Primum huic consilium fuit, omnes Italicos Principes quos Urbanus abalienaverat, secum in gratiam reducere, quod & cum Barberinis se factum velle simulabat: nam magno conatu de his cum Ferdinando Etruriae Duce agere visus, quibus denique posthabitis, cum eo transegit, atque magna inter ambos amicitia conflata: subito enim Carolum Ferdinandum hujus fratrem Cardinalem creavit, in quo hunc perinde, ac Camillum Pamphilium fratris filium habuit, quem & una creavit Cardinalem. Cum caeteris Italicis Principibus haud secus egit, transegitque, nullam planè Barberinorum habitam ratione. Urbanus Titulum Venetis gloriosissimum in Aula Vaticani regiam parieti affixum detrahi iusserat, quia & hi adversum se, ac fratris filios bellum sumpserant, quem statim Innocentius reponi iussit, rem supra modum Venetis gratam, quorum animos ita sibi conciliavit, ut ultro omnem Pamphiliorum gentem in Venetorum Nobilium Collegium cooptarent, qui honos hunc modo petentibus, atque optimè de Re eorum publicam meritis haberi solet. Ubi primum Pamphilus Pontifex renuntiatus fuerat, subito ad Regem, Reginam matrem, ac Mazarinum scripserat, summam erga hos benevolentiam, ac benefaciendi studium ostentans, cui & ipsi perbenignè rescripsere: id quidem ex Michaëlis Mazarini sententia factum, Cardinalatum ligurientis, atque haud satis gnari plura metu fieri, quam gratia: nam hic tunc Innocentio ingens erat, uti sua creatio Regi minimè probaretur, atque ex eo lites, turbæ, ac partes in Ecclesia forent, quibus uti præverteret, nihil quod Regi animum explere posse videretur, infectum voluisset.

Tadaeus Barberinus Urbi Praefectus erat, cujus Magistratus potestas cum maxima per veterum Imperatorum tempora fuisset, Urbanus quae ad hunc pertinerent Jura, atque ornamenta ea sedulo ab vetustis, atque obsoletis rerum Romanarum monumentis repetierat, uti fratris filium antiquis Praefectis Urbis probè similem redderet, ac praeterea decreverat, ut in Solio (locus est in quo Pontifex sacra faciens esse solet) ipsos Regum Legatos anteiret, qui eò honoris causâ Pontifici adesse solent, hi propterea jamdiu isthuc intermiserant: sed Urbano mortuo sibi ad Solium redeundum constituere, quò locum pristinum Innocentii voluntate recepere, rem Barberinis supra quam dici potest molestam, ac gravem, sed alia posthac his multo graviora, atque acerbiora fuere.

Plerique tunc in Aula quoniam respublica in foeminae peregrinae, ac-

que unâ in hominis hospitibus, & advenæ manu erat, si qua ratio rei familiaris per turbas, & bella civilia augendâ foret, circumspiciant, pigebatque quietos esse: sed præcisâ haud ita pridem omnium quæ antehac in Galliâ fuerant, hujuscemodi malorum radice, ubi Sectarios Ludovicus XIII. perdomuerat, jam vix quidquam satis firmi videbatur, quò novarum rerum studiosi, his moliendis niti possent. Ex horum numero Fridericus Mauricius Turrius Buillonius fuit, ab Sedanum sibi nuper ademptum, cujus recuperandi spem fovebat animo, usque modò quieturus dùm hæc elucesceret. Interea rectè se abfuturum ratus in Italiam cum conjuge, ac liberis profectus est, nihil de habendis quæ ab Rege danda erant in Sedani æstimationem sicuti convenerat prædiis sollicitus: nam quamdiù hæc non accepisset, tamdiù sibi oppidi recuperandi jus fore credebat, eò isthuc rediturus ubi res moneret. Sed hic abiens ad Regem Reginamque Matrem scripsit, quæ professionem horum injussu institutam excusarent, & quæ sibi discedendi ratio fuisset, scripto in vulgus edidit. Rex atque Regina Mater litteras hujus respuere, atque edixere qui Sedanum, atque omnem circum regionem incolunt, quibus finibus hanc Buillonius tenuerat, ut ne hunc posthac pro Principe habere vellent, sed Regi jusjurandum polliceri, quod ab omnibus lubentissimè factum est.

In Urbe sub anni finem quidpiam turbarum fuit: nam quæ in suburbiis ædes ab anno c. 15. 15. L.v. constructæ fuerant, ab earum dominis pro soli quod occuparent amplitudine, quidpiam pendi Rex edixerat: quò factum est ut omnes in suburbiis operæ ab ædificando cessarent, atque ad Almerici ædes aliquanto numero infestæ properarent: sed Prætorianorum huic imperitæ multitudini objecta manus hujus impetum inhibuit, ac denique compressit: dein quæsitum in noxios, uti pænarum metu plebes ab hujuscemodi turbis, ac seditionibus deterreretur, quæ si neglectui Principibus, aut Magistratibus sint, rei publicæ quandoque grave damnum adferunt.

Post captam in Belgio Gravelingam Gasto, atque Melleraius ad Urbem redierant: Gassio qui nihil Urbem, aut Aulam curaret, is verò manserat ad exercitum, quò summa imperii ad hunc redibat. Sed Ellebovius qui Belgio finitimam obtinebat Picardiam, postulavit ut & suâ unâ operâ in eo exercitu per reliquum æstivorum Rex uti vellet, quæ viro Principi data venia est. At hi parùm concordēs (ut ferè fit) in imperio fuere: cæterum castella modò aliqua ad Aam flumen aut pugnando cepere, aut redegere ad deditionem: præcipuum fuit Vatta, Cœnobium celebre, atque munitum, quo posthac ut plurimum stativa habitata, loco videlicet ad incursiones in hosticum faciendas peridoneo, dein copiæ in hyberna dimissæ. Sed ubi bellum cum hostibus tempore anni desit, id verò inter duces ex nuperâ simultate ortum est, utrique animus, atque virtus inerat, cæterum Ellebovio Principi viro æquum videbatur, Gassionem tametsi æquato secum imperio, sibi tamen obsequi multa, sese colere, atque observare, cujus rei insolens vir militaris

1644

a Montejeu,
Jean des Schu-
lemburg.

cum eo more suo superbius quam par erat, atque ferocius egerat: quâ re offensus Ellebivius talem sui contemptum in Gassione manu vindicandum esse constituit, sibi quæ eâ causâ cum eo decertandum. Igitur ad eum *a* Montejocum mittit Tribunum militum, & Spiritûsano (Rutam aliter appellant) Præfectum, fortem virum, atque strenuum, qui suis verbis hominem ad certamen provocavit. Id quidem Gassio nusquam abnuït: sed enim se negat pedibus, sicuti plerumque fieri solet, atque Ellebivio placebat, decertaturum, quoniam vulneribus pridem acceptis impediretur, verum in equo brevioribus sclopetis instructum, sicuti equitibus moris est, de quâ re ubi agebatur inter eos qui utrique aderant, atque inter se decertaturi erant, intervenere his ab vicinâ Ambianorum urbe plerique nobiles, qui ambos ad urbem diversos reducere, dein Regis, ac Reginae jussu Lutetiam Parisiorum ire, quod Gastonis operâ in gratiam reducti sunt, Ellebivio Regis verbis Gassionem amare, Gassione Ellobovium colere, atque observare jussu.

Anno proximo Leonardum Tortenfonum qui Suecis in Germaniâ Imperator erat, cum exercitu cui præerat in Holiatiam transgressus memoravimus, uti Daniæ Regi Christiano in ejus ditione pars hujus Provinciæ est, bellum inferret, his quibus diximus de causis. At interea ex composito Racocius Transsylvaniæ Regulus Pannoniæ, seu Hungariæ fines cum copiis erat ingressus, ut ne Ferdinandus Imperator ubi ab Suecis otium habebat, oppida quæ in Germaniâ præfidiis tenebant, reciperet. Eâ gratiâ cum Racocio ictum fœdus ab Tortenfono diximus, non modò Christianæ Sueciæ Reginae nomine, cujus rei huic ab illâ potestatem factam credere possumus, sed & Ludovici Galliarum Regis, planè hujus injussu. Neque tamen isthuc Racocio Rex significatum voluit, aut planè fœdus abnuere: sed ad hunc mox Antonium *b* Fouquetum Croissium in Senatu Parisiensi Consiliarium ab Avauxio, & Serviano mitti jussit Monasterio Vestfalorum, uti quod Tortenfonus & Regis injussu, & minùs ex hujus dignitate in eâ re fecerat, id ille corrigeret, ac præterea Catholicis in Pannoniâ, aut Hungariâ caveret, ac denique Regem omnia sedulò pro Racocio facturum reciperet, quæ citra Religionis Catholicæ damnum fieri possent, quod ipsi Racocio probatum, Catholicis verò in Pannonia probatissimum, atque acceptissimum, atque ita fœdus utrimque ratum, gratumque fuit.

b De Croissy
Fouquet.

Sed ab Tortenfono novum adversum Daniæ Regem sumptum bellum Suecos ab Germanico de quo Ludovico Regi cum Sueciæ Regina fœdus, ac societas intercedebat, planè avertebat: quæ res utrique fraudi futura videbatur, de Pace cum Ferdinando, atque hujus sociis agere apud Monasterium Vestfalorum, & Osnabrugam aggredientibus: nam Austriacis ab magnâ belli parte vacuis haud magnum pacis studium fore, ac præterea spem magnam sibi Christiani Daniæ Regis adjungendi, quo freti bellum majore quam antea conatu non sustinere modò, sed & inferre, Suecis possent: postremò haud æquum esse quos sumptus ex annuâ pecuniâ Gallicâ in bellum Germanicum usque fecissent, eos in

Daniam transferri, adversum Principem qui nusquam Galliae hostis esset. Hæc Regem, ac Reginam Matrem impulere, uti quempiam in Sueciam, & Daniam legare vellent, qui inter utrumque Regnum, Regemque pacem conciliaret, atque hanc Gasparo Cogneto Thuillerio qui apud socios Belgarum Civitates Legatus erat, provinciam dederet.

Hic postquam Avauxius, & Servianus apud Monasterium Vestfalorum Regis Legati, Joannis Oxenstiernæ, atque Adleri Salvii Sueciæ Legatorum, atque item qui Daniæ Regis apud Olinabrugam negotia procurabat, ejus sententiam satis exploraverant, Hagâ Comitis profectus est, atque Olinabrugam venit, ut ab visendis Sueciæ Legatis suam de pace Legationem ordiretur, quia prius Daniæ Regem, quam Sueciæ Reginam Christianam adire decreverat: ille enim haud aequè procul, ac Regina aberat, atque adeo Thuillcrium Copenhagâ, quo Christianus agitabat, iter habere necesse erat, ut ad Stocolmiam Christianæ Regiam proficisceretur: ita quod locorum situs facere prohibebat, Reginæ videlicet quicum Regi foedus, ac societas belli intercedebat, primas deferre, id cum hujus Legatis primum agendo fieri visum: dein ad Tortensonum properavit, quem item ex itinere adire necesse erat, ac denique Copenhagam ad Christianum.

Hic per juventutem gloriæ avidus, eadem quæ postea Gustavus Adolphus Sueciæ Rex in Germania egregiè gessit, haud pari fortunâ tentaverat. Ingens illi animus, virtusque, sed sicuti hæc nihil senectus, ita nec fortunam mutaverat, quæ ipsi semper adversa fuit: contra hanc tamen invictum animum gerebat, neque primum quid sibi sententiæ esset, expromere Thuillcrio volebat, nisi prius id Sueci facerent, dein omnes pacis condiciones abnuebat, nisi item prius omnes ab finibus suis copias abducerent: ab quibus denique consiliis hunc est Thuillcrius dehortatus, dein Stocolmiam ad Christianam Sueciæ Reginam excurrit, perfecitque, ut ad Sueciæ fines mittere vellet, qui de pace cum Danis agerent, quod & Christiano Daniæ Regi postremo fatis placuit.

Interea terrâ, marique bellum acriter gerebatur, quod Christiano plerumque secus cedebat: nam cum in Regia navi, adversum Suecicam Classẽ, præclarus, ac ferox capesseret pugnam, graviter vulneratus est, neque eò minùs reliquo prælio adfuit, atque operam dedit, ita ut penes quos victoria esset, in incerto fuerit. At Tortensonus in Holfatiam, ac iustâ prædas ingentes egit, oppida occupavit, ac præfidiis tenuit, atque adeo potior visus. Iterum mari pugnatum est, perindè incerto, ac prius eventu: sed qui Sueciæ Classi præerat, is necatus est: aderat ipse Christianus, qui ubicumque per id bellum fuit, eò rem egregiè sustentavit, quæ hujus unius virtute stare visa.

Sed hic ad Ferdinandum Imperatorem miserat, qui ab eo auxilium peteret, neque eò magis foedus ullum, aut belli adversum Suecos societatem sibi cum illo faciendam decrevit, quod tamen Ferdinandus futurum denique arbitratus est. Igitur Galassum copias cogere, atque in Holfatiam ducere jubet, ac denique eâ arte tractare rem, uti Christiana

1644- num ad fœdus, & belli societatem adversum Suecos adduceret. Haud ita properè Galassus movit, pecuniæ ad belli hujus sumptus inopiâ, quæ tandem ab Hispanis curata est. Ita tum demùm Galassus in Holsatiam duxit, atque ubi est Tortenfono appropinquatum, ut ne prælium manu faceret planè cavit, ac eò redegit hominem, ut huic commeatûs inopia esset, neque cum Galassio pugnam facere auderet, editis, aut munitis ab naturâ locis castra habente, ita ut Tortenfonum undequâque clausum putaret, neque elabi posse, absque insigni aliquâ clade, quæ inclinatam Ferdinandi rem restitueret.

Intereâ Tortenfonus prædam, atque impedimenta pleraque aut vendi, aut igne corrumpi iussit, ac virgultorum, & hujuscemodi materiæ magnam vim cædi, atque in fasciculos colligi, quibus in paludem haud ita profundam conjectis, per hanc iter munire aggreditur, quo se ab Galassi custodiis, ac præfidiis circumquâque, præterquam ad paludem, quâ fatis ille clausus videbatur, positus expediret. Ita delusâ hominis vigilantia ab Holsatiâ in Germaniam intactus regreditur, ac solito gravius in ea redintegrat bellum, quod Racocius intereâ in Hungariâ nusquam intermiserat.

Tunc Christianus exoneratus alterâ belli parte in Scaniam, plerasque traduxit copias, quas plures habuit, quàm Gustavus Hornius, qui eâ parte Suecicis præerat: sed Sueci classe potiores fuere, cum plerasque naves ab Batavis conduxissent, quibus aucti tertio cum Danicis conflixere atque expugnatâ, captâque Regiâ, in qua Christianum esse existimaverant, nave, & qui huic toti Classi præerat cæso, plerisque navibus incensis, aut captis, insignem de hostibus Danis victoriam reportavere: neque tamen Christianus despondit animum, sed ampliùs munien-
dis insulis, quibus tota propè Dania constat, omnem impendit operam.

Præter Thuillerium, Fœderatorum Ordinum Legati conciliandæ inter Suecos, ac Danos paci, & ipsi operam daturi venerant, non tam rei publicæ causâ, quàm ut inter agendum rationem aliquam inirent, quò portoria ab navibus suis Danicum transgredientibus fretum pendi solita Christianus imminuta vellet: nam hæc Gens omnia ad quaestûs sui normam dirigere solet: cæterùm Legati ut id ab Christiano angustis in rebus suis extorquerent magis, quàm impetrarent cum gratiâ, quinquaginta naves secum adduxerant instructissimas, quas tamen brevi dimisere: seu puduit cui pacem ab Suecis datam vellent, ei bellum ostentare: seu Christiano ea muniendi Danici freti cura fuerat, uti vix hujus injus-
sû in Suevicum mare pervadere ulla navis posset: cæterùm lubens eorum operâ in pace cum Suecis fanciundâ usus est.

Christianus non modò ad Ferdinandum Imperatorem miserat qui ab hoc auxilium afflictis in rebus suis peteret, sed & ad Uladislaum Poloniæ Regem, qui se & Sueciæ Regem appellat, quam Sigismondo uni ex majoribus suis Poloniæ Regi ab Carolo Patruo ereptam aithanc uti sese adiutore recipere vellet, Christianus hortabatur: prætereâ fama erat, hunc ad Moscovitorum Principem item misisse, qui de fœde-

re secum unâ , ac Poloniæ Rege fanciundo adversum Suecos ageret, quibuscum illi haud leves controversiæ intercedeabant.

Eâ tempestate in Aulâ erat Roncallus quidam , ab Uladislaô Poloniæ Rege missus, Ofolinco Poloniæ Cancellario autore, qui sicuti prius, Richelbus, ac tùm Mazarinus in Gallia, rem omnem publicam tractabat, ita & ipse hanc omnem gerere in Polonia debere se arbitrabatur: neque id Uladislaus planè prohibebat, quia Ofolinco in Polonia multæ, magnæque clientelæ sunt, quas ab se Uladislaus alienas nolebat esse. Is Roncallus igitur ab Ofolinco idoneus habitus est, quî cum Mazarino ageret. Uladislaum magna cupido ceperat, pacis inter Regem, & Imperatorem conciliandæ, quod eò maximè fieri posse credebat, si Suecos ab Rege, Hispanos ab Imperatore sejungere posset. Præterea Uladislaô nuper uxor mortua erat: hæc Imperatoris soror fuerat, cuius affinitatis causâ Austriacis faverat impensius. Sed ab his haud pro suis in eos meritis habitus, novas amicitias, atque affinitates meditabatur, quin & Roncallus fœdus inter Ludovicum, & Uladislaum fieri posset aiebat, libertatis in Germania constituendæ, & pacis conficiundæ, ac constabiliundæ gratiâ. Sed cùm id neque cum Pacificatione, quam Uladislaus inter Regem, & Imperatorem suscipere vellet, neque cum fœdere, quod Ludovico cum Suecis intercedit, satis congruere responsum esset, ob controversias quæ Uladislaô cum Christina Sueciæ Reginâ de ipso Sueciæ Regno sunt, Roncallus has faciliè desituras dixit, si Regi, ac Reginæ Matri placeret operam dare, uti Christina Sueciæ Reginâ Uladislaô nuberet. Isthæc seriâ consultatione digna res visa, quâ habitâ Roncallo denique responsum. *Gratissimam esse Regi, atque Reginæ Matri Uladislai de pace inter hos, & Imperatorem conciliandâ voluntatem, ceterum Gallos ab Suecis sejungi non posse: obitare enim fœderis religionem, quâ integrâ nihil esse quod non Rex atque Regina Mater Uladislai causâ facturi sint. Jam uti Pacificatoris cum Pontifice, atque Venetis partes sustineat, illis optatissimum esse, atque id ad pacem conficiundam magis profuturum existimare, atque ad libertatem in Germaniâ constituendam, ac constabiliundam, quàm fœdus inter ambos Reges, quod Suecis nunc suspectum foret: posse tamen id posthac fieri, si nuptiæ inter Christinam Sueciæ Reginam, & Uladislaum procederent, quibus Regina operam serid dare vellent; hæc eadem qui Uladislaô nuntiares quempiam brevî ad hunc missuros.*

Is fuit Nicolaus Flecellus Bregius, nam Rex, atque Regina metuebant, ut ne cum Ferdinando Imperatore, cum Christiano Dania Rege, & cum Moscovitis fœdus, ac belli societatem adversum Suecos Uladislaus faceret, ab cuius fœderis consilio hunc detertere magnopere ad rempublicam pertinebat. Igitur Bregius Monasterium Vestfalorum properare iussus, quò ab Avauxio, & Serviano eò de Pace Legatis quid cum Uladislaô his potissimum agendum videretur, resciceret. Avauxius singillatim Polonicarum, ac Suecicarum rerum prudentissimus erat, diu multumque in Polonica, ac Suecica Aulis versatus. Caterum Bregio uti de Reginæ Poloniæ obitu, Regis ac Reginæ Matris verbis Uladis-

1644.

laum consolaretur mandatum, dein uti summam utriusque in hunc significaret benevolentiam, studiumque. His supra quàm dici possit iucundum esse quòd eadem de republicâ sentiat, de Pace videlicet sancienda, ac de Germaniæ libertate constituendâ & constabiliundâ. Ad hæc Imperatorem adigi non posse nisi summâ vi quæ ab Rege, ab Succis, & ab Racocio adhibeatur, & quam nusquam interpellari rei publicæ maximâ intersit. Eò Regem, atque Reginam in gratiâ habituros, ut ne quid Uladislaus designare velit, quod aut Suecorum, aut Racocii incepta in Germania, Austria, Pannonia disturbare possit. Regem verò, atque Reginam operam daturos sedulo, ut nequid hæc Uladislaus vel minimè nocere, aut fraudi esse possint. Eò missuros ad Racocium, qui hominem in officio erga Uladislaum contineat: nihil enim his esse, aut fore posthæc antiquius, quàm illius, sicuti suis ipsorum servire commodis. Id omni ope facturos in Christianæ nuptiarum negotio, quando ipsi cordi sint, quod huius consilium jam Suecis cognitum sit: & quamvis ipsis haud ita probari videatur, non tamen id adeò respuisse, ubi de hoc ab nostris primum mentio facta sit, ut ne sibi copiam esse credant, iterum eà de re cum his agendi. Optatissimum quidem esse Regi, ac Reginæ Matri his nuptiis perpetuam inter Suecos, Polonosque pacem conciliari, quos ambos amicos habent. At si Sueciæ nuptiæ haud satù ex sententiâ procedent, nihil Regi, atque Reginæ Matri iucundius futurum, quàm si Uladislaus ad aliquam in Gallia virginem animum adjiciat. Esse Gastoni Annam Ludovicam filiam unicam, quam illi nubere Rex, atque Regina Mater summopere cuperent: sed præter quamquid adolescentior sit, quàm Uladislai ætati conveniat, hanc patri longè cariorem esse quàm ut hanc procul ab se nubere patiatur: secundum hanc principes virgines in Aula esse, Longavillam, Mariam Gonzagam, ac Mariam Lotaringam Guisiam maturâ ad tales nuptias ætate, quarum una si Uadislaus nuberet, eam Regi, ac Reginæ Matri haud secus quàm ipsa Anna Ludovica carissimam fore, atque huius dotem uti regis nuptiis tanto dignior sit, aucturos.

Ithæc quidem in Aula rectè consultâ ac Bregio mandata fuere. Ab Avauzio autem, & Serviano illi singillatim mandatum, ut Uladislaum in sua, de pace inter Regem, atque Imperatorem conciliandâ, sententiâ confirmaret, ita ut antiqua Principibus, ac populis Germaniæ libertas & redderetur, & conservaretur. Eò nihil magis necessarium videri, quàm posthæc nullum Imperatori virum designari successorem, atque adeò Regis Romanorum nomen de medio tolli, cuius qui posthæc mentionem faceret, sanciendum eum contra rempublicam fecisse visum iri: Septem virorum numerum augendam, ita ut posthæc Novem viri sint, qui Imperatorem creent: unum ex his Carolum Palatinum, alterum Salisburgensem Archiepiscopum creandos, ita & Bavarie Duci quò Imperii Elector porro sit cautum, atque uno Catholicos, sicuti Protestantes auctum iri; ac denique imperem sicuti necesse videatur, Electorum numerum porro fore, ut ne ex suffragiorum pari numero quandoque Imperatoris creatio incerta sit. Istæ ut ita ab Imperii Ordinibus in Monasteriensibus, atque Osnabrugensibus Comitibus, atque alia omnia quæ in rem publicam erunt sanciantur, Regi, atque Reginæ curæ futurum: cæterum his gratissimum ac iucundissimum fore, Vladislaum tot, tantisque virtutibus regis ornatum Pacificatoris cum Pontifice, atque Veneris partes sustinere apud Monasterium Vestfalorum, atque ut id Sociis, atque amicis

amicis placeat, Regem atque Reginam omnem daturus operam.

Mihi quidem videtur Avauxium, & Servianum de Romanorum Regis creandi abrogandâ consuetudine, Regis consilium properantiùs Poloniae Regi patefecisse, priùsquam hunc è Pacificatorum numero futurum satis scirent. Nam Imperator, neque Hispani usquàm adduci potuerunt, ut illius operâ in pacis negotio utendum censerent. Cæterùm posthâc Gallici apud Monasterium Legati hanc de Romanorum Rege creando consuetudinem abolendam censuere, quantum ad Imperatoris modò filios, ac propinquos: quod quidem haud satis æquum videtur: nam hi quandòque cæteris digniores erunt, qui Reges Romanorum creentur, quos adeò durum esset virtutis suæ præmio privari, atque his fraudi esse suam cum Imperatore propinquitatem: Sed postea videbimus quid eâ de re magis Imperii Ordinibus placuerit.

Hoc anno fœmina Princeps Anna Montasiera mortem obiit. Huic ex primâ Nobilitate genus, nuptiæ supra genus fuerant: nam Carolum Borbonium Sueffionem è regiâ gente virum habuerat, filiumque ex eo Ludovicum, ac filias duas: Altera Henrico Aurelio Longavillæ, altera Thomæ Principi è Sabaudicâ gente viro nupserrat: Ludovicus priùsquam uxorem duceret mortem obiit. Anna antiquis moribus fœmina castitate, atque pietate insignis, cæterùm tanta huic gravitas, severitasque fuit; ut hanc superbam plerique esse dicerent, vitio humani ingenii virtutem alienam vix æquo animo ferentis.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER TERTIUS.
E P I T O M E.

1645.



MOTTÆUS ab Catalonia rediens Lugduni in custodiam con-
jicitur. Bretellus Gremorvilla Romam proficiscitur, qui Vene-
tias deinde peteret ed Legatus ab Rege. Innocentius Pontifex
Galliæ iniquus Barberinos fratres infestatur. Hi se Regi
dant in clientelam & fidem. Fiunt isthic turbæ in Senatu. Ju-
bentur quidam ex hoc Ordine ab Urbe secedere. Barillonus Præ-
ses Pinarolum deducitur. Estrada Hagam Comitibus de proximis
æstivis mittitur, ac præterea disturbando quod Sueci molebantur cum Sociis Civi-
tatibus adversum Danos faderi. Harcurius Cataloniam Mottæi loco obtinet pro-
vinciam. Hippolitus Aragonæ cum Aquille, atque aliis de pellendus Barcinone Gallis
conjuratio. Pralinoplestus Rhodam oppugnat. Interea Harcurius ad Sicorim sta-
tiva habet. Rhodæ dedita Harcurius Hispanorum exercitum Balagueram compul-
sit, fame urget, atque ad deditionem cogit. Magalottus Mottam oppugnat, quæ hoc
mortuo Villaregio deditur. Mardicum Gassoni deditum. Ramfavius Tribunus
Equitum ab Rege creatus. Tortenfonus in Boiobemum movet. Racocius pacem cum
Ferdinando sancit. Hic Leopoldum Austriam cum exercitu in Boiobemum mittit,
cui Hasfeldium legat. Tortenfoni, ac Suecorum cum Hasfeldio, Austriaci, Baioa-
rii, & Saxonibus pugna, & victoria. Mercii, ac Baioavorum cum Turenâ, Gal-
lus, Germanisque pugna. Pulsi nostri in Hassiam concessere. Angianus in Germa-
niam Spirâ band procul traducit exercitum. Conismarcus cum Sueciis, Geisius
cum Hassorum copiis huic conjunguntur. Angiani cum Austriacis, & Baioaris band
procul Norlingâ pugna, ac victoria. Norlingâ huic dedita. Tortenfonus cum Sueciis
in Viadanæ conspectu habet castra, intercedente Danubio, ac prohibente expugnatio-

mem Urbis : cui rei confisus Ferdinandus Leopoldum, ac Galassum cum parte copiarum mittit ad Maximilianum Baioariæ Ducem, cujus res in angustis tum fuere. Angiano morbo laborante ad Gramonium, & Turenæ summa Imperii rediit, qui Leopoldo ac Galasso appropinquantibus haud quaquam pares Nictum, dein Rhenum copias traduxere. Turenæ Augustiam Treverorum recipit, ac Philippo Sœterni Archiepiscopo, atque Imperii Septem viro reddit. In Italia Velada Marchio, qui Mediolanensem obtinebat Agrum, redeuntis ab Vigevano Thomæ Principi cum exercitu occurrit ad Moram amnem : eo pugnatur acriter, Hispani dilabuntur. Thomas pergit iter facere in Subalpinos. De pace apud Monasterium Vessalorum agitur. Tancredi fabula ab Margaritâ Bethuniâ sicut hunc ab Robano viro filium habuisset scite conficta. Herseus quæ de causâ in carcerem conjectus. Rex cum Regina Matre promulgandis Edictis in Senatum venit. Pax inter Christianam Sueciæ Reginam, & Christianum Daniæ Regem Thuillerii Regis Legati operâ conciliata. Fœdus ab eodem Regem inter, & Christianum sancitum. Maria Gonzaga Uladislas Poloniæ Regi nupta ad virum deducitur.

ANNO proximo Mottæum Hodencurium qui Cataloniæ obtinebat, in Galliam redire iussum memoravimus : plenus erat fiducia, nec quidquam hujus quod ipsi accidit, suspicabatur, homo imperio in provincia, quam jamdiu rexerat assuetus, nec sibi tum Nucerii gratiam deesse memor. Invidiam augebat redeuntis cultus propè regius, sejuges rhedæ complures, carrorum quibus impedimenta vehabantur, magnus numerus, equi ad belli usum egregii plus centum, qui loris nullo scissore trahebantur. Qui inimici erant, Sociorum, qui amici, hostium spolia esse verius dicebant : præterea familia ingens, prorsus iter triumpho simile videbatur, neque indigna tanto honore in provincia gesserat. Sed ubi Lugdunum advenit, ibi verò non modò se in ordinem coactum, sed ne liberum quidem, quo nihil in vita durius, atque asperius, sensit esse : nam subito in carcerem, cui Petræ Incisæ nomen, conjectus est : præterea quorum indicio quæ deliquisse aiebant, palam essent, ii & in vincula conjecti Lutetiæ Parisiorum fuere : res enim in invidia erat apud eos, qui tum gratiâ valebant. Hunc ad fratrem Rhedonensem Episcopum Principatus hujus initio scripsisse aiebant, uti se certiores faceret, si qui res novas moliri vellent, quibus se lubens adjungeret : præterea negotiorum Curatori quæm habebat in Aula, misisse folia ab scripturâ vacua, cum nomine suo, ac signo appositis, in quibus foliis quid videretur perscriberet, atque sic fidem suam obstringeret his, quibus belli civilis studium esset. Postea de his, atque aliis hujusmodi quæstio est in hunc exercita acriter, ex lubricine eorum quos Mottæus offenderat : cæterum nulla quæ contra rempublicam essent, admisisse videtur : quæ verò de re familiari auctâ objectabantur, ea adversum hunc tali loco, tali virtute virum, tantis rebus gestis, levia, atque jejuna videbantur : sed quid Mottæo factum sit, postea memorabimus.

Interea Mazarinus cum se invito Pamphilus Pontifex esset creatus, nihil sibi reliquum esse constituit, quam ut hunc beneficiis vincere ag-

1645.

a De Brete-
de Gremon-
ville.

graderetur, uti non modò quàm molitus erat adversùs hunc repulsam, ejus dolorem leniret, sed & ab eo Cardinalatum Michaeli fratri impetraret: nam quæ hominis eà tempestate gratia, atque potentia erat, eam reputanti Pontifici in mentem nusquàm venire posse arbitrabatur, ut odium suum, quàm amicitiam mallet. Eà gratiâ principio hujus anni Nicolaum a Breteillum Gremonvillam ad Venetos ab Rege legatum voluit, qui priùs Romam, quàm Venetias proficisceretur. Is quid factò opus esset apud Pontificem ab Mazarino probè edoctus, nihil tamen nisi ex voluntate Michaelis fratris qui Romæ erat, facere justius est. Ubi Romam advénit, Innocentio Pontificatum Ludovici, & Annæ Matris verbis gratulari, ab his perscriptas eà de re litteras reddere, Olympiam atque hujus filium Camillum nuper Cardinalem factum colere, postremo nihil omnium omittere, quò Pontificatum Pamphilio mandatum Regi, Reginae Matri, atque Mazarino tum jucundum esse significaretur. Eò Innocentius, & Olympia suprà quàm dici potest lætari, neque eò minùs utrique Mazarinum ludificari consilium fuit, atque homini gratiam aliquam pro his quæ erga eos commoverat, referre decrevere. Opimùm Sacerdotium consultò Mazarinus abdicaverat, uti Rex id Camillo Cardinali, qui & Olympiæ filius, & Pontifici fratris filius erat, dono daret, atque eà mercede utrumque ad Cardinalatum Michaeli fratri dandum impelleret. Sed nescio quo pacto accidit, uti priusquàm eà de re facta satis, aut firmata ab Pontifice, aut Olympiæ fides esset, Gremonvilla Rescriptum quo Ludovicus Sacerdotium (Corbiæ Abbatia erat) Pamphilio dono dabat, Innocentio traderet, quò factum est ut ingratis datum esset, Camillus Sacerdotio potiretur, Michael Cardinalatum non haberet. Sunt qui Gremonvillam si quid in eà re offenderit, eo purgatum velint, quod Rescriptum ex Michaëlis modò sententiâ tradiderit, neque enim mihi fit verisimile, hominè haud imperitum id temerè fecisse, sed magis Michaëlis autoritate adductum, & coactum, ut ne si secùs faceret, rem suâ culpâ corruptam ille diceret.

Innocentius Barberinos fratres non modò cum Italicis Principibus reducere in gratiam velle videbatur, sicuti suprà memoravimus, sed & cum ipso Galliarum Rege, atque adeò cum Mazarino, quibus si id satis placeret, eò se faciliùs adductum iri significaverat, uti Michaëlem Mazarinum Cardinalem crearet: præterea Nicolai Bagni sui apud Ludovicum Nuntii operâ usus fuerat, quò Regi, Reginae Matri, atque Mazarino persuaderet, ut Antonio Galliæ Patrocinium seu Protectionem redderent: sed id per simulationem faciebat, & causas quærebat, quamobrem & Michaëli Cardinalatum negaret, & Regi nihil benignè faceret: nam Regem, aut Mazarinum nunquam Antonio placatum iri arbitrabatur. Interè Hispanis obsequabatur omnia; primùm enim Joannem Carolum Ferdinandi Etruriæ Ducis fratrem non modò hujus honoris causâ, sed & ut Hispanis rem gratam faceret, Cardinalem creaverat, probè sciens eò Romæ horum augeri Sectam, quam & pluribus statim postcà clientelis reddidit auctiorem, octo Cardinales qui ipsis amici usque fuerant,

præterea creando: quæ res denique Regem impulit, uti Gremonvillam abire Româ, atque Venetias proficisci juberet, ac Pontifici prius significare, se posthac nihil ipsi gratiæ debere velle; si quæ justa, atque æqua essent negaret, ibi verò se quid sibi factò opus esset, uti statum dignitatis tueretur, visurum, ac decreturum.

Cùm Veneti, atque Ferdinandus Etruriæ Dux Barberinos malè odissent, indignè videlicet ab Urbano, atque ab his habiti, nihil prius tùm habuere, quam ut id in eos ulciscerentur, cujus rei spem sibi creptum iri providebant, si Regem inter, & Innocentium similitates intercederent: nam apud illum certum Barberinis perfugium, neque adeò sibi vindictæ in hos locum, aut copiam fore. Eò Pontifici suadebant, uti Mazarino de Michaëlis fratris Cardinalatu animum expleret, quod si faceret certam inter Pontificem, ac Regem gratiam fore, neque Mazarinum facillè cum Barberinis concordaturum. Sed Innocentius nusquam adduci potuit, ut id faceret, fretus recenti in Antonium Regis irâ, majorem hanc arbitratus, quàm ut tam citò sedari posset, simul Regi, atque Mazarino ob repulsam quam sibi frustra moliti fuerant agrè facere jucundum erat.

Præter Cardinalatum quem Mazarinus fratri petebat, Belputeum de quo supra memoravimus Regi tradi postulabat, in quem lege ageretur: nam cædis in Mazarinum paratæ Belfortio conscius fuisse dicebatur, quâ de causâ ab Galliâ profugus dùm Romæ agitaret, in Molem Adriani Innocentii jussu coniectus antehac fuerat, nam tùm incertus quid Regi, aut potius Mazarino consilii foret super Pontificatu sibi mandato, huic gratificari studebat: dein ubi ab hoc, atque ab Rege ipso, ac Regina Matre gratulationes adfuerant, omni metu denique solutus Belputeum emiserat custodiâ: nam Vindocinus quem ejusdem paratæ cædis Belfortio filio conscius fuisse aiebant, apud Florentiam Etruscorum erat, qui per Ferdinandum Etruriæ Ducem, ut ne quid Belputeo mali, damnive Romæ eveniret, sedulò caverat.

Sed Barberini ex injuriâ, quam Thadæo fratri factam arbitrabantur, ubi Legatis pristinus in Pontificis folio restitutus fuerat locus, quem illi huic ex Urbis Præfecturâ debitum aiebant, præterea ex Cardinalatu Camillo Pamphilio mandato, quò spes nuptiarum Lucretiæ Thadæi filiæ cum illo interciderat, ac denique ex multis aliis quæ ab Pontifice quotidie fiebant, aut dicebantur, se non pro merito in hunc suo haberi sentiebant: metuendumque videbatur, ut ne pro beneficio maleficium denique redderet, more hominum qui plerumque quibus plus debent, quàm præstare possint, eos perditos quàm salvos, & honestos malunt. Sed in Barberinis perdundis haud exigua merces futura erat: nam per diuturnum Patruj Pontificatum egregiè conlocupletati fuerant, atque adeò horum spolia amplissima fore videbantur. Postremò seu odio, seu avaritiâ, seu utroque impulsus Pontifex, ac præterea quotidianis plebis Romanæ in Barberinos maledictis, atque omnium Italicorum Principum odio permotus, seu quæ suâ sponte judicioque in Barberinos facturus fuisset, ea summâ omnium voluntate se facturum tùm sentiebat, illos labefactare, ac pessumdare denique decrevit.

1645.

Haud deerant quorum accusari possent multa, bellum adversus Odoardum Farnesium Parmæ Ducem perperam susceptum, pecunia ingens è sanctiore Sixti Pontificis ærario eâ gratiâ extracta, atque alia in tres fratres compluria : præterea in Antonium singillatim nonnulla, quæ per adolescentiam designasse ferebatur. Nam penes quos aliquandiu respublica fuerit, vix in eos frustra Quæstionem institueris. Quæ ubi Barberini adversum se parari intellexere, primum Philippi Hispaniæ Regis animum tentavere, si se in clientelam, & fidem accipere vellet: sed hic Italicorum Principum, ac maximè Ferdinandi Etruriæ Ducis lubricum in Barberinos, quàm horum commodis servire maluit, tametsi multa, magnaque illorum in hunc merita essent; sed Hispanis animum explere difficile est. Igitur ad Ludovicum Galliarum Regem necessariò confugiendum fuit, qui tametsi Barberinis jure iratus, atque adeò infensus erat, tamen eò placari posse videbatur, quòd quæ Hispanis ægrè sunt, ad ea suscipienda Galli faciliè impelluntur: præterea Mazarini naturam, atque rationem omnem pernoverant.

Pigebat quidem eò sibi rem rediisse, quò alienæ opis egerent, ac maximè hominis, qui hos diù multumque sed frustra colucrat, atque observaverat, nihil ab his, sed ab Galliâ modò ornatus, auctusque. Igitur Valancæum Cardinalem obsecrant, atque obtestantur pro amicitia, atque grato in Patrum de Cardinalatu animo, ut in Galliam proficisci, causamque suam apud Regem, Reginam Matrem, ac Mazarinum singillatim agere vellet, doceretque. *Nihil ab Francisco, nihil ab Antonio in Pontificatus negotio dolo malo factum, sed Galliæ, atque Mazarino, juxta ac sibi consultum voluisse, quibus suâ de Pontificatu, atque clientium suffragatione Innocentii gratiam quæsitam oportueris: rem buxus perfidâ, non culpâ suâ aliter eecidisse, qui sibi, atque aliis abundè cautum sint arbitrati.* Valancæus denique de hoc omni negotio probè ab Barberinis edoctus Româ clam egreditur, dein Pontificem de suâ in Galliam professione per litteras edocet, quæ res huic molesta, quia præter morem, nec satis ex Pontificis, ac ne Valancæi quidem qui Cardinalis esset, dignitate fiebat: cæterum quando quò ipsi iniquus esset, aliud nihil erat, itâ nec in eum quidquam gravius consuluit.

Sed Valancæus linguâ procaci, valido ingenio, jocus, atque facetiis seriâ miscere solitus, prorsum Aulæ quæ tunc cummaximè fœminis constabat, idoneus erat: huic vetus necessitudo, atque familiaritas intercedebat cum Castronovano, qui fœminarum operâ multa movere solitus fuerat, sicuti nuper uti sibi in Aulam redire liceret, per Rohanam Mombasconam tentaverat, atque ambo vix quieturi videbantur, quin turbas in Aulâ excitarent, quod quidem Valancæum Mazarino æmulum opponendo scitè fieri poterat, ille enim gerere, virtute, ac rebus gestis clarus erat. Sed Mazarinus ab Bicchio Cardinale de Valancæi in Galliam professione factus certior, huic obviam mitti ab Rege, atque Reginâ Matre curavit, qui hominem juberet Romam statim, regredi, ac si quid dicendum haberet, quod his scito opus esset, id aut

scriberet, aut mitteret ad eos hominem fidum, qui hoc officio vice suâ fungeretur. At ille suspicatus id futurum, hujusmodi occursum vitabundus iter fecerat, ac secundo Ligeri ab Roanâ ad Briaram diù, noctûque navigans devectus, ad Urbem denique improvise advénit. Continuo ad hunc missus ab Rege, ac Reginâ matre est Carolus Crequius nobilium Regis Cubiculariorum Princeps, cujusmodi quatuor huic annuum per vices navant operam. Is hominem eâ ipsâ die Urbe facessere, ante viginti dies Regni finibus egredi jubet.

Sed Valancæus moram deprecatus haud abiturus videbatur: quamobrem Rex, atque Regina Bagnium Pontificis Nuntium accersunt, ac monent, *Sibi consilium esse Valancæi audaciam coërcere, hunc in custodiam si manere pergat ad Urbem, conspiciendo, quod sibi apud Pontificem fraudis esse nolant, neque apud Cardinalium Collegium, quos etiam in Gallia sibi ab natura subiectos salvis Majestate regis, atque republicâ, quam honorificisq; haberi velint, ceterum sibi utraque hæc curæ esse, ut ne quid detrimenti capiant.* Bagnius ad Valancæum adit, & quæ sibi Rex, atque Regina dixerint, hominem edocet, qui denique paucorum dierum moram Bagnii operâ ab Rege impetrat, rei familiaris constituendæ specie, ceterum quæ ipsi de republicâ dicenda haberet, eâ cui Regi videretur, homini fido dicturum. Missus est eâ gratiâ ad Valancæum Brienna Comes Quatuorviri, cum quo vix quidquam quod satis ad rempublicam pertineret, disseruit, seu spatium quærebat Aulam qualis tunc esset omnem pernoscenti, seu cum Mazarini cliente aliquo, quàm cum Regis Administro, cujusmodi Brienna est, agere malebat: nam ad eum mox Lionnus missus est, cui denique Barberinorum consilia patefecit, qui Regis patrociniû adversum Pontificis injurias expeterent, & quò suum in Galliam studium certius foret, prædia in Regni finibus commercari, unum ex Thadæi filiis eodem posthac agitare vellent, ac denique sese totos Regi dedere, quin & per connubia inter fratrum, ac sororum filios, filiasque sese cum Mazarino conjungere: dein quanto usui Barberini in Aulâ Romanâ, ac maximè in Pontificalibus Comitiiis futuri essent, demonstravit: sed novissimorum memoria recens erat, nequedum satis ira in Antonium deferbuerat: quò factum est uti Lionnus negaret Regem adduci posse, uti Barberinos in gratiam tum reciperet, neque enim Mazarino spes adempta erat, omnem Pontifici ex repulsâ quam huic molitus fuerat dolorem abstergere, atque hujus benevolentiam promereri, malebatque sicuti cæperat hunc beneficiis vincere, ut ne quod in Camillum contulerat, id frustra esset, quàm metu territare.

Sed ubi mox Innocentium verba dare Regi, sibi que, Hispanis verò non modò in rebus suis, sed & in alienis planè obsequi Mazarinus animadvertit, postremo sententiam mutavit, ac Pontificem metu, ut æqua nosceret, adigendum denique constituit. Nam Innocentius gratiæ sibi apponi volebat ab Rege, quod Buillonio Duci Celstudinis Titulum negasset; jure id quidem, quando & injuriâ hunc eundem Urbanus Carolo Borbonio Sueffioni Principi è regiâ gente viro negavisset: præterea

1645.

quòd Vindocinum Ducem ab Galliâ profugum Agrum Romanum ingredi vetuisset; quod certè Pontificem facere decebat, adversum hominem cædis in Cardinalem paratæ suspectum: quòd Legatos adesse sibi in solio posthabito Thadæo Urbis Præfecto porro voluisset; quòd per Galliæ Legati absentiam fecerat, ut aliis Legatis gratificaretur: quòd Camillum fratris filium Cardinalem creaverat, uti spes Thadæi Barberini filiae nuptiarum cum illo intercederet; ab quibus videlicet ipse Pontifex abhorrebat, neque in eo Regem, aut Galliam respexerat: quòd Avenionis Cavarum Legationem Antonio abrogaverat; uti videlicet hanc propinquo traderet.

Pontificem igitur sic Regem ludificari intolerandum visum: quamobrem cum Valancæo qui Caroli Neovillæ Rus nobile, (Villaregium appellant) haud procul ab Urbe concesserat, de Barberinis in fidem Regis, & clientelam recipiendis seriò agere visum, quod factum denique sic ab Lionno est. Primum omnium quòd de Galliæ Patrocinio seu Protectione ut hæc Romæ Antonio redderetur, nihil esse quod porro postularet, quia cum huic abrogata fuerit eam continuò Rex Odoardi Farnesii Parmæ Ducis fratri, ubi Cardinalis foret, habendam promiserit. Ab Antonio quòd suum in Galliam studium clarius sit, quidpiam immato splendore dignum faciundum videri: de conscribendis sumptu suo copius actum antehac, quod jam fieri magnà cum hujus gloriâ possit. Hujus in Aulam protectionem Regi, & gratiam, & jucundam fore, ex quâ major, atque illustrior de reconciliatâ secum gratiâ fama futura sit. Ubi de Pace inter Galliarum, & Hispaniæ Reges agitur, quæ Sacerdotia, bonæ Barberini in hujus finibus habeant, iis atque eorum fructibus uti posthac fruamur, ac de præteritis si qui intercepti fuerint, ipsi satisfiat, cautum iri. Regem Pontifici per litteras significaturum Barberinos in sua fide, atque clientelâ esse, quos in gratiam Pontificis hortatu receperit. Quas proposuerat Valancæus conditiones, ad eas si bæ adderentur Barberinorum negotium facile confici posse, quamobrem Valancæum subito Romam redire necesse videri, uti Barberinorum sententiam exquirat. Postremò Mazarinus ipse Villaregium ad Valancæum iit, uti cum eo de hac omni re colloqueretur.

Sed intereà Barberini, ac maximè Franciscus dubius, atque adhuc incertus hærebat, uti facile crederes hunc nunquàm nisi omni spe salutis Romæ damnatâ Galliæ partes secuturum, ad quas invitissimus accessurus esset: cò primùm Antonio fratri, qui his jam antehac addictus fuerat, uti Rex quod in Pontificalibus Comitibus offenderat, id condonare vellet, postulabat, atque ut huic Galliæ Patrocinium, seu Protectione redderetur, quod quidem Rex denique haud abnuat, per menses modò tres, quibus elapsis hanc abdicaret, quam Odoardi Parmæ Ducis fratri promissam tradere posset. Sed id Francisco, ac ne Antonio quidem haud satis placebat: præterea sibi persuadebant Thadæo fratri qui Præfectus Urbis esset, præcipui honoris quidpiam in Galliâ deberi: postremò de affinitate cum Mazarino jungendâ tergiversabantur, ætatem in fratrum, sororumve liberis opperundam dictitantes, quæ matrimonio idonea esset. Ita nihil dùm satis certi firmive in Barberinorum negotio

negotio erat : neque id Mazarino ingratum , nam & ipse haud satis expediebat , utrum satius esset Pontificem , atque Pamphilium Domum colere , an Barberinos tueri : illud æquius esse , si satis Innocentius intelligere vellet , quanto id sibi usui futurum esset , atque adeo sese regiâ benevolentia dignum ostendere . Interea qui Barberinos oderant , atque perditos volebant , ii satis intelligebant Mazarino explendum de fratris Cardinalatu animum , ut ne hos regiâ potentia tegeret , ac tueretur , quod si fieret , omnis in eos ultionis spes intercidebat . Sed Innocentius tam alienus ab Mazarino erat , ac tam persuasus ab Sforzâ Cardinali neque Regem , neque Reginam Matrem , neque Mazarinum cujus consilio , judicioque cuncta in Galliâ fiebant , Antonio placari posse , uti Barberinos sese impunè pessumdaturum arbitraretur .

Igitur adversum Antonium jure agere parat , & qui ex hujus familia erant duos in vincula conjici jubet : qui ad hujus aedes commebant , eos Ludovisii , atque Camilli Pamphilii opera circum dispositi lictores quid adferrent , auferrentve illiberaliter investigabant : postremo edictum ab Pontifice est , uti pecuniæ in Parmense bellum impensæ ante aliquot dies rationem Barberini redderent , qui ubi exissent , in singulos quibus postea in morâ forent , satis gravis multa dicta .

Cuncta hæc Antonium coëgere denique uti de sua salute seriò cogitaret , de qua re apud Grimaldum Cardinalem , Franciscum fratrem , Valancæum qui ab Galliâ redierat , ac Tiquetum in consilium adhibuit . Grimaldo singillatim Mazarinus suam de Barberinis sententiam crediderat , & quibus conditionibus denique agi , ac transigi cum his æquum censeret , atque hujus rei conficiunda dederat facultatem . Inter has conditiones isthæ præcipua fuit , uti videlicet Barberina Domus omnis in Regis clientelam , & fidem conferret se palam , ac publicè , quò cavillandi posthac Franciscò locus nullus esset . Grimaldus isthuc omne clam omnes atque adeò Hispanos agere jussus erat , atque simulare rem Barberinorum Regi haud magnoperè curæ esse , ut ne Hispani hujus consiliis præverterent . Ubi Antonius qui consilio aderant , eos docuit , quantum sibi ab Pontifice periculum impenderet , quod unâ fugâ , atque eâ maturatâ posse evitare , Grimaldus illius fortunam misereri , qui apud Regem sibi haud satis placatum præsidium quærere cogeretur : cæterum quid Regi , Reginæ Matri , atque Mazarino de Barberinis consilii esset , hos tum celatos voluit , quia Franciscus usque intactus ab Pontifice , nondum adduci posse videbatur , uti conditiones quas supra diximus acciperet .

Interea Antonius ab Urbe profectus haud procul conscendit navim , atque ad Ligurum oram cursum tenuit , quò ubi appulit , tantisper in villâ littori propinquâ restitit : eò litteras ab Franciscò fratre accepit , timoris plenas , quem de Pontificis odio , atque irâ denique ceperat , ubi cum eo de Antonii fugâ fuerat collocutus , ejus autorem Franciscum fuisse haud dubitabat , ex hac perindè huic , quàm illi insensus : simul Franciscus scripserat ad Aulam litteras , quibus maturato opus esse , si

1645.

se, ac fratres Rex in clientelam, & fidem recipere vellet, significabat. His permotus Mazarinus ad Grimaldum scribit, uti nihil cunctaretur cum Francisco negotium conficere, modò ut Barberini palàm, & publicè sese Regis partes sequi demonstrarent, appensis Galliae ad ædium suarum limina Insignibus, simul Pontifici litteras Regis redderet, quibus certior fieret, hunc omnem Barberinorum Domum tueri decrevisse, quam Pontifici cùm ex Cardinalatu sibi mandato, tùm ex Pontificatu hujus operâ adepto, carissimam esse non dubitet, atque hanc non modò salvam, & honestam, sed & florentem velle, quod quidem satis intellexerit frequentibus per Bagnium Pontificis hortationibus, ac precibus ut Antonium in gratiam recipere, & huic Galliae Patrocinium, aut Protectionem Romæ reddere honoris sui causâ animum induceret.

Sed priusquàm hæ Regis litteræ Romam perlatæ fuissent, tantus de Pontificis odio metus Franciscum inceserat, ut haud satis æqui in Galliam usque animi, neque multùm in Mazarinum propensi planè immemor, quas Grimaldus ferebat conditiones, eas cupidissimè acceperit, ac de prædiis ab Thadæo in Galliâ coëmendis, atque eodem mittendo hujus filio fidem scriptò dederit: dein palàm ac publicè Insignia Galliae liminibus Barberinorum ædium appensa sunt. Id quàm ægrè Pontifex tulerit, vel ex eo existimare facile est, quòd ubi Guesfieri cum eo de hac re collocutus est, hic Galliae negotiæ Romætùm procurabat, negavit se credere id omne ab Rege profectum, sed ab Grimaldo, ac cæteris Barberinorum in Urbe amicis: sese hos sicuti par esset diligere, atque confidere sibi obedientes fore, quemadmodùm jus, & æquum posuisset, adversùm quod Regem hos tueri velle nequaquàm existimet.

Barberinus & ipse Pontificem adiit, ac docuit, *Datam ab se in proximis Comitibus Sanchamondo fidem, fore ut ipse, fratresque Galliarum Regis Sectam posthac sequerentur, quòd bujus voluntate, atque Galliae Clientium suffragationes aut certè nihil his obstantibus, Innocentius Pontifex crearetur, atque adeò hanc solvendam fuisse, appensis ad ædium suarum, ac fratrum limina Galliae Insignibus, quod huic probari non dubitet, cum ex ea re tantum fructum ceperit, ipsum videlicet Pontificatum.* Innocentius quod Barberini sibi bonum, atque commodum esse duxerint, id æqui se, bonique consulere respondit, quibus ex animo factum vellet, atque idem Grimaldo de eadem re colloquenti dixit, ac multa de suâ in Regem benevolentia addidit, nihilominus Barberinos persequi, ac pessumdare certus. Nam ubi Franciscus Antonium Urbani Bullâ fretum, sibi Magistratum (Camerlingi sanctæ Ecclesiæ Munus est) permisisse ait, quem per absentiam suam gereret: Ibi verò Innocentius ut ne id Franciscus facere vellet edixit, ac Procamerlingum Sforzam Cardinalem Barberinis inimicissimum creavit, fructusque omnes Camerlingatus huic attribuit. Sed nihil Romæ Galli quod sibi illie utilius foret, unquàm fecere, quàm ubi Barberinos tueri adversùm Pontificis injurias decrevere: nam his multæ clientelæ sunt, quibus Rex fretus, saltem qui sibi suspectus erit, cum Pontificatu prohibere potuit, atque alia interea in Urbe moliri, quibus Pontificis in se malevolentiam infringat, aut coerceat.

Qui res novas in Aulâ, atque in Urbe cupiebant, earum semina jacere hoc anno capere. Antehac per Ludovici XIII. Regis pueritiam, hujuscemodi homines operam dederant, uti Senatus ab Aulâ rei publicæ specie dissentiret, quam ex omnium sententiâ gerere difficile est. In Senatu plerique adolescentēs fuere, bono, egregio, sed acriori, quàm par erat, sicuti ea fert ætas, ingenio: hi rerum humanarum nondum satis gnari, dum eas fortè ex Philosophorum præceptis administrari æquum censent, in fraudem incidere, eorum dolis opportuni, quibus rempublicam perturbare consilium fuit: sed his majores natu pauci in Senatu conscii, atque fautores fuere. Id primum illis conandum fuit, ut ne Senatus in Matthæi Molæi Primarii Præsidis, atque aliorum Præsidum, præterea majoris Classis, quæ Seniorum est, potestate esset, ex quorum sententiâ, judicioque frequens ubi opus erat in a majus Conclave & vocari, & haberi consueverat: Id & sui judicii cæteræ Classēs quas Inquisitionum appellant, esse contendebant, pernegante cum Præsidibus majore Classe: postremò eò res rediit, uti cæteræ Classēs ab Primario, dein ab uno quoque ex Præsidibus, prout quisque prior esset, uti Senatam frequentem convocaret, atque haberet ex formulâ postulandum esse constituerent, qui si abnuerent, omnes Classēs in majorem ultrò conventuras, & si Præsides etiamtùm Senatam habere detrectarent, hunc Gaianum antiquiorem Inquisitionum Præsidem habiturum.

a La grande
Chambre.

Igitur Inquisitionum Classēs in majus Conclave, aut majorem Classē ex composito conveniunt, tametsi vocatæ non fuerant, atque illic agi cæptum, quo pacto Senatus rectè, atque ordine eò posthac vocaretur, atque frequens haberetur, uti more majorum, sicuti Juniores aiebant, de republicâ consultaret, præterea quis abnuentibus Primario, ac cæteris Præsidibus, item rectè, atque ordine Senatui præesse posset? Sed Primarius Præses, atque alii cum Inquisitionum Præsidibus, atque Senatoribus litigare, conturbare rem, & altercationibus tempus trahere, donec postremò hora quâ excedere Curiâ moris est, adesset, atque tùm re infectâ discessum. Continuo Reginæ nuntium est, quid in Senatu ageretur: Coercendam juniorum licentiam, nec hanc ipsi impunè esse debere, acerrimos in eâ fuisse b Petrum Gaianum, & Ioannem Iacobum Barillonum Inquisitionum Præsides, præterea Nicolaum Quelainum, & Carolum Comitē Montoglanum homines maturâ ætate, qui Juniorum facilitate abutantur: Senatam uti crebris jus dicat, institutum: omnis rei publicæ curam penes Regem modò esse, cujus nullam partem attingere Senatui nisi ab Rege consulatur fas non sit. Digna res visa de quâ in Regis Consilio referretur: adfuere de more Gasto, Condæus, Mazarinus, Seguierus Cancellarius, atque alii, ex quorum sententiâ Gaianum, Quelainum, & Montoglanum Regina secedere; Barillonum Pinarolum concedere jubet: in hunc quoque Belfortii consiliorum particeps habebatur, gravius consultum, missi satellitēs qui cum Pinarolum abducerent, uxori uti virum comitaretur postulanti negatum, cæteri uti cuique rus Urbi proximum fuit; eò abiire.

b Gaian, Ba-
rillon, Que-
lain, le Com-
te de Mon-
tauglan.

1645.

Ubi hæc Patres accepere, tùm de Collegarum discessu solliciti in majus Conclave universi conveniunt, & quid factò opus sit, inter se consultant: dicuntur sententiæ graves, multi ab omnibus judiciis, atque negotiis abstinendum censent, usque dùm Collegis in Urbem, atque in Senatum redeundi potestas fiat: hæc fuit Petri Brusselli sententia, in quam Juniores frequentes iere: majoribus natu aliter visum, Reginam modò adeundam, atque uti Collegas redire juberet, commonefaciendam: qui ubi sententiam suam valere student, pluresque, in eam discessisse contendunt, negantibus Junioribus, rursus omnes ordine sententiam rogari placuit: sed ubi ad Brussellum ventum, quam priùs dixerat, eam mutavit, seu permotus eorum oratione, qui contra senserant, seu veritus ne quid ab Aula sibi gravius accideret, nec post hunc quisquam omnium ejus ab qua ipse discesserat sententiæ prærogativam affectavit. Ibi verò se Juniores desertos clamitare. *Qui in Aula gratiâ polleant, iis proditam ab Præsilibus, & Senioribus Senatûs auctoritatem, quâ per eorum socordiam, aut avaritiam imminutâ hos ipsos ludibrio habitum iri, atque Juniorum fidem nequicquam imploratos. Senatus consensu nihil Aulæ terribilius esse, in cujus corruptelâ, avaritiâ, aut prædandi lubidine id modò reliquum bonis perfugium, atque præsidium sit: eò qui hujus Ordinis dignitatem, atque potentiam minuant gravius peccare. Nihilo secius Senatûs decretum sit sicuti Præsides, ac majores natu censuerant: dein Patres Reginam de Collegarum in Urbem, atque in Senatum reditu adeunt: de Senatu negatum, de Urbe Gaiano, Quelaino, ac Montoglano potestas facta: Barillonem causam ab aliis diversam esse responsum, neque quod de eo ex Consilii sententiâ decretum sit, id tunc minui posse.*

Ubi hæc Senatui nuntiata, Juniores dictitare, *Hanc esse Seniorum ignaviae, atque obsequiæ mercedem: Senatûs auctoritatem in Aula nibili pendi, quoniam aliis alio, nec omnes ad id quod ex usu sit, uno animo tendant. Antiquam experiri libertatem si cui bono lubeat, ipsi fraudi esse. Adesse exilium, carcerem, vincula si quid de republica more majorum referri velis: aut sicuti ab Rege Senatus consulatur, quod nunquàm nisi de Edictis ad corrigendam pecuniam fiat, rectè censueris. Regem inter, & Populum medium usque Senatum fuisse. Si ille imperium per lubidinem, hic libertatem per licentiam exerceret, adfuisse qui prohiberet Senatum, apud Regem monendo, precandoque, quæ precibus sua tamen vis, atque autoritas inesset, apud populum decernendo, coercendoque. Hæc tunc imminuta, corruptaque, dùm Præsides si diu placeat, & Seniores Aula, & rei familiari serviunt. Imperium ad eò in lubidinem, libertatem in licentiam verti: quæ uti suâ ignavia contracta posteritas credat, nusquam commissuros. Igitur tamen si judicii pro more operam dari Senioribus placeat, nequid de solito decedat quaestu, aut quid adversum Aulam offendant, nihil se tamen rerum facturos, donec Collegis omnibus in Senatum redire copia sit.*

Contrà Seniores. Neque Regem, neque Senatum aiebant quidquid possit, experiri ex usu esse. Hoc tamen inter utriusque potentiam interesse, quod hanc Rex suo, Senatus alieno, atque ab Rege concessò jure teneat. Præclara igitur esse Juniorum de Senatûs potentia, atque auctoritate verba, quæ dùm magnificè jactant,

haud satis meminisse hanc se ab Rege non depositam, sed permissam habere. Ubi Senatus Reges morem gesserint, id suâ voluntate, & quia recta essent, quæ Senatus movebat, fecisse: ab invitis autem exsculptum quispian, perinde quæ Senatus, ac Regibus indignum fuisse: Cæterum in Regno unum Regem imperare, parere verb cæteros omnes, nihil medium videri. Ipsum Romæ Senatum, Consilium Orbis terrarum, ipsos Consules plebi Romanæ paruisse. Quod Senatui juris sit in cæteros cives, non tam suum, quàm Regis esse, cujus in eare ipsius voluntate vires agat. Senatum si cum Rege sentiat validum, si dissentiat, infirmum fore. At enim avaritiæ, atque ambitioni eorum qui apud Regem gratiâ valebant, serviundum erit? Minime. Sed si quid ex eorum lubricine Rex edicat, jubeatque in acta Senatus referri, aut si quid ea res more majorum ad amplissimum Ordinem pertineat; standum iis quæ ipsi majores nostri sapienter, & moderatè fecere: scilicet commonefaciendum Regem, & quæ æqua sint, edocendum, cæterum amplius quidquam facere fas non esse. Quæ Senatus ab Rege, aut Regina Matre de Collegis postulaverit, eorum partem maximam impetrasse, scilicet ut ad Urbem redeant, quod difficilior erat: eò magnam spem esse, ut & brevi in Senatum veniant (quod quidem facilius videtur) impetraturos. At de Barillono negatum? quem scilicet gravibus de causis amandatum, & in custodiam conjectum aiunt: hujus tamen rei curam Seniores neutiquam omitendam censere, sed ita suscipiendam, ut ne sibi Senatus subito obtemperari velit, qui mos jubentis magis, quam supplicantis sit. Patres mox posse rursus de Barillono Reginam adire: Interdum si ab judiciis se abstinant, nihil illi profuturos, & populo, subique damno fore. Nihil fecius Inquisitionum Classes judiciis abstinuere. Post paulò Patres rursùm Reginam de Barillono, ut & hunc ad Urbem, & in Senatum redire vellet, adire: quod ubi acrius urgeri sensit, prius edocta quid respondendum esset, Barillonum ait ex Gastonis, Condæi, totiusque Consilii regii sententiâ in custodiam conjectum, & quoties ex Senatu quis peccaverit, in eum ex delicti gravitate pariter animadversuram. Sed nec ea oratio Juniorum fregit, aux flexit animos, uti luberet magis judiciis operam dare, donec moræ, atque otii tædio, cum nihil suâ pertinaciâ proficerent, ad consueta munia redire.

Per id tempus in Urbe hujusmodi incidit res, cujus gratiâ propè ad seditionem ventum. Templum B. Eustachii celebre est, cui plebis multitudo ingens, quæ in eo sacris operam det, dudum est attributa: hujus Antistes erat Tonnelierus, Curionem appellant, aut Pastorem, ab curâ Gregis quem verbo Dei pascere debet, is in gravem incidit morbum, ex quo cum se refici posse diffideret, complures è grege suo, scilicet ex eâ multitudine, quæ sibi sacrorum causâ attributa erat, quos non modò in his, sed & in angustis rebus suis & consilio, & re juverat, ad se vocari jubet: dein singulos appellando, percunctatur quam pecuniam his mutuo dedisset, num eam absque rei familiaris gravi incommodo reddere possent? qui bonâ fide se negarunt posse, eorum chirographa confidit, cæterorum servavit: cujus rei fama ubi ad omnem pervasit multitudinem, incredibile memoratu est, quantam gratiam addiderit homini. Sororis filium habebat in eodem Templo fidei operantem, quem ubi ipse decef-

1645.

sisset, in locum suum Curionem fieri percupiebat: sed prius diem suum obiit, quam cuncta ad eam rem necessaria ab Româ venirent: quamobrem alius Curio est creatus. At ea quam suprà memoravimus multitudo attributa Templo negavit se quemquam in eo sacris præesse passuram, præter Tonnelieri sororis filium, quod quanquam minus æquum esset, neque dandum plebi exemplum erat, sibi Templorum Antistites deligendi, mos tamen huic gerendus fuit, cum certum esset non aliter quieturam.

Interea quæ ad bellum proximis æstivis porro gerendum pertinebant summo studio, atque diligentia parabantur; quod idem ut ab Sociis Belgarum Civitatibus fieret Regina Estradam Hagam Comitum misit, simul uti quid hoc anno utrimque conandum esset potissimum, cum his & cum Arausio consultaret, quantis copiis, quanto navium numero res communis gereretur: nam his Civitatibus scilicet ad Oceanum, atque Insulas, quò Vahalis mare compluribus ostiis subit, positis, major quam cæteris omnibus gentibus navium copia est: hæ nobis in Belgii ora quidpiam molientibus magno usui futuræ erant, atque adeo ut ne aliò abducerentur, cavendum fuit. Bellum nuper ab Christina Sueciæ Regina adversum Christianum Daniæ Regem sumptum fuerat, sicuti suprà memoravimus, quod non modò terrâ, sed & mari gerebatur: eò apparatæ utrimque classes, atque eâ parte belli Sueci foederatos Belgii Ordines in societatem vocabant. Sueci, atque Dani mare Suevicum accolunt, quo Batavi ac cæteri Sociarum Civitatum Populi navigare plurimum, atque in hujus portubus commercari solent. Sed id ingredi nisi per subiectum Arci Danicæ fretum nequeunt, quâ de causâ Daniæ Rex maxima ab his exigit portoria, quæ uti planè tolleret, aut imminuere cogeretur, prout ad fœdus, & societatem cum Suecis faciendam omnium animi videbantur, quod si fieret necesse erat bellum ab Sociis Civitatibus in Belgio adversum Hispanos segnius geri, ac plerasque naves in mare Suevicum duci. Præterea Suecis ad bellum Danicum intentis necesse item erat, hos Germanicum segnius gerere, atque ita novum illud adversum Danos bellum utrobique nobis fraudi futurum erat, quibus cum Suecis, & Sociis Civitatibus belli adversum Austriacos, & Hispanos societas intercedit. Eâ causâ Estrada justius erat Socias Civitates ab Danico bello avertere, uti Belgico quantam ex fœdere debebant, nobiscum operam darent, ac maximè ut eorum naves nobis ad mare quidpiam molientibus usui forent. Impetratum denique ab Sociis Civitatibus est, ut ne se Danico implicarent bello, sed magis paci inter Suecos, Danosque conciliandæ studerent, quod denique naviter fecere.

Sed ut æstivorum tempus in Hispania maturum est, eò de more priusquam aliò bellum cœpit. Decreta hæc fuerat provincia Henrico Lotharingo Harcurio, qui hanc Prorex cum exercitu obtineret: nam ad rem adversa Mottæi fortunâ corruptam in Catalonia restituendam magis idoneus erat nemo, cujus rei patrandæ incredibili studio flagrabat, non modo rei publicæ causâ, sed & odio in Mottæum, qui cum Harcu-

rii inimicis, ac singillatim cum Longavillâ congruebat. Mottæo Margaritus cum omni factione suâ amicus fuerat, nam duæ apud Barcinonem sunt, hæc una, altera Josephi Dardennæ, quam ad eum Harcurius prætulit, sibi que adjunxit. Margaritus per Proregis absentiam apud Barcinonem, atque in omni Catalonia pro Prætoris est (Gubernatorem appellant) cuius Magistratus etiam Prorege provinciam obtinente, atque præsentis quædam munia sunt. Priusquam Harcurius adveniret, ex adversâ apud Ilerdam Mottæi pugna, atque irrita apud Tarraconem incepto Hispani spem nacti Barcinonis, atque omnis Catalonia recipiundæ, non tam apertâ vi, quod plerumque felicius Gallis cedebat, quam arte, atque fraude quibus maximè valent, sibi agendum decrevere. Erat apud Barcinonem mulier primaria formâ luculentâ, atque ingenio validi, quorum alterum ad pelliciundos animos, alterum ad ingentia quæque patranda usui fore videbatur. Hæc ex Aragonia claris majoribus orta, viro item in Catalonia clarissimo nupserat, Hippolitam Aragonam, virum Albi Baronem appellavere. Sed his nihil simile præter genus, alia omnia dissimilia, atque contraria fuere. Vir Gallis, uxor Hispanis studebat, quò faciliè Toralto qui in propinquo Tarraconi Præfectus erat, venit in mentem, Hippolitæ opera uti, ut apud Barcinonem grande quidpiam atque Hispaniæ Regi utilissimum moveret, neque ad id patrandum mulier quidquam abnuitura erat. Hanc Onufrius quidam Aquilles dives, ac nobilis in urbe amabat dudum, nequid huic illa copiam sui fecerat, non quòd pudicitia obstaret, nam huic alia omnia cæriora fuere, sed quòd juvabat nobilitare scelus, ita ut non ad ambos modò, sed & ad rem ipsam publicam prodendam pertineret. Igitur ex Toralti sententia qui Aquillis amorem noverat, hunc Hippolita edocet, quid facto opus sit, si potiri velit: scilicet desertis, ac proditis Gallis ad Hispaniæ Regis partes transeundum, atque operam dandam, uti Barcino, atque omnis Catalonia in hujus ditionem, ac potestatem redeat.

Hic primùm averfatus, deprecatusque facinus, quod utrique ac fortasse Civitati omni perniciem allaturum videbatur, postremò ubi mulieris animum nec rationibus, nec precibus, obsecrationibusque flectere potest, hujus amore, atque blanditiis victus, non prius tamen ex voluntate respondit, quàm illa rem nefariam grati Aquillis in Philippum Hispaniæ Regem animi specie cohonestavit, dictitando hujus beneficio, ita enim se res habebat, Aquillem nobilem antehac factum, fortunamque ejus viris genere in provincia clarissimis æquatam, pro quo gratiam Philippo referendam, quem Principem ab natura sortitus esset: ita tum demùm Aquilles in Hippolitæ, hæc autem in illius potestate fuit. Aquilli Toraltus satis grandem pecuniam curavit, quam ex Hippolitæ sententia largiretur us, qui alicui ad rem quam moliebantur, usui esse possent. Ambo sibi Gallicanum Abbatem totius Cleri Catalanici faciliè principem haud difficulter adjungunt, nunquam ab Philippo, Hispanisque abalienatum, sed tempori sicuti complures ex ordine Ecclesiastico servientem: dein plerosque alios ad Philippi partes adducunt. At post-

1645.

quàm Harcurius Barcinonem advenerat, tanti fama viri, copiarum, atque alia instaurando bello idonea maximam Catalanis de libertate porro conservandam spem fecere, quam Harcurius his quæ posthac dicturi sumus præclare gestis confirmavit. Is professionem ad exercitum adornabat, cum in rem suam conjuratis esse visum, Hippolitam inter & Chabotum amorem conciliari, ut illius operam quid Harcurius per proxima aestiva moliretur, ac faceret, resciscere possent. Hippolita haud difficulter juvenis animum ad sui amorem pellicit, ita ut planè in hujus esset potestate: dein Aquilles qui Chaboto familiaris erat, atque homini plus nobilitatis, quàm pecuniæ esse fatis scibat, sese huic mutuam si ita videretur daturum inter colloquendum dixit, quod quidem gratum acceptumque Chaboto fuit. Sed ut hunc sibi magis, magisque adjungerent, simul ut hujus, atque Harcurii cui affinis est, operam Josephum Margaritum amplius labefactarent, Chaboto persuadent ut huic Magistratum abrogatum, ac sibi ipsi mandatum velit: id illi & Harcurii Proregis affinitate, & suâ virtute freto haud difficile futurum, sese interea apud populares operam duros, uti Civitate donetur, quandò hic magistratus nulli nisi qui civis sit, mandari possit: ita bonæ spei plenum, atque Hippolitæ blanditiis, & consuetudine devinctum dimittunt, qui cum Harcurio proficisceretur.

Is jussus erat ad Sicorim habere castra, ut Hispaniæ Regem quem apud Cæsaraugustam venturum ferebant, aut qui copias ejus duceret, cum fluminis transitu prohiberet, interea dum Pralinoplesius cum altero exercitu Rhodam oppugnaret. Oppidum est ad mare opportuno loco situm, muro firmissimo, & quinque propugnaculis munitissimum: mare fossam subit, atque adeò cujusvis auxilii eâ parte copia est. Id modò oppidum, & Tarraco ab Iberi ostiis ad mare Gallicum adhuc in Philippi erant ditione, cætera Ludovicus tenebat. Tarraco sæpius frustrâ tentata, Rhodæ quia propior Galliam est, facilius oppugnatio visa, majorque ex hac oppugnata fructus.

Igitur Pralinoplesius I V. Non. Apriles circumquaque oppidum castra posuit, munitque. Eò ab Barcinone, quæ Proregum sedes est, Harcurius venit, & quò quæque Cohors, aut equitum Ala tenderet, ageretur, & quâ quisque Castrorum Præfectus curaret, ipse pro Imperio constituit: dein eâ nocte quæ professionem ejus antecessit, fossæ ad oppidum duci cæptæ. Peditum millia novem, equites mille in castris erant: ante portum naves bellicæ majores quindecim, incendiariæ sex, actuariæ decem, aliæ præterea eò venire jussæ nondum aderant. Reliquum Aprilis ducendis ad oppidum fossis, turribus ædificandis, collocandis tormentis consumptum; nec interea nostris quies ab hostibus fuit. Oppido Præfectus erat Jacobus Cavalierus propugnandi inter Hispanos peritissimus: is quotidie equites, peditisque qui nostros operibus intentos perturbarent, emittebat. Sed hos qui ad hujusmodi impetus sustinendos in stationibus fuere, tuebantur, atque hostes propulsati, quoties eruptionibus pugnare: nullum tamen intermittebant diem, quin semel, atque

que iterum quid pugnando prodesse possent, periculum facerent.

Nihilo fecius opera nostri promovere, in quibus occupatissimi erant, cum tempestas coorta, quæ usque fecerant cuncta corripit: nam ab imbre flumina quæ ab proximis Pirenæi jugis defluunt, atque Oceanus ab fluminibus immensum auctus omnia repente castra necopinatò complevit: præterea vento militum tuguria, atque tabernacula prostrata, homines unâ, jumentaque his involuta fœdiorem quàm pro periculo speciem hostibus è summo muro spectantibus præbuere, omnes propè copiarum stationes, atque castra ipsa deferere coactæ in proximos vicos dilapsæ sunt, cum vim tempestatis, atque frigoris nisi sub tectis perferre nequirent.

Helvetii tamen ad omnem duritiem assueta gens nusquam se loco movere editore fortè constituti. Item Pralinoplessius quas circum Prætorium habebat copias, eas haud dilabi passus est: hostes interea omni circum oppidum regione aquis completâ incertis sese vadis committere non ausi, nihil prius quàm paulum dilapsæ fuissent tentavere. Tum verò eruptione factâ ab ipso Pralinoplessio de more in oppidum compulsi sunt: dein copiarum in castra redire, atque opera refici cæpta. Triduum ea tempestas sevit, in mari, quàm in terrâ multò amplius: hæc duæ ex classe nostrâ naves actuarie periëre, altera vadis impacta, altera fluctuum vi disrupta, qui huic præerat, in innixus tabulæ ad proximum litus ejectus est, paucis aliis eadem fortuna fuit, cæteros milites, remigesque mare haussit: reliquæ naves diu multumque cum fluctibus conflictatæ, postremò tamen incolumes permansere.

Sedatâ denique tempestate nostri maturare, hostes tardare opera, crebro crumpere, atque ipsi longiusculè ab oppidi fossâ contra munire, nulla uspiam oppugnando, aut propugnando majora virtutis exempla edita: nihil soli ab nostris quàm quò hostis cominus pugnando pulsus esset, occupatum, atque id ni propè muniretur hostis quandoque, & pugnando recipiebat, ac sic duplicabatur in abigendo rursùm labos, periculumque: quin & quædam jam munita loca ab hoste recepta sunt, fossæ completæ, turræ excisæ, omnia opera corrupta, quæ refici magno militum labore necesse fuit: postremò tamen ad fossam oppidi perventum, cujus latere perfosso in hanc descensus patuit: sed eò aqua septem altæ pedes erat, quam adeò Cavalierus haud ita facillè transiri posse credidit, seque aliquandiu prohibitorium, donec aut terrâ, aut mari quid auxilii adveniret, cujus ipse Philippus sæpius per litteras spem fecerat. Sed hæc Præfectum frustrata est, Harcurius enim cum exercitu ad Sicorim, classis nostra ab mari prohibebat, neque id ab Hispanis usquam tentatum. Interea nostri maturare rem, cunicularios ad propugnaculorum latera duo applicare, horum alter pellitur, alter opus incipit, ac promovet, pontes in fossâ instituuntur, quos incendiariis navigiis hostes crumpere tentant, sed hæc accedere prohibita longius quàm ut nocere possent, arsere: rursùm quò pulsus erat alter cunicularius, eò mittitur: at ea saxorum queis murus constabat durities, atque hujusmodi colligatio fuit, uti perpetua rupes esse videtur, quod quidem ut ne perfringerentur,

1645.

aut avellerentur magnoperè obstabat : summo tamen cuniculariorum labore est effectum , uti VI. Calend. Junias ad Sangeorgiani propugnaculi latus cuniculus pulvere tormentario compleretur , atque igne admoto ingentem ruinam ederet : continuo nostri irrumpunt , locumque occupant , ac jam munire sicut erat imperatum incipiebant , cum pleraque nobilitas laudis avida prætergreditur , atque ad propugnaculi summa contendit . Ibi vero hostes haud quaquàm sui dissimiles , præterea necessitate compulsi , quæ & fortissimis virtutem addit , postremo loco freti nostros inter muri rudera per acclive subeuntes excipiunt : prælium fit quàm pro numero hominum acrius : nostros si paulùm anniterentur oppidi expugnandi spes , atque gloria , hostes & fortunarum , & salutis cura quæ in eo temporis vestigio agebatur , stimulabat : primo tamen congressu pulsiquantum , dein jussu Præfecti extrema metuentis eò omne præsidium oppidi accurrit , missiles ignes , malogranata , atque id genus alia quæ ad editioni loco magno ului sunt , assatim ingerunt , quibus atque alio omni telorum genere petiti nostri , præterea cum hostes per declive procurrentes eos inter muri ruinas acrius urgerent , loco cessere , pedemque pugnautes retulere : sed hos cupidius hostes insecuti numero sexdecim caesi sunt , cæteri regredi properantiùs quàm venerant coacti . In eo certamine Sampaulus Tribunus militum qui uni præerat Cohorti viginti vulneribus adverso corpore acceptis , altero modò genu subnixus , gladio usquè rem strenuè gessit , donec ab hostibus oppressus est , cui dum spolia detrahare conantur , quidam è nostris subsidio venire , atque hunc ab eorum manibus eripuerunt : nihilo fecius nostri locum priùs in propugnaculi ruina occupatum tenere , atque munivere : dein eà quæ subsecuta est nocte cum dextrâ , lævâque ampliùs loci occupassent , Cavalierus deditionem fecit , & post quatrìduum cum omni præsidio oppido discessit , navibus in ulteriorem Hispaniam devectus . Tanta res ab Pralinopleffio summa cum laude , & bellicæ virtutis famâ ab ineunte Aprili ad exitum Maii confecta est . In eo negotio a Auffson-villa Valbecurius , Uxellus , Sammegrinus , & Hardius Trussius castrorum Præfecti egregiam Regi operam navavere , multaque per oppugnationis tempus militaria facinora edidere . Ubi hæc Regina nuntiata , continuo decreta supplicatio , atque Deo immortalis in majore Urbis Templo honos habitus est . Trinitatis Arx altero ab Rhodâ lapide , & ipsa tormentis petita brevi in deditionem venit .

a Vaubecour-Auffsonville, le Marquis d'Uxelles, le Marquis de Saint Mégrin, Hardy de la Trouffe.

Dùm hæc apud Rhodam geruntur , Harcurius ad Belpuchium stativa habebat , id modò sollicitus , ut ne ab Philippo copiæ Sicoris traducerentur , quæ Rhodæ auxilio forent , sed eà dedita sibi & quidpiam conandum esse constituit . Iberda , atque Balaguiera oppida duo ab Hispanis anno proximo recepta in adversa Sicoris ripâ posita sunt , quorum altero si potiri posset , id magni ad rempublicam momenti fore intelligebat . Primum igitur ut ne quid cis flumen in ditione Philippi esset , Agramontem Castellum in Urgellarum planitie positum per Chabotum castrorum Præfectum ad deditionem redigit , dein locum traducendis

Sicorim copiis circumspicit. Hostes ab Camaris, quod oppidum paulum supra Balaguieram ad Sicorim est, ad Iberum usque cuncta ad amnem oppida, vicos, atque vada praefidiis tenebant, supra Camaras nulla ad Sicorim habebant praefidia. Igitor illac copias equitum, peditumque, quot satis visum est, ab Barrio Santaunesio, & Plessio Befanfono amnem traduci jubet, quod nullo negotio factum: superandus erat praeterea Noguera amnis, qui propius Camaras Sicorim subit, sed & hujus vada omnia pontesque hostes tenebant, praeterquam Trempam versus, quod per montes propè invios eundum erat, eò hostes nihil de nostrorum in hanc regionem profectioe suspicati sunt: praeterea Harcurius quò magis falleret, cum majori copiarum parte, quae speciem universi exercitus praebat, infra, Camaras locum quò transiret amnem, quaerere videbatur. Ubi Santaunesius, & Plessius Befanfonus eò pervenère, quò Noguera pedites traducere constituerant, ab Trempa lintrem omnino unam habuere, quà freti funes quatuor validos ab altera ad alteram amnis ripam extendi jussere, quibus vice pontis plerique, ceteri lintre saepius commeante traducti sunt, ac subito editiora ultra flumen loca occupavere. Postquam Plessius Befanfonus unà cum peditibus Noguera transferat, Santaunesius ad equites rediit. Vadum erat paulò infra eum locum quò pedites traducti fuerant custoditum ab hostibus, quos pellere, ut illac & equites amnem transirent, necesse fuit. Eà gratia convenerat inter Santaunesium, & Plessium Befanfonum, ut hic cum peditibus ultra flumen adoriretur hostem, interea dum ille cum equitibus vadum transiret, quod cum utrimque fieret, hostes dilapsi, nostri superato ab equitibus vado jam uno agmine ad Camaras contendere. Eò pons ad Sicorim est, quem ut hostes tenerent huic, atque oppido satis firmas munitiones addiderant, nam rati penes quem pons esset, ei magnam ad alia patrandæ facultatem fore, sibi quidem ad Cataloniam omnem recipiundam, nobis verò ad Ilerdam, aut Balaguieram potiundam.

Interea Harcurius sese Sicorim Balaguieram versus transire velle porro simulabat, quò factum est, ut eò hostes adessent, atque adeò apud Camaras pauciores fuere, cum Santaunesius, & Plessius Befanfonus advenire. Pugnatur utrimque acriter, nostri strenuè rem gerunt, neque segnius hostes propugnant, postremo castello uno capto, ceterae munitiones deduntur. In hac pugna centum & quadraginta ex hostibus centuriones, procenturiones, vexillarii, praeterea nongenti amplius milites caesi, captivi, quadringenti è nostris caesi, aut vulnerati sunt.

Pons eò ab hostibus antehac interruptus fuerat, quem brevè reficere quia difficile videbatur, Harcurius amnem ratibus jungere maluit, quà traductae quae cis Sicorim erant, copiae sunt. Postridiè relicto apud Camaras idoneo praesidio, atque omnibus impedimentis, tormentis, carrisque, Baltasarem cum equitibus quibus praeerat, praemittit ad montes, dein pedites subsequi jubet, postremo ipse cum reliquo equitatu movet. Iter erat difficile, asperum, ac maximè equitibus, qui saepius equis exscendere, atque hos loribus trahere cogeantur. Postquam in unum cop-

1645.

venit omnis exercitus, Harcurius bipartitò ad hostem ducit: ab dextrâ Merinvilla, ab sinistrâ Chabotus suum quisque præibat agmen: Santaunefio ut equitum, Sammegrino uti peditum curam singillatim haberent, præceptum: Plessius Belsanfonus Harcurium comitabatur, qui inter hæc agmina duo cum equitibus sclopetariis quos custodiæ causâ habebat, item suâ gravioris armaturæ equitum turmâ mediis incedebat: agmen claudebant turmæ queis Alefius Baro præerat, atque Helvetiorum Cohors, cui Tribunus erat Rhon, sed hi quiescere ubi prælium fieret, iussi, ad quos si quid durius accideret, cæteris receptus esset. Inter montes quâ nostris descensus erat, & Balaguieram planities intercedebat, in quâ hostes instruxerant aciem, nostros itinere fessos, atque incompósitos sicuti existimabant, aggressuri. Sed ea monte descendendum incitatio fuit, ut ne primum quidem eorum impetum hostes sustinuerint: primo congressu Harcurius cum equitibus cornu illorum dextrum fudit, fugavitque, cuius strage perterrita media acies, nostrosque ab montibus procurrentes conspicata fugam capessit, hæc ad notum Sicoris vadum ferebat, sed Harcurius id fore suspicatus eò præsidium collocaverat, quo fuga inhibita, hostes reliquam spem in virtute posuere, atque adeò propugnare acriter: sed ab Harcurio cum equitibus, ab Catalanorum equitatu, ab Santaunefio cum Campanica Legione simul oppugnati, postremò cæsi omnes, captive. Sinistrum cornu, & quod reliquum hosti copiarum fuit, ad Balaguieram recepit se, atque pro mœnibus confedere, ut ab tormentis oppidi protegerentur. Parvo ea victoria constitit, nam pauci duces, equites, peditesve trecenti omnino desiderati, a Charnius Comes qui Harcurii, Castelardus qui Armaniaci huius filii turmis præfuerant, inter cæsos insigniores fuere. Andreas Cantelmus qui Hispanis Imperator erat, ad Balaguieram retrocesserat, Mortara Legatus fufis quæ circum se fuerant copiis, cum equitibus triginta secundum amnem profugit, & mox ab sclopetariis Harcurii equitibus oppressus, captusque est. Trecenti cum Legati, ac Tribuni, tum Centuriones, pro-centuriones, turmarum duces, ac vexillarii, præterea duo peditum, equitumque millia capta, mille sexcenti cæsi, aut in amnem compulsi perire.

a Le Comte
de Charni,
Chastelard.

His ex sententia gestis Harcurius Hardium Truffæum castrorum Præfectum cum parte copiarum quæ ad Rhodam fuerant, ad se venire, & apud Termas, qui locus ad Sicorim est, stativa habere iubet, ipse Menargis in adversâ occupat ripâ, atque eò amnem ratibus jungit, uterque locus infra Balaguieram positus est: Camaras jam supra firmissimo præsidio tenebat, atque item eò Sicorim ratibus junxerat: Ita hostibus qui apud Balaguieram erant, clausum flumen supra, atque infra erat. Præterea circum oppidum cuncta loca peditum, equitumque præfidiis complet, ut hostem commeatu, atque pabulatione prohiberet: nam id oppugnare difficile videbatur, quoniam Cantelmus ad prælium quidem iterum faciundum minùs quàm par erat copiarum, ad oppidum verò defendendum plus satis habebat. Loci natura Harcuri inceptum plurimum adjuvabat, nam ab Camaris ad Menargis Sicoris, supra Camaras Nogue-

ra in huius erat potestate: ab Noguierâ ex adverso Sicoris montes sunt, ab quibus amnis infrâ, & propius Menargas Sicorim subit, ita tribus ex partibus flumina, cætera montes parvam hanc in quâ Balaguiera posita est, regionem claudebant, atque adeò neque fossis, neque munitionibus, uti quaquâ versum venientem subsidio hostem arcerent, nostri opus habuere.

Ubi primum Philippo nuntiatum est, profligatos suos ab Harcurio fuisse, atque in angustum copias Cantelmi apud Balaguieram coactas, per omnem Hispaniam delectum haberi jubet. Interea Philippum Sylvam ab Tarracone cum tribus peditum millibus evocat, quos antehac navibus ad Rhodam dum ab nostris oppugnabatur, auxilio mittere consilium fuerat: his adjuncti mille quadringenti qui Rhodâ per deditionis conditiones exierant, atque Tarraconem advekti fuerant, præterea Valentiani mille: cum his copiis interea dum aliæ ex novis delectibus advenirent, justumque exercitum efficerent, Sylva ad Ilerdam stativa habuit: huic Legatus fuit Toraltus, Totavilla rei tormentariæ præfuit. Hi nihil omnium omittere iussi, qui ad Balaguieram commeatus duci possent, interea dum plures coguntur copiæ, quibus & pellatur hostis, & in Cataloniâ quidpiam operæpretii fiat: nam & in adversis præclara, atque magnifica loqui Hispanis moris est: sed omnes quos eò misere commeatus, u nostrorum, aut virtute, aut insidiis interiére, & quæ adversum præsidia nostra Cantelmus ab Balaguiera, Sylva ab Ilerdâ tentavere, ea ipsis aspera, scædaque evenere.

• Eò factum est, uti Sylva quidpiam diversissimâ sibi ab Balaguiera parte conandum esse arbitraretur. Sæpius jam Hispani Flixium ultrâ Iberum amnem frustra tentaverant: sed huius expugnandi sibi magnam opportunitatem dari credidère, interea dum nostri ad Balaguieram planè intenti essent. Res erat in celeritate posita, si antequàm nostri sentirent, Hispani proficiscerentur, & Flixium advenirent: missi pedites, equitesque ad hanc expeditionem quot satis visum, tardiùsque id per exploratores Harcurius cognovit. Breviusiter erat Hispanis ab Ilerdâ, quàm nostris qui circum Balaguieram erant Flixium tendentibus: quo factum est, ut illi oppidum prius expugnaverint, quàm nostri appropinquarent: namque hos idoneo numero Harcurius Chaboto duce eò miserat, ipsæ aliquantùm ab stativis Iberum versum processerat cum equitatu, si forte quid ab Chaboto esset offensum, Plefsio Besanfono in stativis pro Prætoris relicto. Apud Flixium trecenti è præsidio ab hostibus oppidum expugnantibus cæsi, cæteri in Arcem egregiè propugnantes receperant se, atque in eo erant hostes, instituto in murum cuniculo, ut hunc brevè disjicerent, cum nuntiatum est Chabotum adesse. Tùm mutata utriusque partis fortuna est, & qui Flixium oppidum tenebant hostes, arcis omisâ oppugnatione, quo pacto ipsi suæ salutis consularent, magnoperè laborabant: postremò eò res rediit, uti vitam modò pacti Chaboto dederent sese, qui omnes numero mille captivos abduxit.

Postquam nihil ex sententiâ satis Hispanis procedebat, neque Har-

1645.

curius de solitâ præsidiarum custodiâ remittebat quidquam, eò rerum omnium inopia apud Balaguieram crescere, graves in vulgus militum morbi grassari, ipse Cantelmus animo, & corpore juxta æger oppido discessit, seu uti valetudini daret operam, seu Philippus ob rem corruptam infensus hominem objurgandi causâ accersiverat, qui ubi Balbastrium advēnit, morbo suprâ modum ingravescente mortem obiit. In oppido ad Simonem Mascarenam rei tormentariæ Præfectum summa imperii per Cantelmi absentiam redierat: is pro opibus sustentare rem, scrutari abdita, si quid fortè frumenti oppidani occultaverant, repertum est aliquantum, quo militi paucis diebus subveniretur: quæ in oppido erant copix, eæ veteranorum fuere, quò magis eorum salutem Philippus sibi consulendum esse intelligebat: eò Philippum Sylvam perpetuis literis urgebat, uti si quo modo fieri posset, commeatus ad Balaguieram mitteret: sed cum id semel, atque iterum Toraltus, & Totavilla frustrâ tentassent, Mascarena sibi denique deditionem faciendam esse constituit. Hujus conditiones quantum præsens rerum status monebat, æquissimæ ab Harcurio latæ: id modò durum, quòd hostium copix inediâ propè confectæ, & ad quietem magis, quam ad itineris laborem idoneæ longissimo circuitu per Cataloniam, Rusinonensem agrum, Septimaniam, & Aquitaniam, alteram Hispaniæ ad Oceanum Cantabricum partem petere jubebantur, cum ad suos redire per Aragoniam proximum esset. Sed Harcurius omnem partem nuper victoriæ, atque diuturnæ obsidionis fructum in eo positum intelligebat, ut hæ veteranæ copix, sicuti post tanti itineris laborem futurum videbatur, Philippo quàm minimo posthac, aut nulli usui essent. Ita Balaguiera quartum jam mensem ab Harcurio obsessâ huic ab Mascarenâ X. Calend. Novemb. dedita est: nongenti Tribuni, Centuriones, Procenturiones, Vexillarii, præterea equitum, peditumque quatuor millia, exiguæ Hispanici exercitus reliquæ Balaguierrâ discessere, quod amplius fuerat ad millia sexdecim, id inediâ, morbiq; consumpserant, aut apud nostros captivi fuere. Per Cataloniam ibat languidum, & miserabile agmen, equi, virique macie confecti, ac tametii lentissimè procederet, tamen itineris tadio, atque labore plerique fatiscientes interiëre, ipse Mascarena Martorelli mortem obiit. Harcurius his in Cataloniâ præclarè gestis Barcinonem caput gentis victor, atque triumphanti similis rediit.

Sed hinc ubi primum æstivorum causâ abierat, conjurati de quibus antea memoravimus, multâ moverant, plerosque largitione, alios religionem, sicuti grande ab Philippo deficiendo facinus admisissent, atque id ipsis non modò impunè, sed & si in viam redirent, quæstui futurum fidem dando, atque firmando, sibi adjunxerant: postremò cæteros promissis onerando, factionis opes haud mediocriter auxerant.

Sed ubi hostes ab Harcurio profligatos acceperant, ibi verò ingens illos ceperat metus, ut ne frustra essent, atque sua patefierent consilia. Hispanis vix quidquam ex tanto incæpto spei reliquum erat, tamen ab mari classem ostentare Toraltus decrevit, tametii nihil ab terrâ copia-

rum sicuti convenerat, Urbi admoveere posset: nam ubi eâ parte Barcinonenses distinerentur, tùm navalia invadere consilium fuerat, quò multi Hispani milites bello capti custodiebantur, qui si liberarentur magno usui fore videbantur, sed nihil ad conspectum classis conjurati movere sunt ausi. Apud Barcinonem tùm erat Plessius Besanfonus missus ab Harcurio, qui de conjuratione, si quâ fieri posset, incertis rumoribus vulgatâ certius cognosceret: sed cùm is quærendo, atque investigando nihil edisceret, postquàm Hispanica Classis insectâ re abierat, & ipse ad Harcurium rediit. Iterum Classis ante Barcinonem visa, nihilo plus profecit.

Sed conjuratis in dies augebatur metus, ut ne redeunte Harcurio quæ primùm incefferat, dein Hispanicæ Classis adventu senel, atque iterùm confirmata fuerat de conjuratione suspicio, ea diligentius quæreretur, ac tandem fieret palàm: quò sibi omnium conjuratorum consilium habendum censuere. In eo Aquilles vir clementis, ac placidi ingenii postquàm nihil in Hispanis eâ tempestate auxilii, aut spei esse ostendit, quorum res afflictæ, ac propè perditæ videbantur, tempori serviendum esse ait, atque ab incæpto planè discedendum. *Id quæ conjuratorum omnium fides, atque constantia sit, fortasse Gallos clam futurum: sin patefiat, quando se respiciisse reserverint, veniæ, atque gratiæ locum fore, neque commissuros uti tot viros qui cæteros omnes Barcinonenses propinquitatē, affinitatē, aut aliâ necessitudinē contingant, in sui modò invidiam, odiumque perditum eant, cùm ab respicientibus nihil tàm spsis, aut huic quam constituere reipublicæ periculi sit.* Contra Gallicianus Abbas, *Aut patrandum incæptum aut omnibus fide perirendum dicit. In hujuscemodî negotiis consultare perinde capitale esse, atque exequi, respicientiam sibi nequaquam salutis fore, quam Galli coactam, neque aliundè quàm ab florentibus suis, Hispanorum autem perditis rebus ortam rectè existimaturi sint.* Nullam igitur delicti gratiam ab his sperandam, sed crudelissima omnibus supplicia, quibus cæteros posthàc ab similibus consiliis deserreant. *Quamobrem sibi certam pestem adesse si palàm conjuratio fiat, cuncti sciant, neque effugere hanc nisi audendo, atque incæpta patrando copiam esse.* Hæc vicit sententia, accersitaque tertio Hispanica classis est: sed huic defuere commعات, quibus petendis cùm naves plures in vicinos portus dimissæ essent, ad eam quæ dicta fuerat diem non advit. Ibi verò spes omnis ab conjuratis abjecta, atque eò res rediit, uti fidem sibi darent invicem, acciperentque nihil se de conjuratione indicaturos, quod de more ubi tormenta adfuere, frustra fuit: de Aquille more majorum supplicium sumptum, Gallicianus Abbas, atque alii Ecclesiastici Rhodam, ac Salsas abducti. Hippolitæ forma, genus, cum Josepho Dardennâ affinitas, cum Chaboto consuetudo ad salutem profuere. Hæc se Aragonensem dictitabat esse, nihil se eo jurejurando quod Ludovico Catalani polliciti fuerant, teneri, atque adeò sese quidem ut hostem, sed non sicuti civem quæ rebellaverit, ream habendam. Harcurius hanc Tarraconem abscedere jussit, prosecutusque est abeuntem Chabotus, ut ne quid temporis utrique dum copia esset, ab scelere vacuum foret: ita mulieri pes-

1645.

simæ, quod inceptaverat facinus impune fuit. Sed quæ dudum Cæsar Choiseulius Pralinoplessius præclare in Italiâ, Cataloniâ, atque aliò gesserat, iis Rex, atque Regina mater honorificentissimam mercedem posuere, hunc Tribunum Equitum creando, Marefcallos Franciæ vulgò appellant, qui & Rege coram, & per hujus absentiam exercitus ducere solent, neque majus, aut dignius imperii nomen est, postquam per Richelii tempora ut ne quis deinceps Magister equitum crearetur, Edicto cautum fuit, is unus modò erat, Tribuni Equitum, aut Marefcalli Franciæ plures sunt.

Nunquam aliàs ab nostris tot tantaque uno anno incepta, atque parata: exeunte anno proximo Magalottus castrorum Præfectus vicinis Mottæ locis in Lotharingia cum aliquot equitum, peditumque copiis hyemabat. Motta haud procul Mosæ amnis fontibus oppidum erat in tumulo positum, naturâ, atque opere munitissimum, unus ad oppidum aditus difficilis, atque asper, una porta quæ commeatibus pervia esset, altera diversâ parte ad eruptiones sicubi opus foret idonea, aut ad explorandum quid hostis in tumulo moliretur. Mottam Ludovicus XIII. jam antehac bello ab se captam, sicuti alia cum omni regione oppida, Carolo Lotharingiæ Duci per conditiones pacis reddiderat: sed is ingenio mobili, atque infido rursus bellum sumpserat adversus Ludovicum, quod latrocinio magis simile, quoniam ad justum bellum opes decrant: oppido namque præerat Clicotus quidam, is in finitimis Ædvis, atque Campanis itinera obsidere, qui commeabant, eos ex insidiis aggredi, spoliare, capere, quandoque cedere, ex proximis collationes exigere, ex longius agentibus agere prædas, prorsus omnibus procul, juxtaque sitis gravis, atque terribilis esse. Sed incredibile memoratu est, quantus ex hujuscemodi latrocinis Carolo quæstus accesserit: is tantus fuit, ut ne in secundis quidem, & florentissimis rebus usquam tantum auri, atque argenti habuerit. Quæ omnia raptò ex Galliâ quæsitâ fuisse Regi, atque Annæ Matri ægrè erat: cò ad Mottam versùs missus fuerat Magalottus, qui Clicoti, atque eorum qui in præsidio erant, excursiones, & populationes cohiberet, eosdem pabulationibus, atque commeatibus quoad fieri posset, prohiberet, interea dum ad oppidi obsidionem plures copiæ, atque alia primo vere mitterentur. At quoniam haud fermè minor in oppido, quàm foris equitum, peditumque numerus erat, Magalottus hyberna munire aggressus est. Tres erant vici haud longius ab Mottâ quàm quò tormentum adigi posset positi: in his pedites, equites paulò longius collocati, dein una cura fuit, ut horum præsidiorum metu hostes oppido ne egrederentur, quod si facerent, continuo nostri hos aut egredientes, aut regredientes persequerentur, præterea ut ne commeatus ad oppidum supportarentur, quantum poterant, prohibebant.

Inter hæc hyeme exactâ, cum æstivorum tempus appeteret, tùm verò eam rem agi ferio Clicotus sensit: nam cò missæ copiæ complures, atque ex agris vicinis multi qui in operibus faciundis adjutores essent.

Castra

Castra properè magna ex parte munita, cætera rivus claudebat: dein fossæ ad oppidum duci cœptæ, atque alia quæ ad urbium oppugnationes fieri solent, magno studio administrata, nusquam aliò tantus labor, periculumque oppugnantibus fuit. Nam ab oppido despectus erat in castra, nec quidquam moveri in occulto poterat, quò facilius hostibus erat, omnibus locis occurrere, quò nostri tenderent, eò munire, & quæ idonea erant ad propugnandum maturè parare: dein ubi erumperent, quod fiebat quotidie, majori incitatione, atque impetu per declive decurrebant, quàm ut eodem sustineri, aut propelli ab nostris per acclive nitentibus possent: præterea omnis generis tela ab loco superiore emissà nostris eò gravius accidebant, ac maximè saxa ingenti cum hominum, tabernaculorum, casarum, atque ipsorum operum strage per præceps devolvebantur: sed hæc omnes asperitates, & Imperatoris, & militum virtus superavit. Ad fossæ latus perventum est denique, quo persosio cuniculi in propugnaculo, & mœnibus proximis instituti, postremò hostes postquam egregiè propugnaverant deditionem fecere. Hujus leges ab Neovillâ Villaregio latæ hostibus sunt, nam Magalottus editâ in propugnaculo, ac mœnibus ruinâ, dùm hanc propiùs inspicit, glande ictus occubuerat. Vir erat Italicus, claris majoribus, nec eâ fortunâ ad quam hunc Mazarinus destinabat indignus, nam inerat virtus, atque peritia rei militaris: ubi mortem obierat subito missus ab Aulâ Villaregii, qui rem conficeret. Clicotus cum copiis quæ oppidum defensavebant, Nonis Iulius abcessit, altero postquam oppugnari cœperat mense. Magnam per finitimas civitates de Mottâ captâ lætitiâ agitavere, quibus vicinitas hostium gravissima fuerat.

Anno proximo Gravelingam ad Oceanum positam ab Gastone captam in Belgio memoravimus. Haud procul & ad Oceanum posita est Dunkerca, portu, & civium multitudine celebre oppidum: his magna navigandi peritia, quâ freti damna Gallicis, Batavisque navibus ingentia attulerant. Gravelingam inter, & Dunkercam castellum est Mardicum, quod Albertus, & Elisabetha uxor condidère, nam navibus ab Hispaniâ, atque Galliâ venientibus ad meridiem littus legendum est, quoniam eò mare altius quàm ad septentrionem, quò multa vada cæca, atque ubi æstus decedit periculosa sunt: ut id littus esset in potestate; eò Mardicum Castellum conditum ex aggere, nec plura quàm quatuor habet propugnacula: in ipso mari Munio alia est ex materiâ paulùm ab aquâ extans, arcendis hostium navibus. Castellum id expugnare Gastoni consilium fuit, uti sibi ad Dunkercam iter patefaceret: sed ea res aspera videbatur, quoniam Colmiam amnem traducendæ erant copię, cujus vada hostes partim corruperant, alia custodiis tenebant. Ultrâ amnem omnis erat humilis, atque depressa ad Oceanum usque regio, atque ad eò paludosa, aut crebris ad exhauriendas aquas fossis interrupta: Picolominius ad Bergam Fani-Vinoci, quod est oppidum ad Colmiam, Lamboius ad Casseli-Montem æquo Colmiam inter, & Leogiam spatio, uterque cum idoneo copiarum numero stativa habebat.

1645.

Apud Dunkercam, Burburgum, & Mardicum, hæc ad lævam oppida sunt, & apud Audomarifanum quod ad dextram est, valida præsidia fuere: ita quoquò se verteret Gasto, eò hostes aderant. Primum ad Vattam duxit, sicuti aut ad Legiam amnem, aut ad Audomarifanum versus iter intenderet, dein flexit ad lævam, atque ad Lobregam venit, is ad Colmiam locus est, hostes in adversà ripà vallo muniti, ac tormentis instructi, nostri se item in suà ripà munivèrè, advectisque tormentis utrimque emissæ pilæ nihil, aut parum profecèrè. Gasto eò devenisse præ se ferebat, ut hostes stativis eliceret, atque prælio si potestatem facerent decertaret: sed hi propugnare satis habebant, neque his rem in discrimen adducere consilium fuit.

Gasto ubi nihil satis ex sententià procedit, neque se Colmiam apertà vi superare posse satis intelligit, iter ad Legiam sibi simulandum esse constituit. Tres apud Vattam Cohortes reliquerat, Villequieram Almontium quid sibi consilii sit, certiore facit, is Boloniensi Urbi atque agro præest, qui & Castrorum Præfectus, & unius turmæ Custodum Regii Corporis Dux est. Hunc ex Boloniensi agro quàm plurimos poterit pedites cogere jubet, hos ad Vattam adducat, & quas Cohortes eò Gasto reliquerat, agmini suo conjungat, cum his omnibus, quo huic edixit loco, Colmiam transire conetur: ubi id factum fuerit significationem igne faciat, quâ conspectà idem in edità apud Vattam turri fiat, præterea tribus tormentis sonitus edatur: ipse ut hostes ab Colmià averteret, & in custodiendo negligentiores faceret, multa palàm imperat, quibus univèrsis exercitus hunc consiliùm mutasse animum induceret, dein ad Peènem movit. Ubi nostri ab Lobregà digressi, Fuënsaldanius, ad Cimaius monète, ut ex nostris novissimos carperent. Claudebat agmen Gasto, qui converso gradu hostes Lobregam usque repulit: hi dum in Templo quodam propugnant, nostrosque attinent, Fuënsaldanius, & Cimaius in tutum recepèrè sese: trecenti ex hostibus cæsi, ducenti qui in Templo erant, diffisi loco: deditionem fecèrè, captivique abdueti sunt.

Intèrà Gasto progressus in planitiem, quæ haud procul Peène est, instructà acie stetit, si fortè hosti pugnandi consilium foret: quo cessante pergit ad Peènem, atque eò castra habuit. Postridiè copias in aciem educit, nam hostes apud Casseli-Montem erant, tribus ab Peène passuum millibus. Sed ubi hos suis se castris continere videt, cum duobus Sclopetariorum millibus, & equitibus mille, ad Fossam-Novam contendit, eò Munitionem quam hostes Rubeam appellant, oppugnaturus, sed qui præsidio erant, in loco diffisi maturè abscesserant. Ad hæc fossam Fertimbaltius Stampæus ab Arderà copias, quæ eò relictæ ab Gastone fuerant, adduxit: quæ res fidem majorem hostibus fecit, Gastonem ad Legiam versus ducere. In his rebus magnà partè diei consumptà, ad a Stapalem modò, quæ haud procul aberat, progressus est: postridiè eodem est commoratus, sed sub vespèram Ramlavium ad Hærbæucam, cum sclopetariis mille, & totidem equitibus ire jubet, sicuti omni exerci-

citui locum castris delecturus, atque succensis passim ignibus, & majori per milites, calonesque, quam pro numero strepitu edito, totius exercitus ad Legiam properantis speciem præbere.

Inter hæc ab Villequero significatio quam Gasto jusserat, facta, ignis suprà turrim apud Vattam visus, atque ex auditu triplex tormentorum strepitus: nam vado Colmiam, præterea passuum millia sex, quæ hostes perruptis undequaque molibus, aquis compleverant, copias traduxerat, prorsus uti miles capite, aut pectore modò ab aquis extaret, atque ægrè ad siccum perveniret. Continuò Gasto Manicampum ad Colmiam præmittit, ut Abbatissæ pontem refici properè curaret: subsequitur Fertimbaltius primum agmen ductans, dein ipse in secundo agmine Gasto, quem Gassio comitabatur: hunc ex itinere ad Abbatissæ pontem properare jubet, uti Villequero, quem ab hostibus premi non dubitabat, subsidio foret, quod ex sententiâ cessit: nam Gassio refecto ab Manicampo Abbatissæ ponte, eò traduxit quod ducebat agmen, atque Villequero ægrè jam adversum hostes numero potiores sustentanti rem in tempore adiuit. Interè Gasto quantum per locorum, quà iter habebat, iniquitatem licebat, ad Colmiam properabat, atque aliquo intervallo Ramsavius, quem longius ad Legiam versus progressum memoravimus sequebatur. Gassio atque unà Villequierus hostes coegerant ultrâ amnem, qui ad Burburgum pertinet, recipere se, quò se se obducto vallo ac fossâ munivêre, atque tormenta Burburgum advexêre. Tres erant Cohortes, atque equites quingenti: sed ubi nihil sibi ab Picolominio auxilii veniebat, abductis noctu tormentis Burburgum abscesdere tanto cum silentio, uti nihil nostri nisi adventante luce scierint. Interè Gasto plures ad Gassionem copias miserat, quibus fretus ad Lobregam quò Picolominius moverat, contendit, nam eò Ramsavius cum ultimo agmine, tormentis, atque impedimentis Colmiam transire constituerat; qui cum ab unâ parte, ab alterâ Gassio, præterea Gasto instarent, optimum factu Picolominio visum, ad stativa sua apud Bergam Pani-Vinoci regredi, neque tantò cum periculo suo Ramsavium transitu fluminis arcêre conari: nullo igitur prohibente Ramsavius super Colmiâ pontem instituit, quo traductâ tormenta, impedimenta, atque ceteræ copię sunt, atque adeò ad Mardicum via patuit.

Eò properè duxit Gasto, ac circum Castellum ita castra posita sunt. Ipse Gravelingam, Gassio Dunkercam versùs, Ramsavius in medio tendit: hæc vallo, fossâque, turribus, atque castellis munita, mare clausit Batava Classis, quæ haud procul portu in statione fuit, his rebus conficiendis dies decem consumpti. IV. Non. Quintiles fossâ ad Castellum ducere nostri aggressi. Quà Gassio, atque Ramsavius curabant, brevè ad opera quæ hostes pro Castello objecerant, perventum: in hæc ubi nostri impetum facturi videbantur, hostes propugnare posse diffisi, & ea, & ligneam quæ in mari erat Munitionem, unâ deseruêre, atque hanc incendêre. Sed ubi Castello est appropinquatum, primum ordo palorum, objectus aditu prohibebat, dein Glaciarium, & viatæta, præ-

1645.

a Viciuspont.

tercèa loca munita cum firmissimis stationibus, atque in his locis tormenta duo collocata, quæ in subcuntes nostros farraginem, aut glandium, aut ferramentorum propugnantes emitterent: ita fossiæ latus probè munitum erat, quod uti magnâ vi oppugnaretur. Gasto iussit. Cum hujus Cohorte a Vetipontius eâ die, atque eâ parte stationem habebat, Foliadæus Aubussonus item ex ejus clientibus castrorum Præfectus stationi præerat, summa rei gerendæ penes Ramsavium fuit. Tres Centuriones cum suâ quisque centuriâ præire jussi, reliqua Cohors in subsidii fuit. Ubi primùm procurrere cœpère, hostes eminùs telis, atque tormentis egregiè propugnare: nostros objecta ad Glaciarii radices palorum series morabatur, quod ubi Foliadæus, & Vetipontius animadvertere, districtis gladiis cum aliquot sclopetariis eò advolant, atque detractis palis ad fossiæ latus superato Glaciario evasere: eodè Ramsavius cum Cohortis antesignanis advénit, atque muniri locum jussit, tormenta duo quæ eò advexerant hostes in potestate nostrorum fuere.

Quà Gassio curabat, item occupatus, munitusque locus in fossiæ latere, quò quia hostes haud æquè, atque aliâ parte propugnarent, id minore negotio factum: utrobique nostri tormenta advexere, quibus vallum humilium, quod ad altioris valli radices erat, disjicerent. Id munitionis genus seu ex aggere cæspite vestito, seu ex saxo factum paulùm ab fossiæ solo extat, huic maximè defensandæ: inter hunc humiliorem murum, & murum altiorem aliquid loci est, quo miles tectus commeari, & propugnare possit. Ubi hanc humiliorem munitionem hostes tormentis corrumpi vident, metusque deditionem suadebat, hanc denique fecere VI. Id. Quint. septingenti atque triginta milites Castello discessere, tormenta in eo viginti quatuor, & quòd his tormentariæ rei ad plures annos satis esset, repertum: hostes dum Mardicum oppugnaretur, parvâ manu semel, atque iterùm ad munitiones castrorum accesserant, toties ab equitibus, qui pro vallo in stationibus fuere, pulsî. Ad amnem qui ab Bergâ Fani-Vinoci ad Dunkercam pertinet, stativa habebant, totumque muniverant amnem, id modò solliciti, ut ne hoc superato nostri Dunkercam oppugnarent. Ob hæc ab Gastone præclare gesta, decreta supplicatio est, atque in majori Urbis Templo Deo immortalis honos habitus.

Bonâ, fidelique operâ Josiæ Ramsavii Legati apud Mardicum, atque anno proximo apud Gravelingam Gasto usus fuerat: quo factum est, ut ab Rege huic Tribunatum equitum peteret: datum id & commendationi Gastonis, & virtuti, rebusque gestis hominis, qui jamdiu Ludovico XIII. Regi, & tùm Ludovico XIV. filio merebat, postquàm Gustavo Adolfo Sueciæ Regi militaverat, apud ambos Reges, atque adeò omnes magnâ bellicæ laudis famâ, nisi quòd largius vino, de more eorum qui septentrionibus subjacent, usus magnas sapiùs opportunitates rei benè gerendæ prætermisit, patriâ Danus, domi nobilis, strenuus magis, quàm felix: huic Scipionem Tribunatûs insignie Gasto vice Regis solemniter dedit. Lincum deinde Castellum per Gassionem ad

deditionem redegit: unus ad id aditus erat, per molem in media palude positam, quam plunbus locis interruperant hostes: sed eâ resectâ nostri ad usque fossâ Castellî post crebra in mole edita certamina pervenire, applicitisque ad mœnia cuniculariis, hostes dedidère sese, neque quidquam pacti Gastoni permisère, qui omnes captivos Gravelingam abduci iussit: nam postulantibus uti cum armis, & rebus suis, instructis militanter abire liceret, nihil ex sententiâ responderat. Eadem fortuna Burburgo fuit, quadringenti apud Lincum milites, duo millia apud Burburgum fuere, præterea oppidani qui centuriati essent quingenti, neque Hispani uti Linco, aut Burburgo subsidio essent quidquam movere, tametsi nostri nusquam muniverant castra: sed Gasto stativa adversum hostes haud procul Burburgo habuit, interea dum Legati cum parte aliquâ copiarum oppidum oppugnare.

His ad Oceanum gelis Gasto flexit ad Legiam, captoque ex itinere Castellî-Monte ad amnem pervenit: qui accolunt, ii nostros transitu arcere conati, fusi fugatique sunt: Eyterra, & Mervilla in deditionem acceptæ, atque cò traducto Legiam exercitu Bethuniam itum. Id parvum in Atrebatibus oppidum est, cæterum omni operum genere, præterea majorem partem palude munitum, quo laboris minus in defendendo, atque minore præsidio opus est. Sed quoniam nostri improvisò accesserant, tantaque belli moles tam exiguo loco imminabat, triduo ad deditionem qui defensabant hostes, coacti sunt: acriter in suburbio propugnare, dein compulsi in oppidum, id Gastoni dedidère, qui eâ re confectâ in Aulam rediit.

Postea loci Gassio, atque Ramsavius diversi Ilerisum, & Venantii-fanum cepere, dein rursùm conjuncti Armentariam ad Legiam venire. Hanc sex hominum millia incolunt lanificio dediti, quingenti milites præsidio erant, Legia oppidum interfuit, atque ab alterâ parte subit fossâ, altera palude munita est. Postquàm castra circum oppidum posita, atque locata tormenta sunt, nam antea deditionem se facturos negaverant, diem unum inducias postulare, intra quem si nihil auxilii ab Picolominio veniret, dederent se, atque armati agmine cum carris, atque impedimentis abirent, quod cessante Picolominio factum. Is post Gastonis ab Oceano discessum, in iisdem inter Bergam Fani-Vinoci, & Dunkercam stativis agitaverat, Lamboium modò Bethuniam versus ubi ab Gastone oppugnabatur, cum aliquibus copiis dimiserat, si fortè subsidio esse posset, dein paulò ante Armentariæ deditionem stativis relictis ad Ypras moverat, quò deducti sunt ii, qui Armentariæ præsidio fuerant.

Armentariâ deditâ Gassio, atque Ramsavius ad Insulam versus Urbem movere, certiores facti complures hostium copias in suburbis esse, quibus per oppidanos oppidum ingredi non licebat: cò spem nacti si parum concordantibus intervenirent, rei bene gerendæ, appropinquant Urbi: sed Insulani ubi ab hoste incessit metus, militem qui Urbem defenderet, mœnibus recepere. Itum deinde ad Menenem infirmum, at opportunò loco positum ad Legiam oppidum: id facile captum, atque

1645.

impedimenta, & quod gravius erat, eò cum idoneo præsidio relictum, agmen sicuti necesse erat per media hostium præsidia expeditum Gandavum versùs processit. Inter Gandavum, & Oceanum Henricus Nassavius Arausiorum Princeps cum Sociarum Civitatum cui præest exercitu magnam æstivorum partem triverat: seu regio fossis, atque æstuariis concisa, præterea Beccus, atque Carolus quondam Lotharingiæ Dux quo minùs quidquam operæ pretii faceret, impediverant: seu sicuti usque ab principio initæ ab Ludovico XIII. cum Sociis Civitatibus de bello adversum Philippum gerendo societatis plerumque fecerat, nihil movere voluerat, contentus ducto in eam regionem exercitu aliquam hostium distingere manum, ut ne Gastoni magna Dunkercam versùs hostium memoravimus molienti cuncti intervenirent, præterea navibus Batavis quæ in hac orâ fuere, ejus conatus adjuvare, quod certè haud exiguum fuerat. Sed re ab Gastone, dein ab ambobus post ejus discessum equitum Tribunis benè, feliciterque gestâ, hi mutua Henrico, sicuti cum eo convenerat, operam dare jussi ad eum expediti properavere. Nuntiatum fuerat Carolum Lotharingiæ quondam Ducem haud procul Gandavo habere castra, cui nostri de improvisò intervenire conati frustra fuere, nam itineris duces ab viâ quæ eò ducebat aberravere: quo factum est, ut ille de nostrorum adventu certior factus Brugas abscederet, impedimenta Gandavum quò brevius iter erat, raptim adheherentur, ex iis tamen quidpiam nostri carpsere, ducentique in via morati milites capti.

Gassio, atque Ramsavius ubi ad fossam quæ ab Gandavo ad Brugas pertinet perventum, eò stativa habuere, atque misere ad Henricum, qui certiore faceret eos adesse cum omni exercitu regio, ut hujus commodis fervirent. Ad Ostekeloom tum habebat castra, nostri interea ad fossam quædam castella cepere: dein ubi propius Henricus accesserat, Gassio, atque Ramsavius hominem tot rebus gestis clarum, atque veterem Imperatorem adiere, concilioque habito decretum, ut Henricus fossam, dein Legiam, & utrumque Scaldim exercitum traderet, atque in eo huic Gassio, atque Ramsavius cum exercitu regio adjutores essent. Ubi Henricus ad fossam venit, ibi exercitus cum regius, tum Sociarum Civitatum conjuncti iere, Legiam primum, dein minorem Scaldim, haud procul Gavere vico, Gandavum inter, & Aldenardam, postremò majorem Scaldim ad Vetterem, & propinqua loca transiere. Hic major fuit labos, periculumque, nam hostes duce Becco aderant ex adverso, atque acriter pugnabant: sed vulnerato Becco, atque abscedere coacto cæteri pulsi, aut dilapsi: ubi Henricus ad Vacsem agrum quò intendebat, pervenit, ac nihil tum nostrorum operâ eggebat, hi ad Menenem rediere. Henricus Hulstam oppidum oppugnare est aggressus, id & validum, & magnæ Henrico opportunitatis futurum erat, sicuti vicinas Antuerpas, Urbem totius Belgii longè celeberrimam, atque opulentissimam, & venientibus ab Oceano navibus aditu facilem oppugnare consilium foret. Ibi verò Hispani sensere, quàm pulchrè Gallia, atque

Sociæ Civitates toto hoc bello processerant, quibus tùm id seorsim, aut conjunctim porro gerere copia foret, nihil deinceps prohibente hostili qui inter utroscque jacebat agro.

Postquàm copix ad Menenem redierant, Gassio id oppidum, Comenam, & Armentariam munire instituit, ut hic Legiæ annis tractus esset in potestate, atque nostris porro Sociarum Civitatum copiis conjungi copia esset, quod utrisque maximo usus futurum erat. Interea Ramisavius tametsi artivorum tempus exierat, Lensium, Sclusiam, atque Arleuxium duxit, quæ loca huic haud difficulter dextera sunt: dein nihil deinceps moturos hostes, neque quidquam ut anni tempus erat sibi moriendum ratus Regis voluntate ad Urbem rediit: Rex & Gassionem jussit eodem venire, uti de hybernis cum eo consultaret, quoque pacto per eorum tempus copias aleret, quàm minimo suo, ac si fieri posset majore hostium sumptu.

Jam ab stativis quæ apud Varnetonem habebat, Gassio profectus Bologniam advenerat, cum & ab Aulâ, & ab stativis nuntiatum est, hostes quidpiam moliri per ejus absentiam: hic ad stativa maturat redire, quod ubi advēnit, hostes ad Curtracum copias omnes in unum conducturos per exploratores cognovit, ut inde quæ nostri ad Legiam annem occupaverant oppida, ea tentarent, ac maxime Menenem. Carolus Lotharingiæ quondam Dux, atque Picolominius cum octo armatorum millibus ab unâ, Fuensaldanum cum decem millibus ab aliâ parte eo properabant accedere, uti nostros necopinantes in stativis opprimerent. De mediâ nocte Gassio Varnetone movet, cum septem armatorum millibus, atque ad planitiem quæ inter Ypras, & Curtracum posita est, contendit, quâ Fuensaldanum transitus erat: eodem & properavit Quincæus maturè ab Gassione venire jussus, is castrorum Præfectus Ramisavii copiis per ejus absentiam præerat, & apud Marvillam atque Eytterram stativa habebat. Qui ubi post paulò Gassionem ad planitiem venit, ac speciem ingentis exercitus, neque certè exiguius fuit, Fuensaldanum præbuit: ibi verò hic qui ab Ypris aliquantùm processerat, subito eodem versus convertit iter, ac sub ipsis Urbis mœnibus instruit aciem, ut ab ipsius tormentis tota protegeretur; suprâ proximum collem Cohortes quinque, tormenta septem collocat: quod ubi cognitum Gassioni, non fuit consilium adversum hostem iniquo loco prælium facere, atque adeo in stativa ad Legiam rediit.

Pigebat Gassionem nullam fermè ob rem ad exercitum rediisse videri, nam hostes ab inccepto quod ad Legiam moliebantur, prohibuisse pro nihilo habebat. Itaque Bergeræum fratrem unius equitum Alæ Tribunalis, & qui omni equitatu in eo exercitu præerat, Ypras versus ire jubet cum equitibus quinquaginta, & Sclopetariis item equitibus quadraginta, is stationes equitum qui haud procul oppido fuere propellit, dein ultra pergit, atque in alios hostium equites incidit: hi in insidiis collocati fuerant, atque uti res occultior esset, equos dimiserant, sed hi nihilo secius ab Bergeræo cæsi, capti, aut fugati: jussus erat captivos

adducere, uti Gassio de hostibus certiora percunctando cognosceret: quos ubi variis locis diversos agitare accepit, nihil admodum quid ipse moliretur sollicitos, eò sibi rei benè gerendæ occasionem dari est arbitratus. Primum non iis quibus apud Varnetonem præerat, copiis sibi initium rei faciundum esse constituit: nam si quid in suis castris moveri hostes sentirent, continuò sibi consilium capturos. Igitur quas copias Ramsavius ducere consueverat, eas Villequierum Almontium ad hostes versim ducere jubet, huic viarum gnaros adhibet, ipse cum Bergeræto fratre, atque omni equitatu subsequitur: serius Potierus Gesværus Varnetone cum cæteris copiis movit, consistere ante Ypras ubi eò advenisset, iussus, si quid inde subsidii hostibus submitteretur, prohibetur, aut si quid nostris durius præter spem accideret, iis præstò adfuturus. Apud Alveringam, & alia circum loca hostes agitabant, quibus quoniam nostri ex improvviso intervenerant, magnum terrorem injecere: sex Cohortes erant, quinque equitum alæ, atque alie Lamboni copie, quibus Terlonus Marchio, & Ramsavius Tribunus præerant: pedites propè omnes cæsi, pauci in sylvas, aut Ypras diffugere, equites plerique ad Neoportum, & Hunsicotam intendere fugam, Terlonus ad Casseli-Montem receptum nuper ab hostibus profugit, milites quingenti, equi mille ducenti, novemdecim peditum, octo equitum vexilla, atque omnia impedimenta capta: quæ quoniam advehere importunum erat, atque difficile, pleraque cum ipsis carris igne absumpta, cætera militibus prædæ fuere, quæ bene multà aucti ad reliqua militiæ munia alacriores fuere. Qui è nostris ad Casseli-Montem capti nuper ab hostibus fuerant, ii dum cuncti ad pugnam intenti essent, maturè dilapsi, unus modo Præfectus Arquiemus Comes diligentius asservatus haud eadem fortunâ usus est. Ubi Menene ab nostris capta fuerat, continuò Gassio apprimè gnarus earum rerum, quæ homini militari quæstui esse solent, hanc permuni-re aggressus erat, quò factum est, uti brevi validissimum esset oppidum, quo fretus omnia circum loca redimendis populationibus Curtracum, Brugas, Gandavum, Tornacum usquè sibi stipendiaria fecit.

Le Comte
Arquiem.

Sed hæc præclarè in Belgio gesta; gregarii unius militis proditione corrupta sunt: is erat in præsidio apud Mardicum, cui fortè cum hastato ejusdem centuriæ jurgium fuerat, in quo indignè habitus ab eo, id factum tam violenter tulit, uti privatam injuriam vel cum rei publicæ damno sibi vindicandam decreverit. Nuper abierat per causam valetudinis Clanlevius Mardico Præfectus, quò cuncta eo socordius agebantur: exiguum Castello præsidium, dilabentibus in dies ob stipendii inopiam, Præfectique absentiam militibus: quò fiebat ut interdum rare stationes essent in his quæ foris erant munitioibus, noctu vix in Castello ad excubiarum vices milites sufficerent: eò vigiliæ laxius, longiusque inter se positæ locum dolo faciebant. Interea gregarius quem diximus miles ad hostes Dunkercam transfugit, Præfectum quo loco apud Mardicum res esset, ordine edocet, nihil facilius esse, quam Castello potiri. Hic primò rem incredibilem ratus, parvi pendere quæ ab perfugâ dicebantur,

Le Marquis
de Clanlev.

cebantur, dein ubi percussando haud levem, & vanum esse videt, proximâ nocte rem aggreditur, atque ex sententiâ conficit: tantisper ab his, qui Castellum defendebant, est propugnatum, mox per ea spatia quæ vacua defensoribus erant subeunte hoste, cæsi, captive omnes, qui quadringenti omninò fuere. Ex Hispanis viginti modò milites desiderati: ita quod fuerat magno sumptu, ac labore per hæc æstiva Castellum captum ab Gastone, id ab Philippo facilè unius nebulonis proditione receptum est.

Dum hæc in Belgio quod propiùs fines nostros est, geruntur, Arausius quâ ad Batavos pertinet, Hulsam de quâ suprà memoravimus, ad deditionem redegit. Hujus quas tulit condiciones acerbiore vixit, quàm ut Ludovico, atque Annæ matri probarentur: nam Sacra posthâc in oppido publicè Catholico-Romano ritu fieri vetuit, quò adhuc facta fuerant. Id igitur apud Arausium, & Socias Civitates exposulavere graviter, atque docuere id contra fœdus esse, quo cavebatur nihil in Belgio quod ad Sacra attineret, mutatum iri: præterea id Sociis Civitatibus fraudi futurum, nam omnes Catholicos pertinaciùs posthâc propugnatos, ubi se non minùs pro aris, quàm pro focis bellum adversum eas sibi defendendum esse intelligerent. Sed neque fœderis religione, neque tanti Regis autoritate aut Arausius, aut Sociæ Civitates ab sententiâ deduci quivere; rarè enim aut hæ, aut Succi quæ ad Sacra pertinent, in iis fidem nobis præstitere, aut quod fœderibus cautum erat, eò steterè.

In Germania initio hujus anni Turena varia sese moliri simulans, Baioaros adducit, item Carolum Lotharingum, ac Gleenem, qui in Vestfalia quibusdam, sicut antehâc diximus Imperatoris copiis præerat, ut ad Rhenum, & Mosellam propiùs accederent: hi duo qui cis Rhenum tùm fuere, Baccaram in Agro Palatino oppugnare sunt aggressi, sed appropinquante Turenâ inceptum omisere. Turenâ verò Creutznacum oppugnavit, arcem scilicet, nam oppidum haud satis firmum qui foris plus potest, facilè occupat: arx edito loco sita, cui oppugnandæ decem dies consumpti, importuno ad Tormenta, cæterasque Machinationes moliendas loco; postremò cuniculo subtràs murum aëto, qui in præsidio erant, deditionem fecere: dein Arx & oppidum Philippo Ludovico Palatino Lautereno cujus dudum fuerant, ab Rege reddita sunt.

Anno proximo exeunte Leonardus Tortensonus qui Succis in Germania bellum gerentibus Imperator erat, Austriacorum copias quibus Ekenfordius præerat, ipso Duce, atque aliis compluribus captis, cæssive fuderat: dein ipsum cum universò Imperatoris exercitu Galassum aggressus, atque acriter persecutus, hunc Magdeburgum ad Albim compulerat, uti castra sub ipsis mœnibus ponere cogeretur: nam qui oppido præerat, id ingredi prohibebat, neque commeatu juvabat, metuens videlicet utne sibi ipsi in Urbe deficeret. Tortensonus omnia circum occupaverat loca, atque hostem omnium rerum inopiâ ad deditionem redigere parabat.

1645.

Galassius sub Magdeburgi mœnibus communiverat castra, tempus trahere certus, quod interea terere Tortenſonus in ſegni obſidione cogebatur : ſed huic perſequendæ Coniſmarcum cum idoneo Suecorum numero, & Geiſum cum Haſſis auxiliariis reliquit: ipſe majora agitando in Boiohemum duxit, captiſque per Legatos quos præmiſerat cum expeditionibus copiis Præſtnitzio, & Creuſenheimo, omni Boiohemi Regno imminere videbatur. Quod ubi Ferdinandus videt, ſibi in ſuo bellum defendendum, quod uſque in alieno geſtum fuerat; ibi verò ſibi maturè conſulendum eſſe conſtituit. Eà cauſa ad Maximilianum Baioariæ Ducem mittit, qui auxilium peteret: datum eſt Joanne Vertio duce, qui cum tribus equitum millibus, paucioribus verò peditibus ad Ferdinandum contendit. Item ab Uladiſlao Poloniæ Rege uti ſibi neceſſario maximè tempore ſubveniret, enixè poſtulaverat, ex nupere affinitatis memoriâ: ſed ille ad ſecundas cum Gallicâ virgine primaria nuptias animum adjecerat, neque adeò conſilium erat, adverſum nos, aut Suecos bellum ſumere.

Racocium Tranſylvaniæ Principem antehac memoravimus adverſum Ferdinandum Imperatorem in Pannonia, ſeu Hungariâ bellum ſumpſiſſe, ſeu prædandi, ſeu quidpiam in hac regione adipiſcendi ſtudio, quam multis, ſed nuſquam ſatis inſtructis copiis fretus longè, latèque populabatur. Ei rei idoneus erat Racocii miles, nam plerique equites erant, leviter armati, pedites inermes, neque ulli ad Urbium oppugnationes uſui: cò ſibi arma his peditibus, quin & equitibus danda, atque his veteranos aliquot adhibendos, ac propterea propius Racocium accedendum eſſe Tortenſonus conſtituerat, ut hominem in ſententia confirmaret, atque beneficiâ ad gerendum porrò bellum accenderet. Sed huic tardiùs iſthuc in mentem venit: nam barbarus ingenio mobili, atque inſido, de pace apud Ternavium in Pannonia regia cum Ferdinandi Legatis agebat, quâ denique ſancitâ Ferdinandus ab eâ parte belli vacuus, cò attentius id in Boiohemo deſcendere aggreſſus eſt. Igitur a Goeutiſum ab Pannoniâ cum aliquanto copiarum numero acceſſit, ipſe Pragam petit, Leopoldum omni exercitui præſcit, huic b Haſfeldium legat Galassi loco, ſtrenui magis, quàm feliciſ. Hunc ex adverſarum rerum tædio, atque dolore apud Magdeburgum detinebat morbus, in ſtativis miles partim abſumptus inedia, alii diſlapſi quâ hoſtium cuſtodias fallere copia fuit. Poſtremò ubi Albis per hyemem glaciem multam rapido impetu volvere cœperat, atque earum vi corruptis ſuprà, atque infrâ Magdeburgum pontibus, Suecis amnem tranſire copia non erat, Galassius quod reliquum ſibi copiarum fuit, Albim traduci jubet, uſ qui apud Urbem ſunt, pontibus. Trans Albim pauciores erant hoſtes, neque eâ tranſituros Auſtriacos ſuſpicabantur, atque adeò cuſtodias agebant negligentiùs: præterea primâ nocte Auſtriaci proſecti erant, quo tempore blandiùs obrepat oculis ſomnus, aut ſi qui fortè vigilarent, eorum obſtrepebat auribus ſtumen, quò factum eſt, uti nihil de hoſtium proſeſſione, aut Sueci, aut Haſſi ſentirent, uſque

a Goeutiſ.

b Haſfeld.

dum lux nudata defensoribus castra patefecit. Continuo abeuntes sunt profecuti, qui cum multum itineris anteceperant, incolumes Vitembergam primum, mox in Boiohemum pervenere. *a* Hoensleinus ducabat agmen, simul duodecim Tormenta advehébantur, Galassius Magdeburgi cum faucibus, ægrisque, ipse corpore, atque animo æger restitit, major tamen Austriaci eâ castrorum obsidione, quam prælio quantovis clades illata.

a Hoenslein.

His eo modo dilapsis, ad alia quæ usui forent, Conismarcus atque *b* Geisius qui Succis, & Hassis sicuti supra diximus duces erant, animum adjecere, atque alius aliud movere. At Tortenfonus in Boiohemum ad Moldam amnem magnis itineribus properabat, viginti hominum milia, majorem partem equites, Tormenta octoginta, commeatum affatim, jumentorum, atque carrorum ingentem numerum ducabat, atque id per hyemem fiebat, rem majoribus nostris insolitam, sed hæc tempestate ab Succis facilitatem, quæ ad Septentriones agitantibus remissiora in Germania frigora videntur. Is apud Orlicum copias Moldam traducit, atque in Moraviam ducere velle visus est, cum ut Olmutzii obsidionem solveret, tum ut propior Racocium fieret, atque hunc posthabitâ pace ad bellum denuo adversus Ferdinandum gerendum impelleret, doceretque facile futurum Viadanâ ipsâ validissimâ atque munitissimâ, & ipsius Ferdinandi sede potiri, si ambo congruerent inter se, atque alter cis Danubium, alter trans flumen poneret castra, atque urbem ferro, ac fame urgerent.

b Geis.

His uti præverterent Austriaci, ad Taborem oppidum castra habuere, dein præmissis cum trecentis equitibus Sporkio, qui de hostibus cognosceret, ad Miltzinium vicum, dein Janovisium movere. Eo Sporkius ab equitibus Succis trecentis malè habitus rediit, atque hi vicissim cum in omnem hostium equitatum incidissent, malè habiti, pulsique. Ad tumultum, & clamorem suorum Tortenfonus cum omni exercitu accurrit, cumque eodem advenisset omnis Austriacorum exercitus, utrique instruxere aciem, atque intenti signum expectabant pugnae, quæ tamen in crastinum dilata est, nox curandis corporibus, atque quieti data.

Postridiè ubi illuxerat, Tortenfonus collem qui utrique exercitui ab latere erat, occupare constituit, idem Goeutzio in mentem venerat, atque equites qui in cornu dextro hostium erant, eò ducebat: sed collem prius occupavere Sueci, dispositisque in eo Tormentis, tantam in advenientes Goeutzi equites edidere stragem, ut ipse maturius quam decreverat, pugnae initium facere cogeretur, ut ne sui inulti, ac nullo operæpretio facto sædè perirent. Igitur signo dato procursum utrimque ab equitibus est, ita ut Austriaci magis impetum Succorum sustinerent, quam ipsi facerent: conturbati tamen sunt Suecorum ordines, & si institisset hostis, vix restitui potuissent: verum eo cessante, quoniam quod in animo habuerat, Suecos videlicet sustinere, id egregiè perfecerat, spatium his sese colligendi dedit. Hi tum ferociore quam an-

1645.

a Mercy.
b Jean de
 Verr.

tehac, multo majore impetu in Austriacos decurrere, qui tùm iis impares caeli, fusi, fugatique sunt, ipse Goeutzius Tormento ictus interit, cujus corpore, spoliisque Sueci potiti, præterea Tormentis novem, carisque compluribus. Dein sinistrum hostium cornu procurrit, Baioari, Saxonesque auxiliares fuere, illis *a* Mercius, *b* Vertiusque præerant, atque in hoc cornu Hasfeldius erat, penes quem summa imperii in eo exercitu fuit. Ab dextro Suecorum cornu contra procursum, sed quo in loco congressæ acies, is adeo fuit angustus, ut Austriaci pedites sui nulli usui essent, implente omne spatium equite, quos si in aciem educere copia fuisset, haud dubium est, quin dextrum Suecorum cornu eandem, quam dextrum Austriacorum, fortunam fuisset habiturum, ac par utrimque clades extitisset: nam Vertii, atque Caselfi alæ in duas Suecorum Cohortes investæ, Tribunum unum, atque Centuriones aliquot ceciderant, & vexilla novem ceperant, Saxones item undecim, sclopetarii equites Baioari duo Suecorum equitum vexilla, neque aliâ re Austriaci quàm crebris Tormentorum ictibus tùm pessimè habiti magis, quàm victi recessere. Medium diei erat, cùm utraque acies velut ex composito quievit: dein Hasfeldius ordines restituit, cornu quod reliquum erat sinistrum, in duas dividit partes, atque ex uno duo cornua facta: Sueci rursùm ab sylvâ quæ ipsis pro muniment., atque castrorum loco erat, rursùm hostibus imminet: primum animo pari, atque æquis viribus res geritur, dein plerique Suecorum cæsi, Tormenta omnia, atque impedimenta capta, reliqui Sueci retrò concedebant, cùm Hasfeldius suos ab prædâ continuit, utne solutis ordinibus sese opportunos præberent hosti, ac propè partem victoriam corrumpere.

At qui in sinistro Suecorum cornu pugnaverant, ubi aliquamdiù dextros hostes fucrant insecuti, neque assequendi ulla spes erat, ad prælii locum rediere, quod ubi suis adversum vident, continuo ipsi pugnam excipiunt, datoque illis aciem restituendi spatio, postremo una omnes tantâ vi in hostes illati, ut hos in fugam conjicerent, quæ in proxima oppida fuit. Præter Goeutzium in eo prælio *c* Broaius Comes, alique cecidere. Captivi insignes fuere Hasfeldius ipse, *d* Valdecus Comes, Mercius, *e* Saradesquius, *f* Conigfecus Comes, Trautnifius, Meuter, equitum, atque gregariorum militum numerus ingens, Tormenta omnia, impedimenta, & commeatus capta, multa caesorum spolia, multa militaris prædâ: nec parvo ea victoria Succis constitit, *g* Mortanius, Vitembergus, *b* Gollsteinus, *i* Duglasius, multi præterea milites in re tam variâ atque asperâ desiderati: neque enim usquam tam anceps fortuna, aut quam in partem inclinaret, tamdiù incertum fuit.

Ab hac pugnâ victor Tortensonus Danubium versùs ac denique Viadanam duxit, quò ab Pragâ Ferdinandus maturè redierat: haud procul mœnibus Sueci stativa habuere, intercedebat Danubius nivibus, atque hyemalibus aquis præter solitam altitudinem immensum auctus, quem adeo superare Tortensono nulla facultas erat, quæ res modò post tantam cladem Ferdinando salutis fuit. Sed quæ hoc anno Sueci in Ger-

c Le Comte
 de Broiay.
d Le Comte
 de Valdec.
e Saradesqui.
f Le Comte
 de Coniesec.
g Mortagne.
h Gollstein.
i Duglas.

maniâ præclare gessere ea longius commemorare non est consilium, id modò in tantâ copîâ visum dignissimum, quod scriberem, neque ab rebus nostris alienum, quibus videlicet belli societas, sædusque cum illis dudum intercedit.

Ubi Austriaci fusi, fugatique apud Janovisium sunt, auxiliares Baioari duce Vertio in hyberna rediere: hæc in Vitembergenfî agro per viços, & oppida habuere, quibus hæc cura singularis fuit, ut ne Galli, & qui his conjuncti fuere Germani quidquam ultrâ Rhenum operæpretii facerent, aut quid sibi agri, solive caperent, quò deinceps hybernare possent. Ita Baioari nequaquam Austriacis in Boiohemum subsidio venissent, nisi Turenâ nihil per hyemem moturum, neque Rhenum copias traducturum satis scivissent: nam cis Rhenum hybernabat, neque nostri ad hyernas expeditiones prompti, aut idonei sunt. Sed exeunte Martio Turenâ Rhenum ratibus junctis Spirâ haud procul exercitum traduxit, dein per Badensem in Vitembergensem contendit agrum, uti Nicro amne superato in Sueviam, & Franconiam veniret, quò Germanis auxiliariis copias idoneo hominum, eorumque numero explere facultas esset. Interea Mercius quem ab Suecis in nupero prælio captum diximus, pretio ab his dimissus ad Baioaros redierat. Qui ubi Turenâ Rhenum transierat, omnibus copiis in unum coactis itinera quâ nostris transitus erat, obsidere, dein metu deferere, atque in montes abscedere, postremò Nicri transitu prohibere conari: hunc ad Canstattum Turenâ tentaverat, stabat ex adverso Mercius acie instructâ, quâ re animadversâ Turenâ haud satis tutum ratus in conspectu hostis transire animum, id paulò inferiùs apud Morbacum fecit, prohibens nullo, seu fefellerat hostem eâ transituros nostros, seu haud ita facile fuit apud Morbacum, ac apud Canstattum arcere nostros amnis transitu: dein Turenâ Halam contendit, oppidum sibi, atque hosti juxtâ opportunum: sed eò Turenâ prior advenerat, quò factum est, ut primum hostium agmen, cum jam oppidum in conspectu esset, retrò iter flectere cogeretur.

Halâ prohibitus hostis ad Elvangam properat, quò & Turenâ Rosam Tribunum cum equitibus contendere jubet, si fortè antevertere posset. Sed hostis priùs advenerat, atque occupatâ Elvangâ communicabat castra, quæ res indicio erat, eò stativa habiturum, neque huic consilium esse prælii fortunam tentare. Turenâ tamen relictis Halæ Tormentis, gravioribusque impedimentis, levi, atque expedito agmine Rosam quem ad Elvangam versùs præmiserat, est subsecutus, ut hosti pugnandi potestatem faceret, aut abnuentis exploraret si quo modo castra oppugnare posset. Sed ea res visa difficilior quàm ut hanc aggrediretur, itaque aliò movit, quò & fessis itineris labore copiis quies, & equis quæ circum Elvangam decrat, pabuli copia foret: cum haud procul hoste iter fieret, equites multa, & levia prælia inter se fecere, capti utrimque aliqui: post ubi Turenâ in Franconiam diverterat, atque alter ab altero exercitus longius absuit, per exploratores, atque captivos

1645.

Turena rescivit, Mercium reficiendo militi copias alias aliò dimisisse, atque tunc cùm maximè hostes sub tectis quietos agitare. Jam pridem auxiliares Germani ut idem sibi facere, atque explendis copiis operam dare liceret, Turenas fatigabant, qui denique iis quoniam tùm opportunum videbatur, morem gessit. Vnicuique igitur equitum alæ loca idonea, atque commoda decrevit, haud longè inter se diffusa, ut si opus foret, propere conjungi possent: ipse cum peditibus, Tormentis, atque impedimentis, paucisque equitibus apud Mariendalium oppidum inter ea loca medium castra habuit, uti quoquò versum adveniret hostis, æquè obvios haberet equites, ab quibus significatione factâ eò ab omnibus aliis locis concurreretur: sed ea probe consulta, atque constituta properantiùs quàm Turena ratus erat, adveniens hostis conturbavit. Is inter equitum præsidia nihil his sentientibus ad Mariendalium accedebat, cùm Rosa fortè quid ageretur edoctus, suam, atque Vitgeinstini equitum alam, simul & peditum manum Rotemburgo educit, Turenas quò hostis tendere videretur, certiora facit, ad maiorem equitum stationem adversum hostes collocatam interea procedit, illos paratos atque intentos esse, atque partem eorum se subsequi jubet: dein Creifheimum versum progressus in colle quodam leniter in planitiem proximam declivi substitit: eò cunctos hinc inde adventantes ad hostis famam excipit, instruitque, donec Turcna cum equitibus pedite subsequi iusto eodem advenit. Is ubi hostium cursores planitiem ingredi videt, optimum factu ratus sylvam quæ ab dextrâ erat, occupare, eò peditatum omnem collocat, cum tribus equitum alis, id cornu dextrum fuit, unam modò peditum manum sibi retinet cum cætero equitatu, quod cornu sinistrum fuit, & quoniam locus haud iniquus videbatur, nequedum omnes copiarum convenerant, eò opperiri hostem, atque rem sustentare decrevit.

At Mercius ubi quos diversos sub tectis sese facillè oppressurum crederat, eos convenisse, atque in acie stare instructos videt, paulisper substitit, atque aciem instruit: dein dato utrimque pugnae signo Tormentis nostros colle pellere tentat: quod ubi parùm procedit, sensimque Turenæ copias aliis aliò ex præsidis quò fuerant dimissæ advenientibus crescere animadvertit, veritus ut ne quo valebat majori numero, is denique æquaretur, adversum collem aciem erigit: pedites, & quod firmissimum inter equites erat, in cornu sinistro uti nostros saltu dejicerent, collocat, cæteros equites in dextro, quod ubi propius nostros accessit, Rosa cum suis è superiori loco procurrens torrentis modo in eos præcipitavit, qui conturbatis ordinibus loco cessere, & in eo congressu vexilla sexdecim amiserunt, ex quibus duodecim postea recepere: nam in saltu longè diversa nostris fortuna fuit. Principio pedites rem egregiè gesserant, neque prius sclopetis miserant glandes, quàm ex iis jam propinquo hosti certam perniciem adesse intelligerent: sed primis eà peste absumptis, cæteri per eorum corpora vadere, acriter oppugnare saltum, atque vi tantà agere, uti nostri loco cederent: qui in subsidiis erant

equites, ii saltum ut impetum hostium inhiherent ingressi, primùm eos arcere, atque pellerè, rati interea pedites ab omni alià curâ vacuos ordines restitutos, sibi vicissim fore subsidio: dein ubi in his nihil erat præsidii, pluresque numero hostes acrius instant, ipsi perindè, atque pedites abscèsere. Præter cornua duo, quibus plerumque apud Germanos acies constat, tertiam aciem Mercius instituerat, ad quam his qui in cornibus erant, si fortè quid durius accideret, receptus foret: id us qui in dextro fuerant locati, planè accidit, qui ubi ad tertiam aciem confugère, nihilo segniùs Rosa & eos qui fugerant, & qui ab se integri etiam tùm erant, acrius urgere, ac penè victos dare, cùm hostes qui nostros saltu dejecerant, atque fugaverant, ab latere, & ab tergo ipsi, atque his qui unà Mercium, & Baiaros eà parte pessimè habebant, intervenire. Ibi vero mutata rei facies est, ac nostri vicissim malè habiti: ipsè Rosa dùm sustentare suos, & propè jam adeptam victoriam retinere cupit, circumventus ab hostibus capitur, item Schmitbergus castrorum Præfectus, Lametus, atque Passägius, alii præterea capti, cæsi que.

Inter hæc Turena more, institutoque suo strenui militis, & boni imperatoris officia simul exequabatur, quæ ubi frustrâ esse, res afflictas, seque cum paucis relictum videt, memor eorum qui tardius stativis egressi non adfuerant pugnx, horum simul, & suæ salutis consulere optimum factum est arbitratu. Itaque per eum qui intercedebat saltum, ad Mariendalium contendit. At hostium equites id facturum suspicati iter infederant, quos per Mepasium, qui Oïsonvillæ equitum alæ præerat, abigit: is cum centum modò equitibus hostes numero plures adortus, ad eum usque collem, in quo malè ab nostris pugnatum fuerat, pepulit, dein Turenæ aliquandiù ab hostibus quies fuit. Ubi Mariendalium advénit, omnibus copiis in unum conductis impedimenta præire, dein agmen subsequi jubet: tùm omnis hostium exercitus in proximis montibus visus, unde sibi periculum adesse ni provideret, probè sciens, qui pugnx non adfuerant, atque adeò integri, neque labore fessi erant, eos in postremo agmine collocat, uti vim hostium sustentarent: id maxime necesse erat, propter viarum angustias, quas dùm primi evadunt, postremi instructi, paratique steterè in acie, atque hostem subeuntem tantâ vi arcuere, vti segniùs posthac consequeretur: Turena eà parte curabat, sibi res asperiores sumere solitus. In hoc postremo agmine Guidonis * Arbalesti Meloduni Vicecomitis cohors fuit, qui dùm crebrò ad hostes se suosque convertit, atque egregiè propugnat, ab illis cæsus occubuit. Tres horas Joannes Vertius haud cessavit carpere agmen, dein ubi magnâ vi nostri resistunt, finem denique sequendi fecit: quo factum est, uti nostri per otium Mænum amnem postea transirent, atque in Hassiam pacatam Sociorum regionem pervenirent, nam eò usque in hostico iter fecerant. Cum Turena equitum duo millia fuerunt, pedites aliquot, cum magnâ impedimentorum parte, namque alià parte, ac sex Tormentis minoribus hostes potiti fuerant. Equites mille ducenti, &

* Arbaleste, Vicomte de Melun.

1645.

quadringenti equites sclopetarii qui pugnae non adfuerant, sese Turenæ conjungere, ac denique pedites complures qui fortè longius aberant ab eo quo pugnatum fuerat loco, ubi rem nostris fecûs cessisse nuntiatum, Philippiburgum versùs iêre, dein ad Turenam reversi sunt.

At Baioari hoc operæpretio factò tantisper quieverunt, dein Geinsheimum ignobile oppidum ad ditionem redegêre, præsidio quod in eo erat Oppenheimum dimissò. Postea loci Hoxtam ad Mænum amenè movere, id Moguntinae ditionis oppidum est, positum infra Francofurtum, atque eò traductis Mænum copiis, cum Archiepiscopo Moguntino Imperii Septemviro Mercius, atque alii duces de belli porrò gerendi summâ consilium habuêre: decretum ut Hassos qui circum Ameneburgum habebant castra, atque oppidum commeatu prohibebant, quam primum inde pellerent.

Amelia Elizabetha Hassiæ Langraviam quæ per filii pueritiam in Principatûs procuratione erat, ubi Turenæ, atque Gallorum cladem acceperat, neque in eorum reliquis, quæ apud se erant, copiis satis sibi præsidii esse videt, adversum Mercium, & victores Baioaros, Conisemarcum cum eo quem seorsim ab Tortensono Suecorum ducibat exercitu, maturè accersiverat. Hæc mulier ex Hannauvii Comitum gente est, omnibus quæ Principem sceminam deceant, virtutibus ornata, quæ sola ex multis Germaniæ Principibus in fœdere, & belli societate cum Gallis, Suecisque permansit, quam ceteri metu, aut fluxâ fide usi deservêre.

Baioari primùm Turenæ equites qui turmatim in locis Hassiæ apertis alii aliò agitabant, improvisò adoriri tentavêre. Sed hi maturè Casselæ, & Zigenhaimum sese receperant, dein pulsî qui circum Ameneburgum erant Hassis Kirchaimum vetustis modò mœnibus, neque ex hodiernâ disciplinâ munitum oppidum triduùm oppugnâvêre: mox veriti ut ne Galli, Sueci, atque Hassi subsidio venirent, incæpto destitêre, & ad Asciburgum movêre: hic locus ad Mænum amnem est, quò stativa habuêre, pons flumini impositus traducendi copias, si hostis adveniret, facultatem dabat: dein hoc si opus foret interrupto flumen pro munimento habituri erant. Interea quæ ab Magdeburgo clapsæ sicuti suprâ diximus Austriacorum erant copiae, eas cum Sparro qui his præerat, præterea alias aliò ex Franconiâ, Vitembergensi agro, Vestfaliâ, atque ex omnibus quæ haud procul aberant præsidii, accersere visum: nam Angianum ab Galliâ cum novis copiis adventare fama erat, quo Imperatore nullus Germanis, atque Hispanis terribior usquàm fuit. Is coactis haud longè ab Viroduno copiis, iisque centuriatim, atque turmatim recensitis, quæis numerus peditum, aut equitum defuit, eas cæteris supplemento esse iussit, duces, & centuriones illarum exautorati, dein evocatos Nancio, atque aliis in Alsatia locis qui sine rei publicæ damno, aut periculo præsidii abesse possent, dùm exercitus in propinquo foret, ad Rhenum versùs ducit: quo haud procul Spiræratibus junctis transmissò, circa Lademburgum ad Nicrum amnem habuit castra.

castra. Eò omnes copiae Turenæ, Conismarci, & Geisii convenère, atque Angiano conjunctæ sunt. Huic Hailbronâ ad Nicrum potiri consilium fuit, oppidò satis firmo, ut aliqua nostris Rhenum inter, & Danubium tutò consistendi copia esset, neque cis Rhenum hybernare sicuti consueverant, porò cogerentur. Id ex copiâ rerum eventurum arbitrabatur, uti si hostes Hailbronæ auxilio venirent, pugnandi copia foret; si cessarent, Hailbronâ sese potiturum. Igitur eò properè ducit, & jam advenerat equitatus, quærebatque in Nicro vadum, cum ex adverso hostium equitatus transitum prohibiturus adfuit. Postridiè pedites utrimque advenère, atque altera alteri acies fuit in conspectu: intercedebat Nicer amnis, quem qui transire tentaret, is iniquo se loco commissurus videbatur.

Duos haud procul amne propinquos inter se colles, totumque quod ex his ad ripam amnis pertinebat spatium hostes occupaverant; duobus in utroque colle, duobus item in ripâ locis disposuerant Tormenta, postremò nihil quò nostros transitu fluminis arcerent, omiserant: quo factum est, ut ne hunc sibi quidem tentandum Angianus probè intelligeret: sed adhibitis in consilium Ducibus, eos docuit id suprà Hailbronam clam hostes fieri posse, neque si fortè sentiant, perindè, atque in eo quo sint loco, prohibendi potestatem fore: præterea ab Vitembergenſi agro commectus, atque alia sibi opportuniore futura: super eâ re Conismarcus sententiam rogatus negavit sibi ab Bremensi, atque Brunzueicensi agris, quò sibi res publica gerenda sit, longiùs abire copiam esse, *Eò se ut Hassiam cui hostes imminerebant tutaretur, ab Ameliâ Elizabethâ accersitum: id amplius fecisse, quòd ut Turena Angiano conjungeret copias, operam dederit, ita hanc alienis rebus pollicitus, ut ne suus deesset, postulavitque ab Angiano, ut hujus voluntate sibi discedere liceret: agrè denique impetratum ab eo, ut octiduum maneret, interea Angianus se in Franconiam ducturum dixit, undè Conismarco in Bremenſem agrum iter brevius foret: dein Geisius & ipse ut ne ab Hassiâ abiret longiùs, postulavit: sed Angianus de hujus mansionem miserat, scripseratque ad Ameliâ, pollicitusque erat, ubi ipsa vellet, hunc se cum præsidio si opus foret dimissurum, quæ ex ingenio suo comi, atque liberali, id est Angiano obsecuta. Sed hæc tùm Angiano conturbavère rationes omnes, documentò Principibus nihil magnoperè sociorum opibus credendum, quæis sæpiùs diversa ab nostris consilia, atque studia sunt. Prorsùs uti cui res sua omnis in manu sit, tametsi primùm viribus adversum complures, qui ex fœdere, & societate contrà se bellum gerant, impar sit, si tamen invidiæ inter hos, atque discordiæ cunctando spatium dederit, is postremo potior evadat.*

Igitur in Franconiam iter pronuntiatum, ut ad Danubium Angianus iter intendere videretur, atque hostes ab Hailbronâ quàm maximè averteret, eò ubi longiùs abessent, resque alias hunc agere arbitrarentur, necopinatò rediturus. Itaque ad Vinssem movit, quod oppidum ad Nicrum hostes exiguo præsidio tenebant: id Gramontius Equitum

1645. Tribunus ad deditionem redegit, quò pedites ponte traducti, equites, Tormenta, atque impedimenta duobus haud procul vadis transière: dein quartis castris Rotemburgum est perventum.

Ex itinere Conismarcus discessit, abduxitque Suecorum quibus præerat copias, frustra nitente Angiano, uti quid sibi Tortensonus rescriberet, opperiretur, nam hunc per litteras rogaverat, uti Conismarcum aliquandiù secum porro manere vellet. Rotemburgum modico præsidio tenebant hostes, qui quoniam antequàm murus Tormentis feriri cœpisset, deditionem non fecerant, iis denique deditibus se hæc lata conditio est, uti captivi omnes essent, oppidanis sua omnia relicta, frumentum modò, vinumque exercitui imperatum, & quoniam eò aër salubris, & amœna circum loca sunt, reficiendis ex longo, difficilique itinere militibus stativa habita. Dein Dunkespielem versùs ad Verwitzem amnem Angianus movit, ab quo unius modò horæ itinere cùm abesset, centum qui de hostibus cognoscerent equites præmisit: hi ex ejus alâ fuere, quæ a Turrium præfecit: is haud multum processerat, cùm pabulatores hostium in conspectum venere, quæ res indicabat hos haud procul abesse: cùmque id opus scito esse judicaret Angiano, mittit qui hunc properè faceret ea de re certiore: ipse subito aliquot alas equitum eodè ducit, jubetque equitum quos cum Turrio præmisserat, partem propiùs hostem accedere, uti quò eorum prima statio, quantaque, quæ loci natura, aditu facilis, an contrà esset, si qui in insidiis longiùs, aut propiùs locati, postremò quidquid de hostibus citrà certamen possent, sedulò cognoscerent, referrentque: hi juxtà saltum hostium equites, scilicet qui adventum nostrorum sensissent, instructos in planitie esse nuntiavere. Tum Angianus Turrium cum suis equitibus præire agmen, aliquot equitum alas subsequi jubet: sed mox ab Turrio tanta vi in hostes procursum, ut hos ad saltum usque pepulerit, eò ducenti qui iter angustum obsederant equites paulisper fugâ suorum territi perturbantur, dein restitutis ordinibus acriter resistunt. b Granvalius qui Turrium erat subsecutus cum turmâ suâ, præterea cum nobilium manu quæ more suo gloriæ militaris avida eò processerat, unâ cum Turrio impetum in hostes facit, cui impares retrò cessere: nostri ulteriùs progressi hostium castra conspiciantur, quæ ultrâ saltum edito loco posita erant. Intercedebat planities limosa paludis in morem, quæ castra vallo tuta ampliùs muniebat, quò ab his oppugnandis deterretus Angianus receptui cani iussit.

Postridiè Gramontius, qui primum nostrorum agmen ducēbat, hostes altero ab Dunkespiele lapide munientes vidit: castra inter stagna duo, atque amnem posita haud secùs quàm pridè tuta videbantur, tamen ad famam pertinere Angianus est arbitratus, iis pugnandi facere potestatem, quò si Mercius prælium abnueret, eò militibus ejus cresceret metus, nostris animus amplior esset. Itaque sub hostium castris aciem instruit: sed hi sese suis munitionibus continuere, pilas modò Tormentis in nostros mittendo, atque omnem in morâ ponentes spem, quâ nostro-

a La Tour.

b Granval.

rum animos infringere, atque virtutem frustrari consilium fuit. Angianus eò positis castris pernoctavit, & ubi primum illuxit vasis militari more collectis Norlingam versùs movit, ut hostibus suæ ad Danubium protectionis opinionem confirmaret. Id ubi est ipsis per exploratores cognitum, Donaverdam contendunt, jamque longius eos processisse fama erat, & Angianus rem evenisse ex sententiâ, sibi que Hailbronam versùs redire necopinantibus hostibus copiam esse lætabatur, cum derepentè speculatores citi adveniunt, nuntiantes sex modò millia passuum hostes abesse, non pugnam abnuentium habitu, sed composito, atque instructo agmine: his copiam fuisse ultra amnem iter facere, atque eò pro munimento uti, cum verò cis flumen sint, indicium esse eos pugnam magis poscere, quam effugere. Ibi verò Angianus rei benè gerendæ sibi occasionem dari arbitratus, suprà modum lætari, propere agmen, & milites addere gradum jubet. Jamque hostes erant in conspectu, cum subito aciem instruit.

Hi ubi nostros adventare senserant, idoneo loco posuerant castra, collis declivis erat, ab quo procurrrere in hostem facile, & majore quàm in planitie impetu eques posset, quem adeò in eo colle locavère: ab lævâ Castellum, ab dextrâ mons haud ita facilis adscensu, atque in valle vicus erat. In Castello, monte, atque vico pedites fuère, atque inter hæc, quò opus erat, in conspectu nostrorum munire tunc cum maxime properabant: prorsùs loci facies propugnantibus tutissima, subcunctibus iniquissima fore videbatur. Obviam nostris processerat equitum ala, quæ appropinquantes attineret: adversùm hanc *a* Castellus qui primos nostrorum ducabat prælium incipit, atque egregiè dimicans Tormenti pilâ quæ jam terram contigerat oppressus est: hujus in eo exercitu munus erat aciem instruere ex Imperatoris præcepto, qui primus ad Imperia gradus est. Hoc modò acies nostra instructa fuerat, in dextro cornu Gramontius Equitum Tribunus curabat, secunda cura *b* Arnaldo Corbevillæ sclopetariorum Regis equitum Tribuno, castrorumque Præfecto attributa: in ea parte Gallorum equitatus, regique sclopetarii equites erant. In sinistro cornu Turena curabat, in quo Germanorum equitatus: aciem mediam pedites obtinebant, quos *c* Belnavius, atque Marfinus Castrorum Præfecti præesse jussi, hic ex Ebunonibus erat vir fortis aque egregius, *d* Castelnavius Malviciera item aciei instructor & in ea parte fuit. In secundâ acie *e* Geisius cum equitibus Hassis auxiliariis, præterea Ohemus cum equitibus Germanis: in subsidiis Chabotus castrorum Præfectus cum reliquis copiis: *f* Goionum Mussaïum & ipsum castrorum Præfectum circum se Angianus esse, cum præsidio sibi, tùm uti si quis fortè deficeret ad manum foret, quem continuo sufficeret, ipse nullo imposito omnia providere constituit.

Ad hostem subire per collem acclivem tametsi difficile videbatur, suorum tamen virtuti tantùm Angianus confidebat, uti majorem hostium ex edito decurrentium numerum non magnoperè pertimesceret:

a Castellus.

b Armand de Corbeville.

c Le Marquis de Belnav.

d Le Marquis de Castelnau-Mauvissière.

e Le General Geis.

f Goion, Marquis de la Montaye.

1645.

at qui in monte, Castello, vicoque erant hostes, si ab latere subeuntibus nostris aperto incurrere poterant, aut glandibus eminens adferre perniciem, atque adeo qui propius nostros erat vicus, cum primum omnium oppugnare visum. Sed priusquam id aggredieretur Angianus Deum immortalem cum omni exercitu precatus, ut ea res Regi, Galliaeque feliciter eveniret, hoc ferme modo milites allocutus fertur.

Sat adhuc virtuti vestra hostis illustis, cui quoniam sese imparcem sensis, tantum itineris ab Mæno ad Danubium emensus, non castra, ne dum aciem æquo uspidum loco commisit. Non vallum ipsi, neque fossa satis firma munimenta visa, nam hæc, fortibus viris moram baud allatura suspicatus, armis atque paludes objecit, montes propè invios insedit. Sed nihil tam arduum, quod non virtus entis possit. Tunc primum pugnandi spem nacti sumus, neque tamen hæc ulterò ab hoste facta, quem prælium etiamtum abnuere documentò sunt acies in edito constituta, mons adscensu difficilis, Castellum, vicus, quem occupant, atque his adjectæ munitiones, quas asperitates quis mediusfidius præter vos milites me duce vincere aggrediatur? Aliis ut ne Sol, aut ventus pugnantis sit adversus cautio est, & si liceat mihi eadem sit. Nam ubi res publica agitur nihil nimium provideas. At nobis aut sædè cessandum, aut ingloriè æstas exigenda, aut hæc, atque alia multò periculosiora posthabenda sunt. Itaque non vos ad facilem victoriam voco, sed edò ubi quantum majora virtutis exempla edere necesse erit, tantò major victores gloria siquatur. Hic primum vicus vobis oppugnandus est, quem si expugnaveritis, cætera ad victoriam facilia fore videntur. Itè igitur atque hostes hinc benè iuvante Deo pellite: simul pugnae signum dedit, adactisque in vicum tormentis milites procurrant. Inclinabat ad vesperam dies, cum pugnari cœptum: ubi pedites ad vicum accelsère, simul dextrâ, lævâque equites processère, præstò futuri si hostes ex colle, atque monte subsidio suis venirent: nostri in vicum evadunt, atque hostes propulsant: duæ modò cohortes altera in Templo, altera in ædibus satis firmis resistère: in eo primo congressu Marfinus quem in mediâ acie curare diximus, item Belnavius vulnerati, atque abscedere coacti, his suffectus continuò est ab Angiano Mussaius, ille ipse ab dextra, Turena ab sinistra, ambo cum equitibus ut ne partum in vico ab nostris decus, locusque criperentur, operam dabant.

Interea hostes ab dextrâ equites, peditesque decurrère, quorum impetum cum armaturæ gravioris ac cæteris equitibus excipit Angianus, qui dum impigrè cepessit pugnam, neque suæ magis, quam aliorum vitæ parcat, glande femur afflictus, ac præterea suffoillus ipsi equus est: hostium tamen impetus confusus, atque ipsi propulsati. Gramontius ab dextro in quo curabat cornu, dum eâ parte ab hostibus cessatur, ad Angianum quò acrius pugnabatur venit, Imperatoris vicem sollicitus, atque inter dimicandum glandis ictum galeâ excepit. Tum quies ab hoste tantisper fuit, decretumque ab Angiano, ut ab dextro, atque sinistro cornu, præterea ab mediâ acie in hostem unâ iretur: sed id utrùm ab dextrâ fieri posset, ambigebatur, nondum comperto si quid in medio prohiberet: cò missi qui locum explorarent, intercedere fossam renuntiavère,

quam superare difficile esset. Itaque Gramontio, atque Arnaldo eò stare iussus, Angianus ad lævum cornu tendit, quò dùm ire pergit, alter cui insidebat, priore sicuti suprà diximus suffosio, equus glande vulneratus est. Turena vicum inter, & montem equitatum in hostem ducebat, nam pedites partim in vico, alios ad munitionem quæ haud procul erat, etiamtùm hostes attinebant, Templo, atque iis quas suprà diximus adibus nondùm expugnatis. Ubi propior hostes fuit, ibi Tormentis non singulas de more pilas, sed glandium, & ferramentorum farraginem in nostros emisere: quibus leviter ictus Turena nihilo segnìus ad hostem properat, cum suâ, Flekensteini, atque Tracii equitum alis: in subsidìis Angianus cum suis adest, atque id necesse fuit, quia Turena profligatis iis quos adversùm ierat, in recentes qui subsidio venerant, incidit, atque eò res rediit, ut ipse vicissim subsidio egèret: sed id properè tulit cum suâ manu Angianus, neque etiamtùm nova defuere hostibus subsidia: quo factum est, ut Angianus primò Geisium, atque Hassios, postremò Ohemum, atque Germanos equites quos utroque in secunda acie esse diximus, acceleret. Ubi omnes utrimque copiarum congressit, atque omnis spes in virtute posita erat: ibi verò quanta vi, quantique animi alteri in alterorum perniciem ierint, incredibile memoratu est: prorsus facies totius negotii varia, alius aliò instare, aliò cedere, neutrum omnes hinc, aut inde facere: quinq; ubi paulùm pugna remisit, restituti utrimque ut in tanta rerum perturbatione ordines, ac redintegratum prælium, nusquam alias tandiù quam in partem victoria inclinaret, in incerto fuit: postremò tamen hostes cæsi, alii capti, qui reliqui fuere, quàm effugere copia esset, circumspiciebant.

Interea cornu eorum sinistrum quod usque cessaverat, quoniam idem ab nostrorum dextro fiebat, ubi fuorum cladem, atque proximam fugam animadvertere, veriti ut hinc ab Angiano mox victore, atque huius sinistro cornu, indè ab nostro dextero quod nondùm pugnaverant, circumcluderentur, adversùm hoc unum decertare sibi facilius fore sunt arbitrati, cum sui nondùm planè fusi essent, atque Angianum attinerent. Quamobrem in id cornu acriter procurrunt: nostri tametsi isthuc nusquam futurum rati fuerant, propter fossam quàm intercedere falsò nuntiatum fuerat, tamen ut erant instructi, paratique, obviam hosti procedunt, atque impigrè pugnam capeunt. Sed hostes loco declivi freti, qui principes in hoc cornu fuerant, eos perturbavere, atque rupere. Tùm adest cum his qui in subsidii locati fuerant Gramontius, hostemque primo successu ferocem attingere conatur, interea dùm qui primi dimicaverant, à disciplina ordines restituere, ac denuò pugnare possent. Sed hostibus acrius urgentibus, neque primi ordines restituere, neque ipsa subsidia resistere quiverunt. Itaque cæsis qui circum se fuerant Gramontius, *a* Castræus Nancæus, paucique alii ab omni hostium equitatu oppressi, captique sunt. *b* Livnus Angianæ Cohortis Tribunus, Eglinius Melianus, Languetotus, Rambolietus Angennas Pisanius Marchio, præterea alii cæsi. Ubi eâ parte Chabotus quem ultimo subsidio ab Angia-

a Le Comte de Nancé la Chastre.
b De Livry. Melian d'Angigny. Languetot de

1645.

Bretel.
D'Angennes
de Ram-
bouillet
Marquis de
Pisani.

no præfectum fuisse supra memoravimus, res afflictas videt, atque adeo earum summam ad se rediisse, haud amplius cunctandum ratus quin hostem attingeret, & rem prolapsam restituere conaretur, in hunc magno impetu invehitur: sed eadem quâ cæteri fortunâ usus funditur denique, & hostes longius procedunt, atque ad impedimenta perveniunt: his præsidio fuit cum Alâ suâ Margravius, sed nihil objectâ prædâ permoti pergunt quò intenderant ire: neque enim aut victoriæ, aut prædæ spes hos impulserat, uti tanta in cornu nostrorum dexterum patrarent, sed uti modò rebus suorum cæterâ corruptis salutis suæ consularent.

Angianus intereâ fugientes hostes prosequabatur: sed id longius facere eò prohibitus est, quòd ut ne lævum hostium cornu, fuso nostro dextero, integrum ad pugnam rediret, metuendum videbatur: dein quòd in vico qui primùm restiterant hostes, ii inde pelli nequiverant, atque eò cæteri pedites queis haud perindè, ac equitibus expedita fuga erat, confugiebant, quòd magis ut ne eodem lævum hostium cornu rediret, cautio erat. Sed integri juxta, atque victi de reliquâ modò fugâ solliciti fuere: qui pedites in vico restiterant, simul qui eò equitatu fugiente receperant se, ii se Angiano dedidère. Qui denique omnibus circum exploratis, compertoque nihil amplius hostium esse, præter fugientes, & captivos, jam se haud dubiè victorem cognovit. Tormentis hostium quindecim, totidem signis militaribus, re omni tormentariâ, carrisque quibus vehebatur, potitus est. Gleen qui ab Mercio accersitus huic ab Vestfalia cum Ferdinandi quibus præerat copiis auxilio venerat, ex Holsteini Ducum gente quidam, Royerus, Colbus, Hiller equitum Tribuni inter captivorum duo millia insignes fuere, Mercius penes quem summa Imperii in hostium exercitu fuerat, Peucer Tribunus equitum, atque alii turmarum Duces, Tribuni Cohortium, Centuriones, equites, peditesque ad tria millia cæsi: è nostris mille quingenti inter quos a Vigensteinus Comes, Burrius Marchio, atque alii præter eos quos supra memoravimus captivi è nostris insignes fuere. Gramontius, atque Castræus Nancæus; ille apud Monacum ab Maximiliano Baioariæ Duce liberaliter habitus pro Gleene, hic cujus genus, atque dignitas ignota hostibus fuit, pro Centurione quodam post-paulò permutati, atque eodem pacto cæteri captivi, alius pro ejusdem Ordinis alio: qui superfuere ex hostibus plures, ii pretio redempti. Ubi hæc in Aula nuntiata sunt, ingens subit animos lætitia, atque Deo Immortali pro republicâ tam benè, atque egregiè ab Angiano gestâ in majori Urbis Templo honos habitus.

Ab eâ pugnâ Angianus Norlingam ad deditionem redegit, quo faucios, cæterosque tanto prælii labore fatigatos milites paulum reficit, dein Dunkepsielem ducit, quod & oppidum postquam admota sunt Tormenta, deditum est: mox ad Hailbronam cui potiundæ tantum laboris, periculique susceperat, iter convertit. Id oppidum ad Nicrum hostes probe muniverant: præsidio erant pedites octingenti, equites sclopetarii quadringenti, præter oppidanos, & agrestium qui eò confuge-

a Le Comte
de Vigen-
stein.
Le Marquis
de Bourry.

rant multitudinem. Ubi primum circum oppidum castra posita, Angianus in gravem incidit morbum, cui curando Philippiburgum abire coactus est. Interea per Legatos Gramontium, & Turenæ Equitum Tribunos res omnis ad Hailbronam administratur: qui ubi aliquandiu oppidum oppugnare, de hostium adventu facti certiores inceptum omisere, cum quia parum procedebat, tum quoniam in eo deprehendi ab hostibus periculosum videbatur. Igitur Baioaris eunt obviam, qui nuperæ cladis memoriam abolere dum Angianus morbo detinebatur, sese velle prædicabant, tamen ubi nostros appropinquare nuntiatum est, Hailbronæ oppugnationem inhibuisse contenti pro more pugnam effugere.

At Gramontius, & Turenæ Hallam ad Coquenem amnem processere, si eò fortè per hostem hybernandi copia foret, cuius rei metu perculsus Maximilianus Baioariæ Dux, nam Halla haud procul Danubio, & Baioariæ finibus est, ad Ferdinandum Imperatorem properè mittit, qui doceret; Eò res suas rediisse, ut ni maturè subveniat, sibi ab hoste conditio sit accipiunda: hanc sibi quidem haud iniquam ferri, uti videlicet neutri parti studeat, sique omnino ab bello abstineat, quod si Ferdinando satis placeat, rem esse facilem, & expeditam: sin id ab republicâ alienum judicet, malisque Gallos abigi, atque pelli Germaniæ finibus, mittenda properè auxilia. Ferdinandus tamen Tortensonus cum Suecorum exercitu in conspectu Viadanæ effect, tamen quia Danubius intercedebat, neque is facile transiri poterat, minoribus copiis ut eâ parte bellum deffenderet sese egere probè intellexit, quibus retentis majorem partem cum Leopoldo fratre, & Galasso qui huic Legatus esset, ad Maximilianum dimittit: nam satis sciebat quanto hic sibi usui porrò foret ad sustinendum contra Gallos, atque Suecos bellum, quamobrem ut ne ab armis discederet, cautio erat. Igitur Leopoldus, atque Galassus magnis itineribus ad Nicrum contendere: passuum modo viginti millium spatio aberant, cum id exploratores Gramontio, & Turenæ nuntiavere, qui subito præmissis Tormen-tis, atque impedimentis movere castra, nam tantæ hostium multitudi-ni longè impares erant, quoniam & Ferdinandi, & Maximiliani copię unâ veniebant. Nostri duos amnes quâ ipsis ad Nicrum recedentibus transitus erat, facile superavere: tertius erat Nicer ipse, qui per eos dies imbrium vi immensum auctus vado transiri nequibat. Itaque sex om-nino scaphis Gramontii pedites repetitis subvectionibus traducti, Ture-na cum suis cis amnem erat, cum omnibus carris, impedimentis, Tormen-tisque, neque hostis procul aberat nostrorum insistentes vestigiis, prorsus ut ea pars agminis deprehensa, atque hosti opportuna videretur, ni fortè dilapsis per noctem aquis, postridiè vado transire copia fuisset, quæ res miraculo habita: nostri cum nihil ampliùs moram faceret, Philippiburgum contendere, quousquè hostis subsequi perseveravit, ita tamen ut nihil damni neque inferre, neque accipere velle videretur. Ubi ad conspectum Philippiburgi, quò nostri restiterant perventum, inf-truxere aciem hostes, quæ millibus equitum tredecim, octo peditum

1645.

millibus constabat, cui numero nostri longè impares sese munitionibus continuère.

At Leopoldus, Galassiusque postquam id cuius gratià venerant confectum erat ex sententià, Gallosque hybernis in Germania prohibuerant, quò res Ferdinandi monebat, eò properè redièrè. Quæ nostri ultrà Rhenum loca occupaverant, ea faciliè ab hostibus recepta, illi cis Rhenum stativa habuère, in quibus per octiduum relictis militibus Turena otii impatiens, & quid ex copià rerum optimum factu sit semper animo agitans, præter nostrorum juxtà, & hostium expectationem Augustam Treverorum ducit. Id oppidum ad Mosellam amnem Hispani ante hæc bella præsidio tenuère, opportunum traducendis copiis, quas ex Hispanià in Italiam, inde per Rhætos in Germaniam, ac postremò in Belgium Philippus Hispaniæ Rex sæpiùs mittit, nam apud oppidum pontis copia est. Sed ubi Gustavus Suecorum Rex peragrata cum exercitu omni ab Codano sinu ad Rhenum usquè Germanià Treverensis Archiepiscopi teris imminēbat, is se Ludovico XIII. Regi dederat in clientelam, & fidem, cuius opibus, nam in Ferdinando II. Imperatore, aut in cæteris Germaniæ Principibus nihil tùm præsidii erat, adversum Gustavi arma tutus esset. Eà gratià factum Ludovicum inter & Archiepiscopum, is fuit Philippus Soëternus, foedus est, quo cavebatur uti Rex Augustà Treverorum, quæ est Archiepiscopi sedes, Hispanos pelleret, atque ipse Præfectum, & præsidium imposeret Urbi: quod ubi factum est Hispani post biennium Urbem dolo recepère, quam Turena hoc anno oppugnare aggressus est. Eà gratià monito qui in Angiani exercitu pro Pratore erat Arnaldo Corbevilla, ut ab Mediomatricibus, quò & ipse stativa reficiendis militibus habebat, secundo Mosellà ad Augustam Treverorum accederet, ambo eò ex improviso ac diversi advenère. Positis circum oppidum castris, atque ad oppugnationem paratis omnibus, qui Præfectus Urbi fuit, is diffusus oppidanis, pro ædibus publicis in quibus arma erant, stationem militum solito firmiorem collocat: sed oppidanis curæ fuit, ut hanc statione pulsà sibi res sua in manu esset: Præfecto tamen potestatem fecère, ut Urbem si posset adversum Gallos defenderet: sin deditionem facere mallet, operà ad id suà uteretur: biduum ad deliberandum Præfecto datum, cui denique postulanti dictæ deditionis leges sunt. Receptà Urbe nihil prius, aut antiquius habuit Turena, quam ut Philippum Soëternum Archiepiscopum eà de re faceret certiore, moneretque uti quàm primùm veniret, atque Urbe sibi per injuriam ab Hispanis creptà rursùm potiretur.

Sed hunc Philippum Soëternum postquam Hispani apud Augustam Treverorum unà cum Urbe ceperant, atque in Belgium abduxerant, Ludovicus XIII. agrè ferens amicum Principem, qui se in fidem suam contulerat, ab illis hostiliter habitum, atque asservari captivum, hunc dimitti continuò postulaverat, & abnuentibus Hispanis bellum denunciaverat, quod fieri captum antè decennium etiamtum geritur. At

Hispani

Hispani Philippum Soëternum ad Ferdinandum II. Imperatorem miserant, qui nihil neque ætatem, neque dignitatem, neque Pontificatum quem gerebat reveritus, hunc in custodiam conjecerat, vitio vertens quòd non se perditum honoris illius causâ, quàm Ludovici operâ, cum non aliter posset, salvum maluisset. At ubi Ferdinandus III. Ludovicum XIII. fecerat certior sibi consilium esse de Pace agere, id se Ludovicus facturum negavit, nisi prius Philippum Soëternum custodiâ emitteret. Igitur hunc primùm Pontificis Nuntio qui apud Viadanam erat tradidit, apud quem tantisper agitaret, sicuti Pontificis jussu adhuc in custodiâ esset, dein dimissus, ad Confluentem oppidum quò Mosella Rhenum subit, profectus fuerat, unde Augustâ Treverorum receptâ eò ab Turena accersitus post decennium rediit; huic Turena Urbem tradidit, dein copias in hyberna dimisit, quæ cis Rhenum de more habuere.

Nihil memorabile hoc anno in Italiagestum, nam Pralinoplessius cùm nondùm æstivorum tempus advenisset, partem copiarum, quæ eò hybernauerant, oppugnandæ de quâ suprâ memoravimus Rhodæ in Catalonia abduxerat, quâ in deditionem acceptâ ad Urbem divertit, remissis in Italiam quas inde abduxerat copiis. Dein ipse Equitum Tribunus virtutis ergò ab Rege creatus eodem & ipse rediit, cùm jam æstivorum tempus multùm processisset. Sub ejus adventum Thomas vir Princeps, de quo sæpius memoravimus, alteram copiarum partem, quæ in Italia hyemaverat, atque Sabaudicas copias ad Sessitem amnem duxit, quo superato pergit ad Ticinum iter facere: Vigevanum oppidum haud procul amne positum, postquam Hispani semel eruperant, nullo negotio capit, arcem oppugnat, quæ & ipsa mox ab Hispanis dedita est, huic atque oppido a Nestierum virum fortem ac strenuum præfecit.

a De Nestier.

Interea Velada Marchio qui Mediolanensem cum exercitu obtinebat agrum apud Mortaram stativa habebat, neque moverat quidquam, sed interdum modò nostris aut pabulantibus, aut comæatus subvehentibus molestus fuerat. Ubi verò Vigevanum Thomæ deditum est, atque hujus copias oppidi, atque arcis oppugnatione satis diuturnâ, præterea eò relicto præsidio, imminutas intelligit, ab Mortarâ movet denique, uti redeunti, quò opportunum foret, occurreret. Huic superandus erat Sessites amnis, quo ex copiâ rerum Veladam sibi interventurum judicabat: nam in transitu fluminum magnæ clades sæpius acceptæ vel ab maximis Imperatoribus sunt. Cui rei Thomas uti præverteret, Pralinoplessium cum his quæ ab Catalonia redierant copiis, accersit, quibus ab suo in Italiam reditu quies in pristinis hybernis rescituendo militi data fuerat.

Igitur Pralinoplessius ad Sessitem movet, sed id Valada suspicatus, non ad Sessitem, sed ad Moram amnem, qui propior Thomam erat, huic occurrit. Pugnatur utrimque acriter, dein neutrò inclinatâ re discessum, eò tamen nostri potiores visi, quod Hispanorum discessu patuit iis ad Sessitem, quò intenderant, iter, atque eo nihil hoste prohibente superato, sese Pralinoplessio conjungere. Prælium ab secundâ post meridiem

1645.

a Gobelin de
Bruvilliers.
Le Marquis
d'Aiguebon-
ne. De Mes-
pieu.
De Blanche-
ville.
b Dom Mau-
rice.

horâ, ad mediam propè noctem, non unâ serie, sed diversis hostium procurfationibus duraverat: his Thomas dimidiâ copiarum parte inferior, virtute modò, ac rei militaris scientiâ, atque peritiâ locorum, superior fuit: quâ fretus antequàm ad amnis vadum pervenisflet, quò singulæ alæ, cohorteſque quas præmiſerat collocandæ eſſent, ſedulo præceperat: dein ubi adfuit, quò opus eſſet ſubſidia mittendo, rem uſquè ſuſtenta- vit, donec incolumi exercitu, atque omnibus Tormentis, impedimen- tiſque, non ante movit, quàm hoſteſabire nuntiatum eſt. Cæterùm ta- metſi ſignis collatis non eſt pugnatum, neque concurſum omnibus co- piis, tamen nuſquàm alias acrius eſt decertatum. *a* Bruvillierus Gobelli- nus Arvernæ Cohortis Tribunus in acie cecidit: Aquabonus adoleſcens, atque Meſpiuſius item Tribuni, Blancavilla qui alæ Sabaudicæ præerat, graviter vulnerati poſt paulò ab vulneribus interiére. *b* Mauncius Caro- li Emanuelis Sabaudicæ Ducis ex concubinâ filius, vir fortis, eâ die tanta virtutis exempla edidit, ut huic rei benè geſtæ gloria ſecundùm Thomam jure tributa ſit. Villa Marchio, Caſtillonus Subalpini ambo, Navaillius Tribunus Gallus item vulnerati, Thomas ipſe glande iſtus loricam eſt. Cùm in exitu annus eſſet nihil ampliùs in Italia factum, ſed poſtquàm noſtri ultrâ ſeſſitem fuère, atque eò habuère ſtativa, Velada Vigevanum oppidum haud difficulter recepit, concedente in arcem omni Gallorum præſidio, dein copię in hyberna dimiſſæ.

Hæc quæ ad bellum pertinerent geſta ſunt hoc anno: neque intereâ omiſſum quidquam, quò ad Pacem denique perveniri poſſet. Eâ gratiâ Avauxium, & Servianum Monafterium Veſtſalorum miſſos ſuprà memoravimus, qui parùm concordēs dùm ſimultates exercent, atque ſcrip- tis quândoque inter ſe decertant, minùs idonei habiti, qui pacem quam alter cum altero habere nequibat, inter alios conciliarent. Eò properan- tiùs Henricus Aurelius Longavilla Monafterium proſciſci juſſus, cui ubi propior eſt factus, diverſi proceſſére obviam Avauxius, & Servia- nus: nam hunc, ut unâ irent, neque collega, neque Ludovicus Contari- nus Venetorum apud Monafterium Legatus orans ut hanc ſibi veniam daret, nec ſuam cum Avauxio diſcordiam eo pacto omnibus patefaceret, exorare uſquàm potuère. Itaque Longavillæ prior occurrit Servianus, in rem ſuam eſſe ratus, ſi viri Principis gratiam antecaperet, atque hunc quo loco res eſſent edoceret: at is huic quàm illi haud æquior (ſeu ſuâ ſponte, ſeu quia ita præceptum fuerat) id modò curare, ut ne privata amborum odia rei publicæ obſtarent, quod facilè talis hujus viri vere- cundiâ factum, quâ uterque permotus, ubi in commune conſultabatur, ab altercationibus temperabat, quæ perpetuæ priùs inter eos fuerant, ita ut alteri quod alter ſentiret, id nuſquàm ſatis rectum videretur.

Poſtquàm Longavilla Monafterium Veſtſalorum advenerat, tùm verò fides facta omnibus Gallos Paci faciundæ ſtudere, cùm id antehac vix cui- quam credibile videretur, quibus videlicet res per bellum propè ſuprà vo- tum fluere viderentur. Miſſus eodẽ eſt ab Ferdinando Imperatore Maxi- milianus Trautmanſtorſius, vir ſummâ apud eum gratiâ, nec minore pe-

ritiâ rerum, quas & per Ferdinandi II. patris tempora gesserat. Is ubi primum Monasterium Vestfalorum advenit, Legatis Gallicis hanc tulit conditionem, uti Diviodurum Mediomatricum, Virodunum, atque Tullum cum omni circum regione, atque uniuscujusque Urbis Diœcesis, quibus finibus hæc jam inde ab Henrico II. Galliæ Reges possederant, porro possiderent, ac præterea Mediovicum nihil Imperio Germanico obnoxia, sed planè Galliæ Regno conjuncta. Ita suo jure Imperator, atque Imperii Ordines, quod majorum super his Urbibus, atque Diœcesibus fuerat, decedebant. Sed id propè nullum Gallis videbatur, jam diù cuncta hæc possidentibus, neque secus quàm reliquam Galliam habentibus, atque adco postulavere, uti quæ armis cis, transque Rhenum occupaverant, ea Ferdinandi, atque Imperii Ordinum voluntate sibi retinere liceret. Nullam in his Imperium Germanicum jacturam facturum, cui obnoxia porro Rex esse velis: perinde esse Imperatori, atque Imperii Ordinibus, utrum Rex, an alius hæc possideat, modò ut eandem quam ceteri Germaniæ Principes fidem utrique præstet, neque fortasse ex tanti Regis opibus parùm præsidii Imperio accesserum. At Trautmanstorffio longè alia mens erat, scilicet metuenti, ut ne ea res Ferdinando, atque aliis Austriacis Principibus fraudi esset. Hos in Germaniâ principum jam diù obtinere, neque alios dudùm Imperatores creatos: si quam Galliarum Reges possidè Germaniæ partem possideant, atque in Principum Germanorum numero, atque Ordine sint, ipsis jus, atque facultatem fore adesse Imperii Conventibus, aut Comitibus, atque in his de omni re publicè consultare, atque sententiam dicere, quorum auctoritate ceteros permotos multa quæ Austriacis minus placeant, designaturos. Eo si quid Regi in Germaniâ permittendum foret, id ab Imperio planè sejunctum, atque Galliæ conjunctum volebat.

Sed ubi Gallici Legati quam de Divioduro Mediomatricum, Tullo, ac Viroduno cum Diœcesibus Trautmanstorffius tulerat conditionem, eam abnuerant, hic ab Monasterio Vestfalorum Osnabrugam ire decrevit, uti cum Legatis Suecicis colloqueretur, & cum his de pace ageret. Huic consilium erat Imperii Ordines, qui Protestantium Sectam sequuntur, ab Suecis si quâ fieri posset, sejungere, ubi satis perspicere hos nimia in belli quod Germanorum ipsorum sumptibus gessissent, mercedem postulare: sin id minùs procederet, Suecos ab Gallis sese haud difficulter sejuncturum sperabat. Sed priusquàm Monasterio Vestfalorum Osnabrugam proficisceretur, Gallici Legati postremò huic significavere, Regem sibi Alsatiâ, atque Suntgoviam, cum Brisfaco oppido, atque aliquantùm circum agri petere, præterea quatuor ad Rhenum supra Basileam oppida, quæ sylvestria vulgò appellant, cum vicino item agro, ac postremò Philippiburgum, quæ omnia præsidii tenebat, cætera verò per id bellum in Germaniâ capta Regem redditurum aiebant, modò ut aliquanta sibi pecunia curaretur in copiarum saltē extranearum, quæ sibi meruissent, stipendium, ac mercedem. Sed hæc ingentia, immoderata, nimis alta esse Trautmanstorffius dictitabat, cum uti similia postulare Suecis pudor esset, tùm ut apud Imperii Ordines invidiam Gallis confaret, ac simul ostenderet, si isthæc his, atque alia majora Suecis obsequi ne-

1645. cessè foret, magnum ex eo ad Imperium damnum perventurum.

Sed ubi Olnabrugam advēnit, hæc fuit prima hujus ad Suecicos Legatos oratio. *Venisse Suecos in Germaniam, uti rem publicam in pristinum statum restituerent: ita Gustavum Regem, ita quicquid mortuo bellum porrè gesserint, prædicasse. Quod cum ita sit, nihil cum his, nisi quod ad hanc pertineat agendum videri, quæ de causâ eò missus ab Imperatore sit. Suecos Germaniæ sumptibus aluisse in eâ bellum, quiddam præterea his maximo quæstui fuerit: si tamen ad hunc adjici quispiam placeat, uti bellum facere desinant, id Imperatorem, atque Imperii Ordines, quantum per præsentem inopiam licebit, curaturos. De Pomeraniâ, quam jam inde ab belli principio ipsis Bogislæus permiserit, baud æquum videri hanc ab ipsis retineri, scilicet quæ per hujus mortem Septem viro Brandeburgico obvenere, quæ bellum adversum Suecos nec gesserit, nec gestum usquam voluerit, atque adeo ne ipsi quidem hunc eâ provinciâ mulctatum velint, qui nihil adversum hos commoverit.*

Ad hæc Sueci respondere: *Quoniam in Germaniam rei publicæ causâ venerint, ab ea conditiones pacis ordinas: dein amicorum, ac Sociorum Principum, atque Ordinum qui bellum unâ gesserint, sibi rationem habendam, quorum rem, atque fortunas in tuto collocare debeant: cum hæc facta fuerint, quod ad se attineat, id denique, ac tamen satis maturè acturos. Sensit Trautmanstorffius quæ dixerat, ea ab Suecorum sententiâ longè aliena esse: multa tamen inter illud, atque hos commutata verba sunt, magno utrimque quid alteri consilii esset, cognoscendi studio. Hæc exitu anni fiebant, quem priusquam finiamus pauca quæ in Aulâ nostrâ accidere, memorare lubet.*

a Mademni-
felicite Ro-
han.

Ilthic erat virgo a Margarita Rohana, cujus nomen generis claritudinem satis indicat: forma, atque divitiæ consimiles generi fuere, mores qui bonè, atque liberaliter eductam decerent: quo fiebat, ut in Aulâ nemo quantivis pretii esset, quin huic illa nubere posset. Jam paterna potiebatur bona, nam Henricus Rohanus pater pridem obierat mortem: Margarita Bethunia mater quo filia excelsius nuptum collocaretur, huic omnia bona sua etiamtùm vivens dono dederat. At illa non alieno, sed suo arbitrio virum delegit, atque matre, propinquisque præter morem inconsultis Henrico Chaboto nupsit, qui quanquam è primâ Regni nobilitate sit, huic tamen dispar ab Rohanâ genus est, quæ videlicet ab Navarræ Regibus originem ducit. Igitur hæc nuptiæ propinquis, ac maximè Bethuniæ matri agrè fuere, de quibus immane quantum filiæ succenferit, cui non modò bona quæ dono dederat, sed & paterna adimere conata est. Eâ gratiâ ante annos sexdecim sibi natum filium dixit; sese enim gravidam Venetiis quò ipsa, atque vir tùm agitabant, profectam ad Urbem venisse, uti partus sui pauci, sed certi testes adessent: nam si peperisset filiam, id se, atque virum omnes celatos voluisse, ut ne Margaritæ filiæ nuptiis obstaret: sin verò filium, id & clam omnes esse Rohanum studuisse, ut ne sibi apud Ludovicum XIII. Regem, ac magis apud Richelium fraudi esset, cui agrè futurum arbitrabatur, si ipsi qui Sectariis sæpius Imperator fuisset, filius foret, qui in ejusdem Imperii spem educeretur: ceterùm Rohano non fuisse consilium de filio, ut hunc defereret filiæ causâ, sed illi procul ab Galliâ quæsitâ opes,

imò & Regnum voluiffet, Cyprum Infulam fcilicet, quàm ab Turcorum Imperatore commercaretur. Rohani mortem cuncta hæc intervertiffet, atque interea latuiffet filium, cui dum pater nimium facere ftudet, eum absque ullis bonis, virtutis modò, atque indolis Principe viro dignæ hæredem reliquiffet: simul filium oftentabat, cui Tancredi celebre vatum Italicorum carminibus dederat nomen, quod & fabulæ ornameto fuit, fabulam hanc appello quantum ad Rohanum, ad quem hæc omnis res nullo modò pertinuit: dein Bethunia litem de paternis bonis filiæ movet. Fuere in Aulâ, atque in Urbe multi, quibus ficuti fermè omnia nova, Bethuniæ commentum fatis placeret: fed ubi sibi in hac causâ homines probos, atque peritos rerum Advocatos esse voluit, ibi verò turpe incæptum omnibus vifum, atque uno ore autores fuere ut id planè omitteret: quò factum est, ut ipsâ cessante Tancredus Rohani filius esse desierit.

Eâ tempeftate ab Româ rediit ad Urbem a Carolus Herfentius quidam sacerdos, cui neque ingenium, neque doctrina, neque eloquentia defuere: fed quæ hæc moderaretur prudentia, ea verò aut exigua, aut nulla fuit. Is quoniam quædam in Concionibus facris temerè dixerat, his ab Joanne Paulo Francisco Gondio Archiepiscopi Parisiensis patruî gerente vices interdictus fuerat, quam rem ita tuleraut violenter, ut obniti, & contrâ scribere auderet, dein ubi resipuit, Gondius huic concionandi porrò potestatem fecit: prius tamen Romam tantisper secedere Herfentius decrevit, nam pudebat tam citò post reprehensionem prodire in publicum, atque omnibus in conspectum venire. Ita Romam profectus, ut erat prompto, atque audaci ingenio, ubi primùm ad Pontificem adiit, plura quam rogabatur, & quàm deceret dicendo cuivis se rei temerè incipiundæ idoneum fatis ostendit. Eò ab Pontifice benignè, atque liberaliter habitus, postremò ut in Galliam continuò rediret persuasus est, quò hujus operâ ad rempublicam uti vellet: Sibi dudum curæ esse, ut inter Galliarum, atque Hispaniæ Reges pax sanciat: cui rei obstare privatas cuiusdam in Gallia rationes, quibus alias opponere sibi consilium sit. Nam hanc insitam mortalium animis ab naturâ pravitatem, uti nihil res publicæ, cuncta privatae causâ faciant. Igitur Lutetiam Parisiorum properè redeat, suisque verbis Riviera Cardinalatus spem certam faciat, si per Gastonem qui in ejus potestate sit, Regem, atque Reginam matrem ad pacem cum Hispaniæ Rege Philippo faciendam impellat: præterea Riviera dicat Annæ Mariæ Ludovicæ Gastonis ex priori uxore filiæ nuptias cum Philippo Hispaniæ Rege factum iri, si pater uti pax inter ambos Reges sanciat, effecerit: postremò ipsi Herfentio baud defuturam navatæ in tanto negotio operæ mercedem.

His homo vanus lætari, atque gloriari quòd se Pontifex dignum deputaviffet, quo interprete in re tantâ uteretur. Româ subitò profectus nihil moratur in itinere, atque ubi ad Urbem venit, Pontificis mandata Riviera exponit. Hunc certè Cardinalatus ingens cupido exagitabat, cuius adipiscendi spem omnem in Gastonis gratiâ positam habebat, non adversum Mazarinum tendendo, sicuti Pontifex suadebat, fed contrâ

1645.

Gastonem Mazarino æquum præstando. Nam in Gastone non ea vis ingenii, atque animi erat, neque ea in re publicâ potentia, uti quidquam invito Mazarino incipere vellet, tanta huic apud Reginam gratia, atque fides est, quâ fretus facilè omnia Gastonis consilia disturbasset. Igitur quod ab Pontifice sibi per Hersentium subiectum fuerat, id sibi modo usui futurum est arbitratus, uti suam Mazarino fidem ostentaret: huic omnem rem enarrat ordine, docetque omnia se hujus amicitiae posthabere, neque aliundè dignitatem, atque fortunas quærere, quò haud minorem fidei suæ, quàm quæ perfidiæ proponatur, posthac mercedem futuram speret. Mazarinus collaudato viro, atque omnia ab se quæ utroque digna essent, sperare iussit, quæ de Hersentio acceperat, ea Reginam edocet, cujus iussu hic in carcerem conjectus aliquandiu vanitatis, atque imprudentiæ poenas dedit.

Mense Septembri Rex atque Regina mater magno virorum Principum, atque Nobilium comitatu in Senatum veniè, promulgandis undè pecunia corrogaretur, Ediçtis, rem ipsi Ludovico patri dum viveret tanto Regi semper victori formidolosam, nam Patribus ubi de tributis, vectigalibus novis, atque hujuscemodi aliis cogendæ ab civibus pecuniæ agatur, liberiora quàm quæ Reges libenter audiant, dicere solitis: quò magis mirum visum, qui rem publicam administrabant, eos Reginæ autores fuisse, uti Rex puer in Senatum eâ gratiâ veniret: at cum primoribus Patrum antea collocuti, quæ eorum sententia futura esset, periculum fecerant, qui ex voluntate Regis lecta, promulgata, atque in actâ Senatus relata, Ediçtis adscribendum censuere.

Olim Reges ubi præsentis pecuniæ eguère, primùm quod in promptu erat, regia prædia urbana, rusticaque venum dedère, eâ duntaxat lege, uti restituto emptoribus pretio, hæc sibi redderentur: dein fœnore ab privatis pecuniam sumpsère, quod ex certorum vectigalium, tributorum, aut portoriorum fructibus, ab his qui illa conduxerant, annuatim penderetur: sed vix homines adducebantur, uti grandem pecuniam hujuscemodi fœnore, nisi ingens esset, occuparent, uti videlicet primorum annorum usuræ sortem quam credidissent, subito æquarent, neque adeò de hac in dubium venirent, nam primis annis pecuniæ creditæ versuram non solvere religio est, quæ postea exolescit. Eò visum Regibus aliam corrogandæ ab privatis pecuniæ rationem inire, novos Magistratus subindè creando, quibus ex eorundem vectigalium, Tributorum, ac Portoriorum fructibus annua stipendia attribuerentur, cum aliquâ unicuique vel levissimâ rei publicæ curâ, aut in Curiâ, aut in foro, aut in Ærarii rebus, quæ longè, latèque patent, præterea suæ operæ seu mercedem, seu honorarium ut acciperent, permissum: quibus rebus cum & quæstus, & dignitas accederet iis, qui Magistratus gererent, hos magno pretio tametsi exigua stipendia essent, commercabantur, qui videlicet eò apud populares clariores fierent, atque his benè, aut malè facere ex Magistratu aliqua facultas foret. Hujus compendii causâ Reges, aut quibus rem publicam permisère, tantum

Magistratuum numerum creandum censuere, quantum nec ipsamet res publica, nec privata civium diutius sustinere posse videatur.

Sub id tempus pax inter Christinam Virginem Sueciæ Reginam, & Christianum IV. Daniæ Regem ab Ludovico per Gasparem Cognetum Tuillerium ad ambos extrâ ordinem Legatum conciliata est, rem factu difficilē, quia Sueci plus bello valuerant, ac multa oppida ceperant, eò pacem in leges suas factam volebant. Cum his Sociæ Civitates congruebant, ac maximè Batavi Daniæ Regi infensi, quod Suevicum ingredientibus mare ingens portorium in freto Daniæ Arci subiecto persolvendum erat: dein ab Tuillerio edocti si Dania pence Suecos foret, tot victoriis in Germaniâ, Daniâque præclaros, ac feroces, magis ab his portoria hujuscemodi auctum, quam imminutum iri, atque isthuc potius ab Daniæ Rege eâ tempestate, quâ res hujus afflictæ essent, quam ab Suecis si Daniâ potirentur impetrari posse, postremò in potestate Tuillerii fuere, cujus operâ portoria in Danico freto Sociarum Civitatum navibus imminuta, quæ res harum Legatos Christiano Daniæ Regi reddidit æquiores, atque adeò horum, sed maximè Tuillerii operâ pax denique inter ambos Reges convénit, cujus conditionibus Scania quam Sueci occupaverant, eis est attributa: cæterum Regis maximâ intererat, hanc pacem fieri, ut ne porro Sueci ab Germanico bello, Sociæ Civitates posthâc ab Belgico ad Danicum averterentur, quò utroque privatae suæ rationes ferebant, quæ publicis plerumque potiores sunt.

Tuillerus præter hanc pacem, sædus & ipse Ludovicum inter, & Christianum Daniæ Regem fecit, quo navigantibus ultrò, citròque ut id liberè, & sine gravibus portoriis facere liceat, abundè cautum, ac maximè Gallicis navibus Danico freto Suevicum ingredientibus mare: præterea Regi curæ fore de Bremensi Archiepiscopatu, quem Sueci Daniæ Regis filio ademerant, ut is si quâ fieri apud Monasterium Vestfalorum possit, huic reddatur: postremò ut ne alter alterius hostibus fautor sit. Neque tamen de eo Archiepiscopatu, ubi Sueci ut hunc sibi per Pacis Germanicæ leges retinere liceret, postulavere, vehementer ab Gallis reclamatum, aut data opera est, ut hæc ipsi, aut filio jactura sarciretur: nam Sueci nobis bello Germanico maximo usui fuerant, Dani neque bello, neque pace utiles: principio enim Daniæ Rex voluntate Succorum Pacificatoris inter Imperatorem, atque eos partes sibi sumperat, dein ubi bellum inter hunc, atque Suecos ortum fuerat, hanc planè dimiserat provinciam, neque pace inter ambos conciliatâ resumpserat.

Anno proximo Bregium ad Uladislaum Poloniæ Regem ab Ludovico Rege, atque Annâ matre missum diximus: hic haud diù Varsoviæ commoratus est, sed in Galliam Uladislai voluntate rediit, qui primum perentatum ab Rege voluit, utrùm Christinam Virginem Sueciæ Reginam uxorem ducere posset, quod cum (sicuti futurum videbatur) fieri non posse pernovit, ad Ludovicam Mariam Gonzagam Caroli

1645.

a La Mare-
chale de
Guebrian.

Mantux Ducis filiam postremò animum adjecit, quæ sub hujus anni finem in Poloniam deducta est. Nuptiæ prius Lutetiæ Parisiorum regio planè apparatu celebratæ sunt, Sponsam in Poloniam euntem comitati sunt Poloniæ Regis Legati, qui isthic nuptiis adfuerant: Rex autem, atque Regina mater a Renatam Dubecam Vardiam mulierem viduam, genere, atque probitate insignem, unà cum Sponsâ in Poloniam ire jussere, quæ hanc vice suâ Uladislaò Regi traderet, Dubecam eâ causâ novo ut opinor exemplo, atque apud omnes gentes inaudito Legati, seu si fas est dicere Legatæ Titulo ornavere: hæc Joannem Budam Guebrianum Equitum Tribunum virum habuerat. Sed his nuptiis amicitia Uladislaù Gallia conciliata, cæterum fœdus, ac belli societatem quam recipiundæ Silesiæ adversum Imperatorem expetebat, Mazariño haud facere visum, ut ne hæc suspecta Suecis foret: cò Bregio datum negotium, ut Uladislaum doceret, nihil magis eo fœdere, ac belli societate contrarium esse paci, de quâ apud Monasterium Vestfalorum jam agebatur, cujus se cupidissimum ostenderet, dein cavendum videri ut ne dùm inter Principes Christianos bellum recrudesceret, atque id ipse adversum Imperatorem gereret, Turci, atque Tartari suos ipsius fines invaderent: bellum sumi facilè, at non hujus qui id sumat arbitrio plerumque desinere. Bregius ipse cum Ludovicâ Mariâ Gonzagâ in Poloniam rediit, ac Legati titulo ab Rege atque Reginâ matre tum ornatus est.

Initio hujus anni Pontificem difficulter adduci posse memoravimus ut Michaëlem Mazarinum Julii Cardinalis fratrem item & Cardinalem crearet, Julii magis odio, quàm quòd vix fratres duo Cardinales creantur, neque id ferè fit nisi in fratribus qui Pontifici fratris, aut sororis filii sint: sed hujus rei exemplum in Alphonso Richelio Armandi Joannis fratre recens erat, quò magis Mazarinus id ab Innocentio exculpere nitebatur, uti nihilo Richelio Cardinale inferior videretur. Innocentius haud respuebat Michaëlem pro Galliâ creare Cardinalem, si id Rex postularet ex formulâ, sicuti Ludovicus pater pro Alphonso postulaverat: at Julius non sicuti Gallum, sed sicuti Italicum Regis, ac Reginæ matris qui hunc per litteras Pontifici commendaverant honoris causâ creari volebat, neque id iniquum erat, cùm octo Cardinales Italicos eò solum quod Hispaniæ studerent, nuper creasset. Sed ut ne quid præter morem Pontifex faceret, postremò per Bregium ab Rege Poloniæ Mazarinus impetravit, ut ab Innocentio ex formulâ postularet Michaëlem Mazarinum pro Poloniâ Cardinalem creari: nam jamdiù nemo Polonus Cardinalis fieri studet, quamobrem Italicis hominibus Poloniæ Rex Cardinalatum petit, quod & ab cæteris Regibus fieri Pontifici summopere placeret. Ita Mazarinus in Ludovicæ Mariæ cum Uladislaò nuptiis rei publicæ serviundo fratri sui dignitati magnopere studuit, quod huic laudi ducendum censeo.

Hujus anni principio Joannem Jacobum Barillonum Inquisitionum in Curia Parisiensî Præsidem Pinarolum deductum, atque eò in custodia

diam conjectum memoravimus. Is hoc eodem anno obiit mortem, quem veneno sublatum quidam credidère, quod quidem mihi non fit verisimile, nam id ab Mazarini naturâ longè alienum est. Porro Barillono ingenium, eloquentia, atque omnis judiciariæ rei peritia fuit, cæterum & publicæ attingendæ studium huic sicuti plerisque eâ tempestate aliis ex Senatu fraudi fuit.

Obiit & hoc anno Franciscus Subletus Nucerus de quo sæpiùs memoravimus: hunc nimio Aulæ desiderio percunctum videbant. Lupara Regia hujus operâ edificiis aucta, sedes ad Fontembella quæcum regium rus refectæ, atque ornatae, Templum eleganti opere extra D. Germani portam exædificatum, quo adolescentes Jesuitarum Societati initiantur, cæterum nihil quod ad ingenium attineat, in hoc homine laudaveris.

Eodem hoc anno Franciscus *a* Rupifocaldus Cardinalis natus grandior naturæ concessit: is diù sacris apud Regem Ludovicum XIII. præfue-
rat, vir sanctus, sed his quæ sanctitatis speciem haberent decipi facilis, dùm cæteros ex suo ingenio judicat, ignarus per ambitionem multos vitæ sanctitatem simulare: hunc Ludovicus Consilii regii principem priusquam Richelium fatis novisset, fecerat, atque id hominis generi, virtutibus, præterea vitæ sanctitati tribuerat, sed divina magis, quàm humana callere visus & id muneris, & sacrorum apud Regem Præfecturam simul abdicavit, atque reliquum ætatis Deo excgit.

Mortuus item est *b* Henricus Escobellus Surdus, Burdigalensis Archiepiscopus, qui quoniam multa ab Ecclesiasticorum Ordine aliena facitabat, interdum offenderat, cæterum huic ingenium, & quæ ad animum pertinerent alia tali genere, atque fortunâ haud indigna fuere: cum Harcurio tantâ virtute viro in gloriæ societatem venit, ob receptas quæ Massiliæ objacent, insulas, præterea cum Carolo Schombergio, ob devictos in suis circum Locatam quam oppugnabant, castris Hispanos, nam utrique datus ab Richelio adjutor fuerat, præfectusque classibus, quæ ad utramque gerendam rem adfuere.

Obiit & Timoleon *c* Spinaius Sanlucius, & Joannes Galardus Bearnus Brassacus Comes: ille Equitum Tribunus, qui per adolescentiam nonnulla fortiter, ac præclare terrâ, marique gesserat, cæterâ ætate per voluptatem, & socordiam exactâ: hic Romæ Legatus Ludovico XIII. Regi Administer, Nancio atque omni Lotharingæ Præfectus, atque e regni sancti Spiritus militiâ fuit, vir antiquâ virtute, ac fide.

1645.

a Le Cardinal de la Rochefoucault.

b Henry d'Escoubleau, de Sourdis.

c D'Espinau de saint Luc. Galard Bearn, Comte de Brassac.



JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER QUARTUS.
E P I T O M E.

1646.



AXIMILIANUS Baiariæ Dux per *Bagnium* Pontificis Nuntium de Pace Germanicâ cum Rege apud *Sarvedra* Hispanicus Legatus cum *Rosenhamo* Suecico Residente colloquitur apud *Monasterium Vestfalorum*. *Belleria* Sabaudico Legato datus adjutor, Gallie adversus. De utraque eâ re *Mazarini* sollicitudo. Hispani dolo malo conditiones pacis Regine permittunt, ac de *Mariæ Theresiæ* nuptiis cum Rege mentio-

nem faciunt. *Estrada* eâ causâ *Hagam Comitiss* ad *Arausium* missus. Ingentes turbæ eâ de re apud *Socias Civitates*. Quæ Pacis conditiones Gallis, ac Succis ab *Austriacis* ferebantur. *Labardæus* Regis ad *Helvetios* Legatus *Osnabrugam* missus ab Rege. *Bagnius* Pontificis Nuntius *Reginam* abtueudis *Barberini* fratribus detertere frustra conatur. Hi in *Galliam* veniunt. *Henricus Arnaldus Abbas* *Romam* mittitur. *Reginaldus Atestinus* Cardinalis *Galliæ Romæ* Prætor ab Rege creatus. *Cabrera* *Philippi* Legati cum *Atestino* Cardinale controversia. *Turcorum* adversus *Venetos* bellum. *Canea* in *Creta* seu *Candia* Insula ab *Turcis* capta. Missus ab Rege ad *Ibraimum* *Turcorum* Regem de pace inter hunc & *Venetos* concilianda *Varenna*. *Villaregius* *Neovilla* ab Regina delectus qui Regis filii pueritiam regeret. *Classis* *Gallica* ad *Herculi* *Promontorium* contendit. *Thomas* Princeps *Orbitellum* oppugnat. *Gasto* in *Flandriam* ducit. *Angianus* in *Campaniæ* finibus cum exercitu. *Aula* ad *Ambianos* proficiscitur. *Brezæus* *Classi* *Gallicæ* Prætor adversum *Hispanicam* pugnat, atque hanc persequens tormentis pila iEus occubuit. *Daugnionus* Comes *Brezæo* Legatus *Classem* in *Provinciam* reducit, dein *Broagium* ad *Oceanum* properat. *Gasto* cum exercitu in *Belgio* *Curtracum*

oppugnat. Angianus huic adjutor est. Oppidum Gastoni deditur. Arausius An-
 tuerpi oppugnare velle visus. Gramontius Equitum Tribunus eâ gratiâ cum
 equitibus, peditibusque ad hunc missus. Thomas ad Orbitellum inceptum omisit,
 atque in Subalpinos redit. Henricus Condeus ab Aula secedit, dein brevi re-
 dit. Berga Fani-Vinoci Gastoni dedita, dein Mardicum item deditum. Gasto re-
 dit in Aulam. Summa Imperii ad Angianum redit. Hic Dunkercam oppugnat.
 Mellerius, & Pralinoplessius, Equitum Tribuni consensâ classe ad l'lvam In-
 sulam contendunt. Plumbinum ab Insula exiguo diremptum fretu ad deditionem
 redigunt, dein Longonis portum in ipsa insula. Dunkerca Angiano deditur. In
 Catalonia Harcurius Ilerdam obsidet. Leganes cum Hispanico exercitu Harcurii
 Castra ad Villanovetam oppugnat. Interea Hispani diversissima parte commea-
 tum ac milites Ilerdam introducunt. Harcurius inceptum omisit. Turena cum
 Gallico exercitu, Vrangelijs cum Suecico, ille apud Lauringam, hic apud Do-
 narverdam Danubium transeunt. Augustæ Vindelicorum appropinquanti, cui Aus-
 triaci, ac Baiarii auxilio advenere.

FINE anni proximi Trautmanstorffium Ferdinandi Imperatoris Le-
 gatum ab Monasterio Osnabrugam profectum diximus, uti cum
 Suecicis Legatis atque Imperii Ordinibus qui eò convenerant de Pace
 ageret, omittis sicuti videbatur, planè Gallis, nam diù multumque
 apud Osnabrugam agitavit. Sed intereâ Maximilianus Baioariæ Dux
 Imperii Septemvir pridem ab Ferdinando II. Imperatore creatus, aut
 Friderico Palatino cui Septemviratum abrogaverat, subrogatus, vir
 exactâ ætate, ac parvis liberis, jure metuebat, uti si infectâ pace diem
 suum obiret, Suecorum, atque Protestantium Principum, atque Or-
 dinum operâ Septemviratus Carolo Friderici filio redderetur: neque
 enim in Ferdinando III. Imperatore, neque in Philippo Hispaniæ
 Rege, qui sibi usque amici, ac fautores fuerant, & quorum Sectam se-
 cutus fuerat, satis sibi præsidii esse, aut liberis futurum intelligebat,
 uti statum dignitatis obtinerent: nam utrique res in angusto erant, ob
 Gallorum, Suecorum, atque Civitatum in Belgio Sociarum res præ-
 clarè per id bellum usque gestas, qui multa oppida, ac regiones in Ger-
 maniâ, Italiâ, Hispaniâ, ac Belgio armis ceperant, ita ut si hi bellum fa-
 cere pergerent, id nusquam nisi rebus Imperatoris, atque Hispaniæ
 Regis planè perditis dediturum videretur: quamobrem omnem sibi dan-
 dam operam ducebat, uti potiùs conditionibus quibuscvis defineret.

Priusquàm bellum in Germaniâ ab Suecis gereretur, Maximiliano
 fœdus erat cum Ludovico XIII. Rege, quo hic adductus, ubi postea
 cum Gustavo Suecorum Rege fœdus fecerat, de gerendo in Germaniâ
 adversum Ferdinandum II. bello, Maximiliano ita cautum voluerat,
 ut hic planè, atque alii Catholici Principes, Ordinesque intacti forent,
 si ab hoc bello sese abstinere vellent: nam id neque his, neque Catho-
 licæ quam profitebantur religioni fraudi, aut damno esse volebat. Sed
 Ferdinandi in se merita majora esse Maximilianus censuerat, quàm ut
 eo defendente gravissimum quod ipsi infereretur bellum, ipse satis piè,

1646.

atque honestè cessare posset : quò factum est, ut in idem ambo discrimen inciderent, quod in dies augebatur, neque enim post Ferdinandi II. obitum æquior Ferdinando III. filio fortuna fuit, ita ut pace quantocius factà huic magnoperè opus esse videretur. Sed cùm in eo negotio nihil satis ex Maximiliani sententiâ festinaretur, ad Nicolaum Bagnium Pontificis Nuntium apud Ludovicum Galliarum Regem scripsit, quò hunc ad pacem quàm æquissimis conditionibus maturè faciendam magis, ac magis accenderet, simul paternum cum ipso Maximiliano fœdus ad memoriam revocaret, doceretque. *Illis se perditò nihil opus esse, cùm unà Catholicam religionem in Germaniâ interire propè necesse esset, quam contrà integram, & florentem Regem velle non dubitaret : sibi igitur consilium esse conficiundæ in Germaniâ paci dare operam, quibus Rex vellet conditionibus : considerare tamen has quantum fieri poterit æquissimas laturum Regem, ut accipi ab Imperatore, atque ab Imperii Ordinibus possint : postulare vicissim, uti Rex sibi de Septemviratu, atque aliis rationibus suis tantum per hujus pacis condiciones vellet.* Isthæc Regi atque Reginæ matri magnoperè placuere, qui Maximilianum bono animo esse iussere, atque ab se omnia quæ ad suam salutem, dignitatemque pertinerent, certo sperare.

Hic vehementer postulabat, ut intercā dùm ad pacem perveniri posset, induciæ in Germaniâ fierent, quod quidem Rex obitare paci brevè conficiundæ arbitrabatur, ad quam Imperatorem adigi posse uno excidii sui metu satis scibat, qui per inducias adimebatur : eò de his Maximiliano morem haud gerendum intelligebat, qui & ipse eodem metu ad pacem denique apud Ferdinandum urgendam impellebatur.

Sed is ægrè adduci poterat, ut Alsatiam, atque alia quæ suprâ memoravimus, Ludovico relinqui, ac permitti æquum censeret : præter quàm quod pleraque hæc omnia sua non essent, qui Regi quando huic visum fuisset adversum se bellum sumere, justus hostis fuerit, sed Principum Oenipontanorum, qui nondum ætatem quæ militiæ patiens esset, attigissent, atque adeò nihil adversum Galliarum Regem commervissent, quò hos bonis suis spoliatos vellet. Isthæc eadem & prædicaverat apud Monasterium Trautmanstorffius, & tunc cum maxime apud Osnabrugam Suecici Legatis, atque Protestantibus Imperii Ordinibus narrabat, neque ægrè ab his audiebantur. More hominum, qui quò minus aliis fiat, eò rem suam fore sperant auctiorem. Jam apud Monasterium Catholici nihil mercedis Galliarum Regi deberi pro navatâ Rei publicæ atque Germanicæ libertati recuperandæ operâ censebant, neque alia primum apud Osnabrugam Protestantium sententia erat, ac ne ipsi quidem Suecici Legati ab his magnoperè dissentiebant, insitâ ab naturâ hominibus invidiâ, quæ illos usque obsecabat, uti non animadverterent, quod in nos sentirent, id sibi planè fraudi esse, qui tametsi Protestantium studiis freti essent, tamen hos vix adduci posse verisimile erat, uti longè dissimiliter Suecos ab Gallis haberi vellent.

Inter hæc unus ex Hispaniæ Legatis qui apud Monasterium Vestfalorum erant, huic Didaco Saavedræ nomen fuit, ad Rosenhamum qui

ed res Suecorum procurabat, sibi aditum patefacere aggreditur : eà gratià Lucanicorum, atque aliarum hujuscemodi rerum munuscula hujus Uxori mittere, dein ipse ad mulierem visens ire, ut occasionem cum viro colloquendi caperet. Ubi ingenium hominis satis novit, atque consiliis suis opportunum est arbitratus, *Commune Hispanorum atque Suecorum* ab *Gothis* genus esse dixit, neque quidquam inter utramque gentem controversiæ, quominus altera alteri usui sit, tradamque operas mutuas. Gallorum potentiam Sociis propè æquè, ac hostibus formidolosam videri, qui ubi per Suecorum fœdus, atque virtutem eà magnitudinis evaserint, unde pelli nequeant, tum & Sociis graves, atque intolerabiles futuri sint. Huic malo non manu, neque vi, quoniam fœdus prohibeat, sed arte atque consiliis ab Suecis prævertendum. Id faciù facile, si unà cum Hispanis erit velint, uti per Pacis conditiones, quæ Gal-
li in Germania, & Belgio, bello, atque armis occupavere, ea aut cuncta, aut magnam partem dominis restituere cogantur, quo pacto eorum opes minui, neque posthac tantam nocendi cui voluerint, potestatem fore. Id si Philippo Sueci gratificari velint, certam ipsis hujus officii mercedem posuam. In potestate Philippi Ferdinandum Imperatorem esse: ab hoc quæ voluerint omnia, ea facile imperaturum, uti belli præmia penes hos opimiora sint, ita sue, ac rei publicæ juxta consulturos.

Hæc haud inhonesta oratio Rosenhamo visa, quoniam quæ Saavedra suadebat, ea citrà fœderis quod Suecis cum Gallis intercedit, religionem fieri posse videbantur. Nam homini quæ in rem suam sunt, ea facile rectè esse probaveris. Fortè accidit uti postpaulo Joannes Adler Salvius alter è Suecorum Legatis Oïnabrugâ Monasterium veniret, quem Hispanici Legati (rem factam ab his antehac nusquam) invisere, neque eidem adversum hos ipse officio defuit. Id verò Gallicis Legatis haud satis placebat: quia tamen de amicis secus sentire quidquam nefas esse dicebant, ne suam quidem suspicionem ab iis quaesivere. Sed mox venit ab Mazarino nuntius, qui Legatos de collatis Suecos inter, & Hispanos consiliis certiores fecit. Id ut ne Gallis fraudi sit maturè providendum, rem totam uti gesta sit, ab Suecis Legatis exquirendam: qui si etiamtum amici erunt, hanc faciuros palam: sin reticeant, parùm iis posthac fidei habendum. Quæ prius ipsis dicta sint, ea ad memoriam redigenda: omnes hostium curas, cogitationesque eò tendere, ut invidiam, aut emulationem inter utrosque serant, & quos bello nequirere, eos de pace agendo sejungant, atque ex Sociis, & amicis, inimicos si quæ fieri possit, reddant, quò facilius alteros instaurato ubi bonum ipsis, atque commodum erit bello devincant. Si Sueci nihil his moveantur, neque Hispanis derogent fidem, non esse tamen de re publicâ desperandum. Nuper cum Danie Rege renovatum ab Ludovico fœdus, cui suadere facile sit, uti bellum adversum Suecos sumat denud: prætereà sibi cum Maximiliano Baioariæ Duce consulta quædam esse, quæis hunc ad Gallie partes adduci posse confidat: postremò Socias Crivitates, & Brandenburgicum Septemvirum Suecorum opes iniquo animo ferre.

Addebat alia Mazarinus tam varia, atque diversa, ut hunc consilii incertum esse facile cognoscere. Nihil tamen in eo negotio erat, quod tantoperè laboraret: neque enim incerta pro certis captare Suecis consilium

1646.

fuit, aut pro Gallis, Hispanos sibi adjungere: ita ubi ab his quæ sita res est, ex pristina amicitia, atque fide respondere; *Nihil dolo malo ab Salvio factum, sed uti quid Austriacis de Suecorum rebus sententiæ esset, per Hispanos expiscaretur.* Ceterum Joannes Oxenstierna seorsim ab Salvio, hunc omnibus novis delectari supra modum ait, neque facillè sibi temperare, ubi quid hujusmodi occurrat animo: verum se daturum operam, uti sibi, atque huic Regina Sueciæ vel minimam suspensionem fidei labefactatæ Gallis dare prohibeat, atque porro intelligat, in utriusque Gentis conjunctione rei publicæ salutem esse positam. Oxenstiernæ cum Salvio haud ferè leviores intercedebant similitudines, quàm quæ Avauxium inter, & Servianum fuere: hic cum Oxenstiernâ, ille cum Salvio congruebat.

Mazarinum alia res haud minùs anxium, atque sollicitum habuit. Cum Sanmauricio Comite Caroli Emanuelis Sabaudie Ducis Legato quidam erat apud Monasterium Vestfalorum Taurinensis Senator Joannes Franciscus Belletia, huic ab Piannezzâ Marchione adhibitus, qui si opus esset agere quidpiam, quod ab Gallie rationibus alienum esset, id ipse faceret clam Legato: nam hic homo erat antiquâ virtute, ac fide, qui diù multumque in Aula nostra versatus fuerat, item Caroli Emanuelis Legatus, & qui probè sciret hujus maximâ interesse, uti cum Ludovico congrueret, neque ab eò quidquam diversus ageret. Sed aliter Piannezzæ quandòque videbatur homini Italico, cui generi sapiùs quæ dolo, quàm quæ rectè, atque ordine fiunt, magis placent. Ex hujus igitur hominis lubricine Belletia cum Ferdinandi Imperatoris, & Philippi Legatis quædam ab foedere quod Carolo Emanueli cum Ludovico intercedit, aliena agitabat: neque hæc latuere Mazarinum, qui Hispanorum, & qui cum his agebant consulta propè omnia noverat. Continuo Rex apud Christinam amitam Caroli Emanuelis matrem isthuc per Legatum qui Augusta Taurinorum erat, graviter expostulat, flagitatque uti Belletia ab Monasterio Vestfalorum amoveatur. Sed hæc primùm muliebriter ex Piannezzæ sententiâ dictitare, in eo filii jus summum violari, cui necessitudo imponatur, non ex suâ, sed ex alienâ voluntate deligere, quorum operâ in rebus suis agendis utatur: quod certè futile fuit, nam Rex haud jubebat Carolum Emanuelè, aut Christinam matrem alicujus quem ipse indicaret apud Monasterium Vestfalorum operâ uti, sed postulabat ut qui adversum se, suasque rationes faceret, & cum hostibus suis congrueret, eum amovere pro foedere, Christina vellet, quod postremò Regi est obsecuta, ac Belletiam in Poloniam aliarum rerum agendarum specie misit.

Non inter Gallos modò, Suecos, atque Germanos de pace agebatur, sed & inter Gallos, Hispanosque, qui quoniam ab ipsâ naturâ alteri alteris invisi sunt, auxeratque diuturnum inter ambos bellum odia, nusquam colloquebantur. Iis interpretes fuere Fabius Chigius Innocentii X. Pontificis Nuntius, & Ludovicus Contarinus Venetorum Legatus, ille perinde ingenio, rerum peritiâ, ac sanctitate vitæ clarus, Contarinus alias aliò obierat Legationes, in quibus summam prudentiæ, atque solertiæ

famam adeptus fuerat. Pontifex, atque Veneti inter Gallos, Hispanofque Pacificatorum sustinebant partes, quorum ille Galliæ adversus erat, cum quoddam hæc invitâ Pontifex creatus fuerat, tùm quia Barberini quibus erat infensissimus, sese Ludovico Regi dederant in clientelam & fidem. Ab Chigio igitur, & Contarino cum Gallicis, atque Hispanicis Legatis multùm, ac frequenter de conciliandâ Regem inter, & Philippum Hispaniæ Regem pace agebatur. Sed huic, atque adeò hujus apud Monasterium Legatis consilium fuit, Socias Belgii Civitates ab Gallis sejungere, uti cum illis aut Inducias, aut pacem seorsim sancirent, quoniam ut idem cum Gallis facerent antehac frustra tentaverant: nam Hispani ubi ab bello vacui cum Gallis essent, id facilius, ac magis ex sententiâ adversum Socias Civitates porro gesturi videbantur.

Sed Gallis major fuerat fœderis cum Civitatibus ic̃ti religio, quàm ut adduci potuerint, ut ab hac vel minimùm discederent. Gallici Legati hanc Hispanicis Pacificatorum operâ ferebant conditionem: cum videlicet Hispaniæ Reges quæ bellis adversum Galliarum Reges gestis paravissent, ea sibi retinuissent, Flandriam, Artesiam seu Atrebatem, Regnum Neapolitanum, Mediolanensem Ducatum, Siciliam, atque alia, ac singillatim propè omne Navarræ Regnum, aut huic isthæc omnia redderent, aut quæ Rex hoc novissimo bello occupasset, ea pence hunc manere vellent, atque eâ conditione pacem conficere. Quæ conditio tametsi æquissima esset, tamen Hispanos pudebat, eò sibi rem rediisse, uti tantâ jacturâ pacem redimere cogrentur. Neque fermè minùs displicebat Pacificatoribus, Gallos tot, tantaque postulare, quibus modum lubentissimè fecissent.

Sed Gallici Legati in suâ persistabant sententiâ, neque ab hac se usquàm discessuros ostentabant. At nihil omisere Hispani, quò hos in fraudem deducerent denique. Primùm enim Contarinus alias res agere se simulans, de nuptiis regiæ virginis Hispanicæ cum Rege mentionem iniecit, cui Belgium omne doti diceretur. Dein Saavedra cum Avauxio colloquendo ait: *Quas condiciones Galli ferrent, eas ne profligatum quidem hostem, nedùm Philippum qui ab hoc infortunio longè absit, accipere posse: sed aliam rationem ineundam, atque hujusmodi amicitie vincula connectenda, quæ posthæc dissolvi nequeant.* Isthuc cum priori Contarini oratione collatum Gallos in hanc adduxit opinionem, Hispanis videlicet nihil quò rem suam prolapsam restitutum honestius in mentem venisset, quàm quod Contarinus dixerat: nihil tamen Avauxius Saavedræ isthuc obsecurè confirmanti responderat, quò sibi probari, aut contrâ videretur.

Jamdù Mazarinus magno conatu regis apud Monasterium Vestfalorum Legatis persuadere nitebatur, *Maximo usui Regi fore, si omnem belli adversum Philippum tam egregie gesti mercedem haberet in Belgio, quâ fines nostri producendi viderentur, uti longius ab Lutetia Parisiorum quæ caput Regni est, abessent, simul Hispanis ex propinquo sicuti Belgium sit, nobis male faciendi facultatem ereptum iri.* Id fieri posse si redditus, ac restitutus omnibus quæ Rex in finibus Hispaniæ præsidia teneat, in eorum æstimationem quod reliquum Hispanis

1646.

*in Belgio sit, id nobis traditum velint, eò simulandum Cataloniæ, & Ruffinonen-
sem Agrum Regem retinere vehementer velle, ac præterea Tarraconem, Dertofam,
atque Ilerdam habere, tanti pretii oppida Philippo in Belgio reddendo.*

At his nihil opus erat, uti Legati Belgium quibus id finibus Philippus possidet, Cataloniæ etiam cum Ruffinonenfi Agro antepongerent, atque adeò illud quàm hæc penes Regem esse mallerent, neque aliud quidquam necesse videbatur, ut eò Hispanos deducerent, quàm uti porro his ostentarent, nihil Regem ex omnibus quæ armis ceperat redditurum: nam eò modò permoti de regiæ Virginis Hispanicæ cum Rege nuptiis mentionem per Contarinum iniecerant, cui Belgium doti dicerent, uti videlicet cætera ad Hispanicæ fines Ludovicus Philippo redderet. Harum igitur nuptiarum spe Legati Gallici gaudere, atque hanc Regi, & Reginæ Matri, ac singillatim Mazarino propere nuntiare: qui & ipse lactus quò animi lubido ferebat, eò pacis cum Hispanis negotium suâ sponte deduci: anxius tamen erat, atque sollicitus, quæ de nuptiis, simul ac dote Sociarum Civitatum sententia foret, cum ex eâ re alia in his regionibus rei publicæ facies futura videretur.

Cæterum his optatio nostra, quàm Hispanorum vicinitas esse debebat: nam illà freti perpetuo otio frui, ac quæstui cujus ipsis summum studium est, indulgere poterant. Præterea Mazarinus satis scibat Arausium magnoperè cupere, ut Antuerpæ cum Agro vicino in potestate Sociarum Civitatum essent, quam quidem urbem, agrumque ubi hæc Rex cum cætero Belgio dotalia haberet, Sociis Civitatibus pro amicitia hunc tradere æquum censibat, si Trajectum ad Mosam ipsi in æstimationem dare vellent. Postremò Estradam Hagam Comitissæ mittere decrevit, qui pro more cum Arausio ageret de proximis actibus, & quid utrimque optimum factu judicaret periclitaretur: simul hominem doceret. Pacificatores quandoque cum Legatis Gallicis apud Monasterium Vestfalorum de oppidis quæ Rex in Hispanicæ finibus præsidio teneat, atque Agris vicinis Philippo permittenda, modo ut illi tam in Belgio permitteret, collocutos. Quandoque item de Regiæ virginis Hispanicæ cum Ludovico nuptiis, cui Belgium omne cum Luxemburgensi Agro, & Sequanis doti diceretur: quæ certè nuptiæ ad cobonestandas pacis conditiones pertineant, ut ne victis ab victore lute videantur. Cæterum si id fiat Hispanos nihil Regi daturos, nam quæ bello ceperit, ea jam huius esse: quæ verò illis reliqua sint in Belgio, Luxemburgensi Agro, & Sequanis haud ferè pleris æstimanda esse, quàm quæ Rex in Hispanicæ finibus obtineat, ita nibilo his nuptiis Regem nisi uxore autum iri, cui adeò si quid humani nullis editis liberis accideret, dos penes hunc manere debeat. Per fœdus ac belli societatem id maxime ab Sociis Civitatibus quæsitum videri, uti pro Hispanis perpetuis hostibus, Gallos perpetuos amicos sibi finitimos habeant, quod his nuptiis planè agatur, atque ipsis pax firma, ac perpetua constabiliatur. Nam Hispanicæ Regem quod jus in Sociis Civitates se habere credat, ab eo aut in harum gratiam discessurum, aut in Ludovicum translaturum, qui isthuc idem in eas statim sit translaturus, ac demique fœdus æternum tuendus utriusque finibus cum his faciurus. Hoc Mazarinum cum Arausio pro multis inter ambos amicitia per Estradam communicata voluisse, ut huius sententiam pernoſcat.

pernoscat : quæ si huic satis placeant , ea ipsi planè permittere , de quibus ipse cum Castelloroderico Marchione per fidum Interpretem agat. Sin hæc ab ipso Mazazino apud Urbem , seu ab Legatis Gallicis apud Monasterium Vestfalorum rectius actum iri existimet , nihil in his Regem factum velle , nisi consensu utrobique Sociarum Civitatum Legatis sicuti sedere caveatur.

Ubi hæc dicta ab Estradâ Arausio sunt , hic verò de Antuerpis ait vix Socias Civitates adduci posse , ut hujus Urbis ac portus opportunitate quemquàm præter se uti velint , quo suas opes minui arbitrentur. Ibi Estradâ Mazarinum ait hujus honoris causâ sedulo facturum omnia , atque operam daturum ut in eo Rex , atque Regina mater Sociis Civitatibus morem gerant , modò ut Regi quidpiam in Antuerparum æstimationem detur : dein Arausio Trajectum ad Mosam obtrudenti haud satis dignum esse respondit , quod Antuerpis contra comparctur , neque tamen ipsum ademit aut hoc , aut alio pacto rem confici posse.

Ita de Regiæ virginis Hispanicæ cum Rege nuptiis Contarinus primum , dein Saavedra locuti fuerant , ut id non ex communi Legatorum Hispanicorum , sed privato utriusque consilio factum videretur. At post paulò Gallicis Legatis Hispanicorum verbis ab Pacificatoribus est nuntiatum , Philippum Hispaniæ Regem Pacis conditiones Annæ Reginæ sorori suæ permittere velle , quas ipsa ferret sicuti Arbitra inter Reges filium , fratremque , atque has Hispanicis Legatos sese accepturos polliceri : Philippum enim minimè dubitare quin Regina has ita latúra sit , uti regiæ ex quâ orta sit Gemi conveniant. Ubi isthuc Pacificatores Gallicis Legatis dixerant , hi subito ad Sociarum Civitatum Legatos adièrunt , ut ex fœdere , ac pro fide sociali quid de Pace sibi Pacificatores Hispanicorum Legatorum verbis nuntiassent , de eo certiores illos facerent. Sed tantæ rei novitas hominum animos ita perculit , ut vix satis expedirent quid sibi ad hæc respondendum esset. Nam Pacem Gallos inter , & Hispanos confectam credidère , & quòd illi ad se venissent id per fidei simulationem factum. Ibi ab Gallicis Legatis postulavère uti sibi in proximum Conclave tantisper secedere per eos liceret , consultaturis nimirum quid ipsis respondendum censerent. Quod ubi factum est , atque ipsi redièrunt , Gallicis Legatis egère gratias , quod inter hos & Hispanos quid actum esset , id se subito scire voluissent : orare ut ne suum de Pace negotium ad exitum perducerent , nisi secum unà , alteris videlicet alteros expectantibus , atque invicem sustinentibus se , quemadmodum fœdere caveatur : Hispanos perindè nunc cum Gallis agere , ac cum Sociis Civitatibus antehac egerint , Pacis negotium Lutetiam Parisiorum ad Reginam avertendo , quemadmodum Hagam Comitibus ad Federatos Ordines avertere voluerint. Ad hæc Legati Gallici sese Hispanicis significasse dixère nihil ab se , aut ab Regina ipsâ de Pace actum iri , nisi apud Monasterium Vestfalorum , atque unà cum Sociis Civitatibus , aut cum harum Legatis , quod & idem ipsis denuò confirmant.

Hanc omnem rem ab Mazazino ortam plerique omnes credidère , quam simul & regiæ Virginis Hispanicæ cum Rege nuptias , cui omne Belgium doti diceretur , ab Bagnio Pontificis apud Regem Nuntio ejusdem

1646.

Pontificis apud Philippum Nuntio subiectas voluerit, ut Hispani ad utramque rem si videretur, animum adjicerent. Sed his quæ ab nimia heremini solertia profecta essent in fraudem Mazarinus incidit denique, quam Arausius sibi apud Socias Civitates effugiendam sapienter est arbitratus. Is igitur qui harum, ac singillatim Batavorum ingenia pernosceret, & quid de nuptiis, ac de dotali omni Belgio animi ipsis futurum esset, satis provideret, nihil se huic admiscere negotio voluit, quin & ægerrimè tulit, Estradam ad Longavillam scripsisse de eo se cum illo collocutum. Cæterum Estradæ respondit; *Quod id secum Mazarinus communicatum voluisset sibi gratissimum esse, ac si in eo sua opera ipsi processura videretur, hanc lubentissimum adhibiturum, quo huic ex sententiâ evenires: nihil enim in hoc negotio esse, quod non Sociis Civitatibus probari debeat, si id rectè perpenderent. Sed aliam Principibus, aliam Populis mentem esse, quibus ubi quid novi objicias, continuo incidit suspicio id sibi fraudis futurum.*

Secundùm hanc Arausii sententiam Pavius, atque Knutius Sociarum Civitatum Legati tùm ab Monasterio advenère, qui Fœderatos Ordines docerent Gallicos Legatos ad se, atque ad Collegas venissè nuntiatum ea quæ diximus de Pacis Gallicæ conditionibus ab Philippo Annæ forori permittendis, quod quidem magnam in omnium animis excitavit tempestatem. Nam Arausius se de hac re cùm ab Estradâ, tùm ab Brasseto qui Regis negotia Hagæ Comitis procumbat, consultò celatum credidit: Fœderati autem Ordines se item de nuptiis celatos querebantur, atque adeò desertos, ac propè proditos arbitrabantur. Sed Plebes, & qui ex primoribus Arausio invidebant, hunc Gallis de nuptiis, & confectâ cum Hispanis pace conscium esse dictitabant, de quâ re periculum facere decrevere, atque eâ gratiâ sententiam ejus de virginis Hispanicæ nuptiis exquirere, & quæ pars Belgii fœdere inter Regem, & Socias Civitates icto his tribuebatur, eam utrùm hanc dotis quæ sponsæ diceretur nomine rectè Regem accipere, ac sibi retinere posse censeret. Sed Arausius ab amicis admonitus quid illis consilii esset, ubi de nuptiis rogatus sententiam est, has haud ita Sociis Civitatibus iniquas fore sibi videri dixit, si eadem ipsis belli egregiè gesti præmia forent, quæ icto cum Rege fœdere cavebantur. Sed ubi ad Brassetum eâ de re aditus est, si Hispani omni Belgio ab Rege, & ab Sociis Civitatibus unâ pellerentur, ibi verò æquum fore dixit his suum quod fœdere cautum sit, præmium esse: at quod Regi unâ cum Hispanicâ virgine dotis nomine dabitur, id verò, aut hujus partem aliquam Sociis Civitatibus dari planè præter fœdus, atque jus & æquum esse.

Sed Legati Gallici ubi sibi conditionem ab Hispanicis latam de Pacis legibus ab Philippo Annæ forori permittendis accuratius perpendere, magnificum id quidem in speciem, cæterum vanum, ac futile esse cognovere: neque enim eò minùs de his apud Monasterium porrò agendum videbatur, cùm non alias Regina quàm quas in mandatis haberent, latura esset: sin Hispaniæ Regi placeret filiam Ludovico nubere, atque illi Belgium doti dicere, rem expeditam fore, ac maximè si absque liberis

hac obcunte mortem penes Ludovicum dos mansura esset: post remò mittendum ad Regem, atque ad Reginam Matrem decrevère qui de eà omni re faceret certiores, atque adeò nihil admodum usque dùm rediret, egère.

Interea Arausius Hispanorum fraudem permovet, qui de nuptiis, atque de permittendis Reginæ conditionibus pacis mentionem fecerant, uti tantò majus hujus seorsim ab Gallis sancundæ studium apud Socias Civitates accenderent: neque id difficile erat, quibus videlicet ac maxime Baravis ingens ab initio hujus rei lubido fuit. Arausius pacem Hispanis pernecessariam esse aiebat, adversum quos si his æstivis eadem vi quâ prioribus ageretur, planè perditì forent: sin Sociæ Civitates quemadmodum plerique videretur legnìus gererent bellum, his magnam Hispanos gratiam debituros, quibus cum adimere facile possint omnia quæ ipsis in Belgio reliqua sint, id tamen facere negligerent. Antuerpas maxime oppugnaturus hoc anno videbatur, quarum habendarum huic ingens studium erat. Igitur Estradam de futuris æstivis bonæ spei plenum dimittit, & quæ per hæc gerenda viderentur, de iis Sociarum Civitatum Legatum in Aula acturum edixit.

Fœdere Ludovicum XIII. Regem inter, & Socias Civitates ictò de pace cautum fuerat, ut ab neutris cum Hispanis nisi unà, ac simul fieret: nihil autem si Hispani inducias modò cum Sociis Civitatibus habere vellent, uti Rex omisâ Pace Inducias modò & ipse sancire cogeretur. Ex fœdere igitur Sociis Civitatibus jus erat ab Rege ut ne Pacem cum Hispanis nisi secum unà faceret, postulare, non autem si Induciis contenti essent, ut has modò sanciret. Ita Rex sese Pacem Sociis Civitatibus præstiturum aiebat ex fœdere, sin verò Inducias mallet, sese bellum si has Hispani violarent, unà cum Sociis Civitatibus denuò adversum hos sumpturum ex fœdere: postea verò quàm Induciarum tempus exisset, nihil se uti bellum continuaret, fœderis legibus teneri: sese tamen Socias Civitates omni ope sicut ante fœdus ictum Rex pater liberalissimè, atque munificentissimè fecisset, adjuturum. Cæterum Regi haud damnosum futurum fuisset, sicut antehac diximus, si & ipse Inducias cum Hispanis ad exemplum Sociarum Civitatum fecisset: nam interea dum agerentur, ad ætatem reipublicæ gerendæ maturam pervenisset, atque id non modò ipsis, sed & Lusitanis, & Catalanis gratissimum accidisset, quibus Pax ab Hispanis impetrari non poterat: postremò facilius fuisset per Induciarum, quàm per Pacis conditiones omnia quæ Rex bello ceperat, retinere, ac ipse perpetuè cum Rege Societatis in bello adversum Hispanos gerendo Socias Civitates in fœderis religione, atque fide tenuisset. Sed habendæ Paci nullum magis idoneum tempus Regi, ac Reginæ matri visum, quia propè perditis Philippi rebus huic uti reliquas fortunas suas in tutum collocaret, necesse videbatur, quæ Rex bello ceperat, ea huic planè permittere, quod non per Inducias factum fuisset, quibus elapsis bellum denuò sumere recipiundis quæ priori bello ille perdidisset, copia fuisset.

1646.

Interea in Aula Mazarinus vanam Philippi in Reginam sororem de Pacis conditionibus obsequelam esse sentiens, Reginæ autor fuit, ut huic hoc modo responderet; *Quod sibi Philippus frater Pacis conditioes permittere voluerit, honorificum videri, atque ad huius erga se amicitiam pertinere, quæ eadem sibi adversum hunc perpetuò futura sit. Huius rei argumentum illustrius dare se nequit, quam si qui sibi habitus sit ab fratre bonus, eum vicissim ipsi deferat, uti videlicet ipse leges Pacis dicere velit, quas æquissimas fore confidat, si quo loco Regis filii res, & suæ sint, ac denique quò brevi futuræ videantur, Philippus satis respexerit. Si ad hanc normam Pacis leges dixerit, sese Legatus potestatem facere in has continuò Pacem sanciendi, quæ sibi ac Regi filio rata futura sit. Id Responsum Regina ad Regis filii apud Monasterium Vestfalorum Legatos mitti iussit, quod Pacificatoribus, & Sociarum Civitatum Legatis significarent, atque hos facerent certiores, nihil in Pacis negotio Gallos facturos, nisi ex fœderis normâ, atque ex Sociorum sententiâ: ceterum Mazarinus in suâ de reliquo Belgio vice Catalanix, ac Rusinonensis Agri habendo sententiâ perstabat, haud satis perspicuens vicinitatem nostram Sociis Civitatibus formidolosam esse.*

Trautmanstorfium Osnabrugam profectum antehac memoravimus, qui ita eò se gessit, ut qui Suecis denique, atque Imperii Ordinibus bene ab Imperatore factum velle videretur, quò utroque ad pacem seorsim ab Gallis faciendam impelleret, aut si & cum his hanc facere necesse esset, nihil aut quàm minimum Gallis in Germaniâ relinqui æquum censerent. Hæc belli præmia Sueci petivèrè, omnem Pomeraniam cum Rugiâ Insula, Vismariam oppidum portumque, cum Valsisco Castello, atque Præfecturis aliquot, Bremensem, Verdenssem, Mindensem, Osnabrugensem, Alberstadienssem, Magdeburgensem, Caminensem, Severinensem, & Ratzemburgensem Diœceses, partim quæ sibi, alias quæ Friderico Guillelmo Septemviro Brandenburgico cujus Pomerania erat, & Severino Adolpho Friderico Magalopoleos Duci cujus erat Vismaria, in æstimationem darentur, nam rati Ferdinandum bona Ecclesiastica faciliùs, quàm sua dimissurum: neque huic aut Trautmanstorfio magna religio fuit denique tot opima, atque insignia Sacerdotia, aut Ecclesiæ prædia ab sacro in profanum statum transferre, quæ tametsi pleraque omnia jam tùm penes Protestantes erant, tamen antiquum statum obtinebant, atque Ecclesiastica censebantur, neque hæreditariò cuiquam, sed quorum jus erat suffragiis obveniebant, prorsus ut hæc ad Catholicos quandoque reditura nonnulla spes esset, quàm ipsis adimere Ferdinandus nihil pensi habuit, uti bonis suis parceret. Nisi fortè hæc si tùm Suecis traderet, ab eorum manibus posthac eripere perdifficile fore est arbitratus, Ecclesiastica verò faciliùs futurum, neque enim defutura ubi vellet Pontificum decreta, quibus dari Suecis neutiquàm potuissè edicturi essent.

Eà tempestate Rex atque Regina Mater Joannem Labardæum delegèrè quem ad Helvetios Legatum mitterent. Sed cùm nihil quod ad rempublicam magis pertineret, tùm in Europâ ageretur, quàm pax

a De la Bar-
de Marquis
de Mauviller.

inter maximos Europæ Principes concilianda, illius opera in hoc negotio nonnihil profutura visa: cò interea dùm ad Helvetios ire pergeret, tantisper Osnabrugæ commorari iussus est, nam paucorum porro mensium eà res futura videbatur. Is apud Monasterium Vestfalorum quâ huic iter habere necesse erat, ab Longavillâ Gallicæ Legationis Principe perhumaniter hospitio acceptus est, atque eodem honore, ac cultu quo cæteri Legati habitus, eadem in ædium quâ agitavit parte regii Legati insignia, eadem in sacris quibus unâ cum Longavillâ aderat, eadem in hospitali mensâ fuere. Avauxius verò, ac Servianus hunc haud secus ac seipsos invicem habuere, neque aliter poterant, cùm regio Diplomate, atque omnibus Regis, atque Mazarini ad se, atque ad alios litteris Legatus esset appellatus. Id eò accuratius mihi dicendum fuit, quòd homo quidam Italicus eà de re secus scripsit ex alienâ lubidine, atque invidiâ in Labardæum: nam id illi ipsi tribuere nolim, qui in huiuscemodi rebus etiam suprâ verum aliis favit, hos cùm Residentes, aut ad minores Principes absque ullo Titulo missi essent, Legatos nihilo secius appellando.

Sed Gallici apud Monasterium Legati Labardæum Succicis adeste apud Osnabrugam æquum censebant, ubi de Pacis suæ negotio cum Trautmanstorffo, atque aliis Ferdinandi Legatis agerent, sicuti Rosenhamus qui Sueciæ negotia apud Monasterium Vestfalorum curabat, adeste debebat Gallicis Legatis, ubi de Pacis suæ conditionibus cum Imperatoris Legatis, aut cum Pacificatoribus apud Monasterium agebant. Sed cùm sæpius cum his, quàm cum illis agerent, & Chigius alter ex Pacificatoribus hæretici hominis qualis Rosenhamus erat, conspectum, nedùm auditum, ac sermonem ex Romanorum disciplinâ defugeret, eò res redibat, uti Rosenhamus Legatis Gallicis adestet, ubi cum Contarino modò Venetorum Legato agebat, quod certè Succicis nūquam probabatur, atque adeò huic edixere ut ne posthac huiuscemodi colloquiis adeste vellet, quo fiebat ut item suis Labardæum non adeste æquum censerent, sed utrosque fide sociorum fretos nihil hos contra fœdus moliri credere. Id certè haud ab ratione alienum erat, ac præterea si quid Sueci clam Gallos facere voluissent, id illis facile fuisset, aut per Interpretes, aut singuli cum singulis Imperatoris Legatis in alienis aedibus colloquendo, postremò utrisque incommodum fuisset latinâ, aut aliâ quam Labardæus calleret linguâ loqui, uti quid inter hos ageretur intelligere posset, cùm usitator his esset Germanica, ad quam denique si quid hunc celatum voluissent, sicuti naturâ duce dilabi facilè potuissent. Ea res tamen satis digna Legatis Gallicis apud Monasterium visa, cujus causâ ad Sueciæ Reginam mitterent Sanromanum, qui cum Chanuto Reginam doceret id contra fœdus esse, quod non itâ pridem apud Hamburgum ictum fuerat, cujus fœderis legibus quid ab utrisque in negotio Pacis ubi de hac ageretur, faciundum foret, cautum fuerat.

Præterea ab Reginâ postulaturi erant, ut ne posthac Rosenhamus, ac Salvius suspiciones de se cum Hispanis familiariter agendo Gallis movere vellent. *Nam tamen si Hispani Succis iusti hostes non sint, tamen Imperato-*

1646.

ris adversum quem bellum gerant, propinquos, socios, & amicos esse, quem & re, & consilio juverint, ceterum Galliarum Regis justos hostes, qui cum Suecis amicus, & Socius sit, iniquum foret hos Hispanus usquam ferere, aut in quidquam obsequi, quod in Gallorum damnum verteret. Austriacos in Hispania, atque in Germania eosdem esse. Illos dudum his subsidio futuros fuisse, ni Gallorum armis in Belgio, in Italia, atque in Hispania distinerentur: reliquum esse, uti quod bello facere nequeant, id de Pace agendo conficiant, similitates, ac discordiam inter Gallos, Suecosque serendo, ac distrahendo alteris alteros nimia, atque immoderata postulare, quod Hispanos Suecis persuadere voluisse Gallis renuntiatum sit, sed nusquam ab his creditum: providendum tamen videri, ut ne posthac verè renuntiari possit: nam uno animo pace, belloque tendentibus omnia prona fore, sin verò alius aliud rempublicam trahet, utrosque pessum ituros. Sed ad Sueciæ Reginam nihil opus misso Sanromano fuerat, quæ foedus, & amicitiam inter Regem, atque se ab utriusque parentibus ortam summâ religione cultam vellet, quod & Regni Proceres sentiebant, neque tamen adduci quivèrè uti Labardæum Legatorum suorum de Pace colloquiis cum Imperatoris Legatis adesse æquum censerent, eâ quam supra diximus ratione freti.

Sed ubi Trautmanstorffius Monasterium Vestfalorum redierat, Legatos Gallicos edocuit, quot, quantasque Dioceses Sueci in belli ab se gesti præmium sibi expeterent, atque illos hortatus est, uti sibi in eo negotio adjutores esse vellent, neque paterentur tot, tamque opima Sacerdotia ad Hæreticos devenire: ni intercederent Ferdinandum necessitate adductum hæc illis tametsi invitissimum permissurum. Itaque Legati ubi ab Suecis de belli quæ peterent præmiis cum ipsis est communicatum, adversari sedulò, ac deterrere, quo minùs talia affectarent, atque se negare commissuros, uti voluntate Regis tot, ac tanta bona adempta Ecclesiæ esse posteritas crederet. Esse Ferdinando prædia Suecis, aut his quibus satisfieri velint, haud minùs commoda, atque opportuna, ea Suecos æquius petiuros, quando hic ipsis justus hostis fuerit, quæ ut his permittantur, se omni ope ensuros, quod idem de bonis Ecclesiasticis facere sibi haud far esse existiment: postremò Regis Christianissimi famæ consultum velle, quæ apud Catholicos adversa futura sit, si ex eo bello quod & re, & consilio, & armis juverint, atque una cum Suecis gesserit, tanta ad Ecclesiam damna pervenerint.

His, atque aliis hujuscemodi fatigatus Oxenstierna alter ex Suecicis Legatis, qui Monasterium Vestfalorum venerat, ita tùm ab Gallicis discessit, ut qui de his Diocesibus non habendis acquiescere visus esset. Dein ab Legatus Imperatoris Sueci apud Osnabrugam rogati quid sibi vellent, ac peterent, illas denuò, ac præterea Monasteriensis Diocesis oppida duo Vestam scilicet, & Meppam sibi dari postulavèrè. Id ab Legatis Imperatoris Gallis est renuntiatum, quos per communia sacra obsecravèrè, ut ne Osnabrugensem, ac Mindensem Dioceses in quibus complures Catholici agitarent, atque duo Monasteriensis oppida penes Suecos esse vellent: id enim verò Galli negare sibi usquam placere, sed magis uti Ferdinandus de suo Suecis faciat satis,

Cæterùm Labardæus cum Sueciæ Legatis graviter questus est, eos contra quàm cum Gallis apud Monasterium convenissent, bona Ecclesiastica sibi porro petere : at hi negavere sedulo id se convenisse, de quo ubi multa utrimque dicta fuissent, Oxenstiernam quidem ut ne tempus altercationibus consumeret, ad alia transire, eò fortè quæ ab Gallis in contrarium allata essent, iis acquievissè visum, quod ipsi nusquam in mentem venerit. Hæc fuit Suecicis Legatis disciplina, ut alter modò Monasterium iret, & cum nostris eò colloqueretur, qui ubi Osnabrugam rediret, si quid ab eo secùs dictum alteri videretur, id mox negando, aut interpretando corripiebat. In his maximè quæ ad Religionem, aut Ecclesiam pertinere, nulla habenda fuit ipsis fides, nam nimium Sectæ suæ studiosis, cujus gratiâ quibus fœderis legibus Religionis, atque Ecclesiæ, & Ecclesiasticorum rebus cautum fuerat, iis sese teneri nusquam credebant. Eò sæpiùs inter Gallos, Suecosque ortæ lites, dùm ab his pleraque contra fœdus in hujusmodi rebus facta illi graviter expostulant, hi verò sibi injuriam fieri, neque fœdus ab Gallis, quàm ab se sanctiùs coli dicitant, eadem ab his adversùm Protestantes in Alfatiâ facta comminiscuntur, atque ita rem arte tractando eò deducebant, ut altercandi tædio ab Gallis denique omitteretur. Quæ quantum erant molesta, tamen quia ad rerum summam præstiterè fidem, vix ullum fœdus usquàm sanctiùs inter Reges servatum est. Documentò Principibus quæ bella suis opibus, ac copiis gerere nequeant, ea scilicet omittenda : sin alterius auxilii egeant, socios plerumque graves esse.

Ubi Trautmanstorffius apud Osnabrugam cum Suecis de Pace agebat, intereà loci Maximilianus Baioariæ Dux apud Imperatorem pervicerat, ut Alfatiâ, ac Suntgoviam cum Brisaco Oppido Galliarum Regi datas vellet denique, atque eò lubentiùs, quod hic in illorum æstimationem Oenipontanis Principibus pupillis, quorum hæc erant prædia, grandiusculam pecuniæ summam certis pensionibus curaturum se, ac prætereà sibi adversùm Turcos Imperator auxilii egeret, id se aliquantum præbiturum recipiebat. Postremò Imperii Ordines Galliarum Regi pro navatâ rei publicæ in Germaniâ operâ, gratiam, ac mercedem deberi decreverant, ac maximè qui apud Osnabrugam fuere, apud quos Jacobus Lampadius quidam Jurisconsultus, homo frugi, ac libertatis apprimè studiosus, hanc Germanos Gallis, ac Suecis fretos recuperasse frequenti Conventu prædicavit. *Utrorumque in se meritum ingens esse, quod tùm quæ gravia, atque acerba jam diù adversùm hos capta, atque admissa sint, ea proloqui, & uti corrigantur postulare possint : haud æquum esse in alterutros suâ libertate abusi, quam sibi ademptam horum egregiâ operâ receperint : bellum in Germaniâ ab Suecis quidem, & qui his Socu fuerint Germanis maximè gestum, cæterùm Gallorum armis, & opibus sustentatum, qui & in Belgio, & in Italiâ, & in Hispaniâ, simul & in Germaniâ ipsâ adversùm Austriacos summâ vi & ipsi bellum gesserint, quod æque, atque etiam magis Germanis, ac ipsismet Gallis processerit. Hic Lampadius ab duobus Brun-*

1646.

vicis Luneburgensibus Ducibus ad Osnabrugensem Conventum missus fuerat.

Sed Trautmanstorffius Brisiacum nudatum, atque spoliatum agro vicino Gallis relinqui æquum censēbat, quod quidem hi abnuēre, hujus agri, sicut & oppidi possessione freti, quæ se reddituros omnino negare: quò factum est, ut isthæc his planè permittere necesse fuerit. Cæterum Trautmanstorffio cautio fuit, ut ne Rex Alsatiæ, atque alia in Germaniâ prædia sicuti Imperio Germanico obnoxia possideret, nam metuenti, ut his fretus Imperii Comitibus posthac adesset, & sicuti cæteri in Germaniâ Principes huic de Republicâ sententiam dicere jus foret, ac præterea ipse, aut hujus filii nepotesve facilius Imperatores creari possent, Austriacorum loco, ac denique uti Catholici qui unos Austriacos jam colant, ac metuant, & Galliarum Reges posthac diligentius observarent, sicuti Germanos factos, ac sibi quidpiam ab Austriacis sibi gravius accidisse crederent, illorum fidem fortasse implorarent, quâ adversum jus, & injurias omnes tuti forent: cò Alsatiæ, atque cætera in Germaniâ prædia Regi ita permittenda censuit, ut hæc eodem regio jure possideret, ac ipsum Galliarum Regnum, cui planè conjuncta essent. Sed id Imperii Ordinibus haud satis placebat, neque ipsi Regi primum, dein pensitatis utrimque rationibus, amplius, atque honorificentius visum Galliarum Regem porro nulli nisi Deo ipsi Opt. maximo obnoxium esse, neque in potestate Imperatorum fore calumniari in eâ re, ac cavillari, prædia quæ Regi permittantur publicando, atque in alios transferendo, sicut in pristinis Saxoniar Ducibus, ac Palatinis Comitibus antehac fecerint.

Ab Galliæ, & Sueciæ Legatis eo pacto cuncta fiebant, ut alteri alteris omnium rerum consensu essent: ubi igitur ab Labardæo cum his de Pacis quas Trautmanstorffius Gallis ferebat conditionibus est communicatum, dictumque hunc quæ Imperator Regi in Germaniâ relinqui, ac permitti æquum denique censeret, ea posthac nihil Imperio Germanico obnoxia velle, sed ab Rege cum summo jure, judicioque possideri Galliarum Regno conjuncta, responderunt sese illa & obnoxia, & Imperio porro conjuncta præoptasse, uti Gallis secum unâ Imperii Comitibus adesse, atque in his cum cæteris Imperii Ordinibus de republicâ consultare potestas foret, quod tamen Ludovicus in rem suam magis esse arbitretur, id se æqui, bonique consulere. Haud displicebat Suecis Regem Germaniæ negotiis minus admisceri, in quâ sibi tantò majorem apud Protestantes fidem, & gratiam fore sperabant: præterea hunc Catholicis fautorem futurum fuisse non dubitabant, si propter Alsatiæ Imperii Ordinum inter Principes formulæ adscriptus foret.

Sed sunt in Alsatiâ Oppida decem, quorum modò Præfecturam Oenipontani Principes unâ cum hac Provinciâ antehac habuere, cætera Imperio Germanico obnoxia sunt, atque eadem quâ cætera pleraque in Germaniâ oppida libertate fruuntur: hæc sunt Hagenoa, Colmaria, Schlestadtium,

Schlestadtium, atque alia minora septem, quæ si in ditione Regis, sicuti reliqua Alsatia forent, id verò non modò amplum fore videbatur, sed & litium, ac discordiarum semina amotum iri, quas sæpius enasci necesse esset, si hæc oppida hinc Regi, qui his Præfectus foret, indè Imperatori parere deberent: eò Legatis Gallicis venit in mentem Imperii Ordinum pertentare animos, utrùm ad id adduci se sinerent: præterea metuebant, ut ne obstarent quo minùs Rex sibi Philippiburgum ad Rhenum retineret, aut in hac Arce Præfectum porrò, ac præsidium haberet, quod unum Rex postulabat, nam neque Arcem, aut oppidum, aut quidquam agri Spirensi Episcopo, cuius hæc propria sunt, ademptum volebat. Igitur de utrâque re Legati ad Labardæum scripsêre, uti quid esset sententiæ Imperii Ordinibus qui apud Osnabrugam erant, perspiceret: sed is de neutrâ sententiam Ordinum exquirendam censuit, nam alterum in Philippi Soëterni Spirensis Episcopi, qui & Treverensis Archiepiscopus, ac Imperii Septemvir est, alterum in decem Oppidorum, seu qui hæc incolunt Civium voluntate positum, qui si adduci possent, ut hæc in ditione Regis esse vellent, nihil Imperii Ordines, aut frustrâ contradicuros; sin aliter illorum sententia esset, item id frustrâ ab Imperii Ordinibus quæsitum iri. De decem oppidis Legati desinere: de præsidio, atque Præfecto regio apud Philippiburgum habendo, ubi cum Soëterno convênit, nihil moræ in Imperii Ordinibus fuit, quin ut id ex voluntate Soëterni fieret, consentirent, satisque haberent Spirensibus Episcopis caveri, ut ne id ipsis fraudi foret, atque ut oppidum, cæteraque in eorum porrò ditione forent.

Labardæus priusquam Osnabrugâ discederet, nam paucos modò menses eò restitit, Ordinibus Imperii redegit ad memoriam, Caroli IV. Imperatoris Bullâ, quam Auream appellant, caveri Imperatore mortuo, quid alteri creando, aut subrogando ab Imperii Septemviris faciundum sit: vivo autem Imperatore de altero creando ne sub titulo quidem Romanorum Regis, quidquam dici, quamobrem id neutiquam fieri debere vel ex eo clarissimum sit. Cum tamen invaluerit consuetudo, isthuc Imperatoribus de re publicâ benè meritis in filiorum gratiam obsequi, hanc si Ordinibus videatur, haud omninò abrogandam. Sed quod præter legem sit, id ex omnium ad quos ea res pertinet, sententiâ faciundum, cui ubi nemo obstat, ibi demùm rectè factum videatur. Jure quidem hanc aboleri consuetudinem posse, quæ Imperatorum ambitionem alat, ac studium Imperii in eadem familia continuandi, & quod ex Septemvirosum ab omni metu, atque gratiâ liberâ, ac vacuâ suffragatione pendere debeat, id utrique, aut alteri subiciat. Hujusmodi tamen Reipublicæ tempora incidere posse, quibus hanc ad Interregnum redire periculosissimum foret, sicubi videlicet Barbari adessent in finibus, cui periculo uti præverteretur, necesse foret Imperatori aut seni, aut morbis confecto designare, aut creare Successorem, sed hujusmodi necessitatis iudicium ad omnes quorum interest, pertinere videri, ad Imperii videlicet Ordines in Comitibus suis, qui ubi id rempublicam postulare judicaverint, ibi verò Imperii Septemviros Imperatori vivo Successorem designaturos, seu Regem Romanorum rectè, atque ordine creaturos. Quod id sui modò usque iudici fuisse di-

1646.

cant, nihil esse: nam quod non jure factum sit, id nusquam fieri debuisse. Ita non plane aboleri consuetudinem, sed ad justam, atque rei publicæ utilem normam reductum iri. Isthuc Imperii Ordinibus tum maximè probatum, cæterum ut ne in Comitibus sanciretur Septemviri, atque Austriaci obstitere.

Dùm hæc apud Monasterium Vestfalorum, atque Osnabrugam geruntur, uti pax inter tantos Principes concilietur, Romæ Innocentius Pontifex, atque Olympia adversum Barberinos, fratres tunc cum maximè grassabantur, ac singillatim in Antonium Cardinalem, adversum quem, atque hujus clientes famosissima Quæstio porro acriter exercebatur, atque intercæ Bagnius Pontificis apud Regem Nuntius hunc hortabatur, ut ne Barberinos adversum Pontificem contrà hos jure agentem tueri vellet: *Quid magis homines fortunati, ac potentes sint, èd magis æqua noscere oportere. Id maximè decere Reges, qui ni sibi ipsi modum faciant, nullis aliis facturos. At quid æquum sit, id faciliè ab his judicari posse: scilicet ut ne quid in alium faxint, quod ab alio in se factum graviter ferant. Ni ea saltem lege se Reges teneri putent, malè cæteris hominibus consultum esse, quibus adversus illorum potentiam nihil satis tutum sit. Rex, atque Regina Mater secum ipsi reputent, quid sibi foret animi, si in se, aut in rem publicam quis in Galliâ peccasset, atque ut id ipsi impune foret, hunc Pontifex tueretur. Sua cuique satis esse debere, in his uti cuncta rectè, atque ordine fiant sicuravimus, officio fueris functus: aliena alienis relinquenda, in quibus si quid secus egerint, id nihil ad te attinet. Si Principes alter alterius rebus sese admisceant, nunquam inter eos pacem fore. Ludovico ingentes opes, omnia secunda foris, domi obedientia esse, quod magis æquitate ut hæc perpetua sint annisendum. De Barberinis quid Ludovico, atque Reginæ Matri tantopere curæ sit, haud satis capere neminem: scilicet qui nuper ob rem in Pontificis creatione corruptam maledictis onerati sint, & malo quovis digni Galliâ habiti: quod tam brevi mutatum, tantumque odium subitè in misericordiam versus monstrî propè simile esse. Ab Urbano Pontifice, atque Barberinis in Galliâ sese legatum, qui adèd ut extra noxam sint, summopere cupiat: sed adversum quem jure agatur, huic haud injuriam fieri. Cæterum ad Principes omnes pertinere, uti quibus Pontifices rem publicam permittant, ii in metu sint, nec que cum gratiâ, & potentiâ valuerit, deliquerint, ea sibi impune fore sperent: isthuc plane nunc agi, quod Galliâ disturbare velis. Hæc atque alia hujusmodi Bagnius in Barberinos parcè, atque modicè, de negotio amplius discriuit, cui mox Seguierus Cancellarius Regis, & Reginæ matris justia ita respondit.*

Quo pacto quæve ratione Pamphilius Pontifex contra Regis voluntatem creatus sit, nemo omnium ignorat: cui rei si intercessisset, complures hunc fortè peperam creatum censuissent: maluit Rex quod factum erat comprobare, quàm dissentiendo, & contrà tendendo ferere in Ecclesiâ lites. Quin & beneficii Pontificem vincere aggressus est, ut huic fides fieret, sibi consilium esse hunc haud secus, quàm qui antebac Pontifices fuerunt, colere, atque observare. At pro his beneficiis maleficia ab Pontifice reddita, de omni re Ludovico negatum, de Cataloniæ que ad se, de Lusitanie, & Indiarum Sacerdotiis que ad Lusitanie Regem Socium, atque amicum pertinent, deque aliis omnibus: prorsus uti Pontifici aperta pretium esse

videatur, Hispani non modò ipsis bene, sed & Gallis malefaciundo gratificari. Ubi Cardinales facti, quos Hispani jusserant, eos renuntiavit, quem Rex, ac Regina Mater commendaverant, is repulsam passus est. Sed quibus hunc ornet, atque augeant omnia Regi, atque Reginae Matri abunde sunt, ni Mazarini modestia regie munificentiae erga fratrem obset, atque erga ceteros propinquos, qui Romae in eadem quâ antebac fortuna agitant: tantaque hominis aequitas est, uti fratrem pro Gallia Cardinalem fieri vetet, ut ne cui id Gallo noceat. Quod in ornando Mazarini fratre Pontifex Regi, atque Reginae Matri morem petere noluerit, id quidem grave utrique: ac multò gravius, qui negatus huic fuerat Cardinalatus, cum alteri obtrusum ab Pontifice, ut in Gallia discordias, turbasque excitaret. Pudet dicere rem sacram produtionis mercedem possiam, atque eâ gratiâ Hersentium dignum talis bujus negotii administrum redditum in Galliam maturare jussum.

Postremò longè gravissimum Regi, atque Reginae, hominem nequam, qui ipsius Mazarini vitæ sit insidiatus, Romae versari in tuto, neque Regi flagitanti tradidit civem, qui tanti criminis reus agatur. Quis credat Pontificem cui Cardinales fratrum, atque filiorum loco sunt, cuique aded eorum injurias, atque pericula curæ esse decet, eadem in unum ex hoc Ordine puratam sicario impune esse velle? Quis item credat, hunc eundem Pontificem sibi Antonium Cardinalem ab Rege tradidit velle, in quem si diis placet jure agat, atque hanc ipsi pro Cardinalatu ab Urbano ejus Patruo, & pro Pontificatu ab ipso nuper accepto referat gratiam? Haecine est illa aequitas, quam Principibus pro lege esse debere censet? At enim ea res nihil ad Regem atinet? imò verò maximè: nam præter quam quiddam hunc aequus est Pontifici de Cardinali, quàm Pontificem Regi de sicario quod postulat negare, eâ Urbani in Galliam merita sunt, uti Rex, atque Regina neque rectè, neque satis piè quæ ad Antonii bujus fratris filii caput, famam, dignitatem, fortunamque attingant, ea neglecti habere possint. Fure quidem Antonio succensuere, quiddam de Pontificatu Pamphilio mandando utrique gratum fore temere dixerit, ac receperit, atque eo pacto Pontificem fecerit: sed hominem eâ causâ perditum velle, procul ab regia clementia, & ab Gallorum moribus est: at id velle Pontificem tanto Antonii affectum beneficio, quo ad majus prope mortali fastigium adscendit, cui in mentem venire potest? Id enim verò plane monstri simile est. Rex atque Regina Antonio facile placati sunt, ubi hunc Pamphili fidem in ea re secutum esse rescivere, quæ ut ne illi fraudi esset, in ejus manu positum fuit.

Cæterum, quid novi fecit, aut commoverit Antonius, quamobrem Pamphilius ejus maximè opera Pontifex creatus, cum eo fidem rectè mutare potuerit? Vetus, & obsoleta quaeruntur, atque pristinae fortunæ invidiâ Antonium urgere Pontifex decrevit. Næ quæ hominum in odiis exercendis cæcitas est, haud satis prospicit, se hanc in suos adornare scenam, in qua perinde mox habeantur, ac ceteros habuerint. Hoc meum percussus Antonius Româ clam discedit, Francisco Cardinali fratri negotium dat, uti Pontificem de suo discessu, atque insituta in Galliam professione faciat certiorum: ubi primum caput esse in tuto, idem ipse per litteras facit: docet sibi Rege, atque Regina conventus opus esse, uti quod in Pontificatus negotio se offendisse credant, id coram expurget, postulat ut id sibi per Pontificem liceat. Is vero Antonii litteras rejicere, neque ullam accipere excusationem, juro

1646. in eum agere parat, posthabita Leonis Bulla, qua Cardinalibus sicubi iusto metu adducti Româ discesserint, cautum voluit : Magistratus quos Antonius Romæ habet ab aliis geri jubet, fructus eorum, aut stipendia sibi, aut aliis attribuit, tametsi id Urbani Bulla vetet, atque Antonio sicubi absit, per quos velit, Magistratus gerendi potestatem faciat. Hæc eò Regi, atque Reginae acerbiora videntur, quid nihil hujuscemodi in Valancæo Cardinale factum est, qui nuper & ipse clam Roma profectus in Galliam Pontificis injussu venerit. Quæ cum ita sint, Rex, atque Regina Mater Pontificem orant impensius, atque huic autores sunt, ut ne ea causa gravius in Antonium, quam antebac in Valancæum consulat : illum cujus, atque Patruj tanta in se merita sunt, salvum, & honestum, innoxium, atque florentem porro esse velit : neu committat uti quæ res privatis usque consiliis est acta, ea mox publico geratur : se, atque sanctam in qua est sedem, Regem, atque Galliam respiciat, satisque perspicat, quid utriusque rationes, fama, fidesque possulent, quam ad ultimum Antonio præstare, atque hunc, rem, famam, dignitatem, fortunas omni opetueri, Regi certum, decretum, atque consiliatum est.

Intereà nihilominus Romæ Pontifex, & qui eo freti Barberinorum bonis inhiabant, hos insectabantur : nam avaritia pessimum Principum adversum infontes uti fontes videantur, telum ad ultionem accesserat. Uti major ex Barberinorum bonis præda esset, interdictum publicè est, ut ne Magistratus, atque Sacerdotia sua abdicare vellent, neu alia bona venum, aut dono dare, præterea ut ne Cardinalium quisquam sese in cujusvis Principis clientelam, & fidem conferret : quæ privilegia de Barberinis tulerat Urbanus, ea abrogata, uti faciliè appareret, non Antonium modò, sed & omnes Barberinos in prædam peti. His, atque aliis hujuscemodi qui esset erga se Pontificis animus, edocti Franciscus, atque Thadæus clam sicuti prius Antonius Româ profecti sunt, atque ad mare properavere. Eò navim exiguam Genuensem ad perferendam maris quæ tum satis magna erat, tempestatem vix satis validam, confendere : cum Thadæo filia virgo, atque filii tres fuere. Anna Colonna uxor Romæ restitit, quæ res eorum in Urbe, atque in Agro Romano quod possit, tutaretur, clarissima scemina, cui præter superbiam Colonnorum insitam genti, ex secundis tamdiù Barberinorum rebus creverant animi, hæc tùm versari in solitudine, viro, atque liberis sicuti orbata agitare, omisso cultu, comitatu solito, atque deliciis jacere in luctu, intereà dùm vir, atque liberi per incerta maris profugi alicnam opem quæsitum eunt, qui prius hanc aliis ferre consueverant, quorumque gratiam ne ipsi quidem Reges aspernabantur. Documentò his quibus res secundæ sunt, ut æquitatem colant, quæ ipsis ubi in adversa mutaverint, presidio sit. Barberini graviore incumbente vento, qui fortè quò intenderant ferebat, celerius opinione Cannas portum in Provinciâ tenuere : dein Franciscus Cardinalis missis in Aulam, atque ab Aulâ remissis officiî causâ nuntiis, eò profectus est, Thadæus cum Virgine filiâ, & filiis tardiùs eodem iter habuit.

Ubi Pontifex hos abiisse rescivit, continuò in eorum misit ædes, qui si fortè quis ex familiâ restitisset, eum comprehenderent, atque in vin-

cula conjicerent. Thadæi Scribæ maximè conquisiti qui in vicinas diffugerant aedes, ii comprehensi, & quidquid vestis, atque suppellectilis in Thadæi ædibus obvium fuit conquiritibus, id raptum ab his, & asportatum. Apud Præneste Româ haud procul Thadæi oppidum, Arcemque idem factum: præterea quæ illic erant tormenta, ea ad urbem advecta, fructus cùm hujus prædii, tùm cæterorum, atque aliorumcumque bonorum Thadæi simul, & Uxor, Francisci, atque Antonii in publicam custodiam dati, frustra Annâ, Colonnisque propinquis reclamantibus dotis ejus causâ, jus, æquum, & misericordiam erga tali loco, atque genere feminam vincente odio, atque avaritiâ.

Postpaulò Bacchanaliorum dies advenère, inter quorum lusus, atque lasciviam Olympia dedit in Scenam virum terrâ, mari ubique offendentem, titubantem, & cadenti propiore: hunc prosequabatur alter Italo-gallico habitu, cultuque, qui hominem quoties opus erat, erigere conaretur: quæ muliebris audacia compluribus qui ipsectabant Cardinalibus haud fatis placuit. At Pontifex seria in Barberinos moliebatur, quæ Pontifices in Cardinales qui injussu suo Româ discederent clementius decreverant, ea antiquat, acerbâ, atque aspera in eos lege, aut Bullâ sancit, bonâ publicat, sacris interdicat, Cardinalatum abrogat, postremo nihil omnium omittit, quo si Barberini saltem ante annum non redeant, & se mactandos huic præbeant, illorum bonis Olympiam, Sacerdotiis Pamphilium fratris filium conlocupletare possit: Cardinales se Româ discedere nolle aiebat, quòd ipsi secum unum idemque corpus efficiant, neque quidquam facere, aut decernere nisi ex eorum sententiâ velit: id præ se ferebat Bullâ, quam tamen nihil consultis Cardinalibus promulgabat, quod mirum in re tantâ, quæ ad eos maximè attingebat. Sed ubi lubido dominatur, ibi animus cæcus, varius, incertus, atque sibi adversus est.

At Audomaro Talono Actori regio tùm venit in mentem postulare pro Cognitore Regio ab Senatu, uti Regi Decreto caveret, ne huic Pontificis Bullâ, neque Ecclesiæ Gallicanæ, nec denique Cardinalibus fraudi foret: Collegium Cardinalium ex omnium gentium, ac nationum egregiis viris constatum esse, quorum nonnulli Regum suorum, aut qui Regum vices gerant, commendatione Cardinales facti sint: hos sicuti ab Pontificibus Cardinales creantur, ita & vicissim Pontifices creare solere, qui hoc pacto omnium gentium, nationumque suffragatione creati videantur, atque adeo quod ad Cardinalium Collegium pertinet, id ad omnes Reges, gentes, nationesque, quibus Respublica Christiana constat, item pertinere, quos curare debeat, ut ne quid his libertatis, ac dignitatis ab quoquam, ac ne ab ipsis quidem Pontificibus detrabatur. Certe id singillatim convenire Christianissimo Galliarum Regi, qui Ecclesiæ primogenitus habeatur, neque huic tolerandum esse quorum suffragiis Ecclesiæ caput eligatur, eos Pontificum si forte quem irâ, aut alia studia, ut sunt humana, transversum agant, injuriis opportunos esse, sed contrâ tueri pro sua fide, atque eniti, ut inviolari sint. Innocentii Bullam hujusmodi esse, ut in hac Barberinorum possum dandorum studium eluceat: hanc præter morem inconsultis Cardinalibus

1646.

ab una Pontificia lubricitate, atque acerbissimo juxta, ac injustissimo in Barberinos odio profectam, Canonibus, & Constitutionibus Apostolicis, Conciliorumque Decretis contrariam, quæ aded Ecclesiæ Gallicanæ perpetuo juri repugnet, nam id nihil aliud esse, quam his Canonibus, ac Constitutionibus Apostolicis, Conciliorumque tam Generalium, quam Provincialium Decretis ita stare, ut omnia nova nusquam admittat. Rejiciendam igitur Innocentii Bullam videri, cum ead causâ, tum quod Cardinalium qui Regi, atque aliis Principibus subiecti sint, libertati insidiatur, vetando ut ne Româ injussu suo egredi velint, quod quidem Regi, atque Cardinalibus Gallis, aliisve exteris fraudi futurum sit, si forte quis rei suæ familiaris, aut publicæ causâ in patriam redire velit, atque id Pontifex pro lubricitate impediatur. Senatûs decretum fit denique, quo neminem in Gallia Innocenti Bullâ teneri cautum: ne quis hanc penes se habere, aut huic parere velit, sed hujus exempla omnia ad Magistratus deferre. Præterea Rex Barberinis Cardinalibus, atque Thadæo fratri interdixit, ut ne finibus Regni decederent, qui Provincias cum imperio obtinent, eos jussit diligenter operam dare, ut ne illi digrederentur. Ita horum saluti Rex consultum voluit, ut haberent quod Pontifici opponerent, si hos Bullæ non paruisse crimineretur, nam quibus ut id ne facerent vis esset ostentata, atque adhibita.

Franciscus Barberinus Cardinalis nummum millia viginti quinque annuatim pauperibus Romæ largiri solebat, dignissima viro Christiano, & Ecclesiastico munificentia, quæ non nisi ab locupletissimo fieri poterat. Sed hæc ubi hujusmodi hominibus defuit, ibi verò clamitare publicè, qui sibi benè faciebant, eos Româ per injuriam pulsos, qui horum bonis inhiunt, sibi modò studere, ac benè velle, inopiam, atque egestatem aliorum sublevare nihil ipsis curæ esse: tantum denique miseræ hujusce plebis clamor exstitit, uti Pontifex huic eandem largiri summam coactus fuerit, non de suo, nam procul ab tantâ munificentia hominis animus aberat, sed de iisdem Francisci bonis. Porro tantum erat Pontifici Antonii insectandi studium, uti de hujus capite quæstionem in domesticos habuerit, atque hæc tam acerbè, & crudeliter est exercita, ut unus ex his Bononiæ fortè ibi deprehensus inter cruciatus, qui uti quidpiam de hero indicaret, frustra intendebantur, expiraverit.

Inter hæc Pontifici cum in Barberinos Regis clientes, tum in Galliam odiû signa, Legatum de more ad Innocentium mittere haud deesse visum: sed placuit Henricum Arnaldum Abbatem Romam proficisci, qui illum Barberinis placare conaretur, daretque operam, ut hos secum redire in gratiam vellet, sin id minùs procederet, Pontificem porro faceret certior, nunquam Regem Barberinos deserturum. Illius in hos odium fovebant Ferdinandus Etruriæ, atque Odoardus Farnesius Parmæ Duces, singillatim hic ex nupcro ab Barberinis adversum se gesto bello de quo nonnulla aliò diximus, ipsis infensissimus: ad ambos Arnaldus mandata habuit, atque Regis, ac Reginæ matris litteras, quibus hos hortabantur, ut honoris sui causâ Barberinis posthac æquiores esse vellent. Odoardo fœdus cum Rege intercedebat, ictum pridem cum Lu-

dovico patre, cæterum cum Mazarinò sicut antehàc memoravimus, simultates erant, haud mediocriter auctæ, ex eo quòd hujus operâ Protectoris Galliæ rerum Romæ Munus Francisco Mariæ Farnesio fratri, ubi Cardinalis foret destinatum, Reginaldo Atestino Cardinali Francisci Atestini Mutinæ Ducis fratri ab Rege mox mandatum est: præterea Odoardo ingenium quàm pro fortuna, atque opibus ferocius fuit, qui videlicet sibi omnia quæ huic in mentem venirent, ab Rege deberi crederet, ut ne ab suâ amicitia Sectâve discederet.

Lionnum antehàc diximus, cùm in Italia esset eò missus Mazarini operâ, cum Francisco Atestino Mutinæ Duce diligenter egisse, ut ab Hispanorum partibus discedere, ac Regis Sectam sequi vellet. Sed is non ab se statim id faciendum existimavit, verùm ab Reginaldo fratre, qui Cardinalis erat, sicut ea res primùm ad hunc unum pertineret. Hispani nuper Romæ ubi Pontifici creando comitia habebantur, sese Atestinos parvipendere offenderant, quod quidem ad Cardinalem maximè attinebat, quò æquius Francisco fratri visum ab illo hujus injuriæ ulciscendæ initium fieri. Rex huic negotiorum Galliæ Protectoris Romæ Munus mandare volebat, neque ei rei quæ agebatur magis idoneum quidquam erat, uti quò Hispani Atestinos neglexerant, eòdem Reginaldus se horum gratiam nihili pendere ostentaret. Igitur Francisci fratri voluntate Protectoris Munus accepit, ac subito Galliæ Insignia ad ædium suarum Romæ limen appendit, quæ res indicavit ædium Domini adversum Galliam studium: cæterum tali genere, tali dignitate virum cujus frater satis amplam in Agri Romani finibus obtinet regionem, ab Regis partibus esse Galliæ utile, atque præclarum erat, atque id Pontifici tantò gravius fuit, quanto ipse nobis erat iniquior. Male urebat hominem, quòd contufis ubique Hispanorum opibus, ne tantillum famæ quidem quod ipsis Romæ reliquum erat, ipse sustentare possët, cùm Gallorum contrà pollens, potensque Secta & rerum gestarum gloriâ, & magnis Cardinalium clientelis posthàc futura videretur, eò sibi multa magis alieno, quàm suo arbitrio agenda fore providebat, quo nihil imperantibus gravius est: præterea veniebat in mentem Pontifices Ferraram, & Comachium Atestinis ademisse, atque fortè Mutinæ Duci hæc Gallorum operâ recipere consilium esse.

Romam post paulò advenit Joannes Alfonsus Henricus Cabrera, Philippi Regis Hispaniæ Legatus, qui hujus verbis de more Christianorum Regum novo Pontifici, atque Patri quale filii pietatem decet, obsequium deferret, quod maximè ad gratulationem de Pontificatu adepto pertinet, dein ad faciendam fidem scie, & qui sibi subiecti sint Populi, eos in his quæ ad sacra, & Religiones spectant, huic sicut Ecclesiæ Capiti obsequi velle. Hujuscemodi Legatos Romani curatissimè accipiunt, ac rhedas scijuges quàm plurimas possunt, obviàm honoris causâ mittunt. Id fieri solet ab Cardinalibus omnibus, postquàm Legati verbis quispiam ex ejus comitatu, eorum unicuique salutem dixit. Erga omnes hoc erat officio functus Cabrera, præterquàm erga Atestinum Cardinalem, cui ægrè

1646.

facere consilium fuit, propterea quòd Philippi deseruerat partes. Id ubi rescivère Valancæus Gallus, atque Grimaldus Italicus Gallie cliens ambo Cardinales, nullas sicuti nec Atestinus Legato misere obviam rhedas, quod quidem tam violenter tulit, uti palam prædicaret se si per Urbem commeans in Atestinum, Valancæum, & Grimaldum fortè incideret, neque salutaturum eos, neque rhedam (qui honos Romæ Cardinalibus habetur) sistere jussurum, nedùm eos domi de more invisurum. Atestino magna erat sicuti virum Principem decet familia, magnusque per Urbem eunti comitatus, nam anteibant rhedam homines plus centum, quibus fretus Cabrera si fortè obviam sibi fieret, quod voluntate facere nollet, ad id vi cogere constituit, scilicet uti rhedam de more sisteret, ac se sicuti par erat salutaret, atque interea Valancæus, & Grimaldus cum eo unà per Urbem irent. At Cabrera uti prohiberet injuriam, seu quam his Cardinalibus facere decreverat, eam tutius inferret, è vicinis Colonnæ prædiis, dein ex ipsa Neapoli exules, capite damnatos, cædibus, atque omnibus flagitiis assuetos, manuque promptos, præterea multorum stipendiorum, & expertæ virtutis, atque audaciæ milites vocat: accersiti & ab Atestino milites sunt ab Mutinâ, vicinisque regionibus. Ita bellum mediâ Urbe parari, neque Pontifex satis ut id ne fieret prohibere, dùm Hispanis favet impensius, Gallosque injuriæ obnoxios putat, rem paternâ curâ, atque æquâ adversum omnes qualis Pontificem decet caritate planè indignam: præsidia tamen variis locis posita, atque stationes locatæ. Nonnulli huic minuendæ, componendæque controversiæ operam dedere, sed ad æquas conditiones adduci Cabrera nusquam potuit, qui se Neapolitanis auxiliis fretum in mediâ Urbe Atestinum ipsum comprehensurum, ac Neapolim deducturum jactabat.

Interea Pontifex ut ne prælium in ipsâ Urbe Gallos inter, & Hispanos fieret, rem cujus causâ Cabrera Romam venerat, prolatabat, ita ut controversiæ quæ inter hunc, & Cardinales Atestinum, Grimaldum, & Valancæum intercederet, nuntius in Galliam pervenerit, quò haud mediocriter perturbatus Mazarini animus fuit: non enim existimabat Atestini Cardinalis, Grimaldi, atque Valancæi opes Hispanorum opibus propter Agri Neapolitani vicinitatem Romæ pares fore, ex quo his magnam armatorum multitudinem evocare copia esset: eò Atestinum quavis arte, atque solertiâ hanc effugisse controversiam maluisset: hæc enim quæ consilia de bello in Italia, aliter, quàm antehac gerendo ceperat, perturbatura videbatur, qui videlicet id ab mediterraneis regionibus, ad maris oram transferre decreverat, haud longè ab Agro Romano, quem tamen attingi volebat, tametsi vicinitatem nostram Pontifici formidolosam esse satis placeret, quò æquior Regi, atque ipsimet Mazarino posthac foret. Grimaldus qui Mazarini consilia de bello Italico satis noverat, jam equitatum si quâ fieri posset, ad æ Voltumnæ fanum mitti postulabat, atque de hoc oppido in quo nullum præsidium erat, occupando cogitabat. Mazarinus verò augendas magis quò ituræ erant Regis copias, quàm minuendas esse censebat, autorque erat Grimaldo, uti quantum posset equitum,

equitum, peditumque Romæ scriberet, quem unum ex his turbis fructum Gallia capere posse videretur, cum earum specie milites cogere, atque in ipsa Urbe habere liceret.

Tandem Cabrera cujus rei gratiâ venerat, hanc patraturus equo vectus, ac magno, atque egregio equitum numero comitatus ad Pontificis venit aedes, atque in Consistorio Christianum de quo memoravimus obsequium Hispaniæ Regis verbis Pontifici detulit, dein ad convivium deductus est, ipsi Pontifici, atque Legato in eodem Conclavi, cæterum in sua cuique mensâ de more apparatus. Cum interea Cardinales apud Lantium, is Cardinalium Collegii Princeps fuit (Decanum appellant) consilium habuere, utrùm Cabrera sui visendi potestatem facerent, metuentes videlicet ut ne id Atestino fraudi foret, quem se visurum negaverat: præterea cum Cardinalium aedes variis Urbis regionibus positæ essent, vix ad eas adire poterat, quin in Atestinum, ac cæteros qui unâ cum eo per Urbem ire tùm solebant, incideret, quod sine pugna fieri minimè poterat: eò Cabrera significandum duxere, nihil esse quod isthuc incommodi capere vellet, cum id absque turbarum, ac tumultus periculo fieri non posset. Apud Pontificem etiam tùm erat, cum id est ipsi ab Cappone Cardinali cæterorum verbis nuntiatum, neque tamen ab Cardinalium visendorum consilio deduci potuit. Igitur postridiè ad Lantium Decanum visens iit, ab cujus ædibus ubi egrediebatur, nuntiatum est Atestinum ire per Urbem, atque unâ Valancæum, Grimaldum, ac Theodolum Cardinales, magnam comitari armatorum manum, ac brevi prælium futurum videri. Bipartitò qui cum Cabrera fuere procedebant, armaque expediebant: novissimum agmen rheda Legati ornatissima subsequiebatur, dein alia longo ordine plenæ Nobilitate Hispanicâ, atque Neapolitanâ cum armis. Ubi ad proximam devenere plateam, plebes quæ ad hujus rei famam sicuti ad spectaculum ex adverso concurrebat, Cabrera satellitibus hostilem metum fecit. In hanc nihil satis exploratâ re glandem sclopeto emisit è Cabrera satellitio quidam, ab cæteris sicuti signo dato idem factum tam temerè, atque inconsultè, ut emissis glandibus suos ferirent, necarentque, quorum casu cæteri sicuti ab hostibus qui nulliaderant, patrata ea cædes esset, perterriti diffugere, ipse Legati rhedarius omnis habenis, equisque dilapsus est. Cabrera in eo tumultu desertus ab iis, quorum virtute sese munitum confidebat, neque progredi, neque regredi posse, donec qui in proximâ rhedâ erant Hispani, atque Neapolitani nobiles exscendere, atque hominem districtis gladiis circumsteterè: quæ secutæ primùm fuerant rhedæ cæteræ, eæ inter tumultum quâ copia fuerat, maturè diffugerant: ita Cabrera paucis comitantibus domum rediit, ac plebi ob insolitam hanc districtorum nequicquàm, ac micantium gladiatorum faciem deridiculò fuit. Cum ea res huic tam fœdè evenisset, postremò fractus animo fuit in Pontificis potestate, qui hunc cum Atestino redegit in gratiam, eâ lege ut hunc, Valancæum, Theodolum, atque Grimaldum Cardinales inviseret, & ubi in eos incideret, pro more sisteret rhedam, atque alia quæ ad humanitatem per-

1646.

tinent, faceret. Ita ex eo negotio tantum Gallis in Urbe accessit famæ, quantum Hispanis decessit, qui Pontifice freti nobis Romæ ubique aliò victi injuriam se facere posse confidebant.

Ante biennium ab Bizantio navis ad Alexandriam tenebat cursum, quam una ex Ibraimi Turcorum Regis uxoribus, nam is plures habet, cum puero filio, cum Eunuchis qui regio Gynectro Præfectus fuerat, & cum aliis conscenderat: hæc in Melitensium Quinqueremes incidit, ab quibus est oppugnata, capta, atque Melitam abducta. Quod cum est Ibraimo nuntiatum, immane quantum barbarus excaudit, Melitensibus crudeliter minitans, atque interea Christianorum omnium qui in Imperii sui finibus agitant, eadem meditabatur, dein omnium Principum Christianorum qui apud se essent, Legatos aut necare, aut in vincula conjicere decrevit, ni uxorem, filium, Eunuchum, ac ceteros captivos, prædamque ab Melitensibus factam sibi restuerent. At Purpurati, Bassas seu Vesires appellant, hominem docuere isthæc planè fieri non posse: quamobrem eò res rediit, uti bellum adversum Melitenses quantocyus geri vellet, atque eà gratiâ Classẽm adornari, copias scribi, atque alia necessaria fieri. Purpurati ubi Principis animum ad bellum tan toperè accensum vident, hunc ab illius gerendi consilio abducere se posse minimè sunt arbitrati.

Sed difficile videbatur Melitam urbem oppugnare in sterili Insula, quò si exscensio fieret, nulla frumentandi copia, atque è longinquo navibus commeatus petendi, atque advehendi essent, ceterum opcribus, atque loci naturâ munitissimam, quam delecti ex omni Christianorum nobilitate viri fortissimi, atque strenuissimi defensuri essent. Id Ibraimum docere visum, atque Melitæ Insulæ loco Cretam hujus menti objicere, quam Veneti possiderent multò viciniorem Insulam, in Ægei maris faucibus positam. *Id causæ quamobrem adversum hanc Insulam Ibraimus bellum gereret justissimum fore, quod Melitenses capta navi Turcicâ ad Cretam appulissent, atque eò prædam venum dedissent, quæ etiamtunc in Insula esset. Istæ tamen omnia dissimulanda, atque apparandam Classẽm, & copias, sicuti Melitam oppugnare consilium esset, quò ab omni re imparatis Venetis Turci terribiliores Cretam advenirent.* Hi igitur festinare, parare, ac tandem ubi Classis adornata, atque copiarum paratarum erant, Ibraimus ab Venetis postulavit, uti sibi Canæam oppidum, portumque apud Cretam tradant, quò Classis stationem habere possit. Ibi verò Veneti sensere Regis barbari fraudem, qui tergiversantibus Canæam ipsi tradere, bellum cum eà causâ, tum quod Melitensibus & portuum suorum copiam fecerant, & eorum prædam commercati fuerant statim intulit, & Canæam oppugnatum iit.

Sed Venetorum apud Bizantium Legatus, Bailum appellant, negabat sedulò si Cretæ littora Melitenses attigissent, id ipsis per Magistratus licuisse, aut hos id omnino scivisse, ac multò minus quidquam prædæ ab Melitensibus in Insula divenditum fuisse, atque adeo nihil adversum sœdus fecisse, cujus violati specie bellum adversum Venetos jure Ibraimus

gereret: si qui privatim adversum fœdus quidquam admiserint, in eos pro rei gravitate animadversuros. Bailo suffragabatur a Hayus Vanteletus Regis apud Bizantium Legatus, docebatque Turcos. *Eorum maximâ interesse, uti quibus Principibus fœdus cum his intercederet, ii ab illorum armis intacti, inviolatique essent, ut ne fœdus ex lubricine, non ex fide colere viderentur, neque id ipsis ex commodo violare ullam religionem esse. Tancine Cretam Insulam Ibraimo esse, ut hujus habendæ causâ fœderis cum Venetis violati famam nibili penderet? huic immensum Imperium, quod integrâ cum amicis fide sustentatum, quàm per ejus jacturam tantulâ Insula autum præstaret. Quod Galliarum Regi cum Ibraimo intercedat fœdus, id eadem fide, quam Venetis dederit, niti: quod si eò solum, quod illius fines ab Turcorum finibus longis, intactum sit, jam non hæc fide, sed quod huic nocere difficile sit, integrum esse. Nam quod Melitenses portubus suis Venetos recepisse, illorum prædam emisse, atque adeo contra fœdus fecisse Turci disclitent, cum id si factum fuerit Veneti, publico consilio, aut consiliis Magistratibus factum fuisse negent, nibile esse. Quod cum ita sit in hoc omni negotio nihil ab Venetis dversum Galliarum Regi esse, nisi quod Veneti Ibraimo viciniores, atque adeo hujus consiliis opportuniore sint. Eò Regem niti decere, quod Melitenses adversum Ibraimum hostiliter fecerint, id ut ne innoxii Venetis obsit, atque Ibraimus quid æquum sit dignoscere, neque ead causâ amicos labefactatos, aut his quidquam detractum velit.*

Sed hæc Hayus Vanteletus, aut alia hujuscemodi barbaris frustra narrabat: nihilo minùs enim anno proximo Canacæ oppugnaverant, atque ad deditionem redegerant, & hoc anno Candiam caput Insulæ terrâ, marique oppugnabant. Quamobrem Venetorum rogatu Reginæ visum, Bizantium ad Ibraimum mittere, qui hortaretur uti bellum adversum illos omittere vellet. Missus est eò Varenna ex Nobilibus numero, quos in Regiâ Ordinarios appellant, quoniam adesse Regi solent, qui mandata domi, forisque perferant. Huic ingenium ei quod dabatur negotio haud impar fuit, in quo tametsi Hayus Vanteletus Legatus sedulò fecisset pro Venetis omnia, tamen si ab homine eâ modò causâ missò de hoc ageretur denuò, eò barbarum id magis, ac magis Regi cordi esse existimaturum, ac fortasse hujus honoris causâ facturum quidpiam, quod Venetis usui foret: preterea Ibraimum qui antehac segnis videbatur, vix diù ad belli curas, atque sollicitudinem adjecturum animum credibile erat, sed magis si ab amico, & potentissimo Rege de hoc adversum Venetos omittendo rogaretur, huic fortè morem gesturum.

At in Ibraimo omnia quæ in majoribus impotentissimi dominatùs vitia, nullæ quæ in quibusdam fuere virtutes, aut potius virtutum imitamenta erant: simul otii, atque belli cupidus hujus laborem, & periculâ Ducibus relinquebat, illius sibi sumebat voluptatem: si quid ab Ducibus foret offensum, his mortem minabatur, quibus adeo aut ab hostibus, aut ab Principe ni vincerent, certa pestis aderat, quâ necessitudine nihil ad victoriam efficacius est. Igitur nihilò plus apud Ibraimum Varenna, quàm antehac Hayus Vanteletus valuit, neque profuit quidquam aut amicitiam, aut fœderis quod ipsi cum Venetis intercedebat, religionem

1646,

narrare homini, cui neque fides, neque jus, cuncta in voluptate, & lubricine posita erant. Postquam id frustra fuit, Rex Venetos & pecuniâ, tametsi ob continua bella nostra hujus penuria in ærario esset, benignè juvit, & ut milites, navesque in Galliâ conducerent, quanquam nec solita nobis earum rerum esset copia, potestatem fecit, neque major aliorum quàm Gallorum numerus in eorum exercitibus fuit: hi sese objectare periculis, atque omnes ferè res asperas agere: duces habuere & genere, & virtute clarissimos: sed iis plerique Veneti rem nullam, aut tenuem domi esse credidere, quæ si aliquanta esset, animum inducere nequibant eos longinquam militiam exiguâ mercede secuturos, ignari nova, inusitata, ac difficilia placere Gallis, neque his stipendium, sed gloriam pro mercede esse.

Quidquid Galli cùm publico consilio, tum privato pro Venetis facerent, fuere tamen qui dictarent, nos tantam hanc tempestatem adversum illos excitasse, ut hæc agitati sese Hispanis tuendæ Italiæ conjungere nequirent, in quâ bellum majori, quàm antehac conatu gerere decrevissemus. Præterea omnes Christianarum Gentium apud Bizantium Legati ab Gallis navim Turcicam captam vulgare, seu invidiâ, ac malevolentia in nos, seu Ibraimi iracundiam ab Venetis eò avertere studuere, quò vix nocitura videbatur, ab quâ sententiâ ne ipsum quidem Venetorum Legatum alienum fuisse aiebant. Huc accedebat quòd Ibraimi uxor se cum filio in manibus Gallorum captivam esse scripserat. Neque primùm juvabat docere barbarum, *Melitensem Militiam ex omnium Christianarum Gentium viris nobilibus constat esse, quòd ubi huic nomen dedere, ibi verò hujus Militiæ Principi, Magnum Magistrum appellant, planè obnoxios esse: nihil igitur hanc omnem rem de navî Turcica capta ad Galliarum Regem attinere.* Postremò tamen vi veri victus in unos Meliteneses omnem iram converterat, quæ denique Purpuratorum arte in Venetos derivata fuerat. Sed non è re natâ Turci Cræte potiundæ consilium ceperant, nam ante septennium ^a Harlaius Cæsius Comes Ludovici XIII. Regis apud Bizantium Legatus id eos etiamtum moliri ad nos scripserat, cui rescriptum fuerat, uti Turcos ab hoc incæpto pro virili deterere conaretur, quando his fœdus cum Venetis intercederet, sin illis tanta belli adversum Christianos gerendi lubido esset, æquius id adversum eos quibuscum nullum sibi fœdus esset, gesturos.

Eâ tempestate Ludovicus octavum ætatis annum ingressus, eâ corporis valetudine, atque ingenii indole esse visus, uti semotis mulieribus, quæ hujus pueritiæ curam usque habuerant, hanc porro viris committendi tempus adesse Regina mater decerneret. Digna res visa Mazarino, cujus sibi deposceret principatum, cùm ad rem publicam videlicet pertinere videretur, ut ab ejus peritissimo ad hanc rectè gerendam institueretur: sed interea dum hujus ediscendæ disciplinæ capax pueri ætas foret, huic regendæ Regina Carolum ^b Neovillam Villaregium delegit, quem Regis Gubernatorem de more appellavere. Is genere clarus adolescentiam in militia, juventutem in Imperiis exegit,

^a De Harlay
Comte de
Cefy.

^b De Neuville,
Marquis de Villaregy.

exercitus ducere, atque his etiam ante mandatum Tribunatum Equitum, quod uni modo, atque huic singulari virtuti tribuitur, præesse solitus. Qui litteras docere incipiebat, jam habebat Rex. Harduinum Plessis Belmontium Abbatem, cui par generi virtus, doctrina verò suprà quàm erudiendo puero opus esset: sed in eligendo prospicitur in futurum, uti Rex major ætate quem de omni doctrinâ humanâ, divinâ consulat, sicuti plerumque respublica monet, fidum, & scientem habeat. Chavignii uxori tunc cùm maximè Quatuorviratus quem vir abdicaverat, recuperandi Mazarinus spem obiecit, atque id eo factum aiebant, ut ne quod Villaregio destinaverat Munus, id Chavignius peteret, pudorque foret negare amico, omnibus ornamentis triennium jam, atque ampliùs spoliato.

In Italiâ per hyemem Velada Marchio qui Mediolanensem Agrum obtinebat, Vigevani Arcem, nam antehac oppidum receperat, uno suprà trigessimum postquàm oppugnare ceperat, die ad deditionem redegit. Id operæpretium antequàm Provinciâ alteri ab Philippo decretâ decederet, facere visum: magno enim nobis usui Vigevanum erat, quod longiùs in hostico situm magnam circumquâque regionem infestandi copiam præbebat. Veladæ successit Bernardinus Fernandus Velasus Castiliæ Contestabilis, qui ubi primùm Mediolanum advēnit, in belli apparatus omnis incubuit. Idem ab nostris fiebat, veneratque intercā in Aulam Thomas Princeps, uti de rebus per proxima æstiva gerendis cum Mazarino ageret, sicuti suprà memoravimus. Sed his totam belli Italici rationem hoc anno commutare visum, quod usque adhuc in Subalpini, Montisferrati, & Mediolanensis agrorum finibus gestum fuerat, atque interdum in his vallibus, quæ ad mare Ligusticum vergunt, Linguas appellant, & ad Finalem Castellum Hispanorum maritimum. Sed tùm ad Hetrusci maris oram, quò Hispani & aliaqua habent oppida, arcesque, maximam partem belli transferre placebat: prætercā Regis maximâ interessē videbatur, haud procul Româ ostentare bellum, & quopiam figere pedem, undè Romanis hinc Neapoli, atque Sicilia, indè Mediolanensi agro circumseptis, Hispanis quorum hæc terræ sunt, morem in omnibus gerere, ac maximè in Pontificibus creandis necessitudo tolleretur. Jam Barberini magno affecti Regis beneficio erant, quibus Romæ multi clientes, alii prætercā Cardinales Italici Galliæ studebant, quæ si paulùm anniteretur, Romæ sicuti aliò hostium potentiam infringeret.

Isthæc Mazarino subiecisse Grimaldum Cardinalem aiebant hominem frugi, qui cum summâ probitate summum ingenium, summamque rerum humanarum peritiam, ac scientiam habet. Is tùm Romæ agitabat, apud Pontificem multus, frequensque, ut hujus quantum posset consilia, sensusque pernosceret: quos ubi ab Galliâ planè alienos, atque Hispanis æquiores videt, postremò haud procul Româ Gallica arma ostentanda esse decreverat, ac sæpius ea de re scripserat ad Mazarinum. Sed hic tametsi idem suadebat lubido animi, qui videli-

1646.

cet Cardinalis Italicus est, cujusmodi homines perpetua Pontificatus cupido tenet, tamen dissimulabat sedulò, atque Grimaldi consilia sibi haud satis placere dictitabat: interea tamen hujus litteras Regine, Gastoni, Condæo, atque aliis quos Regina de re publicâ in Consilium adhibebat, recitandas curabat, ut ipsi probarentur, quod ex hujus sententiâ evenit denique, ita ut unus modò Condæus ab ea dissentiret.

Quæ Grimaldus suaderet, ea & nova, & factu difficilia esse dicebat, bellum usque benè, feliciterque gestum, quoniam ab Pedemontio, & Montisferrati agro pacata utraque, & fertilis soli regione nostri in agrum Mediolanensem facile transferretur, neque his difficiles ex propinquo fuerint commeatui, atque auxilia omnis generis, quæ ubi defuerint, aut ubi gravior incideris res, ab tergo oppida valida receptum præbuisse. At nunc famam Galliæ, atque fortunam, ac si diis placet omnem rem publicam maris casibus permitti: longinquum summi bellum, in quo cuncta plane incerta sint, scilicet quæ ab re omnium incertissima pendeant, ab mari videlicet, ventisque, qui si in eundo, aut redeundo, aut subvebendis commearibus adversi fuerint, maximum sit accipiendum incommodum, ac fortasse omnino pereundum. Ad hoc duplicari sumptum in id bellum, quod terra, marique gerere necesse sit. Nihilo secius bellum sicuti Grimaldus suadebat, faciendum decernitur: Classis diligenter adornatur: ab Oceano Massiliam complures accersitæ naves: Quinqueremes instruuntur: Thomas Princeps uti cum omni exercitu naves conscendat parat se: Armandus Maillæus Brezæus rei navali Præfectus post paulò in Provinciam advēnit, qui Classē duceret, prorsus omnia magno apparantur studio. Mazarinum ferunt tunc Neapolitanum Regnum Thomæ Principi ostentasse, quod huic Rex armis quæsitum vellet, si hujus operâ quæ ad Etruscum litus faciunda erant, ea prosperè evenirent, ac deindè Regnum illud invadere, atque eo potiri copia foret, quod quidem volentibus propè omnibus qui id incolunt, fieri posse videbatur, nam Hispanorum Imperii jamdiu pertæsis.

Non minore studio, atque diligentia quæ ad bellum Belgicum pertinebant, ea parabantur, neque id minori curæ Mazarino fuit: nam Galliam propius, ac propè in Urbis conspectu gerebatur. Gassio hybernis in Belgio præfuerat, quæ non de more aliorum in otio vir impiger exegerat, sed Meneni, atque Armentariæ utriusque ad Legiam oppido muniendis, cæterum ad hostium præsidia de improvviso accedere solitus, qui obvii forent, partim cædere, alios fugare, prædas agere, implere omnia tumultu, atque terrore. Erant in propinquo ad Scaldim Caroli Lotharingiæ quondam Ducis copię, præterea aliæ Brugas inter, & Dunkercam, quæ oppidis hostium maritimis præsidio essent: hæ utraq; pessimè sæpius ab Gassione habitæ, neque profuit iis, quod Scaldis, aut alii hinc inde amnes, aut fossæ intercedebant, nam virtus omnia superabat. Is igitur quoniam de hoste plurimum cognoverat, Liencurium unius diei itinere ab Urbe est accersitus, ut ne diu ab hybernis abesset: eodem Gasto, atque Mazarinus venere, uti quid proximis æstivis optimum factu foret inter se consultarent. Ubi ad Urbem hi rediere Flan-

dria Gastoni cum exercitu provincia hoc anno decreta, Angianus ad Campaniæ, & Picardiæ fines exercitum habere iussus, quò partem hostium ab Gastone ad se averteret, atque ubi res moneret, huic conjungeretur, ac sicuti Legatus foret: Rex, Regina mater, atque omnis Aula ad Ambianos usque procederent, atque eò magnam partem æstivorum agitent, uti Gastoni cuncta magis ex propinquo suppeditari possent, & si quid Rege, atque Reginâ matre consultus opus esset, id maturius fieret.

Ubi se omnis Aula ad professionem accingebat, Chavignius qui se Mazarino invisum existimaret, rationem iniit, quò se ab Aulâ sine offensâ subduceret: hominem adit, postulat ut hujus voluntate sibi in Provinciam tantisper abire copia sit: eò sibi prædia esse, quæ nondum insepexerit, præterea Antipolim, cui ab Rege Præfectus fuerit: si usui Mazarino in Aulâ se esse sentiret, mansurum, ejusque commodis magis, quam suis servitutum. Mazarinus gratias agere, neque velle uti suâ causâ rei familiaris curam omittat: optare ut hæc professio huic bene, atque facilliter eveniat: præterea Michaëlem fratrem monuit, qui apud Aquas Sextias agitabat urbis, atque Diocesis Archiepiscopus, uti Chavignio eò advenienti obviam honoris causâ procederet, exciperet hospitio, atque accuratè haberet. Id ab Archiepiscopo ex Mazarini sententiâ factum, Chavignio Aquas Sextias adventanti venit obviam: at venit & Ludovicus Valesius Aletzius Comes vir Princeps, cui dudum Provincia Chavignii operâ data fuerat: huic igitur vetus cum Valesio intercedebat necessitudo, & familiaritas, multis de causis, ac tanto maxime beneficio constituta. Id in speciem Chavignio causæ fuit, ut apud Valesium potiùs diverteret, cæterum hominis Mazarino tam propinqui, quem sibi inimicum esse credebatur, hospitium est averfatus: præterea id vitii Chavignio est, uti si quis ipsi minùs probatur, ejus neque gratiâ, neque potentiâ ut hunc colere, aut id certè simulare velit, adduci possit.

a Louis de
Valois, Com-
te d'Alen.

Ubi Rex ad Ambianos professionem adornabat, seque haud procul ab exercitu futurum resciverat, jam ornari militariter, & equo vehi gestiebat: primùm Compendium ad Esiam amnem, dein Ambianum venit. Neque hostes fallebat regionem Flandriæ maritimam peti: quamobrem fossam aliquo intervallo alteri fossæ prædixerant, quæ dudum facta ab Dunkercâ ad Bergam Fani-Vinoci pertinet, multaque ad utramque fossam præsidia disposuerant, & cæteras copias Neoportum, & Brugas versùs collocaverant, quæ omnis regio ad mare posita propter humilitatem annibus crebris, rivis, fossis interrupta difficiles ab omni parte aditus habet.

Sed in Belgio dùm bellum adhuc apparatur magis, quàm geritur, interea loci Brezæus in Provinciâ portubus adornatâ classè, cum triginta quinque majoribus quæ velis modo agebantur navibus, minoribus quas Tartanas appellant, & vectoris navigiis probè armatis, instructisque septuaginta, quinquere milibus decem, ad usque Vada in mare Ligis-

1646.

ticum processit : quinquere mes reliquæ nondum erant instructæ, nequedum aliæ ab Oceano accessitæ naves advenerant. Ubi apud Vada classem adesse Thomæ Principi est nuntiatum, subito copias quæ circum Cebam oppidum stativa habuerant, eò properare jubet. Bipartitò ière : haud procul Cengio, quod Castellum hostes tenebant, illis iter erat, quod infestum tormentis facere conati, nihil tamen cædis edidère : primum agmen ad Vada nihil in itinere moratum pervenit, novissimum ad Altare restitit, ne quid hostes impedimenta, commeatum, atque alia quæ usui sunt navigantibus compluria in naves inferentibus nostris, atque eas conscendentibus tumultus facerent : novissimum agmen sine sarcinis, atque expeditum id minùs metuebat. Ubi Thomas adventabat, Brezæus Vada appulsus hunc eò invisit, dein comportatis in naves omnibus, ambo Prætoriam conscendere : deinde in conspectu Genuæ classem tantisper attinuit tranquillitas, quam tempestas consecuta quatrìdium jactavit naves, quæ postremò Stephani, Salinarum, & Telamonis portus tenuère, atque eò copię sunt expositæ.

Hæc ad Herculis Promontorium loca posita sunt, quæ ad Occidentem vergit : ad Orientem Herculis portus est. Promontorium ipsum editum, quod Argentarium novo nomine appellant : in summo planities frequentesque rivi sunt. Id ab Oriente maris sinus supra Herculis-portum, ab Occidente lacus supra Stephani-portum propè ab continenti disjungit, nam tenui modò tistimo lacum inter, & sinum aditur. In ipso lacu Orbitellum est oppidum, ad quod unicus ab terrâ est aditus, cætera lacu cingitur, is minorum modò navigiorum patiens, majora humilitas aquæ ab mari intrare prohibet : hæc omnis regio ab Telamone ad Confam Hispanorum est, eò dudum ab his occupata, uti firma ab Hispaniâ ad Neapolim, aut in Siciliam navigantibus statio sit, quam ipsis adimere Mazarinus studebat, cum ut hæc nobis eadem statio esset, sicubi Neapoli, aut Siciliæ bellum inferre consilium foret, tum ut acerbissimam Pontifici, ac finitimis aliis Principibus demeremus necessitudinem Hispanis quæcunque velint obsequendi, quod quidem horum vicinitate facere coguntur.

Herculis Promontorium haud procul ab ipsâ urbe Româ positum est, sed Ferdinandi Etruriæ Principis fines propius, qui cum Senensem Agrum Hispaniæ Regi clientarem habeat, æquior Hispanis, quàm nobis futurus videbatur, eo visum est ad eum mittere, qui doceret huic ex bello quod Rex in propinquo gesturus esset, magnam fructum capiendi copiam esse. Is fuit Joannes Bentivolius Abbas, qui primùm Ferdinando suadere conatus est, ut in hujus belli societatem cum Rege venire vellet, magnam ex eâ re mercedè ostentans : cæterum si id ipsi minùs placeret Hispanorum vecundiâ, satis habiturû Regem si per Etrusci agri fines copiis suis transeundi copiam Ferdinandus faceret, populares suos ad castra Gallorum commeatus supportare sineret, ac denique his commercandi in oppidis suis agrisque potestatem faceret. Præterea Bentivolius Ferdinandum Regis verbis hortatus est, ut honoris sui causâ Barberinos insectari Romæ defineret,

desineret, sed magis secum in gratiam reductos vellet, quod quidem huic atque Reginæ matri futurum esset gratissimum, ac fortè posthàc nonnulli usui ipsimet Ferdinando. Postremò Bentivolius graviter expostulare apud hunc iussus est, quòd nimis accuratè, ac liberaliter Vindocinum profugum, atque exulantem apud Florentiam Etruscorum habuisset, quem cædis in Mazarinum paratæ Belfortio filio conscium fuisse nemo propè dubitet, & quòd hujus rogatu, cùm ipse tùm Joannes Carolus Cardinalis frater apud Pontificem egerant, perfecerantque, uti Belputeus ejusdem cædis paratæ manifestus Romæ esset in tuto, nec Regi postulanti traderetur, in quem de tam atroci crimine jure agi posset. Ist hæc si Ferdinandus, & Joannes Carolus Cardinalis frater corrigere, atque hoc pacto Regis benevolentiam promereri animum inducerent, id huic fore jucundissimum. Bentivolius saltem pervicit, ut amicè omnia Gallis circum Orbitellum castra habentibus Ferdinandus præbita vellet, ac per fines suos Regis copias pedites, equitesve singulos pluresve commeari, & quæ ad cultum, victumque necessaria essent, commercari pateretur.

Ast ubi Romæ Gallos haud procul abesse nuntiatum, non minùs eâ re percussus Pontificis animus est, quàm olim Romani, cùm his idem nuntius adferebatur. Pontifici tamen nonnihil spei fuisse ajunt in Principe Thomâ, qui nostris Imperator erat: seu hunc parùm felicem existimabat, seu Sanctæ Sedis, sui que studiosum: seu denique hunc diversa ab Mazarino consilia habere posse judicaret. Cæterùm Pontifex festinare, parare, perindè agere denique, ac si res sua potissimùm in discrimen casura esset. Ubi primùm in Provinciâ Classem apparari resciverat, cum Ricardo Marchione Ferdinandi Etruriæ Ducis Legato perpetuò egerat, ut hic secum, & cum Venetis fœdus facere vellet, tuendis terrâ, marique adversùm Gallos Italiæ finibus: eòdem & tendebat Odoardus Parmæ Dux Mazarino, ac Barberinis infensissimus, tametsi Galliæ se amicissimum esse dictitaret. Sed Veneti bello Turcico implicati neque Gallis, neque Hispanis ægrè facere audebant, amborum, atque omnium Christianorum Principum auxiliis egentes. Sollicitos tamen eos habebat Gallorum in Etrusco mari inceptum, nec ab fœdere si ab Turcis sibi otium esset, abhorrebant. Ferdinandus verò non se Gallorum armis peti satis intelligebat, & quamvis Senensis fœderis legibus Hispanos juvare teneretur tuendo Mediolanensi agro, ac fortè isthuc & ad Etrusci littoris oram pertinere vellent, cùm tamen hi cessarent, neque eò quidquam copiarum misissent, haud satis æquum ipsi videbatur, cujus in partem rei venire deberet, eam se unum suscipere adversùm tantas Regis opes, quibus longè impar futurus esset: eò facile ab Bentivolio adductus est, ut intactis finibus suis Regem quæ Hispanorum crant, ea oppugnare sineret, sicuti suprâ diximus.

Sed ubi per Ricardum cum Pontifice Ferdinandus antehàc agebat, multò ante providens quid utrique ab Gallis periculi immineret, huic suadere conatus fuerat, uti cum Rege rediret in gratiam, ac Mazarino

1646. de Cardinalatu quem Michaëli fratri petebat, animum expleret : sed tanta Pontifici pertinacia fuit, ut ad hæc adduci nequiverit. Jam ante regię Classis adventum delectum in Urbe, atque in omni agro Pontificio habuerat : sed tùm quas coëgerat copias ad Voltumnæsanum convenire jubet, quibus Fridericum Sabellicum præficit. Apud Neapolim Prorex Rodericus Ponsleonus Arcosius Dux mari quinqueremes, terrâ copias parabat, quas partim in Insubres, seu Mediolanensem Agrum, alias ad Herculis portum adversum Gallos mitteret. Sed Pontifex ob Gallorum vicinitatem dubius, atque anxius erat, quid Arcosio responderet, petenti ut ejus voluntate equitatum per Agrum Ecclesiasticum, in Mediolanensem mittere liceret, scilicet metuens ut ne id sibi apud Gallos tum vicinos fraudi foret. Itaque Arcosio neque concedere, neque negare audere, ac malle id sicuti se invito ab illo fieri.

Thomas ex censione sicuti diximus factâ, primùm ad Salinas Castellum positum, dein Telamonem, atque aliud ad Stephani portum Castellum ad deditionem redegit. In hoc plus negotii fuit, quoniam qui id defensabant, egregiè propugnare : neque prius fecere deditionem, quàm ad motis grandioribus navibus, quas remulco ab actuariis trahi necesse fuit, harum tormenta tantam in Castello edidère stragem, ut his quassatæ, ac disjectæ munitiones fuerint, labefactata, ac disrupta quæ in eo erant tormenta omnia, ac denique qui Castello Præfectus erat, is missâ ab illis pilâ ictus occubuerit.

Postquàm hæc loca in potestate nostrorum fuere, tùm ad Orbitellum est itum. Sed Thomam hæsisse ferunt, utrum prius Herculis portum oppugnaret, quò ab Neapoli Hispanorum auxilia advehi necesse erat : quæ si facultas ipsis adimeretur, ac præterea Philippi Castellum ad Isthmum, quâ Promontorium aditur, caperetur ab nostris, Orbitellum ex omni parte circumclusum, atque externis auxiliis prohibitum sponte suâ videbatur occasurum. Hujus consilii, ac spei plenus Thomas quod certè rectissimum erat, mittit ad Brezæum, qui rem cum eo communicaret, atque eò necesse esse diceret, naves haud procul Herculis portu in anchoris stare, quod utrùm fieri posset Brezæum periclitari posse : hic continuò cum navium ducibus, atque rei navalis peritis consilium habet, qui seu rei quæ quærebatur periculum fecerant, seu juvabat Thomæ consilia disturbare, naves propè Herculis portum stare in anchoris posse negavere, cum inopiâ aquæ, tùm quia ea illic fundi natura esset, ut hoc anchoræ retineri non possent, quod tamen falsum fuisse mox Hispanicæ naves docuere, quæ in hoc fundo milites Portum Herculis advehentes jactis anchoris præclare steterunt. Daugnionum Comitem qui in Re navali Brezæo Legatus fuit, cuique hic fidebat maximè, incertum quam ob causam, Thomam hoc commentò ab Portu Herculis oppugnando deterruisse ferunt : cæterùm illi vastus suprà fortunam animus, varius, inquires, suæ magis, quam rei publicæ studiosus.

Igitur Thomas ad Orbitellum denique oppugnandum adjecit ani-

num, ipse ex unâ parte, aliâ Brezæus curabat: ad propugnacula continuo fossæ ductæ, turres exstructæ: quâ parte ab Herculis portu com-
meatus supportari, aut milites introduci poterant, eâ Castellum adifi-
catum, & sex tormenta locata. Erant in hoc exercitu Castrorum Præ-
fecti, Barrius Santaunesius, Ludovicus a Dubledus Vxellus Marchio,
ac b Refugius: aciei Instructores Navailius, Tillius, & Siron: præte-
rerea Daugnionus cum aliquanto Classiariorum numero Orbitelli op-
pugnationi sicuti Castrorum Præfectus operam dedit. Sed Carolus
c Gatta quem Arcosius ad Etrusci maris tuenda oppida miserat cum Le-
gati titulo, vir magnâ rei militaris scientiâ, ac rerum gestarum famâ
haud segniter propugnabat, crebris eruptionibus nostrorum opera mo-
rabatur, præterea & ipse fossas ad nostros versum ducebat, sicut & hos
ipse vicissim oppugnare vellet, neque quidquam omnium quod ad egre-
giam propugnationem pertineret, omittebat.

a Du Bled
Marquis d'V-
xelles.
b De Refuge.
Navaille.
Tilly.
c De la Gar-
te.

Inter hæc Arcosius Dux quinquereemes septemdecim armaverat,
partim Neapolitanas, alias Siculas, quæ quadraginta lembis præsidio
essent: hos primum ad Centumcellas stationem habere, dein ubi op-
portunum esset, Portum Herculis qui haud procul abest, petere jussit:
sed illam ad Centumcellas stationem quinquereemes, atque aliæ
naves Gallicæ grandiores anteceperant: quod ubi Hispanicis comper-
tum est, Caictam è medio cursu rediére. Rursùm quod palàm secus
cesserat, id clam, & noctu tentavére: eâ gratiâ triginta quinque lem-
bi cum myoparone uno altum tenuére, ne in Gallicas inciderent naves.
Sed hæc ab speculatoriis monitæ ad Centumcellas obviam iére hosti-
bus, quos apud Alsum sub Arcis quæ portum tuctur, mœnibus inven-
nere: hi ubi Gallicas quinquereemes conspexere, omisis lembis & omni
quem vehebant commeatu, atque stipendio, ad terram confugere,
lembi omnes cum myoparone, & quæ his vehebantur, ea prædæ nos-
tris fuere. Post paulò tamen quinquereemes Neapolitanæ, & Siculæ
septem commeatum, atque milites sexcentos Portum Herculis adve-
xere, qui mox Orbitellum introducerentur. Tum quinquereemes Gal-
licæ Telamonem versum fuere, quæ Hispanicas redeuntes profecutæ
nullam earum assequi potuere.

At Thomas, & Brezæus ad Orbitelli fossam opera promoverant, at-
que ut indè cunicularios ad murum traducerent rationem inibant: eò
exstructus est musculus, quem hostes igne facile corrumpere, quoniam
ex levi materiâ erat: sed brevi ex firmiori materiâ restructus, atque lon-
gius productus est: quanto studio ea res ab nostris agebatur, tanto His-
pani ut hæc illis frustra esset, nitebantur. Interea omnes undique na-
ves Actuarias, atque alias omnis generis ex Italiâ, Hispaniâ, Siciliâ,
Sardiniâ, in unum cogunt, quas ad Calarim fuisse per dimissas specu-
latorias postridiè nuntiatum est. Eò Brezæus ab castris discedere coac-
tus est, cum omni qui cum eo erat classiariorum numero, rem haud-
quaquam Orbitelli oppugnationi opportunam. Igitur ubi Thomæ vale
dixit, consensâ scaphâ ad Prætoriam contendit, quam ubi consen-

dit, summâ plurimorum hominum vi anchora quæ rupibus fortè inhæserat, indè extrahi nequivit, neque aliter moveri navis potuit, quàm præciso ad quem anchora religata erat fune, rem sicuti in Romanorum Signis, ubi ab terrâ quo fixa fuerant, refigi vix poterant, mali ominis vilam : quò quidam adducti sunt, uti Brezæum ab prælio conferendo detertere vellent, navium numero longè Hispanis inferiorem : sed mox advenit Montada, cum octo navibus : paulò ante quinqueremes duodecim ad cæteram classẽ accesserant quæ cum prioribus decem conjunctæ viginti duarum numerum efficiebant.

In Hispanica classẽ quinqueremes duodecim fuère, quæ Comes Linares præerat, naves grandiores viginti octo Hispanicæ, atque Dunkercicæ, omni Classi Prætor erat Dia Pimentellus : sed mox advenère ab Neapoli quinqueremes octodecim, cum sexcentis militibus veteranis, ac Neapolitanis aliquot Nobilibus. Ab Sardinia ad Oglasam Insulam Classis Hispanica cursum fecerat, ac XVIII. Calend. Quintiles ad Telamonis oram propius terram visâ est. Gallica ante Herculis stabat promontorium, quæ statim Brezæi jussu, atque exemplo sublatis anchoris longo ordine ab littore ad altum mare versùs explicata ad hostes ire properat : adjuvabat lenis ab terra ventus, qui subitò cecidit, magnaque incescit tranquillitas : at non eadem hostibus fuit, quibus ab Telamonis orâ, scilicet undequaque apertâ ventus, motusque decurrentium in mare fluminum usui fuit, ut ad nostros accederent. Brezæus ut ne deficiente vento cessare videretur, grandiores quæ velis modò aguntur, naves ab actuariis ad hostes versum remulco trahi jubet, tanta pugnandi lubido erat. Ita grandioribus navibus singulæ quinqueremes, aut alia actuaria navigia præstò fuère, præter lembos suos, scaphasque. Idem ab hostibus ordo servatus, sed quoniam plures habebant quinqueremes, quatuor Prætoricæ Navi aderant. Ab dextrâ Brezæi seu Prætoricæ Viceprætoria navis fuit, cui Daugnionus rei navalis Propriæfectus præerat, ab sinistrâ Contraprætoria, cui præerat Montignius. Brezæus hostes cominùs pugnatuos existimabat, jussissetque ut ne tormentis nisi ex propinquo pilæ mitterentur. Sed ubi videt rem eminùs modò ab his geri, ipse summâ remorum vi properat ad eorum Prætoriam accedere, cùmque propius esset, huic latus præbet, ex quo emissæ subitò tormentis pilæ magnam apud hostes fecere stragem : his ictus eorum Prætoricæ Malus major corrui, cum regio Hispanicæ quod in summo erat, insigni : simul armamenta quæ ad Malum pertinebant, corrûere, ita ut nihil postea satis commodè administrari in hac navi posset, atque huic subvenire necesse esset, quod est ab quinqueremibus quæ huic aderant, factum, atque ab aliis proximis navibus.

In Prætoria vero nostra tormentum unum vi pulveris disruptum sub navis constrato hujus partem ita dissecit, uti Brezæus qui superstabat, vix consilire potuerit, quin præceps daretur in mare. Sed quantò propius periculum fuerat, tantò lætior fuit, nam defunctum se credens : eò quod antea Chaldaæ artis periti prædixerant, fore ut eâ die in magnam

vitæ discrimen veniret, quod denique advēnit. Prætoria hostium ex Mali, atque Armamentorum casu ad pugnandum inhabilis, simul alia haud minis labefacta, cæteraque horum Classis abscedebat, atque hanc Brezæus impigrè prosequabatur, cum ex hac emissâ pila utrumque huius femur ab cætero corpore divulsū miserè laceravit, ita egregius adolescens haud dubiè victor occubuit. Ibi verò Daugnionus, consensâ Prætoriâ, hostium Classē porro prosecutus est: sed ex Brezæi morte dolor, ab cuius benevolentia, liberalitate, ac munificentia multa consecutus erat ornamenta; præterea rei suæ post hunc casum constabiliendæ consilium, studiūque animū ad hanc ab re publicâ avertit. Cessantibus nostris hostes ponè Liliū Insulam tantisper reficiendis navibus oporā dedere: dein eundem quem Gallica Classis tenuere cursū, nullo operæpretio factō: postremò increbescēte vento tanta tempestas est orta, uti naves omnes dissipaverit. Interea Gallica Classis in Provinciam rediit, cū reficiendis navibus, tū aquandi causâ, quod utrumque facere apud Liburnū facile fuisset. Sed Daugnioni consilia, studiaque hominem aliò vocabant, Broagium videlicet, Arcem ad Oceanum Aquitanicū validissimā, cui Brezæus Præfectus fuerat, ipse verò Propræfectus, quam Arcem sibi retinere Daugnionus vel ipso invito Rege cogitabat.

Cæterū Armandus Maillæus Brezæus ingens animi, corpore pusillus, atque ad omnia præterquā ad lacescendum hostem tardior fuit, quem scilicet ab anno C 15. 156. X L I I. quò Præfecturam rei navalis gerere coeperat, princeps in Prætoria suâ perpetuò ubi primū fuit in conspectu est adortus, Prætoriam hostilem petens, nihil sollicitus utrum numero, aut robore navium hostes præstarent: nam has eandem quam Prætoria fortunam habituras confidebat, seu fugeret, seu expugnaretur. Ita quotannis aliquā insigni victoriâ clarus fuit. Huic inerat munificentia suprà fortunam privatam, in domesticos, in amicos, in ipsam quæ Angiani uxor erat, sororem. Postremò is erat Brezæus, quem ad tantam fortunam nunquā suo pte ingenio perventurum fuisset diceres, at qui ab Richelio avunculo velut hæreditate relictam ita tueretur, ut & majore dignus videretur.

Primū ad Chavignium qui Antipoli erat, de Brezæi cæde nuntius est allatus: de quò subito Henricus Valesium Aletium fecit per litteras certiorē: hæc ab Curfore perlatæ sunt celeriter, qui & de re eadem ad Michaëlem Mazarinum Chavignii litteras habebat: uterque apud Aquas Sextias commorabatur, hic Archiepiscopus, ille sicuti memoravimus qui Provinciam obtinebat. Aletius quas Chavignius ad Archiepiscopum dederat litteras, eas ab Curfore sibi tradi jubet, scilicet ut ne illi redderentur, atque ipse ad Condæum alium Curforem properè mittit, cum litteris, quæ Brezæi mortem nuntiabant. Aletius Angiano Condæi filio consobrinus erat, cui ad eò rei Navalis Præfecturam opimā & cum magno imperio mandari cupiebat. Hæc pridem Henrici Mommo-

1646.

quæ utraque res viro Principi virtute, gratiâ, atque potentiâ, magnisque in rempublicam meritis valido quidpiam ad hunc sibi Magistratum, aut Imperium expetendum juris dabat. Chavignius qui se ab Mazarino labefactatum, aut certè desertum credebat, clam Angiani, atque Condæi Patris fidem sequi cœperat, neutrum tamen de Brezæi morte per litteras monere est ausus, maluitque ad Altesium eâ de re scribere, atque unâ ad Michaëlem Mazarinum, ut ne hanc alterum celasse voluisse videretur.

Sensit tamen Mazarinus fraudem, neque dubitavit Chavignii voluntate factum, ut ne suas de Brezæi morte litteras aut Curlor, aut Altesius Michaëli fratri redderet. Eò inter Mazarinum, & Chavignium crevere similitudines, nam quamdiù in Provincia fuerat, nihil ad illum dederat litterarum, Aquas Sextias adveniens Michaëlis fratris hospitium erat aversatus, ac postremò cum è Provincia discessurus esset, atque uti sibi vale diceret, Michaëlem navi ad se Antipolim properare sciret, priùs indè profectus fuerat, quàm alter adveniret. Chavignius negabat se in scribendo cessasse, verum hoc officio erga Michaëlem quamdiù in Provincia fuerat functum, quod ampliùs atque acceptius Mazarino futurum credidisset: Michaëlis hospitio sese usurum fuisse, ni sibi cum Altesio vetus consuetudo, & familiaritas, præterea in Urbe vicinitas intercessisset: postremò qui Provinciam obtineret, ei ab se Antipolis Præfecto morem gestum oportuisse: ad sedenique discedentem Antipoli Michaëlem venire planè nescivisse: sed præter hæc, Daugnonium aiebat haud inconsulto Chavignio Broagium abiisse, ut id sibi retineret: quæ res cum ad rempublicam pertineret, idonea Mazarino visa cujus specie Chavignium comprehensum, atque in custodiam conjectum vellet. Id huic magnoperè suadebant Henricus Sannectarius, atque Almericus, qui Chavignium secundis in rebus ejus diligentissimè coluerant, atque observaverant, eidem tunc quia adversæ erant, ex Aulæ ingenio iniquissimi. Obstitere alii multi, atque Mazarinum ab hoc consilio deterruere, a Claudi-
 a L'Abbé
 Auvry, de-
 puis l'èvesque
 de Constan-
 ec.

Mirum est quantum in excitandis Sociis Civitatibus ad bellum hoc anno strenuè gerendum laboratum sit, tametsi Rex plus ipsis pecuniæ, quàm antehac polliceretur. Missus eâ gratiâ ad Henricum Arausium Rohanetus est, qui cum eò quid utrimque faciendum esset consultaret: sed in eo præter rerum usquè gestarum famam, vix reliquum quidquam fuit, corpus infirmum, neque mens sanior, quibus hominis ambitio ægrè sustentabatur. Rohanetus Regis verbis hortabatur, uti Gandavum oppugnare vellet, validum, atque opulentum ad Scaldim, Legiamque amnes oppidum, quòd quidem Henricus difficile esse aiebat, propter mœ-

nium amplitudinem, atque amnes, qui castra interfluituri essent, quò major copiarum numerus tanto, ac tam vasto incepto necessarius foret. Rohanetus Gastonem cum regio exercitu, atque Angianum eò venturos dixit, atque his gratissimum fore Henrici virtutis spectatores, atque adjuutores esse. Contrà hic Gandavi negotium unis Gallis utile futurum aiebat, sibi Civitatum Sociarum commodis serviundum, quæ magis suaderent Antuerpas, quàm Gandavum oppugnare. Ibi Rohanetus alteram rem alteri proficuum fore & utramque fieri posse respondit, neque Arasio defutura utrobique Gallorum auxilia: cæterum neutrum horum factum est, Henrico in suâ sententiâ de oppugnandis posthabito Gandavo Antuerpis permanente, quod huic sicuti postea videbimus frustra fuit.

Sed apud nosmetipsos haud dissimilis de eo quod optimum æstivorum initio factu esset, controversia fuit, Gastone Cameracum Rivieræ impulsu oppugnare volente, aliis verò Duacum, Tornacum, Basileam suadentibus, ac tandem autore Ramsavio ut ad Curtracum iretur decretum est. Rex ab Compendio ad Ambianos processerat, atque omnes copiarum circum Atrebatenses convenerant, quo & Angianus exercitum cui Imperator erat, adduxerat: hic ubi cum Gastonis exercitu conjunctus est, numerum triginta trium millium peditum, equitumque confecit: nequedum quibusdam Cohortibus advenerant supplementa: prætercâ frequens nobilitas Gastonem, & Angianum comitabatur, gloriæ ut ferè sit avida, ac tantorum virorum auctoritatem famamque secuta, ad hoc apud Regem Reginamque matrem, tùm apud Mazarinum maximè cujus arbitratu cuncta fiebant, gratiam inire studens. Copiarum omnes V. Id. Junias ad Avendini pontem iere, quò & hostes transmissio Scaldi contendere velle visi: nam in eo operæpretium erat, utri pontem antecaperent, quoniam hæc est loci natura uti si hunc hostes duum millium præsidio tenuissent, nostros transitu faciliè arcere potuissent. Sed hi ante illos venerant, neque Avendini pontem modò occupaverant, verùm & ad Spinoyum ultrà progressi omni studio deposcebant pugnam: quod ubi hostes sensere, converso agmine subito undè venerant rediere, transmissoque iterum Scaldi, eò se. anne adversum nostrorum consilia munivere.

Gasto ad Curtracum subito flectit iter, & quartis castris cum haud ita procul abesset oppido, equitatum præmittit, qui omnes insideret vias, ut ne quid auxilii, aut com meatûs introduceretur. Caracena apud Ypras, circumque quinque millia peditum, equitum duo millia in stativis habebat. Is suspicatus Gastonem Curtracum oppugnare velle, tam opportunè Joannem Lipontium cum Cohorte unâ cui Tribunus ipse erat, & Germanos ducentos eò misit, uti simul hic oppidum ingrederetur, & equitatus ab Gastone præmissus circum adventaret. Lipontio ab Caracena dati erant equites trecenti, uti peditibus quos ducebat tutius iter esset, sed illi cum peditibus in oppidum ab nostris compulsi sunt. At ea res Gastonem nihil ab incepto deterruit, qui postridiè ante oppidum po-

1646.

fuit castra, atque noctu fossam ad murum ducere aggressus est. Quâ nocte id fieri cœptum, ad opus excubabat Lermontius Castrorum Præfectus: sed eò venere Gassio, ac Ramsavius Equitum Tribuni, uti quâ porro fossam duci oporteret perspicerent: cum his unâ fuit Lermontius, quos ubi hostes sensere venientes, crebras in eos misere glandes, quarum unâ graviter ictus est Lermontius, magnâ virtute vir, & rei militaris scientiâ, Ardere Præfectus est, atque item Meneni ad Legiam amnem. Una modò fossa ad oppidum fuerat instituta, quæ ubi propius hujus fossam foret, hanc in duas dividere consilium fuit, quæ ad duas item semilunas ducerentur. At hostes ad portas oppidi priusquàm luccerent, atque in mœnibus strepere, tumultuari, atque in nostros operi intentos eruptionem parare videri, quæ primâ luce tentata secus cessit: nam ab statione quæ propius oppidum erat, frequentes emissæ sclopetis glandes metum hostibus fecere, & Gassio subitò, atque unâ Terralium Castrorum Præfectus, aliquæ advolavere, qui hostes intra mœnia compulserunt.

Vix dùm recesserant, cùm ab rustico monitus est Ramsavius, rursùm omnes hostium copias Scaldim transire, quæ Curtraco auxilio veniant: tùm Gasto ad Angianum properè mittit, qui diceret optimum factu videri, si ad Bellegham castra poneret, is apud Turcaimum sex ab Curtraco passuum millibus stativa habebat: sin id satis tutò se facere possè crederet, cum magnâ exercitus parte sese ad hunc iturum, qui ipsi præsidio sit. Angianus nihil sibi præsidio opus esse, & facturum quod imperasset, respondit. Continuo igitur movet castra, atque horâ post meridiem primâ ad Bellegham erat: eodè Gasto venit, consultatumque inter ambos, num obviam hostibus eundem esset, necne. Omnis ea regio adèò impedita erat, ut agmine ire copiarum nequirent, nec quidquam operæ pretii adversùm hostes fieri poterat, ni omisso oppido, cum omnibus copiis ad eos iretur, atque adèò quod hi unum cupiebant, obsidio solveretur, militemque, & commeatum introducendi Caracenarum potestas daretur. Igitur circùm oppidum manerè visum, atque omnes copias, alias aliis quàm proximas agitare: Gastonem ultrâ Legiam Ypras, & Caracenam versùs; Angianum, Gassionem, & Ramsavium cis amnem, quâ adventus hostium erat, castra habere: ut ab alteris, ad altera castra commeari copia esset, pontes super Legiâ facti tres, idoneis locis. Castra tùm aperta erant, neque spatium muniendi fuerat, seu priùs se oppidum oppugnaturum Gasto crediderat, quàm hostes adventarent, seu impeditis suâpè naturâ locis labori militum in muniendo parcere voluerat.

Hostes XVI. Calend. Quintiles vergente in noctem die in conspectum venere, quibus Carolus quondam Lotharingiarum Dux, Piccolominius, Beccus, atque Lamboius præerant, triginta quinque tormenta moliebantur, nihil impedimentorum in omni exercitu fuit, quò expeditiores ad omnia essent. Eâ parte quâ adventabant, Gassio curabat, quò subitò Gasto advenit, iussitque Ramsavium cum idoneo equitum numero, quoad tutum judicaret, quàm propius hostem ire, uti quid ipsi animi, aut consilii esset, periclitaretur: ab castris suis quæ ultrâ Legiam erant, Terralium

ralium Castrorum Præfectum, quatuor equitum alas, & Cohortes tres evocat, uti Gassio qui quâ parte agitabat, hosti opportunior erat, ad primum hujus impetum excipiendum firmior, atque validior esset, si quid uti diei tempus erat, aut ante, aut per noctem incipere auderet.

Intercâ Angianus, atque unâ Gramontius Equitum Tribunus Ramfaviu quem Gasto uti de hostibus cognosceret præmiserat, subsecuti sunt. Sed omni exploratâ re, hanc tûm quietam fore Ramfaviu nuntiavit: nam hostibus acie decertare consilium non esse, qui planitiem ab dextrâ deseruissent, ut ad sinistram loco naturâ munito sese tenerent, quare clam acturos, & auxilia in oppidum introducere conaturos videri. Gasto tamen sicut acie postridiè dimicandum foret, cuncta maturè providet, tormenta advehi jubet, atque in Angiani castris eam noctem milites crastinæ spe pugnae læti agitavere: ut ne tamen ab oppugnatione nostri tantisper animum avertisse hostium adventu viderentur, totâ eâ nocte moliri, atque idoneis locis ante oppidum disponere tormenta, quæ primâ luce mœnia quaterere cæperè. Sed hostes quod nostros fecisse antehâc æquius erat, totâ nocte muniverant castra: quod ubi est animadversum, neque prælii, sed diuturnioris conatus esse rem, continuo & nostri munire cæperè. Castra hostium nostris propè collata erant, adeo ut non modò tormentis utrimque, sed & sclopetis agi posset, quod ab neutris est omissum, cominus factum nihil est. Postridiè hostes Haërlebecam vicum ad Legiam infra Curtracum occupavere, atque munivere: reliquum mensis qua opportunum visum mutavere castra, tormentis nostra infestavere, horum oppugnationem quandôque tentavere, discessum simulavere, dein ex improvviso redeuntes fossas castrorum aggere, atque virgultis implere conati sunt; postremo sibi, atque nostris magnam attulere molestiam, neque tamen operæpretii quidquam fecere: nam nihil intermisso oppugnandi labore, atque operibus, tametsi Lipontius eruptionibus, atque omni alio pacto egregiè propugnaret, nihilo secius tamen ubi ad oppidi fossam perventum, atque Semilunâ quæ objecta erat captâ cunicularius ad murum oppidi est applicitus, ab Lipontio denique IV. Calend. Quintiles facta deditio est.

Curtracum oppidum erat civium multitudine magis, quàm operibus, & situ celebre: nam eò multi opifices lanificio dantes operam commorabantur: quod ubi deditum Regi est, complures dilapsi solitudinem loco fecere: cæterum ubi Armentaria, & Menene ad Legiam annem penes Regem fuere, Hispani Curtraco metuentes id egregiè ab ultimis æstivis muniverant. In media Flandria positum est, Legia oppidum in duas dividit partes, Gandavum, Ypræ, & Brugæ nobilia oppida haud procul sunt, neque jam difficile videtur cum Sociarum Belgii Civitatum copiis nostras sicubi opus erit conjungere, atque alteros alteris auxilio esse. Hoc maxime consilio Rex Curtracum, atque alia duo ad Legiam oppida ceperrat, ratus scilicet nihil ad suam, & ad Sociarum Civitatum rem magis pertinere, quàm uti sui utrique fines quàm propiores essent. Sed longè alia Sociis Civitatibus mens fuit, queis eò maxime potentia Gallorum

1646.

suspecta, vicinitas formidolosa esse cœpit, & quos procul sitos amicos habuerant, eos propiores factos penè hostium loco habere, Hispanos verò adversum quos fœdus, & belli Societatem nobiscum fecerant, quod eorum modò excidio desinere debebat, sibi quàm Ludovicum vicinos esse malle; postremò multa indicio esse, fœdus antehac factum, atque nos Belgico bello implicitos voluisse, non uti devictis Hispanis (sicuti convenerat) Belgium Rex, atque ipsæ ex fœdere possiderent, sed uti nostris viribus freti ad pacem secum lanciundam (sicuti supra diximus) Hispanos adigerent: quod certè per Regem licebat, modò ut idem nobiscum fieret, neque aliter Sociæ Civitates cum Hispanis sicuti fœdere cautum fuerat, pacem facerent.

Rohanetum antehac ad Henricum Arausium de Gandavo oppugnando missum diximus, qui hunc eò adducere nequiverat, sed in suâ de oppugnandis Antuerpis sententiâ permanserat, si quid ipsi Rex auxilii præbere vellet. Sed eadem de re ad hunc missus est Estrada, qui hominis ingenium jam diù noverat: cumque de Gandavo nihilo plus impetrare potuisset, postremò de Antuerpis huic Estrada morem gessit, convenitque uti Rex tria equitum millia ad Brugarum fossam mitteret, quò obviam missi ab Henrico equites nostros acciperent, & ad hujus castra deducerent. Hic prætercâ tria peditum millia postulabat, quorum spem quidem faciebat Estrada, sed si fortè mitti non possent, nihilominus Henricus se Antuerpas oppugnaturum recipiebat. Estrada eâ lege tria millia peditum pollicebatur, si apud Antuerpas Religionem Catholicam nostram in eodem statu quo tunc erat, permanere per Socias Civitates liceret, quod tametsi fœdere cautum antehac fuerat ita futurum in omnibus locis quos ipsæ per id bellum occuparent in Belgio, tamen ab illis nusquam fuerat observatum, præ nimio Sectæ suæ studio. Ita si Sociæ Civitates eâ de re fidem dare nollent, integrum Regi, aut Gastoni futurum erat, tria peditum millia ad Arausium nusquam mittere, sin de hac fidem darent, haud exiguam talis hujus auxilii mercedem, ac regiâ pietate dignissimam Estrada pepigerat. Postremò ubi hæc Gastoni renuntiata, placuit morem Henrico gerere, atque huic equitum tria millia, ac totidem peditum duce Gramontio Equitum Tribuno tradere, quæ cum omni exercitu ipse Gasto deduxit ad Brugarum fossam. Eò Guillelmus Henrici filius cum tribus equitum millibus venit, qui Gastoni patris verbis salutem dixit, gravem hominis & ætatem & valetudinem causatus, quæ hunc còdem venire prohibuissent. Guillelmum Gasto cum Angiano, cæterisque Ducibus de belli rebus in consilium adhibuit, quod adolescenti perhonorificum fuit, dein unâ cum Gramontio, & auxiliariis Gallis ad patrem rediit. Nihil dùm Henricus per hæc æstiva inceperat, seu sponte, propter ætatem, & valetudinem, seu Sociæ Civitates ad pacem, aut inducias plus æquo propensæ quæ bello gerendo necessaria erant, eâ indigentius huic suppeditabant. Certè Thuilleries Regis apud eas Legatus nihil in his auxilii futurum posthac continuò monebat, tantum iis pacis, aut induciarum studium erat. Id Æmilia

Solmia Henrici uxor magnoperè fovebat, seu ex ingenio mulierum viri consiliis adversa, seu muliebri indignatione, quòd hujus operà Mazarinus apud virum huic quò vellet impellendo non uteretur, quem planè in suà esse potestate credi volebat, atque ex eà re sibi ingentem quæsum sperabat accessurum.

Sed eunti ad Brugarum fossiàm Gastoni hostes qui priores Legiam transferant, in Brugarum planitie obviam facti, sicuti acie decertare velent: ast ubi nostri contra instruxère, illi Brugas maturè recessère, & sub ipsis mœnibus constitère: dein Carolus Lotharingæ antehàc Dux quà nostris reditus erat, ad Tieltem vicum posuit castra: sed ubi hos adventare nuntiatum rursùm Brugas abscessit, nihilò tùm ad pugnandum firmior, aut audacior. Gasto priusquàm Curtracum rediens adveniret, omnes copias uti stativa proximis ad Legiam locis habere dimittit: nam & oppugnatione oppidi, & expeditione ob immodicos calores molestissimà fatigatis quiete opus erat, quæ tamen haud diuturna fuit.

Dum hæc in Belgio geruntur, Thomas in Italia apud Orbitellum quæ ad oppugnationem oppidi pertinebant, ea faciebat sedulò, neque tamen eveniebat ex sententià: nam & Carolus Gatta, & qui in oppido unà erant, acriter eminùs, & cominùs eruptionibus propugnabant. Ad hoc post Classis nostræ discessum, hostes maris potiti clam, & plerùmque noctu auxilia, & commeatum scaphis per lacum introducebant, nihil interdiù, atque palàm ausi, scilicet prohibentibus undequaque nostris, sed id parùm erat, neque eo pacto satis oppidum adjutabant. Itaque X I V. Calend. Quintiles viginti quinqueremes ab cæterâ Hispanicâ Classe dimissæ milites quingentos Portum Herculis advexère, qui cum totidem Neapolitanis eodem antehàc advectis conjuncti quidpiam operæ pretii facere decrevère, quò suppetias oppido ita ferre possent, uti vix posthàc expugnari, aut ad deditionem redigi posset.

Paulùm suprâ Herculis portum, ad Isthmum, quo ad Promontorium adiri memoravimus, Castellum Philippi de quo jam diximus positum est. Ex hoc Castello, atque ex Portu Herculis egressi hostes tripartitò ad proximos montes lacum versùs ière: ædiculam quæ ad lacum posita erat occupare, & munire velle videbantur, ut indè scaphas, & lembos in lacum immitterent, atque deinceps ad oppidum commearat. Eà parte Castellum ab nostris exstructum fuerat, atque opportunis circum locis custodiæ habebantur: hæ ut ampliores atque firmiores essent, Navailius eò cum ducentis militibus partim è suâ, aliis è quinqueremium Cohorte venire jussus fuerat: qui ubi hostes montibus digredientes, atque ad ædiculam descendentes conspicatur, centum & quinquaginta militibus omninò comitatus ipsis occurrit, quos haud procul ædiculâ adortus pedem referre cogit.

Biduò post animadversum hostes Philippi Castello egressos ad Isthmum iter intendere, qui mare inter, & lacum est, uti nostros ab ædiculâ secluderent, atque eà gratià munire in proximo monte: tùm nostris montem alium ædiculæ propinquum occupare visum, in quo pernoctata

1646.

a De Buade
Comte de
Frontenac.
b De Berard
Baron de la
Croix de
Bieré.

vère. Cohors una erat quinqueringium videlicet, præterea qui biduum custodias agitaverant milites ducenti, eò manere ab Sironè qui his præerat iussi: eodem venit, mansitque Tillius, cum pari militum numero, qui in Sironis vicem succedere debebat. Primâ luce hostes tormenta ad eâ quæ tenebant, ac muniebant loca advexisse est animadversum: de quâ re continuo Thomam nostri fecere certiore, quoniam pluribus, quam quas habebant ad arcendum hostem, copiis indigebant. Thomas Barrium Santaunesium Castrorum Præfectum qui in eo exercitu equitatu præerat, eò propter mille pedites, & paucos equites ducere jubet: unâ iere Crequius, a Buada Frontenacus Normannicæ Legionis Tribunus, atque Vicetribunus Franciscus b Berardus Baro Cruacæ. Ubi Santaunesius advenit, hostes quadripartitò montem infedissee videt: in radicibus montis munire, in medio castellum exstruere cœperant, quod maris oram prospectabat, duo tormenta idoneis locis collocaverant, alterum quò maris oram nostris infestam facerent, ut ne hæc ad se venire possent, alterum ut ædiculam defenderent: in orâ maris sclopetarios quinquaginta inter saxa, rupesque qui viarum angusta adversum advenientes nostros defenderent, disposuerant.

Ubi hæc satis explorata fuere, bipartitò nostri ad hostes iere: Frontenacus è Normannicâ cuius Tribunus erat, Legione sclopetarios decem deligit, qui duce hastato initium pugnandi faciant, his Procenturionem cum triginta militibus, rursùm iis Centurionem cum quinquaginta, dein equites quindecim, præterea quod è Normannicâ Legione reliquum fuit, postremò Vxellanam Cohortem subsidio esse jubet: hi omnes adverso colle ad hostes evadere properant. Parte aliâ Santaunesius cum suâ, atque Vernateli Cohortibus, ac quindecim ex Crequii alâ equitibus, eodem ordine obliquo itinere subibat ad montem, sicuti prohibebatur hostium fugam: qui subito ut ne Herculis, & Philippi Castellis intercluderentur omisis quas incœperant munitionibus, castelloque, tormentis, omni-que ad muniendum quem advexerant apparatu, abscesere: Siron, & Tillius qui cum militibus suis, atque aliis ex quinqueringium, Lugdunensi, & Provinciali Cohortibus, ad custodiam montis manserant, si quid fortè nostris durius accidisset, postquàm horum adventu perterritos hostes abscedere conspiciantur, tùm denique per colles acriter hos persequi cœpere: idem Crequius cum reliquâ alâ suâ facit: hostes conturbatis denique ordinibus caespunt fugam, pauci cæsi, trecenti, & quinquaginta capti. Dum hæc terrâ gerebantur, ab mari quinqueringes, atque alia hostium naves, quæ ex adverso Telamonis, & Stephani portuum stabant, haud cessare nostros tormentis territare, atque exscensionis metum facere, uti Thomæ consilia, viresque distraherent.

At huic ad oppugnationem oppidi nihil satis procedebat: musculum quem in fossâ ex firmiori materiâ resectum supra diximus, ultra prom- veri hostes prohibebant ex transversâ quam in eadem fossâ exstruxerant munitione: ad hanc irrumpere ab musculo milites iussi primò aquam minùs quidem altam nacti limo tamen in fundo tenaci impediabantur,

dein ubi munitioni appropinquabant, altiore aquam invenère, quàm ut vado transiri possèt, atque adeò cæsis, ac vulneratis aliquot ea res denique omisiss.

1646.

Iterùm hostes majori quàm antehàc conatu, nam ad quatuor millia cùm ab navibus, tùm ab Herculis, & Philippi Castellis exicrant, ad oppidum perrumpere tentavère. Primùm majora sexdecim quæ velis agebantur navigia Telamonis, & Stephani Castella, & quæ in utroque portu vectoriæ nostrorum naves fuère, eas tormentis infestavère, quæ alia depressæ, alia vulneratæ, dein noctu quadraginta omnino milites exposuère: hi in lacum vado progressi scaphis ab oppido missis excepti, atque adducti sunt. Sed id exiguum erat auxilium, majora introducere conati hostes, ad quatuor millia montes sicuti nuper haud procul lacu occupavère, quibus perindè, atque antehàc ab nostris pulsati sunt: hi haud amplius mille fuère, sed Thomas ipse, & cum eo Santau-nesius, & Refugius Castrorum Præfecti, Frontenacus, Dubledus Vxel-lus, Crequius, atque alii Tribuni ducesque aderant, quorum exem-plo, atque hortationibus milites permoti rem naviter gessère. Intereà Stephani Portum versùs Navaillius curabat, ut ne quid eà hostes in op-pidum introducerent, sicuti per lacum nuper fecerant: ex hostibus mille, pauci è nostris cæsi, inter quos Amedæus Carailus, & Valdisera è Thomæ comitatu: nam quæ cum eo erat Sabaudica, & Subalpina Nobilitas, præterea custodes corporis fortem Regi, atque illi operam in eo omni negotio navavère. Refugius faciem, Frontenacus brachium, Crequius femur glandibus vulnerati: huic præterea duo quibus infederat confossi equi: Centuriones, Procenturiones item vulnerati complures, nam hostes quos montes obsederant, iis non nisi maximà vi depelli quivère.

a Amedée
Carail. Le
Comte de
Vald'Isère.

Nihilò segniùs apud Orbitellum Carolus Gatta rem sustentabat, iterùm igne musculum corruerat, aggerem qui pro muro propugna-culi ab aquà paulùm exstabat aliquid aggeris superaddendo pedibus ali-quot extulerat, adeò ut pro iusta munitione ante propugnaculum esset, quàm milites teçti adversùm nostros musculum promoventes glandes emitterent, atque operi intentos perturbarent, quo fiebat, ut ab summo, & imo muri petiti vix consistere, atque administrare quidquam possent. Sed majora ex anni tempestate damna sensère, nam ab Maio ad Julii finem, tantus incessit calor, ut adversùm hunc aut tabernacu-lis, aut tuguriis parùm proteçti milites essent, is ab lacu, ab mari, & ab montibus, quò castra Thomas habebat, conduplicatus incredibile me-moratu est, quàm graves nostris morbos attulerit. Ita compluribuseà peste absumptis, & qui supererant languore confectis, una modò in Classis reditu quæ supplementum advehebat, reliqua spes erat, atque hanc adventare fuerat nuntiatum.

Sed maturius copiæ ab Neapoli profectæ per Agrum Romanum iter habuerant: has octingentorum modò equitum, ac paucorum peditum fuisse ubi Neapoli profectæ fuerant, rumor constans erat: sed ab Româ

E c ij

1646.

ad Hercules Promontorium bidui, aut paulò plus itinere ad equitum duo, sex autem peditum millia creverant, quia his Pontifex benedixerat : nam haud spernendas copias tum ad Voltumnæ-fanum habebat. Itaque illas demum haud procul Thomæ castris abesse per speculatores cognitum est. Is continuo peditum millia duo, trecentos equites ducit obviam, pedites trecenti qui operibus præsidio essent, in castris relictæ : quod ubi est ab Carolo Gattâ animadversum, hos eruptione factâ facillè propellit, atque opera omnia igne corrumpit. Eâ de re Thomas factus certior cum se in nullam amplius spem cum hoste decertaturum probè intelligeret multis partibus inferiorem, ad maris littus flexit iter, quò classis nostra appulerat, atque tria militum millia in terram exposuerat, opportunum si paulò ante advenisset auxilium, tantum in bello temporum momenta valent. Pedites omnes navibus Thomas imponit, equites per Etruriam in Pedemontium dimittit, cujus rei ab Etruriæ Duce potestas facta, qui in eâ omni expeditione Gallis haud iniquus est visus.

In Aulâ ubi rem apud Orbitellum secus cessisse nuntiatum, & vulgus, & qui Mazarino adversi erant, dicere, *Nihil hanc ad Gallos attinuisse: ab Mazarino modo susceptam, uti Pontifici quem oderit terrori esset, atque ut hunc ad Michaëlem fratrem Cardinalem creandum adigeret: tot sumptibus in eam rem factis, tot hominum ferro, & caligavit absumptorum, ac maxime Brezæi jacturâ nihil præter dedecus questum.* Quin & Mazarino consilium fuisse aiebant, omnia ad Etruscum littus, & ad Ilvam Insulam Hispanorum oppida sibi habere, quæ videlicet huic Rex postquam capta forent, dono daret, atque adeò haud procul Româ novum constitueret Principatum, quo fretus aut ipse Pontificatum adipisceretur, aut quem vellet, cum Pontificem creare Cardinales adigeret. Augēbat invidiam in Mazarinum Condæus, prædicando se ab hoc incepto dissensisse, atque eo gravius illi obtrectabat, quod hujus operâ Rei navalis Præfecturam Brezæi morte vacuum Angiano filio ab Regina negatam credebat, quæ hanc sibi ipsi retinuerat, neque aliâ gratiâ Mazarinum id Reginae autorem fuisse, quam ut ipse ejus vices in re navali administrandâ, atque in optimis maxime hujus fructibus percipiendis gereret. Igitur Condæus eâ causâ offensus Mazarino rus concessit, quod haud procul Fontebellaqueo habet, dein abcessit longius in Æduos, quam obtinebat Provinciam.

Sed hæc Condæi secessio sollicitum habuit Mazarinum, non tam illum, quam Angianum filium metuentem. Is florenti ætate, ingens animi, ac rebus gestis ferox, atque præclarus magis inferre injuriam, quam pati posse videbatur : ad hunc & miserat, & scripserat Condæus, adolescentis animum adversum Mazarinum exasperans. *Hunc hospitem, atque advenam viris è regâ gente Principibus illudere, rem publicam omnem invadere, & cum muliere alienigenâ regnare, ambos immemores quâ lege huic Procuratio Regni permissa sit, scilicet ut in re omni publicâ gerendâ Gastonis, atque Condæi ipsius consilio, judicioque uteretur, quo posthabito ipsa, de Mazarinus*

rei navalis Præfecturam sibi sumpserint, quæ dubio procul magis ad Angianum spectaret, cum quia Brezæo qui hanc habuerit affinis esset, tum quod hæc Mommorantii Avunculi fuerat. Potestates quidem, & Imperia haud hæreditaria esse, consuetudinem tamen invaluisse, ut in viris Principibus quæ propinquorum fuerent, ea ipsis facile tribuantur, quod in Angiano fieri eò magis debeat, quod in ipso præter genus regium, etiam quæ id deceat virtus, rerum gestarum gloria, atque in Regem, in Reginam matrem, atque in rem publicam summa merita sunt. Hic tamen nihil sibi eâ tempestate movendum existimavit, sed magis augenda sua in Regem, Reginam matrem, ac rem publicam merita, quibus ad summum gloriæ culmen adscenderet.

Ægrè tamen huic erat, tantum adversum se ausum Mazarinum, uti rem propè suam ipsi ablatam voluisset: eò quodoque maledicta in hominem jactabat, contemptus magis, quam odii plena. Interea magnoperè studebat, uti Gastoni carus esset, huic obsequendo omnia, atque hujus gloriæ, & famæ serviundo. Jamque erat inter eos amicitia, ut inter tantos viros magna conflata, neque huic Riviera obstabat, quin & Angiani de repulsâ in Mazarinum odium fovebat, dictitans Reginam inconsulto Gastone haud sibi rei navalis Præfecturam sumere debuisset: præterea Gastoni autor fuit, ut ad Reginam scriberet, sicuti res adhuc integra esset, ut hanc in suum ad Urbem reditum disferre vellet: ita Reginam sentire æquum existimabat, se haud satis rectè, atque ordine de re tantâ nihil exquisitâ Gastonis sententiâ pro lubricine decrevisse. Nihilominus ipse Riviera ad Mazarinum scripserat, collaudans omnem ejus in eo negotio adversum Condæum rationem, atque illi perpetuam Gastonis amicitiam ostentans: cæterum quam inter hunc, atque Angianum conflata amicitiam diximus, eam fovebat impensis, atque de hac sollicitum esse Mazarinum placebat, id enim sibi magnoperè profuturum judicabat, ubi hanc Mazarinus diremptam vellet, nam id hujus modò operâ fieri posse videbatur, atque adeò hanc sibi Mazarini gratiæ magis, ac magis promerendæ novam occasionem fore, quâ si rectè uteretur, ad Cardinalatum se perventurum denique sperabat.

Tametsi Mazarinus Rivieram sibi apud Gastonem magno usui porrò futurum credebat, tamen & per Margaritam hujus uxorem hunc sibi magis, simul & totam Lotharingicam Domum adjungere conatus est. Illa Caroli quondam Lotharingiæ Ducis soror est, sicuti suprà diximus, cui spem fecit pacem cum fratre conditionibus posse componi, de quibus agi coeptum. Præterea per Franciscum Annibalem Estræum Equitum Tribunum, cum Cæsare Vindocino qui ipsi sororis filius est egit, ut in gratiam secum redire vellet. Sed hæc Condæi, & Angiani filii metu instituta postquam is desierat, sicuti de conditionibus convenire difficile esset, Mazarinus omisit.

Nam Condæum in Aulam revocare planè fuit necesse, quoniam Publicani ex hujus secessione partes, & turbas, ac postremo bellum civile metuentes sese publici negotii quidquam facere posse negabant.

1646.

Jamdiù horum opibus, atque fide respublica stat, seu ad quotidianos sumptus ærarium non sufficit, seu id Administris usui est, quæ sine anni, aut biennii è regis fructibus percipienda sunt, ea anni principio quo lubet pretio locantibus, uti præsens, aut certè maturior adsit pecunia, præterea cum Publicanis novas corradendæ pecuniæ rationes incuntibus, in qua utraque re liber ipsis quæstui locus est. Condæus neque suâ causâ rem publicam labefactatam volebat, ac ne is quidem Publicanis iniquus erat, ex quibus si secedere perseveraret, nullus ipsi quæstus posthac erat futurus. Igitur cum & Condæi, & Mazarini rationes postulerent, ut ille in Aulam rediret, postremò & litteris, & missitationibus adductus est, uti Fontembellaqueum quò tùm Rex agitabat, veniret. Hunc Mazarinus & curatissimè, & benignissime accepit, Regina non item, scilicet quæ hunc sentire vellet ægrè sibi fuisse, expetitam porrò ab illo, aut ab Angiano filio rei navalis Præfecturam, postquam hanc ipsa sibi retinuerat. Id autore Mazarino ab Reginâ factum aiebant, quò Condæo, atque omnibus fides fieret, nihil rei navalis Præfecturam ad se, sed ad Reginam modò attinere: cæterùm hac posttridiè cum Condæo benigniùs egit, atque bono animo esse jussim, præterea ingentibus pro se, atque Angiano filio promissis oneratum dimisit, nam absque comitatu solito, & familia venerat, festinans ex voluntate Reginæ, ut omnis partium, & belli civilis metus quantociùs levaretur.

Gastonem supra diximus ad Legiam cum omnibus copiis rediisse, præter eas quas Gramontio Equitum Tribuno tradiderat Sociarum Civitatum exercitui conjungendas: hunc Arausius ad Scaldim ducebat, quò fiebat, ut Hispani omnibus ad hunc amnem locis metuerent impensius: Gallos Gramontio Duce Aldenardam, Arausium Dendermondam, utramque Gandavo haud procul oppugnatos crederebant, hæc Antuerpæ propior est. Sed Antuerpæ magnum, atque valens oppidum, armis, virisque opulentum, olim forum rerum venalium in omni hac regione maximè celebratum fuit, ubi incolere, & commercari consueverant omnium gentium multi mortales. At postquam Batavi, cæteraque Sociæ Civitates ab Hispanis defecerant, illis finitimum esse cœpit, atque adeò Arce, & præfidiis ab Hispanis egregiè munitum. Contrà Sociæ Civitates haud procul ad Scaldim Castella exstruxere, ad pleraque hujus amnis ostia, quibus Oceanum subit, quò difficilior navibus aditus ad Antuerpæ foret, eò mercatura paulatim minuit: tanta nihilominus æstu secundo superandi pluribus locis amnis, & ad oppidum subeundi opportunitas navigantibus est, ut omninò prohiberi nequeat.

Magnam tamen partem mercatura ab Antuerpis Amsterodamum est translata, præcipuum Batavorum oppidum, quæ Civitas inter Socias longè potentissima, atque opulentissima est, atque adeò inter eas obtinet principatum. Huic haud temerè visum si Antuerpæ in Sociarum Civitatum venirent potestatem, eò ab Amsterodamo redituras cum mercaturâ

caturâ antiquas opes : quò factum est, uti sedulò quoties de his oppugnandis est consultatum, huic incæpto sit adversata. Præterea Batavorum Civitas quæstui maximè, atque navigationi dedita jamdiù pacis avida erat, atque in sententiam suam cæteras pertrahere nitebatur, nihil de fœdere quod Sociis Civitatibus cum Rege intercedit, sicuti plerumque plebis inconsulta studia sunt, sollicita, atque ut ex opulentiâ audacia crescit, sæpiùs Arausii consiliis, atque incæptis adversabatur, qui pridem ut huic agrè faceret, ejusque potentiam minueret, Antuerpis potiri velle videbatur : quod certè ipsi gloriosum, & Civitatum Sociarum rei publicæ utile futurum erat, neque aliâ causâ anno proximo Hulsam oppugnasse, atque cepisse videbatur.

Sed tùm inter Arausium, & Batavos de oppugnandis Antuerpis conveniebat : seu id amplum, ac magnificum Sociis Civitatibus visum, seu in urbe si hac ipsæ potirentur, copiis quæ præsidio essent, plenâ, atque arci subjectâ haud ita commodè mercaturæ exerceri posse, ut Amsterodamo damno esset, seu denique rem tantam si feliciter cederet, magnum ad cogendos uti pacem, aut inducias cum Sociis Civitatibus facerent, Hispanos momentum habituram sunt arbitrati. Igitur Arausius Bergâ ad Zoum quò tùm habebat castra, Antuerpas versùs movit, quibus metuens Picolominus eodè & ipsè Hispanorum duxit exercitum, Carolus Lotharingus Gandavum inter, & Deinsèm, Caracena ad Brugarum fossiam stativa habuere, quid Gastoni, atque Arausio consilii esset, magnopere solliciti.

Quidquid Legiam inter, & Oceanum regionis est, id nostris patebat, nisi quia & amnibus, & rivis, & fossis frequentibus haud faciles aditus habet : sed hujuscemodi difficultates superare jam antea satis nostri didicerant. Igitur Gasto, atque Angianus consilio habito, exquisitisque de eo quod optimum factu esset, omnium qui aderant sententiis, Oceanum versùs ducere decrevere. Eò Gasto Gassionem cum equitibus ad Colmiam VIII. Calend. Sext. præmittit, difficile si sentirent, ac eò properarent hostes, transitu flumen. Sed Gassio incredibili celeritate adhibita, priùs ad Hundscotum traduxerat anmem, quàm id facturum Hispani satis intelligerent : dein Beentismullen Castellum inter Hundscotum, & Bergam Fani-Vinoci ad Colmiam item positum oppressis viginti qui præsidio erant, militibus cepit : post paulo ad alteram amnis ripam Bugius cum centum modò militibus advenit, ducenti alii properantem sequi nequiverant cum trecentis profectum : eadem ferme cum Gassione ob similem properantiam equitum paucitas erat : quâ ab Bergæ Fani-Vinoci Præfecto animadversa, ducentos ab oppido in Gassionem emittit, quo cum suis egregiè more suo propugnante, qui in adversa ripâ erant Bugiani milites, u tantam glandium vim in hostes misere, uti pedem referre, atque in oppidum redire cogerentur : Bugiani in citeriori Colmiæ ripâ muniverant se, in ulteriori Gassio Beentismullen Castellum obtinebat, & continuò equites, peditesque adventabant, tùm fieri pons cœptus, brevique confectus est, & copias quantum necesse fuit traductæ.

1646.

Intercà dùm Gasto, atque Angianus cum reliquis copiis advenirent, Gassio vir impiger aliquot castella cepit, ad utramque fossam, quæ ab Colmiâ, ad Dunkercam pertinet : posita Insula in medio est, in quâ Berga Fani-Vinoci ad Colmiam, Dunkerca ad Oceanum sita. Mox ubi Gasto, atque Angianus cum omni exercitu advenire, paratis ad Bergæ oppugnationem omnibus, ille cum Ramsavio Lincum, hic Hundscotum versùs castra habuere. Intercà Villequierus sicuti iussus fuerat, ex Icii portùs, Boloniæ, Gravelingæ, & Burburgi præfidiis copias accersiverat, quas cum aliis apud Lincum Colmiam traduxit, atque ad fossam quæ Galliam versùs ab Bergâ ad Dunkercam pertinet, castra ponit Bergam propius. Ubi oppido est appropinquatum, tantus ardor nostrorum extitit, uti trajectâ propè nando fossâ latissimâ, semilunam pro oppidi portâ pulsus hostibus qui propugnabant, primo impetu caperent, parùmque absuit quin horum tergis insistentes unâ oppidum ingrederentur : quâ tantâ audaciâ perterriti qui mœnia defensabant, ii postridiè deditionem fecere : præsidium sicuti convenerat Ypras deductum cum fide, dein triduum reficiendis oppidi munitionibus, perumpendisq; molibus est absumptum : his antehac hostes qui apud Bergam, atque etiamtùm qui apud Dunkercam erant, prætercà Cataractarum idoneis locis positarum operâ Oceani per æstum crescentis, atque Colmiæ aquas coërebant, uti restagnantes planitiem Bergam inter, & Dunkercam positam complerent, quò in eâ nullus nostris consistendi locus esset, sed perruptis molibus dilapsæ sunt : prætercà triduo aliquot eò Castella capta. In semilunæ quæ pro Bergæ portâ erat oppugnatione a Belinus Comes, Tonquedecus, Arsoinus, atque alii cæsi, complures vulnerati sunt.

a Le Comte de Belin. Le Comte de Tonquedec. Arsoin.

Postquàm ad Bergam cuncta retinendo, atque tuendo oppido exsententiâ confecta, Villequierus quos è finitimis præfidiis evocaverat, eos dimittit : dein ad Mardicum cum Gassione præmissus in hostium quindecim equitum alas incidit : hæ ab Dunkercâ secundùm maris litus venerant : sed hostes acriter Gassio, atque unâ Villequierus aggressi fugavere. Gasto, atque Angianus cum cætero exercitu Gassionem subsequiebantur, qui omnes ad Mardicum trinis castris confedere. Gasto Gravelingam, Gassio cum Ramsavio Dunkercam versùs, Angianus in medio. Biduo vallum quò biennio ante castra munita fuerant, resectum, dein VI. Id. Sext. fossæ quâ Gasto, & quâ Angianus curabant, ad Castellum duci cœptæ, tormenta idoneis locis collocata, mox de more munitionibus appropinquatum, quarum series in omnibus fermè Hispanorum oppidis eadem est.

Nullædum naves aut nostræ, aut Sociarum sicuti convenerat Civitatum ante Mardici portum advenerant, quæ commeatu atque auxilia ab vicinâ Dunkercâ Mardicum supportari prohiberent, quod ab hostibus factum quotidie est, atque ægri, faucique abducti. Igitur diù, noctûque hostes crumpere, corrumpere opera nostra, conturbare omnia, ac propè Castelli potiundi spem eripere. Id minimè tùm oppug-

nandum Mazarinus censuerat, rem enim Gastone haud satis dignam esse, sed Dunkercam oppugnari malebat, de qua postea memorabimus. *Mardicum exiguum certe oppidum, ceterum probe munitum, atque ad Oceanum positum esse, quod ab vicina Dunkercâ quidquid illuc copiarum sit, navibus traduci possit, neque id satis prohibituras aut nostras, aut Sociarum Civitatum cum advenirent naves, ubi ventus hostilibus secundus erit. Igitur ad Mardici inceptum eadem belli mole, ac ad Dunkercam ipsam oppugnandam opus esse, longè impari si illud expugnetur, aut dedatur, mercede. Quæ supra Dunkercam ad mare, aut ab hoc haud procul loca posita sint, ea utilius oppugnari posse, diximus. Furnas, Neoportum, si tum ipsam Dunkercam oppugnare minus placeat: nam ad hanc bis captis oppidis commeatus supportare difficilius futurum: vix autem ullos Mardicum, atque adeò inde Dunkercam tum subvectum iri, cum omnis circum regio in potestate nostrorum sit: Dunkercâ autem expugnatâ, aut deditâ necessario & Mardicum deditum iri.*

Sed Gastoni aliter visum, qui properantiùs quàm par erat, Mardicum oppugnare aggressus est, nondum ab navibus nostris, aut Batavis clauso mari: quò factum est, uti nullo in loco ab hujus belli principio hostes acriùs propugnaverint, quotidianis sicuti diximus aucti subsidii. Eò a Rupiguidonus, ac Flexius Comites, eò Teminius, eò Nemorosius, & ipse Angianus graviter vulnerati, atque alii tam multi, ut horum numerum inire longum esset. Postremò ubi naves nostræ, ac Sociarum Civitatum advenerant, atque ab mari, sicuti ab terrâ res ab nostris strenuè gerebatur, sibi denique faciendam dedicationem hostes sensere, quâ de re Hispanos qui apud Dunkercam erant fecere certiores. Ibi verò Caracena, atque Lamboius cum tribus equitum millibus alter secundum littus maris, alter paulò diversus ad castra ex improvîso venere, seu ab perfugis moniti magnam equitum partem abesse, scilicet qui pabulatum ierant, seu id fortè accidit. Continuo per exploratores cognitum hostes adesse, adversum quos Gastio equites qui reliqui erant in castris raptim educit, pedites aliquot ex Prætorianis, atque ex Picardiæ Legione subsequi jubet, Villequierus huic adest socius, atque adiutor, qui ambo hostem propulere. Is & mari periculum fecit, si quid auxilii Castellum introducere posset, atque eâ gratiâ navibus & milite, & commeatu completis nostras quæ Dunkercam inter, & Mardicum in statione erant, adortus quasdam ex suis amisit, quarum aliæ captæ, aliæ depressæ: minora utrimque navigia fuere plano alveo, uti faciliùs ad Castellum inter vada pervenirent. Navibus nostris Præfectus erat Clanlevius, de quo supra memoravimus, vir fortis, qui egregiam in eâ re navavit Regi operam: Civitatum Sociarum naves & ipsæ interfuere prælio, & quasdam hostium naves cepere.

Postremò qui Castellum defendebant omni terrâ, marique spe auxilii damnatâ, atque cuniculi metu qui subter vallum (is Castello pro muro erat) actus fuerat, misere ad Gastonem qui dedicationem pollicerentur, si hujus honestas conditiones dicere placeret: hi ad Angianum quoniam eâ parte quâ ipse curabat Mardico egressi erant, primùm deducti, cum-

Henry du
Plessis, Com-
te de la Ra-
cheguyon.
Le Comte de
Fick.
Le Marquis
de Temanc.
Le Duc de
Nemours.

1646.

que hos ad Gastonem duci juberet, ipse Angiani tabernaculum rei quæ agebatur famâ excitus introiit: præterea post acceptum ab Angiano vulnus ex quo decumbebat in lectulo, frequens apud eum fuerat. Igitur cum eo collocutus duriores conditiones hostibus tulit, se nihil ipsis præter vitam dare posse, cætera in potestate suâ futura, post tres horas ne vitam quidem daturum. Regressi in Castellum hæc suis renuntiant, qui continuo accipiunt conditiones, & VIII. Calend. Septemb. Ferdinandus Solis Mardico Præfectus cum omni præsidio Castello egressus est: cæteri traduntur in custodiam, Præfecto, atque aliis quinque uti Dunkercam proficiscerentur facta copia, uti de suâ, cæterorumque captivorum aut permutatione, aut redemptione cum ducibus suis agerent, singuli cum singulis sui ordinis permutarentur, qui plures captivos haberet, ei in singula capita pro dignitate, atque ordine plus minùsve pretii daretur: tria millia captivorum Castello egressa penes nostros fuere, Hispani, Germani, Sequani, Belgæ præsidium numero, & virtute validum. Ita Mardicum ab Hispanis dolo receptum, ab nostris iterum vi, ac propè pugnando captum est: eò tormenta viginti quatuor, & quæ his usui essent permulta sicuti convenerat, ab hostibus relicta.

Postquàm id ab Gastone ex sententiâ confectum est, atque satis ad rem, famamque his æstivis gestum videbatur, Regina hunc in Aulam redire, atque ab tantis laboribus requiescere æquum censuit: eò dat ad hunc litteras grati ob rem publicam tam benè, feliciterque gestam animi plenissimas, neque erat ingratum Gastoni quod ab Regina postulaturus erat, ejus sibi ultrò potestatem factam. Præterea Gastonem ab Angiano sejungere Mazarino haud displicebat, ut amicitia inter hos ex societate militiæ conflata desinente consuetudine ut ferè fit, dissolveretur. Neque illa fermè inter hujuscemodi homines, aut omnino in Aulâ firma esse solet, suis rebus alium aliò trahentibus.

Angiano ingentis suprâ quàm cuiquam credibile est, animi adolescenti id erat solatio, quod Gastonis discessu ad se summa Imperii in eo exercitu redibat. Jamque aliquid operæpretii quod suprâ omnia in Belgio antea facta foret, moliebatur. In propinquo erat Dunkerca oppidum & rei valis famâ, & oppidanorum virtute, munitionibusque maximè celebre, atque in ea parte quâ situm est, totius arx Belgii: eò enim naves ab Hispaniâ venientes appellere, eò omnia quæ ab Hispaniâ tuendo Belgio necessaria sunt, advehere, eò deniquè agitare: indè armatæ, atque instructæ Classès adversum hostes procedere: ipsi oppidani rei navalis scientissimi suis sumptibus naves ædificare, atque adornare, & in Gallos, Batavosque justo bello magis, quàm prædonum more decertare, tantæ huic oppido opes erant, eò apud Philippum immunes, & levi imperio sicuti fidelissimi habebantur. Sed hic, & qui Belgium obtinebant, ne quid huic oppido secus eveniret planè intenti post Gravelingæ, Mardici, & Bergæ Vinociani casum erant, atque adeò & oppidum in dies muniebant, & valido præsidio firmabant, quæ omnia tametsi vix tertia pars æstivorum re-

liqua erat, haudquaquam Angianum ab Dunkercâ oppugnandâ deteruere. At priusquam rem tantam narrare incipio, pauca mihi dicenda sunt, quæ ad famam Gallorum nuper in Italia labefactatam magnâ cum gloriâ restituendam spectant.

Nihil gravius usquam acciderat Mazarino, quam rempublicam in Italia apud Orbitellum malè gestam fuisse, eò vel maximè quod illic belli gerendi ipse potissimus Regi, ac Reginae matri autor fuerat. Quamobrem optatissimum huic fuit, omnibus palàm facere, nihil in eo suâ, sed alienâ modò aut culpâ, aut infelicitate offensum, ceterum rem benè consultam, neque quidquam ab Aulâ, aut ab se defuisse, quò feliciter eveniret, nam & copiarum, & pecuniæ ad necessarios sumptus affatim fuisse, fortunam neque se, neque quemquam omnium præstare potuisse. Igitur priusquam hic elaboretur annus, quam famæ jacturam in Orbitelli incepto feceramus, eam haud procul ab eo loco operæpretii quidpiam faciundo sarcire decrevit. Fortè Mellerius de quò sæpius memoravimus, tùm erat in Aula, quem Mazarinus ei quam moliebatur expeditioni idoneum ratus de hac cum eo colloquitur: hic verò lætus sibi ostendendæ porrò virtutis, atque Mazarini ipsius gloriæ, atque famæ serviundi locum dari, operam suam lubentissimus huic pollicetur. Mazarinus Mellerium ad Reginam deducit, hanc quid inter ambos convenerat edocet, atque id quidem Reginae gratissimum fuit, & quod sibi, Regique filio, ac rei publicæ feliciter eveniret, quamprimum paratis ad eam expeditionem omnibus proficisci jubet. Ubi Mazarinus unâ cum Mellerio ab Regina domum redierat, hic de Re tormentariâ cui Præfectus erat mentionem iniecit: honorificentissimum, atque fructuosissimum juxtâ Munus est, in quo filium adolescentem sibi consociari postulat, ut utriusque posthâc id Munus foret, neque alterius morte vacuum censeretur, de quâ re Diploma regium fieri, sibi que tradi æquum censebat.

Longinquam adveniunt militiam, & pericula terrâ marique subituro id magno fore levamento, si sibi eo pacto cautum sis, ut ne vitam cum ornamentis simul amittas, sed hæc filii futura certò sciat. Ad hæc Mazarinus benignè, ceterum non omnino ex Mellerii sententiâ respondit. Rectius id eum postquam ab Italia victor redierit, postulaturum: nam tùm citrà cuiusvis irridiam, aut offensionem factum iri, in præsentia non item, quoniam multi quorum merita in rem publicam haud talia sint, neque futura videantur, idem tamen ejus exemplo pro filiis sint postulaturi. Ne dubitaret isthuc post reditum suum factum iri, de qua re fidem dare se, atque interea si quid illi humani eveniat, fore uti quæcumque ab Regibus habeat ea haud secus, ac si Diplomate regio cautum esset, in filium recidant. Ita certæ spei plenum dimittit, quâ unâ adductum Mellerium suam in Italiam profectionem Mazarino obsecutum esse non dubito, atque illi nonnihil molestum fuisse, quod hanc rem in reditum suum dilatare voluerit. Secundum hæc iterum in Etrusci maris orâ bellum decernitur, daturque hæc Mellerio provincia: legionibus supplementum, aliæ præterea mittuntur in Provinciam copię: quinque remes reficiuntur properè: ab Lusitaniâ sex grandiores naves Tauroën-

tum appulere, una tormentis aeneis septuaginta, cæteræ minore numero, singulæ quadringentis militibus erant instructæ: id auxilii ab Joanne IV. socio, atque amico Lusitanæ Rege Ludovico opportunè missum est.

Ubi apud Mardicum munitiones refectæ, & Castello iterum Clanlevius cum idoneo præsidio præfectus est, Angianus probè curatis, sanatisque vulneribus de oppugnandâ Dunkercâ seriò cogitavit. Post Bergam Vinocifani, & Mardicum capta opportunum videbatur & Furnas habere in potestate, namque is locus haud procul Neoportu, Ypris, Brugis, atque Dunkercâ positus est, quo ab his oppidis singuli amnes, aut fossiæ pertinent: eò illic stativa hostibus opportuna fore videbantur, ab quibus & militem subsidio, & commeatus Dunkercam intromitterent, quam iis adimere facultatem Angianus optimum factu esse decrevit. Igitur ad Furnas movet, oppidanis ad deditionem pellicere conatur, quibus abnuentibus admota tormenta tantum terrorem strepitu, atque quasiatione moenium fecere, ut ipsi, & qui præsidio erant milites deditionem fecerint: milites captivi fuere, oppidanis sua reddita omnia, nec quidquam hostile factum in oppido, cui Bosquetus cum idoneo præsidio præfectus est.

Postquam quæ circum Dunkercam erant loca, ea omnia penes Angianum fuere, neque in propinquo hostibus convenire, atque parare commeatus, & subsidia copia erat, neque advenientes fallere poterant, XIV. Calend. Octobres trinis Castris ante oppidum confedit. In unis Angianus ipse, atque una Gassio Furnas, & Neoportum versus, in alteris Bergam Vinocifani versus Ramsavius, in tertius denique Mardicum versus Villequierus curabant, hæc quinto die fossâ, vallo, turribus, castellisque planè munita: ante oppidi portum Civitatum Sociarum naves decem stationem habuere, præterea Gallicæ minores permultæ. His ita constitutis VII. Calend. Octobres fossiæ duobus locis ad oppidum duci ceptæ.

Quæ, quantaque facinora nostri oppugnando, hostes propugnando fecerint, prorsus incredibile memoratu est, postremò tamen deditionem fecere, cujus leges Angianus hujuscemodi tulit. Uti Leidæ Marchio qui oppido Præfectus erat, Tribuni, Centuriones, atque milites armati, instructique cum omnibus impedimentis oppido discederent, atque Neoportum deducerentur, si ante V. Id. nostri ab Hispanis minimè ab castris pellerentur: præsidarii interea cessarent, pugnamque si hanc facere auderent hostes, otiosi spectarent. In hæc data fides, & accepta, cautumque obsidibus est, induciæ ad eam diem actæ, ac nihil operis utrimque factum: ut Hispani scirent quid rei ageretur, Leidæ Marchioni facta potestas est, uti Picolominium penes quem apud eos summa Imperii tùm erat, certiorum faceret: quo cessante deditum sicuti convenerat oppidum est, præterea Leonis Castellum cum omni commeatu, tormentisque. In eo negotio Angianus Gassionis, atque Ramsavii, Stampii Fertimbaltii, atque Almontii Villequieri, qui ipsi Legati erant bonâ, fidelique operâ

1646.

usus est. Castrorum Præfecti fuere Quincæus, Nigromonasterius, Rohanetus, Clanlevius, Palüavius, Colinius Castellonus, *a* Miossianus Pontius, Arnaldus, Marfinus, *b* Goionus Musläus, Chabotus, Castellnavius *c* Lavallius Sabläus, qui omnes noctem diemque unam per vices operibus, atque stationibus præfuere, multaue facinora sæpius hostes aut erumpentes, aut munientes, aut extra oppidum propugnantes pellendo, atque abigendo edidere. Inter hæc Lavallius Sabläus, & Chabotus è Meliteni Militiâ vulnerati graviter post paulò interiëre: præterea cæsi *d* Semurius, atque Vignaltius quorum aciem instruere munus fuit, item *e* Ricardus, atque Tempæus quorum munus fuit opera ad propugnationem necessaria instituere, ac ducere, Ingeniosos appellanti.

Suprà diximus Gastonem post Curtracum captum tria equitum millia, ac tantundem peditum ad Arausium misisse duce Gramontio Equitum Tribuno: qui ubi Arausii castris appropinquaverat, hic illi processit obviam, atque adventum est gratulatus, Regi, atque Gastoni gratias agens, quod tam egregias cum eo ad se misisset copias. Qui Arausium comitabatur equitatus, is ornatissimus fuit, cæterum ubi nostri intravere castra, horum seriem, atque ordinem, præterea omnium rerum copiam sunt admirati. Tum omnis Hispanorum exercitus ad Brugas versum ierat, sollicitis supràmodum Ducibus, quid Gastoni, atque Angiano consilii esset, atque adeò Arausio haud difficile fuisset Dendermundam inter, & Antuerpas Scaldim traducere copias, ut ultrà annem Urbem obsideret, quod & apud Illo Castellum rei navali in Zelandia Præfectus infrà Antuerpas facere poterat, nemine utrimque prohibente, intereandùm cis annem cum Guillemo Gramontius, atque auxiliares Galli Urbis appropinquassent, ac sub mœnibus castra posuissent: ita Antuerpæ prius circumvallatæ fuissent, quàm satis maturè ad rem disturbandam hostes advenire potuissent. Sed Arausius huiusmodi tum morbolaborabat, qui mentem magis, quàm corpus afficeret: nam illum interdum usque opprimebat, uti sui compos non esset: ubi morbus remittebat, equum conscendebat statim, & per castra vagabatur, obviis quibusque quidpiam dictitans, uti valetudinem simularet: neque quidquam hominem magis sollicitum habebat, quàm ut ne Guillelmus filius vice suâ quidpiam in exercitu præciperet, aut faceret. Mirum certè, ac miserum homines ambitione occupatos naturam ipsam dediscere, quæ filios patribus sufficit.

Inter hæc Gramontius tantâ opportunitate corruptâ, quantam oppugnantarum Antuerparum fuisse diximus, id operam dabat, uti saltem Arausius varia simulando Hispanos ad se versum retineret, atque interea Gasto, & Angianus quidpiam operæpretii ad Oceanum facerent. Hispani ubi Arausium Antuerpis imminere nuntiatum fuerat, ab Brugis, ad Dendermundam redierant, relicto qui nostros subsequeretur, & observaret cum decem armatorum millibus Caraccnâ. Sed Arausius omisso de Antuerpis oppugnandis consilio, ad Mosam duxit, sicuti Venoloum tentare vellet: at immensum autumnalibus aquis aucto anne castra movere, atque abscedere denique coactus est. Ita nullo operæpre-

a De Pons de Miossian.
b Le Marquis de la Mouffaye.
Goion.
c Le Marquis de Sablé de Laval.
d De Semur, Du Vignaut, Marechaux de Bataille.
e Richard, Tempe. Ingénieurs.

1646.

tio factò Gramontium per Eburones, & Ardüennam Sylvam cum Gallico equitatu, pedites navibus in Galliam dimisit, quod secundo Mosâ dein mari facile fuit. Hæc æstiva profectò documentò fuere, nos solos absque Sociorum ope ingentia facere posse: nam primum his cessantibus Curtracum ab Gastone ad deditionem redactum fuerat, hostibus nihil contrâ incipere ausis, tametsi cum omnibus copiis suis adessent: dein ubi Arausius moverat, atque ad Antuerpas versum duxerat, ita distractis hostium copiis Mardicum Gasto, Angianus Dunkercam ceperant, tribus millibus equitum, ac totidem peditibus quos Arausio Gasto tradiderat, imminuto exercitu. Dunkercæ Ramsavius Equitum Tribunus præfisse iussus est, atquo ex ea in deditionem Regis redactâ magna laus Angianum est secuta.

Postilla datum Gassioni negotium, uti Curtracum subvehi commeatus curaret: hi apud Armentariam quod oppidum sicuti Curtracum ad Legiam est, jamdiu congesti, paratique erant, qui eò secundo flumine vehi potuissent, ni Menenem quod intercedebat oppidum, dum alia majora gerebamus, hostes recepissent: eò fiebat uti carris ad hos devehendos utendum esset, rem satis ubi hostes urgent, difficilem, qui nostris interventuri videbantur, impeditum (ut ferè fit) inter carros Gassionis agmen aut profligandi, aut certè labefactandi consilio. Quod ubi rescivit Angianus, neque huic incepto Gassionem cum his quas habebat copiis parem esse, ipse cum equitatu a Viroviacum advénit: eò aductus secundo amne commeatus carris quantum copia fuit est impositus, quod fuit reliquum singulis equitibus ponè se portandum est distributum, rem si pugnandum foret, haud satis commodam. Procedebat agmen Menenem inter, & Ypras, quò Carolus Lotharingus, & Piccolominius in unum conduxerant copias: hi sub vesperam quatuor equitum alas, & sclopetariorum manipulos aliquot mittunt, qui novissimum nostrorum agmen adorti ab Fertimbaltio qui eâ parte curabat, pelluntur: cæsi aliquot, captique, neque agminis, aut carrorum procedentium ordo usquam est perturbatus, reliquum itineris pacatum fuit, commeatusque omnis Curtracum est introductus.

Eò Angianus trajecto Legiâ, diversâ parte amnis ad Viroviacum redit: primum agmen ductabat Villequierus, is per exploratores certior factus hostes apud Viroviacum pontem interrupisse, neque procul abesse, sicuti rei benè gerendæ in transitu amnis casum expectarent, properè mittit qui id Angiano nuntiaret: hic pontem subito rescijubet, atque Villequierum primum agmen traducere, ipse properè subsecutus cum reliquo exercitu ultrâ amnem pergit, ibique uti quæque copiarum traductæ pontem erant, eas instruit, donec omnes stetere in acie: neque hostis contrâ quàm credibile erat quidquam movit, cum id nostro damno facere posse videretur, priusquam omnis traductus esset exercitus. Ubi castra posita, stationesque equitum locatæ pro castris, tùm demùm hostes has pellere conati, ipsi ab nostris propulsi sunt. Sub noctem Angianus sese postridiè primâ luce ad hostes iturum pronuntiavit

a Verbi.

nuntiavit, qui id fore suspicari de tertiâ vigiliâ silentio abscessere: dein Angianus permisso Gassioni, atque Ramsavio Equitum Tribunis exercitu, qui hunc in hybernis collocarent, ipse in Aulam rediit, quò ex rerum gestarum gloriâ acceptus, celebratusque est.

Intercâ Melleraius in Italiam properans conscensis ad Tauroëntum unâ cum exercitu qui ipsi decretus fuerat, navibus, apud Oneliam Pralinoplessium cum cæteris quæ ab Pedemontio veniebant copiis, iisdem navibus quarum ad id numerus erat idoneus, exceperit: partitoque cum Collega imperio, nam ambo Equitum Tribuni sunt, ad Planariam Insulam navigavère, dein ad Ilvam. Haud procul Longonis oppido millia peditum duo, equites sexaginta in terram exposuère, simul ipsi Equitum Tribuni, & qui Lusitanicis navibus Præfectus erat exscendunt: ab duabus partibus itum ad oppidum, pulsi qui in stationibus pro fossâ erant hostes, a Cursellus, atque Faber castrorum Præfecti circum oppidum agitare iussi, cum his qui exscenderant peditibus, equitibusque, ut ne quid aut commeatûs, aut præsidii introduceretur: stabant ante portum naves, item nequid mari subveheretur prohibeturæ. Ex adverso positum est in continenti Plumbinum oppidum, ab quo Ilva Insula exiguo dirimitur freto, atque adeò ni Plumbino Hispani pellerentur, indè Longonis oppugnationem multum impedituri videbantur, facili ex propinquo in insulam commeatu: eò Plumbinum priusquam Longonis oppidum oppugnare visum, ut ea facultas hostibus adimeretur.

a De Cour-
celles.
De Faber.

Sed nondum advenerat Jacobus b Soveræus è Melitenâ Militiâ cum quinqueremibus quindecim, & compluribus onerariis, quibus multa quæ ad oppugnationem usui erant vehiebantur. Soveræus tametsi difficili ut anni tempus erat navigatione, magno tamen remigum conatu adversam tempestatem eluctatus ante Longonis portum ad cæteram denique se conjunxit Classem. Paulùm temporis ad quietem datum remigibus, nautisque, dein de tertiâ vigiliâ sublatis anchoris ad Plumbinum Classis cursum tenuit, actuariis navibus graviore remulco trahentibus, trajecitque quod interjacet freto III. Non. Octob. sub meridiem Plumbino haud procul nostri exscendere, pulsique centum, & quinquaginta equitibus Hispanis, qui longius ab oppido in statione fuère, ambo Imperatores propiores facti, quâ parte oppidum oppugnare facilius esset, ipsimet exploravère: dein proximâ nocte fossæ ad oppidi portam quæ ab mari diversâ erat, duci cœptæ, & cunicularii ad murum appliciti. Sed his ab hoste cæsis admoveere tormenta necesse fuit, quorum operâ cum nihil hostibus in muro tutum esset, cunicularii nihil illis prohibentibus subtùs murum cuniculum fecère, quibus rebus perterriti hostes oppidum se dedituros dixère: abnuit Melleraius, ni unâ Castellum, & Arcem dederent: negabat Præfectus id se facturum, donec Melleraii minis fœdissimum ni ex voluntate deditionem faceret, supplicium denuntiantis victa hominis pertinacia, pactusque postremo est sese arcem, Castellumque, atque munitionem quam c Rupel-

b Le Com-
mandeur de
Sourde.

c La Roque.

1646.

tros pellerent castris. Itaque exacto triduo ipse cum praesidio armato, & instructo, item cum impedimentis abscessit, deductusque Hercules portum est. Oppidanis cuncta salva, atque integra fuere, postquam Ludovico se fideles fore juraverant, cujus jurisjurandi eadem iis qui belli metu abierant, facta ubi rediissent potestas est.

Plumbino dedito Pralinoplessius, & Soveræus cum quinquereimibus Longonis portum versus ire, dein hos Melleraius ipse subsecutus oppidum oppugnare cepit. Præter spem hostium maturatum est opus, fossæ ductæ, advecta per aspera, atque invia loca tormenta magis hominum, quam jumentorum operâ, cuniculo factus ad fossam oppidi aditus, perrupto, dejectoque pulveris tormentarii vi hujus latere, atque cunicularii tum demum ad propugnaculum appliciti vectibus dimovere saxa, humum egerere, & quæ opus erat cætera facere, dum nostri semilunant proximam oppugnabant, ab qua perniciēs cunicularis aderat, propugnaculi videlicet ultra semilunam positi latus effodientibus, sed hac brevī nostri potiti. Interea factus in propugnaculo cuniculus, atque impletus pulvere tormentario fuerat, cui ubi admotus est ignis ingentem ruinam edidit: stabant nostri parati, intentique, qui impetu sicuti præceptum fuerat facto, per ruinas in propugnaculum evasere, atque in medio adscensu locum occupavere, ac munivere, altius eniti prohibuit hostis, summâ vi eminens sclopetis, omnique missilium genere, cominus hastis brevibus, longisque propugnando: dein quadriduum fossis, atque musculis ulterius in propugnaculo perducendis est consumptum: quæ res ubi parum procedebat, omnia opera corrumpente hoste, visum denique vi apertâ disturbare defensores: ad id delecti viginti ex singulis Cohortibus milites, atque his ductandis hastati, Procenturiones, ac Centuriones quorum erat Imperatoribus spectata virtus.

Hi ubi datum pugnae signum, alacres subeunt, atque in summo nequicquam prohibente hoste locum capiunt: sed hunc munire perdifficile erat, collocatis ex adverso tormentis septem, quibus quidquid aggeris objiciebant nostri, haud difficulter disjiciebatur: præterea sæpius erumpebant hostes, atque opus turbabant: nihilominus tamen nostrorum studio, atque virtute victa hostium pertinacia est, ac illi denique locum munivere, atque tenuere. In eo negotio tam difficili, atque aspero Centuriones quatuor, complures milites cæsi, præterea ^a Pileus Balmius quinquereimi Præfectus, qui quoniam in mari nobis tranquilla res erat, Regi in expugnando oppido navabat operam. Ubi hostes eò nostros progressos videre, neque quidquam amplius iis ad oppidum aditum tardabat, quam recens exstructa, atque objecta munitio, I V. denique Calend. Novemb. vitam, res salvas, atque ut armatis, instructisque cum tormentis duobus abscedere liceret, pacti deditionem facere, navibusque Hercules portum deducti sunt.

Longonis oppidum propugnaculis quinque munitum est è quadrato saxo, sicuti & qui intercedit murus: singulae ex aggere semilunæ inter propugnacula murum protegunt: prorsus firmissimus locus. Is

^a Pile de Bannac.

Plumbini Principum sicut & omnis Ilva Insula olim fuit, quam partim Etruriæ Duci, partim Hispanis permisere, huic adversum Afrorum, atque Turcorum excursions, populationesque tuendæ: cæterum plebsque omnes cum Insulæ, tum Plumbiniani Agri fructus cum summo jure, judicioque in omnes qui utrobique incolunt retinere, quibus etiam tum Nicolaus Ludovicius Plumbini Princeps fruebatur.

Is Romæ agitabat, quod Pontificis fratris filiam cui Olympia de quâ suprâ memoravimus, mater erat, uxorem duxerat: eod Plumbini negotium ad Pontificem magnoperè pertinebat, cui ægrè factum gaudebat Mazarinus ex Michaëlis fratris repulsâ infensus. Hispanicæ naves Neapolim, aut Siciliam petentes eod quod Plumbinum, & Longonem interjacet freto cursum antehac tenebant, breviori, atque tutiori, quam Planariam inter, & Corsicam viâ: præterea si quæ tempestas imminere, aut ubi si commeatus, aut aqua deficiebant, Longonis Portum recipiebant sese, commodam, firmamque ad omnia stationem, quæ ipsis facultas tunc adempta est, atque ita res apud Orbitellum labefacta, egregiâ Melleraii, atque Pralinoplessii operâ apud eandem Etruriæ oram restituta: ac postremo palam fuit, haud temerè Mazarinum ut eâ parte bellum adversum Hispanos gereretur, Reginæ autorem fuisse. Ob hanc denique rem bene, feliciterque gestam, Rex, atque Regina mater, Senatus frequens, atque alia: Curia, Urbanique Magistratus in maius Urbis Templum supplicatum iere.

Ubi Pontifex Galliæ res secundas, & si quid offensum sit, id continuò corrigi videt, flexit denique animum suum, uti Ludovici rogatu Barberinos secum reductos in gratiam vellet. Igitur postquam diù, multumque Regis, atque Reginæ matris verbis cum eo Romæ actum fuerat, postremo placuit, ut Avenionem Cavarum Pontificiæ ditionis Urbem Barberini peterent, atque eo pacto Pontifici sese permittere viderentur. Cæterum Avenio Urbs opulenta magis, ac magna, quam adversum Regis potentiam, atque opes satis firma, præterea inter medias Galliæ provincias posita est. Eod cum adventarent præter morem his honoris nihil habitum, nam id convenerat: dein ubi allata: ab Pontifice litteræ, quibus hos receptos in gratiam significabat, ibi verò facta omnia sedulo, ac propè conduplicata, quæ consulto omissa fuerant honoris indicia: quæ antehac ablata fuerant prædia, Sacerdotia, annuæ pensiones, Magistratus, ea reddita, atque restituta, postremo quæ ab Urbano patruo per multos annos in hos congesta fuerant, dein malevolorum invidiâ detracta, ea omnia, præterea patriam, atque penates per Regis clientelam recepere.

Per hæc æstiva nihil magnoperè in Insubris gestum, quo bellum fieri quotannis consueverat, nam hoc omni ad Etruriæ littora transfato: quæ res magis ad Arcosium Ducem Neapoli Proregem pertinebat, quam ad eum qui Mediolanum, atque Insubras provinciam obtinebat. Is erat sicuti diximus Bernardinus Fernandus Velasquez Castiliæ Equitum Magister, Contestabilem appellant, qui seu parum refectis

1646.

a Le Marquis
Ville.

ex nupcrâ Vigevani oppugnatione copiis, seu quia haud satis amplæ fuere, nihil operæpretu fecit: Ponsionem modò ignobile Castellum in Montisferrati Agro per Serram Marchionem rei tormentariæ Præfectum ad deditionem redegit: ipse interea ad Aquas Statiellas stativa habebat, ut ne omnibus copiis rem tam exiguam incappisse fama ferret. Castellum id ac præterea alia duo apud Aquas Statiellas, & Cencium diruere visum, præterea apud Bremam Casalio, atque Pado haud procul, Munitionem, penuriâ militum, qui præsidio forent, seu metu ut ne hæc nostri reciperent, idem Vigevani Castello factum. Interea dùm bellum ad Etruriæ oram gerebatur, quæ reliquæ fuerant in Subalpinorum, & Insubrium finibus regiæ, & Sabaudicæ copiar, eæ Guidoni a Villæ per Pralinoplessii absentiam permissæ. Ille Italici generis homo, multorum stipendiorum, genere, atque virtute clarus, rem publicam per hæc æstiva quoniam amplius facere paucitas militum prohibebat egregiè sustentavit.

At Pralinoplessius re apud Longonem, & Plumbinum ex sententiâ confectâ, cum plerisque omnibus copiis, quæ eò egregiam Regi navaverant operam in Cataloniam navigavit, quam omnem penes Regem esse diximus, præter Dertosam ad Iberum, Tarraconem ad Occanum, ac Ilerdam ad Sicorim, quam Henricus Lotharingus qui hanc Prorex obtinebat provinciam, hujus anni principio oppugnare decrevit. Oppidum est per antiqua, & recentia bella celebratum, quod hostes ante biennium receperant, frustra obnitente Mottæo, quò majus Harcurio hujus recuperandi studium fuit. Eò atque omnibus circum locis perpetua propè stativa habebant hostes, atque inde crebras in provinciam nostram quæ cis amnem est faciebant excursions, scilicet quibus apud Ilerdam pontis copia erat. Paulò suprà ad Sicorim posita est sicut aliò diximus Balaguiera inter utrumque Noguera amnes: quidquid inter hos jacet agri id nostris qui apud Balaguieram erant, patebat, ultrà amnes excurrere copia non erat. Harcurius primum Sicorim apud Balaguieram quò pontis item copia est, dein alterum Noguera partem copiarum traduxit, ac circum Ilerdam aliqua castella cepit, ut ne quid propius castra in hostium potestate esset, hæc cis, transque amnem posita, munitaque sunt: quâ annis munitiones interfuebat, ratibus suprà, atque infra oppidum junctus est.

Cis amnem Villanoveta vicus haud procul ab Ilerdæ ponte positus est, quò Chabotus Comes cum parte copiarum habuit castra: hostes ad caput pontis firmas munitiones objecerant, quas dùm Chabotus acrius oppugnat glande ictus occubuit, vir genere, & virtute juxta clarus, Præfectus Castrorum in hoc exercitu fuit: huic qui eâ parte curaret suffectus est Franciscus Potierus Gesvraus & ipse Castrorum Præfectus. Is post paulò pukâ nostrorum statione hostium impetum objectâ Baltharis equitum alæ parte non sustinuit modò, sed & hos numero plures in munitiones suas compulit, quos dùm acrius urget, eodem quo Chabotus cui successerat fato absumptus est: hæc alia super

aliâ clades Renatum Potierum Tresmæum patrem perculit, nam altero majore natu filio apud Theodonis-villam similiter orbatus fuerat, sicuti antehac memoravimus. Fragam versùs, & Cingam annem *a* Covongius Harcurio in eo exercitu Legatus curabat, cui *b* Sancolumbus, & Chavagnacus ambo aciei instruendæ Præfecti attributi, Harcurius haud procul Sicori quâ super oppidum ratibus junctus erat habuit castra, cui Boissacus castrorum Præfectus, qui & equitatu præerat *c* Campobonus, & Malgironus è Melitensi Militiâ ambo aciei instruendæ Præfecti adfuere. Post ubi animadvertum Covongii castra longiusculè ab Harcurii castris abesse, quarta denique inter utraque instituta, quæ Campobonus præesse jussus. In Gesvrai demortui locum apud Villanove-tam *d* Franciscus Monstierus Merinvilla Comes castrorum Præfectus qui nuper advenerat, suffectus est.

a De Covongio.
b De Sainte Columbe.
Chavagnac.

c De Cham-bon.
Le Chevalier de Maugiron.

d François de Monstiers, Comte de Merinville.

Oppido quinque cum equitum, tum peditum millia præsidio erant, cujus adeò cum difficilis esset oppugnatio, restabat uti diuturnâ obsidione, atque inopiâ rerum necessariorum ad deditiorem adducerentur: quæ res multos uti fermè cuncta quæ tempore ad conficiendum egent, recipiebat casus, sicuti tum accidit: nam consumptis in hac obsidione omnibus æstivis, postremò hostes opportunitatem nacti commentum in oppidum supportavere, atque adeò nostri frustrâ tandiù eò commorati sunt. Interea enim hostes satis certi quam ad diem in oppido commentus suppeteret, otiosi copias circum Fragam in unum conducere, frumentum, atque alia necessaria conferre, neque quidquam omnium testare, quò nostros ab incepto deterrent, id frustra denique ipsis, atque cæteris rebus suis saluti fore arbitrati. Gregorius *e* Britus oppido præerat, qui eruptione factâ funes quibus rates in Sicori junctæ erant, præcidere conatus est, quæ res ipsi secus evenit, propulsis qui id erant aggressi militibus.

e Brito.

Ita ab Maio, ad Novembrem continuata obsidio, atque interea nihil utrimque operæpretii factum, donec exeunte Septembri *f* Jacobus Philippus Gulmanus Leganes Marchio Hispanorum copias ab Philippo Rege datus Imperator, has apud Fragam convenire omnes jubet: tria militum millia nuper Hispanica classis Tarraconem advexerat, qui Fragam advenere, haud exiguum ad rem quæ instabat gerendam incrementum, ac tum demum Leganes Ilerdam versùs ducere decrevit. Peditum millia duodecim, equitum quatuor millia, tormenta viginti in eo exercitu fuere, simul dierum octo cocta cibaria vehebantur: Sebacus Baro Germanus Legani Legatus erat, Infantadæ Dux præerat equitatu. Igitur pridè Calend. Octob. castra movere, eaque haud procul Alcarras posita: secundis castris ad Sicorim pervenere, quem è regione turris cui ab anne nomen inditum est, ratibus junctis omnes copias traduxere: quæ res indicabat hostibus consilium esse nostra apud Villanove-tam castra oppugnare, atque adeò Harcurius eò firmiores ex cæteris castris copias, ducesque evocat, Covongium ipsum Legatum, Præfectosque castrorum, atque tormenta omnia eodem advehi jubet:

f Jacques Philippe de Gulman, Marquis de Leganes.

1646.

his castris præerat sicuti memoravimus Merinvilla, cujus operâ cuncta ad propugnandum probè instructa, atque comparata Harcurius invenit.

At Gregorius Britus Ilerdæ Præfectus tametsi initio commeatum in menses complures suppetere esset arbitratus, tamen eo per pauciores ut ferè sit consumpto, rem est orsus ab multis quidem in tali negotio usurpatam, cæterum atrocem, atque crudelem: mille ducentos omnis generis, atque ætatis oppidanos abigit, qui ubi ad stationes nostras venère, ad oppidum redire iussi sunt. Sed hos Britus arcere mœnibus, atque glandibus territare: ita triduum miseri inter oppidum, & castra herbas, atque radices mandendo vitam toleravère. Interea Harcurius per Tubicinem monere Præfectum, ut ne tam prava, nihilque profutura inciperet, nam quas deditionis conditiones tulerit, ut ubi ea fieret, viginti dierum commeatus oppido superesset, in eo se horum quos oppido ejecerit rationem habiturum, atque ad eò seu hos porro prohiberet, seu reciperet mœnibus, perindè ad deditionis conditiones futurum, cæterum tot homines salvos velle æquius videri, quod ni faciat, nihil posthàc ab se in deditione nisi durum, atque acerbum expectet, cujus exemplum invito dederit. Ad hæc Britus quæ Harcurio tanto Principe, & quæ se ipso digna essent, ea se ab illo si res cogat, expectaturum respondit, cæterum ut ne opus sit operam daturum: quod sublevandæ inopiæ quosdam ejecerit oppido, id & more majorum, & rectè, atque ordine fecisse, neque aliter certo se scire Harcurio videri. Sed hic miseri Ilerdensibus priusquam hos fames absumeret, abscedendi potestatem fecit, documentò omnibus Ludovicum Catalanos pro suis, Philippum pro alienis habuisse. Nam Arces, Castella, oppida munita non tam Principum gloriæ, atque magnitudini conservandæ, quàm tuendis, ac defendendis civibus instituta fuisse videntur, nisi si in eo maxime illam positam existimaverint.

Sed ubi Leganes ad Albatarem castra moverat, quo ab Harcurii castris tormentum adigi poterat, simul Britus pro munitionibus pontis copias educens oppido ocius instruit, haud cessaturus ubi Leganes quidpiam inciperet. Adversum Britum Harcurius quod satis militum visum est, collocat, cæteros adversum Leganem paratos, intentosque esse jubet. Nec mora hic cum Legatis, Tribunisque, & mille ducentis equitibus haud procul Villanovetæ castris positos colles occupat, atque indè centum, & viginti equites cum Sebaco Legato, & Infantadâ Duce equitum Præfecto, Carolo Padillâ Propræfecto, atque aliis propius munitiones nostras ecquid eas perrumpere spei esset, exploratum mittit: hi paucis præmissis properè sequuntur: qui præmissi fuerant ii in equitum nostrorum quæ pro castris erat, stationem incidere, ab quibus pulsî, dein suorum subsidio freti invicem nostros propulère: hos omnis statio, Baltasaris, atque Merinvillæ equites erant, excipit, & cum ne id quidem ad sustentandam hostium vim sufficeret, Harcurius eò turmam equitum quos custodiæ causâ habebat, ipsè ducit, atque suo more

egregius in medios, & confertissimos hostes incurrit. Ibiverò tanti viri impetum haud sustinuerè, sed coacti referre pedem ad suos recepère sese: triginta ex hostibus, quinque ex nostris omnino cæsi, capti hostes duodecim. Postridè tormentis ab oppido, & utriusque castris certatum, dein post meridiem hostes ad munitiones propius accessère, jamque ad teli jactum processerant, atque has oppugnaturi videbantur, cum seu res difficilis visa, seu id simulandi gratiæ habebat, quò consilii sibi quid esset occultarent, continuò in castra redièrè, quin & ipsa movèrè decem ab oppido passuum millia, Borgem inter, & Junedam: Britus copias suas omni sicuti videbatur, auxilii spe damnatà in oppidum reduxit. Legani una modò cura in speciem erat reliqua, uti nostros commeatu intercluderet: sed cis Sicorim omnia huic iniqua, Harcurius æquissimis Catalanis utebatur, Josephi maximè Margariti operà, de quo sæpiùs memoravimus: hic apud populares gratià, atque potentià pollebat Hispanis insensissimus, quoties opus erat populares armare, commeatus suppòrtare, oppidis, castellisque quibus hostes immincebant, præsidia mittere, aut ipse ducere, locorum scientissimus hostes fallere, prorsùs ad omnia intentus, Harcurio nostrisque magno usui esse, collectitio quem habebat militi, cæterùm bono fidelique, quædam è nostris copiarum ducesque periti adhibebantur, omnes huic parere jussi.

Ubi Leganes nihil operæpretii cis Sicorim se facere posse intelligit, nostris commeatum superesse, sibi popularium odio propè deesse, copias ultrà annum reducere se velle simulat, neque ullam sibi obsidionis solvendæ spem reliquam esse ostentat. Igitur præsidio, ad Agramontem Castellum in Urgellarum planitie relicto, sicuti cis annum Hispaniam versum redire sibi opus foret, Pontem, id oppido nomen est quod ad Sicorim occupaverat, incendit, ad Sicoris turrim quò traduxerat copias, tormenta, impedimenta, & quidquid in agmine gravius fuit, præmittit, rates quibus jungatur amnis expediri jubet, subsequitur agmen, neque quisquam omnium fuit, quin hostes abire ultrà Sicorim, spemque de Illedà omnem abjecisse crederet. Ita remissis qui in stationibus erant, atque omisà per noctem quæ præter solitum instituta fuerat, per hostis propinquitatem equitum custodià, cuncta hostibus dolum instruendis opportuna fuèrè.

Miserat tamen Harcurius sub noctem qui de his cognoscerent Aletisii, atque Baltasaris equites, ex quibus Henricus unius turmæ dux Merinvillam qui castris sicuti suprà memoravimus, apud Villanovetam cis Sicorim præerat, monet sclopetarios quingentos, equitum turmas octo ad Rebæi Castellum contendere. Id ad Sicorim fuit, præsidio ratibus, quibus nostri suprà Illedam junxerant annum, quo Rebæus Tribunus cum eà cui præerat cohorte custodias agebat: vix hæc Henricus dixerat, simul hostes aderant. Harcurius trium tormentorum strepitu, hostem adesse omnibus castris significat. Merinvilla ad Rebæi Castellum ocyùs advolat, quò hostes vallum transgressi qui in Castello

a Le Baron
d'Alets. Baltasar.

b Le Marquis
de Rebd.

1646.

a Le Hardy
Marquis de
la Trouffe.

fuere, eos ab tergo quâ versùs castra apertum erat, invaserant, necaverantque, atque eâ parte collatis, congestisque omnibus quæ obvia fuere, Castellum properè adversum castra muniverant. Præter Merin-villam, Harcurius ipse, atque ab aliis castris Covongius evocatus cum multo equitatu, peditibusque hostem castris pellere magnâ vi conatur: hostes Castello freti haud minore vi resistunt: sed eo ab omnibus castris concurrebatur, quod nostris denique fraudi fuit. Nam *a* Hardius Trussæus ubi quâ ultrâ Sicorim curabat, nihil videt quò hostem eâ quidquam tentaturum suspicio esset, relictâ illic levi custodiâ, quò tumultus hostilis, & prælium erat, eò & ipse properat: sed post paulò quàm discesserat, hostes hæc parte quod accidit id futurum suspicati, quoniam ab eâ in quâ res acriter gerebatur, diversissima erat, faciliè ad oppidum perrumpunt: nam Britus ut auxilia, & commeatum exciperet, oppido instructus cum copiis eruperat: mille & quingenti pedites, octingenti equites oppidum introiere, qui singuli aliquid farinæ ponè se equis vehabant.

b Le Comte
de Vaillac.
D'Origny.

Harcurius interea impigrè capeſcebat pugnam, cùm præsidium, & commeatum oppidum introisse nuntiatum est. Ita res tanto tempore, atque labore cœpta momento temporis est corrupta. Ubi nihil spei superesse videt, id modò moratus, quod conducendis in unum copiis necesse fuit, omni commeatu, & parte impedimentorum igne corruptis, simul omisſis præter unum tormentis, quoniam jumenta ad vehendum deerant, Balaguieram primùm, atque idoneo illic præsidio relicto Cerveram ducit, hostes ut ne quid cis Sicorim molirentur prohibiturus: at hi tanto operiepretio facto quievère. In eo prælio *b* Vaillacus Campanicæ Legionis, & Orignius unius Cohortis Tribunus occubuerè, præterea Hyeronimus Tamaritus item Catalanicæ Cohortis Tribunus, turmarum duces aliquot, Centuriones, Procenturionesque, atque alii quingenti numero: plus hostium, & plerique insignes cæsi. Nihil omnium jucundius usquàm Legani accidit, quàm quod ab Ilerdâ Harcurium abegerat, tantum virum, ab quo pridem Casalio ipse, quod similiter obsidebat, pulsus fuerat, nisi quod nihil tùm clam, aut per tenebras Harcurius, sed palàm, & interdiù Leganis castra circum Casalium posita, atque egregiè munita expugnauerat, & intrâ vallum longè paucioribus copiis ingenti frctum exercitu fuderat, fugaveratque, pro quo aliquam gratiam homini fortissimo, & usque felicissimo retulisse Legani gloriosissimum fuit.

At Harcurius vinci insolitus more humani ingenii rem adversam deſectare, Trussæum accusare gravius, quòd eam caſtrorum partem quam uti defenderet acceperat, injuſtū ſuo deſeruiſſet, eâ locum hoſtibus introeundi, ſicuti ex compoſito dediſſet, tametſi pauci eſſent, quos adeò propellere facile fuerit, ſi ipſe cum his quos fruſtrâ ab ſua ſtatione abduxerat, aduiſſet. *Seſe huius operâ niſil eguiſſe, qui interea adverſum univerſum hoſtium exercitum egregiè rem gereret. Id verò militiæ ſtigiſſimum ingens eſſe, cum in bello ne rectè quidem, niſi & ordine, & ex diſciplinâ facere quidquam*

*quidquam liceat. Quod ad se attinuerit, vicisse, nam quâ parte pugnaveris pul-
sos, atque oppido prohibitos hostes, idem & quâ parte Trussæus curare iussus fue-
rit, futurum fuisse, si is locum non deseruisset. Contrâ Trussæus multa quæ
factum haud satis expurgarent, cæterum fidem, atque virtutem homi-
nis inviolatam ostenderent. Sed utrique tacito opus erat, nam discep-
tando nonnulla quæ in rem neutrius erant, dicta sunt. At res apud
Ilerdam ab Legane benè gesta Philippo dolorem quem ex filii morte
paulò ante ceperat, paulùm levavit: hunc unicum habebat, cui Balta-
sari nomen fuit: hoc anno & Maria Philippi soror Ferdinandi III. Im-
peratoris uxor mortem obiit.*

In Germaniâ ab nostris nihil admodum per hæc æstiva factum, ne-
que enim eâ parte bellum sibi, sed magis Succis amicis, sociisque gere-
bant: hi ultra Rhenum cuncta sibi obnoxia esse æquum censebant, usu
tamen edocti si nostri perpetuò cis annem hybernarent, sibi in his pa-
rùm præsidii fore, ubi quid durius accideret, faciliè adducti sunt, ut
hos in ulteriori Germaniâ locum hybernis capere vellent: sed horum
operâ tunc cum maximè egebant, quoniam Baioari sese Austriacis con-
junxerant, qui antehac diversi gesserant bellum, aut sustinuerant. Ma-
ximilianum Baioariæ Ducem suprà diximus pacem vehementer velle,
atque eâ causâ apud Imperatorem pervicisse, ut Alsatiâ, cum Brisia-
co Regi permissam vellet denique. Sed cum illum Sueci bello porro
premerent acriter, hunc sibi & porro tuendum Maximilianus duxit:
nam antehac inducias in Germaniâ fieri frustra postulaverat, quæ uti
de pace per otium ageretur, idoneæ videbantur. Is tamen sibi omnia
cum Gallis integra esse studebat, atque eò rem adducere, ut citrà Re-
gis offensionem sibi Austriacos armis adversum Suecos juvare copia
esset. Sed his pro virili opitulari Ludovicus fœderis quod ipsi cum Chris-
tinâ Sueciæ Reginâ intercedit, legibus tenebatur, quo cum caveretur
eosdem hostes Gallis, Suecisque in Germaniâ fore, Ludovico adver-
sum Maximilianum bello abstinere fas non fuit. Cum itaque id acriter
unâ cum Austriacis contra Suecos gereret, atque hi ab Rege postula-
rent, uti copias suas quibus Turena cis Rhenum præerat, annem tra-
duci, sibi conjungi, atque communi consilio, atque operâ rem publi-
cam geri vellet, id verò ipsis est obsecutus, eò Maximiliano tùm infen-
sior, quòd Austriacos æquissimas pacis conditiones quæ his apud Mo-
nasterium, & Ofnabrugam ferebantur, abnuentes summâ ope juvaret,
qui magis cessando ad has accipiundas cogere deberet. Rex igitur Sue-
cos non ad defendendum modo bellum, sed & ad id Maximiliano in-
ferendum copiis suis adjutos voluit, castigando videlicet homini, uti
respiceret, nam perditum Galli noluere.

Apud Vefaliam quod oppidum Sociarum Civitatum est, Turena-
tibus junctis Rhenum traduxit copias, suprà ad Confluentes usque na-
vium copia non erat: si suprà Confluentes transiret, medius inter hunc,
& Suecos fuisset hostis, qui conjungi prohibuisset. Postquàm Galli, &
Sueci conjunxerant castra, ibi verò Austriaci, atque Baioari præter mo-

1646.

rem castris vallum addere, speculari, explorare omnia, atque munito agmine sicubi moverent, incedere. Quia tamen amica circum erant omnia, & aquis earum regionum Principibus, atque cultoribus utebantur, nihil properabant abscedere, ni Galli, atque Sueci ad Danubium versùs movissènt. Apud hos summam imperii tum obtinebat Helmus Vrangeliùs Legatus, per Leonardi Tortensoni absentiam, quem jam diù apud Lipsiam detinebat morbus. Conisimarcus scorsim copiarum partem ducere solitus præmissus ad Danubium est, quæ res metum hostibus fecit, ut ne hoc flumine excluderentur, atque Baioaria quæ ultrà est, hostibus pateret. Turena ipsè eodem properavit, Stinheim, Selegenstadio, atque Alsburgo ad Mœnum ex itinere captis, quæ loca ab Baioaris brevè postea recepta: dein Schnordorfium ad Remsium amnem in Vitembergensi agro cepit, tenuitque, undè Laugingam ad Danubium profectus est. Oppido decesserant hostes, pontemque abscedentes interruperant, quo refecto duo equitum millia amnem Turena traducit, qui Donaverdam infrà positam ière, quod & Sueci Danubium transire decreverant. Sed nostri in præsidium quod hostes metu Donaverdà deduxerant, fortè incidère, quod quidem ad Rhainum Arcem, in propinquo recepit se, atque interea Vrangeliùs, & Conisimarcus apud Donaverdam traduxère amnem copias.

Haud longè Augusta Vindelicorum ad Lincum flumen posita est, urbs & famâ vetustatis, & multitudine civium, & Imperii Comitibus, quæ eò sæpius habita sunt, maximè celebrata, quam multi ex Augustanâ Confessione (Luteranos appellant) pridem incolunt: hi antehac Magistratus, atque honores obtinebant, dein ubi in Germaniâ Austriaci plus potuère, finitimusque Augustæ Maximilianus Baioariæ Princeps Catholicis favebat, abrogati Luteranis Magistratus sunt, mandatique Catholicis, qui adèò tametsi pauciores, tamen Maximiliano freti cæteris imperitabant: his arma adempta, ut ne quid appropinquantibus Suecis moverent, præterea Catholici Baioarorum præsidium in urbe acceperant, quò factum est, uti Galli, atque Sueci hanc sibi oppugnandam esse censèrent.

Interea Austriaci, atque Baioari partim apud Ratisbonam, alii suprâ, atque infrâ oppidum ratibus Danubium transierant, magnisque ut in suâ regione ab Maximiliano copiis aucti ad Lincum accessère, quæ res Augustæ salutis fuit, nam acriter ab Gallis, Suecisque oppugnata deditionem post triduum parabat. Id postquam his frustrâ fuit, magnis in Baioariâ, atque ulteriore Sueviâ factis prædis, captisque infirmioribus, locis in citeriorem redièrè hyemandi causâ, ac Turena singillatim apud Laugingam hyberna egregiè munit, ut eò pontis sicubi in Baioarnam transeundi rursùm consilium foret, copiam haberet.

Hoc anno mortem obiit Adrianus Molucius ^a Carmainus Comes, vir & genere, & virtute, & ingenio clarus, quod elegantissimum, atque omni urbanitate, & humanitate plenissimum habuit, Blasio qui Equitum Tribunus fuerat, nepos dignissimus. Obiit & ^b Carola Ursina

^a Le Comte de Carmain, dit de Cra-mail.

^b Charlotte des Ursins,

Ulcix Vicecomitis uxor, quæ & latinè scibat, & nostra linguâ composîtè scribebat: præterea a Rogerius Sanlarius Dux Bellogardius octuagenario major: is elegantiam, & munditiem ad ultimum coluit, placido magis, quàm valido ingenio, primùm his qui gratiâ valebant obsequi, dein si id frustrâ fecerat, aduersari solitus, quod in b Concino Ancerio pridem impunè factum, idem homini in Richelio fraudi fuit, cujus operâ omnibus exutus ornamentis, ne larem quidem, quò se receperet habuit, coactus clientis sui rure agitare: luculentas ædes Lutetix Parisiorum exædificaverat, quæ æri alieno dissolvendo dividendæ dudùm Petro Seguiero Cancellario fuerant: postremò Richelio mortuo in Aulam est reuocatus, atque ab Annâ Reginâ tam liberaliter habitus, ut ejus beneficio huic abundè esset, quò reliquam vitam ex pristina fortunâ exigeret. Henricus Condæus vir è regiâ gente Princeps sine anni mortuus est, pace quàm bello clarior, nam id quoties attigit, toties secus cessit, non animi, aut virtutis, sed fortunæ inopiâ: rei plus æquo, quàm tali loco virum deceat, studuit, quæ huic ampla, ac propè regia fuit. Richelium demissius quàm par esse videretur coluerat, atque observaverat, quod multi hominis prudentiæ tribuere, qui per hanc obsequelam rem, famam, dignitatem difficillimis temporibus tenuit, quæ Mariæ ipsius Ludovici XIII. Regis matri, atque Gastoni fratri qui Richelium perdere studuerant, supra quàm dici potest acerba, atque aspera fuere. Tunc Ludovicus filius Angianus est vocari desitus, Condæumque posthac patris nomine appellavere. Item hoc anno mortem obiit Gaspar Colinius Castillonus Equitum Tribunus, magnâ rei militaris famâ. Is primùm Gallis auxiliariis apud Socias Civitates præfuit, dein per nostra adversum Hispanos bella clarus horum oppida munitissima cepit, exercitus fudit, prorsus majorum suorum similis: fuere qui properantiam in eo desideraverint, tarditatem objectantes, cui adversa quædam, secunda fortunæ tribuere, ego virtuti malim.

1646.
Vicomtesse
d'Auchy.
a Roger de
Saint Lari,
Duc de Bel-
legarde.
b Concini.
Marquis
d'Ancre.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER QUINTUS.
E P I T O M E.

1647.



SOCIARUM Civitatum Legati de pacis suæ conditionibus cum Hispanicis clam Gallicos conveniunt. Servianus ed de re Hagam Comitibus proficiscitur. Quid illic fecerit. Aviaxius. Osnabrugam proficiscitur, Paci inter Imperatorem, Suecos, atque Imperii Ordines conciliande. Apud Monasterium Vestfalorum Longavilla cum Hispanicis Legatis de pace porro agit. Angianus mortuo Condeo patre Condeus appellatus. Præfectus Palatio creatus, patris demortui loco in Consilium de re omni publicâ unâ cum Gastone adhibitus. Inducie inter Gallos, Suecosque, ac Baioariæ Ducem. Brigantium necopinatè ab Vrangelio, Suecisque captum ad Acromium lacum. Lindavia in eo lacu frustra oppugnata. Tubinga ad Nierum amnem in Vutembergensî Agro ab Hocquincurio capta. Schombergius Tribunus Helvetiorum mercede conductorum creatus. Luxium Castellum in Sequanis Neocastello finitimum Longavillæ datum. Cadomum in Normanniâ quam obtinet Provinciâ cui Præfectus esset permissum. Leopoldo ab Philippo Hispaniæ Rege Belgium data Provincia. Fontenais Marchio iterum Romam extrâ ordinem Legatus. Olympia Aldobrandena quæ prius Marco Antonio Burghesio Sulmonis Principi nupserat, hoc haud ita pridem mortuo, Camillo Pamphilio Pontifici fratris filio nubit. Camillus eâ causa Cardinalatum abdicat. Condeo data Catalonia cum exercitu provincia. Frustrâ Ilerdam oppugnat. Polus è Melitenî Militia sex navibus fretus Neapolim versus navigat, atque Hispanos perterrefacit. Rex ad Ambianos proficiscitur. Inquisitionis Romanæ decretis Gallos nihil teneri Senatus decernit. Britanniam Regina sibi sumis quam

obtinere provinciam. Leopoldus in Belgio Armentariam ad deditiōem rediit. Landrecium item ad deditiōem rediit. Gassio Bassæam, Ramfariū Dixmudam similiter ad deditiōem rediit. Gassio Lenium oppugnat, quod deditum denique est. Ipse ex vulnere quod ed acceperat interiit. Summa Questura Bailleulis abrogata, atque Almerico mandata. Quid apud Neapolim gestum. Ed Guisii profectio. Franciscus Atestinus Mutina Dux adversum Hispanos bellum sumit unā cum Rege, huic adest Estrada cum Gallicis copiis. Cremonam ducit. Fædis tempestatibus regredi cogitur. Casalum majus, & Rivaolam in Cremonensi Agro cepit, quo Galli hybernare. Germani equites plerique ab exercitu Turenæ secedunt quia in Luxemburgensem Agrum abducebantur. Fine anni in Germaniam rediit. Joannes Philippus Schombornius Hierbipoleos Episcopus Moguntini Capituli suffragiū Moguntinus Archiepiscopus & Imperii Septemvir creatus ex voluntate Ludovici, qui Moguntiam præsidio tenebat. Garnierius Castellum ad Moguntiam, Bonicausen Vormatiam frustra tenat. Sueci rem strenuè in Boiobemo gerunt adversum Austriacos. Maximilianus Baioariæ Dux Joannem Vertium in iussu suo ad Imperatorem cum equitibus profectum simulat. Ab induciis palam denique discedit. Pace Philippum inter, & Socias Civitates constituta Trautmanstorffius Monasterio Vestfalorum discedit Hispanorum hortatu. Turbarum in Urbe semina. Longavilla primum, dein Avauxius Monasterio Vestfalorum Trautmanstorffii exemplo discedunt.

TO T tantaque anno proximo ab nostris præclare gesta magnam quidem nomini Gallico gloriam, famamque addiderant, cæterum quotidianis sumptibus opes minuebantur, quò factum est, ut hoc anno non eadem quæ antehac fortuna Regni futura videretur. Præterea ab Sociis Belgarum Civitatibus cessatum, cùm propter gravio-rem in dies Henrici Nassauvii Arausii valetudinem, tum quia omnia quæ ad pacem inter has, & Philippum Hispaniæ Regem, faciendam erant necessaria, inter earum, & illius Legatos apud Monasterium Vestfalorum convenerant. Nam Pavium, atque Knutium quos Hagam Comitis venisse diximus, nuntiatum Philippum Hispaniæ Regem Pacis suæ cum Gallis conditiones Annæ sorori Reginæ permisisse, simul de regni virginis Hispanicæ cum Rege nuptiis agi, tantum de utraque re metum sicuti propè confecta esset, Sociis Civitatibus injecerant, ut huic quovis modo prævertendum censerent, nam rati quæ ad se attinerent, ea Gallis quibus Philippus animum expleret, nihil curæ fore: plerumque enim homines de aliis, perindè ac de se judicant. Cæterum Pavium, atque Knutium Sociarum Civitatum Legationis faciliè principes ab Hispanis multo auro corruptos fuisse aiebant, quò suis commodis servirent. Sed nihil apud utrumque largitione opus fuisse credo, nam iidem ante decennium Sociarum Civitatum nomine fædus cum Ludovico XIII. Rege sanciverant, quò unā bellum adversum Hispanos posthac gererent, cujus fæderis leges huiusmodi fuere, ut has propius intuenti haud difficile sit animadvertere, Pavio, atque Knutio consilium fuisse, uti postquam Gallia Hispanico bello implicata foret

Sociis Civitatibus ab hoc expedire se copia esset, cum Hispani pacem faciundo, ad quam ut hi adigerentur, majore quàm Sociarum Civitatum opes ferrent, vi opus erat. Neque tùm fefellerat Richelium id Sociis Civitatibus consilii esse, neque illi magnoperè probabatur nos id bellum sumere, quod uti fieret, pervicerat Hercules Charnacæus. Regis apud Socias Civitates Legatus, rei suæ studens, quam ipsi amplam per id bellum fore Arausius, atque hujus Uxor Æmilia Solmia receperant: adjuverat & Josephus Clericus Tremblaius Capucinus, qui se negotiis quæ foris agebantur, apud Richelium immiscuerat, & quod plus horum esset, eò suam huic operam magis necessariam fore arbitrabatur, quâ Cardinalatum promereri studebat. Ita res publica sicuti privata monet, sæpiùs ab hominibus geritur.

Igitur ubi Pavius, atque Knutius Monasterium redierant, eò pacis suæ cum Philippo negotium brevè deduxere, uti propè confectum inscisci Gallis esset. Codicillis tamen qui de hujus conditionibus perscripti fuerant, adscribere nomina ipsis religio fuit, priusquàm de re tantâ, & quæ tantoperè ad Regem pertinebat, cum hujus Legatis communicassent: ridiculum profectò fuit; hac communicatione videri voluisse foederi satisfecisse, cum id in stabiliundis pacis suæ conditionibus neglexissent: nam isthuc foederis legibus nisi nobiscum unâ, atque properantiùs facere vetabantur. Id verò Regis Legati expostulare graviter, & quæ Sociarum Civitatum Legati in eo negotio fecissent, negare se adduci posse, ut ea crederent ex illarum voluntate facta: quamobrem spatium petere, ut harum eâ de re sententiam exquirerent, quod uti facere possent, agrè denique dies decem ab Sociarum Civitatum Legatis impetravere, qui ubi exissent, illi sese Codicillis nomina adscripturos edixere. Sed Gallicis Legatis subitò Hagam Comitum eâ de re Servianum mittere visum, qui Sociarum Civitatum Conclium, Fœderatos Ordines appellant, de Legatorum suorum properantiâ doceret, atque operam daret, uti quæ usquè fecerant, ea correctâ, aut saltem tantummodò rata se habituros hostibus significatum vellent, ubi & his cum Gallis de pace conveniret, intereà usque Legatis suis præciperent, ut ne sua Codicillis de pacis conditionibus nomina adscriberent. Præterea quando hi tantoperè ab foederis legibus discessissent, ipse cum Fœderatis Ordinibus, quæ secundùm foedus ad firmandam, ubi sancita cum utrisque foret pacem, providenda ac faciunda essent, de iis ita ageret, transigeretque, ut ab his discedendi neutris potestas, aut ullus in eâ re posthac si quâ fieri possit, calumniandi locus foret. Isthuc ultimum & Administris in Aula venerat in mentem, probatumque his quidquid de Serviani professione ad Hagam Comitum ipse cum Longavillâ Legationis princeps, & Avauxio Collegâ decreverat, ac denique missæ ad eum Regis litteræ sunt, quas Fœderatis Ordinibus redderet, & quibus significabatur, hunc ad eos extrâ ordinem legari, rogabatque Rex, uti de omni republicâ dicenti, agentique fidem habere vellent: præterea huic missâ ab Rege, atque Regina matre man-

data sunt, quibus de mutuâ inter Regem, ac Socias Civitates Cautione, quò utrisque conditiones futuræ pacis ab hoste servarentur, seriò agere jubebatur, ex suâ ipsius, Collegarumque sicuti diximus sententia: sed hæc Regis mandata longè ampliora fuere, quàm quæ ipsi apud Monasterium Vestfalorum unâ decreverant.

Fabium Chigium Pontificis Nuntium, ac Ludovicum Contarinum Venetorum Legatum quos Pacificatorum partes apud Monasterium Vestfalorum sustinere diximus, haud satis nobis æquos esse Regis Legati suspicabantur, atque id experti fuerant, in quibusdam nostris cum Hispanis controversiis, quos simulaverant acriores in his fuisse, quàm reverà fuerant. Eò Legati Gallici omne pacis inter Ludovicum, & Philippum negotium Sociarum Civitatum Legatis rectius se permitturos existimaverant, quod nobis denique fraudi fuit. Nam Pavius, & Knutius eò ampliorem maturandæ pacis suæ copiam habuere. Ille missus ab Batavorum Civitate hujus de pace studio naviter serviebat, namque hæc navigationi, & quæstui maximè dedita magis ad ea quibus singuli distant cives, quàm ad bellum, quo res Sociarum Civitatum publica usque crevit, attendere solet: hic Zelandiæ publicè Legatus, privatim Arausii cliens erat, qui tum ob perditam valetudinem, sicuti fermè homines tali suo tempore, in uxoris Solmiæ fuit potestate: quæ quoniam ab Mazarino haud satis se cultam arbitrabatur, eò nobis infecta erat, atque omni ope nitebatur, uti pax Hispanos inter, & Socias Civitates posthabito fœdere nostro sanciretur, de quâ re Knutium continuò, sicuti & Batavorum Civitas Pavium, fatigabat. Sed hunc ipsum Civitatem suam in hac confirmasse sententiâ Legati nostri aiebant, & utrumque Hispanos docuisse, quid ipsis factò opus esse censerent, quid Legatorum Sociarum Civitatum, quid Gallicorum postulatis respondendum, ac denique si quos ex illis fœderis nostri religio teneret, eos metu territandos esse, ut Hispani posthabitis Sociis Civitatibus, cum Gallis pacem conficerent: facile certè fuit Sociarum Civitatum Legatis quam lubuit moram pacis nostræ, suæ autem negotio properantiam adferre, cum Legati Gallici nihil nisi illorum operâ cum Hispanicis agerent.

Fuere eâ tempestate qui ita existimarent, non tam eâ de causâ quam diximus, ab Fabio Chigio, & Ludovico Contarino res nostras ad Sociarum Civitatum Legatos transisse, quàm quòd illi cum Longavillâ colloquentes Celsitudinis titulo se abstinabant, nihil ampliùs huic tribuendum arbitrati, quàm cæteris Legatis, quibus Excellentiæ titulus proprius est. Longavilla verò alterum Principibus è regiâ Gente viris debitum sibi tribui æquum censebat, cujus majores jam indè ab Caroli VI. Regis temporibus tales habiti fuissent.

Sed ubi Servianus Hagam Comitum advenerat, datumque huic Sociarum Civitatum Concilium est, in hunc fermè modum disseruit. *Eò ad vos Amplissimi Ordines ab Rege legatus sum, uti vobis redigam ad memoriam, quàm pulchrè fœdus antebac ictum utrisque processerit: ita ut si bel-*

1647.

lum continuare placeat, huic victoriâ integrâ, ac pulsâ omni Belgio Hispaniâ finem facere copia sit. Quod tamen si amplum, atque magnificum utriusque futurum fuisse Rex iudicaverit, tamen me, atque Avauxium, dein Longavillam de Pace Legatos Monasterium misit, quod certissimum illius de hac faciendâ studiis argumentum est. Cum eodem Legati vestri nondum advenissent, Hispanici nusquam desinere nobis ferre conditiones, quas omnes constanter respicimus, atque his significavimus nullam Regi pacem nisi cum Sociis Crvitatibus unâ futuram.

Ubi vero Legati vestri adveniant, his statim omni cum Hispaniâ pacis nostræ negotium pernissimus, atque his interpretibus, & quasi arbitris usi sumus, quâ sociali fide nulla major usquàm fuit. At illi de pace nostrâ nihil solliciti in suâ tantum adpropinquare, uti contra quàm federe cautum sit, de omnibus hujus conditionibus cum Hispanicis convenerint, & vix ab illis dierum decem mora sit impetrata, uti priusquàm Codicillis, qui de his conditionibus perscripti sunt, nomina sua adscriberent, quid de tantâ properantiâ sentiretur resciscere possemus, & quantum hæc rei publicæ noceat vos edocerimus. Id verò faciendum ad vos veni, simul ostensurus postquam Legati vestri Monasterium Vestfalorum advenire, nihil nos in pacis nostræ negotio tergiversatos, sed ipsos Hispanicos Legatos, qui ubi vestri de hujus conditionibus cum illis collocti sunt, aut ubi scripta nostra illis tradidit, omnia in his difficilia, nec satis æqua invenire se simulare, quæ autem ad vos pertinere, in iis se faciles de industria præbuere, uti vobiscum pacem Gallicâ infestâ sancirent.

Tantum autem hujus studium Legatos vestros tenuit, uti nihil nos expectantes, aut quemadmodum federe cœretur, sustinentes se pacis vestræ negotium deduxerint, uti nihil propè ad hanc constabundam reliquum sit, quàm uti conditiones de quibus cum Hispaniâ convenire, in Tabulis referantur, neque absit suspicio, quin & his spem fecerint, id propediem factum iri, nisi quæ vobis æquæ conditiones videbuntur, eas Galli acceperint. Nos vero vestrâ Amplissimi Ordines fide freti negavimus id nos arbitrari ex vestra sententiâ factum. Nam haud verisimile nobis fuit, vos fœderis nostri oblitos esse, quo præter bello parâta, hunc fructum ingentem cepistis, uti vobiscum pacem Hispaniâ factam vehementer velitis, qui antehac ad inducias ægrè impelli potuere; pacem videlicet per cujus conditiones Socias Crvitates liberat, & sui ipsarum juris esse cognoscant.

Sed quemadmodum ubi induciarum quæ cum his fieri cum liberis Crvitatibus fœdæ fuerant, tempus exierat, rursum has Hispaniâ Regi subiectas esse debere contenderunt, ita ubi illis bonum erit, atque commodum pacem quam nunc invitissimi faciunt, violare, nâmini dubium est, quoniam iterum illas liberat esse debere negent. Certè ut huic rei prævertatur, nihil utilius, ac magis necessarium Crvitatibus est, quàm Regis Cautio, hunc videlicet quoties Hispaniâ isthuc facere consilium erit, toties adversum hos arma unâ cum Sociis Crvitatibus demum sumpturum, qui sic perpetuus vestræ libertatis vindex futurus est. Hæc certè Cautio federe nostro pridem sancita est, quo alteros quæ pace sancita forent, ea alteris præstituros convenit. Sed illâ confirmatâ, atque corroboratâ opus videtur, ut ne posthac in ea re ullus calumniandi locus esse possit.

Scio enim nonnullos quibus baud magna fœderum religio est, hanc nostri conditionem coarctatam velle, atque eâ gratiâ Furisperitos consuluisse, qui suo more pro eorum ab quibus consulebantur lubidine respondere, fœdus Civitatibus Sociis cum Rege æquum intercedere, quo illæ non plus Regi, quam hic illis præstare teneatur. Id quidem verum est, sed non sicuti Furisperiti censent: hi enim fœderis æquitatem, atque aded Cautionem mutuatam quibusdam terrarum terminis finium, quos nobis intra Pyrenæum, & Alpes constituere; quidquid pacis nostræ cum Hispaniæ Rege legibus cautum fuerit, id vos nobis intra hos fines modò præstare debere censent. Sed fœderis inter Reges, Populosve æquitatem, non ex regionum quas possident, magnitudine metiri mos est, sed ex omnibus utrorumque rationibus, ubi his alteri ut alteris præsent, illo fœdere cautum est.

Ex hac norma, quæ verissima, ac certissima est, ubicumque Hispaniæ Rex quam cum Rege sanciverit pacem eam violaverit, hanc vos Amplissimi Ordines huic præstare debebitis, non ultrâ Pyrenæum, & Alpes bellum unâ cum Rege adversum Hispanos gerendo, sed in Belgio modò id sumendo denud, sicuti fœdere cautum est: quemadmodum si vicissim Hispaniæ Rex pacem quam cum eo sanciveritis violabit ubicumque terrarum, etiam in India, Rex item adversum hunc non ed bellum gerere tenebitur, sed hoc unâ vobiscum sumere denud in Belgio ex fœdere. Mirum profectò tantum quibusdam apud vos inesse pacis studium, ut hanc vel posthabito fœdere nostro faciendam existiment, homines præproperi, neque satis perspicientes quantum rei suæ publicæ intersit, pacem hostis, an amici, ac socii Regis fidei permittere, illius nullam, aut fluxam, huius non modò usque irviolatam esse, sed & egregiâ liberalitate, ac perpetuâ erga Socias Civitates munificentia cumulatam: quæ si moram aliquam in pacis suæ negotio patientur huius honoris causâ, officio modò fuerint functæ, nedum ullam tantorum Regis erga se meritum partem assecutæ: nam illud fœdere cautum est, compluria autem Rex Ludovicus XIII. ac Ludovicus filius eaque ingentia supra quàm fœdere caveatur, Sociis Civitatibus utilissima perpetuò fecere.

Atenim hunc in pacis negotio tergiversari aiunt: sed id Hispanicorum Legatorum fraude, ac nimia vestrorum contra quàm fœdere cautum est, prope-rantia factum supra ostendi. Profectò vix adducor, uti credam tantam inesse prætered quorundam animi inscitiam, aut pravitatem, uti pacem suam fore firmiorem existiment, si porro inter Galliarum, & Hispaniæ Reges bellum erit, quàm si pace cum utrisque factâ hanc Rex Sociis Civitatibus præstare debeat ex fœdere, atque aded ab hoc discedere nihil pensi habeam. Nam præterquàm-quod ex alienis, ac maxime amicorum, & sociorum incommodis sua comparare commoda flagitiosissimum est, hoc certè pacto pax firma vobis foret, quamdiu bellum inter ambos Reges esset, quod alterius victoria denique esset desitutum: Si Regis Ludovici victoria, omne Belgium quod tunc in Regis Hispaniæ ditione est, in illius ditionem transibit, quod certe vobis, baud æquè cordi futurum puto, quàm si huius partem quæ vobis fœdere nostro destinata est, habueritis, cuius rei vobis tamdiu spes erit, quamdiu fœderi nostro steteritis: sin contra Philippi Hispaniæ Regis victoria bellum desinat, hanc certè Ludovico Regi nostro feret conditionem, ut ne vos ulla re deinceps iurare velis, qui aded Gallico au-

1647.

xilio destituti tantò infirmiores adversum illum tam insigni victoria præclarum eritis.

Quamobrem longè præstat utrimque colere, atque servare fœdus, nam hoc pacto pacis violandæ ubi facta fuerit, idem metus injicietur hosti, quo nunc adductus hanc sibi necessariò faciendam sentis, scilicet ut ne adversum Regem, & Socias Civitates denudò bellum defendendum habeat. Id mutua Cautione quæ fœdere sancita est, planè fiet, ac maximè si hanc confirmatam, atque corroboratam hostes intellexerint, cujus rei gratiâ isthuc veni simul vos Amplissimi Ordines quibus conditionibus Rex suam cum Hispanis pacem factam velut, educturus, ut earum æquitatem pernoscat, neque per hunc stare, quin ab utrisque unà fiat. Intereà necesse videtur, uti quod ab Legatis vestris properantius cum Hispanicis factum est, id nullam vim habiturum edicatis, usque diùm & cum Gallis convenierint: deim ut id hostes sentiant, bellum summâ vi sicut antehac factum fuit, ita & porrò geri velitis, quâ re nihil validius est, ad pacem utrimque æquis conditionibus habendam. Postremò hæc Regis erga vos benevolentia est, uti longè plura quàm fœdere tenetur, sicut usquè fecit, vestrà causâ porrò facturum sit, neque quidquam ab se quod præsidio, aut ornamento Republicæ vestræ futurum sit, huic defici passurus.

Priusquàm Serviano Sociarum Civitatum Concilium daretur, harum Legatos apud Monasterium Vestfalorum Codicillis de pacis suæ conditionibus nomina sua adscripsisse, atque signa apposuisse resciverat, ac vix exsculptum fuisse ab his, ut hanc conditionem Codicillis adscriptam vellent, fœdere videlicet inter Regem, & Socias Civitates confirmato anno CIO. IOO. XLIV. cautum esse, ut ne hic, aut Sociæ Civitates pacem cum Philippo Hispaniæ Rege sancirent, nisi unâ, atque ex communi sententiâ, neque adeò quæ cum Hispanicis Legatis convenissent, ea fœderis vim habitura, nisi ubi & cum Gallis de pacis conditionibus convenissent. Unus modo Niderhostus Trajectensis Civitatis Legatus negavit se ne cum hac quidem de Gallicâ pace clausulâ nomen suum Codicillis adscripturum, aut fidem Civitatis tantâ adversum Regem potentissimum, amicum, sociumque injuriâ labefacturum, dignum certè cujus fama vel ob tantam integritatem, fidemque, ad posteros perveniat. Sed isthæc Servianus ubi primùm apud Fœderatos Ordines de re publicâ disseruit, sibi dissimulanda est arbitratus, ut ne gravius in Pavium, & Knutium sicuti res monebat, dicere cogeretur, quod tamen postea fecit.

Delecti deinde ex Fœderatis Ordinibus quidam, cum quibus Servianus ageret: hic ipsis mutua de pace ab Hispanis servandâ utrisque ubi sancita foret Cautionis condiciones tulit. Uti videlicet Hispani omni Belgio facerent, atque omnes provincias, Urbes, oppida, atque Arces Philippus Hispania Rex Belgis quibus videretur permitteret, ac Belgii quibus finibus id possidet Ordines pacem certam, ac firmam fore Gallis, ac Sociis Civitatibus eaverent, ab qua tamen conditione Rex, si Sociis Civitatibus videretur, discedere non recusaret. Quæ Sociarum Civitatum Legati cum Hispanicis usquè egissent, transigissentque, ea ut ne illis rata essent, donec Hispani & cum Gallis de

omnibus Pacis conditionibus convenissent, & sicuti fœdere cautum sit, nulla pax nisi quæ unâ ab utrisque facta fuerit, esse censetur. Legati Civitatum ut ne ultra quidquam de pace cum Hispanicis faxint, & ab Gallicis admoniti ut cessent, id ipsis continuè obsequantur, quod & Gallici similiter admoniti facturi sint, sicuti fœdere caveatur. Interea utrimque maximâ vi adversum Hispanos bellum geratur, donec de pace convenierit, & utrisque ratam esse confect. Omnis spes Hispanis utrimque præcidatur, alteros seorsim ab alteris pacem facturos, atque id ipsis alteri quoties alteris visum fuerit, significent. Si post sanctam cum utrisque pacem, Imperator, Hispaniæ Rex, seu quis ex Austriaca Gente horum socius, cliensve, aut qui horum sequatur Scellam, provincias, oppida, arces, quas ubi pax fiet Rex, aut Sociæ Civitates obtinebunt, aut quæ per pacis condiciones penes alterutros manserint, aut his traditæ fuerint, oppugnant, ibi Rex, & Sociæ Civitates adversum hos denuò bellum sumant, gerantque, neque pacem faciant, nisi ex præscripto legum v. 1x. & x. fœderis anno C10. 100. XXXV. id est, id & Hispanis ubi pax fiet, significetur. Cum Sociæ Civitates de induciis quas primum habere decreverant sententiam mutaverint, ac pacem malint denique, ita & quas Regi ut harum commodis servires inducias in Catalonia esse placuerat, earum vice uti pax in Catalonia sit, ipsæ per Legatos suos operam dent, ad quam si Hispani adduci non poterunt, triginta annorum illic induciæ sint, atque ubi harum tempus exierit, Sociæ Civitates unâ cum Rege Hispanos armis adigant, ut has continuatas velint, & abnuentes bello persequantur, nullis conditionibus nisi quæ fœdere sancitæ sint, defuturo. Hæc cæteris omnibus fœderum pristinis conditionibus nihil obstat.

Quamvis maturando pacis negotio ab Civitate suâ Pavius mandata habuisset, præceptumque huic fuisset, uti Codicillis de hujus conditionibus nomen suum adscriberet, quod & idem Solmia Knutio faciendum edixerat, ambo tamen ubi Servianus Fœderatos Ordines edoceret, quantum in eâ re ab fœdere discessissent, metuebant ut id præproperè, neque ex sententiâ suâ factum fuisset, ac fortè quidpiam gravius de se decernerent. Eò comparavere inter se, uti Pavius Monasterii Vestfalorum maneret, qui Longavillam, & Avauxium Gallicos Legatos vanâ Gallicæ pacis spe deluderet, Knutius verò Hagam Comitatus proficeretur, cum tribus collegis, Pavii, ac cæterorum qui nomina Codicillis adscripserant, causam acturus adversum Servianum, quem in hos gravius dicturum, neque enim aliter poterat, non ambigebant.

Ex his tribus erat Niderhostus, qui se Codicillis nomen adscripturum negaverat: nam per ejus absentiam omnia sibi liberiora fore ad malefaciendum Pavius existimabat. Interea hic atque unâ Collegæ qui Monasterii Vestfalorum restitère, ad Gallicos, & Hispanicos Legatos commeavere, ut horum controversias minuire velle viderentur. De Longonis portu, atque Plumbino oppidis ad Etruscum mare positis tunc magna inter illos erat contentio: nam hæc Hispani ab Rege sibi reddi æquum censebant, eò freti, quòd convenerat ambos Reges quæ oppida in Italia prædiis tenebant, ea dominis restitutos, Pinarolo,

Casalio, ac Moneco exceptis: contra Galli dicebant isthuc de oppidis modò quæ ante hæc bella Italicorum Principum fuissent intelligi, at Longonis portum, ac Plumbinum Hispaniæ Regis fuisse, quæ Ludovicus bello ceperit, atque adedò cum cæteris eodem modo captis penes hunc manere debere.

Serviani ad Hagam Comitis profectio non Pavium modò, ac Knutium, sed & Hispanicos Legatos magnoperè sollicitos habuit: nam si amborum fides apud Socias Civitates, aut Fœderatos Ordines minueretur, jure metuebant, uti sibi utriusque opera posthàc minùs procederet. Quamobrem Antonium Brunum eodem mittere decrevere, his patrocinaturum, ac simul de republicà quàm egregiè utrimque gesta esset, Fœderatos Ordines edocturum, ut ne ab his quæ apud Monasterium Vestfalorum convenissent, usquàm recedere vellent. Hic fori rerum in quibus ætatem egit, prudens, neque aliarum ignarus est, cæterùm ingenio populari, aptissimoque fucò plebi faciundo. Eà gratià libellos sæpiùs apud Monasterium Vestfalorum edebat, haud illepidos hos quidem, sed qui saperent Atellanum, & quibus plebeià planè lascivià ipsi ab naturà insitâ maledicta in Legatos, cæterosque Gallos jaceret, omnemque eorum tam in bello gerendo, quàm in pacis negotio rationem vituperaret. Gaspar Bracamontius Comes Pegneranda Hispaniæ Legationis princeps hunc se mittere Brussellæ fingebat ad Castellorodericum Marchionem, ut hujus de Longonis portu, & Plumbino sententiam exquireret, quam ubi rescisceret, spem faciebat Gallicis Legatis, nihil opus fortè futurum Philippi mandata eà de re opperiri: cæterùm Brunum ubi ab Brussellis rediret, Hagà Comitit iter habere jussèrat, atque eò obniti Serviano, & quidquid diceret, faceret, quò fœderis nostri religio Sociarum Civitatum mentibus porrò inhaereret, id aut confutaret, aut eluderet, ac denique ex sententià Knutii quæ ad augendam hujus, atque Pavii fidem, & gratiam apud Socias Civitates pertinerent, ea sedulò diceret, ac faceret.

Sed ubi Brunum Hagam Comitit venturum fama vulgaverat, ibi Servianus si id hosti per Fœderatos Ordines liceret, continuò se abiturum edixit, de quâ re ubi Fœderati Ordines consultavère, Solmia Arausii uxor pro Bruni adventu apud amicos egit, vir autem cujus sententiam de re tam gravi Ordines exquirendam censuerant, Bruno veniundi potestatem faciendam esse negavit, qui sicut ille censuerat, ita decrevere. Id ubi Brunus rescivit, porrò iter facere perrexit, neque Hagam Comitit venit: sed Deventere ad Fœderatos Ordines litteras dedit, quarum hæc summa fuit.

Hispanis non esse consilium Gallorum, atque Civitatum Sociarum dirimere fœdus, sed sicut hæc pacis æquas condiciones acceperint, ita illi consimiles accipiant. Sociar Civitates in eo negotio sua, Gallos & aliena curare velle. Sed quæ utrisque communia sint, de iis modò statuendum videri: at hæc non ultrà Pyrenæum, & Alpes querenda: quæ his finibus continentur, ea certè ad Gallos, & ad Socias Civitates pertinere censcantur. Sed quid his cum Principibus Italicis? cum

Casalis? cum Rhetis commune esse? quorum controversiæ, bellaque ante Gallorum cum Sociis Civitatibus fœdus cœpta, dein conditionibus composita sint. Quid ad eos Joannis Braganziæ Ducis sese Lusitaniæ Regem ferentis, quid Eduardi fratris merito in vincula compositis res? Quid Episcopi, & Capanuli Leodiensis? quæ oppida quædam reddi, ac restitui Galli postulent? Non pro victoribus modo, sed & supra victores agere, qui non ea solum quæ armis ceperint retinere, sed & de alienis pro lubricine decernere æquum censent.

Sociis Civitatibus cum Gallis æquo jure fœdus constitutum intercedere, quod hujuscemodi non esset, si plura illæ his, quàm hi illis præstare deberent. Præterea tam Sociis Civitatibus licere cum Hispanis clam Gallos, aut seorsim, quàm his cum Imperatore, Baiariæ Duce atque aliis clam Socias Civitates, aut seorsim de pace agere. Gallos ingentia, infinita, iniqua postulare, ut ne Sociis Civitatibus, aut ulli nisi ubi velint, atque ambitionem suam, ac dominandi lubricinam expleverint, pacem habere copia sit: quibus si rem, & sanguinem suum diutius gratificari Sociæ Civitates velint, inauspicatè Philippi Legatos Monasterium Vestfalorum venisse, ac tantum laborem ferendis, accipiundisque conditionibus frustra susceptum.

Sed hæc quando Hispanis, ac Sociis Civitatibus placuerint, neque Galli quæ his æquissimæ vel ipso Sociarum Civitatum, aut Legatorum quos Monasteriis habeant judicio latæ sint, eas accipere velint, posthabitis iis pacem omnino inter Philippum, atque eas sanciendam. Sin aliter Sociis Civitatibus videatur, id maturè, quàm serius significare tolerabilius fore: nam rem tantam diutius incertam esse, nec earum fidem, neque Philippi dignitatem pati: eò se Hagâ Comitibus si per eas licuisset iter habiturum fuisse, uti quid ipsis sententiæ esset, bellum porro an pacem mallet ab ipsis coram resciscere: non ambigere se quin pax magis placeat, quàm iis jus parare, aut bello partum Philippi ad quem ea res plane pertineat voluntate tenere, copia sit, cujus rei occasionem sibi ostentatam si amitterent, eandem fortè, post hæc frustra expectaturos: nam quando nulla cum Gallis paciis spes sit, hos si opperiri velint, sese cum cæteris Hispaniæ Legatis Monasterio abiturum, uti Philippo majori quàm antehæc conatu adversum tantam hominum pertinaciam bellum apparanti adesse possint. Inter hæc non omiserat Brunus commemorare quid fidei Hispani Sociarum Civitatum Legatis habuissent, quos suarum cum Gallis controversiarum arbitros cepissent: Idem se porro, Collegasque facere, aut si placeret Civitatibus ipsis ea de re cognoscere, hanc ipsis plane permissuros.

Amicitia, fœdus, belli Societas, quæ Sociis Civitatibus cum Rege intercedebat, Fœderatos Ordines monebat, impellebatque, uti Bruni litteras Serviano illius Legato haud occultas haberent, quibus ille sedulò perlectis, cognitisque omnibus quæ iis continebantur, ad hæc eo fermè modo respondit. Quod Bruni litteras Amplissimi Ordines mecum communicatas voluistis, id enim verò mihi indicio est, fœdus nostrum vobis magis curæ esse, quàm vestris apud Monasterium Vestfalorum Legatis fuit. Non omnes accuso, sed eos modo, quos cum Hispanicis Legatis congruere prope nemo nescit. Eorum consilio, judicioque Philippus quidam Rex isthuc venit, missus ab Castelloroderico Marchione, uti quæ vos docenda haberem, iis præverteret, atque nos in pa-

1647.

cis negotio consultò tergiversari falsò demonstraret : iisdem auctoribus Brunno Brussellus iis, Castelloroderici de Pacis conditionibus consulendi specie, reverà autem uti Monasterium Vestfalorum rediens isthàc haberet iter, & quæ Pavio, atque Knutio visa sunt, ea vobis narraret, ac pacem posthabito fœdere nostro sicut ab illis cæpta est, ita conficiendam esse persuaderet.

Eà de re habità ab Hispanicis Legatis cum utroque consilia sunt, atque illi primum optimum factū censuerant, ut ambo Hagam Comitū proficiscerentur : sed tum uterque Hispanos docuit, hâc amborum professione palam fore ea quæ occulta esse oporteret : eò rectius existimare alterum modò isthùc proficisci, deum Brunnum Brussellum redeuntem hâc iter habere, ut ex composito inter hunc, ac Knutium quæ factò opus esset apud vos fierent.

Rectè certè, atque ordine Bruno isthùc veniendi potestatem facere noluitis, scilicet & Gallie, & Sociarum Civitatum hosti, qui fœdus inter utrosque pridem sancitum non magis ex Hispanicorum Legatorum, quàm ex Pavii, & Knutii cum quibus planè congruit sententià disturbatum, ac profligatum veniebat. Falsò igitur hic litteris suis negat Hispanis id consilii esse, qui jamdiu isthuc in Gallia tentavère, per Pontificis Nuntium, per Matthæum Marchionem, qui uti sibi Lutetiam Parisiorum venire liceret, sæpius per litteras postularvit, pacis condiciones quàm æquissimas sicut aiebat laturus : hic vero liquidò scripsit, frustrà Gallos hæere fœderi, quod sibi cum Sociis Civitatibus intercederet, cum his non eadem religio esset : id se nobis demonstrare paratum Codicillis de conditionibus pacis Hispanos inter, & Socias Civitates sancimulæ perscriptis, quibus Knutius nomen adscripsisset. Sed Matthæo non est facta Lutetiam Parisiorum veniendi potestas, neque quidquam sibi de pace cum hostibus agendum Rex usquàm existimavit, nisi una cum Sociis Civitatibus, & quo convenit loco. Sed & ne illuc quidem Hispani desinere tentare nos, si quo pacto ad pacem seorsim faciendam adducere possem.

Certè si nobis pacatis uterentur, facilius sibi porrò fore bellum adversum Socias Civitates judicabant, quàm si pacatis Civitatibus, id adversum nos porrò gererent. Sed cum nobis domi, forisque eandem fœderis religionem, eandem fidem esse sentire, postremò ad Socias Civitates ab nobis sejungendas animum adjecterem, jam freti Knutii Codicillis, quos ubi de nobis spes erat, purvi penderam. Igitur hoc, atque Pavio sibi magis ac magis conciliatus, amborum operà ita usi sumus, uti plus Philippo Hispaniæ Regi, quàm Sociis Civitatibus processeris, eoque negotium pacis deduxerim, uti jam pro confecto habeatur. Falsum igitur plane est, quod Brunnus dicit se fœdus quod Sociis Civitatibus cum Rege intercedit, inviolatum velle : neque id ab eo exigere, aut expetere nobis in mentem venit, sed ab Pavio, & Knutio jure expectavimus. Contrà verò cum Hispanicis Legatis uterque congruit, consulitque cum his consilia, ut in eandem de fœdere nostro in pace faciendâ posthabendo sententiam vos Amplissimi Ordines adducerent, atque Collegas variis artibus ab hujus religione abducerent, quibus denique vix per hoc licuit Codicillis de pacis conditionibus perscriptis clausulam quâ Galliæ incumque careretur, adscribere.

Ipsius Pavii, atque Knutii operà anno CIO. IDC. XXXIV. & XXXV. fœdus Ludovicum XIII. Regem inter, & Socias Civitates iclum fuit : nihil illi cau-

se tùm erat, quamobrem adversùm Hispanos suo nomine bellum sumeret, quod tuendis modò amicis amebac gesserat. Id Sociis, Civitatibus gratificatus est, quò validiores adversùm Philippum Hispaniæ Regem essent, libertati suæ, ac juri ab majoribus partio tuendus. Sed mirum fuit postquam Rex bellum in Belgio ex fœdere magnâ vi caperat, id contrâ ab his segniùs gestum, ac denique ubi tam seriò, atque acriter in communes hostes egimus, uti si Sociæ Civitates pro virili annis voluissent, omni Belgio brevì abigi posse viderentur, inventos esse Parvii, atque Knutio consimiles, quos res prosperæ magis, quàm si adversæ essent sollicitos habuerint, & quod fœdere cautum fuerat, de abigendis omni Belgio Hispanis infectum vellet.

Id aded palàm fuit, uti nullos propè, medùm Gallos latuerit, quos cum domi-
nandi studium ad id bellum non impulerit, ed facile ad pacem faciendam adducti sunt. Sed hanc sibi juxta, atque Sociis æquam cupiunt, neque committent, ut ullo metu adducti banc sanxisse videantur. Hæ sunt Regi opes, quibus fretus quod sponte facere noluert, id ab quoquam uti faciat cogi non possit. In Italiâ, in Hispaniâ, in Germania, in Sequanis, præterquàm in Belgio justos habuit, atque etiammùm habet exercitus, quibus bellum adversùm quosvis hostes gerere, medùm defendere potest. Quis igitur si Sociæ Civitates pacem cum Hispanis fecerint, ad banc & Regem adigi necesse esse credunt, is vehementer errant. Sed sicuti bellum adversùm Hispanos ultrò Ludovicus pater sumpsit, uti Sociis Civitatibus gratificaretur, ita & Ludovicus filius id uti commodis earum serviat, lubentissime omittet, pacemque faciet, at æquis conditionibus, & quæ rebus ab patre; dein ab se præclare gestis dignæ sint, quarum copiâ, atque magnitudi-
ne pacem Sociis Civitatibus juxta, ac sibi peperisse magnificum existimabit. Sed hunc ab ed pace, quam ipsi suâ virtute, suis opibus, suâ Societate conficit, prohiberi, sicuti Parvii, & Knutio videtur, ab æquitate procul abest.

Quæ de utroque suprà dicta sunt, ea certè ægrè adductus sum, ut dicerem, cum satis sciam id bonum propinquis, affinibus, atque amicis molestum fore, magnamque adversùm me concitaturum eorum invidiam. Sed quæ ad rempublicam pertinent, ea vos Amplissimi Ordines celare propius crimen esset, nec id patitur fœdus, quod Regi vobiscum intercedit. Piget me multa, infinita, quæ Parvii, atque Knutii prævia consilia certè demonstrant, proloqui. Cum nos de republicâ Legatos vestros quandoque adissemus, ac de controversiis inter Gallos, & Hispanos colloqueremur, ed Parvius, ac Knutius evasere, causam illorum agentes, uti Matbensia fœderis, & amicitia memor, graviter utrique edicendum existimaverit, indignum videri tantâ contumelia pro hostibus, adversum Socios, ac Fœderatos agi.

Cum quidpiam grande moliri Hispanos rescrivissemus, quod & ad Socias Civitates pertineret, ac Legatos vestros pro fide socialis ea dere fecissemus certiores, continuò unus ex his ad Hispanos scilicet properavit, hanc rem ad eos deferens, ac simul monens, quæ domi dicerent, molirentur, ac facerent, ea foras efferri ac nobis renunciari.

Hispani nobis plerùmque dixere, ubi in conditionibus pacis quidpiam nobis concedere vellent, id ut ne facerent Legatos vestros sæpius obsidisse, quod singillatim in Cataloniæ negotio clarum fuit, quò cum Hispanis satis placeret triginta an-

1647.

norum inducias esse, Parvius ut ne plus viginti quinque annorum essent nobiscum contendit: in Casalii item negotio, cum id ipsi permissum ab Hispanis fuisset, bujismodi conditiones nobis tulit, quas accipere non possemus, scilicet quæ duriores essent, quàm quæ ab Hispanis ipsis prius latæ fuissent, quin & hic ipse quas sponte suâ, iudicioque Gallus tulerat, eas Collegarum injussu perscriptas tradidit, uti penes communes hostes esset, quod nos arguere possent, ne Sociorum quidem nostrorum sententiæ in hoc negotio stare voluisse.

Quàm liberaliter, ac munificè Henricus IV. Ludovicus XIII. ac Ludovicus XIV. Reges Socias Civitates habuerint, omnibus notum est, neque his Regibus invidiam movisse quidquam, quod bello gesserint, sed eas semper florentes, atque auctas voluisse, atque id operam quantum ipsis copia fuit dedisse, uti verè dici possit rem harum publicarum eorum quidem qui hanc gesserint virtute, cæterum illorum Regum opibus crevisse. Cæterum ubi Ludovicus XIII. bel-lum adversum Hispanos sumpsit ex fœdere vobiscum icto, id hunc non suâ magis quàm vestrà causâ fecisse argumento est, quod Arausium Principem, ac vos ipsos perpetuò hortatus est, uti quæ vobis digna essent, ea incipere velletis. Si Dunkercam oppugnare placeret, haud procul ab finibus suis, auxilia Gallorum, atque alia huic incæpto idonea pollicitus est, urbem si expugnaretur penes vos fore, donec toto capto Belgio sicuti fœdere cautum esset, illud inter utroque divideretur, ac Dunkerca Regi tum demùm quibus tum conveniret conditionibus redderetur.

Idem uti faceretur Rex filius vobis autor fuit, atque eadem est pollicitus: certè ambos in eâ re vestris commodis servire voluisse nemo negare potest, quibus utilissimum fuisset Dunkercam ad Oceanum habere, haud mediocriter navali quam habetis potentiæ futurum incrementum: hanc urbem certè penes vos perpetuò mansuram fuisse clarum est, cum jam Belgium quod Philippus obtinet, inter Regem, ac Socias Civitates ex fœdere dividi nequeat. Vicinitas vestra nobis tum suspecta non fuit, sed magis exoptata, scilicet quam in propinquâ amicitie parte esse putavimus. Ita & vicinitatem suam vobis suspectam, aut formidolosam esse posse nusquam Regi in mentem venit. Neque enim satis intelligi potest, cum quo fœdus fecistis, ut huic vicini essetis, ejus vicinitatem jam pertimescatis: certè nihil minus verisimile est, quam Ludovicum XIII. vos auctos voluisse mediâ parte Belgii, quod Philippus obtinet, ut non modò hac sed & ut cæteris quæ possidetis terris ipse vos postea, aut hujus posterî spoliarent: nemo præter Parvium, & Knutium bujismodi narrare potest fabulas, neque ambo-bus auscultare quisquam qui humani ingenii quidpiam habeat: potest modò imperita, ac omnis publicæ rei ignata multitudo, quæ pro lubricine eorum quorum est in potestate circumagitur. Inter Reges uter dignitate, gloriâ, magnitudine, famâ alterum antecellat plerumque contentiones, ac bella sunt, inter Reges verò, & Populos non item: neque ferè illi horum damno crescere student.

Incredibile certè est Parvium, ac Knutium qui fœdus Sociarum Civitatum nomine cum Ludovico XIII. Regis pepigère, spem Hispani fecisse, ac magis spondidisse quæ ad Regem filium in Belgio, aut ad summum inter Pyrenæum & Alpes pertinerent, ea modò in pace Gallicâ Sociis Civitatibus curæ fore, in quibus si Gallis Hispani fecerint satis, cæterarum extra hos terminos rerum nullâ habiud

habita ratione pacem suam cum Hispanis facturas. Ubi fides, ubi utriusque religio? qui tamen sibi consciisint pepigisse, fore ubi Sociæ Civitates de Rhetorum, de Sabaudia, atque Mantuæ Ducum rebus Gallia caverent, his tamen posthabitis illas pacem facturas receperint. Quæ mens, quod consilium amorum fuit? ubi isthæc, ubi societatem belli, ubi Hispanorum expulsiorem ab omni Belgio, ubi dividendas Gallos inter, & Socias Civitates illorum terras, urbes, atque oppida sancirere? scilicet uti nihil bonum fieret.

Id certe vulgi sermonibus nunc isthic celebratur, quod plerumque inconsultum omnia in pejorem accipit partem, & quod pravum est facile credit, probatque: dicunt enim plerique, ubi fœdus iustum fuerit, Socias Civitates non arbitrarias esse, tam facile, ac promptum fore Hispanos pelli omni Belgio, ac Gallos sibi vicinos futuros. Præclaras hæc, atque ab fide socialis alienissimas opiniones complurium animis Pavius, atque Knutius insinuvare, quos adeo haud dubium est ita sensitse, ac voluisse, ubi fœdus, ac societatem belli nobiscum pepigere, atque in bello gerendo, sicut & in pace faciunda omnem operam dedisse, ut hæc ita evenirent. Sed quæ vulgò persuaserint, ea apud sapientissimum Sociarum Civitatum Senatum, vos videlicet Amplissimi Ordines, penes quos totius republicæ cura, atque administratio est, parum valuisse Rex arbitrat, ac vobis fœderis nostri quantam deceat religionem esse, ac porro futuram, nec vos ab fide publicâ vel minimum discessum velle. Eò magnopere confidit quod contra banc factum ab Pavia, & Knutio apud Monasterium Vestfalorum est, id vos lubentissimè correcturos, atque in pace, belloque quorum Regi vobiscum Societas intercedit, ex fœdere rempublicam gesturos.

Haud inscitum Hispanis fuit, de nuptiis Ludovicum inter, & Hispanicam virginem regiam rumores jacere, cui Belgium omne doti diceretur: nam hæc violatæ fides socialis merces ampla Ludovico Regi futura videbatur, neque fabula hæc multitudinis modò, sed & sapientibus viris decipiendis idonea fuit. At nusquam Regi, ac Reginae matri venit in mentem isthuc sibi faciendum esse, quin Socii Civitatibus ex harum ipsarum sententiâ caverent nihil ipsis fraudis futurum, verum eâ re magis jus ipsis ab majoribus quesitum perpetuo confirmatum iri, atque omnes belli causas inter vos, ac Philippum Hispaniæ Regem sublatum iri. Sed jam hæc omnium animis excidit fabula, cum ne ipsi quidem Hispani negent Hispanicam virginem Ferdinando Imperatori nupturam, Imperatoris verò sororem Philippo Hispaniæ Regi. Frustrâ igitur banc larvam Populorum vestrorum oculis quò vos perterrent, atque ad pacem seorsim faciendam impellerent Pavius, & Knutius objecere. Sed vobis contra seridò providendum est, quibus præsidium adversum Imperatorem totius Germaniæ opibus fretum, ac simul contra Hispaniæ Regem muniti posthæc eritis, contra quos unus Galliarum Regis opes satis validas esse per hæc bella usu, atque experimentis compertum est.

De Lotharingia modò, de Rhetis, de Casalis, de Sabaudia, & Mantuæ Ducibus mentio facta est in fœderum Tabula, de quorum rationibus Regi cavere ubi pax fieret teneremini, quia nullæ tùm Gallis aliæ foris rationes fuere. Postea verò Catalani Ludovico XIII. deditere se, Lusitani cum eo fœdus fecere, Moneci Princeps Monecum huic tradidit, quod præsidio teneret, Russinonenfis

1647. *Ager in Gallie, atque Hispanie finibus, alia aliò loca bello capta, atque occupata, de quibus omnibus vos Regi cedere baud minùs æquum est, ac de illis quæ ante factum istum possidebat: nam illa ad fœdus, & belli societatem Regem inter & Socii Civitates initam minùs pertinere, quàm quæ post fœdus, & belli societatem factam armis parita ab Rege sunt, scilicet quæ ad Civitatum propriè æquè, ac ad Regis opes videntur accessisse. At Brunus ait Gallos non sua modò, sed & aliena curare, sicuti tria oppida Leodiensi Episcopo, atque Capitulo, Bozzolo Principi Italico Sabonetam, Scipioni Ajacetto Hadrie Duci avita in Regno Neapolitano bona reddi. Sed quæ ad rempublicam pertinent, ea nec ab Rege, nec ab Socii Civitatibus aliena sunt, qui illius maximè causâ, non autem uti suis modò commodis serviant, fœdus fecere.*

Certè ad rempublicam magnopere pertinet, ut ne hostes Hispani ex alienis bonis crescant, & quibus Regis, aut Civitatum amicos spoliaverint, ea uti Dominis restituant: finitimi, atque amici earum æquè, ac Regis Leodienses sunt, & utrorumque juxta interest, ut oppida illorum tria ad Mosam amnem, seu baud procul posita in Hispanorum manu diutius non sint: postremò nihil quod non æquissimum sit postulamus, nec quo Hispani ab pace faciendâ deterri de-beant. Sed has condiciones se negant accepturos? Imò & nullas alias quas Galli tulerint, accipient, freti videlicet Pavio, atque Knutio, qui his posthabitis Sacias Civitates pacem facturæ recipere, quam contra si negaverint vos nisi ex fœderis legibus facturos, hanc continuò in nostras leges habebimus: baud enim dubium est, Hispanos metu adductos, quem de amborum armis cepere, ad pacem adigi, ac ne vos quidem Amplissimi Ordines dubitatis, eò majorem hunc de Gallicis esse, quò Regi quàm vobis opes sunt ingentiores, quæ non modò huic ad res gerendas amplissimas, cù transque Rhenum, Alpes, & Pyrenæum suffecere, sed & ad vos præterea copiis suis adiuvandos, quod quidem nihil interruptâ belli suo more adversum communem hostem gerendi serie fecit. Istuc certè eò majus regie erga vos benevolentie argumentum est, quod supra fœdus fuit. Sed & aliud non modò supra, verum & contra quàm fœdere caveatur, Rex fecit, ubi per omne hujus belli tempus grandem vobis pecuniam quotannis in hujus sumptus curavit: pro quibus suis ingentibus in vos meritis omninò non dubitat, quin saltem in pacis negotio officio vestro ex fœdere satisfaciatis.

Quod Brunus litteris suis dixit, vobis æquè licere cum Hispanis seorsim de pace agere, atque transigere, ac Regi cum Imperatore, cum Baiariæ Duce, cum cæteris in Germania Principibus, atque Ordinibus seorsim ab Socii Civitatibus, nihil magnopere responsione eget, cum alterum fœdus veter, alterum nupquam. Quod autem de Legatorum Hispanicorum ab Monasterio Vestfalarum discessu addidit, atque adeò finem de pace agendi facturos minatur: id enim verò autoribus Pavio, atque Knutio fecit, quod & sæpius antebac iisdem autoribus Hispani fecere, uti Legatis vestris persuaderent sese pacis negotium emissuros, ac deservuros, quò ubi id in eorum Civitatibus multitudo rescisceret, eò studiosius pacem vel posthabito fœdere nostro fieri vellet.

Si quæ vos res adigeret in pacis negotio properare, Rex baud dubiè hujusce-modi necessitatis excusationem acciperet: sed omnia vobis secunda sunt, ac porro futura videntur: quoniam nihil est quod contra fœdus, plusquàm nos prope-

retis : quod si feceritis certissima vobis & in præsens, & in posterum, juxta ac nobis pax futura est, quam alteri alteris ex fœdere præstare debemus : quod uti fiat utrimque accuratius de Cautione mutua vobiscum porro acturus, atque ubi videbitur, transacturus sum.

Hæc atque alia hujuscemodi Servianus Fœderatis Ordinibus scripto tradidit, quæ Pavo, atque Knutio, simul & aliis qui cum his sentiebant, contra nitentibus parùm profuere. De amobus illis ita ad Mazarinum Servianus scripserat, ut qui censeret neutri quidquam quod ad Galliam pertineret, porro permittendum, nedum his interpretibus in pacis negotio sicut usquè factum fuerat, utendum. Cæterùm quandoque dicendi studio cùm apud Fœderatos Ordines de republicâ disserteret, elatus eò evasit, ut amobos pudenda rei publicæ appellaret, quod est ab Bruno haud illepidè correctum, ubi Serviani Scripto postea respondit, eosdem rei Sociarum Civitatum publicæ virilia appellando, quæ Servianus excæcare vellet, ut huic minùs masculæ virtutis ineffet, quò tutari se aut adversùm hostes possent, aut adversùm socios æquè propè damnosos, qui videlicet omnem societatis fructum sibi habere studerent, de sociorum commodis nihil solliciti. Servianum inter, & Brunum præter publica quæ inter hostes sunt odia, privatae fuere similitudines, hunc illo spernente, quod in æquo Legationis jure cum Pignerandâ, sicut ipse cum Longavillâ non esset, atque id sæpiùs huic exprobraverat, haud fatis animadvertens ubi se supra Brunum tametsi jure extollit, huic secùm litigandi locum dare, quæ res maximè homines etiàm genere, atque fortunâ dissimiles, in omnium animis exæquat : ita amobos sicuti æmulos, atque adeò pares & Monasterii Vestfalorum, & Hagæ Comitum, & quocùmque aliò horum fama perlata fuerat, habuere, rem Serviano supra quàm dici potest molestam. Sed huic omnia nobilia, magnifica, excelsa fuere, Bruno verò vulgaris ac popularis omnis ratio : eò factum utiquò similior his, cum quibus agebat, ita & apud ipsos validior fuerit : præterea Servianus vero, ac ratione nitebatur, quâ nihil gravius hominibus est, ubi libido contrâ suadet, quæ Sociis Civitatibus de Pace cum Hispanis seorsim ab nobis faciendâ ingens fuit : postremò quod Serviani Scripto Brunus respondit, id leve, futile, tricus, ac calumnias plenum fuit, quibus homini Sociarum Civitatum de pace studio fretus plebeia planè oratione illudebat.

Post Serviani ab Monasterio Vestfalorum discessum nihil antiquius fuit Longavillæ, atque Avauxio, quàm omnia quæ ad pacem cum Hispanis, Germanisque sanciendam pertinerent, negotia maturare, ut hujus rei confectæ gloria, atque fama amoborum maximè foret : quæ Serviano essent cum Avauxio similitudines supra diximus, cui Longavilla æquior quàm Serviano erat. Ex composito igitur Avauxius Olinaburgam petit, uti Suecorum cum Brandeburgico Septemviro de Pomeraniâ controversias minueret, nam illi hanc omnem quam dudum præsidis tenebant, sibi retinere cupiebant, belli per tot annos pro Germanorum Principum, atque Ordinum sicut aiebant libertate gesti merce-

1647.

dem. Obſtabat ſedulo Brandeburgicus Septemvir, cui hæc Provincia per Bogiſlai ultimi Principis mortem obtigerat: convenerat enim inter utriuſque majores, ut alteri alteris extinctâ alterutrâ gente ſuccederent, quamobrem Bogiſlai qui unus ex Pomeraniæ Principum gente reliquus erat, extincto, Brandeburgicus Septemvir ſuam jure Pomeraniam eſſe contendebat.

At Sueci contra cùm hanc tenerent, nequedùm Brandeburgicus in hujus poſſeſſionem veniſſet, eò ſibi facilius eſſe credebant, Imperii Ordines, ipſumque Imperatorem Ferdinandum eò adducere, ut hanc penes ſe manere paterentur: poſtremò cùm Pomerania duplex ſit, citerior, atque ulterior, Avauxii operâ factum, ut alteram modò, cum quibuſdam extrâ hanc oppidis, Sueci ſibi retinere vellent, alterâ Brandeburgico Septemviro relictâ: alia præterea Succis in Germaniâ attributa, de quibus poſtquam convenerant, rursùm tamen ipſam Pomeraniam integram poſtulare, atque alia perindè iniqua, pro ſociis, amicisque, qui omnes aut Lutherani, aut Calviniſtæ fuere, illam enim Sectam ipſi profitentur. Iſthuc de Pomeraniâ integrâ rursùm poſtulandâ ab Axelio Oxenſtiernâ ortum aiebant, qui Legatis Suecicis tametsi alter ex his Joannes ejus filius erat, gravius lucentiuit, quod de alterâ Pomeraniâ relinquendâ conveniſſent, coëgeratque Chriſtinam Sueciæ Reginam ad ambos ſcribere, ut id quovis modo corrigerent, ſignificarentque omnibus, de Pomeraniâ ſe hanc ſibi omnem, ſicuti tùm præſidiis tenebat, retenturam.

Pudebat certè Reginam, quod Legati ſui hujus antehac mandatis freti receperant, ab eo diſcedere, ſed pervicerat Oxenſtierna, cujus ob ætatem, omnis rei publicæ peritiam, ac Cancellarii quem dudum gerebat Magiſtratum, ſumma in Sueciæ Conſilio autoritas erat, ut non idem quam Reginam pudor cæteros teneret Senatores, qui Sueciæ Regno amplum, ac magnificum eſſe ſentiebant, omnem habere in Germaniâ Pomeraniam, quam cum reliquis, quæ ſibi eodẽ tribuebantur, novi Electoratûs titulo ornari cupiebant, uti ſibi poſthac in creandis Imperatoribus ſuffragium eſſet, atque in eâ re tantâ Proteſtantes Catholicis propè pares forent: nam & Carolo Ludovico Palatino Friderici Septemviri filio inferiore Palatinatum reddi, ac novum Electoratum qui paterni loco huic daretur, creari voluere, in quo ab Gallicis Legatis haud mediocriter adjuți ſunt, res enim æqua erat. Sed hi maxime in Ameliæ Elizabethæ Hannauviæ negotio laboravere, quæ in Procura-tione Haſſiæ Caſſellaniæ fuit, ut huic, filioque pro tantâ quam in hoc bello impenderant operâ, ſatis digna merces tribueretur.

Inter hæc ſumma Avauxio contentio fuit, cum Succis, atque eorum, noſtrique Sociis, de bonis Eccleſiaſticis, quæ aut ſibi, aut his quorum bona ſibi retinere conſilium erat, in horum æſtimationem dari, aut relinquere poſtulabant: negabat enim æquum eſſe Regem pati eo bello, quod unâ cum Succis geſſiſſet, bona Eccleſiaſtica ad Proteſtantes tranſire, cùm foederis legibus cautum fuiſſet, uti religio Catholica ubicum-

que Sueci bellum gererent, eodem quo antehac fuisset loco maneret: hujus rei laborem, atque invidiam Trautmanstorffius Avauxium sustinere, & sinebat, & lætabatur, ex quâ similitudines Gallos inter, & Suecos intercessuras sperabat, quæ tamen aut leves, aut nullæ fuere, ac denique rerum summæ nihil obstitere: postremò Gallorum in omnibus quæ ad suam cum Ferdinando, atque Imperij Ordinibus pacem pertinebant, æquitas, ac moderatio cæteris ut hanc imitarentur, hortamento fuit, ac præterea ut ex illorum sententiâ propè res suas omnes componerent. In his certè tanta Avauxii peritia, virtus, atque industria fuit, ut omnium judicio summus pacis arbiter haberetur, & quod æquum censeret, ab eo nemo discedere vellet. Huic maximè curæ fuit, quod erat in Christina Sueciæ Reginâ pacis studium, id per Chanutum alere, quò factum est uti majorem Salvio alteri ex Legatis Suecicis, qui paci ex animo studebat, quàm Oxenshiernæ qui adversabatur, fidem haberet. Salvius magnam pridem cum Avauxio amicitiam conflaverat, quâ hic fretus pleraque cum Suecis, atque Germanis ad pacem pertinentia facilius confecit. * Chanutus Regis negotia apud Christinam Stoccolmæ procurabat, qui postea Legati Titulo ab Rege ornatus est.

* Chanut, depuis Ambassadeur en Suede.

Sicuti Avauxius apud Osnabrugam, cum Ferdinandi Imperatoris Legatis, cum Suecicis, aliisque de pace in Germania constituendâ agebat, ita Longavilla apud Monasterium Westfalonum pacis cum Hispanis negotium per Serviani absentiam maturare gestiebat, atque eâ gratiâ contrâ hujus sententiam, quas de pace conditiones Rex Hispanis ferri æquum censebat, eas omnes Sociarum Civitatum Legatis scripto tradidit, de quibus cum Hispanicis agerent, neque quidquam pensi habuit in ea re Pavii operâ porrò uti, tametsi hunc ab omni quod ad Galliam attineret negotio amovendum Aula censeret: adversum Longavillam eâ causâ Servianus ad Mazarinum scripsit, gravius accusans hominem, quod hoc pacto omnes sibi rationes apud Hagam Comitibus conturbasset, quò omnium quas Rex Hispanis latas vellet conditionum Commentarium Fœderatis Ordinibus daturus erat, ni hunc Longavilla Sociarum Civitatum Legatis dare properasset, atque sibi hujus rei gratiam præripuisset, quâ fretus de mutuâ Cautione ab his se facilius impetraturum confidebat.

Ludovicum Contarinum aiunt Venetorum Legatum cui nihil sitis in pacis negotio festinabatur, propterea quod Venetis quietâ Christianâ omni Republicâ opus est, uti sibi adversum Turcos Christiani Principes auxiliari possint, Longavillæ persuasisse, hujus maximâ interesse, qui Legationis Gallicæ princeps esset, uti suâ magis operâ pax inter Galliarum, & Hispaniæ Reges apud Monasterium Westfalonum fieret, quàm Serviani apud Hagam Comitibus, quò Brunum ubi Brussellis rediret, iturum fama tum erat. Præterea quidpiam & Fabii Chigii Pontificis Nuntii, sicut & Contarini interesse videbatur, uti non aliò hæc pax sanciretur, quàm quò omnium Europæ Principum, aut qui pro Prin-

1647.

cipibus sunt, loco Conventus habebatur: nam tametsi Longavilla Sociarum Civitatum Legatis in eo negotio sicuti interpretibus, aut sequestris utebatur, tamen in tantâ rerum varietate, atque diversitate sententiarum, ac rationum, sæpius accidebat, ut & illorum amborum, aut alterius opera utilis, aut necessaria videretur: quò fiebat uti Pacificatorum hoc pacto titulum ipsis perhonorificum tuerentur: eò Constatinus Longavillam impulerat, uti Gallicorum omnium postulatorum Commentarium Sociarum Civitatum Legatis traderet, qui Hispanicis ab his daretur: & quò Longavilla id faceret, lubentiùs, conditionum quæ hoc Commentario continebantur, æquitatem laudabat impensius, & quid ex eo Hispani abnuere possent, se satis cognoscere negabat.

Longum esset narrare cuncta, quæ in hoc negotio utrimque dicta, scriptaque sunt, dicemus modò de Lusitaniæ Rege maximam intercessisse controversiam: nam huic Longavilla tantisper inducias esse postulabat, quò pacatâ omni Christianâ Republicâ utrique Regi, sicut & cæteris Principibus, Populisque Christianis bellum adversum Turcos omnium hostes gerere vacuum esset. Hispanici verò Legati negabant se ullam Lusitanorum, ac minùs horum Regis mentionem in Pacis legibus fieri passuros, qui ab Philippo Rege suo defecissent, atque adversum hunc hostilia facerent: contra Longavilla negabat Regem illos planè deserturum. Ita ratio ineunda fuit, uti de Lusitaniæ Rege, ac Lusitanis tacendo, tamen Galliarum Regi his auxiliari liceret: eò cavendum videbatur utrique Regi integrâ inter ambos pace potestatem fore Sociis, aut amicis copias suppeditare, quibus se suaque tueri possent. Sed Hispanis cautio erat, ut ne auxiliares Galli Lusitaniæ finibus egrederentur, ac in suos transirent, hoc enim pacto tantum Gallorum immitti in Philippi fines posse, uti belligerendi locus modò mutatus, non pax facta ipsi cum Ludovico esset. Sed cum magnum æquoris spatium Galliæ, atque Lusitaniæ fines interjaceat, vix Regi copia est complures eò copias trajicere, quæ & finiri pacis legibus potuissent: cæterum cum auspicio ductuque Lusitaniæ Regis militaturæ fuissent, quocùmque ipse, aut hujus Legati movissent, eò rectè ituras haud dubium erat.

Vicissim Ferdinandus Imperator sibi integrum fore volebat, salvâ suâ cum Rege pace, Philippo Hispaniæ Regi adversum ipsum Galliarum Regem opitulari, quod Legati Gallici negabant rectè huic licere posse: nihil enim hunc juvabat dicere, sese id non sicuti Imperatorem, sed sicuti Principem ex eâdem quâ Philippum Gente ortum pro consanguineo Principe facturum, quem satis piè deferere non posset, nam hoc, aut illud perindè futurum erat: sed isthuc firmius, ac validius fuit, nihil esse ampliùs, quò Regi copia esset Lusitaniæ Regem adversum Philippum tueri, quàm sibi Imperatori Philippum adversum Ludovicum, atque adeò res eò redire videbatur, ut utrimque auxiliarium copiarum numerus finiretur, ac sub signis Philippi, atque Joannis Lusitaniæ Regis in Hispaniam, ac Lusitaniam missæ mi-

litarent: sed alia denique ratio inita est, quò Ferdinandus Hispaniæ Regi opitulari salvâ suâ cum Rege pace possiet, sicuti postea memorabimus.

Postulabant præterea Philippus juxta, ac Ferdinandus, uti Carolo antehac Lotharingiæ Duci redderentur omnia, quæ Ludovicus XIII. adversum hunc bellum gerens manu ceperat, Lotharingiam videlicet omnem, ac Baris Ducatum. Philippus amico Principi, quicum sibi fœdus intercederet, & qui secum causam suam communicasset egregiis copiis fretus, quibus sibi utilissimam operam dedisset, sese consilere æquum censebat: Ferdinandus vetusta Imperatorum cum Lotharingiæ Ducibus fœdera commemorabat, quorum legibus Carolum tueri omni ope tenebatur. Sed eò negabant Legati Gallici Carolo licuisse adversum victum Galliarum Regem plusquam hostilia facere, fœdera violare, datam sæpius fidem deserere, etiam post huc redditam ultro ab Ludovico XIII. omnem Lotharingiam, eâ lege, atque omine, uti si pro more suo ab conditionibus fœderis quò hæc illi reddebatur discederet, atque iterum ab Rege armis recipere, nulla porro ipsi hujus habendæ spes esset, quam conditionem Carolus cupidissimè acceperat, ac jurejurando sibi gratam, ratamque esse firmaverat: quod cum ingenii mobilitate violaverit, nihil esse huic loci relictum repetundæ ab Rege Lotharingiæ, quam hujus voluntate tam sancto fœdere, ac jurejurando firmatâ possideat: adversum quæ Carolo Imperatoris fidem ex vetustis fœderibus implorare fas non sit. Nam fidem alienam implorare uti suam impune deserat nemini omnium licere: neque Imperatorem rectè, neque pro bono facturum, si hanc sibi suscipiendam causam existimet: ceterum neque huic, neque Philippo Hispaniæ Regi licere recipiendæ Lotharingiæ Carolo opitulari, cum hæc jam Regis tam bonè prædium sit, quam ipsa omnis Gallia. Postremò ubi Lotharingia Carolo primùm adempta, dein ob proditam ab eo fidem Ludovico XIII. ex fœdere ultimùm iusto obtigerat, nullam illi cum Hispanis belli societatem, nullum intercessisse fœdus, quo jam operam dare teneantur, ut in integrum restituatur: quod si jure, ac merito spoliato postea polliciti sint, id unum restare, quando illud ipsi præstare nequeant, uti de suo si ita videatur, satis faciant. Gallici tamen Legati hanc denique de Carolo tulère Hispanicis conditionem, ut huic Rex, atque Francisco fratri aliquantum pecuniæ annuatim curaret, modò ut ille in Italia, aut quo alio pacato, neque suspecto loco agitare vellet. Intercà si diem suum obiret, cui ex Gente Lotharingicâ antiqua Lotharingia tùm hæreditate obvenire deberet, hanc ei Regem redditurum, dirutis arcibus, atque oppidorum munitionibus, ac manentibus penes hunc omnibus, quæ Galhæ, Metensi, Tullensi, ac Virodunenfi Diœcesibus obnoxia sunt.

De Rhoetis, ac de Valle Tellinæ quæ his subiecta est, has primùm Legati Gallici tulère Hispanicis conditiones. Uti quæ ad illos, atque ad hanc pertinerent, ea in eundem quo ante bellum inter Galliarum, & Hispaniæ Reges cœptum erant statum restituerentur, seu ad normam Musonicensis fœderis, Ludovicum XIII. inter, & Philippum I V. sanciti, anno c. 15. 156. xxv. Quæ per nuperi belli tempora His-

1647.

pani cum Rhætis pepigissent, ea abrogata, atque antiquata essent. Si quid durius in Musonienſis fœderis legibus Rhætis videretur, id amborum Regum voluntate corrigeretur. Postremò tamen eò Legati Gallici descendere, uti de pristinis fœderibus sententia Rhætorum exquireretur, quâ rescitâ in alterutrius Regis Aulâ cum alterius Legato qui in hac agicaret, de utriusque in Rhætorum, ac Vallis Tellinæ negotio rationibus ageretur, ac transigeretur intrâ sex ab Pace inter ambos Reges sancitâ menses.

Mirum est Gallicos Legatos tantos viros primis quæ tulerant conditionibus non stetiſſe, cum æquissimæ essent, nixæ videlicet Musonienſis fœderis legibus, ac jure communi, quo quidem qui bello potior est fretus saltem ab invalidiori petere poteſt, uti quæ per bellum innovavit, ea in integrum restituat. Id eò pertinebat uti fœdus ab Philippo IV. Hispaniæ Rege cum Rhætis iſtum anno CIO. IVC. XXXIX. antiquaretur, quo hos ab vetustissimo nobiscum fœdere, quod perpetuum eſſe debuit, averterat, ac præterea ab altero fœdere, quod ab singulis Regibus nostris cum his unâ, atque Helvetiis renovatum usquè fuerat, cujus lege secunda cautum, uti quidquid alterutri contrâ id fœdus facerent, id irritum, infectum, ac nullum haberetur: quâ lege quod Rhæti cum Hispanis pepigerant, id certè irritum, ac nullum censi debuit. Id autem fuit hujusmodi, Philippo Hispaniæ Regi ac posteris Regibus facultatem fore, copias apud Rhætos scribendi, ac suas per horum fines traducendi, non autem hujus hostibus: quæ eadem facultas cum Regibus nostris usquè fuisset, atque horum hostibus item negata, necesse planè erat fœdus Rhætorum cum Hispaniæ Rege antiquari.

Fuit & alia de Carlomontio, Philippivillâ, ac Mariæ Burgo quæ Leodiensî Episcopo, ac Capitulo reddi Rex postulabat, gravis cum Hispanis controversia, scilicet qui hanc rem nihil ad Regem attinere contendeant, cui Leodiensî Episcopus, aut Leodiensè Capitulum nullo fœdere conjuncti essent. Sed ad rem publicam pertinebat sua cuique reddi, ac maximè hæc tria haud ita procul Galliæ finibus opida.

Interea Servianus de mutuâ Cautione cum Fœderatis Ordinibus, ac cum his qui delecti fuerant, agebat sedulo: de quâ re varix Civitatum sententiæ fuere. Traiectensî, atque aliæ cum Serviano ita conveniendum censebant, uti Cautio mutua de omnibus esset, quæ ad Regem, & ad Socias Civitates in Pacis faciundæ legibus ubicumque pertinerent, ita ut si Hispani ab his discederent, bellum adversum hos utrimque denuò sumeretur: Batavorum verò Civitas standum fœderi quod annis CIO. IVC. XXXIV. & XXXV. iſtum fuerat, ac XLIV. confirmatum, neque quidquam super eâ re ampliùs cum Serviano pacificandum: Cautionem autem mutuam tùm sancitam ad ea modò quæ Rex, atque Sociæ Civitates in Belgio, ac Germaniæ finibus, Rex verò singillatim in Gallia, in Belgio, in Sequanis possideret, atque ad

Ruffinonensem

Ruffinonenfem Agrum pertinere debere contendebant, ficuti Jurisperiti ab his confulti cenfuerant.

Postremò Servianus, atque Thuilleries cum Sociis Civitatibus de mutuâ Cautione fœdus renovavere, quo cautum denique est: Uti pace ab Rege cum Hispanis fancitâ si ab hac difcederent, ita ut hi, Imperator, aut quis ex Austriacis Principibus Galliarum Regni fines invaderet, ibi bellum adversum Hispanos Sociæ Civitates unâ cum Rege fumerent denuò, ac gererent ex pristino fœdere. Idem ab Rege fieret, sicubi Hispani, Imperator, aut quis ex Austriacis Principibus contra pacis leges item harum fines invaderet. In Galliarum Regni finibus Pinarolum, Ruffinonenfis Ager, Alsacia, & quod in Lotharingia, & Belgio Rex possidet, aut ubi pax fiet possidebit, esse censerentur. Idem de Cataloniæ finibus quamdiu induciæ in hac perdurarent, cautum. Alteri Socios, aut amicos adversum alteros ne juvarent. Quæ prius ista fœdera essent, ea integra forent, nisi quid in hoc ultimo illis contrarium fancitum fuisset. Ubi pax inter Regem, & Philippum conveniret, ac fancita fuerit, ibi modò hoc ultimum incipiat fœdus, atque hujus legibus utrique teneantur.

In hoc ultimo fœdere ab prioribus anno CIO. IDC. XXXIV. XXXV. & XLIV. istis quidpiam Servianus, & Thuilleries discesierant, nam his quæ Pacis futuræ legibus fancirentur, ea omnia Sociæ Civitates Regi, ficuti vicissim hic illis præstare debebat, quod ex Sociarum Civitatum lubidine hoc ultimo fœdere imminutum est: dein de amicis, ac Sociis adversum has haud juvandum nihil usquè cautum fuerat, ac denique disertis verbis cavendum videbatur, ut ne Sociæ Civitates Pacem cum Hispanis nisi cum Rege unâ fancirent, quod quidem Servianus factum satis se credere simulavit eâ lege quâ cavebatur priora fœdera integra fore. Sed hæc Sociarum Civitatum Legatos nihil attinuisse scibat, quo minùs de Pacis conditionibus cum Hispanicis Legatis convenirent, atque his adscriberent nomina, signaque apponerent, neque has brevè in Tabulas relatum iri dubitabat: præstare tamen existimavit aliquâ ex parte Socias Civitates Regi adhærere, quàm in perpetuum alienatas videri, uti respicientiæ locus foret. Sed Suecis minimè probabatur sicubi bellum adversum Socias Civitates (ut sunt humana) fortè gererent, Regem nihil illos adjuturum hoc ultimo fœdere promississe. Cæterum id de mutuâ Cautione fœdus Servianum quovis modo factum voluisse aiebant, ut ne cuius rei gratiâ Hagam Comitibus ierat, eâ infectâ Monasterium Vestfalorum rediret.

Præfectus Palatio qui maximus in Gallia Magistratus est, Henricus Condæus fuerat, quem Magistratum hujus morte vacuum Rex Ludovico filio mandavit: præterea quas obtinebat Henricus Provincias Bituriges, Æduos, Segusianos, eæ & ipsi filio datæ, Campania verò quam is quovis obtinuerat, Armando Contio fratri attributa. Ludovicus Condæus ficuti antehac Henricus pater ab Reginâ in Consilium de re publicâ deinceps cum Gastone est adhibitus, atque cæteris Regis Con-

1647. filiis ab quibus hunc abesse consuetudine invaluit, uti per Gastonis absentiam ipse præflet, decretum.

Per hyemem saltationibus, & Comædiis Aula delectabatur, quæ Regi puero grata, neque aliis ingrata fuere: aderant Comædorum ex Galliâ, atque ex Italiâ greges: sed hi quoniam nova, & externa magis placebant, potiores fuere, atque eorum scena magis frequentabatur, aut ipsi fabulis in Regiam agendis accersebantur, in jocos, atque facetiis de more gentis mîrifici. Sed Mazarinus egregiam quandam, atque insignem fabulam sedulò apparabat, quæ more Italico cani, agi, saltari debebat. Quamobrem ab Italia qui musicam apprimè callerent, eos accersere, fabros machinamentis ad scenarum varietatem faciundis peritissimos, Pictores, Poëtas, præterea qui saltare, & psallere, & qui fidi-bus scirent: postremò cujuscumque modi homines, mulieresque, qui in eam rem usui essent, planè sumptui nihil parcere. Bacchanaliorum dies qui gaudium, atque lætitiâ ostentabant, huic agendæ fabulæ dicti fuerant, jamque hi advenerant, nequedùm ea apparata erat, ita ut in Quadragesimam dilata res videretur. At hoc quoniam Pœnitentiæ in Ecclesiâ tempus est, id hujusmodi ludicris consumere Annæ Reginae religio fuit, quæ adeò Mazarino post Quadragesimam agi posse fabulam dixit, cui ipse & post annum æquè agi posse respondit: nam huic ægrè erat, rem quam dudùm tanto conatu, sumptuque moliebatur, Reginae, atque Regi filio oblectandis, ab illâ tam parvi pendi, ut illi propè nullum hujus visendæ studium esset. Inde simultas orta inter eos, quæ quoniam utriusque gravis erat, levi quorundam operâ facillè desiiit. Dein acta per quadragesimam fabula, quàm præstantissimi ex omni Italiâ psaltrii psaltriæque, fidicines fidicinæque, saltatores saltatricesque patrio more, atque linguâ cecinere, atque saltavere, varias Deorum, Dearumque, virorum, mulierumque personas sustinentes. Inter hæc machinatione multiplici moveri cælum, ac nubes, Deos, Deasque in terras dilabi, dein rursùm, ipsum volare Cupidinem, avelque complures, scenam in hortos, Sylvas, Tempia, antra, maria, inferos, præter oculorum fidem mutari: postremò nihil quod & ad horum, & ad aurium voluptatem pertineret, desideraveris: quod animum delectaret, planè nihil erat: fabula ter, quater, aut pluries tota instaurata, ac toties Regina spectavit, seu voluptati erat, seu quod in eo negotio ægrè Mazarino fecerat, id se hoc pacto corrigere est arbitrata.

In Germaniâ bellum hyeme, atque æstate juxta geritur, quem Sueci morem sicuti antehac diximus, introducere: cum his unâ, atque Gallis adversum Imperatorem, & Baioariæ Ducem plerique Germanorum jamdiù bellum sumpsere: nam ab Ferdinando II. Imperatore gravius, ac regio more contra quàm in Germaniâ fas est, habiti Succorum, dein Gallorum imploravere fidem, uti sibi auxilio essent, atque eâ gratiâ cum utrisque sancivere fœdus. Sed qui Principes inter eos fuere, ii partim exortâ adversum Suecos invidiâ ex alienis malis commoda sua captantes, alii diuturni belli tædio, aut ab fœdere palâm discesse-

re, aut malis fatigati detrectavére porrò bellum. Una modò Amelia Elizabetha Hannauia, quæ Guillelmi Hassiæ Castellani Langravii uxor fuerat, mulier tùm vidua, & quæ per Guillelmi filii pueritiam in hæreditatis procuratione erat, ad ultimum permanst in fœdere, fœmina mulierum virtutes prætergressâ, multique viris firmior, atque constantior: cæteri Germani inter quos & quidam genere Principes, & permulti Nobiles fuere, quibus plerisque res domi exigua, aut nulla erat, præterea vulgus militum ad Gallos, & Suecos concessere mercede militaturi: sed major hujus belli sumptus in Gallos recidebat, quos quia fama erat divites esse, cò Germani majora ab his, quàm ab Suecis stipendia poscebant, nam cum Suecis raptò vivere assueverant, cum Gallis haud segniùs prædabantur, stipendium fermè lucro erat: præterea Ludovicus quoniam Suecis, atque Ameliæ pecunia in belli sumptus minus suppetebat, hanc ipsis annuam satis grandem ex fœdere curabat.

Anno proximo diximus Maximilianum Baioariæ Ducem, atque Imperii Septemvirum, per Bagnium Pontificis apud Regem Nuntium hujus implorasse fidem, ut ne se Catholicum Principem ab Suecis planè perditum vellet, cum summo Religionis Catholicæ in Germaniâ periculo, quamobrem aut pacem, aut inducias fieri postulabat. Sed ut ad æquas pacis conditiones Ferdinandus Imperator adduci posset, nondùm satis hujus attritæ opes erant: quamobrem Rex, ac Sueci bellum solito acrius adversum hunc per proxima æstiva gesserant: quod cum Maximilianus unà cum Ferdinando defenderet, haud leve damnum & ille acceperat, atque adeò id ut ne majus in dies foret jure metuebat, nam in finibus ejus res agebatur. Igitur ejusdem Bagnii operâ Regem obsecravit, atque obtestatus est per communia sacra, ut ne se diutius acerbissimis Religionis Catholicæ hostibus Suecis permetteret, qui hujus labefactandæ, ac si possent planè evertendæ causâ se profligatum cuperent, quod ut ne ex horum sententiâ fieret, de induciis quas ante annum postulaverat Rex agi vellet: se operam daturum, ut & ad has Ferdinandus Imperator adduci se sinat, quod idem Ludovicus adversum Suecos facere possit. Rex cā tempestate, atque Regina mater de Sociarum Civitatum cum Hispanis Pacificatione valdè solliciti erant, neque dubitabant has per futura æstiva cessaturas, atque adeò optimum factu videbatur, Turenæ cum exercitu cui in Germania præerat, in Lucemburgensem Agrum venire, quò aliquantam Hispanorum manum sicut Henricus Arausius cum Sociarum Civitatum exercitu solebat, distineret, nullo id negotio factum iri si induciæ in Germania forent.

Igitur ad Legatos apud Monasterium Vestfalorum scribunt, uti cum Baioaricis quid factò opus esset consultarent, ut ad inducias perveniretur, atque omnia ex eorum sententiâ sedulò agerent. Sed Suecis summa perdundi Maximiliani libido erat, quem Ecclesiæ Catholicæ in Germania columen esse probè scibant: præterea apud Stokolmiam Axelius Oxenstierna Regni Cancellarius cum omnibus amicis, & clienti-

1647.

bus ab fanciundâ pace abhorrebat, quam contrâ plerique aliî, atque omnes Ordines Regni & Christina ipsa Regina quamprimum factam volebant, ut aliquis denique finis tam diuturnæ militiæ, quæ tot hominum millia exhauferat, ac suppeditandi sumptus esset: postremò Vrangeliûs qui Suecis in Germaniâ Imperator erat, ab Pace, atque Induciis alienus erat, sicuti fermè homines militares. At Succici Legati apud Osnabrugam longè diversa super induciis sentiebant: nam alter Axelii Oxenstiernæ filius Joannes paci, atque induciis adversabatur, alter verò cum Reginâ sentiebat, sed omnem eam rem Vrangelio permisere. Hic se planè negabat de induciis agere velle, quæ belli fortunam omnem Suecis usquè prosperam, & ex quâ posthac majora sperabat, corrumpere: instandum debilitatis hostibus, quos omni Baioariâ pellere, ac fortè Boïohæmi Regno haud difficile foret.

Tametsi isthac Vrangeliûs cum Oxenstiernâ altero ex Succicis Legatis sentiret, Salvius tamen qui res nostras magis noverat, Collegam edocuit, Regi ubi ab Sociis Civitatibus desertus foret, quod propediem futurum videretur, omne bellum adversum Hispanos fore sustinendum, quod vix facere possêt, nisi & exercitum quem in Germania haberet, aliò traderet, quò sibi ad id bellum usui foret: eò Suecis defutura Gallica auxilia, quibus freti adversum Imperatorem juxtâ, & Maximilianum Baioariæ Ducem validi, ac præclari usquè fuissent. Cum autem sibi opes eò minutum iri certum sit, rectè profectò facturos, si & hostes sibi minuerint inducias cum Baioaris faciundo. Quamobrem cum Legatis Gallicis convenère, fore uti Vrangeliûs Ulmam mitteret, qui de his agerent. Eò misere nostri Alexandrum ^a Provillæum Tracium qui in exercitu nostro Quæstor erat Longavillæ clientem, & Antonium Fouquetum Croissium in Senatu Consiliarium, qui Avauxium Monasterium Vestfalorum venientem comitatus fuerat. Vrangeliûs verò Mortanium, ac Duglasium Tribunos eodem misit, qui denique sicuti Galli inducias cum Maximiliano Baioariæ Duce pepigère, non autem cum Ferdinando Imperatore, cui sicuti nec Suecis ut inter ambos fierent, nusquam placebat.

Præter Sueciæ Reginam Christinam, atque hujus, Regniqûe Sueciæ loca omnia in Germania occupata, exercitus, copiasqûe, hæ induciæ ad Hassiæ Castellana: Langravium pupillum pertinebant, in cuius bonorum, seu paternæ hæreditatis Procuratore Amelia Elizabetha Hannauvia mater erat, & ad omnia loca quæ Guillelmus pater, aut post hujus obitum mater armis occupaverat, atque ad omnes hujus copias. Maximilianus verò pro se, pro fratre Colonienfi Archiepiscopo Imperii Septemviro, ac totâ Baioariâ Domo, pro Maximiliano Henrico qui electus Colonienfi Archiepiscopo Adjutor, ac Successor fuerat, atque pro horum omnium hæredibus, aut successoribus has inducias pepigit. Sueci qui consimiles antehac cum Joanne Georgio Saxonix Duce item Imperii Septemviro, inducias fecerant, ut & illæ ad eum pertinerent caveri voluere. Ita Saxonix, & Baioariæ Du-

^a De Provillæ de Tracium.

^b De Croissy Fouquet.

ces in quos summa Imperatorum Austriacorum merita fuere, nam uterque Septemviratum horum beneficio habuerat, sibi denique quiescendum existimavere, & Hispanorum lubidini servientem Ferdinandum Imperatorem deferendum, uti sibi consulerent. Per induciarum conditiones Maximilianus Hailbronam Regi, Memingam in Sueviâ, & Überlingam ad Acronium Lacum Suecis tradidit, cui vicissim hi Raimum, ac Donavermam ad Danubium reddidere.

Dum hæc apud Ulmam gerebantur, apud Acronium Lacum Brigantium ab Vrangelio qui Suecis Imperator erat, necopinato captum est: nam oppidum modò tentare, atque prædas agere consilium fuerat. Sed hæc oppido capto factæ sunt multò ampliores, quoniam undequaque qui accolebant, ii quod carissimum domi habuerant, còsicuti in tutum contulerant: pauci rebus suis in naves properè congestis Lindaviam profugere, cæteri in ipso fugæ consilio, atque conatu oppressi, cum ipsis navibus præda hostium fuere. Dein his navibus Vrangeliuss fretus, atque aliis sedulò conquisitis, Lindaviam contendit: milites pars navibus impositi, alii pedibus Lacum circumducti. Lindavia in ipso Lacu posita est, atque ab continenti tenui aditur isthmo, novum adèd oppugnationis genus, resque navibus, non uti solet, terrestri machinatione gerenda erat: lacus ipse Austriacis opportunus introducendis in oppidum commeatibus, atque auxiliis: nam præter Brigantium ab Suecis captum, omnia ad Lacum Austriacorum loca fuere: neque ea fuit Suecis navium copia, ut his omne oppidum cingerent, atque adèd per positas laxiùs custodias, ad id noctu evadere haud magni negotii erat. Eò factum, uti multis diebus in eo negotio frustra consumptis, postremò Vrangeliuss omitteret inceptum. Interea tamen Meinaviâ in eodem lacu Insulâ haud procul Constantiâ potitus est: nostri Tubingam oppidum, atque Arcem ad Nicrum amnem in Vitembergenfi Agro deditionem facere coegere: ea res ab Carolo Moncio Hoquincurio egregiè gesta, qui in exercitu Germanico Turingæ Legatus fuit.

Sed id anni tempus insidiis instruendis, componendoque dolo, quàm bello gerendo aptius erat: ei rei Caracena in Belgio dabat operam, ut Armentariam ad Legiam amnem proximis æstivis Gallis deditam per oppidanorum prodicionem reciperet: complures tamen boni, fidelesque mansere, quosdam Caracenæ promissâ, tædiumque novi dominatûs transverso egere. Sed ea res levitate unius ex popularibus conjurationis, ut ferè sit, palàm facta, nam pro more gentis largiùs in cauponâ vino cum cæteris indulgens rem incautiùs aperuit: pauci jam hostes oppidum clam introierant, latebantque in conjuratorum ædibus, de quibus omnibus more majorum supplicium sumptum: sed mox ea res apertâ vi sicuti postea memorabimus, quàm tum dolo meliùs gesta.

Anno proximo ab Christinâ Succie Reginâ legatus in Galliam fuerat Magnus Lagardius, qui hujus verbis de pace inter hanc, & Christianum Daniæ Regem ab Ludovico, atque Annâ Matre conciliatâ gra-

De Monchy, Marquis d'Hoquincourt.

1647.

tias ageret, quæ eò ampliores fuere, quòd per hujus pacis conditiones Dani provinciis duabus quæ suæ ulquè fuerant, Suecis cesserant: hoc anno & ipse Christianus consimiles Ludovico, atque Annæ matri gratias egit per Corvitsium Alefeldium Legatum, qui hanc pacem tametsi cum eâ jacturâ Regi suo jucundissimam accidisse significavit.

Sub id tempus Carolus Schombergius Equitum Tribunus, Dux atque Franciæ Par, præterea in Septimania quam Gasto provinciam obtinebat, ipsi Legatus id sponte Munus abdicavit, scilicet uti Reginæ, atque ipsi Gastoni morem gereret, cui & antehac, ipsâmet cesserat provinciâ, quam patris morte vacuam priùs obtinuerat, datam ab Ludovico XIII. Majores hujus ab Germaniâ in Galliam migraverant, quorum splendore, & virtute, sed maximè fidei famâ clarus haud minoræ suæ ipsius fidei, atque virtutis documenta dederat: huic Regina Tribunatum militum Helvetiorum, qui Regi mercede militant, dedit, quod Munus antehac Francisci Bassomperæi nuper demortui fuerat. Id sibi expetebat Henricus Aurelius Longavilla, Neocastelli Princeps, quod oppidum cum satis amplâ, atque opimâ regione Helvetiis finitimum obtinet, apud quos tametsi & vicinitate, & genere, atque autoritate plurimum valeat, tamen beneficiis, quorum ipsi maxima per id Munus apud eos copia fuisset, gratiam augere consilium erat. Nam homines ferè ex bonè, aut malè faciundi copiâ æstimantur.

Fuere qui ita existimarent, Mazarinum Longavillæ hujus Muneris spem fecisse, sed Rivieræ operâ Gastonem oblituisse, incertum Mazarini voluntate, necne. Cæterum Gastoni ut ne Condæi potentia plus æquo crederet cautio erat, cujus sororem Longavilla uxorem duxerat, atque adedò hunc Helvetiis mercede conductis, quorum haud exiguus in Gallia plerumque numerus est, præfici haud in rem suam esse ducebat: neque fortè in rem publicam, aut regiam fuit, tam vicinum Helvetiis Principem hujus sibi conciliandæ Gentis tantam habere facultatem, atque hunc Tribunatum in ejus familiam ingredi: nam hic mos, hæc disciplina hujuscemodi viris Principibus est, ut ubi quid ipsis ab Regibus semel est datum, id familiæ suæ perpetuum esse debere contendant, sicuti prædia hæreditaria essent. Mazarinus ut ne hæc repulsâ Longavillæ agrè esset, Cadomum oppidum huic, atque Arcem curatâ in æstimationem Præfecto pecuniâ ab Rege permitti, præterea Juxium Castellum firmissimum donari curat, quorum alterum in Normannia, quam Longavilla obtinet, provinciâ, alterum in Sequanorum, & Neocastelli Comitatus sinibus positum est. Hæc atque alia hujuscemodi vitio temporum factitata, quæ per Regis pueritiam virorum Principum vis leniunda, atque injuriæ occurrendum fuit: cæterum ea erant Longavillæ in rempublicam merita, uti navatæ cum in bello gerendo operæ, tum paci faciundæ, hæc merces jure tributa videretur.

Hispani pace cum Sociis Civitatibus clam sancitâ satis certi has hoc anno quieturas, tûm denique tempus advenissè credebant, quò & rem suam prolapsam restituere, & nostram labefactare sibi maxima facultas foret. Eò Leopoldum Guillelmum virum ex Austriacâ Gente Principem ab Germaniâ accersunt, experti videlicet Belgas sibi amplum, atque magnificum ducere, si ab tali dignitate, tali genere viris regantur, atque ad omnia quæ imperentur obedientiores, ac promptiores essè. Is igitur ubi advenit primum copias omnes quas antehac in finibus Gallorum, atque Sociarum Civitatum cogere mos fuerat, in unum modò, atque adversum nos, quandò is modò restabat hostis, maturè conducit: hæc haud procul Rupe regiâ visæ ad Picardiæ, & Campaniæ fines Aulam etiamtûm ludicris intentam aliò animum adjicere coëgere. Qui oppidis finitimis præfecti erant, ii properè eò proficisci, Quincæus maxime, qui Casteleto, is locus propius Camera-cum est, præerat, præterèa Præfectus Castrorum omni circum regioni prospicere, hostium explorare consilia, conatibus quoad possèt obviam ire, & quæ opus essè intelligeret, ea providere, atque facere jussus, copiæ eâ gratiâ eodèmissè, quibus præessèt. Is homo per vaniloquentiam primum, de se magnifica dictitando, præterèa ornatu militari sæpius inusitato, atque barbaro, & consimili cultu corporis effecerat, uti strenuus haberetur, dein ex eâ famâ ad hos ordines pervenerat, ubi quæ dixerat, ea facere necesse habuit, neque dictis facta fidem ademère.

Inter hæc Du Vallius Marchio Fontenaius qui antehac legatus Romam fuerat, sicuti suprà memoravimus, eodè extra ordinem legatus est iterum. Hunc Michaël Mazarinus Julii Cardinalis frater idoneum ratus, qui sibi ab Pontifice Ludovici rogatu Cardinalatum impetraret, Romam mitti postulavit, neque magnoperè quidquam ei rei tûm ob stare videbatur, nisi quod fratribus duobus is honor rarò conferri solet. Cæterum Barberini cum Pontifice Ludovici, atque adeò Mazarini operâ redierant in gratiam, Gallorum arma Româ haud ita procul apud Plumbinum, & Longonis Portum erant, quæ res ad metum conferebat, quo magis quàm gratiâ plerique mortalium moventur. Ad hoc Romæ omnia eâ tempestate venalia, scilicet apud mulierem quæ per Pontificis affinitatem rerum omnium potens erat.

Eâ tempestate Odoardum Farnesium Parmæ Ducem cupido cepit Romanis sese rebus plusquàm opus essèt, admiscendi: eò hunc operam dedissè ferunt sedulò, ut Olympia Aldobrandina Roslani in Neapolitano, Meldolæ in Romano Agro Princeps, mulier adolescens, ac formâ præstantissimâ quæ sibi propinqua erat, Camillo Pamphilio de quo suprà memoravimus nuberet: hic Pontificatus hujus initio Cardinalis creatus fuerat, sed vitam cælibem abnuebat, cupiebatque uxorem ducere. Aldobrandina Marcum Antonium Burghesium Sulmonis Principem virum antehac habuerat, qui haud ita pridem obierat mortem: his nuptiis Odoardus spem nactus erat sese fretum Innocentio ex volun-

1647.

tate usurum, cui Camillus fratris filius est, & cum usque adhuc ille fuisset in Olympiæ potestate, quæ Camilli mater est mulier longè florentem atatem prætervecta, faciliè futurum existimavit hanc ab adolescentiore Olympiâ superari, quæ omni arte muliebri Pontificis gratiam huic præriperet. Sed istuc ipsum metuens senior Olympia primum omni ope enisâ est has disturbare nuptias, quod & hujus impulsu Pontifex fecit: sed uterque frustra fuit, nam Camillus Aldobrandinæ amore perditus, utrumque exoravit, ut hanc sibi uxorem ducere denique liceret. Rure factæ sunt nuptiæ, neque his adfuere Pontifex, & Olympia, atque huic cautio fuit, ut ne posthac Romam nurus veniret. Cæterum inter mulieres tametsi longè absit culpa, tamen formæ, atque earum rerum, quibus se dignas deputant quæ amentur, ferre certamen est, neque ulla usquam aliam sese formosiores æquo animo conspexit. Igitur cum Olympiâ Fontenatio magis, quàm cum Pontifice de omnibus agendum fuit, quæ res multo maximè indigna erat, foeminam rebus propè divinis præesse, atque ex ejus lubricine pendere omnia. Tamen nonnihil hoc erat, pretio quod cuperes efficere, nam Olympia tanquàm senis Pontificatus sibi brevior futurus esset, omnibus modis ditari properabat. Camillus ubi uxorem ducturus fuit Corbiæ Abbatiam quam Rex ab Mazarino abdicatam illiantehac dederat, & ipse abdicavit, ac Regi reddidit.

Sub id tempus Condæus cui decreta provincia Catalonia fuerat, eò mutatis ad celeritatem equis citus abiit, quò factum est, ut ubi Barcinonem advēnit, hunc pauci comitarentur: præterea mediocriter vestitus veste lugubri, patris nuper demortui causâ, vix se Condæum esse fidem fecit. Documentò Principibus & per inania vulgo serviundum, quoniam id ad famam pertinet, quæ ad res gerendas plurimum valet. Massiliam item tùm abiit Armandus Richelius, cui nondum ætas militiæ patiens erat: neque Aquiloniæ Amitæ sub cujus erat tutelâ, hæc immatura profectio probabatur, seu id ipsa simulabat, uti sumptui parceret, qui magnus faciendus erat, pro dignitate, ac nomine adolescenti quæsito, si illius voluntate hæc instituta profectio crederetur. Navibus longis Præfectus erat, quas ipse ducere hoc anno decreverat, atque ex Consilii sententiâ, quoniam judicio suo per atatem non poterat, cuncta facere. Post paulò quàm Massiliam advenerat, adornatâ Classe Prætoriam conscendit, navesque longas cum grandioribus bellicis duodecim Tarraconem duxit, sicuti urbem hanc Condæus esset oppugnaturus: quod ubi hostibus satis persuasum, atque eò versùs duxerant copias, Classis in Provinciam rediit, Condæus verò ad Ilerdam contendit, quò primum Juvenis usquè felicissimus offendit, sicuti postea memorabimus.

Interea quinque naves quæ in eo freto stationem habuerant, quod Ilvam Insulam ab continenti dirimit, Plumbinum inter, & Longonis portum, Neapolim cursum tenere: his præerat è Melitenfi militiâ Polus,

Polus, cujus nomen virtus magis, quàm genus, aut majorum imagines nobilitavere. Is rei navalis scientissimus improvisò adveniens naves aliquot ad ipsam Neapolitani portus molem applicatas deprehendit, abduxitque, ac magnum Urbi terrorem iniecit. Eò res primùm Proregi a Roderico Ponseleoni Arcosio Duci incredibilis visa, donec ipse ad portum venit, & Poli naves fuere in conspectu. Ibi verò festinare, parare, atque tantam audaciam Gallis haud impunè esse velle. Ex omni navium quæ in portu erant copiâ grandiores bellicas sex, quinque remes decem ornari, atque instrui jubet, cujus rei in Urbe armis, virisque opulentâ, atque è regiis navalibus summa facultas fuit.

a Roderico
Ponse de
Leon, Duc
d'Arcos.

Id adeò eâ nocte confectum, atque postridiè cum lucefceret, portu egrediebantur. Bellicas grandiores quæ velis modò aguntur remulco quinquere mes trahebant, neque tùm his, aut illis ulla venti copia, quod nostris grave, hostibus contrà erat, quorum naves remis pars suis, aliæ alienis agebantur: has pleraque nobilitas, atque delecti è Juventute urbanâ conscenderant, bonæ spei pleni, quoniam & numero, & genere navium præstabant: præterea animos faciebat omnis effusa ad spectaculum multitudo, & suorum unicuique necessariorum conspectus, ut in tantâ quæ aderat frequentia, nullum bene, aut turpiter factum latere posset. Gallicarum immensa navium corpora quoniam venti inopia erat, immota manebant, neque duci, aut circummagi sicuti res moneret, faciliè poterant. Nam ea ferme navalis rei ubi pugna instat, peritia est, uti quâ parte ventus ingruit, in eam naves cursu obliquo ferantur, undè in hostem quàm maximâ vi venti sicuti impetu factò præcipientes ruant.

Hujus rei cum hostium naves portu egredierentur, nulla nostris spes erat, atque in tranquillo hostium actuariis æqua omnia fore videbantur. Iliciam Insulam tunc cum maximè superare contendebant; cum tenuis primùm ventus exortus momento temporis increbrescere cœpit: huic Neapolitanæ naves obnitebantur frustra, atque remigum operâ parùm proficiebant. Igitur nostri tempestatem ex sententiâ nacti incendiarias quas habebant duas præmittunt, quæ duabus Neapolitanis applicarent sese, easque ac fortè plures incenderent, reliquæ subito subsecutæ. Jam eò pervenerant, undè tormentum adigi posset, cum hostes conversis navibus Neapolim versùs fugam intendere: nostri acriter persequi, & cum assequi nequirent velis, remisque capefcentes fugam, tormentis quod unum eminùs fieri poterat infestare, donec hostium conspectum nox ademit. Iis Prorex cum rem secus cedere è portu animadvertisset, quò cum cæterâ multitudine steterat, quinquere mem subsidio misit, & qui Classi præerat, ei suis verbis nuntiari jubet, uti nusquam nisi victor rediret. Eo metu ad pudorem qui ex fugâ haud exiguus inceserat, addito, totam noctem apparandis ad crastinam pugnam navibus agitavere. Ubi verò illuxit, naves evexere in altum, actuariis rursùm majora navigia remulco trahentibus, atque hæc ita constituere, ut eorum latera nostrarum lateribus adversa,

1647.

atque proxima essent, nihil in velis, armamentisque præsidii, quoniam nulla venti copia, omnis spes in virtute posita erat.

Tormentis igitur, atque sclopetis agere cœpere: interea quinque-remes Neapolitanæ circumagi, atque aliâ parte naves nostras tormentis oppugnare, nam hostibus expropinquo decertare, aut prælium manibus facere nusquam in mentem venit. Dies quinque eo modo pugnatum, nisi ubi nox prohibebat: die sextâ navigia majora septem, atque quinquereimis una ab Prorege amplius subsidio Neapolitanæ Classi missa, quæ res denique Polum tanto navium numero imparem abscedere coëgit. Tredecim majora navigia, actuariæ duodecim hostium fuere, Polus sex omnino naves, atque incendiarias duas habebat, quas omnes incolumes reduxit in Provinciam, atque ad cæteram Richeli Classi adjunxit: hostium non pauci desiderati, complures vulnerati, item vulneratæ, atque pessimè habitæ aliquot eorum naves, postremo ex eâ expeditione Polum magna laus secuta est, quæ tamen sicuti pleuraque alia quæ mari geruntur, nullius ad rempublicam momenti fuit.

Incunte Maio Ludovicus Rex, atque Anna Regina mater, omnisque Aula profectionem ad Ambianos adornabat, ut eò in Regni finibus aliquandiu commorarentur: nam haud ita procul hostes multa moliri fama erat, ac de Armentariâ ad Legiam amnem quoniam dolus secus cesserat, oppugnandâ cogitare. Igitur Mathæus Molæus primarius Senatus Præces cum aliis Præsidibus, atque Senatoribus uti sui Ordinis verbis vale dicerent Regi, atque Reginae matri ad eos adire. Quod postquam est factum Molæus hos edocendos existimavit, quantum ad rem publicam pertineret Decretum quoddam Inquisitionis Romanæ, quod in vulgus Pontificis Nuntius nuper ediderat. Id in librum *DE AUTORITATE PETRI, & PAULI* fuit: præterea in librum alterum *DE ECCLESIAE MAGNITUDINE SUPER PETRI, ET PAULI, AUTORITATE FUNDATA*, quibus duobus libris hos æquales fuisse, in eadem Cathedrâ sedisse, Apostolorum, atque omnis Ecclesiæ principes fuisse ex Patrum, Pontificum ipsorum, atque Conciliorum sententiâ satis, superque probari plerisque videbatur, neque eò tamen duos in Ecclesia summos Pontifices post-hâc esse posse, sed amborum Apostolorum potentiam in unum Pontificem Romanum recidiisse, ac porro futuram. Romæ tamen visum ex eo posse quosdam adduci, uti crederent duos in Ecclesia Pontifices summos creari posse: quò factum est, ut his libris si omnimoda inter Petrum, & Paulum æqualitas fuisse intelligeretur, sine subordinatione, & subiectione Pauli ad Petrum in potestate supremâ, & regimine universalis Ecclesiæ, id hæreticum esse Inquisitionis Congregatio his omnino verbis decerneret, cæterum hos libros ab Antonio Arnaldo de quo supra memoravimus, scriptos, atque editos fuisse aiebant.

Super hoc Inquisitionis Romanæ decreto Talonus Actor regius Senatum edocuit. *Inquisitionis Consilium, seu Congregationem sese universalem prædicare, quod quidem res quoddam, atque judicium huic esse ubicumque*

terrarum ostentaret, certè usquè adhuc ignotum in Gallia, nec de quo convenire usquàm possimus, multis gravibusque de causis, ac magnoperè ad rempublicam pertinentibus. Quæ ab ipso Pontifice de fide, ac fides ipsius doctrinâ proficiuntur ex formulâ (Bullas appellant) ea nobis summo in honore, ac pro legibus esset, modò ut in Senatu recitata sint, atque in Acta hujus relata: sed hujusmodi Consiliorum, aut Congregationum Decreta non eodem modò haberi, quæ sicuti Doctorem Consulta modò esse videantur, quibus stare nequaquam teneamur. Præterea quæ Nuntius huic Decreto adscripserit, sese videlicet Nuntium non modò apud Regem, sed & in universo Galliarum Regno esse, quem Pontifex jussit Inquisitionis Decretum isthic edere, atque ad Nuntiaturæ suæ Ordinarios hujus exempla mittere, sicut in Acta Nuntiaturæ suæ relatum sit, isthæc enimvero ad parandum sibi in Gallia jus, judiciumque, aut ut id jam antehæc paratum ostendat, pertinere, rem inauditam usque, atque insolitam. Non alias isthic Nuntius Pontificii, quàm aliorum Legatorum partes esse, scilicet uti quæ ab Principibus suis jussi sint, ea apud Regem agant: cum cæteris nedum cum universo Galliarum Regno nihil ipsis esse negotii. Nulli civi quidquam publicæ rei cum Pontificis Nuntiis, sicuti nec cum aliis Legatis aut consultare, aut agere fas esse. Nuntiaturam Magistratum Pontificium in Gallia non esse, & qui hanc gerat, eum nec imperii quidquam, nec juris, aut judicii in quemquam habere. Quæ igitur Nuntius hujusmodi Inquisitionis Decreto in vulgus edito adscripisset, ea conficta esse, sicut & Nuntiaturæ suæ Acta Tabulis consignata, quibus tamen rebus Senatum obviam ire necesse videatur, ut ne ille isthæc omnia sibi quoniam de his taceretur, concessa putes. Romanos perinde ac majores suos potentia avidos, cujus in consimilibus animis tamen in rebus dissimilibus eadem libido sit. Postremò Senatûs Decretum fit, ut ne qui Archiepiscopi, Episcopove, aut alii in Gallia Inquisitionis, alteriusve Congregationis Romanæ Consulta, Acta, Decreta, ac ne Bullas quidem, aut alia ab Roma profecta accipere, edere, aut exequi velint, præterquam ex Regis Edicto in Senatu promulgato, interea Decreti Inquisitionis exempla omnia conquirentur, & ne cui hæc penes se habere liceret.

Hoc anno demum Anna Regina Britanniam provinciam sibi sumpsit, sicuti Britannorum precibus fatigata, quod eam rem sibi salutem, atque ornamento fore probè intelligerent. Fuere qui Mazarinum eo pacto hanc obtinere voluisse provinciam dicerent, quam tamen Melleraius sicuti Reginæ Legatus porro administravit, neque quid lucri Mazarino fuisset huic provincie absentem præesse haud satis capio, cui omnis respublica ab Reginâ permissa sit. Sed illa modò ex omnibus Regni provinciis neque vectigal Regi pendere, neque quod cæteris provinciis gravius est, aut Quæstoribus, aut Publicanis, aut huic omni hominum generi, quod malo publico alitur, prædæ esse: id adeò eorum gratiâ, & potentiâ qui hanc obtinuerunt, factum esse Britanni satis sciant, quò magis Britanniam Reginæ provinciam esse studebant. Si quid in rempublicam Rex ab hac conferri vult, id dono datur, atque accipitur, eò Concilium provincie habetur, Eccle-

1647.

fiastici, Nobiles, atque Plebei conveniunt, quid Regi donandum, quoque pacto id efficiatur inter se consultant, cujus rei gratiâ quæ sibi ipsis imposuere antehac portoria, atque vectigalia, ea augent, super vino ut plurimum, quo advectitio quoniam humus præterquam apud Nannetes viti infœcunda est, utuntur.

Interea Ludovicus, atque Anna mater Compendium ad Esiam amnem advenerant, quò nuntiatum est hostes Armentariam oppugnare: ea res Aulam ad Ambianos pergere coëgit. Jam antea quoniam copiarum haud satis esse hoc anno videbatur, ut ex pristina gloria, atque famâ res publica gereretur, Gasto nullam sibi belli partem attingendam esse decreverat, atque adeò ad Gassionem, & Ramfaviium Equitum Tribunus, qui ipsi antehac Legati fuerant, summa imperii redibat. Sed inter hos jamdiù simultates, atque odia fuere, quæ res multas opportunitates corrumpit. Gassio apud Curtracum hyemaverat, quò arcem properabat ædificare, cùm hostes circum Armentariam esse nuntiatum. Igitur relicto in hybernis Bergeræo fratre, qui opus maturaret, ipse cum centum & quinquaginta modò equitibus Bethuniam per media hostium præsidia contendit. Eò jam copiarum quidpiam advenerat, quas ad Mervillam duxit, quò stativa habuit, interea dùm cæteræ omnes copię convenirent: hæc undequaque accersitæ properabant accedere, quia tamen paucæ erant, id magnopere sollicitum habebat Mazarinum, metuentem ut eâ parte hostium conatus sustineri possent.

Ad hoc pudebat quos ultrò lacescere solebamus, eos ad oppugnanda quæ tenebamus oppida satis valere, ac varii eâ de re vulgi sermones erant. *Exhaustum anno proximo Ærarium, bello quod in Italia terrâ, marique gestum sit, atque incepto duplici, quorum alterum fœde, alterum feliciter evenerit, quò fama quidem rei primum corruptæ recuperata, cæterum conduplicatus instaurando exercitui, & Classi sumptus, qui jam ad Belgicum bellum fieri vix possit. Italicum procul ab Urbe, atque orbis terrarum prope diversissimâ parte gestum. Belgicum in ipso Urbis conspectu, aut certe vicinâ geri, quod adeò ad hanc magnopere pertineat.* His atque aliis hujuscemodi Mazarinus impulsus, tantò studiosiùs providere, atque facere omnia, festinare, parare, cunctos qui circum Regem, & Reginam erant nobiles, hortari uti necessàrio maximè tempore reipublicæ subvenirent, ad castra ire ne gravarentur, fortem patriæ, atque Regi navarent operam, qui ad Regis custodiam equites adesse solent, eos propè omnes ad castra mittere, postremò nihil omnium quæ usui essent omittere.

Interea dùm hostes Armentariam oppugnabant, Gassioni, & Ramfavio Equitum Tribunis aliquid conandum Mazarinus censebat, seu oppido ferrent suppetias, seu aliud in Regis Hispaniæ ditione oppidum tentarent, atque hoc quidem magis placebat, & ut Ypras oppugnarent, autor erat, magnam, sed haud satis firmam, ac munitam Urbem. *In eo maxime per id bellum Hispanos offendisse, quodd Gallicæ ditionis oppida non oppugnaverint, quoties sua Galli oppugnabant: nam hanc certam propo*

esse damni vitandi aut sarcinulæ rationem : vitandi si hostis inceptum suum omiserit, ut item tuum te omittere cogat : sarcinulæ si illo non omitente, ita tu nec tuum omiseris, quod aut confectum eodem spatio erit, aut tuis intereâ probe munitis castris vix hostes hæc expugnare, atque oppido ab te oppugnato ferre suppensas poterunt.

Armentaria ad amnem Legiam utrimque posita est, ingentis vici magis, quam urbis instar: hanc satis magna incolit multitudo, cui ex lanificio quæstus: perindè ac majora oppida immunis est, Dominum habebat Egmondanum, qui per hæc bella ad Ludovicum ab Philippo defecerat: oppidum cingit fossa, quam Legiæ aqua subit: hujus fossiæ latus externum via tecta muniebat, quâ militi tutò commeari, & propugnare copia est, id modò firmi nostri habuere, quod si hostis expugnaret, fossam transgredi, & vallum qui pro muro erat, transcendere ne Equiti quidem difficile videbatur, nam recens congestus agger haud satis coaluerat: quatuor erant præterea ex aggere semilunæ, prorsus omnis spes in virtute militum, & Præfecti posita: is erat Jacobus ^a Rugæus Belieroplessius item Castrorum Præfectus. Oppidum nostri biennio ante fine æstivorum vix totum biduum oppugnatum ceperant, quod nunc duodeviginti hominum millia circumstidebant: his Picolominius, Lamboius, Beccus ^b Bucuius, atque Caracena Duces egregii, strenuique præerant: Stephanus Gamarra Hispanus rei tormentariæ in Belgio Præfectus, atque Lipontius Italicus VI. Id. Maias cum tribus hominum millibus, pars pedites, alii equites fuere, ad oppidum qui rem aggredierentur præmissi fuerant.

^a De Rougé,
Marquis du
Plessis Bel-
liere.
^b Le Comte
de Bucquoy.

Sed equitatus Eterræ portam versùs propior factus nostros excivit oppido, pedites vimineis doliis terrâ oppletis tecti, vinearum genus esse videtur, longiùs substiterant: at utroque Belieroplessius centum & quinquaginta omnino equitibus fretus propulsavit, & ab vineis longiùs abegit: dein inter macerias, quæ circum oppidum sunt velitationibus biduum absumptum, donec eâ nocte quæ XVII. Calend. Iun. antecessit, fossiæ ad oppidum duci cœptæ. Id quatuor ab partibus factum, locataque viginti duo tormenta, hostes objectis vineis opus maturare, nostri sicut hos & ipsi oppugnaturi essent, ad eos versum fossas confimiles ducere, qui propugnandi modus egregius non nisi ab fortissimis viris, & præsidio valido, atque ad eò usurpari rarè solet: XV. Calend. Junias sclopetarii sexaginta, equites triginta amoris equis, sclopetis brevioribus de more instructi, præterea falcibus inversis eruptionem fecere: qui eâ parte in statione fuere hostes, ii fusi, fugatique, capti Centuriones duo, quorum alter graviter vulneratus, vineæ disiectæ, fossiæ, atque omne munitionum opus corruptum, cratium, viminum, virgultorum, atque hujuscemodi materiæ magna vis igne absumpta, ipsa tormenta in potestate nostrorum fuere, at defuere quæ hæc avererent jumenta.

Triduò post quâ parte Helvetii qui Regi mercede militant, habebant stationem, facta iterum eruptio: octoginta fuere Lensburgero

1647.

Vexillario duce, fuère & Galli sexaginta duce Surino è Breziacâ Cohorte, qui in hac eruptione graviter semur glande vulneratus est: postquam hi glandes sclopetis miserant, hostes eos pulsum iri faciliè arbitrati acriter instare, nostri primùm resistere, ac sustinere, dein hostem pellere: jamque omnis erat ea statio ab his deserta, nostrique eo locata tormenta moliri, atque avehere nitebantur, sed id frustra tentatum, fatiscentibus qui rem suprà vires aggressi fuerant: ab externo intereà fossiæ latere, nam id modò nostri in via testâ locati fermè tutati sunt, perpetuò glandes in hostium propiores stationes misère, in quibus nihil tutum esse patiebantur.

At Leopoldus cui Belgium provinciam ab Philippo datam esse suprà memoravimus, rem apud Armentariam sese per Legatos confecturum confidebat, neque hanc satis dignam operâ suâ deputabat. Ubi tamen lentius procedere intelligit, huic maturandæ postremò X. Calend. Jun. in castra venit: nostris ob ejus adventum strepitu in hostium castris factò spes oblata auxilii est, nam & eodè tempore ab Gassionis, & Ramsavii castris, qui propiùs accesserant, tormenta exaudita hos haud procul abesse significaverant: dein noctu ex utrisque castris aliquo intervallo collucebant ignes, uti diversa castra haud longè inter se distantia satis dijudicarent. Admoniti tamen nostri ab quatuor militibus Gallis, qui antehàc capti ab hoste in oppidum profugerant, nihildùm ipsis auxilii sperandum IX. Calend. tertio erupère. Quinquaginta Helvetii fuère, quos hastati duo, triginta è Navarricâ Legionè pedites, quos item duo hastati ductavère, prætereà equites triginta, qui pedibus sicut antehàc falcibus instructi pugnavère: ad hoc malogranatorum (missilis ignis genus est) jaculatores duodecim: postremò qui hostium opera disjicerent triginta, idoneis ad eam rem instructi ferramentis: hæc eruptio perindè cessit, ac priores duæ: centum & quinquaginta hostes cæsi, opera eorum disjecta eâ parte, ac solo æquata.

Nihilo tamen segniùs Leopoldus agere, quæ disjecta, & corrupta fuerant, ea restituere, nihil nostrorum impetu, atque virtute ab incepto deterreri, quoniam omni spe auxilii ademptâ hos deditionem facere denique necesse erat: quod eò maturiùs factum iri intelligebat, quòd ab transfugâ certior factus fuerat, in oppido multa ad diuturniorem propugnationem deesse: hic pulveris tormentarii, cæterique ad rem tormentariam instrumenti inopiam esse indicaverat, pilas quæ tormentis mitterentur non ferreas de more, sed lateritias esse, & plumbo oblitas, quo solita gravitas inesset. Igitur Leopoldus per Tubicinem de deditione Belieroplessium compellavit, significavitque hæc sibi nota esse, sed is nondùm ex sententiâ respondit. Postridi nostri quartò erupère, malogranatorum jaculatores quindecim fuère, sexaginta cum falcibus equites, è Prætorianis, Navarricâ Legionè, & Breziacâ Cohorte sclopetarii nonaginta, tantumdè ex Prætorianis in subsidiiis fuère: hi omnes secundâ vigiliâ oppido egressi quàm proximè hostium

stationem tres horas delituere: qui in subsidiiis erant, paulò longiùs resistere: dein signo tormenti strepitu ex oppido dato subitò conlurgunt, neque segniùs hostes eòdem tormenti, prætercà sclopetorum strepitu excitì extrà munitiones procedunt: nostri repetitâ multoties glandium ab sclopetis missione hostes abscedere cogunt, trecenti ex his desiderati, cæteri ad Munitionem in quâ tormenta locata erant, sese recepere, quorum pilis subitò emissis impetum nostrorum inhibuere: quindecim omninò ex his cæsi, quinque vulnerati, inter quos a Lagebastonus Brevillius Procenturio, qui primos ductaverat.

a Du Breuil
Lagebaston.

Sed hæc gloriosa profectò, cæterum ad prohibendam oppidi expugnationem haud satis valebant, cui deditone modò antevertere copia erat: quoniam verò in bello fortuna plurimum potest, hanc Belieroplessius opperiri decreverat, si fortè in Gassione, atque Ramfatio quid auxilii foret: eò tempus ducere, atque prolatare deditonem: prætercà Regis opes hoc anno haud aequè ac proximis firmas, quamdiù apud Armentariam hostis attineretur, tamdiù id reipublicæ salutis fore probè intelligebat, eò tempus lucri faciundum, nam interea & hostium copias minui, neque his per reliquum æstivorum aliud quidquam gerere copiam fore. Contra Leopoldus maturare rem, pudore, atque irâ stimulari, quod ante oppidum unâ propè dicantehac ab nostris captum tamdiù cum tanto exercitu sederet, nequedùm fieret deditio.

Itaque de tertiâ vigilia ante diem VII. Calend. Jun. ad semilunas quatuor admovet copias, in quibus quoniam neque palorum ordo, qui succedentes, neque cervi qui subeuntes arcerent, uliquàm erant, nam cuncta hæc hostium tormenta disjecerant, in summum evadere facile fuit: sex modò in una quaque milites fuere, ne omninò desertæ viderentur, cæterum ubi hostis adventaret, ad oppidum sese recipere iussi. Igitur nullo negotio semilunas hostes ingressi sunt: at continuò ex oppido tanta vis glandium sclopetis in superstantes emissâ, uti loco cedere, & semilunas vicissim deferere cogerentur, tantaque his ex glandibus pernicies extitit, ut avehendis qui eâ peste perierant, diem unum inducias hostes petierint. Sed id propugnandi genus tantam pulveris tormentarii vim absumpserat, uti quò porrò propugnantes uterentur, nihil propè reliqui esset, quâ necessitudine adductus Belieroplessius, atque opportunè ab Leopoldo de deditone compellatus ex sententiâ denique respondit, atque oppidum pridè Calend. Jun. dedit.

Præfecto, Propæfecto, Quæstori, atque Centurionibus abeundi cum omnibus rebus facta potestas est, arma adempta præter gladios, quibus de more succincti abirent, cæteri retenti: hostes contra pacatorum fidem captivorum res retinere, item Quæstorem, fratremque ejus, æris alieni specie, quod alendo præsidio in oppido conflaverant. Leopoldus sese captivos si Regi videretur, permutaturum edixit, mille, & septingenti fuere. Cæterum Belieroplessius eo damno accepto clarus factus, atque ab Reginâ collaudatus est, quod tam egregiè in

1647. loco infirmo propugnasset. Profectò haud aliàs cujusquam virtutem ni res prosperè evenisset, laudari memini: sed nobis res adversè magis, quam secundè æquà noscere suadent, docentque virtutem ab fortunà secernere. Trecenti in oppido, quatuor millia in hostium castris aut cæsi, aut ab vulneribus, morbisve interiëre. Id modò hostibus, atque ipsi maximè Leopoldo gloriosum, quod ubi provinciam administrare cœperat, loca ab nostris capta sese recipere posse ostendit, nam & Cominium Castellum ad Legiam, dein Lentium ipsi sicuti Armentaria dedita sunt.

Intercà Condæus in Catalonià dùm sese Tarraconem oppugnare velle simulat, atque eà causà naves apud Barcinonem morari jubet, commecatam, atque cætera quæ usui forent Cerveram contulerat, quò edixerat uti copiæ convenirent. Cervera æquo ab Tarracone, atque ab Ilerdà spatio posita est, neque eò copiarum profectio quidquam hostes ab eà quam de Tarracone ceperant opinione avertebat: eodè Condæus ipse profectus est, postquàm ad Montisferrati-Fanum rei divinæ faciundæ diverterat, ut ne quid inauspicatò inciperet. Fanum id totà Hispanià celebre, quò confluere solent omnis generis multi mortales: B. Virgini Mariæ sacrum est, ab quà propè neminem frustrà auxilium petiisse, quin id ab Deo Opt. Max. impetraverit, vulgò creditur. Sed quò id sapiùs hoc in templo homines experti sunt, eò plura appensa illic, aut in sacrario reposita ingentis pretii dona videas. Ubi primùm Condæus Cerveram advenit, Marfinum Legatum cum aliquot equitibus, peditibusque ad Villanovetam præmittit, qui Sicorim iis ratibus quas secum plaustris vehebat, paulò suprà Ilerdam jungeret.

Præmissus item est Colinius Castillonus, qui equitatu præerat, uti Sicori apud Balaguieram ponte traiccto, dein vadato Noguera, cum parte equitatus ultrà Sicorim hostes Ilerdà prohiberet, intercà dùm Condæus cum cætero equitatu, peditibusque, & reliquo graviori agmine subsequeretur. Tùm coorta in vicinis montibus tempestas nives proluerat, quæ auctus Noguera altior, atque citatior fluebat: quò factum est, uti qui primi amnem ingressi incerto vado, ii aquarum impetu, vorticibusque abriperentur: dein objecti equites vi fluminis, carrique placidiorem infrà alveum fecerunt: ita tradueto primo, ac secundo agmine binis eà parte castris Condæus Ilerdam circumfedit, unis ipse, alteris Gramontius Equitum Tribunus præfuit, hæc Fragam, illa Alguairam versùs fuëre: dein quoniam longiusculè inter se aberant, tertia minora instituta, quartis cis Sicorim Marfinus præfuit. Biduo castra munita, neque id Regi sumptui fuit, milite operam in eo suam Imperatori gratificante, quod præter morem, atque disciplinam fuit, neque operis quidquam miles nisi mercede facere antea solebat, tamen per hæc bella usu denique invaluit, uti castra sine pretio munirent, quoniam id ad singulorum salutem pertinet.

Munitis castris maturè ad arcem oppidi fossiæ duci cœptæ: hæc est in edito sita, aditu difficilis, quoniam subiecta hostium oculis, telisque omnia

omnia circum sunt, neque clam moliri quidquam, aut facere quod in bello plurimum valet, copia erat: hi interea saepius erumpere, nostros operi intentos perturbare, multa conari, nonnulla efficere: nec eo scilicet Arci est appropinquatum, applicitique ad Glaciarium cunicularii. Eo frequentius hostes sclopetis glandes mittere, quibus caput ictus a Valiera è Meliteni militia Castrorum Praefectus occubuit. Is rei militaris atque muniendi apprime gnarus, praeterea vir fortis, atque impiger egeriam dudum Regi navabat operam, quo majus in eo damnum factum.

a Le Chevalier de la Valliere.

In oppido tria peditum millia, atque amplius sexcenti equites fuere, nisi quos ubi eruptionem fecere nostri ceciderant: semel improvisò advenientes stationem nostrorum pepulerant, fossas, munitionesque transcederant, atque loco potiebantur, ni Condæus properasset accedere, qui de more hostes fudit, fugavitque. Sed hi diutius quam ratus erat propugnabant, nam plusquam mensem unum circum Ilerdam confederat, nequedum aut deditionis, aut expugnationis spes ulla erat, cum interea milites in castris obsidionis tedium cepit, quos videlicet per aestatem in his regionibus praeservidam aestus immodicus consumebat. Itaque dilabi in dies eo facilius, quod hostis per fines suos hujus rei potestatem faciebat.

Quod ubi animadvertit Condæus, neque se Hispanis si castra oppugnatum veniant, simul & oppidi praesidio si erumpat, longè parem fore, sibi abscedendum esse constituit, agrè quidem, quippe vincere solitus, & fortunam incusans, quæ sibi tum primum defuisset: nam quæ Imperatorem decuerat, ea satis provisa, militum levitati, neque se, neque quemquam omnium mederi potuisse. Fuere in castris qui sese perditos arbitrarentur, neque Condæum etiam si certa pestis adesset, usquam commissurum, uti se metu cessisse fama ferret: neque certè metu, sed consilio discessit.

Nam qui exercitus ducant, eos non inani gloriae servire, sed rei publicae consulere decet, quam per vanam audaciam, æquè ac per metum labefactare flagitium est. Apud Fragam duodecim peditum, tria millia equitum fuere, partim quos Philippus tuendis finibus scripserat, alios ab Lusitaniae finitimis regionibus nuper evocatos, alios denique quos Joannes Austrius Classe Tarraconem adveherat: tanta res Hispanis visa Ilerdam retinere, nec injurià, nam eo stativa commoda, firmaque, atque ipsis super Sicori pontis copia est, quò in Catalonia exercitus traducere huic recipiundæ possint. Cæterum Condæus advectis tormentis, impedimentis, atque omni qui multus in castris erat commeatu, ultrà Sicorim haud longè ab Ilerdà restitit, ut ne pugnae conferendæ metu decessisse videretur, dein firmatis omnibus quæ ultrà Sicorim erant in potestate locis, amnem transit, atque ad Lesborges contendit: eo stativa habita, munitaque, in quibus pars copiarum praesidio adversum hostes, qui apud Fragam erant, aliæ in Tarraconensibus campis praesidio adversum Joannem Austrium, qui cum Classe apud Tarraconem erat, agitavere.

1647.

At in Aulâ, atque in Urbe incredibile memoratu est, quantum gaudium fuit Condæum offendisse. Nam plerique quam virtutem imitari nequunt, ei miserè invident, ac multi sunt qui rem publicam corruptam malint, quàm ex hac benè gestâ alteri gloriam accedere. Itaque continuo super eâ re carmina haud infaceta fieri, atque cantitari, his urbs, atque Aula personare, nihil pudor, atque viri Principis verecundia, nihil ex republicâ labefactatâ dolor valere, plus Aulicæ, atque Urbanæ juventutis, & vulgi lascivia, ac petulantia posse, donec hanc Edicto coercere consilium fuit. Obstitere Condæi clientes in Urbe, ex hujus sententiâ, seseque ultrò ipse cantitabat, satis gnarus, ea ubi neglectui habeantur, citius desinere, ubi prohibeas cupidius fieri, eoque perdurare. Prorsus id ætatis in eo & audacia, & consilium, atque alia Principe viro digna erant, nec usquè fortuna defuerat. Audaciæ multa, atque ingentia documenta dederat, tunc verò prudentiæ, cui audacia ob stare videtur incredibile specimen edidit, uti consilio non impetu, aut casu, quæ antehac gesserat facta nemo amplius dubitaverit. Sed vitio nostro evenit, uti virtutem hominum vix in adversis videamus, nam tùm obscura, in secundis illustris, & splendida est.

Intercâ dùm Leopoldus apud Armentariam, circûmque ea loca stativa habuit, nostri apud Gorgum quod ad Legiam est, atque apud Bethuniam habuere castra, parati, intentique si quò tenderet hostis, hunc antevenire, aut si minus possent, eundem subsequi, atque attingere, ut ne quid operæpretii faceret. At quoniam vix satis copiarum in Gassionis, & Ramfavi exercitu fuit, placuerat ex præsidis eorum locorum, ab quibus longius abesse periculum videbatur, milites accersere, Helvetios quingentos ab Atrebatibus, Gallos sexcentos ab Landrecio, quos *a* Subletus Hudicurius oppido Præfectus invitatus, nec nisi jussus iterum dimisit, quæ res ei denique sicuti providerat, fraudi fuit: nam hostes facti certiores præsidium apud Landrecium imminutum, postquam res alias agere se simulaverant, postremò eò contendere.

Gassioni, atque Ramfavo satis placebat prælio decernere, atque ita Hispanorum consiliis occurrere: sed aliter Mazarino videbatur, qui nihil fortunæ permittendum rebatur, intercâ dùm de pace agebatur, sed attingendos modò hostes, ut ne quid operæpretii facerent, hi V. Calend. Quintiles circûm Landrecium quinque castris consedere. Id oppidum ad Sabim amnem est, naturâ loci, atque opere munitum: præ hujus amplitudine præsidium exiguum, quoniam pars militum abducta fuerat. Continuo castra probe ab hostibus munita, convectusque assatim conmeatus. Nostri eodem post quatríduum profecti pulso apud Castillonem Becco Sabim transiere, atque ad munitiones hostium accessere. In eas, castraque viginti tormentis emisit pilæ plus terroris quàm periculi fecere, cæterum cum è duabus partibus nostri auxilia in oppidum introducere tentassent, frustra fuere: nam neque fallere neque munitiones perrumpere copia fuit.

Ibi Mazarinus factus certior ab *a* Montecarlo Durlani Præfecto

a Sublet
Marquis
d'Heudi-
court.

a Montecarlo
Gouverneur
de Doullens.

paucos defensores apud Bassicam, atque apud Dixmudam esse, habito cum viris Principibus, atque Equitum Tribunis, qui tùm ad Aulam erant, consilio, præter omnium qui aderant sententiam Reginae persuadet, scribendum ad Gassionem, & Ramsavium, uti relicto in Regni finibus Henrico Fertæo Sanneftario, cum duobus peditum millibus, atque equitibus mille ducentis, ipsi ad Bassicam, atque ad Dixmudam cum cæteris abeant copiis: Gassio Bassicam, Ramsavius Dixmudam oppugnet, quas deditum iri non dubitet, priusquàm hostes Landrecio potiantur. Isthuc utrique fieri non posse visum, nam qui conjuncti ad alterum inceptum vix pares essent, eos diversos rem utramque aggredi Regina jubebat, parendum tamen fuit. Igitur movent castra, absceduntque: hostes agmen extremum carpere, nostri haud timidi resistere, ac propulsare, quod quidem noctu fiebat. Ast ubi illuxit, Picolominius cum quatuor equitum millibus, & sclopetariis mille instare acrius, atque tormento uno quod fortè luto inhæserat, fatiscientibus quæ vehebant in tenaci humo jumentis, potiri velle: obstitit Gassio, & cum eo unà Robertus Palatinus vir Princeps, Quincæus, atque alii: accurrit eodè Ramsavius quò pugnatum acriter, & plerique hostium cæsi, cæteri pulsi. Dein Gassio, atque Ramsavius diversi abièrè, hic ad mare, ille ad Legiam versùs, quæ res hostes sollicitos habuit. Nam quid nostri molirentur incerti misèrè qui subsquerentur, & observarent, & si quò oppugnandi causa diverterent, eos antevenirent, atque oppida defensuri ingrederentur. Ubi Gassio per Atrebatium fines ducit, neque procul Bassicæ erat, miles gregarius quidam Gallus nuper oppido egressus ad eum venit, fecitque certiorè centum modò, & sexaginta milites in præsidio esse, præterea ex agris propinquis trecentos armis instructos, haud satis firmam ad propugnandum manum, quo denique pernovit Mazarinum haud temerè ad Bassicæ inceptum animum adjecisse. Eò igitur properè ducit, & IV. Id. Quintiles circum oppidum castra ponit, munitque, dein quæ oppugnantibus usui sunt fieri cœpta. At III. Id. hostes qui Gassionem erant subsequuti, ad vallum accessère, quâ parte Stampæus Fertimbaltius in eo exercitu Legatus curabat: illi ubi castra munita, neque nostros animo omisso esse cognovèrè, postquàm eminùs modò cum statione quæ pro castris fuit pugnaverant, abièrè denique.

Ramsavius intèrè Clanlevium Castrorum Præfectum Dunkercam miserat, qui indè & tormenta, & commeatum, & materiam pontibus exstruendis Furnas, dein Dixmudam versùs adveheret. Ab Dunkercâ ad Furnas, atque ultrà navibus per fossas, atque amnes facilè cuncta subvehere copia est: adduxit & milites mille sexcentos, quibus fretus turrim apud Knoequiam cepit: tùm Ramsavius hunc properare Dixmudam versùs jubet, qui opportuna circum oppidum loca prohibendis auxiliis antecaperet. Haud procul Neoportus est, quâ parte Bergeæ us Gassionis frater ab Menene cum copiis quas ab hujus oppidi, atque Curtraci præsidii eduxerat, agitare jussus, ne quid illac

1647.

subsidii Dixmudam intromitteretur, is equites octingentos, paulò minùs peditum habuit. V. Id. Quintiles Ramsavius circum oppidum posuit castra, quæ quoniam sicuti res monebat in ea regione fossis ac rivis concisa plura fuisse: magis ut inter se pervia, quam ut adversum exteriorem hostem munita forent, est laboratum: nam rem ante confectam fore Ramsavius confidebat, quàm hostes idoneo ad subveniendum numero adventare possent.

Postridiè pernoctandis oppidi munitionibus Ramsavius, atque Clanlevius quàm proximè fossam ière: hic regrediens glande leviter humerum ictus est: semiluna eà parte triplex fuit ad quam ab urbis vallo pons pertinebat: dextrâ, lævâque semilunæ aliæ, quas omnes oppugnare nostri primâ nocte aggressi sunt. Igitur eò procedunt aggere ad complendâ fossâs, bipennibus ad perfringendam omnem ex materiâ munitionem, vimineisque ad muniendum ubi loco potiti essent doctis, cæterisque quæ usui erant, probè instructi. Itaque perruptis, excisisque omnibus quæ adscensum prohibebant, tametsi hostes glandibus, saxis, atque alio omni telorum genere propugnarent, in semilunas evasere, ab quibus dum hostes abscedunt, & properè per pontem recipiunt se, nostri cupidius inscuti, pluresque quàm pons & capere, & ferre posset superstantes, cum eo simul in fossam præcipitavere.

Primi cum hostibus unâ vallum erant ingressi, quæ res & præfidiariis, & oppidanis magno terrori fuit. Intercà in semilunâ locus ab nostris est munitus, atque comportatus quo fossa compleretur agger, quibus rebus hostes adducti deditionem fecere. Quingenti milites erant, qui se, suaque Ramsavio permisere: hi captivi facti, oppidani de more benignè habiti. Nigromonasterius, atque Clanlevius castrorum uterque Præfectus hic humerum, ille brachium vulneratus est, dum ambo complendæ inter semilunam, & vallum fossæ operam dant, opusque maturare jubent, item *a* Gravius, cujus aciem instruere munus fuit, *b* Lavallus verò Nigellæ Baro Marchionis filius unicus tormento ictus occubuit, ac denique *c* Labrossæus in Pedemontana Legione Centurio.

Eà re bene gestâ Ramsavius ad Gassionem properè cum copiis rediit. Intercà Landrecium ab *d* Subleto Hudicurio deditum Leopoldo fuerat, qui vacuus ab ea curâ de Bassiâ quemadmodum huic præfido foret, anxius erat. Eò Picolominium cum copiis præmittit, atque intercà hostes quos ad Gassionis munitiones accessisse suprâ memoravimus, id fecere iterum, atque has prætergressi quæ longius ab oppido primum cœptæ, dein omisæ fuerant, jam sibi rem ex sententiâ cessisse confidebant, cum propiores facti in stationes nostrorum incidere, ab quibus pessimè habiti, atque glandium emissâ grandine cæsi, aut vulnerati abicisere. Id noctu fiebat, neque tùm ex oppido cessatum, quò & ab hostibus facta significatio, & strepitus ipse sclopetorum, atque hominum cunctos excitaverat, qui per muros frequentes

a De Grave.
b De Laval,
Baron de
Nesse.
c De la Brosse.
d Michel Subleto Marquis d'Heudicour.

& ipsi sclopetis eminùs agebant, non ausi noctu erumpere: tertio hostes ad vallum venére, ab quo repulsi Picolominium denique opperiri visi. Hunc appropinquare rumor constans erat, quò siebat, uti nostri diù, noctùque parati, atque intenti essent: dein restitisse nuntiatum, postquàm Ramsavium Dixmudâ captâ cum copiis ad Gassionem rediisse acceperat.

Nihil exterioris hostis metu nostri ab promovendis ad oppidum operibus tardati fuerant: nam XIV. Calend. Sext. externo solæ late-re potiebantur, & ad proximum propugnaculum cunicularios admo-verant, quâ tantâ eorum virtute, & properantiâ perculsi hostes eâ die deditionem fecêre, neque in conditionibus altercatum, latæ perho-norificæ sunt, quoniam ut ne Leopoldus adveniret, castraque oppu-gnaret, Gassio metuebat. Ita pro Landrecio, atque Armentariâ ab hos-te receptis, Dixmuda, atque Bassiæ in Regis potestatem venére. Hanc jam satis munitam amplius munivére postea Præfecti, atque eò tam firmum, ac frequens peditum, equitumque habuêre præsidium, ut in hostico procul, juxtaque sitos ad collationes planè ingentes adegerint. Ob hæc oppida duo capta, tametsi duorum aliorum jactura facta fue-rat, Deo Immortali honos est habitus, decretaque in majori Urbis Templo supplicatio, ut ne Plebes quidquam de felicitate solitâ muta-tum sentiret.

At Leopoldus postquàm Landrecium venerat in potestatem, hoc successû præclarus eundem se in Bassiæ recipiundâ habiturum est ar-bitratus. Id eò sibi faciliùs persuasit, quòd hac Gassioni deditâ Ramsa-vius cum eo cui præerat exercitu abscesserat, nec cui præerat Gassio, is haud quaquàm par Leopoldi copiis futurus videbatur: ad hoc castra ab nostris circa oppidum munita sibi usui fore sperabat, nam dis-jiciendis munitionibus spatium non fuerat: postremo ubi de improvi-so Gassioni interventum foret, ipsum opprimi, atque oppidum recipi posse: huic quindecim modò dierum com meatum superesse certior fac-tus fuerat, eò si Gassio sese oppidi mœnibus teneret, brevè ad inopiam redactum iri.

Igitur Leopoldus bonæ spei plenus ad Bassiæam versùs ducit, tan-tamque itineri faciundo adhibuit celeritatem, uti priùs per explorato-res advenire nuntiaretur, quàm Gassio ad propugnandum quidquam satis providere potuisset: sed queis ille castris ad oppugnandum usurum se confidebat, iis Gassio hunc prohibere constituit. Itaque præmissâ parte equitatûs, quem tùm forte cum cæteris copiis recensēbat, ipse cum peditibus, & tormentis subsequitur, tàm opportunè, ut ni equi-tes cujus rei gratiâ præmissi fuerant, attinuissent hostem, huic muni-tiones castrorum ingredi, atque his ex sententiâ potiri facile fuerit. In-terea advenit Gassio, peditesque in vallo undique constituti, atque disposita idoneis locis tormenta glandibus, pilisque magnum terrorem hostibus fecêre, qui priùs properè venientes tunc lentius ière: dein ubi cadere plerisque, alios lauciari, atque omnibus periculum adesse

1647.

vident, in proximum vicum qui mille & quingentos aberat passus, recepere sese, equites erant, quos nostri insecuti vico ipso expulere, & ultra fugientes persecuti nonnullos cecidere, atque adeo ea res ab Leopoldo frustra incepta.

Is deinde Venantii-Fanum ducere velle visus, quo Gassio Villequierum qui sibi Legatus erat, properè misit. Is ut hostem anteveniret, equites raptim ducit, qui singulos pedites ponè se vehabant: his apud Venantii-Fanum relictis, atque unà Belicropoleffio qui oppido præfesset, ad castra cum equitibus rediit. Tria millia passuum ab Venantii-Fano tùm hostes aberant, quibus ubi est nuntiatum præsidium solito majus in oppido esse, ab incepto destitère.

Reliquum æstivorum varia praelia, sed ea levia, alia aliis locis ab Gassione, & Ramfavo facta, castella ignobilia capta, ac diruta, Lentsium ab Gassione frustra tentatum, quoniam Leopoldus subsidio veniebat, dein Ypras oppugnare Gassio decreverat, sed desuère commeatus, atque alia quæ usui forent, nam navibus advehabantur, quæ fossæ cujusdam vadis hæserant, atque interea hostes validum Ypras præsidium introduxerant. Postremo iterum Lentsium oppugnare Gassio est aggressus, præmissò qui loca prohibendis auxiliis opportuna occuparet Villequiero: Is a Lametium Castrorum Præfectum quà ab Duaco iter ad oppidum est stationem habere jubet, ipsa ad Vendini pontem quà ab Insulâ Urbe Lentsiumitur, confedit: postridiè reliquus cum Gassione exercitus, atque tormenta advenère.

a De Lamer.

Sub vesperam hostes milites quingentos oppidum introducere conati sunt, cui rei lacus qui ad oppidum fermè pertinet, opportunus videbatur, hunc fluminis aquæ latiori alueo paulò infra oppidum exceptæ satis amplum efficiunt, ubique fermè vadosum, quâ parte nostros fallere copia erat. Sed fortè in Gassionem ipsum hostes incidère, qui pedites propè omnes fudit, fugavitque, præter centum & viginti, qui ægrè oppidum introièrè, dein equites qui peditibus præsidio venerant aggressus plerosque cepit, cæteri fugâ sibi consulère. Postea fossæ ad oppidum duci coeptæ, quæ ad externum oppidi fossæ latus perductæ sunt, atque in eo nostri locum occupavère, & munivère.

At Leopoldus comperto per exploratores ad Vendini pontem stationem nostrorum haud satis firmam esse, & custodias agere negligentius, eò Picolominium cum tribus equitum, duobus peditum millibus properè mittit. Is viginti equites nostros qui paulò longiùs ab cæterâ statione fuerunt, pepulit, jamque hostium equites centum paulò infra pontem notis vadis transibant amnem, primique ad ripam evaserant, cum more, institutoque suo Villequierus stationes quâ parte curabat circuiens eò fortè advénit, atque hostes eodem quò venerant regredi coëgit: viginti modò cum eo erant nobiles, quos gloriæ cupido mover, uti suâ voluntate, sumptuque Regi plerumque militent: hi cum quadraginta equitibus ex Elmorubuiti Alâ, qui in eâ statione fuère, hunc primum hostium conatum retudère: fuère præterea

b De Bussi
Almora.

in eâ statione Britanni, Anglos appellant, centum, & quinquaginta, qui pontem obsidebant, ad quos ubi pedites hostium cum tormentis accessêre, ibi verò locum deseruere, neque Villequieri hortationibus, precibus, imperiis, minis denique adduci quivêre, ut eò resisterent, ac propugnarent.

Ipse intereâ accersitis Regis, atque Annæ matris cataphræctis, levisque armaturæ equitibus, item Gassionis, & Schombergii turmis sustentare rem, donec & accersiti pedites subsidio venirent. Hostes Vendini pontem Britannorum fugâ desertum occupaverant, atque eò frequentes adventabant: sed & pedites nostri advenêre cum tormentis duobus, qui ubi glandibus equites hostium progressos infestare cœpêre, hi ad pedites recipere se, nostri insequi, & ponte ac munitionibus quas tumultuario opere eò struebant, hostes pellere. Picolominius haud procul aberat, quò denique omnes propè fugientes contendêre, atque is primâ vigiliâ cum omnibus quas habebat copiis, abscessit:

Eâ nocte Gassio dùm more suo ad opus excubat, unâ ex oppidi semilunis impetu ab nostris factò potitur, at postridiè hostes hanc eruptione factâ recepêre: sed Gassio accersitis recentibus, qui fessis succederent militibus eos arreptâ hastâ ab proximo hastato ipse ad semilunam ducit, qui Imperatoris tantâ virtute accensi hostes dejecêre, ac semilunâ iterùm potiti sunt. Post paulò homo impiger semilunam aliam alterâ ampliorem oppugnari jubet: palorum munitionem hostes objecerant, quam cùm disjicere quibusdam difficile videretur, ipse sicut in priori semilunâ præter Imperatoris morem, atque dignitatem eò properat, atque dùm palum molitur, glande caput ictus procubuit: eorum tamen qui comitabantur ope sublevatus in Prætorium relatus est, atque postridiè perductus Atrebates, quò vulnus commodius curaretur, ab quo post paulò interiit. Idem Foliadæo, & Roaneto castrorum Præfectis quorum ille apud Lentium, hic apud Bassiæam vulnerati fuerant, fatum fuit.

Postremò pridie Calend. Octob. Lentium deditum, pediti uti sine armis, equiti ut equo vêtus abire liceret potestas facta. Sed Gassionis in Aulâ leve desiderium fuit, propter hominis ferociam, quæ plerisque viris militariis pro virtute est. Cæterùm Gassio patre, atque avo in Bearnensi Curia Præsidibus natus bonam, fidelemque Ludovico XIII. atque Ludovico filio Regibus navavit operam, ac per omnes militiæ gradus ad Tribunatum Equitum magnis rebus gestis adscenderat. Ad hunc per hæc æstiva summa rei publicæ in Belgio redierat: nam tametsi Ramsavius æquato cum eo imperio hanc illi unâ gereret, tamen ad Gassionem qui antiquior erat in Equitum Tribunatu id maximè pertinebat. Ad ambos Rex, & Mazarinus quid agendum videretur scribebant. Sed Gassio Mazarini litteras plerumque ludibrio habebat, quod singillatim fecerat, ubi Cameracum, vel Audomarifanum oppugnari iusserat. Id enim verò ridiculum esse Gassio dixerat, negaveratque tantulis quas habebat copiis fieri posse, cum tam

1647.

munitis, ac validis oppidis oppugnandis neque Gasto Regis patruus; neque Condæus propinquus omni Gallicarum virium mole antehac freti, ac præterea Sociarum Civitatum quæ nunc cessarent, operâ, quâ pleræque hostium copiarum ad harum fines distinebantur, animum adjecissent.

Quâ tempestate deditum Lentsium est, hostes tunc cum maximè Dixmudam, uti reciperent, operam dabant. Huic Præfectus Clanlevius, Pedemontana Legio præsidio erat, quæ eruptione factâ & multos ex hostibus cecidit, & tormenta duo corripuit: die tamen decimâ quintâ postquam oppugnari cœpta, Clanlevius uti sibi, militibusque sua omnia efferre, atque cum armis, tormentisque duobus agmine abire liceret pactus IX. Calend. Novemb. oppido excessit. Ramsavius qui auxilio veniebat, haud procul tùm aberat, cæterum tardius quàm par erat advēnit: dein apud Lôm Cœnobium habuit stativa, donec Leopoldus Curtracum versùs movit, sicuti oppidum oppugnare consilium foret, cæterum prædas modò egit, atque circum omnia vastavit, ac denique copiarum in hyberna dimissæ.

Inter hæc belli negotia in Aula quæ apud Ambianos erat, summa Regni Quæstura Bailleulio abrogata est, ac Michaëli Particello Almerico mandata, de quo suprà sæpius memoravimus: hujus pleraque munia dudum obibat, Bailleulio sponte concedente seu hominis audaciæ, quæ sua non essent, ea libenter usurpantis, seu Mazarini voluntati, cui id satis placere noverat, seu denique fama consulebat, quam de se integram fore credebat, si earum rerum quas populo ægrè, atque violenter corradenda pecuniæ facere necesse est, invidia in Almericum recideret, nam has summæ Quæsturæ partes maximè usurpabat. In hac Avauxius Bailleulio Collega datus fuerat, per cujus absentiam Almericus summam Quæsturam solus gessit. Cæterum hic quæstoriis artibus imbutus, quibus inveteraverat, asper in exigendo, parcus, ac malignus in omni sumptu faciundo, decernendove, in his quæ ad summam Quæsturam, ut hæc tempora ferebant, gerendam pertinent, Avauxio cui Collega futurus erat potior videbatur, qui omnem propè vitam in Legationibus exegerat, insolens malarum artium, quibus pecunia publicè quæritur, & impenditur.

Contra Almericus omnis Publicanorum fraudis scientissimus erat, scilicet cum his à puero versatus: hos tamen gravius æquo habuit, quæ res indicio esse videtur, hunc minùs quàm fama erat, rei suæ studuisse: nam qui id faciunt, iis disciplina est, Publicanis æquiores esse, ut eorum operâ ditentur: qui jam grandem super redemptionibus pecuniam dederant, eos majorem dare cogebat, nihil habitâ ratione dierum, quæ pensionibus solvendis dictæ fuerant, sed omnia multò antecapere, alia, atque alia exigere, aut ubi si cessarent, eos se funditus perditurum minabatur, quo pacto respublica aliquamdiù tolerata: nam hujus anni vectigalia, tributa, portoria, atque alia hujuscemodi omnia dudum permissa Publicanis fuerant. Sed Avauxio suprà quàm dici potest ægrè fuit,

fuit, sibi Collegam in summâ Quæsturâ datum Almericum, quem videlicet secum antehac de Pace Monasterium Vestfalorum legari æquum esse negaverat, perinde esse dictitans, ac si Montoronem, is nobilis et tempestate Publicanus fuit, sibi confociarent. 1647.

Ubi Bassica capta fuerat, Rex, atque Regina mater ad Urbem per Normanniam itinere habito rediére. Diepam paulum commorati sunt, quò Claudius et Falco Rothomagensis Curie Præses primarius, septuagenario major, postquam Regi, atque Reginae salutem dixerat, atque adventum sui Ordinis verbis erat gratulatus, nondum regias egressus ædes, repentino morbo correptus interiit, seu dicendi conatus reliquam in homine sene naturæ vim absumpserat, vir probitate, & justitiâ clarus, Claudius pater, atque Alexander Patruus eundem gesserant Magistratum: dein Aula ad Urbem contendit, & mox Fontembellaqueum Rus regium petiit, quò reliquum æstivorum agigaret. Montoron.

Ab nostris in Italiâ nihil quod memoratu dignum sit, hoc anno gestum: ab Hispanis Nicia in Montisferrati Agro capta, satis amplum, at infirmum oppidum: summa rei publicæ quod ad Regem pertineret, in Italiâ penes Hieronymum Grimaldum Cardinalem fuit: Thomas Princeps Regis, ac Sabaudie Ducis copiis porro Imperator erat, cui aderat de more Pralinoplesi Equitum Tribunus: Classi quæ in Provinciæ portubus, ac mari propinquo fuit, Richelius præerat, cui & aderat Henricus et Stampæus Valancæus vir belli quod magis geritur, scientissimus, qui videlicet in Meliteni Militiâ inveteraverat, ac Melitenses quinqueremes sæpius ductaverat. Le Fancon.

Mazarinus more suo quid potissimum in Italiâ incipiendum esset, incertus hærebat: nam Herculis portum, & Orbitellum præter Plumbinum, ac Longonis portum, quæ oppida ad Etruscum mare Rex præsidii tenebat, in hujus esse potestate voluisset, ob Romæ vicinitatem, quò pleraque Cardinalium consilia spectant: præterea hæc loca haud procul Neapoli sunt, quò tunc cum maximè Plebes tumultuabatur Hispanorum imperii pertæsa: postremò Mazarino consilium fuisse anno proximo acerbant, sicuti supra memoravimus, illa omnia ad Etruscum mare oppida sibi ipsi habere, quæ tamen Gallie clientelaria essent. Sed Thomas Princeps & ipse rerum suarum satagebat, ac multa cum quibusdam è primariâ Neapolitanorum nobilitate moliebatur, quò horum operâ Neapolis Rex crearetur: at inter nobiles, ac plebecios ingentia odia fuere, quæ uti perpetua essent, Hispanis cautio fuerat, eò plebem per agros, quin & in ipsâ Urbe malè habendam nobilitati permittebant, quò ipsis hæc æquior esset, neque cum plebe his pellendis usquam congrueret. D'Estempe de Valencé, Commandeur de l'Ordre de Malte.

Interea illam vectigalibus, tributis et portoriis immensis onerabant, premebantque, ac novissimè super fructibus, quibus egena multitudo ubi tempore anni maturuerunt, in hac uberrimâ frugum, ac fructuum regione maximè vescitur, ita & quæ miserorum vitæ tolerandæ reliqua erant, iis se privare Hispanos velle dictitabant, sicut huic, quemad-

3647.

modum & fortunis insidiarentur. Tantâ horum avaritiâ permotus quidam Thomas Aniellus ex infimâ plebe piscator, tùm quia uxor malè habitâ ab Publicano clam domi insoluto tributo asportatâ, primùm quingentos è miserrimâ plebeculâ propiores adolescentiam pueros, dein cessantibus ob metum Hispanis, cæteram omnem multitudinem in Urde concivit, quæ arreptis armis, quâ ad Arces tres, & ad Proregis ædes aditus est, eò vallum, fossasque objecit, tanto in Thomam Aniellum obsequio, uti quidquid juberet, id subito factum redderet : publicani continuò pessimè habitî, ac nonnulli cæsi, ipse Prorex Arcosius temerè domo egressus, uti multitudinis molliret animos, pulsatus, ac violatus ægrè se Plebis iræ subduxit : postremò eò res deducta, uti Cardinalis Filomarini Archiepiscopi Neapolitani cui magna apud Populum fides erat, sicuti fermè horum qui sacris ac religionibus præfunt, operâ uti cogeretur, ut hunc in viam reduceret : quod denique factum est, his maximè conditionibus, uti quod ab Nonis Quintilibus Populus Neapolitanus designasset, id ne ipsi, aut quibusvis è suo ordine fraudi, ac noxæ foret, sed pro republicâ factum censeretur : vectigalia, portoria, tributa abolerentur, nisi quæ Caroli V. Imperatoris legibus sancita fuerint. In hæc data fides, atque accepta, ac iusjurandum utrimque in majore Urbis Templo, manibus ad Evangelia appòsitis, Archiepiscopo coram, ac frequenti Sacerdotum Collegio editum : sed hæc per satyram ab Arcosio facta, quem hujus iusjurandi religio nihil tenuit, sicuti postea videbimus.

Interea tanta Aniello de hoc negotio sicuti rebatur, confecto, ac Populi Neapolitani re in tolerabilem statum operâ suâ restituta, lætitiâ inaccessit, ut ad insaniam evaserit, quam alii epoto ab tanti gaudii impotente largiùs vino tribuere, ac præterea huic admixto pessimâ Hispanorum fraude veneno : postremò Aniellus ob insaniam spretus ab ipsâ quæ huic usquè obedientissima fuerat, multitudine, Arcosii voluntate trucidatus est, summo inconsultæ, atque ipso Aniello infanioris multitudinis gaudio, sicuti rebellionis ab se admissum crimen Anielli morte expiatum foret : neque eò seciùs quæ cum Arcosio Prorege de vectigalibus, tributis, ac portoriis convenerant, ea posthac servanda forent. Sed hic pleraque fecit, quibus Plebes sese ludibrio haberi sensit, ac denudò arreptis armis de more tumultuata est. Franciscum Toraltum Massæ haud procul ab Urbe regulum sibi Ducem delegit, ac coëgit uxore in custodiam conjectâ, id imperii accipere, quod hunc non Arcosii injussu fecisse aiebant, sed cum eo clam congruisse : namque Populi incæpta tardare, moram omnibus adferre rebus, postremò Hispanorum commodis omni ope servire, uti Plebes stationibus, excubiis, vigiliis, atque omni belli labore fatigata ad æquas pacis conditiones animum adjiceret, operam dare, quod denique factum iterùm, atque hæc in Tabulas relatæ, iusjurandum utrimque editum has inviolatas fore, ac postremò ab Hispanis sicuti priores ludibrio habitæ, Toraltus prodicionis Populo suspectus capite pœnas pendit. Hujus morte summa re-

rum apud Neapolitanam Plebem ad Januarium Anſem rediit. Is armorum faber fuit, homo rudis, agreſtis, truculentus, ad rem avidus, quam egregiè direptis multorum bonis auxit.

Magna Arcoſio Proregi in adventu Hiſpanicæ Claffis ſpes fuit, quâ Plebi commeatus ab mari prohibitum iri confidebat, atque interea uti Nobilitas Neapolitana è colonis ſuis copias cogeret, atque in unum conduceret, pervicerat: hæc juſti exercitus numero apud Averſam habebant caſtra, quæ Vincentius Totavilla præfuit, atque Plebem item ab terrâ commeatu prohibiturus erat. Joannes Auſtrius Philippo IV. Hiſpaniæ Regi natus ex concubinâ Hiſpanicæ Claſſi præerat, quæ Neapolim advenit denique: hic ex Arcoſii Proregis ſententiâ Plebem hortabatur, ut arma huic omnia traderet, ſequè Philippo Regi planè permetteret, in cujus benignitate, atque clementiâ omnem ſpem ſed certiffimam de ſalute ſua, atque incolumitate poneret. At hæc fruſtrâ fuère, cùm Arcoſium ſibi inſenſiffimum, atque ultionis avidiſſimum eſſe Populus ſatis intelligeret, quod quidem brevî palàm fuit: nam & ab Arcibus, & ab Claſſe miſſæ tormentis pilæ in Urbem ſunt, atque hujus regiones diverſæ ab Hiſpanis acriter oppugnatae, quæ res tamen denique iſſis haud magnoperè proceſſit, ſed magis commeatus terrâ, marique prohibendo profecere, quo paulatim inopia crevit, ac Plebes intelligere cœpit ſe alienæ opis indigere.

Romæ fortè tùm erat Henricus Lotharingus Guiſius, de quo antea memoravimus: hic primùm ex Ordine Eccleſiaſtico fuit, qui tamenſi nondùm ſacerdos eſſet, Rhemorum tamen Archiepiſcopatum, atque alia opima Sacerdotia poſſidebat, neque aded Catharinæ Henricæ Joſiſæ matri, atque propinquis conſilium fuit, ut uxorem duceret: ſed hic amor deditus ab naturâ, huic ita obſecutus eſt, uti nuptiarum ſanctitatem ludibrio habuerit, ſcilicet qui his ad expugnandam modò mulierum quæ aliter copiam ſui facere nollent, pudicitiam abuteretur, atque has poſtea brevi defereret. Id non in Gallia modò, ſed & in Belgio fecit in muliere viduâ, quæ Boſluti Comitem priùs virum habuerat, haud ita pridem demortuum: nam ubi ſatietatem amoris copia fecerat, hanc deferuit, atque in Galliam rediit. Sed eo denique ſi diis placet virginem nactus nobilitate, atque formâ præſtantem, hanc amare occœpit, neque opus fuit uxorem ducere, metuebat enim illa, ſi nubere vellet, uti ſe continuo ſicuti cæteras defereret. At illa prior vidua hominem in juſ vocavit, ut hunc ſibi virum eſſe Eccleſiaſticorum ad quos hujus cauſæ cognitio pertinebat, judicio decerneretur, atque ad ſe redire poſthabitâ quam ductabat virgine cogeretur: abnuebat verò ille, atque illius viduæ ſecum nuptias infirmas eſſe contendebat: & cùm judicii ſuper eâ re in Belgio latis acquieſcere nollit, poſtremò ad Pontificem ipſum delata res eſt, apud quem uti cauſam diceret, Guiſius Romam profeſtus fuerat.

Eò ubi advenit, claritudo viri, ingenium come, fama majorum, qui ſacra in Galliâ difficiſſimis temporibus tutati eſſent, atque eâ tempeſta-

te Pontifices impensius coluerant, Innocentii benevolentiam brevi Guisio conciliavere: ad hanc accessit familiaritas, ita ut sæpius cum eo colloqueretur. Magnæ Innocentio cum Mazarino similitudines intercedebant, sicuti antehac memoravimus, atque adeò multa utrumque dicebantur, ac fiebant auditu gravia, atque acerba, ubi alteri renuntiabantur. Grimaldus Cardinalis, Fontenaius Marchio Legatus, Henricus Arnaldus Sannicolaus Abbas dura, atque aspera Pontifici dicantabant, neque inter hunc, ac Mazarinum lites desinere velle videbantur: quamobrem omnis eorum ratio Pontifici displicebat, ita ut de Galliæ rebus lubentius cum Guisio ageret, tametsi nihil harum attingere ab Rege, aut ab Regina matre iussus esset. Sed nemo unquam iniussu suo quidpiam sibi benefactum esse iniquo animo tulit. Itaque Guisius Innocentium multa de Mazarino, multa de Grimaldo, Fontenaiò, Sannicolao expostulantem docuit, nihil huic esse facilius quam sese hac omni molestia liberare.

Mazarinum eum esse, qui sibi bene, quam ulli male factum malit, cui adeò si animum de fratris Cardinalatu explere Pontifici placeat, nihil dubii esse, quin quantumvis in hunc illius odium, in æquè grande studium, atque amicitiam continuò vertat, neque quidquam gravius accidere posse his quorum opèrè in Galliæ negotiis Romæ utatur, quam ubi Mazarinum de perpetuo in hunc Pontificis odio faciunt litteris suis certiores, ille ipse quam falsò isthuc scribam, tam claro, atque illustri testimonio demonstret, quo sibi Mazarinum, atque adeò Galliam planè devinciat. Interea si videatur, si se ad Mazarinum litteras daturum, quibus huic significet Pontifici consilium esse Michaëlem Mazarinum illius honoris causâ Cardinalem creare, ac deinceps cum eo de omni republicâ quæ ad Galliam Romæ pertineat agere, de quâ huic uni fidem habere posthac velit: nibilo secius tamen Pontifex cum Grimaldo, Fontenaiò, ac Sannicolao de more agat, neque ullam de creandis brevè Cardinalibus, nedum de Michaële Mazarino spem objiciat.

Factâ ab Pontifice potestate Guisius isthæc ad Mazarinum Cardinalem scribit, atque eadem ad Michaëlem fratrem, monetque hunc uti subito Romam veniat. Mazarino haud quaquam placebat Michaëlem fratrem Romam proficisci, incertum, ac dubium quid Pontifex facturus esset: sed ille more hominum, quæ vehementer volunt, ea sibi felicius, quam cæteri existiment, eventura facillè credentium, ad Urbem properavit: huic processit obviam Guisius Innocentii iussu, uti quam dederat de Cardinalatu fidem, cam firmaret, atque adeò hominem suis verbis bono animo esse juberet, nec quidquam aliorum sermonibus moveri. Id denique post paulò factum est, ac Michaël unicâ Guisii operâ Cardinalis creatus, quod ille Mazarino fratri sicuti par erat, missio cum litteris qui properè tam lætam rem nuntiaret significavit: sed huic majus ex eâ re gaudium fuit, quod hæc quantum gratiæ suæ, atque potentiæ Pontifex tribueret, ostentabat, quam ex fratre aucto, atque ornato: nam haud magni faciebat hominem, levi, ac tenui contrâ quam ipse sentiebat, ingenio, atque adeò sese omni publicæ rei admiscere gestientem, quam inscitia, atque imperitiâ suâ plerumque corrumpere

bat. Eâ causâ tamen reconciliata inter Regem, ac Pontificem gratia est, & cùm eo deinceps clementiùs, atque benigniùs actum. Mazarinus ad Guisium scripsit sedulò, significavitque quantam huic ex fratris negotio tam feliciter confecto gratiam se debere sentiret, nequè se ullam huius vicissim ornandi, augendique occasionem quantum gratiâ apud Regem, ac Reginam matrem valeret, prætermisurum, quod postea haud quaquam ab eò sibi præstitum Guisius existimavit: neque id unum exemplum fuit, qui Mazarini commodis serviissent, eos ipsi graviores esse, quàm quibus ipse benefecisset.

Sed Guisio dùm Romæ agitabat, consilium fuit Neapolitanorum in propinquo sese rebus admiscere: quamobrem multa primùm quò de se bene sperare his in mentem veniret frustra tentavit: nam quos Neapolim miserat, ii omnes deprehensi in itinere, in vincula coniecti, ac plerique foedè perièrè; postremò Italicorum duorum operâ usus, ad Cicium Arpaïam qui Populi Neopolitani Caput erat, Electum appellant, litteras misit, quæ ad hunc pervenèrè denique. His Populo Neapolitano Gallica auxilia pollicebatur, ac *Se sicut obsidem apud eos, ac fidei regie certissimum pignus futurum: se eo genere, eâ dignitate esse, cui omnes facile in Republicâ quam instituendam haberent, principem locum concederent, qualem apud Socias Belgarum Civitates Henricus Nassavius Arausius obtineret.* Republicæ nomen quod summam libertatem ostentabat, Populo supra modum placuit: neque id Ecclesiastico Ordini, neque Nobilitati displicere debebat, qui suas in hac Republicâ partes haud posteriores fore, contrâ verò quales decebat sperare debebant.

Ithæc igitur Arpaïæ, atque aliis grata, atque accepta fuèrè. Sed apud Neapolim quieta tùm, atque tranquilla res erat, nam quæ cum Arcofio Prorege convenerant, ea uti Philippus sibi rata, atque grata esse ediceret, ac sanciret, expectabant, ac propediem eâ de re Edictum adfore Hispani prædicabant. Sed qui superbiam Gentis, atque perfidiam noverant, ii præsidia sustinendo quod rursùm ab his gestum iri non dubitabant bello aut querenda, aut ab Guisio ultrò oblata accipiunda censebant: quod est factum denique, atque huic responsum, ubi primùm Neapolitanis bellum adforet, ad hunc missum in qui de omni hoc negotio cum eo agerent, ac transigerent.

Continuò Guisius Mazarinum de hac omni re certiores fecit, quæ opus tanto incepto essent, ea postulando, ac maximè pecuniam in sumptum, cùm cætera omnia sibi affatim esse Neapolitani prædicarent: eadem propè ad eum scripsère Michaël frater qui Sancecilianus Cardinalis postea est appellatus, Pontenaius Legatus, atque Sannicolaus, quibus omnibus maximè probabatur Regem ex Neapolitanorum ab Hispanis defectione quàm maximum fructum capere, neque enim quidquam Galliæ utilius futurum, quàm tantas opes, quantæ ex uberriâ Neapolitanâ regione Hispanis accedunt, ipsis adimere, quibus maximè Hispanica res usquè steterit. Mazarinus ad Guisium rescripsit liberalissimè, nihil huic ab Rege, neque ab se defuturum.

1647.

Interea cum apud Neapolitanos multarum rerum inopia esse inciperet, qui videlicet & annonam, & pulverem tormentarium, atque alia muniendis Hispanorum Arcibus, atque oppidis avehi per induciarum tempus siverant, & Classis Hispanica ab mari, ab terrâ nobilium copiarum commeatibus prohiberent, postremo sese alienarum opis indigere sentire, atque adeo qui hanc postularent, ad Fontenarium Legatum, & ad Guisium misere, Regis fidem implorantes, ac flagitantes, uti pellendæ Hispanicæ Classi Gallicam Classiem quantocyus Neapolim properare, atque rem suam publicam Guisium capeffere vellet. Subito Fontenarius, ac Guisius Mazarinum docuere, nihil satis festinari posse in Neapolitanorum negotio, Classiem properè mittendam, cum copiis, quæ non modo Hispanicam pellere Neapolis viciniâ possent, sed & si opus foret, exscendere navibus, atque Urbi adversum Hispanos præsidio esse, Tormenta, pulveris tormentarii, atque commeatibus quamplurimum, ac maximè pecuniam in belli sumptum.

Sed quod plura in Italiâ agenda erant, & æquè reipublicæ processura videbantur, eò Mazarinus incertior erat quam dudum, ad quid possimum animum adjiceret: nam de Herculis portu, atque Orbitello nondum consilium abjecerat, his quas diximus de causis: eò ad Plumbinum copiarum in stativis fuere, quæ Eстрада præerat. Præterea in Urbe Mazarinus, dein Genuæ Grimaldus Cardinalis cum a Calcagnino ab Francisco Atestino Mutinæ Duce de foedere, ac belli societate misso dudum egerant, quod post multas hujus hæitationes sancitum denique est, sub Septembris finem, atque tùm stativis movere copiarum, quas Gallica Classis ad Etruscum littus adducta ab Plumbino, ad Marcellæ amnis ostium devexit: eò exscendere navibus, atque in Rhegensem agrum iter fecere. Istuc Mazarino potius visum incerto Neapolitano, quod ex plebis ferocissimæ, atque inconsultissimæ lubricine pendebat, quin & Herculis portus, aut Orbitelli oppugnatione, quam eò animus propter Romæ vicinitatem, atque sibi constituendi Principatus, sicuti antehac memoravimus, studium ferebat: mirifica enim hinc Thomas Princeps ab Montisferrati agro cum exercitu regio Mediolanensi Agro imminens, illinc Atestinus cum altero exercitu portendebant, neque Hispani tantæ moli belli pares fore videbantur.

Interea Neapolitani cum Fontenario Legato egere, uti constituta apud hos Respublica in Regis fide, ac clientelâ esset, & eà causâ quidpiam huic pecuniæ penderet annuatim. Fœdus inter Regem, & Neapolitanam Rempublicam esset, pellendis Regno Hispanis. Id clam Guisio factum, qui postea in eo offensum credidit, quod hæc nova Neapolitanorum clientela, atque tributum Pontifici haud quaquàm probari possent, cui Neapolitanum Regnum clientelare est. Sed apud Neapolim omnium rerum inopia ita crescebat in dies, uti sibi Guisium quantocyus opus esse Populus censeret, atque hunc ut ad se veniret magnoperè urgeret: ita classis expectandæ spatium non erat, nam hæc

a Le Mæ.
quis Calca-
gini.

ab traductis ad Marcallæ ostium copiis, ad Provinciæ littora redierat, rursùm ad rem tantam instruenda.

Igitur Neapolitani qui ad Urbem fuere, ac singillatim Nicolaus Maria Mannara Guisium, Fontenaium Legatum, item & Cardinales Regis clientes, ac Sannicolaum Abbatem qui apud Fontenaium convenerant docuit, *sibi scaphas esse tam leves, ut barum cursum nullæ æturiæ naves æquare possent: nullam ab tumultus Neapolitani principio ab Hispanis hostibus captam, ac ne quidem post Hispanicæ Classis adventum, per quam mediam Guisius hujusmodi navigio velius triduo Neapolim advenire possit: adfutura alia, quæ comitatum ejus, & impedimenta simul advebant.* Isthuc verò adeò periculosum omnibus visum, uti nemo id Guisio autor esse vellet: Fontenaius tamen cursum brevem esse, nautas peritissimos, navigia levissima, si temporis opportunitatem rectè captarent, rem feliciter evenire posse ait. Guisius verò nihil se magnitudine periculi ab prosecutione deterri, si hanc Regi, ac rei publicæ utilem judicarent: dein ad Mannaram conversus hunc ad Neapolitanos scribere jubet, ut scaphas quantocyus mitterent, sese brevi aut his adfuturum, aut in itinere periturum. Mannara tantam animi magnitudinem admiratus, hominis genua advolutus gratias agere Populi omnis Neapolitani verbis, ac singillatim Januarii Anesis, cui certissima cædes adesset, ni Guisium, aut Classis subitò adventu prohiberetur.

Cardinales autem, atque Fontenaius Guisium laudibus in cælum ferebant, nihil tam arduum ab ullis quorum terram calcarent Romanis factum usquam, neque ab his quos fabulæ omnes celebrant heroibus dicitantes: dein dimisso Mannarâ Guisius cum Cardinalibus, Fontenaius, ac Sannicolao collocutus est, uti rescisceret quid Regi, ac Mazarino de Neapolitano Regno consilii esset: sed hi negavere id Regem sibi, aut suorum cuiquam expetere, tantummodò ut Hispanis adimeretur, & quidquid eâ de re Nobilitas, ac Populus statuerent, id illi probatum iri, & quem Regem voluerint, ei Galliam planè & benevolam, & adjutricem fore. Falsum id tamen, neque Mazarino consilium fuit, uti Guisius Neapolitanum Regnum sibi sumeret, atque adeò hunc ab Cardinalibus, atque Fontenaius Legato monitum voluit, ut ne quid suprà Henrici Nassauvii Arausii apud Socias Civitates potentiam ab Neapolitanis peteret, Condæm enim uti sibi Regem habere vellent, omnem operam Mazarinus daturus erat, non illius caritate ullâ, sed uti tantum virum cujus virtus, atque ambitio ipsi suspectissima erat, Regiæ dignitatis specie procul amandaret.

Eò ad Fontenaium scripserat cum Nobilitate magis, quàm cum Plebe Neapolitanâ agendum videri, sicuti Thomas proximo anno fecerat: Rempublicam quàm constituere Plebes velit, ridiculam esse, neque constabiliri posse, nisi Nobilitas omnis de medio tollatur, sicuti ab Helvetiis factum sit, quod quidem nefas sit cogitare: dandam igitur omnem operam, ut inter Nobilitatem, ac Plebem gratia concilietur, pellendis Regno Hispanis, atque huic tradendo cupiam, qui ipsis cor-

1647.

di sit, cuique Galliam omnia huic conservando suppeditaturam iudicent. Mannara singillatim pulveris tormentarii Populo inopiam esse dixit, atque hujus aliquantum maturè Neapolim mittendum. Guisus interea Fontenaium, ac Cardinales oravit impensis, ut ad Classẽm subitò mitterent, qui hujus ad Neapolim profectiõnem maturaret, ab quã totius hujus negotii eventus pendèret, fœdus Regi, atque Galliaẽ futurus, ac denique sibi exitiosus, si Classis moraretur, contrã autem felix, & secundus, si propediẽm adveniret.

Scribam deinde ad Regem, ac Mazarinum misit, qui certiores de profectiõne suã faceret, ac præterea qui auxilia postularet: hæc ab Mazarino publicè, atque ab Joüsiã matre, cæterisque propinquis privatim promissa: neque quisquam omnium fuit, quin huic deesse quidquam tanta molienti, atque incipienti injustum, iniquum esse diceret, neque parcendum publicè, privatimque sumptui, quò feliciter evenirent. Sed quantum res ab verbis, dicta ab factis plerumque discrepent, Guisus plusquam opus erat sensit: neque enim huic seu publicè, seu privatim curatum quidquam, præter duplicium nummorum Hispanicorum quatuor millia huic Fontenaii jussu, ac fide Romæ numerata, neque plus pecuniæ Regni Neapolitani candidato fuit.

Sed hic priusquam proficisceretur, sibi Pontificem adeundum esse decrevit, uti quid de hoc tanto ab se suscepto negotio sentiret, resciscere possit: nam ad eum magnoperè pertinere videbatur, cui Neapolitanum Regnum clientelare, atque obnoxium est. Mirum est ea de re Pontificem ita locutum esse Guisio, ut qui hanc ipsi clientelam evenire cuperet, multa moneris hominem, quæ faciunda, aut cavenda censeret, ac maximè ut ne fidem ullam haberet iis, qui Regis negotia Romæ procurabant, ac sibi ipsi consuleret, ab quo Equum vectigalem lubentiùs, quam ab ullo alio accepturus esset: postremò haud secus quam pater filio, Guisio vale dixit, ac ne lachrymas quidem tenuit. Guisus tamen uti magis, ac magis sententiam hominis noscere posset, huic operam suam si Regnum sibi, aut suis habere vellet, exhibuit: sed ille nihil hujusmodi sibi in mentem venisse respondit, neque consilium esse his sese turbis immiscere, aut ea incipere, quibus consiliundis reliquum vitæ suæ tempus sufficere nequiret.

Interea scaphæ ab Neapoli missæ advenerant, studiumque ingens Fontenaii Legati, ac Cardinalium Regis clientium erat, uti Guisus denique proficisceretur: quo horum studio ipse fretus, nonnihil dubitare simulavit, utrum se procelloso eã tempestate plerumque maritima infirmis navigiis, tot hostium quæ undequaque speculabantur navibus, sese permittere denique deberet, ratus videlicet quò majus periculum esset, cò Cardinales, ac Legatum majorem sibi de maturis auxiliis fidem duros, quod quidem fecere Theodolus, Ursinus, Michaël Mazarinus Cardinales, Fontenaius Legatus, atque Sannicolaus Abbas, nam Grimaldus Cardinalis tùm aberat, Mutinam ad Franciscum Atctinum profectus. Guisio ut ab Urbe clam proficisceretur auctores

tores

tores erant, ipse verò palàm id faciendum contendit, cùm Hispanos profectiorem suam celare difficile esset, quam si palàm fieret, apertà vi disturbare non auderent, at verò si clandestina foret, id magis sibi licere existimaturi essent.

Itaque Idib. Novemb. cùm Guisio nuntiatum esset ventum secundum esse, post meridiem unà cum Fontenaio ad Pauli fanum rhedà vectus profectus est, atque inde utrimque valedicto equum conscendit, & omni Gallorum qui tùm Romæ erant multitudine comitatus ad mare pergit, ac multà jam nocte ad littus advénit. Eò octo fuere scaphæ, cum speculatoriis navigiis tribus, viginti duo omninò qui his veherentur præter nautas fuere, cum pulvere tormentario aliquanto, & cā quam diximus pecuniā, singulæ scaphæ vix trium vectorum capaces fuere. Horà post mediam noctem quartà solv^{ant} atque vento secundo usquè ad horam post meridiem quartam bellè navigavere. Tum Guisius quinqueremes Hispanicas duas ab Pontiā Insulā venientes conspicatus omnem suam classē ad se versum venire jubet, atque hanc sicut usquè fuerat conjunctam cursum tenere, neque quidquam moveri, ubi scapham suam ab cæteris decurrantem viderent: recte enim judicaverat Hispanicas naves majorem scapharum numerum secuturas. Quinqueremes duæ Hispanicæ ab prorà fumum ediderant, quæ adventus Guisii aliis quæ ad Tarracinam, & ad Cajetam stabant significatio fuit. Scapha igitur Guisii sola subducto quo uno utebatur velo, remis ad terram versum contendit, ut hujus umbra quando dies inclinabat, obscurata ab quinqueremibus difficiliùs cerneretur.

Ubi Cajetæ appropinquabat, nautæ alto mari sese committere tutius existimabant, at contrà Guisius quampropiùs Cajetam cursum teneri jussit, ratus scilicet hostes nihil sollicitos fore, ubi scapham ad se venientem viderent: quæ ubi propior fuit, percunctanti ab Cajetā vigili ecqui essent? responsum est, in scaphā esse qui ab Ognato Comite ad Arcosium Proregem missus Neapolim properaret. Sed cùm scapha Cajetæ portum non attingeret, atque pergeret cursum tenere, quinqueremes egredi portu properabant, at prohibuit ventus, qui tùm vehemens, atque adversus flare cœpit, ita ut ubi velo uti Guisii Navarcho visum, quò scapha celerius cursum conficeret, hæc propiùs naufragium fuerit, maximā vi venti disrupto malo, ac duobus effractis gubernaculis, quorum loco remum in puppi posuere: postremò XVII. Cal. Decemb. ubi primùm lucefcebat propiùs Ischiam Insulam scapha fuit, quò nautæ censebant in aliquā occulta statione reliquum diem commorandum, uti de nocte Neapolim appellerent. Guisius contra hos hortari, ut ne cessarent remis contendere, atque maturè cursum conficerent: sed his abnuentibus, ac vincente imperium metu, quem de Hispanorum Classē haud temerè ceperant, major ac viciniore intentandus terror fuit, quod factum ab Guisio, districto, ac micante suprà detrectantium capita gladio, quo denique coacti ad Neapolim properavere.

1647.

Ubi in conspectu Classis Hispanica fuit, nautas ad Prætoriam Guisius dirigere cursum jubet, quæ regio insigni ad puppim erecto faciliè dignoscatur, eò persuasum omnibus est, scapham ad hanc properare, quò negligentius est observata: sed ubi eò devenerat quò tormentum adigi posset, non rectè quidem ad Urbem, sed infrà hanc flexit, atque tùm adventus sui significationem ab nautis magno clamore Guisius fieri iussit, ipse stans in puppi sese Neapolitanis ostentavit, uti complures armati quò exscensurus videbatur, properarent. Hoc tanto clamore, atque Guisii ostentatione certiores facti hostes hunc adesse, continuò ab Arcibus, ab navibus, atque ab omni Classe pilas in scapham mittere, intereà dùm undiquè quæ remis agi possent omnia Hispanorum navigia ad illam properabant accedere. Sed Guisius littus infrà Urbem legens, scopetariis qui ab Urbe eò venerant fretus, ubi opus erat in hostium lembos, ac scaphas quæ propiùs accedebant, frequentes emitte glandes jubebat, donec ad Lauretanum suburbium in plateà quam Cabalerissam appellant, in terram exiliit, omni in occursum effusà Plebe, quæ arreptum hominem insigni equo imposuit, atque ad B. Virginis Templum quod penes Carmelitanos est, deduxit. Eò Virginis simulacrum magno in honore habetur, neque aliundè magis libertati suæ præsidium Plebes Neapolitana sperabat, cujusmodi vulgi religionibus servire plerisque usui fuit: neque tùm primùm ab Guisio pietatis fama regnandi studio quæsitâ.

Templum propiùs Januarius Anefes habitabat in Turri quam Carmelitanorum appellant, loco tutissimo, & adversum plebeiam vim munitissimo. Haud procul Anefis ferraria fabrica fuerat, ab quâ facilè ad proximam Turrim per Plebis tumultum migraverat, quâ fretus cædes complures, ac prædas fecerat, atque se egregiè conlocupletaverat. In Templo sub sacrorum finem sororius Anefis hujus verbis salutem Guisio dixit, hominem metu impeditum dictitans quo minùs ille ipse hoc officio fungeretur, qui haud satis se tutum ab inimicorum insidiis si Turri egrederetur, existimaret. Ab Templo Guisius ad Turrim iit, cui Anefes in limine sit obviam, adventum gratulatur, qui sibi ipsi saluti, atque omni Populo futurus esset: metuebat enim impensius, ut ne se Plebes Hispanis sicuti noxæ dederet. Pigebat Guisium ubi hunc planè nihili hominem intuebatur, huic Fontenaii Regis Legati litteras reddere, scilicet multò quàm par esset honorificentiores, atque item ad Rempublicam Neapolitanam, ac denique ad Joannem Ferrum Regis ad hanc si diis placet Legatum tali Republicâ dignissimum: nam hic post paulò advénit, districtam tenens dexterâ machæram loco fascium, sicuti Ancsi Neapolitano Dictatori lictor esset: hic absque pallio, pinoque ad Guisii pedes procumbens, ei submississimâ, & quæ hujusmodi Legatum deceret oratione salutem dixit. Stupebat Guisius harum rerum miraculo, quæ cum tam tenues, humiles, ac sordidæ essent, tanta tamen earum fama Romæ Fontenaii, atque ipsorum Cardinalium Gallia clientium mentibus, ac sibi ipsi obversata esset, mag-

niloquentiâ Neapolitanorum , qui centum & septuaginta armatorum millia sibi esse jactaverant , neque quidquam ferme deesse , præter Imperatorem qui suorum virtuti peritiam militarem , atque disciplinam adderet.

Hac eadem die Guisus ad se vocavit omnes , in quorum manu res Neapolitana fuit , seu quorum consilio Aneses in hac gerenda utebatur , uti quo loco esset accuratiùs cognosceret. Ibi verò vix duodecim dierum in Urbe annonam superesse rescivit , neque multò ampliùs quatuor millium armatorum esse centuriatorum , cæteram multitudinem militiam detrectare , ni stipendium adesset , stationes infrequentes , excubias , ac vigilias negligentius agi : qui his in diversis Urbis regionibus præessent , eos æquali imperio esse , ac nemini uni parere : ipsum Anesem qui Mercatùs regioni cum Palumbo qui Conciariæ alteri regionis præerat , graves inimicitias exercere , ita ut altera alteri regio insensâ vallum , ac fossam invicem objicerent , quos Guisus redemit in gratiam : Anesem Lafaris fretum , id infimæ plebi sudibus lignorum fasciculos pice oblitos præferenti nomen indiderant , ædibus incendia , harum dominis eadem minitari , atque huic redimendæ pecuniam , atque alia corradere : vicissim alios Anesi ubi validiores essent , eadem minitari , prorsus omnia perturbata furore , licentiâ , cædibus , rapinis , quæ omnia summâ cum prudentiâ Guisus quandôque benignitate , quandôque severitate opportunè usus brevi correxuit.

Qui alicujus rei erant in Urbe , eorum benevolentiam faciliè promeruit fortunis eorum ut ne quis posthac insidiaretur prohibendo. Nobilium amicitiam sibi conciliavit omnem operam dans , ut qui in Urbe resisterant , eos ne Plebes exagitaret , sicut ante adventum suum fecerat huic Ordini insensissima , dein ubi foris res Neapolitana valida esse cœpit , Nobilium prædia ut ne militibus prædæ essent prohibendo : postremò ita se gessit ut plerique omnes hunc dignissimum judicarent qui Rex appellaretur , quod nomen sæpiùs Populi acclamationibus sibi datum respuit , seu nihildùm satis firmi in hoc omni Neapolitanorum negotio videret , quo tantam dignitatem sibi delatam tueri possit , seu ut ne contrà Galliam peccaret , ab quâ sibi præsidia missum iri sperabat. Sed Aneses vir agrestis , truculentus atque stolidæ superbix plenus non ante primas Guisio concessit , quàm huic ab Filomarino Cardinale Urbis Archiepiscopo post solemnia sacra Gladius sicuti Imperii tessera traditus est , quem Imperatori per Urbis viros Aulæis pretiosissimis ornatos ad Carmelitanorum Turrim redeunti prætulere , acclamante Guisio Plebe , mulieribus thura pro liminibus ædium accendentibus , flores , odores per fenestras jactantibus , qui cultus adversum hunc quamdiù apud Neapolim commoratus est , perpetuus fuit.

Quæ apud Plumbinum erant copix , eas in Mutinensem , ac Rhegentem Agrum deductas fuisse diximus : Padus hunc amnis ab Cremonensi dividit , qui in Hispaniæ Regis ditione est. Estrada qui Gal-



1647.

licis copiis præerat apud Gualtierum, quò omnis belli apparatus ab Francisco Atestino Mutinæ Duce collatus fuerat, hunc tanto quod ipse animoolvebat incepto nequaquam parem invenit, vix enim amplius sex armatorum millibus hujus exercitus constabat: sed quos Atestinus Italicos milites conscripserat, ii ubi ad hostem iri relictum, plerique dilapsi, Helvetii verò quos mercede conduxerat mille ægrè adducebantur, ut adversum Hispanos in Mediolanensi, aut Cremonensi Agris bellum gererent.

Traductæ tamen Padum copię sunt, tametsi Serra Marchio in adversâ ripâ quò nostri exscendere vellent explorabat: sed mille sclopetarii navibus impositi primùm adverso flumine Brixellum petere visi cùm jam advesperasceret: dein ubi nox advēnit, secundo amne delati haud procul Ollii amnis ostio navibus exscendere, priusquàm hostium equitatus adesset, qui exaudito remorum sonitu senserant nostros secundo flumine eò properare, quò ad Cremonensis Agri ripam appellere se posse nullo prohibente sperarent, atque muniendi spatium habituros, quod quidem ex sententiâ factum, loco sepibus, ac virgultis impedito, atque equitatu hostium qui mox advēnit, importuno. Præterquàm quod nostri munire castra cœperant, tormentis minoribus tribus freti his, ac præterea crebrâ glandium è sclopetis missione hostem arcere cœpere: interea reliquæ copię, carri, impedimenta, tormenta leviora Padum traducta: quò factum est, ut hostes diffisi rebus suis, prout nostri progredierentur, ipsi Cremonam versùs retrocederent.

Sed eò moenia pluribus locis collapsa erant, ad portas vetustate corruptæ fores, qui pensiles fuerant pontes, ii corruptis item quibus allevari solebant omnibus, jacebant immobiles, planè Urbs patebat hosti, qui foris validior esset: eò ingens in hac trepidatio, ac ne Serra quidem Marchio hanc defensari possit credebatur: plerique Picoleonis Castrum muniendum, ultrà Aduam concedendum, atque hunc amnem objiendum hosti censebant: quæ omnia Serra Castiliæ Contestabilem qui Mediolanensem obtinebat agrum, per litteras edocuit: hic verò sicuti fermè qui ab discrimine procul absunt, propugnandum apud Cremonam decrevit, neque id sicuti futurum videbatur, fecis cessit. Atestinus interea cum exercitu ad Casalium majus processerat, quò ubi habebat castra, misit ad Thomam Principem, qui rogaret verbis suis, ut ad Cremonam maturè vellet accedere, quò Urbem omni belli mole oppugnare unâ possent. Id se Thomas facturum amicissimè recepit, atque interea Navailium Comitem cum septingentis, ac quinquaginta equitibus, & Septimanicam Legionem cum Vallone ad Atestinum misit, qui si maturè ad Cremonam movisset, haud fermè dubium fuit, quin huic brevè dedita foret: in expectandis gravioribus tormentis, ac omni tormentaria re mora facta tantam opportunitatem corrupit.

Nam interea quò moenia apud Cremonam collapsa erant, eò ob-

jectum ab Hispanis vallum est, ac suburbia in quibus nostri sub tectis agitare, si maturè advenissent, nullo negotio poterant, ab illis vallo, fossâque munita sunt. His suburbiiis potiri operæpretium fuisset, nam eò ab imbribus, qui propè perpetui hac anni tempestate fuere, tectus miles, faciliùs munia sua oppugnandæ Urbi obiisset. Tormenta graviora cum cætero bellico instrumento adverso Pado navibus vehébantur, quo & commeatus advehi debebat: sed Padus ab imbribus immensum auctus rapidius solito longè extrà alveum decurrebat, quò sicut uti jumenta vix contra vim fluminis tendere, & naves trahere possent, ac denique lentissimè per incertas ripas, vadis plerumque interruptas procederent.

Nihilò magis expeditum iter agmen habuit, viis omnibus ab imbre fœdè corruptis, præter quàm quod Atestinus consultò morabatur, ut ne absque tormentis, & commeatu circum Cremonam adveniret: sed hunc ut anni tempus erat ab messè fermè recens, ex villis, vicisque in hostico petere copia erat, quod quidem factum necessàrio est, sed rapto, & ab militibus eâ causâ deferentibus signa, atque fœda, & indigna adversum agrestes designantibus, quò vetus adversum Gallos odium renovatum: certè si id rectè, atque ordine factum fuisset ab equitibus, peditibusve eâ gratiâ missis, haud ingratum agrestibus fuisset, atque annona exercitui superasset. Ubi Atestinus Cremonæ suburbiiis appropinquavit, Hispanos in his fossâ, valloque munitos invenit. Ita tanta Cremonæ hoc anno capiundæ opportunitas Atestini primùm in fœdere cum Rege conficiundo tergiversatione, dein ubi confectum est, nimia ad Urbem accedendi morâ corrupta est.

Postremò castra movere, & ad Casalium majus regredi visum, atque eò, & apud Rivarolum hyberna munire, atque annonam, ac pabulum congerere: sed his per nimiam conquistorum negligentiam, incuriam, atque licentiam factis, quæ eadem in utendo, ac potius abutendo fuit, brevè omnia quæ congesta fuerant consumpta, atque inopia militum, quin & ipsos Duces incessit, cùm nihil pecuniæ ab Aulâ curaretur: cæterùm hi haud satis inter se concordēs fuere, Estrada videlicet, ac Navaillius, de quibus supra memoravimus. Ubi hæc Mazarino nuntiata, ibi Ducibus ambobus, quin & Grimaldo, Atestinoque maledicere, accusare gravius, quod non ad Cremonam properassent: ac nimia morâ rem publicam corrupissent: sed qui procul absunt, iis faciliora omnia videntur: quæ alii fecere, ea otiosi reprehendunt: quæ autem ipsi peccavere, ea ab omnibus tacita volunt, ac maximè si gratiâ, ac potentiâ valent. Certissimum enim est, non unum Atestinum in fœdere faciundo tergiversatum, atque omnia quæ in Italiâ geri hoc anno prosperè potuere, dubio, atque hæsitante quid potissimum inciperet Mazarino, nec sumptus necessarios suppeditante, aspera fœdaque evenisse: quod huic tamen vitio non dederim, neque enim semper pecunia in promptu est, nec quid faciendum, aut omittendum sit, ita faciliè quandòque dijudicaveris, ut nihil offendas.

1647.

Postquàm Guisius apud Neapolim propè omnia in tolerabilem restituerat statum, sicuti suprà memoravimus, ibi verò foris sibi dandam operam decrevit, uti commeatus deinceps ad Urbem tutò supportari possent. Id maximè prohibebat Nobilitas, quæ apud Aversam haud procul habebat castra: huic equitum copia, Guisio multò plus pedum, quàm equitum fuit. Sed cùm circum Urbem campi crebris interrupti fossis, sepibus, atque arbuistis sint, haud magnoperè equitatum hostium pertimescebat. Inter hunc, & Nobilitatem frequentes velitationes magis, ac subitaria prælia facta, quàm signis collatis est pugnatum, cæsi tamen complures, ac denique, placuit inducias per biduum esse, & ut interea utrimque missi colloquerentur. Id eò fiebat, quod usquè Nobiles, ac Populus non iusti more belli, sed plusquàm ferinà rabie alteri in alteros sævierant, quod quidem corrigendum Guisius censebat.

Eò cum Andriæ Duce ex composito collocutus est, atque intereà dùm inter Nobiles, ac Populum conveniret, sicuti denique necesse foret, docuit bellum non internecinum esse debere, ita ut qui in potestatem hostium venirent non excarnificarentur, sicut usquè factum fuerat, sed pretio redimi, aut permutari cum ejusdem ordinis captivis possent. Utrisque propè eandem ab Hispanis impositam servitutem, quam ab cervicibus suis depellere æque studium esse debeat, neque eò tolerandam ab Nobilibus, quod contra quàm Populus sentiat, sibi tendendum esse putet: bujus odio conciliandam magis esse inter utrosque gratiam, uti quæ partes Nobilitatis in Republica esse debeant, eæ ipsi tribuantur. Tali se genere ortum, uti se Nobilitati favere debere existimet, atque apud Neapolitanos pervicisse, ut id ipsi æquissimum videatur. Propediem adfuturam Gallicam Classẽ, quæ auxilia omnium libertati recuperandæ idonea advektura sit. Regem nusquàm sibi Regnum Neapolitanum expetere, sed uti modo Hispanis adimatur, atque ut illius Ordines quæ bis rei publicæ gerendæ ratio magis placuerit, eam deligant, seu uni, seu pluribus hanc permittere velint. Esse Regi Patruum, esse fratrem, quorum alterum si sibi Regem esse velint, id illi pergratum fore: cæterum quidquid eà in re sibi utilius esse duxerint, id æqui, bonique consulturum, ac lubentem operam daturum, ut ne res Neapolitana in Hispanorum manus recidat.

Andriæ Dux sibi, atque sociis Regem suum satis placere, neque alio quæsito opus esse respondit, cæterum vix quemquam qui Regem Christianissimum tantà propinquitate attingant, sicuti frater, aut Patruus Nobilitati Neapolitanæ cordi futuros, præterquam quod alter valetudine ob podagram impedità, alter adhuc puer sit, ac si Rex alius habendus esset, non longius abituros, & cujus virtus sibi perspecta esset, huic potiùs Regnum tradituros. Hæc haud ægrè audiit Guisius, tametsi se ab hujusmodi consilio alienum ostenderet. Constitutà denique de captivis aut redimendis, aut permutandis lege Guisius Andriæ Ducem de suà adversum Nobilitatem Neapolitanam benevolentia certissimum dimisit.

Ubi verò in castra ab suo cum Andriæ Duce colloquio rediit, Clas-

sem Gallicam advenisse accepit, miratusque est Hispanicæ cladem simul non esse nuntiatam: nam hæc in anchoris erat, defensoribus vacua, armamentis nudata, omnibus propè malis procumbentibus, ita ut aut incendi, aut capi ab nostris secundo vento advenientibus potuerit, quod quamobrem factum non fuerit, vix quisquam satis intelligere queat. Postridiè Basquius Abbas ab Classe ad Guisum venit, atque huic litteras quas Fontenaius ab Aulâ acceperat, reddidit: hæc quàm jucundus, Regi, Reginæ matri, ac Mazarino Guisii ad Neapolim processionis nuntius advenisset, significabant: eodè Classẽm properare, quæ illi opus essent omnia advehentem: dein ubi ab Basquio quantũ adferret pecuniæ quæsit, ea planè nulla fuit: nihil enim juvit dicere Classẽm Genuæ Portum non attigisse, quò pecunia curari debebat, quingenta librarum millia eò numeranda fuisse, quæ si quis Neapoli curare vellet, statim apud Genuam repræsentanda fore: nam ridiculum erat isthuc in Urbe numeratum iri credere, cui nullum cum aliis rerum venalium commercium jamdiu erat.

Rogatus dein Basquius quid militum exscendere navibus posset, negavit ampliùs quam mille atque octingentos posse, cum duabus equitum turmis: aliquem præterea equitum numerum Guisus ad se mitti postulaverat, cum ephippiis, brevioribus sclopetis, atque aliis, quibus simul hos atque equos ornaret, quæ item nulla fuere: sclopetorum denique, atque prælongarum hastarum aliquantum, sed horum nihil in navibus fuit. Tormenta decem Basquius promiserat, sed postea causatus pontones ad Posilippi littus appositos infirmiores esse, quàm ut his traduci ad terram possent, hæc nequaquam tradidit: pedites, atque equites quos Basquius exscensuros navibus dixerat, sine pecuniâ Guisus sibi oneri magis, quàm ufui fore judicavit: pulveris tormentarii millia octoginta postulaverat, ex quibus sex doliola modò ipsi, triginta Ancesi ad defendendam Carmelitanorum Turrim tradita: caterum Basquius sese cum eo agere jussum de re publicâ ait, penes quem hæc esset, atque adeò cum Januario Ancese: huic, atque Populo Neapolitano cujus caput esset, missam Classẽm, neque alteri dicto audientem fore. Nihil profuit Guisio Ancesi humilitatem, imperitiam, fatuitatem narrare homini, qui adversum hunc facturus omnia sedulo venisset, præterea omnem sibi fidem de salute suâ Neapolitanos habere, imperium detulisse, Caput rei suæ publicæ constituissẽ, nihil credere Ancesi, qui & prodicionis suspectus esset. Postremò Basquius *Ubi*, inquit, *cognovero te in Urbe potiorẽ, neque hanc alteri obedientem esse, ibi verò tecum singillatim agam, insereã usque quod jussus sum, id facere mihi certum est*: ab hac oratione Basquius ad Classẽm, Guisus Neapolim rediit.

Basquius Ancesem quid in mandatis haberet maturè monuerat, qui per amicos populum in Guisum accendere cœperat, hunc Galliæ invisum prædicando, atque adeò impedimento futurum, quo minùs auxilia quæ in Classe adsint, ad Urbem advehantur: nam Galliam Neapolitanorum libertati, non Guisii ambitioni servire velle. Sed Guisus ea

1647.

usque fecerat in Urbe adversum Hispanos, foris in præliis adversum Nobilitatem, quæ Populi gratiam sibi conciliaverat: quamobrem omnes eò adduxit, ut Anesi quidquid imperii reliquum erat, abrogatum vellet: quin & eò processit vulgi in Guisium studium, atque in Anesem odium, ut ab hujus cæde unâ illius hanc prohibentis verecundiâ temperaverint: satiùs tamen fuisset hunc furciferum plebis furori permittere, atque omnem hujus rem quæ ex civili prædâ ingens erat, publicare, quàm huic uti lubens imperium deponeret, centum, ac quinquaginta librarum millia annua promittere, ex fructibus nobilium prædiorum, quæ huic dono darentur, cum Principatûs, aut Ducatûs Titulo, ubi primum pax sancita foret.

Inter Populi Guisio acclamantis voces exauditum sæpiùs Regis quod ipsi deferebant nomen, cùmque id constanter abnueret, huic denique Reipublicæ Ducis, ac Principis Titulus in quinquennium scripto tributus est, ex ipsius Anesis sententiâ. Certè Guisio ea dies fausta quidem, sed non sine molestiâ, ac labore fuit: sex enim hominum millia in foro armata stabant, qui homini hunc Gallum esse exprobravere, atque pro Gallis uti Neapolitanum Regnum obtinerent enisurum, cujus rei periculum subire sibi consilium non esse clamitabant. Ipse fidem ab se Populo de hujus tuendâ libertate datam opponebat, quod quidem Regis Christianissimi voluntate fecisset, atque se ab hac discedere nequire: postremò uni dicenti patriam suam dediscere neminem posse, atque hunc in Galliâ natum, *Ego*, respondit, *in scaphâ natus sum, quæ me huc advexit.* Id comiter, necopinatò dictum usque adeò placuit armatæ huic plebi, uti continuò neminem se alium usquàm qui sibi imperaret, toleraturam dicitaret.

Nihilò seciùs Basquius cum Anese agere, atque Guisio insidiari perrexit, primum per Vincentium quemdam Andream hominem alicujus rei, sed pessimum, ac vaserimum, dein per Tonnum Bassum, Saluatorem Gennarum, Petrum Damicum, atque alios: de tribus illis paratæ adversum Guisium cædis convictis supplicium sumptum more majorum, cæteris Guisius delicti gratiam fecit. Basquium tanti hujus scelebris manifestum quoniam ab Rege, aut ab Mazarino, aut denique ab Fontenaiò Neapolim missus fuerat cum regis mandatis, neque comprehendendi, neque quidquam adversum hunc fieri, aut moveri voluit. At Classis postquàm in otiosâ statione dies aliquot commorata esset, Castellum ad mare cursum tenuit, uti quinque naves Hispanicas incenderet, & hac saltem tantulâ re patrata non frustrâ venisse videretur: rediit denique in pristinam stationem, ac Basquius Guisio ut ad Classem veniret, persuadere nisus est, quod quidem hic dolo malo fieri suspicatus abnuvit.

Hispani denique probè quantum licuit instructâ suâ Classe cum Gallicâ pugnare, res acta tormentis est, quam neutris cominùs gerere visum: dein aquam sibi deesse causati qui Classi Gallicæ præerant Longonis portum redire. Ita hæc nulli usui Neapolitanis, neque Guisio fuit

fuit, præterquàm quòd aliquot nobiles qui ab Provincia ad hunc venire voluerant, advexerat: hanc Guisii pater diù obtinuerat, in qua & filio nobilia prædia sunt, atque adeò nonnulli amici, ac clientes, ex quorum numero quidam Classẽm confcenderant, qui Guisio in hoc Neapolitano bello egregiam operam navavere. Sed nihil Guisio ab Classe gravius accidit, quàm quod hæc fortè naves duas onustas frumento deprehenderat, neque has Neapolim commeatũ loco, quem sibi advchi Guisius postulaverat, mittere voluerat, quò Urbis inopiam sublevaret. His omnibus Guisius adductus Mazarinum, atque hujus voluntate Fontenaium, ac denique omnes qui in Classe fuere, sibi iniquos esse credidit: ita quidem Gallos, uti nihil sibi benè facere vellet, quando non licebat, Italicos verò, ne vitæ quidem suæ parcere voluisse.

Dum hæc apud Neapolim geruntur, interea loci quæ apud Casaliũ majus, & Rivarolum in Cremonensi Agro & regiæ, & Francis ci Atestini Mutinæ Ducis agitabant copiar, eæ longè latèque populabantur, nisi quâ prohibebant amnes, qui hac tempestate immensum creverant. Sed hanc opportunitatem Atestinus haud omittendam est arbitratus, quò Sabionetam in propinquo commeatibus intercluderet: nam id oppidum tribus ab Pado passuum millibus Ollium amnem versũ positum est, in finibus Agri Mantuani, regione soli propter humilitatem paludosa, atque aditu tũm difficiliore, quod restagnante ex propinquis fluminibus aquâ nulla in palude, aut præalta vada erant. Præter Casaliũ majus, & Rivarolum, Joannis in cruce-sanum, & Pontonum Castellum quæ loca Atestinus in Cremonensi Agro præfidiis tenebat, Comesasium in Mantuano Agro vicum occupat, ut ne quâ ad Sabionetam adire Hispanis copia foret, ita qui in oppido erant, ii commeatũ inopiã ad deditionem adigi posse videbantur.

Mediolanum, atque Insubres Castiliæ Contestabilem obtinere diximus: sed hæc provincia Ludovico Benavidi Caracena Marchioni decreta fuerat, quæ interea dũ ab Belgio adveniret, Jacobo Ferdinando Velasco Aro Comiti Contestabilis filio permissa est. Is Sabionetæ sicuti par erat ab Gallis, & Mutinensibus metuens eò copias duxit, ac primum Joannis in cruce-sanum improvisò advēit, quod paucis defendentibus nullo negotio capit, atque eodem castra posuit, munivitque, ut ne quid ab Rivarolo quò validum Gallorum præsidium erat, in propinquo damni caperet. Eò Estrada ubi de hostium adventu percubuerat fama, cum sclopetariis mille-ducentis, & sexcentis equitibus venerat. Navaillius Castrorum Præfectus præerat oppido, quò pars Gallorum hybernatura erat: postridiẽ Estrada, & Navaillius uti de hostibus cognoscerent, & quid ipsis esset consilii, atque animi propius explorarent, ad eorum iere castra, cum duabus modò equitum turmis, stationem equitum quæ pro castris erat, propellunt, dein Rivarolum rediere. Atestinus eodem cum reliquis copiis advēit, atque habito cum Præfectis castrorum, Tribunisque consilio in crastinum prælium

1647.

facere constituit, si hostes egrederentur castris, & æquo loco pugnandi potestatem facerent, aut si se castris tenerent, vallum aggredi, & si quâ fieri posset transire. At hostes relicto apud Joannis in crucefanum idoneo præsidio ponè vicum posuere castra, loco & opere, & naturâ munito, ac postmodò Bozzolum movere.

Id oppidum Camilli Gonzagæ est, quo freti Hispani rem ipsam quæ agebatur inceperant, nam is & Bozzolum quod est caput parvæ ad Ollium flumen regionis, & Martini-fanum proprius flumen in Hispanorum potestate futura, seque eos commeatu juvaturum fidem dederat. Apud Bozzolum ab nostris pugnatum acriter, hostes sub mœnibus oppidi propugnare, vallum, fossamque objecerant, præterea illic loca cava, maceræ, sepes, atque alia propugnantibus æqua fuere, equitatus modò pro castris impetum nostrorum ægrè sustentabat. Estrada, & Navailius dextrâ, lævâque, in mediâ acie Atestinus curabat: pro cornibus naviter gesta res est, compulsique in munimenta sua hostes, magis in lævo nostrorum cornu, quò tamen propè graviter est offensum, nam longius ab mediâ acie progressi vacuum eò locum reliquerant, quem Atestinus ab Germanorum manu quæ in subsidiis fuerat, infedi subito jubet. Tantus erat in oppugnando equitum, pedumque ardor, uti quæ obstabant omnia, ea se superare possent confiderent: sed aliter censuit Atestinus, tantamque suorum virtutem ipsis fraudi esse non est passus, atque adeò receptui canere jussit. Neque tùm ab hostibus cessatum, qui ubi nostros abire vident, munimentis egressi in lævum cornu impetum faciunt: hunc nostri scilicet numero impares, atque prioris pugnæ labore fessi ægrè sustentabant, nisi properè Navailius Cataphractorum Mazarini equitum turmam eò duxisset, cujus virtute hostium vis inhibita, atque repressa est.

Sed hæc gloriosa modò Atestino, Gallisque, Hispani usui parvere: nam in eo omni negotio id ipsis curæ fuit, ut ne quid Sabionetam versus cunctes in itinere offenderent, in tuto castra ponere, de improviso movere, munito agmine incedere, non nisi exploratò progredi, postmodò quod Atestinus, & Galli pugnandi potestatem facerent, abnuentes oburgarent, stationes pellerent, castra tentarent, parvi pendere, modò ut Sabionetæ subvenirent, nihil tamen aut damni factum, aut dedecoris admissum. Igitur Martini-fanum quò initio profecti intenderant, pervenere, atque eò stativa habere: dein jam otiosi uti commeatus, & milites Sabionetam introducerentur, operam dedere: nam hujus rei per Agrum Mantuanum secundo Ollio, dein per fossam quæ ab hoc amne ad Sabionetam pertinet, seu per paludem, quæ auctis suprà fossæ altitudinem aquis compleverat omnia, magna copia fuit. Interca loci Thomas, & Pralinopleus ut ab Atestino partem hostium averterent, Alexandriam ad Tanarum amnem oppugnare se velle simulavere. Id semel, atque iterùm factum, dein ad forum Julii Valentini movere, Castellimontem per Santandream Castrorum Præfectum triduo cepere, atque destruxere, item Ponsonum Castellum: pos-

tremò Thomas apud Casalium sancti Evassii Padum traduxit copias, atque ad Sessitem movit, superatoque amne Laumellinum, & Novariensem Agros longè, latèque populatus est, Pralinoplessius interea morbo impeditus Astam concesserat, ac denique copiae in hyberna deductae.

In Germanià nostri post deditam sibi ab Maximiliano Baioariae Duce per induciarum conditiones Hailbronom, nihil admodum gessere: Asciburgum ad Maenum, Steincimum, Hosta, Germesheim, atque alia loca haud difficulter capta, praeter Hostam, cui potiundae magna vis adhibita. Armstadium ab quo alteri ex duabus Hassiae Langraviozum familiis cognomen est, propè improvisò occupatum: duae equitum Alae primùm oppidi portam ceperant, quo terrore impulsì oppidani hos stativis apud se recepere, praeterea promissae in sumptum collationes, quamdiù eò agitent, altera modo Germanici exercitus pars penes Turenam tunc erat, altera Hocquincurio Legato permissa una cum Suecis adversum Ferdidandum Imperatorem bellum gerebat.

Sed & haec post paulò ad Turenam rediit, relictis modò qui cum Suecis porro militarent peditibus mille, & quingentis equitibus. Omnis ab Turenà exercitus in unum est conductus, ut in Lucemburgensem Agrum, Galliam, & Belgium versùs duceretur: nam per haec aetiva Sociis Civitatibus cessantibus, opus erat qui eà parte Hispanis metum faceret, cogeretque ex omnibus copiis, quas adversum nos ductaverant, aliquas subducere: id tùm facere Turena iussus est, adversum quem Hispani Beccum misere cum copiis tuendo quem obtinebat Lucemburgensi Agro.

Cæterùm ubi inter Germanos qui in exercitu Turenæ Regi merebant, fama vulgavit hos extrà patriam ductum iri, ibi verò voces se id passuros negantium audiri coeptae, circuli equitum haberi, turmae, atque alae consilia conferre, dein turbæ, ac postremò secessio, tamen pars major mansit in fide. Rosa Tribunus huic rei caput esse videbatur, quem Turena comprehendi, atque Philippiburgum abduci jubet. Atque interea per Tribunos, Praefectos, ac duces, qui manserant in fide hortatur eos qui secesserant, uti redirent in viam, neu sacramenti religionem violarent: hos tot jam annos Regi meruisse, quorum mercedem ne desererent, neu committerent, uti Germanorum gentem virtute, ac fide inter cæteras præstantem, hanc prodidisse fama ferret. Quæ ubi apud obfirmatos in rebellionem animos parùm proficiebant, postremò id ipsis impunè esse ne Germanis quidem cæteris probabatur. Itaque ex eorummet sententiâ, primò moventes castra rebelles prosequi, dein ubi commodum fuit, oppugnare visum. Id apud Conigshovem oppidum ad Tauberem amnem factum, trecenti ex rebellibus caesi, cæteri fugâ sibi consuluere, dein Hailbronom reditum, atque eò septingenti è rebellium numero fugâ sparsi, & quò sese reciperent incerti ubi proximum erat in castra reversi sunt, neque tamen

1647.

hæ copiarum quibus Turena Imperator erat, tribus peditum, duobus equitum millibus ampliores fuere, at omnis veteranus miles, & per Germaniarum bella ad duritiem, atque omnes asperitates, quæ haud exigua bellicæ virtutis pars est, assuetus.

Turena Rhenum, atque Mosellam ductis copiis, Lucemburgensem agrum, quæ supra memoravimus gratiâ ingreditur, præmissisque Mosam versus quæ Belgium ab Lucemburgensi agro dividit, qui de hostibus cognoscerent, hos apud Givacum transmissos amnem Lucemburgum oppidum petere comperit: hos ut in viâ deprehenderet, loco idoneo collocat copias, & complures exploratum mittit, ab quibus certior factus hostes Lucemburgum ingressos, ad Montemmedium flectit iter, vicum qui haud procul oppido est, atque Turrim pugnando capit, ac tentato modò oppido aliquamdiù eò stativa habuit: nihil ipsi aliud consilii fuit, quàm hostem attinere, ut ne rediret in Belgium, itaque sine æstivorum in Germaniam ipse rediit. Fuit ipsi præterea quidpiam causæ, quamobrem id faceret, nam Anselmus Casimirus Wamboltius Umbelatus Archiepiscopus Moguntinus, atque Imperii Septemvir obierat mortem, in cuius locum Joannem Philippum Schombornium Herbipoleos Episcopum suffici Rex volebat. Moguntiam Archiepiscopatus Metropolim Rex præsidio tenebat, quò magis hunc, atque unâ Imperii Septemviratum homini amico mandari cupiebat, quod omnibus Moguntinæ Ecclesiæ Canonicorum suffragiis more majorum factum, creatusque Archiepiscopus, atque Imperii Septemvir Schombornius est. Id ut ne impediret hostis, circum Moguntiam Turena cum copiis agitabat, quæ deindè in hyberna deductæ.

Postquàm Succis ab Maximiliano Baioariæ Duce per inducias quies erat, ipsi in Boiohemo rem egregiè gerebant, Ferdinando etiam sine Gallorum auxiliis pares. Qui ubi hos si diutiùs Maximilianus cessaret brevî potiores futuros probè intelligit, nihil omnium omisit, quò pacem ejus cum Suecis minueret, ac postremò ab induciis discedere persuaderet. Id clam primò ab Maximiliano factum, Joanne Vertio qui huic merebat ad Ferdinandum cum satis magnâ equitum manu misso, sicuti injustè suo ad illum transirent, quos omnes ac maximè Vertium improbos, atque intestabiles videri Edicto sanxit, quandò sacramenti quod sibi dixerant fidem violassent, qui Vertium, aut cæteros qui unâ discesserant Tribunos, Præfectos, equitesve interfecissent, iis impunitatem ejus rei, præterea mercedem haud exiguam pollicebatur, sui que purgandi gratiâ ad Turenâ, & Vrangeliû qui Gallis, atque Suecis Imperatores erant, Cutnerum, atque ejus filium mittit, nec quidquam se ab induciarum legibus declinaturum sanctè adjurat.

His cum ab utroque Imperatore, tum ab plerisque omnibus ipsis qui Vertium secuti erant, fides habita, queis deterriti hunc ad Ferdinandum abscedentem deseruere, septem equitum alæ, tres peditum cohortes fuere, cum Tribunis, Ducibus, & Centurionibus. Contra hæc Ferdinandus, *Maximilianum injussu suo cum Gallis, & Suecis inducias pe-*

piſſe ait, quod ei ſas non fuerit. *Se Caput Imperii eſſe, cuius modo voluntate cum hoſtibus quidquam agere liceat. Quod ſacramentum Maximiliano Tribuni, Duces, Centuriones, ac milites dixerint, id Imperio, atque patrie tuendæ dixiſſe, quam ubi ſi deſerat, ac ceſſando veluti prodar, jam nihil erga hunc, ſed erga ſe qui hanc omni ope tueatur, huius ſacramenti religione teneri. Quæ ad patriam attineant, ea hoſ prima habere deſere, neque privatus Maximiliani ſervire rationibus, aut commodis. Quamobrem eos ad ſe & fidei ſpecie & præmi-
orum ſpe, & pænarum metu quas graves minabatur, venire iubebat.*

Interea Maximilianus communire ſuos loccs, arma, tela, tormenta, & quæ ad rem tormentariam attinerent, parare, feſtinare, in Aula Regis animum pertentare, ſi Succos integrâ ſuâ cum Gallis pace laceſcere poſſet: nam in utroſque peccare, & prodere fidem periculofius videbatur: poſtremo paratis omnibus quæ uſui eſſent, ibi verò Ferdinando palàm auxilia mittere, Groënsfeldium Comitẽ videlicet cum aliquanto equitum, ac peditum numero, qui X. Calend. Novemb. copias quibus præerat, cum Ferdinandi copiis conjunxit. Multa Maximilianus ſcripto in vulgus edidit, quibus ſe jure adductum contendebat, ut ab induciis diſcederet.

*Has ſe accelerandæ modò paci ſciſſe, ab quâ tamen Sueci ſeſe magis, ac magis alienos in dies offenderent, ingentia, immoderata poſtulando. Hoſ inducias ſingillatim cum Ferdinando paciſci voluiſſe, ut adverſum ſe omnem belli molem converterent. Hu ægrè eſſe quod in ſe Catholicæ Religionis in Germania potiſſimum præſidium ſit, quam perditam velint. Colonienſem Archiepiſcopum Septemviriũ fratrem ſuum ab his malè habitum, contra induciarum fidem, quod ut ne & ad ſe denique perveniret, reſſe metuiffet. Dolo malo ſibi Chriſti-
næ Succicæ Reginæ Diploma quo inducias ratas habere ſe edixerit, ſeriũ ab his traditum, uti ſi interea perdandi, aut labefactandi ſui copia fuiſſet, hac uti potuiſſent. Addebat alia compluria huiusmodi levia, futile. Sed reverà ceperat hominem metus, uti Sueci Ferdinandum profligarent, quo ſucceſſu elati quæ his pacis conditiones ſatis placuerant, eas poſthac aſpernarentur, atque omni Germaniâ potiri vellent, aut certè in hac cuncta ab nutu ſuo pendere. Caterum Maximiliano non fuit conſilium, ita Ferdinando copias ſuas permittere, ut his ex voluntate uteretur, quod quidem ex omni Groënsfeldii ratione palàm fuit: nam hic multas de indiſtriâ opportunitates corruptit, omnem operam dando, ut ne Auftriaci Succis, aut hi illis potiores eſſent, atque adeo pacem abnuerent.*

Ubi Maximilianus ab induciis diſceſſerat, tametiſ has cum Gallis inviolatas fore polliceretur, tamen his per foedus pridem ictum cum Succis haud licebat ceſſare, quando & Ferdinandi, & Maximiliani copiis urgebantur, quibus ad Viſurgim uſquè annem cedere coacti ſunt. Ibi verò Mazanum ab Germania Turenã evocaſſe pœnituit, quod quidem foedè evenerat, cum ob equitum Germanorum qui ab huius exercitu diſceſſerant defectionem, tum ob labefactatos eâ cauſâ ſocios, & corruptam in Germaniâ rem publicam, quam uti reſtitueret

1647.

hunc cōd mittere denuō vīsum. Id vel adventūs hujus famā eventurum Mazarinus sperabat, quamobrem hominem per litteras monuit, ut ne quid suprà vires incipere vellet, quæ Germanorum equitum discessū haud mediocriter imminutæ fuerant, cæterū rem publicam modō in Germania sustentaret, neque Suecorum immensa animo agitantium ambitioni, ac lubricini sibi serviundum esse duceret, ac singillatim horum in Maximilianum odio, quem Rex in viam reducētum quidem, sed nusquā labefactatum, nedūm perditum vellet: hic interea Memin-gam quam Suecis per induciarum conditiones tradiderat, oppugnavit, atque ad deditionem redegit.

Isthic animadvertendum videtur, sicuti Maximiliano Baioariæ Duci ubi copias suas cum Ferdinandi Imperatoris exercitu conjunxerat, cautio fuit, ut ne his fretus Suecorum vires attereret, sed uti suas modō sustentare posset, ita & eandem Regi seu Mazarino fuisse, ubi Turenem in Germaniam redire jussērat, ut ne videlicet Sueci Gallis iterum freti potentiores evaderent, ac Ferdinandi, Maximilianique profligandorum spē pacem quam in Germaniā Rex factam volebat, doctretarent. Certē qui in belli societate sunt, eos uno animo, atque eōdem tendere vix diversā studia, ac diversæ in republicā rationes sinunt, quam tum summā arte, & quæ suprà socialem fidem quandōque esse videatur, tractare necesse est.

In citeriore Hispaniā cum parte copiarum Condæus cis amnem Sicorim apud Lesborges, dein apud Verdūm, copiarū reliquæ in Tarraconensibus campis stativa habuere: eō aliqui loci communiti, atque præsidii firmati, dein ultrā Sicorim itum. Condæus apud Farfaniæ Castellum habuit castra, interea dūm Arnaldus Corbevillæ Castrorum Præfectus cum idoneo copiarum numero Agērem oppidum, atque Castellum oppugnat. Id inter utrumque Noguera, Aragoniam versus fermē medium est, magis ingenio loci, quā arte munitum. In eo negotio octiduum absumptum, locus pugnando captus, tametsi eō tormenta moliri perdifficile fuerat, non jumentorum, sed hominum operā: qui præsidio erant hostes ex iis cæsi centum, trecenti capti. Eā re ex sententiā tam brevī confectā, nam eundem locum antehac ab nostris captum hostes vix post unum, atque vigesimum oppugnationis diem receperant, Condæus copias quas alias aliō prohibendis comitatibus, atque auxiliis dimiserat, ad stativa redire jubet, dein impedimenta, atque omnem propē familiam in Galliam quō mox & ipse iter habiturus erat præmittit.

Hujus discessus spē fretus Aietona Marchio qui Hispanicis omni-bus copiis Imperator erat, Franciscum Tuttavillam cum quatuor cohortibus Hispanicis, Italici unā, & quadringentis equitibus Constantinum oppugnatum misit. Id Tarracone haud procul oppidum est, quod Condæus muniri antehac jussērat. Sed nequedum Constantinum, aut alia in Tarraconensibus campis loca permunita erant, in quæ Condæus Ilerdā versū proficiscens præsidia reliquerat, nequedum ipse ab Agēre

oppido longius discedere poterat, cujus mœnibus, atque munitionibus rehiciendis tantisper morabatur. Cùm igitur omnem exercitum eò ducere nequiret, Mottæi modò equitum alam, Helvetiorum centurias duas, & qui Mirapiceæ cohorti supplemento veniebant milites, eos Constantinum versus ire jubet, præterea ipsam ab Flixio Mirapiceam cohortem, atque Marini equitum alam: ipse post paulò ut in Urgellarum planitiem descenderet movet castra, atque ubi Balaguieram advenit, hostes qui apud Fragam omnes coëgerant copias, Ilerdam contendere per speculatores cognoscit.

Hispani apud Ilerdam, Condæus apud Balaguieram, quoniam utrobique pontis copia est, Sicorim trajicere properabant: sed hic continuò sibi duo ex rerum copiâ faciundâ esse decrevit, scilicet suis apud Constantinum auxilio esse, atque hostes si annem Sicorim transirent, aggredi, præliumque committere. Eo consilio apud Tarragam habuit castra, Gramontium Equitum Tribunum, atque Hardium Trussæum Castrorum Præfectum cum idoneo copiarum numero dimittit, qui unâ cum Broglio, is apud Montem album haud procul Constantino copiis quæ eò præmissæ fuerant præerat, communicato consilio remgerent, cui omni rei Gramontius sicuti par erat præesset. Sed is non auxilio modò esse nostris, verùm & hostes malè multare avidus, per avia, atque invia posthabito per montium fauces itinere, atque iis salibus quos ab hoste insideri per speculatores cognoverat, ad Constantinum properat, sperans se hostes in ipso oppugnationis conatu nihil de se suspicantes oppressurum, sed nihil hos fecellit haud segniùs speculantes.

Qui ubi adventare Gramontium sensere, subductis p̄toperè tormentis Tarraconem quæ urbs in propinquo est, abscesere: agmen abeuntium equites nostri carpsere, capti aliquot, centum ultrò ad Gramontium transiere. Pulsis ab Constantino hostibus præsidium quàm antehac amplius eò Gramontius relinquit, curatâque rehiciendis, perficiundisque munitionibus pecuniâ ad Condæum properè redit: nam hostes Sicorim transituros, & ad eum venturos fama constans erat, qui si non cessassent, atque ubi Gramontius aberat, properassent ad Condæum accedere, hunc aut cum ingenti periculo pugnare, aut fugâ sibi consulere coëgissent: verùm hæc ejus fortuna fuit, aut industria, uti priùs Gramontius ad se redierit, quàm hunc omninò abiisse hostes sentirent: præterea Aiëtonæ qui his præerat interdictum fuerat, ut ne cum Condæo prælium faceret, id modò satis haberet, tutari, atque sustentare rem: tanta de Condæo fama, atque virtutis opinio fuit, ut ne cum eo vel mediâ copiarum parte potiores Hispani manum conferere auderent.

Apud Tarragam Condæus stativa habebat, quò Gramontius ad eum redierat. Sed tum puduit Aiëtonam Constantinum frustra oppugnatum, visumque homini si denique Sicorim transiret, ac Tuttavillaram iterum tentaret, hanc ei feliciùs cessuram. Igitur copias omnes traducit annem, atque ad Lesborges habuit castra ab nostris nuper muni-

1647.

ta. Condæus Belpuigam ab Tarragâ movet poſtridiè inter Ilerdam, atque hoſtes caſtra poſiturus, ut hoſ urbe, atque commeatu prohiberet. Adveſperacente jam die parva equitum agmina alia aliò dimittit, uti quid hoſtibus conſilii eſſet, explorarent, ac ſi quâ fieri poſſet ex his aliquos comprehendere, atque adducere jubet: tres ad Imperatorem adducti indicant ſuos poſtridiè ubi luceſceret, futuros in acie, ac prælium commiſſuros. Continuo Condæus cum Gramontio, atque Marſino Legato, & cum duabus equitum aliſ Joſephi Dardennæ Catalani, atque Baltariſ uti de hoſtibus ampliùſ ipſe cognosceret, ad eos verſum properat, noſtros eſſe in acie proficiſcens jubet, paratos, intentosque ubi eos accerſat.

Haud longè proceſſerat, cùm ab Arbecâ tormentorum ſtrepitu ſignificatio facta eſt hoſtes Ilerdam abſcedere: ſubito omnem accerſit exercitum, ac pergit ire ad hoſtes: hi præmiſſis antea impedimentis iter expediti faciebant, ut ad montem qui haud procul Ilerdâ eſt, pervenirent, eò caſtra habituri. Condæus ubi exercitus adfuit, maximam equitatùſ partem eòdem ducit, Gramontius cum reliquis copiis ſubſequitur. Sed cùm hoſtes expediti maturarent iter facere, Condæo caſtra ponere viſum, atque interea quid hoſtes agerent exploratum mittere, quos & caſtra poſuiſſe compertum eſt. Sed de tertiâ vigiliâ movere, quod & Condæus fecit, ab exploratoribus factus certior hoſtes ad Ilerdam properare. Circùm oppidum locus eſt, Hortam incolæ appellant, credo ab hortis qui ut ſerè fit pro Ilerdæ moenibus ſunt, hunc ſepes, atque foſſâ aquâ oppleta ſatis muniunt, quò hoſtes ſeſe in tutum recepère, poſtquàm ab noſtris ex ultimo illorum agmine caſſi, captive ſeptingenti fuère. Hæc certè Aïetonæ diſceſſio huic probroſa fuiſſe videtur, poſtquàm Barcinonem uſquè noſtros ſeſe abacturum prædicaverat, cùm vix diem unum in Urgellarum planitie agitare auſus fuerit.

Ubi hoſtes Ilerdam compulſi ſatis ſe victos fatebantur, Condæus Marſinum Legatum cum equitibus, peditibuſque quot ſatis viſum eſt, Conſtantinum properè mittit: nam Tuttavilla iterum oppidum magnâ vi oppugnabat Aïetonæ promiſſis fretus majoribus, quàm quæ præſtare potuerat. Ille igitur ſeriùſ de Marſini adventu certior factus Tarraconem properantius recipit ſe, quàm ut tormenta omnia ſecum advehere poſſet, ex quibus tria, atque alia quæ ad rem tormentariam pertinerent in caſtris relicta apud Conſtantinum poſthac noſtris uſui fuère. Ita Cataloniae rebus in tuto collocatis Condæus copias in hyberna dimiſit, ipſe in Galliam rediit.

Dum ubique eo quò ſuprà diximus pacto bellum gerebatur, interea loci apud Monafterium Veſtſalorum & Oſnabrugam de pace inter Ludovicum, & Ferdinandum, ac Chriſtinam Sueciæ Reginam, ſimul & Imperii Ordines qui horum partes ſequebantur, porrò agebatur, ac præterea Ludovicum ac Socias Civitates inter, & Philippum Hiſpaniæ Regem: ſed id ab Philippi Legatis per ſimulationem fiebat,

quæ

quæ & ad Sociarum Civitatum Legatos pertinuit. Nam hi de pace suâ cum Hispanis certissimi de nostrâ cum his agebant, uti modò sese omnem operam quò fieret dedidisse ostenderent, ac per nos stetisse quò minùs fanciretur. Ita foedere sese pacem sine Gallis nusquam facturos fidem dedidisse aiebant, uti si hanc æquis conditionibus respuerent, sibi ipsis consulere possent, quod tametsi totidem verbis cautum non fuerit, tamen æquitatem omnium quæ homines paciscantur normam esse debere, ab quâ si alter ex paciscentibus discedat, alter huic fidem servare nusquam teneatur: ita se conditionum quibus Pax nostra cum Hispanis fieri deberet, iudices constituebant.

De quibusdam jam convenerat, de quibus autem ambigebatur, ex fuere: scilicet quæ Urbes, quæve oppida bello capta Rex retineret, ea quibus finibus possideret: Rex uti quibus finibus hæc Philippus possederat, ea & ipse possideret, Philippus uti si quid agri, solive in cuiusque urbis, aut oppidi re publicâ fuisset, id modò penes Regem foret, æquum censebat: ita non quod suum sicuti cuiusque Urbis, aut Oppidi Domini, sed quod urbis cuiusque, aut Oppidi rei publicæ fuisset, eo Ludovico cedebat: at sicuti Ludovicus singulis oppidanis sua bona, ita & cuiusque urbis, aut Oppidi reipublicæ adempta nolebat, sed Philippo modò quæ sua fuissent, seu prædia, seu agros, qui ab singulis penderent urbibus, ac oppidis: huic controversiæ minuendæ Sociarum Civitatum Legati ut utrimque disceptatores constituerentur, auctores erant, qui si hanc litem dirimere non possent, hæc Sociarum Civitatum arbitrio permetteretur. Sed iniquum planè fuit quod cum his Hispani convenerant de urbibus, oppidive, quibus per conditiones pacis ipsis cedebant cum agris videlicet, prædiis, castellis, vicis, villis, atque aliis velut appendicibus, de eo cum Rege dissimiliter agere velle.

De Carolo Lotharingæ quondam Duce Hispani contendebant huic opitulari æquè Philippo copiam esse debere, ac Ludovicus sibi fas esse vellet opitulari Lusitanæ Regi: sed hujus finibus tuendis Ludovicus id sibi fas esse aiebat, atque id integrâ suâ cum Philippo pace fieri posse; Carolo verò Lotharingæ quondam Duci nullos fines esse, quos Philippus tueretur, nam his planè spoliatus ad hujus partes accesserat. De Casalio in Montisferrati agro id Rex penes Carolum Mantuæ Ducem esse æquum quidem censebat, sed eo Helvetiorum militum præsidium introduci, qui Carolo sacramento dicerent, stipendium verò ab Rege acciperent per annos triginta, dein utriusque Regis voluntate Casalio discederent: id uti neuter Casalio potiretur necesse videbatur, quod quidem Philippo haud ita difficile foret, si eò Mantuæ Dux popularium modò præsidium haberet. De Eduardo Bragantio Lusitanæ Regis fratre æquum esse hunc emitti custodiâ, fide datâ se nihil adversum Philippum moliturum. Isthæc restabant de quibus Gallos inter, & Hispanos convenire ad pacem sanciendam necesse erat, quæ certè huiusmodi fuere, uti Sociæ Civitates horum se iniquitate permotas posthabito foedere nostro pacem seorsim ab nobis cum His-

1647.

panis sancire se posse jure dicere non potuerint. Sed apud Socias Civitates plerique omnes tantâ in nos invidiâ laborabant, uti qui perditos antehâc voluerant Hispanos, eos jam salvos, & honestos vellent, nos verò qui illas omni operâ auxeramus, labefactatos, ac imminutos. Vitio Populorum, qui sibi jus, ac libertatem esse haud satis sentiunt, nisi his vel in ipsos utriusque autores, fautoresve abutantur.

Sed ubi Hispani pacem sibi cum Sociis Civitatibus fore Gallicâ infectâ non amplius dubitabant, ibi nec hanc Ludovicum inter, & Imperatorem fieri voluere, neque item inter hunc, ac Suecos: namque hos Gallorum auxiliis destitutos, qui satis superque negotii tuendis finibus suis habituri essent Imperatori, nos verò ab Fœderatis Ordinibus desertos Hispaniæ Regi opportunos, & obnoxios fore sperabant. Eò Trautmanstorffum de quò antehâc memoravimus sibi Monasterio Vestfalorum abigendum decrevere, qui egregiam usquè maturandæ Imperatorem inter, & Ludovicum, atque Sueciæ Reginam paci operam dederat. Trautmanstorffus Ferdinando carus, acceptusque erat, atque omnium domi consiliorum particeps, quâ tantâ gratiâ plures qui abessent, quàm qui Principibus adessent excidère. Hic igitur Monasterio Vestfalorum profectus est, atque ex itinere Joannem Georgium Saxoniae Ducem, atque Imperii Septemvirum adiit, quem Maximilianus Baioariæ Ducis exemplo ad mutandam cum Suecis induciarum fidem hortaretur: sed eam hic è Protestantium sectâ Catholico Principe sanctiis coluit, servavitque: quo magis adducor ut credam Hispanos, & Ferdinandum Imperatorem tunc bellum, quàm pacem maiuisse.

Sed cùm hæc hostium in bello continuando pertinacia pacis habendæ spem Regi, atque Reginæ matri tum adimeret, providendum necessariò fuit, ut ne his pecunia in illius sustinendi sumptum deesset, cui corrogandæ nova vectigalia, tributa, portoria instituenda, aut vetera augenda fuere, quod populis agrè futurum erat jamdiu sub illorum onere fatiscientibus. Sed hæc est Senatui insita dudum opinio uti sublevandæ plebis partes suas esse in re publicâ deputeret, atque adeò ubi Edicta de vectigalibus, tributis, portoriis aut novis instituendis, aut veteribus augendis promulgandi causâ ad hunc mittuntur, id sepius se haud satis rectè facere posse neget, aut his modum faciendum esse censet. Hæc de sublevando Populo cura magnam huic Ordini apud hunc gratiam conciliavit, quam omni ope sibi tuendam arbitratur. Eò tùm decrevit uti quæ de vectigalibus, tributis, portoriis seu instituendis, seu augendis Rex ediceret, ea ut ne aliò quàm in Senatu promulgarentur more majorum: nam hæc & in aliis Curiis rectè, atque ordine promulgari posse Administri contendebant, quibus minùs firmitatis, quàm Senatui fore sperabant ad hujuscemodi promulgationes disturbandas. Haud ita pridem quoddam Edictum in Vectigalium Curia promulgatum fuerat, quod ut ad Senatum adscreretur Patres decrevere, quâ de re certiores Rex, atque Regina mater facti Senatum quof-

piam è suo Ordine ad se mittere jussere. Aderant Regi, atque Reginae matri Gasto, Mazarinus, Seguierus Cancellarius, Almericus Quæstor summus, atque unus aut alter ex Quatuorviris.

1647.

Ibi Seguierum inter, & Molæum nobilis controversia fuit: hic enim *Edictum de Portoriis* prope totum ad rem regiam quam *domanium* appellant, pertinere ait, de quâ uni Senatui cognoscere, atque jus dicere copia sit. Quod de *vectigalibus*, tributis, portoriis quibusvis, atque de omni aliâ re edicatur ab Rege, id omne in Senatu promulgari debere more majorum, neque aliter vim legis habere posse. Ubi *Edicta ad Vectigalium Curiam* mittantur, id quidem non promulgandi causâ, quod prius in Senatu factum oportuerit, sed ut ex his *Edictis* in Senatu promulgatis jus sibi posthâc inter litigantes dicendum esse sciat. Haud æquum esse *Vectigalium Curiam* Senatui in *Edictorum* promulgatione æquatam videri, qui sicuti *Romæ Consilium Orbis terrarum* fuerit, ita & *universæ Galliæ Consilium* ab Regibus institutum esse videatur, cujus rei testimonium sit, atque esse debeat perpetua hæc *Edictorum Regum* quibus quidpiam sancit, atque constituit, quod vim legis habere velit, promulgandorum facultas, priusquam ad alias seu in Urbe, seu in provinciis Curias mittantur, quæ profectò non ut auctoritas Senatui, sed uti labos minueretur, institutæ sunt. In hoc Ordine Regis jus Populi dicentis, ubi id facere lubet, atque *Franciæ Parium*, ex quorum, atque aliorum Senatorum sententiâ id facere solet, sedem esse, illic omnis juris, & æqui fontem, ab quo ceteræ Curiae sicuti rivi derivatæ sint. Si igitur antehâc *Edicta Regis ad Vectigalium Curiam* priusquam in Senatu promulgata essent, missa fuerint, id & temporum vitio, & *Administorum* fraude factum, cui Curiam *Vectigalium* minus obstituram, quam Senatum crediderint.

Contra Seguierus Cancellarius: Rectè, atque ordine *Edictum regium de portoriis ad Vectigalium Curiam* promulgandi causâ missum respondit, neque opus fuisse, ut ad Senatum prius mitteretur. Id quidem factum antehâc ubi de *vectigalibus*, tributis, ac portoriis hic Ordo cognoscebat, sed *Vectigalium Curiae* institutione desisse. Regum *Edicta* leges esse, quæ ab his unis vim omnem suam habeant, neque ad hanc Latrone ullâ ad Senatum, Populumve, nihil Rogatione, aut Promulgatione opus esse, quæ Promulgatio quando hoc verbo uti lubet, nihil aliud sit, quam *Edicti* recitatio, & in *Acta* Senatûs, aut alterius Curiae relatio. Quandoque Senatum, aut alias Curias *Edicta* quædam haud promulganda sibi videri decrevisse, quod quidam Reges æqui bonique consuluerint: sed eò Senatum, aut alias Curias arbitrari fas non esse, Regis *Edictis* intercedere, nedum hæc abrogare sibi licere: nam quidquid super his decernant, id quod ad hunc attinet, consilii modò vim habere, cui quantum lubet tributis, neque necesse habet quidquam ex plurium in Senatu sententiâ decernere. Postremò rectè *Molæum* dixisse, *Edicta ad Curiam Vectigalium* mitti, ut in hujus *Acta* ubi Curia coram recitata sint, referantur, atque ex his jus inter litigantes dicat, neque enim aliâ de causâ ad Senatum ipsum mitti, atque adquò nihil necesse esse uti Regis *Edicta* de his quorum causæ cognitio ad Curiam *Vectigalium* pertineat, ad Senatum prius mittantur. Nam quod interesse *Molæus* velis inter Promulgationem *Edictorum*, & eorum recitationem, atque in *Acta*

1647.

alicujus Curiae relationem, illam ad Senatum, hanc ad alias Curias pertinere, id planè fœditium esse: nam eandem in cæteris Curis quàm in Senatu de Edictorum Promulgatione decernendi formulam esse, scilicet his adscribendum recitata, atque in aëta relata fuisse.

Sequiori orationem excepit Mazarinus, dixitque, *Mirari se hæere Senatum hujusmodi nugis, quo enim alio nomine præclaram hanc de promulgando in Senatu, aut in Væligalium Curis Edicto controversiam appelles, se haud satis scire. Hanc certè leviorē esse, quàm ut eā causā res omnis publica in discrimen adducatur, quod evenire necesse sit, dum disceptatur ea de re, neque Edicta Regis quibus pecunia in belli sumptus quæatur, interea promulgantur: hanc enim in stipendium quod militibus detur defuturam: neque ullos gratis operam Regi, ac rei publicæ navaturos: hostes verò neglectā de qua dudum agatur pace bellum majori quàm antehac conatu gesturos. Quamobrem Regem, atque Reginam matrem vehementer velle, uti Senatus his desistat litibus, quibus omnis rei publicæ commodis servire velit. Nam hæc stante familiarem cujusque commodiorem in statum restitui posse, sin verò illa corruat, hanc simul interituram.*

Super nugarum verbo quo Mazarinus usus fuerat, Molæus hominem illiberalius habuit, quàm res monere videbatur, tametsi in eo nihil offenderat, nam Senatum nugas agere nemo ex hujus Ordinis dignitate dictum putet: cæterum convénit Edicti Promulgationem ad Senatum pertinere, quia in eo de Regiâ re quam domanium appellant agebatur, ac præterea uti de hoc negotio Molæus, atque alii ex Senatu cum Seguiero Cancellario, atque aliis ex Confilio regio colloquerentur. Sed cùm ex hoc colloquio nihil satis æqui ab hoc Ordine sibi sperandum esse Administri judicarent, futuro ejus Decreto prævertendum sunt arbitrati, Edictum abrogando, quod regio Diplomate ad Senatum missum factum.

Sed illius loco quinque alia Edicta ad hunc Ordinem promulgandi causâ missa, quorum uno Portitores novi complures creabantur, quæis stipendium annuum super singulis mercibus quæ ad Urbem adveherentur, tantum tribuebatur, quantum super his Edicto quod abrogabatur exigi debebat. Eò factum est, uti Patres id Edictum haud abrogatum tùm maluerint, sed quæ ad victum pertinerent, nihil ex iis exactum iri decretum, ac cæteris modus impositus, eâ lege, ut hæc portoria per biennium modò si tandiù bellum duraret penderentur. Decretum hoc Reginæ, atque Administris nequaquam placuit, quod adeò Rex ex Confilii sententiâ antiquavit, neque eò seciùs ex hujus normâ porrò exigî portoria Patres iterùm decrevere, non universi quidem, sed qui per solitos vacationum quotannis dies pauci cæteris cessantibus, atque in sua rura dilapsis jus dicere solent.

Hac Senatûs super Portitoriorum Edicto constantiâ Administri permoti de hoc nullam posthac fecere mentionem, sed prioribus Edictis quæ antehac in Senatu promulgata fuerant, standum dixere, quò ex his Rex fructum aliquem sustinendis belli sumptibus caperet. In Urbe ædes permultæ Regi vectigales sunt, quarum videlicet in solo suo

ædificandarum ipse, aut majores ejus oppidanis facultatem dedere eâ lege ut annuatim perexiguum quidpiam pecuniæ, censum appellant, huic penderent, ac præterea uti quoties venum darentur pars aliqua pretii item exigua Regi cederet. Illo censu, atque hac pretii quæ pars ad Regem pertineret solutione ædes liberare consilium fuit, modo ut quanti in annum conductæ fuerant, tantum Regi penderetur, pars media proximo, altera altero anno, de quâ re Edictum in Senatu promulgatum antehac fuerat: id quidem tolerabile uti rei publicæ tempus erat, Senatui visum, & qui id rectè, atque ordine fieri curarent, ex Senatu delecti sunt.

Hi ut ædium domini quæ ad has, atque ad censum earum causâ pendii solitum, ac denique ad harum locationem pertinebant, ea ut ad se perferrent decrevere, uti quid quisque proximo biennio Regi pendere deberet, edicerent. Sed isthuc ædium domini nequaquam sibi faciendum constituere, quò Patres ut ne his locationis pretium conductores persolverent vetuere. Id quidem ædium dominos movit, ut in Curiam venirent frequentes, ac Patrum implorarent fidem, uti sibi locationis ædium pretium minui per biennium ne paterentur, quibus videlicet isthuc alendæ singulorum familiæ necesse esset. Fortè accidit ut in Michaëlem Particellum Almerici filium Inquisitionum Præsidem inciderent, cum quo asperius, quàm cum cæteris egere, quia pater omnium quæ in Populum emungendæ pecuniæ fiebant, Reginæ autor erat. Id factum maximè ab duobus, quos comprehendendos Senatus decrevit, prohibuitque ut ne conventus, aut circulos habere Populus vellet, qui secus fecissent in eos animadversum iri.

Regina uti quod Senatus de illis duobus comprehendendis decreverat, id vel invito Populo fieri posset, Prætorianos, atque Helvetios mercede conductos è regiâ custodiâ in Urbem accersiverat. Hi ad sancti Dionysii vicum stationem habuere, oppidani fremere, Templorum summa in hoc vico occupare, arma expedire, propulsandæ si qua fieret injuriæ cuncta parare: postremò Mercatorum. Præfectus ad Reginam adire, docere quo in discrimine Urbs esse videatur. *Milites in banc esse præter morem introductos, atque in stationes distributos inconsulto se, eò ignarum quid rei agatur Populum arma sumere, sibi, ac fortunis suis metuentem: quid porro moturus, aut factururus sit in incerto esse. Quamobrem Reginæ supplicare, uti milites omnes urbe facessere proximis jubeat, si banc pacatam velit.* Regina Haud existimare se respondit, si quid Rex fieri vellet in Urbe, id ex hujus sententiâ factum oportere: cæterum de nibilo Populum territari, milites enim in Urbe esse, uti Regi ad majus Templum eunti de more adsint, eò enim jamjam iturum Deo Immortali de recuperatâ valetudine gratias acturum. Quos comprehendere consilium erat, ii maturè diffugerant, quamobrem postquàm Rex ab Templo redierat, Prætoriani, atque Helvetii ab Urbe dimissi, quin & hanc Regis ad Templum itionem eò factam aiebant, quò Populus ob hanc modò milites in Urbem introductos fuisse crederet.

1647.

Post paulò quàm Trautmanstorffius Monasterio discesserat, Henricus Aurelius Longavilla omni de pace Hispanicâ spe damnatâ, ac propè de Germanicâ post illius viri profectionem, de reditu in Galliam & ipse cogitabat, ni Imperii Ordines summo orassent opere, ac denique exorassent uti maneret aliquamdiù, donec quid futurum esset amplius cognosceret. In Aula de Carolo Albaspinæo Castronovano Monasterium in Longavillæ locum legando tum facta mentio est, qui quanquàm dispari dignitate tamen quia Procancellarius fuerat Regni idoneus habebatur, qui hujus Legationis princeps foret: huic cum Serviano qui erat in eâ Legatione magna intercedebat necessitudinis causa ex Quatuorviratu, quem Castronovani operâ antehac adeptus fuerat, dein abdicare coactus: eò Servianus se Castronovani amicitia adversum Avauxium Collegam cum quo simulates porro exercebat, validiorem fore sperabat, sicubi Longavilla abscederet: ceterum eò denique deducta res est, uti Longavilla primùm, dein Avauxius Monasterio Vestfalorum discesserint quò unus restitit Servianus. Id Mazarini voluntate factum vulgò exultimavere, ut amotis arbitris cuncta deinceps licentiùs, ac pro lubricine in negotio pacis per hominem fidum ageret: sed hæc ex invidia magis, quàm ex vero dictitata: nam pax cum Hispanicis fieri nequiverat, tametsi Longavilla, atque Avauxius sedulò omnia fecissent, quò hæc sanciretur, Germanica verò postea unius Serviani operâ sancita est.

Per Autumnum Philippus Andium Dux Regis frater in gravem incidit morbum, ab quo ubi est recreatus Ludovicum ipsum ea lues quæ pueros solet, corripuit, periculosa illa quidem, & quæ Medicos sollicitos, atque anxios habuerit, tamen decimo octavo die meliusculè habere cæpit, dein planè convaluit. Ubi major vis erat morbi, qui Gastoni studebant, ii convivium celebravere, multaque illic dicta, factaque, sicuti Gasto de procuratione Regni si Ludovicus diem suum obiisset, atque de habendo in potestate Philippo fratre cogitaret: eò Schombergius apud Philippum qui tum in D. Honorati Suburbio agitabat, custodias ponere iussus est, is regiæ levis armaturæ equitum turnæ Dux, atque Helvetiis mercede conductis Tribunus est Annæ fidus, atque amicus Mazarino: sed ubi remisit morbus, neque incipere quidquam illis, neque his cavere opus fuit.

Mottæum Hodencurium ab Catalonia quam obtinebat provinciâ redeuntem Lugduni in custodiam conjectum suprà memoravimus, undè hoc anno Gratianopolim est deductus, uti quorum reus agebatur, de iis Curia Gratianopolitana quæstionem haberet: at is se negare aliò quàm in Senatu capitis cujus arcessebatur causam dicturum, id tali dignitate viris ab Regibus tributum, nam Equitum Tribunus est, neque quidquam hominem movit quod si in hac sententiâ permaneret, de tacito, sicuti de confessio supplicium sumptum iri significabatur, præterea libello ab Senatu postulavit uti de suâ causâ more majorum cognosceret, quò factum est uti primùm ea res omiſſa, postremo ipsemet dimissus fuerit.

Hoc anno Henricus Nassauvius Arausiorum in Gallia Princeps naturæ concessit. Nassauviorum Gens in Germaniâ Comitum est, qui tertium dignitatis locum obtinent, nam primus Septemvirosum, secundus est virorum Principum: at virtute, atque rebus gestis Henricus perfecerat, uti Principibus facillè par esse censeretur, præterquàm quod ex Arausiorum Principatu in quo summum huic jus iudiciumque erat, id dignitatis habebat, quæ postremò ab Adolpho Imperatore, huic Gentii quodammodo in ipsâ Germaniâ quæsitâ videtur. Henrico regia ab Britannia nurus fuit: filia Brandenburgico Septemviro nupserat, ipse Sociarum Civitatum Imperator erat, Hispanos sæpiùs acie vicerat, plerasque horum in Belgio urbes pugnando, aut deditione ceperat: placidum huic ingenium, summa in animo, summa in corporis cultu æqualitas, prorsùs vir ingens fuit. Animadvertère plerique hunc post fœdus Regem inter, & Socias Civitates ietum, initamque belli societatem haud tanta gessisse, quanta antehac fecerat, seu ætas ad similia incipiunda segniorem reddiderat, seu Sociæ Civitates uti nimium Gallorum potentia cresceret metuere, atque eâ causâ sibi temperandum esse duxere, neque moliunda, faciundave quæ nobis plusquàm ipsis proficerent.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER SEXTUS.
E P I T O M E.

1648.



E Annua pecuniâ ab Magistratibus Regi pendis solita. Rex in Senatum venit cum Regina matre promulgandis Edictis. Horum uno numerus Magistrorum Libellorum augebatur. Dura de Edictis Taloni Actoris regii oratio. Edicta in Acta Senatus referuntur. Postridi de Edictis uti referretur Senatus censuit. Senatus ea de re Decretum ab Rege antiquatum. Joannes Labardæus ad Helvetios proficiscitur. De pace apud Monasterium Vestfalorum, & Osnabrugam porro agitur. Januarius Aneſes rem publicam apud Neapolim Hispanis prodit. Hic Neapoli traditur. Guisus aufugit, capitur, & Caietam deducitur. Thomas Neapolim versus cum Classe navigat, Prochyta Insulam occupat. Salernum tentat frustra. Franciscus Ateſtinus Mutinæ Dux Victoriam Parmæ Ducis armitam uxorem ducit. Caracena ab Belgio in Italiam proficiscitur, qui Mediolanensem obtineat Agrum. Regis copię queis Pralinoplessius Imperator erat, ab Taurico ad Ericis portum debebuntur, atque ad Mutinæ Ducis fines ducuntur. Joannes Paulus Balbus Genuensis de Genua Gallis tradenda cum Michaële Mazarino Cardinali agit. Franciscus Barberinus cum Thadæi fratris filius Romam redit. Antonius frater in Montisferrati Agro restitit. Caracena propius Mutinæ Ducis fines copias ducit. Pelluntur Insula quam in ipso Pado occupaverant, dein ad Cremonam Caracena regreditur. Fossam ab Pado ad Ollium alterum amnem per medium Cremonensem Agrum ducit. Hanc transcendere Galli. Hispani Cremonam, ac Picoleonis Castrum confugunt. Ateſtinus Mutinæ Dux Cremonam frustra oppugnat. Guidonem Villam ab Subalpinis cessantibus ea parte Hispanis accersit cum Gallicis,

Gallici, ac Sabaudici quibus præerat copii. Hic apud Cremonam tormenti pila necatur. Obsidio Cremonæ solvitur. Pralinopleffius in Montisferrati Agrum reducit copias. Michaël Mazarinus in Catalonia Prorex Provinciam Regis iniussu deserit, ac Romam redit. Sebombergius Dertosam ad Iberum oppugnat, ac pugnando caput. Gallorum Turena Duce, Suecorum Duce Vrangelio adversum Austriacos, & Baiaros pugna baud procul Augusta Vindelicorum. Lambosi, & Austriacorum cum Hassis quæis Geisius præerat, pugna apud Grevembroicum. Maximilianus Baiariorum Dux ad Salisburgum fuga. Conismarcus altero Suecorum exercitu fretus Pragam novam improvisè caput, ac diripit. Omnes ad Urbem Curie Senatus conjunguntur. Delecti ex his in D. Ludovici Conclavi in commune consulunt. Eò cum Aula lites acturbæ. His sedandis obtrusa Senatus Annue pecunie solvenda, atque item aliis Curii facultas. De non augendo Libellorum Magistrorum numero facta spes. Haud tamen Delecti ex Senatu, atque ex Curii convenire desiere. Summa Quæstura Abmerico abrogata, ac Portæo Meleraio mandata. Quæ Delecti ex Senatu, ac cæteris Curii in D. Ludovici Conclavi censuerant, eâ Rex edixit, ut ne frustra antiquaret. Ipse ab Condeæ oppugnata, atque ad deditionem redacta. Ostendæ inceptum Ramsario fiedæ evenit. Condeæ de Hispaniæ victoria ad Lensium oppidum. Brussellus, ac Blammenius ex Senatu comprehensi, atque abducti ab Urbe. Plebes arreptis armis tumultuatur. Postridiè Seguierus cum iret in Senatum ab Plebe compulsus in Luinæi aedæ vitæ discrimen adit. Senatus in Regiam venit, quo loco res in Urbe esset Regiam edocet, postremò impetrat uti Brussellus, & Blammenius ad Urbem reducerentur, quorum reditu Urbis sua quies reddita. Post paulò Rex cum omni Aula Ruellum rus altero ab Urbe lapide abiit. Charvignius apud Vincennas in custodiam conjicitur, eâ de re in Senatu Violeratio. Renovatur Senatus Decretum de arcendis ab omni re publica peregrinis, sed ab Rege antiquatur. Germanus Moleus, atque alii ab Senatu missi cum Gastone, Condeæ, ac Longavilla colloquuntur, semel, atque iterum tum Cancellarius adfuit. Convénit uti quæ in D. Ludovici Conclavi Delecti ab Senatu, atque ab aliis Curii censuissent, de iis Editum ipsi Patres perscriberent, cui Rex subscripsit, atque huic regium signum appositum, promulgatumque est in Senatu. Pax Monasterii Vestsalorum Regem inter, & Ferdinandum Imperatorem sancita: utrumque adscripti Fæderati. Belfortius Arce Vincennarum elabitur.

REm nostram anno proximo foris labefactari ceptam vidimus. Jam domi lites, turbæ, atque res novæ. In ipsâ Urbe tumultuatum, concursum ad arma, Regia imminuta Majestas, plus Plebis lubido, quàm recta ratio, aut Principis imperium possè. Senatus primum movere, atque miscere cuncta, dein viri Principes, utrique rei publicæ specie, quam ab Administris corrumpi, atque ab Publicanis misère diripi aiebant. Quod cum Plebes maximè sentiret, eò facilitè uti cum Senatu congrueret, adducta est. Is profectò non suâ magis, quàm rei publicæ causâ sibi Administrorum consiliis, atque conatibus obstitendum est arbitratus, sicuti postea videbimus. At viri Principes, & quæ hos sectabatur Nobilium turba, ea ycrò more suo commodis suis studebat: cranç

præterea quos suæ virtuti, quam sibi magnam esse quisque facillè credit, negata præmia stimulant.

Initio Reges, uti quisque vir bonus, probusque videbatur, atque divini, humanique juris sciens, ei Magistratus mandabant, dein ærarii inopiâ adducti venum dedere. Id ab majoribus coëptum Ludovicus XII. eò frequentius, atque in omnibus propè Magistratibus fecit, quòd ultrò homines Magistratus commercabantur, quo modo pecuniam in rei publicæ sumptus, quàm per vectigalia, tributa, portoria nova conficere maluit, placidissimo ingenio Princeps, qui cùm multa, atque ingentia domi, forisque patravertit, tamen civium fortunis sedulò pepercit, neque has præterquam quod prius quotannis pendi solebat, usquam attigit : eò pater, ac delitiæ populi appellatus, quem Titulum omnibus victorum, triumphatorum, invictissimorum Titulis anteposuerim. Qui huic successere Reges, ii in singulos Magistratus pretia factis exigua constituere : & si quis Magistratu suo alteri cedere vellet, hujus rei si illius pretii quartam Regi persolveret partem, ei copia fuit : at ubi Magistratus emptoris morte vacuus erat, is ad Regem redibat, scilicet quem rursùm venum daret : postremò & est inita ratio, quò Magistratus hæredibus ejus qui hunc gerebat, obveniret, quem aut eorum uni retinerent, aut alteri venum darent alieno.

Eà gratiâ Reges Annuam sibi pecuniam ab his qui Magistratum obtinebant, pendi voluere, præterea quoties hunc ipsi, aut eorum hæredes in alium transferrent, octavam pretii in singulos sicuti diximus Magistratus constituti partem sibi item ab novo emptore persolveri : cæterùm nullus Magistratum ingreditur, quin ab Rege Diploma habeat. Sed hæc Annua pecunia in novennium modò constituta, quo elapsò Regi integrum foret, aut hanc denuò constituere, aut planè tollere. At tantus ex eâ re utrimque fructus fuit, uti semel constituta postremò desinere nequiverit : nam & Regi magnus indè quæstus annuatim venit, & qui Magistratus possedere, hos sicuti rem verè suam, suoque emptam ære alius quæ item horum propria foret, quantum lubuit venum dedere. Primum id bonis omnibus parùm probatum, quoniam Magistratus haud secus, atque alia bona ex fructuum copiâ & æstimatum, & venum iri certum erat, qui uti quàm maximi forent, daturos operam eos qui Magistratus gererent, atque adeò jus, remque omnem publicam quæ ad hos pertineret venalem futuram. At ubi primo, dein secundo novennio nihilo secius jus dici, remque publicam ab Magistratibus administrari compertum, postremò ea res usu confirmata est.

Sed immane quantum Magistratuum ubi hoc pacto hæreditarii facti, pretium creverit : nam ex venditorum, atque emptorum lubricine planè pendet, quæ illorum adipiscendorum ingens apud nos est, illis enim fermè quis ab Plebe fecernitur. Genus, virtusque per se ipsa parùm æstimauntur, ni benè aut malè cæteris faciendi copiam habeas, quæ Magistratibus quibusvis aliqua est. Ist hæc omnes qui Magistratus habuerunt cupidissimos fecere, uti sibi Annuæ pecuniæ eâ gratiâ Regi per-

solvendæ potestas porrò fieret: quod ubi semel, atque iterùm finito quo id ipsi facere licebat novennio est animadversum, spes oblata est iis qui rei regiae præerant, hujus unius cujusque novenni sine haud mediocriter augendæ, si Regem Annuæ pecuniæ persolvendæ copiam Magistratibus haud amplius facturum simularent. Id in minoribus Magistratibus ex sententiâ cessit, qui ut hæc sibi copia per aliud novennium fieret, ejus initio satis grandem ærario pendere summam, at in majoribus Magistratibus nihil usquè hujuscemodi tentatum.

Erat eâ tempestate Almericus sicuti suprâ memoravimus summus Quæstor, cui hos majores Magistratus carpere consilium fuit, atque ab Rationum, ac Vectigalium Curiis, item ab Magno Consilio initium facere, ut ad Senatum gradum faceret: hunc primùm ejus rei expertem habere placebat, ut ne cum aliis ad propulsandam injuriam congrueret, ita enim quam Rex illis non dabat Annuæ pecuniæ porrò eâdem quàm antehac conditione persolvendæ facultatem appellabant. Nam id fermè hominibus moris est, uti quod sibi semel indultum sit, id postea sicuti debitum, exigant. Neque Senatum fefellit alienam in præsentia injuriam suam posthac fore, quo facilius adductus est, ut aliarum Curiarum causam secum communicatam vellet, sicuti postea videbimus.

Sed Administri ad rem publicam pertinere arbitrati, ut ne Senatus Edicta Regis pro lubricine promulgare, aut respicere sibi jus esse crederet, aut quæ Edictis caverentur, iis modum prout luberet facere, Reginæ persuaderent, uti cum Rege filio in Senatum ire vellet, spem nacti Rege, ac Reginâ Matre coram Patres Edictorum promulgationem disturbare nequaquam tentaturos, neque ubi promulgata forent, ea retractare ausuros. Copias in viciniore Urbi oppida distribuerant, ut ne quid Plebes moliri, aut Senatui obsequi vellet, si illa quiesceret, hunc ex voluntate Regis omnia facturum: ceterum quod de ædium annuâ locatione Regi pendendâ Senatus decreverat, ex eo Populus huic Ordini minùs quàm antehac æquus videbatur.

Igitur Rex, atque Regina mater XVIII. Calend. Februarias in Senatum venere, sex adferentes Edicta, quæ priùs cum Cognitore, atque Actoribus regiis præter morem communicata non fuerant, nam id triudò antequàm in Senatu recitentur, fieri solet, ita ut quid his Rex ediceret, id modò cognoverint, ubi recitata sunt. Primo edicto complures Portitores in Urbe creabantur, quod mense Septembri prioris anni Senatus respuerat. Secundo libellorum Magistri duodecim ad priorem horum Magistratuum numerum adjiciebantur. Tertio qui ex Ecclesiastico, atque ex Plebeio Ordine nobilia rura possidebant, ii quidpiam Regi pendere jubebantur, Ecclesiastici damno Regi farciundo, ex eo quod hujusmodi quæ possideant rura, hæc nunquàm aliis venum dare possint, nam id ubi ab aliis sit, quo pretio Rus nobile venum datur, ejus pars aliqua Regi cedit, Plebei quia his rura hujusmodi nobilia possidere nisi ex Regis voluntate copia non est. Quarto quidam Magistratus in Consilio regio creabantur. Quinto iterùm Edictum ex quo

medium annuæ ædium locationis pretium per biennium Regi pendere debet, promulgari jubebatur. Sexto Edictum quo ab locupletibus in Urbe quidpiam in belli sumptus Rex sibi pendere antehac præceperat, abrogabatur.

Super his Edictis Seguierus Cancellarius ait, Neque Ludovici XIII. Regis, neque Ludovici XIV. filii victoriis quas egregia Reginae matris in procuranda re publica operâ, atque Imperatorum virtute reportaverit, ita fractam hostium pertinaciam, ut ad pacem animum adicere velint. Huic conficiunda frustra usque missos Monasterium Vestalorum Legatos, frustra Reginam de æquissimis quas tulerat conditionibus remississe. Quamobrem si pacem velimus, bellum summâ vi porro gerendum. Id verò sine militibus fieri, milites absque stipendio haberi, aut ali non posse, cui persolvendo pecunia nulla in ærario sit. Hanc igitur Edictis quæ ad Senatum adferantur, quæ Regi, atque Reginae visum, ex re videlicet civium familiari, quando regia ad id minime sufficiat. Belli incommoda æquè ad alios, atque ad Regem pertinere, quò lubentius ad id ita gerendum, uti brevè desinat, omnes quidpiam conferre debeat. Republicæ salvâ quod ex fortunis civium huic tuendæ delibatum fuerit, ex eo haud exiguum fructum & singulos, & universos pacem videlicet capturos, quâ freti belli damna denique sarcituros. Certè hæc hujusmodi usquè fuisse, ut ea cives præterquam quod ad belli sumptus pertinerent, minime senserint: nam id ut in hostico, non in finibus Regni gereretur Reginam providisse. Id porro factum iri, si quem Rex fructum ex Edictis quæ allata sunt speret, eum ceperit, cui rei operam Senatum daturum pro republicâ, ac pro fide suâ minime dubites, Edicta promulgando, atque in Acta sua referendo, idque satius fore ducturum, quam inopiâ stipendiis dilabi milites, ac bellum quod usquè gestum in hostico sit, in finibus nostris defendi, atque ad eam civium fortunam, ex quibus ut illud fors porro geratur, quidpiam in rempublicam conferendum sit, hostium fines nostros invadentium sævitia funditus perire.

Moltæus orsus ab Regis valetudine, hanc Reginae matris curâ, atque sollicitudine recuperatam ait, Quem ad eam rei publicæ incolumem post tam gravem morbum representando non minùs hujus mater iterum esse videatur, quam ubi hunc pariendo Gallia dedit. Sed reipublicæ salutem Reginae haud minùs curæ esse decere. Nam Reges huic natos, non hanc Regibus natam esse. Quemadmodum igitur Regina rei publicæ Regem conservaverit, ita & hanc ipsi incolumem, atque integram conservare debere, quæ videlicet illi tantisper edegratâ per ejus pueritiam permissa sit. Magnam profectò esse de Regis incolumitate, Senatûs, Populique lætitiâ. Sed si de reipublicæ salute nulla simul cura erit, hanc certè quantacûmq; lætitiâ in luctum acerbissimum, & quod magis metuendum sit, in desperationem denique versuram, qua incitatus populus ad ea postremò descendat, quæ cogitare ut his prævertatur, quam dicere satius sit. Qui motus animorum sint probè scire Senatum, Reginam verò latere, quam de his celatam Administri velint. Ærarii inopiâ quæ tot Edictis obtentui sit, nullam esse debere, sed magis ingentem copiam ex tot veltigalibus, tributis, portoriis, quæ si Quæstores integra fide, atque à republica administrarent, huic sustinendæ, tuendæ, ac porro fors ex sententia gerendæ plus satis fo-

rent, neque illis auctis, ac multiplicatis, aut novis pecuniæ ab Populo corrader-
dæ technis opus esset, quæ conlocupletandis magis iis, qui harum artifices sint,
quàm bello gerendo, aut milibus alendis consumatur. Sed pacem, & bellum
omnibus Edictis præfari jamdiu morem esse, alterum quod hostes abnuant, al-
terum quod geri necesse sit, ut ad illam adigantur, neque id fieri sine pecunia pos-
se. Sed contrà bellum ab nobis ali, pacem abnui verisimilius esse, ut ne causa
prædandis, ac populum miseris fortunatum suarum reliquiis spoliandis usquam
desit. Hæc se pro eo quem geris Magistratu, ac pro fide sua Reginam edocere
debere, ac præterea tantam imminere tempestatem, ut ni hinc summa pru-
dentia, atque lenitate occurrat, vix res publica naufragium effugere posse vi-
deatur.

Haud absimilia Audomarus Talonus Actor regius disseruit, nisi
quòd miseræ plebis egestatem pluribus Reginam edocuit, dixitque
Galliæ Regum imperium non in servos, quorum corpora, atque fortunæ omnes
dominorum sint, sed in liberos homines esse, nam quod ex rectæ rationis normâ,
non pro lubricine exerceri debeat, quorum alteri parere veram libertatem, alteri
veram esse servitutem. Cæterum Senatum antebac Regum Edicta perpendere
consueisse, atque de his & consultasse, & sententiam libere dixisse. Quamobrem
illud jam amplissimum Ordinem, ubi cogatur Regis Edicta nihil his perpensis,
aut satis consultatâ re, ac vix rogatis paucorum sententiis qualescûmque fue-
rint, promulgare. Postremò qui antebac eundem quem ipse gerat, Magistratum
gesserint, iis Regum Edicta ipsis coràm perpendere, atque his contradicere, ne-
dum Senatui fas fuisse. Id tamen ipse non est facere ausus denique, sed
ut hæc sicuti Rex jubebat, promulgarentur postulavit: neque Sena-
tus quo minùs id fieret quidquam obstitit, seu Regis qui aderat, atque
Reginæ matris verecundiâ, seu jam certus erat quid postea facturus
esset. Sed illud contradicendi Regi videlicet verbum plus offensionis
habere visum, quàm ut ab Talono usurpari debuerit, nam ubi Pa-
tres sententiam de quopiam Regis Edicto rogantur, si id minimè pro-
mulgandum censeant, in eo certè hos Regi contradicere haud rectè
dixerimus, quando quod jus, & æquum est, id modò edictum, ac pro-
mulgatum vult.

At libellorum Magistri omnes eò quòd jus dicere solent loco conve-
nere, atque Edicto quo duodecim alii creabantur, sibi intercedendum
esse decrevere: dein pacto, & fide sancivere, uti si quis sui Ordinis eâ
gratiâ abscedere cogeretur, ei in sumptum quatuor millia nummum
annua curarent: si Annuæ pecuniæ persolvendæ conservandorum hæ-
redibus Magistratum causâ sibi copia negaretur, viduæ, atque hære-
dibus eorum qui interea mortem obirent, mille nummos quotannis
penderent: qui vacuos eorum morte Magistratus ab Rege coëmerent,
eos ne in Ordinem suum admitterent, nisi si priùs demortui uxori vi-
duæ, aut hæredibus facerent satis. De his rebus ab Seguiero Cancel-
lario Rege, ac Reginâ matre coràm graviter objurgati sunt, atque
jussi fœdus inter hos sancitum ad Cancellarium adferre, quod quidem
fecere, cæterum nihilo seciùs fidè inter se datâ porro illi steterè, quo fac-

1648.

tum est, ut iis & Consilio regio, & omni jure dicundo interdiceretur: præterea quidam cæterorum omnium nomine Edicto ex formulâ frequentî Senatu convocatis videlicet cunctis Classibus intercessere, hæ legendo cuius in hunc Ordinem fuerant convocatae. Ibi verò Joannes Perrotus in Inquisitionum Classibus Præses antiquior uti posttridiæ frequens Senatus haberetur, postulavit, quò de Edictis nuper in hujus Ordinis acta relatis consultaretur, quando id neque ex formulâ, neque more majorum, neque ex Senatûs sententiâ factum fuerat. Posttridiæ igitur Senatus frequens est habitus, & singula Edicta singulis Senatoribus tradita, uti de his ad Senatum referrent.

Id ubi Regina, atque Administri rescivere, illa Senatum ad se quosdam è suo Ordine mittere jubet. Venere Molæus, atque alii: atque hic Regina percunctanti quorsum frequens Senatus haberetur? respondit, uti de Edictis cognosceretur more majorum, atque ex Senatûs disciplinâ, quando Rege, & ipsâ coram de his cognoscere, ac sententiam dicere Patribus spatium non fuerit. Regina se quæcûmque tandem esset hujus Ordinis disciplina, considerare aut, Senatum nihil quod Regis Majestati, atque potentiae obstet, designaturum, ac præsentem æarii inopiam quam sublevare necesse sit, consideraturum, neque quidquam decreturum denique quod Regem ad ea descendere cogat, quæ ab suâ adversum Senatum optimâ voluntate aliena sint.

Hæc Reginae oratione sicuti confirmata Senatûs de Edictis ex antiquâ disciplinâ promulgandis potestas esset, ita de his singulos quibus tradita essent Senatores referre jubet. Quod Edictum de Ecclesiasticis, & Plebeis Rura nobilia possidentibus in Senatu Rege coram recitatum fuerat, eò sanciebatur uti tantam pecuniæ summam huic penderent, quantam horum fructus per viginti quinque annos percipiundi conficere possent, de quo ubi est relatum in Senatu, hic illam summam ad octo modo annorum fructus redegit. Quod ubi Reginae, atque Administris nuntiatum est, Senatum in promulgandis Edictis suo jure posthæc uti velle faciliè cognovère, seu id ab Regibus tributum fuerat, seu ab ipsâ rerum naturâ quæsitum, seu denique usu invaluerat. Ibi verò Cognitorem, atque Actores regios, simul & Senatûs Decreti exemplum ad se mitti Regina jussit, quò certiùs de hujus Ordinis sensu judicaret. Tum Præsides ut hujus Decreti lenirent asperitatem, auctores Senatui fuere, ut huic adscriptum vellent, quod hic Ordo decreverat, id non nisi Regis voluntate factum velle.

Sed isthuc cæteris haud satis placuit, dictitantibus haud decere amplissimum Ordinem ab jure suo, quod recuperatum velit, statim discedere, ac postremò visum, uti Cognitor, atque Actores regii Reginae supplicarent, uti quod Senatus decreverat, id æqui, bonique consulere vellent. Frustrâ dictitari hunc Ordinem regiâ potentiae modum facere velle, cum quæ de Edictis decernat, ea perindè ac ipsa Edicta ab eadem potentiâ regiâ proficiantur: si tamen Regina videatur æquiùs esse, atque ad regiam Majestatem, ac potentiam quidpiam at-

cinere, uti quod Senatus censuit, id potius Regis Edicto quam hujus Ordinis Decreto ad Populum permānet, id quidem Senatui maximè probari, uti Populus uni Regi de imminutâ quam huic pendere Ecclesiastici, ac Plebei debeant, pecuniâ ob nobilia quæ possideant rura, gratiam habeant.

Sed hæc ab Cognitore, atque Actoribus regis Reginæ dicta nihil profuere, quæ Patribus edici verbis suis iussit, ut ne quid de Regis filii Edictis amplius consultare vellent, nisi ubi se fecissent certiores, utrùm regis potentia, ac voluntati quam in Senatu pro tribunali sedens palam fecerit, modum facere sibi jus, fasque esse putent. Isthuc Senatui renuntiatum Patres obstupescit, qui tamen sibi jamdiu copiam fuisse satis scirent, de Edictis utrùm promulganda essent, necne, aut quid ex his servandum, aut omittendum esset decernere, tamen pigebat eò redactos esse, ut utrùm Regis potentia, ac voluntati ubi maximè hanc pro Tribunali sedens Senatui significasset, modum facere sibi jus, fasque esse crederet, necne, clarè dicere necesse esset. Id enim verò ipsis invidiosum, atque insidiosum videbatur, nam de Edictis etiam ubi Rex adest, Patrum sententias rogari solere, quod quidem clarissimè demonstrat has ipsis liberè dicere jus, fasque esse, utrùm videlicet promulganda, necne, aut quibusnam conditionibus videantur, quod si fecerit Senatus, an regis potentia, ac voluntati modum facere velle dicendum, ac non potius hanc pro re publicâ, ac fide suâ interpretari? At enim paucos modò qui propius Cancellarium sint, sententiam rogari, atque id in speciem fieri, & qualiscumque fuerit, nihilo minùs Edicta promulgari? quò intentius Patres scire anniti debere contendebant, ut ne id amplius fieret, sed omnium sententia ex disciplinâ rogarentur.

Hæc atque alia hujusmodi in Senatu dictitata, cæterum variæ fuere super eo negotio Patrum sententia, nonnulli uti posthabita hac Reginæ de jure Senatûs percunctatione Edicta porro perpenderentur, ac de his referretur, decernereturque censebant: alii qui Administros pecuniæ publicæ interversæ arcessere vellent, iis potestatem faciendam: quidam ad prima Regni Comitia hanc de jure Senatûs Quæstionem rejiciendam: plures Acta Senatûs evolvenda, uti quid antehac factum fuisset, sciri posset, interea perniciosissima hæc Edicta omissum iri. Cum nihil Senatus de eo quod Regina quæsierat responderet, Cognitorem, atque Actores regis iterum accersi jubet, quibus edicit se responsum Senatûs habere velle, quod si non dabitur, non defuturas sibi opes, quibus freta quod Rex filius, atque ipsa velit, id quovis facere cogat.

Postremò Senatus nihil sibi ad Reginæ Quæstionem respondendum esse porro est arbitratus, ut ne ex eâ re lites, atque turbæ orirentur, quæ autem de Edictis decernerentur, ea uti Regis voluntate servarentur, decretis ubi fierent adscribendum, quod denique de ruribus nobilibus quæ penes Ecclesiasticos, atque plebeios essent jam decreverat,

1648.

id uti Rex edicere vellet, Reginae supplicandum censuit. Isthæc Cognitor, atque Aëtores regii quemadmodum in Senatu acta fuerant Reginae renuntiavere: aderant Gasto, ac viri Principes, atque alii quos in Consilium de omni re publicâ adhibere solet. Illi Reginae præterea supplicavere, uti Populi egestatis miseretur, & quæ Senatus de Edictis censeret, ea uti comprobare vellet.

Reginâ habito seorsim Consilio Cognitori, atque Aëtoribus regius per Seguerum Cancellarium respondit: *Sibi Senatûs obsequelam cujus cæteris exemplum dudum præbuerit gratam esse. Quod de Ecclesiasticis, & plebeiis, qui nobilia rura possideant ab Rege edici postulent, id satis maturè facium iri, ubi cætera Edicta perpenderit, de quibus quid se edocere voluerint, lubentem auscultaturam, & quid Populo benigne facere poterit, id quantum res publica patietur facturam, ac maxime quod ad hunc Ordinem pertinebit, id sibi curæ futurum. Maturarent igitur isthæc conficere, ut quid sibi Rex bene factum vellet, citius sentirent.*

De Annuâ pecuniâ Administri Senatui spem ita objectam voluere, quod quidem singillatim ad eos pertinebat, rati videlicet ubi animum ipsis explevissent, nihil aliena, aut negligentiùs habituros. Nihilò minùs tamen omnia Edicta postquam de singulis relatum, ac seriò consultatum fuerat, rejiciunda censuere, præterquam illud de Ecclesiasticis, & Plebeiis rura nobilia possidentibus, de quo Regem edicere sicuti censuerant, postulabant. Id factum ab Molæo primario Præside, quem eâ gratiâ Senatus cum aliis è suo Ordine ad Regem misit, simul ut hunc, atque Reginam matrem edoceret, quibus rationibus adducti cætera Edicta rejecissent, atque iis supplicarent, ut id æqui bonique consulere vellent. Post paulò Regina delectos ex Senatu ad se venire jussit, quibus seriò significavit, Regem omnia planè Edicta servari, neque quidquam ex his detractum, aut immutatum velle.

Principio hujus anni Joannes Labardæus de quo suprà memoravimus, Solodorum Helvetiorum advēnit, eò ab Rege legatus. Continuò Civitates omnes, Pagique eodem misere, qui adventum gratularentur, atque eâ causâ Concilium gentis Solodori habitum. Ibi ab cæteris graviter increpiti, atque objurgati Tigurini, quod Jacobo a Fabro San-Portio proximo Legato discedenti litteras ad Regem omnium nomine dederant, contra quam cæteri sentirent, conscriptas. In his maxime reprehendebant, quod sicubi Rex hunc ad eos redire vellet, id sibi gratissimum fore in litteris erat perscriptum: quod quidem sentire se, aut sibi probari negavere, decretumque, ut ne quid posthac hujusmodi Tigurini incipere, aut facere vellent. Has ut haberet litteras San-Portius miserat e suâ familiâ quempiam Tigurum, quæ ex ejus voluntate ab Scribâ amico perscriptæ fuerant.

San-Portio fœderis inter Regem, & Helvetios renovandi lubido ingens erat, cujus rei gratiâ iterum eò legari extrâ ordinem cupiebat: cumque satis sciret Reginam, atque Administros nusquam id sponte suâ facturos, eò litteras ab Tigurinis quæ suum ad Helvetios redi-

tum,

a Le Fevre
de S. Port.

tum his gratum fore significaret, postulaverat. Nondum foederis inter Henricum IV. Regem, & Helvetios sanciti, quod & ad Ludovicum XIII. filium, & ad Ludovicum XIV. nepotem usque ad octo postquam regnare cepisset, annos pertinebat, tempus exierat; & jam San-Portius eorum animos pertentaverat, utrum id antevenire vellent: quod tametsi præproperè fecisset, tamen haud reprehendendum videtur: sed quod ipse alieno tempore facere nequiverat, id ut suo alius faceret, huic ægrè esse non debuit. Caterum Helvetiorum in San-Portium seu jure, seu injuriâ conceptum odium Labardæo usui fuit, qui eo lætioribus animis acceptus est, atque his minùs grave fuit iis carere largitionibus, quæ ab omnibus advenientibus Legatis usque factæ fuerant, in quas ob penuriam ærarii haud satis pecuniæ ab Administris curatum fuerat.

Ita exigua hac quæ unicuique Civitati, Pagove ex fœdere pendi solet, summa annuâ contenti fuere, ac vix posthac dimidia pars illius pecuniæ, quæ annuatim prioribus Legatis curabatur, est in Helvetios missa, atque adeo consueta largitio quâ unâ apud hos cuncta conficiuntur, fieri non potuit, eò difficiliora Labardæo cuncta fuere. Tres tamen sicuti jussus fuerat Centurias conscripsit, in quibus singulis ducenti milites esse solent: dein de supplemento quod hujus Gentis copiis, quæ Regi militabant necesse erat, ab omnibus Civitatibus, ac Pagis Friburgo excepto impetravit, delectus eo trium militum milium habitus, qui proximis æstivis Regi magno usui fuere.

Per hyemem Monasterii Vestfalorum, & Osnaburgæ de pace cum his qui aderant, ab Austriacis porro agebatur: quæ autem inter Hispanos, & Socias Civitates seorsim ab Rege contra fœdus cum his ab Ludovico patre, dein ab ipso filio ictum sancita fuerat, ea tùm demùm planè confecta, ac jurejurando confirmata est: sed non omnibus cordi fuisse vel ex eo existimari potest, quod apud Zelandiam plebes Joannem Knutium fortè obvium maledictis primùm incessere cepit, dein probra in hunc, ac denique saxa ingerere perrexerit. Is sicuti suprâ memoravimus Zelandiæ Legatus apud Monasterium fuerat, & cum Hispanis unâ cum Pavio Collegâ maximè de hac sanciendâ pace congruerat. In quâ cum fœderis nostri fides violata ab Sociis Civitatibus fuisset, illam his haud feliciter cessuram Tuilleries Regis apud has Legatus graver Fœderatis Ordinibus edixit. Certè Regibus quàm Populis quibus & Imperium est, fœdera sanctiora sunt. Nam quæ fides ab uno datur, ejus servandæ religio hunc magis afficit, quàm singulos ex multitudine, ad quos fidei publicæ vel nulla, vel perexigua pars pertinet, quò fit ut ab hac faciliè discedant. Quamobrem Principibus curæ esse debet, uti quidpiam ab Populis jurejurando firmitus exigant, quo sibi de fœdere servando caveatur.

Ab Monasterio Vestfalorum nuper Longavilla discesserat Legationis Gallicæ Princeps, cujus tanti hominis verecundiâ Avauxius, & Servianus contentionibus sese abstinerant, sed hoc amoto obice rursum

crupère. At Servianus cum suâ, tum Lionni sororis filii qui unicus Mazarino negotiorum quæ ad rem publicam pertinere Curator erat, gratiâ potior videbatur: Avauxius probitate modò quæ per sese quandoque parùm tuta est, atque insigni virtute nitebatur. Itaque temporari cedendum ratus, neque post pacem Hispanos inter, & Socias Civitates sancitam quidquam ampliùs apud Monasterium, & Osnabrugam factum iri, postulat uti sibi Regis voluntate in Galliam redire liceat: primùm id Mazarino parùm placuit, seu ægrè erat tantum hominem pacis negotium deferere, seu ut ne se hunc ab eo amovisse famâ ferret, idque sibi apud bonos invidiæ, ac fraudi foret.

Intercà Servianum celebrare, ornare, augere, nam tum Regni Administer Rescripto Regis creatus est, huic uni de Pacis negotio apud Monasterium scribere, sicuti jam alterum quoniam abscedere se velle scripserat, abiisse crederet. Quâ re Servianus suprà modum lætus, quæ sibi uni perscriptæ fuerant ab Aulâ litteræ, eas ad Avauxium legendas mittit: sed is qui fortè nihil se obligatum Serviano vellet respondit, quæ se Rex, aut Administri celata voluissent, ea aliundè resciscere haud æquum esse, ac litteras nusquam inspectas ad Collegam per eundem qui attulerat, remisit, dein post paulò Monasterio profectus in Galliam est.

Ubi Lutetiam Parisiorum advénit, huic neque Reginæ, neque Mazarni visendi copia fuit. Avauxium dixisse ferebant Mazarinum pacem abnuere, aut Pontificis Nuntio, Venetorumque Legato dicentibus hanc abnuere Galliam, respondisse rectiùs Italiam dixeritis, quoniam Mazarinus Italicus est. Sed is haud in rem suam fore arbitratus, si cā tempestate quâ plerique in Senatu sibi iniqui essent, & cum Plebe congruerent, unâ cum Avauxio fratrem ejus Henricum Memmium abalienaret, eò Avauxium secum redire in gratiam facilè passus est. Memmius in Senatu Parisiensi secundus est Præses, vir & singulari virtute, & suæ genti innatâ animi magnitudine, accefferant eæ artes, eaque studia quibus in togâ summa claritudo paratur: hunc, atque hujuscemodi alios sibi Mazarinus adjungere studebat, quorum operâ adversum ceteros, ac maximè Juvenes, qui plerique in Senatu huic infensi fuere, uteretur. Igitur postquam Avauxius sese satis expurgare visus, nullo negotio in gratiam cum Mazarino rediit, atque adeo in Concilium de republicâ cum cæteris Administris vocatus, atque adhibitus est.

Haud satis placuerat Regi, Reginæ matri, ac Mazarino Longavillam, & Avauxium ab Monasterio pace infectâ discedere voluisse, quod quidem tantisper obstiterat, ut ne ille in Concilium de republicâ cum Gastone, Condæo, & Mazarino vocaretur, quò & ceteri Administri adesse solent. Cum tamen Ludovicus XIII. post Ediçtum de Regni Procuratione, atque de his quorum consilio, judicioque Reginam in republicâ gerendâ uti placeret, perscriptum, signatumque singulari Diplomate Longavillam in eo Concilio sessurum edixisset, ubi Monasterio quò tum legabatur rediisset, visum istuc Longavillæ denegari non

posse, cujus cætera domi, militiæque opera semper reipublicæ processisset. Is Hispanos pacem abnuisse prædicabat, neque per nos usquam stetit, quò minus fieret, quod magis credere lubet, quàm Mazarinum sicuti vulgus ex invidiâ dictitabat, paci huic adversatum.

Sed Mazarino disciplina fuit, uti reipublicæ tempora varia tum erant, atque incerta, cum hostibus, atque inimicis non tam acerbè exercere odia, ut ne reconciliandæ gratiæ locus esset, promptus ingenium ubicumque opus esset, flectere, quâ re haud scio an ulla in Aula parandæ gratiæ, atque potentiæ, aut ubi parta, retinendæ magis idonea sit. Eò fiebat uti qui de ejusmodi re quâpiam secum agere vellent, eos haud quaquam aspernaretur, sibi conditiones ferri, aut ipse ferre nequaquam molestum haberet, interea tempus procedere, atque sicuti rationes suæ postulerent, hæc serio, aut negligentius agere, raro planè omittere: ita cunctos spe eorum quæ optarent, attingere. Igitur eâ tempestate virum quemdam religiosum è Minimorum Ordine Mazarinus lubens audiebat, qui cum eo de pace Regem inter, & Carolum Lotharingiæ quondam Ducem componendâ agebat. Huic egregius erat equitatus ex Lotharingica Nobilitate collectus, quo fretus Philippo Hispaniæ Regi militabat, spem nactus perditas res suas cum corruptis illius rebus miscendo utraq; fortè ut sunt humana, restitutum iri, potentissimo Regi multas reliquas opes, defuisse modò usque fortunam, quæ fluxa, ac mobilis perpetuo nec æqua, nec iniqua est.

Carolus atque omnem hujus equitatum ab Hispanorum partibus avertere ad bellum adversum hos porro gerendum haud levis momenti futurum fuisset: cæterum Carolus eo ad Mazarinum confugiebat, quòd apud Monasterium Vestfalorum Gallici Legati negabant Ludovicum illi quidquam de ablati antehac bonis tum redditurum, ac tandem post longas altercationes vix adducti fuerant, uti veterem Lotharingiam disjectis apud Nancium, & quocumque aliò munitionibus huic post decennium reddi æquum censerent, cui interea, atque Nicolæ uxori, ac Francisco fratri aliquantam pecuniam in victum cultumque Rex annuatim curaret: si ante decennium Carolus diem suum obiret, qui huic hæres esse deberet, ei Rex veterem hanc Lotharingiam disjectis ubicumque munitionibus item redderet: sed cum ab his conditionibus Mazarinus nusquam discedere vellet, postremò vir religiosus re cujus gratiâ venerat infectâ ad Carolum rediit.

Anno proximo diximus Guisium ab stativis quæ in omnibus propè vicis circum Averfam habebat, Neapolim venisse, cum ut Anesem eò adduceret, uti quod huic erat imperii reliquum, id abdicaret, tum uti quæ sibi advecta ab Classè Gallicâ rebatur auxilia, ea acciperet. Sed post Classis discessum ad stativa rediit, atque occupatis omnibus quâ ad Averfam aditus erat vicis difficillimè ad oppidum commeatus supportabantur. Quamobrem Nobilitas Regni quæ eò habebat castra, inde sibi abscedendum esse constituit, ita ut hujus profectio haud ab similibus fugæ videretur: nam ubi Guisii copiæ resciverant hostes Aver-

1648.

sâ discessuros, continuò stativis movère, quò factum est, uti properantiùs Nobilitatis copiae facessèrent, relictis signis, ac vexillis viginti, quæ Guisius sibi haud ostentanda apud Neapolim esse duxit, ut ne Nobilitati quàm ad suas partes allicere studebat, ægrè faceret.

In omnibus Regni provinciis quidam Guisii, ac Populi partes sequebantur, quæ haud mediocriter auctæ sunt, ubi feliciter huic omnia cedere capere, ita ut pleraque oppida, atque Castella in provinciis ad illas ultro accederent. Sed ab Aversâ ac vicinis oppidis, vicisque magna frumenti copia Neapolim est advecta, quod populo suprà quàm dici potest gratissimum fuit, nam hujus inopia esse coeperat, quam Guisii operâ sublevatam gaudebant, atque hunc laudibus ad cælum ferebant. Certè tanto Populi in se studio sæpiùs huic opus fuit, nam incredibile memoratu est quoties Januarius Anses fretus sicuti simulabat Ministrorum in Galliâ, atque Romæ gratiâ, huic insidias intruxit, ac simul Antonius Macella nuper Populi Electus creatus, atque Vincentius Andreas, de quo suprà memoravimus: incredibile item quoties Hispani honorificentissimas huic condiciones tulere, per Filomarinum Cardinalem Neapolis Archiepiscopum, ac per alios, Longonis-Portum, Plumbinum, atque omnia quæ ad Etruscum mare Hispani tenebant, oppida, atque alia in Neapolitano Regno, Mutinæ, atque Rhegii Principatum, atque his adipiscendis exercitus queis præesset, ac postremò Sardinia Regnum ostentantes, quæ omnia quoniam Neapolitanum cordi sine dubio erat, perpetuò respuit.

Sperabat propediem Classem, atque eâ vectum Rogerium Guisium fratrem adventurum cum copiis, is è Meliteni Militia est, quem adeò Equitem appellant, præterea Neapolitanam Nobilitatem quæ huic haud iniqua erat, usquè adeò æquam fore denique, uti sibi Regnum deferret. Sed metuebat ut ne satis tutæ stationis inopiâ quinquereмес Gallicæ cum cæteris navibus grandioribus Neapolim versùs venire velent, atque in aperto mari sicuti cæteras in anchoris stare, quod his periculosissimum fuisset. Eò Nisitam Insulam propiùs continentem positam traducere copias, atque hac hostes pellere decrevit, nam illic tuta statio quinquereмесibus futura erat. Copiæ sunt ex sententiâ in insulam traductæ, pulsi qui excensionem prohibebant hostes, acriter oppugnata turris, quod unum in Insula satis firmum propugnaculum hostes habuere: hujus deditionem incastinum polliciti fuerant, quam dùm Guisius opperitur, nuntiatum est Hispanos Neapoli Albæ portam sibi ab Landio Tribuno qui hanc defensare debuerat, traditam, dein cæteras Populi stationes fugâ defensorum subito desertas occupasse, atque adeò Urbem totam in Hispaniæ Regis ditionem, ac potestatem rediisse.

Vix Hispanis unius diei annonæ in Arcibus apud Neapolim reliqua erat, atque has deferere decreverant, & ad Caietam, Baias, Ischiam abscedere, ac commorari, donec ab Hispaniâ auxilia recuperando Regno, advenirent, cùm ipsis illud inceptum præter spem feliciter cessit. Subito omisâ Nisita Neapolim Guisius advolat, omnes aditus explo-

rat, si quâ Urbem ingredi copia esset: dein abjectâ omni hujus recipiundæ spe, ad Mariæ-sanum haud procul Capuâ positum iter intendit, quâ ad Regni fines deviis itineribus pervenire se posse sperabat. Sed receptæ ab Hispanis Neapolis, atque Guisii fugæ sparsâ undique famâ, Plebes armata omnia itinera obfederat, præterea multi ab Capuâ equites abeuntem sunt profecuti. Hunc primum fatis multi comitabantur, sed dilapsis sensim omnibus Neapolitanis, uni Galli denique resistere, & quocûmque consistendi copia fuit, in angustiis viarum hostes atinuere: postremò equis, virisque fatiscentibus, ac plerisque vulneratis capti cum Guisio propè omnes, atque Capuam deducti, quò ipse honorificentissimè, cæteri benignè habiti sunt, quamdiù in manibus Nobilium Neapolitanorum, quibus Ludovicus Podericus præerat, fuere.

Ubi verò Guisius Hispanis traditus, atque Caietam deductus est, ibi durius cum eo agi cæptum, neque mortem effugisset, ni Roderici consilio usus simulasset se graviter Galliæ Administris offensum, quod eum apud Neapolim deseruissent, neque ullâ re juvissent, atque adedò Hispanis spem fecisset, sese horum commodis servitutum, ac lubentem adversum Mutinæ Ducem bellum gesturum, atque alia his profutura in ipsâ si opus foret Galliâ facturum. Hunc exitum Guisii consilia de adipiscendo Neapolitano Regno habuere, quæ haud dubiè huic feliciter cessissent, si paulum auxilii ab Galliâ habuisset.

Tamet si in Hispanorum potestatem Neapolis redierat, Plebes tamen haud quaquam libertatis oblita ab Austrio, & Ognato qui tùm Prorex Arcosii loco apud Neapolim erat, adduci nequibat, ut his arma, atque tormenta traderet, qui id uti suâ sponte faceret hortabantur. *Hæc barbarum atque seditiosis incitamenta si dimitterent, ac se Philippo, atque hujus Administris placide possidè, atque benigne tractandos permitterent, fore ut omnium quæ usquè deliquerant, ipsis gratiam faceret.* Sed nondùm fractus erat Plebis animus, quæ Ognatum tormenta quædam Urbis abducere conantem prohibuit. Ita cuncta apud Neapolim quibia, atque incerta erant, foris ab his qui Guisii, & Populi partes secuti fuerant, nihil cessatum, Aquila oppidum captum, arx tunc cùm maximè oppugnabatur, capite tamen amoto reliquum corpus frustra movebatur. Igitur ex eò tempore Populi opes contusæ, atque intermorta Hispanorum res reviviscere capit.

Quæ tamen reliquiæ belli civilis in Neapolitano Regno fuere, ex iis si quem fructum Gallia capere posset, experiri visum, eò Populo uti porrò Hispanorum imperium, & averfari, & abnuere vellet, animos facere, audaciam, & vires addere, nihil omnium omittere denique, quò minus eâ parte Hispanis quietæ, atque tranquillæ res essent. Præmissis eâ gratiâ Neapolim versùs est Richelius actuarius navibus Præfectus, novemdecim fuere, cum paucis incendiariis. In navibus erant Pleissius Besanfonus castrorum Præfectus, atque alii ab quibus omnibus nihil est factum memorabile: capte modo naves ali-

1648.

a De Valernaud,

quæ commeatum Neapolim advehentes, cujus inopia in Urbe magna fuit. Aderat in hac Classe Grimaldus Cardinalis, cujus consilio, iudicioque res publica gereretur, Thomas cum reliquâ majorum navium Classe sequebatur, penes quem summa Imperii terrâ, marique fuit. Prochyta huic primùm Insula dedita, cui præsidium impositum, relictusque Præfectus a Valernaldus, deinde Salernum versùs Classis cursum tenuit. Haud procul oppido exscensionem facere consilium erat, sicuti Politus Pastena fuserat, fretus sui similibus exulibus, quos Banditos appellant, genus hominum est cædibus, ac rapinis victum quærere solitum, capitis damnati plerique, ac supplicii effugiendi causâ profugi: hi quingenti ubi Classis fuit in conspectu, visi ab proximis collibus in planitiem descendere, ad quos scaphâ vecti Quincæus, Lambertus, & Launaius properavêre: illi ab littore significavêre se illic adesse, ut his operam darent, qui ad eò subitò exscendere, uti cum exulibus colloquerentur.

Haud ita procul tùm visæ hostium turmæ duæ, quæ properabant ad maris littus: sed exules de quibus memoravimus nausti locum paulùm editum, atque ab naturâ munitum, inde glandes in advenientes hostes emiserê, qui & tormentis ab Classe nostrâ petiti Salernum retrocessêre. Ibi ab nostris est exscensio facta: Quincæus Castrorum Præfectus autor erat, ut omisâ Turri quæ Salernum euntibus erat in viâ posita, ad oppidum nostri accederent, quò moenia infirma, neque ponè quidquam aggeris fuit, atque eò instituto properè cuniculo murus disjiceretur: nam ad oppugnationem ex disciplinâ faciendam neque spatium, neque satis copiarum nostris erat. Sed ad Turrim morati hanc tantam opportunitatem corrupere: nam in oppido leve præsidium, oppidani Gallis æquissimi, quos in libertatem se vindicatuos sperarent. Vietri vicus ab nostris est expugnatus, quò b Lusseraius, & c Brosiæus qui duabus navibus præerant, atque his & terrâ operam Regi navaturi exscenderant, cæsi sunt: dein oppido est appropinquatum quò dùm d Montadius in Classe nostrâ Thomæ Principi Legatus, egregiam Regi, atque rei publicæ navat operam, vulnus accepit, ex quo mox interiit. Tria tormenta ab navibus quatuor oppidi mænibus fuerant advecta, sed hæc omnia frustra fuere denique; nam Hispanos ad quatuor peditum milliâ, ac sexcentos equites adventare nuntiatum, quâ re perculsi nostri tam properè, ac tam trepidè in naves regressi sunt, ut ne sibi tormentorum trium in naves revehendorum spatium sumplerint, atque id eò turpius fuit, quòd quos adventare hostes crediderant, ii nulli fuere, nam id vulgatum modò ab Salerni Præfecto his terri-tandis, & abigendis. Hic ultimus nostrorum Neapolim versùs conatus fuit, quem ab Thomâ factum Mazarinum voluisse ferunt, ut homini animum expleret nondùm Neapolitani Regni spe dejectum, si fortè Populus Neapolitanus ubi Classis, & copiæ ab Rege adessent, iterùm ut arma caperet, ac jugum Hispanicæ tyrannidis excuteret impelli posset.

b Lussey.

c De la Brosse.

d De Montade.

Sed tantæ hujus rei opportunitas prætermiſſa fuerat, quia Mazari-
nus nuſquàm adduci potuerat, ut hanc ſeriò ſuſciperet; eò factum eſt,
ut nihil quò feliciter evenire poſſet ſuppeditaverit, ſed hanc omnem
ſicuti privato conſilio uni Guiſio ex Plebis Neapolitanæ lubidine ge-
rendam reliquerit, ac denique hoc comprehenſo, atque in carcerem con-
jecto ubi Plebes ſine duce, ſine opibus in priſtinam reciderat ſervitu-
tem, atque Hiſpanis dedere ſe, ac permittere coacta fuerat, ibi modò
Mazarinus Thomam, atque Claſſem eò miſit, cum exiguo commeatu,
ac paucis copiis, non enim ampliùs duobus millibus quingentiſque pe-
ditibus, ac ſeptingentis equitibus fuère. Qui omnem hominis ratio-
nem carpere conſueverant, ii diſcitabant hanc in illo negotio fraudis,
ac nequitix pleniffimam fuiſſe: qui videlicet Neapolitanum Regnum
Hiſpanis ademptum noluerit, his palàm, ac publicè hoſtis, privatim ob
varia quæ animo agitabat conſilia, haud iniquus.

Sed incredibile memoratu eſt quot, quantaque exempla in Neapo-
litanos Hiſpani ediderint, tametiſi his & rebellionis, & omnium quæ
per id bellum patnaverant, gratiam feciſſent, fide datà nihil eorum
cuiquam fraudi fore: ampliùs viginti hominum millia per biennium
trucidata, indemnati propè omnes, inter quos & Januarius Aneſes fuit,
quovis ſupplicio digniſſimus furcifer, præterquàm quòd ex publican-
dis hujus bonis quæ per civile bellum raptò quaſierat, haud levis quaſi-
tus erat futurus: quin & pueros ſeptuaginta quos fames nondùm ſa-
tis pacatà Urbe panem tumultuoſiùs flagitare coëgerat, laqueo necare
nihil penſi habuère, quia libertatem ſimul inclamaverant. Tantùm
Hiſpani ſeveritati ſtudent, ut ne huic quidem ætati parcendum rei-
publicæ cauſa cenſuerint. Sed in omnibus rebus fermè nimii homines
ſunt, quod tamen in ulciſcèndo, quàm in ignoſcèndo minùs offenſionis
habet, nam quos ultus fueris, ab iis nihil ampliùs mali metuas, quo-
rum verò vitæ peperceris, iis tuæ inſidiari copia eſt.

Per hyemem Ateſtinus ab omni belli curâ vacuus Parmam petiit,
& eò Victoriæ quæ Parmæ Duci amita erat, uxorem duxit: hæc
affinitas noſtris ipſiſque rebus peropportuna videbatur, uti ſibi fini-
timum Principem adjungeret. Sed is dùm Ateſtino, Gallique res ſe-
cundæ fuère, haud iniquus fuit, dein ubi minùs ex ſententiâ procede-
bant, quò animi lubido ſuadebat, eò ſe convertit: poſtremò tamen ip-
ſi in Hiſpanorum amicitia parùm præſidii fuit, ſcilicet quibus hanc non
ex fide, ſed ex uſu colere diſciplina eſt.

Inter hæc Ludovicus Benavides Caracena Marchio cui Mediola-
num provincia ab Philippo decreta fuerat, ab Belgio per Æduos, Se-
quanos, atque Sedunos in Italiam iter faciens hos, atque alios qui Rho-
danum ab ipſis fontibus ad Lacum Lemanum accolunt, ſi Regi ſuo
amici eſſent, id ipſi uſui fore probè intellexit. Eò ubi illac tranſibat
hoſpitem nactus ut in eà regione magnis opibus, Stokalperum appel-
lant, hunc eſt adortus, docuitque quo pacto Philippus cum iis fœdus
lubens iniret, cujus ſi copiam facerent, magnam ab illo ipſis annua-

1648.

tim mercedem fore. Helvetios Philippo nulli posthac usui, atque adeo nec sumptui futuros, cujus partem jam ad Rhætos contulisset, alteram Sedunis Sociisque Populis cessuram. Hujus fœderis fructus Hispaniæ Regi haud exiguus fore videbatur, si quemadmodum ejus copiis ab Germaniâ in Italiam, aut ab Italiâ in Germaniam euntibus per Rhætorum fines iter habere copia est, ita & per Sedunorum, Sociorumque Populorum fines ab Sequanis in Italiam, aut ab Italia in Sequanos euntibus eadem copia fuisset. Sed hæc dicta privatim, nusquam res acta publicè est. Cæterùm Sedunis, Sociisque Populis quos uno nomine nunc Valesanos appellamus, cum Galliâ vetustum fœdus intercedit, utrimque cultum cum fide, quod deferere mutuæ horum, & Gallorum rationes prohibent.

Mediolani Caracenæ adventus magnâ erat in expectatione, cum ob summam virtutis opinionem, tum quia tædio præsentium ut ferè sit, nova Mediolanenses optabant. Hæc prima adveniendi cura fuit, quo pacto Atestinum, Gallosque provinciæ suæ finibus dejeceret, eò cuncta quæ usui erant parare, festinare, uti multa huic incepto opportuna antecaperet, neque Atestino ab Galliâ quæ decreta auxilia fuerant, ea dum advenerant. Sed hic interea ne quid acciperet damni, atque ex copiâ rerum existimans hostes Rivarolum tentaturos, quoniam longiusculè in hostico situm erat, dirutis quæ per causam hybernorum factæ illic fuerant munitionibus, tormenta, commeatum, atque præsidium inde abducit, quæ res Caracenæ majorem de abigendis omni Cremonensi agro Gallis spein fecit. Sub id tempus valida quæ Rex ad Atestinum mittebat auxilia adventare cœpere, quæ Pralinopleus Imperator fuit: hæ copiæ ab Tauroënto ad Ericis portum navibus devecstæ, factâ ab Genuensibus potestate, eò tum exscenderant, dein quâ proximum fuit, ad Atestini fines iter intendere.

Sed eâ tempestate Genuenses tametsi Philippo Hispaniæ Regi plerique ex privatis negotiis obnoxii, præterea publicè amici, tamen Gallis haud iniqui fuere, scilicet qui portuum suorum copiam his faciebant. Adversum hos tamen quidpiam cum Joanne Paulo Balbo consultatum est, non ab Mazarino quidem quod noverim, sed ab Michaële fratre. Certè Balbus ubi re omni palam factâ Genuâ profugerat, remque cum fide narrabat cuipiam, de Michaële modò locutus est, qui avidus rerum gerendarum, id fortè injussu fratris incoeperat. Cæterùm Balbus Genuâ ortus apud Mediolanum publicanus fuit, tenui levique ingenio, qui se tantâ re etiam temerè, atque frustra motâ clarum arbitrabatur, magnificèque sicuti operæpretium fecisset efferebat. Portæ apud Genuam biduum clausæ, conquisiti cum curâ qui Balbo conficii fuerant, atque in vincula conjecti.

Principio æstivorum Franciscus Barberinus Cardinalis cum Thadæi fratris qui in Gallia mortem obierat liberis Romam rediit; Antonius Cardinalis alter ex fratribus apud Casalium sancti Evasti in Montisferrati agro, atque in eâ omni regione, quæ ab Alpibus ad

Insubres

Insuæres pertinet, rempublicam curare ab Rege jussus. Guido Villa 1648.
 per Pralinopleßii absentiam copiis eâ parte præerat, a Santandreas, Se- a S. And.
 vignius, & Montius Castrorum Præfecti in eo exercitu fuere: Anto- Scvigny.
 nio hæc data provincia, uti Româ aliquâ probabili de causâ abesset, Mom.
 quoniam ipsi, atque Francisco fratri tutius visum, si alter non esset in
 Pontificis potestate, donec ejus, atque Olympiæ animus ergâ se ut ef-
 fet, periculum fecissent.

Ad XIII. Calend. Jun. Caracena Cremonâ movit, millia peditum
 sex, equitum duo ducabat, tormenta decem, atque alia omnia quæ
 usui forent. Primùm ad Joannis in cruce-fanum iter intendit, quò hos-
 tem falleret, neque sibi consilii quidquam esse simularet, quàm uti
 commeatum Sabionetam introduceret: dein ad Ghiscolam flecit iter,
 qui locus ab Casilio majore duo millia modò passuum abest. Interea
 Jacobus Quintana cum eâ cui præerat Cohorte, trecentis præterea Ita-
 licis secundo Pado devectus, insulam quæ est è regione Casalii paucis
 defendentibus occupat: at nostri majore quàm ubi pulsi fuerant nume-
 ro eodem brevi redeunt, pugnatur utrimque acriter, major Hispano-
 rum cædes fuit, sed insulam tenuere nostris abire coactis. Apud Ca-
 salium Navailius erat cum Gallicis copiis, quò propter commeatum
 difficultatem Atestinus metuens ut ne frumenti inopiâ laborarent, om-
 nibus circum ab hoste terrâ, atque amne infestis, moliti quantum satis
 visum introduxit, quam rem hostes prohibere conati frustra fuere:
 nam ab Casilio Navailius uti commeatum exciperet egressus, Hispanos
 ab tergo, dùm nostri ab fronte urgent, est aggressus, qui ancipiti
 malo percussis satis habuere omni aliâ omisâ curâ salutem consulere.

Inter hæc Pralinopleßius, ac reliquæ omnes quæ ad Ericis portum
 exscenderant copiarum advenere, quibus subito visum quidpiam operæ-
 pretii facere. Igitur adverso Pado nostri navigant, Rhegianum littus
 legentes, Mutinensis equitatus, paucique alii qui tardiùs venerant se-
 cundùm littus ipsum iere, neque agmen antecedeat naves, pariter ter-
 râ, atque amne procedebant. Ubi ventum ad Lenzam amnem, qui haud
 procul Brixello Padum subit, Rhegianumque ab Parmensi dividit
 agrum, ibi nostri insulam nacti propius Parmense littus, quæ tantùm
 in adversum porrecta est flumen, ut ejus pars ultima ei insulæ quam
 hostes propius alterum littus occupaverant, adversa sit, eò exscendere.
 In alterâ fluminis ripâ tùm adfuere copiarum, quas ab Casilio Navailius
 eò miserat, quò factum est, ut Hispani utrobique cermenes hostem
 imminentem sibi, ibi verò incerti quid potissimum facerent, omitterent-
 ve fugæ denique consilium caperent, nihil fluminis latitudini, quæ sa-
 tis magna inter utramque insulam est, nihil navium quas in statione
 probe instructas, armatasque habebant, nihil denique Castellis quæ con-
 struxerant duobus, aliisque munitionibus confisi, postremò nihil sibi spa-
 tii ad eas diruendas, & commeatus avehendos dedere: tormenta modò
 duo ut ne his nostri potirentur, quod ingens militiæ dedecus est, in
 flumen dejecere, tanta in fugâ capiundâ properantia fuit.

1648.

Post id locorum Caracena qui tam ferox, atque præclarus venerat, Gallos omni agro Cremonensi pulsurus, haud suos ipse locos tutari potuit. Primum tamen ut ne Sabionetæ potirentur, interea dum Cremonam defensurus abscederet, illam majori præsidio, atque commeatu firmat, nam & propius Atestini fines, & longius ab Cremonâ posita est: dein nihil adversum hunc Gallis fretum satis firmum arbitratus, ubi Cremonam advenerat, ab hac quæ ad Padum est, ad Ollium usque amnem fossam duxit, quæ Cremonensem dividebat agrum, hanc scilicet agri partem unâ cum Cremonâ defensurus, quæ ab fossâ ad Aduam amnem pertinet, reliqua haud minori parte cedens hosti. Hic in eâ messem fecit, quia matura tùm in agris erant frumenta: Atestinus enim, & Pralinoplessius paulùm morati dum omnes copias in unum conducunt, atque persequendo hosti omnia apparantur, postremò fossam versùs movère, & ad Carpanelam, & Dosenum habuère castra: dein comperto per exploratores Ollium versùs faciliorem ad fossam, & hostium munitiones aditum, atque infrequentiores esse eâ parte custodias, cò Boissacum Præfectum castrorum primum mittunt, qui initium oppugnandi faceret: in medio Navaillius item castrorum Præfectus impetum facere jussus, uterque Gallis præerat, postremò Guignardus Lalevius & ipse Gallus cum Mutinensibus quibus præerat copiis Cremonam propius.

^a Le Marquis de Cheme-
raud,
^b De Choiseul, Com-
te du Plessis-Praslin.

Quâ parte Boissacus curabat à Chemeraldus Tribunus qui pedites ducebat princeps fossam transcendit, atque in munitionem evasit, Cæsar ^b Choiseulius Pralinoplessii filius ubi cum Boissaco, simul, & equitatu subsequitur, inter primores dimicans occumbit: cò Neapolitani qui propugnabant octingenti quibus Cinarga Tribunus erat, fusi fugatique, præterea omnis propè Mediolanensis equitatus: sed ex illis complures se in villam quæ ad sinistram nostris erat, ex fugâ recepère: hanc Jacobus Quintana Tribunus, atque nongenti Hispani defendebant, fossâ, atque palorum ordine munitam. At Navaillius, & Lalevius quâ parte jussi erant munitionem ingressi in tempore advènere, uti qui adversum se propugnaverant, & qui ab Boissaco pellebantur, eos unâ colligentes sese iterum frangerent, qui ubi acrius nostri urgebant, neque consistere uspiam facultas dabatur, Cremonam denique profugère. Caracenam ferunt ubi contrâ ac ratus erat rem perditam vidit, caput objectasse periculis, sicuti huic eladi superstitem esse puderet, donec cum reliquo equitatu Stuzzius Germanus qui alæ popularium Tribunus Philippo merebat, hunc è mediis hostibus agrè retractum Cremonam abduxit. Is tamen ipse Stuzzius mox unâ cum Cinargâ capitis ab Hispanis est arcessitus, criminantibus utriusque ignaviâ rem corruptam, tamen illius modò virtute inter cæterorum terrorem, & fugam aliquamdiù sustentata fuisset: sed Hispani id more suo facere visi, quibus aliena virtus simul usui sæpè, & odio fuit.

Cæterùm tormenta, commeatus, impedimenta, atque alia omnia quæ hostium intrâ munitiones fuerant, ab nostris capta, cæsi complu-

res, tyro, & collectitius fermè miles, quem Caracena municipiis, vicifque imperaverat: captivorum aliquantum fuit, inter quos insignis & Galcaſſus Trotus Præfectus Equitum, præterea turmarum duces, & Centuriones: Serra Marchio in hoſtium exercitu Magiſter ut ipſi appellant, caſtrorum Generalis, atque alii graviter vulnerati: pauci è noſtris deſiderati, vulnerati permulti. Ubi id Ateſtino, & Pralinopleſſio benè proceſſerat, Cremonam hoſtem perſequendo facti propiores ſunt.

Caracena quod res monebat Urbi metuens validum in eà præſidium, & Vincentium Monſurim qui Præfectus eſſet relinquit, is Præfectus rei tormentariæ apud hoſtes erat. Ipſe poſt paulò cum cæteris copiis ad Picoleonis Caſtrum abſcedit, quò fugam ab nuperà clade plerique intenderant: nam is locus probè munitus ad Aduam amnem eſt, qui ab Sorii amnis oſtio ad Padum deſluens Cremonenſem ab Lodeſano dividit Agrum. Ex adverſo in altera amnis ripa eſt Ghierra vicus, quò Caracena traduxit copias, atque eò ſtativa habuit, utriuſque ripæ fluminis potens, ut ab ſtativis ad Picoleonis Caſtrum facile commicaret, quò validum præſidium impoſuerat, præterea frequentes in Lodeſanà ripà custodias necubi hoſtis falleret. Primùm Ateſtinus, Galliſque Cremonam oppugnare velle viſi, qui ſi hac omiſſà ad Picoleonis Caſtrum ab recenti victorià properaſſent, per abſentiam Caracenæ dùm apud Cremonam cuncta ad propugnationem neceſſaria conſtituit, inter fugitivorum hoſtium metum, ac trepidationem quidpiam operæpretii facturi fuiſſe videbantur, quæ mora apud Cremonam facta, ea verò tantam opportunitatem corrumpit: nam interea Caracena quæ prohibendo noſtrorum conatui neceſſaria fuerant ſicuti diximus, anteceperat, ità ut mox quod optimum factu fuerat ſeriùs animadvertentes ad Aduam fruſtrà venerint.

Igitur ad Cremonam regredi viſum, atque huius oppugnationi dare operam: permulta fuère, quamobrem id factu difficiliſimum videbatur, vaſtus murorum ambitus, atque adeò caſtra circùm immenſa futura erant, quorum ſtationibus, ac custodiis, ſimul ac oppugnandæ Urbi haud ſatis copiarum Ateſtino, nec Pralinopleſſio fuit: præterea ab Urbe ad Padum inſtituendis munitionibus locus non erat, quò fiebat, uti porrigenda caſtra ultrà amnem eſſent, ut ne hac hoſtibus ad Urbem eſſet aditus: ſed ultrà amnem Parmæ Ducis ſolum eſt, in quo per hunc nobis caſtra ponere non licebat, ſcilicet ut ne ex affine, atque amico planè adverſus Ateſtino, ac nobis fieret. In Urbe militum, atque comenſus affatim, mœnia reſecta, pro mœnibus ſemilunæ, atque alia opera, quibus rebus fiebat, uti ſaltem diuturna oppugnatione futura videretur, cujuſmodi incoepta multos recipiunt caſus, atque haud fermè ex ſententià eveniunt. Fuère qui ità exiſtimarent Pralinopleſſium iis diſcultatibus adductum ab eo conatu Ateſtinum deterrere voluiſſe, atque illum, & alios pleroſque ubi conſilium de ſummâ belli haberetur frequentes iſſe in alia omnia, unum modò Ateſtinum cui id bellum gerebatur, potiundæ Cremonæ ſtudio perviciſſe, ut huius oppugnationem aggredirentur.

Primùm circum Urbem castra fossâ, valloque, præterea turribus, quas receptacula vocant, & castellis munita, unum quàm proximè amnem supra Urbem exstructum, arcendo eâ parte si fortè navibus descenderet, hosti: in ipso flumine armatae, tormentisque, ac defensoribus instructae naves collocatae, dein ad Urbis Arcem fossae duci coepit, quâ si Atestinus potiretur, in Cremonensibus nihil morae fore confidebat, quin se, suaque ipsi dederent, eò nihil his, atque Urbi noceri per oppugnationem studebat.

Sed eo pacto omnis belli Italici moles circum Cremonam erat, quæ antehac in Subalpinorum, Montisferrati, & Infubrium finibus fuerat. In ea regione Guido Villa Regis, atque Sabaudiae Ducis copii præerat, qui ubi hostes eâ parte cessabant, atque omnis horum cura in Cremonam versa erat, ipse & eodem rei publicae usui esse decrevit. Igitur Santandream castrorum Praefectum ad Atestinum, & Pralino-plessium cum duabus equitum alis præmittendum est arbitratus, cui quoniam in hostico iter difficile, atque periculosum fore videbatur, huic ipse cum parte copiarum ad Placentinum usque agrum praesidio esse constituit. Ex itinere Alexandriam tentare consilium fuerat, sed auctus crebris imbris Bormia amnis transitum prohibuit: quomobrem Castellum novum ad Scriviam amnem pergit iter facere, quod huic Dertonâ haud procul habendum erat. Huic oppido Vincentius Gonzaga metuens Padum cum copiis trajicit, atque ad Salem habuit castra, undè Dertonam mittit qui praesidio essent: quâ re confecta ultra Padum regreditur, tametsi Gallos se transitu prohibiturum praedicaverat, delectus ab Caraccnâ qui fines eâ parte tueretur.

• Villauri.

Jacobus Villaurius praesidium Dertonam ab Gonzagâ missus duxerat, qui ubi vicinae regionis situm satis perspexerat, ibi verò ipse nostros transitu prohibere, aut quidpiam si ultra pergerent his adferre damni decrevit. Eò in villâ quæ viæ imminabat, atque inter proximas vites pedites collocat, ipse æquiori loco cum equitibus in subsidiis fuit: qui Praefectus erat oppido, is pro moenibus instruxit suos, si quid fortè durius accideret, rem sustentaturus, & receptui omnium consulturus. Ubi de hostibus Villa per exploratores cognovit, Montium qui cum equitibus in agmine princeps erat, hostes aggredi jubet: illi in Villaurii equites procurrere, qui tametsi suo loco pugnarent, tamen primo impetu fusi, fugatique sunt. Ad Urbem ipse Guido Villâ progressus erat: atque unâ • Calusius Marchio, & pleraque Nobilitas, quæ Imperatorem comitabatur, præterea equitum turmae aliquot: hi quidquid extrâ moenia fuit peditum, postquam glandes sclopetis emiserant, propulere, quos fugientes persecuti ad portam substitere, neque quidquam prohibuit ingredi, quàm quod nihil de occupandâ Dertonâ consilii habuerant, neque id jusserat Villa, qui tantæ rei casum datum iri nusquam speraverat: duo modò equites inconsultius oppidum ingressi ab multitudine facile oppressi, captique sunt: quinquaginta ex hostibus caesi, vulnerati complures, octuaginta capti:

• Le Marquis de Caluso.

è nostris cæsi quindecim, inter quos *A*scanius Marassanus, vulneratus Calusius.

1648.
*A*scanio
 Marazano.

At sclopetarii qui in villâ erant viginti, confisi fossæ, ac munitionibus, ubi deditionem facere ab Guidone Villâ iussi sunt, respondere id se demum facturos ubi tormenta in conspectu forent: indignatus Guido sclopetarios centum villam expugnare jubet, qui admoto ad portam igne, atque hac incensâ protinus ingressi nihil hostibus pepercere. Dein Guido Castellum novum ad Scriviam quò initio iter intenderat, petit, atque eò relictis peditibus, tormentis, & impedimentis postridi cum equitatu Vogueram, ac secundis castris ad Placentini agri fines pervenit, inde Santandream cum duabus equitum alis, per pacata omnia ad Atestinum, & Pralinoplessium dimittit, ipse Castellum novum ad Scriviam redit. In propinquo sclopetarii hostium equites apud Salem fuere, qui locus haud procul Pado, quo hunc Scrivia influit, positus est: hos abscedens Vincentius Gonzaga eò reliquerat, uti quid nostri ubique agerent, explorarent. Sed locum Villa obsideri ab idoneo militum numero jubet, atque oppugnari, si deditionem facere hostes abnuant, quam subito fecere, dein apud Pioveram traductis Tanarum amnem copiis ad Bassignaram Guido stativa habuit, interea dum plures ab Galliâ copias operitur.

At Santandreas cum mille ferme equitibus castra circum Cremonam est ingressus, atque eodem mox Ludovicus Dumbledus Uxellarum Marchio mille, & quingentos pedites duxit. Sed ne his quidem copiis auctus Atestinus Cremonæ expugnandæ par esse videbatur, cum vastæ, atque disjectæ Urbi, tum quod in flumine haud satis erat præsidii, quo hostis arceretur.

Quod ab Urbe ad flumen intercedebat soli id hostes operibus compleverant. In flumine ab superiori, ad inferiorem castrorum munitionem naves omnino tres in statione nostri habebant, triremium in morem, defensoribus, atque tormentis instructas, alia navigia ad Portum Vitreum ex adverso Cremonæ stabant, vectoria pleraque, nec ad usum belli admodum idonea. Id hostibus cognitum spes fecit, si plures armarent, pelli nostras ab majori numero, aut capi posse. Eò Vincentius Monfuri naves decem noctu deducit, probè instruit, ac militibus complet, hæ remis incitatae ab Cremonensi ripâ in nostras incidere, quæ majus quàm pro numero edidere certamen, postremò dilapsis in proximis scaphas, aut nando defensoribus, captæ ab hostibus, atque abductæ, cum omnibus quæ ad Portum Vitreum stabant, Cremonam sunt.

Ubi ad Urbem patuit ab flumine aditus, Caracena, atque alii Hispani Duces faciliè ingredi, atque regredi, integros pro fessis militibus, comiteum, atque alia quæ usui essent introducere: quod ubi fit, ibi verò nihil est quod in oppugnatione, aut obsidione spei quidquam hostis habeat: eò mirum videtur, huic diutius Atestinum hæsisse, neque ab Pralinoplessio quò minùs id faceret deteritum, viro rei militaris scientissimo, nisi si præceptum erat, omnia Atestino obsequi, atque ho-

1648.

minis lubricitati servire, ut ne fidem mutaret. Qui Cremonam defendebant, jam non se mœnibus continere, sed ultro erumpere, ac nostros operi intentos aggredi, quibus ubi Lalevius Guignardus acriter resistit, pellitque ab munitionibus, egregiè dimicans occumbit: is castrorum Præfectus, atque Tribunus militum apud Mutinenses erat.

Cùm oppugnatio parùm procederet, visum Atestino, & Pralinoplessio, Guidonem Villam accersere, cum reliquis quas apud Bassignaram tam Gallorum, quàm Sabaudia Ducis habebat copiis. Is transmissio Tanaro per Placentinum, & Parmensem agros, facta ab Duce potestate, Brixellum, dein ad Atestini castra profectus, egregiam more suo huic bello navavit operam. Data huic provincia est, ut ad Picoleonis castrum versùs, & Aduam amnem, quod optimum factu existimaret, id exequeretur, auxilia, atque commeatus ad Urbem eà parte prohiberet, Aduam ipsam, si quâ fieri possêt, traduceret copias, tutaque omnia extrâ castra præstaret. Sed nihil id prohibebat Hispanos per Parmensem agrum, ac Padum traducere ad Urbem quæ vellent omnia, quò fiebat, ut eò commeatùs affatim, & militum ad propugnandum, quin & ad erumpendum esset, atque adeò inceptum Atestino frustrâ, futurum videbatur. In eo rerum statu Guidonem Villam accersere placuit, consulique in medium, ecquid porrò spei de Cremonâ potiundâ esset. Cuniculum ad exteriorem, quæ pro Arce Cremonæ munitionem erat, nostri duxerant, quem pulvere tormentario de more oppletum incendere cunicularius parabat, haud procul stabant Atestinus, Pralinoplessius, & Villa, uti quid ruinæ cuniculus ederet, inspicrent, cùm ecce ab Arce emissâ tormento pila Villam prosternit, necatque. Is fuit Ferrariensis, genere, atque virtute juxtâ clarus, qui Carolo Emanueli Sabaudia Duci, dein Victori Amedeo filio, ac demùm Carolo Emanueli nepoti merendo, omnia militiæ decora, atque imperia fuerat consecutus, ipsi Ludovico XIII. Regi propter multa, magnaque facinoræ carus adeò, acceptusque, ut hunc in sancti Spiritus regiam militiam, qui honos vix ulli extraneo, præterquàm Principibus habetur, cooptandum rescripto deligeret, atque eà gratiâ civitate donaret, postremo nobilibus, atque optimis in Galliâ prædiis donatus est, nam quoniam Victori Amedeo, & Carolo Emanueli filio, cum Ludovico XIII. & Ludovico filio belli societas dudùm intercedebar, Villa æquè de his Regibus, ac de Sabaudia Ducibus benè meritus erat, & quandoque Gallicis simul, & Sabaudicis copiis præfuerat.

Mense Octobri denique, Atestinus solutâ Cremonæ obsidione Casaliū majus rediit. Id oppidum in Cremonensi Agro est, quò sicuti anno proximo, præterea apud Pompanescum in finibus Agri Mantuani pars aliqua Gallicarum copiarum hyberna munivit. At Pralinoplessius per Parmensem Agrum eà quâ Tarrus amnis alluit valle, & per Genuensium fines exercitum in Montisferrati Agrum, Taurinos, & pacatas alias regiones in hyberna deduxit. Caracena si fortè quo itinere Guido Villa in Cremonensem venerat Agrum, eodẽ Pralinoplessius.

agmen reduceret, equitatum, atque expeditos pedites ultra Padum miserat. At Pralinoplefius quam longissime ab Pado ad mare inferum versus iter intenderat, qui incolumi exercitu ab tam longinquo bello redire satis habebat. Id adeo difficile per Italiam fore primum existimaverat, uti de reditu in Galliam per Rhætos, atque Helvetios, pacatos, atque amicos populos agitaverit, atque eâ gratiâ Centurionem Helvetium ad Labardeum Ludovici in his regionibus Legatum propter miserit, cum litteris quibus rogabat ut id Helvetiorum, atque Rhætorum voluntate facere liceret: cæterum utrum id ipsi venerit in mentem, an uti falleret hostem simulaverit, parum compertum habeo. Ita apud Cremonam, & Neapolim cuncta ab nostris bene cepta malos eventus habuere, & utrobique Hispani cunctando, remque modò sustinendo propè lapsam restituere. Sed hujuscemodi procul incæpta vix usquam nobis prosperè evenere, nam ubi quid eò novi, ac præter expectationem accidat, ibi omnia prius aut labefactata, aut perditæ sunt, quam satis maturè occurreris: qui milites frequentes mittuntur, ii exiguo numero adveniunt, plerisque ex itinere dilabentibus, ac longinquam abnudentibus militiam: postremo qui longè ab oculis, ii & longè ab animo sunt, neque his pecunia in stipendium, atque alia ad belli utum necessaria perinde, ac vicinioribus curantur.

In Hispaniâ res publica ab nostris, quam in Italiâ melius hoc anno gesta. Catalonia Michaëli Mazarino Cardinali nuper decreta fuerat: sed eò ab Româ profectus postquam tantisper agitaverat, subito ad Urbem rediit, seu hujus desiderio tenebatur, seu Provinciâ in quâ bellum gerendum erat, alterius cuius id operâ fieret magis, quam suam fore rectè arbitrabatur, nam homini Ecclesiastico, ac Monacho bellum attingere fas non fuit: cæterum Mazarino fratri consilium fuisse aiebant, hominem eò mittere, quò plurimum dignitatis, rei publicæ autem gerendæ aut nihil, aut minimum haberet: neque illi satis placebat fratrem Romæ agitare, quò multa injussu suo movebat. Hæc igitur Provincia Michaëlis discessu vacua Carolo Schombergio Equitum Tribuno continuo decreta, qui ne ipse quidem lubens prius in eam discessit, quam data huic fides est semestrem modò futuram: nam tametsi virtus, & audacia homini, atque alia optanda bonis superabant, tamen erat otii cupido, atque Aulæ deditus animus.

Hic ubi Barcinonem Provinciæ caput advénit, neque Tarraconem ad mare, neque Ilerdam ad Sicorim sicuti antehac cæteri sibi oppugnandam esse constituit, quod illis tentatum antehac secus cesserat, sed ad Dertosaq; animum adjecit. Id oppidum ad Iberum amnem est, haud procul ab mari, cuncta ultra Iberum in Hispanorum potestate, atque ditione sunt, præter Ampustæ Castellaniâ, ita appellant parvam quamdam regionem, quæ pars Cataloniae est: eò Miraves oppidum haud procul Dertosâ, supra hanc Flixium ad Iberum est. Ampustæ Castellaniâ Valentianis finitima est, Tarraco cis Iberum ad mare sicut antehac diximus in Hispanorum ditione est, haud procul Dertosâ, quò

1648.

siebat, uti nostros hanc oppugnatos nusquam suspicarentur, cætera probè munitam, ad quam & ab mari adverso flumine haud difficilis navibus cursus, atque aditus est. Oppidum in citiore est ripâ, ab quâ rates junctæ ad ulteriorem pertinebant, has protegebat munitio ex aggere facta, atque valido defensata præsidio, rupes aspera, atque invia ad mœnia circumquaque fermè pertinet, præterquam ad flumen, nam eò æquioris loci quidpiam est, quem hostes probè muniverant.

Inceptum suum hosti occultare summa cura Schombergio fuit, ita sicuti antehac alii Imperatores itinere quod ad Tarraconem, aut ad Ilerdam ferre videretur, ducit agmen; alit ubi eò ventum, quò ad alterutrum divertere necesse erat, si alterum oppugnare vellet, neutrò flexit iter, sed medio itinere præmisit equites, atque expeditos pedites, qui cis transque Iberum circum Dertosam stationes haberent, ut ne quid commeatûs, aut præsidii ampliùs introduceretur, intercè dum omnis exercitus adveniret. Qui ultrà Iberum adversum munitionem quæ rates in flumine junctas tegebat, stationem habituri erant, iic regione Flixii transire: qui autem cis Iberum mansuri, iic quod æquioris loci rupes inter, & amnem esse diximus occupavère. Illic Franciscanorum Cœnobium est, quò pedites centum locati, idque futurum erat Schombergio oppidum oppugnanti Prætorium. Sed hostes facti in tantâ vicinitate certiores, custodias eò ab nostris negligentius agi, eruptionem ab oppido fecere: primùm quadringenti, dein omnis in subsidiis equitatus, postremò oppidanorum magnus numerus, qui improvise ad Franciscanorum aedes advenientes oppressère nostros: nam hi inter tumultum, & trepidationem neque arma capere, neque providere, aut administrare quidquam potuère: prætercè deserti ab cæteris in quibus nihil auxiliû fuit, deditionem fecere, ac captivi omnes in oppidum abducti sunt.

Ita sese habebant principia, cum Schombergius, atque unà omnis exercitus advênit, quem hostes ex tantulâ re quoniam ex sententiâ evenerat, suprà modum feroces clamoribus quæ sui fiduciam, & nostri contemptum ostentarent, excepère. Postpaulò cum Urbis situm contemplanturus propiùs mœnia Schombergius accessisset, pilatormento emissâ

a Boscum Roglium qui Imperatorem comitabatur, interemit, is vir fortis, multorumque stipendiorum fuit, cui ob rei militaris scientiam datum fuerat aciem instruendi munus. Primùm ultrà Iberum, quò propè omnia præter Flixium, & Miravescem sicuti suprà diximus, in hostium erant potestate, castra ab nostris properè munita, atque amnis ratibus aliquanto suprà oppidum intervallo junctus, ut hinc, indè pervia castra essent, Uldecona, atque Rosella quæ loca hostibus ultrà Iberum haud procul castris opportuna fore videbantur, capta, direpta, labefactata. Hispanis Franciscus Mello Imperator erat, is uti nostros averteret ab Dertosâ, Flixium tentavit, quò commeatûs, atque alia ei rei quæ agebatur idonea concesserant: hæc advehere aut terrâ, aut secundo amne eò facilius erat, quod Flixium inter, & Dertosam medius est Miraves, op-

a Bosc de
Rogle.

portuna

portuna hinc indè commeantibus statio, qui uterque locus, ut ne in potestatem hostium veniret, Schombergio cautio fuit.

1648.

a D'Estrée,
Marquis de
Cavrie.

Igitur Francisco Hannibale *a* Estræo Coveræo Marchione in castris pro Prætorè relicto, ipse cum Marfino Legato, & Hardio Trusliæo, duobus sclopetariorum millibus, & mille quingentis equitibus Flixium de secundâ vigiliâ contendit, atque ubi oppido appropinquabat, Marfinum cum Baltaris equitibus præmittit, qui speciem omnis advenientis exercitus Hispanis præberet: is stationes eorum pellit, ac ut nequid amplius faceret, nocte prohibetur. Hispani vasis silentio collectis clam abiêre, quod ubi dies aperuit, Schombergius introducto Flixium majore præsidio properè ad castra rediit. Triduum tormentis quassatæ munitiones Dertosæ sunt, ac nonnihil labefactatæ. Interea Schombergius Hispanos ad Matthæi-Fanum diei unius itinere castra habere per exploratores cognovit, atque auctos aliquanto copiarum numero de castris quæ ultra Iberum erant oppugnandis consilia inire, præterea Classem ad Iberi ostia propediem venturam, quæ ad Dertosam accedere conaretur, ad hoc milites in terram cis Iberum exponeret, quâ parte neque vallum, neque fossâ castra munièbant, ita undique cis, transque Iberum, terrâ, ac mari pericula instabant, ni maturè Schombergius hostium consiliis præverteret.

Igitur IV. Id. Quintiles quæ dies Eulaliæ virgini sacra est, Divæ Barginonensium tutelari, & quæ ab cæteris Catalanis piè, sanctèque celebratur, Schombergius per Tubicinem signum deditionis si hanc facere Dertosani æquis conditionibus velint, cani jubet, qui si cessarent, nullam hujuscæ rei posthac copiam essent habituri, sed omnia quæ fors belli ferret passuri. Quod ubi sunt aspernati stolidè feroces homines, Marfinum Legatum robora virorum ex omni exercitu ad tria millia peditum deligere Schombergius imperat, atque in munitiones hostium impetum facere, cujus rei gerendæ seriem huic præscribit, nisi si quid aliud agentem, molientemque res moneat, ipsi castrorum Præfecti cum Legato unâ adfuere: ab hastato qui prælium inituri erant, ab singulis vexillariis prima subsidia, ab Procenturionibus secunda, ab Centurionibus postrema acies ducebatur, Tribuni cum reliquis cohortibus, Castrorum Præfectis Estræo, & *b* Lafario, atque ipso Marfino Legato sequebantur: primi per ruinas evadere, securibus palos, atque alia quæ objecta erant perfringere, malogranata, atque alios missiles ignes jaculari. Sed qui oppidum defensabant, ii haud timidi resistunt, continenti tormentorum, atque sclopetorum flammâ, ac strepitu munitiones collucent, ac personant, multi utrimque pilis, aut glandibus icti cadunt: qui è nostris in fossam descenderant cuniculo ab hostibus accenso labefactati tantisper sustinuerunt impetum, dein dilapso periculo in semilunam quæ ultra fossam erat transcendunt: sed in eam ab oppido tanta pilarum vis tormentis mittebatur, ut eò consistere nequirent, atque adeò retulere pedem. Id ubi Marfinus est conspicatus, qui in subsidiis erant, eos evocari jubet: aderat Trusliæus & ipse castrorum Præfectus,

b Le Marquis
de La Fare.

1648.

si cui usui Legato in re tantâ esse posset, ab quo uti sibi liceret quos evocabat adducere enixè postulat, atque factâ potestate dum quod imperator erat facit sedulò, adproperatque, glande ictus occubuit, vir genere, atque virtute clarus, pater Præfectus Prætorio fuerat, cujus rerum capitalium in Aulâ, atque venalium cognitio, ac iudicium est.

Sed nostri & qui evocati ab Marfino, & qui ab semilunâ pulsi fuerant, ubi & animam, & animum receperant, undique simul omnes in cam irrumpunt, pelluntque indè hostes, qui abeuntes cuniculo in semilunâ præparato admovent ignem: hac peste quidam fortè superstantes, aut vicini absumpti, at disiecta humus complevit fossam, facilioremque ad semilunam cæteris aditum præbuit: nostri percussos, atque in propugnaculum fugientes hostes persecuti, sicuti condenti agmine unâ cum his oppidum ingrediuntur, ita momento temporis urbs capitur. Hostes cum urbis Præfecto, is erat Jacobus Brisuëla Salcedus Hispanus, pars in arcem, alii in Tempa confugiunt, Episcopus cum telo reperi- tus capitur, abduciturque, discurritur ad prædam, pleraque avaritiæ, & lubricitatis exempla eduntur, nam crudelitatem genti nostræ nemo verè objectaverit, ubi per duas horas direpta urbs, sedatusque tumultus fuerat, nostri ad arcem pergunt ire, quò Brisuëla cum aliquot militibus receperat sese.

Is ex ingenio gentis sibi, & profugo, & omnium rerum egenti conditiones sicuti aliquamdiù propugnare posset ferri æquum censebat: sed quas Schombergius voluit latæ, acceptæque: ut ipse, Centuriones, Procenturiones, Vexillarii succincti gladiis egrederentur arce, milites verò gregarii, captivi omnes in Galliam abducerentur: convenit præterea quod suâ sponte facturus erat Schombergius, ut Ecclesiasticis in oppido sua omnia relinquerentur, oppidanis ubi Ludovico iusjurandum essent polliciti, manendi in Urbe copia esset, atque aliò ne migrare cogerentur. Reliquum æstivorum refectæ Dertose munitiones, ac muri qui haud mediocriter inter oppugnandum tormentis labefacti fuerant, præterea prælia levia alia aliis locis facta. Tarræcone haud procul, atque in eâ regione Salonem ad mare positum oppidum, quod Hispani classe venientes oppugnaturi videbantur, nostri tutati sunt: postremò missi qui ab Fragâ ad Ilerdam comiteatus prohiberent, nonnullos interceptè, dein copiæ in hyberna deductæ, Schombergius sicut initio pepigerat, æstivis confectis in Aulam rediit.

Vulgatum eâ tempestate est Philippum domesticis simultatibus impeditum segnius bellum hoc anno defendisse: nam optimates Hispaniæ Grandes appellant, Regi quò minùs hujus filia unica Maria Theresâ regni hæres Ferdinando Imperatoris filio nuberet, obstare voluisse, rectius nupturam Joannis Lusitanæ Regis filio discedentes. Philippus Gentis suæ Austriacæ decus illis nuptiis auctum iri existimabat, si Germanorum, Hispanorumque Imperium in filiam, atque generum caderet: Grandes autem Hispaniæ paci consultum iri censebant, si Lusitanæ Regnum per Philippi filia, cum Lusitanæ Regis filio nuptias

denud cæteris Hispaniæ Regnis conjungeretur, ac tota Hispania Hispanis, non Germanis Principibus pareret, quorum eos tædium jam inde ab Carolo V. cepit: satiùs esse pacem per has nuptias patriæ parare, quàm alteris civile bellum alere, quod perpetuum, aut diuturnum fore videatur.

In Germaniâ Maximilianus Baioariæ Dux pactarum cum Suecis induciarum fidem violaverat, sicuti suprâ memoravimus. Sed & hæc unâ cum Gallis pactæ fuerant, adversum quos tamen Maximilianus remittebat bellum gerere, si fortè eo pacto Ludovicum pacatum habere posset: at hunc fœderis quod ipsi cum Suecis intercedebat religio cessare prohibebat, cum ipsi bello lacerarentur. Igitur Turenâ copias Rhenum traducere, & cum Suecis conjungere jubet, equitum tria millia & quingenti, ac totidem pedites fuere, qui propè omnes Germaniciis bellis inveteraverant Galli, Germanique. Vrangelius qui Suecis Imperator erat, apud Gailhausen, Conisfmarcus qui seorsim exercitum ducabat, in quo Hassorum auxilia fuere, apud Salismonasterium habebant castra, quæ omnes Suecorum copię in unum conductæ sub armis, signisque sicuti ad pugnam instructæ Turenâ accepere, utrimque tormenta perstrepuere, atque hæc exercituum inter se coëntium consalutatio fuit, dein inter tubarum, ac tympanorum sonum epulæ per omnia castra, atque contubernia celebratæ.

Triginta quatuor cum equitum, tum peditum millia in his exercitiis fuere, equorum, atque jumentorum centum amplius millia vehendis commeatibus, tormentis, impedimentis, quin & ipsis coloniis, laxis, pabulatoribus: nam quacumque procedit agmen, Germani, Sueci que omnia abducunt jumenta, atque his quamdiu idonea sunt utuntur, clauda, atque invalida passim relinquunt. Austriaci, atque Baioari viginti octo millia fuere, par equitum, & peditum numerus: at illi quoniam per hyemem gesserant bellum, ipsis, atque equis eorum fatigatis aliquâ quiete opus erat. Præter has copias Maximilianus alias ad Danubium cogebat, quod idem Ferdinandus faciebat in Boiohemo; atque apud Viadanâ ipsam per Bochainum, & Vertium. Ab Mæno ad Danubium plena militibus erant omnia, sed ut anni tempus erat, plerumque in stativis agitabant, nihil properantes ob pabuli per agros inopiam æstivorum tempus antecapere. At hæc ubi incepta, continuò nostri, atque Sueci Danubium versùs movere, Castella aliquot, atque alia loca minùs firma ex itinere illi cepere, Sueci verò Dunkelspielem.

Nondum tamen visum Danubium trajicere, donec Conisfmarcus Ægram in Boiohemo commeatum introduxisset, quam Austriaci positâ haud procul circumquaque præsidiis prohibere commeatu, & rerum necessariarum inopiâ ad deditionem cogere nitebantur. Conisfmarcus convecto Ægram frumento, atque aliis quibus egebat rebus, ad castra redit, frustra tentatâ ex itinere Ambergâ, quæ in superiore Palatinatu posita est. Inter has moras hostes copias novis quos consecerant delectibus haud mediocriter auxerant, quæ res ipsis animos addi-

1648.

dit, uti nostris ad Danubium moventibus, idem & ipsi facerent. Igitur ad Guntsburgum habuere castra, quod oppidum ad Danubium est, æquo Ulmam inter, & Laugingam spatio, eodem est pontis copia. Galli, Suecique ad Langenavium, quod ab Guntsburgo horæ unus itinere abest, processerant, decreverantque apud Laugingam quæ jam annum Gallorum præsidio tenebatur, Danubium ponte cujus & eò copia est trajicere, castrisque Guntsburgum inter, & Augustam Vindelicorum positis hac Urbe hostes quibus tum caput belli, & rerum erat, intercludere : quod ubi sensere, Guntsburgo rescisso prius ponte properè movent.

Turena, atque Vrangelijs apud Laugingam habuere castra, undè equitum alas decem præmittere visum, quæ hostem attingerent : hæc Danubium eò traducuntur, pars è Turenæ exercitu, quos ipse ducebat, alij Sueci duce Conismarco. Cornu sinistrum hostium, nam in cornua duo fermè Germani omnes dividunt copias, apud Zusmarhausen restiterat, pedites (duo propè millia fuere) in fronte locati, equitatus in subsidiis erat, præterea tormenta sex : natura loci receptui hostium idonea, passim saltus, atque paludes erant. Cornu hoc Gallis, Suecisque objectum erat, quò cæterorum hostium discessum pugnando tegeret. Turenam, & Conismarcum subsecutus erat Vrangelijs, cum reliquis copiis. Turena cum equitibus suis primus ad hostes pervenit, trecentos emittit, qui initium pugnandi faciant : hi primò pulsi, donec omnis advēit equitatus. Ibi verò hostes retulere pedem, & ad proximas contulere se sylvas, in quibus freti loco suapte naturā impedito, semel, atque iterum haud impigre converso gradu propugnare, cæterum turbatis ordinibus, ac compluribus caesis postremo nihil fatis in armis, atque virtute præsidij porro esse sensere, itaque receptui consulere.

Planities post saltum erat, in quā quindecim Imperatoris equitum alæ stabant in acie, quarum intervallis recepti qui ab nostris pulsi fuerant, ipsi fessi integris illis delegavere pugnam : sed hæc haud æqua nostris item fessis, & paucioribus adversum plures, recentisque fuisset, ni Vrangelijs cum Suecis in tempore advenisset. Ibi verò prælium atrocius quàm antea fuit, aderat ipse Milander, penes quem summa rerum in Austriacorum erat exercitu : sed nec Imperatoris, ac nonnullorum virtus, & exemplum prohibere, quin & hi referrent pedem, atque ad saltum alterum quò ferebat recipientium sese iter, citato gradu se conferrent. Eò octingenti fuere pedites, cum tormentis aliquot, qui pilis, glandibusque nostros perterrefacere conati paulisper rem sustentavere, atque ipsi equites instaurare prælium velle visi, diffidentes tamen rebus suis abcedere pergunt, spem nacti id se fatis tuto facturos, interea dum pedites in saltu hostem morarentur.

At Galli, Suecique hi ab sinistra, illi ab dextra pedites aggressi facile pellunt saltu, dein equites qui receperant sese properè assecuti cunctos nisi qui in propinquas diffugere sylvas, cecidere. Turena vexilla septem ubi primùm cum hostibus prælium incæperat, iis detraxerat,

ac tunc cum Vrangelio unâ pugnans sex alia capit, ipse Milander, atque alii Austriacorum duces egregiè pugnantes occubère. Galli, Suecique porrò hostes persequuntur, atque in eos incidunt, qui impedimentis præsidio erant, quibus fufis, fugatisque eâ prædâ potiti sunt. Baioari omnes, atque Austriacorum pars magna Schmutzerem amnem qui haud procul Augustâ est, trajecerant, quò nostri persequendi hostes finem fecere: nam & resciderant pontem, & quam tenebant ripam, eam egregiè muniverant. Eò Baioari pedites præsidium agitabant, equitum alæ quinque in subsidiis locatæ, quibus Ulricus Vitembergus vir Princeps præerat, cæteri Austriaci, atque Baioari in propinquo monte munitissima habebant castra.

Turena, atque Vrangeliûs cum solo qui aderat equitatu, còque haud mediocriter ab tantâ re usquè gestâ fatigato, nihil sibi ultrâ conandum decrevere, intereà dùm pedites, atque tormenta, quæ aliquo intervallo sequebantur, advenirent. Quæ ubi adfuere subito adversum hostes locata magnam eorum edidit stragem: postridiè nostri haud cessaturi erant, & quâ amnem trajicerent pervestigaturi, atque adeò proxima hostibus imminere pugna, cujus metu silentio noctis vas collectis Augustam versùs abscedunt, atque castra sub ipsius manibus, tormentisque Urbis ponunt. Ita Austriaci, atque Baioari sese victos, aut certè maximè labefactatos esse demonstrabant: cæsi namque fuerant, captive ad quatuor millia, tormenta decem, impedimenta omnia adempta, ipse Milander qui illis præerat, cæsus. Is per hæc bella Guillelmo Hassiæ Langravio meruerat, ubi ipse aberat exercitum ducere solitus: qui postquàm obierat mortem remque filii Amelia Elizabetha Hannauia mater per illius pueritiam procurabat, tùm belli gerendi summa ad Milandrum redierat, quod Guillelmus adversum Austriacos Gallis, Suecisque socius usquè gesserat. Sed id conditionibus componere, ac neutri parti studere Milander Ameliæ autor fuerat, salubri in speciem mulieri viduæ consilio, cæterum jam tùm Austriacis hostibus favebat, quibus postea meruit, consilio, quàm manu melior habitus.

Sed intereà Amelia Elizabetha ex foedere, & societate quæ ipsi cum Gallis, Suecisque intercedebat, pro parte suâ capebat bellum, per Geisum hominem impigrum, quem filii copiis præfecerat. Is Lambonium unum ex Austriacis ducibus, qui jamdiu Bredebendum Castellum oppugnabat, aggredi, atque inde pellere decrevit. Sed Lamboni priusquàm Geisus adveniret, castello per deditionem potius reficiendis ex oppugnationis labore militibus abscessit, quos sessos Geisio, atque Hassis recentibus, & integris objectare haud satis consultum existimabat, simul optimum factu visum copias augere, ut aquis, aut pluribus cum hoste decertaret. Igitur Antonacum versùs movit, nam id belli haud procul Colonia Agrippinâ gerebatur. Eò a Arckii, & Fustembergi Comitum copias conjunxit suis, dein pedites navibus impositos secundo Rheno a Alsum ire jubet, ipse cum equitatu eò-

a Les Comte
d'Arck, & d
Fustemberg
b Zogs.

1648.

dem contendit. Apud Grevenbroicum Hassi habebant stativa, quos de adventu suo quàm maximè celatos Lamboius volebat, atque adeo suos sedulo continuerat castris, quos postmodò in aciem eduxit.

Nihil tamen Geisium fecellerat hostem esse in propinquo, seque, & milites ad crastinam apparaverat pugnam, nullaque adeo fuit mora, quin & ipse hos educeret castris, aciemque instrueret: utrimque primò pugnatum acriter, & quò rem fortuna inclinaret, aliquandiu in incerto fuit. In cornu dextro Hassiorum perturbati ordines, neque restituendi, aut consistendi spatium Austriaci dedere, qui mox planè pulso eo cornu sicuti partà victorià effusè prædari, nihil quid aliò gereretur solliciti. In eo primo conflictu Wied Comes Hassius, & ducenti alii capti, pauci cæsi, cæteri ad cornu sinistrum refugerant. Eà parte Hassi rem egregiè gerebant, qui ubi cornu sui dextri reliquias aucti sunt, ibi verò dextrum hostium cornu profligavere, dein prædantibus qui in sinistro cornu sese planè victores arbitrabantur, intervenientes & hos faciliè fudere. Hassi ad quatuor millia pedites, ad duo millia equites, & præterea quingenti fuere: Lamboius octo millia peditum, equitumque sub signis habuit, ex eo numero cæsi millia duo, capti duo millia quadringenti, vexilla triginta, tormenta undecim, equi sexcenti, Lamboius cum reliquis profligati exercitus, & Sparro Legato Coloniàm profugit.

Postquàm Turena, atque Vrangeliuss Austriacos cum Milandro ipsi ceciderant, coegerantque eorum reliquias cum Baioaris sub Augustæ manibus ponere castra, ipsi de traducendis Licum amnem qui Urbem præterfluit copias consilium iniere. Turena quò longius ab Augusta discederet, eò pauciores, ac negligentiores hostium ad amnem custodias inventurum se ratus, ad Oberdorsium movit, Danubium versus. Raimum est ex adverso, munitissima Baioarorum arx, Licus amnis æquo inter utrumque locum spatio Danubium subire properans fuit, pons superstratus est, quem ab utraque parte Castella, præterea ab Raimo tormenta protegebant: eò & descenderant ab Augusta hostes, quò nostros transitu fluminis arcerent. Sed hos Turena tormentis adeò territavit, ut & Castella, & pontem silentio noctis abscedentes desererent: ponti iniecerant ignem, sed is subito restinctus ab Turenâ, qui brevè copias eò traduxit, relictoque in Castellis quæ in utràque ripâ ad pontem erant præsidio, ulterius pergit ire: idem Vrangeliuss facit, qui aliò Suecorum copias amnem traduxerat. Ambo igitur Baioariæ fines ingressi ad Isarem amnem alium contendunt, Fruxinum, Frisingam tùm appellant, atque Landshutum haud difficulter capiunt, Mosburgum quod interjacet ad Ambri amnis ostium ultrò hostes deferuere, quò pecoris magna inventa copia nostris usui fuit, levavitque commectus inopiam, quæ in regione ab incolis vastatâ, ut ne quid hosti relinquerent, nonnulla erat. Hostes ponte interrupto qui ab Fruxino ad alteram pertinebat ripam, in hac constiterant, munitionibus quas exstruxerant defensuri se, ac nostros transitu prohibitori: postmodò tamen

ubi tormenta apparari, atque disponi adversum se conspexere, nequid ampliori morâ offenderent, maturè discescere. Apud Fruxinum subitârio opere constructis pontibus tractatæ Isarem copix sunt, dein his destructis, apud Landshutum is quem hostes interruperant est refectus, relictumque eò præsidium.

Ad Oenum porro amnem concedente hoste, eodem Turena, & Vrangelijs properavere: sed hic amnis cæteris altior, rapidiorque Austriacis, atque Baioaris, qui hunc maturè trajecerant, munimento, ac salutis fuit: neque enim aut vado, quod nullum erat, aut ponte quem construere natura fluminis, atque hostes ex adversâ ripâ prohibebant, transiri poterat. Ad Vasserburgum dies aliquot frustra consumpti, id oppidum ad Oenum positum est, egregiè qui præsidio erant propugnantis: Muldorsium ad eundem inferius amnem captum, præsidiumque oppido impositum. Ita ab Lico ad Oenum omnis Baioaria Gallis, ac Suecis obnoxia fuit, Maximilianus Salisburgum profugus abiit, rem tanto, atque id ætatis Principe, nam septuagenario major erat, haud satis dignum: præterea ad hæc mala periesse gravia morbus qui cumulum faceret, accessit.

Dùm hæc in Baioariâ geruntur, Conisimarcus quem ab Vrangelio diversum sæpius exercitum ducere supra memoravimus, ab Brixio quò impedimenta omnia locaverat, in Boiohemum citato agmine profectus est, nam pedites jumenta carris omnibus suis, & alienis detracta descendere jussert, tantaque celeritas maturando itineri est adhibita, uti prius ad Pragæ portas adesset, quàm de eò hostes quidquam sensissent. Noctu de industriâ advenerat, & quàm propiùs copia fuerat, occultus constiterat, dein apertis ubi illuxerat portis intulit sese, ac cæsis custodibus, ad interiora pergit: quò visum, eò præsidia locata, ac maximè apud Regiam, in quâ omnis regia vestis, atque ornamenta regni fuere, biduum direpta Urbs est, Haracus Cardinalis Pragæ Archiepiscopus, cæterique procures capti, atque abducti, Coloredus inter tumultum, ac trepidationem omnium nando in veterem Pragam profugit, quam atque novam Pragam Molda amnis ab parvâ quam Conisimarcus ceperat, dividit. Huic studium ingens erat omnis Pragæ cis, tranque Moldam potiundæ, atque eâ gratiâ Vitembergum, qui & ipse Sueciæ Reginæ merebat, ab Marcomannis accersiverat, quò seorsim gerebat bellum.

Sed res major erat quàm ut ab utroque confici posset: nam Sueci campestri bello magis, quòd se ipsum ferme alit, quàm urbium oppugnationibus idonei sunt, quæ cum ingenti sumptu fiunt, itaque frustra Conisimarcus tantam rem aggressus erat. Id modò tantisper republicæ usui fuit, quod Ferdinandus Imperator primùm Pragæ veteri, atque novæ metuens, quas habebat in Boiohemo copias, eas aliò mittere non est ausus. Sed ubi ea formido dilapsa, ac validum veteri, atque novæ Pragæ ultra impositum præsidium est, omni aliâ re posthabita omnes copias quæ in Boiohemo, atque in aliis Imperatoris

1648.

terris fuère, Boiodorum, Passavium nunc appellant, convenire iussit. Eò Austriaci, atque Baioari stativa habebant, quò ubi omnes Ferdinandi copiae advenère, iis Picolominium præficit, simul Maximilianus novis delectibus suas auxerat copias. Ubi utrique sese satis validos sensère, secundùm ulteriorem Oeni ripam Scerdingam movère: pons illic suprà amnem est, quò Picolominus traduxit exercitum, castraque sylvestri, ac paludoso habuit loco, prætereà vallum fossamque addidit, ut omnem pugnandi spem Gallis, Suecisque adimeret.

Hi & eò contendère, biduumque castra castris collata habuère: dein consumpto omni commeatu, pabuloque, ad Vilsium movère amnem. Is valle amonà fluens, ad Vilshovenem Danubium subit. Oëtiduum in hac valle Galli, Suecique agitavère, intereà dùm Austriaci, atque Baioari quàm longissimè ab his poterant Danubii legentes litus ad Vilshovenem ière. Consumpto in Vilsii amnis valle omni pabulo, nostri ad Isarem habuère castra, apud Dingelsingam, circùmque, quò pontes duos construxère, uti cis, transque amnem pabulari copia esset, simul uti Landshuto quod præsidio tenebant, si res postulare, auxilio essent. Duvallius apud Lici pontem, atque Castella quibus Turenam potitum Oberdorfum inter, & Rainum suprà memoravimus, aliquantum copiarum numerum habebat, quos Neoburgum ad Danubium ducere iussus est, relicto ad Lici pontem, Castellaque idoneo præsidio.

Id eò fiebat, ut apud Neoburgum Danubium trajicere Gallis, atque Suecis copia esset, si idem facere apud Ratisbonam, aut Ingolstadtium Austriacis, atque Baioaris consilium foret: sed hi quoque ad Isarem movère, refectoque quem nuper profugientes relciderant apud Landavium ponte, eò habuère castra. Haud procul Sueci Castellum sclopetariorum equitum præsidio tenebant, quos in tantà vicinitate sedulò speculantes nihil in hostium castris fallebat. Illi conspicati equites cum Trucmullero, & Ulrico Vitembergo egredientes Vrangeliū subitò faciunt eā de re certiore, equitum numerum, quòve tenderent, indicant. Gallos, Suecosve pabulatores excipere consilium erat, quos ex consuetudine, & licentiā incautiores futuros suspicabantur. Vrangeliū è Gallicis Suecicisque copiis duo millia equitum deligit, progressulque obviam hosti hunc primū intercludit castris, dein prælium incipit. Id per horam planè atrox fuit, hostibus haud timide resistentibus, postremò tamen Trucmullerus ubi complures è suis caesos captosve, seque cum paucis relictum videt, Straubingam quæ in propinquo ad Danubium erat, profugit, Ulricus Vitembergus fugæ consilium aspernatus ad extremum sustentatā re, inter primores dimicans capitur denique.

Hujus maximè virtuti, post malam apud Zusmarhausen pugnam, Ferdinandi, atque Maximiliani res steterat, neque postea uspiam per Baioariam abscedentem hostem nostri fuerant assecuti, quin eò Ulricus summā vi horum impetum sustentaverit, intereà dùm sui in tuto locarent

locarent munirentque castra, aut ab hoste victore longius abirent. Turrena nihil apud hostes tutum, aut quietum patiebatur, quin per expeditas equitum turmas, alasque aut pabulantes, aut quid aliud agentes, conantesve interciperet: eo pacto capta jumentorum millia duo, capti & amplius sexcenti ex hostibus. Viginti tùm, & quatuor millia fuere, equites plerique: par nostrorum propè numerus fuit. Reliquum æstivorum apud Liarem utrique stativa habuere, dein ad Licum Galli, Suecici regressi: hi apud Donaverdam Danubium trajecere, atque circum Norimbergam agitavere: illi idem apud Laugingam fecere, atque eò sicuti & ad Lici pontem, castellaque validis relictis præsidiiis in Vitembergenfi agro commorati sunt, donec rebus omnibus apud Monasterium Vestfalorum compositis, pax denique sancita est.

Nihil certè opportunius accidere potuit, quàm ista pax in Germaniâ sancita, uti bello quod eò gerebatur Gallia levata, faciliùs posthàc civile quod imminabat toleraret. Id cùm brevè futurum Mazarinus satis provideret, atque adeò se Condæi virtute opus habiturum, quàm unà sustentari possent res publica videbatur, partim sponte suâ, partim amicorum hortatu hunc sibi aliquâ singulari necessitudine adjungere constituit. Ludovico Valesio Aletzio Comiti virgo filia erat unica Francisca Maria, cujus avia Carolæ Margaritæ Mommorantiæ Condæi matris soror, atque adeò ipsi Condæo amita fuerat, quo propinquitas huic cum Valesiâ virgine magna intercedebat: ipsa virgo proavum Carolum IX. Regem habebat, cui scilicet avus Carolus Valesius Inculmus Dux ex concubinâ natus fuerat: hanc virginem uti Mancinus fororis filius duceret, Mazarinus cupiebat, spem nactus gratiâ, & potentiâ suâ quod in fororis filio virginis generi impar erat, id æquari posse. Sed Condæo isthuc haud satis placuit, tametsi Mazarinus omnia ex hujus voluntate sese deinceps facturum in re publica, atque in familiari demonstraret: aliter visum Longavillæ Condæi fororis viro, qui utrùm hæ nuptiæ satis dignæ Valesiâ virgine essent, parùm sollicitus, earum spe Mazarinum adducere conatus est, uti sibi Gratiæportum, cui supra Vignerotium Richelium Præfectum esse diximus, huic ablatum ab Rege, & sibi permissum vellet.

Sed ea res Mazarino iniqua planè visa, cùm quia vix quidquam alii cui adimi solet, ut alteri tradatur, tùm quia Valesiæ virginis cum Mancino nuptiæ non ex Longavillæ, sed magis ex Condæi voluntate fieri poterant, quem Mazarinus sibi adjungere hac affinitate studebat. Quia tamen ex ingenio suo clementi, ac benigno dixerat, sese Longavillæ omnia ex animo factum velle, hic continuo etiam infectis Valesiæ cum Mancino nuptiis Portum Gratiæ promissum sibi ab Mazarino esse dicitavit, qui isthuc ipsi præstare teneretur: sed in eadem sententiâ haud fuere Gasto, atque Condæus, ubi his disceptatoribus Mazarinus, ac Longavilla usi sunt. Mirum fuit Mazarino vcnisse in mentem harum Valesiæ virginis cum Mancino nuptiarum, quibus hæc in ordinem viri redacta fuisset, atque dignitate quæ ipsi principis sceminæ ab na-

talibus est, excidisset: præterea Ludovico Guisio Joüisio è Lotharingicâ gente principi adolescenti hanc nuptum dare parentibus consilium erat, sicuti suprâ memoravimus.

Aulam inter, & Senatum quantæ de Ediçtis regiis lites essent suprâ memoravimus, ac postremò Reginam hæc planè integra, atque observata velle Patribus edixisse. Nam hæc rectè, atque ordine in Senatu Rege coràm promulgata fuisse censebat, sed & firmiora futura, si & apud Rationum, & Vestigialium Curias promulgata forent. Eò missi ad illam Gasto, ad hanc autem Contius fuere, uti tantis viris de Edictorum Promulgatione negare religio esset, cum super eò negotio Regis Majestatem in hac utrâque Curia repræsentaturi essent. Sed in his haud æquiora ab Primariis Præsidibus Nicolaïo, & Ameloto audiere, quàm quæ Rex ipse, atque Regina mater in Senatu ab Molæo audierant: neque tamen eò minùs Ediçta utrobique promulgata sunt, negante utroque Præsidente id ex sententiâ Curiarum fieri, nam idem quod Senatus fecerat, & ipsis facere consilium fuit, scilicet singula Ediçta perpendere, ac de his liberè sententiam dicere.

Eò Rationum Curia in qua Magistratus semestrem rei publicæ per vices navant operam, altero quod vacabat Semestri accersito, de Ediçtis consultabat, quibusnam traderentur, uti de his quamprimum referrent, cum est nuntiatum adesse ex Vestigialium Curia, qui sibi ad eundi, atque colloquendi copiam fieri postularent. Hi ubi assedere. *Rempublicam jamdiu pessum ire dixere, ac planè perditum iri, nisi quid auxilii in Curia sit: non in singulis, quæ frustra Administratorum lubidini usque obstitissent, sed universis quas aded conjunctas oporteret. Id sentire Vestigialium Curiam, id Magnum Consilium, & si idem Rationum Curia videatur, harum trium Curiarum conjunctionem statim fieri posse.* Quod cum satis Rationum Curia placuisset, facta Conjunctio est, neque obstitit quidquam pristina inter Rationum Curiam, & Magnum Consilium utrius primæ partes esse deberent, controversia.

Convenire igitur delecti ex tribus his Curis, quibus visum aperire Senatui consilia sua, ut ipse huic Conjunctiõni caput esse vellet. Eò ad hunc iere, & quid rei ageretur Patres edocuerunt. Id in majori Classe factum, quò aderant & qui ex eâ jus extrâ ordinem in Ediçti, & rerum capitalium Classibus dicere solent. Duo ex hac majori Classe mitti visum, qui cum delectis ex tribus Curis in B. Ludovici Conclavi colloquerentur, & quæ harum consilia essent ampliùs cognoscerent. Quod ubi factum est, visum denique omnes Classes in Majorem quò frequens Senatus haberi solet, convocari, quò Senatu frequenti decretum est, hunc Ordinem sibi Magnum Consilium, Rationum, ac Vestigialium Curias conjunctas velle: eò duos ex singulis Classibus in B. Ludovici Conclave ituros, quò & hæ Curia delectis è suo quæque Ordine missuræ essent, uti quod in rempublicam esse videretur, id inter se consultarent: de re omni referretur ad Senatum, atque is quod optimum factu sentiret, id decerneret: interea ex Senatûs Consulto an-

ni C 15. 15 C. xv. si quis ex Magistratibus mortem obiret, in ejus locum admitteretur nemo, nisi prius illius uxori, atque hæredibus faceret satis.

Ibi verò Administri sensere quantum offendissent, ubi Rationum, & Væstigialium Curiis, atque ipsi Magno Consilio novam Annuæ pecuniæ solvendæ conditionem tulerant: nam ut his hujus rei facultas in proximum novennium foret, uniuscujusque Magistratûs stipendia, aut partem horum Rex sibi retinere decreverat, quâ re maximè exasperati harum Curiarum animi quæ diximus, ea designaverant. Sed isthuc corrigere visum: quamobrem Rex edixit sese nullam Curiam, nullum Magistratum coactum voluisse, ut Annuam Magistratuum hæredibus conservandorum causâ pecuniam perfolveret, sed eâ gratiâ haud quaquam his grave futurum existimasse, si sibi stipendia minuerentur, atque horum partem sustinendis belli sumptibus retineret: quod quando ipsis molestum esse sentiat, sese eas in eundem quo erant statum ante datam priori Edicto Annuæ pecuniæ perfolvendæ facultatem restituere. Ita redditis unicuique Curiz stipendiis nihil satis causæ esse videbatur, quamobrem in suâ de Conjunctione sententiâ permanerent, eò vel maximè quòd posterius illud Edictum, spem injiciebat fore ut Annuæ pecuniæ perfolvendæ facultas his daretur denique, eadem quàm antehac conditione.

At hæ Curiz non eâ se gratiâ, conjunctas prædicabant, sed uti quàm foedè, quàm impudenter pecunia publica intervertatur palàm sit, neque tantâ opus esse ad rem publicam gerendam, quanta ab Populo pessimis, ac perniciosissimis Edictis corradatur. Isthæ Administros impulsere, ut è Magno Consilio duos, ac post paulò ex væstigialium Curia alios comprehendi, procul ab Urbe abduci, ac velut exulare juberent. Sed hæc territandis cæteris facta, contrâ horum magis, ac magis animos accendere: nam qui nutabant, hærebantque utrùm Conjunctionis Decreto standum esset, quando Aula de stipendiis trium Curiarum auferendis sententiam mutasset, ù non amplius tergiversandum censuere, sed rei publicæ, & familiari, ac simul libertati cujusque ut ne Administorum lubricini, atque avaritiæ obnoxia esset, consulendum. Molæus tamen priusquam de re tantâ sententias rogaret, pervestigandum arbitrabatur in Senatûs Actis, utrùm hujusmodi Curiarum Conjunctionis exempla extarent, quod quidem factum est diligenter ab Nicolao a Potiero Novione Præside, ac Renato b Potiero Blammenio in unâ ex Inquisitionum Classibus item Præsidi, qui Curias quandoque in B. Ludovici Conclavi unâ de rebus diversis consultasse Senatûm fecere certiores, cujus rei exempla in ipsiis Actis ostendere.

a Potier Præsident de Novion.
b Potier Præsident de Blancmesnil.

Igitur sententiæ rogari cæptæ, quod non unâ die confectum est. Interèa Decretum Senatûs de Conjunctione Curiarum Rex abrogavit, jussitque Abrogationem hanc Senatûs Decreti loco in hujus Actis perscribi: hanc autem attulit. Guenegaldus Quatuorvir, atque Cogni-

tori, Actoribusque regis tradidit, qui & hanc ipsi ad Senatum attulere: super eâ re Molæus quid dicendum haberent de more sciscitatus est, qui spatium ad rem tantam perpendendam petiere, atque ad Reginam eundi, ut exempla Conjunctionis Curiarum in Senatus Actis esse eam docerent. Ubi id factum ab se, Collegisque Talonus renuntiavit, ibi gravem ad hunc Ordinem habuit orationem. *Quæ Regis potentia esset, quæ Civium obedientia deberet esse, cujus exemplum cæteris præbere Senatum deceret: sese denique jussos edicere huic Ordini, postquam Rex, atque Regina mater tertio prohibuissent, ut ne Senatus frequens haberetur, & ne quid de Conjunctionis Decreto posthæc consultares, quod videlicet ex Consilii sententiâ abrogassent, si pergerent contra tendere, nihil omisuros, quod Regiam Majestatem, ac potentiam eam esse cuncti sentiant, cui obniti nemini impune esse possit. Quamobrem de Conjunctione Curiarum nullam posthæc mentionem videri faciendam, sed apud Regem, atque Reginam exposulandum, quod de Annua pecuniâ Senatui concessissent, id post viduum antiquatum fuisse: cætera quando tantoperè reipublicæ nocere, atque hostibus usui esse Regina dicitur, ita ut in his rei suæ prolapsæ brevi restituendæ spem omnem positam habeant, ea scilicet planè omittenda. Postremò Regi modò, atque Reginæ matri supplicandum videri, uti Senatui, ac cæteris Curii Annua pecuniâ persolvendæ potestatem facere velint: huic Ordini quemadmodum antehæc editum fuerit, cæteris verò Curii integris quæ usquè habuerint pendii, neque ullâ ob id dandâ ab his pecuniâ.*

Hæc Taloni oratio mira pluribus visâ, atque Aulæ servitium, quàm Senatus libertatem, ac dignitatem propior: nam minas adferre huic Ordini vix quemquam sibi mandatum velle, quod ipse lubens suscepisse videatur. Sed Senatum nec sui de Conjunctione Decreto abrogatio, nec Taloni oratio ab incæpto deterruit. Contrâ verò omnes ex Reginæ minis tanta indignatio cepit, uti subito Senatus frequens decerneret, ut ex nupero Decreto suo III. Id. Maias dato tribus Curii ab hujus Ordinis Scribâ nuntiaretur adfuturos postridiè in Conclavi B. Ludovici Delectos ex singulis Senatus Classibus, quò & ipsæ suos misuras non dubitet, qui unâ colloquantur, ac consultant, atque intercâ Senatum continuò frequentem fore. Id ab Senatus Scribâ subito factum ex Senatus Decreto est.

Continuò Rex scribit ad Senatum, hunc ad se venire postridiè frequentem, atque hesternum Decretum suum adferre jubet: quorum alterum facere visum, Decretum verò non modò nusquam adferre, sed ut ex eo Delecti ex Senatu, & Curii nihilò secius post meridiem in B. Ludovici Conclave convenirent. Patres igitur numero propè centum postridiè Palatio egressi multitudinem rei novitate excivere, iis benedictum, precantemque uti quod de republicâ restituendâ consilii cepissent, id Regi, ipsūmet, Populoque feliciter eveniret. Ubi in Regiam advēnere, Tellierus Quatuorvir Molæum Reginæ verbis percunctatus est, num Decretum adferret? cui se illud non adferre liquiddò respondit. Tellierus ad Reginam redit isthuc nuntiatum, dein ad

Molæum venit iterum, ac secreto cum eo colloqui velle visus. Ibi Molæus graviter hunc ita proloqui jubet, ut universus qui aderat Senatus exaudire, & quid rei ageretur scire possët.

Igitur se iterum venissë jussüm ab Reginâ ait, uti ab primario Præfide Molæo rescisceret, cur Decretum ad Regem non adferretur, quem admodum litteris ad Senatum scriptis jussërat. Ibi Molæus, *Dic inquit, Reginæ, Senatui non ita visum, cujus rei rationem huic si placeat, redaturus sum.* His Reginæ ab Tellicero renuntiatis, vanæ in Regis Consilio sententiæ fuëre: alii Senatui Regis, ac Reginæ adcurdorum potestatem faciundam negavëre, atque subito dimittendum: alii retinendos in Regia Patres, atque inediâ cogendos, uti Decretum Regi traderent: alii qui pertinaciores essent eos comprehendendos censëbant: postremò in conspectum Regis uti venirent visum, & ab Cancellario hujus verbis graviter objurgarentur. Ubi igitur adfuëre, Seguius hos ingratos appellavit, qui ab Rege, atque Reginâ matre tam liberaliter de Annuâ pecuniâ habiti huic tamen agrè facere nihil pensi haberent.

Annua pecunie Magistratuum heredibus conservandorum causâ persolvendæ facultatem nequaquam ab Rege Senatui, aut cuiquam debitam esse, atque aded si hanc dare nolit, neminem sibi injuriam, aut damnum fieri dicere verè posse: si igitur hanc se daturum neget, nisi si qua pecunia sibi in necessariis rei publicæ sumptus pendatur, id iniquum Senatui censëbit? & qui id sentiet, iis se fautorem esse æquum judicabit? Non ipsi satis erit sese in eâ re liberaliter habitum, nisi & idem cæteris Curiis fiat? Certè societatem, ac fædus cum his Decreto fecisse quàm grave sit, ipsum æquè, ac se, probè scire Senatum. At contra Regis imperium isthuc Decretum, atque aded fædus, ac societatem anti-quanti, abrogantisque, tamen ut id ratum, firmumque esset, atque ex eo Delecti ex Senatu, & Curiis convenirent, Senatum decrevisse, id immo verè intolerabile esse: quod ni corrigatur, atque ab hujusmodi Majestatis contemptu Senatus discedat, & in viam redeat, multa ex eâ re mala bis eventura, quorum pervincaciâ isthæc incæpta sint, in quos jure agere, & quidquid legum severitas exigit, facere necesse sit.

Postquàm Seguius dicendi finem fecerat, Regis in Consilio sedentis Decretum alterum recitari jussit, quod Senatüs Scribæ traditum qui id loco ultimi Senatüs Decreti in hujus Actis perscribere jussus est: hoc altero Regis in Consilio sedentis Decreto alterum item Senatüs Decretum antiquabatur, atque edicebatur uti ne frequens esse pergeret, si secüs fecisset, pro rebelli habitum iri. Quod in eos factum iri Seguius dixerat, quorum pervicaciâ Senatus adductus tam insolita incöperat, Molæum impulit, ut si quæ noxa admüssa videretur, eam ad universum Ordinem attinere diceret, atque aded nihil esse, quod Seguius in aliquos modò Regem animadversurum minaretur, nam ubi Senatüs Decretum sit, id ab omnibus factum censeri, sed ulterrâ dicendi non est facta potestas, quàm obrem Senatus ab Regiâ in Palatium rediit.

Nihilo feciùs post meridiem delecti ex Senatu, & Curiis in B. Ludovici Conclave convenère: sed nihil eà die consultavère, satis magnum operæpretium se fecisse fortassè arbitrati, quòd nihili Consilii Regii decreta pendissent, & contrà quàm vetuissent, eò omnes convenire, & conloqui cœpissent. In Senatu autem qui frequens erat, de Regis in Consilio Decreto altero actum est tantisper, sed quia Cognitor, atque Actores regii aberant, res in crastinum est dilata. Eà die Talonus graviores priori ad Senatum habuit orationem, quàm multorum animi usquè adeò accensi sunt, ut hominem obturbarent, atque & hic ipse indignatus sibi dicendi facultatem eripi, quid ipse ac Collegæ sentirent perscriptum Senatui dederit, id fuit ab eò quòd dixerat diversissimum. Nam Regi supplicandum censebat ut ne suis in Consilio Decretis Senatum teneri vellet, sed magis hunc suis stare, & ut ne Senatum quidquam quod Regiæ Majestati, atque potentiae obstaret facturum, aut fieri ab aliis passurum crederet. Hæc Cognitoris regii, atque Collegarum sententia non eò Taloni orationem pertinuisse demonstravit, quò plerique putaverant, atque adeò haud obturbandum fuisse.

Posteà loci de Regis in Consilio Decreto quod Senatu coram in Regia recitatum fuerat, est seriò consultatum, ac dictæ sententiæ graves maximè ab Junioribus. Sed priusquàm Senatus eà de re decerneret quidquam, visum Administris aliquam inire rationem, quò Aulæ ac Senatus lites cum bonâ utrimque gratiâ componerentur. Eò apud Gastonem convenère Mazarinus, Seguierus Cancellarius, atque è Senatu Præsides, & è Consiliariis qui antiquior erat, Decanum appellant. Illic Gasto de optimâ Regis, atque Reginæ matris suæque ergà Senatum voluntate paucis præfatus has huic Ordini conditiones tulit. Uti videlicet Senatui, ac cæteris Curiis Annuæ pecuniæ persolvendæ sicut antehac potestatem Rex faceret. Uti Libellorum Magistri in Consilium regium restituerentur, ut autem horum numerus ne augeretur ab Reginæ benignitate expectandum. Qui è Magno Consilio, & Curiâ Vectigalium foris abducti essent, ii reducerentur. De Pace quidpiam additum, hanc quamprimum conficiendam, atque plebem tum sublevandam. Præsides gratias egère Gastoni, quod operam his componendis rebus dare voluisset, cæterum quas conditiones tulisset, de iis sibi ex disciplinâ ad Senatum referendum esse. Id ubi factum est uno ore censuere omnes, agendas Gastoni gratias, quod Senatui, Curiisque satisfactum voluisset, cæterum *Quæ ad se attineant, ea non eque Senatui, ac rem publicam curæ esse, huic, plebique ob tributorum magnitudinem egentissimæ, atque miserrimæ subveniendum, atque adeò quod eà gratiâ Senatus decreveris, uti Curie in B. Ludovici Conclave conveniant, id faciendum naviter.*

Fuère prætereà qui ita censerent, Reginam edocendam pecuniam publicam scèdè diripi, ac dissipari, multam pecuniam contrà jus, fasque per Regii Consilii Decreta sine Principis Edictis quæ in Curiis

promulgari necesse sit, pro Publicanorum, aut Administrorum lubidine ab plebe cogi: postremo Senatus decretum sit, uti Delecti ab hoc Ordine ad Reginam adeant, atque hanc edoceant, quod antehac decreverint, id rectè atque ordine fecisse: ubi Delecti ex Curiis conveniant, nihil planè ab his nisi quod in rem regiam, & publicam sit, consultum iri: Regi, ac Reginæ matri supplicarent, uti Consilii regii Decretum antiquatum vellent: præterea alii ex hoc Ordine ad Gastonem mitterentur, qui quam impenderat ad componendas res operam, de eà huic gratias Senatus verbis agerent, rogarentque uti sibi porro ubi opus foret favere vellet: interea Senatus continuò frequens haberetur, cæteræ Curia per Scribam de hoc Senatus consulto fierent certiores. Hæc Patres ubi labare Aulam ex iis quæ apud Gastonem dicta fuerant, senserunt, acriter decrevere: quæ si triduum quò Senatus sibi Reginam adendum statuerat, opperta esset, ratio omnis cum Senatu componendæ rei iniri poterat, cujus rei conficiendæ opportunitas obviam per Gastonem cundo, atque ultrò Senatui conditiones ferendo corrupta est. Postridiè Molæus primarius Præfex, quinque alii Præfides, & triginta è Patribus ad Reginam iere, cui Molæus hujusmodi verba fecit.

Justitia, atque æquitate, Regina, nihil apud homines præstabilis est. Sed hæc eò magis Principes decet, quod per summam potentiam, summasque opes, majorem bene, aut male faciendi copiam habent. Ab eà virtute si quid alienum fecerint, edixerintque, Magistratum partes sunt, ut id illos edoceant, caveantque ne exed re populus quid mali, damnumve capiat. Nam inter Principem, ac Populum medius Magistratus sunt. Inter illius potentiam, & hujus parendi necessitudinem hunc velut obicem Deus immortalis, & Principes ipsi posuere, ne aut Princeps iniqua edicendo, aut populus æqua imperia detrectando republicam perditum eant, quæ scilicet imperandi, atque parendi æquitate planè fiat. In utrovis offensum fuerit, aut nutat, aut collabigit, quem quidem casum quis unquam propius fuisse neget Galliam quàm nunc est? Plebes omnibus fortunis publicanorum, & Quæstorum acerbitate spoliata: Magistratus sine stipendiis, & quod multo gravius est, sine decore, plerique munia sua exequi prohibiti, quæ omnia Consilium Regium, aut ex eo in Provincias undequaque dimissi occupavere: Senatus ipse nuper malè habitus, objurgatusque, acta ejus rescissa, decreta antiquata, atque eà gratià ad Regem venire jussus, ut hæc ipsi contumelia coràm omni Aulâ fieret.

Quidquid hujus factum est id non abs te ortum satis scimus: tanta tibi prudentia, probitas, atque reipublicæ amor, præterea meus ab omni injuriâ, atque servitiâ aliena. Sed quorsum factum sit, nemo omnium ignorat, scilicet uti Patribus deterritis, & pessum dato Senatu, quorum hæc consilio Regina gessisti, eorum lubido in omnium fortunas, & si obstitit, in ipsa capita licentius grassetur, nihil in Senatu, atque Magistratibus auxilii sit, cuncta per summam Principis potentiam quâ ipsi porro abuti consilium est planè fiant. Sed hinc quandâque obstare Senatui baud flagitium esse, sicut illi volunt, res ipsa indicat. Nam primum omnium quod obstare possit, ac debeat, id non ab se, sed ab Regibus ip-

sis habet, qui quæ edicunt, æqua an contra sint, Senatûs judicium esse voluere: præterea in eo non modò potentia sibi tradita quæ omnis in Gallia aut Regis, aut ab Rege est, sed & magis recta ratione Senatus nititur, ab qua si quis æquo animo se vinci minime patiatur, eum ne hominem quidem, nedum Principem esse quisquam credat. Nam non quod lubet, sed quod rectum, atque æquum est edicere, & factum velle, id est Principem esse.

Desinant igitur obstrepere auribus tuis, Regina, atque dictitare Senatûm aduersam Regi potentiam affectare, insolita, atque inaudita moliri, Curiarum Coniunctionem haud procul crimine Majestatis abesse, sicuti dissidium, & partes ostendet. Sciant idem nostra ante triginta annos, idem patrum nostrorum memoria factum, cujus rei Senatûs acta fidem faciunt. Quod cum ita sit, æ Regina oramus, atque obtestamur, uti quod in eo negotio Senatus decrevit, id æqui, bonique consulas, atque adde, in ejus actis tua voluntate permaneat: contra verò quod Regium Consilium censuit, hujus ne ulla memoria, aut vestigium uspiam extet. Cæterum ubi Curia ex Senatûs autoritate convenient, ibi omnia sicuti res regia, atque publica, ac Regni quies postulabit, consultum iri certò credas, postremo clementi te, atque benigna, hic Ordo utatur, quod uti merito suo fiat, omni ope nitetur. Regina quid sibi visum fuerit, id postridiè facturam uti Senatus sciat, breviter respondit, dimissisque Patribus Consilium habet.

Omnes coercendam Senatûs audaciam dictitabant, sed quo pacto id fieret, parum expediebant: nam cò res processerat, uti sine vi tantum sicut his videbatur malum sanari non posset. Plebes cum Senatu sentiebat, quidam è viris Principibus cum utrifque congruebant, neque aliter Senatûm tanta movere ausum Regina satis scibat, ab finibus Regni accerere copias, quibus nudati hostibus paterent, periculosum erat: postremo cò res rediit, uti dandam modò operam censent, quod prohiberi nequibat, id ut Regis jussu fieri videretur. Itaque postridiè per Cognitorem, atque Actores regios Senatui nuntiatum, Regem velle, atque jubere uti Delecti ex Senatu, atque ex aliis Curiis in B. Ludovici Conclavi diligenter, atque continuo convenient, omnia negotia quod sibi, atque reipublicæ benè vertat, maturent, ac primum omnium unde pecunia in belli sumptus haberi possit, seriò consulent. Ibi verò Senatus sicuti ab Administris sibi de omni republica concessum esset, ita planè se gessit: sed ita rei publicæ tempus esse aiebant, ut hæc aliter sanari nequiret, salutem autem ejus supremam legem semper habitam.

Jamdù res publica privatà pecunià sustentabatur, non tam regis inopià, quàm hujus exigendæ morà: seu id ad dicm fieri non poterat, seu ad quos eà res pertinebat, ii segnes, aut quæstus causà cessabant, seu denique id voluntate Administratorum fiebat, uti cùm præfens pecunia decisset, Publicanorum opera uterentur, acceptà in rem publicam ab his pecunià, quam uti recuperarent iis aut portoria, aut vectigalia, aut tributa denique fruenda in quot annos lubebat, permittebant, ex quo utrifque quæstus ingens erat. Postea loci ut ne bonos quidem, honestos

honestosque puderet hujuscemodi facere quæstum, huic Mutui nomen inditum est, sicuti pecuniam Regi mutuam commodarent, rem turpem eo nomine cohonestando, ita ut nonnulli ex ipso Senatu ab eo quæstu non alieni essent, nedùm alii cujuscùmque generis, atque ordinis, sed maximè qui vectigalium redemptoribus, aut tributorum, & portoriorum conductoribus amici erant, ii in scenoris partem cum illis veniebant, qui adeò fautores ex Senatu, ex aliis Curiis, & cujuscùmque generis homines habebant.

Sed publicani qui omnes pecuniæ vias norunt, ut ad eam pervenirent, excogitabant multa. Singuli aut provinciam aliquam, aut certos Magistratus, aut Ordinem denique sibi deprædandos, despoliandosque sumptant, neque his ab Administris de ullo negotio negabatur: quantulamcùmque pecuniam in ærarium conferrent, ea satis placebat, cujus recuperandæ cum usuris gratiâ nova in provinciis imponere tributa, novos creare magistratus, veterum interciperi stipendia, aut eorum partem aliquam copia fiebat. Quæstores è Consilio regio in provincias dimittebantur, qui & extrâ ordinem jus dicerent, & his cogendis pecuniis darent operam, quas uti quisque acerbissimè imperabat, ita ab publicanis sicuti vir ingens celebrabatur, huic magna stipendia, honoraria, alimenta, nam id quò nomine appellem haud satis scio, præbebant, qui adeò ipsis obnoxius propè cuncta ex eorum lubidine decernebat: his equites erant attributi, qui ab detrectantibus imperata per vim exigerent. Ita civibus asperius ab hujuscemodi hominibus bellum erat, quàm foret ab ipsis si adessent hostibus. Hanc igitur ab republicâ pestem Delecti ex Curiis qui in B. Ludovici Conclave Regis voluntate convenerant, amovendam censuere, multaque alia ab his benè consulta sunt. De quibus ubi ad Senatum relatum est, is per quadriduum consultavit, perrogatisque eo spatio sententiis frequens decrevit, ut ne quis ex Regis Edicto, nisi priùs more majorum, & instituto Regum in Senatu promulgatum sit, aut jus in Provinciis dicere, aut quidquam publicæ rei attingere velit, qui secus faxit id per vim, contra jus, fasque facturum videri: ^a Quæstores provinciales, atque ut quos ^b Electos vocant, de omni pecuniâ regiâ in provinciis cogendâ, more majorum decernant: Quod esset ab his peccatum qui in provincias è Consilio regio dimissi fuissent, de eo quæstio instituat, Senatûs Decretum Cognitor regius per Municipia promulgandum curet.

^a Les Tre-
soriens de
France.
^b Les Elects.

Interea Magistri libellorum Gastonis operâ in Regium Consilium sunt restituti, postquàm Seguierus Cancellarius iis per Fouquetum persuadere frustra conatus fuerat, uti se deprecatore in ea re uterentur: sed hi se negaverant aliter restitui velle, quàm ex Senatûs autoritate, cujus fidem imploraverant. Quidam tamen ex illorum numero Trimèstris initio, quò quarta pars eorum per vices regio adesse Consilio solet, ad Gastonem Consilii principem sicuti salutatum de more ière, injectâque sui restituendi mentione id faciliè impetravere, nam

Administris operæpretium se facere arbitrantibus, si hos ab Senatu, ac cæteris Curis sejungerent: mox & Edictum de aliis libellorum Magistris creandis est abrogatum.

Sed inter Administros, Senatunque propè certatum, percunctantibus illis, num quæ è re publicâ esse viderentur, ea Edictis Regis sanciri, an ab Senatu decerni debeant? Sed hic uti tempora rei publicæ erant, nihil attinere ratus ab quibus, modò ut rectè gereretur, omnia ex ejus commodo, & ex fide suâ decernebat, atque eò res rediit, uti Galto in Senatu multus, frequensque esset, & Patrum sententiam de unaquâque re expiscaretur, uti quæ decreturi videbantur, iis Administri Edicto Regis præverterent. Fortè quandòque accidebat, uti Senatus maturius de re quâpiam decerneret, quod cùm Administri antiquare non auderent, isthuc idem Edicto Regis sanciebant, quod si tantisper ab Senatûs decreto discrepabat, continuò turbæ, atque lites fiebant, tanta erat animorum, atque rerum perturbatio.

Id factum est scilicet super decreto Senatûs, quo cavebatur ut ne qui è Consilio regio in provincias dimitterentur, juri extrâ ordinem dicendo, aut rei regiæ administrandæ, & uti quæreretur in eos qui id secûs, aut avarè fecissent. Nam in Regis Edicto quo idem caveri debebat, Rex apud Lugdunum, Pictonas, & Picardiam è Consilio regio Quæstores porrò mittendos, cæterum nihil de Quæstione ab Senatu sicuti diximus decretâ simul edicebat. Ubi Edictum ad Senatum est allatum, adfuit Galto, qui si quid asperius Senatûs decernere vellet, animos mitigaret, ac doceret quâ ratione adducta Regina Lugduni, apud Pictonas, & in Picardiâ qui è Consilio regio eò missi fuissent, illic manere, atque eodem alios porrò mitti vellet, quia videlicet eò copiæ iter habere consuevissent, quibus opus esset sæpius aliqua suppeditare, quæ suprà Magistratuum provincialium potestatem essent, præterquàm quod providendum esset, ut ne milites popularibus, hi verò illis ut fere fit acerbiores essent. Isthuc quidem Senatui denique probatum, sed de omisâ in Edicto Quæstione adversum eos qui secûs rem regiam gessissent, Patres queri graviter, neque id neglecturos certum erat, tametsi Galto eò fidem publicanorum quâ res publica tunc cùm maximè stare, interitum doceret, nam Quæstionem hanc in eos recidere denique debere.

Postremò cùm perrogatæ de hoc negotio Patrum sententiæ nondum essent, Administri Regis Edictum ad Senatum misere, quo separatim ab altero priore Edicto Quæstio instituebatur, non in Quæstores singillatim, ac nominatim qui è Consilio regio in provincias dimissi fuissent, sed in omnes qui rem regiam secûs administrassent. Eò negotium prolatabant, nam si in Quæstores ex Senatûs Decreto quæsitum oportuisset, id statim faciundum erat ab duobus Senatoribus quos in provincias eâ causâ ituros Senatus decreverat: sin autem ex Edicto, prius de eo ad hunc Ordinem referendum erat, dein rogandæ sententiæ, postremò decernendum, ac denique non ab Senatu Quæsito-

res, sed ab ipso Rege deligendi, ac Diplomate instituendi, & nominandi erant, de hoc Diplomate referendum rursus ad Senatum, rogandæ sententiæ, ac denique decernendum, ita tempus lucri faciebant, quod plerumque in hujuscemodi negotiis usus est.

Patres hanc Administrorum fraudem satis intelligebant, atque adeo Edictum rejiciendum, atque ex Senatûs Decreto agendum censebant: postremò tamen quam Administrî quæsierant moram, eam huic negotio haud magnoperè nocituram credidère. Igitur Edictum promulgandum censuere, sed eà lege uti quæ bona damnatorum publicarentur, ea Rex neque horum hæredibus, neque cuiquam omnium dono dare vellet, quidam addebant ac ne his vitam quidem condonare, quod nimium pluribus visum, Senatum enim Administrorum, atque publicarum licentiæ, atque acerbitati, non regiæ clementiæ modum impositum velle. Major de Quæstitoribus fuit controversia, utrùm ab Rege, an ab Senatu deligendi forent: verebatur enim hic Ordo, ut ne Rex Aulæ planè obnoxios ex Administrorum lubricine, neque rei publicæ studiosos deligeret, visum tamen id ab Rege modò fieri posse, quoniam ex hujus Edicto deligendi Quæstitores erant, quam in sententiam eò facilius plerique Patrum discelsère, quòd Gasto Reginam hos maximè Quæstitores, ac judices instituturam recepit, quos Senatus huic indicare vellet, ita nihil in Edicto mutandum Senatus censuit.

Postquàm id Administris ex sententiâ evenerat, nam Quæstitores, aut judices sese quos luberet delecturos non dubitabant, neque quod de his ab Senatu Regiæ indicandis Gasto receperat, pendebant quidquam, aliud quidpiam sibi incipiendum sunt arbitrati, uti videlicet quod Senatus decreverat nihil ab civibus exigendum nisi ex Edictis regiis in Senatu promulgatis, id ut in futurum modò fieri debere intelligeretur, neque adeò quæ sine Edictis exigi cæpissent, ad ea pertinere. De his, Edictum ad Senatum misere, quæ tamen Senatus id promulgando exigi vetuit, item & quæ ex Edictis in utrâque Rationum, & Vectigalium Curiâ promulgatis pendebantur, præterquàm hoc reliquo, ac proximo anno, si tandiù bellum duraret, quòd & antehac de portoriis decretum fuisse diximus.

Quod Senatus decreverat de Edictis omnibus in hoc Ordine promulgandis, id Administrî Rationum, ac Vectigalium Curiis, atque Magno Consilio fraudi esse dictitabant, atque si id fieret has Curias Senatu longè inferiores posthac futuras: præterea in his quæ de re publica consultabantur in B. Ludovici Conclavi Senatum tribus his Curis longè potiorem esse, cùm de omnibus ad hunc Ordinem referatur, qui de his, sicut ipsi videatur decernat: postremò nullos Quæstitores, aut judices è Magno Consilio in institutâ de re regiâ secus administratâ Quæstione futuros ex Senatûs, & utriusque Rationum, & Vectigalium Curie sententiâ, quæ omnia ad ferendas Rationum, & Vectigalium Curias, simul & Magnum Consilium inter, & Senatum discordias, atque lites pertinebant. Sed tanta in Adminis-

tros horum omnium Ordinum invidia fuit, uti quæ controversiæ inter hos essent, eas facilè superaret, ita ut his neglectis ad illos modò pessum dandos omnia sua consilia, omnes conatus censerent.

De creditâ ab multis Regi pecuniâ actum deindè est, quod si mutuò factum rei publicæ causâ, nihil profectò rectius fuisset. Mutuum enim humanæ societatis operæpretium est, neque quidquam sanctius, quàm rem nostram alteri commodare, uti suæ consulat. Sed quod ab plerisque rem suam Regi commodantibus fiebat longè alienum ab huiusmodi sanctitate fuit, nam id illius magis augendæ quàm publicæ sustinendæ faciebant. Id igitur non Mutuum, sed ingens, atque intolerabile scenus fuit. Quod cùm ad plerosque Administros, atque horum propinquos, necessariosque attineret, ea res summâ in invidiâ fuit. Quamobrem Senatus uti de hoc negotio referretur acriter decrevit: plenque è Senioribus ut ne quid per difficilia reipublicæ tempora, alii ut ne unquàm quidquam creditoribus solveretur censebant. Sed ubi Potierus Blammenius in unâ ex Inquisitionum Classibus Præses sententiam rogatus est, hanc se disturum negavit, nisi si priùs ad quos ex hoc Ordine negotium de quo agebatur pertineret, ii de more facerent. *Pudet dicere, inquit, publicanos, ac publicanorum filios, aut qui in publicanorum societatibus sint, sedere in Senatu, quos, & præterea qui pecuniæ Regi creditæ negotio implicati sint, in eo iudices esse leges vetem*: eò admoniti qui priùs sententiam dixerant, in hanc quod Blammenius autor erat, id se addere dixere.

Hoc Blammenii veluti fulmine icti publicani, publicanorum filii, & qui in horum societatibus erant, ac denique pecuniæ Regi creditæ negotio implicati sensere quàm inhonesta, quàm pudenda rei suæ augendæ ratio per publicæ damna esset. Neque tamen primùm deponere animum, nam id seriùs admoneri dixere, cùm de omnibus quæ consultatæ fuissent in B. Ludovici Conclavi rebus Senatus universus consuli cœpisset, quod porrò ex hujus disciplinâ fieri deberet, neque unius modò rei causâ quæ minima pars universarum esset, quemquam abesse æquum videri. Blammenius idem in re consimili factum olim post solutam Ambianorum urbis obsidionem ex Senatûs actis docuit: nam & tunc Henrico Regi mutuo, aut potiùs fœnore ab quibusdam pecuniâ in rempublicam creditam, de cuius solutione sicuti tum differendâ ubi in Senatu agebatur, ibi qui huic negotio ex hoc Ordine implicati fuissent, eos secedere iussit.

Tùm Molæus primarius Præses, hortatus est eos ad quos Blammenii, atque aliorum consimilis sententia pertinebat, ut abesse vellent, quandiu eâ de re consultaretur. Postridiè ampliùs quadraginta absuere, ac Molæus sententias rogare perrexit: quidam sicuti suprâ producendam creditæ Regi pecuniæ solutionem censebant, plures hoc ac alieno planè liberandam rem publicam, ac denique quærendum in eos qui id neque rectè, neque ordine credidissent, astra enim Senatûs docere isthuc fieri prohibitum, præterquam ex Edictis in Senatu promulgatis, ac gravissimis de causis.

Ubi Administri quid plerique Patrum de creditæ Regi pecuniæ solutione sentirent, rescivere, ibi metus hos incescit, ut ne sibi fides ad rempublicam porro sustentandam, amicis res interiret. Qui ipsis insens erant, hos quam Regis intervererant, sibi que sumplerant pecuniam, eam rursùm huic quo scœnore libuisset, postea credidisse aiebant, ac postea in consimilis prædæ societatem propinquos, atque necessarios vocasse: quamobrem horum omnium maxima intererat, Senatûs decreto de republicâ hujusmodi aere alieno liberandâ prævertere. Eò his Ediçtum Regis fabricare visum, quo cuncta in Conclavi B. Ludovici consultata, atque ab Senatu decreta sancire videretur, ita tamen ut isthæc omnia ab Administorum postea penderent arbitrio, tanta erat in Ediçto perscribendo ars adhibita. Id eò fiebat maximè, uti quæ Senatus durius decreverat, ea in hoc Ordine retractarentur, quod fieri necesse erat, ubi de Ediçto referretur, ac tùm æquiora Patres decreturos Administri sperabant: his singillatim studium ingens erat, utiquæ portoria sine Ediçtis in Senatu promulgatis exigi capta erant, eâ porro exigi sinerent, ac satis haberent ut ne alia nova sine Ediçtis exigerentur. Porremò in hoc ultimo Regis Ediçto nihil doli ab Administris omissum aiebant, quem certè malum appellare religio est, cum his omnis opera perinde danda fuerit, ut aliquas ad pecuniam habendam vias sibi apertas conservarent, ac ab aliis impendebatur, ut omnes ipsis præcluderent: nam sine illâ res publica domf, bellique geri nequaquam poterat.

Quod Senatus incoeperat, id profecto pace domi, forisque constitutâ rei publicæ pulchrè processisset, sed huic adversùm hostes validissimos bello multiplici, vario, ac multarum rerum egenti terrâ, marique implicatæ quorsùm eveniret, dubium, atque incertissimum videbatur. Ediçto promulgando uti Rex in Senatum veniret, consilium fuit: interea ad se quosdam ex hoc Ordine mitti jussit, uti quid hunc de quartâ Sectionum parte plebi minuendâ edocendum haberent, id expromerent. Eò Rex ad Senatum litteras scripserat, quæ postquàm in majori Classe recitatæ fuerant, ad Inquisitionum Classes missæ sunt, nequedùm enim Senatus frequens convenerat. Continuo hæ in majus Conclave venere uti de litteris referretur, atque consultaretur: sed nulli Præsides reperti, primarius domum discesserat meditandæ quam ad Regem, ac Reginam matrem habiturus erat orationi, cæteri qui haud longè aberant, in majorem rediere Classẽ, primarius autem ab Senatu vocatus & ipse rediit: eò quidpiam altercationis fuit, quod subito sedatum est, frementibus plerique de Administorum in discordiis inter ipsos Patres ferendis fraude, atque nequitia. Dein ubi de litteris regis relatum, visum est denique ad Regem, atque Reginam matrem ire. Id ab Molæo, atque aliis ex Senatu factum, Regina ad Molæi orationem paucis respondit, Regem filium postridiẽ iturum in Senatum, atque eò quid vellet, juberetque ediçturum.

Postridiẽ igitur Rex, atque Regina mater venire in Senatum, reci-

1648.

tatur edictum, ac de hoc Seguierus Cancellarius clementem, atque humanissimam habet orationem. *Quæ hic Ordo censuisset, ea Regem edicere voluisse, quia rectè visa fuerint: cæterum in rem publicam magnopere esse, uti sanctis omnibus, quorum ex Delectorum ab Senatu, atque ab aliis Curiis sententia Senatus Regi autor fuisset, hic frequens haberi desineret, quando hostes in discordiarum, ac turbarum apud nos opinione restituerent rei suæ labefactæ spem omnem positam haberent.* Rex Edicto Senatui, ac Curiis, ut ne Delectos in Conclave B. Ludovici posthac mittere, Senatui singillatim ut ne frequens convenire vellet, interdicebat, interea se quamprimum de omni re publicâ Consilium habiturum aiebat, atque hanc ex virorum Principum, Franciæ Parium, atque aliorum tam ex Consilio regio, quam ex Senatu, atque aliis in Urbe Curiis sententiâ ita constituturum, uti singuli suæ familiari simul consultum sentirent, nam re publicâ familiarem cujusque contineri.

Quæ subsecutæ sunt Molai, atque Taloni orationes, eò pertinuerunt, ut ostentarent Regi, quam jucundum esset Senatui, quæ censuisset, eadem illum edicendo comprobasse: dein ubi sententiæ ab Cancellario rogatæ, Edictum ut in acta Senatûs referretur decretum est. Cancellarius ferunt ad Senatores ex Inquisitionum Classibus iisse horum sententiam rogantem, quod pridem omissum fuerat: sed eos isthuc aspernatos dictitasse postridiè se hanc per Regis absentiam liberè dicturos, nec dicto fides abfuit: nam postridiè in maiorem Classem venere, flagitantes uti de Edicto referretur, nihil enim esse quod pridè Rege coram in Acta Senatûs relatum esset, quando liberè unicuique sententiam dicere copia non fuisset. Ibi quidam negavere Senatum ex pristino Decreto tum frequentem esse posse, atque adeò de integro Inquisitionum Classes postulare debere ex formulâ, uti jam frequens de Edicto haberetur, quod tamen quando pridè promulgatum fuisset, utrùm retractari deberet, ambigi posse, eo enim pleraque in B. Ludovici Conclavi consulta edici, quamobrem quod Senatui, ac Curiis consilii fuisset, id confectum, atque hoc omni negotio defunctas præclare Curias videri.

Hæc eorum erat sententia, qui haud semper æquam cum Principe Senatûs concertationem fore judicabant, faciundum denique turbarum finem, satisque fuisse terrorem Administris injecisse, quo posthac moderatiores forent. Administri verò sibi pulchrè rem in Senatu processisse credebant, ubi Curiarum consultationibus, atque Senatûs decretis Edicto modum fecissent: id autem & in Rationum, ac Vectigalium Curiis promulgatum voluere, quò adfuere, in illâ videlicet Gasto, atque in alterâ Contius: utrique ab Nicolaio, & Ameloto primariis Præsidibus orationes graves habitæ, quibus haud quaquam satis rei publicæ Edicto consultum sentire videbantur: si tamen eo starent Administri, ac sincerâ fide quæ hoc Edicto sanciebantur, ea exequerentur, Curias posthac quieturas verisimile erat. Idem in multis ex Senatu animorum habitus erat, pergebantque dicere ex pristino Senatûs Decreto nec Delec-

tos ex Curiis in B. Ludovici Conclavi convenire, neque Senatum frequentem esse posse: plures verò posthabito Edicto quo id Rex vetuerat, & Delectos convenire, & Senatum ex illo decreto porro frequentem esse debere contendebant.

Hæc inter Patres contentione Regina adducta Gastonis operam in Senatu Regi filio, atque rei publicæ utilem fore judicavit, quâ freti qui rectè sentiebant, ii cæteris potiores futuri videbantur. Gasto igitur venit in Senatum, dixitque magnoperè Patribus curæ esse debere, ut ne contra Regis voluntatem tendere, atque obfirmare animum velle viderentur, quod huic Ordini, aut certè his qui talia moverent, fraudi foret denique. Isthæc tamen, atque alia ab Gastone dicta nihil obstitere, quominus utrùm Delecti ex Curiis convenire, & Senatus frequens porro esse deberet, consultaretur: de quibus rogatus sententiam Brussellus ut ab quatuor ex Senatu singula Edicti capita perpenderentur censuit, qui de his ad Senatum referrent, atque hic intercæ frequens esset, & quæ in B. Ludovici Conclavi porro Delecti consultarent, de iis & porro decerneret, postremò ex Senatûs Decreto IV. Non. Sextiles quaereretur in eos, qui pecuniam publicam intervertissent, aut secus habuissent, atque id negotii Cognitori regio daretur.

Id enimverò Gasto negare salvâ Majestâte fieri posse, cùm Rex Delectos ex Curiis convenire, ac Senatum frequentem esse vetuisset: quod verò Brussellus in Quæstione de his qui pecuniam publicam secus habuissent Senatum properare, ac Regem antevenire æquum censeat, id certè ab nimio regis potentis adversandi studio ortum videri, cùm in eo Regina sit, uti Quæditorum, aut judicum nomina edat. Brussellus se nihil potentis regis adversatum usquàm respondit, sed hanc integram, ac vigentem voluisse, ita tamen ut ne hac nemo in perniciem rei aut publicæ, aut cujusquàm familiaris abutatur: si Quæstio in publicanos, atque in hos qui horum culpæ affines sint exerceri Regi sensò placeat, huic nihil nocituram Cognitoris regii, aut aliorum quibus id negotii ab Senatu mandetur operam, imò hanc utilissimam fore, ut ne fraude publicanorum multa intereant, quibus horum latrocinia notescere possint, si spatium isthæc avertendi detur: sin lentius in eo negotio ab Administris agetur, haud æquum esse quæ eâ de re Senatus decreverit, ea frustrâ esse, cùm tantoperè ad rem publicam pertineat, qui hujus vires exhauserint, iis ut ne id impunè sit.

Pergit Molæus Patres ordine sententiam rogare, quorum plerique in hanc quam Brussellus dixerat, discedebant. Ad Inquisitionum Classis Molæus devenerat, cùm Senatus horâ quâ solet dimissus est, & cùm certum esset has haud ab Brusselli sententiâ dissensuras, Gasto sibi ad Senatum haud redeundum censebat, cùm id frustrâ se facturum judicaret: tamen victus Reginæ precibus, postquàm multi Patrum quod dici reliquum fuerat, & in multam noctem ab Administorum propinquis, necessariis, atque amicis, quin ab Reginæ ipsius clientibus prelati fuerant, postridiè adfuit. Prius hunc cum Brussello collocutum se-

1648.

runt, atque promissis hominem onerassè. Ibi Molæus sententias Patrum rogare perrexìt, & ubi quis Senatum frequentem esse debere censebat, continuo obturbabat Galto, docebatque id rei publicæ perniciem alaturum.

Tumultuari passim plebem vestigalia, tributa, portoria pendere detestantem, dum sibi Senatum fautorem esse putat : id majorum malorum initium esse, quàm ut his Senatus posthac modèrari possit : postremò placere Regi, atque Reginae matri Senatum per Classes jus de more dicere, neque frequentem esse, sicuti nuper edixerint. Id se renuntiare Senatus jussum, præterea Socios qui partem bellicè capessant, propè defectionem esse, quoniam quæ ipsi ex fœdere pecunia debeatur, ea ipsi curari nequeat : hostes spem belli civilis in Galliâ nactos sua damna nibil pendere, quæ brevè non modò se sarcituros, sed eadem, atque majora nobis illaturos confidunt. Hæc Senatus curæ esse debere : nibil eâ causâ consulto, aut factò, quod quandòque difficile sit, sed magis cessato quo nibil facilius sit, opus esse, orare, atque obtestari, ut id Regi, atque Reginae matri obsequamur, nea committant, uti quam salvam velint rem publicam, quamque cessando servare possint, eam obstinatis animis consulendo, atque contra quam tempus moneat, agendo perditum eant. Nihil Reginam obstarè quo minùs Edictum ab quibusdam ex Senatu perpendatur, & si quæ sint de quibus edocenda, admonendæ videatur, id sicut e republica, & fide sua esse existimaverint, sedulò faciant, modò ut Senatus ante dies quindecim minime ab Classibus suis in majus Conclavè conveniat, tantulam moram rei publicæ salutis fore.

Molæus perpetuam Gastonis de Regno, atque de republicâ, præterea de honore Senatûs curam, atque sollicitudinem huic Ordini magnificam, atque adèò pergratam esse respondit, neque dubitare se, quin ei quæ æqua sint obsequendo lubens referat gratiam : dein ad Patres conversus, ipsis propè spondere possè ait, quæ Reginam super Edictò edocuerint, admonuerintve, ea æqui bonique consulturam : plura jam quàm Senatus speraverit, ipsi benignè tribuissè, quod & si hanc edocendi, atque admonendi insistant viam, porrò factura sit : postremò quæ Galto dixerit, ea hujuscemodì esse, uti de iis Senatum consuli è republicâ videatur. Succlamant Patres percensendas, perlegendasque hesternas sententias, ab quibus si quis Gastonis oratione adductus decedere velit, id facere licere : nemo omnium deceffit, neque ut aliter sentirent, aut eâ oratione, aut hortationibus, aut crebra Gastonis compellatione qui sententiam dixerant, aut qui postea dixère, impelli potuère.

Ubi ad Gastonem devenitum est. *Frustra se sententiam dicturum ait, quando Senatus prope omnis contra quàm Regi, ac Reginae placeat, pertinaciter censuerit : nibil pendere quod ipse dixerit, periculum ingens imminere Regno, ex eo quod Senatus perpetuo frequens esse velit, neque sibi tantulam quam postulaverit moram condonare voluissè. Qui moderatè censuerint, eorum Regem, atque Reginam meminisse decere, se eâ dignitate, atque genere esse, uti regiam potentiam nusquam infractam velit, neque commissurum uti quæ adversum banc perliqua censuerint, ea præsentia sua, mediùm sententia comprobasse videatur.*

Simul

Simul confurgit abiturus, ni qui proximi erant attinuissent, orantes, atque obsecrantes uti sedere, atque sententiam dicere vellet, hanc majoris apud Patres, quàm speret autoritatis, ac ponderis fore. Postremò exoratus assedit, increpitâque totius propè Senatûs pertinaciâ, qui neque oratione suâ, neque quod erat æquius Majestatis verecundiâ, cùm sciat quid Rex, & Regina sentiant, neque rei publicæ imminentibus periculis adduci potuerit, uti flecteret animum suum, ac de suâ duritie aliquantum remitteret, eadem de singulis Ediçti capitibus, Reginâque si quid contra quàm Senatus sentiat ediçtum sit, edocendâ, admonendâve censuit: cæterùm uti post quindecim modò dies Senatus conveniret, de hoc negotio, de suâ disciplinâ, ac de his quæ in Conclavi B. Ludovici agantur consulturus, intereâ in suis quisque Classibus Patres jus de more dicere vellent. Molæus denique post brevem altercationem Ediçtum, & quæ in Conclavi B. Ludovici consultata essent, ea expendenda ab quatuor Senatoribus censuit, qui de his post XVIII. Calendas Septemb. ad Senatum frequentem referrent, atque is continuò super unâ quâque re quid Regina edocenda videretur decerneret: plerique omnes qui aut propè eadem, aut paulò diversâ censuerant, in hanc unam coaluere sententiam, Brussellus, paucique alii in suâ permansere, neque eò minùs factum est in illam Senatûs decretum, additumque gratias Regi, atque Reginae de pecuniæ Annuæ persolvendæ quam his dederant facultate agendas.

Quâ decretum fuerat die Senatus frequens haberi cœptus, & qui Ediçtum regium expenderant de eo retulere. Super cæteris Capitibus nihil Senatus decrevit, quod Aulae magnoperè ægrè esset: sed ubi eò devenit, quò vetabatur quidquam posthâc ab Populo exigi, præterquam ex Ediçtis ritè promulgatis, ac tamen quæ sine Ediçtis exigi cœpissent, ea porro exigi Rex volebat, ibi Senatus quod antehâc eâ de re decreverat, id ratum, firmumque debere esse censuit: de portoriis, quanta, ac de quibus mercibus pendi deberent, Brussellus, ac Ferrandus Commentarium facere jussi, quem Administri ab se fieri æquum censebant: his sibi omnem sustinendorum qui ad bellum porro gerendum necessarii essent, sumptuum facultatem adimi distabant, sed id ad eorum rem familiarem magis pertinere cæteri censebant, quam posthâc augere difficilius foret.

Inter hæc summa Quæstura Almerico abrogata, ipse Tanlaïum suum secedere jussus, quod quidam Italico more ab Mazarino factum aiebant, sicuti ab hoc uno homine Populus omnia mala in se orta censeret, atque hujus discessu desitura, quo magis Regi, atque Reginae quæ in rem publicam essent necessaria, ea lubentiùs esset obsecuturus. Summa Quæstura Melleraj Equitum Tribuno de quo sæpiùs memoravimus, ab Rege mandata est, cui dati adjutores Stephanus ^a Aligrius, & Antonius Barillonus Morangius, uterque è Consilio regio, homines frugi ambo, ac famâ integrâ. Omnis Reginae spes quod ad Senatum pertinebat, in Gastone posita erat, cujus magnam apud hunc Ordinem gra-

^a Aligre.
Barillon de
Morangius.

1648.

tiam esse scibat : eò hunc obsecravit , ut adhuc in Senatum ire ne gravaretur , Regi filio , sibi , atque rei publicæ , more , institutoque suo opitulaturus . Id ipse lubens Reginæ est obsecutus , rogavitque Patres , uti postremo Decreto suo id modò adscriptum vellent , *Quod voluntate Regis fiat* : sed isthuc planè abnuère : postulanti verò uti Commentarius portiorum , ac mercium ex quibus hæc penderentur , in Consilio regio fieret , sicuti Rex edixerat , id modò sunt gratificati uti Brussellus , ac Ferrandus quibus Senatus id negotii dederat , huic apud Gastonem operam darent , neque tamen conficerent nisi priùs consulto Senatu quidquam .

Dum hæc , atque alia hujuscemodi inter Aulam , & Senatum disceptantur , atque domi res publica pèsùm ibat , foris tamen incredibili eorum qui hanc gerebant virtute sustentabatur . In Hispaniâ quid præclare gestum fuerit suprà diximus , sed procul id ab Aulæ , atque Urbis conspectu : Belgium est in propinquo , ubi quæ prospera , vel adversa forent , ea magis ad rem publicam pertinere videbantur . Hæc Condæo provincia erat in quam Carolus Portæus Melleraius Equitum Tribunus ac rei tormentariæ Præfectus cum copiis præmissus Atrebatès advénit , atque eò in gravem incidit morbum : Armandus Carolus filius adolescens cùm de salute Patris conclamatum videretur , ab Rege in rei tormentariæ Præfecturâ , cæterisque patris muneribus huic suffectus est , mansitque ad exercitum , operam Regi navaturus , pater tamen paulùm ab morbo recreatus domum saluti consulturus abiit . Brevi & ipse Condæus in Belgium est profectus : comitabatur Gramontius item Equitum Tribunus , qui huic magno usui fuit . Ypras oppugnare consilium Condæo erat , quod uti clàm hostes esset , primùm Atrebatès usque processerat , dein subito Peronam regressus in Veromanduis , atque aliis circùm regionibus copias collocat , quæ res magis Cameraco , quod in propinquo est , cæterisque ad superiorem Scaldim , aut in Hannoniâ locis , quàm his quæ ad Legiam amnem , aut Oceanum posita sunt , bellum ostentabat .

a Le Marquis
de Paluau de
Clerembaut.

Intercà loci commeatus , atque alia quæ incepto usui forent , Atrebatès supportabantur : quæ ad Bassiam , Bethuniam , atque alia loca in hybernis , aut præsidis fuerant copiæ , majori quàm ut ea defenderent numero , eòdem convenire jussit : Ramfavius E. T. qui Dunkercæ , a Paluavius Clerembaltius qui Curtraco Præfectus erat , ille quâ Ypræ ad Oceanum , hic quâ ad Legiam Urbs spectat , eam dictâ die circumfidere jussi , Ramfavius prætercà commeatum , tormenta , atque alia graviora ab Dunkercâ , Icio portu , atque aliis vicinis locis , quò convecta fuerant , per fossas quæ ab Oceano ad Ypras pertinent , navigiis advehère : dein ipse Condæus Ypras versùs per Atrebatès contendit , & postquàm alias res agere se simulaverat ludificando hosti , postremò circùm urbem confedit .

Quà ab Comene , & Menene ad Ypras iter est Condæus , quâ ab Armentariâ , & Varnetone Gramontius , quâ ab Audomari-fano , & Ariâ Ramfavius , quâ ab Dixmudâ , & Brugis Paluavius habuère cas-

tra, quæ subitò vallo, fossæque munita sunt. Condæus Galliæ fines prætergrediens cò a Valbecurum Nettancurum cum idoneo copiarum numero reliquerat, qui finitimis oppidis præsidio esset, præterea apud Atrebatas, Bethuniam, Bassiam, Venantii-fanum Cohortes quatuor, atque Helvetiorum Centurias tres collocaverat, quare omnia in tuto esse videbantur. Apud Curtracum modò quod propiùs castra erat, graviter est offensum, nam magna pars præsidii uti tanto Condæi exercitus auctior esset, oppido abducta fuerat.

Id ubi Leopoldo compertum, primùm apud Comenem, & Viroviam cum traducto Legiam exercitu ad Condæi castra propiùs accessit, sicuti ea tentare consilium esset: dein ad Curtracum flexit iter, oppidum nullo negotio expugnat, dein Castellum, atque Arx dedita, quâ in re plus mali, damnique, quàm in Ypris postea captis boni nobis evenit: nam Curtracum procul in hostico ad Legiam est, castello, atque Arce quæ ab Gassione magnis sumptibus exædificata fuerat, firmissimum, quod adeò facilè erat defendere, si solitum eò fuisset præsidium, Ypræ verò vasta Urbs, atque disiecta, eoque magis obnoxia hosti. Hæc per sexdecim dies oppugnata, dein Condæo dedita: b Mot-
terius qui Urbi Præfectus erat, cum trecentis, & quinquaginta equi-
tibus, mille & ducentis peditibus abcessit: subsecutum est oppidanorum agmen ad sex armatorum millia, qui urbem haud impigrè defen-
saverant, quosque in hac tum captâ porrò agitare pigebat, tædebat-
que. Inter oppugnandum c Frefnelius in Condæi Cohorte Centurio,
Vetipontius, & Griseus in Prætoriana Legione Procenturio, ac pau-
ci alii intercepti. Sed apud hostes plus ex recepto Curtraco lætitiæ,
quàm ex perditis Ypris doloris inerat, quibus Paluavius Rex præ-
fecit.

Leopoldus ubi Ypras deditas esse nuntiatum est, interim dùm Condæus inænibus, ac munionibus reficiendis operam dat, vallumque, & castrorum fossas ut ne posthac hostibus usui forent, demolitur, veritus uti mox quidpiam mare versùs inciperet, eò Sfondratum dimisit, ipse apud Varnetonem habuit castra. Non omninò fallebat hostem aliquid Condæum Oceanum versùs moliri: nam forte Ramsavius infirmum apud Ostendam quod oppidum ad Oceanum positum est, præsidium esse resciverat, quò adductus est, ut hoc potiri se posse speraret, si improvisus accederet. Id uti faceret Dunkercam ab exercitu redit, atque expedita navigia cum copiis subitò conscendit. Interea Condæus Dixmudam versùs movit, sicuti tentaturus oppidum, reverà uti Sfondratum ab Ostendâ averteret, quod ex sententiâ factum.

At Ramsavius quoniam tardiùs solverat portu, expositis modò in terram quadringentis militibus, subitò recedente maris æstu, atque vento ab terrâ increbrescente, missoque imbre, his denique in littore foedè desertis, cum omnibus navigiis retrocedere ad Dunkercam undè solverat, coactus est. Qui relicti in nudo littore fuerant, ii cum ab Ostendæ præsidio, tum ab equitibus, peditibusque quos Sfondratum

1648.

hâc de re factus denique certior cò miserat, oppressi sunt. Fuère qui ita existimarent, Ramsaviu ex ingenio gentis, nam is Germanus est, plus satis vino deditum dùm poculis immoratur, hanc sicuti complures alias opportunitatem corrupissè, virum cæterâ egregium, scientiâ, atque usu rei militaris clarissimum.

Holtes ubi Condæum captis Ypris Oceanum versùs, & Legiam diutiùs morari vident, nequedum æstivis facere finem, diversissimâ parte ad Scaldim, & Sabim amnes bellum transferre parant, uti Condæus ad a Phrudis fontes tuendis Galliæ finibus redire cogeretur. Eâ gratiâ b Bucoius Comes, Cimaius Princeps, & Garcia Comes Cameraco Præfectus duodecim armatorum millia cùm ex vicinis præfidiis, tùm ex iis copiis quibus Beccus Lucemburgensem obtinebat agrum, prætercâ ex Lotharingicis coëgere, quibus Casteletum, Quintini-sanum, Guissium, aut Rupem regiam oppugnaturi videbantur.

a La Somme.
b Le Comte
de Bucoy.
Le Prince de
Cimay.
Le Comte
Garcia.

Horum consiliis ut occurreret Condæus, Legiam inter, & Oceanum quatuor equitum, peditumque millia Ramsavio, quibus hanc obtineret regionem, reliquit, iussitque Castellum apud Knocquiam, Furnas inter, Dixmudam, & Ypras cœptum, ad eam fossâ, quâ comeatus ab Furnis Ypras advehebantur, permunire: ipse ab Ypris Casteletum ad Scaldis fontem magnis itineribus per Atrebatas contendit. Sed hunc Leopoldus breviori itinere antevenerat, properans uti quod Garciam incœpissè in finibus nostris arbitrabatur, id perficeret: verùm is progressus ad ca quæ suprâ memoravimus oppida, nullum horum oppugnare ausus fuerat, atque adeò abscesserat Landrecium: quò factum est, uti Leopoldus apud Matrolas Cœnobium loco naturâ munito restiterit, atque stativa habuerit. Landrecium, atque Avennæ oppida hostium munitissima in propinquo sunt, prætercâ hanc regionem interfluunt amnes ad comeatus subvehendos, atque ad loci munitionem opportuni: sed cò segnis Leopoldi mora fuit, prohibente Condæo ut ne quid operæpretii faceret. Igitur ad Legiam regressus est, atque ad Varnetonem stativa habuit, ac permunivit.

At Condæus ab Reginâ accersitus properè ad Urbem venit, dein ad Castra rediit, atque ipse ad Legiam sicuti Leopoldus movit. Cum Condæo in Aula consultatum aiebant, quo pacto insigne quidpiam adversum hostes faceret, cuius rei famâ Senatus, Populusque in viam reduci possent, aut si opus ad id copiis foret, quæ in Belgio erant, eas contritus hostium opibus deducere sine rei publicæ damno ad Urbem copia foret. Condæus nihil magis quàm acie cum hoste decertare cupiebat juvenis gloriæ avidissimus, sed æstivorum perpetuo labore fessas copias Hispanis inter præfidia sua agitantibus, ex quibus exercitum augere ubi vellent, faciliè poterant, objectare haud satis tutum existimabat, censebatque Erlacum Brisiaco Præfectum evocandum ab Alsatiâ cum Germanorum quibus præerat copiis, quæ ubi advenissent, ibi verò nihil in se moræ futurum, quin cum hoste collatis signis dimicaret, pugnamque ederet memorabilem. Secundùm hæc Erlacus properè

ad Condæum in Belgium venire cum omnibus quas habebat copiis iussus est. 1648.

Interea Condæus ad Souchias Lentsio haud procul confederat, quò Bernontium Ariæ Præfectum coactò ex vicinis præsiidiis idoneo militum numero Venantii-fanum obsidere nuntiatum est. Eò subito Condæus movet, cujus advenientis famâ territus Bernontius ab incepto destitit, seu id simulaverat, uti nostri ad se versum venirent: nam interea loci Sfondratus cui inter Legiam, & Oceanum datam ab Leopoldo provinciam suprâ memoravimus, cum copiis quibus præerat, hæc quatuor millium armatorum fuere, ac præterea tribus quos ad cum Leopoldus ab Varnetone miserat millibus ad Furnas accesserat, oppidum oppugnaturus, quod cessante Condæo, atque Ramsavio, postremo ab Præfecto ^a Bosqueto viro forti, postquam egregiè pro naturâ loci propugnauerat, hosti deditum est. Condæus existimaverat Sfondratum non prius opera admoturum oppido, quàm castra vallo, fossâque munisset, quod se facturum simulaverat, verùm ab opere castrorum brevi militem ad oppugnationem oppidi deduxerat, quò factum est uti subveniundi spatium Condæo non fuerit: Ramsavius permuniendo apud Knocquiam Castello intentus erat, neque satis militum ad hostem pellendum habebat.

Receptis Furnis Leopoldus stativis quæ apud Varnetonem ad Legiam habebat movit: cætera ad hunc amnem loca in ejus erant potestate, præter Eyterram, quam nostri præsidio tenebant, traducendo militi, atque commeatui ubi opus esset; hanc ipsis facultatem adimere Leopoldo consilium fuit, atque eâ gratiâ Eyterrâ potiri. Eò igitur duplici agmine contendit, alterum ipse, atque Beccus cis Legiam, alterum trans amnem duxit Fuenfaldanius, neque Condæo copia fuit subvenire oppido, tanta in eâ re celeritas est ab hostibus adhibita, quam obrem deditum iis est ab Præfecto præsidioque. Dein hostes cis Legiam progredi capere: primùm agmen Bucioius duxabat, qui ab Eyterrâ movens nostris ab Mervillâ quod item oppidum ad Legiam est trans amnem, atque ab aliis vicinis cis amnem locis Atrebatibus versum moventibus ad sinistram fuit. Ad laceffendos hostes Condæus Colinium Castillionum cum parte primi agminis dimittit, ipse cum Gramontio subsequitur. Tanto impetu Colinius in hostes invehit, ut qui ultimi essent, postquam tantisper restiterant, perturbatis denique ordinibus abscederent, cæsi quidam, captique, vulnerati complures, inter quos ^b Belvisæus Tribunus: è nostris ^c Persanus glande brachium est ictus, præterea è Legione prætoriâ, atque è Corbevillii Arnaldi sclopetariorum equitum alâ quidam dum egregiè rem gerunt.

^a Du Bos.
^b Le Colonel Beauvid.
^c Le Marquis de Persan.

Sed ea res facta ex sententiâ virtutem quidem nostrorum hostibus porro ostentabat, cæterum ad belli summam parum conferebat: hostes validi, nam numero militum potiores, aut in fines nostros transire, aut retrò ad Oceanum versus flectere iter poterant, neutrum propter pauciores copias satis prohibente Condæo. Is tamen apud Mervillam

Villequierum cum idoneo copiarum numero subsistere jufferat, si forte Leopoldus itinere converso Legiam exercitum traducere, atque ad Oceanum tendere vellet. Sed præcipua Condæo cura erat sustentare rem, usque dum Erlacus cum Germanorum copiis advenisset, nam tum non modo tantula quæ fecerat in Furnis, atque Eyterrâ ab hoste receptis damna sarcire, sed & cum eo acie decertare copiam fore sperabat. Jam Erlacus ad Atrebatas processerat, cui Condæus Valbecurum cum aliquanto militum numero obviam mittit, ad Souchias haud procul Lentisio, qui & dux itineris, & præsidio foret, ac denique Erlacus Bethuniam, quò Condæus castra habebat advenit. Ibi verò ipse quid hostis consiliū cepisset anxius, cis, transque Legiam diligenter exploratum mittebat, uti quò flecteret iter, certior fieret, nam si ad Oceanum, aut in Galliæ fines tendere vellet in incerto erat. Interea ad famam pertinere visum Eyterrâ hostibus nuper deditam recipere, quod ab Villequiero qui apud Mervillam usque restiterat, factum est: capti in oppido Centuriones tres, milites ducenti: è nostris *a* Guerschius eò cæsus, qui uti ferme adolescentes nobiles in Gallia voluntate, suisque sumptibus militabat, præterea Bar in prætoriâ Legionis Centurio leviter est vulneratus.

a De Guersch.
chy.

Interea hostes aliquantum itineris præceperant, & ad Vendini pontem Leopoldus traduxerat copias, sicuti Belieroplessius Bassiæ Præfectus, quæ in propinquo est, ad Condæum scribebat, viderique hosti consilium esse Lentisium oppugnare. Continuo Condæus Bassiam contendit, Erlacum, atque Villequierum omisso Legi subsequi jubet, ac postmodum uti de hostibus cognosceret antea agmen, paulumque progressus unde in planitiem despectus erat, hostes magno numero ante Lentisium stare in acie conspiciatur, quorum vicinitate perterriti nostri qui in oppido erant, neque suam, neque alienam virtutem experti, neque tormento ullo hinc, aut illinc adacti dedidit sese. Eò sibi Condæus magis, ac magis properandum constituit, uti tantum ab his militiæ dedecus admissum, atque incommodum rei publicæ illatum insigni aliquâ hostium clade compensaret, simul hos Galliam sicuti constituisse videbantur, ingredi prohiberet.

Sub vesperam quo modo acies instrueretur inter duces consultatum. In cornu dextro novem equitum alæ fuere, quibus Beljocus præfuit, Condæus eò ipse sibi locum delegit: unâ fuere Villequierus Legatus, *b* Nigro-monasterius, atque Goyonus Mussaius Castrorum Præfecti ambo, *c* Forsius Vigeanus aciei Instructor. In cornu sinistro tantumdem equitum fuit, quibus *d* Islabonus adolescens Ellebovii viri è Lotharingicâ Gente principis filius præfuit, eò curabat Gramontius E. T. atque unâ erant Fertæus Sannectarius Legatus, Sammegrinus Castrorum Præfectus, Leinvilla aciei Instructor. In mediâ acie pedites, Prætorianorum manus duæ, Helvetiorum una, Scotorum una, Picardiæ Legio ac Gastonis Cohors propter militum paucitatem manum unam modò faciebant, Persani, & Erlaci Cohortes, quarum hæc

b Louis de la Tremouille, Marquis de Noirmontier.
c Le Marquis de Fers du Vigean.
d Le Comte de l'Islebonne.

erat Germanorum, locatæ eò fuere. In fronte tormenta disposita, quæ ^{1648.} ^{a De Colfæ,} ^{De Brissac.} ^{b De Rasilly.} Colfæus Brissacus præerat. In subsidiis erant gravioris armaturæ equitum alæ quinque, atque levioris armaturæ una. Peditibus qui in mediâ erant acie, atque his subsidiariis equitibus Colinius Castillionus præesse iussus. Cornui dextro in subsidiis fuere equitum alæ octo, atque eò curabat Arnaldus Corbevillæ castrorum Præfectus, cornui vero sinistro septem, quæ Belieroplesius præfuit. Inter hæc equitum subsidia peditum alæ manus quinque permixtæ fuere, atque ea secunda fuit acies: postremum si quid durius accidisset subsidium in tertiâ locatum est acie, Erlacus videlicet cum equitum alis quinque, monitus ab Condæo ut nisi magnoperè res moneret, in prælium ne descenderet, huic aderat ^b Rasilus Castrorum Præfectus. In eo postremò subsidio magnam fiduciam sæpius Imperatores habuere, seu ut in re perditâ suis eò perfugium esset, seu in dubiâ, atque asperâ prælium restituerent, & victoriam reportarent.

Ita instructus ex hesterni consilii sententiâ exercitus XIV. Calend. Sept. ubi primum lucescere cœpit, in eam quæ vicina erat Lentsio planitiem descendit. Tria præceperat Imperator, primum uti sese procedentes sedulo intuerentur alii alios: irent aequâ fronte media acies cum cornibus, idem in subsidiis fieret, intervalla cum inter principia, & subsidia, tum inter se equitum alæ peditumque manus fervarent: secundo ut ad pugnam irent lento gradu, virtute magis, quàm impetu rem bene geri: postremò prius hostem quàm sese glandes sclopetis mittere sinerent, neque id ipsi nisi ex propinquo facerent. Ubi est in planitiem descensum, nulli eò visi hostes, nam ad Lentsium paulò longius abscesserant, quò cum Condæus processisset, hos in acie oppidum propius conspicatur: huic applicaverant cornu dextrum, in quo Hispani, ac Belgæ equites, ante eos voragines, ac viæ cavæ fuere: media peditum acies loco saluoso, & naturâ munito: in edito sinistrum cornu erat, ad quod calles angusti, & singulorum modò hominum capaces ferebant.

Ubi hostes eo pacto pugnam detrectare Condæus videt, in propinquo ponit castra, editiori quàm cætera loco: sed eò neque aqua, neque pabuli copia erat, quò factum est, uti postridiè castra movere necesse fuerit. Intercæ eminens res gesta sclopetis, tormentisque, dein conclamatis vasis multâ jam luce, ut ne quid ea profectio fugæ simile haberet, Condæus movit. Tunc qui cum Erlaco equites erant, ii in agmine principes facti, dein qui in subsidiis fuerant processere, postremò qui in primâ acie steterant clausere agmen, uti si decertandum foret, converso ad hostes gradu id eodem quo pridie decretum fuerat ordine fieret. At hostis nostros abire conspicatus, seu metu id facere crederet, seu spem nactus in abscedentes, ut ferè sit, bene gerendæ rei, Lotharingum equitatum, qui in sinistro cornu erat, emittit, hi tanto impetu in dextrum nostrorum cornu illati, uti cedere cogeretur loco: Castillionus qui erat in propinquo cum his equitibus quos subsidiarios mediæ aciei futuros fuisse diximus, tantam Lotharingicorum equitum vim

1648.

† Brancas,
Marquis de
Villars.

Villequiero, & Nigromonasterio adjuvantibus sustinere conatur: sed & quæ cum eo erat Gastonis equitum ala loco cessit, captusque est a Brancacius Villarsius Tribunus, dein gravioris armaturæ equites excipiunt pugnam: hi sustentavere rem, impetumque hostium inhibuere. Interea Condæus qui in dextro cornu fuerant equites, locoque cessorant, eos in unum conductos ad pugnam reducit, qui ubi conferti redeunt, gravioris armaturæ equitum ordines perturbavere, ipsique invicem conturbati sunt: quod factum est, uti Condæum ad hostes euntem pauci sequerentur, compluribus in secundam quæ in subsidiis erat aciem dilapsis. Qui in hac acie integri erant equites, eos in horum qui pulsi, aut perturbatis ordinibus abcesserant, locum Condæus subducit, atque redintegrat adversus Lotharingicos Equites pugnam, qui denique loco cessere, & ad suos rediere. Tum in dextro nostrorum cornu, atque in mediâ acie, & in utriusque subsidiis omnia in integrum restituta, spatiumque fuit Condæo, atque Gramontio, qui ab sinistro cornu ad eum accurrit, colloquendi, ac consultandi, ab quibus decretum denudò est rem universam prælii fortunæ committere.

Interea hostes delibata, ac satis ex Lotharingicorum equitum successu explorata, sicuti rebantur, victoriâ præclari accesserant, & quem locum pridè Condæus castris habuerat, paulum quàm cætera sicuti memoravimus editiorem, cum acie instructâ tenuere. In dextro cornu b Linæus, & Bucorius: in sinistro Salmius, & Lignevilla: in mediâ acie Beccus curabant: in subsidiis erant Leopoldus, & Fuenfaldarius. Octava ab mediâ nocte hora erat, cum acies nostra ad hostem tametsi edito loco positum procedere coepit. Sexaginta ab eo passus aberat, atque tormentis dudum agebatur, cum Condæo visum subsistere, atque aciem paulisper constituere, dein lento sicuti præceptum fuerat gradu ire perrexit. Paulò plus quàm quatuor passus inter utramque intercedebant aciem, cum hostes sclopetis emisere glandes, rati scilicet id sibi magno usui futurum si in nostros tam propinquos occuparent glandes mittere, quibus icti plerique caderent. Sed in prælio qui ultimus hosti perniciem adferre potest, is haud dubiè victor evadit. Igitur nostri ex præcepto Imperatoris ultimi sclopetis suis usi sunt, simul Condæus unâ cum equitibus procurrit, atque hostes perturbatis ordinibus in secundam suorum aciem compellit, quos Villequierus, & Musfaius cupidius insecti ab his postquam egregiè pugnaverant, capti sunt. Sed alii vicissim in dextro nostrorum cornu equites pulsi ab hostibus usque ad subsidia fuere, tam variâ fortunâ pugnabatur: eò utrimque ab ipsis subsidiis prælium exceptum est, diuque varium, incertum, atque anceps cum in cornibus, tum in ipsâ mediâ acie fuit: donec tantam omnium rerum perturbationem conspicatus Erlacus, ibi verò cum postremò suo subsidio in aciem descendit, quo fretus maximè Condæus eâ parte hostes cædit, fugatque, & quatuor equitum alas qui persequantur dimittit, ipse ad id quod reliquum erat adjicit animum.

Gramontio in sinistro cornu postquam primi in tumultum ab hostibus

† Le Prince
de Ligne.
Le Comte de
Bucoy.
Le Comte de
Salmé.
De Ligne-
ville.

bus

bus incessum evaserant, secutaque erant subsidia, eadem propè quæ Condæo fortuna fuit, aspera, dubia, incerta: aderant Sammegrinus, & Islabonus, præterea Fertæus Sannectarius, ac postremò Belicropolefius cum subsidiiis, quibus in eo cornu præesse iussus erat. Hujus adventu nostri qui multitudinem hostium coacti tantisper loco cesserant confirmati postremò hostes fodere, atque fugavere. In mediâ acie Castillionus impigre rem gerebat, Prætorianorum manus duæ unam Hispanicam, & Germanicas duas fregerant: Heluctii manus una, Picardix, & Gastonis Cohortes in unam coactæ manum, Scotica, Perfana, & Erlacia quos adversum ierant, eos profligaverant: sed qui in subsidiiis erant hostium equites, peditibus nostris nequicquam prælio uno perfunctis intervenere, Prætorianosque, & Helvetios disjecerant, cum Castillionus gravioris armaturæ equites in medios induxit hostes, quorum operâ ad restituendos Prætorianorum, atque Helvetiorum ordines spatium fuit, dein capessuat de integro pugnam, resque acrius quàm antea geritur.

Interea alii hostium equites ad nostra peditum subsidia pervenerant, qui ab Condæi, & Contii Cohortibus excepti, sclopetis petiti, ac prælongis hastis disiecti sunt. Jam omnes pedites, equitesque alius aliò pugnabant, urgebantque hostem, nequedùm tamen fugiebat, tametsi eò inclinata res erat: cum ab dextrâ Condæus, ab lævâ Gramontius profligatis hostium cornibus mediæ eorum aciei tunc cum maximè nostris ab fronte urgentibus intentæ ab latere utrimque aperto, atque ab tergo intervenire: ita miseri undequâque circumventi ad unum cæsi, captivi. In propinquo Lentsium erat, quò plerosque fugatulit: eodém Condæus cum omnibus copiis præcunte equitatu qui hostes prosequeretur contendit. Oppidum subito deditum victori est Villequieri operâ, qui pugnx initio captus, ac Lentsium abductus fuerat. Qui minùs fessi ex equitibus nostris visi, eos Condæus Duacum versùs hostem persequi jubet, nam eò ab Lentsio intenderat fugam.

Tormenta hostium triginta octo, commeatus omnis, rates quæ plaustris sternendo ubi opus foret ponti vehabantur, impedimenta propè omnia, vexilla peditum equitumque c x x. capta, amplius quingenti turmarum duces, Tribuni, Centuriones, Procenturiones, Vexillarii, quos inter insignes fuere Beccus qui in mediâ hostium curaverat acie, Lucemburgensemque obtinebat Agrum, filius ejus ^a Belfortius Baro, Lineus vir Princeps, qui omni hostium equitatu, ^b Santamorius Comes qui rei tormentariæ præfuerat, ^c Crepacorius Baro Avennis Præfectus, atque alii complures, omninò captivorum numerus quinque millia, castrorum tria millia fuere. Nec incruenta nobis victoria fuit, ^d Sanvallius Porcheusius, & Matarellus, Denmarius, Noncurius, Hericurius, Cavoyfius Centuriones, & Vicecenturiones è Prætorianis: ex Helvetiis ^e Hestius Glaronensis, Gebelius Solodorensis Centuriones, præterea Surius Solodorensis Vicecenturio: ^f Loignius è Picardix Legione, è Gastonica Turrius, ex equitatu Beljocus Angianæ turmæ pro Angiano Condæi

^a Le Baron de Beaufort.
^b Le Comte de S. Amour.
^c Le Baron de Crevecœur.
^d Porcheux de S. Val.
Matarel.
Danemarle.
Nonenour.
Hericour.
Cavoy.
^e Hestij.
Guebell.
Sury.
^f Loigny.
de la Tour.
d'Oisy.
L. M.ette
D'Escair.
Fraiseliere.
Roisy.
Cambour.
le Colonel
Salbric.
La Sale.
Comblé.

1648.

• Bellebrun-
ne.
Neuillan.
Le Marquis
de Norman-
ville.
Faye de Sa-
lins.

filio Dux, Oysius in Marfillaci Rupifocaldi Turmâ vicarius, è Gaf-tonis alâ Mottæus Descarsius, è Chappæi alâ Fraifilierus, è Fertæi San-nectarii alâ Valbecurius, & Roisius, è Mazarini alâ Camburius Tri-bunus, è Salbrici alâ ipse Salbricus Tribunus, præterea Lafalius, è Ravanelli alâ Joconius, è Nigriloci alâ Comblæus cecidere: præterea vulnerati complures quorum aliqui mox interiëre, • Bellebrunus inter Prætorianos Centurio, Nevillanus Niortio oppido apud Pictonas Præfectus in Melleraii equitum alâ turmæ unius dux, Normanvilla Marchio, Salinsius Fayus inter Prætorianos Vicecenturio.

Ab hac victoriâ Condæus Furnas quas hostis nuper receperat, op-pugnandas esse decrevit, quod negotium dat Ramsavio, qui proximam regionem ab Legiâ ad Oceanum, Galliæque fines sicuti suprà diximus obtinebat. Quæ regio autem ab Furnis ad Sociarum Civitatum fines in Hispanorum ditione est, eam obtinebat Sfondratus cum idoneo co-piarum numero. Ramsavius & ipse copias habebat quibus provinciam tueretur, has Condæus auxit, mittendo ad eum Castrorum Præfectos duos Valbecurium, & Castelnavium Malvicieram cum quatuor ar-matorum millibus. His fretus Ramsavius Furnas versum movet. Sfon-dratus haud procul oppido apud Stenkeram stativa muniverat, quæ partim amnis, cætera tegebant fossiæ in hac humili regione aquis ex agris subducendis frequentes: hæc stativa magno militum labore, atque periculo expugnata, Poloni pedites nando amnem interea dùm ratibus jungitur superavere, atque alia militaria navi fecere, Galli conti-nuò subsequuti, atque hostes magnâ vi adorti postremo fugavere: hi Dix-mudam, & Neoportum abfcessere, dein Ramsavius circum Furnas cas-tra ponit. Sed Condæus ex copiâ rerum veritus ut ne hostium ab nu-perâ clade reliquiæ omnes quæ haud exiguæ erant, Sfondrato conjun-gerentur, ac Ramsavium Furnarum obsidioni intentum, impeditum-que adorirentur, eò ipse cum Erlaci copiis properat. Ubi advenit avi-dus omnia visundi, faciundique, dùm opera conspiciatur ad oppidi fos-sam instituta, glande femur ictus est: nihilo secius tamen perductis si-cuti Condæus præceperat, ad propius fossiæ latus operibus indè pulsi hostes sunt, munitusque nostrorum super fossâ stationi locus, quâ re illi percussi deditionem fecere: hujus hæc una conditio dicta ab Con-dæo est, uti videlicet in potestate Ramsavii essent, quò permutarentur cum iis qui in Ostendæ littore nuper expositi, relictique, capti ab hos-tibus fuerant: postpaulò copiarum in hyberna dimissæ.

In Urbe ubi de Condæi victoriâ nuntiatum est, continuò ab Rege decreta in majori Templo supplicatio, ob rem ab illo benè gestam. Rex ipse & Anna Regina mater cum Aulâ frequenti, præterea Sena-tus, Rationum, & Vestigalium Curia, Urbanique Magistratus suppli-catum iëre. Omnes Ordines Condæum in cælum ferre, egregia ejus commemorare, urbium expugnationes, victorias, virtutem, & fortunam in eo æquabiles. Sed finis æstivorum prohibuerat, quominus ex hac victoriâ tantum fructum res publica caperet, quantus initio fuisset.

fatis tamen magnus Administris videbatur, qui hanc magis uti domi res publica comprehensis quibusdam ex Senatu quieti, quàm uti foris amplior esset, animis præceperant: neque aliâ gratiâ cum hoste dimicandum, remque fortunæ permittendam censuerant: quo fiebat uti plerique dictitarent, hos suam hanc magis de Senatu, Populoque quàm Condæi de Hispanis hostibus victoriam arbitrari.

Aulam inter, & Senatum magnas esse lites suprà demonstravimus, eo Hispani lætari, atque existimare tempus adesse, quo rem suam propè lapsam restituerent: nam mirifica gentis hujus in adversis constantia est, dùm fortunam opperitur. Id jam decimum tertium annum faciebat, nihil tot cladibus acceptis, provinciisque, atque urbibus amissis mota, aut deterrita quin fortunæ vicissitudinem patienter expectaret: præterea ubi virtute parùm procedit, more suo dolis, atque fallaciis contendit. Foris Socias Civitates ab fœdere nostro averterat, tunc autem inter nos lites, atque turbas aut ferebat, aut fovebat sedulò, cui malo dùm obviam itur ab Aulâ, & qui seditionis duces fore videbantur, eos Administri conantur amovere, fœdè ab his offensum est.

Ab Templo quò de Condæi victoriâ honos Deo immortalis habitus fuerat, Ludovicus, atque Anna mater redibant in Regiam, Prætoriani de more, atque Helvetii per vicos quâ Regi transitus erat, stabant in armis, cùm interea Comingius Vicecenturio Custodum Reginæ corporis cum decem ex hac Centuriâ militibus ad Brusselli Senatoris ædes properat, hunc statim comprehendit, atque abducit. In viciniâ primò tumultuatum, clamitare omnes indignissimè factum, dein & abducto Poterio Blammenio crevit rumor, singuli pro se quisque arma capere, per vicos, plateas, atque fora fremere. Prætoriani sicuti jussi erant, atque Helvetii pontes obsident, ut ne plebes quæ cis, transque Sequanam incolit, coire vellet, dein multitudini impares circum Regiam steterè, si qua ab plebe ingrueret vis, eam prohibitori.

Joannes Paulus Franciscus Gondius patruo Archiepiscopo Parisiensi datus Adjutor, Coadjutorem appellant, per Urbem pedibus iit sacro sicuti Supplicationi adfuerat habitu, quo plebi venerabilior esset, hanc obsecrans, ut ab armis discederet, atque in potestate Magistratum esset: hæc enim verò se negare usque cessaturam, donec Brussellus, atque Blammenius ad Urbem reducerentur. Id se Gondius ab Reginâ postularum recipit, atque eâ gratiâ ad Regiam pergit ire, plebem quâ transibat benignè appellando, sicuti mollire animos, atque iram multitudinis sedare vellet: cæterum longè aliter sentiebat, homo potentiae avidus, cui adipiscendæ perturbatam, quàm pacatam rem publicam malebat. Is nuper ab Reginâ Insulam Franciæ sibi dari provinciam flagitaverat, quam Hercules Rohanus Mombalonus simul & Præfetti Urbis Munus abdicare dato pretio, ut hæc Gondius obtineret, paratus erat. Sed homini ambitioso qui rebus divinis in Urbe præfuturus esset, eam & ipsi regendam permittere haud satis tutum Reginæ visum.

« Le Duc de
Mombalon.

1648.

Lutetia Parisiorum Insulae Franciae caput est, quo nomine agrum appellant, qui ab Urbe circumquaque satis patet: sed Gondius & Pontificatu, & hac fretus provinciâ sperabat se Reginam adducturum, uti sibi mox ab Pontifice Cardinalatum impetraret, nam cujus in potestate divina, humanaque in Urbe forent, id ei hanc minimè negaturam: postremò ubi Cardinalatum esset adeptus, se parem fore Mazarino, atque de gratiâ, & potentiâ ex æquo cum eo certaturum. Hæc ampla, atque magnifica juvenus prona ad ea quæ facili sibi fingit credenda subiciebat animo, cæterum ipse suas spes nimium festinando corruptit. Sed & hæc per mediam Urbem inter armatos cives in sacro habitu, ac propè concionabundi in Regiam profectio eò pertinebat, uti Senatui, Populoque suum de Brusselli, & Blammenii reditu studium ostentaret, ac si fortè Regina ab se posset adduci, ut hos dimissos vellet, hujusce rei gratiam occuparet, atque adeò clarior, & utriusque carior evaderet. Ubi in Regiam advenit, quid in Urbe ageretur Reginam edocet, atque eò rem rediisse, ut ni plebes Brussellum, ac Blammenium reductos videat, maximo in periculo futura sit: talem Gondii orationem Regina est aspernata, scilicet quem satis sciret novis rebus studere, ac de his moliundis cum plerisque ex Senatu congruere.

Interea increbrescebat rumor plebem ad Regiam venire armatam, atque infestam, cui Melleraius, & Hospitalius Equitum Tribuni cum plerâque Nobilitate occurrere, ac moram injicere jussi, blandè alloquendo, ac benignè pollicendo. In equis omnes Regiâ egressi ubi ad plebem deveniêre, hæc enimverò nihil æqua, aut dicto audiens fuit: sed continuò ortus est ab multitudine clamor, ac subsecuta lapidum grando Melleraium, atque alios receptui consulere coëgit. Inter hæc fortè sclopeto breviori emissâ glans quempiam ex plebe atigit, interemitque, quæ res multitudinem magis, magisque accendit. Catenæ ferreæ validæ quæ in finibus vicorum sunt, prohibendis ubi res monet, ut ne commeent equis, carrisque, & rhedis, statim prætenduntur: additæ præterea ex omni materiâ quæ ad manum fuit, subitariæ munitiones, uti singulis modò pervii vici essent; per Urbem stationes quò Populo lubuit dispositæ, atque ita quod diei reliquum fuit, exactum. Quæ subsecuta est nox, ea quietem animis, perindè ac corporibus adferre visâ, neque postridiè manè plebes movebat quidquam, uti crederes tumultuandi finem fecisse, cum Seguierus Cancellarius objectus oculis hesternam excitavit iram.

Is per pontem novum rhedâ vectus ibat in Curiam, cumque ad diviticulum quo ab medio ponte ad eam itur, pervenisset, progredi ultra coactus est, propter objectam eò loci pridè ab oppidanis munitionem, quæ rhedæ transitum prohibebat. Igitur majori circuitu, per Augustinianorum vicum pergit ire, quo plebes grege facto primum maledicta in hominem, dein taxa in rhedam ingerit. Illic Ludovici Caroli Alberti a Luinæi ædes sunt, qui Seguiero affinis est: has ingreditur, atque obseratis foribus plebem attrinct, quas dùm molitur, nihil ip-

se tanto quod imminerebat periculo perturbatus, qui occultissimus, atque adeo tutissimus in ædibus locus visus, eò recipit se, atque mortem si hæc obeunda reipublicæ causâ foret, constanter opperitur. Effractis denique foribus multitudo in ædes irrumpit, hominem primum quæritat, dein objecta Luinæi vestis, ac cætera supellex in medio posita plebis animum ab eâ quam meditabatur cæde, ad prædam avertit, singuli ubi quod satis placebat id diripuerant, dilabebantur. Intercâ quanto in periculo Seguierus esset, in Regiam est allatum: Melleraius statim eò cum Prætorianorum manu, ac nobilibus aliquot venit, nihil hesterno periculo suo deterritus, quo minùs hanc Reginæ navaret operam: Seguierum ab Luinæi ædibus in Regiam reducit, neque plebes tùm quæta fuit, sed Seguierum, & Melleraium secuta restitantes quemdam Picotum, ac multitudinem arcere conantem cecidit: è Præfecti prætorii Centuriâ duos Cancellarios habet sicuti viatores, ac custodes corporis, quæ tertius unus præest, is fuit Picotus ab multitudine cæsus.

Senatus tùm frequens habebatur, ac Patres tunc cùm maximè consultabant, quid factò opus esset, uti Brussellum, & Blammenium in Urbem reductos Regina vellet, ac præterea *a* Laissné, & Antonio *b* Loiselio quos abire iusserat, ac denique Ludovico *c* Carretonio in altera Libellorum Classe Præsidi, qui diffugerat, eodem redeundi copia esset. Senatus decretum fit, ut eâ gratiâ frequens ad Regiam eat, quem plebes faciat tumultum, eum ad impetranda quæ velint opportunissimum esse. Matthæus igitur Molæus primarius Præfex cum universo propè Senatu per media civium præsidia jubentium uti Patres bono, fortique animo essent, darentque operam uti Brussellus reduceretur, in Regiam iit, atque ab Regina Senatus verbis postulavit, uti Brussellum, ac cæteros Urbi, atque Senatui restituere vellet: supplicanti similis videbatur, quo tamen loco res in Urbe essent, commemorando quod Senatus flagitabat, id facere necesse omnino esse satis ostentabat.

At Regina se negavit quod rectè, atque ordine, & ex Consilii sententiâ fecerat, id ulquàm mutaturam. *Marie* socius jussu cùm in Regni procuratore quondam esset, *Henricum* Condæum in custodiam conjectum, nihil obstante, aut reclamante Senatu, Populoque: sibi verò idem in uno, aut altero ex hoc Ordine minimè licere, quin plebes arma capiat, non autoribus quidem, sed approbantibus Patribus, quando nihil contra decreverint, id quidem facinus indignum esse, quod expiare tamen Senatus possit, plebem aut coercendo, aut sedando, ex cujus tumultu si quid detrimenti respublica ceperit, id omne in eos collatum iri, neque ipsis impune ubi Rex filius adoleverit futurum. Molæus purgare Senatum, neque sedandæ seditioni parem esse dicere, tametsi operam suam cum Regis potentiâ conjungat. Non in hunc Ordinem hujus rei culpam cadere, sed in eos qui id Reginæ autores fuerint, quâ plebes commoveretur, nihil antè proviud quo in officio contineretur. Hos eò rem deduxisset, uti si omnes omnia sua consilia conferant, huic malo nihil nisi in Brusselli, &

a Laissné.
b Loisel.
c Le Præfident Characteron.

Blammenii, ac cæterorum reditu remediis inveniant. Hos igitur Senatûs precibus, hos imminenti reipublicæ periculo, hos denique hominibus centum millibus, qui id postulant, atque ea causa in armis sint, condonare velit. Pernequivit Regina hujus se quidquam facturam, ac simul cum Rege filio consurrexit, abiitque.

Ita Patres suâ de Brussello, & Blammenio spe dejecti abscedebant, quid futurum denique esset, anxii : nam quem ipsi metum incussuri venerant, cum Anna tanta animi firmitudine in ipsosmet verterat : sed Molæus cum animo reputans Senatûs famam, atque salutem, ac fortasse rei omnis publicæ in eo vestigio temporis agi, haud ita discedendum esse constituit, atque cum his qui proximi aderant collocutus in id ex quo abierant Conclave rediit, & quia Regina in interiori aliud abscesserat, per interpretes agi cœptum, quibus ultrò, citròque commearibus Regina denique Galtone, atque Mazarino autoribus flexit animum suum, uti Senatui si modò Classes convenire ad festum usque B. Martini diem desinerent, de Brussello, atque Blammenio, aliisque in Urbem, & in Senatum restituendis gratificaretur. Hæc Patribus lata conditio Molæo satis placebat. Sed hanc priusquam acciperent, de eâ ad Senatum referendum, consultandumque erat, atque adeò redeundum in Curiam. Mazarinus id in Regia fieri posse existimabat, cum Senatus eò propè omnis adesset, assentiebatur Memmius, atque alii qui proximi Molæum erant, nam uti rei publicæ tempus erat, paulo momento aut fore salvam, aut in magnum discrimen casuram, quibus adductus Molæus jam in propinquum ibat Conclave, cum ægrè sequi cæteros animadvertit. Igitur ut ne offenderet, redeundum ait in Curiam, aliò consultari minimè posse videri, Mazarinus uti luberet agere inquit, atque ita discessum est.

Haud ita multum processerant Patres, pervenerantque ad propiorum plebis stationem : ibi voces tumultuosæ exortæ percunctantium ubi Brussellus esset? hanc tamen stationem, atque alteram præteriere. Sed ubi ad tertiam perventum, eò arma Patribus intentantes occurrere, quâ re perterriti Præsides quinque, ac viginti Consiliarii inter tumultum dilapsi sunt, plebis iram quæ magis exarsura videbatur, metuentes : resedit tamen, jussus in Regiam redire qui aderant Patribus, atque Brussellum, ac Blammenium reducere. Id ipsi obedienter fecere, reversique sunt in Regiam, & quò primum abnuerant, eò de conditionibus, quæ Senatui Regina tulerat, consultavere. Seguius Cancellarius qui ubi in Curiam ire lubet, Senatui præesse solet, huic tùm præfuit, vir sanè fortis, qui vix tanto quod jam jam diximus periculo ereptus diem reliquum egregiam Regi, ac rei publicæ nihilò segnius operam navavit.

Primum rogati sententiam Patres, numnam eo loco deliberandum censerent? quinquaginta aliò quam in Curia deliberandum negavere, iidem de conditione ab Regina latâ ubi mox rogati sententiam sunt, ut ne Classes convenire desinerent, censuere, uti facillè cerneret, ibi

factionem esse, neque ut è republicâ videretur, sed ex lubricitate sententias dicere, cæteri & in Regiâ deliberandum, & superfedendum ad festum usquẽ B. Martini diem de novi Edicti capitibus, deque consultis in B. Ludovici Conclavi ad Senatum referre, nullum tamen eâ de re Senatûs Decretum faciundum: de portorii verò, atque usuris quæ in publicis Urbis Ædibus solvi solent, perpetuò consultandum. Unus ex Senatu cui nomen a Petro Martinello fuit, sententiam rogatus plebi quod flagitaret, id tribuendum videri dixit, quoniam tam probè instructa peteret: Molæus hominem juvenem uti sibi ipse temperaret, admonuit, Seguius Cancellarius id non opus dicto fuisse, Gasto idem paulò gravius ait: at juvenis nihil ut in tali tempore teritus, quo unicuique omnia impunè licebant, C. Cæsarem eo pacto Consulatum, & petiisse, & cepisse respondit.

a Martineus
Conseiller
aux Reques-
tes.

Sed quæ consulta ab Senatu fuerant, ea Reginæ nuntiata huiusmodi visâ sunt, uti Patribus denique de Collegarum reditu morem gerere possent. Missi continuò qui Brussellum, & Blammenium ad Urbem reducerent, Laissæo, Loiselio, & Carretonio in Senatum redeundi facta potestas est: sed postquàm Brussellus, & Blammenius advenère tùm demùm plebes positis armis ad consueta munia rediit. Senatus non item, nam Brussellus ex recenti injuriâ Aulæ quàm antehac infensior, atque omnis ejus factio quæ maximè Juniorum ex Inquisitionum Classibus fuit, operam dabat, ut ne sicuti quotannis solet, Senatus vacaret, cuius rei tempus appetebat. Eò in majus Conclave conferunt se, ac strepitu magis, confusisque vocibus, quàm ex formulâ postulant, uti referatur eâ de re. Molæus obstabat sedulò, donec perpulit, ac pervicit denique ut id fieret b Petrus Viola in unâ ex Inquisitionum Classibus Præses, juvenis acer, quem repulsæ dolor exagitabat: nam Bailleulius Cancellarium Reginæ abdicare voluerat, quem datâ in æstimationem pecuniâ Viola sibi haberet, sed ea res utrique frustra fuerat, quoniam Violam animo inquieto, & qui multa moveret, hunc apud Reginam habere Magistratum haud satis placebat Mazarino.

b Le Præsident Viola.

Molæus igitur ubi videt Violæ resisti non posse, ad Crispinum sententiam rogans convertit se, hic uti Senatus de more vacaret censuit, obstrepentibus autem plerisque, ac dictitantibus quæ in Senatores facta nuper violenter sint, ea porrò pertimescenda esse, respondit de his si cui apud Senatum expostulandum videatur, id quidem facere licere: Brussellus ad quem ea res maximè pertinebat, sese verò ait privatas injurias reipublicæ condonare, sed neque his, neque aliis usquàm rebus deterritum iri, quo minùs suam Regi, atque amplissimo Ordini operam navet, ad cujus præsidium magnoperè pertineat, ut ne sicuti quotannis per certos dies vacare soleat, ita hoc anno vacet: dein tantisper inter hunc, & Molæum est altercatum, postremò rogatus an id inconsultâ Reginâ faciundum censeret, agrè ab homine pervicaci exsculptum est, uti Reginæ supplicandum diceret, quo id ejus voluntate facere liceret. In hanc sententiam frequens Senatus discessit, addito de-

1648.

quibus modò Regina nuper consensisset, Senatûm consultaturum, nihil tamen hoc prolato in Regia opus esse. Datum ab Molæo Cognitori, atque Actoribus regis negotium, uti Senatûs verbis ab Regina postularent Regium Diploma, quo Senatui per solitos vacationum dies convenire tamen liceret: perscriptum Diploma, factaque Senatui ad X. usque Calend. Octob. potestas est, quam si opus foret Rex prorogaret. Id Brussellus, atque hujus factio exoptaverant, ut Aulam perpetuò territarent, præterea metuentes ut ne plerisque dilapsis in rura quisque sua Senatoribus, parùm sibi præsidii in paucis eis esset, qui per vacationum dies in unam modo Classẽm convenire solent, & in aliis qui fortè ad Urbem manerent, si quid sibi mali ab Aulâ merito suo impenderet.

Post paulò Ruellium rus nobile altero ab Urbe lapide Rex, atque Regina mater concessere, summo manè profecti, nequedùm re divinâ de more factâ: pauci comitabantur, neque aderat equitum quos Rex custodiæ causâ habere solet numerus. Fuere qui ita existimarent Regem abductum, ut ne diutius Senatui, Populoque in Urbe obnoxius esset, tamen si Regina simularet sese Regis salutis servire, quem rure quàm in Urbe ut anni tempus erat, agitare præstaret, idque Aulam jamdiù facere consuefse, nam mensis tum September agebatur.

a De Drolet
Capitaine
aux Gardes.

At Regina ubi abscedebat Urbe, a Drueto in Prætorianorum Legionẽ Centurioni imperaverat, uti cum idoneâ militum manu ad Vincennarum Arcem cui Chavignius Præfectus erat, se conferret, hominem comprehenderet, atque in Arcem interiorem conjiceret, quæ res facta ex sententiâ: præterea Castronovanus de quo sæpius memoravimus b Vetustilla Marchio, atque Goulasius facessere ab Urbe jussi. Chavignium Mazarinus simul invisum, & offensum habere in custodiâ optimum factu existimaverat, ut ne homo ingenio, atque ætate validus, ad hoc magnis opibus, ac clientelis, qui ipsi in Aula, & Senatu inimici essent, eos foveret, atque consilio, & operâ juvaret. Castronovanum item, & Vetustillam metuebat, quorum alter Procancellarium, alter summam Quæsturam quos gesserant antehac Magistratus jamdiù iterum sibi expetebant, neque hos sese recuperaturos credebant, nisi quæ mutatio in Aula fieret: Goulasius autem in adversis Chavignio sicuti antehac secundis in rebus amicus alienâ invidiâ conflagrabat, vir antiquâ virtute ac fide: præterea Riviera cujus in potestate Gastonem esse diximus, hominem ex Aulæ ingenio oderat, cujus scilicet operâ creverat, atque ad id ubi erat locorum pervenerat, quæ res eâ tempestate plerisque apud eos de quibus ita meriti erant, fraudi fuit, quamobrem Rivieram ab Mazarino haud difficulter impetrasse aiebant, uti Goulasium amandatum vellet: sed mirum, ac monstri simile visum, Gastonem de quo ita meritis erat Goulasius, ut illius causâ famæ, fortunarum, capitis periculum antehac adisset, eum Riviera odio permisisse.

b Le Marquis
de la Vieuville.
Goulas Secrétaire des
Commandemens de
Monsieur le
Duc d'Orléans.

Chavignium aiebant cum suâ sponte, scilicet qui multas, magnasque

que inimicitiae cum Mazarino exercendae causas haberet, tunc ab Petro a Longolio Senatore adductum, sese cum ea factione, quae illi in Senatu adversa erat, conjunxisse, neque ipsum ab hac alienum fuisse Condæum: eò Chavignium Castillione Colinio qui Condæo familiaris, gratus, acceptusque erat, veneratque tunc ad Urbem victoriæ quam ad Lentsium reportaverat nuntius, aperuisse consilia sua, atque suasisse uti Condæum magis, ac magis in sua de oppugnando Mazarino sententiâ confirmaret: sed in eo offendisse Chavignium quod rem tantam item alteri Condæi clienti aperuerit: nam hunc veritum uti posthac Patronus in unius Chavignii tanti viri potestate foret, Mazarinum certiore fecisse, quid ille moliretur, atque eo Chavignium ab Mazarino in carcerem conjectum.

De Longolio Senatore fama erat hunc adversum Mazarinum non modò Brussellum, sed & plerosque alios ex Senatu impulsisse, neque id fuerat difficile, propter Curias omnes pessumdatas, plebemque malè habitam: præterea cum Contio, Longavilla, atque aliis, ac maxime cum Gondio consilia contulisse, seu privatim sibi quidpiam, seu b Longolio Maifonio fratri summam Quæsturam expectabat, nam hic jamdiù hunc exoptabat Magistratum, quem amandato Almerico nuper Mellerio potius, quàm sibi mandatum fortè gravius æquo habuerat: Castillionus autem Mazarino insensus erat, ex eo quod Tribunatum Equitum ipsi jamdiù promissum nondum dederat.

b De Longueuil, Præsident de Maifonia.

At Senatui incredibile memoratu est, quàm Chavignio facta ab Mazarino injuria curæ fuerit: de re publicâ agebat tunc cum maxime, & Molæus de Urbis portoriis utrùm Brussellus brevi ad Senatum relaturus esset, hunc rogabat, cum Viola Longe inquit majora alia vobis consultanda sunt P. C. neque tunc id agitur quæ vestigalium, tributorum, aut portoriorum parte plebes salva re publica sublevari possit, sed hanc an nobiscum una, fortunas, dignitatem, vitam, atque libertatem adversum Aulæ vim, atque ultionis lubricum tueri possimus. Nam ut ne quid hujus ignoretis, quæ Senatus usque decrevit, ea non conservanda (quod certè hujus Ordinis consilium fuit) sed pericula rei publicæ fuisse aiunt, armatam Regis injussu plebem, obsessam propè Regiam, imminutam Majestatem, ac propè violatam, ab his quos hæc prohibere magis decebat. Id manu vindicandum in vos, Populumque Aula non occulsi fert.

Eo Rex ab Urbe clàm deductus, paucis comitantibus contra decus regium, & contra majorum morem re divina infecta: eo accersitæ ab Regni finibus copie, uti dum ab hostibus nuper devictis otium est, funestum adversum civem geritur bellum. Cui in Aula hæc probari nequivere, is nuper in carcerem conjectus est, pridem exutus gratia, dignitate, atque omnibus ornamentis, ut nequid in tanto viro rei publicæ, quam sede porro diripere consilium est, præsidii sit, atque id contra fidem ab Regina datam nihil hujusmodi se quamdiù in Regni procuratore esset facturum. Quam quidem fidem quanti Administrum faciant, ipse Chavignius in carcerem conjectus, Castronovianus, Vetusvilla, & Goulasius Urbe pulsus documentis sunt. An hanc in vobis sanctiorem fore arbitramini ubi

1648.

aderunt copiae, atque hanc impune violare licebit? quid vobis futurum creditis P. C? an vos vestra Decreta satis tegent? Sed nihil vos pericula vestra moveant, rem publicam pessum ire otiosi patiemini, qui hanc propè lapsam, ac certe fœdissime labefactatam restituere etiam tum magno conatu nitimini? Horum quis Reginae autor sit, neminem omnium latet: is peregrinus, atque advena, omnis moris nostri ac legum ignarus, hic, atque illuc pro lubricine circumfertur: ab qua neque patriæ quæ ipsi nulla est, caritas, nam suam ejuravit nostrâ plane indignus, neque civium quos hostium loco habet amor animum retinet, quod minus cuncta modo ut ipse abunde pollens, potensque sit, perditâ velis.

Adversus hunc hominem in legibus, atque in Senatûs Decretis vobis, atque rei publicæ præsidium est P. C. si quæ nostrâ memoria, consimilibus plane temporibus fecistis, ea nunc eodem animo egeritis. Itaque ad Reginam mittendos de reducendo ad Urbem Rege aliquos ex Senatû censeo, qui præterea doceant, ab illius clementia, atque fide alienum fuisse, Charvignium comprehendî, atque in carcerem conjici, quam si posthac haberi sibi velis, hunc statim dimittendum, atque cæteris cavendum esse: postremò viros Principes, ac Franciæ Pares, in Senatû vocandos, quos de re publicâ cum hoc amplissimo Ordine, ac potissimum de renovando Senatûs Decreto, quod anno CIO. 156. XVII. factum accepimus, seriò consulentes, quo ut ne cui peregrino rem publicam in Galliâ administrare copia sit, cautum est.

Hanc orationem excepere Blammenius primùm, dein Novio, in Mazarinum gravius inveci, cæteri in eorum sententiam frequentes iere, Senatûs Decretum fit, sicuti Viola censuerat. Postridiè Molæus, atque alii ex Senatu Ruellium iere, & quæ hic Ordo decreverat, ea Reginam edocuerunt. At hæc mirari se dixit Senatûs de sua, Regisque filii protectione suspicionem. *Vulgò ab Urbe ea anni tempestate discedi, atque id Aulam jamdiu facere consueisse, neque sibi mutandum in eo quidquam fuisse, uti vanæ plebs formidini serviret: quæ iniquitate temporum contracta, atque facta sint, eorum se nihil memorem esse, atque uti nulla usquam memoria extet, magnopere cupere.* Aderant Gasto, Condæus, Contius, & Longavilla, qui antea rogati ut in Senatû venirent de re publicâ consultatum, se Reginâ coram responsuros dixerant, atque tunc se in Senatû ituros negavere: sed Longavilla mollius, atque remissius, scilicet qui jam inde ab harum turbarum initio cum Gondio quem Coadjutorem appellabant, & cum aliis qui in Senatu Aulæ insensî erant, congruebat, dissimulans tamen sedulo ut Aulæ consilia pernosceret, ac ne alieno tempore sua nudaret.

Gondium eâ tempestate ferunt, ex perturbatione rei publicæ quæ tum futura videbatur, sua commoda captare decrevisse, atque omni ope enisum, ut ad Senatûs partes Condæum pertraheret, qui fretus hujus Ordinis autoritate per reliquos Regis pueritiæ annos, ac fortasse diutius rem omnem publicam ex voluntate tractaret, magnamque sibi, ac quibus vellet benefaciundi (quod maxime regium est) copiam habiturus esset. Hæc ingentem animum non nihil movere videbantur, quem cum Brussello jam, ac Longolio Senatoribus collo-

cutum, atque ea dixisse aiebant, quibus fidem suam utrique de tuendo Senatu, atque de republica ex hujus Ordinis sententiâ gerendâ dedisse videretur: alii negavere id ab Condæo factum, sed eâ modò causâ factiosis ex Senatu, atque Gondio auscultasse dicebant, ut ne sese omisso ad Gastonem confugerent, atque hic ex eo negotio id arte tractando, ac Reginæ, & Mazarino sui metum faciundo potentior in Aula evaderet, cæterum nullam ipsis de re ullâ publicâ fidem dedisse.

Sed Regina ubi factiosos ambire Condæum rescivit, omnem dedit operam, ut hunc ipsa Regi filio, sibi que adjungeret, neque eâ causâ precibus, aut lachrymis pepereit, hunc tertium sibi filium esse dictitans, in cujus virtute spes omnes sibi sitæ essent: ipse Rex puer matris, ac Mazarini monitu hominem amplecti, obsecrare, atque obtestari ut ne Majestatem sibi ab iisdem Regibus quibus ille ortus sit, traditam labefactari sineret, Mazarinus omnia se posthac ex hujus voluntate facturum recipiebat. Sed Gramontius Equitum Tribunus, ac Tellerus Quatuorvir, multa alia singillatim Condæo dixere, quibus hunc docebant de factiosorum in Senatu audaciâ, atque adversis regiæ potentia consiliis, contra quam Populum accenderent, propter tributa, vestigalia, atque alia, quæ Rex ab illo exigere solet, quò fiat ut non difficile sit Senatui populum concitare, atque hoc pacto sibi tantam potentiam sumere, ut hac impunè non in unum modò Administrum, sed & in quovis alios pro lubricine abuti possit. *Familiu hunc Ordinem sibi tantum arrogare, ut ipsis Regibus modum facere sibi jus, fasque esse credat: quod si verum esset, vix quidquam discriminis Senatorem inter, & Regem, nedum Principem è regia gente virum foret, quò ut ne res denique recidat, providendum videri.*

Hæc atque alia dicta Condæo hunc impulsere, uti Reginam, Regemque filium sibi tuendos esse censeret. Id certè rectum, & honestum erat, cæterum haud minores quàm qui ab factiosis proponebantur fructus ostentabat: nam quo magis Condæi operæ Regina, atque Mazarinus indigebant, eò ille omnia ab his quæ ad rem suam, famam, & gloriam pertinerent, atque ad ornandos, augendosque quos vellet, impetraturus videbatur, atque eò denique potentia evasurus, unde vix pelli posset. Hæc hominum natura est, ut & qui nihil mali facere student, hujus tamen sibi copiam esse velint, nec absque eò sese liberos esse putent. At Gondius suâ spe de Condæo dejectus hanc omnem in Contio fratre posuerat, uti si majorem natu Aula, factio saltem minorem haberet: hic in Condææ fororis potestate fuit, quæ, simul & Gondius haud difficulter eum ad Senatûs partes adduxere. Franciscus Ruspifocaldus Marsillacus Condæam colebat, atque observabat, qui quoniam hujus Principatûs initio Reginæ commodis serviundo, simul hanc, ac Mazarinum ambiundo parùm profecerat, aliò animum sibi adjiciendum esse decreverat, atque adeò factioni studebat, inter cujus principes huic locum faciliè dederimus, nam & ingenio, & industriâ valido.

Postquam Molæus, atque alii ex Senatu Ruellio, quò ierant Regem, atque Reginam matrem de Senatûs Decreto certiores facturi, rediére, Molæus quid hæc sibi respondisset, Patres edocuit: sed ubi legationem renuntiabat, Cognitor, atque Aëtores regii, Regis ad se missum Edictum attulére, quo Senatûs Decretum antiquabatur: super eo Patres uti scripto Rex de optimâ Senatûs voluntate certior fieret, censuere, atque intereâ de re publicâ, sicuti decretum fuerat, nihilo seciùs consultaretur: Urbani Magistratus providerent, ut ne commectus in Urbe deficeret, prætereâ darent operam, uti de more supportantibus nihil impedimento esset. Sed hæc decreta, atque consulta disturbavére opportunè allatæ ab Gastone, & Condæo litteræ, quibus orabant Senatum, uti quosdam è suo Ordine Germanifanum quò Rex, & Regina mater ituri erant, mittere vellent, qui secum de his quæ agebantur consulerent, sperare se omnia, quod Regi, atque rei publicæ benè vertat, conventura.

Iam ab Aulâ bellum adversum Urbem parari videbatur, & ut id defenderet, ipsi parabat se, pertinaciâ magis, quàm consilio, atque prudentiâ, scilicet ab omnibus rebus, quæ tanto sustinendo bello necessariæ erant, imparata: animos modò faciebat oppidanorum multitudo, quæ militiæ rudis ad hanc parvo usui, eadem ut omnis aleretur oneri futura erat. Quas ab finibus Rex accersiverat copias, eæ haud ita procul ab Urbe tùm fuere, quod eò factum existimabant Patres, uti quod sponte nolebant, id metu denique facere cogrentur, atque de re publicâ consultare, & eâ gratiâ convenire desinerent, & in Classes quicquæ suas regressi jus civibus de more dicerent. Sed id ubi parum procedebat, nequedum Aulæ consilium erat, detrectantes vi adigere, si quo alio pacto adduci possent, ut in viam redirent, placuerat cum iis per Gastonem, atque alios viros principes agere, ac illos eâ gratiâ Germanifanum accerere, quod quidem æquius visum, quàm Gastonem, Condæum, aliosque Rege, atque Reginâ relictis, ad Urbem, atque in Senatum ire, de re publicâ, sicuti hæc ab Rege ad Senatum translata esset, consultatum.

Grata, atque accepta ut in tali tempore Patribus hæc conditio fuit, atque omnes uno ore censuere, cum Principibus viris colloquendum, atque adedò quibus id mandaretur, eos esse deligendos: sed isthuc fieri in Urbe placebat, nec eò seciùs viros Principes, ac Franciæ Pares in Senatum vocandos: hæc erat sententia eorum scilicet, qui omnis rei publicæ gerendæ avidi, hanc ad se trahere studebant: vicit tamen illorum sententia, qui Germanifanum eundem, quò Rex, atque Regina mater agitant, censuere denique, atque rem sicuti in utriusque conspectu agendam.

Igitur postridiè Molæus cum Præsidibus, atque aliis ex Senatu Germanifanum profecti ad Regem primùm, & Reginam adiére, cui Molæus ait ejus se voluntate accersitos venisse, cum Principibus viris collocutum: dein post breve Reginæ responsum dimissi ad Gastonem se contulére. Eò Condæus, Contius, & Longavilla adfuere, neque præ-

tercè aut ex Consilio regio, aut ex Aula quisquam: id postulaverant Patres, neque Regina, aut Administri obstitant, præclarum rati qui viros Principes in Senatum vocaverant de re publicà unà secum consulturos, eos ab ipsis modò Principibus accersitos ad hos longiusculè ab Urbe venissè.

Gasto primus, *Quid de re publicà, & sublevandà plebe sentires, Senatum probe scire, aut, quid Regi, atque Regiæ autor fuerit, quæ ipsi se autore edixerint: sed eo loco rem publicam esse, ut huic consilium oporteat, si quid in eà erit offensum, id omnibus perindè ac Regi fraudi, atque damno fore. Quod hæc foris usquè benè gestà sit, eo hostes ad pacem propè compulso: si quid turbatum domi, aut ubi si cessatum adversum illos fuerit, sententiam mutaturos, bellumque quod jam conditionibus finire baud difficile videatur, aut sempiternum, aut certè diuturnum fore, quod re nihil minùs sublevandæ plebi, aut rei publicæ restituendæ idoneum sit: cum is se colloqui voluisse, ut aliqua ratio inveniatur denique, quò domi, bellique res publica benè geratur, donec perveniatur ad pacem: hæc sancit à quæ temporum iniquitate labefacta sint, eam tùm nullo negotio restitutum iri.*

Gastonis orationem Molæus excepit. Illius egregiam adversum rem publicam voluntatem Senatus, atque ad eò omnibus plane cognitam, cuius tot tantaque documenta extant, uti nemini dubium sit, ex hac quam postularerit collocutione magnum Regi, Regnoque fructum eventurum. Cuncta in summo discrimine esse, si vera prædicent ut qui copias ab Regni finibus evocatas aiunt, quo suprà, infràque Urbem obfesso annte, atque omnibus circumquaque viis clausis, Senatus, Populusque aut fame miserrimà omnium morte conficiatur, aut pro Aulæ libidine quos jubeat eos ad vincula, aut ad exiliùm, aut ad supplicium denique dedat: eò gratià, Regem abduci, atque Aulam Urbe decessisse. Quem ex omnibus tutum esse cum Chavignio neque sua in rem publicam merita, neque Administri dignitas, neque alia multa præsidio fuerint? Si Regina Urbem pacatam velit, Senatum, Populumque metu liberandum, redeundum ad Urbem esse, Chavignium emittendum custodià, cavendum cæteris, ut ne indiscrètà causà conjiciantur in vincula, plebi quartam tributorum quæ Sectiones appellent, partem remittendam, pendenda minoribus magistratibus stipendia, Annuæ sicuti Curii pecuniæ solvende atque eadem conditione copiam faciendam, quæ ad Senatum attineant, de his cognoscere ab Consilio regio destinandum, Ujuras pecuniæ Regibus ab privatis publicà Urbis fide creditæ persolvendas. De his omnibus Consilio habito Regem quod videbitur id edicere necesse esse, atque Edictum in acta Senatus si Patres censiant, more majorum referri, quæ cæpta sis collocutio, eam in Urbe conservuari, Senatum per soltos Vacationum dies porro tamen haberi.

Ad hæc Gasto. Vana esse, respondit, quæ de prohibendis ad Urbem commatibus plebes sibiingas, Regem ab Urbe eò tempestate discedere solitum, atque rure agitare, nequedum huic consilium esse redire ad Urbem, sibi, atque aliis viris Principibus ubi Rex sit, ibi mandum, operamque huic navandam. De Chavignio quod Senatus postulet, id mirum esse, qui non sit ex hoc Ordine, tantamque Patribus de uno Administro curam esse, cum cæteris maledicant, qui si quid peperam fecerint, eos ab Rege certè coercendos, cuius rei ratio iniri nulla possit lenior, quàm hæc in quam Chavignius missus sit custodia, quod scilicet nihil præter ma-

1648.

lesaciundi copiam eripiat. Ubi Reges juris dicendi partes Senatui, atque aliis aliis Curis delegaverint, sis sese spoliatos moluisse, sed id levandi sibi laboris causa fecisse. Quod Rex plebi, Magistratibus, & creditoribus urbanis benignè, ac liberaliter facere possit, Senatui magnam existimandi copiam fore si quid illi annui redditus, quid sumptibus faciendum sit, intelliget, eà gratià utriusque rei commentarios Patribus exhiberi Reginam velle. Addidit Condæus. Maturanda hæc esse, nam interea loci stipendium, atque frumentum exercitibus deesse, qui si dislabentur planè interituram rem publicam.

Molæus contra. Chavignium fuisse antebac ex Senatu dixit, Patribus curæ esse, ut ne quid injuriæ cuiquam fiat: quo frequentius injurias suas rei publicæ specie ulciscantur is qui gratià, & potentià valent, eo diligentius id ut ne posthac fiat, cavendum videri. Cæterum longum esse regis redditus, atque sumptus rationes expendere: qui rem regiam procurent, eos qua tributorum parte Plebes sublevare possit, satis scire. His altercationibus dies absumpta, Patres ad Urbem rediëre, ac postridiè adfuëre denuò. Magna tùm inter hos, & viros Principes contentio extitit de Chavignio dimittendo, & quo modo cæteris caveretur. Patribus placebat, ut id lege fieret: Viri Principes negabant Reginam quamdiù in Regni Procuratione foret, novam hanc legem laturam, neque id ipsi se autores futuros. Seguierus Cancellarius qui huic colloquio Patrum voluntate aderat, Ea re minui Regis potentiam ait, neque Reginam commissuram, uti quam ab majoribus Ludovicus filius acceperit, eam ut ne posteris Regibus tradat: Gastonem, atque Condæum Reginæ, suamque ipsos fidem obligaturos, si quos Regina in custodiam mitti jussisset, de eorum causa cognituros modò hos iudices, ad quos ea res more, atque instituto majorum attineat, ita satis unicuique cautum fore. Molæus de Chavignio, & lege porrò instare, donec Gallo postremam se Reginæ sententiam exquisitum respondit, quoniam de utrâque re tantoperè Senatus laboraret.

Post varia denique colloquia eò devenit, uti Rex quæ in B. Ludovici Conclavi consulta, dein ab Senatu partim decreta fuerant, alia decernenda videbantur, ea Rex ediceret, neque Ediçtum modò ex Senatûs sententiâ fieri placuit, sed id ipsi suo modo perscribendum permitti. Quod ubi mox ab Molæo Germanifanum allatum est, multa super quibusdam Ediçti capitibus huic cum Cancellario altercatio intercessit: postridiè tamen nihil ex eo quod perscriptum fuerat mutato, Ediçtum ab Rege subscriptum, atque ab Cancellario signatum remittitur, & in Curia promulgatur. Multa in eo fuëre rei publicæ salutaria, tum id maximè, quod quæ publicani bona filiabus doti dixerint, aut filiis donaverint, ea nihilò secius aut Regi, aut eorum creditoribus hypothecæ, aut pignori opposita forent, neque eorum uxoribus seorsum ab his possidere quidquam copia esset: hæc uti publicanorum dolis occurreretur, necessarià visâ, qui postquam æs alienum ingens conflaverant, sese solvendo non esse simulabant, cùm interea uxores, filii, filiarumque regio victu, cultuque ætatem agerent, ipsi suâ fraude tecti, quæ bona suorum fidei commisissent, iis uterentur, fruerenturque, innoxii,

atque florentes, Regi, ac cæteris eorum creditoribus res, ac nomina perirent, ex quo magna cùm in rem publicam, tùm in rem multorum familiarem damna erant.

1643.

Præterea omnium securitati cautum Edicto, ita tamen ut ne quid novum sanciretur, sed quod lege comparatum erat, id planè servaretur. Chavignius dimissus ab Arce Portus Gratiæ, quò ab Vincennis deductus fuerat, iussusque est Chavignium rus nobile Buthillerii patris apud Turonas secedere, quà in re incredibile memoratu est, quantum Senatus studium fuerit, tantum herclè, uti propè Gastonis animum offenderit, qui Patribus dixerit, neque suas nuper, cùm Richelii operà Gallià pelleretur, neque pridem Henrici Condæi Ludovici qui aderat patris injurias, cum consimili Concinii operà in carcerem conjectus fuisset, Senatui aequè fuisse curæ. Id profectò Chavignio amplum, atque magnificum est. Sed hæc de eo Senatûs sollicitudo plerosque adduxit, uti crederent haud falsò Mazarinum suspicatum Chavignium de hoc abigendo cum quibusdam ex illo Ordine, præterea cum Longavillâ, atque Gondio Coadjutore consilia contulisse, ut illi de summâ Quæstura Buthillerio patri, ac sibi Quatuorviratu abrogatis gratiam referret.

Edicto Regis quod ex sententiâ Senatûs perscriptum fuerat, concordia inter hunc Ordinem, & Aulam constabilita videbatur, cui rei summam haud dubiè Gasto dederat operam, nam jam indè ab harum turbarum principio quæ in Mazarinum singillatim exortæ fuerant, huic Gasto fautor fuerat, annitente Rivierâ, in cujus potestate hunc esse diximus. Eo Riviera se Cardinalatum cujus ipsi Mazarinus jamdiù spem fecerat, benè promeruisse credebatur: sed hic ei rei moram adferre, ac tunc cùm maximè ut ne fieret fraudem adhibere videbatur. Contiûs Condæi frater ex Ordine Ecclesiastico erat, qui nihil de Cardinalatu, ut hunc Rex sibi ab Pontifice peteret, usque dixerat: sed eâ tempestate Condæus ab Rege postulavit, ut hac de re ad Pontificem scribere vellet, quod quidem tam opportunè ad disturbandam Rivieræ petitionem factum huic suspicionem movit, id ab Mazarino magis, quàm ab Condæo profectum: quamobrem Gastonis odium in illum usque accendit, uti vix hominis adspèctum, nedùm colloquium ferre possit: ægrè propterea Gasto veniebat in Regiam, neque adeò consilia de re publicâ habebantur, alia, dein alia causante Gastone, ut ne his habendis adesset.

Jam factiosi ex Aula, & Senatu illius domum frequentabant, atque in partes Aula discessura videbatur, ni Franciscus Hannibal *Æstræus* Equitum Tribunus, atque Henricus Sannectarius viri graves, & gravioriores natu suâ autoritate Rivieram ab perturbandæ sui modò ornandi, atque augendi causâ rei publicæ consilio deterruissent, docentes hominem si in illo pertenderet, multas Gastoni consecuturum sollicitudines, atque adversum se Condæi tanti viri odium concitaturum, ita ut publice, privatimque graviter esset offensus, atque tantum excitaturus incendium, ut unâ hujus ruinâ denique restingui posse videretur. Hic

Le Maréchal d'Estrec.

1648.

Hardier de
Vincuil.

permotus Riviera mitiùs posthàc sibi agendum esse decrevit, fidemque habendam Mazarino pollicenti unum se Contium illi antelaturum in Cardinalatu, qui si extrà ordinem Cardinalis creari posset, haud dubiè Rivieram Regis rogatu de more creatum iri. Sed huic tanta Cardinalatùs cupido fuit, uti cum Condæo per *a* Vinolium Hardierum egerit, atque omnem Gastonis operam pollicitus fuerit huic orando, & quantum fieri posset augendo, si Contium fratrem ab Cardinalatùs petendi consilio dimovere vellet, quem præstaret uxorem ducere, ac genus regium propagare: at Condæus ita Vinolio respondit, ut qui nequaquam opes suas, sed gloriam, atque famam rei publicæ benefaciundo perpetuò auctas vellet.

Pridiè Calend. Novemb. Rex, atque Regina mater cum Aulâ omni ad Urbem redierant, rem ab Senatu, Populoque dudum petitam: sed Aula suâ sponte appetente demùm hyemè in Urbem concesserat, ut ne de industriâ antehac discessisse, ac tùm coacta rediisse videretur. Nihilò seciùs tamen ab Regni finibus accersitæ copiæ haud ita procul ab Urbe erant, atque uti militibus, maximè ubi stipendium deest, circumquaque populabantur agros: præterea quæ Rex nuper edixerat, ea haud satis observabantur, Administrorum fraude, sicuti Senatui videbatur, quæ videlicet tam arcta rei publicæ administrandæ ratio parùm placeret. Horum animos offendit maximè, quod ubi Edictum in Curia vectigalium promulgatum fuerat, hæc ut ne Sectiones (tributi genus est) quis redimere, aut conducere vellet capite sanciverat, quas Administris pro lubricine locare copia prius fuerat, ac fortè ex eo quæstum facere, seu in conductorum societate clàm essent, seu ab his honorarium acciperent. Quomocúmque Sectiones locarentur, eò certè fiebat, ut ex his minorem Rex caperet fructum, præterea in his ab plebe exigendis acerbiores erant publicani, quàm qui id facere solent Magistratus: nam illi nihil pauperibus parcebant, quo uberiores facerent quæstum, ad hoc nihil solliciti utrùm plebes in posterum solvendo foret, necne, cuncta in præsentia auferebant: postremò quæcúmque dici, aut fingi queunt fraudis, nequitia, atque avaritiæ probra, ea ab publicanis in miseram plebem exercebantur, quæ hanc sublevare Vectigalium Curia consilium fuit.

Sed hanc Regina accersijussit, docuitque per Cancellarium, Regem plebi quintam Sectionum partem remisisse, atque credidisse Curias operam daturas, uti reliquæ quatuor eò facilius exigerentur: præsentis pecuniæ Regi opus esse, quam ut habeat, locatas Sectiones necessariò oportere iis qui præsentis pecuniæ conducant: nam novem modò postquam imperatæ sint menses eas ad ærarium venire posse: illud si per Vectigalium Curiam non liceat, neque Regem exercitus alere, multo minius quæ in Germania pace facta dimittuntur copiæ, eas mercede conducere posse, quæ ad Hispanos transiituri, atque una cum his Regni fines ingressuri sint. Ita quæ remedia rei publicæ malis Curia adhibere velint, ea in ejus perniciem versa, cujus scilicet statum haud satis noverint. Hac Cancellarii oratione adducta Vectigalium Curia decrevit, qui intra sex proximos menses

menſes Sectionum tributa conducerent, aut ab quibus pecunia Regi ſuper his tributis reſcribenda crederetur, iis ut ne fraudi foret. Quod ubi Senatui nuntiatum, præterea ad Rationum Curiam miſſum promulgandi gratiâ Ediſtum, quo eadem ſuper aliis omnibus tributis, veſtigalibus, portorii copiâ fiebat, Patres Rationum Curiam rogavere, ut ad ſe quempiam ex ſuo Ordine mittere vellet: miſſus eſt Robertus a Albenicus Præſes, ab quo ubi quaſitum de Ediſto, iſ ſe ſatis ſcire negavit, quid eo ſanciretur, de quo poſtridi Senatum facturus eſſet certiore. Sed inter ea Tubovius in eadem Curia Præſes, idemque unus è minoribus Quaſtoribus, qui Regis Conſilio ubi de regiâ re habetur, adeſſe ſolent, Ediſtum quod ad Rationum Curiam ipſe attulerat, ad Conſilium retulit, veritum ut ne quid ampliùs ea res turbarum faceret.

a Le Prêſident Aubry.

At in eo negotio Gondius Coadjutor de quo ſuprà memoravimus, quantum Aulae, ac Mazarino adverſus eſſet, ubi nihil opus erat, neque huic quidquam noceret, demonſtravit, *Rem quæ agebatur ad Eccleſiarum venditionis quod per pignus, & hypothecam fiat ſpecie tolerari: at iſtâ purum putumque ſanctus eſſe, ſciſciſet in eâ pecuniâ quæ Regi Mutui ſpecie credatur, ac multo amplior ſuper veſtigalibus, tributis, aut portorii poſt certum tempus exolvenda reſcribatur. Eo ſe Theologos, & Curiones in conſilium eâ de re adhibiturum, atque hanc Eccleſiaſtica Cenfura notaturum. Ita ad perdundam rem publicam divina, atque humana miſcere nulla religio erat: nam omnes pecuniæ vias claudendo, quâ belli ſumptus tolerarentur, illam interire omninò neceſſe erat: neque tamen id aut Gondius, aut plerique alii rei publicæ perdundæ, aut Mazarini quod prætendebatur, ac cæterorum Adminiſtrorum odio faciebant, niſi ſi cui ſe ſuffectum vellent, ſed pro lubidine quiſque quò privatæ rationes impellebat, eò ferebatur, plerique uti malè faciundo, ſibi ut ferè fit, benè facere Reginam cogèrent.*

Pridiè Id. Novemb. Senatus ſicuti per ſolitos dies vacaſſet, ita habitis de more ab Molæo primario Præſide, atque ab Talono Aſtore regio orationibus quaſi de integro haberi cœpit: dein poſt paulò Claſſes unâ in majus Conclave, quod eâ tempeſtate turbarum initium erat, convenère. Ea fuit iſtis conveniundi cauſa, quod & Ediſtum noviffimum parùm obſervari aiebant, & copiæ minùs longè, quam Regina receperat, ab Urbe aberant. Continuo Gaſto, atque Condæus in Senatum venère, quorum ille Regine parum probari ait, quod porro Claſſes omnes convenirent. Si id Ediſti cauſa fiat, nihil frequenti Senatu opus eſſe: deligant è ſuo Ordine qui Ediſti capita percenſeant, & ſi in aliquo ſit offeſſum, id Reginam edoceant, hanc daturam operam quod contra fuerit factum, id uti corrigatur, aut ut ne porro fiat. Hæc Gaſtonis verba Patrum murmur excepit, exauditeque voces rogantium, *Quid quinquageſies centenis nummum millibus factum eſſet, quæ ab ea die qua Mellerius ſummam Quaſturam erat ingreſſus, coacta fuerant, cum neque militibus ſtipendium, neque ſicem Maſiſtratus, neque uſuræ annuæ credite Regibus pecuniæ apud urbis Aedes ſolverentur?* ap.

1648.

propinquare Urbi copias, quaque ipsis transitus sit, pervasare omnia, & sicuti in hostico habere se.

Inter hæc sententiæ rogari coepte, quæ ab plerisque acriter dictæ sunt, nam mala compluria quibus res publica laboraret, graviter enarrabant, quæ omnia ab uno profecta homine viderentur peregrino, atque hospite, neque hæc sanari posse nisi ipse procul haberetur. Sed Viola ab Gastonis, & Condæi prudentiâ idoneum, ac necessarium his malis remedium expectandum ait: cùm autem Violam Condæo amicum Aula sciret esse, huic venit in mentem sese eâ causâ Reginæ, ac Mazarino suspectum fore, sicuti Viola hæc suâ voluntate, atque ex composito dixisset: eo isthæc dicentem obturbat, neque Senatûs partes esse ait, de hujuscemodi rebus consultare. Ibi verò obstrepere Juniores, atque ægrè ferre amplissimo Ordini Condæum modum facere, ac sententiam dicentem obturbare voluisse, quod fieri nusquam soleat: Condæus verò Juniorum in Senatu licentiæ insolens & voce, & gestu minanti similis ita omnium offendit animos, ut huic vix placati posthac fuerint.

Sed eâ die haud perrogari sententiæ potuere, quod factum postridiè est, decretumque uti delecti ex Senatu sicuti Reginæ placebat, apud Molæum convenirent, viderentque si quid contra aliqua Edicti capita factum esset, ac de eo ad Senatum referrent. Eâ ipsâ die Blasius a Melianus Cognitor regius apud Senatum questus est, *Qui copias ducunt, item milites multis circum Urbem locis compluria in agrestes facere, bona eorum, fortunaque diripere, cùm stipendii inopia, quæ bonos etiam transversos agat, tum malefaciendi consuetudine, uti periculum sit vicis, villasque ab incolis, agros ab cultoribus deseri, ni huic malo Senatus occurrat.* Eò Senatus cavit ut ne talia duces, militesve in agrestes facere vellent, in sua quisque præsidia discederent, neve amplius unâ nocte uspiam eò redeuntibus morarentur: Reginæ supplicandum, uti quibus ex locis comitatus ad Urbem supportentur, ea ne præsidiis teneantur. Hæc de militibus quò abire, & quò agitare deberent, parùm ad Senatum attingere visa: sed eâ tempestate omnia huic Ordini licebant, qui videlicet Administratos haud satis rectè rem publicam gerere, atque adeò ut ne quid detrimenti per Regis pueritiam caperet, providere sibi jus, fasque esse crederet.

Dum hæc apud nos geruntur, atque civile bellum videntur portendere, interea loci Pax in Germaniâ Monasterii Vestfalorum, atque Osnabrugæ sancita est: Monasterii Ludovicum inter Galliamque, & Ferdinandum Imperatorem, ac Germaniâ: Osnabrugæ verò Ferdinandum inter Germaniamque, & Christinam Reginam, ejusque Sueciæ Regnum. Ludovico, Ferdinando, atque Christinæ curæ fuit, uti qui ipsis Socii per hæc bella fuerant, iis ut id lucro, aut saltem ne fraudi, damnove esset.

Pacis legibus cautum, uti Brisacum, & quod ad id oppidum ultra Rhenum pertinet agri, quibus finibus Austriaci Principes possederant,

a Melian
Procureur
Général.

præterea Alsatia, Sungovia, decem oppidorum Imperialium Præfectura cis Rhenum penes Regem, Galliamque in belli per tot annos gesti mercedem porro essent, nam hæc Rex haud ita pridem per id bellum parta præsidii tenebat. Præterea convénit, uti Virodunensis, Tullensis, Metensisque Urbes, atque Diœceses, quæ ab usque Henrici I. Regis temporibus penes Galliam sunt, ad hoc Mediovicum Castellum ab Ludovico XIII. Rege bello captum Regis filii, atque Galliarum porro forent, neque quidquam cuncta hæc Imperatori, aut Imperio Germanico posthac obnoxia essent, sed in his summum Ludovico jus, judiciumque esset, atque Galliarum Regno perpetuò conjuncta forent: apud Philippiburgum ultra Rhenum Rex præsidium porro haberet, neque tamen hujus id oppidum, ac regio vicina, sed Spirensis Episcopi sicut antehac foret.

Quando pax cum Hispaniæ Rege perindè, ac cum Ferdinando Imperatore ab Ludovico non fiebat, illo de industriâ tergiversante, cavendum Regi fuit, ut ne Ferdinandus, aut ulli Imperii Ordines illi quamdiù bellum adversum Gallos porro gereret, opitulari vellent, ac ne horum quidem prædiorum specie, quæ in Sequanis, in Belgio, in Italia, aut ubicumque aliò Imperio Germanico obnoxia possidet. Sed nihil eo necesse fuit lege cavere, Circulum Burgundicum Imperii Germanici partem futurum, ubi pax inter Galliarum, & Hispaniæ Reges facta foret: nam hoc pacto quidpiam de Belgio, Lucemburgenfi Agro, & Sequanis, quas provincias hoc Circuli Burgundici nomine Austriaci complecti voluere, de novo sancitum videtur: quod Regi oppida, atque vicinos agros in his regionibus possidenti fraudi esse nusquam volumus, nec eo hæc Imperio Germanico subiecta, aut obnoxia esse. Præterea hac lege, & iis quæ sequuntur verbis de aliis quæ extra Circulum si diis placet Burgundicum Philippus Hispaniæ Rex Imperio Germanico obnoxia, aut nusquam obnoxia possidet, prædiis minimè cautum est, ut ne Hispanis in his opitulari Imperator, atque Imperii Ordines velint, quod certè fieri debuit.

Cæterum lege de Circulo Burgundico ab Imperatore, atque Imperii Ordinibus in Pacis sancitæ Tabulis latâ nihilò plus Rex teneatur, quam Ferdinando Imperatori Burgundiæ Ducatu cedere, quia se Burgundiæ Ducem in iisdem Tabulis appellavit: nam iis modò Rex tenetur, de quibus hunc, aut hujus Legatos convenisse in his Tabulis perscriptum est, quod de Circulo Burgundico, ac Ducis Burgundiæ usurpata ab Imperatore appellatione dici nequit, Burgundiæ enim Ducatum ad Imperium, aut ad Imperatorem quidquam attingere negamus, tametsi Burgundiæ Ducis nomen Monasteriensis foedere Imperatori imponere hujus Legatis placuerit. Rectè quidem pacis Regem inter, & Imperatorem legibus cautum videtur, ut ne alteri alterius hostes juvare liceat: sed hi modò alterius hostes censendi sunt, qui hujus fines invadent, non qui suos adversum hunc tuebuntur, cujus rei causâ si alter quempiam juverit, nihil ab Pacis legibus discesserit.

Ita Imperatori licuisset, si fortè inter Galliarum, & Hispaniæ Reges post pacem inter ambos denique sanciendam bellum denuò oriretur, huic tuendis finibus suis adversum illum opitulari, nihil violato Monasteriensis fœdere, cujus rei sibi copiam esse Imperator vehementer volebat. Sed aliam Legati Gallici super eâ re rationem inière, quæ mihi haud satis recta videtur: scilicet uti manente Regem inter, & Imperatorem, univcrsumque Imperium de alterius hostibus ab altero non juvandis lege, singulis tamen Imperii Ordinibus fas foret, ubi post pacem inter Galliarum, & Hispaniæ Reges sancitam bellum denuò inter ambos nasceretur, huic aut illi Regno suppetias ferre. Repugnat enim, quod univcrsus vetitum sit, id singulis licere, non uni modò Ordini, sed singulis omnibus Ordinibus. Præterea quas suppetias alterutri Regno ferre his Ordinibus copia est, eæ non ad tuendos modò alterutrius Regni fines, sed & ad alia quævis agenda, moliendave videntur esse, cum caveatur id modò extra Imperii limites factum iri: quod quidem argumento est has suppetias non in alterutrius modò Regni finibus, his tuendis videlicet, sed ubicumque aliò ab Imperii Ordinibus quorum primus Ordo ipse Imperator est, ferri posse.

Postremò ubi hujuscemodi suppetias Imperator, aut alii Imperii Ordines Hispaniæ Regno seu potius Regi ferent, Galliarum Regis hostem juvabunt, atque adeò ab Pacis lege quæ isthuc vetat, planè discedent, non autem ubi Galliarum Regno, seu potius Regi, cum hic Imperatoris hostis esse desierit. Ita lex de singulis Imperii Ordinibus quibus suppetias huic, aut illi Regno ferre licet, priori de hostibus alterius ab altero non juvandis planè contraria, neque in hac ulla Regem inter, & Imperatorem æquitas est: quis enim non videt Regi nusquam licere Imperatoris hostem ullum juvare, licere autem Imperatori sicuti singulari Imperii Ordini Hispaniæ Regem ubi Regi hostis erit, omni ope juvare vel in ipsâ si diu placet Galliâ? quando illi omnia licere videntur, modò ut extra Imperii limites fiant. Scio Gallicis Legatis visum acquè Regi opitulaturos quosdam Imperii Ordines, ac alios Hispaniæ Regi: sed simpliciter standum fuit ei legi quâ cavebatur, ut ne alter alterius hostes juvaret, hæc enim recta, & utriusque æqua erat, neque prohibebat Imperatorem Hispaniæ Regi tuendis finibus suis, sicuti nec Regem eadem de causâ cuiquam opitulari: cavendum modò fuit, ut ne alter ab juvandi amici Principis, aut Populi finibus alterius copias avertendi specie hujus ipsius fines invadere sibi licere crederet, neque amplius quemquam adversum alterum juvaret, quàm auxiliares ad illum copias mittendo, quarum etiam numerus Pacis legibus finiri potuit.

Fuere præterea qui Carolo Emanueli Sabaudia Duci, atque Francisco Atestino item Mutinæ Duci haud satis Monasteriensis fœdere cautum existimaverint, quantum ad Imperatorem, & Imperium, quibus obnoxia prædia possident: nam haud satis fuisse cavere quod bellum una cum Galliarum Rege usquè gesserant, ac tùm gererent, id ipsis nus-

quàm fraudi fore, sed adscribendum fuisse, & quod porro gesturi essent usquè ad pacem inter ambos Reges consecutam.

Monasteriensis Pacis legibus de Carolo Ludovico Palatino, Regi, atque item Christinæ Sueciæ Reginæ curæ fuit, ut illi hæreditatis paternæ pars redderetur, instituereturque ejus gratiâ Octoviratus paterni Septemviratûs loco, qui jamdiù Maximiliano Baioariæ Duci ab Ferdinando II. Imperatore donatus penes hunc mansurus est cum Palatinatu Superiore, & Chamo Comitatu, eâ lege ut ubi si Maximiliani filii nepotese deficient, hæc ad Carolum Ludovicum, aut hujus posteros cum Septemviratu redeant.

Monasteriensis fœderi intercessit Philippus Hispaniæ Rex, quod huic adscriptus non esset, sicuti æquum censebat, postquàm unâ cum Ferdinando II. Imperatore adversum Fridericum Palatinum bellum gesserat, & Ferdinandum III. milite, ac pecuniâ juverat: præterea quod per pacis leges prædia, atque oppida ipsius Friderici bello capta Carolo Ludovico hujus filio restituere cogeatur, quod non idem in Maximiliano Baioariæ Duce factum esset. Intercessit & Innocentius X. Pontifex per Fabium Chigium Nuntium, ex eo quòd pleraque Ecclesiastica bona Protestantibus anno 1555. ablatâ, iis per pacis conditiones reddebantur: tùm quia Episcopatus aliquot quos Protestantes antehac nihil mutatâ horum, aut habendorum, aut fruendorum ratione possederant, nunc Suecis, atque aliis dabantur, quos sicuti alia bona profana possiderent: postremò quod Pacis legibus Protestantes sibi cautum voluerant, ut omnibus his bonis Ecclesiasticis sibi in perpetuum cederetur, neque Catholicis horum repetendorum aut vindicandorum, sacrorum specie, aut aliâ de causâ jus demùm foret, rem divino, humanoque juri usquè contrariam: sed vicissim cautum erat, ut ne Protestantes posthac alia Ecclesiastica bona quocumque modò habere, aut possidere vellent, cujus rei ipsis magna usquè lubido fuerat. Nihil in hac Pontificis intercessione visum, quod reprehenderetur, nisi si compositò inter hunc, Austriacos, atque alios Catholicos facta fuerat, quæsitusque titulus, quo ab Pace Monasteriensis ubi vellent, commodumque esset discederent.

Mazarinum antehacubi Henricus Condæus Ludovici pater ab Aulâ secesserat, Francisco Hannibali Estræo de Cæsaris Vindocini fororis filii in Aulam reditu agenti auscultasse suprâ memoravimus. Is in Italiam abierat, ubi Belfortius filius missus in custodiam fuerat, veritus ut ne ea res ad se attineret. Mercurius filius alter natu major & ipse ab Aulâ haud tamen extrâ Galliam abierat, nihil fraternæ culpæ æfinis, aut particeps esse Mazarino, aut cuiquam omnium suspectus, sed parùm decere arbitratus absente patre, ac fratre in custodiam coniecto in Aulâ agitare. At mense Julio Belfortius è Vincennarum arce profugerat, rem sicuti aiebant Franciscæ Lotharingicæ Mercuriæ matri, atque ipsi item Mazarino, quin & Vindocino patri Venetiis quòtùm commorabatur ab artis Chaldæorum peritis prædictam. Certè

1648.

ubi est Mazarino nuntiata, nihil sicuti ad rem novam territus, aut commotus esse visus, eò facta ex composito plerisque visa, prætereà quod hanc & Mercurii fratris, & Vindocini patris reditus post paulò consecutus est.

Eà tempestate Nobilitas quæ in Aula erat, aut Gastonem, aut Condæum sectabatur, quidam Regem, atque Reginam matrem sicuti par erat, prætereà Mazarinum colebant, observabantque, in quem videlicet omnis rei publicæ incumbere cura, ex quo illi gratia, atque potentia, adeoque magna quibus vellet benè faciundi copia erat, hi nihilo seciùs ad Gastonem, & Condæum ire salutatum, atque adversum hos alia Aulæ officia fungi. Mazarinus per Rivieram ejus in potestate Gastonem esse diximus, hunc sibi æquum, ac propè fautorem habebat, Rivieram autem multa beneficia, ac maximè spes Cardinalatus Mazarino devinxerant.

At Condæo animus suprà metum, virtus suprà beneficia erat, neque huic quidquam præter gloriam cordi esse videbatur, prætereà nemini uni consilia sua credebat, cujus operà huc, aut illuc flecti posset, multi clientes, ac familiares erant: modò ut iis, sibi que ex animo Mazarinus faceret, haud pigebat hunc administrare rempublicam; at ubi si cessaret, continuò paratæ lites, excidebantque verba indicia iræ, ac ni Gastonem metueret, ut ne sibi omnimò Mazarinum, ac per hunc Reginam, Regemque ipsum cum omni propè Aulâ adjungeret, atque adeo longè potentior esset, vix satis Mazarino æquus fore videbatur, is metus in officio hominem retinebat. Condæus fratrem habebat Contium, & Longavillam sororis virum, multasque suas, atque eorum clientelas, Gasto solus erat, unâ Regis propinquitate clarus, pollensque. Alia igitur prætereà munimenta Mazarinus egebat, qui adeò Vindocinum sibi parabat adjungere, hunc ex inimico, filioque ejus amicos sibi faciundo, cujus rei copia erat, Victoriâ Mancinam sororis filiam Belfortio cum dote summâ nuptum dando, quæ tamen Mercurio fratri data est denique.

Andium Duci Ludovici Regis fratri hoc anno prænomen Christianorum more datum est, Henrica Britannicæ Regina amita, patruusque Gasto pro eò fideiussere, atque illa Philippi prænomen dedit. Mariam Gonzagam Caroli Nivernensis Mantuæ quondam Ducis filiam Uladislaw V. Poloniæ Regi ante biennium nupsisse suprà memoravimus: is hoc anno mortem obiit, ad hunc Ludovicus Arpajonus ab Ludovico Rege, & Annâ matre Legatus extrà ordinem fuerat, cujus, sed magis Mariæ operâ Casimirus Uladislaw frater Poloniæ Rex creatus est. Carolus item frater natu minor sibi expetebat Regnum, & quò inclinatura res erat in incerto habebatur, donec naturam ducem secuti plerique omnes quæ Carolo Casimirum prætulerat, hunc Regem frequentibus Comitibus denique creavere.

Obiit eodem hoc anno Michaël Mazarinus apud Aquas Sextias in Provinciâ Archiepiscopus, atque Romanæ Ecclesiæ Cardinalis, è Do-

minicanorum Ordine, de cujus ingenio suprà diximus. Petrum Seguinum Medicum nobilissimum senectus magis, quàm morbus absumpsit, quòd quidem ejus in hac arte peritiæ vel maximum fuit argumentum: accesserat vitæ sanctitas, atque erga Deum pietas singularis: hujus bona fidelique operâ Anna Regina diù, multumque usâ erat, neque hæc usquàm pauperibus ab sancto viro negata, quin & hanc aliis ubi ab Reginâ stipendium fuit, gratificatus est, donec per summam senectutem captus oculis divinis modò studuit, atque in his vitam finit vir doctrinâ, & pietate juxta inclytus.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
PARS ALTERA.

Ab Anno 1649. ad Annum 1652.

JOHN L. BARDEN

MATROUSIA

AND

THE

STORY

OF



JOAN. LABARDÆI
MATR'OLARUM
AD SEQUANAM MARCHIONIS
DE REBUS GALLICIS HISTORIARUM
LIBER SEPTIMUS.
E P I T O M E.



EGIS, atque Aulæ ab Urbe clandestina profectio. Senatus Montargirium abire jussus. Bellum in Urbe apparatus. Contus, ac Longavilla ab Germani-fano ad Urbem redeunt. Ille ad Urbem Imperator factus: huic Legati Elleborvius, ac Mottæus. Longavilla in Normanniam proficiscitur. Gondius Coadjutor, ac Mottæus E. T. in Senatum leguntur. Bastilia oppugnatur, ac deditur. Corbolum ad Sequanam, Lagnium

1649.

ad Matronam, Clodoalds, ac Dionisii fana, Herimoni ab regis præsidium tenentur. Ab Faëtiolis Carentonium ad Matronam, ac Bria commeatum causâ præsidium tenentur. Belfortius ad Urbem venit. Buillonius item Senatus, Populi que partes sequitur. Medo Castellum altero ab Urbe lapide oppugnatur ab Regis, ac Condeo deditur. Harcurius adversus Longavillam in Normanniam mittitur. Mazarinus frustra tentat cum Hispanis pacem facere. Regiorum, ac Faëtiolorum ad Vitrium prælium. Alterum ad Briam. Bria dedita regis. Feçialis ab Rege ad Urbem missus baud recipitur mœnibus. Cognitor, atque Actores regis ad Regem missi, qui dignius quàm ab Feçiali mandata illius cognoscerent. Leopoldi Austrii Belgium obtinentis Legatus ad Senatum. Ed de re missi ad Regem ab Senatu. De pace apud Ruellium rus agitur. Quilleborvio, ac Pontellomario Harcurius in Normannia potitur. Longavilla Rotomagum compulsus. Ramfavius Dunkercæ Præfæctus Germani-fanum adductus, atque eò in carcerem congestus. Estrada Mazarini cliens huic suffectus. Pax domi apud Ruellium sancita. Carolus Britannicæ Rex securi percussus apud Londinum. Leopoldus compositò cum Contio, ac cæteris Faëtiolis Regni fines ingreditur. Pralinoplessius ob-

Ecc ij

1649.

viam procedit cum exercitu. Turenæ in Germaniâ ad Buillonis fratris exemplum defecit, deseritur ab omnibus copiis, atque in Batavos concedit. Conditiones pacis domi sancitæ. Franciscus Atestinus Mutinæ Dux ad pacem cogitur ab Hispanis. Ypræ Hispanis deditæ. Mercurius Mancinam uxorem expetit. Riviera Rex ab Pontifice Cardinalatum petit. Contio Leodiensis Canonici Episcopatum Leodiensem obtrudunt, quem Mazarinus ab eo accipiendum negat. Cameracum Harcurius obsidet, dein omittit. Carolus Britannicæ Rex Caroli securi percussus filius in Galliam venit. De Frankendalio uti Carolo Palatino ab Hispanis restituitur, ratio initur. Quæ in Provinciâ ab Alesio, atque ab Senatu apud Aquas Sextias gesta sint. Quid apud, circumque Burdigalam ab Spernonio, & Burdigalensisibus. Battevilla Burdigalam ab Philippo Hispaniæ Rege missus. Imperatoris filia per Italiam in Hispaniam ad Philippum virum ire pergit. Ferdinandus frater eodem ire ab Hispanis prohibitus, is de Maria Theresâ Philippi filia uxore ducenda cogitabat. Bellum inter Pontificem, & Ranucium Parmæ Ducem de Castro oppido in Agro Romano. Quid ab Marsino Proprietore, & Gallis in Catalonia, quid ab Garaio, & Hispanis gestum. Chavignius Condæi opus in Aulam redit. Almerico summa Quæstura redditur. De Syndico Creditorum Urbis. Mazarinus cum Condæo redit in gratiam. Ex ea re Faciosi huic succensent, atque insidias parasse crediri. Quæstio eâ de re instituta in Senatu.

MENSE Octobri anni proximi Edictum regium ab ipso Senatu perscriptum, ab Cancellario signatum, atque in hoc Ordine promulgatum fuisse diximus: quod cum regiæ potentia magnoperè contrarium esse Administri censerent, atque temporum iniquitate expressum fuisset, nihil erat quod non movendum, conandumque existimarent, ut id vanum, atque irritum redderent. Eâ causâ Regina undequâque copias ad Urbem versùs evocaverat, quæ haud ita procùl omnia loca præfidiis tenerent: sed quo pacto in Senatum, & qui huic favebat Populum ageretur, uti tandem æqua noscerent, & in viam redirent, jure ambigebatur. Nam Urbem numero civium longè validissimam, atque opulentissimam bello premere, oppugnare, ac denique expugnare, aut ad deditionem ita cogere, uti quas conditiones Rex ferret, ipsa acciperet, longum, laboriosum, ac periculosum futurum erat. Sed sicuti civium multitudo in Urbe Administros ab hac oppugnandâ deterrebat, ita hanc brevî deditum iri spem faciebat, si commeatus prohiberentur: id enim si fieret suprà, atque infrà clauso amne, ac cæteris viis obsecis, statim omnium rerum eò futuram inopiam, quam tolerare Parisini diù nequirent.

Isthuc singillatim Michaël ^a Tellierus Quatuorvir sentiebat, cui citrà cuiusquam damnum id fieri posse videbatur, cum huic prævertere in Senatûs, Populique manu futurum esset: eo Regem educendum Urbe, atque Germaniæ sanum, aut aliò deducendum censebat. Isthuc & b Villaregio, atque aliis placebat, qui foris quàm domi, atque intrâ Urbis incenia bellum minus periculosum, atque incommodum fore judicabant: præter quàm quod ab hujus alicâ Regem, atque Reginam ma-

^a Le Tellier,
Secrétaire
d'Etat.

^b Le Maré-
chal de Vil-
leroy.

trem subducere magnoperè ad rem publicam pertinere arbitrabantur. Hanc eò deductam Mazarinus sentiebat, quò permanere nequirit, cum Edicto de quo suprà memoravimus, omnis hujus rectè administrandæ ratio Regi, Reginae matri, atque adeò sibi conturbata esset, imminutis vestigalibus, atque ereptà omni corrogandæ pecuniæ facultate. Sed huic malo quàm levissimum, ac brevissimum remedium adhibere placebat, ita ut metu magis, quàm ullâ clade Senatus, Populusque in viam redire cogerentur, quod cùm secundum Villaregii, & Tellieri sententiam fieri possè videretur, in hanc lubens discessit.

Contrà Condæus, ac a Melleraius rem brevius confectum iri censebant, si Rex, atque Regina in Armamentarium ab Regiâ migrarent: *Vicinam esse Basiliam arcem, cui subiecta sint B. Antonii Porta, & vicina Propugnacula. Haud præcul abuisse Vincemas Arcem alteram: haud difficulter in hac omni Urbis, ac suburbiorum, vicorumque proximorum regione equites, pedesque, quos Rex custodia causâ habere soleat, cogi posse, ac præterea alias quæ accersitæ sint copias. Hac virium ostentatione Senatum, Populumque adduci posse, ut ab deficiundi consiliis discedant, ac Regi obediens sint: quod si fecerint, haud difficile fore vicinam Armamentario insulam, ac deinde alteram in qua majus Templum, & Curia sint, occupare, ac præsidium tenere, ita ut altera pars Urbis, ab altera sejuncta foret, nec Senatus, neque civium Consilia haberi possent, futurum in potestate Sequanam, atque omnem suprâ Urbem regionem. Sed vix satis maturè quæ accersitæ fuerant copiarum venturæ videbantur, neque res tantam patiebatur moram: quo factum est, ut in Villaregii, ac Tellieri sententiâ manere necesse esset.*

* Le Maréchal de la Milleraye.

At Mazarinus qui multò ante providerat Condæi se operâ, ac singulari virtute difficillimis quæ imminabant temporibus opus habiturum, ab Rege, atque ab Regina matre uti liberaliter haberetur, effecerat: namque huic Claromontium, & Jamasium dono dedere. Duæ sunt arces firmissimæ in Campaniæ finibus positæ, quæ Caroli Lotharingiæ Ducis antehac fuere, & quas Ludovico XIII. Regi ante annos tredecim tradiderat, uti bellum quod ab eo impendebat, redimeret: tradiderat simul & Satenaium ad Mosam amnem, validum cum arce oppidum, quod & pridem penes Condæum est, scilicet huic permissum, cui Præfectus esset, ubi Campania provincia data fuerat, quam tamen nuper in Contium fratrem Regis voluntate transfulerat, non minorem in hac tamen potentiam, atque autoritatem, quam prius habet, quæ Jamasii, & Claromontii accessione haud mediocriter crevit, nam utrumque huic non modò ut his sicuti Satenaii Præfectus esset, sed planè cum vicinis agris dono data sunt.

Multa alia quæ Condæus ingentia volvebat animo, hunc impulere, uti Regis partes sequeretur, aut potius his præesset. Sed Claromontium, ac Jamasium ipsi Mazarini operâ ab Rege donata b Longavillæ spem fecere, quidpiam simile ab Mazarino exprimendi, si metum huic injiceret Senatus se, Populi que partes secuturum. Id Condæa uxor pridem suaserat, atque ipse apud Noisium, quò primùm factionis prin-

* Le Duc de Longueville.

1649.

cipes convenerant, fidem dederat, si Aula adversum Urbem gereret bellum, atque eâ causâ Senatus Mazarinum hostem judicaret, tùm fore, ut huic, atque Populo se bello gerendo conjungeret: hæc Longavillæ ad Senatûs, Populique partes accessio haud mediocris futura videbatur, qui videlicet Normanniam finitimam Parisiensi Agro provinciam obtinet, ac magnas habet in eâ clientelâs. Sed nihil hunc fides apud Noisium data prohibebat, quò minùs cum Aulâ concordaturus esset, si Mazarinus homini animum explere vellet. Nam qui hanc dare contra jus, fasque nihil pensî habet, ei ab hac discedere multo minor religio est.

Longavilla in Normanniâ Gratix-portum porrò sibi expetebat, non Juxii Castellum in Sequanis dono, non Cadomo Oppido, atque arce, quibus præfectus nuper fuerat contentus, quorum alterum in Neocastelli nobilissimi apud Helvetios quod habet Prædii finibus, alterum in Normanniâ quam obtinet provinciâ haud procul Oceano opportunè positum est, uterque munitissimus locus. Sed Gratix-portus ad ipsum Oceanum est, oppidum validissimum, cum arce longè munitissimâ, ita ut qui sit utrique Præfectus, is terrâ, marique pollens, potensque sit: hunc ni per Regis pueritiam extorqueret, omnem hujus habendi spem interituram, eo tantam opportunitatem haud quaquàm dimittendam. *Huc mercede sese fidum Mazarino, sin aliter bujus sententiâ sit, Senatui, Populoque fautores futurum: parùm referre quicum Regi, & rei publicæ des operam, cum utrobique & præva, & recta quedam sunt, eo privatis commodis aus hic, aut illic servire unicuique copiam esse. Sed intercèdùm opperitur quid Mazarinus sibi benè factum velit, ab Aulæ partibus haud sibi discedendum decrevit. Is tùm in Campaniâ fuit, quo visum icrat filiam Monialem quam ex concubinâ pridem habuerat.*

Constitutâ igitur Regis ab Urbe profectio, huic uti secretò fieret, dicta nox est, quæ festum in Ecclesia Regum diem antecedit: nam hujus principio per singulas familias apparatus convivium, in quo Regem convivæ sortiuntur, dein se cibo, vinoque læti invitant, quos huic uni rei intentos de Regis, atque Aulæ profectio cogitare, aut suspicari quidquam difficile erat. Gramontio Equitum Tribuno data provincia fuerat, uti Regem, ac Reginam matrem cum altero filio Andium Duce deduceret ad Conferentiæ Portam, quæ inter regiones hortos, & flumen posita est, quod ex sententiâ factum, postquam ædium postico clam egressi fuerant, comitantibus Corporis Custodibus. Gasto, ac Mazarinus eodè paulò ante venerant, undè Germanifanum iter fecère: cæteri, ex Aulâ dimissis hinc inde per Urbem qui de Regis profectio certiores facerent, subsequi jussi. Omnes propter heisternas epulas, epotumque largiùs vinum altus in Urbe habebat sopor, quo factum est uti multâ modò luce quid ageretur plebes nosceret: postremò Regem, atque Reginam matrem abiisse vulgatum, quique propiùs B. Honorati portam incolunt, quâ Germanifanum euntibus egressus erat, hanc obsedè, & qui tardiùs profecti sunt, eos egredi prohibuere. Convénit in Curiam Senatus, uti quid opus factò esset, consul-

taret. Ab Rege, Reginâ matre, & ab viris Principibus missas ad Urbem litteras est nuntiatum, has Urbani Magistratus ad Senatum adferre iussi, quarum sententia hæc erat.

Regem Urbe decedere coactum, ut ne perniciosus quorundam ex Senatu consilii opportunus foret, quæ cum hostibus conferant. Adversum regiam potentiam multa molitos, abusus clementiâ suâ, atque eâ audaciâ processisse, uti se in suâ ipsorum potestate esse vellent. Confidere Urbem, atque civis permansuros in fide, operam duros Urbanos Magistratus, ut ne quid turbarum, aut tumultus fiat, ac tuta, tranquillaque sint omnia. Ita quæ ab clementissimo, atque amantiſſimo Principe æquum sit, ea ab se expectent : quid sibi porro consilii sit, propediem eos facturum certiores. Regina verò, atque viri Principes scilicet Regi ut ab Urbe decederet, autores fuisse scribebant.

His litteris recitatis, Patres numero centum tametsi dies festus erat, quo neque haberi, neque decernere quidquam Senatus solet, tamen dandam operam ut Urbs ab insidiis tuta esset, decrevere, stationes ad portas disponentes, Urbani Magistratus commeatus tuto supportari curarent, quæ in vicis, aut oppidis copiarum ad sexaginta circum Urbem passuum millia essent, eas longius abscedere juberent, de Regis, ac Reginæ, atque virorum Principum litteris uti postridiè referretur, ubi Senatus frequens foret. Gondium Coadjutorem Germanifanum venire iussum Urbe egredi tentasse ferunt, sed ab portarum custodibus prohibitum, quod hunc simulasse propius verum est, seu cum Contio redire consilium fuit.

Hic Germanifanum proficiscente fratre Condæo, atque ipsâ Carolâ Margaritâ Mommorantiâ utriusque matre, eodem ex Condææ fororis sententiâ ierat : ipsa autem quia prægnans erat, atque haud ita procul aberat partus, hanc justam ad Urbem manendi causam nacta co resistere, uti quæ apud Noisium antehac constituta fuerant, ea tunc fierent, sicuti res monebat. Continuo mittit ad virum Longavillam, qui hunc ad Urbem accerferet : sed is memor se apud Noisium fidem dedisse, fore uti Senatui, Populoque conjungeret se, ubi hos Aula lacefferet, nondum advenisse tempus existimabat, quo fidem exolvere deberet, atque ita & ipse Germanifanum iit. Præterea priusquam sese Mazarino adversum ostenderet, hunc hostem ab Senatu judicatum volebat, quod quidem Condæa uxore per a Rupifocaldum Marillacum, atque hic postea Germanifanum proficiscentem per Gourvillam clientem apud factiones ex Senatu uti fieret, summo contendit opere : sed nondum matura res erat, nam ubi de hac in Senatu consultatum, pauci modo in eam ire sententiam, cæteri autem frequentes in alia omnia.

a Le Prince de Marillac, de la Rochefoucaud.

b De la Sourdière.

Interea b Sordiera Vicecenturio Custodem Regis Corporis hujus ad Cognitorem, atque Actores regis litteras attulit, simul & ad Molæum primum Senatûs Præsidentem, atque ad ipsum Senatum, quas omnes Cognitori, atque Actoribus regis pro more reddidit. Hi perlectis quæ ad se scribebantur, de iis Patres fecere certiores, scilicet Regem velle, uti Montargirum bidui ab Urbe itinere discederent, ac Regis litteras

1649.

eâ de re ad hunc Ordinem scriptas reddidère. Sordicra uti sibi Regis mandata Patribus exponere copia esset, postulaverat: sed cum hæc de suo ab Urbe discessu esse satis scirent, huic nusquam Senatui dare visum, quin & Regis litteras sicut has acceperant obsignatas huic reddendas curavère, neque eò seciùs ad Urbem mansère. Fuère qui ita existimarent, tolerabilius futurum fuisse, si Regis litteræ in Senatu recitatæ fuissent, atque is rescripsisset quod Rex juberet, id hujusmodi visum, ut hoc sibi convento opus esse Senatus judicaret, quo ipsum multa, eaque gravia super re tantâ edoceret.

Profectò res ardua erat, non quosdam ex Senatu, sed universum Ordinem adigere velle, ut ab Urbe in quâ huic sedes ab Regibus est instituta, aliò migraret, idque per Regis pueritiam incipere, quo tempore quid Senatus possit, vidimus in Procurationis Regni negotio. Nam quod de hac Ludovicus XIII. edixerat, in eo nihil nisi unius Senatûs autoritate mutari posse visum fuerat, quâ Rex pupillus hujus filius fretus in Curiâ pro Tribunali sedens Patris Edictum ex hujus Ordinis sententiâ correxerat, qui videlicet in eo tanto negotio regiâ potentia aliis autoribus per ætatem uti nequiret. Jam verò hac Regem qui etiamtùm pupillus esset, adversum universum Senatui quibusvis autoribus uti non posse Patres censere se ad Urbem manendo satis ostendebant. Postea loci quæ ab Rege, Reginâ matre, atque ab viris Principibus ad Urbanos Magistratus datæ litteræ fuerant, de iis ad Senatui referri placuit: hæc quoniam quosdam ex hoc Ordine prodicionis insimulabant, sicuti cum Hispanis hostibus consilia conferrent, Senatus decrevit, uti Cognitor, atque Actores regii ad Regem, ac Reginam matrem adirent, rogarentque ut illorum simul, & eorum qui illos criminarentur nomina edere vellent, quò in utroque lege ageretur in Senatu, ita ut ne alteris proditio, aut alteris falsa criminatio impunè essent.

Rationum, & Vestigialium Curiis haud secus, ac Senatui præceptum fuerat ut ab Urbe discederent, atque item Magno Consilio, cui isthuc non ita novum visum, nam sæpiùs ubi Rex longiusculè proficiscitur, Aulam sequi, & ab hac haud procul commorari solet: sed his nusquam grave fuit, ab portarum Urbis custodibus quò minùs abirent, prohiberi. Interea Cognitor regius a Melianus, atque Actores regii Talonus & Bignonus Germanifanum ière, quò uti sibi Cancellarii visundi, atque de more hujus operâ ad Regem, atque Reginam matrem adeundi copia esset postulavère: de quâ re ubi consultatum est, haud satis ex Regis dignitate visum, huic quemquam ex Senatu venire in conspectum, nisi si hunc Ordinem Montargirium abiturum sicuti iussus erat, adferret. Cognitor verò, atque Actores regii nihil se eâ de re habere in mandatis dixère, sed eâ modò causâ se ad Regem, Reginamque matrem missos, quam suprà diximus: ita Cognitor, atque Actores regii dimissi, qui ubi hæc Patribus renunciavère, ibi verò cuncti exanderescere, Mazarinum accusare gravius, nihil pendì Senatui, ne huic quidem

a Melian,
Procureur
General.
Talons,
Bignon, Advocats
Generaux.

quidem cui maximè deceat, ad Regem, & ad Reginam aditum esse: quidquid mali in republicâ sit, id omne ab eo ortum dicitare, postremò tùm ab Senatu hostis judicatur, decretumque ut eâ ipsâ die Aulâ, ante octiduam Regni finibus decederet, abnuentem omnes sicuti hostem, ac perduellem persequantur, nemini omnium hunc, aut in tecum recipere, aut ullâ re juvare liceat. In Aulâ cuncti, ac nonnulli in Urbe id Senatûs Decretum præceps, neque ex hujus disciplinâ factum existimavere, Mazarinum neque citatum, neque causâ cognitâ, neque institutâ de eo quæstione, ex rumoribus vulgi, atque famâ damnatum, postremò Senatum quam in Administris judiciorum fraudem reprehendat, in eandem, quin & multò graviores incidisse.

Fuere qui ita existimarent, ab Administris offensum graviter, ubi Cognitorem, atque Actores regios Regi, atque Reginæ matri in conspectum venire noluerant, qui si clementius egissent, Senatum vix, ac ne vix quidem adduci potuisse, uti Mazarinum hostem judicaret: sed hujus clientes eum hac culpâ liberant, quam in Condatum rejiciunt, omnia dura, atque aspera hac tempestate sentientem, uti bellum quantocûs adversum Urbem gereretur, in quo operam suam planè necessariam fore intelligebat, quod verè, an falsò dixerint, haud satis compertum habeo: nam eadem de Chavignio antehac dicitabant, hunc scilicet Brusselli, atque aliorum ex Senatu comprehendendorum Reginæ autorem fuisse ex duriori Richelii disciplinâ, quâ imbutus fuisset: sed hæc, atque alia hujusmodi quia secus cesserant, aliis assignata ab Mazarini amicis facilè crediderim. Cæterum fortiter consultâ tùm recta sunt, ubi & fortiter geruntur, si paulum hæseris plerumque auctori fraudi sunt, quod in Richelio, & Mazarino experti sumus, quorum diversa natura, diversus animus fuere. Postremò qui ex Senatu factionis principes erant, si eos modò Rex, & Regina mater abire jussissent, omnibus virisimile fit, eâ causâ neque Senatum universum, neque Populum bellum usquàm adversum Regem sumpturum fuisse: sed nulum ab Aulâ factum inter hos, aliòque discrimen cunctos denique transverfos egit.

Ab Rationum, & Vestigialium Curis, item ab Urbe missi quidam Germanifanum iere, qui Reginam uti Regem filium ad Urbem reduceret hortati sunt: omnibus ita responsum, ubi Senatus quò justus fuerit, eò migrarit, tùm Aulam ad Urbem redituram, cæterum Senatum qui Regi dicto audiens esse nolit, rebellem esse: id Regina ipsa, id Cancellarius dixere. Postridiè qui ex Urbanis Magistratibus Germanifano redierant, ii quid sibi ab Reginâ de Regis in Urbem reditu responsum esset, Patres edocuere. Aderat Hercules Rohanus Mombasonus Urbi Præfectus, qui, atque unâ iidem Magistratus Urbani sese Regi, & Senatui obedientes fore dixere, neque alia quàm hujus Ordinis imperia, executuros.

At ubi apud Germanifanum nuntiatum est, quid Senatus de Mazarino decrevisset, Consilio ab Reginâ avvocato Mazarinus ipse de Se-

1649. natus Decreto retulit, nihil eâ de re sicuti videbatur sollicitus. *Patres summopere cupere ait, ut ipse abscedat, verum se aliter sentire, qui nullus rei sibi conficius sit, quamobrem iis morem gerere debeat: suam in republicâ operam Regi, Reginae matri, Gastoni, Condæo, atque omnibus qui de re publicâ rectè sentiant, probari, eo Patribus parùm placere, qui sæpius aliter, quàm Aula sentiant, regie potentie quâ Administratores abuti dicuntur adversi: hanc æquo majorem eos prædicare, nisi si legibus quarum sese interpretes ferunt, atque adeo decretis suis circumscripta, aut potius subiecta sit: quod ut ne eveniat, omnes qui Regi, ac republicâ studeant, omni ope amitti decere, neque committere, uti per hujus pueritiam de regis Majestate, atque potentiâ detractum, aut debilitatum quidquam videatur.*

Quo Edicto Rex Senatum Montargirium migrare jubebat, eo quæ Patres contra majorem morem, contra jus, fasque incæpisse, ac fecisse dicebantur commemorabat. *Injussu suo convenisse cunctos ex omnibus Classibus, unâ cum cæteris ad Urbem Curii conjurasse palam, atque publicè. In Conclavi B. Ludovici ex omnibus Curii commune veluti Concilium instituisse. In eo quæ colliberit, de republicâ consultasse, frustra id ut ne fieret prohibente Rege: neque puduisse Patres eorum pertinaciâ victum quæ impedire sine rei publicæ periculo nequibat, cogere ut ea voluntate sua fieri ediceret: postremò sicuti ipsi censuissent multa edixisse, postquàm fidem per Cognitorem, atque Actores regios dederant, sese finem conveniendi facturos: nibilo secius tamen postea convenisses, seu dulce erat porro de republicâ regio more consultare, atque decernere, seu delicti conscientia in eo præsidium putaverint, si perpetuò convenirent. Igitur ubi neque pudor, neque modestia faciebat modum: ubi in bonis videlicet paucioribus, ac majori pravorum numero, præterea plebis metu prohibitis, ut ne quæ rectè sentirent expromere auderent, nihil auxilii erat: ubi Plebes alienata cum pænæ ob noxam quam seditione contraxerat, metu, tum spe injectâ fore uti Senatus operâ vectigalibus, tributis, ac portoriis levaretur: ubi ad salutem publicam pertinere dicuntur uti Rex in Senatus, Populique potestate sit: ubi omnis sustentandæ reipublicæ facultas erepta prohibente Senatu, ut ne quis posthac Regi pecuniam super Sectionibus, aut aliis vectigalibus rescribendam senori daret: ubi hanc Senatus rationem non modò perdundæ, sed & hosti, cum quo consilia quidam ex hoc Ordine conferant, prodendæ reipublicæ Rex esse judices, videatque quam Hispani antebac pacem cupidissimè facturi erant, eam in præsentia detestare. His omnibus adductum denique, ac maxime ut ne Senatus, Populoque diutius obnoxius foret, atque in eâ necessitudine Principi longè inferrimâ constitutus, uti parere iis, quibus imperare debeat cogeretur, Urbe decessisse, nihil utrique infensum, si resipiscere velint, atque bis contenti esse, quæ legibus comparata sint. Populum factiosorum fraude non sua sponte lapsum satis seire, quod æquior ipsi sit. De Senatu uti Montargirium ante dies quindecim migret, ante horas viginti quatuor urbe decedat ex Reginae matris, Gastonis patru, Condæi consanguinei sententiâ edicere: confidere Populum ubi sui arbitrii fuerit, rectius sibi consulturum: si Senatus parere detrectet, hunc Majestatis, ac perduellionis reum fore, bona perduellium publicanda, de ipsis si comprehensi fuerint supplicium more majorem sumendum.*

Simul datæ ad Urbanos Magistratus, Populumque litteræ sunt, quibus Rex hortabatur, uti permancerent in fide, Senatum si opus foret abscedere cogerent, in eo salutem ipsorum positam, si causam suam cum hujus Ordinis factiosis minime communicent: qui ubi apud Montargirium fuerint, multitudinis concitandæ spe dejecti, præterea honorum exemplo adducti, tum demùm fore uti resipiscant, paxque Regno constet. Has litteras Urbani Magistratus ad Senatum attulere, quæ ubi recitatæ sunt, continuò factiosi clamitare, *cuncta hæc ab Maxarino fieri, uti percusso, atque prostrato Senatu, quod unum miseris civibus adversum Administrorum injurias perfugium, atque præsidium sit, in eorum fortunas licentiùs invadat.* Dein ubi eà de re consultatum, Molæus primarius Præfex dixisse fertur, rem permagnam videri, dignamque de quâ ut Urbani Magistratus seriò agerent, iis spatium daretur, gnarus scilicet qui prava incipiant, iis omnem moram gravem, recta tempore valere. Ibi verò Cognœvixius Præfex exclamat. *Tantum enim verò esse rem, ut hanc Urbani Magistratus ad Senatum ultrò detulerim, quæ videlicet ad hunc Ordinem maximè pertineat. Sed nihil jam consultò, at maturè factò opus esse. Inestas altero ab Urbe lapide circumquaque copias adesse, tantum hanc non obsideri, nec oppugnari mœnia: quid esse reliquum, nisi uti Senatus, Populusque ad arma, quando in his modò præsidium sit, confugiat?*

Hac oratione permoti Patres delectum habendum, rationemque ineundam decernunt, qui pecunia in belli imminæntis sumptus corrogetur. Auçtus nuper ab Rege Ludovico XIII. Patrum fuerat numerus: qui tùm hos magistratus coëmerant, ii invitis aliis in Senatum jussu Regis introducti fuerant, neque eadem obibant munia, neque eodem quo cæteri honore habebantur, sed propè contempti, neglectique agitabant, collegis graves, cum quibus uti posthac æquo jure agerent, centum millia nummùm in rei publicæ sumptus sese collaturos recepere, Senatus universus ducenta millia, præterea quantum singuli anno CIO. 15C. XXXVI. ubi hostis in finibus Regni apud Corbiam aderat, conscribendis ad bellum defendendum copias dederant, eà summâ duplo majorem dedere.

Eadem die in B. Ludovici Conclavi habitum commune Curiarum Consilium est. Aderant Mombasonus Præfectus Urbi, atque Urbani Magistratus, Præfectum mercatorum, atque Scabinos vocant, præterea ex mercatorum sex Collegiis delecti, atque Urbis regionum Tribuni: hi inter se conjuravere denuò, dataque conscribendo militi Diplomata sunt. Sed angebat factiosos ex Senatu quod nondùm ex Principibus viris quisquam ad suas partes accesserat, quod magnoperè movendo, gerendoque civili bello necessarium erat: neque enim id fieri sine Imperatore, Legatis, Tribunis, cæterisque Administris poterat.

Sub finem anni proximi Gondius primò per Radefianum fratrem, dein ipse per sese cum Annâ Condæâ Longavillæ uxore, & cum Longavillâ ipso apud Noisium egerat, transfegeratque, ut hic cum Contio adolescente, Condæi, atque Condææ fratre Senatui, Populoque fau-

1649.

« Louis du
Bled Marquis
d'Uxelles.

tores essent, si ab Aulâ malè haberentur, nequedùm tamen ambo Germanifano ad Urbem venerant, sed hos ipsâ expectabat in Urbe , atque ut eorum adventum acceleraret Gourvillam de quo suprà memoravimus Germanifanum ire jubet, ac dicere Marfillaco patrono omninò opus esse, uti Contius, & Longavilla ad Urbem venirent, operam se dedisse uti nocte proximâ B. Honorati portæ claves essent in potestate, ut his ubi advenirent fores apertæ essent. Jam tùm « Uxellus Marchio cum copiis ab Æduis veniens Corbolum ex itinere ceperat, passuum millia XXII. ab Urbe positum ad Sequanam amnem, quo factum est, uti cessantibus Contio, & Longavillâ factiosi ex Senatu Carolum Lotharingum Ellebovium Ducem hortarentur, uti rempublicam unâ cum Senatu, Populoque capessere vellet. Ea res maximè Condam impulerat, uti fratrem, virumque ad Urbem subito accerseret, ut ne Imperium Ellebovius, aut certè susceptæ reipublicæ famam antecaperet.

« Louis de la
Trimouille
Marquis de
Noirmoutier.

Is cum neuter dùm advenisset, ad Urbanos Magistratus in Ædes publicas adiit, ut operam suam Urbi polliceretur, quod ut apud Senatum faceret, huic autores fuere. Sed noctu Contius, Longavilla, & Nigromonasterius, atque Marfillacus Rupifocaldus Germanifano ad B. Honorati portam venire, postulantes uti sibi Urbem ingredi liceret. Portæ claves ex composito apud Brussellum erant, dudùm viris Principibus futuræ defectionis conscium, sicuti & Gondius Coadjutor erat, qui eò rhedâ vectus hos ad Longavillæ ædes deduxit. Paulum tumultus in Urbe is virorum Principum adventus tali horâ, ac tempore fecit, qui satis comperto, vulgatoque quidnam esset continuò sedatus est, magnaue incessit lætitia, ubi plebes postridiè tantis viris salutem suam curæ esse rescivit, ignara se ab optimatibus quò res eorum moneat impelli, & quocùmque fortuna inclinet prædæ esse.

« Le Comte
de Rieux.
De Cossé
Duc de Brissac.

Postridiè Ellebovius in Senatum venit, atque unâ « Rieuxius filius, & Ludovicus Cossæus Brissacus. Ubi assedère, Ellebovius operam suam Senatui liberalissimè pollicitus est adversum eorum vim, qui Regi, atque Reginæ consulere simulantes rem publicam perditum eant. Ea res Patribus suprà quàm dici potest grata, acceptaque fuit: itaque omnium sententiis Ellebovius delectus est, qui Regis exercitibus præesset, & Senatûs imperia exequeretur, cui, atque Urbi, ac maximè in speciem Regi sacramento dixit.

Mirum Aulæ visum, non puduisse Virum Principem, factiosis ex Senatu, atque Populo obedientem esse. Sed non tunc primùm Ellebovius alias, quàm Regias partes secutus est, cùm his qui gratiâ valebant scribere pigeret ingratis, aut quia sibi non omninò ex animo factum vellet. Nam hæc viris principibus, ac primoribus in Aula disciplina est, uti qui gratiâ pollent quamdiù eorum operâ concupletandi se aliqua spes est, tamdiù eos diligenter colere, atque observare; ubi hæc est adempta, continuò infensi, infestique sunt, quod in Richelio primùm, deinde in Mazarino ab Ellebovio factum, cæterum huic

neque virtus principe viro digna, neque ingenium defuere.

Post meridiem Contius in Curiam venit, fidemque fecit Patribus, neque se, neque Longavillam cuiquam auctores, aut confcios fuisse, uti Rex abduceretur, aut in Urbem vis pararetur, pro cuius, atque Regni, ac maxime Senatûs salute neque operæ usquàm suæ, aut vitæ parcere consilium sit. Hujus orationem excepit Ellebovius, atque ita locutus est, ut qui sibi mandatum prius imperium usquàm depositurum negaret, exortumque est assentientium inter Patres murmur; dein decretum uti quæ ex præsidîs accersitæ regiæ copiæ Urbi appropinquaverant, eæ propere ad sexaginta passuum millia recederent, detrectantes omnis armata multitudo ex oppidis, vicisque abire cogeret, quod idem ferme antea Senatus decreverat.

Postridie Longavilla cum Contio, Fridericus Mauricius Turrius Buillonius, Mottæus Hodencurius, de quo supra memoravimus, in Curiam venere. Longavilla ferme eadem quæ pridie Contius, Buillonius nihil se de recuperando Sedano consilii habere, Mottæus satis graves cum Mazarino inimicitæ causas habere se dixit, quò facile ipsi qui se perditum voluerit, atque pessimis hujus in Senatum consilii, adversus habeatur. Longavilla uxorem, & filiam, Buillonius uxorem, & filios quatuor fidei causâ Senatui, atque Urbi se tradere dixere, qui continuo utriusque iussu in Ædes Urbis publicas deducti sunt.

« De la Tour
Duc de
Bouillon.
Le Maréchal
de la Mort-
Houdencourt.

Inter hæc Ellebovius qui magnam in eo quod sibi biduo ante mandatum fuerat imperio rei bene gerendæ spem positam habebat, anxius trahere cum animo suo, quid se denique post Contii adventum futurum esset. Illum è regiâ Gente sibi anteferri nequitiam grave futurum, at id ut in speciem magis, quàm re ipsâ fieret cupiebat: ceterum cum esse se, qui præterea concederet nemini. Sed quoniam tot, tantique viri operam suam Senatui fuerant polliciti, in rem esse visum, uti quæ cuiusque fors foret, consultaretur. Molæus uti compararent inter se autor erat, metuens ut ne quid alterum alteri antefendo Senatus offenderet. Memmius difficile esse aiebat, sed per amicos, atque interpretes id facilius fore. Ita diversi in varia cum quibusdam Patrum Conclavia abeunt, & eò res rediit denique, uti summa Imperii penes Contium foret, qui ab Urbe nusquàm discederet, Longavilla nullum certum Imperii nomen sibi petiit, sed Contium, & rem publicam sese consilio, & operâ adjuturum pollicitus est, controversias cum Ellebovio fugiens: Ellebovium, Buillonium, & Mottæum Contio Legatos esse placuit, quibus per vices suâ cuique die imperium foret, Ellebovi primæ partes essent. Ita Contius si diis placet factiosorum ad Urbem ex Condææ sororis voluntate Imperator factus, adulescens è regiâ gente, deditque fidem id se muneri ex Senatûs voluntate planè facturum.

Præter Senatum, Rationum, & Vestigialium Curia, Magnum Consilium, Quæstores, Medici, atque alia in Urbe Collegia ultrò pecuniam in belli sumptus contulere: de oppidanis decretum, uti quidam

1649.

è Patribus per Urbis regiones irent, Decuriones domos in suâ quisque Decuriâ adire juberent, & quid unumquemque conferre posse videretur, referrent: ita cuncti quandò præerat Senatus haud inviti partem oneris subière. Sed aliæ præterea habendæ pecuniæ rationes initæ: nam qui rei quidpiam regiæ è vestigialibus, tributis, portoriisve administraverant in Urbe, aut in provinciis, & quidpiam ex eâ penes se haberent, id adferre jussi. Missi duo ex Senatu in trium publicanorum aedes, quorum operâ Mazarinus antehac in re publicâ utebatur, quod & ad familiarem ejus attinere prona ad malè sentiendum, dicendumque Civitas dictitabat, qui pecunias, & rationes eorum conquirent: sed cuncta hæc homines callidi maturè in tutum collocaverant, ut ne sibi fraudi forent, quin & bona Mazarini Senatus publica censuit.

Interea Aula haud satis commodè Germanifano commorabatur, nam tanta hujus in abscedendo properantia fuerat, ut ne Rex quidem, atque Regina mater, Andium Dux frater, Galto, Margarita uxor, ac Anna Maria Ludovica filia, nedùm cæteri quæ ad usus quotidianos necessaria essent, ea haberent, impedimentis ubi oppidani ad portarum custodias dispositi fuerant, egredi Urbe prohibitis, cujus rei sextâ demùm postquam abierant die, facta potestas est, quæ mora longior, duriorque visâ, quàm quâ in regiis personis uti satis æquum, honestumque fuisset.

Gondius Coadjutor sibi amplum, ac magnificum fore censebat, atque consiliis suis opportunissimum, si ipse non modò cum singulis Patribus agere, sed cum univèrso Senatu quæ sentiret, ea palàm, & publicè dicere, ac persuadere posset. *Magnam habere vim hominis eloquentis orationem, qui ubi quò inclinent animi, satis perspicit, aut eos magis si res postulet accendat, aut aliò apta ad tempus dicendo flestat.* Eò uti sibi in Senatum venire, atque sententiam dicere jus esset, magnoperè studebat. Id Parisiensibus Episcopis pridem tributum, atque adeo de Joanne Francisco Gondio patruo tùm Archiepiscopo nihil ambigebatur: de Coadjutore id perindè expeditum non erat, magisque videbatur opperendum, usque dùm aut morte, aut voluntate patrui ipse verè Archiepiscopus Parisiensis foret. Ubi igitur eà de re ad Senatum relatum, Memmius Præses consulendum patruum censuit, quò factum est, ut eà die nihil Senatus decerneret. Qui ex factiosorum grege in Senatu erant, ii summâ ope nitebantur, uti Gondium, in eodem haberent Ordine, quo spes, opesque suas haud mediocriter auctum iri putabant: cæteri Juvenem acrem, ambitiosum, neque minora Mazarino agitantem animo in Senatum nusquàm admitti maluissent, cujus operâ, uti quem sibi æmulum proposuerat, eum loco pelleret, miscere omnia properabat.

Ubi Rex ab Urbe discesserat, Senatus sibi bellum adesse satis proficiens, Armamentarium regium occupaverat: vicina est Bastilia, arx exigua illa quidem, sed moenibus è saxo quadrato firmissima: Præfec-

tus huic erat Carolus *a* Clericus Tremblaius cum præsidio quod ad custodiam eorum qui illuc in carcerem conjiciebantur, non autem ad propugnandum, si qua vis ab Urbe fieret, satis esset, atque adeò ubi ad mota tormenta, murusque quati captus, post triduum dedita est. Tum Contius autore Molæo primario Præside ut huic quempiam ex Senatu præficeret, Brussellum præfecit, qui quoniam ei rei parum idoneus erat, vir militiæ rudis, *b* Lovieram filium sibi vicarium esse postulavit, quod est Contius homini factiosorum in Senatu faciliè principi obsecutus.

1649.
a Le Clerc
du Trem-
blay.

b Broeffel de
la Louviere.

Interea loci ad Clodoaldi, & Dionysii fana, præterea apud Herimontem, valida regionum præsidia fuere, ad hoc Carentonium occupaverant, quod postea Condæo omittere visum, Lagnium præterea ad Matronam, Corbodium ad Sequanam amnes, supra Urbem tenuere. Quod inter utrumque flumen regionis est ea commeatus ad Urbem carris advehi haud difficile Urbanis Ducibus visum, si Carentonium esset in potestate: Eo vicini hunc ab Condæo omisum occupavere. Bria oppidum infirmum duodecim ab Urbe passuum millibus, atque amplius in ea quam diximus inter Matronam, Sequanamque regione, æquo inter utrumque amnem spatio positum est, quod & oppidum Urbanis Ducibus habere in potestate visum, commeatum causâ.

Franciscum *c* Belfortium Cæsaris Vindocini filium ab Arce Vincennarum, quò in carcerem conjectus fuerat, elapsum esse antehac diximus: is interea usque ab Aulâ, atque Urbe procul agitaverat, nihil moliente, ut iterum comprehenderetur Mazarino: quin & secum agi passus fuerat, uti Vindocinum patrem, qui in Italiam abierat, & Ludovicum *d* Mercurium filium natu majorem, atque ipsum Belfortium secum redire vellet in gratiam, atque ita totam hanc Domum adjungeret: quod quidem sibi præsidio futurum existimaverat adversum Henricum Condæum, qui tùm ab Aulâ Mazarino insensus secesserat, & adversum Ludovicum filium: sed ea res reditu Henrici, atque aliis quæ tum acciderant, ut ferè fit in Aula, rebus interpellata. Postillâ Mercurius pari cum fratre animi magnitudine, sed temperatissimis moribus perpetuò ab Mazarino per amicos flagitaverat, uti sibi hujus voluntate in Aulam redire, atque eò de more agitare liceret, quod se ita facturum recipiebat, ut omnis sua ratio Mazarino probaretur, cognosceretque se huic quàm maximo usui esse velle.

c Le Duc de
Beaufort.

d Le Duc de
Mercœur.

Id Mazarino quidem satis placebat, cui de Vindocinis adjungendis instituta pridem erant consilia: sed tantisper obstitit Ludovicus Condæus memor cum Henrico patre Belfortium nobilem Principatus hujus initio controversiam habuisse, atque Mazarinum in hac domo adversum illum, atque adversum se præsidia quævisse: pervicit tamen *e* Vetusvilla Marchio, quo interprete Mercurius apud Condæum usus erat, ut ob stare denique desineret. Ita ille in Aulam rediit, ac brevi convenit cum Mazarino, uti Victoriâ Mancinam sororis filiam Belfortio nuptam vellet, ipse Mariam *f* Guisiam Henrici Lotharingi Gui-

e Le Marquis
de la Vieuv-
ville.
f Mademoi-
se de Guis-
le Duc de
Guise.

1649. fii, & Ludovici Guiffi a Joiffi sororem, hic verò Franciscam Mariam
 a Le Duc de Joyeue-
 Mademoifelle d'Angou-
 lefme.
 Le Comte d'Alets.

Belfortio hæ nuptiæ primùm cordi fuere, quibus se Mazarini gratiâ fre-
 tum præclare fortunas suas aucturum, gloriam, atque famam adepturum
 sperabat. Sed ubi factiones adversum hunc institutæ, ac bellum ab Sen-
 natu, Populoque parabatur, quò lubido animi ferebat, ad ultionem,
 quàm ad gratiam cum Mazarino conciliandam pronioris abstractus est.
 Lutetiam igitur Parisiorum venit, & priùsquàm Senatui operam suam
 sicuti cæteri polliceretur, rogat uti de causâ suâ cognoscere velit,
 sese reum actum antehac, sicuti Mazarini vitæ esset insidiatus, eâ
 de re Quæstionem non ab Patribus, uti factum oportuerit, sed ab qui-
 bus Mazarino visum iudicibus habitam, de qua omni ut Patres cog-
 noscere velint, postulare se, atque de hac iudicium ferre: id faciliè Bel-
 fortius impetravit, ac brevè omnium sententiis est absolutus. Adventus
 ejus magnâ Senatui, Populoque in expectatione fuerat, cum ob
 viri dignitatem, ac virtutis opinionem, tum quod magnam nobilium
 copiam secum adducturus ferebatur, quæ tamen nulla fuit. Una ipsi
 postillâ cura, colere plebem infimam, si quæ militanter, ac præclare
 fecerat, ea uti scriptis in vulgus editis, aut cantilenis quæ in foro, &
 plateis audiente plebe cani solent, celebrarentur, operam dabat: quò
 fiebat ut apud multitudinem ingens de eo fama esset, apud cæteros
 non item, quibus huic virtus vix suprà militem esse videbatur, cæte-
 rum nihil Annæ Mariæ Avaucuriæ Mombasoni uxori quam amabat,
 occultum habuit, atque ita Aulæ pleraque factionum consilia cog-
 nita fuere, quibus ad eò faciliùs occurrit.

b D'Albert
 Duc de Luy-
 ne.
 De l'Hospi-
 tal, Duc de
 Vitry.

Postpaulò Ludovicus Carolus b Albertus Luinæus Caroli Luinæi
 cujus apud Regem Ludovicum XIII. magna fuerat gratia, filius, &
 Franciscus Maria Hospitalius Vitrius Nicolai Equitum dum viveret
 Tribuni filius ad Senatûs Populique partes accessere, quod mirum de
 Luinæo visum, qui pietatem coleret, atque eâ causâ haud ita multus,
 frequensque in Aulâ fuisset. Buillonius de quo suprà memoravimus,
 sese pridem Condæo dederat in clientelam, quem scilicet præcla-
 rum, atque ferocem propediem res novas moliturum arbitrabatur: sed
 eo cessante seu vis boni, seu merces quàm suprà diximus accepta ho-
 minem in officio continebat, ad Senatûs, Populique partes applicave-
 rat sese. Quæ cum adhuc incerta viderentur, Condæus ad Buillonium
 dederat litteras, quibus monebat; *Ut ne hunc Contii fratris, ac Longavil-*
le ab Germanifano discessus falleret, ne se cum his sentire crederet: ubi Rex,
& Regina mater sint, eò sibi manendum, eò rem publicam, in Urbe factionem
esse: hanc propter fugiat, atque ad se veniat, quod utriusque rationes postulent:
id si fecerit, magno ipsi usui futurum, nam quæ ad hunc attineant, ea in quo
maximè velis statui, apud Germanifanum esse. Hæ Condæi litteræ ab Violâ
 in Se-

in Senatu Buillonii voluntate recitatæ sunt, quo fidem hujus ampliùs perspectam haberent Patres.

Secundùm hæc missi ab Aquensi Curiâ Consilarii Senatum ingressi miserabiliter enarravêre casum suum. Primùm uti *Libellorum Classẽ* ipsis obtrudere *Administri* voluerint : dein uti quadraginta quinque Consiliariis, qui Regem quanti ea res hujus Curie interesset edocendum censuerant, interdictum Curia esset : postremò uti propè duplicato Consiliariorum, & Præsidiũ numero hos per vices semestrem operam Curie dare placuerat : cui rei iniquissimæ ubi plures intercessissent, sexdecim cum conjugibus, & liberis in exiliũ actos, jam decimum tertium annum domo abesse : ubi vident denique injuriam hanc pretio redimendam, trecenta nummũ millia sese in ætadium laturos recepisse, quanti ea res publicanis permessa fuerat, quod quidem *Administri* sibi gratum, acceptumque dixerint : sed crescente ex sua facilitate avaritiâ, centum præterea nummũ millia postulasse, quæ cum ipsi quando aliter injuriam avertere nequibant, se daturos essent polliciti, iterum frustrâ fuisse, proditamque ab *Administris* fidem, si qua in ipsis reliqua sit. Postremò se rescivisse Senatũ operâ factum Edictum, atque promulgatum, quo caveatur uti qui Magistratus obire munia sua prohibiti sint, id ut iis nihil posthac obstare queat. In eo sibi præsidium esse arbitrari, & dudum sibi fuisse consilium Patrum implorare fidem, sed usquẽ adhuc cessasse, ab quibusdam deterritos, qui his religionem fore dixerint, quidquam de aliarum Curiarum rebus decernendis : sed nihil eo Patres moveri debere, cujus decretis Aquensis Curia stare constituerit. Molæus omnia quæ in Senatũ potestate essent benignè Aquensibus pollicitus bonæ spei plenos dimisit.

Erat in Urbe Claudius ^a Lotharingus Guisus Caprosus Dux, atque Franciæ Par, surdus, atque jam senex, cui tametsi ab adolescentiâ vires procero in corpore, atque virtus, & animus essent, tamen otium, & voluptatem prima semper habuerat, neque post Ambianum ab Henrico IV. Rege receptum, quò huic præclaram navaverat operam, quidquam fermè attigerat belli : huic uxor est Maria Rohana Mombascona, de cujus foemina ingenio suprà memoravimus. Sed is Caprosus ubi otio carendum videt, si Urbe decedat, pudetque Principem virum, Ducem, & Franciæ Parem, cui in Senatum venire, & sententiam dicere jus sit, eâ tempestate latere, postremò in Senatum venit, atque huic Ordini, Populoque operam suam, aut certè studium, sicuti ceteri pollicitus est, cui Molæus gratias Senatũ verbis egit : nihilò seciùs tamen quod tantoperè amabat otium, id porrò more suo coluit. Ipsi erat negotiorum Curator quidam, ^b Launum appellabant, & numero Judicum qui Prætori Urbano assidere solent, Castelletti Consilarios vocant : is sicuti fermè hi qui Aulæ expertes sunt, cò nosci gestiebat, cujus rei copiam habuit, quæ de Senatũ, atque Urbis rebus opus scito esse Mazarino existimabat, de iis amicos ejus qui ad Urbem erant, certiores faciundo, sicuti posthac memorabimus, neque id Caprosi injussu fecisse fama fuit, qui neque Aulam, neque Senatum sibi infensos vellet.

^a De Lottajne de Guise Duc de Chevreuse.

^b De Laune Conseiller au Châtelet.

1649.

Quaquam Patres Contio, atque aliis viris Principibus, præterea Populo freti, atque Urbe quæ Regni caput est, suas opes quàm maximas esse credebant, tamen optimum factu sunt arbitrati, cæteras sibi Curias, & Urbes in provinciis adjungere, atque eâ gratiâ ad has scribere. Factum id est acerbissimis in Mazarinum litteris, quibus in hunc omnia reipublicæ mala rejiciebant, atque hortabantur, ut hujus restituendæ curam secum suscipere vellent. *Si communi studio, atque conatu anniti vellent, brevi Mazarinum amandatos, quam plurimas ad urbem mitterent copias, aut si minus in præsentia commodum esset, commentus quàm amplissimos subvehi curarent, sese daturos operam ut bis qui adducerent quæstus forent.*

Hujusmodi litteræ ad Curias, & Urbes primarias missæ, dein Belfortius sicuti Franciæ Par in Senatum ab Patribus est admissus, atque jusjurandum de more edidit: præterea Gondio Coadjutori patrum Archiepiscopi voluntate in Senatum veniundi, atque sententiam dicendi potestas facta: idem Mottæo Hodencurio honoris habitum, adscriptumque decreto est, ut intra sex menses ab Rege eâ de re Diploma impetraret, quod prius facere debuerat, nam in Senatum venire, atque sententiam dicere nemini licet, præterquàm Principibus è regia Gente viris, aut quibus id ab Rege Diplomate tributum est, quo tamen nihil opus habet Parisiensis Episcopus, aut Archiepiscopus, nam ubi Pontificatum hunc est ingressus, pro Senatore, aut Consiliario in Curia Parisiensi habetur: sed de Gondio fratris filio, qui designatus modò Archiepiscopus, datusque patruo Adjutor erat, utrùm & id honoris in Senatu rectè, atque ordine tribueretur, meritò ambigebatur, nam si rectè, quid non factum antehac? ut id magis temporum iniquitate, quàm satis jure factum videatur.

Erat in urbe Henrica Caroli Britannicæ Regis uxor, Ludovici amita, quæ Regno pulsâ in Galliam profugerat, sicuti suprâ memoravimus: hæc uti par erat, tam propinqua Regi mulier hujus sumptibus alebatur, omnibus viri, suisque ipsa fortunis spoliata: sed ob inopiam ærarii, rerumque perturbationem, nihil ipsi Aula curaverat, quæ ipsamet eadem de causâ vix agitabat. Sed Henricæ per Regis absentiam Patres subveniêre, seu ex collatis sicuti suprâ diximus ab omnibus Urbis Ordinibus in rem publicam pecuniis, seu ex regis, quas ubi promptum fuerat coegerant, cujus adversum se beneficii Henrica Senatui per Cancellarium suum ad Molæum eâ causâ missum gratias egit. Sed ea res tametsi bona, atque honesta, tamen per ambitionem, ac regio more facta videbatur. De regis pecuniis ubicumque copia esset cogendis autor fuit Senatui Brussellus, omnia acerba, atrocia sentire solitus, sicuti factionis principem decebat. Interea decretæ in singulos qui non alicujus in Urbe collegii essent pecuniarum pro cujusque fortunis collationes fuêre, quæ si res ab Rege edicta fuisset, immane quantum barbarum, ac tumultus fecisset, eandem ab Senatu decretam omnes patienter toleravêre.

Nihildùm aut ab Aula, aut ab Urbe hostiliter factum fuerat, quod quidem incæpère Regii. Medonem Castellum quod Guisii est, Parisini tenebant modico militum, cætera agrestium præsidio, qui eò cum omnibus fortunis confugerant. Haud procul est Clodoaldifanum, quò Regii stativa habuère: inde Condæus quingentos milites eduxit, atque ad Medonem iit. Ubi Castello est appropinquatum, qui mœnia defensabant, ab iis frequentes emissæ sclopetis glandes, ab quarum unâ quispiam in Prætoriâ legione Centurio peremptus est: cecidère item nonnulli alii, quod quidem adedò violenter tulit Condæus, uti Castellum pugnando capere instituerit, atque omnes qui in eo erant extra unum Præfectum cædi vellet. Sed hujus uxor Castello egressa advoluta Condæi genibus pervicit uti deditione factâ incolumes cuncti dimitterentur, præsidium regium Castello impositum.

Ea prima Patribus cura erat, ut ne annona in Urbe deesset, cujus caritate res quândoque propiùs tumultum fuit: nam fatis intelligebant, plebem jejunam nulquàm pacatam, nedùm æquam fore. Eo Ellebovius, Belfortius, Mottæus, omnem dabant operam, uti commeatus ad Urbem tutò supportarentur. *a* Boulaius Marchio in primis vir impiger longiùs quàm commeatus adventabant, cum equitatu procedebat, ut iis esset præsidio, atque eâ causâ sæpiùs levia cum Regiis prælia alia aliis locis facta, minùs quidem secunda Parisinis, tamet si intercè dùm pugnabatur, plerùmque commeatus, saltè pro magna parte ad Urbem deducti, pauci planè interierint.

a Le Marquis de la Boulaye.

Decretum V. I. Id. Jan. fuerat, quoniam Cognitori, atque Aëstoribus regiis Germanifanum ab Senatu missi Regem, atque Reginam adeundi non fuerat copia, uti quid de re publicâ hic Ordo sentiret, Scripto edocerentur, atque id ad eos mitteretur. Meliano Cognitori regio datum negotium, uti Scriptum id ad Regem, & Reginam perferret, cui uti sibi utriusque conveniundi, atque eâ causâ Germanifanum eundi potestas fieret postulanti responsum est, eo loco res esse, ut ab Senatu manente ad Urbem nihil sibi litterarum accipiendum, aut audiendum censerent.

Plenum erat Scriptum convitiarum, & contumeliarum in Mazarinum. *Penes hunc ad Richelii exemplum potentiam omnem regiam, ac rempublicam esse: hunc pacis, ac belli, fortunarum, vitæ, necisque civium arbitrum: quæ ad pacem cum Hispaniæ Rege attineant, ea tantâ arte tractare, ut infestus usque sit: bellum consulo prolatare, uti sumptuum ad exercitus alendos specie immensam porrò pecuniam cogat, ac dissipat. Proditam apud Landrecium, apud Curtracum rempublicam, deductis ab utroque oppido præsidiis, ut hosti obnoxia essent: proditam item apud Neapolim planissimè, quò desertus Guisus, Classis sine pecuniâ, sine commeatu, sine auxilio ullo missa. Quò rempublicam Mazarinus corruptam voluerit, ad infirmos exercitus, infrequentes copias habuisse, præbuisse exigud, aut nullum sumptum, uti milites stipendii inopiâ dilaberentur, atque ita hostibus inservisse: prorsus huic tantum dolum, tantam inesse nequitiam, ut ubi quid agat, aut ubi si cesset perniciosior sit, in incerto habeatur. Proscriptos ab eo*

1649.

Magistratus, in custodiam procul coniectos, nec ab unius morte abesse veneni suspicionem: Belfortium quia modò ab hoc sibi metueret, in carcerem coniecisse: Mostæum judiciis terruisse, ac penè oppressisse. Multa alia sicuti perperam ab Mazarino facta congesta in hoc Scripto fuere, quo & mentio de Regni Procuratione sicuti hanc Senatus haud fermè minùs quàm Ludovicus XIII. Rex Reginae tradidisset, fiebat: si quid denique de Regum successione contra leges, & morem majorum tentatum antea sit, ei rei Senatum omni ope semper obstitisse. Ita Patres nihil tam altum, atque excelsum esse, de quo iudicium quodammodò ferre sibi jus non sit, satis ostentasse visi: hoc Scripto denique Mazarinum quandò Senatùs Decreto non paruisset, sibi dedi postulabant, in quem exempla ederent, ut ne quis demùm Regum potentià abuti vellet. Id Scriptum ut ad Guenegaldum Quatuorvirum perferretur, Senatus operam dedit, quò Rex, atque Regina mater cum ipso Mazarino illud videre, ac legere possent.

Contra Rex quoniam Senatus non paruisset Edicto, quo Urbe decedere, & Montargirium migrare jubebatur, singulis ex Senatu Magistratum posteriori Edicto abrogavit, nisi si qui Germanifanum ad se venirent, neque eo bonorum publicatio, atque alia sicuti in reos Majestatis priori Edicto constitutæ pœnæ minuebantur: præterea quæ postea in Urbe Senatus decreverat, ea antiquabantur, quoniam ab die prioris Edicti Patribus aut conveniundi, aut jus in Urbe dicundi nulla facultas fuerat. Posteriori hoc Edicto quædam de Mazarino magnifica, neque ampliora vero dicebantur. Illius consiliis, atque operâ factum, uti nullus ab hujus Principatùs initio elabatur annus, quin aliquo adversum hostes operæpretio edito insignis esset. Tot victorias, urbium expugnationes, atque alia militaria Imperatorum certè, ac militum virtuti deberi, verum compluria esse, quibus & talia incipiantur, & ubi incæpta sint, prosperè eveniant, quæ omnia ab Mazarini industriâ, curâ, atque studio profecta sint, cætera propiùs adulationem fuere: postremò quod ad id locorum talem virum, tamque de Rege, atque de omni republicâ meritum Senatus hostem judicasset, hunc gravius Rex objurgabat, dein quod arma cepisset, delectum habuisset, vectigalia, tributa, portoria intervertisset, cuncta denique hostilia, atque regio more faceret. Majoribus suis perpetuò curæ fuisse, quoties Parisiensis Curia de republicâ consultare, aut omninò cognoscere ausa esset, toties eam coercere, neque eos fines egredi sinere, qui huic ab Regibus circumscripti sint, gnaris videlicet per ambitionem faciliè inolescere animum humanum, quàmque periculosum foret, si quam huic Curia in omnium rem familiarem, vitamque ipsam, potentiam permisere, eâ in rempublicam sicuti tunc faciat, abuteretur.

De Gastone, atque Condæo multa in Edicto præclara dicebantur, item de sacro, aut Ecclesiastico, atque Equestri Ordinibus, ut ne se ab Togatis anteciri sinerent, quorum audaciam eò evasisse, ut non se utriusque huic Ordini modò, sed & Regibus ipsis anteferant, quos ex sua

Iubidine regnare, neque quidquam nisi suâ voluntate facere æquum censant. Rex denique Parisiensi Populo benè, atque ex animo factum velle, seque ubi primum Senatus abiisset, ad Urbem rediturum significabat, simul ante triduum licere Principibus viris, aliisque qui Senatus, Populique partes sequerentur, sine fraude ab armis discedere, atque Germanifanum ad Regem venire: sin quod pravè incæperint, in eo pertendant, Majestatis reos esse, quos habeant Magistratus, potestates, atque imperia, ea his abrogari, bona publicari. Hæc in Contium, Longavillam, Ellebovium, ejusque filios, Belfortium, Buillonium, Brislacum, Mottæum, Marillacum, Nigromonasterium, Vitrium, Boulaïum aliosque edicebantur. In utroque Edicto non est prætermisum civile quod moveatur bellum Paci cum Hispanis sanciuendæ obstarè, spem videlicet certissimam nactis, quæ cum tanto nostro labore, periculis, atque sumptu sibi crepta fuerint, ea se faciliè recepturos.

Inter hæc autores quidam Mazarino fuere, uti Regni Comitia indicerentur, atque eâ de re data ab Rege litteræ sunt, in sacro, atque Equestri Ordinibus præsidium adversus Togatos fore: dein subiit metus, uti si Ordines Regni unâ forent, ut est nostra Gens novarum rerum cupidissima, plura, ac majora quàm hac tempestate Senatus movere aggredierentur: eò id consilium frustrâ fuit. Ad hoc plebis onera propè intollerabilia erant, quæ res & ad sacrum, & ad Equestrem Ordines pertinebat, nam ob id necesse habebant plebi prædia sua vilius, atque in incertum locare, quia Regi tributum pendere, quàm cuiquam debitum exolvere prius est. Ita quo plures civere res suæ, quàm publica est, eò ne illi magis, quàm huic Comitia stuerent, atque ob tributorum gravitatem iniqua essent, jure metuebatur.

Ægrè erat Parisinis Corbolum ad Sequanam Regis præsidio teneri, quò commeatus secundo flumine ad Urbem advehi prohibebantur. Eò Belfortium, atque Mottæum cupido incessit tentare, utrùm id oppidum recipere copia foret. Equites igitur, peditesque è novis delectibus Urbe eduxère, præterea eos qui ex Parisinis venire secum voluere, quatuor propè millia armatorum fuere, qui agmine Juvesium usquè progressi sunt, ac simul tormenta vehebantur. Sed Belfortius, atque Mottæus mutato de Corbolio oppugnando consilio Urbanos milites postridiè dimisere, atque ad dextram cum copiis Lonjumellum versùs flexere iter, ut eò advenienti commeatui præsidio essent.

Sed quæ conscriptæ fuerant in Urbe copię, eæ ut adversum Regem defenderetur bellum, exiguæ erant, quo fiebat ut omnes circumquaque vicos Regii impunè diriperent. Id apud Reginæ-burgum, atque aliò factum trepidi in Urbem nuntii attulere: tùm fortè Senatus habebatur, censabantque Patres educendum continuò equitatum, & qui talia auderent latrones insolentissimi, eos malè mulcendos: tam prope decernentes inhibuere qui aderant scientes belli, & Patres edocuere, *Quos malè mulcari vellent, eos interea diu nuntii ad Urbem venerint, & ipsi consulunt, certò dilapsos: qui copiarum numero præsent, eos foris po-*

1649. riores: nihil igitur esse, quod in præsentia hos latrones persequi maturent, quoniam id frustra foret, sed magis dandam operam, uti pecunia conscribendo militii curetur, quod ut ad decem hominum millia fiat, census millia nummum opus esse. Mortæus se satis scire ait, quò aliquanta summa inveniri queat, ceterum sibi Regem octuaginta librarum millia debere, quæ exolvere pecuniâ regiâ, quam indicaturus sit ab Senatu postulet. Id quidem faciliè ab Senatu decretum ex Sententiâ, atque hujus indicio ducenta & septuaginta librarum millia apud falsi vectigalium redemptores sub lignorum ingenti strue reperta sunt: eo id à me commemorandum putavi, uti demonstrarem, qui Senatus partes sequebantur, eos non minùs suæ quod in Mazarino criminabantur, quàm reipublicæ studuisse.

a DeValois,
Duc d'Angoulême.

b Godard
Conseiller
au Parlemēt.

Ab eâ regione maximè quæ inter Sequanam, & Matronam posita est, commeatus ad Urbem supportabantur: eo ut hæc maneret in potestate, Parisinis cautio erat, atque ut ne Regii eâ parte excursions facerent, ac prædas agerent: Ellebovius eâ gratiâ Urbe cum copiis egressus apud Gornaium, & Maurifanum pontes resciderat. Sed in eâ regione duodecim ab Urbe passuum millibus Grobosium est, Rus nobile Caroli a Valesii Inculismi, qui eò tùm agitabat turbatum, ac belli civilis expertus, sicuti septuagenario majorem decebat: huic ingenium callidum, ac versipelle, ceterum ubi ætas militiæ patiens, in ea clarus fuit: non erat huic consilium Senatûs partes sequi, sed offensionem apud eum effugere. Eo ad amicum quemdam ex Senatu, is Joannes Jacobus b Godardus fuit, qui & ipse nobile prædium Grobosio vicinum possidet, litteras dederat, quibus se Germanifanum iturum significabat, atque apud Reginam omnem operam daturum, uti cuncta cum bonâ utrimque gratiâ componerentur, quod quidem magnoperè Patres cupere non dubitaret, uti res publica salva foret: præterea ostendere nitebatur quanto hæc in periculo futura esset, si bellum civile diutiùs obstinatis utrimque animis gereretur: hæc litteræ gratæ, acceptæque Senatui, ac præterea Inculismo præsidio fuere adversum quempiam ex hoc Ordine, qui hunc vetasse aiebat, ut ad Urbem è viciniâ suâ commeatus supportarentur, neque id verisimile visum de homine, qui tam æqua de reipublicâ sentiret, sicuti ex ejus litteris palàm erat.

c Le Præsident
Charréon.

Hæc regio Matronam inter, & Sequanam commeatibus ad urbem subvehendis tam opportuna videbatur, ut in Senatu referretur de præsidio quod apud Carentonium erat, longiùs in illam regionem deducendo, atque in hujus præsidii locum sufficiendis apud Carentonium Urbanis militibus: cùm is locus tam propinquus esset urbi, posse his si quid graviùs impendat, faciliè subveniri. Continuo c Carretonius duccendos eò Urbanos milites, locumque tuendum sibi deposcit, non modò tùm apud Senatum, sed & eo dimisso apud Urbis publicas Ædes, uti perinde Populo, ac Senatui studium suum ostentaret, quo tamen neutri utendum censuere, nam rati hujus operam domi, quàm militiæ magis reipublicæ processuram.

Post paulò Gasto, atque Condæus ad Vincennarum Arcem regiarum copiarum partem duxere, tria millia equitum fuere, par numerus peditum, cum minoribus tormentis sex: hos Carentonium oppugnatum ire fama in Urbe vulgaverat, neque fermè quidquam quod alteri inciperent, alteros fallebat, multis ut inter cives hinc inde comitantibus. Igitur milites Carentonium quod satis visum, missi ab Urbe sunt, mille primùm eo fuere, duo millia præterea missa, cui omni præsidio, atque vico Clanlevius præfuit. Secundo Matrona navigantibus Carentonium ad dextram est, haud procul eo quo Sequanam influit loco: porrectus in longum secundum amnem est vicus ab flumine acclivis in latum, superiora occupant horti cincti muris, qui vico promœnibus sunt, pauca munimenta Clanlevius addiderat ex aggere, murosque hortorum per intervalla perfoderat, inferendis ad propugnandum sclopetis: quibus viis ad vicum aditur, iis obduxerat claustra, ut hostem aliquandiu moraretur, confusus ab Urbe quæ in propinquo est, ad futura in tempore subsidia: neque tùm ab Ellebovio, Belfortio, atque Mottæo cessatum: eduxere enim ab Urbe copias è novis delectibus, præterea Urbanorum militum quadraginta millia.

At Gasto, & Condæus id quod futurum erat suspicati, maturè totum hunc qui Pecampiæ valli imminet collem obsederant omnibus copiis, præter equitum peditumque millia duo, qui Carentonium oppugnatum iere. Hi tripartitò vicum aggressi, primùm ab pilis quas hostes tormentis emiserant infestati sunt: ast ubi contrà regia tormenta intonuere, magna muri, atque militum in vico strages edita est. Ita regii pars per strata muri ruinis, alii aliò muros ipsos, dein munitiones in viis obfectas transcendunt: acriter hinc inde pugnatur, vique majore quàm ab milite aut tyrone, aut temerè collecto hostes resistunt. Via una in vico prinaria, eaque ab Parisinà portà ad pontem qui huic ad dextram est, dein ad Sectariorum Templum fert, cætera angustæ, atque ab colle ad amnem declives sunt. Ab omni parte hostes ad pontem compulsi jam pauci erant, compluribus cæsis, captis, fugatisque eò Clanlevius cum octuaginta modò egregiè dimicans cæditur, oblata ab a Valterneusio Centurione de salute suâ si sese dederet, fidem aspernatus. b Clanlevius è Morinorum agro vir nobilis, antehac Gastoni, atque Mariæ matri, ubi ab Rege Ludovico XIII. defecerant, aliquandiu meruerat, dein ipsi Regi, ac denique Regi filio Ludovico XIV. dignus ob virtutem habitus, qui Mardico, dein Dixmudæ, quæ loca hostium fuerant, alterum ad Oceanum Gravelingam inter, & Dunkercam, alterum haud procul, præficeretur, idem Castrorum Præfectus fuit, egregiamque operam Regi, atque reipublicæ dederat, sed animus varius, inquires, in res novas præceps ad defectionem iterum abstraxerat.

a De Vamp
tourneux.
b Le Mar
quis de
Clanleo.

Regiis Carentonium oppugnantibus præerat Ludovicus Gaspar & Colinius Castillionus, qui ubi hostes in vico persequitur, emissâ ab vicina domo glande ictus postridiè mortem obiit: homo erat adoles-

c Coligny
Duc de Chas
tillon.

1649.

cens, qui nihil ab majorum virtute defecerat, sectam modò, & rebellionem quibus clari facti averfatus: pater Equitum Tribunus fuerat, de quo antehac memoravimus, Castillionus filius Condæo in omnibus præliis, urbium expugnationibus, ac in nuperâ denique apud Lentium pugna, & victoriâ comes, atque adjutor fuerat, quo nescio an ad laudem, & gloriam quidquam ampliùs dici possit. Ita Carentonium pugnando captum ab minori quàm qui propugnabat oppugnantium numero, in hostium conspectu, qui tot, tantique sicuti prælium facturi Urbe egressi erant: haud ita visum Ducibus, consilio apud Piquepucium vicum eâ de re habito, Gastonis scilicet, & Condæi, præterea regionum militum qui veterani omnes erant, virtutem, tyrone, aut collectio tametsi tantus numerus erat, milite laceßere veritis. Præter Colinium Castillionum cæsi è regis & a Colinius Salinius Comes ex eadem gente, Centuriones sex, & gregarii milites sexaginta: hostium complures cecidère, dein rescisso super Matronam ponte Condæus Carentonio abiit, nullo eò relicto præsidio, seu locus parùm firmus videbatur, seu suprà obsessis ad Lagnium, & Corbolum amnibus, id parùm utile visum, neque tam multæ erant copię, ut ubique præsidia imponi facile possent.

a Coligny
Comte de
Saligny.

Hujus tumultûs initio quoniam Longavilla qui Normanniam pridem obtinebat provinciam, Senatûs, Populique Parisiensis, partes sicuti diximus, sequebatur, eò mittere Regi, atque Reginae visum Henricum b Lotharingum Harcurium, de quo sæpius memoravimus, qui regis copiis fretus hanc Provinciam in officio, ac fide contineret. Is Rothomagum caput provinciæ petit, cùmque haud procul abesset, Regis litteras ad Rothomagensem Curiam mittit, ventus ut ne mœnibus reciperetur. Rex Rothomagensi Curiaë abrogatam Longavillaë, ac datam Harcurio provinciam significabat: sed Rothomagensis Curia parùm æqua Aulae, atque Administris erat, qui nuper Judicum in hac numerum propè conduplicaverant, ut alternis per menses sex jus dicerent, quod antehac universi continuo dicere soliti erant. Eo regis litteris secus ab Curia responsum, neque Harcurio Urbem ingredi copia fuit. Quas Curia rescripit ad Regem litteras, eæ lenes, & sicuti par erat summissæ fuere, cæterum quod de Harcurio juberet, huic se rei gravibus de causis eâ tempestate supersedendum censuisse aiebat, rogabatque ut id æqui, bonique consulere vellet.

b De Lorrai-
ne Comte
d'Harcur.

Post paulò Longavilla cum c Beuvronio Rothomagum advénit, hos scaphis transvectos Sequanam amnem, è regione Palatii veteris, quod urbi instar est arcis, humilem eâ parte murum scalis transcendisse, atque improvisò d Egtoto Marchioni Beuvronii filio intervenisse aiunt, quem tamen totius hujus rei ipsis conscium fuisse probabilius est, sed ex composito id ita fieri maluisse, qui videlicet e Sanlucio Marchioni avunculo quem Mazarinus ad eum antehac miserat, sese Regi in arce tuendâ fidem servaturum receperat, quo hanc sponte ab se desertam, aut proditam hosti jure dicere nemo possët. Ubi Palatium vetus in po-

c Le Marquis
de Beuvron.

d Le Marquis
d'Egtot.

e Le Mar-
quis de S.
Luc.

testate

testate Longavillæ fuit, ipse, atque Beuvronius qui huic, in Normanniæ legatus est, postridiè in Curiam venere, in qua ille de republicâ dixit pluribus, dein Curia suam, atque amicorum operam antiquandis quæ huic damnosa erant, Edictis pollicitus est. Id verò gratum, acceptumque Curia fuit, atque adedò extemplò decrevit, quæ de augendo Judicium in ea numero, ac per menses sex alternis jure dicundo in actis, aut monimentis suis perscriptum antea fuerat, id neque rectè, neque ordine factum videri, quoniam contra leges Regni edictum fuerit, atque eâ de re Regem edocendum: præterea cautum, ut ne quis delectum habere, aut quidquam rei militaris in provinciâ, Longavillæ qui hanc jure obtineat injussu attingere velit: postremò ut ab omni Normanniâ pecunia regia Rothomagum, & Cadomum, quod & oppidum in Longavillæ potestate erat, advheretur. Hujuscemodi Rothomagensis Curia decreta Lutetiam Parisiorum ad Senatum cum illius litteris ab Mirone Consiliario sunt allata, postulatque ab hoc Ordine uti Rothomagensem Curiam sibi conjunctam vellet.

Primarius Præses in Rothomagensi Curia est Joannes Ludovicus *a* Falco Rifiis, homo Regi fidus, qui triduum modò post adventum Longavillæ apud Rothomagum moratus, ubi eò se nihil Regi, ac rei publicæ proficere posse sentit, Germani-fanum venit: pauci alii Vernonem venere, quò Rex Rothomagensem Curiam Edicto transtulit. *b* Baremius Aquensis Curia Consiliarius de quo supra memoravimus, postulavit & ipse, ut inter hanc, & Senatum Parisiensem conjunctio item, atque societas esset. Mirone, atque Baremio Curia egressis, Senatus consulit. In utràque Curia, Judices semestres neque rectè, neque ordine factos videri decretum, de eâ re Regem edocendum, ac denique cum utràque conjunctionem, & societatem esse placuit, quod quidem Administri Conjunctionem esse dixere.

a De Fautcon de Ris.

b Barême, Conseiller au Parlement d'Aix.

Inter has turbas, ac belli civilis initia Mazarinus haud immemor Gasparem Bracamontem Gusmanum Pennerandæ Comitem, qui tùm Brufellis commorabatur, sibi tantum fanciundæ Galliarum inter, & Hispaniæ Reges pacis studium ostentasse, ut eâ gratiâ se vel in Galliam ipsam, atque Aulam venturum dixisset, & cum eo ipso collocuturum, quid ipsi tùm animi, aut consilii esset periculum facere decrevit: nam eo factiosos se pacis externæ metum injecturum sperabat, quâ sanctità faciliè Regi foret omnibus Regni copiis eos coërcere. Igitur ad Pennerandam mittit, qui certiore faceret, nullam in se moram esse, quin inter ambos de pace ageretur. Penneranda Friquetum quemdam remittit ad Mazarinum, ipse contra Franciscum *c* Cafettam Valtortium è Consilio regio singulari virtute, ac prudentiâ virum, qui homini faciliùs quàm antehac omnia conventura spem faceret, ut hunc in Galliam ad colloquium pertraheret. Sed Hispanis longè alia mens erat, nam quæ per bellum amiserant, ea se faciliè inter discordias nostras, atque arma civilia recepturos, atque alia quibus sua damna præclare sarcirent, capturos confidebant: quo factum est, uti Valtortius ab Pen-

c Cafette de Vautorte.

1649.

nerandâ ita dimissis redierit, ut ne quid reliqui esset, quo Mazarinus se porro de pace cum eo agere posse simularet.

; Crespin.

Sed quæ pax foris fieri nequibat, ea uti domi sanciretur, volentibus omnibus bonis Cognitor, atque Actores regii opcræ sibi dandam existimavere, cujus rei in Senatu ultrò fecere mentionem, de quâ ubi sententiæ rogari coepit. a Crispinus quosdam ab Senatu ad Reginam de pace mittendos esse censuit, *Qui si hanc impetrant, præclarum id Senatui, atque reipublicæ utile futurum: sin Aula pacem abnuat, æquius ab Senatu, Populoque bellum porro aut defensum, aut factum iri.* Continuo obstrepere complures *compositò factum* dictitare, ut eâ de re *Senatus* consuleretur, disturbandis omnium qui rectè de republicâ sentiant consiliis, ac debilitandis de bello acriter defendendo studiis: postremò rem tantam per virorum Principum absentiam agi baud æquum esse. Vicit tùm hæc sententiâ, relque in aliud tempus dilata.

Ubi nuper Patribus Magistratus Rex abrogaverat, simul edixerat, uti tantisper ab Curis Præsidialibus ad Senatum, sicuti antehac provocatio ne esset: item & Rothomagensis Curia Præsidibus, atque Consiliariis quod hæc cum Parisiensi fœdus fecisset, abrogati Magistratus sunt. Inter hæc Administris curæ belli civilis culpam in Curias conferre, plebemque ut ab his dissentiret, atque has in viam redire cogeret, hortari: id si faceret & omnium quæ usquè secus fecisset impunitatem, & ampla alia polliceri: quæ omnia frustra fuere, quia plebi tumultus, & res novæ plerumque cordi sunt, præterea tributorum onus tam grave erat, ut ne civile quidem bellum sibi gravius fore arbitrarctur.

Haud tantum copiarum erat in Urbe, neque hæ tam firmæ videbantur, ut earum virtuti Duces summam rerum credere se posse existimarent: ita dolo magis, atque hostem fallendo rem gerebant, satifque habebant commeatibus, qui ad Urbem supportabantur, præsidio esse. Ab Carentonio nonnullos advenire nuntiatum est, quibus obviam Vitrius iit cum quingentis equitibus, qui in regionum equitum Alam incidere. Secuti Vitrium erant plerique nobiles adolescentes, gloriæ avidi, inter quos Tancredus de quo antehac memoravimus: hic ubi inter primores dinicat, atque hostes urget acrius, ab his cæsus occubuit, atque ita quæ lis hujus causâ Margaritæ Bethuniæ matri cum Margarita Rohanâ filiâ intercedebat planè desit, & hunc Tancredo non ingloriosum tam nobilis fabula exitum habuit.

Sed ab Stampis quod oppidum unius diei itinere ab Urbe abest, com meatus ad eam amplissimus, atque omnis generis rerum advehebatur, cui Belfortius maturè cum equitatu egressus obviam procul ierat. Per Reginæ-burgum, & Antonaci-pontem rectà ab Stampis ad Urbem fert via: sed uti longius ab stativis regionum com meatus deduceretur, ad dextram Belfortius rediens flexit iter, interrupto Antonaci ponte, uti si hostem fallere nequiret, saltcm tantisper moraretur. At ea res Gramontio videlicet speculanti quid hostis ubique ageret, haud occulta

fuit : igitur cum equitibus mille trecentis, & aliquot Italicis, Polonisque peditibus ab stativis progressus apud Cachanum, quoniam apud Antonaci rescissum pontem copia non erat, superato Bievra amniculo in eâ quæ Juvissum inter, & Julitæ-villam est planitie suos instruit, pulsis per Paliavium Clerembaltium Legatum aliquot hostium equitibus, qui editiora loca infederant. Apud Julitæ-villam præsidium hostium fuit, ac propius vicum statio turmarum trium: totidem equitum turmas, ducentosque sclopetarios a Castelnavium Malvicieram cò Gramontius ducere jubet, & quid copiarum in vico esset, quantum tutò fieri posset, cognoscere. Is Calstrorum Præfectus erat, vir fortissimus, qui ubi vico est appropinquatum, hostes pro portâ objecisse claustra conspicatur, quæ oppugnare aggreditur, magis quid hosti animi, aut quid in vico præsidii esset, sicuti jussus erat, exploraturus, quàm paucitati suorum huic expugnando confisus. Sed id ubi satis cognoverat, ad Gramontium properè mittit, qui nuntiet hostes in vico aliquanto numero esse, si tamen hunc expugnatum velit, Polonos pedites properè ad se venire jubeat.

a Le Marquis de Castelnau-Malvicier.

Interea Gramontio nuntiatum pulveris vim magnam, procul conspici, dein hostium equitatum advenire: continuò Castelnavium omisso Julitæ vico ad se redire jubet, b Mommegium verò eâ parte cum peditibus, & equitibus aliquot præsidium agitare, ut ne quid ab tergo sibi indè periculi foret, præterea progredi sensim, ubi sibi subsidio, si res moneret, esse posset, ipse quâ hostes adventabant ire properat. Sed hi ubi primùm regii fuere in conspectu, propius Sequanam inter vites, & declivia, ac propè præcipitia loca fugientibus similes divertere. Gramontius ægrè ferens sibi hostium, aut celeritate in progrediendo, aut fugâ rei bene gerendæ occasionem eripi, aliquot equitum turmas effuso cursu ad illos attinendos ire jubet, interea dum ipse tantum acceleraret iter, quantum sine ordinum perturbatione fieri posset.

b Le Marquis de Mommegium.

Hostes ubi admissis equis venientes regiones vident, eo properantiùs fugere ad Vitrium, quò via ferebat vicum, atque eò statione suorum freti restitère. Præter hanc quæ apud Vitrium erat hostium stationem, eò ab Urbe adveniebant continuò copiarum, magna pars urbanorum militum, qui incompositi ad viginti millia portis egressi omnem compleverant ad Vitrium usquè viam, nam Belfortium, & quæ cum eo erant copiarum, eas ab regiis urgeri fama ad Urbem tulerat, in quâ tanta Belfortii gratia apud multitudinem fuit, ut ni hunc in tuto esse rescitum post paulò foret, omnis ad subveniendum erupisset. Id ubi compertum Gramontio est, receptui canere jubet, ut ne sui cupidius hostem insequendo offenderent. Vitrio tamen pepulère hostem, & pecoris quod deducebat parte potiti ad Gramontium redière, qui cum eâ prædâ, ac præterea equis centum, & quinquaginta, atque aliis jumentis ad stativa reversus est. Apud Vitrium acriter pugnatum, ita ut Belfortius ipse manum cum c Nigroloco viro fortissimo conferere coactus fuerit: nam is ubi cum equitum alâ cui Tribunus erat hostes urget, Belfortius in-

c Noirlieu.

1649.

gens animi in hunc procurrit, atque hominem fortunâ non minus quàm virtute fretus cecidit : casus præterea est è Regiis sclopetariorum Polonorum Vicetribunus : ex hostibus centum & viginti cæsi, capti quadraginta : quidam Nigrum locum ab suis inconsultè, non ab Belfortio cælum fuisse aiunt, sed hunc Regios acriter impugnasse, atque tunc magna virtutis exempla edidisse.

a Le Maréchal de
Grancey.

Haud dissimile prælium post paulò factum haud procul Briâ oppido est. Eò advenerat Nigromonasterius cum aliquanto comœatu, nam eâ modò causâ sæpius pugnatum est. Comœatui præsidio erant turmæ sex, quod ubi a Russello Grancæo Equitum Tribuno qui stativis regiis apud Lagnium præerat, nuntiatum est, continuò quatuor equitum alas, præterea sclopetarios quadringentos, eodem ducit, & quâ Nigromonasterio Carentonium petenti transitus erat, editiori loco confedit. Postridiè pariter cum ortu solis Nigromonasterius oppido excedit, pars equitum præmissa, carri cum reliquo agmine aliquo intervallo sequebantur : qui præcesserant, ii nihil suspicantes in Grancæum, & Regios incidunt, nam rati suos esse, qui ab Urbe obviam processissent, seque capi, ac malè haberi ab amicis querebantur, quos haud longè abesse certiores facti fuerant, ubi ab Briâ moverant : nec morati diù sunt, nam ubi illi pulsi, hi subito fuere in conspectu, undecim videlicet equitum turmæ quas Marfillacus Rupifocaldi filius, & b Mata ducebant.

b Le Comte
de Mata.

Grancæus subito ab sinistrâ sclopetariorum partem loco edito manere jubet, & si qui ab Briâ veniant, eos attingere : ab dextrâ loco item idoneo cæteros collocat sclopetarios, qui sibi si res moneat subsidio sint : dein in Marfillacum, & Matam, atque in eorum procurrit agmen. Primo congressu ducenti hostium equites fusi, hæc una fuit ala, cæteræ quas Regu attigerant, malè habitæ : quæ autem ab equitatu regio intactæ, nam plures hostium, quàm Regiorum fuere, eæ adversum sclopetarios regios, qui Grancæo in subsidiis erant, ière. Sed hi ubi hostes propiores facti, emissis glandibus duodecim ex his equites necavère, quæ res adeò cæteros perculit, ut & eâ parte capessierent fugam : nam interea equites regii reliquos hostes fuderant, fugaverantque. At hos Grancæus haud longiùs passuum duobus millibus sibi persequendos est arbitraturs, ut ne dùm abesset, sclopetarios suos, qui in statione adversus Briam oppidum erant, Nigromonasterius ab equitatu destitutos opprimeret.

Igitur ad eos regreditur, atque hostes instructos pro oppidi mœnibus conspicatur : cum equitibus erant pedites eduæ Briæ præsidio, hos omnes tegebant fossiæ duæ, quos si adoriri Grancæus vellet, iniquo planè loco huic pugnandum erat. Jam intercipiundi comœatûs spes adempta erat, cum esset in tuto apud Briam, neque inde moturus erat Nigromonasterius, quamdiù Grancæus eò loci foret : nulla impedimenta, nihil instrumenti castrensis adduxerat, quo & castra eò habere, aut tendere posset : deerat quoque comœatus, atque alia omnia : præterea moranti periculum erat, ut ne ab Urbe plures Nigromonaste-

rio obviam, & præsidio venirent, quamobrem ad stativa Lagnium rediit. Ex hostibus Marfillacus ipse qui ducēbat agmen, præterea *a* Dyrachii Marchionis filius glandibus ab equitibus regis vulnerati discessere. *b* Brulardus Marchio Sillerius captus ab Regis, præterea ducenti equites, cæsi trecenti, equi quingenti capti, & aliquanta ex caesorum spoliis præda facta. Postea loci Grancæus Villamenonem, & Lezignium Castella duo in eâ regione, Briam ipsam oppidum, atque Arcem sibi ab *c* Burgundione Præfecto postquam tantisper, & in oppido, & in ipsâ arce propugnauerat, dedita recepit: admota fuerant oppidi mœnibus tormenta, & cuniculi subtus acti, rem in oppidis firmissimis fieri solitam.

1649.

a Le Marquis de Duras.*b* Brulard, Marquis de Sillery.*c* Bourguignon.

Sed in dies ob hæc tametsi haud ingentia Regionum facinora annona gravior in Urbe erat, ac propè tumultuabatur plebes, minasque in Mercatorum Præfectum iactabat. Adversum has Aediles duo, Scabinos vocant, Senatus fidem III. Id. Feb. imploratum veniē, plebem indignari aiebant, ex eo quod nudius tertius Belfortius maturè militem urbanum ad se mitti postulasset, qui post meridiem modò fuisset missus, id dolo malo ab Mercatorum Præfecto factum, atque eodem pacto multas opportunitates corrumpi, quò fiat uti major annonæ difficultas sit: isthæc sibi fingere plebem, magis, ac magis tumultuaturam si annonæ crescat inopia, neque fatis tutum quemquam ex Magistratibus urbanis fore.

Hæc, atque alia hujuscemodi multa Patribus molesta erant: quamobrem Petrus *d* Brilliaco Senator id opportunum tempus esse ratus, uti de pace mentionem injiceret, hanc factu facilem esse ait, si paulum modò Patres anniterentur, atque hanc sicuti sese, & Rege dignum esset peterent: id se scire ab iis quibus haberi fides possit: continuo Carretonius hos edere Brilliaco jubet: hic enim verò se negare facturum, ni Senatui ubi de eâ re consultaverit videatur, cæterum palam esse pecuniæ inopiam, plebem collationum tædere, omnia in Senatum casura: non expectandum ubi res in extremo sitæ sint, dum honestè pacem facere copia sit, hanc detrectare haud æquum esse. *e* Carolus Sevinus cum

d De Brillac.*e* S. vin.

Brilliaco se sentire dixit, quos ambos Carretonius gravius objurgat, hanc pacis mentionem quotidie renovari, tametsi ab Senatu toties rejectam: ad hoc alia acerbiora cum adderet, magna inter hunc, & Sevinum est orta contentio: sed hanc rem in crastinum Senatus distulit, de quâ Patres sententiam dicerent.

Postridiè Senatui nuntiatum est, ad B. Honorati Portam adesse ab Rege Fecialem, comitari Tubicines duos, qui postquam cecinerint more, institutoque suo colloquii signum, Fecialem postulasse uti sibi Urbem ingredi liceat, habere ad Contium, Senatum, & Mercatorum Præfectum ab Rege litteras, & mandata: continuo Cognitor, atque Actores regii accersiti, quos Molæus rogat numquid super eo negotio dicendum habeant. Blasius Melianus Cognitor regius rem magnam videri respondet, Fecialem cum regis quæ præferat insignibus neque re-

1649.

a Crespin.
Chevalier.

cipi mœnibus, neque huic si postulet Senatui dari grave esse, ceterum ne quid ex eâ re incommodi Senatui, Populoque eveniat Patribus quæ eorum prudentia sit, providendum, dein templo excessit. Hæc verò tanta res visa, uti de eâ per virorum principum absentiam consultare haud satis æquum Patres censerent, placuit igitur eos vocari: venire Contius, atque Belfortius, dein Senatus consili ceptus. Qui primi sententiam dixere a Crispinus, & Cavalierus, ii Feciali potestatem quam postulabat faciendam censuere, eò Regem cogniturum Patres sibi sicuti par sit obedientes esse. Contrà Brullellus more suo id planè faciendum negat: *Feciales ad Principes, atque alios qui hostes sint, missi solere, non ad viros qui nihil hostile faciant, aut factum velint. Hos arma quidem cepisse, non adversum Regem, neque quò periculum aliis facerent, sed ut ne fame miserimâ omnium morte conficerentur, adversum eos scilicet, qui commeatus ad Urbem advehi prohibeant. Id Regem, Reginamque edocendos, atque ea causa Cognitorem, atque Actores regios Germanifanum mittendos censere: præterea uti quid Senatui velint, id rectius, atque honestius ab ipsissimis, quam ab Feciali Patres intelligant.*

Id satis scitè ab Bruffello cogitatum, dictumque visum. Nam Fecialibus disciplina est dura, atque acerba de quibus fermè ad hostes mittuntur, illiberaliter dicere: quod auditu grave Patribus fuisset, eo cuncti in Bruffelli sententiam discessere: addiderunt modò quidam Regem, atque Reginam singillatim edocendos Majestatis verecundiâ non admissem Fecialem, ut ne Senatui sicuti Principes, aut alii hostes solent, cum Rege æquo jure agere videatur. Secundum hæc Cognitor, atque Actores regii ad protectionem accinguntur, ex quâ futuræ pacis omnes bonos spes tenuit. Neque hæc vana fuit, nam eâ gratiâ modò ad Urbem ire jussus fuerat Fecialis, quia Regem ab his qui ipsi subiecti essent pacem postulare indignum hujus Majestate videbatur, atque adeò placuerat acerbæ qualis Fecialium esse solet orationis specie, ea Senatui, atque Principibus viris, qui ad Urbem erant, insinuare, quibus faciliè ad pacem perveniri posse satis intelligerent. Sed Patres Cognitorem, atque Actores regios Germanifanum mittendo eandem Regi facultatem dedere, imo & honestiorem hujus agendæ rei rationem, quàm quæ ab Administris excogitata fuerat.

b Nogaret,
Chevalier
de la Valcette.

Erat in Urbe b Nogaretus Valetta, qui quoniam è Meliteni Militiâ antehac fuerat, cum Equitem Valettam appellabant, Joannis Ludovici Nogareti Spernonii ex concubinâ filius. Is Germanifano rediens rem haud sese satis dignam incæperat, noctu Scripta aliqua per vicos, & fora disseminando, quæ plebem edocebant quid ageretur, & *Quam pravè viri Principes, Senatusque per illius incommoda, pericula, famem, & perniciem denique, si diutius id patiatur, spes, opeque suas augere studeant, nulla rei publicæ cura, cujus nomen factionibus, partibus, armis civilibus prætendatur: Patres affectare Principatum, & se supra Reges esse velle.* Cum hujuscemodi scriptis, quæ hinc indè spargebat, deprehensus Valetta, comprehensusque est: de quâ re quæstio ab Mercatorum Præfecto haberi

cæpta ad Senatum defertur. Is Quæitores duos è suo ordine instituit, qui ampliùs anquirant, videbanturque reo capitis judicaturi, ni Condæus ad Buillonium litteras dedisset, quibus significabat, *Vitio partium, bellique civilis evenisse, uti Valetta reus apud Senatum ageretur, qui ni excimatur noxæ, quam Regi operam navando contraxerit, aut secus habeatur, quàm iustus hostis haberi soleat, qui ex Urbe, atque ex huius partibus in Regionum manus incident, eos perinde se habiturum.* Eo Patribus visum quæstionem hanc in Valettam omittere, ut ne graviùs in suos, quàm in illum confulerent: quidquid tamen in Valettæ ædibus argenti facti, signative repperit, id in belli sumptus publicatum est.

Idem de argento factò, quod Mazarini erat, ac de omni ejus veste, atque suppellectili, quæ ad Urbem fuit decretum. Sed is contra rem publicam fecisse visus ab Senatu hostis judicatus fuerat: aliorum verò sicuti Almerici, qui harum partium experts ruri agitabat, argentum factum haud rectè publicatum plerique aiebant, præterea alia conquirendæ, ac corradendæ pecuniæ parùm ex Senatùs dignitate, atque gravitate facta: nam eà causâ scrutari abdita, clausa effringere, sepulchrorum sanctitatem violare nihil pensi habitum: nisi si hæc rei publicæ sustentandæ gratiâ, atque alia graviora licent: metuebatur tamen uti collationum denique Populum tædium caperet, quo fiebat uti plerique ad pacem maturè faciendam inclinarent.

Ei rei operam daturus Carolus a Monchalius Tholosatum Archiepiscopus nuper Germani-fanum volentibus omnibus bonis ierat: de quâ ubi nuntii ultrò citròque commecant, Antimus Dionysius b Cohon cuidam ex iis ad Mazarinum dat litteras, is c Diavlitaram in Britannia nostra Episcopus erat, cuius ordinis permulti ad Urbem erant, impediti ne in Diœceses suas abirent, quoniam Administrs favère videbantur, atque ut ne ad horum partes, Regis, aut reipublicæ specie nobilitatem, in provinciis, plebemque perducerent, Senatus metuebat. Quas Cohon ad Mazarinum dederat litteras, iis hunc monebat, *Quæ pax ab Rege leges decernerent, eas Senatum cupidissimè accepturum, id se ab primoribus reservisse, quod Mazarinum haud celatum velint. Se id quidem summo cum gaudio nuntiare, quod majus multo futurum sit, ubi qui ipsi hostes sint, eos ad huius pedes supplices, clementiam, atque animi huius magnitudinem expertos, & utramque prædicantes viderit: imponendum huic forensi hominum generi modum, constituendosque, quos non egredi fas sit fines: eo pacem consiciendam, Regis, atque Annæ Reginae matris huius optimæ, ac supra omnes retro Reginas egregiæ potentiam in integrum restitueudam, ex quo Mazarino gloria ingens, atque Regno sua quies comites. Hæ Cohonis litteræ fortè interceptæ, atque in Senatu recitatæ sunt, in quibus alia de Caproso, de Luinæo, præterea de Ægidio d Butaltio Atturensum Episcopo erant perscripta, quem Cohon propediem Germani-fanum ad Mazarinum iturum aiebat.*

a De Monchal.

b Cohon
cvelque de
Dol.
c Dol.

d Bontaut
Evelque
d'Aire.

His Cohonis litteris clarum erat, hunc, & Butaltium cum Aula congreuere, & Mazarini commodis scribere, quamobrem utrique custodes

1649.

adhibiti sunt, decretumque uti de illius litteris quæstio ab duobus ex Senatu haberetur: hi ad utrumque eâ gratiâ mox iêre. Cohon vir fortis negare liquidò, se usquàm his Quæstitoribus responsurum, aut hos pro Judicibus habiturum. Idem & primò dixit Butaltius, dein postquàm sibi, atque Episcoporum Ordini cautum velle ait, ut ne ea res ipsis fraudi esset, ab Quæstitoribus interrogatus de litteris, de futura suâ ad Germani-fanum protectione, quid facturus eò, dicturusve foret? ecquid cum Cohone, aut cum Mazarino consilii de republicâ haberet? negavit sibi quidquam quod ad hanc attineret negotiû cum iis esse. Sed is Cohon nullâ aliâ re magis, quàm dicendi copiâ in sacris concionibus pollet, cujusmodi homines iis qui rem publicam tractant, magno usui sunt, eo primùm Richelio, dein tunc Mazarino carus: neque decrat ipse sibi, per obsequelam orationis assentando, atque blandiundo rem, & gratiam quærere, quod aut huic, aut cuiquam cur vitio vertam non video: nam benè cum potentibus esse, sine reipublicæ, aut cujusquam damno, ea verò summa prudentia est.

Interea Melianus Cognitor regius, Talonus, atque Bignonus Actores regii Germani-fanum ierant, docuerantque Reginam per Talonum quâ de causâ Fecialem Urbem ingredi, Patres neque Regi, neque sibi convenire censuissent. *Ad Principes, aut qui pro Principibus, aut iusti hostes sint, miti solere Feciales, quorum neutrum Senatus se esse sentiat: sed neminem esse in hoc Ordine, qui non Regi obediens sit, aut esse velit, atque in eo cæteris civibus exemplo esse: cuius rei Patres se fidem facturos existimasse, si quæ se Rex, & Regina vellent, ea sibi eodem quo Principibus, iustisque hostibus modo significanda minime censerent, neque committere voluisse, uti se cum Rege æquo jure egisse fama ferret: postremo quidquid huius factum sit, Patres Reginæ supplicare, ut id æqui bonique consulere, ac sibi vel ex eo quàm sancta regia Majestas sit, existimare velit. Eo se maxime ad Reginam venisse, ut huic Senatûs verbis perpetuam huius Ordinis fidem, atque parendi studium confirmarent, quibus fretos Patres magnam tenere spem, fore uti Regina flecti, atque molliori sinat animum suum, & quid benigne, quàm quid acerbè porrò facere possit, periculum facere malit.*

Ad hæc Regina per Seguierum Cancellarium respondit, Sibi grata esse quæ dicerent, sed gratiora fore ubi facta dictis consensirent, ac tum demum experturos quam habeant de benignitate suâ spem, eam haud vanam esse: neminem se unum non saluum, tutum, & honestum velle, modò ut salva & res publica, & regia Majestas sit. Quanquàm quæ Senatus decreverit ab eâ die quod iudicia exercere prohibitus sit, ea rectè, atque ordine decreta neget, atque in eo sit ab hoc Ordine graviter offensum, non minuitur tamen consilium suum, aut eò minus si quod bonos par sit facere, id faxint, se facilem, benevolamque adversum eos præbituram.

Hæc ubi Cognitor, atque Actores regii Patribus nuntiaturi ad Urbem rediêre, Contius, Belfortius, Brissacus, Mottæus, & Gondius Coadjutor ex composito venêre in Senatum. Ibi Contius, *In Curia vestibulo adeste* ait, qui Leopoldi Austrii litteras ad Senatum adferret, certiorumque

faceret

faceret, ab eo pacem Mazarinum nuper petiisse, quæ bello parata sint, ea uti Philippo reddantur consensisse, uti Senatum bello persequi, & funditus evertere copia sit. Id verò Leopoldum se negasse facturum, neque firmam hanc pacem futuram arbitratum, cujus Mazarinus hostis ab Senatu iudicatus conditiones aut ferret, aut acciperet. Sed cum rem tantam maximè per Regis pueritiam fieri non posse, nisi ex Senatus auctoritate satis sciat, hanc ultro ad eum deferre, atque huius iudicio permittere velle. Ubi Contius loqui desit, Cognitor, atque Actores regii Curiam ingressi quæ apud Germanifanum gesserant, ea Patres edocuerunt, quos Molæus collaudatos vicissim de Leopoldi Legato quid Contius dixerit edocet, de quâ re si quid dicendum habeant, id maturent expromere. Hi Curiam egressi tantisper inter se consultavere, rursùmque ingressi Patribus redegere ad memoriam, Quàm cupide sese de Feciali purgatos apud Reginam voluerint, quod ex sententiâ factum sit, uti non modò se ipsis placatam, sed & benignam, benevolamque ostenderit, quos omnes & salvos, & honestos esse veli. Si ad eam adeatur cuncta videri conventura, atque Urbis, & Senatui omnem rem in tranquillo fore: quæ tanta, & tam propinqua pacis spes ut ne corrumpatur si Senatus operam dederit, optime sibi, & rei publicæ consultuisse videatur: eo Reginam de Legati adventu certiores faciendam arbitrari, oppeririundumque quid ipsa respondeat; dein his Curiam egressis rogantur sententiæ. Septuaginta duo sicuti Cognitor, atque Actores regii autores fuerant, censuere, plures dandum Legato Senatum, atque ubi huius mandata cognoverit, Regem, atque Reginam certiores faciundos: nihil in ea re Senatum offensurum, modò ut de Legati mandatis non consulat: mittendos Germanifanum, qui id Majestatis verecundiâ factum Reginæ ostendant, simulab eâ postulent, uti quæ copiarum circum Urbem sint, eas abduci jubeat, ut ne quid commeatibus impedimento sit: hæc Longavillæ, Rothomagensi, atque Aquensi Curiis per litteras significanda esse, sicuti earum cum Senatu inita societas postulet.

Secundùm hæc Legatus in Senatum est introductus, cui ab Leopoldo litteras reddidit: his modò rogabat, ut huic Patres fidem habere vellent; dein eandem fermè quam priùs Contius habuit orationem: addidit modò, Leopoldum exercitum in finibus habere, cujus operâ Senatus uti possit: fidem dare se hunc nihil plus, minusve quàm Senatus jussit, facturum, neque rei publicæ, aut cujusquam privatorum gravem, aut damnosum fore, nec denique quidquam adversum Regis oppida, provinciarum futurum, aut moliturum, interea dum de pace agatur, sed in finibus si Senatui videbitur, statim habiturum. Id maxime Senatum orare, uti satim hæc ipsi placeant, quàm primùm dicere velit, ut ne quod Leopoldus huius bonoris causâ faciat, id sibi ipsi fraudi, aut damno sit, quod ab Patrum æquitate alienum foret.

Rohana Mombafona Caprosi uxor de quâ sæpiùs memoravimus, Brussellis erat: ab hac a Santibarius homo iniquis, factiosus ad Longavillam missus fuerat, qui huic, atque cæteræ perduellium factioni sicuti antehac Ludovico Borbonio Sueffioni ubi ab Rege Ludovico XIII. defecerat, operam navaret, pronus ad omnia quæ sine fraude,

* Saint Iba.

1649.

a Le Marquis
de Legus

& nequitia fieri nequeunt: vicissim missi remissique Bruffellas ab Factionis alii, inter quos Salvatus, qui in itinere ab regis deprehensus Germanifanum abductus, atque in vincula coniectus est: postremò missus est a Leca, cui magna ingenii solertia est: hujus maximè operâ, atque industriâ hæc præclara Legatio adornata fuerat, quo factiosi Senatum ab consiliis faciundæ cum Aulâ pacis averterent, ingentium auxiliorum ab Hispanis spe oblata, simul publicæ pacis sanciundæ gloriâ, quæ omnia vana, ac conficta fuere.

Sed hic Legatus primùm Leopoldi verbis ab Contio postulaverat, ut huic munitum in sinibus Regni oppidum permetteretur tantisper fidei causâ nihil ipsi suum in Galliam cum copiis ingressum fraudi futurum, quod est mox omissum Leopoldi ipsius voluntate, cui satis superque & utilitatis, & gloriæ futurum erat, Regni fines armato ingredi, & Senatûs, Populique partes fovendo bellum civile alere, quod nobis perniciem, Hispanis omnia bona portendebat.

Quæ Legatus Senatui Leopoldi, ac magis Factionis verbis dixerat, ea scripto dare jussus est. Cum hoc Scripto Molæus, atque unâ Memmius Præfès, & ex singulis classibus Consilarii duo ad Regem, & Reginam matrem post paulò Germanifanum ituri erant. Qui Legato dandum Senatum negaverant, iidem autores erant, uti quod de eo in Senatûs actis perscriptum fuerat, id ad Regem perferretur, ut ne hujus rei memoria, quantum fieri posset, ulla extaret, nam haud satis digna perpetuâ hujus Ordinis in Reges fide ipsis videbatur: contraxerunt alii, qui Administris ægrè facere studebant, præterea qui amplum, atque magnificum Senatui rebantur, ad hunc ab Hispanis Legatum de pace missum, tametsi hominem nihili, præterea dolo malo, ac per nequitiam juxta, ac satyram Legationem hanc institutam probè intelligerent. Tantùm quæ Majestatis imaginem habent, ea hominum animis blandiuntur.

Interea venere ab Rege Diplomata, quibus potestatem faciebat iis quos delegerat Senatus, Germanifanum veniendi: perscripta quidem in Diplomate erant horum nomina, cæterùm neque Magistratuum quos gerebant, neque Senatûs mentio facta: tamen id ab Patribus pacis studio dissimulatum, autore Molæo, qui non nihil esse dixit, quod singulis Patrum nominibus, non erat adscriptum antehac Præfidi, aut antehac Consilario, sed illam esse initam ab Aulâ rationem, uti dubium relinqueret, utrùm Senatum esse, aut non esse sentiret. Hic certè vir magnus, atque eo quem gerit summo in Senatu Magistratu dignissimus est, qui tantâ temperantiâ, atque solertiâ Aulam inter, & Senatum rei publicæ operam dedit, ut utrimque ipsi fides haberetur, quâ fretus Senatum cum Aulâ postremò in gratiam redegit, pacemque inter tam diversas hominum rationes, atque contraria studia, omnium voluntate confecit: ita multis quæ sibi minimè probabantur in Senatu, frustrâ obstandum non est arbitratus, ac quandòque acres dixit sententias, ut ubi opus esset hunc Ordinem in manu haberet. Etiam-

tum ubi de se, atque aliis Germanifanum ad Regem, Reginamque matrem mittendis consultabatur, si sua, Collegarumque protectio nihil ad pacem proficeret, ab quibusvis oblata auxilia haud recusanda esse censuerat, scilicet ut ne plerisque idem sentientibus ipse frustra, ac cum famæ, fideique inani jacturâ dissentiret. Quæ res bellorum civilium conditionem multò maximè miserabilem esse satis, superque ostendit, quæ ne rectè quidem, quod bonum est probos, sanctosque viros dicere, nedùm agere plerumque finit.

Igitur Molæus, Memmius, atque alii ex Senatu Germanifanum idre, atque ibi Reginæ Molæus Senatus verbis dixit, *Pessimè Regno consultum fuisse, ubi Rex clam abductus sit Urbe. Qui Regis amor in populum esse solet, eum immutatum, ac pro hoc odium, atque arma in Urbem parata, & continuè bellum illatum. Adversum id quæ Senatus, Populusque sui modò suendi causâ fecerint, ea quis secus fecisse jure dicat, quando ipsa necessitudine quæ supra non modò leges, sed & Reges sit, excusentur? Sed in eo tanto, tamque atroci negotio Patres nusquam Regiæ Majestatis oblitos accepisse quidem ab Leopoldo litteras, qui has attulerit, ei Senatum dedisse, præterea quæ in mandatis habebat, ea & expromere, & perscribere jussisse: verum nihil ed de re consultasse, quam integram ad Regem rejecerint, uti quid velit, jubeatque Senatum certiores, si ita videatur, faciat. Cæterum nuper Cognitorem, atque Actores regis optimam Senatûs voluntatem, atque parendi studium Reginæ significasse, quod ipse Molæus, atque alii qui ex eo Ordine ad Regem, Reginamque venerint, bonâ fide confirmant, magnamque Patres tenere spem, quoniam omnium vitam, fortunam, dignitatem sese velle in tuto esse Regina dixerit, fore uti quæ copiæ circum Urbem sunt, eas amoveri jubeat: nam si id ipsi de cunctis consilium sit, frustrâ has diutius circum Urbem commorari, quas si Regina abductas velit, neque commeatus ad Urbem probueri, maximam omnium Ordinum erga se, Regemque filium fidem experturam, quam & is ipse, & qui secum ex suo Ordine adsint, perpetuam fore polliceantur.*

Ad hæc Regina pro tempore, atque negotio satis benignè respondit. Rectius Patres facturos fuisse, si qui ab Leopoldo missus fuerat, eum recipi manibus vestissent, neque huic Senatum dedissent, sicuti quidam censuerant. Sed quoniam id mali, sicuti pleraque alia temporum iniquitate contractum sit, id se malle nocentium respiciendâ, atque suâ lenitate, quam aut legum severitate, aut armorum vi corrigi: satis superque malis in re publicâ ab externo bello esse, quò & sibi, & omnibus bonis ab civili abstinentum esse persuasum sit. Cancellarium qui Regis verbis respondere soleat, minis belle habere, atque adeò sese scripto quid velit, jubeatque, eos facturam brevi certiores.

Dein Molæus, & Memmius Gastonem, & Condæum convenère, & cum utroque de Pacis conditionibus collocuti summo flagitaverunt opere, ut ne copiæ regiæ ad Urbem commeatus advchi prohiberent: Sed in eo positam esse rei publicæ salutem Gasto, & Condæus censebant, neque ad pacem Senatum, Populumque adigi posse, quàm inedia metu: quamobrem illud de commeatibus negabant necesse videri, quoniam in Urbe triginta dierum annonam esse satis se scire aie-

bant, interea pacem confici posse, neque æquum esse, uti Rex Urbis quidquam, quo ad pacem faciendam scignior esse possit, indulgeat. Postremo catenus contendere Molæus, & Memmius, ut eorum oratione viri Principes fatigati de comitatibus terræ, atque amne ad Urbem advehendis annuisse viderentur, ubi primum Patres quod Regina juberet, eò quosdam è suo Ordine misissent, quæis agendarum rerum, & belli quibus videretur conditionibus componendi licentiam permitterent.

Post paulò datum iis scripto Regis, ex Reginae matris sententiâ responsum: id quædam acerba, dein alia quæ pacis spem ostentarent continebat. Primum omnium grave fuit, quod Delectis, missisque non ab Senatu, sed ab eo Ordine qui se in Urbe pro Senatu gereret factum, datumque dicebatur, dein quæ cum hostibus ab hominibus pessimis consultæ, atque agitata fuissent commemorabat, nihil tamen hunc Ordinem eâ de re accusando. *Iisdem apud Patres tantam fuisse fidem, ut illorum hortatu ad insolita pleraque, & inaudita post Regis ab Urbe discessum proruperint, incredibili bonorum dolore, atque adeò minus mirum videri Patres iisdem autoribus postremura id regio more fecisse, uti non modo ab externo Principe, sed & ab eodem hoste missum hominem & receperint manibus, & postulantem Senatum dederint, atque hostis mandata cupidissime cognoverint: Vicecessurioni autem Custodum regis corporis, qui ad eos missus antea fuerit, neque Senatum adeundi, neque huic Ordini Regis mandata expromendi factam copiam fuisse.*

Missum nuper ab Rege Fecialem etiam pejùs habitum, qui ne manibus quidem receptus sit. Monstris profectò simile esse, qui ab Rege venerint, eos tam illiberaliter, qui verò ab hoste egregius si diis placet Legatus, eum tam benigne, tam liberaliter habitum. Sed quas hic homo narravit Patribus fabulas? confectas scilicet ab factiosis in urbe: latas nimirum ab Aula Hispanis alias, quam antebac pacis conditiones, ut hac confectâ Senatûs, Populique Parisiensis opprimendi major Regi copia foret, has abnuisse Leopoldum, ac Pennerandam, qui satis sciant pacem quæ injussu Senatûs fieret, infirmam futuram, neque huic Ordini, atque Urbi tam malè consultum voluisse, ut ex utriusque pernecie Hispani suum compararent commodum.

Hæc planè falsa esse, atque ridicula, nam venisse nuper Germanifanum Pennerandæ Scribam, speculatum haud dubiè quid Regi animi, aut consilii in rerum nostrarum perturbatione esset, & si de pristinis conditionibus remittere quidpiam Aula vellet: sed nihil hujusmodi Administris in mentem venisse, quo factum sit, uti Penneranda per literas conquestus sit, remissum sibi Scribam absque ullo de Philippi Regis sui, ac de Caroli quondam Lotharingæ Ducis rebus quod satis placeret, responso: postulare itaque, uti quemadmodum ipse prior misisset, qui Regis de pace sententiam exquireret, ad se vicissim quispiam mitteretur, ex quo id resciscere posset. Ostenit fidei causâ Molæo, atque Memmio ipsius Pennerandæ litteræ, quibus præterea cognovère hunc in Galliam professionem adnassè, spem fortè nactum sibi ad pacem in leges suas conficiendam bellum civile opportunum fore, seu quid aliud consilii habuerit.

Certe professionem impeditam factiosorum operâ, qui Leopoldo uti potius

ad Senatum mitteret, suaserè. Sed cum hic Ordo in eo negotio tantopere egressus officio sit, item ob alia multa, qui ab eo missi ad Regem, & Regnam sint, si profectò haud satis digni videbantur, qui illis in conspectum venirent, ni studium rei publicæ omnia superasset, præterea bonorum qui in Senatu sint, misericordia, quos tot, ac tantorum quæ illis quotidie secus fieri videant, pudeat, pigeatque: postremò igitur Regem, atque Regnam sibi gloriosum ducere, si patrum in filios exemplo, suprà eorum delicta clementiam suam esse ostendat. At si id frustra fecerint, neque eò magis is Ordo in viam redeat, parcatque & Urbem, & Regnum onerare miseriis, quæ non has ipsi acceptas referat, & quæ impendeant domi forisque mala, eorum hunc causam esse neget? Porro Regiæ curæ semper fuisse, atque etiamtum esse pacem foris, sicuti domi facere: hanc cum Ferdinando Imperatore nuper sanctam, utilem quidem, & gloriosam: nam productos Regni fines, duo validissima ad Rhenum oppida, aliquantum ultrà annem agri, optimam cis annem provinciam finibus adjectam, ope nostrâ Socios consimiles, aut majora consecutos: præterea moderationis famam apud Germanos quesitum pleraque alia loca armis occupata restituyendo: cum Hispanis mox & futuram nobis pacem fuisse, ni domi factio, ac bellum civile prohibuissent. Nam quod pacem Hispani permittere Senatui se velle dicerent, quis non dolo malo factum videat? nempe uti Senatus regium id suprà cætera faciundo magis, ac magis offendant: sin sibi Patres Administris æquiores fore censent, magnam profectò huic Ordini injuriam facere. Itaque non illos pacem, sed bellum nobis domi, forisque esse tunc cum maximè studere, quorum alterum ut ne fiat in manu nostrâ sit, alterum si concordēs inter nos erimus, brevè desitutum.

At si quos tanta belli civilis lubido tenet, uti neque patriæ caritas, neque Majestatis verecundia commoveat, neque commoneat ut ab armis discedant, pacem certe quæ domi negabitur, foris querendam videri: neque tamen Regiæ consilium esse, quæ tantis sumptibus, tot civium sanguine, Ludovici viri laborare, atque Victoriis, dein post hujus obitum ipsâ procurante Regnum Ludovici filii auspiciis, Gastonis, & Condæ virtute parta sint, iis sponte, atque ultrò hosti Philippo, tumetsi frater sit, cedere: at quidquid hujus factura sit, ex Comitiourum Regni sententiâ faciendam, quæ nuper indixeris, nam id legitimum Regi pupillo in tanto negotio, quod ad universam rem publicam pertinet, Concilium fore.

Cætèrùm quod Senatum ab Urbe aliò migrare nuper jussit, nihil id cuiquam omnium fraudi futurum fuisse, at factionum infringere vim, convocationem: Classium in Senatu malorum omnium fontem impedire, bonis libere sententiam dicendi facultatem pravorum minis in Urbe scissâ factionibus ereptam reddere voluisse. Deim missum ad Urbem Fecialem, qui fidem daret omnes ex eo Ordine qui ante dies sex ad Regem accederent innoxios, saluos, atque honestos fore. Eamdem tunc ipsis copiam Regem facere, eandem fidem dare. De Leopoldi Legato rectius facturos fuisse, si in eorum sententiam discessissent, qui hunc ad Regem omnino rejiciendum censuere: quod reliquum sit, id corrigendum, neque huic quidquam ab Senatu respondendum, ut hostis intelligat, nihil sibi in hoc Ordine spei, opusque reliquum esse. Quod copias ab Urbe longius abe-

1649.

duci, commeaux liberos esse postulent, hujus rei ipsismet esse facultatem, si ad Regem quamprimum venerint: ita pacem statim domi fore, quam si firmam esse hostis senserit, haud dubium videri, quin & ad banc ipse sese adduci denique facile sinat.

Ubi hæc ab Molæo Senatui renuntiata, recitatumque Regis responsum est, quibusdam injuriosum huic Ordini videbatur, scilicet qui pacem averfabantur, cum ab viris Principibus impulsis, tum suâ ipsi sponte ad belli consilia præcipientes, præterea læti & ab ipsis viris Principibus, & ab plebe coli, sicuti jus, atque Majestas quam nemo lubens dimisit, ad ipsos tantisper sicut in scena recidissent, postremò quos præmiorum quæ rebellionis suæ proposuerant spes eâ pace frustrahatur: iidem Molæi, ac Memmii cum Gastone, & Condæo apud Germanifanum seorsum ab Collegis collocutio minùs probabatur. Aderant in Senatu Contius, Ellebovius, Belfortius, Luinæus, Brissacus, Mottæus, & Gondius pacificationi huic, ni sedulò dissimularent, iniquissimi: sed quoniam multum temporis Legationis renuntiatio ab Molæo facta, & regii responsi recitatio consumpserat, de hoc negotio Senatus tùm consuli non potuit, atque adeò post meridiem est dilatum, neque etiam tùm consultus est, per absentiam Contii, qui uti procrastinaretur rogatum misit. Id eo factum plerique existimavere, uti disturbandæ paci spatium quæreretur, eo reliquum diei prensatos multitudinum duces, qui postridiè in vestibulo Curiae adfuere.

At Patres per Urbem, ac potissimum circum Curiam stationes habere cives armatos jussèrant, uti bonis præsidio forent, neque metus rem impediret. Postridiè Molæus postquam pro se, & Memmio breviter, de colloctione ab utroque cum Gastone, & Condæo habitâ dixerat, docueratque quanto usui futura esset, si quæ agitata inter illos fuissent, ea Patres æqui, bonique consulere vellent, & quàm pravè hæc ab nonnullis reprehenderentur, singulos denique sententiam rogat, si ad colloquium de Pace sicuti Regina jubet eundem? si quibus placebit conditionibus pacem conficiundi potestas danda sit iis, qui eò mittentur, inconsulto postquam profecti fuerint Senatu, an prius de his consulendus videatur? Viri Principes, Ducesque iidem qui pridie aderant, & Gondius verbo assensu, ut ad Colloquium ex Reginæ voluntate veniretur; Belfortius in sententiam addidit, si pax sanciri non posset, rectiùs quàm antehac bellum gerendum, quæ res indicium fuit animi magis ad id, quàm ad pacem inclinantis: quidam dolo malo pacem ab regiis ostentari aiebant, scilicet qui satis scirent complures in eo esse, uti Senatûs sequerentur partes, qui hos ab eo consilio detererent, atque ardorem omnium, qui plurimum in bello valet, infringèrent: alii auctores fuere, uti qui mitterentur, hanc primùm omnium conditionem ferrent, ut ne Rex ab eo quod mense Octobri edixerat, Senatusque VII. Id. Jan. decreverat, usquàm discedere vellet: nonnulli iis quibus conditionibus placeret belli componendi licentiam permittendam negabant, qui tametsi boni, fortisque futuri sint, tamen fa-

cilius ad ea quæ regii voluerint cogi, aut adduci possè singulos, quàm Senatum univèrsū, quem in propinquo consulere magna copia futura sit.

Postremò Senatūs decretum fit, uti quo loco Rex, atque Regina mater jusserint, in colloquium de pace veniatur: qui eò mittentur ab Senatu, iis quibus conditionibus videbitur pacis faciundæ potestas sit: eà de re faciendum certiorē Longavillam, præterea cæteras in Urbe Curias, & eos qui ab Rothomagensi, & Aquisi Curii missi ad Senatum sint: quatuor qui de pace agant mittendos Præsides, è majori Classe Consiliarios duos, ex aliis Classibus singulos, ex duabus libellorum Classibus unum, duos ex singulis in Urbe Curias, postremò Mercatorum Præfectum, aut alium ex Urbanis Magistratibus, ituros præterea duos ex Ducibus, Cognitor, atque Affectores regii ad Regem, & Reginam adirent, nuntiaturi quid Senatus decreverit, & quid velint, jubeantque rescituri, præterea supplicaturi, ut interea loci commatibus ad Urbem, sicuti data fides fuerat, viæ paterent.

Dum hæc ab Patribus geruntur, multitudo in Vestibulo Curia strepere, dictitare se proditam, secreta colloquia Germanifano habita, queis ipsum adfuisse Mazarinum, contrà qui è Patribus plebi studeant, eos quorundam fraude abfuisse, Pacem sese nolle, sed magis uti Germanifanum Regem ad Urbem reduçturi ducantur, ad hoc quosdam ex Senatu onerare maledictis, ac iisdem crudeliter minari. Interea quidam è Præsidentibus seu uti multitudinem leniret, seu fortè Curia egressus, ubi hæc, atque alia hujusmodi audit, vultusque indices animi satis iram significabant, huic sese haud satis rectè permissurum ratus redit in Curiam, cumque hæc Patribus nuntiasset, ubi Senatum dimittere tempus erat, Belfortium, & Gondium eà tempestate multitudini caros præmittunt, dein ipsi subsequuntur, nihil tum seu aliquà morà defævierat furor, seu quid facto opus esset haud satis convenerat, commotà plebe.

Longavillam in Normanniam, quam obtinebat provinciam, profectum supra memoravimus, ut illic belli civilis capefferet partem. Is aliquas coëgerat copias, at non eo numero, quo Harcurii conatus, qui hujus tumultus initio missus eò ab Regina fuerat, prohibere posset, nedum uti Parisinis, sicuti spem fecerat, auxilio veniret. Nam Harcurius primùm Quillebovium cum equitatu solo, quoniam nullos adhuc habebat pedites, pugnando cepit. Oppidum id ab Oceano Rothomagum navigantibus ad dextram est, quò naves aestu delata anchoras jacere necesse habent, ita qui potitur oppido, ejus in potestate navigia, & quæ his vehuntur adverlo Sequanà merces sunt, quo fit uti Rothomagus Urbs magna, atque Lutetia Parisiorum caput Regni huic oppidulo quodammodo obnoxia sint: ea res impulit nonnullos qui gratia apud Reges valere, uti Quillebovio Præsenti esse cupeverint: ab his munitiones interdum additæ mœnibus, dein dirutæ. At eas tunc cum maximè resiciebat Longavilla, Cohortemque unam, &

1649.

equitum turmas duas eò conscribebat: quæ res, simul uti Rothomagus Oceano intercluderet, Harcurio hortamento fuere, ut oppidum consiliis suis tam opportunum oppugnatum iret.

Nulla hujus rei apud hostes erat suspicio, nam sine peditibus quidpiam hujuscemodi incepturum non erat verisimile, præterea longiusculè ab Quillebovio aberat, & quo magis occultaret inceptum, ab Pontellomario altero oppido ad se mitti quosdam ex Magistratibus jusserat, qui fide publicâ venere: hos ubi percunctatus est, num sibi oppidum ingredi copia foret, ita tum respondere, ut qui id ipsi licere quam honestissimâ negarent oratione: dein his agmen sequi jussis, Pontellomarium versùs iter intendit diversissimum ab Quillebovio, nam hoc ad dextram, illud ad sinistram erat. Ubi tria modò passuum millia ab Pontellomario aberat, inopinatò flexit iter, & de tertiâ vigiliâ propiùs Quillebovium advénit. Eò pars equitum omissis equis munia peditum obit, Harcurius oppidum tripartitò aggreditur, hostes haud timidi resistunt, postremò tamen his pulsâ nòstri munitiones transgressi oppido potiuntur: qui huic ab Longavillâ præfectus fuerat

a De Champigny.

b Le Marquis de Bougy.

a Campignius, dum munitiones quæ extrâ oppidum erant pertinaciùs defendit, eo interclusus in Templum propinquum profugit, quò postquam tantisper propugnauerat, *b* Bugii Castrorum Præfecti qui oppugnabat fidem secutus huic denique sese dedit: dein præda omnis equitibus concessa, quam illustravere hujus quæ scribebatur Cohortis vexilla tria, equi instrati, cum sclopetis equestribus, quibus binis de more singuli instructi erant, quadraginta, oppidum, atque ædificia extra muros igni corrupta.

Tum demùm unus ex iis qui ab Pontellomario venerant, atque agmen sequi jussi fuerant, dimissus est hæc suis nuntiatum, quibus adducti continuò eundem ad Harcurium remisere, qui renuntiaret, *Se se imperata facturos, quam ex morâ commeruerint culpam, eam deprecari, postulare uti præsidium, & Præfectum sibi mittat, ac maxime si videatur c Follevillam, ubi velit patere oppidum, rogare uti sibi placatus veniat.* Cuncta facillè impetrata, Harcurius oppidum ingressus ab civibus jusjurandum postulat se in fide mansuros, quod quidem alacres polliciti sanctè præstitere, nam ab Longavillâ per *d* Chamboium mox oppugnati haud segniùs quàm milites qui in præsidio erant mœnia defendere, coactusque re infectâ discedere Chamboius est.

e De Folleville.

d De Chamboi.

Interea pedites cum tormentis, & idoneo comiteatu ad Harcurium missi, quibus fretus nihil sibi cunctandum statuit, atque compertò Longavillam Rothomago egressum munitis naturâ locis sese, copiasque tenere (tria peditum millia, octingentos equites habuit) stativis quæ apud Hagam habebat subitò movet, atque ad hostem ducit. Neoburgum in propinquo Castellum per Carolum *e* Martellum Claram Comitem Castrorum Præfectum capit, & ad Yvillam (infra Rothomagum ad Sequanam locus est) castra ponit. Is opportunus erat prohibendo Longavillæ incepto, cui Pontellomarium recipere consilium erat,

e De Martell Comte de Claire.

erat, quoniam ea res per Chamboium tentata secus cesserat, præterea eodem ab superiori, & inferiori Normanniâ copias opperiri. Sed majus quidpiam Harcurius agitabat animo, neque locum Longavillæ copiarum tenebant iniquitas, aut adeundi difficultas hominem deterrebat, quo minus has oppugnatum ire postridiè vellet.

At de tertiâ vigiliâ Longavilla id quod erat ex copiâ rerum suspicatus, cum equitibus Rotomagum redierat, pedites, atque tormenta quæ ab Bulliam stativa habebant, secundo æstu eodem advehi jussit. Eò Harcurius a Bugium Castrorum Præfectum cum Bambaci equitum alâ properè mittit, si fortè quidam nondum conscenderant naves; sexaginta deprehensi in littore, captique sunt. Id modò belli in Normanniâ gestum, & qui tanta Parisinis auxilia pollicitus fuerat Longavilla, is ægrè modò sese adversus Harcurium tutatus est. Documentò populis sibi ab Rege imprudentes deficiant, parùm sibi in hujusmodi viris Principibus præsidii esse, in plebe verò spes, opesque ipsis sitas, quæ quo magis infamiat, eo majorem hos ut illam deserant, sicuti vulgò faciunt, manere mercedem, cui soli, non plebis commodis serviunt; hæc autem quodcumque accidit & ludibrio, & prædæ est, uti satius sit per pacem vestigalium, ac tributorum gravitatem perferre, quàm per bellum civile Imperatorum, atque militum vim, & avaritiam tolerare.

Interè Medulanum ad Sequanam, haud procul Germani-fano, tormenta advecta vulgatum est, ut Aulæ si qua vis ingrueret, ac singulatum Mazarino esset, quò se in tutum reciperet. Sed post paulò Rex ad b Ramsavium Equitum Tribunum litteras dedit, quibus jubebat hunc ad se venire quam primùm. Is Dunkercæ in Belgio Præfectus erat, vicinamque obtinebat regionem: qui Regem, Reginam matrem, ac Mazarinum operâ suâ, aut consilio egere ratus Germani-fanum ocyùs venit, quò subito in vincula conjectus est, sicuti de tradendâ Dunkercâ, Burburgo, ac Bergâ fani-Vinoci cum Hispanis egisset. Apud Dunkercam Helvetiorum mercede conductorum Legio una erat, cujus Tribunum qui tum fortè in Aulâ fuit, tametsi Regi, atque adeò sibi fidum Mazarinus existimabat, tamen promissis oneratum cum e Paluavio Clerembaltio cliente suo Dunkercam mittit, ut hic illius, ac cæterorum Helvetiorum qui eò præsidium agitabant, operâ urbem haberet in potestate, quod ex sententiâ factum: eodem missus deinde d. Estrada cliens & ipse Mazarini, qui Dunkercæ Præfectus esset.

At ubi Ramsavius in vincula conjectus fuerat, hujus uxor singulari virtute matrona haud cessavit pro viro niti, uti cujus prodicionis infimulabatur, ejus aut reus perageretur, aut hunc extra noxam esse Rex ediceret: alterum erat difficile, nam quo pacto ea res Regi, Reginæ matri, atque Mazarino cognita fuerat, Judiciis demonstrari non poterat, ut ne quâ talia resciscerent, vulgaretur, quod magnopere ad Rempublicam pertinere aiebant: alterum ubi Ramsavius in gravem morbum inciderat denique, ex quo huic vitæ finis adesse intelligebatur, factum ex sententia; cæterum utrum per Ramsavii injuriam cui vir peregrinus, atque advena cive opportunior fuit, Mazarinus Dunkercam habere voluerit,

a Le Marquis de Bou-
67.

b Le Marechal de Ramsau.

c De Clerembault Marquis de Paluau.

d Le Comte d'Estrade.

1649. quò se in tutum si usus veniret, recipere possët, nobis haud satis com-
pertum est.

Per id tempus Abel Servianus Regem per litteras fecit certiorẽ ,
sicuti ab eo, ita & ab Ferdinando Imperatore pacem Monasterii Ve-
salorum inter utrumque antehac Legatorum operã sanctam, ratam ,
firmamque haberi, atque eã de re utriusque Diplomata hinc indẽ tra-
dita, atque accepta. Eò supplicatio apud Germani-fanum decreta, ad-
fuẽre Rex, Regina mater, & qui in Aulã erant Principum Legati,
præter Pontificis Nuntium, cui hanc pacem parũ probari suprà me-
moravimus, propter aliqua in Germaniã Ecclesiastica bona, quæ Pro-
testantibus relicta fuerant. Cæterũ hæc pax in Aulã magnoperẽ ce-
lebrabatur: sed in Urbe Mazarini obtrectatores haud ingens operaz-
pretium esse aiebant, negabantque id cum sponte fecisse, sed coactum
ab Suecis, qui fessi diuturno bello pacem facere voluissent, neque aus-
sum esse Mazarinum qui pacem cum Hispaniã Rege abnuisset, idem
cum Imperatore facere, ut ne utrumque unã hostem haberemus, Sue-
corum simul, & Sociarum Civitatum auxilio destituti, sed satis super-
esse cum Hispanis belli, ut hujus specie rem publicam diriperet. Ita
optimẽ consulta, factaque in pravum malevolorum invidiã trahebantur.
Fuẽre alii, qui ita existimarent, si quã ratione adduci Sueci po-
tuissent, uti bellum continuarent, eam incundam fuisse, atque id gra-
tiã, pretio, aut alio quovis pacto efficiundum: nam pacem nobis cum
Imperatore frustrã futuram, manente cum Hispanis bello, quos omni
ope adjuturus videretur, sed Suecis in eo negotio obsequi necesse fuit.
Quo magis magisque durum videtur, eos in bello Socios habere, quo-
rum arbitratu gerendum, aut desinendum sit.

Sed & domi pacem eã tempestate facere Aulæ, atque Senatui æquẽ
studium fuit. Eò apud Ruellium quò Regina jusserat, ut in colloquium
de pace veniretur, Gasto, Condæus, Mazarinus, Seguierus Cancel-
larius, atque alii ab Aulã: ab Senatu Molæus, Memmius, Nesmondus
Præfides, atque alii; item alii ab Rationum, & Vestigialium Curiis, at-
que ab Urbe missi convenẽre. Primũ omnium de Mazario difficultas
intercessit, abnuentibus Molæo, atque aliis, qui hostis ab Senatu judi-
catus esset, cum eo de re publicã agere. Id Gastoni durum, atque ini-
quum visum, atque eò res redierat, ut hãc infectã, ac ne inceptã qui-
dem utrumque discederetur, postremò tamen hæc inita ratio est, uti
Gasto in uno conclavi cum iis quos Regina Ruellium miserat; qui
ab Urbe venerant, ii in altero conclavi essent: utrumque duo in tertio
conclavi convenirent, & colloquerentur, & quæ ultrò, citròque
dicta forent, ea ad suos referrent: Seguierus Cancellarius, ac Tellicus
ex Aulã, Cogneuxius, & Viola ex Senatu in tertio conclavi collocuti
sunt. Postquã diũ, multumque est altercatum, & quæ conditiones
ab Gastone latæ sunt, eæ satis placuẽre, in eas denique pax convenit,
hæc hujusmodi fuẽre.

Ut nihil demũ hostile utrumque fieret; amne, atque terrã com-
meatus in Urbem undique de more comportarentur; Senatus Germani-

nifanum veniret, atque eo haberetur promulgando hujus pacis Edicto, dein ad Urbem rediret. Quod anni reliquum esset, eò ne frequens Senatus convocatis Classibus haberetur, nisi admittendis in hunc Ordinem de more Consiliariis, aut Mercurialium causâ. Quæ Edicta sint Maio, Julio, atque Octobri mensibus, atque in Senatu promulgata, ea novissimo quod de pace fieret Edicto rata, firmaque esse velle Rex ediceret, præterquàm quod iis de Mutuo statutum sit. Quæ post VII. Id. Jan. Senatus decrevisset, ea pro non decretis haberentur, nisi quæ cum Cognitore regio, aut de iis qui in Urbe tùm fuissent, bonisque eorum decreta facta essent, & de admissionibus Magistratum. Ita antiquabatur de Mazarino hoste judicato, atque abigendo, ac præterea de extraneis ab re omni publicâ amovendis Senatûs decretum. Idem de Edictis regis, Consilii regû decretis, litteris ad Urbem, atque ad alios de hoc tumultu post eandem diem datis censeretur. Quæ hujus tumultûs causâ Regis injussu scriptæ copiæ fuerant, eæ continuò dimitterentur. Rex suas ad Regni fines abduci juberet. Cives ab armis planè discederent, nec ea nisi ubi Rex juberet usquàm sumerent. Leopoldi Legatus qui etiamtùm morabatur ad Urbem, sine responso continuò dimitteretur. Quæ ex uniuscujusque rebus ablata essent, ea si extarent, dominis restituerentur. Bastilia, atque Armaamentarium cum tormentis omnibus, atque omni tormentariâ re item Regi restituerentur. Nihil Senatus, atque aliæ Curiæ obstant, quò minus Regi pecuniam in rei publicæ sumptus duodecimis in annum usuris capere copia sit. Viris Principibus, atque aliis, item Urbibus, oppidis, quæ per hunc tumultum arma cepissent, id ne iis fraudi, vel noxæ esset, modò ut Longavilla antè dies decem, cæteri ante quadriduum hac se Pace frui velle significarent, id ni facerent, neque Urbs, nec ex eâ quisquam ipsis aut consilii, aut auxilii quidquam daret. Rex ubi commodo suo, ac rei publicæ facere posset, ad Urbem rediret. De cognitione vectigalium, tributorum, ac portorum apud Santonas, Cuniacum, & Engeriaci-fanum nuper ademptâ Vectigalium ad Urbem Curiæ, item de Semestribus in Rothomagensi, & Aquis Curis nuper institutis, præterea de libellorum novâ Classe in Aquis Curia cautum uti cuncta hæc abrogarentur. Quid mali damnive ex copiarum circum Urbem commoratione agrestibus eveniret, post earum exautorationem Regem jussurum uti quæretur, & quantâ par esse videbitur vectigalium parte plebem levaturum. Quo loco de pace cum Hispanis agetur, eo aliquem ex Senatu Regem lubentissimum cum cæteris legaturum. Utrumque captivi dimitterentur.

Hæc ubi convenère, iterum in subscribendo de Mazarino difficultas intercessit, utrum cum Gastone, cæterisque ab Regina Ruellium missis nomen suum adscriberet: postremò tamen pervicit Gasto, ut obstare Molæus, atque alii ab Urbe missi desinere. Inter alia Senatûs postulata id singulare fuerat, ut ne cujus peregrini sicuti Senatus anno 1619. 1620. XVII. decreverat, atque Rex Ludovicus XIII. ante-

1649.

hâc edixerat, consilio, aut operâ in re publicâ gerendâ Reges possillâ uterentur, atque de eo rursus Edictum fieret, & in Senatu promulgaretur, nisi si cujuspiam tanta virtus, tantaque in Reges, & in rem publicam merita forent, ut huic rectè permitti posset: quæ profectò ultima clausula Mazarino gloriosa meo quidem judicio fuit, cum in hujus abigendi consilio Molæus, atque alii non pertenderint.

Postulante inter cætera Gastone, uti quod Senatus de Leopoldi Legato decreverat, id antiquaretur, perscriptumque eâ de re Decretum ab hujus actis avelleretur, ut ne qua ejus rei extaret memoria; Molæus, atque alii contra postulavère, uti Patribus liceret huic respondere Regem quempiam ex Senatu eò legaturum quò de pace inter se, atque Hispaniæ Regem ageretur, qui huic omni rei cum Legatis aliis interfuturus esset: nihil offendisse Patres, qui Leopoldi Legato modò audito rem ad Regem rejecerint: sed aliter senserant qui ex hoc Ordine Senatum huic Legato dandum negaverant, & postquam datum fuerat, Senatûs de eâ re Decretum ad Regem ferendum censuerant, ut ne in Senatûs monumentis maneret, sicuti suprâ memoravimus.

Cæterum Gasto quod Gondius, atque Mottæus Equitum Tribunus in Senatum lecti absque regiis Diplomatis fuissent, id corrigendum aiebat: at Molæus de Gondio more majorum ab Senatu factum respondit, qui id honoris Parisiensibus Episcopis habuissent, hunc patruo qui ex Episcopo factus sit primùm Archiepiscopus, Adjutorem datum ab Rege, cujus prærogativam secuti Patres, sibi hunc fas esse in Senatum admittere putaverint: de Mottæo decretum ut ab Rege ante diem Senatûs Decreto dictam Diploma impetraret, quod si Rex huic datum velit, omnem qui in eâ re scrupulus sit, sublatum iri: Gasto satiùs fortasse futurum ait, ut Equitum Tribuni omnes absque Diplomate in Senatum posthâc admittantur: abnuît Molæus, atque id fieri posse absque Diplomate regio negavit, de quo Senatus judicium ferret: sed hæc ultima verba ambitiosè dicta quibusdam visa, sicuti Senatui jus esset, Diplomata regia, aut Edicta abrogare, quod certè hunc Ordinem suprâ ipsium Regem esse ostentaret: nam decernere uti quis ex regio Diplomate in Senatum admittatur, aut aliquâ justâ de causâ non admittatur, non est profectò de regio Diplomate judicium ferre, sed de eo qui Diploma impetravit, ac de quo privilegium Diplomate latum est.

Fuère item alia, quæ ab Molæo dicta fortiter fuisse collegæ censuère, atque ob ea collaudatus ab iis est, nempe ubi Gasto Patribus abrogatos ab Rege Magistratus fuisse dixerat, atque adeò necesse videri, ut ab ipso in integrum restituerentur; Molæus abrogationem hanc infirmam esse responderat, quæ non esset in Senatu promulgata, Regum potentiam Regni legibus circumscriptam, quæ hujusmodi quidpiam absque eâ promulgatione ratum esse vetent. Sed hancine abrogationem Molæus in Senatu promulgandam ex plurium sententiâ sensit? quam cer-

tè nemo adversum se dixisset, an verò satis futurum fuisset uti recitaretur in Senatu? Quæ autem Regni leges sunt, nisi quas ipsi Reges tulere? ab quibus sicubi res publica postulat, discedere, atque has abrogare ipsis æquè jus est, præter hanc unam, quam ab majoribus de Regno successione accepimus.

Profectò magna semper Gallis regii nominis sanctitas fuit, ac porro futura est: sed haud tantam usquam Angli tametsi nobis vicini habuere, qui brevi ab Galliâ dirempti freto tamen ab nobis summo perè moribus diversi sunt. Carolus illis Rex erat, vir placidi, ac clementis ingenii, quod ipsi apud populares fraudi fuit: nulla enim Majestatis reverentia prohibuit, quo minùs hunc summæ ut aiunt conditionis recesserent, atque de eâ re contra jus, falsque constitutâ Quæstione recum agerent, peragerentque, capitis damnarent, ac securi percuterent: de cujus atrocitate sceleris quoniam dici, sicuti dignum est, non potest, prætereundum puto. Sed ea res multum ad Ludovicum qui Henricæ Caroli uxoris frater filius est, exemplum ad omnes Reges attinet, qui cum adversum multitudinem solâ Majestate tuti sint, hæc ubicumque violetur, id eorum periculo fit.

In Urbe ubi de pace percrebuit rumor, nequedum qui missi Ruellium fuerant, ii redierant, viri Principes, & qui eorum sequebantur sectam, eos poenituit non & unâ Ruellium misisse, qui res suas procurassent. Id eâ gratiâ evenerat, quod neque pax ipsis erat cordi, neque tam subito Aulam inter, & Senatum omnia conventura crediderant. Itaque è suo numero quempiam, sicuti res adhuc integra esset, sese Ruellium missuros dixere, *Interea confidere qui eò ab Senatu ierant, iis omnium rationes curæ fore qui sese huic Ordini conjunxerint, ac pro re publicâ sumperint bellum, postulare ab Patribus, ut ab Rege sibi Diploma impetrent, quo tuto quempiam Ruellium mittere sibi copia sit.* Hæc Contius, atque Ellebovius; addidit Mottæus, *Quod de pace in morâ fuerint, id eo evenisse, quod rem tantam ab se cum Longavilla prius communicatam oportuerit, ab quo tum primum acceperint litteras, quibus postulet & ipse Diploma regium cuipiam mittendo, quo de pace agatur.*

Nihilo segniùs tamen viri Principes pacem disturbare conabantur, quod & obnixè faciebat Gondius, suæ inter has turbas de adipièndo Cardinalatu, & de omni re publicâ si Mazarinus pelleretur, gerendâ spei ferviens. Igitur per homines fidos exagitare plebem, suadere hanc proditam, Mazarinum qui hostis ab Senatu judicatus sit, Aulâ, & Regno facessere jussus, non innoxium modò, atque florentem mansurum in illâ, sed & ipsum dixisse leges pacis, atque his unâ cum Gastone, & Condeò subscripsisse: hujus arburatu sicuti antebac, ita porro vivendum, agitandumque, qui plebem per publicanos fortunis omnibus spoliât, Principes viros, Patresque quæ plebis injuriæ curæ sint, perdat funditus, omnium bonis, dignitati, vitæ denique ipsi regia gratia, atque potentia fretus insidietur. Eadem Patribus uti quemque consiliis suis opportunum, aut Mazarino infensum noverat, dictitabat: dein allegavere quempiam multitudinis ducem, qui postridiè in vesti-

1649.

bulo Curiae succinctus gladio cum multitudine perinde armata tumultuaretur.

Igitur ubi Patres Curiam ingressi, Senatusque frequens erat, Ellebovius qui eò cum Contio, Belfortio, Luinæo, Mottæo, & Gondio aderat, Molæum atque alios, qui Ruellio redierant percunctatus est, ecquid de virorum Principum rationibus egissent? Tum Molæus parere se, ut hunc, atque Senatum omnem, quid ab se, collegisque Ruellii actum esset, edoceret, atque adeò jubere, ut id omne, sicuti perscriptum erat, recitaretur; cum ingens Patrum murmur est exortum, negantium Pacem factam esse, neque de eà re ad Senatum referendum, aut omnino recitandas Pacis, quæ nulla sit, leges. *Aulam in eo quod convenerat, annonam scilicet ad Urbem advectum iri, non servasse fidem, quo Senatus censuerit Pacis negotio supersedendum: eo videri neque Molæo, neque collegis hujus sancionde facultatem fuisse: neque fas item fuisse huic subscribere Mazarinum, qui ab Senatu hostis judicatus sit: postremò quæ Pax injussu Principum virorum, Ducumque, qui se Senatus conjunxerint, sancita sit, eam planè nullam esse.* Molæus paulùm sedato tumultu, *Non ex dignitate, aut disciplina hujus Ordinis esse ait, quod nec viderit, nec audierit, id temerè, atque ex vulgi rumore damnare, aut sibi quod Ruellii ex decreto Senatus esset actum, hujus recitandi facultatem eripere.* Iterùm obstrepere Molæo Patres, dein Ellebovius ait *Se se, atque cæteros Principes viros, Duceque Senatus conjunxisse, uti res publica salva foret, cui ipsorum operam usus fore Patres judicaverint, atque adeò se non dubitare, amplissimum Ordinem, quæ ejus prudètia, atque æquitas sit, ipsi cantum, atque consultum velle: quibus paucis verbis est assensus Contias, & quo utriusque oratio magis honesta videretur, Nihil se privatum expetere, & quibus Senatus contentus esset, sese item contentos fore ait.*

Ad hæc Molæus nihil aut Patrum strepitu, aut virorum Principum expostulatione territus *Frustrà hoc queri respondit, qui nullas ab Senatu sejunctas rationes habere se dicant: hinc adeò si per conditiones Pacis factum satis sit, quid ipsis ultra petendum? rogatos tamen ante suum, collegarumque discessum, si quem Ruellium mittere vellent, ita respondisse, uti quibus id facere baud satis placeret, de his tamen, ac singillatim de Buillonio sibi, collegisque curæ fuisse.* At Buillonius continuò se de rebus suis quidquam nisi unà cum Principibus viris, ac Ducibus, qui & cum Senatu conjunxerint actum voluisse negavit: cæterùm si Mazarinus mansurus sit in Aulà, nemini omnium aut tuto, aut honesto esse licere, itaque rogare Patres uti sibi, uxori, filiiisque Diploma ab Rege impetrent, quò aliò migrare sine fraude copia sit.

Mæmmius qui secundus Præses erat, *Mirari se dixit, quæ esset ista confusio, atque perturbatio: quid Molæus dicere velit, id primum audiendum videri, si quid Patres in eo reprehendendum censebunt, adesse omnes qui ex Senatu Ruellium ierint, futurosque in Patrum potestate: ubi Pacis legibus subscripserint, id more majorum ex plurium sententia fecisse, hanc cujuscùmque modi esse videatur, bello civili anteponeere visum, annonæ difficultatem, atque ex ea plebis in-*

commoda, præterea quàm non ex animo belli sumptus, qui majores in dies futuri sint, quiscquam toleret, atque alia graviora ab se, collegisque considerata. Obstrepentibus porrò, atque objurgantibus viris Principibus, neque finem facientibus, postremò Molæus sicuti tanto viro dignum erat respondit.

Interea dum de Pace apud Ruellium agebatur, missi in Belgium qui Hispanos hostes accerferent. Id sibi collegisque regio exprobrasse, a Bretinnum è Coniis familia nobilem deprehensum in itinere, cum literis, quibus Leopoldum, & Carolum Lotharingum hortabatur, uti properarent cum copiis accedere, iis Nigromonasterium cum equitatu obviam, simul qui itineris dux esset, missum, quæ ab viris Principibus, aliisque clàm Patres facta multò magis: suæ quàm præducent cum hoc Ordine conjunctioni obstare, quàm quod Ruellii ab se, collegisque factum sit. Quatriduum Pacis legibus constitutum, quo ipsis Germanis tantum mutere copias, qui de eorum rebus agant, interea inducias esse: postremò compertum de Leopoldi Legato, hunc ab iisdem ipsis alligatum, atque ubi opportunum fuerit post viginti, atque amplius quàm venerat dies Senatus ostentatum, cum his quæ pro lubricis fabricaverint mandatis.

Hæc ab tanto viro dicta graviter, viros Principes, Duceisque obstupescere, scilicet eorum quæ dicebantur sibi concios: Patres verò multum de suâ adversum pacem pertinaciâ remisere. Mottæus tamen ubi de Pace ageretur, si fortè frustra foret, ibi verò bellum acrius posthac gerendum sibi, atque cæteris Ducibus visum ait, neque flagitium fuisse, quando ad id domi opes deessent, eas foris quassuisse. Contra Belfortius, Neque se Hispanos in Galliam venire voluisse, & qui id prohibeat, obviamque ed gratiâ armatus procedat, cum se esse profiteri, nihil se præter rem publicam salvam, ac quietam cupere, cæterum si Mazarinus in Gallia manebit, isthinc facessere sibi certum esse. Molæus qui hominem eâ tempestate &c multitudini, &c plerisque Patrum carum esse probè noscit, nihil id opus esse ait, sed magis operam dandam, uti totò, &c sicuti ad id locorum tali viro dignum sit, ipse maneat.

Inter hæc b Cogneuxius Præses acris, &c præsentis animi vir sententiam dixit, ut in tali tempore salutarem. Nihil in urorum Principum negotio offensum videri, quo tantæ turbæ fiant: quatriduum huic agendo quæsitum esse, posse ad Regem, Reginamque mitti ab Senatu, qui eos doceant ad rem publicam pertinere, uti pax cum omnibus firma, ac rata sit: hos ea gratiâ viris Principibus, Ducibusque patrocinatorum, ut ipsis sicuti cæteris uno, atque eodem Edicto cautum, atque consultum sit. Deinde Bellevræus &c ipse Præses orsus est sententiam dicere, collaudabatque Cogneuxium, cum in vestibulo Curie multitudinis clamor est auditus, flagitantis uti Belfortius veniret ad se. Is egressus hunc tantisper quidem sedavit tumultum, quo post paulò iterum exorto d Novio Præses Curie egreditur, ab quo Rabula quidam præter morem succinctus gladio, atque pugione, cum ad eumdem morem armatâ multitudine Pacis leges ab Mazarino subscriptas postulat uti sibi traderentur, quo nomen ejus ab vindice rerum capitalium, quem adesse aiebat, concremaretur.

Hæc Rabulæ oratione, præterea multitudinis quæ aderat infesto vul-

a De Bretin-
gny.

b Le Presi-
dent le Co-
gneux.

c Le Presi-
dent de Bel-
lievre.

d Le Presi-
dent de No-
vion.

tu, ac truculentis vocibus, nonnihil territus Novio, nec quid iis ex sententia, sicuti necesse videbatur, responderet, satis certus, postremo callidè, atque prudenter *Mazarini subscriptionem baud cremari posse docet, quin & Gastonis, atque Condæi subscriptiones unà crementur, quod certè flagitium ingens foret, neque id ipsis consilium esse satis scire se, sed è Patrum numero quosdam Germanifanum ituros, qui Mazarini subscriptionem tollendam curent.* Ita multitudini tumultuanti per Novionis solertiam factum sentias. Bellevræus post sedatum hunc denuò tumultum in Cognouxii sententiam discessit, quam & rogati quid sentirent viri Principes approbavère. Senatûs Decretum fit, uti qui Ruellium antehac ierant, Germanifanum proficiscantur, de virorum Principum, aliorumque qui eandem secuti partes essent, rebus acturi, eò & viri Principes si videretur mitterent: additum maximè multitudinis quæ tumultuata erat gratiâ, enifusor uti demò Pacis leges perscriberentur, neque his Mazarini subscriberet.

Nihilò minus plebem ad fores Curia, & per vicos porrò tumultuari nuntiatum est, quo Patres incescit metus, uti Curia egredientibus quid injuriæ multitudo faceret, cui sedandæ missi Belfortius, & Gondius ampliora vero renuntiavère, scilicet qui Patres in metu esse, & pacem disturbatam vellent, maximè Gondius quoniam hujus legibus non pellebatur Mazarinus, itaque ut ne solitâ portâ Patres Curia egrederentur magnoperè suadebat. Sed negavit Molæus *Se multitudinem usquàm pertimescere, ubi se timeri sentiat, atrocem, si contemnatur ignavam. Quæ si tantoperè commota sit, neque in nobis animum qui fortes decet animadvertet, continuò aderit infesta ædium nostrarum foribus, quibus nequaquàm satis tecti, ac muniti erimus.* Itaque & consuetæ Senatus gravitas, & animi fortitudo pro muro sint, *vía solita per multitudinem ire certum est, morique potius, quàm committere, uti nostra formidine plebi crescat audacia, atque eo periculum rei publicæ impendeat.* Simul Viatores præire, atque summovère de more turbam jubet, ipse cum cæteris Præsidibus subsequitur. Profectò Regi sua Majestas, & Magistratui dignitas sua præsidio sint oportet, quam virtute, & fortitudine tutari necesse est, nam plebes viribus, & multitudine plus potest. Sed hæc ab viris Principibus, Ducibusque adversum Molæum, quo perterrefacerent hominem, parata fuerant, qui tamen in Aulâ, in Senatu, apud Principes viros, apud plebem denique fortis ad ultimum fuit, neque cessavit usquàm, donec pacem ab se, collegisque fieri cœptam, ratam, firmamque efficeret.

Post paulò allatæ sunt ab Rege ad Senatum litteræ, item ab Gastone, & Condæo, quibus significabant, in pacis negotio non eo hærendum videri, quod nihil hujus legibus de Principum virorum rationibus cautum esset, de quibus mittere Germanifanum possint, qui de his agant, Sed has Ellebovius Senatui permitti ait, quæ videlicet ab Senatûs, Populique rationibus nusquàm diversæ sint, eo quidquid amplissimo Ordini videbitur, id se facturos. Collaudat hunc Molæus, agitque gratias Senatûs verbis, & quæ ad Principes viros, Ducesque attineant, ea huic Ordini curæ futura spondet. *Tedium collationum, & populum, & alios cepisse,*

cepisse, commuatus, & militem inopiam esse, pacis conditiones in cæteris Curiis recitatas satis omnibus placuisse, item Senatui si in eo recitentur placituras, neque se, atque collegas temerè sicuti fiat, accusatum iri, cum se contrà de hoc Ordine, atque de re publicè optimè meritos in pacis negotio esse credant. At Carretonius de quo memoravimus antehàc, in alterà libellorum Classe Præses ab se perlectas pacis leges esse ait, Easque Patribus, & rei publicæ iniquissimas videri: qui sese Senatui conjunxerint, eorum posthabitas rationes fuisse, quod contrà Senatûs sententiam factum sit, qui hanc conjunctionem utrimque studiosè observatam voluerit: cæterum pridè decretum uti qui Ruellium ierant, ii Germanifanum proficiscerentur: nihil obstare Regis, Gastonis, atque Condæ litteras, quo minùs id fiat. Isthæc nihil Molæum deterruere quo minùs singulos ex Patribus ex disciplina sententiam rogaret, ac primum Hieronymum Crispinum, dein Nicolaum Cavalierum: hi censuere recitandas in Senatu pacis leges, & quidquid Ruellii actum esset: Brussellus quæ pridè per tumultum ab Patribus jactata fuerant, eadem in sententiam dixit denuò, negavitque quod actum Ruellii esset, id cuiquam in cæteris Curiis placuisse, quin & documento fuisse nihil arbitrato suo qui cò missi fuerant fecisse, sed coactos, sed invitos. Obturbat dicentem Molæus, pertenditque pacis conditiones usquè adeò cæteris Curiis probatas, ut iis qui Ruellium ierant gratiæ eo nomine ab permultis domi actæ sint: pernegat Brussellus, plures tamen in Crispini, & Cavalieri sententiam discedunt. Quæ pridè in Curia vestibulo aderat armata multitudo, ea & tùm adfuit, sed clausæ fores erant, stationesque bonorum civium ad portas dispositæ, quæ vim malorum arcerent.

Postridè Molæus iis quæ Ruellii acta fuerant recitatis, Cavalierum per Crispini absentiam primum sententiam rogat, qui Reginae supplicandum censuit, uti de pace Ediçtum ad Senatum mitteret, de cujus singulis capitibus Patres consultarent: Brussellus in hesternâ sententiâ manere velle videbatur, postremò tamen ubi videt aliò inclinare omnium animos, saltem Reginae supplicandum censuit, *Ut ne Senatum promulgando pacis Ediçto Germanifanum venire vellet: præterea ut bujus cogendi ubi usus esset porrò copia foret: de Mutuo nihil Rex ediceret, quoniam id bonis sub nomine fædissimi feneratoris genus bonorum offendant animos: quæ ad Principes viros, Ducisque pertinerent, ea cum cæteris de quibus convenerit rebus uno, eodemque Ediçto completti vellet, liceretque omnibus qui se Senatui conjunxissent Germanifanum mittere, qui de rebus suis agerent.* In hanc sententiam Senatûs Decretum fit, atque continuò Molæus, & alii Germanifanum iere: fuere qui ita existimarent Brussellum de consuetâ suâ duritie in sententiâ dicendâ remississe, quod huic de habendâ porrò ab Lovierâ filio Bastiliâ fides data Reginae verbis fuerat.

Tamet si pax incertissima esset, commeatus tamen liberè ad Urbem Regis voluntate advehebantur, neque quisquam publicè prohibebat: at privatim qui oppidis ad Sequanam, Matronamque Præfecti erant, ii compendii sui causâ ab vectoribus exigebant pecunias, induciæ cum viris Principibus, Ducibusque agitabantur. Sed ubi Populus sese inopiâ

1649.

levatum sensit, ibi verò minor pacis cupido, & quò animi ferebat ludo cum viris Principibus, Ducibusque qui hanc abnuebant, facile congruit, atque ita regii nimia se facilitate lapsos sensere. Ab Rege tamen ultrò prorogabantur induciæ, invito propè Contio, qui Leopoldum ab se accersitum propediem cum exercitu Regni fines ingressurum sperabat, neque tum sibi cessandum esse intelligebat.

Interea Regii apud Germanifanum viris Principibus, Ducibusque qui ad Urbem erant, & cavere, & consulere haud recusabant, sed eà lege uti quod in colloquio apud Ruellium convenerat, eo si stare ipsi nollent, hos Senatus defereret; quod quamvis haud iniquum videbatur, eò tamen planè adduci Senatus nequibat. Miles intereà stipendii inopiâ utrimque prædas agebat, & de regis, suisque juxta in Urbe permulti querebantur. Plebes tamen infima excitata scilicet ab iis, quos viri Principes mercede paraverant, bellum quàm pacem malebat, nihil jam de inopiâ, quæ antea premebat, sollicita, cæterum bonos tædebat, pigebatque porro servire plebi, quæ ubi Patrum jussu armata erat, iisdem inconsulta minabatur: nam ubi nuper ad Palatii portas stationes dispositæ, plebes scolopetos in quosdam Patrum, qui unâ veniebant in Curiam, intentare, atque ferociter dicere, si quem ex iis Mazarino favere satis scirent, cum ab se continuò trucidandum: dein ubi Senatus egrediebatur, plerique ab multitudine pulsati, quin & ipsæ per vicos mulierculæ ubi in quemque inciderant, percunctabantur pacem, an bellum decrevissent? Inter hæc Particellus Almerici filius in unâ Inquisitionum Classe Præses ita affectæ multitudini factus obviam, paternâ invidiæ propè mercedem tulit, tractus ab plebeculâ ad amnem, & ægrè ab cliente qui fortè in tabernâ suâ aderat, quâ multitudini hominem deducendi iter fuit, periculo ereptus. Ita Patres ne minimùm quidem Principis Majestatem labefactari possè sentiebant, quin & id ad Magistratum quos constituit auctoritatem, ac dignitatem pertineat.

Per Molæi, atque aliorum Præsidum qui Germanifanum ierant absentiam Nicolaus Potierus Novio Senatum habebat, neque de aliis rebus fermè agebatur, quàm de pecuniarum in militum stipendium collationibus, quas plerique ex Senatu, atque ex cæteris Curis ægrè, atque tardiùs faciebant: seu pacis spe, seu quod nemo lubens de suo in rem publicam sumptum facit. Per id tempus Carolus Lannoüs è regiâ sancti Spiritus militiâ Montrolio ad Oceanum Præfectus obierat mortem, cuius filiam unicam Carolus Lotharingus Harcurius Ellebovii Ducis filius uxorem duxerat, quò factum est, ut hunc & præsidiani, & oppidani in oppidum facillè reciperent, qui huic sicuti socer antehàc Præfectus foret. Id Regis injussu, atque adeò neque rectè, neque ordine fiebat, nam Regis modò est oppidis Regni quos lubet præficere. Ellebovius quoniam filio ex sententiâ evenerat, ut in oppidum reciperetur, de eà re Senatum per Ilabonum minorem filium certior fecit, uti sicuti se, ac filios, ita & Montrolium Patres scirent in hujus Ordinis potestate esse: collaudatus Ellebovius est, atque huic gratiæ ab Senatu

etæ, vitio partium, quarum studio ingentia flagitia pro rectè factis laudantur : nam aliâ tempestate qui oppidum Regis injussu occupasset, in eum Senatus more majorum animadvertendum decrevisset.

Ubi Contio nuntiatus est Leopoldum cum exercitu in finibus Regni esse, ipse, & qui cum eo, & Gondio ex Senatu congruebant, magnam disturbandæ denique pacis spem cepere : cujus rei gratiâ Germanifanum misere a Maurum Comitem Ludovicum Rupechoartium, qui postularet Mazarinum Aulâ, & Regno, quemadmodum Senatus decrevisset, pelli, atque hanc unam, quæ sibi omnium aliarum loco sit, pacis conditionem ferret, tantum in eâ momentum ad rei publicæ salutem esse Contius, Gondius, ac cæteri se credere simulabant. Contius apud Senatum & hanc unâ conditione se contentum esse professus est, scriptumque eâ de re commentarium Senatûs actis uti inferi Patres velent, rogavit, *Neque se, neque alios Duces aliâ causâ arma cepisse, ac se conjunxisse Senatui, ex quâ videlicet huic Ordini, atque Urbi pacem, plebi vectigalium levationem futuram certò sciant. Ubi viderint tantam in pacis negotio adhibitam ab iis qui Ruellium missi fuerant, properantiam, coactos se quidem postulare quædam, quibus sibi quodammodò cautum iri crediderint, sed & se, & omnes bonos frustra sperare quemquam omnium satis tutum, aut honestum, aut rem publicam quietam fore, si penes Mazarinum porro futura sit. Id tamen suum cæterorumque de Mazarino consilium, sicuti quæ ad se attineant omnia, ea Senatûs judicio, arbitrioque permittere.* Patribus hæc Contii oratio magnoperè probata, ac faciliè impetratum, ut in acta Senatûs referretur : decretum præterea uti de hac qui ab Senatu missi Germanifanum fuerant, certiores fierent : addidit Potierus Blammenius eos commonefaciendos hanc eandem esse Patrum, ac virorum Principum sententiam.

a Le Comte de Maure-Rochechouart.

Ita hi nova postulando tempus producere, ut intereâ loci Leopoldus Regni fines ingrederetur. Quorum consiliis uti Molæus anteverteret, certum est hunc antehac cum collegis nonnihil in pacis negotio apud Ruellium propeasse, scilicet execratum civium perfidiam, qui aut fortunarum augendarum, aut dignitatis, ac potentiæ amplificandæ lubidine rem publicam hosti nefariè prodebant. Pudit Contium ipsum Leopoldi adventum nuntiare Patribus, ac rei tam nefariæ invidiam coram sustinere : sed simulans se valetudine impeditum tradidit hanc Gondio provinciam. Is ubi in Senatum venit, *Sibi ab Contio mandatum ait, uti Patres faceret certiores Leopoldum ingressum Regni fines, non bello gerendo, sed quærendæ paci, de quâ si Regiæ placeat ad eum mittere Legatos, imbiturum iter, neque longius progressurum : hæc Leopoldum ad Contium scripsisse, qui tantam opportunitatem baud dimittendam ratus hæc eadem Regiæ nuntianda curaverit : rogare Patres uti quantum ea res ad salutem publicam pertineat, pendere velint, Molæoque, & collegis negotium dent, ut hæc ipsi curæ sit. At si facta Leopoldi cum dictis minimè consenserint, Contium Regi, atque rei publicæ qualem Principem è regiâ gente virum deceat, operam navaturum.*

Tanta res Senatui visa, uti Contio ipso consulto sibi opus esse crederet, qui valetudinem causatus etiam tunc non venit in Senatum : Pa-

tres quod Gondius Contii verbis Senatui significaverat, id in hujus acta referendum censuere, Molæumque, & collegas certiores faciundos, uti Regem, atque Reginam eâ de re monerent, de quâ sicuti in rem publicam videretur ipsa constitueret. Sed quis non judicet pacis cum Hispanis mentionem ostentui fuisse, quo Senatus, Populusque collata cum hoste ab viris Principibus consilia, non uti par erat execrarentur? Neque Regina tametsi hæc vana de pace, & ficta esse satis intelligebat, tamen rejiciunda existimavit: nam aut hostem uti de pace saltem per simulationem agat restitutum, quod in rem publicam foret, aut si progrediretur, palam facturum se non paci faciundæ, sed bello gerendo venisse, ac fortè Senatui, Populoque religionem fore, tam claram, atque apertam virorum Principum prodicionem fovère. Igitur, *pacis mentionem undecumque sibi fieret gratam accidere respondit, & quod convenerit, eâ subitò missuram Legatos, interea Pontificis Numium, ac Venetorum Legatum, qui Pacificatorum inter utrumque Regem dudum partes sustineant, rogaturam, uti de loco, & tempore, quid Leopoldo sententiæ sit, exquirant.*

Nihilo fecius tamen omnia quæ ad bellum defendendum necessaria erant parari, atque adeò præsidia quæ circum Urbem erant deduci, omnesque copias ad hostem versùs duci Regina jubet: eo pacem cum Urbe apud Ruellium factam se credere simulabat, atque eâ gratiâ deducta præsidia, ac commeatum ad Urbem advehendorum facultatem omnibus esse, omnium rerum copiâ delinitam plebem, hanc nuperæ inopiæ antelaturam, neque ex virorum Principum lubricine bellum de integro sumpturam: quod contrà erat, nam deopto inopiæ metu, tursum belli cupida videbatur, in Mazarinum ab viris Principibus exagitata, qui hoc rem publicam gerente nullum vectigalibus modum usquam fore dictabant. Ita Regem, Reginam, atque Administros anceps malum, ab civibus, atque ab hostibus, cum quibus illi congruebant, & utrimque pericula juxta urgebant. Sed adversum hostes armis, adversum cives æquitate sese tueri decrevere, in eo negotio ab Molæo, & collegis, cæterisque qui in Senatu boni, fidelesque manserant, naviter adjuti, nam absque eo fuisset, res publica in summum discrimen adducta erat.

Iterum Contius in Senatu quàm utile Regi, Galliæ, huic Ordini, atque omnibus bonis foret, si Mazarinus Aulâ, ac Regno pelleretur, ostendere conatus, atque adeò Patres hortatus est, uti sibi, cæterisque Ducibus, id ab Rege, atque ab Reginâ flagitantibus, sicuti sua cum Senatu conjunctio monebat, assentirentur, Molæumque, & collegas jubere, ut ne quas de pace conditiones acciperent, quin hæc de pellendo Mazarino prima omnium foret, idem Belfortius, & Ellebovius qui aderant ab Senatu postulavere: dein rogati sententiam Patres, plerique ex Contii voluntate censuere.

Contrà Sevinus *Constantia, atque gravitate Senatûs indignum videri ait, quæ decreta fuerint, ea ex aliorum lubricine mutare. Quæ pacis conditiones in Senatu recitatæ sint, in iis tria modò corrigenda Patres censuisse, nihil autem*

de Mazarino abigendo porro postulandum decrevisse. Standum igitur iis quæ decreta fuerint videri, neque decere amplissimum Ordinem aut virorum Principum voluntate, aut allegatæ multitudinis metu circumagi, & quotidie diversa sentire. Nihilò minùs decretum uti Molæus, atque Collegæ apud Germanifanum unà cum his qui virorum Principum res procurabant, de abigendo Mazarino Reginæ supplicarent, ferrentque hanc constanter pacis conditionem: sed ea constantius ab Gastone, Condæo, Seguiero, atque aliis Administris rejecta est, negantibus eas virorum Principum, aut Senatûs, aut cujusquam omnium partes esse, uti Regibus quorum consilio, judicio, operâ in re publicâ gerendâ utantur, præscribant, finiantve.

Buillonius de quo supra memoravimus Mazarino insensissimus erat, quoniâ per Richeliû tempora Majestatis postulatus tradito Regi Sedano capitis supplicium effugerat, suaseratque Mazarinus, ut id hoc pacto redimeret, quo se hujus hominis fraude circumventum prædicabat. Sed Buillonius suo magis metu, quàm Mazarini industriâ in hanc inciderat fraudem, si aut hæc fraus fuit, uti vitam conservaret Sedanum amittere, aut hæc industria suadere homini, uti se saluum quàm perditum mallet. At postquàm mortis, quæ tùm Buillonio in vincula conjecto certissima erat, formido decesserat, tum demùm poenitebat Sedanum oppidum magnum, atque valens, cum agro vicino amissum, oderatque Mazarinum quo interprete Richelius ut id ipsi primum, dein uxori persuaderet, usus fuerat; quæ cum apud Sedanum esset, posthabito viri periculo id filiis retinere poterat, aut cunctando quid res, aut tempus novi adferrent opperiri. Quædam Buillonio in Sedani æstimationem promissa fuerant, sed aut ea tradere haud satis curæ Mazarino, aut Buillonio haud ita studium fuerat hæc accipere, sed magis Sedani recipiundi perpetuam fovere spem, quâ solâ ad ductus Senatûs, Populique partes sequebatur, bellumque diuturnum exoptabat, ut hujus damni sarcindi spatium, atque opportunitatem haberet: eo ubi in Senatu pacis mentio fiebat, de eâ re Molæum, aut alios dicentes obturbabat. Hujus frater Turcna ab eo usquè dissenferat, Ludovico XIII. Regi primum, dein Ludovico filio fidus, nec iniquus Mazarino: ast ubi recipiundo Sedano, familiæque in integrum restituendæ spes oblata, nutavit hominis fides, atque rei publicæ caritatem, ut ferè fit, privatæ studium vicit.

Is in Germaniâ Regis exercitui Imperator erat, pleræque in eo Germanorum copiæ, pauciores Galli fuere: illos spe prædæ, hos præterea novarum ad quas suapte naturâ proni sunt, rerum studio ad Senatûs, Populique, quorum causam æquissimam esse suadebat, partes abducere conatur. Omnes trans Rhenum erant, qui ubi amnem transire cœperè, Erlacus Brisliaco Præfectus Mazarini monitu misit ad eos, qui hortarentur uti memores sacramenti Imperatorem res novas molientem defererent, ad hæc, quod rei caput erat, addidit pecuniam in stipendium: tantaque vis recti, simul & pecuniæ apud eos fuit, ut om-

1649.

nes relicto Turenâ ad Erlacum transirent, ille cum paucis equitibus in Civitates Socias Belgarum abcessit. Hagam Comitum venire copia non fuit, tametsi id enixè per Scribam eò missum ab Foederatis Ordinibus petiisset, falsa dictitantem ea quæ de Turenâ fama vulgaverat, sed hunc dissimulantem coarguere interceptæ litteræ, quæ ad eum scribebantur, & quibus fiebat certior de his quæ de se sicuti de fautore partium suarum Senatus decreverat. Itaque apud Amersfortium privato cultu, ac sicut in exilio commoratus est, donec pax ab Rege Senatui Populoque, ac Ducibus partium data.

In pacis legibus apud Ruellium fancitæ quædam mutanda, præterea viris Principibus cavendum, consulendumque Senatus censuerat, atque eâ causâ Molæus, & alii Germanifanum ierant, qui de utroque ab Reginâ impetravere. Igitur Contio Campania provincia, quâ ipsi Condæus frater nuper cesserat, planè permissa, ut hanc ipse per sese administraret, quod usquè Condæus fecerat, præterea Damvillarium haud procul Campaniæ finibus in Lucemburgenſi agro eidem permissum, qui huic oppido munitissimo Præfectus esset. Longavillæ Gratiæ-portum postulanti negatum id quidem, cæterum filio post obitum patris Normannia provincia decreta, & ut iisdem oppidis in hac provincia Præfectus esset, atque etiamtùm unâ cum patre hæc obtineret, addita præterea Pons-arcuus, & Pontellomarium in eadem provinciâ oppida opportunis locis posita, alterum ad Sequanam, æquo inter Lutetiam Parisiorum, & Rothomagum spatio, alterum Oceano haud procul. De Montrolio quod Carolus Ellebovii filius Harcurius occupaverat, sicuti supra diximus, nihil mutatum, decretaque huic Picardia provincia, quam post mortem patris, atque interea unâ cum eo obtineret, cæteris Ducibus aut præſenti, aut paulò post curandâ pecuniâ factum satis. Buillonio quod cum eo in Sedani æstimationem convenerat, id factum iri cautum. Ita more hominum evênit, uti qui contrâ rem publicam fecerant, iis præmium esset. Quamobrem quæ Ducibus partium Rex concesserat, ea pacis Ediçto commemorari, aut omninò in Senatu recitari puduit ipsos viros Principes, ut ne eâ causâ sumpsisse bellum vulgus diceret, puduit & Regem quoniam ab invito, nec sine Majestatis jacturâ expressa fuerant: in acta tamen Senatûs secretò relata sunt fidei causâ: cæteræ conditiones pacis Ediçto fancitæ, atque in Senatu recitatæ sunt, decretumque ut in acta referrentur: hæc promulgatio more majorum celeberrima est.

Ita bellum civile desiit, quod summam rei publicæ portendebat perniciem: nam viri Principes, Ducesque partium Leopoldum sicuti supra memoravimus cum Hispanorum, Belgarumque exercitu accesserant, cui agendæ, ac maturandæ rei missus antehac Leca Brussellæ fuerat, & Nigromonasterius hostibus ierat obviam, qui dux itineris foret. Hi per Regni fines ad Axonam usquè pacati venerant, quod uti plebi, bonisque omnibus fucum facerent, inter viros Principes, hostesque convenerat. Sed tamen ea res maximè qui in Senatu boni, fi-

deleſque manſerant, eos permovit uti properarent pacem facere, perdoctos denique per fas, & nefas viros Principes res ſuas conſtabilire velle, neque quidquam iis modò ut id facerent, penſi, aut ſancti eſſe. At hoſtibus poſtquàm è primo agmine quidam Axonam tranſierant amnem, intervenit Arnaldus Corbevilla Præfectus caſtrorum, unà cum iis qui præmiſſi fuerant equitibus: hi acriter hoſtes aggreſſi fugavèr, dein adveniente Pralinopleſſio Equitum Tribuno qui regio omni exercitui Imperator erat, hoſtes planè inhibiti. & mox compertò pacem in Gallià factam, ad Regni, dein ad ſuos ipſi fines regreſſi de Ypris recipiendis conſilium cèpère. Intereà in Urbe gratiæ Deo ſicuti par erat, dein Regi, atque Reginæ matri de pace ab omnibus Ordinibus actæ, magnaque inceſſit lætitia, ubi ſe quotidianis & ſumptibus, & moleſtiis, & periculis levatos ſenſère.

Pace domi factà, ſicut & in Germania conſecta fuerat, ibi verò Mazarinus haud tantoperè de hac cum Hiſpanis ſanciundà ſolicitus videbatur: quas tamen conditiones hiſ Gallici Legati apud Monafterium Veſtſalorum tulerant, ab iis ſi ſatis illis placerent, haud erat diſceſſurus: ſed id fermè conſilii utriſque fuit, ut ne alterutrum pacem abnuere fama ferret. Eo Philippus adhortantibus Pontificis Nuntio Tarſenſi Epifcopo, & Petro Baſadonnà Venetorum Legato uti de hâc porro agi vellet, nihil per ſe ſtare reſpondit, modò ut æquis conditionibus fieri poſſet. Sed ubi mox actum cum Pennerandà eſt, qui cum liberis de eâ re mandatis etiamtùm apud Bruſſellâs erat: is enim verò perſuadere velle nobis, res in Galliâ non eo loco eſſe, quo ubi primum de pace apud Monafterium Veſtſalorum agebatur, atque ad eò omnia de integro, & non eodem modo tractanda: ſpem tamen fecit ſe cum Mazarino, quemadmodum hic ſeſe cupere ſignificaverat, collocuturum in finibus regni: nam eò hunc pertrahere Penneranda operæpretium eſſe ducebat, uti ſi infectâ re diſcederet, in fraudem apud Senatum, Populumque haud ſatis ipſi placatos incideret: ſeu ſi ſecundùm pacis nuperæ conditiones, ei agendæ rei quidam ab Principibus viris, atque ab Senatu aſeſſent, ſibi hos haud iniquos fore ſperabat, neque Mazarinum quæ ipſis placerent, ea abnuere auſurum.

Sed hic Pennerandæ conſilii haud ignarus poſtulavit uti priùs homines fidos invicem mitterent, qui utrum pax brevî inter ambos conſici poſſet, ex utruſque oratione pernoſcerent: nam abſque eo eſſet, neutri convenire, ut inter ſe colloquerentur, ac rei inanis famâ hominum aures implerent. Penneranda tamen uti Mazarinum ſi quâ fieri poſſet ad colloquium alliceret Cameracum venit, quo Lionnus Annæ Reginæ matris Scriba, cliens Mazarini ab eo miſſus eſt, qui periclitaretur, quid illi conſilii, atque animi eſſet: ſed nihil ab ſententiâ diſceſſit, cuncta videlicet de integro eſſe tractanda: quin & eò more gentis evaſit, ut ni Ludovicus quæ ad Luſitanos, & Catalanos pertinerent, ab iis planè diſcederet, Carolo quondam Lotharingiæ Duci hanc redderet, atque Philippo cuncta per bellum occupata, nihil eſſe quod de pace tùm ageretur.

1649.

Lionnus dicere contrā : Nihil Galliam de pristina potentia per bellum civile perdidisse, easdem huic opes, quam antehac esse, quibus bellum cum Philippo porro gerere possit, neque nobis eandem desore fortunam. Pacem tamen Ludovicum malle, si hæc satis Philippo placeat, iisdem quas apud Monasterium Vestfalorum Legati Gallici tulerint, conditionibus, de quibus sicuti primum, ita etiamtum agendum sit, ut ad utriusque sententiam quoad fieri poterit, accommodentur. Ed Fabium Chigium Pontificis Nuntium, & Ludovicum Comitarinum Venetorum Legatum qui antehac Pacificatorum partes egerint, porro ei rei operam lubentes daturus. Abnuvit Penneranda, dixitque prius opus esse, uti Regis sui sententiam exquireret. Ita Lionnus dimissus, ac Penneranda, ut omnem & nobis, & Pacificatoribus spem pacis præcideret, eos quid esset cum Lionno locutus certiores fecit, rogavitque, ut ab Ludovico Diploma impetrarent, quo sibi in Hispaniam redeunti per Galliarum fines transeundi copia fieret. Ita tum de pace Ludovicum inter, & Philippum conclamatum est, Hispanis ob quidpiam in Italiâ prosperè hoc anno gestum cætera eo modo sibi porro cessura falsò sperantibus.

Inter hæc Abel Servianus de quo sæpiùs memoravimus, Monasterio Vestfalorum rediit, incertum factâ cum Germanis pace Aulae acceptior, an hæc cum Hispanis sicuti fama erat, detrectatâ odiosior plebi, quam diuturni cum finitimo hoste belli tametsi feliciter usque gesti magnoperè tædebat. Tum Melleraius summam Quæstum Regni abdicavit, quam Serviano mandatum iri plerique sunt arbitrati, quoniam Mazarino fidus, recensque ejus in rem publicam meritum erat: sed hanc Particello Almerico reddere Mazarinus decreverat, quod tamen ob magnam in illum Senatûs, Populique invidiam tantisper dilatum, atque intereâ in Haligrium, & Barillonum Morangium, Tuboviumque regis rei cura recidit.

† Italigre,
Barillon de
Morangis,
Thubœuf.

Anno superiore Franciscum Atestinum Mutinæ in Italia Ducem Cremonam Gallis fretum oppugnasse diximus, atque id ipsi secus evenisse, non nostrorum, sed ipsiusmet culpâ, qui imparibus copiis tantam rem vanâ deditionis spe inceperat. Sed mense Februario hujus anni Caracena quem Mediolanensem Agrum obtinere diximus, ubi bellum civile in Galliâ esse resciverat, spem nactus pellendi denique hostis finibus, ac fortasè quid amplius operæpretii adversum Atestinum faciundi, copias ex hybernis educit, ac per Serram Marchionem Castrorum Præfectum Generalem Casalium majus, Viadanam, atque alia in quibus Gallorum, & Mutinensium haud procul Pado in Cremonensi Agro præsidia fuere loca recipit, dein Pompanescum in finibus agri Mantuani, quem locum Galli quadringenti hybernis muniverant.

Intereâ Atestinus Gualtierum ex adverso Pompanesci venerat, intercedebat Padus æquo propè ab utroque spatio, quatuor eò adduxerat peditum millia, cum paucis equitibus: sed hæc copię finibus modò præsidio fuere, nam eò Rhegienfis ager qui Atestini est, ad Padum pertinet, qui Cremonensem, & Mantuanum ab eo dividit, Castellis

tellis præterea aliis ultrà Padum hostes potiti. At postquam ipse adven-
nerat Caracena, amnem hostes transière, Brixellum oppidum satis fir-
mum tentavit modò, dein ad Gualtierum flexit iter, quod faciliè occu-
pavit. Patebat tum Rhegiensis ager hosti, quo faciliùs Atestinus ad-
ductus est, uti cum Hispanis pacem faceret: factum id Ranuccii Far-
nescii Parmæ, & Placentiæ Ducis qui ipsi affinis est operâ, & quasi ipsi
tulere conditiones, eas lubens accepit, in angustiis tum rebus suis, ac
longinquâ ex Galliâ, ac propè nullâ ob civile bellum auxiliorum spe.
Pacis legibus cautum erat, uti Reginaldus Atestinus Cardinalis Fran-
cisci frater, qui Galliæ negotiorum Romæ Patrocinium habebat, id
deponeret, quod ipse omninò negavit se facturum, adversùs Hispano-
rum minas, precesque juxtâ invictus animi. Sed hæc Atestini coacta
certè defectio prima nobis civilis bellî foris merces fuit, quam alia
longè damnosiora sunt consecuta, nam quæ domi sancita pax fuerat,
ea haud diù stetit.

Leopoldum suprà ab Axonâ amne ad Regni, dein ad Belgii fines
deduximus, quò Ypras oppugnare denique decrevit, priùs quàm Gal-
lorum animi ab partium studiis ad reipublicæ curam satis essent con-
versi, neque fessellit ad prohibendum inceptum nondum satis con-
cordiæ nobis, aut copiarum esse. Igitur suas finibus nostris egressâs
Ypras duci jubet: illis præerat Sfondratus, præmissi equites haud pro-
cul urbe stationes habuere, dein hanc pedites quinis castris circumfœ-
dere. Qui Urbi per Paliaviû Præfecti absentiam Propræfectus erat,
Beljocus complures oppidanos sibi parùm fidos ratus statim dimittit.
Dies undecim hostes seu muniundis castris operam dabant, seu segniùs
primùm oppugnabant urbem, nihil ne adversùs eas quidem quæ for-
is erant munitiones operæpretii fecere, 1 x. denique Calend. Maias
fossâ ex urbem versùs ducere cœpère, neque intereâ nostri cessâve-
re: nam eruptionibus crebris morari hostes, partim cedere, alios sau-
ciare, nihil ipsis tutum, aut quietum pati, procul, juxtâque sitos ma-
nu, scelopetis, tormentis petere.

Le Marquis
de Beaujeu.

Neque id unum Leopoldus incœpit, sed & per Fuenfaldanum Ven-
nantii-sanum ad Legiam amnem oppidulum, neque opere, neque præ-
sidio satis firmum oppugnavit, quod quinto denique die ab Præfecto
deditum est, dein Fuenfaldanius ad castra circùm Ypras venit. Lamboius
intereâ ad Mosam cum Germanorum copiis, Carolus Lotharingus
Oceanum versùs, Leopoldus apud Comenam ad Legiam haud pro-
cul Ypris erant, insenti omnes, ut ne quâ nostri in Belgium irrum-
perent. Apud Ypras hostes cuncta expugnandis quæ foris erant mu-
nitionibus parabant sedulò: contrà rei conturbandæ nostri ab Urbe
pergebant crebrò erumpere, ultrò, citròque cædes, sed multò plures
hostium siebant: postremò Leopoldus ab Fuenfaldanio certior factus
eo loco rem esse, ut in munitiones quæ extrâ mœnia erant, evadere
copia esset, ipse in castra venit: 1 v. Non. Maias, dato tormenti strepitu
signo hostes in eas munitiones evasere, dein noctu exteriori fossæ la-

1649.

bro potiti sunt, postridiè nostri id labrum recepère, dein & eo, & omnibus extrà murum munitionibus, præterquàm ab semilunà ante Busingenam portam, pulsi sunt.

Postremò Beljocus qui per Palüavii Præfecti absentiam præerat urbi, vir fortis, qui multa, ac præclara propugnando facinora fecerat, sibi conficius satis, superque ad rem publicam, & ad gloriam, hostium vim sustinuisse, quæ amplius faceret, ea sibi modò, suisque perniciem allatura, ad deditionem adjecit animum. Hujus leges honorificæ ab Leopoldo dictæ, sicut & hominis, & præsidii virtute dignum erat. Mille sexcenti urbe egressi, ornati militariter, cum duobus tornaentis, Furnas agmine ière: datum de more ab Leopoldo præsidium, quod ab injuriâ discedentes prohiberet, præterea jumenta, carrique vehendis tormentis, impedimentis, faucibus, agrisque: nongenti è nostris, ex hostibus millia propè sex desiderati, neque tamen viginti sex amplius dies Yprarum oppugnatio duraverat, sed acriter utrimque gesta res: cæteræ Leopoldi copię reficiendi sui causâ, quoniam tot nostrorum eruptionibus pessimè habitæ ad reliqua belli per hæc æstiva parùm idoneæ videbantur, sub testis per vicos Ypris vicinos agitavère.

a La Somme.

Rex, atque Regina mater dum Ypræ oppugnabantur, Compendium ad Esiam amnem processerant, cocebaturque apud Peronam exercitus, quod oppidum procul ab mari ad a Phrudim amnem est: alter & exercitus haud procul Dunkercâ cocebatur, qui huic oppido, atque aliis ad Oceanum per hæc bella ab Rege occupatis præsidio esset. Armamentario regio apud Urbem magna instrumenti bellici copia evehebatur, navigiis quæ ad portus Sequanæ stabant imponenda, ut ad exercitus deduceretur: ea res plebem nondum satis tranquillam commovit, ut hæc sicuti adversum se parata avehi prohiberet: sed hanc decreto coërcuit Senatus, simul de famosis libellis, ut ne ab quoquam fierent, aut vulgarentur, severè cautum, nam in Urbe malefaciendi quodammodo, nondum maledicendi finem fecerant.

Itaque nihil in Aulâ tam arduum, quò non hujus rei licentia per bellum civile impunè cœpta adscenderet, quotidie novi quidpiam hujuscemodi in vulgus edebatur, quæ res plebem mirificè delectabat, atque adeò qui talia per Urbem venalia circumferebant, ii ubi prehendi cœpti, duoque ad supplicium trahebantur, ibi multitudo cogi, fremere, indignari, postremò è lictorum manibus eripere noxios, neque quidquam pensî amplius, aut sancti habere, uti cunctis qui multitudinis implorarent fidem omnia impunè futura viderentur, donec novissimi tumultus memoria mentibus paulatim decessit, ac tum demùm plebes in Magistratuum potestate fuit.

Exercitum cui Turena antehac præerat ab Erlaco Brissiaci Præfecto retentum in fide suprà memoravimus, quem ipse in Galliam adducere jussus est. Germanis equitibus, peditibusque conflatus erat, qui ab finibus suis abduci se ægrè ferebant: eo primum duæ equitum alæ secessère, quæ Erlaci ipsius erant, per Alsatiam, & vicina loca copio-

se, atque liberaliter haberi solitæ, quo asperiores quæ futuræ videbantur, militiam abnuebant, stipendiumque procaciter flagitabant, quod fraudatum ab ducibus, averasque domum per hyberna collationes querebantur: dein ubi pecunia in stipendium deerat, dilaceratis fœdè vexillis, in vicinos Helvetiorum fines dilapsi, nusquam uti redirent adduci quivere; cæteri inopiâ stipendii quacumque iter erat populari omnia, haud secus ac si in hostico essent agere, nova, atque inaudita crudelitatis exempla edere, quarum rerum famâ Senatus permotus decrevit uti significatione per vicos Campanæ pulsu, ut in tumultu solet, factâ, cuncti Germanos sicuti latrones invaderent, cederentque, quod rectè, atque ordine factum fuerit, necne, aliorum iudicium esto.

Imminuto duarum alarum discessu, & fugâ aliorum equitum, perditumque Germanico exercitu, placuit alias equitum copias conscribere, datum id Rosæ Tribuno negotium, qui Germanicis inveteraverat bellis. Is ubi aliquot scripserat in Alsatia equites, eos in vicinum Basileensis Episcopi agrum mittere constituit, præmisitque quatuor qui loca ei rei idonea deligerent, frumentum, cæterumque commeatum iis alendis imperarent. Erat tum fortè cum Basileensi Episcopo quidam è Senatu Solodorenfi, cui Civitati, sicut & cæteris Civitatibus, pagisque Helvetiorum Catholicis cum Episcopo fœdus intercedit, & quotannis per vices quempiam ex Senatu quæque suo deligunt, qui hunc consilio, & operâ adjuvet, sicuti hoc anno Solodorense fecerant. Hunc Episcopo autorem fuisse mihi fit verisimile, ut hos quatuor præmissos ab Rosâ equites finibus suis pelli ab plebe juberet, quæ grege facto restitantes, ac propugnantes necavit.

Continuò Senator Solodorense ut id Episcopo impunè esset, Solodorense per litteras monet, ut ad Labardæum Regis apud eos Legatum adeant, factum excusent. *Contrà pacem Monasterii Vestfalorum nuper sancitam venisse dicant, hos quatuor equites, eadem atque amebat per bellum in Basileensis Episcopi terris usurpantes, quæ plebes in vicis suis tolerare nequiverit, tam diuturnis malis exasperata, quæ ne per pacem quidem desinant. Quod injuriam prohibuerit id suo jure fecisse: præterea Quæstorem quem Erlacus apud Delmontem (id oppidum Basileensis Episcopi est) dudum habeat exigendis collationibus, aut sponte revocandum ab Erlaco, aut eo cunctante abigendum videri, quando & hyberna, & collationes per pacem deserint. Hæc Solodorense Labardæo dixere, atque addidere. Si quid ob equitum cædem adversum Basileensem Episcopum illius ulciscendi causâ fiat, se amico, ac socio Principi non defuturos, & quo id fortius faciant, quas Rex è Civitate suâ mercede conduxerit Centurias, eas se accersituros, ut Episcopo præsidio sint.*

Labardæus hujus omnis rei quemadmodum gesta esset ignarus, tamen Solodorense docet, Nondum exisse diem, quâ & Gallis, & Germanis copia sit & imperare ubicumque per bellum solebant, collationes, & militibus hyberna, aut stativa deligere, atque adedè neque rectè, neque ordine fecissæ

1645

Basileensem Episcopum, aut quemquam omnium, qui isthac aut prohibuerit, aut prohibere velit. Si ea modò causâ cæsi fuerint equites, injuriâ cæsos fuisset, animadvertendumque in eos qui hanc patraverint cædem: quod si faciat Episcopus, nihil ipsi ab Rege, aut ab his qui Alsatiam vicinam obtineant, periculi esse. Quæstorem qui apud Delmontem agitet, si minùs acceptus Episcopo sit, posse ab Erlaco amoveri, in cuius locum alium sufficiat. Solodorenses neque alias Helvetiorum Civitates, Pagosve Catholicos, ullo fœdere illigatos Episcopo, quo Regem ab jure prohibere teneantur: ceterùm in eo negotio si quid ipsis gratificari possit, id lubentem facturum.

a Charles
vois.

Solodorensibus ita dimissis Labardæus continuò ad a Carlevosium Brisiaco-Proprefectum scribit, hortaturque hominem, uti quantocyùs Episcopi fines invadat, & ulciscatur injuriam, priusquam Solodorenses, alique Helvetii Catholici de tuendo Episcopo Concilium habeant, quod jam indictum sit: sin ad id conandum sese imparem sentiat, faciat hunc certiore, ut Helvetiis persuadeat, illum eorum honoris causâ cessasse. Sed eà hortatione Carlevosius nihil indigebat, homo militaris, neque injuriæ patiens, qui tamen plurimùm confirmatus, lætusque Labardæo probari consilium suum protinùs movet, atque ad Episcopi fines ducit. Is post equitum cædem Quæstorem abegerat, clam accersitis Delmontem agrestibus, qui hunc ad cædem deposcerent, quem ipse periculo se velle eripere simulans autor fuit, uti per averfam ædium partem profugeret, quod certè compositò ab Episcopo, & ab Solodorensi Senatore factum nemo dubitare potest. Is prædia apud, circumque Delmontem habebat, quorum fructus viliores, & collationes fieri per bellum solitæ, & hyberna reddebant, quo magis studebat his exoncrare omnem hanc quæ in Episcopi ditione erat regione.

Sed ubi Carlevosius cum sexcentis modò peditibus, & minùs centum equitibus Episcopi fines erat ingressus, tantus incolas qui armati editiora loca infederant, metus cepit, ut ne conspectum quidem nostròrum tulerint. Missi continuò obviam ab Episcopo qui imperata facturum dicerent, hyberna, collationes, cæteraque in promptu esse, agrestes qui equitum patravissent cædem profugisse, in eorum capita quæstionem habitum iri, bona publicanda, sicubi redeant sumendum de his supplicium, de quibus ubi Episcopus fidem dedit, tum ab ejus finibus abductæ copiæ sunt, satisque habuit Carlevosius hunc edocuisse, nihil ipsi adversum Regis arma præsidii uspiam fore. De his Carlevosius subito Labardæum fecit certiore, atque hic Solodorenses quid actum esset edocuit, qui adeò frustrâ cæteras Civitates Pagosve Catholicos ad consultandum de re confectâ accersiverant, simul monuit quod cum Rege haberent fœdus, id ut cæteris anteponendum esse apud se statuerent, scirentque ab tanto Principe nihil nisi grande sperandum, metuendumve.

Mercurium Cæsaris Vindocini filium suprâ memoravimus, cum Mazarino sedulò egisse, uti pater, fraterque Belfortius cum ipso redirent

in gratiam, atque hic Mancinam, quæ Mazarini sororis filia est, uxorem duceret; id satis placuisse primum Belfortio, victo tantâ viri gratiâ, atque potentiâ, ut injuriam sibi ab eo pridem illatam ulcisci se posse desperaret, dein mutasse sententiam, ubi hujus rei per Senatûs, Populique in Mazarinum odia facultatem sibi fore speraverat. Sed Vindocinus sibi usui fore credidit, si Mercurius ipse Mancinam duceret uxorem, neque enim Mazarinum de rei navalis Præfecturâ quam dudum sibi mandari cupiebat, negaturum, atque alia ultrò sibi, atque filiis obventura. Mazannus eo hanc affinitatem pluris æstimabat, quod præter Senatûs, Populique iniquam adversum se voluntatem, Condæi animum varium, atque potentiæ avidum metuebat, cui augendæ nihil prætermittendus videbatur, quo magis eâ tempestate sibi comparanda subsidia satis intelligebat: neque desperabat ipsum Belfortium ad suas partes adducere, aut certè gratiam ejus, fidemque apud Senatum, Populumque minuere, ubi patrem, fratremque sibi devinctos viderent.

Mazarinus homo prudens sicuti prius in Mercurii reditu, ita & in his cum eo Mancinæ nuptiis nihil nisi Condæi voluntate factum se velle simulabat: quâ illius obsequelâ permotus nihil his primum obstitit, quin & has sibi probari ipsi Mercurio unâ cum Gastone dixit, præcatus ut illi feliciter evenirent. Postremò Mazarinus Reginæ, Gastonis, atque Condæi voluntate de Mancinæ nuptiis per Rivieram cum Vindocinis patre, & filio ita egit, ut harum pacta apud Compendium, quò tum Aula agitabat, postea perscripta sint.

Sed de his post paulò Condæus sententiam mutavit, persuasus ab Buillonio huic metuendum videri, uti Mazarinus per Vindocinorum affinitatem sibi factiosorum in Senatu, atque Populi studia conciliaret, cujus in se odium Condæus adversum Urbem bellum nuper gerendo accenderat: idem a Peraltus sensit, ac denique b Chavignius, ubi in Aulam Condæi operâ redierat, sicuti postea dicemus. Buillonius huic se pridem dederat in clientelam, & fidem, sicuti memoravimus antehac, quæ necessitudo haud dirempta fuerat, tametsi tantisper Buillonius diversas ab Condæo partes erat secutus, nequedum enim spem abjecerat recuperandi Sedani, cujus rei causâ perturbatam, quàm quietam rempublicam malebat, quod quidem Condæi operâ eventurum denique providebat.

Sed cum in dies incertior Condæi adversum Mazarinum voluntas videretur, eo hic sibi majora quærenda præsidia sentiebat: nullum autem secundum Reginæ gratiam, validius esse poterat, quam Gastonis benevolentia, atque adeo hanc sibi per Rivieram sedulò conservandam probè intelligebat, quo magis huic de Cardinalatu animum explorare se velle simulavit, qua de re ad Pontificem Rex de more scripserat, neque tamen de Contio Mazarinus mutaverat quidquam, sed spem modo Rivieræ ceciderat illum extra ordinem Cardinalem creatum iri. At Riviera haud satis confusus Mazarini fidei quod cum Condæo

1649.

agere cœperat, scilicet uti fratrem uxorem ducere propagandæ genti regiæ, quàm in Ordine Ecclesiastico manere mallet, id sibi porro faciundum decrevit.

Contius per civile bellum Parisinis Imperator fuerat, atque aliqua belli munia obierat, quæ ut ipsi cordi porro essent Riviera percuperat: eo pacis conditionibus quam Rex Edicto Parisinis dederat, per Gastonem perfecerat, uti Contio Campania provincia quam obtineret, atque Danvillarium validum in finitimo Luxemburgensi Agro oppidum cui Præfectus esset, traderentur, quibus rebus effici posse sperabat, uti quæ ad bellum pertinerent huic magis quàm Ecclesiastica placerent, quæ planè posthaberet, ac denique deponeret. Condæo multa, ac varia tum agitati haud minùs curæ, quàm Mazarino fuit Rivieram sibi adjungere, cui adèò spem fecit Contii fratris ab Cardinalatus petitione avertendi, si ille sibi amicus esse vellet, hujus tamen habendi studium porro simulaturum, ut ne cui alii Mazarinus hunc petere ausit. Ita Riviera Condæo, atque Mazarino uti Cardinalatum haberet denique, obsequi cogeatur, quod inter utriusque diversissima studia difficillimum, ac ipsi denique fraudi fuit. Postquàm Condæus Rivieram sibi obnoxium habere est arbitratus, atque hujus operâ Gastonem æquum fore, Contium fratrem, atque Condæam sororem sibi quàm maximè conjunctos habere studuit, quorum operâ factiosorum, seu Funditorum Sectam ad suas partes adducere, aut hujus opes minuere consilium erat.

Fortè accidit eâ tempestate, uti Ferdinandus Archiepiscopus Coloniensis, atque Episcopus Leodiensis, Imperii Septemvir Maximiliani Baioariæ Ducis frater Alberti alterius fratris filium Maximilianum Henricum Leodiensibus Canonicis obtruderet, quem huic adiutorem, ac futurum successorem deligerent. Id quidem præter morem est, cæterum virorum Principum honoris causâ quandoque fit. Pigebat tamen Leodienses Canonicos ut id facerent propè cogi gratiâ, atque potentiâ Baioarorum Principum, quæ si Ferdinandus hac re infectâ diem suum obiret, haud tanta apud se futura esset, ut ex horum voluntate sibi Episcopum deligerent. Sed Ferdinando vivo, atque Episcopatum obtinenti quod postulabat id denegare, atque horum Principum obitare potentiæ difficile erat, nisi si huic aut æqualem, aut majorem opponerent. Eâ gratiâ cum Condæo agunt, ac se Contium delectûros pollicentur, qui sibi Episcopus foret, si se ab Baioarorum Principum vi tutos Condæus præstare vellet. Hic omnem eam rem ad Regem, atque ad Reginam matrem sicuti par erat, desert, atque adèò ad Mazarinum, qui cuncta quidem sibi sedulò uti Condæo morem gereret faciunda sentiebat, cujus tanta in rem publicam, atque in se recentissima merita essent. Sed *Quod Canonici Leodienses offerebant Condæo, atque Contio, id in futurum esse, nam in eorum non esse potestate Contium Leodiensem Episcopum deligere vivente, atque invito Septemviro Episcopo: nihil igitur in eâ re Condæo, atque Contio præsentis utilitatis esse, sed spem meram*

multa interea dum è vivis Septemviri decedat, intervenire posse, quæ banc vanam, atque inanem reddant. Jamjam autem Baioaricam ex quâ Septemviri oriundus sit, ledi Domum, duos videlicet Imperii Septemviros Baioariæ Ducem, atque ipsum Colonensem Archiepiscopum ab Galliâ prorsum alienari, quibus potius Regem favere deceat, sicuti Ludovicus pater, & ipse filius usque fecerint. Ita se credere Condæum quæ ejus prudentia, atque in Regem, ac rem publicam studium sit, nusquam æquum existimaturum, ut hic pro re incertissimâ Septemviros duos quibus usque æquis usus sit, abalienatos velit. Hæc tamen vera erant, tamen Condæo nusquam placuere, ac propterea hunc ab Mazarini amicitia tum discedere cœpisse fama fuit.

Interea Condæus Mancinæ cum Mercurio nuptiis magis adversari videbatur, de quibus contemptim sicuti longè imparibus loquebatur, ac de his cum Belfortio, & Nemoroso egerat, quo has disturbare vellet. At in Aula quid per reliquum æstivorum faciendum adversum hostes in Belgio esset, consultatum est. Cameracum haud procul Peronâ positum est, oppidum magnum, atque valens, simul arx munitissima, atque diversissima parte Castellum, quorum oppugnationi cum nos longè impares esse Hispani crederent, nequaquam rem tantam aggressuros suspicabantur, quo fiebat ut in hac leve præsidium haberent, ita ut si de improvviso urbi appropinquaretur, & castra circum ponerentur, brevi ad deditionem redigi posse videretur. Isthuc sicuti Condæi virtute dignissimum huic ostentare placuit, quo magis sibi Belgium cum exercitu provinciam decerni studeret. Sed id abnuvit, rei difficultatem causatus, cui haud quaquam pares tum Regis opes existimabat: cæterum tædebat Mazarini servire consiliis, & hujus gloriæ, atque fortunæ operam suam, quam sibi uni præterquam Regi, ac rei publicæ proficere æquum censēbat, commodare. Detrectante igitur Condæo hæc data Harcurio Comiti de quo sæpius memoravimus, provincia est, viro principi rerum terrâ, marique gestarum famâ clarissimo.

Ibi verò Condæus sibi in Æduos discedendum esse constituit, ut ne si maneret ad Aulam, quæ feliciter Harcurio de Cameraco evenirent, ea iniquo, quæ verò secus, ea æquo animo accipere videretur. Tum ad hunc venire ex Senatu Præfides, atque Consilarii officii, atque valedicendi causâ, quibus sese Mazarino offensum ostendisse fertur, atque dixisse. Hunc omnem ad se trahere rem publicam, quam unum se gere videri velit. Quæ feliciter eveniant, eorum gloriam in se transferre, tamen aliud longè validiori operâ rei publicæ quæsitam: hunc non modò alienæ virtutis fructus intercipere, sed & hanc quâ unâ salvus, atque honestus usque permanserit, Regiæ suspectam reddere: postquam populum fortunæ spoliaverit Senatûs auctoritatem oppugnaverit, reliquum esse ut viros è regia gente Principes ea quam ex genere regio habeant gratia, atque potentia plane pellat, quo omnem, atque ipsam Majestatem per Regis pueritiam, porro usurpet. Certè peregrinum, atque advenam nihil isthic nisi per civium damnum habere posse.

Dein profectus in Æduos non magis foris, quam ad Urbem ani-

1649.

mum inducere quivit, uti rei Navalis Præfecturam si hanc Regina depōneret, alteri quàm sibi dari pateretur: eo Mazzerolum ad Regem, ac Reginam matrem misit, qui illam denuò suis verbis peteret, neque enim æquum censebat, quæ avunculi Mommorantii, dein Brezæi cujus sororem uxorem duxerat, antehac fuisset, eam Vindocino futuræ suæ cum Mazarino affinitatis mercedem dari: postremò agrè erat ejus opes hac affinitate crescere, nam tametsi Mercurius nihil factiōne implicatus erat, quia tamen Belfortius frater princeps hujus habebatur, metuebat ut hanc denique sibi Mazarinus adjungeret: eò vel maximè aut Mancinæ cum Mercurio nuptias sibi disturbandas esse, aut Belfortium ab fratre sejungendum, sibi que cum omni factiōforum grege adjungendum, aut si id minùs procederet, scendas inter eos discordias, atque alios aliis opponendos esse decrevit.

Marcellacus cum Contio, & cum Condacà sorore congruebat, Gondius verò cum aliquandiu frustra utriusque animos tentasset, neque perfecerat, ut in sua essent potestate, Belfortio conjunxerat se, quo videlicet ad suas artes haud ita perspicaci facilè ex voluntate utebatur, persuadebatque homini, ut ne cum Mazarino redire in gratiam, ac vulgi studia amittere vellet, in quo ipsi spes, opesque omnes sitæ essent, nihil patris, fratrisque exemplo moveretur, quorum aliæ, atque ab suis diversæ rationes essent.

Sed inter hæc Mazarinus tametsi in tam variis, ac dissimilibus hominum studiis, quæ in ejus modò perniciem congruebant, de rebus suis sicuti par erat sollicitus esset, nihil tamen quod ad rem publicam pertineret omisit: nam post paulò quàm Ypræ receptæ ab hostibus fuerant, quæ diversim primum coactæ fuerant copiae, eæ in unum conductæ sunt, atque Harcurio traditæ, quo Imperatore rem publicam benè, feliciterque gestum iri in Belgio rectè Mazarinus judicaverat. Hic Legati fuere Villequierus Almontius, Fertimbaltius, Grancæus: Castrorum Præfecti Broghus, Quincæus, Roncerollus, & Belfiero - Plessius. Germani qui cum Erlaco per Campaniæ fines ad Phrudim annem venerant, cæteris copiis conjuncti sunt.

Harcurius VIII. Calend. Sextiles ab Regni finibus primà vigilià movit, & progressus aliquantùm equitum Germanorum millia duo, præterea quingentos Scaldim annem apud Vaucellas Cœnobium transire jubet, & ab eà parte appropinquare Cameraco, atque eò ubi primum lucefecerit adesse: eis annem quatuor Gallorum equitum millia, duo millia sclopetariorum, præterea tormenta quatuor præmittit, infestè tripartitò agmine subsequitur cum reliquis peditibus, equitibus, ac tormentis. Inter equitum agmina duo medius procedebat, quorum alterum Villequierus, alterum Fertimbaltius ducebant, & simul cum ortu solis sicuti constitutum fuerat, ante urbem advenere. Ultra annem Germani nondùm aderant, hunc transire apud Vaucellas prohibiti ab agrestibus, qui eò custodias agitabant, atque aliò transire coacti, quæ res itinèri haud mediocrem, at summæ rerum damnosissimam attulit

Le Comte
de Broglie.

attulit moram. Nam interea loci cohortes duæ, altera Belgarum, altera Hibernorum Urbem intravere: has Buchaino haud procul esse Villequierus per exploratores cognoverat, incertus eone pergerent, quò magis Galli ituri videbantur, an Cameracum peterent. Villequierus quo de Buchaino augeret suspicionem, eò per simulationem processerat, usquedùm Germani ultrà amnem adforent.

Belgarum, atque Hibernorum cohortes & hæ ultrà amnem erant, cujus transundi nulla Villequiero præterquam apud Pistrinum quoddam copia erat, tam probè ab hostibus munitum, ut huic expugnando tormenta opus essent: sed hæc dùm advehuntur hostes facti certiores non Buchainum, at Cameracum ipsum ab nostris peti, ipsi eò properavere. Germani equites denique horà post meridiem secundà, qui luce primà iussi erant, advenere: reliquum diei castra locata, & postridiè muniri cæpta. Hostes apud Duacum habebant castra, quos ampliora auxilia in Urbem introducere conaturos satis intelligebat Harcurius, priùs quam munitiones nostræ confectæ forent. Sed has facere properabat agrestium quos secum adduxerat multitudo, præterea peditum pars qui in eo exercitu viginti millia fuere. Igitur Leopoldus maturandum ratus ab Duaco Buchainum movet, quod oppidum passuum millia duodecim infrà Cameracum ad Scaldim positum est, auxiliis eò mittendis opportunum. III. Non. Sext. Leopoldus cum equitatu, Carolus Lotharingus cum peditibus Buchaino profecti primà luce haud procul Harcurii castris confedere. Indè dimissis qui pluribus locis in ea impetum simularent, quâ parte minùs tumultuatum fuerat, eà duo millia peditum ad Urbem evasere, quæ res continuò Harcurium inceptum omittere coëgit.

Cameraco Præfectus erat Garsia Comes, qui ubi nostri eò advenere, fortè aberat: sed continuò ubi acceperat hostes adesse, rationem inierat, quâ per eorum præsidia incolumis ad Urbem venerat: dein scripserat ad Fuenfaldanum Comitem maturè mittenda duo millia militum esse, qui per intervalla munitionum, quæ ab nostris nondùm erant confectæ, transire faciliè posse videbantur, & qua id fieri posse putaret, ipse docebat. Sed interceptis Garsia litteris, quâ parte hostes ad urbem venturi essent, Harcurio notuit, nam plures uno exemplo Garsiam ad Fuenfaldanum scripsisse non dubitabat. Stationes igitur eâ parte quam proximè inter se locatæ fuerant: sed eâ die densa nebula fuit, quæ conspectum etiam in propinquo ademerat, quâ freti hostes nihil in itinere ad usquè Urbis portas offendere, ita ut quâ transissent, ne ipsi quidem satis scirent. Insimulati Germani sunt negligentius egisse custodias, seu quia verum fuit, seu hujus rei culpam Gallis in illos rejicere visum, qui videlicet externi, dein quod in itinere morati fuerant, huic calumniæ opportuni videbantur.

Eâ tempestate Carolus Caroli Britannia Regis nuper securi percussus filius in Galliam venit, ab Ludovico cui consobrinus est, & ab Annâ matre perhumaniter acceptus, præterea regio cultu habitus, ta-

1649.

metſi ab popularibus paternam hæreditatem adire, & Regnum capere prohiberetur. Compendio quò Regem, atque Reginam matrem viſerat, Germanifanum quò Henrica mater commorabatur, profectus eſt.

At Harcurius omiſſo ſicuti diximus Cameraco, apud Caſtellum in Cameracenſi agro ſtativa habuit. Tria modò paſſuum millia hoſtes aberant, atque ea vicinitas ſpem proximam faciebat pugnæ: ſed hæc vana fuit, nam Leopoldus poſt receptas æſtivorum initio Ypras, nihil antiquius habuit, quàm uti prælio abſtineret, provideretque ut ne hanc jacturam aliquo operæpretio Harcurius farciret.

Pacis quam in Germania ſancitam fuiſſe diximus, legibus cautum fuerat, uti quædam oppida, aut arcēs ab Ludovico, Ferdinando, & Chriſtinâ Sueciæ Reginâ in alieno ſolo per bellum capta, aut occupata dominis reſtituerentur. Ferdinandus item ab Philippo Hiſpaniæ Rege Frankendalium Carolo Ludovico Palatino reſtitutum iri receperat, tametſi neutri id facere conſilium eſſet, Philippo quia Hiſpanis diſciplina eſt nihil eorum quæ vi, aut dolo occupaverint, uſquàm reddere, Ferdinando quoniam nihil niſi ex Hiſpaniæ Regis voluntate facit. Sed Imperii Ordines ex compoſito cum Gallis rationem inière, quâ utrumque adducerent, uti cupidiffimè Frankendalium redderent: poſtulant eâ gratiâ aut ut Erenbreſteini-Petra (arx eſt Trevirenſis Septemviri ad Rhenum poſita) Septemviro Moguntino ab Ferdinando permittatur, dies dicatur antequàm Hiſpani Frankendalio abſcedant, quæ ubi exierit, ſi nondum abſceſſerint, ibi Erenbreſteini-Petra Gallis tradatur, quam reddere Trevirenſi Septemviro debeant, ubi Hiſpani Frankendalium Carolo Ludovico Palatino reddiderint: aut uti Beſſelda ſtatim Gallis permittatur, quam item Frankendalio ab Hiſpanis reddito & ipſi reddant.

Erenbreſteini-Petram præſidio Ferdinandus tenebat, ereptam Gallis, quibus hanc Trevirenſis Septemvir antehac permiferat, neque quidquam Ferdinando in manu erat magis idoneum, quò ſuam de Frankendalio exolvere velle fidem oſtenderet, ac nihil ſibi de hoc ab Philippo retinendo cum eo conſilii eſſe. Sed cùm alter vix Erenbreſteini-Petram, dimittere vellet, alter Frankendalium reddere planè nollet, res omnes inter Gallos, Suecos, & Imperii Ordines miſcere ſtuderunt. Carolo Palatino qui Legatus ab Chriſtinâ Sueciæ Reginâ Nürimbergam venerat, per homines fidos perſuadet, quoniam Frankendalii negotium ad Carolum Ludovicum Palatinum ejus propinquum, quàm ad Gallos magis attineret, æquius eſſe pignore huic caveri, quàm Gallis, ſeu Erenbreſteini-Petrâ, ſeu Beſſeldâ traditâ. Id oppidum Argentorato haud procul egregiè munitum per hæc bella in poteſtate Suecorum fuit, cujus munitiones uti deſtruerentur, pacis legibus cautum fuerat, annitentibus Gallis, quoniam ab finibus ſuis in Alſatiam euntibus illac futurum iter erat, quod interrumpi ab his qui tam firmum oppidum poſſiderent, nolebant: neque item Argentoratensibus

placebat hujus oppidi munitiones stare, contrà foederis Monasterienfis leges, ab quibus nusquam discedendum cuncti censebant.

1649.

Sed Carolus Palatinus Legatus Suecicus nihil se Gallorum operâ egere credebat, ut id negotium conficeret: hujus tanta apud Christianam Sueciæ Reginam gratia fuit, ut hanc ipsi brevi nupturam fama esset. Pace consecrâ in Germaniam venerat, qui omnibus Suecorum copiis Imperator esset, quò adducti plerique sunt, uti crederent hanc irritam fore: nemini enim fiebat verisimile hunc Imperatorem esse voluisse, uti pacem agitaret, sed potius uti se per ingentia belli facinora, victorias, ac triumphos dignum Gustavo Rege invictissimo generum, & Christianâ Reginâ virum ostentaret. Sed omisso bello ad pacis negotia porrò animum adjecit, neque tamen in his quidquam operæpretii fecit, quàm uti quod de Erenbrestei-Petrâ, aut Benfeldâ inter Gallos, & Imperii Ordines convenerat, id disturbaret.

Namque Austriacorum, atque Hispanorum fraudis parùm gnarus haud satis intelligebat Erenbrestei-Petrâ, aut Benfeldâ Carolo Ludovico Palatino pignori oppositâ, nihil de Frankendalio posthâc mutaturos: nam illa Septemviri Trevirensis est, per cujus damnum sibi Frankendalium retinere nihil pensi habituri fuissent, de Benfeldâ multò minùs solliciti futuri, quia in hac nihil damni facturi erant, cujus munitiones ubi ab Suecis Episcopo Argentoratensi Austriaco restitueretur, dirutum iri cautum fuerat: at maximâ Austriacorum intererat neutram penes Gallos esse, quorum potentiam in Germaniâ crescere nolebant, atque adedò nemini dubium erat, quin hujus rei metu ad Frankendalium Carolo Ludovico Palatino restituendum adducerentur: sed hæc frustrâ & Galli, & Imperii Ordines Carolo Palatino Suecico Imperatori, atque Legato narravêre.

Crecebat in dies super eâ re inter hunc, & Galliæ Legatos contentio, quæ uti desineret a Valtortius denique Legationis Gallicæ apud Nurembergam facillè princeps Imperii Ordinibus edixit, Regni ab Erenbrestei, aut Benfeldæ petitione discedere, & quod eâ de re cum iis convenerat, id ipsis concordæ, & rei publicæ causâ remittere, tantummodò hortari, uti Pacis leges de diruendis Benfeldæ munitionibus haud irritas esse vellent, quod ad libertatem Ordinum pertinere cuncti judicaverint. Id Imperii Ordines haud in levi gratiâ habuêre, quo fides ipsis ampliùs facta, magis rei publicæ, quàm suâ causâ Regem in pacis negotio omnia facta velle.

De Vautor.
te.

Sed cæ vix satis sancita erat, cùm jam hanc Ferdinandus Imperator ludibrio habebat: huic Ulricus Vitembergus vir in Germaniâ Princeps dudum merebat cum unâ equitum alâ, item alii Tribuni duo cum his quibus præerant equitibus, peditibusque, quos in speciem exautoratos, atque ab Ferdinando dimissos statim Lumiæres Philippi apud Viadanam Legatus mercede conduxit, qui militaturi adversum nos in Belgio sacramentum Philippo dixêre, neque in Germaniâ quisquam in Belgium abeuntes attinuit, tametsi in eâ re pacem violari satis scirent, cujus le-

1649.

gibus cautum fuerat, ut ne quibus copiis adversum hujus pacis participes militatum euntibus transitus daretur, atque hæc ab Germanis referenda saltem Gallis gratia videbatur, quorum simul, & Suecorum operâ pacem cum pristina libertate adepti fuerant. Sed id more hominum evenit, qui ubi sibi bene est, aliena parum curant, magisque memores injuriæ, quam beneficii sunt.

Dum Harcurius apud Castellum in Cameracensi agro, Leopoldus haud procul stativa habebant, hic Sfondratum ad Legiam amnem, & Oceanum versus dimisit, sicuti quidpiam operæpretii cò Hispani molirentur : commeatus omnibus qui in eâ regione sunt locis imperati, præterea agrestium magnus ad opera faciunda numerus, apud Neoportum scaphæ complures conquisitæ. Sed illic Palavius Clerembaltius, cum equitibus mille ducentis, ac duobus peditum millibus apud Ouvinkercam stativa habebat, paratus, intentusque quocumque hostes flecterent, cò præsidium validum introducere. Fuere qui existimarent Sfondratum ab Leopoldo dimissum uti Sylva-Mottæum Castellum, quod nostri præsidio tenebant, reciperet : verum ubi Harcurium castra moturum fama vulgavit, subito Sfondratus est ab Leopoldo revocatus.

Mazarinus ægrè tulerat obsidionem apud Cameracum solutam fuisse, ac tametsi introducta auxilia fuissent, tamen Harcurium & numero, & virtute militum fretum oppugnare oppidum, ac denique expugnare potuisse credebat. Contrà factiosi ad Urbem lætari id ipsi læcus evenisse, nullâ rei publicæ curâ, quam per Mazarini damna perditam, aut saltem labefactatam velle nihil pensi habebant. Sed Belfortius, & Gondius singillatim, Malè consultum Cameraci inceptum diſſitabant dignum temerariis auctoris consiliis exitum habuisse : neque id Mazarinum rei publicæ, sed suæ causâ designasse, qui ad exemplum Balagnii, sibi Cameracum ab Rege dono dari voluisset, cum agro vicino, quibus finibus Balagnius quondam obtinisset possidendum : hæc hospitem, atque advenam moliri, quo munitus adversum leges, has impudè violare, rem ipsam publicam, & privatas cujusvis invadendo possit. Ipsum eâ gratiâ Picardiam provinciam, Ambianum Urbem, atque Arcem, Peronam quæ sit in finibus agri Cameracensis affectare. Regem ut ne ad Urbem veniat prohibere, quoniam eò cuncta pro lubricine facere pudor sit Senatu coram, atque omnibus bonis. Ea res plebis animos afficiebat maximè, cui ex Regis ad Urbem commoratione ingens compendium est, atque adeò facile erat hujus odia in Mazarinum fovere, qui Regem fors attineret. Ipse tamen nihil his permotus de re publicâ benè, ac fortiter per reliquum æstivorum gerendâ cogitabat.

Hunc inimicos, æmulos, hostes de gratiâ reconciliandâ, aut de pace faciendâ secum agere lubentem sinere diximus, uti pro temporum varietate isthæc aut potè faceret, aut omitteret. Nicolaus Bagnius Pontificis Nuntius, atque Michaël Morosinus Venetorum apud Regem Legatus perpetuò cum eo de pace Ludovicum inter, & Philippum agebant, quibus hujus studium de more ostentabat. Penneranda tametsi

in Hispaniam se per Galliæ fines rodire subito velle simulaverat, cuius rei gratiâ ab Rege Diploma postulaverat, quo id tutò sibi facere liceret, restiterat tamen usque in Belgio, neque detrectabat cum Mazarino de pace colloqui: nam illi eadem quæ huic cautio erat, simulare videlicet Philippum nequaquam pacem abnuere: præterea rebus nostris haud sicut antehac ex voto fluentibus æquiores se quam apud Monasterium Vestfalorum pacis conditiones habiturum sperabat.

Igitur hujus colloquii specie Mazarinus in Agrum Cameracensem proficiscitur, qui non longè ab Valentianis abest, quò Penneranda venturus erat. Apud Castellum in hoc Agro Harcurius stativa habebat, quò consilium Mazarinus cum eo, Villaregio, ac Pralinoplessio Equitum Tribunis, (uterque cum Mazarino venerat,) atque cum cæteris Ducibus habuit. Nihil operæpretii per reliquum æstivorum fieri posse visum: sed una cura fuit sublevare finitimæ Picardiæ plebem, longius in hosticum progrediendo, uti Belgarum copiis exercitus aleretur. Igitur placuit Harcurium si quâ fieri possêt, Scaldim traducere copias, atque insulam ingredi, quæ ab Amandi-fano nomen habet, intactum usque hostium agrum, opimumque. Mazarinus quamdiù in stativis fuit, cum omnibus, & cum Ducibus maximè colloqui familiariter, uniuscujusque patienter seu querelas, seu sententias audire, habere liberaliter, colere donis, ac munusculis, in convivium adhibere, prorsus cuncta alia facere, quæ & primorum, & vulgi gratia colligitur.

Germanos potissimum benignè Mazarinus appellavit, habuitque, & quia aut negligentia in custodiis, aut proditoris ubi auxilia ad Cameracum transierant, insimulati fuerant, eos hac culpâ liberavit: nam Regis litteras ad Oëmum Tribunum attulerat, quibus Rex Germanorum fidem, æquè ac virtutem collaudabat, ostendebatque procul ab his proditoris abesse suspensionem. Id ipsis necesse fuit, quos majores non ab omni culpâ modò, probrove, sed & ab ipsâ culpæ opinione vacuos esse voluere: eo hunc ab quo in se vulgata sit in jus vocare tenentur, atque ita expurgare se, uti Judex hanc falsò vulgatam videri decernat, quod ni quis fecerit, aut ubi si cesset, improbus, instabilisque habetur, huic decedunt omnes, aditum, sermonemque defugiunt, ut ne ipsi consimiles habeantur.

Dudum Leopoldus ex copiâ rerum suspicabatur Harcurium Scaldim copias traducere tentaturum: quod uti prohiberet, per omnes ripas, ac vada valida disposuerat præsidia, atque munitiones ubi opus esse existimaverat maturè objecerat. Apud Neovillam tamen posse amnem trajici spem nactus Harcurius, cò cum sclopetariorum equitum suâ, atque Condæi alis, præterea his quibus Arnaldus Corbevilla Tribunus est, properat, agmen gravioris armaturæ equites clausere. Neovilla vicus est paulò infra Buchainum ad Scaldim: ex adversò loca sunt paludosa castris habendis importuna, quò minùs Harcurium eò conaturum Leopoldus existimaverat trajicere amnem. Ipse apud Denainum Cœnobium paulò inferius ad eundem Scaldim castra habebat, qui ubi nun-

tium est ad Neovillam Gallos adventare, idoneum eò qui ripam adversam defenserent, militum numerum mittit: hi sclopetis nostros vicum ingredientiès primùm infestavère, qui vicissim perferatis ædibus, quæ propiores amnem erant, & ipsi adversum hostes crebras emisère glandes: sclopetarii equites sicuti diximus fuère, quibus disciplina est equos sicubi opus est omittere, & pedibus pugnare: gravioris armaturæ equites interea instructi in subsidii fuère, opperientes peditum quæ subsequebantur copias, cum impedimentis, tormentisque.

Harcurius vir impiger subito Broglium, & Belieroplessium cum idoneo quemque equitum numero dimittit, qui suprà, atque infrà Neovillam explorarent, si quæ fluminis trajiciendi major aliò facultas foret: ipse circospectans apud Neovillam omnia, dum obversatur amnis ripæ, fortè glans ab hostibus qui stabant ex adverso emissâ hominem ita afflixit, uti quod non fecerat vulnus, prohibente bubalico tegumento, id ab medicis subito fieri necesse fuent, ex quo gravissimo dolore affectus est: tamen equo se statim imponi iussit, factusque obviam agmini peditum advenienti, hos ad amnem imperat descendere, pars ante se aggerem jacere, alii sclopetis infestare hostem, donec levi perfectâ munitione omnes eminüs quantum intercedente fluvio licebat, acriter rem gessère: simul nando Poloni, atque alii aliâ parte in adversam evadunt ripam, funes quicis scaphæ, atque alia navigia facilius traducerentur, dein pontem ex arundinibus confectum religant: plures ita transvecti amnem muniunt sese, arcentque hostem, ceteri subsequantur.

Leopoldus quem cum omni exercitu adventurum, pugnaturumque eâ die plerique arbitrabantur, & nostris in fluminis transitu occupatis, atque ut ferè sit perturbatis interventurum, non cessavit modò, verùm etiam quæ habebat apud Denainum castra munitissima, iis continuò movit, Valentianæque urbem in propinquo item ad Scaldim validissimam concessit. Perfecto interea qui ab nostris institutus fuerat super amnem ponte, omnia tormenta, atque impedimenta traducta, castraque Harcurius eadem apud Denainum, quæ antea Leopoldus, habuit.

At is seu virtuti suorum diffidens, seu re apud Cameracum in tuto collocatâ satis habebat Harcurium prohibere, ut ne quid simile aliò tentaret, apud Valentianas Scaldim exercitum traduxit, ut amnis sicut antehac mutata modò ab utrisque ripâ intercederet: sed nondum omnes Leopoldus traduxerat copias, cum equites Galli, Germanique ab Harcurio præmissi advenerent. Novissimum hostium agmen in Valentianarum suburbio restiterat, sexcenti equites, mille ducenti pedites fuère, Lotharingi veterani omnes: hos nostri acriter adorti parum initio profecere, nam in viis cavis, inter hortos, ac macerias haud timidi resistebant, ac tametsi equites pulsi, pedites tamen nihil terri glandibus propugnabant. Tormenta ab Urbe, atque sclopetarii ab moenibus haud quaquàm interea cessabant, quod etsi Lotharingis addebat animos, tamen nostris tanta virtus, atque audaciâ fuit, ut hostem propulerint: his Villequierus, & Belieroplessius cum Harcurii sclope-

tariis equitibus subsidio venerant, qui persequentes hostem in suburbium ipsum unâ introiére, compluresque inspectante qui intrâ portas Valentianarum erat Leopoldo ab nostris cæsi, quanquam deterrendis iis ab suburbii ingressu primæ hujus ædes incensæ fuerant.

^a Steinvilla qui peditibus Lotharingicis præerat ab nostris captus, abductusque est, unus modò Helvetius Vicecenturio desideratus ex nostris, ^b Entraguæus dùm hostes propiùs urbem persequitur, ab his vicissim captus est, atque abductus: omninò & apud Neovillam, & apud suburbium ab Harcurio præclarè, ac more institutoque suo gesta res est. Sed hæc ad summam belli haud magnoperè pertinebat, nam oppidis in hostico potiri, is demùm belli fructus est, quem nostri quotannis ante civilem tumultum capiebant: contra hostes hoc anno Ypras, prioribus æstivis Landrecium, atque Armentariam, & Curtracum receperant, ita primùm Sociarum Civitatum ubi ab fœdere discessere, dein nostrâmet culpâ, & partium lubricine Galliarum fortuna mutata.

^a Steinville.^b Entrague.

Sed Harcurius traductis Scaldum copiis opimo hostium agro potiebatur, qui sicuti insula Scaldi, Scarpâ, atque Sanceto amnibus continetur. Is frugum fertilissimus ex Amandi-fano sicuti diximus nomen habet, quod oppidum ad Scarpam, Condærum è regione ad Scaldim positum est, item Duacum ad Scarpam è Valentianarum regione. Apud Duacum validum Leopoldus equitum, peditumque collocaverat præsidium, urbi, simul & agro tuendis: haud procul ab urbe statio erat equitum, neque longè ab eo loco Harcurius posuerat castra, qui & ipse pro castris stationem equitum habebat: hæc vicinitas hortabatur, ut hostium custodiam pelli juberet, qui id ipsum sicuti res monebat, suspicati ab Duaco venere subsidio suis.

Harcurius tunc cùm maximè quæ huic incepto usui erant parabat, quatuorque equitum qui in statione erant turmis totidem turmas alias adjunxit, quas omnes ad hostem duxit. Comitati sunt Imperatorem Villequierus Legatus, Quincæus, & Roncerollus castrorum Præfecti, multi præterea nobiles, adolescentisque primarii, qui virtutem, famamque Harcurii secuti voluntate, atque sumptibus suis in eo exercitu militabant. Inter hæc nuntiatum adventare hostes, qui tametsi majore quàm nostri numero erant, tamen ab Harcurio ultrâ fossam quæ viæ militari ab latere fuit, pulsî sunt. Eò Croatarum equitum manus (septingenti fuere) catervatim sicuti advenerant, redintegrant pugnam, quos Villequierus, Quincæus, & Roncerollus præclarâ Nobilitatis quæ voluntate militabat operâ usi fudere, atque fugavere: tantum hostis persequendi studium plerisque fuit, ut ad urbis portas modò cessarent, ægrè ab Præfectis, Tribunisque, atque ab ipso Imperatore denique retracti, tametsi ab mœnibus, turribusque sclopetis, ac tormentis peterentur.

Dum hæc foris geruntur, interea domi plerique omnes Mazarino invadere miserè: sed huic singillatim Condæus ex negatâ rei navalis Præfecturâ, ac multis aliis de causis in dies infensior erat, neque huic ægrè fuerat Cameraci inceptum sicuti prædixerat, secus cecidisse. Hic

1649.

tum ad Aulam redierat, quæ dudum apud Compendium morabatur: cumque Senatus, Populusque Regem ad Urbem redire magnoperè cuperet, Condæus ut id fieret palam, ac publicè autor erat, jubenti magis, quàm consulenti similis, atque Gastonem ut idem sentiret, diceretque compulerat, nihil admodum obstante Rivierâ, quo magis operâ suâ Mazarinus apud Gastonem egeret, atque ita Cardinalatum adipisceretur denique, ad quem habendum hujuscemodi opportunitatibus, ac magis necessitatibus egere se satis intelligebat. Mazarinus tamen verisimile erat hunc daturum operam, ut Aula foris agitaret, usquedum omnem adversum se Senatûs Populique invidiam tempore dilapsam judicaret, tamen cum omnis ei rei interjecta mora augenda magis, quàm minuenda invidiæ esset, nihil obstitit quò minus sine æstivorum Aula de more rediret ad Urbem, quæ res ab omnibus jamdiù exoptata cunctis in Urbe Ordinibus lætissima accidit. Regi igitur, atque Reginæ matri advenientibus Mombafonus Præfectus Urbis, Mercatorum Præfectus & Feronius Præses cum aliis Urbanis Magistratibus obviam processere, dein frequens effusa portis multitudo festivis clamoribus hanc celebrantes diem, & feliciter Regi, atque Reginæ matri precantes, Mazarinus in rhedâ unâ cum his erat, sicut eos ipse reduceret, nec tum ob eam rem invisus plebi.

Le Præsident le Feron.

Interea Harcurius ad Arleuxium habebat castra, quid faceret incertus, quando ab hoste nulla fiebat pugnandi potestas, qui & ipse apud Amandi-fanum stativa habebat, quod oppidum ad Scarpam positum esse diximus. Nam Leopoldo cautio erat, uti perpetuò castra ad amnem locaret, uti quâ parte amnis nostri adventarent, eâ relicta trans amnem esset in tuto. Valentianas, atque Duacum quæ oppida in eâ regione validissima sunt, atque tum præsidium instructissima, oppugnare tam vicino hoste temerarium videbatur, atque etiam Buchainum: reliquum erat, ut ad Condæum Harcurius adjiceret animum, haud ita firmum, magnumque, sed in hosticum procedere volenti opportunum: nam ubi Scaldim eò trajeceras, nulla Brussellâs usque flumina transitu difficilia intercedunt. Igitur Arleuxio movit, idem & Amandi-fano fecit Leopoldus, ut ne hosti opportunus foret, atque ad Mortainum concessit, quò impedimenta præmiserat, ut expedito agmine ab Amandi-fano, si eò duceret hostis, abscedere copia esset. Harcurius Valentianas versum iit, atque haud procul urbe posuit castra, statimque equites quingentos, & millia peditum duo Gallos, Germanosque qui Condæum obsidere inciperent præmittit, ipse de secundâ vigiliâ eodem ducit, suburbium per Broglium castrorum Præfectum occupat, ac perforatis ædium muris oppidi fossiæ est appropinquatum, atque continuò admota tormenta.

Qui oppidum defensabant, ii eminens, & cominus propugnabant acriter, tantaque agebant vi, ut Harcurio veniret in mentem hunc esse primum, eundemque ultimum eorum conatum, atque egregiè tum sustentatâ re deditionis conditiones si honestæ ferrentur, accepturos.

Sed

Sed hunc ea spes frustrata est, quamobrem acrius ab nostris gesta res est, tantumque tormentis labefactata sunt circa oppidi portam omnia, ut ad hanc brevi aditum fore nemo dubitaret. Iterum igitur mitti ad Præfectum placuit, qui atrocia minaretur, ni protinus deditionem faceret. Sed ubi tergiversatur, porro tormentis moenia quatuntur, quo factum est, uti subito obsides mitteret, ac sibi vicissim mitti postularret, & quas Harcurius ferebat condiciones, eas lubens acciperet. Secundum has deditum Harcurio cum Arce oppidum est, quo Præfectus cum quingentis peditibus, & equitibus quinquaginta est egressus, atque hi omnes sicuti convenerat, Valentianas cum idoneo præsidio ducti sunt. Missi interea fuerant ab Harcurio Grancæus Legatus, & ^{D'Igby.} Igbius Anglus Castrorum Præfectus, cum equitibus mille ducentis Gallis, Germanisque, qui vicos, & Castella ad Haisnam amnem propinquum aut metu, aut vi redigerent in potestatem, ut ex his locis exercitui, Condæique præsidio frumenti, cæterique commeatus copia esset, quod ab his factum est sedulo, atque in castra prædā onusti cum aliquanto captivorum numero rediere.

Finem æstivorum hostes opperiebantur, quo Harcurium, atque omnem exercitum longius in hyberna intra regni fines abire necesse erat, atque tum recipiundi Condæi copiam fore satis scibant, quod damni interea usque facerent, parum ad summam rerum pertinere: Una igitur Leopoldo cura erat, necubi nostris opportunus foret. Ita in aliquâ re occupatis haud procul aderat, ne latè vagarentur, ubi vacui erant, longius, neque tamen unius diei itinere abscedebat. Igitur ubi Condæum captum videt, ab Mortanio quò accesserat, Tornacum Urbem magnam, atque opulentam discessit. Difficiles nostris tum erant commeatus, tametsi omnis ager obnoxius, atque omnia præter urbes loca in potestate essent: sed in illas convecta fuerant pleraque omnia, quo fiebat, ut ex Galliâ frumentum advehere necesse esset. Apud Guisum fuerant horrea instituta, quod ab Condæo bidui caros ducentibus itinere abest, intercedunt hostium oppida, atque in his valida erant equitum præsidia, quæ commeatus prohiberent, Landrecium, Cameracum, Quesnoium, Valentianæ, præterea viarum angustiae, quæ paucos unâ capiant, atque adedò insidiis opportunæ: ut ab his tuti essent commeatus, magno equitum numero qui præsidio essent opus erat.

Consumpto propè omni quem Grancæus, atque Igbius adduxerant commeatu, præterquam quod ex eo in horrea apud Condæum collocatum fuerat, annonæ inopia in exercitu subito futura videbatur: cui ut Harcurius præverteret, Villequierum Legatum cum tribus equitum millibus, ac trecentis sclopetariis peditibus Guisum dimittit, qui commeatus advehi juberet, atque his præsidio esset, dati qui adjutarent Quincæus, & Beliero-plessius Castrorum Præfecti. Hi Guisio redeuntes apud Romirium cum carris quibus annona vehebatur pernoctavere: Quesnoium in propinquo est, quod hostes equitum duo milia, sclopetarios pedites mille habuere: hi noctu oppido egressi lo-

1649.

cum insidiis opportunum infederant, apud rivum quemdam altero ab oppido lapide, Vilerfio vico haud procul: eò nostris longiori, atque aled tenui agmine transcundum erat, propter viarum angustias, neque primi ultimis, neque hi illis subsidio esse poterant.

Primum quod Quincæus ducebat agnē, id quidem rivum, atque angustias intactum ab hostibus superavit, commeatusque una erat: sed ubi novissimum quod Beliero-pleffius ducebat, angustias ingredi cœpit, ibi verò equites hostium mille, cum manipulis sclopetariorum & latebris confurgunt, prodeuntque, & nostros acriter aggressi magnoperè urgent. Beliero-Pleffius nihil hostium impetu terditus, hunc cum duabus modò turmis inhibet, intereà dum sex aliae rivum, atque angustias & ipsæ superant, dein propulsis tantisper hostibus postremò ipse cum suis duabus turmis ultra rivum, & angustias evasit. Sed & eò hostes ab viarum gnaris aliquo circuitu deducti brevì advenēre, quos numero trecentos Beliero-pleffius cum aliis recentibus equitum duabus turmis excepit, propulsavitque. Ex hostibus caesi ampliùs centum, atque aliquot vulnerati, captique, octo modò è nostris desiderati, turmæ unius dux a Salseyus dum cupidius hostes persequitur, ipse ab his captus, abductusque est. Aderat Villequierus qui ab primo agmine ad novissimum ubi suos premi senserat subito venerat, & cum eo Quincæus, atque alii, intervenit & pugnantibus Roncerollus ab Harcurio missus obviam Villequiero, ac commeatui, cum millibus equitum duobus & sclopetarius mille, quo facilius hostis pulsus ad Quefnoium usque est, dein reliquum itineris nostri pacatum habuere.

De Salsey.

Cùm sub æstivorum finem difficiliore in dies commeatus essent, Harcurius ab Condæo Brussellas usque equites dimisit, qui vastarent agros, vicos, villas, castellaque expugnarent, atque inde frumenta aveherent: id & factum ad usque amnem Sabim, quò Grancæus Malburgium oppidum, Elideram Castellum, atque alia loca cepit, diripuitque: postremò vastatis circum Condæum undequaque, aut directis omnibus, ita ut cùm frumenti, tùm pabuli inopiâ eo agitare exercitus porrò nequiret, Harcurius oppido præsidium eduxit, videlicet haud satis firmo ad propugnandum, usquedùm ab finibus Regni succurreretur, nam longiùs in hostico positum est. Dein exercitum quamdiù frumenti, atque pabuli copia fuit, in hostium agro circumduxit, alia aliò stativa habens, maximè Legiam versùs, quo Sfondratus quidpiam moliri videbatur. Sed is opportunitatem nactus cum Harcurius longiusculè abesset, Sylvamotæum Castellum quintà die postquàm oppugnare cœperat, coëgit ad deditionem: post paulò Harcurius plerasque omnes copias in hyberna dimisit, ipse verò ad Aulam rediit. At Beliero-pleffius cum aliquanto equitum numero post Harcurii discessum in hostium finibus porrò commorari iussus est, & quid reliquæ ipsis consilii foret, explorare: nam tametsi annus in exitu erat mense Decembri, nondum tamen quiescebant, sed quidpiam Legiam versùs

moliri velle videbantur, aut si quò aliò spes rei benè gerendæ foret.

Eo Beliero-pleffius equites Pernas ducit, quò stativa perostiduum habuit. Illinc discedere parabat, atque ad id copiarum instructæ erant, cum per exploratores certior factus est, ad se hostes venire. Igitur quâ adventabant educit agmen, struebatque ipsis insidias, cum advenientium excitus strepitu cum paucis equitibus obviam procedit, atque prælium incipit: at qui in insidiis erant, ii vano metu adducti profugere, ita ipse qui primum relaturus pedem pugnaverat, ut hostem ad locum insidiarum pertraheret, tum resistere coactus est, ac statim misit, qui suos bono animo esse juberet, atque ordines restituere, dum ipse rem sustentat: tanta interea ejus, atque horum qui unâ erant virtus fuit, ut hostem propulsarent. Sed is paucitate nostrorum cognita procurrit iterum, ac ni equitum turmæ duæ subsidio venissent, Beliero-pleffius, cæterique summo in periculo versabantur: propulsi tamen hostem denuò, dein agmine paulisper constituto iter ad Regni fines sicuti constituerat ingreditur: locum apud novissimos ipse deligit, ratus sicuti res monebat, hostes crebris præliis iter nostrorum morari conaturos: sed quoties id incœpere, toties ab eo, atque ab aliis qui claudebant agmen, inhibiti, pulsique sunt, donec nostri incolumes Auxium Castellum ad Autiam amnem pervenere.

In Italiâ, atque in Hispaniâ citeriori nihil admodum aut ab nostris, aut ab Hispanis est hoc anno gestum, tametsi his magna copia fuit: nam in Provinciâ Italiæ finitimâ, item in Aquitaniâ, quæ ad Pyrenæum pertinet, tumultuatum ab popularibus, atque adeò quæ in Italiâ, & in Hispaniam decretæ fuerant copiarum, ex pleræque in provinciâ utrâque manere jussæ sunt. Provinciam obtinebat Ludovicus Valesius Aletius Comes, sicuti antehac memoravimus, cui cum Aquis Curia intercedebant similitudines. Curiis juris dicundi, qui provincias obtinent, iis bellicæ rei cura est: his Nobilitas quæ arma tractare solet, illis plebes quæ se Curiarum judiciis adversum Nobilitatis potentiam, atque injurias munitam vult, favere solet: cæterum in instituendis Curiis, qui provincias cum Imperio obtinent, eorum moderandæ potentia Reges studuisse aiunt, huic alteram opponendo. Nam sicuti natura, ita & res publica contrariis sustentatur.

Vidimus supra Baremium ex Aquis Curia fidem Senatûs implorantem, atque postulantem, ut illi adjumento esset, quo regium Edictum de augendo in hac Curia Præsidium, & Consiliariorum numero, ut alteris modò per vices Jurisdictio semestris esset, dum alteri quiescerent, ac præterea de unâ Libellorum Classe instituendâ abrogaretur. Contrâ tum Aletius Comes summâ ope nitebatur, ut Aquis Curia de jurisdictione semestri, ac de Libellorum Classe Regi morem gereret, quod nî sponte faceret, hanc vi adigere parabat, atque eâ causâ Richelium navibus longis Præfectum, ac multos nobiles, & milites secum Aquas Sextias adduxerat: præterea adduxerat quempiam, qui unum ex novis Consiliariorum in Aquis Curia institutis Magistrat-

1649.

tibus ab publicanis coëmerat, operam daturus, ut in hanc Curiam admitteretur: hanc Aletfii haud gratuitam operam esse dictitabant, sed venditam publicanis, quibus horum Magistratuum venditio certâ pecuniâ in ærarium collatâ permissâ fuerat: eo in Aletfium Curie Aquensis invidia ingens, & in emptorem novi Magistratus tantum odium fuit, ut hunc inter Centuriones, Vicecenturiones, atque alia militiæ munia obire solitos complures ex Aletfii comitatu unâ cibum capientem sex homines personati, ut ne cognosci possent, interfecerint. Aletfius hanc cædem vindicare in noxios parat, pergitque summâ ope niti, ut Edictum de Semestri Jurisdictione, & Libellorum Classe in Aquensi Curia promulgetur. Aquenses Præsidum, atque Consiliarium hortatu arma capiunt, *a* Carsius Comes Legatus in Provinciâ, & per Aletfii absentiam pro Præatore esse solitus cum imperio, Curie, & Aquensibus favebat, cui multitudine freta cum Aletfius se imparem sentiret, ei fidem dedit, sese nihil prohibiturum quod minùs Aquensis Curia post biduum sicuti antehac jus diceret, quod quidem facere prohibita fuerat, donec Edictum de quo memoravimus promulgaret.

a Le Comte
de Carle.

Interea Aletfius clam milites in urbem introducebat, quo factum est, uti plebes fraudem sentiens arma caperet denuò, & Carsio, atque *b* Brasio Barone, aliisque ex Curia ducibus in Aletfii milites qui se in Prædicatorum plateâ pro loco, & tempore muniverant, impetum facerent: cæsi pauci, arma cæteris adempta, atque urbe omnes emissi sunt: Senatus verò contrâ quàm Rex jussisset, habitus, decretumque uti posthabito de Jurisdictione Semestri, & Libellorum Classe Edicto porro haberetur, Carsius in Provinciâ pro Præatore esset cum imperio (ita Aletfium in ordinem redigebant) qui tum apud Aquas sextias Consules erant, facti videlicet ex Regis, aut Aletfii voluntate, & qui negotia provinciæ procurabant, ii conicerentur in carcerem, Brasius, atque Segueranus qui antehac Consules fuissent, in hoc etiam tum Magistratu essent, usque dum alii subrogarentur.

b Le Baron
de Bras.

Iterum hoc anno in Provinciâ motum quidpiam est: apud Dragignanum oppidum Judex quidam necatus fuerat, de cujus cæde uti quæstio haberetur, quosdam è suo Ordine Aquensis Curia eò miserat, quos armati equites, peditesque secuti fuerant præsidii causâ: post paulo Carsius trecentos equites, sclopetarios sexcentos eodem misit, quod quidem sibi injuriosum ratus Aletfius, neque injussu suo cuiquam in Provinciâ quam obtinebat, milites cogere licere, continuo cogit ipse copias, nobiles sibi fidos evocat, quibus Aquenses occurrere: sed ab Santandreâ, Villafanco, Adretfio, Francamonte, Sanfronsio, atque aliis fusi fugatique sunt: dein eò missus ab Regina Joannes Stamparus Valancæus è Consilio regio pacem Aletfium inter, & Curiam Aquensem, Carsiumque conciliavit, pacataque demum Provincia est.

c D'Estempe
de Valencay,
Conseiller
d'Etat.

d Le Duc
d'Esperon
de Nogaret.

In Aquitaniâ Curia, Populusque Burdigalensis adversum Bernardum *d* Nogaretum Spernonium rem acrius, atque pertinacius gessere. Is provinciam sicuti Spernonius pater antehac, tum obtinebat, ab

quibus se dudum gravius habitos Burdigalenses querebantur. *Superba patris, filique fuisse imperia, nepotem a Candaliū adolescentem cui eadem provincia destinetur, probe similem avo, patrique esse, atque aded nullum superbè in se imperitandi finem fore. Tubæ-Castellum quod Urbi insit arcis sit, Spernonio animos facere, uti quodcumque lubitum sit, id adversum se incipiat audaciū, quo sublato minorem homini malefaciendū facultatem fore. Inter cā misere ad Regem, Reginamque matrem qui ex postularent injurias, Spernonio provinciam adimi, atque alteri decerni flagitarent. Sed ea res Aulæ parū probabatur, cum quia præter morem erat, provinciam cuiuspiam datam adimere, pro lubricine plebis plerumque inconsultissimæ, tūm quod Mazarinus sibi Spernonium adjunctum volebat, consiliumque erat homini uti b Martinoſſia sororis filia Candaliō Spernonii filio nuberet.*

1649.

e Le Duc de Candale.

b Martinoſſi.

Primum Regina Burdigalam misit e Vayerum Argenſonum virum e Le Vayer d'Argenſon, gravem è Consilio regio, qui omni ope niteretur Burdigalensem Curiam, Populumque cum Spernonio reducere in gratiam: quæ res tam difficilis fuit, atque aspera, uti sæpius inter plebis tumultuantis turbas ipse, filiusque dum has sedare student, vitæ discrimen adierint. Sed qui Burdigalā missi ad Aulam fuerant, ubi in Mazarino nihil auxilii esse vident, Condæum adiere, quem ipsi iniquum esse scibant. Is nusquam hos sibi rejiciendos, sed magis accuratè, ac liberaliter habendos censuit, si forte posthac sibi, (ut sunt humana) usui esse possent. In Aquitaniam Burdigalenses domi, forisque bellum adversum Spernonium sumpserant, quod variâ fortunâ gerebatur: nam extrâ mœnia oppidani plerumque minùs valebant, d Chambaretus è vicinâ Nobilitate his Dux erat, homo senex, neque satis belli sicut hodie genitur sciens.

d De Cham-baret.

Is Liburnum versùs eos duxerat, haud procul Urbe, quod Isla Duranium amnem influit, sex armatorum, ad septem millia fuere, quibus ex improvîso intervenere e Marinus Comes, atque f Serra item e Le Comte de Marin. f Le Comte de la Serre. Comes Castrorum Præfecti ambo, ille cum maritimâ, atque Aquitanicâ Legionibus, hic cum Crequii equitum alâ: ipse Spernonius aderat cum plerâque quam evocaverat nobilitate, & sclopetaariis equitibus, quos custodiæ causâ habere solent ii, qui provincias obtinent, ac denique Candalii filii equitum levis amaturæ turmâ, veteranus omnis miles adversum urbanum, tyronem, & collectitium, qui continuo diffugit: Chambaretus modò cum paucis nobilibus generis, & pristinæ virtutis memor restitit, & gloriosam mortem fugæ consilio prætulit.

Cum id Burdigalensibus secus cessisset, haud difficulter cum Spernonio in gratiam rediere, quod idem tamen Senatus nihil Populi exemplo permotus abnuvit. Sed Spernonius hujus Ordinis audaciæ ulciscendæ studio, ab Regina ut ab Jure de more dicundo interdicretur postulavit, id decretum quidem in Consilio regio, atque huic rei per duos Consilii regii Apparitores conficiundæ Regina Galtonem Joannem Baptistam g Comingium Custodum corporis Ducem delegit: sed hæc tentata eq-

g Le Comte de Cominge.

1649.

ram ipso apud Burdigalam Spernonio Populum ad pristinam revocavit infaniam, ita ut Spernonius, atque unâ Comingius inceptum omittere, ac statim abire coacti sint. Comingius tamen haud despondit animum, atque Portas oppidum ad Garumnâ venit, eò & ab Senatu Burdigalensi venêre quidam, sed nihilo magis tûm profecit, quàm antehâc profecerat Argenſonus.

a Le Marquis de Sauréau.

b Le Marquis de Lusignan.
c De Theobon,
d Guionnet.

At Chambareto mortuo Burdigalenses a Salbovium Marchionem sibi Ducem delegerant: hic apud Petrocorios clarus genere novis rebus, atque factionibus perpetuò studuit, Gastonis Sectam ubi ab Rege Ludovico fratre desciverat secutus, atque tûm ex veteri disciplinâ adversum Regem filium arma sumere nihil penſi habuit: idem fecit mox b Lusignanus Marchio, ac postremò c Theobonus. Sed d Guionnetum aiunt suadere Buillonio voluisse, uti Burdigalensibus Imperator esset: ille specie pacis ab his missus ad Aulam, contrâ quæ ad bellum gerendum pertinebant, ea pro virili apud Urbem agebat, cum factionis in Aulâ, & in Senatu consilia conferens, ac maximè cum Belfortio, & Gondio.

Postquàm neque Argenſonus primùm, neque postea Comingius quidquam de pace ab Burdigalensibus impetrare potuerant, pertendebantque ipsi postulare, uti Spernonio adimeretur Aquitania, atque alteri traderetur, Mazarinus quid facto opus esset haud satis expediebat: nam si his morem gereret, metuebat uti Condæus hanc sibi provinciam dari vellet, ex quo majus rei publicæ periculum fore arbitrabatur, quàm ex Burdigalensium in Spernonium odio, belloque. Sed visum ad eos virum & virtute, & dignitate conspicuum mittere, ac præterea moderatissimo ingenio, atque adeò conciliandæ inter dissidentes paci aptissimo. Is fuit Pralinoplessius Equitum Tribunus, qui rectâ Blaiam contendit: arx munitissima est ad Garumnâ amnem, paulò infra Burdegalam. Ubi eò advênit Burdigalenses Tubæ-Castellum oppugnabant, ab quo incepto nequicquàm eos deterrere conatus est: cûm verò Spernonius nihil eò auxilii potuisset introducere, postremò deditum est, ac subito ab Burdigalensibus dirutum, qui tanto operæpretio facto nullis conditionibus adduci ad pacem poterant, nisi si Reginæ placeret Spernonium amoveri.

e Le Comte du Daugnon. Louis Foucault.

Interea e Daugnionus Comes cum Classe Garumnâ erat ingressus, multaque in propinquo Burdigalensibus inferebat damna, quibus denique permoti Pralinoplessio auscultare decrevere. Is in has conditiones pacem dedit, Ut ne Tubæ-Castellum donec Rex legitimam ad imperandum ætatem attigisset, reficeretur: oppidani portorio quodam super vino in urbe, qui accolunt aliquâ sectionum parte levarentur: quæ dicta, factave per hunc tumultum essent, ea ne cui fraudi, vel noxæ forent. Sed qui sibi maximè, non Senatui, Populoque Burdigalensi bellum gerendum sumpserant Lusignanus, & Salbovius, & qui cum his congruebant alii nihil secius in Hispaniam misere, qui pecuniam ad belli sumptus peteret. Hic ad Aro Comitem cujus maximè

operâ ad omnem rem publicam administrandam Philippus Rex utitur, deductus est, atque ab eo comiter, & liberaliter habitus: nihil tamen prius in eo negotio sibi faciendum Aro est arbitratus, quàm satis sciret, quæ Factionis opes apud Burdigalam essent, & quem ex eâ fructum Philippus capere posset.

Eò a Battevilam qui finitimam Aquitanix Guipiscoam provinciam obtinet, hominem Sequanum Burdigalam ire jubet, qui ubi advēnit cum multis ex Curiâ, & cum aliis sæpius consultavit palàm, ac publicè, sicuti Burdigalenses sui juris facti sibi amplum, atque magnificum esse ducerent, ab duobus potentissimis orbis terrarum Regibus coli, atque amborum habere Legatos, alterum in Urbe, alterum in propinquo, consultarentque utrius amicitiam mallent.

a Le Baron
de Battevil
le.

In Italiâ postquàm Caracena Franciscum Atestinum Mutinæ Ducem ad pacis condiciones adegerat, nostrosque dedito Pompanesco, atque aliis hybernis Cremonensi omni agro abscedere coëgerat, omnem porrò belli gerendi cogitationem omisisse videbatur, totus in apparandis iis quæ adveniēti ab Germaniâ Mariæ-Annæ Hispaniæ Reginæ accipiundæ perhonorifica visa. Hæc apud Tridentum cum Ferdinando fratre Pannoniæ, seu Ungariæ Rege erat, Ferdinandi III. Imperatoris liberi ambo, ac Philippo IV. Hispaniæ Regi sororis filiū, cui absenti nuper apud Viadanam illa nupserat, datâ utrimque, atque acceptâ conjugali fide, quod Philippi nomine ab hujus qui aderat Legato factum. Tunc verò nova nupta ad virum deducebatur, quam Ferdinandus frater in Hispaniam ulque prosequi decreverat, sed Hispanos nolle aiebant, uti Mediolanum prætergrederetur.

Hunc rumor erat Mariam Theresiam unicam Philippi filiam sibi uxorem expetere, atque unâ Hispaniæ Regnum quod virgini dotale futurum est, ni Philippo patri filiū ex hac secundâ uxore nascantur. Regina apud Mediolanum tantisper commorata Finalem petiit, cònavim consensura. At intereà dùm adventaret, Pimientus qui Hispaniæ Classi Prætor erat, Reginamque in Ligustico mari opperiebatur, apud Oneliam Sabaudix Ducis oppidum, agrumque excensionem fecerat, ac regionem hanc ad mare positam occupaverat, quæ postea ab Sabaudix Duce haud difficulter recepta est. Reginam Finalem petentem Caracena comitabatur, qui tametsi ab Sabaudix Duce per Pontificis Nuntium Reginx verbis postulaverat, ut huic tutò per vicina illius sinibus, atque præsidii loca iter habere liceret, idque faciliè impetraverat, copias tamen iisdem admovit sinibus, atque alias in eam quam Linguas appellant regionem secum duxit, quæ Reginx præsidio forent: hæc regio ab Subalpinis, Montisferrati, & Mediolanensis Agnis ad Ligures pertinet.

Ubi navim Regina conscendit, Caracena primùm Oneliam quantum fieri posset muniri iussit, quam Finalis Præfecto attribuit, dein Cebam, atque Albam Pompeciam Sabaudix Ducis oppida tentavit, ab illâ quam magno apparatu oppugnare aggressus erat, insectâ re, nec

1649.

sine damno discedere coactus. Reliquum æstivorum utrimque factæ prædæ, ac Mediolanensium rogatu Caracena operam dedit, uti copiarum quàm diutissimè in hostico morarentur, quo breviora, atque adeò minus gravia popularibus hyberna forent. Eâ gratiâ in Biellensem Sabaudia Ducis Agrum copias immisit, Biellam ipsam occupavit, infirmum oppidum, atque eò quamdiù commeatûs, & pabuli copia fuit, commoratus est, dein disiectis oppidi munitionibus Novembri denique mense abiit, exercitumque in hyberna dimisit.

a De Barry
Marquis de
S. Aunès.
b Le Comte
de Vézère.

Gallie in Italia copiis *a* Barius Santauncus Marchio præerat, de quo sæpiùs memoravimus, Villa Guidonis Villæ filius Subalpinus, & Sabaudicis, *b* Verruæ Comes equitatu, qui omnes bonam rei publicæ operam hoc anno navavere. Sed quia hanc Caroli Emanuelis Sabaudia Ducis magis, quàm nostris opibus in Italia sustentatam oportebat, Rex principio anni huic Trinum, Susam, Civasium reddiderat, quæ Ludovicus pater, dein ipse sicuti fidei illius pignora præfidiis tenebat: sed tempus monebat, ut alter alteri sine pignore fidem haberet, quæ certè Sabaudia Duci ad ultimum integra fuit, atque ita se per hæc æstiva gessit, uti sine ullo in Italia damno nostro exacta sint.

c Le Duc de
Nevais.

Sed in Italia pridem Sabaudia Duces qui cis, transque Alpes, atque in ipsis montibus regionem satis amplam obtinent, sibi Reges nostri adjungere, ita ut plerumque sociæra, atque affinitates intercesserint. Postea verò quam Ludovicus XIII. Rex Carolum Gonfagam *b* Novioduni ad Ligerim in Gallia Ducem cui Mantuæ, atque Montisferati Principatus hereditate obveniant ita tutatus fuerat adversum Austriacorum, & Hispanorum arma, ut in utriusque Principatus possessione permanferit, hunc primùm Ludovicus, dein hujus nepotem Carolum Mantuæ Ducem (nam filius ante patrem mortem obierat) benignè habere, fovere, rem eorum, atque dignitatem tueri. Hoc & Ludovicus XIV. atque Anna mater porro faciebant, quin & Casalium ad Padum totius Italiae munitissimum oppidum, Arcemque Ludovico XIII. ab Carolo Noviodunensi permissa Ludovicus filius etiam tum præsidio tenet, adversum Philippi, atque Hispanorum vires, dolosque tuenda, quod antehac sæpiùs ingenti sumptu, ac magnis exercitibus trans Alpes missis Ludovicus pater fecerat. Sed nescio quo pacto accidit, uti Carolo nepoti maturâ ad uxorem ducendam ætate nemo cogitaverit gallicam dare, atque in eâ re Hispanos anteverire, qui Elizabetham Claram Eugeniam Austriacam Alberti Oenipontani Archiducis filiam dedere: quo factum est, uti proximo anno Ferdinandus III. Imperator Eleonoram Caroli sororem vicissim uxorem duxerit, atque adeò hic totus Austriacus factus fuerit. Anna Maria Ludovica Aurelia Gastonis filia Ferdinandi Imperatoris conjugio ob genus regium, & ingentes divitias, præterea ob alia quæ mulieres decent ornamenta longè dignior erat, sed ea res tentata seriùs est, atque ab Hispanis quorum in potestate Ferdinandus est, disturbata.

Præter Sabaudia, & Mantuæ Duces, Odoardus Farnesius Parmæ, & Fla-

& Placentiæ Dux ultrò ad Ludovicum XIII. Regis partes pridem accefferat: de cuius hominis adversum Mazarinum similitudinibus, aut aperto potius odio diximus, quoniam se ab illo desertum, ac Barberinis quem spoliarent, permillum credebat. Suprà diximus hunc Olympiam Aldobrandinam Camillo Pamphilio Pontificis fratris filio nuptam voluisse, quod ex sententiâ factum fuerat. Sed quod Odoardus ex his speraverat nuptiis, Innocentium videlicet futurum in Aldobrandinæ mulieris adolescentis, ac pulchellulæ potestate, id verò prohibente ut ne illa in Pontificis conspectum aut omninò, aut rarò veniret Olympiâ focu secus cessit: quin & hæc ultionis in Odoardum avida quoniam suam apud Pontificem gratiam ab nuru præreptam voluisset, quæ antehac Urbanus in illum de Castro oppido, atque Ducatu designaverat, ea ut ab Innocentio instaurarentur, operam dedit. Sed quod Olympia adversum Odoardum inciperat, id hoc interea mortuo Ranucio qui ipsi successit filio fraudi fuit. Ranucius Ludovicum Regem demortui patris exemplo colebat, observabatque, qui tamen in Philippum, atque Hispanos propensior erat. Adversum hunc igitur Innocentius Pontifex eadem quæ antehac Urbanus in Odoardum patrem est aggressus, Castrum videlicet nobile, atque opimum prædium in Agro Romano Pontificibus obnoxium publicando, aut Cameræ (sicut aiunt) Apostolicæ addicendo. Id æris alieni specie faciebat, quod Ranucio Romæ ingens erat, conflatum ab maioribus, cui solvendo oppositum fuerat pignori prædium. Sed hic, quemadmodum antehac Odoardus pater, secum ab Pontifice sicuti cum privatis hominibus agi haud æquum censebat, neque tamen ullam æris alieni dissolvendi quæ honesta, & commoda esset, conditionem abnuebat: at nihilò secius Pontificii rem urgere, prædii fructus auferre velle, atque alia propè hostilia specie juris facere.

Inter hæc Castri Episcopo mortuo, huic alium Pontifex suffecerat, nihil consulto Ranucio præter majorum morem: nam tametsi Pontifices sibi jus esse credant, ubicumque Episcopos creandi, ac maximè in Italiâ, id tamen vix facere solent in regionibus alieno imperio subiectis, inconsulto earum Principe, quò gravius Ranucio fuit, id in se Pontificem comitatis omisisse, atque cò res evasis denique, uti qui Episcopus Castri ab Pontifice creatus fuerat, is Castrum iter faciens necaretur. Cædes hæc atrox omnibus visa, quam Pontificii Ranucio tribuere, neque indè id profectum facinus dubitabat quisquam, atque adeò Castrum tum ex formulâ ab Pontifice publicatum, & Cameræ Apostolicæ addictum, conjunctumque. Sed oppidum Ranucius præsidio tenebat, quod Pontificii oppugnare sunt aggressi: ipse Gaufridum quemdam habebat Scribam Odoardo patri antehac carum, acceptumque, & cuius consilio maximè, iudicioque in omnibus quæ agenda, aut administranda erant, patris demortui exemplo utebatur. Hunc Ranucio autorem fuisse aiebant interficiendi ubi ad Castrum proficisceretur, Episcopi: præterea ubi Pontificii oppidum oppugnabant, Gaufridus

1649.

ducem se Ranucii quas auxilio mittebat copiis voluit esse, homo militiæ insolens, qui facile ab Pontificiis fusus, fugatusque est, atque adeo hujus auxilii spe destitutus qui Castro Præfectus erat, hoc denique Pontificiis dedit.

Cùm igitur Gaufridi de Castro consulta, factaque aspera omnia, foedaque evenissent, horum culpam, atque invidiam si in hunc Ranucius rejiceret, hanc ab se quodammodo amoturum est arbitratus: quàm obrem de illo more majorum supplicium sumpsit, sicut hic unus tanti facinoris, atque belli autor fuisset, ita miser, & temeritatis, & ambitionis capite pœnas pendit. Hic honesto in Provinciâ loco natus erat, primam carminibus condendis dederat operam, quæ Odoardo linguam nostram ediscere aggredienti haud inepta visa fuerant: cæterum neque eâ re, neque aliâ ullâ clarus fuit. Sed omnibus Italiæ Principibus agrè erat Pontificem ex alieno crescere, quod ne huic, aut cuiquam alteri in Italiâ eveniat summa unicuique illorum cautio est. Eo Philippus Hispaniæ Rex Italiæ Principum ipse facile, ac longè princeps, & Ferdinandus Etruriæ Dux operam dedere, uti pax inter Innocentium Pontificem, & Ranucium sanciretur, atque hujus legibus caveretur Castrum modò penes Pontificem fore, usquedùm ille æs alienum propter quod oppositum pignori fuerat, dissolveret. Id eo breviter commemorandum existimavi, ut ostenderem bellum civile nobis non domi modò, sed ubique fraudi fuisse: nam ubi Italiæ Principes nihil in nobis præsidii esse sensere, ad Hispanos sese applicavere, atque hos nobis omissis coluere.

In Hispaniâ Barcinone, atque omni Cataloniâ nostros pellere Hispanis hoc anno maximè consilium fuit, atque eâ gratiâ copias ab Germaniâ accersiverant: præterea Classẽ probè instruxerant, Reginæ suæ primùm ab Italiâ in Hispaniam advehendæ, dein quæ, ubi hæc advenisset, ante Barcinonis portum stationem haberet. Classi Pimientus sicuti suprà memoravimus, Prætor erat: quinquereμες viginti duas, bellicas grandes (Galiones appellant) habebat triginta, milites erant in navibus permulti, qui excensionem facerent. Apud Ilerdam, circumque ea loca Joannes Garayus peditum octo, equitum tribus millibus præerat, inter quos Galli antehac ab Hispanis capti, contrâ sacramenti religionem, & captivorum morem, militare coacti sunt. Garayo Imperatori Franciscus Tuttavilla Legatus, Albukercus equitatu Præfectus fuit, tormenta quindecim omnis generis in eo exercitu habuere.

Maturè movere decreverant, sed moram attulit tardior Classis quæ Reginam vehebat adventus: neque priùs quàm sub Septembris finem Garayus ab Ilerdâ profectus est. Primis ad Junedam, secundis castris ad Spugam-cavam venit, biduumque viis muniendis moratus propiùs Montem-album habuit castra, oppidumque noctu oppugnare aggressus postridiè capit, simulque octoginta milites ex Fabregi Cohorte, eum uno qui his præerat Centurione. Marfinus in Catalonia nullo in Schombergii, qui provinciam obtineret, locum suscepto, pro Præatore

erat: qui tametsi hoste multis partibus inferior, tamen haud despondit animum, evocatisque mille quingentis ab Balaguerâ, Cerverâ, atque Arbecâ peditibus ad Sarcalem cum omni equitatu confedit: quingentos pedites Barcinonem miserat, qui navalibus præsidio essent, quâ parte Barcinonenses verebantur uti Pimientus cum Classe quidpiam adversus urbem moliretur. Ubi Garayus apud Montem-album esse Marfinus factus per exploratores certior est, ipse ad Piram passibus ab hostibus vix mille quingentis est progressus, cum equitum alis quinque, & sclopetariis ducentis, ut hostem ab incepto aut averteret, aut retineret. Garayus in Tarraconenses campos descendere constituerat, quod non est facere ausus, donec ab Tarracone duo millia peditum obviam missa, ac equites quingenti, cujus præsidii fiduciâ movit denique, & quò intenderat duxit. Hunc apud Montem-album quatridduum hærentem equites nostri, qui in stationibus custodiæ causâ erant, crebrò laceffivère: sed ubi tantas hosti subsidio copias venisse Marfinus videt, Pirâ, dein Sarcale discessit, ut ne invitus pugnare cogere-

retur. Hostes apud ea loca, nostri apud *a* Rupefortium in propinquo habuere castra, dein Garayus Tarraconem contendit: eò quæ navibus advectæ fuerant copię Garayo conjunctæ sunt, qui continuò omnem exercitum ad Constantinum oppidum duxit. Id quatridduum ab quadraginta modò militibus quibus præerat Gasto Centurio è Vaulaci Cohorte defensum, postremò deditum est: Salo ad mare oppidulum item ab duobus Hispanorum millibus eò missis haud difficulter est expugnatum, Classis ab mari tormentis murum petebat, sexaginta qui propugnaverant, pars cæsi, alii capti cum ipso Præfecto Beniamino, sex acceptis strenuè rem gerendo vulneribus. Ita hostes Barcinoni appropinquabant, quò adeò Marfino visum Cohortes Gallicas quinque, cum Helvetiis mercede conductis, & octingentis equitibus mittere, his omnibus Nestierus Castrorum Præfectus præesse iussus. Interea hostes Sitem ad mare duodecim ab Urbe passuum millibus occupaverant, locum infirmum, & ab paucis popularibus, additis qui præfessent Gallis tantisper defensum.

Eò Garayus rescivit Barcinonem copias Gallorum ingressas, quæ præsidio essent, quod quidem præter ejus spem evenit, qui Barcinonenses libertatis apprime studiosos haud quaquam commissuros existimaverat, ut hanc Gallorum fidei crederent, atque adeò sibi cum unis oppidanis rem fore, qui belli rudes haud satis ad propugnandum idonei videbantur. Paulo antè Petrus *b* Marca Coserantii Episcopus qui pleraque Regis negotia in Catalonia procurabat, Visitatorem appellabant, atque Josephus Margaritus Catalanus magnæ apud populares autoritatis, præterea per Proregis absentiam pleraque facere, aut statuere solitus, complures prodicionis suspectos expulerant Urbe, atque hanc *c* Jovisque Montem proximum, qui instar Arcis est, amplius muniverant, populares armaverant, atque in varia præsidia distribuerant.

a Rupefort.*b* Marca Erbe-
que de Cos-
serant.*c* Monjuc.

1649.

Ibi verò Garayus animadvertit quæ animo agitaverat, ea difficilia, atque aspera si pertenderet, fore.

a Le Marquis de la Fare.

Marfinus verò uti quid hostis moveret, quantum fieri posset, exploratum haberet, a Lafarium cum alis equitum quatuor apud Villafrancam Panadis stativa habere, atque hostem qui apud Sitiem erat, observare jubet, & si ad sese veniat, abscedere, quæ res facta ex sententiâ est. Nam cum omni equitatu Albukercus Villafrancam contendit, sequebatur agmen peditum, qui si opus foret subsidio essent. Lafarius de hostium adventu per speculatores certior factus, suos in equis armatos, instructosque oppido educit, atque Martorellum versus iter instituit: hostes ut qui multò plures essent, acriter insequuntur, nostri haud timidi resistunt, remque primò sustentant, ac suæ virtuti confisi consistunt denique, dein pars procurrit in hostem, & gladiis rem cominùs gerit, resitantibus aliis, si quid durius accidat: id factum quinquies donec Martorellum nostri pervenire: septem turmarum Duces ex hostibus cæsi, præterea equites quadraginta, Albukerco equus confossus, Gaspar Cueva frater ejus satis cum periculo vulneratus est:

b De Chaussey. De Garanciere. De Roquesel.

tres è nostris omninò desiderati, b Chaussius qui turmam Brisonis fratris Vicarius duxabat, Garanciera, & Roqueselus Vexillarii. Hæc nostrorum tametsi recedentium virtus Garayum edocuit, eos vix posse vinci: præterea è suis castris complures diffugiebant militiæ pertæsi, quia nullum dabatur stipendium, hi Barcinonem veniebant, quò & viaticum, & per Galliæ fines transeundi copia dabatur, uti sese domum aut aliò reciperent: id ut ne & nostri facerent, Barcinonenses c Bezonsio Quæstori nostro mutuam pecuniam in militum stipendium dedere, tantus erat in Hispanorum potestatem recidendi metus.

c De Besons Intendant de l'Armée.

Postea loci Marfinus ad Andreæ-sanum habuit castra, veritusque ut hostis diutius in Panadesæ agro moraretur, atque Barcinonensibus, cæterisque Catalanis diuturna militia ægrè esset, hostem sibi ad sua tutanda avertendum, revocandumque censuit, quoniam numero longè superiorem vi pellere nequibat. Itaque d Josephum Dardennam Illæ Comitum è Catalanâ nobilitate, qui in nostro exercitu Castrorum Præfectus erat, cum suâ equitum alâ ad Iberum annum dimittit. Apud Dertosam, Flixium, aut circum ea loca tres equitum alæ erant, quæ Dardennam sequi jussæ, præterea Monpuillianus cum peditibus mille sexcentis. His fretus copiis ac duobus tormentis Dardenna Valentianum agrum ultrà Iberum ingressus est, vicos complures, atque oppida, Castellaque parùm firma multa cepit. Ea res Valentianos adeò perculit, uti Mantuam Carpetanorum ad Philippum Regem, atque in castra ad Garayum mitterent, qui utrumque docerent de fortunis suis.

d Joseph Dardenne, Comte d'Ille.

Pecuniam ab se uti Dertosa, atque Barcino expugnarentur exactam, quorum neutrum factum, ac ne tentatum quidem sit, sed agros suos, atque vicos, oppida, atque castella vastata, hostem in patria simi esse, qui ne properè arceatur, sibi consilium capturos.

Hæc Garayum impulere, ut omisso planè incœpto militum trā.

millia naves conscendere juberet, qui Valentianis auxilio essent: ipse ut expedito agmine facilius digrederetur, impedimenta omnia, atque tormenta apud Tarraconem reliquit, Monte-albo, atque aliis, præterquam Sitie locis præsidia deduxit, atque Ilerdam unde primum venerat contendit. Neque Marfinus omisit hostium insistere vestigiis, donec Ilerdam sese recepissent, quidpiam in itinere per equites factum, sed nihil ad belli summam. Marfinus antequam ab his discederet locis, Balaguieram, Arbecam, atque Cerveram idoneum copiarum numerum quæ præsidio essent, dimittit: nam hæc loca haud procul Ilerdâ posita sunt, ipse cum Balthazaris equitum Alâ, equitibusque aliis ad Iberum contendit, ut Illæ Comiti auxilio foret: nam præter tria militum millia navibus ab Tarracone ad Valentianos dimissa, Garayus Michenensem versùs pedites mille, atque equites mille ducentos miserat, qui nostros in medio deprehenderent, ac cæderent.

Sed Illæ Comes maturè sese Dertosam receperat, cujus rei nuntio ad Marfinum allato hunc Flixium versùs ire, atque eò agitare jubet, qui omnem ultrà Iberum regionem tutaretur, item alios aliò, qui provinciam tegerent, dimittit: simul Nestierum Sitem versùs ire jubet cum duabus equitum alis, qui locum obsidere inciperet, ipse subsequi certus, ut hostes inde pelleret, nam horum vicinitas Barcinonensibus molesta fore videbatur: at illi diffisi sese locum tenere posse ante Nestieri adventum munitiones disjecere, atque abscesere: quo factum est, ut Hispanis tanti conatus, sumptusque potiundæ Cataloniae hoc anno facti frustra fuerint, magnaque è provinciâ conservatâ laus Marfinum secuta sit: sed hujus partem maximam Barcinonenses habuere, qui nihil sumptui, aut labori pepercerant. Igitur ubi Barcinonem rediit, lætissimis omnium animis accipitur, mutuaque gratulationes factæ, dein popularium copiarum ab Marfino dimissæ, gratæque pro navatâ sedulò, atque fideliter operâ actæ.

Postquam Aula ad Urbem sicuti antehac memoravimus, redierat, qui Mazarinum oderant, iù Condæum satis jam suâ sponte huic infensum ampliùs stimulabant, uti cum eo palàm inimicitias exerceret. Complures Mazarino ex repulsis offensi, alij qui ab eo se quidquam impetrare posse diffidebant, Condæum sectari cæpere, cæteri G: stonem, pauci Mazarino fideles mansere. Qui in Aulâ sunt, iù scerere inter optimates odia, ex quibus partes enascantur, magnoperè student: nam tunc hi sibi non bonos modò, atque eos qui alicujus rei sint, sed & cujuscumque generis homines adjungere nituntur, iis favent, atque patrocinantur. At Mazarinus adversùs Condæum, atque aliorum invidiam munimenta quærere, Picardiam provinciam quæ haud procul ab Urbe est afficere, simul Ambianum oppidum magnum, atque Arcem, præterea Peronam, utrumque in eadem provinciâ, quibus uti Præfecti, atque omni provinciâ Ellebovius ipse, qui hanc obtinebat, sibi cederent, pretio efficere studebat. Sed hi seu majus ab eo pretium speravere, seu id huic obsequi parùm placebat, se negavere provin-

1649.

ciam, aut oppida ab Ludovico XIII. suæ fidei credita, dùm Ludovicus filius per ætatem alieni juris esset, deponere, ac id se satis pie, aut fideliter facere posse.

*a Le Duc de
Chaulne.*

*b Le Vidame
d'Amiens.*

Eâ tempestate Honoratus *a* Chalnius Dux mortem obiit, in Picardiâ Legatus Ellebovio, præterea Ambiano oppido, atque Arci Præfectus: utrumque Munus Ludovicus XIII. Chalnii filio *b* Ambianorum Vicedomino quod post mortem patris gereret, pridem mandaverat. Igitur eo mortuo filius properè Ambianum petiit, Arcemque ingreditur, ut hujus habendæ Mazarino spem adimeret, atque eò frumentum, & omnis generis commeatum convexit, præterea ut adversum hunc abundè munitus foret, sese Condæo dedit in clientelam, & fidem. Honoratus Chalnius præter Ambianum, atque in Picardiâ Legati Munus, Arvernos diversissimâ parte provinciam obtinebat, quam nulli ab Reginâ decerni curæ Mazarino fuit, non hujus habendæ consilio, sed ut cum Chalnii filio rationem iniret, quâ Ambianum sibi tradere animum induceret. At ferox juvenis sibi paternam provinciam eripi violentius ferens ad Mazarinum scripsit procaciùs, quàm par erat, nihil se amicitia ejus indigere, aut quidquam huic obsequi velle: cæterùm ubi quod velis invito alio facias, adversum hunc maledictis quæ nihil juvant, parere satius videtur.

*c Le Duc de
Nemours.*

Sed jam omnes Condæi in Mazarinum odio freti licentiùs multa in eum dicebant, faciebantve, & quod lubebat ab eo postulabant audaciùs. Amedeo Sabaudico *c* Nemorosio Duci quæ provincia primum vacua foret, ejus habendæ spes facta fuerat, eò Arvernos sibi tribui postulabat, neque ipsi magnoperè curæ erat, quid de his Mazarinus haberet consilii, cum se esse deputans, cui hanc ultrò tradere deberet provinciam, indignabaturque hunc in eo negotio tergiversari. Sed qui Mazarino tantoperè adversari cœperat Condæus, is huic in eâ re æquus fuit, quo factum est uti Nemorosius Arvernos petere desineret, quæ diù vacua provincia fuit, ex disciplinâ Mazarini, ut hujus habendæ spe nonnullos in officio contineret.

Chavignium antehac emissum custodiâ, sed rure agitare jussum memoravimus. Is ubi Condæum Mazarino palàm insensum videt, illius præsidio sibi adversum hunc utendum esse constituit: Condæi igitur fidem implorat, quo ad Urbem redire sibi copia esset: hic negotium suscipit lubens, cum uti Mazarino agrè faceret, tum uti talem hunc virum sibi hoc beneficio magis, ac magis adjungeret. Igitur Condæus ab Reginâ impetrat, uti Rex ad Chavignium scriberet, significaretque licere per se, ut ad Urbem veniret: hunc iis litteris Administrum Regni sicuti dudum erat, Rex appellavit, præterea Mazarino curæ fuit, uti Rex id se ex ejus sententiâ fecisse per litteras diceret, neque tamen eâ causâ magis Chavignius ut eâ de re ad eum scriberet, aut postea gratias ageret, adduci potuit, sed totam Condæo acceptam retulit.

*d Le Marquis
de Jarzé.*

Eâ tempestate quidpiam de *d* Jarzæo Marchione Ixionis Fabulæ haud absimile narravere, quod huic per Condæi clientelam impunè

fuit: ita hic qui alicujus rei essent, eorum suscepto patrocinio, opes suas augere studebat. Anxius interea Mazarinus erat, quo pacto tantam hominis vim, atque audaciam leniret, aut ita deluderet, ut ne sibi damno foret: huic igitur multa quæ ingentia, atque hominis virtute digna viderentur, per interpretes proposuit rei navalis Præfecturæ loco, atque inter alia uti Sequanorum fines exercitu regio fretus ingredi, urbes oppugnare, capere, atque omnem provinciam subigere vellet, quam huic Rex traderet, præterea Montempelicardum oppidum Sequanis finitimum, cum vicino omni Agro, quem Rex eâ gratiâ commercaretur: eâ de re missus ad Montispelicardi Principem est

a Monebeliard.

b Ernard.

b Ernard, qui Condæum ipsemet monuit hanc rem per simulationem ab Mazarino agi. Sed huic curæ fuit, ut isthæc, atque ejusdem modi alia Condæo oblata vulgus sciret, atque crederet hunc ingentia, nimia, nimis alta postulare, quæ huic salvâ Regis Majestâte, atque republicâ tribui nequirent. Isthuc eò similiùs vero videbatur, quod ea in Regem, ac rem publicam Condæi merita essent, ut his quantavis præmia vix satis digna esse viderentur: postremò cum eo continuò agere, huic animum explendi studium ingens simulare, atque ita tempus trahere visum, interea dùm Rex adolefceret.

In Urbe quidpiam adhuc pravi, atque nuperi moris erat, conversus, atque circuli habebantur, libelli famosi vulgabantur, ubi potissimum de Almerico auditum huic iterum summam Quæsturam mandata: sed eam rem Condæi, non Mazarini voluntate factam plerique dixere: nam illius gratiâ fretum Almericum Reginam, ac Mazarinum coëgisse, uti sibi summa Quæstura antehac abrogata redderetur, cum frustra antehac ut ne abrogaretur Gastonis fidem implorasset, cæterum Condæus sibi usui futurum existimabat, si summum Quæstorem haberet in potestate. Seu igitur Condæi, seu Mazarini voluntate iterum Almerico mandata summa Quæstura est, Mazarinus ut hujus rei leniret invidiam, Avauxium qui pridem alter ex summis Quæstoribus creatus fuerat, neque hunc ferme gesserat Magistratum, ejus tunc obire munia, atque huic Almericum collegam esse optimum factu est arbitratus, nam famam Avauxii integram Almerici adversæ præsidio fore: neque tamen Avauxius multa summæ Quæsturæ munia gessit, Almerico omnia ad se trahente, quoniam huic & audacia, & rei Quæstorix magna peritia, & cum publicanis, ac cæteris qui hanc tractare solent, vetus consuetudo inerat: illi autem ad alia altiora, atque excellentiora idoneum ingenium est.

Sed ubi nihil ex summâ Quæsturâ iterum Almerico mandatâ turbatum, aut tumultus in Urbe fuit, aliæ quæsitæ causæ ad discordiam sunt: tædebat enim factiosos, tamdiù rem publicam quietam esse, atque in rem suam esse ducebant, Mazarinum sentire, nondum adversum se Senatus, Populique odia defuisse. Pigebat complures ex Senatu hunc jamdiù frequentem habitum non esse: eo quidpiam factiosi sibi molendum decrevere, quo Classibus convocatis opus esset, rati

1649.

videlicet id ubi semel factum foret, alia ex aliis eventura, quibus porro fieri necesse foret, inter Aulam, & Senatum futuras ex eo lites, atque alia consiliis suis opportuna.

Usuræ annuæ creditæ Regibus ab civibus pecuniæ Urbanorum Magistratuum, seu Urbis fide malignè solvebantur, partim eorum ad quos ea res pertinebat fraude, atque avaritiâ, partim quod pecunia ad id quanta opus erat deesset, tametsi harum usurarum jamdiu vix paulò plus quàm pars dimidia solveretur: isthuc sæpius creditores commovebat, uti frequentes ad Urbis ædes vaderent, clamitarent, minarentur seu Urbanis Magistratibus, seu his quorum munus erat isthac solvere, dictitando utroque aut indiligentiùs operam dare, ut ex provinciis destinata ei rei pecunia corrogaretur, aut hujus partem sibi ipsis per varias artes sumere. Eo primum his movere lites in eâ Senatus Classè, quæ cæteris sub anni finem cessantibus juri dicundo tamen operam dat: hæc vetuerat ut ne earum usurarum creditores posthac coire vellent, turbarum initium mctuens. Hi autem è suo numero quatuor deligunt, qui suo omnium nomine providerent, atque agerent quidquid ad usurarum solutionem suis quamque temporibus exigendam pertineret, Syndicos appellavere, ^a Carretonium videlicet in alterâ libellorum Classè Præsidem, Jolium apud Prætoris Urbani Tribunal Consiliarium, Portalium Advocatum, & Costuram civem Parisiensem.

^a Le Président Charreton.
Jolly, Conseiller au Châtelet.
Portail.
Des Costuriers.

Sed hos Senatus, aut quæ pars hujus in majori Classè jus dicebat, perperam delectos videri decrevit, vetuitque iterum ut ne creditores aut ad urbis ædes, aut aliò coire vellent. Syndici ad Inquisitionem confugiunt Classès, quæ sæpius majori Classi adversæ negavere Syndicos tolli posse nisi ab universo Senatu, quem eâ causâ frequentem haberi necesse sit. Id primario Præsidi Molæo quidam dixere, qui Mercatorum Præfectum, atque Urbanos alios Magistratus accersit, eò & venere delecti ex Senatus Classibus, ac frequentes usurarum creditores. Molæus eâ de re se in majori Classè mox acturum recipit, daturumque operam uti rectè, atque ordine fiat: clamant creditores sese in Urbis Ædibus frequentes conventuros, uti quid sit opus facto consultant, neque se ab jure, & æquo prohibitos censere. Cùm id turbas, atque seditionem portenderet, lictores jussi sunt autores turbarum comprehendere, ac maxime Costuram cæterorum facilè principem: hunc lictores conquirunt diligenter, nec multùm absuit, quin ab his comprehenderetur.

Belfortius sicuti res sua ageretur, ita injuriam Costuræ paratam apud Gastonem graviter exposulavit: conveniunt in Urbis Ædibus posthabito Senatus decreto Creditores, statuuntque sibi ab Senatu libello postulandum, uti quæreretur in eos qui Costuram comprehendere voluissent, atque hic interea unà cum omnibus usurarum creditoribus in Senatus fide, atque tutelâ foret: Senatus in majori Classè libellum cum Actore regio ex formulâ communicandum decernit, atque omnia

omnia mitigandis creditorum animis porrò facturus videbatur. Sed qui exacerbatos malebant, ii quam ad id aptam credidère fabulam, eam, exorſi ſunt. Jolius unus ex Syndicis ad Carretonium ibat, rheda per vicum in quo hic agitabat veſtus, cùm quidam inſidens equo propior rhedam factus ſcolopetum breviorẽ in ejus brachium dirigit, quo hunc leviter iſtum dixere, atque continuo profugit eques.

In vico concurrunt ad ſcolopeti ſtrepitum, & Jolii clamorem omnos, atque inter alios Carretonius, clamant indigniſſimè factum, Carretonius properat in Curiam, ſeſe, non Jolium cedere equiti conſilium fuiſſe ait, in majorem Claſſem cacteræ conveniunt, & tametſi illa primum decreverat, ut in equitem ab rerum capitalium Judice quaeretur, tamen frequens Senatus, ut id Cognitoris regii operâ fieret, ac præterea Quæſitores duos ex Senatu Joannem a Camporotundum, & Joannem Doujatium decernit, Carretonius in Senatûs fide, tutelâque eſſet: addiderat in ſententiam Bruſſellus uti ſtationes ad Urbis portas haberentur, armandæ plebi iterum, cujus operâ factioſi pro lubidine uterentur. Ubi Senatus frequens eâ de re habebatur, Boulaïus, de quo antehac memoravimus, in aulâ erat, quæ proxima majorem Claſſem eſt. Illic proſtant multa quæ ad quotidianum cultum idonea ſunt, in frequentibus mercatorum tabernis, quas ipſe claudendas ſubitò eſſe clamat. *Arripienda protinus arma, quando in his modo præſidium ſit: quaeri ad vincula qui uſuras ab Urbe annuas ſibi perſolvi poſſulent: quos elegerint Syndicos, iis paratam fuiſſe necem in mediâ Urbe: id Carretonium Præſidem, id Jolum tunc cùm maximè apud Senatum expoſtulare. Prætorianos armatos, inſtructoſque ad Belfortii, atque eorum qui Senatui Populoque foveant eadem: Senatum fortem quidem, ſed Populo armato opus eſſe, ut adverſum Aulæ armatæ lubidinem rem publicam, atque omnes bonos tueri queat: eadem aliis Urbis frequentibus locis narravit: dein Gondium adiit, quem de omni eâ re faceret certiorẽ. Huic conſilium fuiſſe aiunt prodire in publicum, atque multitudinem ſi Boulaui oratione permota fuiſſet, magis, ac magis accendere: ſed hunc ubi nihil plebem Boulaui oratio movebat, ſibi ceſſandum exiſtimaviſſe, atque hunc denique Jolii fabula exitum habuit.*

Boulaïus b Buillonii Lamarki gener eſt, cujus majores Sedanum cum vicino agro poſſedere, quod poſtremò obtigit horum filia uni- cæ quæ Henrico Turri Turenæ Vicecomiti nupſerat. Is adeo Buillonii cognomen aſſumpſit, & dotale uxoris prædium, tametſi ex eâ nullos ſuſceperat liberos, ſibi per Henrici IV. Regis gratiam retinuit, Lamarkis id in ſe recidere debere contendentibus. Lamarkus Helvetiorum regiæ cuſtodia Dux erat, quod Munus ſibi ubi mortem obiret, Regis Reſcripto deſtinari Boulaïus poſtulaverat, quod quia fuerat negatum, eò Mazarino, atque Aulæ inſenſus erat.

Huic tamen, ac præterea c Nigromonaſterio, Matignoni, Marſillaco, & Beuvronio data Regis fuerant Reſcripta, quibus ſe hos ubi actam Imperio legitimam atquiſſet Duces, ac Pares Franciæ creaturum

a Cham-
prond, &
Doujat, Con-
ſeillers de la
grand' Cham-
bre.

b De Bouil-
lon, la Mar-
se.

c Noirmont-
tier.
Matignon.
Marſillac.
Beuvron.

1649.

a D'Albret
de Pons
Miossian.

recipiebat, atque interea loci quæ ad tantam attinerent dignitatem ea omnia cum his, tum eorum uxoribus tribuebat, præterea uxori Cæsaris Phœbi a Albreti Ponsii Miossiani, cujus maioribus aliqua cum regni gente affinitas intercessit. Sed pudebat cæteros in Aula qui illis genere pares essent, dignitate impares fore, ac maximè eorum uxores, cui generi summa vanitas, atque ambitio est: nam Principes fœminæ, Reginæ assident, quod & idem Ducum, & Parium Franciæ uxoribus indultum est, cæteris aut standum, aut humi lassis requiescendum, quod iis molestum, neque tantum inter se, atque alias discrimen æquo animo patiuntur. Igitur qui tum in Aula nobiles erant, ii sæpius convenire, & conloqui, indignari sibi paucos anteferri, neque id horum generi, aut meritis in Regem, & rem publicam, sed magis malefactoris sicuti mercedem tribui, postremò ab Reginâ flagitare, ut ne quid huius facere vellet, quæ his ex sententiâ respondit, atque ipsi gratiæ ab omni eâ nobilitate ingentes actæ, cujus princeps fuit b Hospitalius Hallierus Equitum Tribunus, de quo antehac memoravimus. Hæc omnia Reginæ voluntate ab eo, & ab cæterâ nobilitate facta fuere, ut ne quod temporum iniquitate coacta receperat, id præstare cogeretur.

b Du Hallier
de l'Hôpital,
Maréchal de France.

Sed crescebant in dies Condæi in Mazarinum similitates, quæ in apertum odium erupere denique. Condæus post pacem domi factam, Condæam sororem, ac virum ejus Longavillam sibi conjunctius adstrinxerat, ut ne posthac ab se dissentirent, sed per reliquos Regis pueritiæ annos tantas opes unâ quærerent, ut ubi ad ætatem Imperio legitimam pervenisset, adversum jus, & injurias omnes, quorum alterum sub alterius specie latere solet, æquè muniti forent. Eo Pontem Arcuum Longavillæ permitti cui Præfectus esset, Condæus volebat, idque ubi apud Ruellium de pace agebatur, Mazarinum sibi pollicitum fuisse, atque eâ de re Longavillæ se fidem dedisse aiebat: sed illud Mazarinus negabat sedulò, seu verè, seu talibus promissis quæ neque scripto, neque solemnibus, atque legitimis verbis facta fuerant, Regem, aut Reginam matrem, aut sese nusquam teneri existimabat, cæterum in pollicendo, quàm in præstando facilior. Sed Condæo vel minima data spes sicuti res tabulis consignata repræsentanda erat, cui videlicet ad cogendum vis, atque audacia fuit.

His igitur fretus succensere Mazarino, nihil parcere maledictis, atque conviciis, postremò negare se iturum in Consilium regium, quando ille in Aula, aut Regni sinibus foret. Ubi palam id, & publicè distitaverat, plerique ad eum venere, hujuscemodi consilium collaudantes, ac pollicentes operam, ut id ipsi, atque rei publicæ feliciter eveniret, qui huius, atque omnium bonorum hostem, postremò pestem publicam averruncare, atque amandare vellet. Belfortius tamen, ac Gondius, & qui ex eorum grege fuere factiosi, ii cessabant, neque veniebant ad Condæum, pridem huic infensi, quod hos per bellum civile acriter oppugnaverat: postremò tamen Condæ sororis operâ huic placati, non modo visentes ad eum venere, sed & pellendo Mazarino

omnem se unà cum ipso operam daturus item polliciti sunt. Ibi verò Gondius cum eo planè rediit in gratiam, certissimam spem nactus, si Condæus perstaret in sententiâ, fore uti Mazarinus Aulâ, atque Regni finibus facessere cogeretur, quo amoto rei publicæ curam in Castronovatum tantisper, qui senio gravis hanc diù gerere nequeat, ac in se denique casuram.

At Mazarinus homo callidus in primis, ubi quis ad se veniebat operam huic tuendo pollicens, *Gratum id quidem sibi hujus amicitie testimonium esse dicebat, ceterum nihil se adversum Condæum præsidii querere, qui si se vellet amandatum, huic potius gestum morem, quàm turbarum in Gallia causam fore, ac ne quidem si Regina jubeat, restitutum, cujus, atque rei publicæ commodis se magis servitutum abeundo, quàm restituito arbitretur.* Interea per homines fidos Condæo subjeit, uti factionorum animos periclitetur, utrum se huic ita velint adungere, uti Mazarino pulso, aut in hunc ipsum Condæum, aut in quem ipse voluerit rei publicæ cura recidat, ibi verò cognitum nihil illis consilii esse, quàm ut hanc pulso ipsius operâ Condæi Mazarino invadant suo arbitrio gerendam. Castronovatum, aut Gondium ad quos id muneris pertinere ex factionorum sententiâ videatur, naturæ ferocioris esse, quàm ut facili quæ Condæus voluerit, ea huic obsequantur, Belfortio, atque opibus factionis freti, Cbarvignium Reginam nusquam toleraturam: at Mazarinum jam Condæi potentiâ, atque audaciâ perterritum ex hujus voluntate omnia facturum, neque dubium esse quin uti Pons Arcuum Longavillæ permittatur, adduci facili queat.

Gasto, atque Riviera Mazarinum Aulâ pulsum nolebant, nec amorem ab republicâ, aut in eâ Condæum fieri potentiorum: eo gratiam inter ambos reconciliare studebant, quod factum denique est ut conditionibus, de quibus postea memorabimus, quas in tabulas relatas huic Mazarinum tradidisse fama fuit. In his octiduum consumptum, admirantibus cunctis tam brevi Condæi animum erga Mazarinum mutatum. Sed qui adversum hunc illi operam fuerant polliciti, eos indignatio cepit, quod Condæus omnem eam rem nihil consultis ipsis egerat, translegeratque, quibus se satis facturum existimasset, dicendo ubi quid ipsis controversiæ cum Mazarino intercederet, vicissim his adjumento fore.

Sed factioni ubi se ab Condæo delusos credidère, ac spem exploratam pellendi Aulâ Mazarini hujus sicuti aiebant inconstantia interiisse, ibi verò hominem lacerare maledictis, Senatum, Populumque gravius in eum accendere, qui rem publicam, amicos, ac se ipsum denique communi omnium ac sui ipsius hosti prodere nihil penû haberet. Isthæc Belfortius, isthæc Gondius ubique prædicabant, magnamque Condæo constabant apud omnes invidiam.

Fuere qui ita existimarent, factionorum in Condæum odium eò processisse, ut hunc de medio sublatum vellent, aut tantum homini metum injectum, ut ne posthac sibi licere crederet hos fallere, aut impune ab fide quam hunc sibi dedisse aiebant, discedere. In plateâ Urbis,

1649.

(Delphinam appellant) quæ proxima Pontem novum ad Sequanam est, convenerant equites aliquo numero. Qui plateam accolunt cives, ii ecquid isthic agerent? cum jam nox adesset, percussati nihil respondi tulerunt, nisi id nihil ad eos attinere. Ubi diutius in eodem permanent loco, iterum quæsitum ab iis quid agerent, quive essent? cumque jactandis hinc inde sermonibus quidpiam gravius ab equitibus dictum esset, sclopeto missa glans omnem excivit cum armis viciniam, quâ multitudine perterriti equites in pontem proximum decedunt, quò cives non sunt abeuntes persecuti: cumque nulla isthic ædificia sint, nemo fuit, qui resistentes ulterius abire cogeret.

32

Sed eâ de re Servianus per codicillos Reginam, Mazarinum, atque Condæum ipsum facit certiores, & cum Condæus in eo esset, ut ab Regiâ domum abiret, Regina, atque Mazarinus perbellè simulantes quàm sibi curæ hujus salus esset, ipsum attingere, sese enim suspicari aiebant, huic paratas insidias esse. Ipse primum isthuc habere ludibrio, neque cuiquam tantam inesse audaciam arbitrari, qui hujusmodi quidpiam adversum se cogitare, nedum inceptare vellet. Post paulò tamen ab familiaribus est admonitus, uti sibi caveret, eo visum periculum facere, utrum hæc vera essent, nec ne: rhedam quæ in Regiâ erat vacuum cum pedisequis dimittit: præferebantur sicuti per noctem solet, funalia: ubi rheda in medium venit pontem, equites duo huic facti propiores speculari visi utrum in eâ esset: dein rati esse in aliâ quæ sequebatur. *a* Dirrachii Comitès rhedâ, sicuti quandoque consueverat, in hanc sclopetis emittunt glandes, quarum unâ ictus Comitès pedisequus qui in heri rhedâ fuit, post paulò ex vulnere interiit.

a Le Comte de Duraz.

Ubi hæc in Regiâ nuntiata, Condæus sibi oblatam occasionem existimavit profligandæ factionis, ut ne posthac consiliis suis obstare, aut sola, aut cum Aulâ conjuncta posset: eo in hujus principes Belfortium, & Gondium, atque alios jure agendum, atque hos capitis arcessendos decrevit, sicuti cædis in se paratæ reos. Id Reginæ, ac Mazarino magnoperè placebat, quibus usui erat, ut inter factiosos, atque Condæum tantæ lites, ac tantum odium esset, ut ne congruere adversum se usquam possent. Ab Regiâ Condæus ad Gramontii Equitum Tribuni ædes cœnatum iit, quò Belfortius ad eum adiit, atque unâ Boulaïus, speculaturi scilicet, quid de insidiis adversum se in Ponte novo paratis sentiret. Sed hic sedulò dissimulans de his quos suspicari posset, planè nescire præ se tulit, cæterum Boulaïum dixit qui populum adversum Aulam concitare voluisset, atque adeò esset in noxâ, sese videre non posse. Belfortius spondere se ait, Boulaïum nihil adversum Condæum aut cogitasse, aut designasse, qui si quid cogitasset, designassetve, eum se esse, qui id suâ ipsius manu vindicare vellet, cæterum ab Gramontio invitatus ad cœnam, dimisso Boulaïo restitit.

Postridiè Gasto venit in Senatum, comitabantur Condæus, Vindocinus, Mercurius, Ellebovius, Buillonius, Sansimonus: ubi cuncti assédere, redditæque Senatui Regis litteræ sunt de hesterno Jolii, & Bou-

Iam negotio, paucis Gasto Senatum edocuit, quantum ad rem publicam pertineret, animadvertere in eos, qui ad hanc perturbandam cum dolis niterentur, tum aperte Populum ad arma capiunda concitarent: dein ubi Senatus quæ visum est, in eos qui rei agebantur, decreverat, Condæus de insidiis, & cæde adversum se paratâ questus est graviter, postulavitque uti quæreretur in noxios, atque ea res Senatui curæ esset. Interea Regina Tribunos Urbanæ militiæ accersi jussit, quibus significavit, quàm gratus Regi filio, sibi que esset Populi in utrumque animus, qui nihil commotus nuper factiosorum seditiosis vocibus mansisset in officio, & fide, cujus rei hunc quandoque, atque interea se memorem fore.

Post octiduum, quod peragenda Quæstioni consumptum est, frequens est Senatus habitus: adfuit Gasto, Condæus, & Contius, ac præterea Belfortius, Radefianus, Brissacus, Luinæus Duces, ac Franciæ Pares, postremò Gondius, atque alii honorarii Consilarii. Ibi Belfortius, & Gondius sese rescivisse dixere, *Quibusdam Consilium esse, utrumque in suspicionem paratæ in Condæum cædis vocare, non quod id verum esse sentiant, sed ut hanc nomini suo labem inferant, & quæcumque de causâ id inceptum sit, ei serviant: sed ut omnibus existimandi copia sit, quàm falsò id in ambobus jactetur, sese in Curiam venisse.* At factiosis consilium fuit Jolii causam, ab Boulau, atque Condæi negotio sejungere, alteram ad illum modò, alteram ad rem publicam pertinere dictitantibus.

Id magnoperè contendebat Carretonius, sibi conficius plusquàm facto opus fuisset, fecisse, ubi se magis, quàm Jolium petitem in Senatu dixerat, ubi hic ab equite sicuti memoravimus leviter vulneratus fuerat, quo quidem unâ cum Jolio in eadem causâ esse visus, tum quod & ut in Senatûs tutelâ esset, postulaverat, aut Senatus ultrò decreverat. Id opportunum Molæo primario Præsidi visum, quo Carretonium, ei rei quæ agebatur haud satis commodum, ab hujus cognitione arceret, quod quidem ex sententiâ cessit, neque jovit Carretonium ab pristina de Jolii pro se ad necem petiti querimoniâ discedere. Post biduum ubi recitata sunt super utràque re testimonia, ac de utràque ad Senatum relatum est, dicendæque sententiæ fuere, negavit Molæus Belfortium, Gondium, & Brussellum quos videlicet ea quæstio exagitabat, inter judices sedere debere, sed de more secedere.

Ibi Belfortius, & Gondius consurrexere, jamque abibant, ni Joannes Colon ambos monuisset, nihil properato opus esse, atque ipsis opperitum quid de se Senatus decerneret. Brussellus verò se nusquam discessurum ait, ni Molæus & ipse discederet, qui nuper multitudinis concitatores hujus interficiendi consilium habuisse dixerit: sed non id questus erat apud Senatum, aut uti de eo quæreretur in noxios postulaverat: postremò Senatûs Decretum fit, uti Belfortius, Gondius, & Brussellus secederent: hic postea vicissim Molæum è numero judicum unâ cum filio, atque propinquis rejicere conatus est, quem sibi

^a Couson
Conseillers

1649.

inimicum esse dictitabat, Condæumque in causâ suâ sedere velle iudicem sese negavit credere, qui continuò discedere velle visus, ni ab Memmio fuisset admonitus, necesse esse ut id Brussellus ab Senatu libello postularet. Veniebant in Curiam unâ cum Condæo, & Belfortio, Gondioque multi nobiles de more succincti gladiis, qui ne in mutuum perniciem ruerent, metuendum videbatur.

Sed Condæus nusquam ab ulciscendæ quam in se paratam aiebat cædis consilio discedebat, quo pacto Belfortium, Gondiumque factionis principes sese amandaturum sperabat, atque in eo huic Aula planè favere videbatur. At illi ubi se tantopere ab Condæo urgeri vident, haud ignari Condæi audaciæ tædere Mazarinum, Reginamque ipsam, cum illo redire in gratiam, ac vicissim unâ Condæum insectari decrevere. Cæterùm de omni insidiarum quas adversum Condæum instructas aiebant, negotio vix quisquam rectè judicare possit: nam harum indicium ab Serviano Mazarini cliente ortum diximus: testes in hoc, ac Jolii negotio fuere homines nihili, speculâri jussi quid ubique in Urbe diceretur, ac fieret, hanc miseram Aulæ venditantes operam, ex cujus voluntate testimoniis suis utrumque negotium miscuerant: sese in ædibus Urbis publicis quò creditores usurarum urbanarum convenerant, audisse Belfortium, & Gondium velle Condæum de medio tollere, sese apud Brussellum, dein apud Gondium Boulaium vidisse eâ die quâ plebem ad seditionem concitare voluerat, Jolium in Molæi ædibus dixisse cuiuspiam non ita secreto, ut ipse testis non audiverit, oportere Condæum, magnamque necare barbam, qualem habebat Molæus, Carretonium in viciniâ suâ plebem concitaturum, consiliumque fuisse Condæum, Seguierum Cancellarium, ac Molæum interficere, atque alium cujus nominis haud satis meminissent, Cogneuxium tamen fuisse existimare. Postremò quid Cognitor regius in eo negotio facere deberet, apud Cancellarium perscriptum fuisse aiebant, nihil consultis præter morem Actoribus regis Talono, atque Bignono. Inter hæc abiit annus & qui secutus est is nihilo Galliæ felicius fuit.

* Le Marquis
de S. Chamond.
Le Duc de
Chaulne.
De Leon
Brulard,
Doyen du
Conseil.

Hoc anno mortem obiit Melchior Mites a Sanchamondus Marchio de quo passim memoravimus, item Honoratus Albertus Chalnius Dux, qui Arvernos provinciam, Ambianum urbem, atque Arcem in Picardiâ provinciâ obtinebat, ac postremò Carolus Brulardus Leonus Abbas, qui primum in regio Consilio locum obtinebat, in hoc dudum, atque ante omnes alios lectus, Legatus ad Venetos, ad Helvetios extra ordinem, ac denique in Germaniam ad Imperii Comititia quæ apud Ratibonam habebantur, missus fuerat.



JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM.
LIBER OCTAVUS.
E P I T O M E.



CONDÆA Ricbelii cum Caprosâ Virgine nuptias distur-
bat, cum Vigeani filia conficit. Aquilonia Ricbelii amita, Ra-
bana Mombasena Caprosæ mater banc in Condæam, &
Condæum injuriam ulcisci decrevêre. Mazarmo suadent, uti
Condæum in custodiam conjectum velut, item & Gastoni.
Comprehenditur Condæus, Contius frater, & Longavilla
Condææ vir. Mommorantia Condæi mater cum Brexæâ
nuru, & Angiano nepote Cantilium rus secedit. Condæa in Normanniam viri
provinciam abit, ac Diepam concedit. Harcurius Pontem Arcuum ad dediti-
onem redigit. Rex cum Regina matre Rotbomagum petit. Belieroplessium qui Dic-
pæ Arcem oppugnet præmittit. Condæa aufugit. Regi Arx ab Montignio Præ-
fecto deditur. Croisetia Cadomum item dedit, ac Ricbelius Gratie-portum. Dan-
willarium in Luxemburgensi Agro nuper Contio permissum item deditur, dein
Claromontium. Turena apud Satenaium ad Mosam copias cogit. Ædui abrogata
Condæo provincia Vindocino datur. Huic Castellum apud Divionem deditur.
Rex in Æduos proficiscitur. Huic Sentra seu Bellogardia item deditur. Turris quæ
apud Avaricum Baturigum instar Arcis erat, oppugnatur, ac Santamiano deditur.
Belleuræi in Senatu Præsidis convivium apud Bernium, atque eò sacellioforum
consilium habitum. Regium signum Sequiro ablatum Castronovano traditur
Mazarini voluntate. Erlacus Brisiano ad Rbenum Præfectus moritur. Carlevosius
Proprefectus egrè adducitur, uti Tilladetum missum ab Rege Præfectum reciperet
manibus. Helvetiorum Legati ad Regem ubi ad Urbem redierat. Dunmontius
item uti Salmuræ Arcem dederet post Brexæi Præfecti mortem egrè adducitur.

1650.

1650.

Condæa ab Roterodamo quò profugerat, Satenatum ad Mosam venit. Hæc, atque Turenæ eò cum Hispanis fœdus faciunt. Condæi clientes ad Urbem de hoc custodia eximendo cum Gondio, cum Belfortio, cum Gastone fœdus faciunt. Brezæa cum Angiano filio Turenæ Buillonii Arcem in Aquitania positam venit. Venit eodem ex vicinis Pictonibus Marfillacus. Buillonius virorum Principum causam cum Burdigalensibus rebellibus communicat. Burdigalam Brezæam cum Angiano filio Buillonius, & Rupifocaldus deducunt. Almericus summus Quæstor moritur. Longolius Maisonium Præses huic sufficitur. Avauxius cui Almericus collega in summâ Quæstura fuerat hanc abdicat, quæ ad eò omnis ad Maisonium redit. Fucsfaldanius Casteletum ad Scaldum amnem capit. Guisium ab Hispanis frustra oppugnatum. De Principibus viris eximendis custodia, atque amovendo ab Aquitania Spernonio fit ab Brezæa, Buillonio, Rupifocaldo, & Burdigalensibus cum Hispanis fœdus. Rex in Aquitaniam proficiscitur, relicto ad Urbem cum Imperio Gastone. Rex per Melleraium Burdigalam oppugnat. Strenuè Buillonius, Rupifocaldus, ac Burdigalenses propugnanti. Pax denique convenit. Brezæa Muronem cum Angiano filio concedit. Capella in Tieracensi Agro ab Hispanis capta. Viri Principes ab Vincennis ad Marcussium Castellum traducti. Rex, cum Regina matre, atque omni Aula Fontembellaqueum petit. Eò Gasto de viris Principibus Gratia-portum deducendis Regina morem gerit. Longonis-portus in Ilva Insula, ac Plumbinum in continenti proximo Hispanis deduntur. Mazarinus se negat uti Cardinalatum Gondio mandari patiat, adduci posse. Hic Gastonem eò adducit, uti cum Senatu operam det eximendis custodia Condæo, Contio, ac Longavilla. Brezæa ab Senatu uti de viri causa cognoscat, Longavilla virgo idem de patris causa postulat, atque ut ad Urbem ea gratia adducantur. Rex ad Senatum scribit, atque ad se mitti ex hoc Ordine delectos jubet. Pralinoplessius Rbetellum oppugnat. Turenæ cum Hispanis, ac rebellibus pellit finibus, insigni de his reportata victoria. Hæc præclarus Mazarinus ex cujus sententia tantæ res gestæ fuerant, redit ad Urbem, atque Aulam. Nihilò segnius Senatus de viris Principibus custodia eximendis, deque pessima Mazarini in re publica administranda ratione ad Regem mittendum decernit. Quid Innocentius Pontifex adversum Valancæum Regis apud se Legatum designaverit.

CONDÆUS Mazarini potentia porro adversus hanc evertere omni ope properabat, & quando metu adductus secum redierat in gratiam, eo nutare hominem, neque satis contra se, ac consilia sua, conatusque firmum fore judicabat: cæterum hujus artes, ac fraudem Italicam quibus modò valere videbatur, planè spernebat: Gastonem in suâ potestate credebat esse Riviera operâ, ex cujus voluntate omnia usque dixerat, fecerat: ipsam Reginam nihil plusquam Mazarinum posse, cujus unius motu ageretur, eo sibi omnia licere: sed huic Belfortio, atque Gondio pessumdatis opus erat, cui rei omnem eâ tempestate dabat operam.

Sed tum accidit uti Maria & Vignerotia Aquilonia fratris filio Armando Vignerotio Richelio uxorem dare vellet, Claudii Guisii Caprosi Ducis, ac Mariæ Rohanæ Mombasonæ de quâ sæpiùs memoravimus, filiam.

a La Duchesse d'Aiguillon. Marie de Vignerot.

liam. Hæ nuptiæ patri, ac matri cordi fuere: nam Richelio Richelii Cardinalis hæredi magnæ divitiæ sunt, ad hoc fama, cognomenque Richelii avunculi adolescentem haud mediocriter illustrabant. Sed ^a Caprofa virgo haud facile adducebatur, ut hunc sibi virum vellet, neque quidquam causæ videbatur esse, quamobrem hæc fastidiret nuptias, nisi si haberet animum aliò deditum: eo necere moras, quæ adolescenti molestissimæ fuere. Summa ^b Annæ Neoburgæ, Francisci Pussardi Vigeani Marchionis uxori cum Aquiloniâ familiaritas, atque consuetudo intercedebat, neque alteri alteri quidquam carius fuit. Illi filia erat Anna Pussarda antehac ^c Ponsii Miosiani uxor, tùm vidua, quæ multa, frequenque unâ cum matre apud Aquiloniam fuit: cum hac Richelius colloquebatur sæpius, querebaturque de Caprofæ virginis tergiversatione, atque hujus rei tædium ingens ostendebat.

1650.

^a Mademoiselle de Chevreuse.^b La Marquise du Vigan.^c La Marquise de Miosan, de Pons.

Fortè accidit uti Pussarda isthuc Condææ quam sæpius invisebat, principem sceminam colere, atque observare solita, diceret: hæc verò cui illa cara erat, atque accepta, ut sunt mulierum ingenia ad excogitanda quævis promptissima, subito ait, eam rem hujuscemodi videri, uti Pussarda sibi magis quam alteri Richelii nuptias expetere debeat: hortatur uti conciliando sibi adolescentis amoris det operam, cujus rei pro familiaritate, quæ huic cum illo jam intercedebat, magna copia esset. Illa verò nihil cunctandum rata continuò omnes artes adhibet, quibus facile adolescentis animus caperetur. Sed hæ nuptiæ Aquiloniæ voluntate fieri non poterant, certumque erat, ubi ipsi notescerent, enisuram ut infirmas esse Senatus decerneret.

Quamobrem & clam hanc faciundæ, & quærenda præsidia erant, quibus ubi factæ essent, infirmari, ac dissolvi non possent. Id se Condææ præstituram recepit, fretam Condæi potentiâ, cujus voluntate tantam rem est aggressâ, quâ videlicet ipsi Richelium cum Gratia-Portu oppido, atque arce validissimis adjungebat, ac nonnulla spes erat, aut pretio, aut alio pacto efficere, ut hæc in Condæum fratrem, aut in Longavillam virum reciderent, qui tantam usque ut id fieret operam dederat. Apud Triam Rus nobile Longavillæ, haud procul ab Urbe, Condæo, Contio, & Condææ coram fiunt nuptiæ, nova nupta unâ cum viro Portum-Gratiæ deducitur, ^d Santimaurus qui eò Propæfectus erat, utrumque recipit moenibus, tametsi & Regi, & Aquiloniæ fidissimus esset.

^d De Saintes Maure.

Richelius seu milites qui in præsidio erant, sese huic qui Præfectus erat, dicto audientes esse debere sunt arbitrati, sive hic pecuniâ ab Condæo præbita eorum animos sibi devinxerat, his quàm æquissimis usus est, ac ^e Barem qui Richelii avunculi custodum corporis dux fuerat, ab Reginâ missum oppidum ingredi vetuit, metuens uti quid eò turbarum adversum se faceret. Condæo lites cum Aquiloniâ intercedebant de Armandi Maillæi hæreditate, quam ille uxori Claræ Clementiæ Mailleæ Armandi Sorori, Aquilonia Richelio ipsi obvenisse contendebat, quantum ad bona, quæ Richelii Cardinalis fuerant: nam

^e De Ber.

1650.

hæc ex hujus testamento in Vignerotium Richelium fororis nepotem, si Brezæo filii deessent, recidere debebant: eo Condæus Aquiloniæ lubens in his nuptiis ægrè faciebat, præter ea quæ de Gratia-Portu habebat consilia.

Sed in eo negotio, sicut & in aliis Regina, atque Mazarinus præclare intellexêre, quàm nihili se, atque Galtonem Condæus penderet: si isthuc, atque alia neglexerint, aut ubi si cessent, hunc per reliquos pueritiæ Regis annos regnaturum, neque facilitè posthâc potentiam, cui assueverit dimissurum, sedulò tamen in præsentia dissimulandum decrevêre. Igitur ubi Condæa misit ad Mazarinum qui doceret quemadmodum ea res acta esset, hanc tametsi maximè seria, atque ad rem publicam magnoperè pertinere videbatur, in jocularè vertit, nec sibi curæ esse ostendit, quod & Regina fecit.

Sed Aquilonia, & Rohana Mombasona quarum consilia de nuptiis Caprosæ virginis cum Richelio Condæus, atque Condæa soror disturbaverant, ad ulciscendam hanc injuriam animum adjectêre: illa Condæo eâ quam diximus de causâ, hæc unâ cum Avaucuria sicuti memoravimus antehâc, Condææ, atque Mommorantiæ matri pridem infensæ. Erat Rohanæ summa cum Gondio amicitia, nam par ingenium nacti ambo miscendis in Aulâ rebus facilitè congruebant: cumque ille tunc cum maximè ab Condæo paratæ in se cædis Quæstione exagitaretur, haud difficile fuit hominem adversum Condæum impellere. Prius tamen ipse, atque Belfortius Condæi animum pertentavêre, utrùm sibi placatus esse vellet, huic factionis suæ principatum deferentes, cui omnia obsequi vellent: nam tanti viri operâ haud difficile videbatur perfumdare Mazarinum, dein illum ipsum Condæum, cui mox Regina ex amoto Mazarino infensissima fore videbatur.

Sed Condæus, seu id ipsis consilii esse suspicabatur, seu Belfortii fidem, & gratiam apud plebem, atque virtutis opinionem tolerare diutius non posset, & utriusque cum omni eorum factione profligandi spem nactus erat, quos jam atrocissimi facinoris reos ageret, omnem cum iis reconciliandæ gratiæ conditionem abnuvit. Ita nihil ambobus reliquum esse videbatur, quo salvi, honestique porrò forent, quàm uti Reginæ, ac Mazarino se adversum Condæum conjungerent. Igitur Rohana Mombasona cum Mazarino agit, uti Gondium secum in gratiam reductum vellet, quò & Belfortium esset adducturus. Id Mazarino satis placuit, neque abnuvit tali suo tempore Belfortius: cæterum seu ingenii mobilitate, seu nimio gratiæ popularis studio uti cum illo omnino, aut diù congrueret, nunquam animum inducere quivit.

Rohana Mombasona Mazarino uti Condæum in carcerem conjiceret, autor erat, quòd quidem hic aiebat haud necesse videri, sed conjunctis factionis opibus cum Aulâ facilitè fore homini modum facere, atque hunc cogere, uti quæ ferociùs adversum rem publicam, atque adversum Belfortium, & Gondium agat, ea sibi sentiat omittenda. Sed Gondio ad Mazarini artes perspicacissimo, qui inter Condæi, ac factio-

forum diversa studia, ex animi lubricine gerere omnia vellet, haud ita visum, sed planè sibi, atque factioni adversum Condæi potentiam, & audaciam caveri oportere, quod quidem aliter, quàm hoc in carcerem coniecto fieri posse negabat, sin aliter Mazarinus sentiret, se suosque sibi consilium capturos.

Sed adducendus erat Gasto in hanc de Condæo in carcerem conjiciundo sententiam: qui tametsi cum eo similitates exercebat, illi tamen in viro è regiâ gente Principe quo nullus sibi propinquior esset, id exemplum haud satis placitum videbatur. Præterea Mazarinus Rivieram Condæo obnoxium esse scibat ex Cardinalatu, sicuti suprà demonstravimus, Gastonem autem rem tantam Rivieræ cujus in potestate usquè fuerat, haud occultam habiturum credebatur, neque hunc Condæo, ex quo Mazarino perniciēs, rei publicæ bellum adfore dubium non erat. At Rohana Mombafona satis scibat Gastoni Condæi virtutem, & audaciam æquè molestam esse, cui videlicet metueret, ut ne plusquàm suæ ipsius dignitati, & cum Rege propinquitati homines tribuerent.

Hanc auxerat Condæus molestiam, ubi nuper apud Gastonem quædam fabula aut agebatur, aut saltabatur: nam qui ad fores aderat seu Vicecenturio, seu Vexillarius Custodum Corporis, is turbam abigendo quæ occasione advenientis Condæi freta simul ingredi nitēbatur aulam in quâ fabula agi debebat, scipione quem de more imperii tessera præmanibus habebat, Condæum imprudens attigerat, qui hunc subito è Vicecenturionis manibus ereptum præ iracundiâ perfrigerat, rem Gastoni graviusculam, quam tamen tum dissimulaverat: sed oblata occasione huic ægrè aliquid fieri æquo animo passurus videbatur. Quantum ad Rivieram hujus gratiam, & fidem apud Gastonem immutatam ex Salgeonæ negotio Rohana satis scibat.

a Mademoiselle de Salgeon.

Illâ virgo nobilis in Margaritæ Lotharingæ Gastonis uxoris gynaeco erat, utrique æquè grata, acceptaque, quia virtus huic amborum benevolentiam conciliaverat. Id Rivieræ molestum, metuenti videlicet, ut ne in cuius alterius potestate Gastonis animus esset. Tanta pietas in Deum erat virgini, ut huic in mentem veniret, reliquam inter Sanctimoniales vitam agendi. Quâ re admodum lætus Riviera Carolam Margaritam Mommorantiam Condæi matrem impulerat, uti Salgeonam in hac sententiâ confirmaret, ac ei operam ad rem faciendam polliceretur: igitur ab Gastonis, & Margaritæ ædibus clam egressam deducit ad Carmelitanas Virgines, quò aliquamdiu agitavit.

Interea Gastonem, & Margaritam uxorem Salgeonæ desiderium tonebat, atque his ægrè erat huic se rei Mommorantiam admiscuisse. Dein Gasto percunctando, anquirendoque id ab Riviera ortum rescivit, quo incidit suspicio hunc cum Condæo plus æquo congruere, ac majorem in eo quàm in se ipso adipiscendi Cardinalatus spem posuisse. Sed uti Salgeonam Carmelitanæ Virgines dimitterent, Gasto operam dedit, quam Maria Ludovica Aurelia hujus ex priore uxore filia ad Margaritam novercam reduxit. His Rohana Mombafona freta Gastoni se persuasuram

R r r ij



confidit, magnoperè ad hunc pertinere, uti Condæus comprehenderetur, & in custodiam mitteretur, atque id planè celandum esse Rivieram.

Quod postquam est ab muliere solertissimâ factum, Mazarinus ipse de hoc omni negotio cum Gastone collocutus est, quod & Regina ipsa fecit. Ubi igitur ille in hujus sententiam discesserat, ibi ambo perbellè majorem cum Condæo amicitiam simulant, atque item Mazarinus, sed maximè sibi curæ esse, uti de paratâ in hunc cæde vindicetur in noxios: cum interea Gasto necere in eâ re moras, aliis, atque aliis de causis non ire in Curiam, ut ne quid decerni posset. Gondius verò, ac Nigromonasterius jam inde ab hujus agendæ rei principio noctu ad Mazarinum ventitabant, & cum eo frequenter agebant. Gondius mutabat vestem, ac versicolore sagulo militariter ornatus erat, ut ne quis suas ad Mazarinum itiones posset. advertere.

Contium cum Condæo comprehendere consilium erat, qui tametsi vix per sese quidquam movere, aut facere posset, tamen cum Condæâ sorore, & Longavillâ hunc valere quidpiam Aula nuper senserat: eo Principem è regiâ gente adolescentem subducere Condæi clientibus visum, si quid postquam in custodiam conjectus foret, moliri vellent, atque idem de Longavillâ decretum, quamvis ab Condæo se, atque ab uxore Condæâ dissentire simularet, atque utrique ex Pussard cum Richelio nuptiis graviter offensum: sed alia graviora fuere, quamobrem ab uxore dulcordaret, atque adeò ab ipso Condæo, qui huic sicuti forori decebat, fautor erat. Cum Regiâ itaque, & Mazarino redierat in gratiam, postquam ambobus ut ne præteritorum meminissent demississimè, atque subiectissimè supplicaverat, fidemque dederat se in eorum potestate futurum. Vocatus tamen postridiè ab socru Carolâ Margaritâ Mommorantiâ reconciliandæ inter Condæum, & Contium filios, Condæam filiam, ac generum gratiæ, quæ posthac firma foret, his eandem quam pridè Regiæ, ac Mazarino, fidem obligavit, incertam videlicet, neque diuturniorem futuram: præterea Rivieræ animum implevit suspitione de Mazarini ergà hunc voluntate, quod ubi rescivit Mazarinus Longavillam item sicuti Condæum, & Contium in custodiam mittendum esse rectè censuit.

Regina, Gasto, & Mazarinus quo magis rei patrandæ tempus instabat, eo ad simulationem intentiores fuere: de variis rebus Regina Condæi sententiam exquirebat, atque hujus sibi magnoperè probari consilia præ se ferebat: Gasto ubi in Senatuum ibat, se vehementer cupere demonstrabat, uti qui cædis in Condæum patrandæ autores fuisset, sciretur denique, & in noxios jure ageretur: Mazarinus spem magnam ostentabat sese hujus maximè operâ salvum, & honestum porro fore, sicuti per nuperum civile bellum fuisset. His, atque aliis hujuscemodi delusus Condæus, sed magis potentia suæ, atque virtutis opinione, quam tantam apud omnes esse rebatur, uti nemo adversum se cogitare quidquam, nedum facere. auderet, rei quæ parabatur indicia multa contempsit.

Interea componebatur ab Mazarino dolus, quo ipse caperetur, parumque abfuit, quin hunc resciceret; namque praecunti verba Commentarii quem eâ de re Lionnus perscribebat fortè intervénit, sed animus longè aliâ omnia cogitans ab omni suspitione procul aberat. Inde ad Reginam iit, Consilium post meridiem haberi debebat, vulgatumque fuerat in eo agendum de Costurâ, quem Syndicum fuisse diximus creditorum usurarum urbanarum: hunc seditiosissimum Regina, ac Mazarinus dicebant esse, atque cædis in Condæum paratæ autoribus confisum, si comprehendatur, haud dubium videri, quin hujus indicio, & testimonio resciri possit, quidquid ad tantum facinus pertineat: hunc latere in ædibus Montis Martyrum portæ vicinis, dandam igitur operam, ut id quanto citius fiat: obstat modò quod factiosi plebem commoturi videantur, ut hunc è licitorum manibus eripiat, quod uti prohiberi possit, cataphractorum Regie equitum turmam in stationibus quibus locus videbitur, disponendam.

Condæus nihil suspicans quæ dicerentur, ac pararentur, ea ad se attingere, Carolum Schomburgium Equitum Tribunalis hujus turmæ duccem per Lionnum monet, ut hanc paratam, atque instructam quibus opus esse dixerit locis per stationes disponendam properè mittat: ita composito dolo digreditur, qui postea in illum ipsum vertit. Mazarinus operam dederat, uti Longavilla sciret post meridiem de more Consilium habitum iri, in quo de pace cum Hispaniæ Rege faciendâ ageretur, ac præterea Egotum Beuvronii filium jusjurandum Regi editurum ob Legati in Normanniâ Provinciâ, & Praefecti veteri Palatio apud Rothomagum Munera, quæ utraque res ad Longavillam singulatim pertinebat, scilicet qui de hac pace sicuti de Germanicâ Monasterium Vestfalorum antehac Legatus fuerat, & qui Normanniam obtinebat provinciam, quo factum est ut huic Consilio adesse vehementer vellet.

Advesperascente die Condæus, dein Contius, ac denique Longavilla in Regiam veniunt: Regina minùs bellè habere se simulabat, cum ut ne Consilio adesset, tum ut aliqua causa esse videretur, quamobrem qui viros Principes comitabantur, eos corporis Custodes unâ ingredi ne sinerent proxima hujus Cubiculo conclavia, unde strepitus adeam sic affectam permaneret. Ad hanc iere primum viri Principes, deinad Porticum quo haberi Consilium solet. Aderant Mazarino, & Rivierâ exceptis Administrî omnes, quorum ille alterum accersiverat, ut ne quid vir callidus, & omnis Aulicæ fraudis scientissimus persentisceret, remque disturbaret:

Tum a Guitaldus Reginæ Custodum Corporis Centurio, Comin-
gius frater & ipse Centurio, atque Croisius vexillarius singuli singulos
Condæum, Contium, & Longavillam comprehendunt, ac sibi deducen-
dos esse aiunt, quò Regina jussierit. Condæus Cancellarium orat,
uti sibi hanc alloqui liceat, qui continuò ad Reginam iit, sicuti Servia-
nus item ab eo rogatus ad Mazarinum eadem de causâ: sed id postula-
verat frustra, cum uterque ut id ne fieret consilio adesse noluisse.

a De Guil-
tauld, Capite-
taine des
Gardes du
Corps de la
Reyne.
De Comin-
ge, aussi Ca-
pitaine.
De Croisy
Enseigne.

1650.

Deducuntur per Regiæ posticum viri principes ad apparatus rhe-
dam, dein eâ consensâ ad Vincennarum arcem: eo circumeunda su-
burbia, & per vias cavas, transversas, luto impeditas iter habendum, quod
eotantisper, & quod in his rheda corruerat, tardatum est: postremo ta-
men ventum ad Vincennas est, quò in arcem interiorem viri Princi-
pes coniecti sunt.

a Le Prefi-
dent Per-
taut.

Eòdem & a Peraltus in Rationum Curia Præses qui negotia Condæi
curabat, deductus post paulò est, conquestaque in ejus domo scripta
quæ ad Condæum pertinerent omnia. Primum in Urbe vulgatum est
Belfortium comprehensum: sed ubi hic per vicus, & plateas sese plebi
ex ante composito ostentaverat, nihil est tumultuatum, sed propè omnes
ex alienâ calamitate lætari, dictitare hæc esse Condæum dignissi-
mum, ab quo per nuperum quod adversum Urbem gesserit bellum,
compluria orta sint mala, quin & eò multitudinis petulantia evasit,
uti sicut in publico gaudio per compita & plateas frequentes ignes
hujus indices accenderit.

b De Lome-
nie, Comte
de Brienne.
c La Princef-
se de Condé,
Donsiriere.
Philippeaux
de la Villie-
re.
La Duchesse
de Longue-
ville.
d La Princef-
se Palatine.
e La Princef-
se de Condé.
Le Duc d'An-
gouen.
Chantilly.

b Lomenius Bricinna ad Carolam Margaritam e Mommorantiam Con-
dæi matrem, Phelipæus Vriliera ad Annam Condæam sororem Lon-
gavillæ uxorem nuntiatum venere Reginæ verbis, illi uti postridiè
rus secederet, huic ut in Regiam veniret protinùs, quæ statim ab ædi-
bus matris in quibus erat, unâ cum Annâ d Gorzagâ Palatini Princi-
pis uxore discessit, & in quibusdam hujus clientis ædibus abdidit se, at-
que proximâ nocte in Normanniam, quam vir obtinebat, sicuti sæpiùs
diximus, provinciam abiit. Mommorantia cum e Maillæâ Brezâ nu-
ru, atque Angiano nepote Cantilium Rus haud procul Urbe secessit.
Condæi amici, atque clientes alii aliò discessere, Buillonius in Lemo-
vices, quò firmissimam arcem, atque oppidum habet, Turenâ ap-
pellant: Turena frater unâ cum Goyone Mussaio Satenaium contem-
dit, cui oppido, atque Arci ad Mosam in Campaniæ finibus Condæum
Præfectum esse diximus antehæc. Eò copias subito Turena conscripsit.
Philippus Hispaniæ Rex in propinquo Luxemburgensem habet agrum,
atque omnem Belgii usque ad Oceanum, ad Rhenum, atque ultrâ re-
gionem, unde & pecuniam in belli civilis sumptus, atque alia sub-
sidia sese habiturum Turena confidebat: Marsillacus in Pictonas quam
obtinet provinciam discessit.

Interea Mazarinus ab omnibus collaudabatur, qui rem tantam sine
tumultu confecisset, quo nomine apud hunc omnes ex Aula, atque
ex Urbe, qui aliquo numero essent, homini gratulatum venere. Sed
visum de more ubi quid hujuscemodi quod ad rem publicam perti-
neat, Rex fieri jussit, de eo Senatam facere certiorum. Eo ad hunc
Ordinem litteras dedit, significavitque omnia, quibus adductus Con-
dæum, Contium, & Longavillam in custodiam coniectos voluerit.
His litteris permulta in Condæum jactabantur, quæ fermè cuncta me-
moravimus suprâ: sed in narrando tanta ars erat adhibita, ut amplio-
ra vero, multoque graviora viderentur: cæterum factum nullum,

consilia modò, quæque virtuti suæ, & navatæ Regi, atque reipublicæ operæ ingentia præmia postulabat, ea crimini dabantur. Eodem exemplo datæ ad cæteras Curias, & ad eos qui provincias obtinebant litteræ: sed hæ primùm in Regiâ Rege, atque Reginâ matre coràm, accersitis ab Senatu quibusdàm, ac frequenti Procerum cœtu recitatae sunt, quod idem mox factum in Senatu: aderat Gasto qui plerisque Patrum fidem fecit, quæ recitata essent, ea vera, atque comperita esse, haud satis æquus Condæi virtuti, atque gloriæ, quam subduci hominum oculis haud ægrè ferebat, cæ re magis uti suâ voluntate comprehenderetur adductus, quàm quòd ab eo tam quidquam publicè metuendum existimaret.

Rex suis ad Senatum litteris Patres hortabatur, uti nupera plebis ad seditionem vocatæ, & paratæ in Condæum cædis crimina impunitæ dimitterent, quem tametsi reipublicæ causâ in custodiam mitti iusserit, nihilò minùs quæ ad ejus salutem, & dignitatem attingant, ea sibi curæ esse, eadem Regina pridè dixerat, ubi recitatae in Regia litteræ fuerant. Sed hæc per simulationem dicta, scriptaque Senatus factis intelligebat, majoraque erant complurium ex hoc ordine in Belfortium, & Gondium studia, prætercà in Brussellum, quàm ut hos utriusvis criminis peragi reos vellent, quin potiùs exemptos noxæ, & ipsum de quo memoravimus Carretonium, nam ad hos omnes hanc quæstionem pertinere aiebant.

Igitur vbi de hoc negotio ad Senatum relatum est, nihil videri deerevit, quo hæc quæstio ad eos attineret, atque adèò in Senatum ubi vellent de more venire possè. Secundùm hæc Belfortius, & Gondius ad Reginam, postridè ad Mazarinum adièrè, utrobique perbenignè, atque liberaliter habiti: neque dubium cuiquam fuit, quin ex Reginæ, & Mazarini voluntate Senatùs Decretum de iis factum fuerit: nam Mazarinus ambos ab Condæo alienissimos volebat, ac Belfortium maximè, cujus fratri Mercurio sororis filiam nuptum dare properabat, uti totam sibi fidam haberet domum. Vindocino patri Ædui data provincia est, Condæi spoliū, Mercurio filio Catalonia, quam Prorex obtineret. Mazarinus qui maximè Belfortium sibi adjungere studebat, diligenter hunc in mediâ quò agitabat urbe invisit, cum maximo comitatu, uti plebes omnis cui sicuti diximus carissimus erat, sciret sibi cum eo convenire.

In Catalonia quibus finibus hanc Rex obtinet, pro Prætorè erat Marfinus hospes, atque advena Leodiensis, qui dudum Regi merebat, vir fortis, & qui per æstiva proxima rem illic publicam egregiè sustentaverat. Sed quia Condæo addictus erat, visum hominem tantisper habere in custodia, ut ne quid plus. minusve quàm opus foret, faceret: eo Perpinianum deductus, & in Arcem conjectus est, ita Mazarino cuncta procedebant. At Gasto in Rohanæ Mombasônæ, ac magis Gondii potestate erat, nam hic Margaritâ Gastonis uxore, Annâ Mariâ Ludovicâ hujus ex priori uxore filiâ, sed Rohanâ singillatim, atque aliis,

1650. Rivieræ inimicis fretus hunc rus amandaverat, hominem novum, cui spes, opesque omnes in se uno positæ erant: Gondio verò genus, virtus, propinqui, affines, amici, ac denique factio in Aulâ, in Senatu, atque in Urbe valida, quæ omnis Mazarino adversa erat, animos faciebant.

Condeam diximus in Normanniam abcessisse, quæ primùm Rothomagum petiit: eò Beuvronius veteri Palatio quod est instar arcis, Præfectus est: sed is Longavillâ in custodiam conjecto nihil se posse movere scibat, quod alicujus ad virorum Principum liberationem momenti foret, neque Curiam, neque populum Rothomagensem ausurum pro Longavillâ arma capere adversum Regem, quem mox adfuturum providebant. Non ipsi, non Curia, non plebi studium erga Longavillam, atque erga Condeam deerat, sed quod his nulli usui futurum facillè judicabant, sibi autem si quid moverent, in certissimam versurum perniciem. Pervieit tamen Beuvronius, uti Rothomagensis Curia ad Regem scriberet, si ipsi videretur, nihil opus esse, ut in Normanniam veniret, quò omnia obedientia essent, ac porrò forent.

Dein ubi Condeam in Curia, populoque Rothomagensi nihil auxilii esse videt, Richelium cujus tam egregias cum Pussardâ Vigeana confecerat nuptias, tentat, utrum se ad Gratiaeportum venire vellet: sed occupaverat Mazarinus per ^a Ternæum navibus longis Propræfectum, cui Richelius Præfectus erat, monere adolescentem uti Gratiaeportum sibi uni habere vellet. *Si hunc obtinere Aquiloniam amitam sub cujus videlicet tutela esset, ipsi grave fuerit, multò gravius futurum, si penes Condeam sit. Id planè hanc moliri, si recipiatur manibus: nihil enim ipsi fore antiquius, quàm uti Centuriones, ac milites qui in præsidio sint, sibi adjungat, muliebri arte, atque largitione. Longavillam virum sibi Gratiaeportum expetisse, neque omisuisse quidquam, atque omni studio contendisse, ut id sibi permisteretur. Condeam uxorem fortasse non alia causa Pussardæ cum ipsa Richelilio confecisse nuptias, quàm uti quæsitâ opportunitate, quod usquè vir nequiverit, id ipsa efficiat. Si se huic, atque Condeo obligatum sentiat, uberio-rem utrique referre gratiam posse, si Gratiaeportum porrò obtineat, quàm si hunc sibi admitti sinat: nam hoc pacto Gratiaeportum, non autem ipsum Richelium Condeo, atque Condeæ usus futurum.*

His, atque aliis hujuscemodi Ternæus adolescenti persuasit, ut ne Condeam Gratiaeportum venire sineret, sed quàm honestissimâ oratione ex eo nihil ipsi auxilii, sibi periculum ingens adesse ostenderet. Ternæus pridem Richelii Cardinalis cliens fuerat, quo major illi apud fororis ejus nepotem fides fuit. Ita Condeam cum sua spes de Rothomago, & Portu-gratia frustra esset, postremò Diepam confugit. Id oppidum ad Oceanum positum dudùm penes Longavillam est. Propræfectus ^b Montignius, ac præsidium magis in ejus, quàm in Regis fide fuere, vitio nostratum, qui se iis ab quibus aliqua augendæ rei spes est, facillè devoent, nullâ Regis, aut reipublicæ curâ: id ea Nobilitas maximè facere solet, cui exiguæ fortunæ sunt, dein milites, Populum

haud

^a Le Marquis de Terne.

^b De Montigny.

haud facile nisi reipublicæ specie commoveas. Hic adeò bonus fidelisque apud Diepam fuit, nihil aut precibus, aut minis Condacæ ab officio deductus: præsidii tamen quod in arce erat metu dissimulare cogebatur, ut ne suum in Regem studium priusquam subveniri posset, in perniciem verteret.

Arx erat munitissima, præterea alia Munitio, quæ valido præsidio ab Condacâ tenebatur, rumorque incesserat accessu undequaque Longavillæ clientes, & copias, augendo præsidio, ut & oppidum esset in potestate, ac præterea qui subest oppido portus. Is magnam Condacæ dabat opportunitatem ad auxilia fors petenda, advehendaque, quorum ab Belgio propinquo copia erat, Hispanis qui id obtinent ad fovendas in Gallia turbas intentis: his ut ne Diepa ipsa ab Condacâ traderetur, quo viri, fratrumque causam susciperent, Regina metuebat. Jam Turenæ apud Satenæ, quò hunc abiisse diximus, copias cœgisse, & cum Hispanis consilia conferre fama erat: quibus rebus uti præverteret Regina protectionem in Normanniam adornat, atque eò præmittit Harcurium cum copiis.

In hac provinciâ Longavilla præter Diepam, cui jamdiu Præfectus fuerat, Cadomum, & Pontem-arcuum ab Rege nuper sibi permissa oppida habebat: huic oppido, atque arci Chamboium præfecerat virum fortem, ac strenuum, atque eò validum præsidium esse aiebant, difficilemque arcis oppugnationem fore: sed in eâ pauci fuere qui hanc defenderent, neque satis ad augendum præsidium spatii fuerat, tam maturè Rex post comprehensos Principes viros Urbe moverat. Chamboius tamen, ut arx sibi relinqueretur postulabat, de quâ Regi conservandâ fidem daret: quod postquam est negatum, atque Harcurius circum oppidum posuerat castra, postremo vitam, & res salvas, præterea alia sibi, militibusque honesta pactus arcem dedidit, sexaginta omninò fuere, cæterum multus commeatus, tormenta sex, sclopeti quadringenti. Fuere qui ita existimarent deditioni maturandæ curatam Chamboio pecuniam, quæ oppugnandarum arcium ratio vi, atque armis longè potior est. Sed ubi Rex Rothomagum advenit, supra quam dici potest lætissimis omnium animis accipitur, ex veteri Castello, aut Palatio pulsi qui in præsidio erant, in quorum locum suffecti ex regiæ custodiæ Legione octoginta Helveti: Urbis portæ, atque aliæ munitiones Urbanis Magistratibus permissæ, unam ex portis cateris firmiorem, atque novam ad Sequanæ pontem munitionem Longavilla clientibus suis attribuerat, quæ ipsis ademptæ sunt.

Inter hæc ab Diepâ missi advenire, qui oppidanorum verbis postulare ab Rege quempiam militiæ penitum, cujus ductu non modò sese adversum id quod in arce sit præsidium, oppidum deffensuros, sed & arcem ipsam oppugnaturus aiebant: nihil ad eam rem copis opus esse, hanc oppidanorum fidem, atque virtutem, hunc ad omnia pericula reipublicæ causâ subeunda animum, uti si accedat ab Duce disciplina, atque militaris ratio, qui in arce sint, eos ad deditionem addu-

1650.
 a Le Marquis
 de Boumon-
 ville.
 Le Vicomte
 de Gand.
 Le Comte de
 S. Agnien.
 Du Quesne.

cere se posse confidunt. Datus Beliero-plessius Castrorum Praefectus, qui continuò Diepam unà cum iis profectus est: comitabantur a Burnonvilla Marchio, Gandavus Vicecomes, Santanianus, & Quesnaeus rei maritimæ peritus, præterea septem è Mazarini custodiâ sclopetarii equites.

Ubi Beliero-plessius advenit, oppidanos quadringentos arcem inter, & oppidum collocat, atque eâ parte Burnonvillam, & Gandavum curare jubet, ac maturè vallum hosti obicere, è regione portus trecentos item oppidanos ab Santaniano circumduci: trecenti præterea apud oppidi portas, plateasque dispositi sunt. Quod ubi sensere qui in arce erant, incredibilis eos regii nominis terror invasit, ita ut supplicii metu plerique è muris præcipientes sese darent, diffugerentque. Non tamen ita stationibus, ac vigiliis obsepta erant omnia, ut non aliqua fallendi copia esset: præmissis igitur qui iter explorarent, Condæa certior facta ad mare se posse tutò evadere, intempestâ nocte cò progreditur, scapham conscendit, & ad navim quæ hæud ita procul ab litore in anchoris erat, jam antea ad similem apparatus casum, magnâ remorum vi contendit: sed adversi flabant venti, tantaque tempestas Oceano incesserat, ut hanc superare nautæ nequirent, quo factum est uti littus repetere cogeretur, neque multùm abesset ab naufragio: postremo equo imposita cum equitibus quinque capessit fugam, & cum lucefceret jam multùm itineris anteceperat: sed nemo fugientem sequebatur, nullâ Beliero-plessii præterquàm de potiundâ arce curâ.

Antequàm profugeret ad Reginam miserat, qui nihil ab se hostiliter factum diceret, Diepam venisse uti sibi in arce tutò esse liceret, neque consilium fuisse quidquam adversum Regem facere. Quando Regina ita placeat, sese Montignio mandasse, uti cui ipsa jubeat, arcem tradat, saluti quoniam aliter copia non sit, longius abscedendo consulturam. Regina Nihil Condæa aut arce, aut fuga ut in tuto foret, opus fuisse respondit, cui per se licueris Rure aliquo suo agitare, dum vir in custodia esset: ea de re se per b Varennam huic dedisse fidem: quod arcem Regi dedi jussus, in nulla gratia habere, quoniam hanc defendere nequivisset. Cæterum continuò arx dedita, neque Montignio consilium, hanc adversum Regis copias defendere, sed magis Condæa autor fuerat, ut hanc subitò dederet, quod ipsâ invitâ faciendum foret denique: similiter c Croisseta Cadomum dedit, nihil expectato quo oppugnaretur belli apparatu.

His ex lententiâ gestis visum ad Richelium mittere, qui Regis verbis juberet adolescentem Gratia-portum oppidum, atque arcem huic tradere: sed ille quid faceret incertus colloquium cum eo qui missus fuerat, effugit: dein datâ ab Mazarino fide Pussardam Richelii uxorem tutò Rothomagum venturam, atque ubi luberet ad virum redituram, hæc cò venit, atque impetrato uti nuptiæ suæ cum Richelio firmæ haberentur, & sicuti Ducum, ac Parium Franciæ uxoribus copia est, & ipsi Reginâ coram sedere liceret, convenit uti Richelius Gratia-portu decederet, qui ab Rege, aut Reginâ matre sicut antehac Aquiloniæ per-

b De Varen-
 ne.

c La Crois-
 seta.

missus est, atque hæc eò *a* Santimaurum qui sicut antehac præfesset, remisit. Ita omnis pacata Normannia est, quam Rex Harcurio tantum de se, atque de re publicâ per bellum civile nuper, dudumque per externa merito provinciam permisit.

Danvillarium oppidum probè munitum in Lucemburgenſi agro haud procul Campaniæ finibus Contio qui hanc obtinet provinciam, permissum nuper diximus: id antea penes *b* Anevioxum fuerat, virum fortem, ac Regi fidum, cum Cohortis unius præsidio, cui Tribunus erat. *c* Becerellus eodem tùm Propræfectus fuit, atque hujus Cohortis non centuriones modò, sed & procenturiones, vexillarios, ac gregarios milites benignè, atque liberaliter habuerat, quæ res seÿ benè, seu malè facere consilium est, magno usui esse solet. Postquam oppidum Contio traditum fuerat, huic Rupifocaldum Marsillacum præfecerat, cum eadem Cohorte, mutatis modò centurionibus, paucisque aliis. Sed hanc memorem sacramenti, & suæ erga unum quemque benignitatis fore Becerellus existimavit, spemque nactus est, si cum militibus colloqui copia foret, hos in officio retinendi. Hæc Administris aperit, Danvillarium versùs mittitur, *d* Vandius, atque Fouquetus Abbas qui consilio juvent, huic adhibentur.

Ubi propius Danvillarium ventum, accersit è præsidio quosdam, hos benignè appellat, & quid rei agatur edocet. *Adversum Regem bellum ab Condæ, & Contii clientibus parari, Turenæ esse in propinquo, qui cum Hispanis hostibus consilia conferat, contra sacramenti religionem facturos, si diutius aut Contio, aut Marsillaco, aut qui eorum vices in oppido gerat dicto audientes sint*: præterea præmia militiæ pro cujusque captu, atque ordine ostentat, ita homini militari, atque iis antehac quos alloquebatur propè contubernali fides apud eos fuit. Jam erumpebant indicia aspernantium, & Propræfecti (is *e* Rupifocaldus erat è Melitenſi militiâ Marsillaci frater) & centurionum imperia, quibus Propræfectus sicuti par erat permotus, Turenæ qui apud Satenaium haud procul erat, accersit. Hic cum copiis eò contendit, quod ubi sensere qui Becerello rei quæ parabatur, conscii erant, ii, atque omnis gregarios milites arreptis armis centuriones, atque alios qui Contii partes sequebantur, in vincula conjiciunt: adversum Rupifocaldum Propræfectum nihil contra militiæ decus admissum, sed hunc cum honore custodiunt, dein Turenæ appropinquanti emissæ tormentis pilæ oppidum in Regis potestate esse significavere. Ita sine cæde, & sanguine Danvillarium validissimum oppidum unius Becerelli operâ Condæi clientibus ereptum est, quæ unicuique eâ gratiâ promiserat, cuncta cum fide præstata.

Haud dissimiliter *f* Fertæus Sannectarius qui Lotharingiam obtinet provinciam, Claromontium arcem in propinquo, nuper Condæ ab Rege dono datam, recepit, cui ipse Præfectus antehac fuerat. *g* Dutoitius castrorum Præfectus huic eâ de re mandata Regis attulerat, qui jussus ab Fertæo pedites apud Barem cogere, & Claromontium versùs ducere, dum id exequitur, ille interea loci cum suâ equitum

Sff ij

1650.

a De Sainte Maure.*b* Le Baron d'Annevoux.*c* De la Becerelle.*d* Le Marquis de Vandy. l'Abbé Fouquet.*e* Le Chevalier de la Rochefoucaud.*f* De la Ferté Sannectaire. *g* Du Tot.

1650.

alà celerius eò advenit. Quò factus per exploratores certior Angiani levis armaturæ, & Contii cataphractorum, atque levis armaturæ turmas Claromontio discessisse eà ipsâ die, ac Satenaïum petere, has persequi instituit: pernoctavêre in vico qui passibus modò millibus novem ab Satenaïo aberat, quem vicum propius postridie primâ luce Fertæus advénit. Satenaïi vicinitas, quò, circûmq; oppidum Turenâ omnes habebat copias, præterea nulla hostium qui propè essent fama Beljocum qui has ducabat turmas, negligentem fecerat. Itaque sine excubiis, sine vigiliis exactâ nocte, nondum satis expectecti equites erant, cum hos ex improvîso Fertæus adoritur: pauci grege factò regiorum impetum sustinêre conantur, interea dùm cæteri equos conscendunt: sed illi fusi fugatique, cæteri propè omnes capti, inter quos ipse Beljocus: *b* Govilla cum octo equitibus in proximam agrestium munitionem, quales tuendis fortunis suis levi opere extruere solent, confûgit.

a De Beau-
jeu.

a De Gouvil-
le.

Sed hanc omittere & Turenâ vicinitas, qui ab Satenaïo auxilio venire poterat, & Claromontii recipiendi consilium Fertæo suavit: quod quidem negotium Laplantæ cujusdam operâ ex sententiâ evenit. Hunc Fertæus pridem Claromontii portæ præfecerat, cujus beneficii, præterea fidei memorem haud difficulter ad hanc Regi, sibi-que præstandam impulit: is alios uti secum sentirent, & sacramenti religione, & præmiorum spe adduxit, quorum voluntate Fertæum introduxit in arcem, ad cujus conspectum clamore sublato benè Regi precati, cæteros qui Condæo favebant comprehendunt. Quâ re nuntiata Reginæ duplex præsidio stipendium curat, Laplantæo, atque aliis, prout quisque promeritus erat, præmia decernit, aut promissâ exolvit.

Mulonium haud procul Satenaïo est item ad Mosam amnem positum, quod adeò alicujus rei, atque usûs est, cæterâ loco ad municiendum importunissimo: quo factum est, uti quoties oppugnatum sit, virtute magis hominum, quàm loci naturâ, aut operibus defendatur, oppidani sicuti necesse est boni, strenuique sunt. Præfectus erat oppido Carolus Franciscus *c* Joûsius Magnipratæus, qui hujus nominis prædium opimum, ac nobilissimum habet in propinquo. Hic juvenis ingens animi, magis quo pacto audaciam ostentaret, quàm utri parti studeret consultabat: pro Condæo suavit hominis virtus, atque adversa fortuna, cujus misératio facilè Joûsium cepit, eadè propè ætate, haud dissimili animo, atque gloriæ pro fortunâ cupidine. Mulonium oppidum ad easdem partes adducere conabatur, quo suum erga Condæum studium clarius esset, at oppidani ubi sensère fraudem, maturè Præfecti imperium exuere, sibi-que cepere consilium, ut in Regis fide manerent, neque in oppidum redeundi Præfecto facultas esset.

c De Joyeu-
se, Comte
de Grand-
Pré.

Receptis eo quo diximus pacto Danvillario, ac Claromontio, Satenaïum adhuc in eâ regione penes Condæum erat: sed cum eò Turenâ copias haberet aliquanto numero, res aspera videbatur id oppidum cum

1650.

arce munitissimâ eâ tempestate oppugnatum ire. At in Æduis ademptâ Condæo provinciâ, ac Vindocino nuper datâ, Divionis Castellum haud ita validum Condæi præsidio tenebatur, quod adeò ubi Vindocinus eò advenit, ipsi haud difficulter deditum est, curatâ Præfecto pro comite quem plurimum eò congeslerat, pecuniâ. Præter Divionis Castellum, Condæus in Æduis Seuram oppidum præsidio tenebat ad Ararim amnem Sequanis finitimum, quod oppidum probè muniverat, nec eâ causâ sumptui pepercerat, quæ res indicabat eum magna, atque insolita moliri, neque enim quisquam est, qui suo sumptu Regis oppida muniri æquum censeat. *a* Sanmicaldus quidam vir fortis Seuræ Præfectus erat, præterea *b* Salxius Comes Tavianus oppidum est ingressus, cum aliis nobilibus Condæi clientibus, atque amicis: ad hunc Turena scripsit, hominem confirmans, uti Seuram cum Sanmicaldo naviter defenderet. *Anni tempus oppugnantibus importunum, eo loco positum oppidum, ubi ab se auxilii copia sit, cui res si usus veniat, non defuturum: si id fecerint, fore ut iis Condæus plurimum debeat, nam & eorum, & sua, atque cæterorum Condæi clientium opera eò rem rediuram denique, ut hunc custodia emitti necesse sit.* Simul ad Divionensem Curiam dederat litteras, uti convocatis Classibus de re publicâ consultare vellet, ac mittere ad Regem, qui docerent ad hanc maximè pertinere, ut ne diutius Condæus in custodiâ sit: eâ causâ civile bellum imminere Regno, quod quanto hujus periculo, atque damno geratur, palàm esse: parceret Æduos fidam gentem onerare miseriis, quæ ex Seuræ oppugnatione si hanc incipere velit, impendeant: sed hæc deprehenso nuntio, interceptisque litteris frustra fuere, solumque proficere, uti Turenæ consilia magis in aperto essent.

a Saint Mi-
can.
b De Saux
Comte de
Tavanc.

Præter Æduos Condæo altera Bituriges provincia erat, cujus caput Avaricum: eò Turris fuit amplissima, arcis instar, è quadrato saxo, cujus murus tam latus, uti tormentis impenetrabilis videretur. Provincia adempta Condæo: Santamiano uni è regionum Cubiculariorum principibus permisâ est. Is subito Nobilitate vicinâ fretus, atque oppidanis Turrim oppugnat: sed qui defensabant in malâ causâ ut ferè sit, despondent animos, terrore regii nominis, ac supplicii metu objecto, quo factum est, uti Præfectus *d* Grassetus Turrim dederet. Ubi coniecti viri Principes in custodiam fuerant, ad hos miserat Regina Servianum, qui suis verbis postularet, uti scriberent ad clientes, quos oppidis, & arcibus sibi permisis præfecerant, significarentque velle sese eos Regi obedientes esse, & quæ imperaret, ea facere: Condæus id frustra fore responderat, quoniam per vim expressum fuisse credituri essent, cæterum non commissuros, ut adversum Regem quidquam facerent, nemo tamen eorum quæ oppida sibi Condæus permiserat, ab iis sponte discessit, sed his pellendis ubique vis fuit adhibendâ. Inter Condæi amicos, clientesque Buillonius, atque Turena fratres de quibus sæpius memoravimus, Rupifocaldus Marfillacus, & Urbanus *e* Maillæus Brezæus principes fuere: hic Condæi focer est qui nihil

e Le Comte
de S. Agnan.

d Grassen

e De Maillæ,
Maréchal de
Brezæ.

1650.

tamen usquè molitus fuerat, dudum quieti, atque otio deditus, sicut aliò diximus. His est Edicto ab Rege dicta dies, ante quam in Aulam venire sine fraude liceret, qui ni paruissent rei Majestatis forent: promulgatum id in Senatu, neque eo magis venère, aut pro Condæo præter Brezæum niti desière, Turena maximè, qui copias apud Satenaium cogebat.

a Le Comte
de Fuenfaldagne.

Cùm hæc omnia civile bellum in Galliâ ostentarent, Hispani spem nacti sese quidpiam interea operæpretii facturos, præterea certiores facti Helvetios qui Regi mercede militabant, munia militiæ apud Dunkercam inopiâ stipendiû abnuere, hanc improvisò adoriri constituunt, eâ celeritate rem confici posse, uti subveniendi spatium futurum non sit, dum nostros discordiæ, atque turbæ distineant. a Fuenfaldanius ab vicinis præsidii hybernisque educit copias, ab Ostendâ instructa properè ad eam rem navigia accersit, terrâ, marique ad urbem properat. Sed qui Bergæ Fani-Vinoci Dunkercâ haud procul præerat, is arbitratus ad se hostes venire Catacætas quæ eo sunt omnes deprimi, atque adeò claudi jubet, quo factum est, uti Colmia amnis plurimum creveret, atque effusa in omnem longè, latèque planitiem aquâ paludem efficeret, quæ res prohibuit b Lipontium quem Fuenfaldanius ab Audomari-fano cum copiis præmiserat, Dunkercam pergere, atque adeò inceptum omittre coactus est. Hostes & Bassæam frustrâ tentavère, quorum tam varia consilia Reginam impulère, uti c Villequierum in Atrebatès mitteret, qui Hispanorum conatibus pro virtute, ac diligentia suâ occurreret.

b Liponti.

c De Villequier.

Ita domi, forisque Mazarino cuncta procedebant: sed huic quæ Gastoni, & Condæo erat cura, atque sollicitudo, ut ne alter plus altero gratiâ, & potentiâ in Aulâ valeret, ea saluti usquè fuerat, dum utrique Mazarinum sibi æquum habere studet, neque ambos quæ utriusque animum æmulatio incesserat, ea congruere sinebat in illius perniciem: nam ita ab naturâ sumus omnes, uti cuncta perditâ, quàm æmulum auctum, aut ornatum malimus. At Condæo tunc amoto Gasto in Mazarinum faciliùs impelli posse videbatur: obstabat una res modò, quod Mazarinus ubi vellet, Condæum emittere posset custodiâ, cujus operâ adversum Gastonis injurias munitus foret. Huic Rohana Mombasonna, atque Gondius persuaserant, ad ipsum magnoperè pertinere, uti Condæus amoveretur Aulâ, atque hujus animum magnis de hominibus consiliis, & audaciâ suspicionibus impleverant, quibus adductus Gasto lubentissimè consenserat, ut in custodiam conjiceretur, quo fiebat ut emitti sibi offensum, atque adeò ultionis avidum nollet, omniaque facturis ex Mazarini voluntate videretur, ut istuc prohiberet.

Contrà Gondius non Mazarino, sed sibi Gastonem obnoxium volebat, quem in illum ubi usus veniret, impelleret: nam sicuti Condæum amoverat per Gastonem, & Mazarinum, ita & hunc abigere per illum decreverat. Sed eâ causâ adimendus erat Gastoni metus, ut ne Condæus ab Mazarino custodiâ mitteretur, quod uti perficeret Gondius,

omnes ingenii sui nervos intendit. Habendus eâ gratiâ Condatus erat in potestate, sed id quo pacto fieret, haud satis expediebat. Apud Vincennarum arcem quod id speraret nihil erat, neque enim inde per multitudinis tumultum eripi poterat, cujus vis intrâ mœnia est, altero ab Urbe lapide Vincennæ sunt: sed si in Bastiliam Urbis arcem adduceretur, tum denique in Gastonis, Senatûs, Populique, atque adeo in suâ quodammodo potestate futurum, qui plurimum apud eos auctoritate polleat. Igitur per Regis, & Reginae matris absentiam qui tum in Normanniâ erant, rumores jacere cœpit, longiusculè ab Urbe Condæum, Contium, & Longavillam haud satis tutò asservari: complures esse qui eos eripere custodiâ velint, qui si vi, aut dolo grassentur, difficilius apud Vincennas id caveri posse, quàm si in Urbe essent, eam rem ad Gastonem magnoperè pertinere, quamobrem hanc sibi curæ esse aiebat.

Eâ tempestate quidam è præsidio interioris Vincennarum Arcis hastati milites, qui perferre, & exequi Centurionum imperia, & cogere in suos ordines cæteros milites solent, triginta ex his sibi devinxerant, qui ad viros Principes custodiâ emittendos operam suam erant polliciti, dein omne propè præsidium consiliis suis opportunum habuere. Primum illi sponte suâ rem totam excogitaverant, quam ad Roquetum Abbatem Contii clientem detulere, uti sibi præmium tanto facinore dignum constitueret, & quæ huic patrando opus essent, ea ab amicis, & clientibus Principum foris pararentur. Ille Gourvillæ de quò suprâ memoravimus rem omnem aperit, quam eò denique adduxerat, uti parùm absuerit, quin consecuta foret: obstitit cujusdam ex conjuratis religio, qui codicillos hujus rei indices in majore Urbis Templo consultò reliquit: hi in manus cujusdam sacerdotis incidere, ab quo perlatis sunt ad Gondium, ab ipso vero ad Gastonem: cumque id tam opportunè accidisset, ut huic traducendorum ad Urbem viro-
rum Principum necessitatem Gondius confirmaret, plerique hujus commentum fuisse sunt arbitrati: sed quidam è præsidio interioris Vincennarum Arcis comprehensi, & in vincula conjecti sunt, mutatumque præsidium est.

Multa simul Gondius eâ tempestate, atque Rohana Mombasona movebant, ambo tamen cum Mazarino amicitiam simulabant, quo facilius hominem opprimerent: sed ipsi ad cavendum dolus, atque astutia superabant. Pomponius Belevræus in Senatu Præfès apud Bernium Rus suum nobile, atque amœnum tum convivium instituit: hic Aulae percupidus erat, fortè per avi memoriam qui Cancellarius fuerat, eundem sibi Magistratum expetens. Extrâ ordinem in Italiam Legatus fuerat adolescens, magis Legatione liberâ per Bullionis foceri summi tum Quæstoris gratiam, quàm quod quidquam magnoperè eò agendum haberet, dein legatus in Britanniam est, postremo iterum eodem extrâ ordinem, & nuper ad Socias Belgii Civitates, quibus in Legationibus nihil operæpretii usquam fecit: seu alienis temporibus hæc sus-

1650.

ceptæ fuere, seu aliud alii natura iter ostendit, ab quo si aberraveris, continuò offendas, sed vitio humani ingenii evenit, uti nemini sua satis placeant, aliena potiora videantur. Nam Belevræus in Senatu clarus, magnâ prudentiæ, peritiæ, atque probitatis famâ erat, qui dùm præsentium tædio nova exoptat, cum Rohanâ, Belfortio, Castronovano, atque Gondio amicitiam instituerat, spem nactus horum se operâ Cancellarium, aut Procancellarium denique futurum, nam hi Magistratus penes Castronovanum primùm futuri erant, dein penes Belevræum, seu illius morte vacui forent, seu hos habendo Cardinalatui abdicaturus esset, uti regii Consilii Princeps fieret.

Hos omnes ad convivium Belevræus vocaverat, uti de rebus communibus consultarent, nam præterea singulis consilium suum in occulto fuit. De Castronovano quem antehac tanto Aulæ desiderio teneri diximus, placuit cunctis hunc iterum Procancellarium fieri, quo minui Mazarini gratiam, & potentiam posse arbitrabantur, quia ille jamdiù Regiæ, cognitus, & virtute probatus erat, quem majoribus Regni negotiis haud secus parem satis sciret: hac opinione distractum iri ejus animum, & abstrahi denique ab Mazarino posse. Jamdiù Rohana isthuc moliebatur, neque cessaverat, postquam Brussellis redeunti Reginam adire copia fuerat, pro Castronovano niti, ut ipsi cum pristina dignitate in Aulam redire liceret, quoque id Mazarini voluntate fieret, inter hunc, & Castronovanum amicitiam conciliare studuerat, quam & ipsa cum Mazarino instituerat, ab hac ubi res moneret discessura. Nam in Aulâ vix ulla amicitia nisi ex commodo est.

Pacatis in Normanniâ rebus Rex, atque Regina mater ad Urbem rediêre. Plebes lætis clamoribus, dein omnes Ordines singillatim adventum, & quod iis omnia prosperè evenissent, sunt gratulati, neque alias magis populus in Regis potestate fuit, scilicet qui omnia eventu potius, quàm officio metitur. At Mazarinus Rohanam, Belfortium, & Gondium sibi magis, magisque adjungere cupiens, iis ex ærario grandem pecuniam decernit, quam haud difficulter Rohana accepit, parùm sollicita quid eâ de re Senatus, Populusque sentiret. Sed accidit fortè, uti qui ab Urbe annuos redditus, aut uluras hujus fide pecuniæ Regibus creditæ accipere solent, eas sicuti par erat, flagitarent. E regiâ pecuniâ urbanis Magistratibus traditâ penduntur, quæ cum ab Almerico summo Quæstore curata non esset, ad eum frequentes adeunt, queruntur, clamitant, maledicunt homini, qui seu nihil aliud tùm occurrit, seu de industriâ Rohanæ, Belfortio, atque Gondio invidiam constare voluit, quidquid præsentis pecuniæ in ærario esset, id iis decretum esse respondit, neque superesse quidquam. Quod ubi rescivêre Belfortius, & Gondius, ingens eos adversum Almericum indignatio cepit, tamen ut ne vulgi quibus maximè nitebantur, studia amitterent, negavêre sibi quidquam è regiâ pecuniâ decretum voluisse, sed magis uti plebes immenso vectigalium onere levaretur.

Nihilò minus tamen ex eorum voluntate Castronovanus est Procancellarius

• Madame
de Chevreu-
se.

cancellarius factus, missus enim est ad Cancellarium Seguietum Phe-
lipæus Vrilliera unus ex Quatuorviris, qui regium reposceret signum,
quod sibi traditum attulit Regi, dein accersitus est ex suburbano rure
suo Castronovanus, cui idem ab Rege traditum signum est. Seguiet-
us Rosnium Suillii generi Rus nobile secessit, de cujus hominis na-
turâ, & moribus antehac diximus. Addendum modò videtur, quod in
otio, sicut in negotio idem fuit, ingenio quod perrarum est in utraq-
ue fortunâ æquabili. At de Castronovano mirum visum, hominem sep-
tuagenario majorem in Aulam redire voluisse, cùm plerumque id æta-
tis homines ab negotiis ad otium sese conferant, contrâ ab illo tantum
uti redire liceret, studium adhibitum, uti per septennium ex quo Re-
gina in procuratione regni sit, nusquam cessaverit, usquè dùm quod
animo agitaverat, id perficeret.

Isthuc primum factiosorum operæpretium fuit, post Condæum Au-
lâ pulsus, quod quidem Mazarino fraudi fuisse multi existimavêre,
nam sublato Gastonis æmulo, hujus potentia crevit, atque adeò ex hu-
jus sententiâ, aut quorum erat in potestate omnia posthac faciunda
fuêre, qui Mazarino tametsi cum eo amicitiam simulabant, erant in-
sensibilissimi, uti satiùs fuêrit omnes ab Condæo molestias, atque indigni-
tates perferre, modò ut Gastonis sicut usquè fecerat, potentia adfer-
ret modum, non quo is suâ sponte Mazarino adversus esset, sed quod
ab ejus inimicis quò vellent, impelleretur. At nondùm contra hunc
palâm incipiebant quidquam, scilicet qui priùs res suas ejus volunta-
te, quin & per ejus gratiam constabilire vellent, nusquam consilia sua
nisi ubi res moneret, nudaturi.

Per id tempus mortem obiêre Urbanus Maillæus Brezæus, & Fran-
ciscus Rupifocaldus: hic Pictonas, ille Andès Provinciam obti-
nebat, uterque è regiâ sancti Spiritus Militiâ, Rupifocaldus Dux
& par Franciæ, Brezæus primum Custodibus regii Corporis Dux,
dein Tribunus equitum creatus, Ludovici Condæi socer, genere, ac
rebus gestis haud tantâ indignus affinitate: ceterùm Henricus Con-
dæus hujus filiam Ludovico filio uxorem expetiverat, Richelii Car-
dinalis causâ, qui huic avunculus fuit, per cujus florentissima tempo-
ra Brezæus ab Aulâ discesserat, ruris, atque otii cupidus, ab quo post-
illâ nusquam avocari potuit. Sed quia Regina metuebat, ut ne quid
generi causâ moveret, huic, sicut & Marillacò diem dixerat, ante quam
utrique in Aulam venire sine fraude potestas facta fuerat. Sed ille suâ,
hic Rupifocaldi patris morte quo minùs Reginæ dicto audiens esset,
prohibitus est, quæ Marillacì excusatio sicuti tali tempore accepta,
postquàm per litteras se in fide mansurum receperat.

Vindocinum in Ædiuos præmissum diximus, qui provinciam obti-
neret, atque huic deditum Castellum apud Divionem. Tavianus Co-
mes qui apud Seuram erat, excursiones circumquâque fecerat, prædas
egerat, villas incenderat, atque alia hostilia fecerat, neque hunc Ta-
vianus Marchio in eâ Provinciâ Legatus satis coercere potuerat, inq-

1650,

piâ copiarum, quas paucas habebat, quo factum est, ut equites, pedestesque qui ab Rege defecerant, per Æduos Satenaium ad Turenâ propè intacti contenderent. At postquam Vindocinus advenerat cum copiis pluribus, ibi verò Tavanius Comes finem populandi fecit. Fama erat Regem cum exercitu propediem venturum, cujus rei metu visum periculum facere, utrum Sanmicaldus quem Seuræ Præfectum esse diximus, animum ad deditionem adjicere vellet: misit eum eâ gratiâ Tubicen, qui de hâc re virum more majorum compelleret: is oppidum sese cuiquam nisi Condæo, qui id suæ fidei credidisset, redditurum negavit, quod ubi in Aulâ rescitum, continuò in Æduos est decreta profectio.

a Le General d'Erlac.

Eâ tempestate mortem obiit a Erlacus Brisiaco Præfectus, vir nobili apud Helvetios genere, cujusmodi quatuor apud Bernenses familiæ plebis voluntate conservatæ sunt, ubi apud Bernam parandi juris, & libertatis constituendæ gratiâ, nobilitatem omnem, aut cecidere, aut abegere. Erlaco res familiaris perexigua, aut nulla, uxori quæ ex eâdem familiâ erat, ut in ea regione, satis ampla fuit. Is ad Bernardum Saxonem Veimariensem Principem in Germaniâ virum qui fortè in propinquo bellum gerebat, applicaverat sese, ac Brisiacum oppugnanti suggererat sumptum, nihil in eâ re uxoris bonis, nihil suæ amicorumque fidei pepercerat, donec deditum Veimario oppidum est, quod post paulò moriens ipse dedit operam uti penes ipsum Erlacum foret, quod certè eo pacto magis quàm Ludovici XIII. Regis judicio, aut sponte factum est, qui quoniam aliter fieri nequibat, illum Diplomate regio Brisiaco Præfectum constituit, atque ab eo accepit iusjurandum.

Dein Erlacus & apud Brisiacum, & in Alsatiâ vicinâ, præterea in Galliâ, ac Belgio bonam fidelemque Ludovico, & Regi filio navavit operam: nam eò semel, atque iterum Germanorum copias iusti exercitus instar adduxit. Condæum aiebant ex clientibus suis quempiam huic generum antehâc destinasse, nam tres modò habebat filias, quo per has nuptias hominem sibi fidum Brisiacum introduceret, oppidumque validissimum haberet in potestate, quod & nuperis Regis litteris in Senatu recitatis Condæo objectabatur. Ubi Erlacus obierat mortem b Carlevosius eâ de re & Regem, & Reginam matrem certiores fecit, sibi que sicuti Propæfectum decebat curæ fore, ut ne quid illie contrâ rem publicam accideret.

b De Charlevoy.

c De Tilladet.

Intercâ qui eò Præfectus esset ab Rege e Tilladetus deligitur, primum in Prætorianorum legione centurio, dein Castrorum Præfectus, atque item Bapalmæ in Belgio Præfectus. Quod ubi rescivit Carlevosius, cum Erlaco qui demortui Erlaci fratris filius erat, atque Germanorum Cohorti apud Brisiacum Tribunus, ac præterea Castrorum Præfectus, foedus inuit, quo cavebatur, ut ne quem Præfectum apud Brisiacum admitterent, sed oppidum æquato imperio obtinerent: dein ambo mittunt ad Tellierum Quatuorvirum, qui hunc moneret, frus-

trâ Brisiacum Tilladetum venturum, neque mœnibus receptum iri. 1650.
 Tellierus rem desert ad Mazarinum, atque hic statim ab Æduis quò
 tùm Aula erat, a Bausfanum, Heruatum, ac Miletum ad Carlevosium,
 atque Erlacum mittit, qui ambos in viam reducerent. Erlacus haud
 difficulter cùm ab his, tùm ab Carlevosio persuasus acceptâ decem mil-
 lium librarum summâ Brisiaco in patriam discedit.

a Bausfan,
 Eruard,
 Milet.

Mazarinus præter hos tres quos diximus Renatâ b Dubecâ operâ
 apud Carlevosium usus est, quæ per litteras hominem hortata est, uti
 maneret in officio, neque incerta pro certis captaret: hanc diximus
 Joannis Budæ Guebriani Equitum Tribuni uxorem fuisse, per cujus
 clientelam Carlevosius multa militiæ decora, atque ornamenta conse-
 cutus fuerat, ac postremò Propræfectus Brisiaco creatus, quo Dubeca
 magnam apud eum auctoritatem, fidemque habitura videbatur: sed hu-
 jus litteris, nihil plus est profectum, quàm Bausfani, & collegarum ora-
 tione, neque his Carlevosius tùm adduci potuit, uti quemquam Bri-
 siaco Præfectum esse pateretur.

b La Mar-
 chale de
 Guebriam.
 Renée du
 Bec.

Bausfanus, atque collegæ huic de Cohorte cui Tribunus erat apud
 Brisiacum, ac Propræfecti Muncre nihil mutatum iri fidem dedere,
 quæ postea Regis ad eum litteris firmata est. Eo fiebat uti dubius, at-
 que incertus hæreret, quid sibi faciendum esset denique, ac postremò
 Labardæum apud Helvetios Regis Legatum in propinquo adiit, quid
 de Mazarino sentiret curiosius rogans, utrùm hunc in Aulâ, aut om-
 ninò in Galliâ porrò agitare posse crederet, ex quo dicebat sibi consi-
 lium de admittendo Tilladeto esse capiendum: Labardæus verò qui
 neque Tilladeto, neque Carlevosium, neque ipsum respiciebat Ma-
 zarinum, sed rempublicam, sed fidem, sed officium, quibus cætera om-
 nia posthabenda sunt, salubre homini de recipiundo apud Brisiacum
 Tilladeto, quem huic Rex Præfectum esse vellet, consilium dedit, cum
 præsertim ipsi de Cohorte cui Tribunus erat in oppido nihil muta-
 tum iri cautum fuisset.

Sed Ludovicus Rex, atque Anna mater sicuti priùs Normanniam,
 ita tunc Æduos pacavère: eo Divionem quæ caput provinciæ est ve-
 nère quò tametsi, atque in omni provinciâ Condæo plerique ex Or-
 dine Ecclesiastico, ex Nobilitate, atque ex Senatu, Populoque stude-
 rent, tamen ingenitâ quâdam apud nos regii nominis sanctitate, cunc-
 ti Ludovico, atque Reginæ matri quæ voluère omnia, ea facillè sunt
 obsecuti, Consilio eâ gratiâ provinciæ habito: quin & ipsi perduelles
 eâ sanctitate permoti postremò Seuram dedidère. Priùs tamen cis, trans-
 que Ararim castra ponenda fuère, circumvallandum oppidum prohiben-
 dis eruptionibus, nam quingenti in præsidio erant equites, tantùdem
 & peditum fuit. Rex denique venit in castra, ad cuius conspectum per-
 duelles flexère animum suum, atque deditionem facere decrevère. Qui
 oppido excessère equites, peditesque datâ fide se adversum Regem nul-
 quam militaturos exautorati sunt, quidam Regis voluntate in supple-
 mentum copiarum ejus nomina dedère, veterani omnes, ac militiæ af-

fucti, Tavianus, Passagius Castrorum Præfectus, qui & ipse apud Sen-ram erat, & Sanmicaldus ex dedicationis legibus domos suas discesere, postquam iusjurandum polliciti fuerant se in officio mansuros, Vindocinus qui exercitui regio Imperator erat, oppidum est ingressus, cui Rex Roncerollum Castrorum Præfectum præfisse cum Villæ Marchionis Subalpini Cohorte iussit.

Apud Divionem quo Rex tùm commorabatur, venere ab Sequanis, & Genevensibus Legati, utrique Gallia eâ parte finitimi: hi liberi, illi propius libertatem sunt, nam tametsi in Philippi Hispaniæ Regis sint ditione, tamen quia longius ab cæteris hujus terris incolunt, eo apud hunc immunes, atque levi imperio habentur, præterea his salva Regis Majestate sibi consulere plerumque licet, quoniam ipsi procul sitos tueri quandôque difficile est. De Sequanis Philippo sicuti Caroli V. Imperatoris atque Sequanorum Principis (Comitem appellant) hæredi fœdus cum Helvetiis perpetuum est, inchoatum ab Maximiliano Caroli patruo Germanorum Imperatore, sub cujus hiç tutelâ erat, quo fœdere cavetur curæ alteri futurum, ut ne alteri quidquam molestia contrâ jus, fasque fiat. Eâ causâ sed magis vicinitatis, (namque Sequani sicuti Æduis, ita & Helvetiis finitimi sunt) hi ab Regibus nostris sæpius aliquot annorum inducias Sequanis impetravere, uti tametsi Gallis cum Hispaniæ Rege, qui & Sequanorum Princeps est, intercederet bellum, pax tamen inter Sequanos, & finitimos Galliaë populos esset.

Consimiles inducias pro Sequanis per hæc bella Helvetii ab Rege sæpius postulaverant, sed huic rectius visum id Sequanis ipsis petentibus indulgere, ut ne hujus rei gratiam magis Helvetiis, quàm ipsi Regi se debere, atque illorum auctoritate id ab nobis expressum crederent, neu adversum nos posthâc apud Helvetios sibi præsidium quaerere, scirentque nullum nisi in Regis clementiâ, atque benignitate satis firmum esse. Datæ igitur in annum fuerant induciæ, spesque facta in singulos annos renovatum iri: ut id impetrarent, summam annuam centum millium librarum sese pensuros convenere, haud ineptam rei firmandæ rationem, nam præterea privatim quorum gratiâ opus habuere, iis & nonnullam pecuniam curasse aiunt. Igitur Sequani cùm Regis beneficio pacem circumquaque omnibus bello ardentibus haberent, legavere ad eum qui verbis suis salutem dicerent, & coram tanti Principis majestatem colerent, ac venerarentur.

Non nihil agrè fuerat Helvetiis ubi postulassent Sequanis inducias, eas ab Rege negatas, dein post paulò absque operâ suâ datas: sed fuere alia longè graviora, quæ expostularent: nam ipsis neque creditarum Regibus nostris pecuniarum usuræ annuæ, neque publicè ex fœdere, neque privatim ex Regis consuetâ munificentia, neque popularibus qui Regi merebant quidquam, aut per exiguum curabatur, quo factum est, ut aliqui primùm quibus in præfidiis erant, eò arma deponerent, atque omnia militiæ munia abnuerent, dein Civitatum, Pago-

rumque quibus Helvetiorum Respublica constat, implorarent fidem. Sed hæc utrobique integra in Regem fuit, nam neque Tribuni, Centurionesque Helvetii ab eâ discedere usquam, tametsi ab Hispanis sollicitati, & ingentibus promissis onerati, neque Civitates, Pagique quidquam nisi mittendos ad Regem Legatos decrevere. Primò de reducendis suis qui Regi mercede militabant, mittendos censuerant: at mox ab Labaræo edocti id his per fœderis leges non licere, nisi ubi bellum ipsis in patriâ sit, sententiam mutavere, atque hujus negotii quod Regis commodò fieret, conficiundi licentiam Legatis permisere, quâ in re Gentem hanc non modò pecuniâ, cujus certè studium ingens habet, sed & consilio, atque amicitia duci compertum est.

Centuriones Helvetii sæpiùs popularium vice Germanos milites in suis habent Centuriis, quoniam minori quàm Helvetii mercede operam suam locant: in illis si qua virtus est, eos & Vexillarios, & Vicecenturiones faciunt. Homo quidam hujuscemodi qui apud Dunkercam antea in unâ Helvetiorum Centuria meruerat, dein ad Hispanorum transierat partes, eodem ab Leopoldo qui Belgium obtinet, missus redit, ac Centurionem Helvetium adortur: huic ingentem mercedem pro se, ac cæteris Helvetiis qui in præsidio erant, ostentat, si oppidum Hispanis tradere velint. Is haud alpernari visus conditionem est, si quid haberet Germanus quo dictis suis faceret fidem: ipse verò se dixit habere ab Leopoldo codicillos, quos Centurioni imprudens tradit. Hic subito ad Estradam oppido Præfectum vadit, narratque huic rem ordine omnem, profert codicillos, quibus Estrada perlectis Germanum comprehendi jubet, de quo more majorum supplicium sumptum.

Rex nuper ab Æduis ad Urbem redierat, cùm Legati Helvetiorum advenire, hi ab Ludovico atque ab Annâ matre benignè habitî, postremò convenire uti Tribunis, ac Centurionibus suæ Gentis quadringenta librarum millia statim, quod ampliùs debebatur, id in singulos annos certis pensionibus curaretur, neque enim tantam præsentî pecuniâ summam pendere Ærarii inopia patiebatur. At omnem initio rem ferus, atque illiberalis Legatorum animus propè corruptit, quam ubi nec quâ celeritate, nec quâ ratione æquum censebant, procedere vident, quæ pro Regiâ de more in statione Centuriâ gentis erat, eam ab Centurione deduci jubent; neque tamen is locus diù vacuus est relictus, occupavere Rhœti Helvetiis corporum, atque armorum specie consimiles, finitimi, fœderati, & sub iisdem signis militare soliti, sed qui non eâdem procacitate stipendia flagitaverant, quibusque haud injucundum fuisset Helvetios abscedere, uti sua gens in eorum succederet locum, atque Regi militando ditaretur.

Eâ causâ Rhœtorum Pagi tres, quibus eorum Res publica constat, Centurionibus suæ gentis, qui Regi militabant potestatem fecerant, in eâ militiâ tametsi Helvetii discederent, permanendi. Sunt qui Helvetiorum Legatos eò processisse suâ sponte negent, uti videlicet Centuriam

1650.

ab Regiâ deduci juberent, sed magis nostratium quorundam auctoritate, qui Tribunorum, atque Centurionum Helvetiorum negotiis imixti suo potiùs, quàm eorum compendio student. Tanta vis avaritiæ invasit, uti nemo huic servire, ne per Regis quidem dedecus, & rei publicæ damnum quidquam pensi habeat.

Quatuor erant Helvetiorum Legati, qui ex ingenio gentis suæ magis, quàm Reî suæ publicæ, aut Tribunorum, atque Centurionum causâ id muneris susceperant. Nullus his ex publico decretus fuerat ab Civitatibus suis sumptus, qui omnis quod ipsi malebant, ab Tribunis, ac Centurionibus, qui Regi merebant, atque ad eò pro illorum lubricine præbendus erat. Igitur uti quamplurimum iis facerent, primum sicuti diximus, ferociùs agere, de reducendis minari, ingentia postulare, quo major sibi sumptus ab Tribunis, & Centurionibus sponte curaretur: dein ubi nihil proficiebant, neque ampliùs quadringentis librarum millibus quidquam auferre possunt, ut hæc sibi non Tribunis, atque Centurionibus summa tradatur, deposcunt; factum id ex sententiâ, atque hi sibi suos sumptus, quantum lubuit, retinuere, cæteram summam illis distribuere, id eò molestius ferentibus, quod ante adventum Legatorum, eandem ipsis summam Administri decreverant, de quâ decedere quod Legati in sumptum decerpserant, id verò supra quam dici potest, ægrè fuit, atque eò sibi posthac tam damnosâ hujusmodi Legatorum operâ nusquam utendum statuere.

Sed hi denique torquibus aureis ab Rege donati, tres in patriam redire, unus restitit ad Urbem, nomine Vagnerus Bernensis, qui hujus Legationis instituendæ Helvetiorum Civitatibus, Pagisque autor maximè fuerat, rei publicæ specie. Is familiarem dudum corruerat, cui restitundæ unâ cum duobus Centurionibus Solodorensibus animum induxerat, Salinas quæ apud Sequanos sunt, conducere, ex quibus sal ad proximas tres Helvetiorum Civitates Bernenses videlicet, Friburgenses, & Solodorenses advehi solet: atque ut illas quàm minimo conducerent pretio, Sequanis ostentare decreverant sibi copiam esse salis ab Galliâ eodem advehendi, ex quo omnis propè quem ex Salinis suis usquè fructum ceperant, interiturus esset.

Eo Vagnerus postulabat, uti Rex salem ab-Septimaniâ in Bernensium fines advehi juberet, quem certo pretio cõmerent, mediam ejus partem præsentì pecuniâ, quantum autem alterius partis pretium esset, tanto ære alieno Regem, quo majores ejus Bernensibus obstricti essent, liberarent: id si Regi satis placeret, cum eo Bernenses vel solos, vel unâ cum cæteris Helvetiis fœdus renovaturos nullâ aliâ mercede, atque militum millia sex ubi Rex vellet præbituros, quibus solita penderet stipendia. Hanc conditionem Serviano Vagnerus tulit: sed hanc accipiendam, tamen si ferretur serîo, Labardæus Regis apud Helvetios Legatus multis de causis negabat, quas commemorare longum esset: contrâ Servianus & id factu optimum, & in Urbe conficiundum aiebat, seu Labardæi odio, quoniam Chavignio propinquus

erat, cum quo similitates pridem exercebat, seu rei per sese agendæ studio, postremò tamen Vagnerus eà infectâ discessit.

16501

Sed hæc de Helvetiis uno tenore diximus, quo factum est, uti quidpiam ubi necdum ab Æduis Rex ad Urbem rediisset, in eà gestum usque differremus. Id hujusmodi est, Regina facta certior fuerat, Carolam Margaritam Mommorantiam quæ Cantilio rure suo haud procul Urbe agitabat, multa movere: hæc Condæ, atque Contii mater est, ac focrus Longavillæ: cum hac unâ erat Brezæa nurus, uxor Condæ, neposque Angianus, dabatque vicinitas Urbis magnam nova molientibus opportunitatem. Eo Regina scripserat ad Gastonem, qui cum imperio ad Urbem resisterat, ut has aut Avaricum Biturigum, aut Muronem, aut Castrorufum abire juberet. Id ab Gastone factum sedulo: sed Mommorantia triduum poscit adormandæ profectioni, biduò autem nurus cum Angiano filio noctu profugit: Mommorantia clam ad Urbem venit, mansitque, opperiens eam diem quâ Senatus frequens de Patrum moribus bis quotannis haberi solet, Mercurialem appellant, quoniam id Mercurii die fit.

Primâ luce stetit in vestibulo Curia, Patrum advenientium fidem, uti more majorum de filiorum, atque generi causâ cognoscere velint, implorans, atque intereâ uti sibi tutò in Urbe esse liceret, quod & per libellum ab Senatu postulat, de quò Petrus Paganus Deslandius ad Senatum retulit, simulque de Peralti qui unâ cum Condæo in carcerem conjectus fuerat, libello consimili. Patres ut ne quid præterquam cuius rei gratiâ de more convenissent, ageretur, decernunt: visum tamen ad Gastonem mittere, qui Senatûs verbis rogarent, uti Mommorantiæ in Urbe per hunc manere liceret, intereâ dum Rex eò rediret. Gasto respondit: *Quod sibi mandatum ab Rege, ac Regina matre sit, id uti fiat curæ esse debere, condonare tamen Patribus, uti Mommorantiæ haud ita procul ab Urbe quâpiam quâ iter sit ad Avaricum Biturigum commorari, & Regi adventum opperiri liceat, ceterum abscedendum Urbe, atque in eo Regi parendum.*

a Deslandes
Payen, Con-
seiller.

Id ubi Mommorantiæ Gastonis verbis renuntiatum est, hæc verò se quod Senatus de libello suo decerneret, id se facturam respondit. Itaque Gasto postridiè in Senatum venit, docuitque Patres, quanto cum rei publicæ periculo Mommorantia tamdiu apud Cantilium agitavisset. Eò conscriptos, eo coactos equites, & quò libuerit dimissos, præterea missos qui cum Hispani hostibus agerent, qui apud Senam rebelles auxilii spe confirmarent, idem apud Salmuriæ arcem factum, quibus nisi occurratur, rei publicæ damno futurum: quò Rex Mommorantiam abire jussisset, eò licere esse in tuto, cui an hæc parere debeat, necne, in controversiam adduci fas non esse, in eo lædi jus, atque Majestatem regiam, quod ut ne fiat, omni se ope ensurum: satis se scire idem sentire Senatum, atque adeò pluribus ut hunc in suam adducat sententiam nihil opus esse. Gastonis oratio Patribus probata, atque accepta fuit, Senatûs tamen rogatu Mommorantiæ ut haud ita procul ab Urbe intereâ dum Rex adveniret, commoraretur, potestatem

1650.

facit: sed post triduum hanc Regina ad Urbem reversa longius abire iussit. Inter hæc Buillonii uxor quæ prægnans domi suæ custodiebatur, postquam pepererat, clam aufugit, sed hæc post paulò in B. Germani suburbio deprehensa in Basilicæ arcem deducta est, atque eodem mox Catharina Turria ejusdem Buillonii soror.

Urbanum Maullæum Brezæum mortem obiisse suprâ memoravimus, qui Andes provinciam obtinebat: hic & Salmuriæ in eadem provinciâ Præfectus fuit, quod oppidum ad sinistram Ligeris ripam secundo amne navigantibus est, pons ad dextram pertinet, in quâ suburbium quondam ab Sectariis dum id oppidum præsidio tenebant, probè munitum fuit, nunc dirutæmunitiones sunt. Suprà oppidum arcx est edito loco ad eundem Ligerim, ex quâ in oppidum, & amnem, & in omnem circum planitiem despectus est, quæ omnia arcis tormentis, atque telis opportuna sunt. In eâ quidam Dumontius Brezæi cliens fuit, qui fretus iniquitate illorum temporum quod Patronus isto loco vir obtinebat, id sibi retinere animum induxit, seu Mommorantia Condæi mæter, atque uxor Brezæa Urbani Brezæi filia ut id faceret, suaserant.

Igitur ubi primùm post Brezæi mortem eò missus est ab Rege qui oppidum, arcemque sibi tradi juberet, Dumontius dicto audiens non fuit. Post paulò Joannes Baptista Comingius Custodum Reginæ corporis unâ cum fratre Guitaldo Dux eodem advenit, qui & unâ cum Guitaldo Salmuriæ oppido, atque Arci Præfectus esset, sed nihilo huic, quàm alteri Dumontius obedientior fuit: nihil Regi copiarum in eâ regione esse scibat, præterea qui virorum Principum partibus favebant, ii hominem ut ne arcem dederet hortabantur. Contrâ Comingius patrem ejus adhibet, præterea amicos, qui admoneant officii, edoceantque quantum ipsi periculum impendeat, si diutius Regis imperium contemnat. Postquàm hæc parùm proficiebant, neque flectitur animus ferox, Comingius Salmuriensium, atque Lodunensium qui ipsis finitimi sunt operâ adversum Dumontium uti parat, utrique hanc bonam, fidelemque pollicebantur.

Quingenti ab Loduno venturi erant, jamque ducenti, & quinquaginta aderant, cum Marillacum Rupifocaldum qui Piçtonas paternam antehac provinciam obtinet, Lodunum venire est nuntiatum: comitabatur pleraque Nobilitas ad Patris nuper demortui funus evocata, atque ignara fortè quò duceretur: quindecim passuum millia ab Loduno aberat, cum eò præmittit qui oppidanis significaret se ad eos venire. Id ut eorum pertentaret animos fiebat, liceretne armato oppidum ingredi: hi vero se negant hujus rei copiam facturos, qui fidem ad ultimum Regi servare decreverint, prohibinque sint Rupifocaldum recipere mœnibus. Interea dum apud Lodunum eâ de re disceptatur, è Rupifocaldi copiis equites aliquot quàm proximè oppidum, quoad satis tutò possent, excurrere iussi sunt, quo periculum facerent quid consilii, atque animi Lodunensibus denique esset, saltem eo attineri hos posse, quos ad Comingium missuri erant. Sed Lodunenses nihil

territi

territi sese ad propugnandum parant, quod ubi Rupifocaldus videt, neque se Pictonum Nobilitas satis adduci finit, uti quid adversum Regem faciat, inceptum omisit. Ad Comingium interea loci venere equitum turmae tres, una equitum ala, Cohortes duae, praeterea a Gonno-
 rius Guffierius, qui in ea agitabat regione, summo loco vir, cum equi-
 tibus sexaginta clientibus suis, haud quaquàm satis pares ad arcem op-
 pugnamdam copiae. Quod tamen ubi Dumontius videt, neque ulla am-
 plius auxilii ab Rupifocaldo spes erat, despondit animum, arcemque
 dedit.

a Gouffier
Comte de
Gonnoer.

Condæam Longavillæ uxorem Diepâ profugisse diximus, paucis
 comitantibus, quæ in maritimâ Normanniæ orâ navim Batavam nac-
 ta Roterodamum, quod est oppidum Batavorum, contendit: eò Guil-
 lelmus Nassauvius Arausiorum in Galliâ Princeps, hujus mater, atque
 uxor Condæam venere salutatum, atque rogatum ut Hagam Comitum
 venire vellet. Hic vicus multis Urbibus major, nobiliorque Sociarum
 Civitatum sicuti caput est, quia illic harum commune Consilium ha-
 betur ab electis ex singulis Civitatibus, Ordines seu Status appellant.
 Sed Condæa Satenaium propediem erat profectura, quò quidem eun-
 ti per Hispanorum in Belgio fines iter habendum erat, ab quibus ut
 id sibi facere liceret Diploma expectabat, quod ubi accepit, Trajectum
 ad Mosam petiit.

Venit eò missus ab Leopoldo Gabriel Toletanus, qui hujus verbis
 foeminae principi adventum gratularetur, ac praeterea de foedere, si
 huic videretur, ageret: sed id Condæa sibi non esse nisi unâ cum Tu-
 renâ faciendum statuit, atque adeò Gabriel Toletanus cum illâ Sate-
 naium versus iit. Obviam Condæae processit Turena cum omnibus
 copiis, cum honoris causâ, tum ut has ostentaret Toletano. Actum
 dein de foedere, quod in has ictum est leges. *Utrunque conjungito arma,
 bellumque Philippi auspiciis gerito, usque dum Pax inter ambos Reges sancia-
 tur, ac viri Principes evitantur custodia. Id si prius fiat, quàm Pax sancia-
 tur, hi nihil minus copis suis Philippum adjuvanto, & Maxarimum qui
 hanc detrectet, uti fiat adigunt.* Ducenta nummum millia Philippus Condæe,
 atque Turenæ curato, conscribendis, armandisque militibus, praesentia centum,
 post mensem alia centum: singulis vero mensibus in stipendium, ceterumque bellâ
 sumptum millia nummum quadraginta: pro alimentis, cultuque Condæe, &
 Turenæ millia nummum sexaginta annuatim tribus pensionibus. Philippus tria
 peditem, duo equitum millia cum Praefecto Hispano Turenæ copiis conjungito,
 qui huic dicto audiens sit. Satenaium, & Seuram in Ædus Condæe, & Tu-
 renæ, item omnia oppida quæ in Galliæ finibus vi, atque armis Turena ceperit,
 Philippo permittito, usque dum pax sanciat, quæ tum restituit.

Id foedus antequàm Seura oppugnaretur, factum fuerat: apud Sa-
 tenaium arx penes Condæam porro futura erat: sed ubi Seuram Re-
 gi deditam fuisse auditum est, ibi verò Hispani contendere, ut in hu-
 jus oppidi æstimationem sibi & arx apud Satenaium traderetur, at-
 que Brussellis Condæa agitare vellet: neutrum hæc se facturum liqui-

1650.

dd dixit, ejus voluntati Hispani acquievêre denique, eo lubentiùs, quod hujus mulieris ingenium, nec abfimilis fraternæ virtus haud levè momentum alliciendis nobilium Gallorum animis, movendisque, ac perturbandis magis, magisque in Gallia rebus allatura videbatur.

Interea qui Condæi ad Urbem clientes, atque amici fuêre, ù continuò quid factò ad hunc, Contium, & Longavillam custodiâ eximendos opus esset, consultabant, quod quidem fieri non posse intellexêre, nisi si factiosos sibi adjungerent. Sed cùm hi Condæo usquè adeò insensì fuissent, uti de eo in carcerem conjiciendo cum Mazarino congruissent, atque de illius calamitate gaudium ingens ostentassent, vix tantum odium in misericordiam verti posse videbatur, uti quem perditum voluissent, ejus commodis servire tam subitò animum inducerent. Veniebat tamen in mentem illos omni ope enisos, uti Condæum ad suas adducerent partes, neque ullâ de causâ huic factos inimicos, quàm quod cum his sentire noluisse, quod si nunc se velle illis fidem facere possit, verisimile esse tanti viri amicitiam, atque operam non abnuitturos: hunc enim ultionis in Mazarinum avidum futurum, ad cujus perniciem omnia factionis consilia planè tendant, dubitari non posse. Rohana Mombafona insensissima Condæo, ex nuptiis filia cum Richelio disturbatis, placanda in primis, & adjungenda videbatur, nam & Castronovanus, & Gondius, ac denique Belfortius propter Avaururiam in illius erant potestate.

• Madame de Rhode.

Eo • Rhodii uxori venit in mentem longè nobiliores Richelianis quas Condæa disturbaverat, Rohanæ Mombafonæ pro virgine filia nuptias ostentare, cum Contio videlicet adolescente, quarum cupidine illa nihil quod ad Condæi, Contii, & Longavillæ commodum pertineret, prætermisura videretur. Apud • Annam Gonzagam clientes, atque amici Condæi convenerant, cui maximè, atque omnibus aliis probatum de Caprosæ virginis cum Contio nuptiis consilium. Gonzaga continuò ad Condæam scribit, & quid consultatum esset, de eo certiores facit, atque tum ratio inita scribendi ad Condæum variis quæ custodes falleret, artibus: placuit & Condæo, & Condææ de Caprosæ Virginis cum Contio nuptius sententia: quod ubi Rohana Mombafona resciverat, nihil antiquius habuit, quàm uti fierent ocyùs, atque adeò viri Principes quàm primum emitterentur custodiâ. De câ re sæpiùs conveniebant apud Gonzagam Belfortius, Nemorosius, Gondius, Viola, & Petrus Longolius, atque alii factionis principes. Nemorosius Belfortii sororem Elizabetham habebat uxorem, atque privatim similitudines cum Mazarino exercebat, ex negatâ Arvernorum provinciâ, ac postremò erat in Elizabethæ Angelicæ • Buttavillæ Mommorantiæ potestate, hæc Carolæ Margaritæ Mommorantiæ Condæi matris propinqua est, atque Ludovici Gasparis Colinii Castilloni Ducis haud ita pridem demortui uxor fuerat, quæ res Nemorosium ad Condæi partes trahabant.

• La Duchesse de Chastillon.

Post Regis reditum ab Ædvis, Belfortius tempus opportunum est

arbitratus, uti de rei navalis Præfectura, & patri, & sibi quàm post hujus obitum gereret, tradendâ ab Reginâ, aut Mazarino impetraret. Præterea considerans navatæ huic ab factione in Condæi negotio operæ mercedem Castronovano Procancellariatum quem iterum gerat, mandatum fuisse, per Bellevræum, Mazarino significat, ni patri ex pacis antehac sancitæ legibus rei navalis Præfectura tradatur, ac sibi concedatur, ut hanc unâ obtineat, & post ejus obitum gerat, ac denique quidpiam annuatim ex Anchorario tributo pendatur, sicut antehac promissum fuerit, sese cum omni factione daturum operam, uti viri Principes emittantur custodiâ, & in integrum restituantur.

Bellevræo Mazarinus respondit, quod Belfortius sibi expeteret, id Mercurio illius fratri majori promissum, cui rei nihil se obstiturum Belfortius Mercurio fidem dederit: si hic tamen illi de Præfecturâ concedere animum inducat, rem factu facilem, & expeditam esse. Belfortius contra fratrem qui Mazarini sororis filiam ducturus uxorem sit, omnia ex illius gratiâ, & potentiâ in promptu habiturum, quæ ad dignitatem, gloriam, atque rem suam pertinebunt, sibi unam spem in rei navalis Præfecturâ sitam, quam post patris obitum gerat: postremo explendus homini animus fuit, datumque de eâ re Diploma Vindocinæ, quo & Belfortio dabatur rei Navalis Præfectura post patris obitum gerenda, atque interea super Anchorario tributo quod opimum est, annum stipendium. Mercurius id supra quàm dici potest violenter tulit, atque acres eâ de re ad Belfortium litteras scripsit: desertam ab eo, atque violatam fidem dictitans, quod is nihili pendeat, scilicet qui fratris placidam, clementemque naturam nosset, neque hunc commissurum satis scibat, quo discordia inter fratres in publicum erumperet. Ita recti studium plerisque fraudi esse videtur, quod contra est, nam Mercurium ex virtute suâ perpetua laus, Belfortium ex cupiditate, & violatâ erga fratrem fidē adversâ sequetur fama.

Buillonius post comprehensum Condæum Turenæ Rus suum nobile in Aquitania positum concessisse supra memoravimus, quod nusquam cessavit sedulo facere omnia, quæ illi usui fore credidit: his de rebus cum Rupifocaldo per litteras, & per homines quos misistabat ad eum, continuò egerat, neque haud ita procul alter ab altero agitant, nam Aquitanis Pictones finitimi sunt. Utrique consilium fuit sicuti Condæ, & Turenæ bellum in Campaniæ finibus unâ cum Hispanis adversum Regem, aut quemadmodum aiebant, adversum Mazarinum gerere cœperant, ita ipsi in Aquitaniâ iisdem adiutoribus Hispanis gererent. Eo Buillonius Condæi causam cum Burdigalensium causâ communicatam voluit, quibus ægrè erat Spernonium esse etiamtùm in Aquitaniâ, ab quâ discedere per conditiones nuperæ pacis Pralinoplessii Equitum Tribuni operâ sancitæ, ac tantisper procul commorari debebat. Contra hic non modò non discedebat, sed & adversum hos non definebat hostilia facere, sicuti pax dolo malo, & quo Burdigalenses ad sustinendum bellum negligetiores forent, facta fuisset.

1650.

Ita Buillonius, & quibus interpretibus apud Burdigalenses utebatur, ii suapte naturâ pronos ad rebellandum homines haud difficulter impulsere; ut id facerent iterum, neque se pacis legibus magis, quam Spernonium qui has violare nihil pensi haberet, teneri arbitrantur. Plerique ex Curiâ Burdigalensi plebem in hac sententiâ confirmabant, rati videlicet nihil utrique opportunius esse, quam Condæi clientium operâ ultrò sibi oblata uti, quò Mazarinum ad provinciam Spernonio abrogandam cogerent: neque ulla religio erat illis vicissim operam dare, uti Condæus, Contius, & Longavilla custodiâ emitterentur, quæ res posthac Burdigalensibus præsidio futura videbatur, qui ob tantum in Condæum mentum hujus benevolentiam, atque adeo patrociniûm promerituri essent.

a De Caumont, Duc de la Force. Le Duc de S. Simon.

Buillonius unâ cum amicis apud Burdigalam Armandum Nonparem Caumontium Forcæum Ducem, atque Claudium Sansimonum item Ducem, ac Franciæ Parem ad suas partes adducere studebat: hic Blaixæ oppido, atque arcî validissimæ ad Garumnam amnem infra Burdigalam Præfectus est, Ludovico XIII. Regi antehac carus, acceptusque. Rupifocaldus venerat in Lemovices ad Buillonium, atque eò adduxerat aliquantum equitum, peditumque, quorum paulò majorem numerum Buillonius coëgerat, nam ad ambos summa belli eâ parte gerendi reciderat, Forcæo denique, & Sansimono tergiversantibus. Sed ex composito Brezæa cum Angiano filio ab Cantilore Rure Muronem contenderat, munitissimam in Biturigibus Condæi arcem, quò & pecuniam quæ haud magna fuit, & alia ei quæ parabatur rei idonea compararet, dein Turenâ versùs profecta est, comitabatur Chavagnacus cum aliquot equitibus missus ab Buillonio præsidii causâ.

Per Arvernus iter habuit, quò Buillonius ipse, qui & in hac provinciâ ampla, atque opima prædiâ, castellaque possidet, & Rupifocaldus illi venîre obviam, cum aliquanto equitatu, atque hanc Turenâ deduxere. Eò tantisper commorata est, dùm apud Burdigalam Buillonius per Scribam, quem eò miserat, suadet, agit, molitur, uti Burdigalenses Brezæam, atque Angianum filium ad se deductos velint: hos opibus virorum Principum, quæ haud exiguæ domi forisque sint, auctos, ab Aulâ facîle quæ velint, impetraturos, ut ab impotentissimo Spernonii, Candaliique filii dominatu liberentur. Isthæ compluribus satis placebant, sed alios multa ex nupero civili bello accepta incommoda, ab hoc de integro sumendo deterrebant.

Intercâ Buillonius hostilia facere cœpit: apud Brivam, quod oppidum est in Lemovicibus, gravioris armaturæ equitum turma erat, cui Thomas vir Princeps è Sabaudicâ gente Dux fuit, id isto loco viris haud indignum videtur, cæterum ipsimet non ducunt hujusmodi turmas, sed has Vicariis permittunt: huic igitur præerat Lensius Comes, qui ab Brivianis cum omni turmâ Buillonio per prodicionem propè traditus est. Ad Brivam cum aliquanto equitum, peditumque numero accesserat, jubebatque sibi tradi turmam, crudeliter oppidam ni face-

rent, minitans: quo metu adducti, seu lubidò secundùm Buillonium suadebat, Lensium monent, uti cum turmâ per aversam portam discedat, atque interea huic, ac cæteris equitibus vitam pacti alteram Buillonio aperiunt portam, qui propterè Lensium affecutus hunc cum omni turmâ cepit, omnibus equi, arma, cæteraque adempta, nisi si qui Buillonio sacramento dicere voluère, Lensius cum paucis aliis est dimissus.

Idem apud Tullas oppidum item in Lemovicibus Buillonius facere tentavit, quò una Cohors erat, cui Tribunus Cuniacus: hanc & sibi tradi ab Tullensibus jubebat, sed hi se negavère tam indignum facinus admissuros, consilioque cum hujus Cohortis Centurionibus habito, nam Tribunus aberat, quæ ad propugnandum idonea essent, ea naviter parant, quo factum est, uti Buillonius inceptum omitteret. Hic Angiano puero, qui regio exercitui Imperator esset se Legatum ferebat: cæterum is exercitus paucis equitibus, ac peditibus constabat: hunc regium dixère, quia rebelles sese Regi, atque rei publicæ operam navare falsò prædicare solent: neque enim cuiquam tanta impudentia est, uti se adversum Regem, & rem publicam bellum gerere profiteatur.

Sed adversum Buillonium, cæterosque qui in Aquitaniâ virorum Principum partes sequebantur, copiæ Melleraiò E. T. ac rei tormentariæ Præfecto traditæ ab Rege sunt, qui in Pictonibus, in Santonibus, & in Aquitaniâ illorum conatus pro virili frangeret, daretque operam, ut ne quid in his regionibus detrimenti res publica caperet. Interea Rex Buillonium, Turcnam fratrem, Rupifocaldum, Condæam Longavillæ uxorem, & qui eorum consiliis, aut inceptis favebant, edicit hostes esse, dicta tamen dies est, ante quam his liceret sine fraude ab armis discedere: edictum præterea uti quod in Urbe mense Decembri proximo tumultuatum fuerat, id ne cui fraudi esset, quo quidem Boulaium designari nemo ambigebat: sed ita tum Mazarino tempus erat, ut omnibus placatis uti vellet adversum tantas Condæi, aut clientium ejus opes.

Eâ tempestate mortem obiit Michaël Particellus Almericus, summus Regni Quæstor, de cujus hominis moribus suprà diximus: rem haud tantam reliquit, quanta solet esse iis qui regiam administrant, cæterum quod ab tenui, ad ampliorem pervenerit, nec ei, nec cuiquam omnium vitio dare ausim, cum & rectè, & pravè id fieri possit. In hujus locum suffectus est Renatus Longolius Maisfonius in Senatu Præses, vir genere, ingenio atque industriâ clarus, quæ conciliandis sibi eorum qui gratiâ valerent, animis planè magna fuit. Unâ cum eo summam Quæsturam petivit Carolus ^a Vetusvilla Marchio è regiâ sancti Spiritus militiâ, qui eundem per Ludovici XIII. tempora gesserat Magistratum, hujus iterum habendi cupidior quàm hominem exactâ ætate deceret: sed ætas cæteris omnibus, quæstus verò cupidini nusquam modum facit, quem ingentem facere per summam Regni Quæsturam copia est.

^a Le Marquis de la Vieville.

Maisfonius Claudio Memmio Avauxio qui & dudum Quæstor summus erat, collega esse debebat: sed Avauxio major hujus Magistratûs abdicandi, quàm Maisfonio, ac Vetustillæ adipiscendi cupido fuit: nam is erat ille, cui omnis pecuniæ regię & cogendæ, & curandæ ratio parum placebat, quorum alterum eâ tempestate per vim, atque atrocitatem, utrumque per summam omnium ad quos ea res plus, minùsve pertinebat, avantiam fiebat: præterea pigebat hominem totius publicanorum nequitie expertem, ab aliis qui hanc callebant, vinci, ita ut cum his illi agere, quàm secum mallent, nam jamdiu res publica absque publicanorum operâ geri nequit. Obtrẽctatores Avauxii quos magna virtus semper habet, hunc parum ad summam Quæsturam idoneum esse aiebant, sed magis ad litteras, atque ad eas artes, quæ ingenio exercentur, quo certè porro juvare rem publicam non destitit, multus, frequensque ubi dehac consilia habebantur apud Regem, Reginamque, postquàm summam Quæsturam abdicaverat. Fama erat, Avauxium pietate in Deum adductum sese in solitudinem abdere decrevisse, quod certè nescio an rectè faciant summi, atque eâ probitate viri, quibus curæ esse decet, ut ne rem publicam deferendo, hanc pravis hominibus gerendam permittant.

Inter tanta quæ in Galliâ erant dissidia, Hispani hostes festinare, parare omnia, quo maturè æstiva inciperent. Primum Fuensaldanius cum aliquanto copiarum numero ad Casteletum movet, exiguum ad Scaldim amnem oppidum, quò nondum navium patiens est: quatuor propugnacula id muniunt, murus est lateritius: quò ad Cameracum itur, suburbium est, cujus ædificia ultima tegit munitio, quam ab similitudine Cornua appellamus. Vandius Præfectus erat vir fortis, cum idoneo præsidio, paucis ut in angusto loco oppidanis, sed satis magno agrestium numero, qui eò se, fortunaque suas cum foeminarum, & puerorum grege contulerant. Hæc ubi suburbio expugnato hostem ad portas, & mœnia oppidi conspicatæ, clamoribus, atque lamentationibus viros compellunt, uti deditionem faciant, qui ad Præfectum adeunt, atque abnuentem cogunt venire ad mœnia. Fuensaldanius de omni re certior factus accedit, conditiones Præfecto, præsidio, oppidanis, agrestibus fert quàm honestissimas, quibus res suæ integræ cunctis relinquēbantur, quo magis Vandium universi ut eas acciperet, adegere.

Dedito Casteletto hostes omnibus copiis ad Quintini-Fanum venēre, oppidum magnum atque valens, & præsidio militum aliquanto, præterea multitudine oppidanorum defensum. Ubi hostes fuere in conspectu, continuo tormentis ab Urbe emissæ in eos pilæ sunt: sed hi simulandi gratiâ eò venerant, ut aliò improvisi graviore acciderent, nam subito Guisium properavere. Oppidum est ad Esiam amnem, neque naturâ, neque operibus satis firmum: collis circum propè perpetuus, ex quo in oppidum despectus est: arx edito loco sita imminet oppido, nec eâ satis firma adversum tantum hostium numerum, nam viginti quinque millia erant. Sed viro forti audaciâ pro muro est. Op-

pido namque, & Arci Præfectus Ludovicus a Bridæus erat, Juvenis acer, qui nihil hostium numero territus, suæque virtuti magis, quam alienæ confusus, nam pauca erant copiae Regis, quæ auxilio venire possent, statuit ad ultimum oppidum, arcemque defendere, & fortunam opperiri, quâ sæpè magnæ, ac subitæ rerum commutationes fiunt.

1650.

De Bri-
dica.

In oppido Guisfa, & Persana cohortes fuere, Helvetii trecenti, Poloni quadringenti, oppidani propè octingenti centuriati. Hostes castris circum oppidum, arcemque positos, ac permunitis, tormenta omnis generis idoneis locis collocavere, oblonga verberando muro, brevibus, latoque ore jaculandis in excelsum globis æneis pulvere tormentario oppletis, qui in tecta recidentes cum pondere ipso, tum igne concepto, ac longè latèque sparso ædificia labefactare, atque homines suis maximè fragmentis, ubi saxis incidunt, necare solent. Sed hæc mulierum ferrinè, & puerorum terricula sunt, aut eorum qui talium insueti strepitu magis, quàm malo pavent, nam huic idonea remedia sunt. Id eò commemorandum duxi, quòd Guisiani primùm tametsi bono animo, fortique essent, tamen his sicuti fulminibus territi propè animo deficiebant, ni Bridæus inania esse docuisset, ac perturbatos confirmasset, dein horum operâ haud minùs egregiâ in propugnando, quàm militum usus est.

Oppidum ipsi haud secùs ac cæteri milites qui in præsidio erant, defensavere, maximâ sui parte imminutum, quam cum suburbis duobus tutore Bridæo propter defensorum paucitatem incenderant. Claramontius Comes in oppido curabat, neque in mœnibus, aut stationibus oppidani manebant, sed & cum equitibus ipsi in equis erumpebant in hostes, & foris cominùs pugnabant. Post undecimum denique diem comportatâ priùs in arcem omni annonâ, in eam se pulsi omnibus munitionibus, mœnibusque recepere. Noctu Hispani locum ad fossam arcis occupavere, ac munivere, dein in ipsâ fossâ musculum ad proximum Carbonariæ propugnaculum ducere incipiunt, cum Bridæus ex omni propugnatorum numero ducentos eò misit, qui Hispanos ple-risque castris propulere.

Interea Rex, atque Regina ab Urbe profecti Compendium venerant: eò traditus exercitus Pralinopleffio Equitum Tribuno, cui Legati fuere Hoquincurius, Villequierus, Sannectarius certis quisque copiis præfecti. Is primùm ad Feram in Tardenensi agro stativa habuit, dum copiae conveniunt undique, & quæ ad bellum idonea sunt, ea comportantur. Dein Guisum versùs movet, nullo pugnandi consilio, longè enim hosti copiarum numero impar erat, sed uti quàm proximè, & quàm tutò posset castraponeret. Id est factum ex sententiâ, & quoniam hostes longiusculè ab finibus suis aberant, intercedebantque sylvæ frequentes, primùm agrestes, quâ cuique proximum, aut commodum fuit, has infedere prædandi cupidine, atque eorum operâ difficiles hostibus commeatu fuere. Hoc exemplo edoctus Pralinopleffius

1650.

Legatos, Præfectosque alium aliò cum equitibus maximè dimittit, qui com meatibus hostium deprehenderent: quo factum est denique, ut inopià adducti inceptum omitterent.

Præius tamen cuniculos duos subitus murum egere, quorum alter pulvere tormentario de more oppletus, dein accensus nihil in muro ruinæ edidit, properantius, neque satis ex disciplinâ institutus, alter omni ex pulveris tormentarii vi concussâ arce, nam perexigua est, rupem modò quâ fundamenta muri continentur, dirupit, & quæ paulum declivis ad oppidum erat, eam præcipitem, ac præruptam reddidit. Igitur hostes ubi quæ inceperant omnia, ea aspera, foedaque evenisse vident, noctu more militari vasa collegere, & antequàm lucefceret, iter ingressi postremò abiëre. Bridæus ut id nostris significaret, simul lætitiâ, sicuti par erat, elatus ter suos sclopetis strepitum facere, atque idem omnibus tormentis semel fieri jubet. Sed Pralino-pleffius hostes tunc cum maximè impetum in arcem facere ratus mittit qui rem explorarent, certiorque factus est eos abiisse. Quinque millia hostium, atque ampliùs ab ferro, atque ab fame circum Guilium interiëre, magna ex eo defenso laus Bridæum est secuta: nam ad eò contusæ Hispanorum opes visæ, ut his reliquum æstivorum coercendis modicâ manu opus esset, quod est ab Pralino-pleffio sedulò factum, cæteræ copiæ in Aquitaniam adversum rebelles abductæ.

Eò sicuti memoravimus Brezæa cum filio Angiano profugerat, & apud Turenâ commorabatur. Indè Buillonius, & Rupifocaldus hanc Burdigalam deduxere, frustra obnitente Valettrâ, dein Spernonio ipso. Ubi Burdigalæ est appropinquatum, Urbanorum Magistratum, Juratos appellant, jussu clausæ fuere portæ: sed exorto in Urbe tumultu, atque contentione inter eos qui juberent has aperiri, & qui varent, postremò eò res rediit, uti Brezæa cum Angiano filio, atque omni familiâ moenibus reciperetur, Buillonius, atque Rupifocaldus cum his quas habebant copiis, foris manerent, nequedùm enim omnes de bello iterum sumendo satis inter se congruebant, cum pluribus pax ab Rege nuper data satis placeret.

Sed Brezæa paulatim primarias fœminas, quæ ad eam ventitabant, benignè appellando, & habendo comiter, ac præterea Lesnæus Condæi cliens qui cum eâ erat, homo callidus, ac disertus agendo, moliendoque pervicit denique, uti Burdigalensis Curia negotium virorum Principum susciperet, cujus exemplum cæteri in urbe postea secuti sunt. Buillonius, & Rupifocaldus tametsi primùm exclusi, tamen ubi post eâ sipe copiis Burdigalam venere, privato cultu, atque comitatu nihil quisquam obstitit aut eorum ingressui, aut commorationi. Primùm omnium quoniam in belli quod moliebantur sumptus pecunia deerat, neque hanc aliundè, quam ab Philippo Hispaniæ Rege sperare poterant, visum ad hunc mittere qui postularent, uti Brezææ, atque Angiano filio, Buillonio, atque Rupifocaldo perindè ac Condææ, & Turenæ auxiliari vellet, qui huic haud minori usui ad habendam æquis conditionibus

nibus pacem futuri essent: sibi & pecuniam, & naves armatas opus esse, uti terrâ, marique in Urbe, ac provinciâ ad Oceanum positis strenuè rem communem gererent.

Eâ gratiâ Mantuam Carpetanorum primùm ière *a* Mazerollus Condæi, & Bazus Buillonii clientes, dein ipse *b* Brulardus Sillerius Marchio Rupifocaldo affinis, cujus videlicet sororem uxorem duxerat. Philippus sicuti par erat lætus apud Burdigalam civile renovari bellum, quod facilè alere posset ex propinquo, continuò ad Brezæam, & Angianum filium Josephum Oforium mittit, qui suis verbis omnia benignè polliceretur, quibus Aula adduci posset ad viros principes custodiâ emittendos, quos vicissim hujus beneficii memores operam daturos confidat paci inter ambos Reges fanciundæ, cujus rei apud utramque Gentem sicuti meritum, ita & gratia ingens viris Principibus futura videatur, dein pecuniam tradit haud multam hanc quidem, sed quæ ad rem quæ parabatur, incipiendam alicui usui fuit.

Ubi primùm Brezæa Burdigalam advenerat, ab Curia Burdigalensi libello postulaverat, ut in urbe sibi esse tutò liceret, orans, obsecransque ut ne se cum unico filio Aulâ pulsam, & quò se in tuto fore speraverit, appulsam rejicere vellent: Curia libellum asservandum in mementis, hujus exemplum ad Regem mittendum decreverat: interea si Brezæa fidem daret nihil se quod Regi damno foret, molituram, huic, & filio, atque omni familiæ, quod Regis voluntate Curia factum vellet, in Urbe tutò esse licere. Sed Rex id fieri antea per litteras vetuerat, quæ frustra fuere: præterea Rex ad Curiam Burdigalensem miserat Diploma, quo Condæam Longavillæ uxorem, Buillonium, Rupifocaldum, atque Turenam edixerat hostes esse: sed hujus promulgationi Buillonius, & Rupifocaldus libello intercesserant, atque postulaverant, ut & sibi, suisque Burdigalæ tutò esse liceret, de quibus Curia sicuti de Brezæa, & Angiano filio fermè decrevit, atque eo pacto quæ Rex edixerat, ea ludibrio habita, ab his quos minùs decebat. Burdigalensem Curiam ferunt ubi Brezææ libelli exemplum ad Regem miserat, simul per litteras postulasse uti de causâ virorum Principum Senatus cognosceret, ex Edicto quod anno CIO. LXX. XLVIII. promulgatum fuerat, jamdiù legitimos exisse dies, quibus nondum causâ cognitâ in carcere detineantur: postulabat & ab Senatu Curia Burdigalensis, ut hanc ad suas rationes adjunctam vellet, de quâ re tametsi nihil tùm ab Senatu decretum fuerit, omnia tamen pro Burdigalensi Curia sedulò facta sunt.

Valetta primùm in Aquitaniâ bellum sustentabat, ac multa Buillonio, & Rupifocaldo Brezæam, & Angianum filium deducuntibus incommoda tulerat, dein priùs prælium facere cupientes, quàm omnis ab his coacta nobilitas dilaberetur, cunctando frustratus fuerat, postremò sancti Georgii insulam ad Garumnâ supra Burdigalam ceperrat, pulsus qui hanc defendebant rebellibus, atque eò Canolum Vice-

a De Mazerolle.
b Le Marquis de Sillery-Brulard.

1650.

gi, atque Reginae matri visum in Aquitania majori conatu rem publicam gerere: eò Spernonium quantas posset cogere copias jubent, ac Melleraium qui in Pictonibus, & ipse exercitum parare iussus fuerat, in Aquitaniam proficisci: at hunc negabat Spernonius æquato secum imperio in provinciâ suâ esse passurum, postmodum tamen bellum communi consilio administravere.

« Le Comte
de Marin,
Le Marquis
de Fiermar-
con.

Sed Spernonius ubi res in Aquitania superiori commodiorem in statum constituerat, atque eò « Marinum Castrorum Præfectum, & Fimarconem Marchionem cum Cohortibus duabus, & turmâ unâ, præterea cum Aginnensium, & Condomensium nobilitate reliquerat, ad Valettam qui in inferiori Aquitania erat, descendit, atque tum Castellum novum, & Blancafortem recepit, & Burdigalenses in paludes Burdigalam propius compulit. Ad urbem accedere haud satis tutum Spernonio visum, magnam, validam, opulentam, atque ut id fieret Regis adventum opperundum statuit. Sed quæ adversum Burdigalenses gesserat, ea Curia Burdigalensis, Populique odia in eum auxerant, quibus tantò gravius erat, nondum ab Provincia sicuti convenerat, revocatum: Burdigalenses tamen sancti Georgii insulam recepere, omnibus qui huic præsidio erant, captis abductisque, inter quos fuit & Canolus qui his præerat.

Ubi Iosephus Oforius Hispanus ad Brezæam, & Angianum filium missus ab Philippo cum hac, cum Buillonio, & cum Rupifocaldo, cæterisque apud Burdigalam factionis egerat, transegeratque, nihil ab quoquam isthuc facere prohibitus: postremò tamen ex composito Curia Burdigalensis decernit omnes qui in urbe essent Hispanos comprehendere debere, sed hi nihilo minùs sicuti cum bonâ Burdigalensium gratiâ venerant, ita & abiire: verùm Curia Burdigalensis sibi conscia quantum alienum esset ab eâ quam Regi inviolatam servare debebat fide, Hispanos hostes recepisse mœnibus, & cum civibus consilia conferre sivilisse, id omne Brezææ assignandum putavit, sicut hujus consilio factum esset: quamobrem ad hanc misit qui Hispanorum adventum, & quod cum his egisset, expostularent, atque huic obsecrarent desertam quam Curia dederat fidem, se nihil hujusmodi facturam.

Isthuc per simulationem ab Curia Burdigalensi agebatur, neque obstabat quo minùs Brezæa, Buillonijs, Rupifocaldus, Lefnæus multitudinis animos quantum possent, ad causam virorum Principum tuncdam accenderent, cui rei tam naviter operam dedere, uti plebem planè suam fecerint, ita ut ne in Magistratum quidem potestate amplius esset. Quæ non licent si libido suadeat, ea nos invitos facere videri volumus: ita Curia Burdigalensi satis placebat tumultuari plebem, atque videri se huic invitam gerere morem. Sed nescit multitudo simulare, aut dissimulare quidquam, quæ ne id quidem quod bonum est, rectè facit, nam impetu ad bonum, pravumque juxta fertur. Hæc igitur ab Buillonio, Rupifocaldo, Lefnæo, atque alijs, qui Principum vi-

rorum sequebantur sectam, concitata Curiam circumfedit, uti Senatam cogeret cum Brezæâ, atque amicis fœdus facere, quo alteri alteris quod æquum videretur, caverent.

Eâ die in causis audiendis Senatus tempus omne, quo haberi solet, consumpsit: at ubi Patres abire voluere, obstitit quæ ad fores erat armata multitudo: aderant & ex Buillonii clientibus pauci, quorum id operâ fiebat. Plebes Regi, atque viris Principibus acclamavit, objurgavitque Patres, quod tamdiu in decernendâ cum iis societate morarentur, quod quidem extemplò his aut faciundum, aut moriundum esset, simul in Curiam regredi iussere. At Patres ubi quid optimum factu esset consultavere, neque id satis expediebat quisquam, censuere denique qui magis gratiâ, atque autoritate apud plebem valerent, eos ad hanc mittendos, qui mollirent animos, eoque adducerent, ut ab Curie foribus discederet: sed plebes more suo ubi se metui sentit, insolentior magis quàm antea tumultuari, districtis gladiis minitari Patribus, postremo in Curiam denuò ingredi coacti.

Sed quamvis periculi facies ingens erat, nihil tamen de suâ gravitate, & constantiâ remisere, omnibusque sententiis, atque uno ore nihil de fœdere, aut societate cum viris Principibus decernendum porrò censuere. Quod ubi est multitudini nuntiatum, ibi verò vehementiùs fremere, & qui tumultus circa Curiam modò fuerat, is per totam urbem spargi, atque augescere, neque sibi temperatura multitudo videbatur. Ibi Brezæa cùm officii causâ, tum quod hujus tumultus suspicionem ab se amotam vellet, mittit ad Patres, qui in eo tam aspero negotio operam illis suam polliceretur, si hanc sibi usui esse existimarent, præterea faceret certiores nihil ad se attinere hanc omnem rem, neque hujus quidquam ab se ortum, aut voluntate suâ factum. Patres gratias egere quidem, cæterum palàm esse dixere rationem Brezææ omnem nunc alienam esse ab eâ fide, quam ipsa Senatui, Senatus verò Regi dederat.

Postremò Brezæa ipsa cum Angiano filio, Buillonio, & Rupifocaldo in Curiam venit, uti se coram expurgaret, polliceretur operam Patribus, atque hos denique si quo modo fieri posset, ad societatem decernendam adduceret, ita sese tanto tumultu impeditos faciliò expedituros, atque omni periculo exempturos, quod hujusmodi videatur, ut hujus effugiendi causâ quod decreverint, id neque Rex, aut Regina mater, neque quisquam omnium ipsis vitio dare possit. Sed obfirmatis animis mansere in sententiâ, dictitantes spem omnem, opemque sibi in semetipsis, atque in eâ quam & hi, & Urbani Magistratus ab Rege habeant autoritate sitas: simul urbanos Magistratus ad sese venire armatos jubent.

Hi urbanam vigiliam custodiam accersunt, civium præterea armatorum quantum satis visum, opportunis locis disponunt stationes: dein unus ex his Magistratibus cum vigilibus, & civibus armatis ad Curiam vadit, multitudini imperat, ut illius fores quæ clausæ erant, aperiat,

& continuò abscedat, ni pareat cædem minatur. Sed malè consultà plebes expediebat arma, adversum quam glandes sclopetis ab vigilibus civibusque missæ quosdam attingere, quâ re perterriti cæteri diffugere. Ibi verò Patres tanto metu liberati edicunt, ut ne quis è suo Ordine, aut Brezæam, aut Buillonium, aut Rupifocaldum posthac visere, aut consiliis eorum interesse velit. Præclare id quidem ab Burdigalensi Curia, atque Urbanis Magistratibus factum, decretumque, neque quidquam prius, aut fortius si naviter pertendissent. Sed naturâ proni ad malum sumus omnes, neque ferme quisquam diù rectè sensit, aut fecit. Utrique igitur seu Spermonium ulcisci, & provinciâ pellere se posse diffiderent, nisi si Brezæa, Buillonio, Rupifocaldo, cæterisque Condati clientibus conjungerent se, seu plebes eò tantis studiis trahebant rem, ut huic obsequi necesse esset, id ex ejus sententiâ denique fecere.

Ubi Rex, atque Regina mater quæ in Aquitaniâ gerebantur, ea acceperant, his maturè occurrendum censuere, venitque primùm in mentem Mazarino, mittendum eò Gastonem, qui aut autoritate Burdigalensis in viam redigeret, aut armis cogeret, huic enim cum exercitu Aquitaniam provinciam, & si quò aliò ultrâ Ligerim opus esset, Rex decreturus erat, ut ubique sicuti Patrum decebat, cum imperio foret. Sed non juvabat factiosos hunc ab Urbe decedere, cujus operâ multa moliri decreverant, qui cum in eorum propè jam potestate esset, id oneris deprecatus est. Reliquum erat, uti Rex ipse, atque Regina mater cum omni Aulâ in Aquitaniam proficiscerentur, ac ne id quidem factiosis fatis placebat, qui hanc pacatam volebant, sed Brezæa, Buillonii, atque Rupifocaldi machinationibus magis, ac magis perturbatam, co-Mazarinum impeditum minùs ad prohibendam injuriam validum, sese verò ad inferendam potentiores fore.

Vulgabant præterea Mazarinum non rei publicæ causâ hanc instituere protectionem, sed uti prostigatis, ac pessumdatis Senatu, populoque Burdigalensi, constitutoque super illorum cervicibus Spermonio Martinosiam sororis filium Candialio hujus filio uxorem det, dein transeat in Provinciam, atque eò alterius sororis filie cum Mercurio nuptias conficiat, quæ rationes homini disturbandæ videantur. Nam interea Picardiæ, atque Campaniæ fines abductis in Aquitaniam compluribus copiis hostibus Hispanis plane permixtis, quos vix ab Urbe infimum Pralinoplessis exercitus prohibere possit: his atque aliis hujuscemodi protectionem Regis in Aquitaniam impedire conabantur.

Sed id ubi frustrâ esse vident, ad augendas in Urbe factionis opes animum adjiciunt. Id fieri maximè posse credebant, si in sua potestate viri Principes essent, atque adeò hos haud satis in tuto esse aiebant extrâ Urbem apud Vincennarum Arcem, seu clientes horum qui in Gallia reliqui sint, seu qui conjuncti Hispanis essent in Campaniæ finibus vi, aut dolo animum inducerent illos inde per Regis absentiam educere, quod certè foris, quàm in Urbe multò facilius foret. Sed Gastoni singulatim hujus maximâ interesse suadebant, ut ne copia Mazarino

esset viros Principes emittere custodiâ, quibus luberet conditionibus, nam sibi æquissimas laturum esse, daturumque omnem operam, uti sibi viri principes posthâc conjunctissimi forent.

Cùm igitur Gasto his auctoribus instaret, ut in Bastiliam deducerentur, Regina denique per Castronovanum Procancellarium, & Rohanam Mombasonam pervicit, uti Gasto ad se Compendium veniret: eò cum homine sine arbitris agit, docetque nihil esse quod de viris Principibus tantoperè laboret, nam præter fidem quæ ipsi data sit, de his haud ipsius injussu custodiâ emittendis, penes ipsum fore qui cum imperio mansurus ad Urbem sit, providere ut ne id fiat, cùm Vincennæ in suburbio propè posita sint: de Bastiliâ quod postulet, id neutri conducere, nam utriusque maximâ interesse, ut ne viri Principes multitudinis voluntati, atque libidini permittantur: quâ oratione Reginaë adductus Gasto, postremò in illius sententiam de viris Principibus apud Vincennas relinquendis discessit: simul & ex hujus sententiâ tum in Aquitaniam Regis, Reginaë matris, Philippi fratris, atque omnis Aulaë decreta profectio est, edictumque uti Gasto maneret ad Urbem cum imperio, Castronovanus Procancellarius, Hospitalius Equitum Tribunus, atque Urbi Præfectus, ac Tellicerus Quatuorvir huic adessent, quorum consilio, judicioque rem publicam in omnibus cis Ligerim annem provinciis administraret.

Sed factiosi virorum Principum in potestate habendorum spe dejecti rem aliam haud ita magni ad consilia sua momenti, cæterum his opportunam sunt aggressi. Tempus aderat Mercatorum Præfecti creandi, qui Urbanorum Magistratum princeps magnam in Urbe auctoritatem habet: hunc ipsi antehâc in Urbis Aedibus deligere solebant, sed jamdiù consuetudo invaluit, uti Regis illum non autem suo creent arbitrio: quod tametsi præter legem, & majorum morem factum usque fuerat, neque ex eo quidquam mali, damnive rei publicæ evenerat, tamen eâ tempestate huic propè fraudi fuit: nam illâ consuetudine freti factiosi æquum censebant, uti quem volebant, cum Rex, aut Mazarinus Mercatorum Præfectum crearet. Certè si Regibus, ac Populis æquè legum studium esset, in his alteri imperium, alteri libertatem sibi sita esse præclare intelligerent: quia secundum has regnare, & parere ficuti Regibus justum imperium, ita & Populis justa libertas est. Velle enim quæ licent, & facere quæ velis, hoc est liberum esse. Sed vitio humani ingenii evenit, uti licentiam rerum omnium Populi libertatem, Reges secundum leges imperare servitutem esse falsò arbitrentur, nam ubi id faciunt sibi ipsis serviunt, cùm hi uni apud nos legum conditores sint, quas ferre, & abrogare his juxta copia est, atque ab his discedere, aut declinare, quod tamen haud temerè, sed ex rei publicæ modo salute, aut commodo faciundum esse probè sciunt. Igitur Rohana Mombasona, Avaucuria, Belfortius, atque alii factiosi in Urbe Mazarinum adegere, ut Antonium a Fabrum in Senatu Consiliarum Mercatorum Præfectum creari vellet. Hoc homine se ex voluntate usuros

a Le Fèvre,
Conseiller
au Parle-
ment.

1650.

ſperabant , atque hujus operâ quæ luberet , ea in Urbe deſignaturos : ſed hic ubi Magiſtratum eſt ingreſſus , quæ ad ſe rei publicæ pars pertinuit , eam ſummâ cum induſtriâ , prudentiâque tractavit , uti nec erga eos quorum operâ hunc adeptus erat , ingratus , nec Aulæ adverſus eſſet , donec pax denique ſancita eſt , ſicuti poſteâ memorabimus .

Id ubi Rex Compendio ad Urbem redierat , de Fabro Mazarinus factioſis eſt obſecutus , qui nihilo minùs hunc dictitavere , *Paci inter ambos Reges porro adverſari , quia bellum conſiliis ſuis opportunum ducat , cujus ſpecie populum fortune ſuis pro lubidine ſpoliet , ex quibus ſuar augeat : ſicut jamdiu Regis vicem fungatur , ita & regio cultu ætatem agere , ſororum filias cum ingenti dote principibus viris nuptum dare velle , hoc pacto peregrinum hominem , atque advenam , quem neque genus , neque virtus commendat , ſed fraus Italica modò ſuſtentat , omnibus cujuſcumque generis , atque ordinis civibus illudere ; quod ſe ampliùs paſſûros negabant* . Hæc Beſfortius maximè prædicabat , uti famam apud multitudinem quaſitam retineret , aliquantùm labefactatam , ubi plebes Mazarinum ad eum viſentem veniſſe reſtiterat .

Inter hæc Rex , atque Regina mater , & omnis Aula ab Urbe proſecta eſt , & in Aquitaniam contendit , eodẽ uti venire vellet Michælem Morofinum Venetorum apud Regem Legatum Mazarinus rogavit , quo hujus operâ uteretur , ſi fortè Hiſpani ubi Aula in Aquitanîâ iſtis finitimâ foret , animum inducerent agere de pace , atque hanc acquiſ ſancire conditionibus , ſeu id ſibi cordi eſſe ſimulabat , ſuoco plebi faciundo , cui factioſi hujus animum ab hac pace alienum eſſe ſuadere conabantur : cæterùm Mazarinus nullum uſquàm ſicuti ſæpidus memoravimus , cum hoſtibus , atque inimicis agendi finem fecit , ſeriò ubi necesse eſſe ſenſit , per ſimulationem ubi id ſibi uſui eſſe exiſtimavit .

Sed neque tum omiſit cum Burdigalenſibus agere , cujus rei gratiâ Laviam præmiſerat , qui ad *b* Miratum in Burdigalenſi Curîâ Conſiliarium ſcripſit , ut ad Roquedetavium ſi videretur , colloqui poſſent , habere ſe pacis conditiones , quas cum eo communicandas cenſeret , & ad Curiam ferendas , *Regem non eſſe alienum ab audiendis Burdigalenſis Curîæ admonitionibus , precibusque , ac ne quidam Brexæ poſtulatûs de viris Principibus cuſtodia emittendis , de quibus ante dies quindecim æqua ſe Regis reſponſa relaturum , modò uti Curia Buillonium , atque Ruſſocaldum Burdigalâ decedere velis , atque oppidanos ab armis diſcedere : iniquum enim eſſe , armatos ab Rege quæ placeant conditiones , non modò Burdigalâ , ſed & Regno abiturus recepit , ſi viri Principes emitterentur cuſtodiâ , quorum neutrum eâ tempeſtate factum eſt* .

Sed ubi Burdigalæ nuntiatum Regem eò venire , pleroſque omnes metus cepit eorum quæ ab irato Principe pertimeſcenda videbantur , qui tametſi non expugnaret urbem , tamen omnem agrum circumquaque vaſtatum , villas incenſum , vires , arbores , ſata corruptum iri , quas

a De la Vie.
b Mirat, Conſeiller du Parlement Bourdeaux.

quantavis Spernonii superbiâ, atque injuriis multò intolerabiliora sint. Longè præstare Regis benignitatem, atque clementiam experiri, qui spem faciat hujusmodi malis levari posse provinciam, neque Brezæ ipsius preces de Principibus viris carcere emittendi rejeclurum. Hanc maximè ferre conditionem uti Buillonius, ac Rupifocaldus Urbe decedant, quos dimittere satius sit, quàm rem publicam in discrimen adducere: mittendos igitur ad Regem, qui de his pollicentur imperata facturos, ac discessuros ab armis bujus clementia, & æquitate fretos, qua hunc permotum baud passurum diutius sperent, se pristina Spernoniorum impotentia, & novo ultionis studio obnoxiosos esse: Si quid præterea de Brezæ postulatu impetrari possit, qui non præclarè secum actum esse plane judicet? alii ubi Rex propior urbem esset, satis maturum fore, censèbant, ut ad hæc denique descenderetur.

Sed qui in perturbatione rerum omnium spem positam habebant, ii Spernonii injurias dicendo amplificavère, atque æternam quæ ab eo patiunda sit, servitutem commemoravère. Ad hanc confirmandam nihil pudere hominem cetera superbissimum degentem cum Mazarino jungere affinitatem: quos ambo si Burdigalenses labefactaverint, Hispanorum simul, & virorum Principum opibus adjuti, quantam gloriam, atque famam consecuturos? quantam apud Condæum, qui omnes retrò Imperatores virtute, ac rebus gestis longè antecellit, gratiam inituros? qui si opera sua custodia emittatur, sub tanti viri clientela tutos, florentesque ætatem acturos. Mazarino qui Regis clementiam ostendit, nihil fides habendum, quam ex commodo mutare solitus sit. Quæ de Regis venientis clementia narret, ea ostentis modò esse, uti repleta pedibus, equibusque specie regis comitatus urbe, Castella diruta reficiat, atque bui fræcus coercitam Spernonii lubidini, atque ultioni permittat. Omnem Galliam adversum Mazarinum odio incensam, quæ videlicet sentiat hunc abnuere pacem, uti specie belli quod sempiternum esse velit, in ejus sumptus immensam ab omnibus Regni ordinibus pecuniam cogat, ac diripiat. Senatum, Populumque Parisiensem nuper Principibus viris fretos huius malo, mederi voluisse, atque ea causa sibi jus esse credidisse sumere arma, quando adversus Mazarinum potentiam parùm leges valerent; manere illis idem bujus coercendæ studium, neque quod ipsis placuerit, id in aliis displicere. Agendum igitur porrò, conandumque, munivendam urbem, copias augendas, atque interea quid sibi in Parisiensi Senatu præsidii futurum sit, experiendum: mittendum ea gratia Lutetiam Parisiensem quempiam è suo Ordine, qui unâ cum Guioneto qui pridem ad Urbem sit, Senatum doceat de rebus suis, atque bujus, imploret fidem.

Hæc vicit in Senatu Burdigalensis sententia, quæ gentis ingenio feroci magis congruebat: præterea consultantibus intervenit Brezæ, Buillonius, & Rupifocaldus, qui pronos ad rebellionem animos magis, magisque inflammarunt. Missus Lutetiam ad Senatum a Vicinus Consiliarius cum mandatis, quorum hæc summa erat. Ut operam Senatus dare vellet abigendo ab Aquitaniâ Spernonio, atque adducendo Regi, uti cum viris Principibus ex Edicto anno cto. 10c. XLVIII. agi, & de eorum causâ Senatum more majorum cognoscere, vellet, item de his quæ avarè, atque crudeliter b Fullæum libellorum Magistrum apud

a Voisin,
Conseiller au
Parlement
de Bour-
deaux.
b Foulé
Maître des
Requêtes.

1650.

Lemovices, fecisse aiebant: postremò uti Rex aut profectiorem ad eos omittere, aut pacatus venire vellet, atque omnia quæ Spernonius peccaverat, clementiâ suâ, atque benignitate corrigere. Ubi Vicinus Lutetiam Parisiorum advenit, Senatum sibi dari postulat, in quo nonnihil est hæsitatum, sed annitentibus factios postremò datus est: acderat Gasto, Belfortius, Hospitalius, & Gondius: sed ubi Vicinus Curia Burdigalensis mandata exposuit, acriter, ac pluribus in Spernonium, & Fullæum est invecus, ita ut sententias rogandi spatium non fuerit, cum adesset hora quâ Senatus dimitti solet.

Postridiè ubi Molæus quidpiam præfatus esset, atque docuisset rectè, atque opportunè Gastone coram de Burdigalensi negotio agi, quod ad rem publicam magnoperè pertineret, cui omni gerendæ ad Urbem mansisset, sermonem excepit ipse Gasto, atque ait. *Quod Burdigalensis Curia de viris Principibus postulet, id enim verò magnoperè ad rem publicam pertinere, cum idem hostes Hispani postulent, & cum Condes clientibus, atque amicis congruant, atque adeo periculosum videri, tantam rem Regis injussu Senatui attingere: de Fullæo nihil obitare, quo minus quæ secus fecisse dicatur apud Lemovices, de iis Senatus cognoscat: ceterum Regem in Aquitaniam sedandis motibus, omnique rei publicæ quantâ per Burdigalenses licebit clementiâ constituendæ ire paratissimum.* Secundum hæc rogati sententiam Patres pleraque gravia, atque acerba in Mazarinum dixere, scilicet uti Regno quemadmodum antehac decretum fuerat, faceretur, plerique Principes viros emitti volebant custodiâ, ac maximè Contium adolescentem tenui valetudine, postremò visum ad Regem ex eo ordine mittere, qui pacem cum Burdigalensibus suaderent, eâ gratiâ Spernonium decedere provinciâ, atque alia quæ eodém pertinerent. Hujus Legationis a Baileulius Præses princeps fuit, comitati sunt duo ex majori Classe, *b* Clemens Musnierus, & Stephanus Saintotus, singuli ex aliis Classibus, Joannes Canayus, Joannes Camusius, Franciscus Bitaltius, Carolus Comes Montoglanus, Jacobus Maugisius, & Petrus Martinellus:

Intercâ Rex, atque Regina mater Burdigalam versùs maturabant iter pergere, de quâ re vilum Curiam Burdigalensem, atque Urbanos Magistratus apud Burdigalam facere certiores: Rex eò scripsit ad eos, nihil se quôquam moraturum, sed rectâ ad hos versum iturum, uti Buillonii, & Rupifocaldi consiliis occurrat. *c* Phelipæus Vriliera Quatuorvir simul ad Cognitorem regium scribebat, monens Regem in Aquitaniam properare, uti Curia Burdigalensis more majorum obviam quosdam in suo Ordine mitteret, adventum gratulatum, & quæ videretur Regi nuntiaturum. Ubi de his litteris relatum est in Curia, Regem scripto admonere placuit, *Mazarini in provinciam adventum commovere plebis, atque omnium animos posse, quem Spernonio favere satis sciant, atque sibi inimicissimum putem, eò metum, & desperationem, & quæ ex his nascantur in multitudine imperitâ mala pertimescenda: ceterum inviolatam esse Regem Curia Burdigalensis fidem & esse, & perpetuò fore, cui adeò curæ futurum, ut ne quid damni, malivæ aut illi, aut rei publicæ ex quorumcûmq; consiliis eveniat:*

niat:

a Le Prësident le Baileul.
b Le Meufnier, & Saintot, Conseillers de la grande Chambre.
Canaye.
Le Camus.
Bitault.
Le Comte de Montoglan.
Maugis.
Martineau.
c Phelippeaux de la Vriliere, Secrétaire d'État.

niat : ab Cognitore regio Phelipæo Vrilieræ rescryptum. *Quem habeat Curia Burdigalensis ex Mazarini inimicitia metum, eo adduci uti dubitet, utrum satis recte huius fides committere possis eos, quos è suo Ordine obusiam Regi mittere se debere sciat.*

Sanctimonius ubi Regem Aquitaniæ fines attigisse rescivit, adhuc venit ocyus, fidem, operam, & quidquid Rex imperaret, id se naviter facturum pollicens: Daugnionus verò Comes quem rei navali præfectum esse diximus, atque Broagio Præfectum, simulatione podagræ eò restitit, ex conscientia digna metuens, si ad Regem venisset. Is cum Broagio Ream, atque Oleronam vicinas insulas occupaverat, conabaturque tunc cum maximè Regem, aut Mazarinum malefaciundo adducere, uti se Tribunal Equitum, aut Ducem, ac Parem Franciæ crearent. Hæc, atque alia huiusmodi venire huic, atque aliis in mentem aiebant, ex Mazarini disciplina qui malefacerent, iis benefaciendi: sed magis iniquitati temporum tribuenda videntur, quibus regia potentia in pupillo Rege infirmior erat, quam ut hæc fretus Mazarinus eadem, ac si matura ætate esset, designare posset.

Pridiè Calend. Sextiles Rex Liburnum advēnit, quò demum ab Senatu Burdigalensi missi venēre, qui adventum huic, & Annæ Reginae matri gratularentur, atque Ordinem suum in officio mansurum dicerent: clementiam ex omnibus virtutibus regis maximè celebravēre, in quâ spem omnem Burdigalenses positam haberent, confiderentque Regem malorum omnium, quæ jam diu Aquitania patiatur, causam, lubentem amoturum: dein Regina pauca præsentē Aulâ locuta Burdigalenses in proximum conclave seducit.

Eò Phelipæus Vriliera unus ex Quatuorviris scriptum quod præ manibus habebat, recitando Reginae verbis dixit, *Regem in Aquitaniam venisse pacandæ Burdigalæ, atque omni provincie: quæ Burdigalenses cuiuscumque sint ordinis, usque deliquerint, ea rei publicæ condonaturum: cæterum fieri velle certiore, utrum Buillonium cum iis quas Burdigalæ habeat copius, apud se manere malint, quam Regem ipsum, cum omni Aula, equitibus, peditibusque, quos secum custodiæ causa habere soleat, recipere manibus.* Burdigalenses, se verò Regem cum omni comitatu lætissimis animis accepturos respondent: sed quo liquidius de toto Curie, populique sensu Regina existimandi copia sit, quæ sibi sint recitata, ea renuntiaturus, neque enim quod responderint, id singillatim in mandatis habuisse. Ita qui ab Senatu, & qui ex urbanis magistratibus ad Regem venerant, ac iussu utrique sunt biduò redire, uti quid Senatui populoque sententiæ foret, Rex rescisceret.

Sed corrupti erant omnium animi, nam Senatus decreto pulsi ab Urbe fuerant ii, quibus placebat cum Rege æquis conditionibus redire in gratiam, Builloniumque, & Rupifocaldum dimitti, spem nactis videlicet, si quæ ad Urbis modò, & provinciae pacem pertinerent, ab Rege postulare, ea hunc haud denegaturum, sed magis supplicantibus condonaturum. His ab Urbe pulsis cæteri omnes cum Brezæ, cum Buillonio, cum Rupifocaldo, cum Hispanis hostibus, cum Belfortio, cum

1650.

Gondio, cum factiosis apud Lutetiam Parisiorum, ab quibus crebras accipiebant litteras, planè sentiebant : neque ipsi omittebant undequaque scribere, Curias omnes uti sibi adiutrices essent, hortari, si minù exemplum sequi vellent : isthuc verò Tholosana quæ vicinior erat, abnuit, alterum autem lubentissima fecit, orans, atque obsecrans per litteras Regem, uti causam belli, Spernonium videlicet procul ab Aquitaniâ vellet esse.

Melleraius qui circà Fronfacum ad Duranium amnem habuerat castra, apud Branam navibus junctis copias traduxit, atque hanc ingressus est regionem, quæ inter Duranium, & Garumnam posita est : tanta illic utriusque fluminis est latitudo, subeunte maxime per vices maris æstu, ut ab incolis instar duorum marium habeantur, ita ut hanc Interduo-maria regionem appellent. Eò Melleraius Vayrem castellum oppugnat Luburno haud procul, Pichonus Burdigalensis cum trecentis militibus missus ab Buillonio castellum defendebat, haud satis validum adversum exercitum regium : quo factum est, ut hoc brevi Melleraius potiretur, atque Pichonum ipsum caperet.

Bironum Marchionem aiunt in regio exercitu castrorum Præfectum cum centurione, qui in castello erat, egisse uti milites Pichonum noxæ dederent, quo operæpretio mortem quæ impendebat redimerent : cæterùm Pichonus laqueo vitam finiit, scilicet qui loco infirmo regium exercitum attinuerat, monitus uti priusquam tormentis ageretur, deditionem faceret, atque id sine fraude licere, Rege huic rebellionis gratiam faciente. Sed in eo graviter est ab regis offensum, nam & id pacem cujus nonnulla spes erat, disturbavit, insaniente, ex tam foedo Pichoni supplicio apud Burdigalam multitudine, & a Canolo qui eo captivus erat, fraudi fuit : nam Buillionius hunc vicissim nihil huiusmodi cogitantem, neque commercitum, virum nobilem, Vice-tribunum quem contra comparare Pichono iniquissimum fuit, pari supplicio affecit. At ne id quidem regis fatis docuit, qui bellum vel adversum ipsum Principem gerat, cum iusti hostis loco habendum, usque dùm victus fuerit : nam Vayrem Castellum, nuper captum evertere cœperant, cum nuntiatum est Burdigalenses vicissim Lermon-tium castellum Henrici Bethuni Archiepiscopi Regi fidissimi evertere aggressos, quo factum est, ut utrinque cessaretur. Dum hæc in Aquitaniâ geruntur, Lutetiæ Parisiorum Senatus de Burdigalensis Curia periculo magnoperè laborabat, quod certè ingens futurum videbatur, si Burdigala oppugnaretur, atque eò res rediret, uti tandem ab Rege victore conditiones accipiundæ forent. Cui rei uti præverterent Patres, Baillulium Præsidem, atque alios maturare ad Regem iter jubent : hi tametsi Reginae agrè erat Parisiensem Senatum his se rebus admiscere, tamen curatissimè accepti sunt : dein ubi ad Regem deducti, hic Senatus mandata frequenti Consilio unâ cum Regina matre cognoscit, atque eadem die benignè appellatos, habitosque dimisit : datum us scripto responsum, exemplumque huius quod recitatum Burdigala-

a Le Baron
de Canole.

lenfibus antea fuerat, uti Senatus intelligeret, nihil vi si clementia satis proficeret, Regem usurum: ad Burdigalam non adire, seu ab Senatu præceptum non erat, seu ab Rege copia non fuit, seu denique Burdigalenses sese nullam Parisiensibus gratiam ex hac Legatione debere ostenderant.

Vayre Castello capto Melleraius ad Creonem movit castra, ex quibus Valetta copias quæ dudum præerat eduxit, duxitque ad sancti Georgii nuper receptam ab Burdigalensibus insulam: eò Bhillonius munitionem novam instituerat, presidioque miserat milites octingentos: hanc a Mottæus Delasius tantisper defensus, quia nondum ad venerant tormenta: sed ubi hæc in colle propinquo locata, fossamque ad se versus duci videt, deditionem fecit: milites ad Regem posthabito priore sacramento facile transire, centuriones fide datâ se nihil posthac belli adversum Regem gesturos, dimissi sunt: sed eò graviter est vulneratus Valetta de quo supra memoravimus.

a La Morre
de Lau.

Hæc cum Regi ex sententiâ evenirent, & in dies ejus copię augerentur, qui è Burdigalensi Curia Lutetiæ Parisiorum erant: b Gourguis Præfes, Guionetus, & Vicinus Consiliarii, ii & Gastonem, & Senatum uti sibi necessario maxime tempore subvenirent, orabant, satis gnari Patribus metum esse, uti Mazarinus Burdigalenses armis subigeret. At Gastoni pacis modò studium erat, nequedùm hunc ulum in Mazarinum odium ceperat, quem administrandæ rei publicæ eâ tempestate necessarium judicabat: præterea haud ingratum erat hujus operâ Condæum æmulum Aulâ pulsûm, & in custodiam conjectum: illi adeo ægrè fuit Burdigalenses adversum Mazarinum omnia facere, suadere voluisse Regi, ut ne hunc in Aquitaniam adduceret, sicut hunc omnes æquè, ac Spernonium cui fautor esset, odissent, & cujus adventus perturbandæ, quàm pacandæ provinciæ magis futurus videretur.

b Le Præsident de
Gourgues.
Guionet,
Voisin, Con-
sillers.

Isthæc igitur objectavit Gourguio, quem graviter, atque collegas objurgavit, monuitque uti Burdigalensibus magis curæ esset, sibi ipsis consulere, quàm aliis maledicere, aut facere. Isthæc Gasto Burdigalensibus ex Annæ Mariæ Ludovicæ filię sententiâ dicebat, quæ in Aulâ cum Annâ Reginâ erat, eâ tempestate æquissima Mazarino, de quo ad patrem, ut huic item quàm æquissimus esse vellet, sæpius scribebat, ac præterea ad Salgeonam virginem de quâ supra memoravimus, cujus gratiam, atque fidem apud Gastonem noverat, quâ unâ hunc attineri posse credebatur, ut ne se planè Gondio, ac Belfortio permitteret.

Sed hi, atque alii in Urbe factiosi Burdigalensium si victi forent, cladem haud secus quàm suam considerabant, qui in eadem, ne fortè graviore noxâ essent, & quos ulcisci tum demùm Mazarino facilius foret: eo ipsis cautio erat, uti conditionibus potiùs, quàm Regis victoriâ bellum adversum hos desineret. Quamobrem Gondius Gastoni persuadet, ut illas perscribi velit, atque de his ad Senatum referri: quæ si huic probentur ad Regem, ab hujus Ordinis legatis perferantur, simulque mittat Gasto, qui Burdigalenses hortetur, ut has accipiant, quod &

1650. Gourguii Præsidis, Guioneti, & Vicini, qui simul eodem proficisci debeant, operâ fieri possit.

Id scitè Gondio in mentem venit, uti si Burdigalensibus ab Hispaniâ auxilia advenirent, seque satis ad bellum defendendum validos sentirent, id facere pergerent: sin rebus suis diffiderent, tùm verò acciperent conditiones, ac periculum quod impenderet, effugerent. Gastoni verò haud se indignum visum, inter Regem, & Burdigalenses ita arbitrum esse, ut ille non minùs, quàm hi sibi gratiam de pace debere sentirent. In Senatu conditiones recitatæ sunt, quas ab Gastone mittendas ad Regem censuit, atque earum exemplum intercèa mitti ad Burdigalensem Curiam ab Gourguio, & collegis: postremò ubi quid sententiæ Regi, & Burdigalensibus foret Senatus rescisceret, tùm profecturos eos, quos hic Ordo, iterum ad illum de pace legaturus esset.

Le Condray.

Gasto Codrayum misit, cum conditionibus, quæ postquàm Regi probatæ sunt, Burdigalenses de adventu suo Tubicine ad hos missò, sicuti per bellum fieri solet, certiores facit, postulatque ut sibi ad eos tutò ire liceat: dein alium, post alium eodem mittit, ac tandem uti Burdigalam venire copia sit, ægrè impetrat. Jam quid adferret satis scibant, & quamdiù hujus adventum morarentur, tantùm temporis ad deliberandum sibi accedere, intercèa ab Hispaniâ & pecuniam, & auxilia quæ expectent, ventura. Id his Brezæa, & Buillonius pollicebantur, & bono animo, atque optimâ spe esse jubebant. Brezæa speculatoriam navim in Hispaniam miserat, addideratque præsidio navim longam, quæ speculatoriam ad usque ostium Garunnæ prosequeretur: nam cò advenerant regiæ naves ab Normanniâ quinque eximie magnitudinis, totidem ab Baionâ cum levioribus navigiis octodecim plano alveo sicuti solent esse in fluminibus, quæ tamen in ipso Oceano usui sunt: hæc navigia adversò Garunnâ venientia in longas Burdigalensium naves undecim incidere, quarum unam cepere, cæteras remorum vi abreptas consequi nequiverè.

Postquàm Codrayus advenerat, Burdigalenses nihil aut Gastonis, aut Senatùs autoritate permoti sunt, uti quas ille ferebat conditiones, eas acciperent, eo feroces quod nihildum quo se vinci posse crederent, belli senserant: Spernonium Aquitaniâ, Mazarinum Aulâ, Galliâque pelli, Principes viros custodiâ emitti postulabant: tantum autem erga hos plebis studium fuit, uti Codrayum ipsum Regi, ac viris Principibus acclamare, Mazarino verò si se salvum vellet, malè precari cogeret. Qui ubi ad Regem redierat, quæ Burdigalæ astra essent, ea renuntiavit, simul pertinaciam plebis, atque ipsius Curie Burdigalensis ostendit, quos neque Regis clementia, neque conditionum quæ ferebantur, æquitas, neque Gastonis, atque Senatùs autoritas commoverent, uti pacem quam bellum mallent: quibus rebus Rex adductus est denique, ut omni ope adversum hos bellum gerendum esse decerneret.

Igitur Melleraium propius urbem accedere cum exercitu jubet; Pa-

lūavio copiarū quibus Valetta præerat attributæ sunt, nam hic ab vulncribus quæ in S. Georgii insulâ acceperat, nuper interierat, vir fortis, qui vitæ consimilem obiit mortem: nam illam domi, forisquæ stipendiis faciundis exegerat, secundas ab Imperatoribus partes sæpius sustinendo, Valetta Spernonii filius nothus, non hujus qui tum Aquitania obtinet, sed patris ejus: per adolescentiam è Melitenſi Militiâ fuerat, quem adeò Equitem etiam tū appellabant, nam qui huic nomen dedere, eos equites vocant, credo quod ab Hierosolimâ quò primum agitavere, omnem usque ad mare regionem ab latronibus quos Arabes vocant, infestam, contra horum insidias, furta, ac cædes tutam præstare debebant, his videlicet qui Urbis sanctæ visundæ studio eò ab Europâ veniebant, quibus iter facientibus præsidio fuere, atque ut hac omni operâ fungi possent, perpetuò in equis versabantur, quo factum est, ut equites rectè appellarentur: sed hæc omnis ratio postquam Rhodam, dein Melitam migraverant, mutata est: nam ab his insulis excurrere maria, ac Turcicas naves oppugnare deinceps consuevere, ut ne Christianas deprehendere, capere, ac vectores in durissimam servitutem adducere more, institutoque suo possint.

Interea Hispani hostes qui sicuti suprâ memoravimus, ab Guisio re infectâ discesserant, neque procul ab finibus nostris abierant, circumspiciunt si quò per Regis, atque copiarum quas secum in Aquitaniam abduxerat, absentiam rem melius gerere possent. Igitur ubi militem in stativis refecere, atque auxere supplemento copias, improvisò ad Capellam movere, dignaque res visa, cui gerendæ Leopoldus adesset, non loci nobilitate, nam exiguum oppidum est, sed quoniam erat Hispanis magnificum expugnare oppida nostra, qui antehac sua defendere minimè potuerant, atque ægrè bellum in finibus suis sustentaverant. Castrâ circum Capellam x i i. Calend. Sext. posuere, triduum iis muniendis consumptum, ut ne quâ oppidum auxilia ingredi possent: duobus locis disposita tormenta, & fossæ ad murum duci cœptæ: quæ pars castrorum Avennas versus erat, in ea Sfondratus curabat, Verbinum versus Fuenfaldanius. Ubi munita fuere castra, ad hæc Leopoldus accessit, & apud Lerſium vicum Prætorium habuit, quò & Fuenfaldanius agitabat.

a Roccapinæus oppido Præfectus erat, vir fortis, & strenuus, cuius operâ multi qui ad oppugnantes antehac Guisium hostes vehabantur, commeatus interierant, quæ res maximè Guisiani salutis fuerat: at huic Capellam defendenti, qui parem gratiam referret, inventus est nemo: neque id facile fuit, cum hostes ab Landrecio, & Avennis propinquis locis suis peterent commeatus, quorum adeò brevis subvectio horum interceptiundorum minorem dabat facultatem. Pralino-pleſsius cum exercitu apud Riblemontem, dein apud Marlas stativa habuit, quorum alterum ad Esiam, alterum ad Serram amnem est, neque omisit quæ per paucitatem copiarum licebat, ea tentare, si fortè aut hosti commeatus prohibere, aut auxilia in oppidum introducere posset. Roccapinæus eruptione sæpius adversum hostes pugnavit, tormentis

a De Roccapinæ.

1650.

opportunè usus est, ab quibus Geraldinus vir magnâ apud eos opinione virtutis interit, præterea Sfondratum glânde istum aiebant: postremò Roccaaspineus cum omnis instrumenti bellici in oppido finis adesset, deditionem facere coactus est, cuius ab victore leges perhonorificæ dictæ.

Ubi Pralino-plestius Capellam deditam videt, & quò hostes moturi sint, in incerto est, Villequierum, & Hoquincurium Legatos, cum equitibus, peditibusque, quantum est visum, in Atrebatem, & ad Quintinifartum dimittit, atque alios aliò per omnes Picardiam, & Campaniæ secundum Mosam amnem fines, ipse ab Marlis ad Barnetonem recesserat, citrà Serram amnem, ut ne tot dimissis copiis hosti opportunus foret. Sed hunc ex copiâ rerum in Campaniam ducturum existimavit, quò Fertæum Sannectarium præmiserat, cum iis quibus præesse solet copiis, atque aliis. Is in Campaniam adveniens Varennam equitum quos Turena custodiæ causâ habebat, ducem Villafrancæ ad Mosam dirutas munitiones reficere accepit, quò ipse cum equitatu advolat, jubetque Varennam facessere oppido, qui ubi se negavit id facturum, Fertæus partem equitatus Mosam traducit, ac dum pedites cum tormentis oppugnando oppido opperitur, Varenna noctu secundo amne Satenaium profugit.

At Leopoldus Marlas, Verbinum infirma haud procul Capellâ oppida, dein Portiani-castellum, & Rethelium in Campaniâ item parum valida occupat. Hæc regio plana, atque campestris equitatu opportuna est, qui multus Leopoldo erat, peditum habebat multò minus, septem modò millia in ejus exercitu fuere, equitum propè duplex numerus. Adversum tantas copias Pralino-plestius consilio magis, saltuosius, aut paludosis, aut amne munitis locis castra ponendo, quam manu tuebatur se, atque provinciam. Sed Durocortoro Rhemorum metuens, ab quo haud longè hostes aberant, castra primùm apud Fimas, dein propius urbem ad Campignium vicum habuit, quæ loca ad Veslam amnem sunt, cæterùm Legatos, atque alios, quos undequaque dimiserat, ad se redire jusserrat. Fortè Hoquincurius ad eum veniens apud Fimas posuerat castra, quò & hostem advenire per exploratores nuntiatum est: puduit hominem ingentem animi, nec ab hoste pelli solitum, huic cedere loco, atque ad eò tametsi haud magnum equitum numerum haberet, eò hostes opperiri constituit: Veslam amnem iis aliquam obiecturum moram, quem si transire tentarent eos faciliè cædi posse, haud procul esse Augustam Succionum, quò si res moneat, equitatu receptus haud difficilis sit.

At Turena quo freti hostes Campaniæ fines erant ingressi, duobus vadis magnum equitum numerum Veslam traducit, neque Hoquincurium modò pellere, sed & hunc Durocortoro Rhemorum, & Augustâ Succionum simul intercludere conatur. Sensit hostis consilium Hoquincurius paulò seriùs quàm par erat, tamen in eo tam aspero negotio nihil teritus, hostium qui obstabant agmen pertrumpit, & Augus-

tam Sueffionum cum suis equitibus pervenit, quadraginta modò ex his desiderati, quã tantulã jacturã salus cæteris quæsitã, & Ducis nimia audacia expiata est : nam eã tempestate rem publicam sustentare modò, neque fortunæ committere quidquam, satius fuit, Rege remoto procul, percussis hostium in Galliam ingressu omnibus, & exiguis ad defendendam copiis. Id præclarè Pralino-plessius intelligebat : quàmobrem ubi hostes ad Fimas habuere castra, ipse in Durocortori Rhemorum suburbium concessit, dein urbem ipsam est ingressus, relictis in suburbio hostem versùs Rosã Tribuno, ac Germanis quibus præerat equitibus, nihil enim Fimas inter, & Campignium quò nostros habuisse castra diximus, ac ne ipsam quidera urbem intercedebat satis firmum ab naturã, aut loco munitum, quo freti adversum tantum hostium numerum propugnare possent. Germani equites quotidie hinc inde mittebantur, qui de hoste cognoscerent, quidam capti, alii quosdam ex hostibus cepere, secundum fortunæ quæ summa in bello esse solet, vicissitudinem.

Ab Satenaio quod oppidum penes Hispanos, sicuti suprà diximus, arx penes Turenã erat, hostes Melieram versùs, & Musonium, aliãque circum loca vagabantur, quibus coercendis Pralinoplessius a Lametum Vicecomitem cum ducentis equitibus eò dimiserat. Is fortè in quadringentos hostium equites incidit, certamen effugere tametsi animus ferret, hostium propinquitã prohibebat, majusque in fugã, quàm in prælio periculum fore videbatur. Igitur Lametus equitum suorum alas quinque constituit, quoniam totidem hostium erant : procurritur utrimque, pugnatum per horam, postremò virtus numero potior fuit, ac tametsi Lametus equo suffosso ab hostibus captus, abductusque fuerat, tamen nostri quo pugnatum est loco mansere, quod quidem victoriæ certissimum argumentum est : hostes Protribunis duobus, ducibus turmarum septem, sexaginta equitibus amissis, ex quibus quadraginta cæsi, cæteri capti, dilexere : è nostris *b* Buscodelphinus è Melitenfì Militiã turmæ unius Dux, atque *c* Ambervalius item unius turmæ Dux, ac pauci alii desiderati, qui egregiè pugnantes occubuere.

Ubi hostes ad Fimas, & Bazochium vicum propinquum cis Vestlã amnem habuere castra, neque inde flumen ullum prohibebat ad Lutetiam Parisiorum venire, ibi verò qui in urbe erant factiosi, dictitare, Patriam ab Maxarino prædiam hosti, abductis aliã regni copiis, adversum cives bellum geri, dum hostis suprà caput est, hunc autem, illos perditos Maxarinum velle, cui hujuscemodi sermonibus magnam constabant invidiam. Sed major aliã singillatim Gondio cura erat, hic enim animum induxerat omni ope efficere, uti Condæus, duoque alii viri Principes in suã potestate essent, quos ubi lyberet emitteret custodiã, atque hæc ab Condæo gratiam iniret, quæ tanta ipsi futura videbatur, uti non modò sibi placatus foret, sed & de se augendo, ornandoque cum, Gallione congrueret, quibus duobus visis fretus nihil tam arduum erat, quò non evadere se posse consideret.

a Le Vicomte de Lamet.

d Le Chevalier de Bois-Dauphin.

e D'Amberval.

1650.
 a Le Marquis
 de Legue.

Igitur per a Lecam de quo suprà memoravimus Gastonis animum implet metu. *Hofes haud procul Urbe esse: in eà complures Condai clientes tempus, atque opportunitatem hujus eripiendi circumspicere, Turenæ cum equitatu ea gratia adventurum, ad id prohibendum in plebe nihil esse auxilii, quæ extra mœnia egredi non audeat, eò ex Vincennarum arce hunc, atque Contium, & Longavillam aliò deducendos.* Consilium super eà re habitum: Belfortius Principes viros ad Urbem adducendos censebat, & in Bastiliâ custodiendos, aliò se passurum negabat, quò in Mazarini magis, quàm in Gastonis forent potestate. Gondius nihildùm esse aiebat, quo ab Vincennarum arce abducerentur, sin id faciundum esset, Belfortio de Bastiliâ assentiebatur. Rohana Mombafona, & Castronovanus abducendos modò aliò censebant, neque de loco dicebant quidquam. Tellierus unus ex Quatuorviris, qui cum Castronovano, uti Gastoni præsto esset in omnibus quæ ad rempublicam pertinerent, ad Urbem relictus fuerat, simul ut ne hujus animus usque Mazarino æquus ab Gondio, aut ab aliis subverteretur, nihildùm videri esse aiebat, quo necesse esset viros principes abducere Vincennarum arce, & quid Rex juberet, opperundum censebat.

At Gasto qui neque Regiam, aut Mazarinum, neque Belfortium, Gondium, atque ex eo grege alios offensos vellet, decrevit ut Principes viri Marcussium deducerentur, atque Bar cum eodem quod apud Vincennas erat præsidio, eorum porrò haberet custodiam. Marcussium castellum est ad eam rem satis firmum, quod cis Sequanam haud procul Urbe positum est: eò Condæus, Contius, & Longavilla ab Vincennis deducti sunt, atque ita Gondius, & qui hos in Bastiliam adductos volebant, iterum frustra fuere.

Inter hæc ab Leopoldo advenit Tubicen, cum litteris ad Gastonem, quibus significabat, Philippo, sibi que pacem cordi esse: neque se dubitare idem Gastonem de pace sentire, alterum ad Urbem esse, alterum in exercitu cum imperio, ac rerum componendarum potestate, cujus rei sibi majus studium futurum, si de eà cum Gastone agere liceat. Hic tam præclaram occasionem sibi ab hoste ostentatam haud dimittendam ratus a Albaspinæum Verderonam ad Leopoldum mittit, rescribitque non minus Regi, atque Reginae matri, sibi que, quàm Philippo, & Leopoldo pacis studium esse: quo loco, quâ die, & ab quibus de hac agi placeat, sententiam ejus exquirere, quam ubi resciverit, in se nihil moræ futurum.

a De l'Aubespine, Marquis de Verderonne.

a Gabriel de Tolcde.

Leopoldus per b Gabrielem Toletanum diem, locumque colloquio constituit: id inter se, & Gastonem fieri in rem publicam esse: ubi complures ad id negotii antehàc adhibiti sint, frustra fuisse: cæterùm id se de loco, & tempore colloqui Gastonis jussu fecisse aiebat, ut ne quid moræ tanto, tamque utili negotio interveniret. Gasto ut inter ambos pax per colloquium fanciretur, sibi itidem, uti Leopoldo placere respondit: *Sed cum Pontifex, atque Veneti Pacificatorum inter duos Reges usque partes sustinuerint, cum illius Nuntio, atque cum horum Procuratore quis ad Urbem*

Urbem sint, omnia quæ sibi ab Leopoldo fuerint munita, communicasse: ambo rogatu suo ad Leopoldum proficisci, præterea Avauxium, qui antehac Monasterium Vestfalorum de eadem pace ab Rege legatus fuerat: hos si placeat, de omnibus quæ colloquium antecedere debeant, cum eo conventuros.

Sed iter facientibus advenere ab Leopoldo litteræ, quarum sententia hæc fuit. Sibi cum Gastone colloqui consilium fuisse, & cum eo brevissimæ tempore pacem conficere: ubi spatium erit de ea prolixius agendi, ibi pacificatorum operam Philippo gratam, atque acceptam fore: cæterum ubi properandum videbatur, nihil ea opus fuisse: eadem ad Gastonem scripsit, præse ferens optatissimum sibi fuisse hunc videre, & cum eo colloqui, atque id faciendum lubentissime quævis res movebit: se enim satis scire Gastonem nullam pacis inter ambos Reges conciliandæ occasionem prætermittam velle, quod idem sibi studium sit. Ita tùm demùm Hispanorum simulatio palam fuit, quæ quorsum tenderet haud satis intelligo, nisi si ad gloriam, & famam pertinere sunt arbitrati, ubi primùm fines nostros per diuturnum bellum intactos attigerant, ostentare nobis rerum commutationem esse factam, moxque pacem suo tempore, suo loco, atque etiam suis legibus factum iri, quod tamen quis eorum virtuti, ac non potius vitio nostro tribuat, quos victoriæ satias, & novarum rerum lubido cepit?

Sed illius Gentis ut in secundis rebus superbiam, & insolentiam reprehendere, sic in adversis constantiam, & animi magnitudinem mirari lubet, qui cùm per tot annos fortunæ violentiam toleraverint, pacem tamen petiere nusquam, & ultrò oblatam abnuere, indignum rati ab hoste, qui in finibus suis victor, & tot urbium, ac regionum potens esset, accipere conditionem. Leopoldo fortè consilium fuit, plebis odium in Mazarinum magis, ac magis accendere, cui nusquam placitum judicabat se absente agi de pace, atque hujus arbitrum Gastonem, aut Gondium esse. Sed ille uti seu Leopoldi, seu Gondii fraudi, ac iniquis utriusque adversum se consiliis occurreret, tametsi Gastonem plus æquo adproperasse sentiret, ne id quidem tamen reprehendit, quin & se haud minus quàm illos omnes pacis cupidum ostentavit: sed Nuntium Pontificis, simul qui per absentiam Michaëlis Morosini Venetorum Legati hujus ad Urbem vices in omnibus negotiis subire debebat, eum huic negotio adhibendum censuit, uti rectè, atque ordine si ad id seriò Hispani animum adjecissent, fieri posset: cæterum hos ab pacis consiliis longè alienos esse eà tempestate non dubitabat.

Inter hæc a Codrayus ab Aulâ, & Burdigalâ redierat, productusque ab Gastone in Senatum, quæ apud Regem, Reginamque matrem, & apud Burdigalensem Curiam egerat, ea enarrat ordine. Hanc nihil ad pacis condiciones quæ ferebantur, respondisse, quo eas accipere velle videretur, sed magis ad bellum defendendum parare se, quod Rex summa ope gerere quoniam pacem Burdigalenses abnuant, per Mellerium aggrediatur: terra, marique clausos ad urbem aditus, majorem civium pertinaciam, quàm opes esse. Secundum hæc ubi Codrayus Curia excesserat, Gasto, Sese, ait, & sua sponte, judicioque, & ex sententia Senatus uti Burdigalensibus ab Rege pacem

a Le Com-
dray - Mont-
penier.

1650.

*impetraret, omnia fecisse: quo minùs hanc habeam, per eos stare, quos tamen mon-
dò ut regia Majestas salva, atque integra sit, perditos nolit: placere igitur ad
Regem, & ad Burdigalenses Codrayum iterum mitti, qui pacem suadeat: hos
ubi opes suas infirmas esse senserint, quod jam abnuant, id cupidissimè acceptu-
ros: tempus adesse quo si videatur, Senatus ad Regem, & Burdigalenses mitte-
re possit, qui utrimque de pace agant, quæ res magnum ad hanc conficiendam
pondus habitura sit.*

Senatus decretum fit, sicuti Gastone autor erat, atque id ipsum de Gas-
tone adscriptum decreto est: præterea eodem decreto cautum, ubi eà
de re ad Senatum quidpiam porrò referretur, id ut illo præsentè fie-
ret. Ita Codrayus ad Regem, & ad Burdigalenses iterum de pace mis-
sus: ière præterea iterum duo ab Senatu Clemens ^a Musnierus, & Fran-
ciscus Bitaltius, acres viri ambo, & ei quæ dabatur provinciæ pares.
Hi in Aquitaniam properant, ut integris adhuc Burdigalensium rebus
advenirent, Gourguivus, Guionetus, & Vicinus è Curia Burdigalensi
qui ad Urbem crant, Gastonis, & Senatus rogatu eodem tempore pro-
fecti sunt, uti Burdigalenses ad conditiones quæ ferebantur, accipun-
das hortarentur.

Jam Melleraius cum exercitu propiùs Burdigalam erat, & S. Suri-
ni suburbium per Sammegrinum, & ^b Rupilaunium Legatos oppug-
naverat. Eò magna utrimque facta cædes, Buillonius, & Rupitocal-
dus aderant, qui strenuè rem sustentavère: sed superatis omnibus quas
objecerant munitionibus, postremò advectis tormentis regii in urbem,
aut proximas fossæ munitiones compulère hostem. Atrox planè cer-
tamen fuit, uti facilè inter Gallos factum crederes: neque virtute, sed
causâ, & numero qui vicère, eos potiores fuisse. Urbi erat appropin-
quatum, magnusque plebem Burdigalensem ceperat metus: sed qui op-
pugnabant, & qui propugnabant experti invicem, atque ad eò satis gna-
ri quàm utrumque periculosum esset, præterea quidquid his, aut illis
accidisset damni, id ad Regem maximè, & ad rem publicam perti-
nere, ad pacem animum adjecere denique, quo factum est, uti Co-
drayus ab Gastone, Musnierus, & Bitaltius ab Senatu opportunè ad-
venerint.

Mazarinus haud difficulter ad pacem adducebatur, quia post subur-
bii oppugnationem quæ Melleraius incœperat adversum urbem, ea haud
ex sententiâ cessarant, Buillonio, ac Rupifocaldo, ac præterea Burdi-
galensibus ad propugnationem intentissimis, quin & illi semel, atque
iterum erupère. Sed Burdigalenses angebat Hispanorum cessatio, ab
quibus nihil adveniebat auxilii: quamobrem de pace cœptum est agi,
senò quidem ab Mazarino, sed non sine dolo ab Burdigalensibus fac-
tiosis, quibus rem ducere quamdiù possent, consilium fuit, ut interea
loci ab Hispaniâ adessent auxilia, quibus ne ipsâ quidem pace factâ uti
quidquam pensi habuissent, tam grave erat ab Mazarino, & Sperno-
nio ad quas hi vellent, conditiones adigi.

Ad Burgum propiùs Burdigalam Rex accesserat, quò Curia popu-

^a Le Meuf-
nier.
Bisault, Con-
siller,

^b Le Marquis
de Rocque-
laure.

Iusque Burdigalensis misère, qui de pace agerent, neque aderat primum quicumque ab Brezæa, Buillonio, & Rupifocaldo, cæterisque Condæi clientibus, qui interea finxere sæpius advenire nuntios, ac litteras ab Hispaniâ, quæ præsto adfutura auxilia pollicerentur, quo pacis negotio moram adferrent. Sed cum hæc vana esse Burdigalenses viderent, ac milites vigiliis, & continuo stationum, atque excubiarum labore fastiscerent, serò tum demùm de pace egere, atque rogare Condæam, Buillonium, & Rupifocaldum, uti secum ad Regem mittere vellent, qui de suis rebus agerent: sed sibi quidquam postulandum negavere, præter quàm uti viri Principes emitterentur custodiâ, quod cum fieri hæc tempestate non posse satis perspicerent, nihil esse quod ad Regem mitterent, eandem quas Curia, populusque Burdigalensis conditiones sibi accipiundas esse, quibuscum causam suam communicassent, atque adeò quæ sibi paciscerentur, iis sese usuros.

Postea tamen Gourvillam Rupifocaldi clientem Burgum Regis voluntate misère qui de virorum Principum, Brezæa, Buillonii, Rupifocaldi, ac cæterorum qui in eadem causâ essent, rebus ageret: ab hoc latæ Mazarino sunt de Principibus viris emittendis custodiâ conditiones, quibus & reipublicæ, & ipsi singillatim abundè cautum videbatur, Buillonius, ac Rupifocaldus fidei causâ sese quo Rex juberet, in custodiâ futuros recipiebant per menses sex, quin & de nuptiis alicujus è sororum Mazarini filiabus cum ipso Contio tum primum facta mentio est. Burdigalenses tametsi flagitarent Speronium amoveri ab Aquitaniâ, si tamen Rex Principes viros custodiâ emissos vellet, hæc unâ de causâ se pati posse dixere hunc porro provinciam obtinere: nihil denique omissum, quo flecti Mazarini animus posset. Sed obstitit fides data Gastoni, nihil in eâ re hujus injussu factum iri: postremò apud Burgum de pace transactum, horum quos de eâ Senatus legaverat operâ, haud dissimiliter ab conditionibus quas Gasto ad Regem miserat, quæque in Senatu recitatæ fuerant.

Convenit igitur uti Rex ediceret (nam hæc est formula pacis quæ inter Regem, & eos qui ipsi subiecti sunt sancitur) quæ dicta, factave hostiliter fuerint ab Burdigalensibus, atque ab Ducibus, militibusve, qui Burdigalæ fuerint, ac militaverint, eorum se oblivisci. Brezæam cum filio Angiano rus apud Andes secessuram, & in quo voluerit prædio suo agituram, atque omnia sua, virique bona posseduram. Ab omni fœdere ac societate domi, forisque discederet, atque Regi eâ de re scripto fidem daret. Hostilia in Biturigibus, atque aliò cis Ligerim, quò Condæus, atque hujus clientes castella habeant, fieri desinere. Quæ armis occupaverint loca, iis præsidia deducerent, atque hæc Regi redderent, quibus vicissim occupata loca redderentur: si Brezæa apud Muronem, quàm apud Andes agitare mallet, illò ne plus ducentis peditibus, ac sexaginta equitibus præsidium esset. Hoc oblivionis Edicto cuncti fruerentur. Captivi utrimque sine pretio dimitterentur. Qui conscripti ab Burdigalensibus, ac Sociis milites essent, ii exau-

1650.

torarentur, ac sine fraude discederent. Quæ Curia Burdigalensis adversum Spernonium dixerit, fecerit, decreverit, & vicissim Spernonius in Burdigalensem Curiam, ea pro dictis, factis, decretisve ne haberentur, & quando vix quieti apud Burdigalam, atque in Aquitaniam animi esse posse videantur, ob nuperas, pristinasque cum Spernonio contentiones, hanc se alteri Rex traditurum recipiebat.

Dum hæc apud Burgum aguntur, Brezæa, cò Figeanum misit, qui rei conficiundæ adesset. Quod ubi factum, atque Edictum Regis promulgatum est, Brezæa cum filio Angiano, Buillonius, Rupifocaldus, ac plerique unà cum his nobiles consensu navibus Burdigalâ profecti sunt, atque in Melleraium fortè incidere, quem pleræque è Classe regiâ naves comitabantur: hæc Brezæam, & Angianum, sicuti navigantibus moris est, omnibus tormentis salutavere: dein factus propior Melleraius cum eâ colloquitur, ac percunctatur num sub oculis Regis, atque Reginae matris Burgo, quò adverso Duranio iter habitura erat, transire his insalutatis consilium esset? illa verò autoribus Buillonio, & Rupifocaldo se lubentissimam ad utrumque diversuram respondit, ac supplicaturam uti virum emissum custodiâ velint, modò ut ne his importunum foret.

a Vantadour,
Duc Danville.

Melleraius continuò mittit, qui Regem, ac Reginam monerent, Brezæam ad eos properare: hi a Danvillam Vantadurium misere obviam cum rhedis, qui hanc navi exscendentem, omnemque comitatum exciperent. Quæ ubi Regi, atque Reginae in conspectum venit, salute dictâ invicem, ac paucis quæ ad humanitatem, comitatumque pertinerent, verbis commutatis, ad utriusque genua procumbens, os totum lacrymis oppleta de viro custodiâ mittendo iis supplicat, tam enixè, ac lamentabiliter, ut ambos, & qui aderant omnes, eos misericordia caperet, ita ut ni res publica, & data Gastoni fides attinuisset, id mulieri Rex, atque Regina obsecuturi viderentur, sed bono animo, atque optimâ spe esse iussam dimisere.

De re eadem Buillonius, & Rupifocaldus cum Mazarino egere diligenter, atque ingenti studio. Hujus meritum eo majus futurum apud Condæum demonstrando, quo minùs jam ut id ille faciat, vi, atque armis cogi possit: omnia movere factiosos ad Urbem, uti Condæum habeant in potestate, cujus opibus ipsum Mazarinum oppugnent: finem quidem bello Aquitanico impositum, sed nullum hujus gerendi studio factum iri, quamdiù viri Principes in custodia fuerint, neque cessaturos omnes Regni Ordines, usque dum hac emissi sint: se quidem ut id fiat omni ope emissuros, sed malle hujus, quam aliorum opera fieri, atque huic ab Condæo tantæ rei gratiam deberi, quo æterna inter ambos amicitia concilietur. Isthæc commovere hominem, uti regis ad viros Principes emitendos custodiâ propenderet, atque eâ de re secùm agi posthac facilè pateretur. Caterùm Brezæa ad Regem, atque ad Reginam matrem supplicatio, dein consecuta Buillonii, ac Rupifocaldi cum Mazarino colloquia Aureliæ virginis animum implevere suspitione, ita ut ad Patrem scriberet se de Condæo custodiâ emittendo consecutum esse arbitrari.

Mazarino consilium erat ab Aquitaniâ in vicinam transire Septimaniam, atque inde in Provinciam, corrogandæ ad necessarios Aulæ, atque belli sumptus pecuniæ, cujus rei gratiâ indicta utrobique fuerant comitia : ac singillatim in Provinciâ concilianda erat inter Aletsium Comitem, & Curiam Aquensem gratia, aut hic sicuti Spernonius erat amovendus. Sed factiosi quibus ægrè erat pacatam esse Aquitaniam, aliò durare lites cupiebant : quo factum est, uti per Gastonem adigerent Regem, atque Reginam ut ad Urbem omnis Septimaniâ, atque Provinciâ redirent. Id urgebat Gasto maximè, quia supra quàm dici potest, sollicitus erat de virorum Principum custodiâ, quos neque ad Urbem deductos volebat, ut ne in alienâ magis, quàm in suâ essent potestate, neque satis in tuto esse apud Marcussium Castellum arbitrabatur. Igitur Rex postquàm dies decem Burdigalæ commoratus fuerat, ad Urbem versùs iter intendit.

Interea dùm Rex in Aquitaniâ erat, bellumque adversum Burdigalenses gerebatur, a Santanianus unus è Principibus regionum Cubiculariorum, cui Bituriges provinciam permissam suprâ diximus, in hac cum paucis copiis Condæi clientes apud Muronem, quò validum erat præsidium, atque apud alia circumquaque Castella, & ipse bello sicuti iussus erat, persequebatur. Hic propè omnia per se administrare, ac gerere, cum paucis plures adoriri, ac vincere, princeps prælium manu facere, ac tametsi quandoque vulneratus hostes pellere, ac profigare, oppida, atque Castella pugnando capere, postremò clarissima virtutis exempla edere, ac planè ampliori scenâ dignissima : sed qui sibi mandatam rei publicæ partem strenuè gerit, is mihi vir summus, & quantovis honore dignus videtur.

a Le Comte
de Saint Aignan.

Ubi ab Aquitaniâ Rex Fontembellaqueum advénit, eò tantisper Aula restitit, rure regio nobilissimo, atque amcenissimo. Venit eodém Gasto Regi, atque Reginæ ab Urbe obviam : sed mansit domi Gondius, sibi conscius multa per Regis absentiam designasse, quæ Mazarino gravia fuerant, indignanti illum abuti Gastonis gratiâ, & facilitate, quibus fretus hunc quò res publica minimè postulet, impelleret, atque in eâ gerendâ sibi rationes omnes conturbaret, ac denique æmulus videri vellet. Cùm hæc sæpius palàm Mazarinus exposlularet, dum adhuc Aula in Aquitaniâ esset, multi Gondio renunciaverant huic illum iis de rebus offensum, insensumque esse.

Sed Gondius ad Rohanam Mombasonam adit, quæ utrique mutux inter ambos nuper initæ amicitix conscia, & sicuti testis erat. Ibi sese Mazarini exposlulationibus pulsùm ait ab amicitia, cui ad eò rursùm integra omnia de eo sint, sibique consilium capturum. Rohana nihil temerè faciendum censebat, sed magis explorandum Mazarini animum erga Gondium ut esset : eâ gratiâ petendum ab eo quidpiam, quod si denegaret, Gondium tum demùm rectius ab amicitia discessurum. Is verò se negare quidquam ab Mazarino postulaturum : uti Cardinalatum peteret Rohana suadebat, quem se haud impetraturum Gondius

non ambigebat, neque commissurum aiebat, ut eâ causâ sese cum eo Mazarino amicitiam instituisse, aut de Condæo in carcerem conjiciendo concordasse fama ferret: si tamen Rohanæ videretur Cardinalatum petendum esse, haud abnuere quin ipsa hanc sibi daret operam, quo si de eo impetraret, tantæ rei huic maximè gratiam deberet. Ita Gondius quid Mazarinum aut amaret, aut odisset, & quâ gratiâ tot, tantaque moveret, palàm faciebat.

Rohana provinciam accipit lubens, talium avida, & quæ pro Mazarino, & Gondio haud æquam amicitiae partem habebat, sed huic favebat impensius. Igitur cum Telliero agit, qui ad Urbem Aulâ in Aquitaniam proficiscente eâ quâ diximus de causâ manserat: hunc Gondii de Mazarino suspicionem edocet. *Quanti Condæi clientium conatus sint, ut hunc pertrahant ad suas partes, quæ ejus gratia, & fides apud Gastonem, postremo hoc homine quovis pacto cum Mazarino porro conjuncto opus esse: sed quæ levia amicitiae vincula sint, ea facile dissolvî: hunc tanto beneficio adjungendum, quanto circumclusus elabi nequeat: hujusmodi esse Cardinalatum, quem si placeat Gondio dare, sicuti nihil ipsi supra hanc dignitatem sit, ita nihil supra ejus adversum Mazarinum amicitiam fore, id ad eum scribere velit, atque docere quanto usui futurum ipsi sit.* Tellierus commotus insolitâ re, & quid esset Mazarino sententiæ satis gnarus, deprecari isthæc ad Mazarinum scribendi onus, quod ipsa suscipere facile posset, cujus litteræ magnum apud hunc habituræ pondus essent: postquàm ipsa acrius instat, atque in denegando pudor erat, ita se scripturum Tellierus recipit, si & ipsa idem scribat, fidemque Mazarino faciat, id rogatu, ac magis justû suo Tellierum fecisse. Mazarinus utrique rescribit, rem omnem in adventum suum ad Urbem rejiciens, de quâ tum ampliùs ageretur.

Interea Condæi clientes ambire, fatigare Gondium, uti Principum virorum apud Gastonem, & Senatum negotium susciperet: magnam in ipso viro tanto si diutiùs falli se Mazarini artibus non sinat, spem sibi sitam: si præter Gastonem, & Senatum, Condæum adjungat, omnia & virtuti ejus, & gratiæ prona fore. Arnaldus Corbevilla noctu ad eum ventitabat, & hæc, atque alia hujusmodi prædicabat homini potentiae avido, cuique videlicet Cardinalatûs cupientissimo nihil ut ferè sit, satis festinabatur. Quia tamen non omnis ab Mazarino quod brevis erat, hujusce habendi spes interciderat, nondum Condæi clientibus satis certa respondebat, atque interea Mazarinus Fontebellaqueum unâ cum Rege advénit. Eò Rohana Mombafona ab Urbe Reginæ præsto fuit, huic perpetuò cara, acceptaque. Illa cum Mazarino colloquitur, causamque agit Gondii, neque tamen persuadet, ut huic Cardinalatum datum velit.

Rohana, re sicuti videbatur infectâ Fontebellaqueo proficiscitur: sed continuo metus cepit Mazarinum, ut ne hanc, atque Gondium repulsi dolor transverfos ageret, atque adversum se quidpiam inceptarent, cui rei uti præverteret, Lecam utrique fidum accersit, cui sibi consilium esse ait, Rohanæ de Gondio morem gerere, si postquàm ite-

rum collocuti fuerint, id sibi faciendum esse existimet: ubi primum ad Urbem advenerit, eâ de re acturos, ipse properè eò redeat, atque isthæc Rohanæ nuntiet. Leca Mazarinum monet, id ut ne more suo dictum, aut omninò Gondium produci posse putet, biduò ubi ad Urbem redierit, rem conficiendam. Sed si eâ parùm procederet, jam Gondio instituta erant in animo consilia omnia, uti de Principibus viris custodia eximendis Gastoni persuaderet cum Senatu sentire, atque congruere, tanto beneficio sibi devinctum Condæum de ornamentis suis facile cum Gastone concordaturum, & utroque se fretum, ac præterea Senatu, populoque Mazarinum jam publicâ invidiâ laborantem, nutantemque de summâ rei publicæ quæ ipsi ab Reginâ credita sit, haud difficulter deturbaturum.

Ita animus varius, ac potentiæ avidus ambitioni suæ servire, modò Mazarino, modò Condæo sicut hæc monebat, favere, modò ut hunc in carcerem conjectum, modò ut emissum vellet, Gastonem impellere, interea tamen de Cardinalatu quid Mazarinus facere vellet, opperiri, nihil ipsi quamvis hunc adipiscatur, amicior, aut in eo labefactando, pellendove si qua facultas dabitur, segnior futurus. Quæ Gondii consilia, atque studia cum Mazarinus probè nossèt, nequaquam hunc sibi per Cardinalatum adæquari, aut societatis in re publicâ gerendâ homini ambitioso spem injici volebat: eo per Reginam dabat operam, uti Gasto hunc, atque Belfortium ab se amitteret, homines factiosos, qui neque ipsi quiescere, neque alios sinere possent, sed id Mazarino frustra fuit. Uti tamen omnem Gondio virorum Principum custodiâ eximendorum spem præcideret, eos ad Gratiæ-portum deducendos constituerat: sed quoniam id Gastonis voluntate fieri necesse erat, hunc apud Fontembellaqueum per Gondii, & Belfortii absentiam aggreditur.

Res in Regis Consilio agitur, Regina Gastoni permittit, uti viros Principes in aliquâ cui aut ipse, aut sui præsent, arce asservari velit, quando tantoperè ea res ad hunc attineat, & apud Marcussium hos haud satis esse in tuto meritò arbitretur: sed is se negat hujus rei invidiam subire velle: dein alia de industriâ loca nominantur, quæ parùm idonea erant: postremò de Gratiæ-portu mentio facta. Ibi verò Gasto memor quanto studio Gondius, atque Belfortius ei rei antehac obstitissent, huic & sese acriter ob stare debere est arbitratus. Id planè faciebat, ni Regina urgeret, aut ut ipse custodiam eorum sibi sumeret, aut hos quò in tuto esse Rex existimaret, deduci pateretur: locum, non custodiam mutari, Barem qui huic præsit fidem dedisse, sese Principes viros nisi Reginæ simul, & Gastonis jussu usquam dimissurum, eo ipsi abundè cautum videri.

Inter hæc Mazarini ore excidisse ferunt, Reginam rectè quidem Gastonis ad id locorum talis viri de re tantâ, & quæ tantoperè ad rem publicam pertineat, sententiam exquirere, cæterum huic stare nihil ipsi necesse esse: quæ verba tametsi vera erant, Gastonis tamen animum exacerbavere, quo per Reginam lenito, postremò hujus & ra-

tionibus, & precibus victus huic de Gratia-portu assentitur. Sed ingenium varium, & qui postremus ipsi loquebatur, ad ejus voluntatem mobile, brevi sententiam mutavit, scilicet persuasus denuò ab quodam qui Gondio consiliorum particeps, & conscius erat, suà multum interesse, ut ne viri Principes ad Gratia-portum deducerentur : pudebat tamen levitatis, & inconstantia, si Regina quod semel consenserat, in eo se tum ab eâ dissentire in os diceret: tolerabilius visum Tellierum accersere, atque huic edicere, ut ne quid de abducendis viris Principibus cuiquam perscribere vellet, usque dum eâ de re rursùm in Regis Consilio ageretur : sed scriptis subito de hoc negotio litteris, & cui Regina jusserat traditis Tellierus foris abierat, scilicet veritus id ipsum quod tunc agebatur.

Ubi sub vesperam domum rediit, subito ad Gastonem adit, qui sicuti constituerat, hunc de Principibus viris Gratia-portum deducendis quidquam scribere vetat : Tellierus respondet tardius id Gastonem facere, factum enim esse quod prohibeat, viros Principes Marcussio profectos credere, & qui eos Gratia-portum deducant, eos tunc cum maxime maturare iter pergere. Ad hæc Gasto exandescere, Tellierum dimittere, accersere Castronovani Procancellarium, ac dicere, *Sese ludibrio habitum, de re multò ante decretâ, atque parata consilium, precibus, muliebri arte, & Regina verecundia victum magis non dissensisse, quam rationibus sicuti par erat, adductum de Gratia-portu consensisse: properatum in eo negotio de industria, ut ne esset spatium respiciendi, seu potius quod jamdiu antehac decretum, atque nihil minus uti dissentiret futurum fuerat, properantius quàm par erat factum fuisse.*

Interea viri Principes Gratia-Portum deducebantur, & quò id tutius fieret, ubi Normanniam attingere, præsto fuit ad fines Harcurius, cui hæc provincia Longavillæ abrogata permixta fuerat, Principesque viros ad Gratia-portum est prosecutus, quæ ejus opera quàm Regina, & Mazarino est obsecutus, plerisque tanto viro indigna visa, sed Harcurio intercedebant cum Condæo similitudines. Raro enim quisquam alium sibi virtute, aut parem, aut superiorem æquo animo tulit. Cæterum viri Principes ad Gratia-portum pervenere, atque in arcem coniecti sunt, sub eadem quâ antehac fuerant, Baris custodia.

Dum viri Principes apud Vincennarum arcem, dein apud Marcussium Castellum fuere haud procul ab Urbe, spesque nonnulla erat hos in Bastiliam ad Urbem ipsam adduci posse, Condæi clientes magis sponte suâ, judicioque, quàm Mommorantia, atque Brezæ voluntate de his custodia eximendis cum Belfortio, & Gondio, cæterisque factionis egerant : nam ambas pigebat hanc ipsis gratiam debere, atque idem sentire Condæum faciliè judicabant, ab naturâ Belfortio, & Gondio infensum. Eo & ipsæ, & Anna Gonzaga solertissima foemina Mazarini animum pertentandum existimavere, qui si flecti posset, nihil sibi premissis factionis opus esse, qui conditiones duras laturi videbantur, sed ubi Mazarinus dubia, atque incerta respondebat, dedere manus denique,

uti

uti cum factiosis ageretur. Isthuc profectò de Principibus viris custodiâ mittendis multos recipiebat casus, neque satis tutum Mazarino videbatur hominis quem & genus, & virtus audacissimum, injuria facta insensissimum reddiderant, fidei sese committere, quam ab ipso in carcere accipere necesse erat, & quâ ad eò se teneri mox negare facile poterat: præterea res ejusmodi erat, quæ semel facta corrigi non posset, & in quâ omnis ejus, ac fortassè rei publicæ salus agebatur.

Nam saltem per reliquum Regis pueritiæ tempus Condæus ab fide discedendo summam rerum invadere posse videbatur, quæ ad Reginam matrem pertinebat, cujus rei periculum si porrò in custodiâ foret, nullum erat: Reginam verò cogi posse, ut hunc emitteret, quis credidisset, aut adduci posse Gastonem, ut id vellet, qui tanto studio in Reginæ sententiam de eo in custodiam mittendo discessisset? sed eâ tempestate Gasto planè fuit in potestate Gondii, qui & Cardinalis esse, Mazarinum Aulâ pellere, & sibi rem omnem publicam permissam volebat: Diximus supra Aureliam virginem Annam - Mariam - Ludovicam in Aquitaniam unâ cum Reginâ venisse, atque illâ quàm æquissimâ usum esse Mazarinum: hæc, atque Salgeona virgo de quâ item memoravimus, dabant operam, ut & Gasto porrò illi æquus esset: Aureliæ enim spem de Regis nuptiis tametsi multò majuscula esset, Mazarinus fovebat, Salgeonæ verò amplum videbatur, operam suam uti Gasto cum Reginâ, & Mazarino concordaret, utilem esse, ex quo utrimque gratiam inibat. Sed Aurelia denique se deludi ab Mazarino suspicata ab hujus amicitia discessit: Salgeona, autem desuit pro eo niti, quia fama erat Mazarinum cum Gastone Rivieram in gratiam reducendum velle, in cuius illum, quàm in Gondii potestate esse inallet: neque enim Gastonem Salgeonæ consilio, judiciove in re publicâ usurum, atque ad eò necesse erat uti quæ ad hanc pertinerent, de iis Gondio haberet fidem, ita cessante Salgeonâ quæ omisâ omni Aulæ rerum curâ pietatem posthæc impensius coluit, facile Gastone Gondius ex voluntate usus est.

Dum hæc in Galliâ geruntur Gallis indignissima, qui per ambitionem, & vana ingenia rem publicam perditum ibant, Hispani suam restituere conabantur. Jamdiù Ognatus Comes Prorex apud Neapolini Classiem adornabat, conscribebat copias, atque alia quæ usui essent, parabat: Joannes Austrius in Sicilia, quam obtinebat, & ipse faciebat sedulò quæ opus erant omnia. Quæ quanquàm magna essent, tamen hæc augebat fama, uti crederes ei Classi patere maria, ac terras, atque ad hujus conspectum dedenda cuncta quæ ad Oceanum posita sunt oppida, tanta virtus in dictis Hispanorum est, ab quibus plerumque facta dissentiant. Neque tum tamen dictis planè abstuit fides, nam ubi Classis instructa, navesque copiarum conscendere, Austrius, atque Ognatus ad Longonis-portum, Conversanus ad Plumbinum tenuere cursum, quorum alterum in Ilvâ Insulâ, alterum in Etrusco littore positum est, exiguo freto dirempta oppida sicuti jam aliò diximus. Conversanus excensione factâ Plumbinum oppugnat, pauci fuere defensores, no-

1650.

que plures oppido infirmo committere visum, qui tamen opinione omnium diutius hostem attinuere, eruptiones fecere, in quarum unâ Præfectus, filiusque ejus oppido ab hostibus interclusi, captique sunt: dein hostes quâ stratus ruinis erat murus, in oppidum irrupere, nostri in arcem concessere, & ipsam haud satis firmam: tanta strages hostium in propugnando facta est, uti Conversanus sibi ab Ognato mitti auxilia posceret, ut ne omitteret inceptum, quibus acceptus postremo & arce potitus est.

Apud Longonis-Portum multa virtutis exempla utrimque edita, hostes trinis castris oppidum circumfederant, quæ Hispanorum, Germanorum, atque Italicorum fuere, naves ante portum constitutæ ab mari aditum prohibebant. Menses duos nostri oppidum defendere, multi ex hostibus cæsi, plures vulnerati, quos Neapolim navibus revehebant, atque adeo ab Mediolano, Sicilia, atque aliò sepius ut auxilia venirent, opus fuit, imminutis per quotidiana quæ fiebant certamina Austrii, atque Ognati quæ primùm venerant copiis. Ubi quæ pro oppidi muro, portusque fuere munitiones, iis hostes potiti sunt, paucique erant, qui porro propugnarent, ac moenia defenderent, a Neuiliacus Præfectus deditionem fecit, quam honestissimis conditionibus, ac Taurocentum cum cætero præsidio devectus est.

a De Neuil-
lac.

Instructa fuerat ad auxilium nostrorum æctuaria navis, conduplicato remigum numero, uti per mediam hostium Classicam ad Longonem evaderet: prohibuit adversa tempestas, quæ hanc in Corsicam deiecit. In eo negotio Hispani enixè adjuti sunt ab Nicolao Ludovisio, atque ab ipso Pontifice Innocentio, cui ille affinis est, vir Romæ Princeps, quoniam Gregorius ex Ludovisiorum familiâ Pontifex hujus nominis XV. fuit, Nicolaus Pamphili qui Innocentii frater fuit, atque Olympiæ filiam uxorem duxerat. Longonis oppidum, Plumbinum, atque omnis circum regio Ludovisii fuerat, antequàm ab nostris caperetur, ex quibus annuatim magnos percipiebat fructus, cæterum hæc oppida pridem ab Hispanis occupata fuerant, quæ præsidio tenerent ab Hispaniâ Neapolim navigantibus opportuna. Ubi ab nostris recepta fuerant eisdem fructus percipiendi Ludovisio ab Rege potestas facta fuerat, quam ipse abnuvit, tantum homini pro Hispani studium fuit, quo incitatus iis & milites in supplementum, & pecuniam in sumptum, & annonam in com meatum Longonem, & Plumbinum oppugnantibus præbuit. Plures hoc anno qui apud Catholicos sanctus propter Jubilæum vocabatur, Romam profecti fuerant: qui ubi eò advenere, pars ab Ludovisio, alii ab Hispaniâ Regis Legato comprehensi, atque ad castra Hispanorum circum Longonem qui Philippo inviti militarent, navibus deducti sunt, quæ res Pontificis erga nos animus ut esset, vel maxime indicabat, scilicet ab eâ æquitate, quæ Patrem in omnes filios decuit, alienissimus.

In Subalpinorum, Montisferrati, atque Mediolanensis agri finibus nihil magnopere factum hoc anno, quoniam bellum aliò gerebatur, cui

& Caracena qui Mediolanensem obtinebat agrum intentus fuit, eò crebra mittendo sicuti opus fuit, auxilia. Igitur cùm aperta vi nihil agere posset, ad dolum adiecit animum. Quosdam qui in Casalii castello fuere, illexerat ad prodicionem, atque omnia parata intus erant ad accipiendos hostes, cùm a Aquæbonno Præfecto nuntiatum hos haud procul abesse. Is simul milites arma capere, in statione quemque suâ esse, & ab plerisque tormentis quâ hostes adventabant, pilas emitti jubet, quorum strepitu terri, suspicatique palàm factam esse prodicionem, continuo abiceßere: aufugere & idem suspicati qui hanc in castello instituerant, neque aliud indicium fuit hos in noxâ esse.

a Le Marquis d'Aiguebonne.

Post paulò similis proditio patefacta pariter est ab eo qui hostium literas ad proditores duos perferebat: b Santangelus Propæfectus apud Casalium per Aquæbonni Præfecti absentiam tunc curabat, proditorum alter oppidanus, alter in præsidio vexillarius fuit: ille ædes haud procul muro, qui ad Padum est, habebat, ab quibus cuniculum ducere ad infimum decreverat murum, quo locus erat ab aggere vacuus, septus parietibus, ac fornice vinctus, cum cavo quantum ad os tormenti necesse erat patente, quo extrinsecus pars muri, defenderetur, id cavum augere, atque eâ hostem introducere, deducere in ædes suas, ac deinde in oppidum se posse sperabat, quæ res prodicione patefacta comprehensisque proditoribus frustra fuit.

b De Saint Ange.

Hoc anno c Uxellus Marchio Legatus Thomæ Sabaudico fuit in Italiâ, exercitumque ipse duxit, per absentiam Imperatoris, quoniam exiguis in eo copiarum numerus fuit, neque satis dignus cui vir Princeps præfesset: Gabriel Sabaudicus Caroli Emanuelis Sabaudicæ Ducis copias ductabat, quæ & ipsæ haud amplè fuere: singillatim equitatui d Verrûa Comes præerat, cui Legatus fuit Villa Marchio. Jam multum æstivorum abierat, cum nostri movere, quo tardius perventum ad hostes est, qui & ipsi mittendis Longonem versùs auxilii intenti suis se hybernis etiamtùm continebant: prætercâ in belli sumptum pecunia decrat, quam ex Pontremolii venditione uti corrogarent, operam dabant. Id oppidum ante quadriennium Genuensibus venumderant, nequedùm tamen ab his planè perfolutum erat pretium, quantum convenerat, cùm inter has moras majus aliud est Hispanis ultrò datum præfenti pecuniâ ab Ferdinando Etruriæ Duce, quo factum est ut huic mutatâ cum Genuensibus fide Pontremolium traderetur. Id ipsis utique grave, sed ab potentiori toleranda, ac mussitanda injuria fuit.

c Le Marquis d'Uxelles.

d Le Comte de Verrue.

Ubi curata ab Etruriæ Duce Hispanis pecunia fuit, tum demùm movere ex hybernis: nostri jam in Alexandrinum venerant agrum, dein Padum traductis apud Casalium copiis ad Sessitem amnem habuere castra: ex adverso Hispani in agro Laumellino confederant. At e Galeassius Trotus qui hostium præerat equitatui, Pado transmissò, diversissimâ parte maturat per agrum Alexandrinum ad Aftam ducere: hæc urbs vasta est, atque disjecta ad Tanarum amnem cum castello, & arce,

e Galeazzo Trotti.

1650. ac præterea suburbio, ad cujus aditum porta est cum castellis exiguis duobus: pauci erant qui hæc omnia defensarent, eo in hujus Urbis improvise capiendæ spem Galeassus Trotus adductus est, ad quam properavit accedere. Huic Præfectus fuit Hieronymus a Comes Moretta, qui per speculatores certior factus hostem ad se venturum venire, continuo Augustam Taurinorum, & ad castra mittit, qui propter auxilia accerferent, nuntiantque ni maturè advenirent, summo in periculo rem apud Astam fore.

a Le Comte
de Morette.

Interea è viciniâ nobilitatem, atque agrestes armatos evocat, undequaque stationes, ac maximè quâ hostium adventus erat, disponit, equites qui de his cognoscerent in eam partem dimittit. At hostes captis undecim ex iis qui speculandi causâ processerant equitibus, ad semilunam quæ pro suburbii portâ erat, perveniunt, percunctantem equi essent? vigilem obtruncant, cæteros pellunt, atque semilunâ potiuntur: dein applicato ad suburbii portam tormento, hæc facillè perfringitur: hostes eâ irrupere, neque in eâ quæ ad portam erat statione quidquam auxilii fuit, diffugere cuncti, atque item qui in altero ex castellis duobus fuere, quæ ex aggere modò constructa haud quaquam satis firma erant. Moretta ad hostium irrumpentium, suorumque diffugientium clamorem accurrit, atque in medio suburbio illorum impetum inhibet, ac ne longius procederent, subitariam objicit munitionem.

Interea & ab Augustâ Taurinorum, & ab castris veniebant auxilia: Villa cum quadringentis equitibus eò contendit, subsequi jussus est cum cætero equitatu Verruâ, atque ipse denique Uxellus eodem movit: nam Caracenam ad Astam omnes copias ducere fama erat, præmissum modò Trotum, qui si de improvise urbem capere nequiret, hanc cum omni exercitu Caracena oppugnaret: neque ea res temerè instituta, inceptaque, sed adventu Villæ frustrâ fuit, pulsique Hispani suburbio, dein qui in altero ex castellis duobus relictî fuerant, in deditionem fecere. Interea Caracena cum omnibus copiis, atque omni oppugnantium urbium apparatu haud procul Astâ castra posuerat, qui accensus irâ, nec cui ex re cujus gratiâ venerat, corrupta succenseret, fatis certus itineris duces duos necari jubet, sicuti longiori circuitu consulto duxissent Troti agmen: præterea qui alteri ex duobus castellis præfectus fuerat, de eo more militari supplicium sumit, sicuti properantiùs deditionem fecisset, ita Imperatoris ira ignobilium capitum supplicio sedata, cæterum ad insectæ rei dedecus flagitium additum. Reliquum æstivorum Caracena id modò operam dedit, uti quàm diutissime in hostico agitare, primùm in Canavese, deinde in Bieleni agro, atque in ipso Biellâ oppido, unde postremò pabulo, atque com meatu deficientibus magis, quàm ullâ nostrorum operâ decedere, & copias in fines suos reducere coactus est: quibus in hyberna dimissis, idem est ab nostris multâ jam hyeme factum.

Cataloniam provinciam Mercurio decretam suprâ diximus, quam justitiâ potius, & æquitate adversum Hispanorum arma, dolosque,

quàm copiis tutatus est, nam hæ exiguæ hoc anno fuere. Cùm bellum civile in Galliâ gereretur, Hispanis magna copia erat, & vi, & dolo in Catalonia grassari, popularium ab Rege animos avertere, allicere ad prodicionem, dempto ab Gallis metu, eodemque injecto ab se, qui ex propinquo imminerent. His quantum consilio provideri poterat Mercurius occurrebat, ingenio in omnes benigno, & comi esse, urbanos apud Barcinonem Magilstratus in consilium de re publicâ adhibere, iis magnam habere fidem, quæ res incredibile memoratu est quàm grata ipsis, jucundaque fuerit, & quàm multos in officio continuerit. Nonnulli tamen commutationem fortunæ factam rati, atque hanc penes Hispanos porro futuram, ab nostris ad eorum partes descivere, de quâ re inita consilia, conjurationesque quotidie fiebant, quæ anxium, sollicitumque habebant Mercurium, cùm suapte naturâ mitem, atque clementem, tum metuentem ut ne si de his sumeret supplicium, id universæ provinciæ defectionem maturaret: nihilò seciùs tamen volentibus omnibus bonis de Arnaldo Moyo supplicium sumptum more majorum, abductique in carcerem Perpinianum sunt qui huic fuere conscii, atque conjurationis participes, præterea quæstiores instituti, qui eâ de re cognoscerent.

Principio anni ubique in Hispaniâ conscribebantur copię, conquirebantur, atque apparabantur naves, quo magis Mercurius intentus erat, sicuti bellum in provinciâ terrâ, marique esset habiturus. Sed ubi Classis ommissis Cataloniae portubus, in Italiam tenuit cursum, eò majores Hispanorum conatus spectare palam fuit. Restabat Mercurio, uti Balaguieræ ultrâ Sisorim, Dertosæ ad Iberum, Miravessî, atque Flixio ultrâ eundem annem caveret, nam ab Barcinone procul, ac prope in hostico hæc oppida, præter Dertosam, quæ ci. Iberum est, posita sunt. Apud Balaguieram validum erat præsidium, spatiumque subveniendi futurum videbatur, si hanc hostes oppugnare aggredierentur: major de Dertosâ, Miravessæ, & Flixio erat Mercurio sollicitudo, quoniam eò commeatus ab Barcinone subvehere difficile futurum videbatur, si hostes qui intercedebant saltus, eos occuparent.

Ilerdam ad Sisorim, Tarraconem ad Oceanum penes Hispanos ex omni Catalonia esse supra diximus: Ilerdam versùs Urgellarum planities, versùs Tarraconem campi Tarraconenses sunt: intercedunt loca saltuosa, quibus nostri freti satis tutò commeatus Dertosam, dein Miravessæ, & Flixium deducebant, nam per loca plana hostibus opportuni fuissent. In hoc rerum statu primum hostes de oppugnandâ Balaguierâ consilium inierant, atque paratas huic incœpto habebant copias, quod exorta apud Valentianos rebellio disturbavit, nam eò has ducere pacandæ provinciæ necesse fuit. Eâ re brevî ex sententiâ confectâ, Hispani de Dertosâ, Flixio, atque Miravessæ recipiendis cogitare: quod fieri posse videbatur, si qui saltum Tarraconenses campos inter, & Urgellarum planitiem medium incolunt, eos ad suas partes adducere possent, quorum operâ auxilia, & commeatus, qui ab nostris Dertosam deducerentur, facîle prohiberent.

1650.

Ex his quidam promissis onerati, tùm etiam præmiis illecti Hispani favebant, perditas res nostras apud populares prædicando. *Gallus in militum stipendium nihil esse pecuniæ, eo constituisse Catalanorum fortunas diripere, uti bellum in eâ regione alere possint; qui si hoc integras, & se salvos velint, maturè sibi consulant, & cum Philippo redeant in gratiam: si tergiversentur ipsis unâ cum Gallis pereundum, quos adeò properè deserere præstet, atque se Hispaniæ adungere.* His sermonibus continuò fatigati qui salutum incolunt, in eorum qui Hispanis favebant, fuere potestate.

Ultrâ Iberum amnem Cataloniae regionem esse diximus, quam Ampustæ Castellaniam appellant, hæc ipso Ibero, Algâ, atque Ceniâ amnibus, præterea Oceano continetur: quæ ad Algam, & Ceniâ loca sunt Aragoniæ, & Valentia finitima, ea dubiæ adversum nos fidei fuere: quæ autem ad Iberum ea cum cæterâ Cataloniâ sentiebant, parebantque Ludovico, neque aliter facere per Flixii, Miravesis, ac Dertose præsidia licuisset, sed eò sicuti aliò Hispani non popularium modò, sed & Gallorum fidem tentavere.

a Du Laurier.

Laurierus erat Miravesi Præfectus, cui decem nummum millia, præterea cum stipendio perpetuo turmam equitum polliciti sunt, quâ Lusitaniæ fines versum Philippo mereret, ne qua religio adversum cives hostilia faciendi hominem teneret: eâ mercede Miravensem sibi ab ipso tradi postulabant. Is conditionem neque accipere, neque abnuere, sed rem omnem ad b Sancolumbum Marinum Flixio Præfectum, hic ad Mercurium deferret.

b De sainte Colombe-Marin.

Mercurius Laurierum hostium spem de Miravesi alere jubet, eo rem arte tractare, atque interea consilia eorum quàm maxime mansura habere, ut ubi tempus foret, capiundo Miravesi venientibus insidias tenderet, atque sud ipsos caperet fraude, id vel maximo in posterum usui futurum, ut ne bis quidem quis verè proditiorem facere posthac velint, hostes fidem habere audeant, ita Laurieri operam non in præsens modò, sed & in futurum Regi, ac rei publicæ processuram. Omnes ejus regionis homines Hispani perpulerant, uti secum sentirent, neque quidquam porrò sibi in Gallis præsidii futurum crederent, atque adeò nihil aliud nudandis quæ inierant consiliis, quàm opportunitatem expectabant. Ab Cæsaraugustâ, quæ caput Aragoniæ est, Franciscus Tuttavilla, arma, atque alia quibus adversum nos hostilia facere possent, affatim miserat, pollicitusque erat intempore affuturos qui unâ cum his agendæ rei operam darent.

Quibus hostium consiliis Mercurius uti maturè præverteret, Balthazarem Castrorum Præfectum, cum equitum alis quinque in Ampustæ Castellaniâ dimittit, qui transmissio Ibero, (nam ultrâ hunc amnem posita est) apud Moram, & Banizanetum, Flixio, ac Miravesi haud procul confedit. Sed Sancolumbus Marinus apud Flixium, Balthazar apud Moram, Laurierus apud Miravensem inopiâ stipendii popularium sumptibus copias alere coacti sunt, atque hos adeò ad collationes Sancolumbus, & Laurierus adegere, Balthazar Moram diripuit, atque alii aliò idem fecere: quod quidem Hispanorum dictis de omnibus Catalanorum fortunis ab Gallis diripiendis fidem faciebat, cujus rei metus ho-

mines benè, atque liberaliter usquè ab Ludovico, & Galliis habitos transverfos agebat: nam pecunia ingens in belli apud Cataloniam sumptus antehàc curabatur, ita ut popularibus magis quæstui, quàm oneri usquè fuisset, quod tum desinere Catalanis iuprà quàm dici potest ægrè erat: neque animum inducebant, ex quibus tanta ad se commoda publicè, privatimque pervenerant, ex iis vicissim quidpiam incommodi tolerandum esse, intereà dùm res publica in Gallià commodiorem in statum restitueretur: hanc enim fermè unusquisque sicuti familiari convenit, gestam vult, quod ubi non fit, continuo ægrè est.

Balthazar Roias Pantojas Ilerdæ Præfectus erat, maximus omnium quæ in Catalonià movebantur artifex: is ubi Balthazarem nostrum ultra Iberum progressum acceperat, ibi spem rei benè gerendæ nactus ad Burum Marchionem, qui hostium equitatum in finibus Aragoniæ præerat, scribit, ut equites mille, peditum duo millia, atque quingentos præsidii deducat, *Tantum sufficere ad pellendos qui ultra Iberum progressi sint Gallos: hos cis amicum si regredi cogat, quod facile factu videatur, se cætera uti res postulat, instructurum.* Simul ad factionis principes, in omnibus apud saltum, quem medium inter Urgellarum planitiem, & Tarracoenenses campos esse diximus, oppidis, vicisque litteras dat, uti populares arma caperent, montes omnes, saltusque obsiderent, *Eo pacto facile fore Balthazaris equitatum, ubi sit ingressus saltum, omnem delere: cominus agere nihil opus futurum, glandibus ab edioribus locis per inferiora tendentes equites, impeditos viarum angustius, atque asperitate, nullo negotio casum iri.* Si is casus fuerit equitatus, mille quingentos modò in omni provinciâ reliquos Gallos fore, qui & Hispanorum copias, & omni popularium multitudinis longe impares futuri sint: si hæc fecerint magnam ipsi Philippum gratiam debiturum, atque adeò posthàc in pace Regi suo gratissimos, atque acceptissimos, & hos, & cæteros Catalanos, quo nihil ipsis optabilius esse debeat, ætatem æturos. Mortaram ab Mantua Carpetanorum brevè cum magna venturum manu, qui si populares æquos habebit, nullum Gallis in Catalonia consistendi locum sit relicturus. Non esse tantam opportunitatem dimittendam, cum ea Gens suæ juxta, ac alienæ paci adversa, domi, sicuti foris bellum agitet, imparibus ad utrumque simul opibus, quas potissimum ad civile bellum conferas.

Hæc, atque alia factiosi multitudini sæpè dicendo, hanc ad arma capiunda, atque editiora. ac saltuosa loca occupanda permovent denique, quam adeò locorum asperitate inunitam adoriri, ac vi ad æquiora cogere arduum videbatur: placuit adeò hujus mollire animos, & factiosorum dicta vana, falsaque, contrariâ oratione refellere. Ei rei Josephus Margaritus Aquilaris Marchio, de quo antehàc memoravimus, homo & Galliæ, & patriæ juxta studiosus maximè idoneus visus, cui videlicet apud populares summa fides, summa autoritas est. Quamobrem Mercurius hunc Pradem, Falsctum, quæ loca in saltu posita sunt, atque aliò, quò maximè opus esse cognosceret, prætereà ultra Iberum ire jubet. Is negotium suscipit lubens, tametsi haud satis rectè multitudini sese commissurum satis intelligeret, scilicet cui dudum Hispani insidia-

bantur, sed in eo homine patriæ caritas omnia superabat. Hanc eandem simulabat vehementer quidam Vimbodi Magistratus, Bailum appellat, qui se Margarito comitem adhibet Pobletum usquè, quâ ad montes aditur.

Eò ubique multitudinem in armis esse Margaritus certior fit, ab quâ ne quid ipsi gravius accideret Vimbodi Bailus anteiturum se, & quinquaginta armatos adducturum ait, qui huic præsidio sint. Sed priusquam Bailus rediret, Margaritus ingreditur saltum, atque adeo quam ille parabat prodicionem, eam celeritate vitavit. Nam huic homini consilium fuerat Margaritum ubi introiret saltum, idoneo ad insidias loco comprehendere, atque hostibus tradere, aut si id parum procederet, necare. Sed is Pradem incolumis advenit, oppidanos edocet, Nihil ab Gallis de eorum fortunis diripiendus initium consilii, quas contra, & integras, & si qua fieri possit auctas velint: quamdiu ad patriam defendendam opus erit ut apud eos agitent, his neque oneri, neque sumptui futuros, sed sicut antebac suis sumptibus victuros: si quid apud Flixium Moram, Miravensem, aut aliud factum contra sit, id magis pro libertate tantisper tolerandum videri ab Gallis qui hujus vindices sint, quàm pristinam ab Hispanis servitutem: illud non sponte, sed necessitate adductos fecisse, quæ brevi desitura sit, hanc ab Hispaniis, si portantur, æternam fore. Cataloniæ Legatos nuper ab Aula redisse, qui retulerint provincie res Regi, atque Regiæ matri curæ esse, neque commissuros uti negligentia sua pessum eant. Hispanos quod Catalani ab se defecerint, perpetuo infensos fore, neque ipsi tametsi hujus rei impunitatem, atque alia polliceantur, fidei quidquam habendum, sicuti Neapolitanorum exempla satis ostendant.

His, atque hujuscemodi aliis adducti Pradenfes, & quicquid conveniant è proximis vicis complures ab armis discedunt, idem apud Falsatum fit, postquam eò Margaritus advenerat, tametsi factioniosi semel, atque iterum ad hunc pellendum multitudinem incitaverint, quæ res hominis prudentiâ discussa. Ab Falsato Moram ultrâ Iberum, dein Flixium petiit, & cum Balthazare, ac Sancolumbo, quod ad hanc regionem pacandam attineret, collocutus præsentia suâ, atque autoritate effecit, uti quæ populares adversum nos ceperant arma, ea cuncti deponerent. Burus Marchio sicuti Roias Ilerdæ Præfectus autor fuerat, ad Bateam venerat, in Ampustæ Castellaniæ finibus oppidum haud procul Morâ, quò Balthazar cum equitatus quem eò adduxerat parte agitabat. Sed is ubi hostem in propinquo esse sentit, continuo ad Bateam ducit, atque acie instructâ stetit in conspectu oppidi, si fortè hostes moenibus egredi, & prælium facere vellent. Burus pro oppidi moenibus suos instruit, nec longius procedendo pugnandi copiam facit. At postquam Margaritus in eam venerat regionem, & hujus hortatu populares ab armis discesserant, præterea Laurierus Miravensi Præfectus defectionis spem omnem hostibus præciderat, Burus in Aragoniæ fines copias reduxit, item Margaritus, & Balthazar pacatâ omni ultrâ Iberum regione, equitatum cis amnem & ipsi reducere.

Dum hæc ad Iberum ex sententiâ gerebantur, Mercurius ad Sicorium

rim versùs Aletium Baronem cum suâ equitum alâ dimiserat. Is in Urgellarum planitie agitabat, cujus & incolæ ab Roîâ Ilerdæ Præfecto corruptos, atque ab nostris partibus alienatos aiebant: præterea in rem publicam erat prohibere, ut ab Ilerdâ ad saltum de quo suprà memoravimus, atque inde Tarraconem hostes commearent. Aletius equites trans Sicorim excurrere, in hostico prædas agere, captivos abducere jusserat. Sed illi fortè cepere quemdam, qui litteras Roîæ Mantuum Carpetanorum ferebat: hæc ad Mercurium allatæ indicio fuere, nondum factionem in Catalonia extinctam, verum hostes ut hæc sibi quàm maximo usui esset tempus opperiri, & ne frustra erumperet ipsis cautionem esse, Granadellæ castello potiri velle, quâ nostri ad Flixium commeatu facile supportabant, præterea loco hostibus opportuno, si de Flixio (sicuti futurum videbatur) oppugnando consilium caperent: cui rei uti præverteret Mercurius, Granadellæ præsidium auget: quæ erant in Tarraconensibus campis copiæ, eas ad Cerveram duci jubet, iis quæ ad Sicorim sunt regionibus metuens, quoniam factiosi cum Roîâ Ilerdæ Præfecto potissimum homine impigro, atque multa simul movente congruebant: equitatum autem apud Montem-album collocat, haud ita procul ab Tarracone, si quid eâ parte Palavicinus huic oppido Præfectus cum factiosis haberet consilii, ut id conturbaret.

Interea Margaritus, & Balthazar ab Ampustæ regione redierant, neque minor illius fuit apud populares cis Iherum fides, atque autoritas, ita ut equitibus nostris quæ ad victum essent iter facientibus necessaria, ea lubentes præberent. Sed ubi ventum ad montes, saltusque, de quibus sæpius memoravimus, primum factiosi nihil movere, & nostris quieta res erat, donec ad viarum angusta pervenere. Primum agmen Balthazar, novissimum Margaritus ducebat, sed utrumque simul adorti rebelles ab editioribus quæ obsederant locis, glandes sclopetis in subiectos nostros misere: hi tametsi iniquo loco deprehensi, tamen veterani adversum agrestes, ac subitarios milites plus virtute valere: ducenti quinquaginta omnino erant, qui loco freti rem tantam ausi erant, qui ubi nostros ad sese venire vident, continuo locorum gnari capefunt fugam, cæsi pauci, captus modò unus qui Vimbodi Baillum iis caput esse, atque huic de necando, aut capiundo Margarito consilium fuisse sicuti suprà diximus, indicavit: quod ubi parùm adversum euntem in Ampustæ regionem processerat, redeunti has struxisse insidias, queis tantumdem profecerit: cæterum incredibilem hominis ad concitandos adversum Margaritum popularium animos fraudem esse, queis persuaserit hunc Ludovico autorem fuisse, ut ne quid pecuniæ ad belli sumptus in Catalonia mitteret, sese effecturum uti sumptum omnem populares sustineant, hos eâ re suprà quàm dici possit exacerbatos, atque Margarito infensos esse.

Mercurius inter hæc Columbæ-fanum venerat, de rebellium, atque unâ Roîæ, ac Palavicini consiliis sollicitus, incertusque quâ parte ma-

1650.

ximè iis effèt occurrèndum, nam id undequàque facere copiarum paucitas prohibebat: tamen quando Vimbodi Bailus propiùs Tarraconem erat, suspicatus eà parte rebelles, hostesque potiùs, quàm ab Ilerdà quidpiam molituros, in campos Tarraconenses Merin villam Castrorum Præfectum, cum iis quæ eò hyemaverant copiis ire jubet: opportunè id quidem, nam Palavicinus hanc regionem ab copiis nostris aliò dimissis vacuam rebellium præsidio tenere constituerat, atque eà gratià Vimbodi Bailum delectum habere totà regione, militesque septingentos conscribere, ac centuriare iusserat, atque ut id celerius tutiusque fieret, ad Reum oppidulum, altero ab Tarracone lapide, cum centum & viginti equitibus, peditibus centum processerat, quò & rebelles conveniant. Id ubi Merin villa rescivit, tametsi copiarum per horas viginti quatuor iter fecissent, neque intereà cepissent cibum, tamen ad Reum ducit, spem nactus & Palavicinum, & rebelles eò deprehendi posse, ac maximè Vimbodi Bailum.

Sed Palavicinus ubi per speculatores factus certior fuerat, adventare cum copiis Merin villam, de primà vigilià cum suis Tarraconem rediit, cujus exemplo plerique è rebellibus diffugere. At Vimbodi Bailus, nescio quo fato, cum aliquibus è grege suo eò restitit, qui oppressi Merin villæ adventu, & ob prodicionem supplicii metu percussis latebras quæsiere, ab quibus extracti, & ad supplicium reservati sunt: capti, abductique è Tarraconensi præsidio quinque, quibus pretio sui redimendi, quoniam iusti hostes erant, copia facta. Merin villa dum hæc in oppido gerebantur, foris circumquaque custodias equitum disposuerat, ne quis dilabi posset, studebatque maximè, uti Vimbodi Bailus vivus in manus veniret, cum interim ipse invenitur in Cœnobio quodam oppidi, unde veste indutus clericali evadere properabat: sed ab milite Gallo agnitus, ac propè comprehensus haud quaquam sibi defuit, nam impigrè stricto gladio militem obruncat, maturabatque ab eà cæde fugam facere, ni assècuti alii fuissent, qui egregiè descendentem sese confodere denique tali vitæ exitu indignissimum proditorum. Ubi mortuo milites spolia more suo detrahunt, invenere & Palavicini de habendo delectu, & Hispanicæ Aulæ de capiundo, aut necando Margarito, & præterea de commovendâ in Cataloniâ plebe mandata.

Qui tamen ex eadem erant factione, ii porro dedere operam, uti populares rebellarent, apud Falsétum maximè, quod oppidum est ad exitum montium, saltusque Iberum versùs, muro, atque castello satis firmum, quod si hostes tenerent, commeatus nostros ad Dertosam, Miravescem, ac Flixium faciliè prohibitori videbantur. Eo plerique oppidanorum ab factionis corrupti cum de rebus nostris fama tum adversa esset, faciliè adducti sunt, uti nobiscum mutarent fidem. Simulandi tamen gratià misere ad Merin villam, qui hanc integram porro fore dicerent: at ex aliâ parte misere ad Palavicinum Tarraconi Præfectum, oratum uti præsidium, Præfectumque ad se, quamprimum venire iuberet. Is quoniam Tarraconenses campi intercedebant, in quibus Me-

rinvilla cum copiis agitabat, suos navibus circumduci, & quò propius ad Falsetum iter esset appulsos, eò properè duci imperat: trecenti, atque triginta fuère, quæ præerat Gabriel Sespedes. Is ubi appropinquavit oppido ingressurum se cum præsidio negavit, ni oppidani consilio habito hunc recipiendum mœnibus, & se, suæque ipsi rectè credituros censerent, quod ut apud eos majorem iniret gratiam, & in posterum consulens, ut ne invitis præsidium, Præfectumque obtrusum dicerent, faciebat.

Consilium extemplò habetur, atque omnibus propè suffragiis Sespedes cum præsidio acceptus est, pauci fidei, & libertatis memores haud ab Gallis deficiendum dixère, sed multo plures ad Hispanos traxère rem, quæ multò ante ab rebellibus constituta fuerat. Interea Mercurius ad Montem-album venerat, commeatusque qui Dertosam, & Flixium veherentur apparabat. Sed ubi Falsetum in potestate hostium esse nuntiatum, haud sibi cunctandum arbitratus est, quin prius quàm ad propugnandum omnia necessària comparassent, ipsè oppidum oppugnatum ire properaret. Igitur Merinvillam, qui in campis Tarracoen-sibus erat, Dertosam cum quingentis equitibus properè commea-tum ducere jubet, atque redeuntem ad Falsetum venire, circum oppidum collocare stationes, & custodias, ut ne quid introduci posset, interea dum ipse cum cæteris copiis eòdem adveniret. Merinvilla ce-le-riter mandata efficit, ac fortè incidit in hostium agmen, quod multis quindecim præsidio erat: hi omnibus quæ Falsetanis ad propugnandum deerant onusti ad eos deducebantur, quæ ab nostris fuso præsidio capta ipsis postea usui fuère, nam eorum inopia Falsetanos ad deditionem compulsi, qui quinto denique die, postquam Mercurius circum oppidum posuerat castra, ac fossas tribus locis, atque alia opera ad murum promoverat, latas ab eo conditiones acceperè: diruta oppidi, atque castelli mœnia sunt, ut ne esset Falsetanis, quo ad rebellionem proni sese satis munitos posthàc fore crederent.

Dum hæc Mercurius gerebat, Mortara in Aragoniâ Hispanorum coge-bat exercitum, quem Falsetum hunc ducturum aiebant, oppida-nis subsidio, quo ipsis æquiores conditiones Mercurius tulerat, uti deditionem maturarent facere. Sed Mortara postquàm Falsetum deditum accepit, continuò Flixium duxit. Oppidum est, sicuti suprà diximus; ultra Iberum amnem, nequaquàm satis firmum, atque adeò haud diffi-culter ab Hispanis receptum, postquàm nostri in oppido, ac postremo in castello egregiè propugnaverant, sed hæc eorum virtus cessante ob copiarum paucitatem Mercurio, frustrà fuit denique, ac deditio ab Sancolumbo Præfecto facta est: deditum præterea est Mortaræ Miravez oppidum, cæso prius qui Præfectus erat Lauriero, viro forti, dum acriter propugnat, ac postremo Dertosa post duorum propè mensium obsidionem, quæ nostri fatigati, atque ad rerum omnium inopiam redacti sunt. Hæc æstivorum sine gesta, quibus exactis, Mercurius Sammegrino Proprietore in Cataloniâ relicto, qui præesset hybernis,

in Aulam Regis voluntate rediit, re publicâ propter omnium sine quibus sustentari nequibat, inopiam in Cataloniâ haud satis ex sententiâ gestâ.

At in Campaniâ postquàm Leopoldus diù ad Fimas, & Bazochium stativa habuerat, neque ipsi satis procedebat quidquam, cùm oppida circumquâque firmissimis præsiidiis tenerentur, nec faciles procul ab finibus suis in hostico agitati commeatus essent, ad Axonam amnem versus movit castra, atque ad Vandium Rhetclio haud procul alia stativa habuit: ab his stativis Molingenem cum equitibus mille, totidemque pedibus Musonium versus dimisit, qui oppidum circumfedere inciperet. At Pralino-plessius movit & ipse ab Rhemis, atque apud Faver-gæ-pontem, qui locus ad Suipam amnem est, habuit castra, metuentisque omnibus ad Mosam oppidis Villequierum, qui apud Laodunum Clavatum erat, Duncherium venire jubet, ut his oppidis præsidio esset. Is Cohortes tres, item equitum alas quinque habebat secum, quinque alias Pralino-plessius quo validior foret, ab Rhemis mittebat, sed hæc nondùm advenerant, cùm Villequierus ab Laoduno profectus est: nam ut hostium consilia, & conatus anteveniret, maturato opus erat.

Ab Aubentone tria millia passuum aberat, cùm equitatum ad se versus tendere conspicatur: duæ erant hostium alæ, altera Ariæ Gonfalis Hispani, altera Estreîni Baronis Belgæ, præterea turmæ aliæ, cui omni equitatu Gonfales præerat. Hic in Belgium ab Leopoldo missus ibat, ut equitatum omnem è Landrecii, Quesnoii, Montium, Aven-narum, Cameraci, atque Duaci præsiidiis, præterea qui apud Legiam amnem erat equitatum cogeret, atque eo fretus circum Avennas, & Capellam in Thieracensi agro haberet castra, prohiberetque ut ne eâ parte subsidia, aut commeatus ad Mosæ oppida venirent. At hic Gonfales non ex Hispanorum ingenio, qui tuta omnia, quàm gloriosa malunt, ubi nostrorum agmen procedere, & ad Mosam tendere videt, cui rei prohibendæ mittebatur, nihil sibi cunctandum est arbitratus, fortunam præclari facinoris casum dare, neque tantam pugnandi opportunitatem dimittendam: si nostri ad Mosam tum pervenirent, frustra tantum equitatum ab se posthac coactum iri, conandum igitur, tentandamque prælii fortunam: simul calones, atque impedimenta post agmen collocat, dein cum quatuor equitum alis procedit.

Villequierus hæc agitantem hostem ex editiore loco conspiciebat, dein subito cum totidem equitum alis huic vadit obviam, unam in subsidio esse, atque pedites accersi jubet: concurrunt utrimque, & prælium fit quàm pro numero pugnantium acris: ex hostibus cæduntur complures, alii fauciantur, inter quos Gonfales ipse, qui ab nostris circumventus, cùm omnes, quæis dederet se, indignos deputat, Villequeierum appellat, cui se modò deditum voluit: is captivum accipit in fidem, atque consolatur, impositumque rhedæ sedulo curari jubet, sed ab vulneribus, quæ in prælio gravia acceperat duobus, post paulò interiit. Huic genus in Hispaniâ clarum, virtus quantum ex eo prælio existi-

mare licet, haud indigna genere fuit. Estreinus Baro Tribunus, Pro-
tribuni duo, Major unus, turmarum Duces Hispani sex, Vicarii Du-
cum novem, totidem Vexillarii, Quæstor, ducenti præterea ex vulgo
equitum capti, uno modò vexillo nostri potiti, cætera in castris Leo-
poldi relicta: ex nostris ^a Montecclarus è Melitenſi militiâ, Durlano ad
Autiam amnem in Picardiâ Præfectus graviter eſt vulneratus, dum ad-
verſum hoſtes acrius rem gerit, atque ex vulnere poſt paulò interiit: is
Caſtrorum Præfectus erat, ad hunc militiæ gradum per virtutem ge-
nere ſuo dignam, atque res ab pueritiâ terrâ, marique præclare geſtas
pervenerat: Villequierus fuſis, fugatiſque hoſtibus, tametſi diei veſper
erat, adhuc millia paſſuum ſex proceſſit, dein ſecundis caſtris Dunche-
rium pervénit.

^a Le Cheva-
lier de Mon-
teclair.

Hoc oppido ut ne potirentur hoſtes magnoperè cavendum videba-
tur, nam haud multò infrà Sedanum ad Moſam poſitum eſt. Muſo-
nium ſuprà ſitum jam ab his oppugnabatur, quorum in poteſtate ſi
utrumque oppidum foret, ea res ad Sedanum, quod in medio eſt, oppu-
gnandum facultatem datura erat. Sedanum ſicuti memoravimus ante-
hàc Buillonii Turri fuit, cujus frater Turena in Hiſpanico exercitu
erat, certisq; cùm ſuis, tùm hoſtium copiis circùm Muſonium præce-
rat. Poſtquam Leopoldus cum omni Hiſpanorum exercitu eò conſe-
derat, Pralinopleſius ad Neovillæ-pontem, qui locus ad Axonam haud
procul Meneculphi-fano eſt, movit, atque eò ſtativa habuit. Inde Vi-
rodunum cum equitatu contendit, ſi fortè Muſoniensibus ſubveniendi
eâ parte copia foret. Virodunum ſuprà Muſonium ad Moſam eſt, ſed
intercedit Satenaium, quod erat in hoſtium poteſtate, atque adeò vix
quidquam eâ Muſoniensibus auxilii ſubmitti poterat.

Ab Duncherio quod infrà eſt, Villequierus milites quadringentos
eò introducere tentavit: his præfuit ^b Rupifortius Bonna in Salxii co-
horte Vice-Tribunus, qui apud Sedanum conſcendit cum eâ manu na-
vicularum, nam earum modò leviffimarum ſuprà Mczieram amnis pa-
tiens eſt: dux itineris, inceptique autor fuit Boda quidam, qui equi-
tum antehàc duxerat turmam. Is nocte profectus quoniam Moſa
creverat, omiſſo alveo amnis, quo adverſo navigare difficilior erat, per
reſtagnantes extrâ ſolitam ripam aquas naves Muſonium uſquè ſeſe ante
lucem ducturum confidebat: neque multùm ab oppido aberat, cum
dies exorta adventum hoſtibus prodidit: hi tormentis arcere noſtros
aggreſſi Rupifortium, ac milites aliquot cecidere, cæteri ſecundo flu-
mini permittunt naves, ac Sedanum regrediuntur.

^b Rochefort
de Bonne.

Vigefimum ſecundum diem Muſoniensès obſidebantur, poſt dies
tredecim oppugnari cæpti, nam tantum temporis hoſtes conſtituendis
eis, tranſque amnem caſtris, conſumpſerant: novem reliquis diebus op-
pidum tam acriter oppugnatum, deſenſumque, uti multi utrimque
interierint. Sed iſthæc jactura major erat in eorum qui oppidum de-
ſenſabant paucitate, quâ adductus Moncius turmæ unius equitum dux,
unâ cum Vaſcone quodam, (Baſcos appellant, quod gentis in Hiſpa-

1650.

nizæ finibus nomen est, miræ ad iter pedibus faciendum velocitatis) consensâ naviculâ oppido exiit, exscenditque paulò infrâ hostium castra, & omisâ naviculâ equum quem advexerat conscendit, properavitque Duncherium, quò brevius terrâ, quàm amne iter est, propter hujus circuitum. Vascò secundo amne Sedanum naviculâ delatus, quo loco apud Musonium res esset, nuntiavit, quod fuerat ab eo factum multoties, neque usquàm aut amne, aut terrâ offenderat.

Villequierus ab Moncio, admonitus Musonienfès subsidio magnopere indigere, postriedie Duncherio proficiscitur, cum eo equitum, peditumque numero, qui satis esse visus est: partem eorum haud procul Sedano in statione collocat, quò receptus re factâ, insectâve suis foret: ab ipso Sedano trans amnem idoneam manum ad Dousum, quod ad Chierum amnem est, paulò suprà ambos confluentes amnes, procedere jubet, atque simulare cò sese pontem, quem hostes interrupperant, reficere velle, factoque per noctem grandi strepitu, eò copias eorum avertere, quò cis amnem subsidia Musonium introducere copia foret. Cuncta hæc facta ex sententiâ, trecentique milites oppidum introîre, accepti naviculis, quas Masonius Præfectus significatione ab Villequiero de adventu suo factâ paraverat, neque prius hostes sensere, scilicet in diversissimam partem intenti, quàm Villequierus consecrâ re aliquantùm itineris antecceperat: conati sunt tamen immisso equitatu abscedentem labefactare, sed ab speculatoribus edocti pedites, equitesque Sedanum versùs in statione esse, qui Villequiero si opus foret subsidio essent, hunc longiùs persequi desiere.

Apud Musonium oppidani haud segniores Regi, ac rei publicæ, quàm præfidiarii dabant operam, neque labori ipsæ parcebant mulieres, aggerem portantes humeris, atque alia quæ usui ad propugnandum essent facientes, donec disjectis ad Burgundiæ portam circumque eam omnibus, quibus defensores tegebantur, cuniculisque sub ipsum murum actis, ut amplior ruina fieret, quæ jam satis superque magna erat, Masonius Præfectus de Rege, atque de re publicâ benè meritis cùm militibus, tùm oppidanis consulendum est arbitratus: quod deditione factum est, cujus condiciones honestissimæ latæ ab hostibus sunt. Ex his tria peditum millia, tantumdem equitum in eâ obsidione, atque oppugnatione, aut ab ferro, aut ab morbis interiêre, Autumni gravitate affectis hominum corporibus, qui loco paludoso, atque insalubri, quoniam Mosâ plurimùm creverat, castra diutiùs habuerant: nam post quadragesimum modò, quàm obsideri cæperant diem, Musonienfès deditionem fecere, quod spatium ad firmissima oppida capunda satis supràque est: Musonium verò ex omnibus quæ in finibus nostris sunt, infirmissimum semper habitum, neque uspiàm verius id esse constitit, quod vulgò dicitur, hominum virtute magis quàm mœnium firmitudine oppida defendi. Trina castra circum oppidum hostes habuere, quorum una Gallorum rebellium fuere, in quibus Turenus curabat: a Jousius Magniprææus ex rebellium erat grege, Musonio

a De Joyeuse, Comte de Grandpré.

Præfectus antehac, cui & tùm ab Hispanis præfectus est: sed huic datus Propæfectus Reinclingius, quoniam rectius Magnipratæum foris, atque in exercitu futurum censebant, Stephanus Gamarra omnem circum Musonium in Campaniâ regionem cum imperio obtinere iussus.

In hostium castris fuere & Lotharingi Faugio Duce, quorum operam Carolus quondam Lotharingæ Dux Hispanis quotannis aliquâ locabat mercede, præterea hunc prædarum cum ducibus, militibusque participem esse aiunt: cæteras copias quæ præest Lignevilla, Carolus sibi ipsi militare per hæc æstiva voluit, atque has in Lotharingiam dimiserat. Fertæi Sanneftarii discessu vacua erat ab defensoribus provincia, abductis quibus hanc obtinebat copiis, quæ Pralinoplessii exercitum augerent, Campaniæ adversum Leopoldi conatus tuendæ. Barenfis ager Lotharingæ confinis est, quo & Carolus ab Rege Ludovico XIII. spoliatus fuerat. In eo Lignevilla Voldium, Lignumque oppida parum firma cepit, ac Barem caput regionis oppugnabat, cum Fertæus in provinciam rediit.

Is primum constitutus apud Nancium, ac Claromontium rebus, subvectoque in ea loca commeatu, ac missis undequaque militibus, ad augenda adversum hostem qui in finibus erat præsidia, ad Sommeillas habuit castra, quò nuntiatum est Perigalium Bari Præfectum deditio-nem fecisse. Reliquum erat uti Lignevillam cum copiis ab Bare discedentem, si qua fieri possêt, deprehenderet, quo consilio longiusculè castra habuit, uti major hostibus ab Bare discedendi, & quò vellent abeundi fiducia esset. Id planè fecere, quos Fertæus aliquanto circuitu consecutus, quoniam pontem quâ brevius iter futurum fuerat, interrupperant, noctu asscetus est. Tribus vicis haud longè inter se positos confederant: in quo Lignevilla posuerat castra, cum oppugnare Fertæus postridiè aggreditur. Trecenti Lotharingi in Templo erant, quod imminebat viæ: Lignevilla cum equitum alis quinque, peditum manibus tribus, & tormentis quatuor vico proximum insederat collem, nostrosque instructâ acie opperiebatur. Fertæus nihil moratus in vico pergit ad collem, & quanquam locus subeuntibus nostris iniquus fore videbatur, tamen virtuti nihil arduum ratus, hos adverso colle evadere jubet.

In primâ acie Galli equites fuere, quæ præfectus fuit *a* Maipafius: *a* De Maipon
in dextro cornu *b* Linvilla: in sinistro *c* Villarsius, ambo castrorum Præ-
b De Linvil-
fecti: Flekensteinus cum Germanis equitibus in subsidio fuit, pedites
le.
adversum Templum quod hostes in vico tenebant collocati: simul &
c De Villars
ad Templum, & ad collem pugnatum est, utrobique hostes fusi, fugati-
que: Equitum Tribuni tres, Protribunus unus, Procenturiones octo,
è vulgo equitum, peditumque quadringenti capti, cæsi sexcenti, tor-
mentis quæ supra diximus quatuor, vexillis duobus, atque omnibus
impedimentis nostri potiti: Lignevilla cum paucis equitibus Michaëlis-
sanum profugit, eodem ex fugâ trecenti equites, peditesque aliquot,

qui sylvarum noctisque præsidio tecti evaserant, advenère : postridiè longius abière, Tullum, dein Lingonas versùs, ubique ab vicinis præsidus, sicuti fermè victis accedere solet, malè habiti. Ab eà pugna Fertaus Lignum ducit, quod statim deditum est : arci tormenta admove- vere necesse fuit, cui rei ubi incautiùs operam dat, glande graviter est ictus, quo vulnere impeditus Linvillam, & Villarsium castrorum Præfectos alternis oppugnationi præesse iussit, quibus Lotharingi vitam modò pacti arcem dedidère. Qui apud Voidium fuère, ii se, suaque Flekensteino oppugnanti permittere coacti sunt, quoniam loco infirmo tormentorum verberationem opperti fuerant.

Regem, atque Reginam matrèm Fontembellaqueum advenisse suprà diximus : sed post paulò ad Urbem ière, quò summà civium, ut ferè fit, lætitià accepti sunt. Mazarinum ut ne Aula ad Urbem rediret, sensisse ferunt, providentem illam fore in factioforum potestate, quos pri- dem ut id fieret, omni ope niti diximus, Gasto ipse horum hortatu Re- ginam de reditu fatigaverat, præterea Rohana Mombasona ex sententià Gondii : sed pristino more magis hyemandi ad Urbem, quàm aliis de causis Regina adducta est, ut eò rediret, parùm de factioforum consi- liis sollicita, quæ vana, & inania fore sperabat, quamdiù Condæus in custodià esset, quem apud Gratiaeportum ita credebatur esse in tuto, ut hinc injussu suo educi non posset. Ubi primùm Aula ad Urbem adve- nit, atque Rohanæ cum Mazarino colloquendi copia fuit, hunc quid sibi de Gondio pollicitus esset, id ut effectum redderet, seriò admonuit : sed is primùm necere moras, didicisse in re tantà spatium opus esse, ni- hil eadem de re urgenti Lecæ ex sententià respondere, objicere multa, conditiones quæ accipi nequirent ferre, atque inter hæc quid sibi sen- tentiæ esset satis ostendere.

Post paulò Rohana, & Leca usquè adeò hominem de Gondio fati- gaverè, uti nudare consilia sua coactus fuerit, cujus tanta in se, atque in rem publicam malè facta essent, cum se nequaquam Cardinalem creari velle. Id ubi Gondio est nuntiatum, neque quidquam ampliùs erat, quod animum jamdiù Mazarino infensum ab pristino odio exer- cendo retineret, ibi verò quæ de Condæo antehàc decreverat, ad ea patranda sibi & apud Gastonem, & apud Senatum dandam omnem ope- ram constituit. Sed cum ipse, atque Rohana Mombasona Gastoni au- tores fuissent, uti de Condæo in carcerem conjiciendo Reginæ, atque Mazarino assentiretur, pudebat nunc contrà suadere, ut hunc custo- dià emissum vellet, quamobrem non per se primùm, sed per alium hu- jus rei mentionem Gastoni injiciendam existimavère.

Interea amicos, & clientes Condæi quid sibi eà de sententià esset, certiores facit : nam Arnaldus Corbevillam noctu ad eum ventitabat, & quid actum cum eo esset, mox ad Violam referebat. Is ex Senatu Con- dæi clientium tùm princeps fuit, in unà sicuti antehàc diximus Inquisi- tionum Classe Præfes : priùsquàm tamen eam rem omninò Gondius aggrederetur, sibi ab Condæo non modò de oblivione injuriæ, quam

huic

huic ut in carcerem conjiceretur, suæ tùm, ac Mazarini lubidini serviundo, fecerat, sed & de ornamentis suis, cautum voluit. Quod ubi ex sententiâ factum, Rohanam Mombalonam, ab Mazarini amicitia per Lecam abducere conatus est, id primùm difficile fuit, quoniam omnia de Condæo satis incerta videbantur, & cum Aulâ stare Rohanæ haud sine quæstu erat, non ita pridem ingenti summâ donatæ, eo pudorem, religionemque simulabat, si cum Mazarini fidem sine causâ mutaret, quam tamen uti quæreret, hunc se de Gondii Cardinalatu fatigaturam denuò pollicebatur, ac si denegare pertenderet, non injustam hanc ab amicitia discedendi causam fore.

Inter hæc Gondius ab Condæi clientibus exemplum accipit Tabularum fœderis, quas ab Mazarino huic datas aiebant, menses duos antequàm in carcerem conjiceretur, quâ tempestate lites inter ambos erant maximæ, quibus componendis id fœdus factum fuisset, cujus hæ conditiones fuere. Mazarinum fidem Condæo dare, nihil sibi, aut fororis filio Mancino, quem in magnæ fortunæ spem apud Aulam educabat, Condæi injussu expetiturum. Sororum filias tres, quæ & in Aulâ erant, quibus modò Condæo placeret, nuptum daturum. Uti Sacerdotia, potestates, & imperia quibus ipse vellet ab Rege darentur effecturum. Nihil omnino se nisi Condæi voluntate facturum, aut moliturum. Hujus Fœderis Tabulas postquàm Condæus in carcerem conjectus fuerat, Genevam missas, ut intereà in tuto essent, Condæi amici dicebant: quarum exemplo fretus Gondius Lecam qui id Gastoni ostenderet allegat. Fortè is ubi primùm Lecam vidit, huic in aurem dixit factionem virorum Principum in Senatu augeri, cavendumque magnoperè, ut ne quid novarum rerum molitur: Leca nihil se quod de eo negotio palàm respondeat, habere ait, verùm peropus esse, uti cum eo secretò colloquatur.

Cum Gastone erat Belfortius, quo dimisso seducit Lecam in proximam porticum: eò cum venissent Leca Gastonem rogat, ut hujus voluntate sibi quædam ab eo sciscitari liceat: factâ potestate quærît, numnam sæpius in Aulâ ipsi minitentur Condæum sese custodiâ emissuros? verumne sit Mazarinum in plerisque quibus obstat negotiis ipsi dixisse Condæum in his Reginæ morem gesturum fuisse, quem denique liberare cogeretur? Annuente Gastone profequitur, *Hancine Mazarini insolentium æquo animo ferre tibi consilium est? me certè Principibus viris studere nemo omnium ducere ausit: sed pessima omnis in re publicâ gerendâ Mazarini ratio, atque singulatim ea quâ in te tali dignitate virum utitur impudentia, omnes bonos commovet, atque commonet, ut hanc non esse diutius tolerandam tibi dicendum putent: dein Fœderis Mazarinum inter, & Condæum icti exemplum Gastoni porrigit, quo perlecto hic obstupuit. Magna tamen vis boni, quæ in Gastone est, hunc ab perdundo Mazarino retinebat, quod id sine rei publicæ periculo fieri non posse arbitrabatur: postremò urgenti ut id faceret Lecæ respondet, nihil se in tanto negotio nisi ex amicorum sententiâ facturum, qui si id sibi autores fuerint, tum fore uti rem aggrediatur.*

1650.

Ab hoc colloquio Leca ad Gondium redit, legationem renuntiat cuius successu hic latissimus unà cum Leca ad Rohanam Mombasonom properat, rem huic enarrat ordine, urgentque ambo, uti denique ab Mazarini amicitia planè discedat, Condæi negotium apud Gastonem suscipiat, in utriusque ubi conjuncti fuerint, benevolentia maiorem, ac certiore ipsi, quàm in Mazarini amicitia spem fore. Rohana primùm hære, neque quid sibi faciundum esset satis expedire, nam incerta pro certis captare haud satis placebat, lubido pro Gondio, quæstus pro Mazarino suadebat: postremo animus suapte naturâ inquires, ac varia movere solitus facilè quò Gondius volebat adductus: unicuique quid provinciae foret, constituunt: Rohana Mombasona Gastonem, & Castellanum Procancellarium uti Principes viros emissos custodia velint, se effecturam recipit: Gondius cum horum clientibus ageret, & quid in unius cuiusque rem foret, de eo ab his, atque ab ipsis viris Principibus fidem accipret: horum, atque suos in Senatu amicos confirmaret, ipse, atque Rohana frequentes apud Gastonem essent, huic quod res monebat ambo sedulò, ac continuò dicerent, qui eadem dictarent, quàm plurimos allegarent: hæc celarent Belfortium, itidem ut ipse quæ cum Principibus viris egerat, ea ipsos celatos voluisset: nam ab

La Duchesse de Mombasom.

Interea multi apud Gastonem de Mazarino multa secus dicere, injicere suspicionem huic consilium esse Principes viros emittere custodia, aut ipsi in jussu, aut ita ut sibi uni tanti beneficii gratiam debeant, atque his fretus Gastonis potentiam imminuat. Eo Gratia-portum abductas, usque dum hujus rei patranda tempus opportunum sit: antequam hominis consiliis, atque huic conturbandas rationes, qui simulantes Gastonem inter, & Condæum alendo, & suis ipsos viribus atterendo, utroque potior usque fuerit. Id ad id in promptu esse, si Gastonis opera carcere Condæus emittatur, qui tanto illius beneficio devinctus omnia Gastoni possideat sit obsecuturus: esse utrique liberos, per quorum connubia perpetuam inter se amicitiam, & gratiam confirmet: ea causa Gastonem cum Senatu congruere opus esse, quo fretum facile Principes viros custodia educiturum.

Hæc, atque hujuscemodi alia Gasto sæpius audiendo victus est, jamque angebant hominem quadam ab Mazarino temerè dicta, factaque: scilicet quod cum Buillonio, ac Rupifocaldo unà cum Brezæa Condæi uxore Burdigalâ abeuntibus esset collocutus, id de Principibus viris emittendis custodia factum haud falsò existimans: præterea quod b Vardio Dubeco, qui Gastoni cliens erat, petenti uti Præfectus Durano in Monteclari nuper demortui locum esset, responderat, non aliâ causâ Condæum, & Longavillam in carcerem conjectos, quàm quod arces, atque oppida munita quibus Præfecti forent, affectaverant, quæ res Gastoni magis ad se, quàm ad Vardium pertinere visa.

Le Duc de Vardis.

La Princesse Palatine.

Postea loci apud Annam Gonzagam & Palatini viri Principis uxorem Condæi clientes, & apud Avaucuriam Gondius, & Belfortius, cum

aliis qui Principes viros custodiâ emissos volebant, sæpius convenère, nam Condæi clientes faciliè pervicerant, ut ambo de ejus rebus in commune consultarent, tametsi Belfortius occupaverat cum eo fœdus facere. Inter omnes hæc inita ratio est, uti rem in Senatu inciperent, atque eò ubi opus foret, Gasto veniret. Sed in Senatu res erat agenda de disciplinâ hujus Ordinis, quod est ab Brezæâ Condæi uxore, & ab Annâ Mariâ Longavillâ virgine Longavillæ filiâ factum: nam singulæ libello ab Senatu postulavère, illa ut in virum, hæc ut in patrem jure ageretur, ex formulâ quam Rex anno CIO. IO. C. XLVIII. edixerat, eo ad Urbem deducerentur, custodirenturque ab his quibus Senatui videretur, seu in arce Luparæ, seu aliò. Longavilla virgo præterea postulabat uti sibi ad Urbem tutò commorari liceret, interea dùm Senatus de Patris causâ cognosceret, ut huic tali suo tempore debitam ab filiâ pietatem præstaret. Libellus Condææ traditus Petro a Pagano Deslandio est, de quo ad Senatum referret, quod cùm Paganus facere vellet, Molæxus primarius Præfès satis gnarus agrè Aulæ futurum, si Senatus rem tantam Regis, aut Annæ Reginæ matris injussu aggrediretur, hanc disturbare nitebatur, atque efficere, ut ne libellus recitaretur: at Juvenes ex Inquisitionum Clasis strepere suo more, tumultuari, usquè adeò donec perpulère uti libellum cum Cognitore regio communicatum Molæus vellet, de quo proximâ Mercurii die ad Senatum referretur.

a Desl. an.
des-Payen.

Mazarinus ab Urbe aberat, in Campaniam profectus, uti Rhetelium reciperet: nam si eò hyemarent hostes, magnum provinciæ damnum allaturi videbantur, in quâ excursiones facere, & prædas pro lubricine agere, quin & haud procul Urbe quandòque vagari copia foret, eo de hac bene mereri hostem abigendo studebat, quod & sibi gloriæ, & adversum inimicos munimento fore sperabat. Igitur hujus spei plenus maturabat iter pergere, atque ubi Catalaunum advenit, eodè copias quæ per hæc æstiva in Campaniâ fuerant, & quæ ab Aquitaniâ redierant, cogit, cæteraque oppugnando Rethelio idonea parat, quod mox ab Pralino-pleffio E. T. acriter est oppugnatum.

Nihil interea cessatum in Senatu, nam quæ dicta dies erat, eâ die frequens convénit, aderant ex composito Belfortius, Gondius, atque alii ex factione. Ibi Talonus alter ex Aëtoribus regiis pro Cognitore regio verba faciens, *Negat tempus quod finitum lege sit, de interrogandis iis qui in carcerem conjecti sint, & quod ea de re ante biennium Rex eduxerit, quidquam ad Principes viros attinere, quos de consiliis adversum rem publicam initis comprehensos, atque in custodia missos ad Senatum scripserit. Cætera maleficia tùm modo persequare, ubi facta sunt: quæ verò perdunda rei publicæ quis molietur, ea ut ne fiant providendum, quod vix rectius fieri possit, quàm horum auctores in custodia habendo, qua ubi educi re publica salva viri Principes possint, unius Reginae judicium esse, neque id præter hanc quemquam judicare posse. Quamobrem Brezææ libellum ad Reginam mittendum videri, atque huic supplicandum, uti quidquid è republica, & ex fide sua, quo*

1650.

virī Principes custodiā emittantur, fieri posse judicaverit, id pro clementia sua, atque benignitate factum velit. Postremo si Brezæ causa ex juris formula agenda sit, omnino libellum ejus rejiciendum, sicuti videlicet absque viri cujus in manu sit, auctoritate factum, aut hujusce rei huic, quoniam vir non possit, ab Senatu potestatem faciendam: dein Hieronymus Crispinus de libello Longavillæ virginis ad Senatum refert.

• La Roche.

Opportunè tùm ad Curia fores advénit a Rupæus Dux Condæi custodum corporis, adserens ab eo, Contio, & Longavillâ litteras Condæi ipsius manu scriptas, quas uti Senatui redderet, introduci postulabat. De eo rogatus sententiam Paganus Deslandius introducendum censuit: at Memmius Præses redegit ad memoriam Patribus, cuidam haud ita pridem ab Rege ipso cum litteris missio idem negatum, Molæus adulterinas fortè esse has litteras ait, quas Cognitori, atque Actoribus regis prius reddi opus sit, de quibus Senatum faciant certiores, complures litteras per novissimum tumultum, quæ aut Leopoldi, aut Curia Burdigalensis esse dicerentur, confictas in Urbe fuisse, atque Senatum ludibrio habitum.

Ibi Juniores ex Inquisitionum Classibus exclamare introducendum Rupæum, ac recitandas extemplò litteras: complures dictitare Cognitori, atque Actoribus regis per novissimum tumultum redditas fuisse litteras, quas Patres celaverint: pervicit tamen Molæus uti tradendas Cognitori, atque Actoribus regis decerneretur: sed ubi accipiendis adfuere, ibi verò Rupæus se negavit has cuiquam, nisi ipsi Senatui redditurum, edoctus scilicet ab factionis, quibus res Condæi curæ erant: postremo de virorum Principum litteris visum, ut has Rupæus uni ex Accensis qui ad fores Curia esse solent, traderet Patribus reddendas. Hæ continuò in Senatu recitata: sed de his, & de Longavillæ virginis libello cùm advenisset hora, quâ Senatus dimitti consuevit, non est eâ die deliberatum. Cùm verò post biduum id facere Patres pararent, Regis litteris inhibiti sunt, quibus in Regiam accersiebantur, non universi, sed pauci ex Classibus, quoniam Regina morbo implicita, vel levis stropitùs vix patiens esset.

Eò cùm venissent, atque Regina pauca modò cùm more regio, tùm ob morbum esset præfata, Castronovanus Procancellarius Regis, & Reginae verbis, *Placere utrique ait, uti Senatus frequens habere desineret, atque de virorum Principum negotio agere, de quo sibi consultis iis quos in consilium adhibere soleant, ac maxime Gastone opus esse: id per morbum quo Regina laborat tùm non licere, sed brevè ubi meliuscule habuerit, factum iri.*

Postridiè quàm ad Reginam itum est, ubi hujus mandata Patres cognovère, Juniores ex Inquisitionum Classibus clamitare, *De industria Senatûs deliberationibus adferri moram, ad eam de qua agatur rem Regine morbum nihil attinere, cujus sicuti par sit salutem Senatui curæ esse: secundum hanc verò nihil virorum Principum, qui è regio sanguine sint, salute Patribus carius esse debere: hanc caelo gravi, atque insalubritate loci quo abducti sint, in dubio esse: eo mature opus consulto, ut iis subveniatur: pervicere tamen majores*

nati, uti post diem quintum modò de eo negotio ageretur. Ubi ea dies advēnit, redditæ sunt Senatui ab Rege litteræ, quibus de virorum Principum negotio hunc frequentem haberi denuò vetabat, dicebatque se brevī huic operam daturum: sed his posthabitis postquàm Cognitor, atque Actores regii de Brezæ, & Longavillæ virginis libellis, simul & de virorum Principum litteris eadem quæ suprà censuerant, sententiæ rogari cœptæ, quam princeps dixit Paganus, quia de Brezæ libello ad Senatum retulerat, atque ab eo initium hujus in Senatu agendæ rei factum fuerat.

Is de præsentī rei publicæ statu Reginam censuit edocendam: intercè Condæus, Contius, & Longavilla in Luparæ deducerentur arcem, ac cæteræ Curia rogarentur ab Senatu, ut huic se rei publicæ causâ conjunctas vellent, in hanc sententiam tres alii discesse. Joannes ^a Nainus rem magnam dixit agi, atque ad eò dignam, quæ coram Gastone consultetur, eò hunc rogandum censere, ut in Senatum venire velit: datum continuò negotium ^b Doujato, ac Menardello ut ad Gastonem eà de re adirent, quæ ad eò dilata est in crastinum. At Regina ubi id nuntiatum est, succensere Patribus, horum audaciam apud Gastonem accusare gravius, dein ad lacrymas, & preces delapsa obsecrare, atque obtestari, uti se negaret in Senatum iturum, quod quidem tùm impetravit.

Dùm hæc ad Urbem agebantur, intercè loci apud Vitrium in Partensi agro Pralino-plessius coegerat copias, Villequierum, & Hoquincurium eodém accessiverat, qui certis ipsi copiis per hæc æstiva præfuerant: præterea ab Lotharingâ missæ aliæ Desiderii-fanum venerant, Villequierus, Hoquincurius, & Manicampus Legati Pralino-plessio in eo exercitu fuere: Valon, ^c Bugius, Linvilla, & Aluimarius Castorum Præfecti. Pralino-plessius inceptum suum hostibus occultare studebat, atque ad eò propius Barem, quàm Rethelium, quod utrumque oppidum in eorum erat potestate, exercitum cogebat, commeatum, atque alia quæ usui forent parabat. Fine æstivorum Leopoldus Fuenfaldano, dein hic post paulò Turenæ exercitum permiserat, quem in finibus nostris hujus operâ hyematurum confidebant: nam id se facturum receperat Rethelio, Portiani-Castello, atque aliis Mosam inter, & Veslam amnis locis fretus, quibus eà tempestate pellere hostem operæpretium nostris erat.

Id uti prohiberet Turenæ, nec absque certamine factum iri Pralino-plessio ostentaret, ab Lucemburgensi qui ultrà Mosam est agro, ad Falconis qui cis amnem est montem movit, apud Dunum pontibus factis duobus. Id eà gratiâ faciebat, uti Pralino-plessium eò advocaret, dein ubi appropinquasset, reducto ultrà Mosam exercitu ludificaretur, atque ad eò hic quod reliquum erat idoneæ ad inceptum tempestatis præteriret. At Pralino-plessius hujus Turenæ consilii satis gnarus, & quas tùm habebat copias earum paucitatem aspernatus eo sibi prope-rantiùs agendum statuit, dùm hæc ad suppetias Rethelio ferendas vix satis pares videbantur. Igitur eò Villequierum, atque Hoquincurium

^a Le Nain.^b Doujat.
Menardellum.^c De Mani-
camp.
^d Le Marquis
de Bougy.

1650.

Legatos præmittit, hunc ut improvisè ad Tugnii pontem qui ad Axonam suprà Rhetelium est, adveniat, sedulo monet, rem in celeritate positam, ut ne hunc prius hostes rescindant, quod quidem magnam ad rescindendum adferret moram.

At is pontem interrumpere conantibus intervenit, quibus celeriter pulsus, eà nocte ultrà amnem haud procul oppido habuit castra. Vilequiers postridiè Hocquincurium secutus, unà cum eo ultrà Axonam oppidum circumfedit. Pralino-plessius, atque unà Manicampus Legatus, cum cæteris copiis ad sinistram habuère iter, & rectà ad Rhetelium ière. Cis Axonam suburbium est, in quo hostes paulum nostros morati postremò in oppidum concessère, tantaque in his insequendis celeritas est ab nostris adhibita, uti qui pons intercedit, eum rescindere copia non fuerit. In eo conservando omnis rei patranda ratio consistere videbatur: nam si interruptus foret, quo pacto resciri posset, prohibente ex alterà ripà hoste, nemo satis capiebat: cæterum amne superato portam, ac mœnia quæ ex adverso sita erant, infirma esse Manicampus assererat, oppidi eà parte oppugnandi Pralino-plessio autor.

Ille igitur ad caput pontis transversam instituit munitionem, quâ tecum milites glandibus ut ne pontem rescinderet, prohiberent hostem: tormentum præterea adduci jubet, quo & pontem tutaretur, portamque, ac turrim in quâ posita erat quateret: illa propere effracta, ruinaque eà die in turri edita est: quæ subsecuta est nox, eà rescipiundo ponti consumpta, qui etsi non interruptus, tamen haud mediocriter ab hostibus labefactatus fuerat. Postridiè *a* Guadianus qui ad munitionem cum Legione quam maris appellant in statione erat, per pontem ad portam irrumpit, quâ potitus aliquandiù est, sed coactus denique ab omni hostium præsidio inde discedere. Hæc tamen tanta nostrorum audacia usquè adeò perterrefecit hostem, uti *b* Lipontius oppido Præfectus diffidens sese eorum impetum sustinere iterum posse, deditiois conditiones confessim tulcrit, quibus hæc post aliquot fieret dies, si interea ab Turenâ quem de oppidi statu certiores faceret, nihil auxilii adveniret. Quod cum esset ab Pralino-plessio negatum, convenit denique, uti postridiè cum præsidio abscederet, cæteræ conditiones Lipontio honestæ fuere, neque in eo tergiversandum Pralino-plessio visum, quia de Turenæ adventu audiebatur.

Sed is ubi deditum ab Lipontio Rhetelium accepit, retrò convertit agmen, dabatque operam, ut ne prælium facere cogeretur. Editis eà gratiâ, munitisque naturâ locis & ducebat agmen, & habebat castra. At Pralino-plessius recepto Rhetelio æquioribus locis hostem sequebatur, monitus ab Mazarino cum illo esse pugnandum, qui aliter hybernis in Galliâ habendis prohiberi non posset. Ita quamvis unius propè diei intervallo hostes abessent, ubi Pralino-plessius Rhetelio moverat, hos tamen post biduum est assecutus, cum aliquantum noctis itineri faciundo consumpsisset. Dein propè æquo gradu Turenâ per colles, Pralino-plessius per subjectos campos progressus: sed hic uti viâ faciliore, ita

a Le Marquis
de Gadagne.

b Li Pont.

celerius aliquanto pergebat iter facere, paratus, intentusque adoriri hostem, ubi in planitiem descenderet.

Eo consilio agmen itineri, & prælio jam ante instructum paulisper constituit. In dextro cornu equitum alæ quindecim fuere, certus de more intervallis constitutæ, eò Villequierus, ac Manicampus Legati, præterea Pralino-plessii filius Castrorum Præfectus curabant. In subsidiis fuere Germani equites, quos Flekensteinus Castrorum Præfectus præerat in octo alas distributi. In sinistro cornu equitum alæ decem, eò Hocquincurius, & Rosa Germanus Legati, *a* Navaillius, ac *b* Sangene-
a Le Comte de Navaillie.
b Le Marquis de S. Geniez.
c Le Vicomte de Courval.
d Le Comte de Collé.
 Vallon.
e De Pradel-
 le.
f De Linville.
 De Montac-
 tère.

sius frater, & *c* Corvalius Castrorum Præfecti curabant. In subsidiis equitum alæ novem, quibus *d* Collæus Castrorum Præfectus præfuit. *e* In mediâ acie pedites fuere, sex in fronte cohortes quibus Valon, & Pradella Castrorum Præfecti præesse jussi, dein aliquo intervallo quinque collocatæ in subsidiis, præterea equitum turmæ quatuor, quarum una gravioris armaturæ fuit. In utroque cornu quoniam hostes equitum numero præstabant, sclopetarii equitibus admixti quingenti: Pralino-plessius inter cornu dextrum, & mediam aciem sibi delegit locum, utrique sicuti res moneret consulturus. Ponè mediam aciem *f* Linvilla fuit Castrorum Præfectus, cum duabus Montaterii, & Corvallii cohortibus, Nigromonasterii, & Fertæi, ac Maipasii equitum alis, ultimum laborantibus, si ita fors ferret, nostris subsidium.

Ita instructâ acie, Pralino-plessius ipse cum equitibus aliquot, an valis quæ inter utramque jacebat aciem, satis prælio faciundo commoda esset, exploratum iit, cui Turena colle descendens, quâ de causâ incertum, quoniam is ipsi locus firmissimus erat, obviam venit: processere & nostri Imperatoris jussu: simul ab sinistro cornu Hocquincurius homo impiger adonitur hostem acriter, pellitque equites Hispanos, qui seu metu, seu de industriâ loco cessere: continuò monitus est Hocquincurius ab Guayo aciem instruere solito, quem in editiorem quemdam locum ab lævâ miserat, quinque equitum alas in valle proximâ, haud procul ab eâ viâ, quâ equites Hispani fugam intenderant, in insidiis latere. Eò continuo ipse cum duabus equitum alis properat: hostes ne primum quidem hominis impetum sustinere, sed primo congressu fusi, fugatique: dein ad dextram rediit, quò Hispani equites è primâ sese colligebant fugâ colle freti, atque ordines restituere conabantur, eos Hocquincurius vix dùm, instructos oppressit. Sed alii Germanis equitibus nostris, quibus præerat Rosa, hostes imminebant, majori numero, quam ut ab illis sustineri possent, ni subsidio venisset Collæus, cum duabus equitum alis, quæ una cum Germanis hostes fudere, atque fugare, ita ut nulli eâ parte reliqui essent.

In cornu dextro longè diversâ nostrorum fortuna erat, quoniam Turena cum hostium cornu sinistro, in quo rebelles Galli fuere, nostros urgebat: virtus utrisque par, fortuna nostris primùm iniquior fuit. Igitur propiores facti inter se, ut equorum capitibus arictarent, tamen brevioribus sclopetis glandes emittere superfedeabant, nam rati qui poste-

1650.

Auguste de
Choiseuil,
Comte du
Plessis - Pras-
lin.

rius id facerent, id ipsis magno usui futurum : quamobrem minantes invicem id ut hostis prior faceret hunc adducere conabantur : factum denique prius est ab hostibus, ex quo Augustus Choiseulius Pralino-plessius Comes qui inter primos ordines veritabatur, glande ictus occubuit : quæ res tametsi in Castrorum Præfecto, atque Imperatoris filio periculum cæteris, metumque ostentabat, nihilo tamen est segnius ab omnibus dimicatum. Sed quò Pralino-plessius pater in acie delegerat locum, eò major impetus, conatusque hostium fuit, atque adeò nostri postquam diù, multumque pugnaverant, loco cessere, victi numero, quoniam qui ex hostibus in subsidiis fuerant, ii ubi æquo Marte suos cum nostris decertare vident, ac metuunt ut ne pellantur, ipsis auxilio venerant : nostris autem non eadem auxiliù copia fuit, cessante, incertum quâ de causâ, Flekensteino, ac Germanis equitibus, quos in dextro cornu subsidiarios esse diximus.

Sed in eo tam aspero negotio Pralino-plessius haud quaquàm territus, nam in hoc homine mira est animi tranquillitas, firmitudoque, gravioris armaturæ turmam, tresque alias levioris armaturæ, quæ ponè mediam peditum aciem erant, turmas accersi jubet, atque hanc hostibus recentem, firmamque opponit manum. Lusingius qui gravioris equitum turmæ præerat (hæc Thomæ Sabaudici viri Principis fuit) uno, & altero confosso equo tamen egregiè porrò dimicans hostium impetum sustinuit, cum intercà Pralino-plessius equitum qui loco cesserant, restituit ordines, in eo Manicampi Legati, & Romaneti Castrorum adjutoris usus operâ : postremò Flekensteinus cum equitibus Germanis movit se, acie jam absque ejus ope restitutâ.

Hostes & ipsi perturbatis tametsi rem benè eâ parte usque gesserant, ordinibus, iis restituendis operam dederant, dùm idem ab Pralino-plessio fiebat. Sed ubi Flekensteinus cum recenti Germanorum equitatu in eos jam ex primo certamine fatigatos procurrat, hujus impetu coacti & ipsi vicissim loco cessere, donec equitum alæ duæ venere subsidio. Ibi nostris iterum perturbatis equitibus, pulsisque, hostes in peditum manus, quibus media constabat acies, incidere : sed his planè equitum præsidio dextrâ, lævâque nudatis, quos diversim secundæ, atque adversæ res longius amoverant, audacia pro muro fuit : nam quacumque hostes aderant, conversâ fronte, atque prælongis objectis hastis, sclopetariisque qui ab lateribus de more hastatis fuere, glandes non nisi ex propinquo in hostes mittentibus, tantum iis sui metum fecere, ut intercà ponè pedites iterum Pralino-plessius, ac Manicampus Legatus, tametsi jamdiu saucius equitum ordines restituerint. Tum opportunè advénit Villequierus, cum his qui in ultimo cornu dextro fuerant equitibus, quibus fretus adversum pepulerat hostem, ipsumque Turenæ longiusculè profecutus fuerat, donec Imperatorem, mediamque aciem pulsis equitibus nostris, qui propiores eam fuerant, laborare accepit.

Ea res revocaverat ab persequendo hoste hominem, qui collectis cæteris qui passim, ac sine ordine, ut serè sit, fugiente hoste equitibus subsidio

subsidio venit Pralino-pleffio. Is tùm cum omni equitatu, peditibusque ultimùm in hostes procurrit: hi partim inordinati, sparsique toto campo, qui videlicet equites nostros pepulerant, dein pedites acriter oppugnaverant, alii, equitum scilicet alæ duæ, peditum item manus duæ itabant ex adverso intacti, atque integri: ante hos erant tormenta, quibus tamen si aliquam stragem nostrorum tùm fecere, eorum tamen impetum haud inhibuere: cui ubi se impares sentiunt, equites caressunt fugam, pedites ab suis deserti postquam emisere sclopetis glandes, in potestate victorum fuere.

Tùm Pralino-pleffius collecto omni equitatu, præter eos qui ex cornu sinistro cum Hocquincurio hostem persequiebantur, ac præterea peditibus, ut ne quid partam haud dubiè omni ex parte victoriam, ut sunt omnia mortalium incerta, fortè corrumperet, suorum hostes frequentium vestigiis institit. Tormenta illorum, impedimenta, carrique, peditum vexilla viginti (nam singulis cohortibus unum modò fuit) equitum octuaginta quatuor capta: captivi fuere insignes Stephanus Gamarra Hispanus, Turenæ sicuti Collega datus, qui omnem hominis observaret rationem, præterea *a* Faugius qui Lotharingorum equitum parti præerat, *b* Lignevilla qui cæteros ductabat unà cum Turcna profugerat, è perfugis Gallis *c* Buttevilla Mommorancius Haucurius, Scrisius, Jarsæus è Melitenfî Militiâ, *d* Quintinius Comes, duo millia ducenti è vulgo equitum, peditumque, major aliquanto numerus eorum qui potestate facti apud Germanorum, Hibernorum, Polonorumque copias, quæ Regi merent, sacramento dixere, cæsorum in pugna, atque fugâ millia duo, atque ampliùs, inter quos è Palatinâ Gente vir Princeps unus, & Tribuni sex, cæteri omnes Tribuni capti, præter Boslium Comitem, & Reensêm. Ita quæ de hybernis in Galliâ Turena Hispanis erat pollicitus, ea non modò vana, sed & aspera, fœdæque evenere.

È nostris præter Pralino-pleffii filium, *e* Alvimarus, Wala Hibernus, Corvalliùs *f* Vicecomes, Rosa Germanus castrorum Præfecti omnes, *g* Hospitalius Vicecomes, Bensius Tribunus Germanus, atque alii desiderati, vulnerati propè omnes, qui aliquo numero in exercitu fuere, tanta in hoc prælio virtus hostium fuit, scilicet qui Gallis rebellibus freti pugnaverant. Qui ex his captivi fuere, eos Imperator, atque Legati ægrè ab injuriâ prohibuere, de quibus recenti imbutus cæde miles, sicuti de patriæ proditoribus supplicium sumere ardebat. Bugius ad Portiani-castellum interea missus oppidum post malam hostium pugnam continuò deditum recipit, item alia omnia quæ Mosam inter, & Axonam hostes præsidii tenebant, loca recepta. Jam dudum æstivorum exierat tempus, quo factum est, uti copias in hyberna dimittere necessè fuerit.

Hic victoriâ præclarus Mazarinus ad Urbem venturus videbatur: neque quisquam omnium erat, quin hanc de Belfortio, & Gondio huic dudum infensis, æquè ac de Turenâ, atque Hispanis, partam, atque

D d d d

a Faug.*b* Ligneville.*c* Le Comte de Boutteville.

Haucour.

Scris.

Le Chevalier de Jarsæ.

d Le Comte de Quintia.*e* Alvimar.*f* Le Vicomte de Courval.

Le Colonel.

Rose.

g Le Vicomte de l'Hôpital.

Bens.

adeò Mazarini domi, forisque prostratos hostes arbitraretur, neque illi sibi modò ereptam hominis pellendi facultatem rebantur, sed & de suâ ipsi salute solliciti erant: Gasto cujus potentiâ freti tanta adversum Mazarinum inceperant, haud satis firmus contra tantam hominis gratiam, gloriamque futurus habebatur, statimque Regis, ac Reginae matris arbitrio Belfortium, & Gondium permittiturus, ipsi sibi aut vincula, aut exilium portendi câ victoriâ minimè dubitabant. Qui Mazarino studebant, huic uno ore autores erant, *Uti Regem, Reginamque matrem, omnemque Aulam evocares ab urbe, aut ad banc cum exercitu victore accederet, ita perterrefactum Gastonem, Senatum, Populumque, ultro ipsi Belfortium, Gondium, ac ceteros ex facili dedituos, neque commissuros Patres, plebemve, uti fortunas suas paucorum hominum causa in discrimen iterum adducerent, nupero maxime tumultu edocti belli incommoda ad se, præmia si quæ sint, ad viros Principes pertinere: sin Mazarinus cesset, illos enimverò haud cessaturos, neque sola hujus victoriæ fama, atque gloria ab pessimis quæ inierint, consiliis deterritum iri, majus aliquid, atque fortius opus esse. Sed ipse fractos inimicorum tantæ victoriæ famâ conatûs existimans hac uti nescivit. Igitur ad Regem, Reginamque de re publicâ in Campaniæ finibus benè gestâ, metuque hybernorum, atque excursionum ad Urbem sublato, profligatis, atque occidione occisus hostibus dat litteras, quibus perlectis decreta supplicatio est.*

Contrà qui Mazarino inimici erant, ii quidquid in victoriâ boni esset, Pralino-plessii Imperatoris, Ducum, ac militum virtuti tribuere. Rebelleis ac tempestate recipiendis, præterea pugnandi consilium quod ab Mazarino prosectum sit, prævum, atque temerarium fuisse: finibus nostris antebac hostes decessisse, neque tantum ab paucis quæ cû Mosam reliquissent, præsidis periculi fuisse, ut ea gratia quæta movere, hostem in fines nostros revocare, rem omnem publicam in discrimen adducere necesse fuerit. Hostes numero plures, quibus animus cum nostris conflixisse? tantiæ bercule uti proxime victoriâ fuerint. Quod non vicerint Dei benignitate in nos, atque Imperatoris, ac militum virtute, uti vincere potuerint, quod magis futurum videbatur, Mazarini temeritate factum. Hunc sibi conscium multa perperam in re publica quæ ipsi immeritò permissa sit, fecisse, in aliâ opera, atque virtute, atque in discrimine publico sibi famam, & gloriam quasivisse, quibus illa munita forent. Quod contrà esse debere res ipsa moneat, cû hac culpa novissima cumulus ceteris accesserit. Eo decere Patres ad vindicandum attentiores esse, quod uti satis tuis facere possint, id modò Mazarinum devictis, pulsisque hostibus rei publicæ præstituisse. Hæc Belfortius, hæc Gondius, aliique diètitabant, pronioresque ad credenda cuncti erant, quod homini inviso gratiam debere pudet, pigetque: eo Mazarinum perperam, quàm rectè fecisse malebant, totamque rei benè gestæ gloriam in Pralino-plessium, malè consultæ invidiam in Mazarinum faciliè conferebant.

At Rohana Mombafona quæ Gondio favebat, neque tamen palàm Mazarino malè dicere, aut facere audebat, diffidens hunc ab Aulâ pelli posse Reginae gratiâ fretum, hominem apud eam astutè labefactare

aggreditur. Igitur cum eâ familiariter ut ferè fit inter mulieres, colloquendo, *Mazarini* fortunam miserari, cui uni omnium res secundæ in perniciem vertant: tantam esse in hunc vim invidiæ, uti victoria ab eo paria quæ rei publicæ, ac singulis salutis sit, huic modò cladem portendere videatur. Reginæ in eo tuendo constantiam sibi quidem, atque omnibus qui hominis virtutem noverint, probari: cæterum in his quæ ad rem publicam attineant, plurimum sententiæ obsequendum, ne frustra obstitieris. Horum eò evasisse audaciam, uti Regina metuendum videatur, quorsum evasura demùm sit, ni *Mazarinum* amoveat ab republicâ, atque in eo omni propè *Aulæ*, *Senatus*, *Populoque* morem gerat. Hunc omnium in eam rem consensum huiusmodi esse, ut eo denique coacta id factura videatur ingratis, quod maturè factum in gratiâ habeatur. *Isthec* se pro re publicâ, pro fide sua, proque suo in Reginam studio dicere, ut ne huic sua bonitas, æquitasque diu alteri magis, quàm sibi consulit, fraudi sit.

Regina *Rohanæ* tamen quæ dixerat, ea illi gravissima fuissent, nihil tamen durius respondit, quàm se hanc *Mazarino* amiciorem credidisse, quàm ut hunc ab re publicâ amotum vellet: dein *Mazarinum* de illius erga hunc animo fecit per litteras certiorum. Sed & ad eum *Rohana* statim scripsit, significans post victoriam omnium Ordinum in hunc invidiam immensum crevisse: ea Reginam permotam hæsisse, an is sibi porò tuendus esset, quod ubi ipsa pro familiaritate senserit, Reginam in sua adversum hunc benevolentiam, ac perpetuo huius tuendi studio confirmasse. Hanc ubi epistolam perlegit *Mazarinus*, admiratus *Rohanæ* simulationem, indignatusque sese ab eâ ludibrio haberi, projectam in terram epistolam pede proculcat, pellitque in proximum focum, mala ingerens in mulierem multa, neque dicto ullo quod eâ dignum crederet, abstinuit, neque tamen palam ab huius amicitia sibi discedendum constituit, ut ne illa pejor diceret, faceretve.

Interea *Gondius* apud amicos quos habebat in Senatu, atque apud alios ubicumque poterat, *Mazarinum* porro criminari, dictitare, Hunc ad Urbem venire atrocem, atque ultionis avidum. Imminere plerisque ex Senatu exilium, plebi vestigalia, atque tributa, eò rem rediisse, ut hæc patiunda indigna viris, aut abigendus *Mazarinus* sit. Id aded in promptu esse, si *Gasto*, *Patresque* una tendant, quod cupientissima plebe facturi sint, apud quam maxima *Mazarinus* invidia laboret. Magnam *Aulæ* partem *Gastoni* obsecuturam, in qua & ejus, & *Condæi* permulti clientes sint. Contra tot hominum consensum *Mazarino* parum in Regina præsidii fore. Quare hanc navarent rei publicæ operam, ut ab hac *Gastoni*, *Condæi*, *Senatus*, *Populi*que, atque omnium bonorum hostis amoveretur.

Igitur de Brezæ, & Longavillæ virginis libellis, ac de *Condæi* litteris *Senatus* porro consultus est, rogatique sententiam sunt, quibus huic dicendæ spatium antehac non fuerat: pauci reliqui erant, inter quos *Gondius*. Is palam esse, ait, sese in hoc negotio nusquam gratiam exercere, qui rei publicæ causa, cum *Condæo* inimicitias suscipere non recusarit: sed eas ejusdem rei publicæ causa lubentem deponere, quæ sibi semper visa ipsa caviore futura sit: neque ob stare quidquam, quin regio sanguini quod debeat ab

650.

homine Gallo, id ipsi cum fide præset. Istiuc plane posthabitu, ubi viri Principes quorum salus ad rem publicam tantopere pertineat, Gratiæ-portum abducti sint, quò ex propinquo mari, ut fere fit, ac ob recedentem æstus limoso solo, adeò grave tælum sit, uti vix eò agitare diutius sine vitæ periculo posse videantur: pessimam in re tanta Mazarini fuisse rationem, quæ eadem in aliis prope omnibus magno cum rei publicæ damno sit. Quæ in hanc mala ex eadem causa antehac orta sint, ea latere neminem, quibus uti præverteretur sese pacem cum Burdigalensibus suasse, ac præterea ab Hispanis ultrò oblatam accipiendam censuisse. Nihil certe quod magis in rem publicam domi, forsque esset, fieri potuisse quis non videat? quod tamen sibi vitio datum sit. Eo vel maxime existimandi copiam esse, quàm grave sit Mazarino quemquam aut in Senatu, aut aliò, quid in rem publicam sit providere, atque de eo sententiam libere dicere: quo magis Senatui curæ esse debeat, ut ne quid ex tam præva hominis agendi ratione detrimenti capiat. Sese igitur Regem, atque Reginam matrem edocendos censere, quid ista virorum Principum ad Gratiæ-portum abductio rei publicæ interfit: præterea de tributis, & veltigalibus, quàm acerbe, & crudeliter exigantur: milites in patria sicuti in hostico agitare, rapere impune civibus omnia, neque secus atque hostes vastitatem Galliarum facere: postremo cuncta quæ perperam fiant, accidantve ab pessimis Mazarini consiliis proficisci. Una Dei benignitate evenisse, ut hostes sine æstivorum regni finibus pulsî sint, quo commodius rem publicam curare liceat, ut hac domi recte constituta pax denique foris fiat, ab qua & initium sententiæ de Republica dicenda, & finem posthac Patres facere debeat.

Addidit in sententiam Rogandum Gastonem, uti cum Senatu sentiat, atque una operam det, quo Regina & rei publicæ mala cognoscere, & his quæ necessaria sint, remedia adhibere velit. De Longavilla virgine Regine supplicandum, ut illi in Urbe tutò esse liceat, neque id afflictæ solatium, uti patri quæ filiam deceant officia præstare possit, ademptum velit. Quidam quod fieret Senatûs Decretum, id ad alias Curias perscribendum, mittendumque censuerant, quod quidem Gondius tametsi optimum factu se arbitrari ait, tamen in Reginæ æquitate, Gastonis operâ, atque Senatûs prudentiâ eam spem sibi sitam, ut id non usu venturum existimaret.

Hæc hominis oratio ejus consilia fati indicabat, qui Mazarino ostentare modò suam in Senatu, atque apud Gastonem gratiam, potentiamque vellet, cujus metu adductus huic animum explere cogeretur: nequedùm enim de viris Principibus custodiâ educendis quidquam censuerat, neque de Senatûs Decreto ad cæteras Curias mittendo, ut ea res omnis in Gastonis ubi in Senatum veniret, atque adeò in suâ, quodammodò potestate esset, ita ut hanc urgere, aut prolatare pro lubidine posset. Senatûs tamen Decretum fit, uti Rex, atque Regina mater de viris Principibus custodiâ emittendis admoneantur, atque edocerentur quid isthuc rei publicæ interesse hic Ordo conferret, jusque Cognitor, atque Actores regii ad Procancellarium adire, ut hujus operâ scirent, quâ die Rex, atque Regina qui ab Senatu mitterentur, eos ad se venire vellent: postridiè Procancellarius

ubi per Reginæ valetudinem liceret, potestatem adeundi factum iri respondit.

1650.

Inter hæc Mazarinus ad Urbem venit, cui sic est obviam processum, uti victori decebat, effusâ in occursum omni propè Aulâ: quod reliquum fuit hominem in Regiâ opperiebatur, magnaue erat contentio qui primi rhedâ exscendentem adirent, saluum, & victorem venire sese gaudere dicerent. Is inter gratulantium voces ad Reginæ ubi Rex filius erat, conclave pervenit, ab his perliberaliter acceptus, collaudatusque ob res tam præclarè gestas: ac certè hic Mazarini ad Urbem, & Regiam adventus speciem quamdam habuit Triumphii. In hoc modò offensum amici aiebant, quod non victorem deportasset exercitum, uti factiosos qui huic perniciem moliebantur, oblato metu coërceret.

Cùm in Galliâ omnia porrò perturbata fore viderentur, tùm verò Innocentius X. Pontifex Regem injuriæ opportunum est arbitratus, huic videlicet insensus, quia quam Barberinis ipse inferre voluerat, eam his in fidem, & clientelam acceptis prohibuerat. Romæ Henricus Stampæus Valancæus Regis Legatus apud Pontificem erat, cui hic insigne quidpiam facere decrevit, quod in Regem redundare necesse erat. Valancæus apud aedes Antonii Barberini Cardinalis quæ vicinæ Pontificiis apud Caballimontem sunt, agitabat, quod Innocentio ægrè erat, ex ingenti in Barberinos, & Gallos odio, quo incensus has aedes Rupellas appellabat, contumelioso in Regem nomine, sicuti & hunc, & hujus Legatum, & omnes Gallos censeret hæreticos esse, quorum urbs sicuti primaria Rupellæ antehac fuere.

Sed hanc Ludovicus XIII. post diuturnam oppugnationem ad deditionem denique pridem redegerat, ac munitionibus nudaverat, summâ cum tantæ rei gestæ gloriâ, ac luculento testimonio nihil ipsi magis cordi fuisse, quam hæresim in Galliâ abolere, cui rei conficiundæ nihil posthac omnium omiserat, quod ad se attineret: sed unius Dei est animos hominum vincere, & in viam reducere. Iniquum igitur fuit Valancæi Regis Legati aedes Rupellas ab Innocentio appellari: sed has diruere huic consilium fuisse aiunt, neque aliter id prohiberi potuisse, quàm has Valancæo Regis Legato permittendo, quin & has Antonium Regi venum dedisse vulgatum est. Id & Pontifici suprà quàm dici potest grave fuit, scilicet indignanti etiam in Barberinorum res quæ aedes suas propè contingerent, Regis potentiam suâ majorem Romæ videri: sed hunc æquum erat in prohibendâ, quàm Pontificem in faciundâ injuriâ plus posse.

Neapolitani exules plerique qui per tumultum nuper domi exortum Hispanis adversi, Gallis æqui sue ant, postquàm illi potiores apud Neapolim fuere, Romam profugerant, neque se Pontificis fidei scilicet qui Hispanis faveret, omninò permittere ausi, in Valancæi viciniâ agitabant, confisi sese more majorum ob Legati verecundiam intactos, inviolatosque fore. Fortè accidit uti propè Pontificis qui ad Caballimontis aedes pertinent, hortos atrox fieret cædes, quam deditâ operâ

1650.

Pontifex ab exilibus factam sese credere simulavit, statimque ad Valancæum misit, qui postularet, ut hujus voluntate conquirere in ejus viciniâ Neapolitanos exules liceret, ab quibus perpetratam cædem arbitraretur. Valancæum puduit id Pontifici denegare, aut videri sicariis præsidio esse, eo per sese licere respondit, modò ut ne id palàm, neque interdiù fieret : addidit qui missus ad eum erat, famam esse & in ejus ædibus hujusmodi sicarios receptum habere, sed ne eò quidem satis tutos fore Legatus respondit, quibus postremis verbis in fraudem, quam huic Pontifex struere decreverat, incidit, atque eò hunc adducere consilium fuerat, uti dici posset hujus voluntate conquisitionem in ipsiusmet ædibus fieri potuisse.

Quæ subsecuta est nox, eam exules alius aliò exegère, moniti ab Legato, ut ne deprehenderentur, sed nihil ad eos hæc omnis res attinebat. Postridiè multà jam luce, contrà quàm convenerat, pedites, equitesque Pontificii circum Legati ædes adsunt, stationes haud procul portis locant, dein qui præerant duo apertis fortè foribus introeunt armati. Valancæus paulò antè è lecto consurrexerat, pauci ex familiâ aderant, cum adesse antè ædes armatos, duos deindè ingressos nuntiarum. Is novâ, atque insolitâ re percussus, qui ædes ingressi erant, eos positis armis ad se venire jubet, qui fide acceptâ nihil id sibi fraudi futurum ad Legatum adeunt : eos graviter modò increpitos tametsi quæ fecissent ea se hujus voluntate facere arbitratos dicerent, dimisit : dein qui Legati in Urbe erant, eos quid in Regem, atque in se contra jus gentium Pontifex admisisset, certiores facit, rem tam atrocem videri, uti sibi rus abscedendum judicet, donec quid Regi sententiæ sit resciscat, & post paulò rus altero ab Urbe lapide secessit.

Pontifex continuò expurgare se, nihil quod Regi, aut hujus Legato injuriosum esset, factum voluisse, tantummodò ut ab sicariis quos in ejus viciniâ agitare fama erat, circa ædes suas cædes ne fierent, providere voluntate Legati, atque ex ejus sententiâ, quam priùs exquisiverit. Ita nihil Regi admodum causæ esse visum, quamobrem Valancæus diutius abesset urbe, quò brevi rediit, atque pro more ad Pontificem de Regis rebus adiit, quo in negotio Venetorum Legati opera Regi, ac Valancæo pulchrè processit, ut hæc qualiscúmque controversia cum bonâ utrinque gratiâ componeretur. Sed isthic fraudulentam Pontificis rationem omnes animadvertent, qui cum apertè injuriam Regis Legato facere non auderet, hanc furtim, & clam ita fecit, uti sui expurgandi facies aliqua esset, neque eo minùs odio se suo servivisse credidit.

Hoc anno mortem obièrè Henricus, & Claudius ^a Memmii fratres, hunc ^b Avauxium Comitem ex Rure quod habebat nobili, sicuti in Galliâ mos est, appellavère, multis Legationibus quas continenter obie-rat clarissimus, nam in eo & fides, & virtus, & solertia, dicendi, scribendique pericia, atque ingens animus fuit, summam Regni Quæstutam quo pacto domi gesserit, ac postremò abdicaverit, suprà diximus.

^a Le Præsident de Mesme.
^b Le Comte d'Avaux.

Henricus summus in Senatu vir fuit, dignusque qui hujus ordinis princeps foret, cui honori adipiscendo aut nimia virtus, aut nimius animus fortasse obfuit. Decessit & hoc anno a Carolus Valeſius, extremâ ætate, primùm Arvernix Comes, dein Inculſmæ Dux appellatus: is Carolo IX. Regi natus ex concubinâ fuerat: quæ virum Principem decuit, ea pace, belloque geſſit, ubi pax, pleraque tempora in venando, cæterisque quibus corpus exercetur, ubi bellum erat in imperiis egit. Margarita b Gondia, matrona nobilitate, atque ſanctitate vitæ juxta inſignis naturæ conceſſit & hoc eodem anno: huic Megnelaius Marchio ante annos ſexaginta vir fuerat, dein eo mortuo in viduitate reliquam exegit vitam, ſibi minimam ex ampliſſimis prædiorum, aliorumque bonorum fructibus annuis ſummam retinuit, reliqua miſeris, atque egentibus diſtribuit. Obiit & c Carola Margarita Mommorantia, quæ Henrici Condæi uxor fuerat, formâ ubi florebat ætas egregiâ, atque luculentâ, Ludovici Condæi mater, ac præterea Armandi Contii, & Annæ Borboniæ Condæ Longavillæ uxoris.

a Charle de Valois, Duc d'Angouleme.

b La Marquiſe de Meignelay.

c La Princeſſe de Condé.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER NONUS.
E P I T O M E.

1651.



EQUITUM Tribuni ab Rege creati. Moleus una cum aliis ex Senatu ad Regem, ac Reginam matrem de viris Principibus custodia eximendis adiit. Gondius de Cardinalatu negato plane Mazarino insensus. Gastonis cum viris Principibus de his custodia eximendis fœdus. Senatus odium Gondius in Mazarinum accendit. Ordinem Ecclesiasticum, atque Nobilitatem uti cum Gastone de Principibus viris custodia eximendis sentirent, adducit. Gasto se negat venturum in Regiam, nedum in Consilium regium, usque dum Mazarinus abierit. Hic abijt denique. Gratæ-portum proficiscitur, Condœum, Concium, & Longavillam ita emittit custodia, ut bi eâ de re ipsi nullam gratiam debere se putent. Viri Principes ad Urbem properant. Mazarinus ad Regni fines iter maturat. Diplomate Regis edicitur viros Principes extrâ noxam esse. Altero Diplomate Extranei etiam civitate donati arcentur ab omni re publicâ, atque Cardinales omnes. Id Gondio grave, atque Ecclesiastico omni Ordini. Eâ de re habita apud Regem, ac Reginam matrem vehemens ab Georgio Aubussone Eberodunensium Archiepiscopo oratio. Ubi Condœus ad Urbem, ibi & Condœa soror ab Satensio venit. Hispani sese de pace, aut induciis tum agere velle simulavère. Turena postquàm de liberandis viris Principibus fidem impleverat, ab Hispanis pacem detrectantibus rectè discedit. Regina per Seravianum, & Lionnum cum Condœo de Mazarini in Aulam reditu agit. Ab Castrovano signum regium reposci jubet, quod Moleo tradidit. Condœus de Caprosâ virgine ab Concio ducendâ sententiam mutat. Robana Mombazona virginis mater, atque Gondius Gastonem in Moleum, & Charvignum Condœi
clientes

clientes impellit. Regina uti Gastoni morem gereret, regium Signum ab Moleo repetit, quod est Sequiero Cancellario redditum. Robana Mombazona in Condaum odio incensa de infectis filiæ cum Comio nuptiis, atque item Gondius, Buillonius, Turcna, Moleus, Anna Gonzaga, alii aliis de causâ ab Condeo desciverunt. Nemorosus, ac Rupifocaldus manserunt in amicitia. Belfortius, & Charvignus uti Gasto porro Condeo fautor esset, operam dabant. Spernonius Aquitaniam Condeo permittendam deponit, atque hic vicissim Eduos qui Spernonio permittantur. Mazarinus per Zungum Ondedeum in Galliam missum Gondio de Cardinalatu, Robana Mombazona de Castronovano Regii Consilii principe faciundo, Moleo de Signo regio reddendo, Annæ Gonzagæ de summâ Quæstura Vetusville tradenda fidem dat, atque hos omnes ab Condeo abalienatos sibi adiungit. Condeus vano metu territus fugit ab Urbe, ac Maurifanum secedit, neque prius in Aulam redit, quàm abactis Serviano, Tellerio, & Lionno Mazarini clientibus. Tilladetus Brisaco discedit, quod manet in Carlevosii Proprefecti potestate. Caroli Regis interfectores Britanni ab Philippo Hispaniæ Rege amici appellati. Bartoni in Catalonia Hispanis dedita. Hispani finibus Subalpinorum ab Santandrea Mombruno pulsi. Almontius Villequierus Equitum Tribunalis rem in Belgio egregie sustentavit. Gastoni, & Condei de habendis Regni comitiis consilium, in quo constitueretur ex quorum consilio Rex rem publicam gereret. Rex Id. Septemb. venit in Senatum, uti capeffendi per sese Regni more majorum initium faceret. Castronovanus regii Consilii princeps factus. Regium Signum Moleo redditum. Summa Quæstura Vetusville mandata. Rex de Gondii Cardinalatu ad Pontificem scribit. Condeus secedit. Aulam spe pacis attinet. Regis, ac Reginæ matris ad Fontembellaqueum, dein ad Avaticum Buturigum profectio. Turris eò diruitur. Paliavius Mironem obsides. Rex in Psionas proficiscitur. Hærcurius Rupellatur turres recipit. Cuniaco Condeum pellit. Hunc in Aquitaniam persequitur. Classis Hispanica ad Condeum in Garumna æstuarium venit, cui Battevilla præfuit: huic Liburnum Condeus tradit Burdigala baud procul. Rex edicit Condeum, Contium, Condeam, Nemorosum, ac Rupifocaldum, quique Sectam Condei sequerentur hostes esse. Hujus Ediçti promulgatio tantisper ab Gastone prohibita. Condei ad Senatum litteræ in Mazarinum, Castronovatum, Moleum, Gondium. Rumor de Mazarini reditu. Senatus ea de re ad Regem Legatio.

PRINCIPIO hujus anni a Antonio Almontio Villequiero, atque Carolo b Monchio Hocquincurio qui egregiam rei publicæ in nuperrâ post Rethelium deditum pugnam operam navaverant, digna suâ virtutis præmia ab Rege tributa sunt: item & Jacobo c Stampæo Fertimbaltio, b Henrico Sannectario Fertæo & Jacobo Russello Grancæo viris fortibus, ac strenuis, qui consimilem in variis præliis, atque urbium expugnationibus operam Regi, ac rei publicæ dederant, hi enim omnes Tribuni Equitum creati sunt. Fertimbaltius Gastoni cliens est, cæteri Regi, atque Reginæ matri, nec non Mazarino addiçti. Fertæus Lotharingiam cum exercitu obtinet provinciam, in qua Vichierum Castellum, ac Mirecurium oppidum cum arce haud infirmâ ab Lotharingis dum ipse nuper in Campaniâ esset, occupata loca brevî recepit.

E e e e

a D'Aumont de Villequier.
b Monchy d'Hocquincour.
c D'Estempe de la Ferté-Imbault.
d Henry de Sennecerre de la Ferté.
e Jacque Roussel de Grancéy.

Diximus antehac Reginam morbo impeditam quos Senatus ad se mittere decreverat, eos usquedum sibi meliusculum esset, diffusisse: postremò tamen his ad illam adire XI. Calend. Februarias copia fuit. Eà die Molæus in Reginæ cubiculum cum cæteris qui ipsi comites ex Senatu aderant, introductus hanc adhuc in lectulo ex morbo jacentem, Regemque filium ad pulvinum sedentem invenit, quibus graviter ait more suo. Paulò antè victtricem Galliam, at propè victam, domi, forisque bello oppressam per nupta æstiva fuisse. Neque id mirum, cum jaceant in carcere, ac tenebris viri Principes, quibus orbata quodammodo res publica summum in discrimen adducta sit. Ubi comprehensi, & in vincula coniecti sint, ibi verò pessimam bujus gerendæ quæ ineatur rationem, universam Galliam cum suo magno malo sensisse, quod de Reginâ dictum Senatus nolit, sed magis de eo, cujus consilio id designatum, factumque sit. Arcana Imperii quædam esse, nec sine his rectè administrari posse rem publicam, sed vix esse hujusmodi, uti perpetuò arcana esse debeant.

De Principibus viris Senatum, & omnes bonos sic existimasse, multis, gravibusque de causis in carcerem coniectos, quas tempus, & dies patefaceret. Nam quæ recentî re ad hunc Ordinem perscriptæ sint, eas leves, futilesque fuisse. Senatum in procuratione Regni Reginæ permisit, quam Gasto, atque Henricus Condeus consilio, atque operâ jurarent, rei publicæ salutem positam credidisse. In Condei patris locum Ludovicum filium successisse, neque inter bascetres personas necessarium concordie vinculum frangi, aut dissolvi usquàm debuisse. Nam eo soluto omnia mala in rem publicam quasi effractâ quæ prohibebat mole irrupisse. Hæc uti desinant, atque rei publicæ ex pristina fortunâ, atque gloriâ geratur, ejusdem virtute opus esse, quod fretus Rex domi, forisque victor antebac fuerit, quæ quamdiù clausa, ac parietibus indigni carceris circumscripta erit, tamdiù nec bellum fortiter geri, nec pacem denique honestam fieri posse, quorum alterum ab altero pendent.

Viros è regâ gente Principes munimenta Regni esse, quæ amoveri sine bujus pernicië nequeant. Id jam annum sensisse suo damno Galliam, quod ut ne diutius sentiat, providendum videri. Abductor ab oculis Senatûs viros Principes, ab animis abduci non posse, qui anxii, atque solliciti sint, quamdiù vitâ eorum loco insalubri, atque gravi cælo in dubio erit, quos magis res publicæ redditos oporteat. Regem, atque Reginam matrem his de rebus humillimè edocendos, commonescendosque Senatum censuisse, quem ut ne quid detrimenti res publica capiat curare deceat. Tacuisse aliquamdiù Majestatis ruerendâ, post ubi neque tempore Principum virorum miseriæ modum fieri, & diutius tacere rei publicæ damno, ac sibi dedecori futurum sensit, postremò quod & re publica, & sese dignum esset, proloqui, & Regi, atque Reginæ matri significare voluisse.

Qui si in eo negotio tardiores fuerint, totius præterea Galliæ voces personaturas eorum auribus, uti metuendum videatur, ne id ipsis denique fraudi sit. Certè si cessent, Senatum haud cessaturum, sed omni ope ensurum, ut ne ea causa res publica pessum eat. Regi igitur, atque Reginæ supplicare, uti viros Principes carcere emissos velint, quò soluti vinculis, ac rei publicæ restituti, hinc, atque Regi bonam, fidelemque porro navent operam, atque intertò uti Longavilla vir-

gini in urbe tuto esse, & patri quæ filiam deceat, præstare pietatem Regis, ac Reginae voluntate liceat. Ubi Molæus dicendi finem fecit, Regina ex Consilii sententiâ postquam hanc exquisiverit, se responsuram ait, ita qui ab Senatu ad Regem, Reginamque matrem venerant, dimissi, tempusque procedebat, quod in hujuscemodi negotiis quandôque magno adjumento est.

Senatum suprà diximus censuisse, ut ne posthâc de virorum Principum negotio nisi Gastone coram ageretur, quoniam ad rem publicam magnoperè pertineret: Patribus præterea usui erat, ut hic in eâ gerendâ Reginae datus adjutor Consulitis, atque Decretis suis interesset, quo majorem ex hujus præsentia vim haberent. Sed nondum Gondius Gastonis flexerat animum, ut ab Regina sicuti factum est postea, de Principibus viris dissentire vellet. Igitur qui ab Senatu ad hunc rogatum ut in Curiam veniret, missi fuerant, iis ita respondit, ut qui de virorum Principum negotio quid sibi sentiundum, aut faciundum esset, nondum satis sciret, neque aded in Curiam iturus esset: Senatui tamen gratias egit, quod se tantæ rei consultandæ adesse vellet, quod quidem se satis maturè posthâc facturum speraret.

Sed ubi in hoc Ordine Gondius ex sententiâ procedere Principum virorum negotium videt, neque huic conficiundo, pellendoque Mazarinò deesse aliud, quàm Gastonis cum Senatu consensum, illum aggredditur, docetque; Diutius viros Principes carcere attineri non posse, quo Senatus, populusque hoc emissos velit. Id satis perspicere Mazarinum, atque aded cum eorum amicis, & clientibus agere, quo sibi aliquam ex eâ re gratiam pares: discurrere se quo Gastoni gratificaretur, adductum ut hoc in carcerem coniectos voluerit, atque id modò ostendere, ut ne statim dimittantur, nam sibi cum bonâ ejus gratiâ id faciundum: si tamen ei rei pergat adversari, posthabitis ejus rationibus hanc consecuturum, modò ut viri Principes fidem dent, sese ipsi amicos, & adversum quosvis, ne ipso quidem Gastone excepto, præsidio futuros. Hanc esse perpetuam eorum qui apud Reges gratia polleant, disciplinam, ut inter virorum Principum quas alant discordias, statum dignitatis non modò teneant, sed & immensum augeant. Eam rem planè ab Mazarino agi, qui Principes viros sua magis, quàm Gastonis opera carere emissos, atque huic adversos esse velit. Probè meminisse Gastonem, quæ contra ipsum Richelius fecerit, eadem moliri Mazarinum. Paucos restare menses, quibus in Procuratore Regni Regina porro futura sit: hic elapsis Regem filium eâ ætate futurum, uti more majorum regnum per sese sit administraturus, cujus auctoritate nixum Mazarinum quæ quantaque designaturum, qui Reginae modò gratia fretus tanta usquè fecerit? Id ut ne accidat, magnoperè cavendum, atque eo pellendum Aula hominem, adjungendos Gastoni Principes viros, cujus rei magna facultas sit, si ipse una cum Senatu operam det, uti carcere emittantur. Hos tanto beneficio devinctos in Gastonis potestate perpetuò futuros. Eandem Senatui cautionem esse, ut ne Mazarino, aut alteri qui item gratia apud Regem valeat, sicuti antebac Richelio obnoxius sit. Eo Principibus viris custodia mittendis studere, Gastonisque potentiam sicuti par sit, in Aula pelleri velle, ita alteros, alteris præsidio futuros.

Eccc ij

1651.

His, atque aliis hujuscemodi facilis suapte naturâ Gastonis animus adductus est denique, ut hanc omnem rem Gondio permitteret, qui Condâi clientibus, atque amicis quas videretur condiciones ferret, quibus ut ne hæc Principum virorum ab carcereeductio Gastoni fraudi, at magis præsidio, atque ornamento esset, caveretur. Is igitur cum Annâ Gonzagâ Palatini uxore, & Amedæo Sabaudico Nemorosio Duce, qui pro Condæo pacifcebantur, de conditionibus fœderis convénit, cujus Tabulæ ab Antonio Croissio Fouqueto Senatore confectæ sunt. Huic homini divitiarum pro fortunâ satis amplæ fuere, quæ animos faciebant, ita ut munia Consiliiarii in Senatu vix se satis digna deputeret, nisi quia ad majora gradum facere posse videbantur, cā tempestate videlicet, quā non modò Senatui universo, sed & magis quibusdam ex hoc Ordine rem publicam attingere summa lubido erat. Id a Croissio singillatim consilii fuit, atque item Ludovico b Francisco Fabro Commartino, cujus avus Procancellarius fuerat, ambo Gondio amici, qui si gratiâ, & potentiâ valeret, sese Quatuorviros futuros sperabant. In hoc fœdere quæ visa ad viros Principes custodiâ eximendos conducere, ea cavebantur: sed Gondius qui id non his, sed sibi potissimum faciebat, de Mazarino Aulâ pellendo præterea caveri voluit, quem ut ne hi custodiâ emitterentur maximè obstat, & quem abigi in rem publicam esse dicebat. At Condâi amici qui satis scirent, quā incerta in Aulâ sint omnia, cum Gondio, Belfortio, atque aliis ex factione ita sibi agendum censebant, ut si horum operâ viri Principes carcere emitterentur, cuncta quæ fœdere cavebantur, iis summâ fide præstarent: sin id minùs procederet, sibi integrum volebant esse, cum Mazarino de re eadem agere: quamobrem de hoc pellendo fœdere caveri haud æquum censebant, satisque esse putabant, de gratiâ referendâ omnibus qui Principibus viris custodiâ eximendis operam commodarent, pacifici, non autem de pernicië cujusquam.

Eâ tempestate Rupifocaldus se ab Annâ Gonzagâ ad Urbem accersitum memorat, scilicet incertâ, atque anxîâ, quorsum denique tanta res evaderet, quæ magnam in Aulâ mutationem, atque perturbationem portendere videretur, ex variis eorum qui huic admixti erant consiliis, atque studiis, & quamvis cum Mazarino antehac de viris Principibus emittendis custodiâ frustrâ cgisset, tamen subiciebat animus, experiendum denuò, utrùm eò adduci possêt, nam hæc brevior, certiorque via esse videbatur. In eadem Rupifocaldus sententiâ fuit, atque cum Mazarino eâ de re agere cœpit, docuitque sicut apud Burgum antehac fecerat, Principes viros diutius in custodiâ esse non posse, neque id passuros Gastonem, ac Senatum, ac denique factiones in Aulâ, & in Urbe, qui omnes de his emittendis certò congruant, & ut id fiat subitò daturi sint operam.

At Mazarinus hæc non ex vero, sed ex Rupifocaldi adversùs Condæum studio dici credidit, qui nihil singulare de Gastonis, Senatûs, & factionum in eam rem consensu adferebat. Ter eâ de re Rupifocal-

a Fouquet de
Croissy.
b Le Fèvre de
Commartin.

us cum Mazarino collocutus est, atque huic liquidò dixit denique, nisi tùm sibi de viris Principibus emittendis custodiâ fidem dare vellet, & quibus conditionibus id fieret, convenire, hujus rei posthâc nullam copiam fore, de quâ nihilo magis adductus est Mazarinus, ut huic auscultaret.

Omni igitur de Mazarino abjectâ spe, Condæi amici sibi denique cum Gondio transigendum esse intellexere, cui adeò explendus animus fuit, & de pellendo Mazarino cavendum. Fœdus itaque cum factiosis, confectum est: sed convenit ubi ab Croissio apud Annam Gonzagam hujus conditiones recitarentur, quæ de pellendo Mazarino perscripta erat, ea uti prætermitteretur, ut ne Belfortius qui cum cæteris fœderi adscribendis adfuturus erat, hanc rescisceret, atque de more Avaucuriæ renuntiaret, cujus operâ ad Reginam, aut ad Mazarinum permaneret.

Belfortius igitur fœderi sicuti cæteri nomen adscripsit, nihil ampliùs in eo esse arbitratus, quàm quod fuerat recitatum: & quoniam id apud se deponi postulabat, ubi relatum in tabulas foret, aut alterum hujus exemplum, quod videlicet penes factiosos debebat esse, altero penes Gonzagam manente, convenit tamen ut unæ modò fœderis Tabulæ essent, atque hæc Blammenio Inquisitionum Præsidi custodiendæ traderentur, quas nusquàm proferret, nisi ex consensu Gondii, atque Violæ item Inquisitionum Præsidis.

Post paulò Fœdus aliud factum est inter Gastonem, & viros Principes, paciscentibus horum nomine Annâ Gonzagâ, & Nemorosio: eo de viris Principibus emittendis custodiâ idem quod priori cavebatur, quod & ratum habebat Gasto, dein de nuptiis Alansonæ Virginis Gastonis filix cum Angiano Condæi filio, ac de nuptiis Caprolæ virginis cum Contio: præterea ab Condæo ubi in Aulâ esset, nihil de Administris aut pellendis, aut qui pulsi essent, revocandis factum iri, nec Magistri Equitum Munus hunc sibi expetiturum. Postremò Condæi amici Gondio scripto cavere, ubi Gasto hunc Cardinalem creari vellet, Condæum pro virili daturum operam, ut id fieret. Hæc omnia Croissius, & Commartinus scribarum factionis personam agentes ad Gastonem tulere, quibus nomen adscriberet, quod quidem tam negligenter fecit, ut ne priùs ea legeret, aut recitari juberet, tantam eâ tempestate Gondio habebat fidem, ex cujus sententiâ hæc perscripta, atque confecta omnia scibat esse.

Posteâ loci Gondius omnem adhibuit operam, uti Senatus ab Reginâ super virorum Principum negotium responsum flagitaret. Id hujusmodi fuit. *Senatum ubi quid occurreret quod ad Regis auctoritatem pertineret, hunc ea de re certiores antebac facere consuevisse, neque edocendum, aut admonendum, aut quidquam aliud statim decernere. Id factum singillatim ubi litteræ ad hunc Ordinem ab viris Principibus scriptæ sint: ab Ludovico Condæo patrum nostrorum memoria, qui tùm ab Aulâ dissentiebat: nostra item memoria ab ipso Gastone. Eo mirum videri, Brexæ Condæi uxoris, & Longæ*

villæ Virginis libellos, præterea Condæi, Contii, & Longavillæ patris litteras ab Senatu Rege inconsulto acceptas, ac de his relatum, decretumque uti de viris Principibus custodia emittendis, Rex, atque Regina mater admonerentur, cum de utroque libello, atque de litteris prius faciendis certiores fuerint, opportundumque quid vellent, juberentque. Quæ quamquam neque rectè, neque ordine facta sint, & omnis ea rei ab Rege pendeat, de qua hujus injussu Senatus cognoscere fas non fuerit, nihil tamen hæc obflare, quò minus Rex, atque Regina mater viros Principes, quod sine rei publicæ damno, malore fiat, custodia emissos velint. Sed prius Condæam Longavillæ uxorem, Turenæ, atque alios, qui ea gratia arma ceperint, ab his discedere æquum esse: quod uti sine fraude facere possint, Regem Edictum ea de re perscribi jussurum, quod in Senatu promulgatur: ubi illi discesserint ab armis, tum fore uti viri Principes statim custodia emittantur.

Hæc ubi Senatui ab Molæo renunciata sunt, nihil antiquius Patres habuere, quam ut Edictum statim ad se promulgandum mitteretur, jussique subito Cognitor, atque Actores regii ad Procancellarium adire, postulaturi ut eam rem maturare vellet, qui Edictum, brevi ad Senatum missum iri respondit. Continuo clamitavere suo more ex Inquisitionum Classibus Juniores, ei rei adferri ab Mazarino moram, uti Rege Inaugurationis ejus specie urbe abducto sicuti futurum fama ferat, Senatum ludificetur, statim de eo negotio referendum, dicendasque sententias. Contra Molæus proloqui multa, conturbare rem, atque altercatione tempus consumere, donec hæc multum dilapso sicuti Junioribus concedens sententias rogaturus videbatur, cum Gondius sibi prius Patres faciundos ait certiores Gastonis verbis, huic cum Reginâ convenire, falsoque in vulgus jactari inter eos simultates esse, neque eo minus tamen ipsum Principes viros carcere emissos velle, quod uti fiat omni ope enisurum. Quæ ab Gondio dicta, ea mirifice jucunda Senatui fuere, nam dubitanti quid Gastoni animi, & consilii esset, neque enim credibile erat, hunc facile adduci posse, uti Condæum in Aulâ sicuti antehac florentem, gratiâ, famâ, potentiâ sibi æqualem, ac magis quod dicendum hic sit, potiorem videret. Tanta tamen homini facilitas fuit, uti quemadmodum nuper adversum Condæum ex Romanæ Mombasæ, & Gondii voluntate, ita tunc pro eodem suâ quasi pro gloriâ niteretur.

Dimisso Senatu Gondius ad Gastonem iit, uti quid in hoc Ordine actum fuerat, certiore faceret, quam gratum, atque jucundum Patribus resciscere hunc custodiâ Principes viros emissos velle, quantaque laus de hoc consilio hominem sequatur, edocet: Gasto lætari, ubi videt quæ sibi Gondius autor fuerat, ea ex sententiâ procedere, atque huic in dies majorem habere fidem. Post paulò Tellierus ab Reginâ ad Gastonem missus advēit, sciscitatum num suâ sponte Gondius, an ipsius Gastonis jussu hunc viros Principes custodiâ emissos velle in Senatu dixisset? cui orationi commotior solito respondit, Gondium quæ dixerit, eâ voluntate suâ dixisse, neque dictum, factumve ejus sibi non probatum iri. His magis, magisque intellexit Mazarinus, sibi Gasto-

nem infensum, & cum ipsis Principibus viris de his custodiâ emittendis agendum esse denique, ut ne cui alteri hujus rei gratiam deberent sperabat tamen quæ usquè Reginæ apud Gastonem autoritas, atque fides fuerat, hanc facile effecturam, ut ne ab suis consiliis, ac rationibus discederet.

Sed ubi in Regiam habendo de republicâ Consilio venit, hujusmodi incidit res, quæ Gondio exagitandi, ac denique pellendi Mazarini maximam facultatem dedit. Nam ubi hic Gastonem docere vult de Gondii, ac Belfortii ambiosis consiliis, quæ uti sibi feliciter eveniant, nihil pensâ habere perturbare omnia, & eò deducere, quò pridem summo cum rei publicæ periculo domi, forisque fuerint, postremò & quoddam ex Senatu eodém intendere ait, neque multum abesse ab Britannorum consiliis, qui per Administri latus ipsum Carolum Regem petierint: se quidem illos tùm ab re publicâ amotum velle, cæterum nec Gastoni fortè, nec Reginæ ipsi posthac æquiores fore. Inter hæc Fairfax, & Cromwelli nominibus illos omnes appellasse quidam dictitavere, sceleratissimorum videlicet hominum, quos reginæ cædis in Britannia per juris speciem patratae autores fuisse aiunt: eò denique evasit Mazarinus, uti se quod novisset, nihil commeritum diceret, quo Gastonis gratiâ, atque benevolentia indignior quàm antehac haberetur, qui si porro æquus esse vellet, nihil se ab cæteris quibusvis pertimescere, quò minùs porro utilem Regi, Reginæ matri, atque rei publicæ navet operam.

Ubi Gasto domum redierat, quæ in Consilio Mazarinus dixerat, ea Gondio narravit ordine, qui oblatam occasionem eorum quæ ille in Patres jactaverat, haud prætermittendam ratus, Gastoni persuadet, ut hæc Senatui ab se patefacta velit, quem in Mazarinum jam ita accendere facile sit, ut nisi eo non Aulâ modò, sed & Regni finibus pulso nusquàm conquiescat. Postquàm isthuc Gastoni satis placuit, porro ut ne huic integrum esset ab suâ de Mazarino pellendo sententiâ discedere, Castronovanum Procancellarium, Neovillam Villaregium Equitum Tribunalium, ac Regis pueritiæ Moderatorem, & Telhierum Quatuorvirum accersendos ait, qui ubi adfuere, iis Gasto mandavit uti verbis suis Reginæ nuntiarent, sese nusquàm in Regiam, nedùm in Consilium iturum quamdiù eò adesset Mazarinus, in quem nonnulla atrocità dixit, dein conversus ad Villaregium sese sicuti Regi in omni Regno per hujus pueritiâ Legatum jubere, ut hujus porro curam gereret, atque hunc diligenter custodiret, in quo si esset offensum, id sciret capitis sui periculo factum iri. Id eo dicebatur, ut ne Rex abduceretur Urbe, nam multa simul, atque ingentiâ Gondius molebatur. Castronovanus, atque alii mollire Gastonis animum, & ab hujusmodi consiliis deterrere velle, quod cum frustra fecissent, ad Reginam iere, uti quæ Gasto jusserat, ea renuntiarent, sed eadem hæc Castronovanus huic prædicere potuerat, qui videlicet de omni hac in Mazarinum fabricâ Gastoni, Rohanæ Mombasônæ, atque Gondio conscius esset,

1651.

Interea Mazarinus vix quidquam aut mitigando Gastonis ab Gondio in se concitato animo, aut quo adversum hunc satis munitus foret, reperiēbat. Jam de emittendis custodiā viris Principibus consilium ceperat, sed uti satis spatii esset dubitabat, ad hanc rem, ita ut sibi saluti foret, conficiendam, quam si invitus facere videretur, nullā in gratiā habituri essent: dein aegrē adducebatur, ut hos dimitti vellet, ac ne id quidem satis placebat Gondio, qui hos modò ad Urbem adductos, & in potestate Gastonis esse voluisset. Ita solertiā, atque astutiā ambo inter se decertabant, sed disparibus opibus Mazarinus, qui haud satis caverat, uti Gasto in cujuscvis alterius, quàm in Gondii potestate esset, qui preterea Senatu, Populoque quàm æquissimis utebatur.

Igitur omnibus modis Mazarinus prolatare, ac producere Principum virorum negotium constituit: se se usquē percupidum esse dixerat horum custodiā emittendorum, sed obstare Gastonem, cujus injussu rem tantam facere nequiret: nam id Gramontio nuper responderat postulanti ut ne diutius Condaum in custodiā esse vellet, qui subito ad Gastonem ierat, dixeratque in hujus manu esse, uti viri Principes emitterentur custodiā, quando ab Reginā nihil moræ esset, id sibi dixisse Mazarinum, ut hujus animum pernosceret. Ibi verò Gasto in se item quidquam moræ esse negaverat, jussitque Gramontium ad Reginam adire, atque id ipsi suis verbis dicere, quod post paulò Gasto in Consilio confirmaverat, objurgaveratque eā de re Mazarinum, sicuti diuturnioris virorum Principum custodiæ invidiam in se rejicere vellet. Tūc hic Reginæ autor fuerat, uti Gramontium ad Gratiae - portum mitteret, ac simul Lionnum, cum quibus unā Goulasius Gastonis Scriba proficisceretur, dein is ipse huic rei moram attulerat, opperiens quid res, aut tempus adferret: postremò ubi id procellosum ex Gastonis iracundiā esse sensit, tum demum Gramontium ad Principes viros ire jubet, tantaque ejus in eo negotio aut properantia, aut astutia fuit, uti quas iis ferret conditiones, nullas dedit, pollicitus eas se continuò missurum: nam nonnulla huic spes reliqua erat per Reginā cum Gastone colloquium hujus animum flectendi, & ab Gondii consiliis avertendi.

Igitur Reginam impulit, uti Castronovanum, Villaregium, & Tellerum iterum ad Gastonem ire juberet, oratum ut in Regiam venire ne gravaretur, daretque id rei publicæ, uti de hac secum necessario maximè tempore Regina consultare posset. Sed Gondius talem Gastonis cum Reginā collocationem metuens ante providerat, ut ne ad hanc adduci se sineret. Itaque Castronovanus Reginæ perindè esse ait, si Gasto veniret in Regiam, aut hic eam ad se venire vellet, quæ nihil rei publicæ, aut concordiæ causā abnuat: sed ne id quidem tūc Gastoni satis placuit. Venēre ad hunc eādem de causā Cæsar Vindocinus, & Carolus Ellebovius, qui nihil magis ab eo impetravēre. Cū tamen Gasto si Regina ultrò veniret ad se, vix colloquium effugere posse probè intelligeret, Belfortium, & Gondium accersit, ex quorum planè voluntate

luntate cum illâ ageret. Sed hæc consilium mutaverat, quod ob optatum, & nobilium in Regiâ contrâ quàm Mazarinus speraverat, frequentiam factum aiebant. In Reginæ vultu, atque oratione magna firmitas, securitasque erat, nequedum ad Senatum mittere visum Diploma, quod de viris Principibus emittendis custodiâ perscriptum fuerat, missæ modò litteræ sunt, quibus ei rei mora adferebatur.

Intereâ Gondius qui in pellendo Aulâ Mazarino omnem spem positam habebat, idque sibi maximè faciendum decreverat, in Senatum III. Non. Februarius venit, atque ubi Patres docuit Gastonem in suâ de viris Principibus sententiâ perseverare, quæ Mazarinus cum Gastone colloquendo Reginâ coràm dixerat, ea Patribus narravit. *Hoc Regis potentiam imminutam velle, neque ab Britannorum consiliis longè abesse, sibi quidem primum insensos, sed nec Gastoni, neque Reginæ ipsi equiores futuros. Istæc Gastonem falsa esse respondisse, neque in Senatu, aut Urbe quemquam esse alienum ab eâ quam Regi debeat fidē, ac suam ea de re lubentem interpositurum: qui Mazarinum oderint, eos non Regem odisse, adversum quem omnium summa caritas cum summa veneratione conjuncta sit: parceret igitur quod ad se unum pertineret, id cum Rege communicare velle, & tenerum huius animi injustissimo in suos odio imbuere, quod hospite, atque advena in Gallie perniciem nato dignum esset: dein quæ Gasto ab Castronovo, Villaregio, ac Telliero Reginæ nuntiari jusserrat, Senatum edocet.*

Ad hæc immane quantum cuncti exarserint, uti jam nemo omnium esset, quin pellendum Aulâ, regnoque Mazarinum dubitaret: durius sentire quidam, conjiciendum in carcerem, alii trahendum in Senatum, uti de omni re publicâ ab se gestâ rationem redderet, postremò Senatus censuit, uti de hoc amovendo Reginæ mox supplicaretur, sicuti postea videbimus. Post paulò Gasto in Senatum venit, quem ubi est ingressus, subito nuntiatur adesse Rhodium in vestibulo Curix, qui uti sibi ab Rege litteras Senatui reddere copia sit, postulet. Continuo exclamavere plerique, neque accipiundas, neque recitandas litteras, neque Rhodio potestatem faciendam: nuper decretum fuisse, ut ne hujusmodi litteræ ubi quid consultari cceptum esset, acciperentur, quæ conturbandis modò rebus scribantur, neque has aliâ causâ ab Mazario missas. Contrâ Molæus, paucique alii nitebantur, tantusque fuit altercantium rumor, uti res propiùs tumultum esset.

Gastonis modò præsentia Molæum attinuit, ut ne confurgeret, abcederetque, tanta Juniorum de persequendo negotio, sententiis dicendis, rejiciendisque litteris pertinacia erat, remque postremò tenuissent, ni Gasto moderandos Juvenum animos, atque ad se quidpiam attinere ratus, ut ne omnis Majestatis verecundia eorum mentibus excideret, & accipiundas, & recitandas litteras, & Senatum Rhodio dandum censuisset. Dein ubi hæc recitæ, censuit item morem gerendum Regi, atque sicuti præcipiebat, mittendos qui audirent ea quæ vellet, juberetque: sed intereâ autor fuit, ut ne Senatus Curia egrederetur, operiens tametsi otiosus quid huic Rex nuntiari vellet, eo pacto & Re-

1651.

gi, & officio satisfacturos: hæc sententia plena singularis prudentiæ visa, atque in eam omnes discessere. Missi exemplis Molæus, atque alii Præfides, & Consiliiarii ex Classibus, qui post meridiem modò rediêre.

Tùm Molæus sibi, atque aliis ab Castronovano Procancellario Regis, ac Reginæ verbis dictum ait, *Hanc reservasse quædam ab Gondio de Mazarino perperam, & falsè Senatui renuntiata, quo in hunc Patrum animos commoveret: ceterum Mazarinum nihil aliud in Consilio nuper dixisse, quàm quosdam ex eo Ordine non sibi modò, sed & regiæ potentiæ insensos, cui sæpius modum facere velint, & qui postquàm se ab republica amoverint, ne Gastoni quidem, atque Reginæ ipsi satis æqui futuri sint: si quid præterea Senatui renuntiatum sit, mera ad constandam Mazarino invidiam Gondii commenta fuisse: dein Gastonem Reginæ significasse posthàc se regio Consilio non adfuturum, neque omnino in Regiam venturum, quamdiù Mazarinus in ea foret. Id eo gravius Reginæ esse, quod ipsa sibi conscia sit, cum Gastone quàm amicissimè, & summa cum fide egisse, neque hunc quidquam de omni republica celasse. Quod cum ita sit, nihil arbitrari causæ esse, quamobrem Gasto dissidium inter se, atque illam esse Senatui, populoque ostentare velit, quod ab Gondio machinatum Regina non dubitet, cui Gasto nimium fidei habeat. De viris Principibus emittendis custodia se cum eo sentire: sed id ut ex rei publicæ commodo fiat, atque alia omnia gerantur, necesse esse Gastonem in Consilium regium redire, neque ab se dissidere, quod omnibus precibus ab eo postulet. Postremò Molæus ait Castronovanum eadem sibi perscripta tradidisse, si quid fortè memoriæ vitio in dicendo prætermisisset, dein hæc paucis Reginam ipsam confirmasse, atque dixisse sibi non esse consilium Regem filium Urbe abducere, sed contrà si abesset, hunc se eà tempestate reducuturam.*

Secundùm hæc Lomenius Brienna unus ex Quatuorviris ait Gastoni, Reginam impensius orare, ut ad se venire velit, hujusmodi res tunc cum maximè agi, de quibus hoc consulto opus sit. Gasto priusquàm respondeat recitandum id esse ait, quod Castronovanus Molæo scripto tradiderit, qui nihil aliud esse quàm quod ipse jam dixerat satis sciens, Gastonem orare, atque obtestari institit, ut ad Reginam ire vellet, donec fatigatus, ac propè victus Molæi oratione, & precibus, postremò quod Senatus sibi autor esset, id se facturum recepit, neque recusare se, quin ad Reginam adeat, & reverentiâ, & obsequio, & studio, atque officio adductum, sed impediri metu, cuius causa sit: pergentem nihilo segnius de eà re Molæum, Belfortius interpellat, rogans an id satis tuto Gasto facere posset? ille affirmat posse, adjecitque Senatui fidem daturum: ad hanc vocem fit ab Junioribus clamor, ut qui ab Molæo dissentirent, neque eo deterritus est ab orando, obsecrandoque Gastone, ut in Regiam ire vellet, homo summâ gravitate, atque constantiâ, qui in Reginâ, atque Gastonis colloquio, ac concordia rei publicæ salutem positam præclare intelligeret.

Sed qui id omni ope prohibere volebat Gondius, is Gastonem om-

nem eam rem Senatui permisisse ait, ex cujus sententiâ quid sibi faciendum foret, constitueret: hanc non unius, aut alterius, sed universi Ordinis esse, eo exquirendas singulorum sententias videri. Iterum fit ab Junioribus clamor cum Gondio sentientibus, quo Molæus ubi se videt cogi denique, uti sententias rogaret, prius tamen quod Castro-novanus sibi scripto tradiderat, id recitandum curat, quod antehac ab-nuerat: sed tum nihil occurrit aliud, quo tempus tereret, moramque rogandis sententiis adferret. At Gasto scripto recitato Briennæ ita lo-cutus est, uti cui in Regiam ire consilium non esset. Dein Patribus ait: *Initium similitatis secum exercendæ Mazarinum fecisse, ex eo quod ante annum Aquitanici tumultus sedandi causa Aquitaniam Spernonio abrogandum censuerat: autem similitatem ex eadem sua ubi Rex protectionem in Aquita-niam adornabat sententia, quoniam eò copias abduci, nudar.que Regni fines rei publicæ damno futurum providebat: dein quod ubi bellum in Aquitania geri cep-tum fuerat, id conditionibus componi, quàm Burdigalensium excidio confici ma-luerat, uti copię in fines Belgium versus subitò redirent: præterea quod viros Principes Gratiaeporum abduci iuvitum fuerat: postremo quod & Senatum, & Gondium, & Belfortium, Mazarino permittere noluera, prædicanti extra se unum omnes ceteros qui sibi inimici forent, facile peñum daturum: sed se unum ab Italici hominis fraude fore immunem quis dare fidem audeat? cui adeò sese baud recte commissurum sentiat.*

Hanc Gastonis orationem Juniorum clamor est consecutus, senten-tias rogari iubentium. Molæus igitur Cognitorem, atque Aëtores reg-ios si quid in rem præsentem Senatui dicendum habeant, proloqui ju-bet: ibi Talonus Aëtor regius neminem ait ambigere posse quin Ma-zarinus facessere debeat: de colloquio verò, atque Gastonis cum Re-ginâ concordia multis disseruit, docuitque in eâ rei publicæ salutem positam, atque adeò Gastonem obsecravit, atque obtestatus est, uti de eâ re omnium bonorum, atque ipsius quæ ejus fidem impleret rei pu-blicæ precibus exorari se sineret, parceretque hanc onerare miseris, quas ex Reginâ, atque hujus discordiâ eventuras cuncti provideant. Hæc magna vi, atque eloquentiâ dicta commovere Gastonis animum suapte naturâ ad bonum, quàm ad malum flecti faciliorem. Sed hunc obfirmaverat Gondius, præterea Margarita uxor, atque ex priori uxore Anna Maria Ludovica filia, quas in Curia adfuisse in his quas lu-cernas vocant locis fama fuit.

Ambæ Mazarino insensæ erant, quod alteri Regem unam ex filia-bus suis, alteri hanc ipsam uxorem ducturum scorsim promiserat, quo fiebat, ut alterutram fallere necesse esset: hæc igitur in curia adfuere, uti Gastoni pudor esset, quæ domi receperat, ea in Senatu mutare. Ta-men ubi hominis animum Taloni oratione commotum Molæus sen-sit, non omisit orare, atque obsecrare, uti cum Reginâ colloqui vel-let. Sed non est ausus Gasto ab sententiâ discedere, cum uxor, & filia, Gondius, Belfortius, atque alii testes adessent, quibus cautio fuerat, ut ne homo hunc, illuc impelli facilis ad tale colloquium cum Reginâ

1651.

habendum adduci se sineret, scilicet qui probè meminissent quo pacto nuper de viris Principibus Gratiæ-portum abducendis Regina concessisset.

Itaque Molæus omni spe de colloquio abjectâ rogare sententias cœpit: hæc acerbæ propè omnes in Mazarinum fuere, biduum dicendis consumptum, ac denique in Gastonis sententiam factum Senatus consultum est, ut ab Regina litteræ postularentur, quibus Rex juberet Principes viros carcere emitti, præterea Diploma, quo hos extrâ noxam esse ediceret, postremò uti Mazarinum amoveret. Ad Reginam ière eâ gratiâ Cognitor, atque Actores regii, quibus illa respondit, *De Principibus viris carcere emittendis se cum Senatu sentire, at cavendum videri, ut id sine rei publicæ detrimento fiat, cæterum in hac administranda cujus consilio, atque opera utatur, suum judicium esse, quæ Regis filii per ejus pueritiam vices gerat, neque eam rem ad Senatum quidquam attinere: quamdiu vigetur Mazarini opera bona, fidelisque Regi, atque rei publicæ foret, haud recte se hunc amovere posse.*

Hæc ubi Senatui postridiè renuntiata, magnus est coortus rumor, indignantium rem tantam Cognitori modò, & Actoribus regiiis mandata, quam ab ipso Molæo, atque aliis ex Senatu factam oportuerit: corruptum fuisse quod Senatus decrevisset, Molæumque graviùs objurabant, sicuti ex Aulae, & Mazarini voluntate moram iis negotiis adferret: viros Principes Senatùs decreto absolvendos, quarendum in Mazarinum, ab quo tanta in rem publicam orta damna, & in Senatum injuriæ sint, neque prius est sedatus rumor, quàm advertère animum plerique, Gastonem quidpiam dicere conari, quod factò denique silentio fuit hujusmodi.

Tam se Majestatis reum in Regiâ haberi, quod Mazarinum amoveri, & Principes viros emitti carcere unâ cum Senatu æquum censeat. Quis equitibus, & pedibus præsum, eos ad se venire, ac sibi dicto audientes esse prohibitos, ad quem quidquid domi, forisque belli gerendum, aut sustinendum sit, ex Ludovici XIII. fratris Edicto, & Senatùs Decreto pertineat. Idem Mercatorum Præfecto vetuum. Mazarinum Regina gratiâ fretum regnare, huic ab omnibus, ab Senatu, atque ab se ipso serviundum, aut ab Regina discordandum. Apud Palliarum Mazarini clientem convenire complures cum nobiles, tum militares viros, qui huic Regis sub nomine sacramento dicant, scriptoque operam polliceantur. a Isaboni, & Ruignii qui Mazarino studeant, cohortes in Urbe esse: hunc ad suas partes unum quemque pertrahere, quem aut manu promptum, aut aliqua apud milites fide esse noverit: præterea è prima nobilitate, permultos, qui huic antebac adversi fuerint, præmiis, donisque, cujus rei ex arario maxima ipsi copia sit, corruptos, item pactionibus provinciarum, aut oppidorum, & arcium, quibus præficiantur, aut Sacerdotiorum, aut aliarum rerum: quæ omnia uni Reges antebac bonè de re publica meritis dono dare consueverant, Mazarinus autem ab hujus principatùs initio venum dederit, at tunc operam adversum se Regis Patrum, atque adversum Senatum pollicentibus longe peioris mercede, quàm pecunia, tamen sicuti dono det, omnium rerum in Regiâ, atque in re publica arbitret.

4 Le Comte de l'Islebonne, fils du Duc d'Elbeuf.
De Ruigny.

Continuò clamitare juniores, ac Mercatorum Præfectum vocari jubere: obstabat Moleus, aut tergiversabatur: sed tantâ contentione est ab iis actum, uti postremo Senatus verbis hunc accersi oportuerit. Interea sententiæ rogari cœptæ, quæ sicuti duriores de absolvendis viris Principibus absque regio Diplomate, atque atrociores quàm antehac in Mazarinum ab universis per tumultum jactatæ fuerant, ita ab singulis haud minùs acerbæ tùm dictæ sunt. Sed cuncti Gastonis auctoritatem denique secuti, qui priori decreto standum censuit, in hujus sententiam discessere: additum modò, ut huic, quod & rei publicæ, & Senatui juxtâ consultum vellet, gratiæ agerentur, Molæus, atque alii de more ad Regem, atque Reginam matrem adirent, certiores facturi quid Senatus sentiret. Id tunc cum maximè fieri placebat, sed Molæus uti dici tempus erat, vereri se ait, ut ne ad meditandam orationem satis hujus superesset: ita res in crastinum dilata, ac sic denique palàm fuit, hunc quid postridiè futurum esset, Regiæ conscium fuisse.

Ante biduum plerique nobiles qui ad Urbem erant Mazarino infensi, quod quæ sibi singuli expetiverant, ea ex sententiâ non erant adepti, apud Carolum a Vctusvillam Marchionem frequentes conveniant: hunc quem summam Quæsturam expetisse supra memoravimus, ex repulsâ dolor accendebat, uti res novas cuperet, atque alium alia impellebat causa, more hominum, ac maximè nostratium, queis suæ res nunquam satis placuere. Fuere qui ita existimarent Gondium iis autorem fuisse, uti convenirent, atque unâ quid optimum factu esset, consultarent. *Mazarinum ipsi æquè, ac Senatui hostem esse: si de hoc pellendo cum Gastone, & Senatu, præterea de viris Principibus emitendis custodia consentirent, rem publicam incolumem, atque florentem tot virorum Principum virtute fultam, singulis sua præmia fore.* Igitur hi Gastonis partes sequi decrevere, quod ubi Regina rescivit, atque alia multa Gondium agitare, metuens uti Regem filium Gasto habere vellet in potestate, aut Mazarinum comprehendere in ipsâ Regiâ, centurias sex, præter eas quæ ad Regiæ fores in statione esse solent, accersi jussit.

a Le Marquis
de la Vicu-
ville.

Sed Gasto miserat ad Spermonium, & Schombergium quorum alter omnibus Gallis, alter omnibus Helvetiis peditibus præest, qui suis verbis juberet, eos sibi dicto audientes esse, cui videlicet toto in regno per Regis pueritiam res omnis militaris esset permissa: sed hi se Gastoni quæ æquum esset, ea obsecuturos, cæterum Regi, atque Regiæ matri sicuti debeant, fideles fore respondere. Eo Gasto apud Senatum exposulaverat multos abnuere imperia sua, atque parere Mazarino, graviterque se ferre ostenderat, quod Regina Mercatorum Præfectum ad eum adire injussu suo vetuerat: sed Patres uti Gastoni morem gererent, decrevere uti cuncti quibus aliqua rei militaris cura esset, quin & ipse Mercatorum Præfectus, cui & hæc cura in Urbe sit, Tribuni, centurionesque urbanæ militiæ Gastoni dicto audientes essent, neque quod ad bellum attineret quidquam, nisi hujus voluntate fieret. Secundum hæc gratiæ ab Molæo Senatus verbis actæ Gastoni,

1651.

quod tam egregiè rem publicam capesseret, viris Principibus emittendis custodiâ studeret, atque huic Ordini sese amicissimum ostenderet. Quod quidem apud Gastonis ædes factum iri Senatus decreverat, sed is ut eâ causâ ad se mitterent, nihil opus esse dixerat, cui nota esset optima ergâ se Senatûs voluntas. Ita Molæus in ipsâ Curiâ hoc officio extemplò functus est : cui Gasto benignè, atque comiter respondit, perpetuam huic Ordini amicitiam, fidem, & gratiam pollicitus.

Eâ ipsâ die quâ hæc in Senatu agebantur, qui apud Vetustillam convenerant ante biduum Nobiles, ù apud Nemorosum iterum convenère, atque eundem hunc Vetustillam, & Carolum a Escobellum Surdium Marchionem, qui sibi sicut in Regni Comitibus fieri solet, præfessent (Præfides appellant) delegere. Fucrat & Surdio per Richelii tempora habendæ summæ Quæsturæ studium ingens, quamobrem huic sese haud satis dignam in re ipsius familiari procurandâ operam dederat. Sed Nobiles negotium dedere Comiti b Flisco, è Fliscorum apud Genuensēs gentē, Fiescum apud nos hunc appellant, ut ad Episcopos, aliosque ex Ordine Ecclesiastico, qui multi ad Urbem erant, atque voluntate Regis Ordinis sui Comitâ habebant, adiret, atque his quid Nobilibus esset consilii, aperiret, postulareque ut utrumque Ordinem de viris Principibus emittendis custodiâ conjunctum vellent, atque in eo Gastonis auctoritatem sequerentur.

Postquam Gasto exierat Curiâ, Castronovanus ad eum venit, conatusque porrò est huic persuadere, uti se ad colloquium quod Regina tantoperè flagitabat, adduci denique siceret. *Quod id se satis tutè facere posse neget, nihil esse, neque quemquam omnium fallere, id ab eo adsimulari: si æqua in colloquio Regina possulet, an hunc vereri, ut iis assentiendum sit? certè quæ non fuerint ejusmodi, ea abnuere in ejus potestate futurum.* Sed is sibi diffidens porrò colloquium effugit, atque Castronovanum dimisit, qui abiens rogare ait Reginam, uti postridiè ne maturaret in Curiam ire, intereâ loci quidpiam fortè eventurum, quo ipsi Reginam morem gerere, ac satisfacere velle cognoscat.

Castronovanum, atque Rohanam Mombasonam, inter quos mirificè convenire suprâ diximus, Mazarino auctores fuisse ferunt, uti temporì cederet, atque ab Aulâ tantisper abscederet. *Id ubi factum foret, Gastonem ultrâ ad Reginam venturum, brevique inter eos, quæ homini facilitas sit, omnia conventura: quod si uti sperarent, eveniret, melius dubio procul futurum, uti Mazarinus cum bonâ Gastonis gratiâ in Aulam mox redeat, quàm tunc cum malâ, summoque & suo, & rei publicæ periculo manere conetur: nam & Gastonem, & Senatûs nihil omnium prætermitturos, quo illum abire cogant, ac Senatûs Decretis spem omnem reditûs præciant, quin & fortasse tristiora decreturos: ac si sponte ipse discedat quieturos: sin Regina de ejus reditu ab Gastone impetrare nequeat, illius in manu fore, Regem filium Urbē abducere, & quò ipsa voluerit commorari, atque eò ipsum accersere, qui in Aulâ tum tutè versetur, intereâ dum hæc turbæ ad Urbem silescant.*

Probatum id consilium Mazarino, quando rectius nihil occurrebat,

a Le Marquis
de Sourdis
d'Escou-
bleau.

b Le Comte
de Fiesque.

ac tametsi intelligeret fraudem, tamen id æqui, bonique se consulere simulavit, nam ita ipsi tempus erat, uti cum nemine inimicitias exercere vellet: sed hæc ab Castronovano, atque Rohanâ Mombasônâ dicta parvi pendebat, Reginæ animus erga se ut esset, satis certus, quod ipsi multo maximum erat. Igitur cum hæc diù, multumque collocutus, & constitutâ in proximam noctem profectioe discedit: dein ubi hujus tempus advenit, rursus ad Reginam adiit, paucisque verbis, *Quando inquit, bonum exemplo; quorum opera Regibus fortis, fidelisque fuit, multorum irrididâ, atque odio premor, atque hi Gastonem Regis patrum impulere, uti se consilii quæ de re publicâ habentur, adfuturum neget, si his me Regina porro adesse velit, pacis, & concordia causa quæ in regâ familiâ perpetua esse debet, discedo lubens: sed quod terrarum agitare contigerit, neque operæ, neque fortunis, neque vitæ ipsi parcere certum est, quo erga te Regina, Regemque filium, & Galliam memorem me, & gratum præstem.* Ad hæc Regina benignè, ac breviter respondit, quæ ejus in Regem filium, atque in se, Galliamque merita sint, ea nullam oblivionem ex animo suo deleturam, dein valere jussit: hæc palam, ac publicè inter ambos commutata verba, nam antehac secretò convenerat, quid utrimque agendum esset, & quo pacto alter alterius de singulis rebus sententiam mox perosceret. De secundâ vigiliâ per Regiæ posticum Mazarinus tribus omninò comitantibus egressus ad Urbis quæ proxima est, portam pervenit, dein Germanifanum contendit: qui abeuntem prosequerentur amici haud procul opperiebantur, eo numero, qui rarò iis adesse solet, quibus spes omnis gratiæ, atque potentiaæ adempta est.

Postridiè manè Lomenius Brienna ad Gastonem venit, nuntiatum abcessisse Mazarinum, id illi Reginam obsecutam, ut ne obstaret amplius quidquam, quo minùs ad eam veniret de re publicâ sicuti necesse videatur, consultatum: dein Gasto iit in Curiam, narravitque id Patribus, addiditque quid super eo discessu porro faciendum esset, consultandum videri: nam Mazarinum haud longius Germanifano abesse, complures è primâ nobilitate abeuntem proscutos, atque etiam tùm cum eo esse, quæ omnia dolum, ac fraudem ostendent. Juniores continuo exclamant, pellendum finibus hominem, hostem judicandum, ut ne usquàm redeat, providendum, postremò dicendas sententias esse. Molæus sicuti antehac Gastonem hortari, ut ad Reginam adire velit, Pulso Mazarino quod Regina honoris ejus causa fecerit, cætera hujus autoritatis prona esse, ab hoc congressu pendere domi, forisque pacem, quam quovis pretio comparasse neminem usquàm perituit. Sed oblitreabant huic juniores, Scnatûsque decretum faciendum clamitabant hujus exemplo, quod anno CIO. LCC. XVII. factum fuerat. Cogneuxius Præfex eadem ferme quæ Molæus aiebat, *Rem magnam ab Regina factam, gratias magis agendas videri, quam decernendum quidquam: ex hujus cum Gastone colloquio cætera speranda.*

Tanta erat inter eos qui de colloquio, aut secùs sentirent, altercatio, aut contentio, uti res propius tumultum esset, postremò sententias rō-

1651.

gare coactus est Molæus, quæ nusquam acerbius dictæ in Mazarinum sunt. More hominum, qui quos in proclivi esse sensere, eos lubentes uti præcipitent, impellunt. Quidam omnes extraneos regno pellendos, quidam ab re omni publicâ, alii ab Consilio regio modò arcendos censebant, idem alii de Cardinalibus, aut omnino de Ecclesiasticis, alii ut ne Regibus sese, atque adeò rem publicam uni permittere fas esset. Sed tantos impetus inlubuit Gasto, censuitque de Mazarino pulso gratias Reginæ agendas: ut illum Regni finibus abscedere, viros Principes carcere emitti jubeat, huic supplicandum, eâ gratiâ quæ scribi, aut fieri opus sit, ea uti statim fiant, Diploma ad Senatum mittat, quo extraneos omnes, tametsi civitate donatos, & qui alteri quàm Regi jurejurando fidem obligaverint, in Consilium regium admitti non posse Rex edicat: in hanc sententiam Senatus decretum fit, Molæus, alique ad Reginam hæc adferentes adeunt.

Ubi quæ ab Senatu jussi fuerant, exposuere, Regina ait se Castro-novanum Procancellarium opperiri, quem ad Gastonem miserit oratum denuò, ut ad se venire vellet, aut se ad eum venire pateretur. Sed is utrumque abnuerat, donec Regina cognitis iis quæ Senatus de Mazarino, & viris Principibus censuerat, huic morem gerere vellet, ac de his emittendis custodiâ Gratia-portum litteræ regiæ missæ forent. Quo nuntiato Regina Molæo, atque aliis qui ex Senatu aderant, *Quando inquit, in re tanta Gasto juvare me consilio gravatur, alios me consulere æquum est, scilicet Proceres Regni qui ad Urbem sunt, hi ubi quid sentiant, rescivero, tum Senatui quid Rex velit, jubeatque edicam.*

Continuò vocati sunt, Regni Proceres sunt, viri videlicet Principes, Duces, Franciæ Pares, Equitum Tribuni, quos Franciæ Marescallos appellant: hi Reginæ cum his quos in consilium de re publicâ adhibere solet, præsto fuere, qui omnes Gastonem orandum, ut in Regiam veniret cum Reginâ consultatum, atque exorandum si quâ fieri posset, censuere. Ière eâ gratiâ ad eum Vindocinus, Ellebovius, Spiernonius, atque alii, qui tametsi multa, eaque gravia adferrent, quamobrem Reginæ id obsequi deberet, neque ipse planè alienus ab hâc sententiâ videretur, qui videlicet quod optimum factum esset satis intelligeret, tamen uxoris, & filiar, præterea Gondii qui obstabant, neque ab ejus latere usquam discedebant, verecundiâ, in primâ sententiâ persistit. Animi nutantis, atque incerti indicium fuit, quod Ellebovio urgenti acrius, ut exorari se sineret, rationesque in eam rem gravissimas adducenti, more hominum qui se omnibus rebus circumclusos sentiunt, nec quâ evadant satis sciunt, succensuit vehementer, hominem objurgans, quod tametsi sua in hunc merita magna essent, præterea affinitas intercederet, tamen ab Mazarini staret partibus, has non ex bono, honestoque, sed ex commodo mutare solitus, levem, inconstantem, transfugam, Mazarini satellitem appellando.

Dum hæc in Aulâ geruntur, Molæus quæ sibi Regina respondisset, ea Senatui renuntiat: sed quoniam Regina cunctari videbatur, accessitque

tasque copias fama erat, ab Mazarino ad Aulam nuntios cursitare, nec quidquam etiamtum nisi ex hujus fieri sententiâ, postquam Juniores more suo multa per tumultum dixerant, exquisitis singulorum sententiis, decretum uti Cognitor, atque Actores regii maturarent ad Reginam ire, emittendisque sicuti Senatus censuerat, custodiâ Principibus viris litteras regias ad Barem postularent, præterea Diploma regium, quo Rex eos extrâ noxam esse ediceret, alterum quo Mazarinus, item propinqui ejus omnes, ac propinquæ Galliarum finibus decedere juberentur, ac tertium denique de extraneis etiam civitate donatis, & qui alteri quàm Regi jurejurando fidem obligassent, regio Consilio arcendis.

Cognitor, atque Actores regii maturè Senatûs jussû exequuntur, Regina partim ipsa per sese, cæterum per Procancellarium respondet, Sibi certum esse viros Principes emittere custodiâ, cupere tamen prius cum Gastone colloqui, ut id ex utriusque sententiâ, atque ex re publicâ fiat: sin colloquium abnuera perirendat, se Procancellarium ad hunc missuram, ac statim postea daturam ad Barem litteras. De Mazarino hunc haudquam reditum abuisse ait, præterea Mancinum sororis filium, ac sororum filias postridiê abituras. Hæc Senatui renuntiata Junioribus haud satis placuere porro suspicantibus Reginam, & Mazarini, & virorum Principum negotio quas posset, adferre moras: & quanquàm Molæus diem hanc modo opperendum suaderet, donec Regina per Procancellarium cum Gastone egisset, tamen Juniorum strepitu factum, uti sententias rogare cogeretur: postremo decretum fit. Quoniam Regina Cognitori, atque Actoribus regis dixerit Mazarinum absque ullâ reditûs spe abuisse, placere ut id ratum, firmumque sit, præterea ut hic, atque omnes propinqui, & clientum qui cives non sint, in diebus proximis quindecim regno, atque omnibus quæ in Regis ditione sint, regionibus abscedant, qui secus laxint, aut quacumque de causâ redierint, in eos jure agatur, atque interea multitudini per urbes, atque agros, ut eos invadat, copiam fore.

De viris Principibus actum inter Gastonem, & Procancellarium, dataque ab Rege, & Gastone ad Barem litteræ, ut hos dimitteret, atque eâ causâ ad Gratia-portum profecti Phelipæus Vriliæra unus ex Quatuorviris, præterea Rupifocaldus, Arnaldus, & Viola Condæi clientes: Vriliæra conditiones de quibus cum Gastone, & Condæi clientibus convenerat, laturus erat, quas Condæus, Contiûs, & Longavilla acciperent. At Mazarinus uti suam adhuc & gratiam, & potentiam ostentaret, cum trecentorum equitum præsidio, magnoque nobilium comitatu iter per Normanniam habebat, quo Vriliæram, atque alios anteiret, viros Principes custodiâ emissurus: quod quanquàm ipsi, atque alii omnes hunc invitum facere satis scirent, tamen in posterum id sibi non nihil profuturum existimabat: certè in præsentia argumentum erat, huic cum Regina convenire, neque diutius quàm opus ad sedandos animorum motus foret, absuturum, Gondium ferunt ut hanc illi spem præcideret, Gastonem impellere voluisse, uti Regem in aedes.

1651.

suas abduceret, quo hic cum ipso Gastone in suâ potestate esset, atque adeo rem publicam vice Mazarini administraret: eo rumore sparsisse, Reginam abducturam ab Urbe Regem filium, quo illi invidiam conflaret, Senatuque, ac Populo persuaderet rectius hunc apud Gastonem futurum. Ut huic consilio Regina occurreret, optimum factum iudicavit Mercatorum Præfectum accersere, cui dejeravit persanctè nihil ab se initum consilii de abducendo ab Urbe Rege filio, atque ut id certius esset omnibus, sibi probari ait, ut ad portas Urbis custodiæ agerentur, non ab multitudine imperitâ, quam id temporis armatam esse periculosum foret, sed ab bonis civibus, ac maximè patribus familias, quibus res publica curæ sit: quidam id Rohanam Mombasonam, & Castronovanum Reginæ autores fuisse aiebant, ut ne posthac Regem filium ex voluntate Mazarini abducere possent.

Sed hic interea multum itineris ad Gratia-portum anteceperat: quod ubi advenit, arcem ingressus Reginæ verbis Condæo, Contio, & Longavillæ rem lætissimam nuntiat, scilicet hanc eos emissos custodiâ velle, dein cibum capiunt unâ, paucisque commutatis inter se verbis Condæus, atque alii conscendunt rhedam, atque ita ab Mazarino discedunt, uti qui se magnam huic de liberatione suâ gratiam debere minimè crederent, tametsi primus ipsis objicere tantum gaudium studuisset. Post paulò in Vrilièram, ac cæteros qui unâ veniebant, incidere, qui admirati se quod facere jussi erant, alterius diligentia præventos, tamen re ipsâ quoquo modo facta esset, læti Condæo, atque aliis gratulantur. Fuere qui Mazarinum festinasse nimum, atque in eo offendifse dictarent: nam Vrilièram Condæo ferre debuisset de re publicâ conditiones, quas liberationis suæ studio cupidissimè accepturus fuerat. Sed eventus docuit, id vix satis utile futurum fuisse, neque quemquam quæ data sit in vinculis fides, eâ se teneri credere. Regina planè invita Vrilièram miserat ad Principes viros eximendos custodiâ, cum quo Rupifocaldus, atque alii ierant: sed clâm scripserat ad Mazarinum, si Principes viros ab Gratia-portu vellet aliò abducere, idque ad rem publicam pertinere iudicaret, per Regem, ac per se licere, quin & Rupifocaldum comprehendere si opus foret, ac denique alia omnia pro re publicâ, ac pro fide suâ agere: at maluit Principes viros dimittere, atque ipse abire, cum eò Gondii operâ, Rohanæ Mombasonæ, atque Castronovani fraude res inclinata esset.

Sed Condæus, atque Contius frater, & Longavilla Lutetiam Parisiorum advenere denique. Obviam prodit ipse Gasto, qui pridè modò in Regiam redierat, & cum Regina collocutus fuerat. Ad hanc primum, Regemque filium viri Principes adiere, dein cum Gastone cœnavere. Aderant & hujus, & Condæi plerique clientes, atque amici, lætique convivium celebrabant, inter quos Belfortius, & Gondius fuere. Ubi plusculum exhibitum est vini, ibi verò Regi primum benè precati Mazarino multis modis maledixere, parem sicuti aiebant, gratiam referentes, qui Rege coram in simili convivio prolixè antehac

Funditoribus maledixisset. Qui res novas in Urbe moliebantur, faciebantve, eos in Aulâ Funditores appellabant, quoniam è plebe pueri ad alveum Sequanæ ubi per ætatem arêscere cœpit, magnaue in eo ut ferè fit, minorum saxorum copia est, fundis inter se decertare solent, ad exemplum eorum virtutem adversariorum per jocum, & contemptum æstimantes. Sed Gasto, atque Condæus posthâc sese Funditoribus duces præbuere, atque inde multa mala in rem publicam orta, quam Gondius pulso Mazarino si posthâc per Gastonis, & Condæi gratiam gesturum est arbitratus. At Senatui longè alia mens erat, huic enim cavendum videbatur, ut ne cuiusquam in Aulâ potentia cresceret, tædebatque hujus quam Richelius pridem, Mazarinus nuper habuerant, quoniam qui gratiâ apud Reges valent, hos sicuti par est, quàm potentissimos volunt, atque id plerumque causâ suâ, quo & ipsi regiâ utantur, aut abutantur potentiâ, præterea Senatum Regis injussu rei publicæ quidquam attingere posse negant, aut alias hujus Ordinis partes esse, quàm uti de vitâ, fortunisque civium quod certè maximum est, causâ cognitâ judicium ferant.

Igitur ubi in Curiam Regis Diploma quo omnes extranei etiam civitate donati ab regio Consilio arcebantur, allatum est, placuit Cardinales singillatim nominari, tametsi cives forent, quoniam Pontifici jusjurandum pollicentur. Sed id planè vanum fuisse videtur, nam Cardinales id Regis voluntate faciunt, neque horum jusjurandum in Regem est, aut in rem publicam: præterea decreto Regem prohibere, ut ne huic, aut illi fidem habeat, neu hujus operâ, aut consilio in re publicâ gerendâ utatur, Senatum quis posse credat? aut quod cæteris hominibus liberum sit, id uni Regi liberum non esse? Sed hæc iniquitate temporum, & partium vitio contracta sicuti pleraque alia, haud postea rata fuere. Gondio ægrè erat arceri ab omnis rei publicæ administratione Cardinales, scilicet qui hunc sibi honorem expetebat, atque se eo fretum ingentia, ac multo majora Richelio, atque Mazarino facturum sperabat: hi enim omnis rei publicæ administrationem sicuti quemdam Magistratum qui unis posthâc Cardinalibus proprius foret, habuisse videbantur. Inter hæc Rex Condæum, Contium, & Longavillam edicit extrâ noxam esse, de qua re Diploma lætissimis Patrum animis promulgatum in Curia, atque in acta Senatûs relatum est.

In Urbe sicuti supra memoravimus, & Ecclesiastici, & Nobiles, quia & ex Ordine plebeio conveniebant certis locis complures, in Comitiorum Regni speciem. Eam rem Gastonis voluntate fieri, atque hujus autorem fuisse Gondium aiebant, qui id usui futurum judicaverat, quo Mazarinus viros Principes custodiâ emittere cogeretur. Sed cùm jam emissi essent, neque Senatui usquàm antehâc Regni Comitia haberi factis placuisset, nec denique fas esse censebat, hujusmodi conventicula Ecclesiasticorum, Nobilium, ac plebeciorum haberi, hæc planè vetuit, sed magis Regina diremit, factâ brevi Ecclesiasticis, atque Nobilibus Comitiorum voluntate Regis habendorum spe, quod tamen frustra fuit.

1651. quoniam ex hujuscemodi Comitibus majores in re publicâ turbæ futuræ videbantur. Fuere tamen in Senatu quibus Nobilium conventus probarentur, Brussello scilicet omnium quæ pessima eâ tempestate in re publicâ fierent, aut auctori, aut fautori acerrimo, atque his qui cum eo sentiebant.

a D'Aubus-
son de la
Fouillade,
Archevesque
d'Embrun.

Patres magnoperè solliciti erant de eo Diplomate, quo Cardinales Consilio regio arcebantur, quoniam nondum ad Senatum mittebatur, nam huic intercesserat Ecclesiasticus Ordo, ac super eâ re gravem ad Regem Georgius a Aubussonus Foliadæus Eberodunensis Archiepiscopus habuerat orationem, docueratque: *Ecclesiasticum Ordinem in Gallia ex tribus quibus Respublica constet, primum esse. Huic injuriam fieri, si qui in eo sint, iis ea necessitudo imponatur, uti Cardinalatum abnuant, aut ab omni re publicâ domi gerendâ procul sint: æquè domi, imò magis quàm foris suam rei publicæ debere operam, neque esse quidquam, quo hanc præstare ubi Cardinales fuerint, prohibeantur. Quod iurjurandum Cardinales Pontifici polliceantur, ad nihil ob stare fidei, quæ Regi, ac patriæ prius obligati sint. De hospitibus, advenisque quod in rem publicam videretur, Rex ediceret, ac Senatus decerneret, cives autem domi ab omni re publica arceri ubi Cardinales creati forent, atque perinde ac peregrinos haberi durum, insolitum, neque satis æquum videri. Quæ obijciuntur Richelieu, ac Mazarino, & quæ in re publica dicantur offendisse, ea nihil ad Cardinalatum quem gesserint pertinuisse, atque eadem fuisse quæ in alios qui gratia apud Reges valuerint, jactata fuissent, tametsi Cardinales non essent. Cæterum Gallo autore Gondio ad quem ea res pertinebat maximè, Senatui dixit Aubussoni orationem Regem, atque Reginam, dein se, atque alios omnes qui Regi aderant in Consilio, permovisse, ut ne de Cardinalibus Gallis, sicuti de peregrinis idem ediceret, ac Ecclesiasticum Ordinem abalienaret.*

Contrà Molæus qui ambitiosis Gondii consiliis adversus erat, Aubussonum ait, plusquàm Ecclesiasticus Ordo in Gallia velle debeat, potuisse: nam tunc Archiepiscopis, Episcopisque, & his qui alia in Gallia sacerdotia obtineant, constare, qui si Cardinales fiant, tum ad Ecclesiasticum Romæ Ordinem pertineant, atque adeò necessarium videri, ut eò se conferant: non usui essent Romanam, Gallicamque ab iisdem administrari, cum diversæ, & quandoque adversæ inter se utriusque rationes sint. Postea vicit ea sententia, quæ Cardinales etiam cives ab regio Consilio amovebat, pristino in Richelium, ac recenti in Mazarinum odio, quo permoti Patres in hanc sententiam Diploma ab Rege flagitare: præterea Gondium eadem moliri sentiebant, ac majora, & intolerabiliora, si Cardinalis foret, remque publicam tractaret, designaturum providebant: postremò Gondio aucto nihil opus esse plerique omnes censabant, ac frustra Mazarinum si is in hujus locum suffectus foret, pulsum arbitrabantur.

Postquàm Mazarinus viros Principes emiserat custodiâ, tantisper apud Gratiaeportum commoratus est, incertus quonam extrâ Regni fines abscederet, neque omni abjectâ spe restitandi quopiam, sicuti apud Sedanum, quod in Regni finibus esse negant, sejunctum videlicet ab his

oppidum. Sed ubi Reginam eâ de re per litteras consuluit, hæc planè omnibus qui in Regis ditione essent, sinibus discedendum rescripsit, metuens videlicet si quopiam restitaret, ut eâ causâ factiosi sibi magis adversarentur, persuaderentque Senatui, ac Populo Regem ad Galtonem petrum abduci debere, quo in hunc omnis rei publicæ cura recideret. Igitur Mazarinus ab Gratiae-portu profectus ad Regni fines iter interdidit, ubique præterquam apud Abbatif-villam benignè, atque honorificè acceptus, hæc una exclusit hominem, coëgitque Phrudim annem aliò scaphis transire, uti Durlanum peteret, cui Bar Præfectus est.

Hic, atque præterea ^a Hocquincurius Equitum Tribunus qui Peronæ, Navailius qui Bapalmæ, Broglius qui Bassiæ, Schulembergus Montejocus qui Fano-Spiritûs Ruæ, ^b Faber qui Sedano, Montacutus qui Rupi Regiæ, Ralla qui Rhetelio Præfecti sunt, omnem operam exhibuere Mazarino, quo hunc in Aulam reducerent, parati eâ causâ copiarum partem deducere præsidii, atque alias conscribere, usque ad decem armatorum millia. Hispani ipsi omnem huic bonorum quæ in Galliâ haberet, jacturam se sarcituros, atque annua centum librarum millia daturis pollicebantur, si ad suas transire partes vellet. Sed hæc omnia abnuisic fertur, qui videlicet in Regiæ benevolentia, cui tam egregiam in re publicâ dederat operam, & in rerum quæ frequens apud nos est, vicissitudine spem redditûs positam habebat. Ubi Sedanum advenit, ibi tantisper commoratus est, periculum faciens utrûm id diutius per inimicos liceret: sed uti longius abiret voluere, moxque his gerendus fuit.

Igitur factâ ab Leopoldo potestate, per Hispanorum in Belgio fines Coloniam Agrippinam proficiscitur, atque haud procul urbe apud Brullum Rus Colonienfis Septemviri nobile agitavit. Quacumque iter habuit nihil honoris in tantum virum prætermisum est, quo palam esset, quanti hunc Hispani facerent. Comitabatur Antonius Pimentellus missus ab Leopoldo, qui tametsi Belgium obtinet, nihil tamen in omni provinciâ nisi consilio, judicioque Fuenfaldanii Comititis facit, hic verò de omni re publicâ maximam habet Pimentello fidem. Eo Mazarinus adductus est, ut huic de Pace inter ambos Reges fanciundâ mentionem injiceret, si fortè tum de hac secum agere Hispani consilium foret: quâ de re ab Pimentello certior factus Fuenfaldanius haud exiguam hujus conficiundæ spem dedit, cujus & ab Hispaniæ Rege facta potestas est, & utrimque per fidos interpretes latæ conditiones sunt.

Sed tum primùm Hispanos spes cepit, fore uti Condæum ad suas adducerent partes, atque ex hujus virtute credere ingentia sibi, sicuti antehac nobis, eventura. Cum his Condæam, atque Turenâ antehac de Principibus viris custodiâ educendis fœdus iniisse diximus, quod ubi factum ex sententiâ esset, hi vicissim per fœderis conditiones daturi operam erant, uti pax inter ambos Reges quàm æquissimis legibus sanciretur. Condæa ubi Condæus, & Contius fratres, atque Longavilla vir ad Urbem redierant, eodem & ipsa Regis, atque Regiæ

^a Le Maréchal d'Hocquincour.
^b De Navaille, Broglie, Schulemberg, de Mont-de-jeu.
^c De Fabier, Montaigne, Le Kalle.

1651.

matris voluntate rediit, cui discedenti Hispani redegere ad memoriam quid ab viris Principibus ex nupero fœdere sibi sperandum existimarent, quod uti præstarent, Condæam non dubitabant effecturam. Sed ad rem pertinebat Hispanos pacis studium simulare, quod ipsa ad Regem, atque Reginam veniens perferret. Id verò tametsi Regina illos planè fingere satis scibat, uti tamen Condææ, Turenæ, atque ipsorum virorum Principum fidem liberaret, ac præterea sponte suâ satis ad pacem propensâ Croissium, cui confidebant maximè, Satenaium mittit, qui de tempore, loco, ac cæteris omnibus, de quibus convenire necesse erat, priusquam de conditionibus pacis ageretur, cum Hispanis colloqueretur.

Sed hi sicut antehac, dixere Croissio Leopoldum cum Gastone absque Pacificatorum operâ agere velle, quod & per Gabrielem Toletanum vicissim Lutetiam Parisiorum missum Reginam Leopoldus edocuit, atque de loco agendæ rei convénit, Peronam inter, & Cameracum, quò Gasto, & cum eo Longavilla, Molæus, ac Servianus ituri erant. Sed Hispani denique ubi se omnibus rebus circumcludi vident, eandem quidem Leopoldo, quàm antehac de pace cum Gastone agendi facultatem esse dixere, sed multa postea evenisse, de quibus sibi consulto Philippo Rege suo opus sit, quamobrem postulare, ut ad hunc mittere quempiam per Galliæ fines liceat. Hæc tergiversatio palàm fecit, nihil Hispanis de pace fanciundâ consilii esse, sed magnam magis in alendis, ac fovendis apud nos turbis spem ipsis sitam: cujus rei gratiâ in Hispaniam mittere vellent.

Quamvis enim Condæa ab his edocta pacis studium ostentaret, quæ adeò domi, forisq; futura videbatur, tamen & ipsa, & Hispani longè aliaolvebant animo, ac pro pace bellum tunc cum maximè movebantur, quod nobis civile simul, & externum foret. Nihilò minùs Regina sibi pacem cordi esse, neque per se stare, quin subitò sanciretur, palàm omnes esse voluit: ita enim rem eò deducebat, uti viris Principibus fidem suam liberare copia esset, quam Hispanis per Condæam, & Turenam de his ad habendam pacem adiutandis dederant, quando illis de hac cum Rege, ac Reginâ agendi copiam fecissent, neque hac uti voluissent. Id Turena præclare intellexit, ubi posthac sibi ab Hispanis discedere, dein Regi operam vel adversum ipsos dare jus, fasque esse credidit.

Post paulò quàm Condæus ad Urbem redierat, Regina quæ invitissima dimiserat Mazarinum, omnem inire decrevit rationem, quâ hic in Aulam quantocyùs redire possêt. Eò Condæum sibi adiungendum satis scibat, cum quo per Annam ^a Gonzagam agere cœpit, atque omnia quæ huic animum explere possent, seie facturam pollicebatur. Ad hæc ille nihil satis certi primum respondit, nequedùm enim tanti quod ab Gastone, Rohanâ Mombasônâ, Castronovano, Gondio, Belfortio, atque omni factiosorum grege acceperat, beneficii memoria ita exciderat mente, ut ab his tam citò discedere se possê absque fidei, ac fa-

^a La Princesse Palatine.

mæ jacturâ crederet. Urgebat porro Regina Gonzagam, ut ab Condæo rescisceret, quid sibi, quid propinquis, & amicis expeteret, velle se hujus causâ omnia, neque quidquam quod re publicâ salvâ fieri possit, denegaturam: existimabat enim aut Condæum se sibi devincturam, aut suspectum Gastoni, atque Funditoribus reddituram, si secum hunc agere deprehenderent.

Postremò Condæus ab Gonzagâ sæpiùs eâ de re fatigatus spem faciente Reginam quidquid ipse vellet, id cupidissime facturam, uti cum Serviano, ac Lionno apud Gonzagam ipsam colloqueretur, adductus est. Id factum ex Contii fratris, atque Condææ sororis sententiâ, adhibitusque est in id colloquium Rupifocaldus. De Aquitaniâ, ac Provinciâ, quarum altera Condæo, altera Contio traderetur, Gonzaga jam fecerat mentionem, & ut in Aquitania Condæo ex amicis quispian Legatus esset, præterea singulis amicis præmia pro cujusque captu datum iri: Condæo liberum fore reconciliatâ inter hunc, ac Mazarinum gratiâ manere ad Aulam, aut priusquàm Mazarinus rediret, abire in Aquitaniam, dein ubi bonum foret, atque commodum, in Aulam reverti. Intercâ si in Aquitania partem copiarum quas Rex huic attribuerit, habere velit, id ipsi per Regem licere. Hæc in colloquio Condæi, & Rupifocaldi, cum Serviano, & Lionno conditiones non modò confirmatæ, sed & auctæ sunt: postulanti enim præterea Condæo, uti Rupifocaldus qui in Aquitania sibi Legatus foret, Blaixæ Præfectus esset, ita respondere, ut qui id haud difficile factu existimarent, spatium modò petentes, ut ad id Reginam adducere, & cum Inculisimo Duce de Provinciâ deponendâ agere posset. Id verò spatium quæsitum fuisse videtur, uti Mazarinum quid ageretur facerent certiore, atque hujus sententiam exquirerent. Cæterùm quid Regina de futuris Caprosæ virginis cum Contio nuptiis sentiret, commemoravere, sed eâ de re agi Condæus passus non est, de quâ fœdere cum Rohana Mombasona cautum esset.

Igitur inter Reginam, & Condæum brevî conventurum videbatur: sed ut id clâm omnes esset, magis ad hunc quàm ad illam pertinebat: vix tamen quidquam diù secretum est, atque adeò quæ inter Reginam, & Condæum agebantur, de iis brevî fama ad hujus amicos, & ad factiones permanavit. Illis clâm se isthæc incœpisse Condæum ægrè fuit, quo adducti sunt quidam, uti se solutos ab fide huic antehæc datâ crederent, ac licere sibi quod videretur consilium capere: hæc fuit Buillonii, hæc Turenæ fratris sententiâ, qui jam fœdere cum Hispanis icto sese nihil ampliùs teneri censebat.

Multæ tùm erant in Aulâ factiones, quarum tametsi diversa studia, atque consilia essent, tamen omnes Mazarinum perpetuò regni finibus pulsùm volebant. Id palâm Funditores, atque apertè prædicabant: sed Castronovanus qui isthuc multo magis, quàm Funditorum quisquam cupiebat, sese Reginæ reditùs ejus studiosum esse simulabat, neque eo minùs operam dabat, ut ne huic redire copia esset. Haud Reginam sal-

1651.

lebat, quid ipse sentiret, faceretque, ac tametsi in plerisque negotiis hujus consilio uteretur, nihil tamen quod ad rem publicam pertineret, inconsulto Mazarino faciebat: sed longum erat hujus expectare sententiam, quod in subitis fieri non poterat, atque adeo hæc Castronovani iudicio faciunda erant, quod cum Reginæ ægrè esset, hunc amotum volebat ab re publicâ, ac multum de pristina suâ in Rohanam Mombasonom benevolentia remiserat: probè enim meminerat ambos Mazarino autores fuisse, ut ab Aulâ discederet, simul operam dedisse, ut ne ipsa post paulò sicuti decreverat, ab Urbe discedere, atque Regem filium abducere posset, atque alia multa adversum illum perpetuò designasse.

Id sensit Condæus, neque adeo sibi properandum in Caprosit virginis cum Contio nuptiis statuit. Igitur ubi factiosi de his ab Condæo uti fidem exolveret, postulavere, hic non abnuere quidem, sed nihil festinare, atque gaudere factiosis in mentem venisse, Condæam, atque Rupifocaldum qui usquè Contio ex voluntate usi fuerant, ægrè adduci ut hunc posthâc in Rohanæ Mombasomæ potestate esse vellent, atque adeo hujus filia cum illo nuptiis obstaré, ipse inter has moras opperiri, quid Castronovano fieret, & quæ in suo cum Serviano, ac Lionno colloquio dicta fuerant, ea quorsum evaderent.

Post paulò ab Castronovano repetitum regium Signum est, atque hic Aulâ facessere iussus. Regina Signum regium Molæo tradidit, & posthâc hujus, atque Chavignii consiliis in administrandâ re publicâ usi est. Ambo Condæo amici erant, quem adeo eorum operâ in suam de Mazarini reditu sententiam se adducturam sperabat. Sed Chavignio sicuti plerisque omnibus ita persuasum erat, rei publicæ salutem in Mazario procul habendo positam esse, uti de hujus reditu nusquam Reginæ morem gerere potuerit. Primùm tamen ita se gessit, ut hujus omnis ratio Reginæ probaretur, usquè adeo uti Rupifocaldus hunc tùm Condæi oblitum fuisse dixerit at post paulò ubi Reginam porò benevolam esse Mazarino senserit, ibi modò ad Condæum rediisse, atque ex hujus amicitia ingentia sperasse.

Sed Chavignium magis Reginam inter, & Condæum tantam amicitiam constatam voluisse probabilius est, ut hujus honoris causâ Mazarinum porò abesse æquo animo pateretur, ac præterea hanc reipsâ cognoscere rempublicam nihilo minùs ut ipse abesset, rectè administrari, ac geri posset. Sed id ubi Reginæ persuaderi non posse animadvertit, pro virili dedit operam, uti Condæus quò res publica monebat, eo rationes suas quantum eâ tempestate fieri poterat, dirigere vellet: Quæ inter hunc adhibito Rupifocaldo & Servianum, atque Lionnum acta fuerant, ea ad Mazarini reditum pertinebant, atque adeo isthæc sibi disturbanda esse Chavignius decrevit, quod quidem rectius fieri non poterat, quàm de hac omni re Gastonem faciundo certiore, ex cujus sententiâ Condæus hanc omisurus videbatur, quoniam huic obstabat fœdus iustum inter ambos, quod valere, & hos conjunctissimos esse Chavignius

nus studebat: nihil enim adversum Mazarini reditum hâc conjunctio-
ne validius existimavit. Cæterum ubi rempublicam Molæo, atque Cha-
vignio Condæi amicis Regina permiserat, huic singillatim cautio fue-
rat, ut ne hanc Gondius Gastone fretus invaderet, homo hujus geren-
dæ jamdiù avidissimus.

Sed ubi nihil se Mazarini discessu proficere Gondius videt, ac rei pu-
blicæ summam Condæi clientibus permissam, Gastonem commovere
cœpit, ut ne id toleraret indignum Regis patruo, atque huic in omni
Galliâ Legato, cujus aded propè æqua cum Regina in re publicâ po-
tentia esse deberet. His impulsus Gasto intempestâ nocte Condæum,
Belfortium, Rohanam Mombasônâ, Avaucuriam, Gondium, atque
alios ex suâ factione convocat. Ibi graviter queritur Reginam se in-
consulto rem omnem publicam Molæo, ac Chavignio permisisse, quod
uti corrigatur dandam operam videri: idem Belfortius, Rohana, atque
Avaucuria censuere, jam jamque ab plebe armâ, capiunda. His suprâ
quàm dici potest ægrè erat Castronovanum amotum ab re publicâ, at-
que huic iterum ablatum regium Signum. Monthesaurius nihil cunc-
tandum, plebem armatam deducendam ad Molæi aedes, hunc cogen-
dum uti Signum regium sibi traditum reddat, dein eundem in Regiam,
& quid optimum factum tum videbitur, planè faciundum dixit.

Hæc sententia Gondio maximè probabatur, scilicet qui Regem in
potestate Gastonis esse summoperè cupiebat, sibi in eo sita omnia
probè intelligebat. Sed Condæo non fuit consilium alienis servire com-
modis: is itaque *Se negavit satis scire bellum in vicis Urbis, atque inter tu-
multuantem multitudinem gerere, cujus consilia, dicta, factaque dubia, incerta,
atque ex re levissima mutabilia sint, atque aded provinciam hanc aliis, quàm
sibi datam malle. Si Gasto jubeat, jam jam se profecturum in Ælivos, eò delect-
tum habiturum, atque exercitum paraturum, quo ille atque opera sua ex vo-
luntate utatur.* Stampæus Fertimbaltius ubi videt Condæum ab Fundi-
toribus dissentire, atque in re tam grandi nimiam ab his adhiberi pro-
perantiam, hanc in crastinum differendam censuit, atque ita diremp-
tum Consilium nocturnum est, frustra quæ fuere complures, quos Bel-
fortius, atque Gondius advocaverant multitudinum duces, præterea
nobiles plerosque, qui rei pessimæ inchoandæ signum expectabant.

Gondium ferunt eâ spe dejectum ab Gastone flagitasse, uti cum bonâ
hujus veniâ ab omni re publicâ abstineret, quo rebus sacris quibus in
Urbe præerat, operam omnem impenderet, atque in hâc sententiâ se
tantisper manere simulavit, uti commoveret hominem, ac cogeret de
Molæo, & Chavignio Reginæ planè negare se passurum ambos trac-
tare rempublicam, quæ ipsis se inconsulto permissa esset. Id certè Gas-
to tam se tolerare violenter Reginæ ostendit, uti periculum esse vide-
retur, ne ab Aulâ secederet, atque eodem Condæum traheret: cui rei
prævertendum Regina rata de Molæo Gastoni morem gerere denique
decrevit. Igitur cum illo agit, uti regium Signum tantisper dimittere
velit, quod Cancellario reddat, atque ita Gastoni animum explere, &

1651.

hujus, ac maximè factiosorum de re publicâ perturbandâ consiliis occurrere possit: eo Regina Molæo Tholosatum Archiepiscopatum, cum annuâ ex ærario summâ amplissimâ, præterea Cardinalatum ipsum se daturam pollicebatur, Præsidis in Senatu Magistratum hujus filio Camplatusio, aut de habendo patris ubi mortem obiret, Magistratu Diploma regium.

Sed hæc omnia vir gravis contempsit, ac regium Signum reddidit, nihil se cum Rege, atque Reginâ pacisci dictitans, atque his sine ullâ mercede omnia obsequi paratus: nonnihil tamen est offensus hominis ærimus ex hac Reginæ inconstantia, quæ postquàm propè abnuenti, atque incerta Aulæ contemnenti regium Signum obtruserat, id continuo repetisset: præterea agrè fuit in Condæo, cui custodiâ emittendo tantam operam in Senatu, atque apud Regem, & Reginam matrem dederat, nihil uti penes se regium Signum maneret, præsidii fuisse: sed qui in Senatu primarius Præses est, is profectò cætera omnia quæ ad amplitudinem, & dignitatem pertinent, facillè contempserit, nisi si communi hominum vitio laboret, quæ & futura præsentibus, & aliena suis potiora videntur. Ubi Gasto de Molæo ab Reginâ impetraverat, haud ita de Chavignio laboravit, quem sui studiosum esse satis scibat, scilicet qui antehac hujus Cancellarius fuerat, atque huic egregiam, ac fidelem navaverat operam.

La Duchesse de Chevreuse,

Sed Castronovano Aulâ pulso, Rohana & Mombasona de filiâ cum Contio nuptiis dubitare cœperat, utrùm has Condæus jam fieri veller, ex quibus nihil in præsentia, aut in posterum fructûs sperare posset: accepti beneficii memoriam levem, neque gratiæ referendæ magnum apud homines studium esse. Rhodii uxor cum Rupifocaldo convenerat, quæ pro Condæo, atque amicis factum iri Rohana Mombasona, & Castronovanus receperant, ea cum nuptiis unâ consociunda fore, quæ jam præstare Rohana Castronovano destituta non poterat. Pergebat tamen Contius apud hanc multus, frequensque esse, atque ingentem Caprosiæ virgini amorem ostentare, diù multumque cum Nigromonasterio, & cum Lecâ colloqui, & quid cum his ageret, amicis, quin & Condææ forori quæ ipsi carissima usquè fuerat, occultum habere, uti periculum esse videretur denique, adolescentem circumveniri, ac nuptias injussu Condæi fieri: sed ut has Condæa, atque Rupifocaldus disturbarent, operam dedere sedulo, uti Contio ea nuntiarentur, quibus facillè persuaderi posset, sibi nequaquam consociundas esse. Venit igitur ad Condæum ocyûs, & quod resciverat, id huic narravit ordine, cui denique visum quàm honestissimè fieri posset, ab hoc se negotio expedire, quando Contio fratri cordi esse desierat. Ita alia super aliam Rohanæ Mombasonæ de filiâ facta ab Condæo, atque Condæâ injuria primum in Richelio Duce, ac tùm in Contio mulieris animum in utrumque supra quàm dici potest exacerbavit.

Gondius qui huic amicissimus erat, facillè ad eandem odii in Condæum acerbiter ab Rohana Mombasona adductus est, scilicet qui

1651.

Jam suâ sponte eò propenderet: satis enim perspexerat, quæ de suis ornamentis Condæus erat pollicitus, ea hunc posthabere, qui passus esset Cardinales ab omni re publicâ Senatûs Decreto excludi. Molæus eî quam diximus de causâ ab Condæo tum dissidebat, præterea quod in Telleri Quatuorviri locum quem Aulâ pellere Condæo consilium fuit, Violam, quam Camplatrufium Molæi filium suffici malebat. *a* Anna Gonzaga quæ tantam, tam solertem, tamque ipso eventu utilem Condæo custodiâ eximendo operam dederat, tantamque eî de re machinam fabricaverat, & ipsâ parùm gratum huius animum erga se credebatur esse, quod nondum Reginam coegerat Maisonium summâ Quæsturi, sicuti pollicitus fuerat, pellere, ut hæc Vetustillæ mandaretur. Buillonius, & Turena neque conjuncti Condæo, nec ab eo sejuncti fuere, quorum consilia ab spe recuperandi Sedani planè pendebant, quæ ubi ab Condæo eluceret, hanc secuturi videbantur, interea simulaturi reconciliandæ Reginam inter, & Condæum gratiæ studium.

a La Princesse Palatine.

Sed erant Condæo causæ graves, quamobrem his omnibus animum explere nondum posset, nam ad Sedanum Regi extorquendum, & multo spatio, & magnâ opus erat opportunitate. De Signo regio sibi ablato haud æquum erat Molæum Condæo succensere, qui id huic conservare invito Gastone non potuerat, quod tamen penes Molæum mox fore Condæus satis scibat, atque Camplatrufium hujus filium Præsidem in Senatu factum iri, quibus ornamentis ambos contentos fore non dubitabat, atque adeò Quatuorviratum Violæ mandari citrà horum offensionem posse censebat. De Vetustillâ importunum erat, atque ab rationibus suis alienum Maisonio in Senatu Præsidi summam detrahere Quæsturam, atque hac tantâ injuriâ & hunc, & Petrum *b* Longolium fratrem, cujus gratia, atque fides apud factiosos in Senatu maxima erat, abalienare: quod tamen tum fieri nequibat, suo tempore, suo loco id uti fieret, sese daturum operam aiebat. Sed nemo quod magno loco expetit, in eo sibi, moram adferri æquum censet.

b L'Abbé de Longueuil, Conseiller au Parlement.

Longavilla rerum novarum quæ ingentes adferunt molientibus sumptus, pertæsus quiescere posthac velle visus, neque huic cum uxore Condæâ magnoperè conveniebat: *c* Inculisimus Dux Condæo propinquus qui Provinciam obtinebat, in hac porrò nihil moturus videbatur. Ita pauciquibus Condæus ex voluntate uteretur, reliqui erant, Nemorosius videlicet, ac Rupifocaldus, ambo mulieribus quæ Condæi Sectam sequebantur, obnoxii, nam in his turbis haud minus earum forma, atque artes, quàm virorum virtus, atque imperia valere.

c Le Duc d'Angoulême, cy-devant Comte d'Alen.

Sed Condæo Gastonis amicitia magno usui fuit, cujus conservandæ Chavignio primùm, dein Belfortio, atque *d* Avaucuriæ singularis cura apud Gastonem fuit, nihil obstante Rohanâ Mombasonâ, neque Gondio, qui quo major ex Gastone, atque Condæo Regine metus foret, eo suam huic operam pluris vendituros sperabant: favebant denique Condæo plerique ex Senatu factiosi, qui in eo sibi præsidium fore credebant adversum Reginam, & Mazarinum. Illa Condæo Clâ-

d La Duchesse de Mombazon.

1651.

a Le Comte

de Meille.

b Le Comte

de Marfin.

c Le Comte

de Boute-

ville.

d Arnaud de

Corbeville.

e Le Marquis

de Persan.

f Le Comte

de Tavane.

romontium reddiderat, cui a Meillæum Comitem præfecit, b Marfinum Satenaiio, cujus arcem obtinebat, manente penes Hispanosopido, c Buttevillam Comitem Scuræ, d Arnaldum Corbevillam Castello apud Divionem, quæ loca & ipsi reddita fuerant, e Persanum Marchionem Muroi, f Tavanium cohortibus, ac turmis, quas Rex ipsi, Angiano filio, atque Contio fratri attribuerat, & quæ in Æduis, & in Campaniâ, quas obtinebant provincias, eâ tempestate agitabant: his amicis, atque opibus fretus Condæus cuncta quæ postea sunt consecuta, designavit.

Tametfi Condæus quod de Aquitaniâ sibi, atque Provinciâ Contio fratri habendâ cum Serviano, atque Lionno egerat, id voluntate Gastonis omisisset, alterum tamen postea, verum alio modo factum voluit. Regem ubi pax data Burdigalensibus fuerat, edixisse memoravimus, uti Spernonius Aquitaniam deponeret, quod fieri nequibat, nisi huic curatâ in æstimationem aut ab Rege, aut ab alio cui hanc provinciam rectè permitti possit crederet, pecuniâ, aut denique nisi si quis aliam obtinens provinciam hanc Spernonio cedere Aquitaniâ in æstimationem acceptâ vellet, quod huic potius videbatur, quàm manere sine imperio, & potestate. Fâ de re Candalius Spernonii filius cum Condæo egit, cui Aquitaniam ostentatam ab Regina fuisse scibat, rogavitque utrûm huic habendæ Æduos deponere vellet, quos Spernonius Aquitaniæ loco obtineret.

In eo negotio Candalius Gourvillâ interprete usus est, Rupifocaldû cliente, qui per conditiones ab Serviano, & Lionno latas Condæo, Legatus huic in Aquitaniâ futurus fuerat. Id ei primûm haud satis placere visum, provinciam suam opimiorem Aquitaniâ esse contendenti. Sed Mazarinus per litteras eâ de re consultus ab Regina omninò Condæo permittendam negaverat Aquitaniam, Hispaniæ videlicet finitimam, ab quâ terrâ, marique auxilia huic bellum civile molienti mitti facilè possent, *Bellicosos esse Aquitanos, leves, mobiles, rerum novarum studiosos: vicinos esse haud dispari ingenio Lemovices: Pictonas item vicinos obtinere Rupifocaldum Condæi clientem: Daugnionum Broagium haud procul, Ream, atque Oleronam Insulas: omnia denique ultrâ Ligerim amnem in Condæi fore potestate, si Aquitaniam obtineat.*

Hæc quantò veriora erant, tantò magis Condæi animum accendebant, ut Aquitaniam habere vellet, ac tum potior hujus causa erat, quàm ubi de eadem provinciâ Servianus, & Lionnus cum eo egerat: nam si tunc Regina hanc ultro datura erat, jam hujus cum Æduorum provinciâ sicuti permutationem fieri vetare non poterat, quin gravem de Condæi consiliis suspicionem ostentaret, quæ res hominem ad bellum subito gerendum adegisset: eo factum est uti tametsi id nequaquam in rem publicam esse plerique omnes censerent, Servianus tamen contrâ tetenderit, obtinueritque, nullâ aliâ ratione fretus, quàm quâ navigantes procelloso mari projectis quæ sine certâ pernicie retinere nequeunt, allevare coguntur: præterea jam Condæi Aquita-

niam esse aiebat, in quâ omnium in hunc animi propensissimi essent, atque adeò magis sibi *Æduos* quos *Condaus* depositurus erat, adjungere *Reginam*, quàm *Aquitanos* amittere.

Sed ne ipsos quidem *Æduos* planè deponebat *Condaus*, cum in hac provinciâ *Divionis Castellum*, ac *Joannis ad Alniam-fanum* quod est oppidum ad *Ararim* positum, retineret, *Seuram* præterea, seu *Bello-gardam* retinebat, jure id quidem, quam videlicet *Henricus* pater ab *Joanne Sanlario Bellogardio* coëmerat, præterea isthuc eo *Condaus* faciebat, quòd opimiores *Æduorum* provinciæ quam deponebat, fructus essent, quàm quos ex *Aquitaniâ* capturus erat. Post adeptam invitâ propè *Reginâ Aquitaniam*, *Condaus* nihil hanc sibi denegare aufuram ratus postulavit præterea uti *Contio Campaniam* deponere copia esset, atque hujus loco *Provinciam* obtinere: sed obstitit naviter *Mazarinus*, qui hanc sibi *Italiæ* finitimam, atque adeò suis quæ fortâsse eâ parte ingentia habet, consiliis opportunam destinaverat. Qui *Condao* amici erant, hunc adversum *Mazarini*, atque adeò *Reginæ* odia præsidium, qui verò *Mazarino*, illum majores ad malefaciundum opes quærere dictitabant.

Id ubi *Regina* videt, nec ulla spes erat hujus in viam reducendi, qui neque cum hac congruere de re publicâ, neque *Mazarinum* in *Aulam* redire vellet, ibi verò qui illi offensi erant, eos sibi adjungere decrevit, *Rohanam Mombasonom* videlicet, *Gondium*, & *Funditores*: eo fieri posse putabat, ut iterum omnium voluntate *Condaus* comprehendi, atque in custodiam conjici posset. Id verò se facturos quidam recepere, modò ut *Regina* caveret haud quaquam his fraudi fore, si in eocomprehendendo ferro decertandum esset, ac fortè *Condaus* inter dimicandum necaretur, quod quidem *Regina* est averfata, neque hunc comprehendendum, præterquam citrà dimicationem, existimavit, atque interea cum *Longavillâ* egit, ut hic, atque amici in *Normanniâ* quiescerent. Qui exercitus in *Belgio* erat, is *Regi* sacramento dixit, cujus religione *Regina* ducum, atque militum animos ab omni factione aversos voluit: quæ autem *Condao*, atque *Contio* attributæ fuerant copię, eas ad eadem vocare castra consilium fuit, sed *Condaus* id effugit *Gastonis* operâ, qui *Regi* in omni Regno, atque adeò in exercitibus *Legatus* pro imperio has in *Æduorum*, *Campaniæ*, atque *Picardiæ* *Campaniam* versùs finibus porro agitare jussit.

At *Regina Rohanæ Mombasonæ*, atque *Gondio* sibi adjungendis operam dabat, cumque illi nihil esset optatius, quàm uti *Castronovanus* in *Aulam* rediret, *Gondio* verò summa *Cardinalatus* cupido esset, his isthæc polliceri necesse fuit: *Annam Gonzagam* præterea ab *Condaei* partibus ad suas deduxit, huic singillatim pollicendo, se summam *Regni Quæsturam* *Vetustillæ* cui hanc dudum petebat, mandaturam. De his omnibus rebus *Bertetus* missus est ad *Mazarinum*, qui vicissim a *Ondedeum* *Lutetiam* *Parisorum* misit, qui *Rohanæ Mombasonæ* de *Castronovano* *Consilii regii* principe creando, *Gonzagæ* de summâ

H h h h iij

« L'Albé
Ondedei.

1651.

Quæsturâ Vetustivillæ tradendâ, Gondio de Cardinalatu; ac denique Molæto de reddendo huic regio Signo fidem daret: sed Ondedeus ubi per fines Hispanorum maturat iter pergere, captus ab iis est, & in custodiam tantisper conjectus.

Intercâ Condæus rescivit de se comprehendendo Gondium, Monthesaurium, ac Lionnum apud ipsum Monthesaurium collocutos, quod eâ tempestate Rupifocaldus Lionnum renuntiasse Gramontio vulgavit, hunc autem Chavignio, ac denique Chavignium Condæo. Sed is primum isthuc simulare Reginam est arbitratus, quo hunc objecto metu abigeret, quamobrem manendum ad Urbem statuit, quod satis tutò se facere posse credidit, apud quem magna frequentia nobilium, atque familiarium, & amicorum esset, qui & per Urbem euntem comitabantur. Sed hunc complures ex amicis monuere, uti sibi caveret diligenter, ac postremò nuntiatum est Prætorianos ducentos ad Germani Suburbium venire armatos: continuò incidit suspicio id ad se pertinere, atque hos domum suam circumfessuros, cumque homini nihil carere terribilius esset, hujus memoria ita perculit animum, uti subito cum paucis equitibus intempestâ nocte aufugeret.

Incedebat viâ militari, haud procul Galtonis ædibus, cum alter est objectus terror, equitum videlicet ad se venientium, & hi verè equites fuere, sed clitellariis jumentis insidentes, vehentisque per noctem ad mercatum inclusa cavcis volatilia, ut eò summo mane advenirent: his delusus Condæus in devios divertit agros, ac transversis itineribus Maurifanum suum haud procul ab Urbe ad Matronam positum petit: eòdem Contium fratrem, ac Condæam sororem evocat, iere præterea Nemorosius, Buillonius, Rupifocaldus, Richelius, ac denique Motæus. Continuò Condæus Rupifocaldum ad Galtone[m] mittit, qui doceret quamobrem ab Urbe discessisset, quod quidem est admiratus Galtone, probè sciens nihil ut id faceret causæ fuisse, quo facilius sese isthuc quidquid esset suspicionis ab Regina, Condæique animis sublatum confidebat, atque adeò Rupifocaldum cum eâ spe dimisit. Regina verò Comingium misit ad Galtone[m], ut huic omne id negotium permitteret, reciperetque omnia, quæ fidei causâ Condæo polliceretur, sese facturam.

Intercâ Contius ab Maurifano venit in Senatum, atque eò Galtone coram quamobrem Condæus frater ab Urbe discessisset, Patribus enarravit, quod rectè hunc fecisse aiebat. *Nihil in Aulâ nisi Mazardini voluntate fieri, qui in hac per Servianum, Tellierum, & Lionnum planè regnet: qui quamdiu illic fuerint, Condæo fratri eòdem tunc esse non licere: ubi pulsus sicuti res publica postulet, fuerint, continuò rediturum, atque Regi, & rei publicæ more, institutoque suo operam navaturum. Quàm nefaria Mazardini in rem publicam consilia sint, vel ex eo constare, quod Sedanum simul, & Brisiacum, munitissima oppida alterum ad Rhenum, alterum ad Mosam posita sibi habere studeat, quo licentiùs adversum Senatum, atque omnes bonos grassetur. Illum apud Sedanum diu commoratum, quod apud Brisiacum acciderit, id illius jussu factum omnes*

existimare. Postremò quamdà Mazarinus rem publicam tractabit, eam perturbatam, qui si ab ea, atque ejus item clientes amoveantur, tranquillam fore. Istæ hæc eadem, atque alia Condæum ad Senatum scribere, ad esse in vestibulo Curiae qui ab eo litteras adferat.

Ad hæc Molæus graviter suo more, Reliis Condæum facturum fuisse respondit, si in Senatum sicuti Contius venisset, eadem quæ iose dixerit coram exposulatum, quod illi æque licuerit, satiusque fuerit, quam succedendo belli inestimi metu civium, ejusdem vero spe hostium animos implere: dein qui litteras ab Condæo adferebat, cum introduci jubet, quibus redditis, quoniam nihil dicendum habebat, excessit templo, atque hæc recitatæ sunt. Earum sententia consimilis erat Contii orationi, *Adversum Regem, aut rem publicam nihil usquam sibi consilii futurum, contra Mazarini, clientiumque odia, atque incepta cautionem modò esse: sibi, aut amicis nihil expetere, tantummodo ut omni spe redditus erepta Mazarino, atque ejus clientibus Aula pulsus, in hac sibi turè esse liceat, tum fore uti continuò Regi, atque Reginae matri præsto sit, eandem quàm antebac operam iis, atque rei publicæ daturus.* Consimiles litteras ad cæteras in Galliâ Curias Condæus dedit, quæ res bellum civile portendere videbatur.

Molæus ubi Condæi litteræ recitatæ, præmonitum se ab Regina dixit, has allatum iri ad Senatum, quo voluntate ejus acceptas, recitatasque Patres intelligerent: præterea de his referri haud placere Reginae, neque quidquam injussu suo ad Condæum rescribi, aut omninò decerni, neque aliter jus, fasque esse. Gasto addidit, Reginam negare quidquam de comprehendendo Condæo sibi in mentem venisse, cui isthuc affirmanti fides habenda sit: milites in B. Germani suburbio viros, qui vina insoluto portorio introduci prohiberent: quod apud Brisiacum acciderit, Reginam præter speciem accepisse, atque id ex Præfecti modò, ac Propræfecti discordia evenisse arbitrari. Secundùm hæc Senatui visum, ut item postridiè frequens conveniret, interea Condæi litteræ ad Reginam deferrentur: Molæus verò Gastonem hortatus est, ut omnem operam dare vellet, quo omni abjecto metu, si quem Condæus habeat, ad Urbem redeat, uti si bellum foris, saltè pax domi sit, neque externo civile superaddatur, quibus oppressa res publica persum eat, id huic curæ esse decere, sicuti futurum omnes boni confidant.

Dein Gramontius ab Rege ex Reginae matris, & Gastonis sententiâ ad Condæum de hujus reditu missus iit, quicum sine arbitris colloqui copia non fuit: igitur coram omnibus causam hujus secessus querenti, atque fidem danti Condæo in Aula tuto esse licere, ipse respondit. *Quamvis Mazarinus abesset, tamen per hujus clientes, atque amicos, cuncta ex hujus disciplina, atque præceptis fieri: sese expertum antebac probitatem haud satis per sese in Aula tutam esse, cujus rei tristissimum tamdiu carcere inclusus documentum dederit, quod ut ne iterum accidat, secessione sibi consulendum existimasse, in qua idem sibi erga Regem, & rem publicam, quàm antebac studium fore, quod tot, tantisque rebus gestis illustraverit.* Gramontius qui probè scibat, quid apud Monthefaunum de comprehendendo Condæo dictum fuerat,

1651.

rectè quidem hunc sibi cavere credidit, sed pro amicitia, quæ sibi cum eo vetus intercedebat, ac pro pluribus officiis huic antehac præstitis, dignum se deputabat, quicum privatim colloqueretur, quod si factum fuisset, fortassè aliquam componendarum rerum rationem iniri potuissè: quamobrem se haud satis liberaliter habitum ab eo existimavit.

Interea Condæus hærebat inter consilia pacis, aut belli, quod si sumeret, Longavillam Condææ sororis virum in Normannia hujus partem aliquam gesturum sperabat, Buillonium item suam Sectam secuturum, atque ipsum cujus virtuti plurimum tribuebat, Turenæ: sed hic Regi operam dedit denique, adversum ipsum Condæum, ubi videlicet nullam spem recuperandi Sedani vidit: Buillonius planè hujus belli expertus fuit, totusque in reconciliandâ Reginam inter, & Condæum gratiâ visus. Nemorosius verò, ac Rupifocaldus in datâ Condæo fidè mansère: Rupifocaldus pacem quàm bellum malebat, modò ut illa Condæo, simul & amicis, & clientibus æquis conditionibus fieret, expertus videlicet in Aquitania nuper, quâ fretus maximè Condæus bellum sustentare posse videbatur, qui illud gerant, iis infirma in popularibus qui vix diù ab Rege dissiſcant, præsidia, infirmiora verò in peregrinis, Hispanis videlicet auxilia esse.

Sed contrà Condæa, atque Nemorosius Condæo suadebant bellum: illa ut ab viro segregata cum fratre, atque hujus uxore Brezæâ diversissimâ parte agitare, hic uti Condæus ab urbe, atque ab muliere quam uterque deperibat, longè abesset. Hæc fuit *a* Angelica Mommorantia Buttevilla ipsi Condæo ob matrem Carolam Margaritam Mommorantiam propinqua, apud quam tali dignitate foeminam multa, ac frequens erat, atque aded Condæus cum hac multum, ac familiariter agebat, ad hoc *b* Colinii Castilloni nuper demortui uxor fuerat, qui & ipsi Condæo affinis fuerat, amicus, ac cliens: cæterum Buttevilla mulier erat adolescens, elegantissimâ formâ, quo factum est, ut ad alias necessitudines quæ Condæo cum ipsâ intercedebant, facilè amor accederet. Sed ita se erga Condæum, & Nemorosium Buttevilla gessit, uti nullæ inter hos ex amore lites, ac ne æmulatio quidem, saltem quæ aperta esset, intercederent, at contrà Nemorosius Condæi Sectam sequeretur, ac præter hunc amorem cuncta huic feliciter evenire ex animo cupebat, atque id operam daret.

Sed Nemorosium Rupifocaldus opportunè docuit, Si Condæus belli gerendi causa ab Urbe discederet, illi item fore discedendum, atque eodem proficiscendum, quò huic æque, ac Condæo mulieris aspectu, & consuetudine cendum foret: nihil igitur ea causa properandum videri, sed opperendum utrum Reginam inter, & Condæum convenire possit, ita ut ipsi, atque amici animus expleatur: quod si ex sententia procedet, nihil opus bello fore. Id quidem summi facile, sed desinere modò ubi victor velit, quem se futurum nemo certo sciat. Hæc oratio nimia Nemorosii ad bellum studia, atque impetum inhibuit: Condæo autem visum Brezæam uxorem, cum Angiano filio, ac sororem Condæam Myronem dimittere, uti si postea discedendum esset, at-

que

a La Duchesse de Chastillon.

b Le Duc de Chastillon.

que id propter faciendum, ne mulieres impedimento forent, interea harum profectio de suo discessu, ac futuro bello metum Regina injiceret, quo ad æquiores secum conditiones descenderet.

Certè Regina uti sibi curæ esse ostentaret, omnem Condæo metum abstergere, quem de Mazarini, aut ejus clientium qui in Aula versabantur, consiliis se cepisse Senatui significaverat, Servianum, Tellierum, & Lionnum properè facessere jusserrat, post quorum discessum ipse ad Urbem, atque etiam in Senatum sibi veniendum esse constituit, uti fidem faceret, se haud falsò credidisse hos de se comprehendendo inisse consilia, atque haud vano metu adductum tantisper secessisse, donec abirent, & se tutò in Urbe futurum putaverit. Igitur Curiam ingressus gratulatus est Patribus, quod ab Regina de Edicto in Mazarinum impetrassent, quo omnis huic spes reditus adimebatur, præterea de tribus ejus clientibus, ut Aulà facerent, neque tamen ullas egit Patribus gratias de eà re, quæ tantoperè ad eum pertinebat, quod quidem casu, seu consultò omissum nonnulli graviter advertère, sed Condæo vicissim gratulatus est Molæus, quod Regina honoris ejus causà Mazarini clientes abegisset. In eo tamen se quidquam satis firmi videre Condæus negavit, ni & Regis Edicto clientibus, sicuti patrono spes reditus eripatur, tum denique fore, ut in Aulà tutò esse possit, atque unà cum Gastone operam dare sublevandæ plebi, constituendæ omni rei publicæ, ac denique paci faciendæ.

Molæus contrà. *Novas Regiæ conditiones ferre importunum, atque molestum videri, quæ jam in eo quod factum sit, multum ab regio jure discesserit: cæterum quæ Regina de Mazarini clientibus pollicita sit, ea haud incerta, aut infirma esse, de quibus acta Senatûs abundè fidem factura sint.* Dein Condæum obsecrat, atque obtestatur, uti Regem, atque Reginam matrem continuo visat, si eà re infectâ Mauritanum redeat, locum daturum sermonibus domi, forisque, spemque hostibus, ac pessimis civibus, quam de ejus cum Aulà discordiâ ceperint, auctum iturum. Alia præterea inter ambos commutata verba sunt, postremò Condæus se ad Gastonem ire dixit, & quod is dederit eà de re consilium, id secuturum.

Hic rus octiduum commoratus est, atque interea Condæus iterum in Senatum venit, postulavitque ab Molæo uti convocaret Classès, frequensque Senatus haberetur: sed is se facturum negavit, quoniam Condæus Regem nondum visisset, id prius faciendum, quam huic Senatus detur. Dein ab Regina accersiti Patres, duo ex singulis Classibus cum Molæo in Regiam iere, quibus Cancellarius Regis, & Regina verbis dixit. *Nihil utrique de comprehendendo Condæo consiliis fuisse, aut esse, Servianum, Tellierum, ac Lionnum ita abire jussos, uti redituri non sint: de eo, simul quod Condæus in Urbe, Aulà, ac Regià esse tutò possit, Senatûs fidem coram dare voluisse, ut is scias inviolatam fore: quando Patribus videbitur misit ad se, qui de Edicto quod ad Mazarinum attineat secum colloquantur, uti quam primum & perscribi, & ad Senatum misit possit: quæ eadem Regina ipsa Patribus confirmavit.*

1651.

Ubi Gasto redierat rure, subitò in Senatum venit, atque unà Condæus, & alii. Tum Molæus quæ sibi Regina, atque Cancellarius dixerant, ea Senatum edocuit, *Regiam interpositam fidem, datam amplissimo Orilini, Condæum tunc in Urbe, in Aula, in Regiâ futurum: quid esset reliquum nisi ut ipse omni suspitione depositâ ad Regem, & Reginam redeat?* dein ad Condæum conversus rogat utrùm Regem inviserit? is nihilò tutiùs quàm antehâc id se facere posse respondet. *Pessima de se rursùm intâ consilia, eo noctu convenisse quosdam, se id quidem Reginæ injussu fieri credere, quo magis lubet & de personis, & de loco indicare, ubi res postulat: cæterùm ab Aula ad Mazarinum complures cursitare, contrâ quàm ab Senatu decretum sit: Coloniâ Agrippinâ quo denique concesserit, Ondedæum bujus clientem Italicum nuper profectum in Hispanos hostes incidisse, quem aut quia Mazarinus cum his congruat, aut quia perturbandæ Galliæ ad Urbem properare sint arbitrati sine pretio dimiserint: hæc, atque alia bujuscemodi quæ Regem, atque Reginam matrem in Mazarini potestate tametsi absentis esse satis ostendunt, suadere ut ne se alienæ fidei temerè committat, quâ in re antehâc suo damno graviter offenderit.*

Rursùm Molæus, qui Regem nondùm viserit, eum tali loco virum ægrè se in Senatu videre sedentem, & qui tamdiù cesset civis officium erga Regem fungi, eum videri suprà quàm civem fas sit, moliri. Hæc verba in se jactata Condæus gravius tulit, nihil tamen respondit acriùs, quàm, *Se se satis scire, quæ suæ partes aut operæ, aut officii erga Regem sint, id modò querere, ut hæc sibi præstare tutò liceat. Nihil suprà crvem, ac ne suprà hominem quidem facere, qui sibi de vitâ carveri postulet, aut huic consulat, cum id vel animantes ipsos natura doceat: cæterùm diem, & tempus offensura quis in eo negotio rationibus suis plus studeat.* Molæus enim verò se negavit aut in eo, aut in alio ullo quod ad rem publicam pertinuerit, aut pertineat negotio rationibus suis usquàm studuisse, aut studere, cujus tamen rei Regi se modò, atque Senatui rationem reddere debere, *Intolerabile Condæum in Urbe, atque in Senatu esse, qui Regem nondùm viserit, imolerabilius nuper rbedâ circum Urbem vectum in hunc incidisse, quem nondùm vidisset: certè id sicuti ostendendæ audaciæ factum videri: at is casu id evenisse respondit, non enim venisse in mentem, uti dici tempus erat, cò Regem futurum, qui ab balneis vergente in noctem die rediret.*

Ita res inter ambos ad contentionem veniebat, quâ tempus consumptum foret, fortè voluntate Molæi, qui scilicet metueret, ut ne quid eâ die contrâ quàm Aula sentiret, ab Senatu decerneretur, ni Gasto dicere orsus Senatui fidem fecisset, *Haud vana esse quæ Condæus de Mazarino diceret, multos ad eum ab Aula commeari, neque quidquam bujus injussu in ea fieri. Certum esse Mercurium Mazarmi sororis filiam Mancinam uxorem duxisse, factam illi nuper ad hunc eundem Diplomate regio potestatem, quæ satis superque ostendat absentis nibilo minorem in Aula quàm præsentis antehâc gratiam, atque potentiam esse: eo Condæo cavendum videri, Senatumque consulendum.* Postremò Decretum fit, uti quæ Regina Patribus de Condæo receperat, ea in acta Senatûs referrentur: hi Condæum hortarentur, uti Regem, atque Reginam matrem continuò viseret: quæreretur in

eos, qui de Condæo comprehendendo clam consilia inissent: Mercurius in Senatum veniret, qui de sua ad Mazarinum professione, item utrum Mancinam uxorem duxisset, Patres doceret: quod Senatus de Mazarini clientibus extraneis decreverat, id ratum, firmumque esset, atque adeo si qui in Urbe, aut finibus essent, eos, atque ipsum singulatim Ondedeum comprehendendos. Post paulo Condæus una cum Gastone ad Regem, & Reginam iit, ab qua sese minus comiter, & benignè acceptum postea prædicavit, seu ita se res habebat, seu ad secessionem, & turbas, ac postremo ad bellum, quæ brevî consecuta sunt, causam quærebat.

Suprà vidimus Contium dicentem in Senatu, Mazarino consilium fuisse, & Sedanum, & Brisiacum sibi habere, oppida ad Mosam, & ad Rhenum munitissima. ^a Faber Sedano, Tilladetus Brisiano præfectus erat. Sed inter hunc, & Carlevosium Prop præfectum ortæ sunt lites, quarum hæc fuit causa. Carlevosius jamdiu in hujus loci præsidio cohortem habebat militum Gallorum, pauci præterea Germani milites fuere, quos sibi Tilladetus adjunxerat. Sed his modò fretus in potestate Carlevosii sese, atque oppidum esse sentiebat, qui tamen nec imperia detrectabat, aut quidquam contra Præfecti voluntatem faciebat, aut denique ulli officio adversum hunc deerat. Decrevit tamen Tilladetus ex Carlevosii cohorte centuriones ad suas partes adducere: quod ubi hic sensit, continuo duos qui cum Tilladeto concordare cœperant, Brisiano pellit, ac deinde nihil est Tilladeto obsecutus, ita ut quod usquè in occulto fuerat, propter Præfecti, atque Prop præfecti concordiam, scilicet hunc in oppido validiorem esse, tum propter eorum discordiam palàm fuerit: quod cum ægrè Tilladeto esset, atque sibi injuriosum existimaret, cum bonâ Regis veniâ Brisiano discessit. Fuere qui ita existimarent, Tilladetum qui Telliero Mazarini clienti affinis est, hujus voluntate operam dedisse, uti potior apud Brisiacum foret, ut eò se Mazarinus in tutum recipere posset, & cum id frustra fuisset, Coloniae Agrippinæ, aut apud Brüllum in propinquo restitisse.

^a De Faber.
Tilladet.
De Charle-
voj.

Id ubi ^b Renata Dubeca recevit, cujus operâ usum Mazarinum antehac diximus, uti Carlevosium post Erlaci Brisiano Præfecti obitum in officio contineret, persuaderetque homini, ut æquo animo Tilladetum vice Erlaci Brisiano Præfectum esse pateretur, iterum consimilem se daturam operam Mazarino recepit, ut ne videlicet Carlevosius tum ab officio discederet, aut quid adversum Regem, ac rem publicam moliretur. Sed hæc mulier animo suprà sexum valido est, cui videlicet nec prima, nec magna usquè fuit sicuti vulgo mulierum solet, rei familiaris cura: primas, quia imparem animo sicuti rebatur virum nacta erat, nuptias dedignata est, atque infirmas esse contendit, maluitque se I. ^c Budæ Guebriani virtutis, quam alterius amplioris rei, cujus rationem, ut ferè sit, filiam collocando parentes habuerant, sociam esse. Ex illâ secum, atque ex gloriâ viri postillâ multis rebus præclare gestis celeberrimi communicatâ ita crevere mulieri animi, uti magna, atque insolita moliretur.

^b La Maref-
chale de
Guebrian.

^c Bude, Com-
te de Gue-
bria.

1651.

Jam Legati in Mariæ Gonzagæ Mantuanæ cum Uladislaw Poloniæ Rege nuptiis, sicuti memoravimus antehæc, personam sustinuerat, quod tametsi amplum ipsi, magnificumque visum, tamen magis suprà sceminam esse videbatur, quidpiam quod ad militiam pertineret, attingere, cujus sibi facultatem dari in Carlevosii negotio est arbitrata. Igitur hujus consilii plena scribit ad Mazarinum, spem huic facit, si Brisiacum mittatur, omnia illic fore in tuto, ac fortè effecturam se, uti Carlevosius acceptâ aliquâ mercede Brisiaeco discedat. Mazarinus acceptis Dubecæ litteris scribit ad Reginam, sibi optimum factu videri, ut illa Brisiacum eat, quod est subitò factum. Igitur Dubeca cum amplissimo comitatu eò proficiscitur, cui advenienti sic est obviam ab Carlevosio processum, uti nihil honorificentius fieri potuerit.

Apud Brisiacum tantisper agitavit, mirâ arte tractans hominem, uti quò volebat, eò denique adduceret: persuadere Carlevosio nitebatur, ut ex voluntate Regis, atque Reginæ matris, ac præterea Mazarini, sed maximè honoris sui causâ Brisiaeco discederet, atque eâ gratiâ librarum millia centum accipere vellet, id se in summâ habituram gratiâ dicitans, quam sibi hunc ita referre pro ingentibus Guebriani viri in ipsum meritis deceret: nam ab Reginâ, & Mazarino se impetraturam denique sperabat, uti sibi Brisiacum permitterent, cui Præfecta esset, modò ut Carlevosius secum congruere vellet, præ se ferendo nulli præter quàm ipsi oppidum traditurum: cæterum *nihil esse dicebat, quo ipse ullam in bello civili poneret spem: nam id aut non gestum iri, aut brevi conditionibus desitutum, quo confecto procul dubio Regem cum omnibus Regni copiis adveniturum, qui Brisiacum oppugnet, atque in Carlevosium gravius consulat, cui rei prævertendum esse, quod & cum gratia, & cum mercede, & cum gratiâ in Guebriani memoriam animi testimonio tunc facere possit.*

Eâ tempestate vulgatum Dubecam non modò Brisiacum expetere sibi, cui Præfecta esset, sed & prædia quæ Rex in Alsatiâ possidet omnia, quibus huic permissis ære se alieno liberaret, quo satis grandi Dubecæ obstrictus erat: ita mulier nihil nisi ingens animo volvere solita, sibi speciem Principatûs aliquam in hæc ab Aulâ remotâ regione fingebat. Præter librarum millia centum curanda Carlevosio, centurionibus ex hujus cohorte singula millia nummum, ac militibus unius mensis stipendium pollicebatur. Carlevosius neque accipiebat conditionem, neque abnucebat, sed producere Dubecam, & quid tempus, ac dies adferret, opperiri studebat, cum quod id sibi conducere arbitrabatur, tum amore captus pulchellulæ virginis, quæ in Dubecæ Gynecæo fuit: nam in omnibus propè quæ cum mulieribus aguntur negotiis, id mali reperias.

Postremò cum nihil satis apud Carlevosium Dubeca proficeret, in Galliam redit, cumque Aula longiùs ab Urbe esset, Moretum fratris filii rus nobile concedit. Eò Sironem quem Mazarinus ad Urbem, atque ad Aulam misitabat, accersit, edocetque, *Carlevosium honoris sui causa facturum videri omnia, sed nonnihil hætere, ob bellum civile, quod bre-*

U gestum iri credat : si Mazarino videatur hanc iterum Brisacum proficisci, rem cum bonâ se Carlevoſis gratia, ſin minus cum mala conſecturam : illud tamen ſe in ſpe habere, quoniam quas conditiones ipſi tulerit, ea huic ſatis placere videantur. In eandem ſententiam ſcribit ad Mazarinum, qui hujus negotii, quin & Briſiaci Dubecæ planè permittendi Reginæ autor fuit : viſum tamen huic adhibere a Sironem, atque Furnellum unius equitum alæ Tribunalum, qui conſilio, ac ſtrenuâ ſi opus foret operâ mulierem

a Siron.
Fourncaux.

Siron maximo Dubecam oravit opere, uti viduam quamdam mulierem formâ bonâ, atque ætate integrâ in Gynecæum ſuum accipere vellet, quod quidem ipſa lubens eſt ipſi obſecuta, nihil ſicut arbitrari lubet, cogitans hanc poſthâc magno uſui in eo quod agebatur negotio futuram, ſicuti poſtea videbimus.

Hoc anno Amelia Elizabetha Hannauvia mortem obiit, quæ mortuo pridem Guillelmo viro Haſſiæ Caſtellanæ Comite, (Lantgravium Germani appellant) paternam Guillelmi filii per hujus pueritiam tam egregiè adminiſtravit hæreditatem, ut hanc illi ubi adoleverat, multo tradiderit ampliorem : bello videlicet unâ cum Galliarum Rege, ac Sueciæ Reginâ in Germaniâ adverſum Ferdinandum II. ac Ferdinandum III. Imperatores impigrè geſto, quo non mediocriter filii rem auxit, atque in perpetuæ obſectam pacem, ac recuperatam Imperii Ordinibus priſtinam libertatem gloriæ ſocietatem cum his potentiſſimis Regibus venit. Germanicè, & Gallicè juxta, atque aptiſſimè ſcribebat, quod quidem ſicuti pleraque alia per ſe faciebat, alienæ operæ magis parcens, quàm ſuæ. Poſt hujus mortem Guillelmus filius ad Regem miſit, qui ſe haud ſecus quàm matrem, ac patrem antehâc Galliæ ſtudioſum fore, ac Regiam Majeſtatem culturum, atque obſervaturum diceret, quæ legatio Regi gratiſſima, atque acceptiſſima fuit.

Britannos quos Anglos tum appellamus, ob Regis ſui cædem publici judicii ſpecie perpetratam omnibus tum inviſos eſſe debuiſſe quis non exiſtimaverit ? neque ſupplicii quidquam amplius iis irrogandum fuiſſe cenſeo, quoniam bella non ſine ingenti ſumptu, & incertis eventibus geruntur, aded ut in bonâ cauſâ peſſimam quandoque fortunam habeas. Sed unicuique non amicum alteri eſſe ſermè licet : quo mihi ſœdiùs egreſſe Philippus Hiſpaniæ Rex videtur, qui hoc anno Alſonſum Cardenam Londinum legavit, uti Britannos ſicuti Regis ſui nece quidpiam ſibi juris quæſiſſent, qui id immaniſſimè violaverant, amicos, & ſocios appellaret, periculoſiſſimo certè in ſemet, ac cæteros Reges exemplo, quorum Cardenas principem Philippum eſſe per vaniloquentiam prædica- vit, atque aded hunc primum omnium id honoris Angliſ habere voluiſſe : ſed de hoc principatu nemo omnium ignorat planè falſum eſſe, primas Galliarum Rege inter alios omnes dudum obtinente : cæterum Hiſpaniſ diſciplina eſt, per fas, neſaſque imperium augere, dominandi lu- bidini religionem obtentui habere, atque hanc ubi uſui non eſt, parvi

1651. pendere, quod quidem tunc Philippus faciebat, gentis ab fide nostrâ Catholicâ alienissimæ amicitiam queritans, ac præterea ob recentem Regis sui cædem omnibus invisæ.

a Stuart Mar-
quis de saint
Megrin.

Eâ tempestate in Cataloniâ pestilentia gravis, ac maximè apud Barcinonem fuit : quo fiebat ut oppidanorum infrequentia urbs ab his modò custodiri solita in discrimen veniret. Provinciam hanc Jacobus Stuartus Sammegrinus pro Prætorè obtinebat, qui cum bonâ Barcinonensium gratiâ cò Gallorum militum præsidium introduxit, datâ fide non in portis, aut mœnibus, sed haud procul in plateis, aut vicis stationes habituros, uti sicubi opus foret, oppidanis custodias ad portas de more agentibus præsto forent, sed eâ causâ Galli milites provinciæ finibus acciti hos nudavère. Igitur Prada haud procul Ibero flumine sine Gallorum solito præsidio relicta, ac popularibus permixta est. In hæc pauci è Catalanâ cohorte milites fuère : quod ubi rescivit Hieronymus Flixio ab Hispanis nuper recepto præfectus, hic duo armatorum millia ab vicinis præfidiis cogit, & apud Dertosam, quam & nuper hostes receperant, traductis Iberum copiis Pradam versùs venit, Catalanum militem suis haud parem fore confusus, quod longè aliter, ac ratus erat, cecidit : admotis enim ad murum oppidi scalis, atque hoste strenuè gerente rem, haud minor propugnantium virtus fuit, neque solus vim hostium sustinebat miles, oppidani & ipsi viri, mulieresque pro aris, & focis arma ceperant : postremò procul ab mœnibus pulsi hostes in præsidia sua discessère. Adveniebat Barcinone cum copiis Sammegrinus subsidio Catalanis, qui Marfillium Castrorum Præfectum præmierat : is pulsus jam hostibus comneat in oppidum introducit, præterea sexcentos pedites Gallos, qui majori præsidio forent.

Fine anni proximi mortem obierat Guillelmus Nassavius Arausiorum in Galliâ Princeps, qui ubi Henricus pater antehac decesserat, huic in potestatibus, & imperiis, quæ apud Socias Belgarum Civitates obtinebat, suffectus fuerat. Sed Guillelmo filius deerat, qui sicut ipse Henrico patri, ita illi sufficeretur : uxor vidua prægnans erat, cujus expectare partum, & an mas, aut fœmina foret, opperiri magis regium videbatur, quàm ut in liberis Civitatibus usurparetur. Sed in eas tanta merita Nassavium sunt, quorum operâ, atque incredibili virtute & constituta ab principio Res harum publica, & jamdiu cum magnâ potentia famâ stat, uti pleræque omnes Civitates expectandum viduæ partum censerent, ac si marem ederet, hunc patri sufficiendum. *Dei benignitate, atque Arausiorum virtute pacem partam nuper, quo adolescendi spatium puero futurum sit, atque interea ex eadem gente tutorem adesse, cujus item virtus in proximis bellis perspecta sit.*

Sed hæc disturbavit Antonius Brunus Philippi Hispaniæ Regis apud Socias Civitates Legatus, scilicet reputans in ejus rem fore, Sociis Civitatibus adimere tantam Arausiorum virtutem, & in hanc gentem ulcisci Sociarum Civitatum ab Regibus Hispaniæ defectionem, cujus auctores primùm, dein fautores fuère. Cum Bruno Batavi, quæ potior

inter Socias Civitas est, congruebant, nobiles cum Arausiis inimicitias exercere soliti, qui si ab Republicâ amoti forent, hujus se facillè principes futuros credebant, atque adeò ut ferè sit, ægrè erat in eâ quidquam suprà se videre. Igitur Brunus postquàm Bruscellas icrat, atque eò cum Hispanis Administris consilia contulerat, hujuscemodi verbis Sociarum Civitatum apud Hagam Comitum Senatum est affatus.

Quid interest inter regum quod pati nequivistis ab Hispani imperium, & id quod adhuc in vos Arausii tenuere, nisi quod illud hereditate Hispaniæ Reges ab majoribus habuerant, hoc vosmetipsi ultro Arausiis detulistis? Sed ab patribus ad filios, ab fratribus ad fratres eâ ætate, ac virtute, qui rempublicam gerere queant, imperium transire tolerabile id quidem, atque virtuti perinde, ac generi datum videtur. At si non pueri modò, sed & futuro mulieris partui servandum est, frustra vos tam diuturno bello jus, atque libertatem quaesistis, frustra Hispaniæ Regum tantorum Principum imperium excussis, uti tantulus viri, quin & earum quas uxores duxerint utero pareatis. Vobis Dei immortalis beneficio pax est, atque adeò ea incidere tempora, quibus unum modò quod intergræ libertati obtulisse videtur, scilicet perpetuum in una familia imperii nomen sua sponte desinat. Itaque vos ipsa res monet, quid usus sit. Neque existimetis vos parvum quid faciuros, si tantam Arausiorum potentiam interrupperitis, ostenderitisque hanc non hereditariam, sicut usque visa est, sed in vestro arbitrio esse. Ineredit si puer nascetur, similisque patrum suorum evadet, huic de integro eandem rei publicæ partem mandandam, quam patri, atque majoribus tribuistis, copia erit. Haud absimilem qui in Senatu ex Civitate Batavorum adesse solet, orationem habuit, atque idem Batavi omnes dictabant.

Sed adversum hæc Reginæ visum Arausiis favere, cùm ob gentis nobilitatem, atque perpetuum in Galliam studium, tùm quod ubi viri Principis autoritas in re publicâ valet, ibi rectius, atque æquius omnia geruntur. Ad hoc Guillelmi Nassâuvii uxor tum vidua, de cujus partu si filius foret, agebatur, Henrica: Britannix Reginæ filia, atque adeò Ludovico Regi consobrina est. Postremò quid Brunus apud Socias Civitates eâ tempestate novandis rebus idoneâ moliri vellet, observandum Regina censèbat: nam tametsi ab fœdere de bello, ac pace unâ faciundis discesserant, atque nihil in præsens ab his sperandum esset, quod nobis usui foret, tamen erat magnoperè cavendum, ut ne ab Hispanis circumvenirentur, atque Gallix planè hostes fierent.

His de causis Rex Pomponium Bellevræum in Senatu Præsidem ad Socias Civitates extrâ ordinem legat, hominem Henricæ amicitiam pridem cognitum, atque probatum, nam apud Carolum virum Britannix Regem antehac trium, atque amplius annorum Legationem obierat, dein iterùm eodem extrâ ordinem per difficilia Caroli Regis tempora legatus fuerat. Is maturè sicuti res monebat profectus Hagam Comitum advénit, perbenignè juxtâ, atque honorificentissimè ab Fœderatis Ordinibus acceptus: sed ex eâ legatione nullum Gallia fructum, neque item Henrica, aut Arausii cepere. Fuère qui Bellevræum properantiùs in Galliam rediisse crediderint, spem nactum aut Procan-

1651.

cellariatûs habendi, aut Primarii Præsidis Magistratum in Senatu adipiscendi, nam Signum regium Molæo redditum iri fama erat, atque hunc primarii in Senatu Præsidii Magistratum abdicaturum.

Post paulò Britannorum Legati Hagam Comitibus apud Batavos venire, fœdus, atque amicitiam oratum: qui quoniam ob Regis sui cædem invisi omnibus præterquàm Hispanis erant, ab plebe infestis clamoribus accepti sunt, dein ab maledictis itum ad sâxa, quæ in prætereuntes ingesta sunt, ita ut his custodes adhibere necesse fuerit, qui prohiberent injuriam: cæterum postulantibus Britannis uti Sociæ Civitates fœdus cum ipsis inirent, eosdem amicos, eosdem hostes haberent, non ex sententiâ responsum: neque enim tum Sociæ Civitates æquum censuere ullâ cum Britannis societate conjungi.

Hoc anno Hispani dum apud nos tantæ turbæ fiunt, de Barcinone quæ Urbs Cataloniae caput est, recipiundâ cogitabant: nam si eâ possiderentur, omnis item provincia futura erat in potestate, in quâ scilicet cætera oppida, castellaque infirma sunt. Sed ut illa ad mare posita oppugnaretur, magnâ belli mole opus erat, neque exercitu ab terrâ modò, sed & ab mari Classe, quæ comeatûs, atque auxilia prohiberet. Hæc apud Neapolim, cæterosque Italiæ, Siciliae, atque Hispaniæ portûs apparabatur, copiæ ab Germaniâ, atque ab Italiâ accercebantur. Classi præfuit Joannes Austrius de quo antehâc memoravimus: qui ubi Barcinoni appropinquavit, terrâ, marique Imperator factus omne circum urbem bellum administravit.

Isthuc Hispanorum consilium ex copiâ rerum haud ignotum Regi, atque Administris fuit, neque omittebant Catalani per Legatos tres quos habebant in Aulâ, Josephum Dardennam Illæ Comitem, Josephum Fontanellam, & Josephum Pinolam instare, urgere, ut huic occurreretur, atque eâ gratiâ mitteretur in provinciam, qui hanc more majorum Prorex obtineret, nam ab discessu Mercurii Imperio vacua fuerat, nihilò segnîus tamen Sammegrino Proprætor illic rempublicam gerente. Hoc quincurium Equitum Tribunum mense Aprili eò mittere consilium fuerat, qui adeò ab Peronâ cui Præfectus est, fuerat accersitus. Sed ubi quæ ipsi per proxima æstiva ad bellum gerendum, defendendumve necessaria erant, de iis agi cœptum, hæc vix Administratos suspeditare posse satis intellexit, ob ærani inopiam: quo factum est, uti provinciam hanc cuivis quàm sibi datam mallet. Eo Condæus cum Catalanorum Legatis egit, ut hanc Marfino peterent. Id quidem lubentes fecêre, quia Marlinus egregiam antehâc in Catalonia Regi operam navaverat, quem adeò eodem pro Prætoro mittendum facile decrevit: & quia de Hispanis increbrescebat rumor, hos terrâ, marique apparare bellum, Marfinum quamprimùm in Cataloniam proficisci visum. Sed Condæus hunc sibi magis, ac magis adjungere studens operam dedit, uti priùs Claromontiam Entraguam virginem nobilissimam, quicùm affinitas nonnulla ipsi intercedit, uxorem duceret, in quo negotio mensis est unus consumptus. Mirum profectò fuit Regem,

Regem, atque Administros homini quem Condæo deditum satis sciebant, qui hujus causâ ante annum in custodiam conjectus, dein hæc emissus fuerat, & qui huic affinem virginem ducebat uxorem, provinciam Hispanis quibuscum Condæo fœdus intercedebat, finitimam, & quæ ab ipsis defecerat, permisissæ.

In Italiâ id modò Gallis, Hispanisque hoc anno curæ fuit, uti rem utrimque sustentarent, alteris in bellum civile quod impendebat, alteris in Catalonicum intentis. Exiguæ igitur copiæ nostræ in Italiâ, item & exiguæ his Sabaudia Ducis copiæ conjunctæ fuere: cunctis Villa Marchio præerat, qui primùm Alexandriam, dein Linguas versus (id nomen angustis vallibus inditum, quibus ab Montisferrati, & Subalpinorum regionibus, in Ligures descenditur) prædas egerat, castella ceperat, atque alia hostilia fecerat, cessantibus tum hostibus, cum pars nondum ex hybernis deducta esset, alii petentibus Finalem Germanis iissent præsidio, pauci apud Alexandriam, circumque ea loca agitent. Ast ubi cuncti in unum conducti, Caracena numero fretus Subalpinorum vicissim ingreditur fines, magna comœtus, atque omnis instrumenti bellici copia sequebatur agmen, omnisque apparatus urbium oppugnandarum.

Is quoniam Moncallierum petebat, oppidum decem modò passuum millibus ab Augusta Taurinorum positum, suspicio incidit, hunc eò, aut ad Pinarolum, quod in Regis ditione est, movere velle. Quod ubi est Sabaudia Duci apud Augustam Taurinorum agitare solito nuntiatur, optimum factu visum in tam propinquo rei publicæ discrimine, Thomam Patrum dare operam ut ne quid detrimenti caperet: nam is apud Augustam Taurinorum erat, per hæc æstiva cessaturus, quoniam cum exiguo Gallorum, atque Subalpinorum exercitu nihil satis dignum hujus viri Principis, & virtute, & famâ fieri posse videbatur. Sed ubi periculum advēnit, nihil puduit paucis copiis Imperatorem esse, modo ut his rem publicam Regi, atque Sabaudia Duci fratris filio salvam præstaret.

Igitur exercitum qui apud Chierum erat, cis Padum reduci jubet, atque ad ripam fluminis castra ponit, ut hujus transitu hostem arceret. Eò dùm quæ opus facto sunt agit, aut præcipit studiosius, fortè cui insidebat equus, is perterrefactus, ac in posteriores erectus pedes, hominem dejicit, atque affligit solo, qui ex eo casu caput graviter offensus huic curando ad Urbem rediit. Sed opportunè tum advēnit a Santandreas Mombrunus cum aliquanto equitatu, quem ex Galliâ adducebat, missus ab Rege, qui per absentiam Thomæ bellum in Italiâ Legatus administraret. Is ad Piobes loco ad prohibendum stativa habuit, dum hostis ad Moncallierum & ipse habebat stativa. Eò amnem rati bus junxerat, neque tamen aliud ultra Padum quàm prædas agebat, haud magnas has quidem, tam vicinis Gallorum qui effusè prædari prohibebant stativis.

* Le Marquis
de S André
Momburn.

1651.

At cessante Caracenâ Santandreas ex ingenio gentis nostræ avidus belli gerendi amnem vado transit, atque ad Moncallierum ducit: cuius rei nuntius ad Caracenam allatus suspicionem iniecit majores quàm fama ferebat, copias Santandream secum adduxisse, quibus fretus ad se versum veniret, ita quod in metu fieri solet, ampliora vero omnia sibi fingens noctu contra militiæ decus, collectis silentio vasis Chierum abscedit, quò biduum moratus secundis castris Butilieram petit. Santandreas ad Villam novam habuit castra, nec omisit usquàm exploratum mittere, quid ubique hostis ageret, si fortè rei benegerendæ casus daretur. Turma una eâ gratiâ Pauli-fanum haud procul castris ierat, quæ in hostium alas quatuor incidit: has Caracena eò miserat, ut ne copia nostris esset explorandi quonam iter intenderet. Continuò inter turmam nostram, atque hostium equites prælium fit, quod iniquum erat nostris, ni properè ab castris subsidio venisset Canillaci equitum ala, quæ hostes Butilieram usquè pepulit, ipsisque Caracenæ castris intulit metum, ac terrorem, pulsâ peditum quæ pro castris erat, statione: quo factum est, uti statim moveret, metuens ne perturbatis suis univerfus noster exercitus interveniret.

In Montisferrati relictis Subalpinorum finibus concessit agrum, propius Mediolanensis fines, neque posthac quidquam operæpretii utrimque factum, donec copiar in hyberna, aut aliò quò res monebat, deductæ: nam Hispani tunc cum maximè Barcinonis oppugnationi intenti, Galli de bello civili quod apud se flagrabat, solliciti erant. Illi tamen non omisere cum Christinâ Sabaudia Ducis matre agere, atque hanc hortari, uti corruptis Gallia rebus ipsa sibi, atque filio consilium caperet: si id fatis placeret, Philippum pacis conditiones quàm honestissimâs huic laturum. Sed hæc mansit in fide, quam pridem Regi Ludovico fratri, dein Regi Ludovico fratris filio dederat, mulier ingens animi, neque turbis quæ in Galliâ erant, territa, quas brevi desituras non dubitabat: nam ubi Rex capefferet rem publicam, quod prope diem erat facturum, ibi verò finem factionibus fore, atque omnes in viam redituros. Apud nos verò, quæ per hyemem in Italia copiar nulli propè usui erant, eas primùm in Aquitaniam, deinde in Cataloniam mittere visum.

a Le Maré-
chal d'Au-
mont.

b Le Duc de
Chaulne.

Æstivorum initio a Almontius Villequierus Equitum Tribunus Belgium acriter erat ingressus. Primùm Legiam traducere copias consilium fuit, tametsi Sfondratus Marchio prohibebat, custodiis ad vada, pontesque dispositis: sed hæc ab b Chalnio, & Beliero-pleffio Legatis qui præmissi ad amnem ab Almontio fuerant, pulsæ tormentis, sclopetisque nihil obstitere quo minùs resectis pontibus, quos hostes abeuntes corruperant, omnis exercitus traduceretur: Sfondratus Armentariam, dein eò relictis peditibus Ypras cum equitatu profugit, complures in fugâ capti, ab eadè quoniam ultrò dedebant se, temperatum. Id incommodum hostibus illatum Leopoldi adventum ad Insulam Urbem maturavit, quò omnes coëgit copias, nostrorum conatus inhibiturus.

Sed nullum pugnandi consilium fuit, opperienti videlicet, quoniam illæ turbæ, quæ apud nos in Aulâ erant, evaderent denique, & quæ Condatus receperat, ea uti præstaret, tum demum averſis in bellum civile Regni copiis, pugnandi sibi magnam opportunitatem fore. Ubi videt Almontius Leopoldum munitissimis sc̃e stativis tenere, atque objecto Deullo amne, qui ab Insulâ Urbe ad Legiam fluit, tutò pabulari, & commeatuum habere copiam, ad Avendini-pontem movet, si fortè hostes inſequendi studio æquis sc̃e committerent locis, quod est frustra speratum, nam magno circuitu hostes Duacum venère. Interea nostri prædas agere ex omnibus vicis, villisquæ, hostes verò pabulatores nostros ex insidiis deprehendere conati frustra fuere, quoniam his Almontius præsidium adhibuerat, ab quo hostes male mulctati sunt.

Sed Almontius pugnandi avidus, ut insigni aliquâ clade affectis hostibus, otium ab his in reliquum æstivorum Galliæ faceret, quo Rex vacuus ab eâ curâ bellum civile facilius administraret, propius Duacum accedit, atque ad Arleuxium castra ponit. In tantâ hostium vicinitate vix fieri posse videbatur, ut ne qua res Leopoldum tametsi vitabundum ad pugnam cogeret. Duacum ad Scarpam est, præterea turres certis secundum hunc amnem intervallis collocatæ, in quibus tum præsidia fuere arcendis nostris fluminis transitu: quo fiebat, ut hostes cis Scarpam tutò frumentarentur, pabularenturque: contra verò alterutrum facientibus nostris plerumque interveniebant, cum transitus fluminis esset in potestate, ob turres, & præsidia.

Id Almontius utique grave, sed nihil gravius erat, quàm quod hostes abnuerent pugnam, ad quam ut hos adigeret, Chalnium Legatum cum idoneo militum numero, ac tormentis duobus turres oppugnare jubet: qui ubi his appropinquabat, atque res in conspectu Duaci gerebatur, hostes magno equitum, nam decem alæ fuere, atque aliquanto peditum numero subsidio turribus venère: sclopetis eminens res geritur, inter quorum strepitum *a* Espagnius cohortis unius Tribunus cum trecentis sclopetariis vadato amne, atque ex alterâ parte *b* Chalnus Legati frater è Melitensi militiâ, cum majori militum numero hostes circumire, & reditu ad urbem prohibere conantur: at illi animadverso nostrorum consilio, omisâ pugna ad urbem profugère.

Apud Arleuxium Almontius mensem integrum stativa habuit, atque interea quæ maturuerant frumenta, ea longè, latèque messuit, & in castra convexit, aut quæ superavere planè corrupit, nihil prohibente hoste, ut ne pugnandi necessitas esset: postremò disjectis quas propius Duacum ceperat turribus quinque movit castra. Hostes ad Valentianas iere, urbem magnam, ac validam, atque eò castra sub urbis mœnibus posuere: nostri ad Ynchium primum, dein ad Ainam ultra Scaldim habuere castra, is locus Cameracum inter, & Castelletum medius est, quod oppidum nuper in Galliæ finibus ab Hispanis captum Almontius recipere se velle simulabat, ut eò eliceret hostes, quò patent ad

1651.

pugnam campi, neque hanc abnuere copia foret. Sed hi ad ripam finitram Scaldis, ab Valentianis, ad Buchainum stationes, custodiasque disposuerant, quæ nostros transitu fluminis prohiberent: prætereà ultrà Scaldim aliquantùm equitum habuere, qui inter amnes, rivisque, locis ab naturâ munitis agitabant, uti nostros eâ parte castra habentes ab effusâ populatione detererent.

a Le Marquis
de Bougy.
Le Marquis
de Beaujeu.

Sed majus quidpiam Almontius volebat animo, quo pacto videlicet ad finitram Scaldis evaderet ripam, atque hostes porrò abnuentes pugnam ad hanc denique capeffendam cogeret. Eâ gratiâ a Bugium, atque Beljocum Castrorum Præfectos paulò diversos cum quatuor equitum turmis Haspram versùs, quem locum destinaverat castris, præmittit, ipse aliquanto intervallo cum cætero exercitu, atque omni graviori agmine sequitur. Fortè Fuensaldanius unus ex Hispanis Ducibus cis Scaldim fuit, atque incertum quo consilio, cum tribus equitum milibus Cameracum versùs veniebat: præbant equites trecenti, atque itinere paulò diverso octo equitum turmae. Id Bugio, atque Beljoco speculantibus videlicet haud occultum fuit, qui subito Almontium eâ de re faciunt certiore, is ambos prælium incipere jubet, atque alios equites subsidio mittit, militesque addere gradum imperat.

Castrorum Præfecti continuò adoriuntur hostes, sed hi vix nostrorum conspectum, nedùm impetum sustinere: pars fugâ sibi consulere, alii projectis armis dedere se, vitam orare, ita pauci cæsi, capti quadringenti, Fuensaldanius suorum quos præmiserat fugâ, prætereà significatione, tormentorum strepitu ab Cameraco, & Buchaino factâ monitus hostem adesse, properè ad loca inter amnes quæ suprà diximus munita reducit agmen, Almontius ad Haspram castra habuit. Postridiè cùm lucesceret, nostri sicuti præceptum fuerat, parati, instructique ad Scaldim iere, pulsisque ab Neovillâ hostibus, pedites ponte quem haud satis hostes interruptum reliquerant, equites vado amnem traducti sunt, præcuntibus Legatis, Castrorum Præfectis, Tribunisque: dein Almontius cum magnâ equitatus parte ad castra hostium vadit sub Valentianarum moenibus posita, qui se his tenuere, neque adduci usquàm potuere, uti pugnandi potestatem facerent.

Ubi Almontius videt Hispanos detrectare pugnam, cis Scaldim copias reducit, & ad Quesnoium movet: primum agmen Chalnus ducebat, qui in ducentos hostium equites incidit, Croatæ erant, quibus fusis, fugatisque nostri ad Capellam habuere castra. Ab eo loco ad Castellum in Cameracensi agro postridiè movebant, cùm est Chalnio nuntiatum septingentos hostium equites, ducentos pedites latere in insidiis, apud eum saltum, qui ab Guisii arbore nomen habet: hi ab Avennarum, & Landrecii præidiis eò deducti fuerant, qui commensus ad castra nostra ab Quintini-fano venientes interciperent. Continuò Chalnus cum equitibus octingentis eò profectus, præmissò cum ducentis b Crequio è Militensi Militiâ, qui prælium inciperet, hostes post acre certamen fudit, centum & viginti cæsi, capti centum & quinquaginta, è nostris desiderati modò decem.

b Le Chevalier
de Crequy.

Diximus antehac viros Principes non modò oppidis, atque arcibus Præfectos esse velle, quas Propræfectis clientibus suis permittant, sed & duces turmis, atque Tribunos alis equitum, præterea cohortibus, quas item vicariis clientibus suis delegent, miserum profectò, atque indignum Regis sumptibus ali copias, quæ ex alieno arbitrio, atque lubricine plerumque pendeant, sicut eâ tempestate factum. Nam quibus hujuscemodi copiis Condæus, Angianus filius, & Contiùs frater præerant, eas ab exercitu regio segregatas habuere, quæ apud Marlas tum habebant castra, ac dissidium, & partes ostentabant. Haud ita procul fuit in Lucemburgensi agro Stephanus Gamarra Hispanus, cum copiis, quibus illæ faciliè conjungi poterant. Ubi custodiâ Condæus fuerat emissus, hanc ipsi Regina se tulisse conditionem aiebat, facilem juxta, & æquam, scilicet ut Hispanos Satenaio oppido ad Mosam aut abigeret, aut adduceret, uti sponte discedere vellent. Arx penes Condæum erat, atque in eam liber ingressus omnibus, quæ apud Marlas agitabant copis, quarum operâ Hispanos oppido pellerè haud difficilè videbatur.

Sed id eâ tempestate Condæum Hispanis ademptum nolle dictabant, misisse tamen simulandi gratiâ Brulardum Sillerium Brussellas, sicuti acturum eâ de re cum Hispanis, cæterum longè alia mandata quæ ad bellum civile pertinerent, huic dedisse. Hæc seu vera, seu ficta ab Mazarini clientibus, quando eâ Condæo potentia, eâ clientelæ, ea apud Gastonem, Senatum, populumque gratia erat, uti neque jus, neque leges adversum tantas opes valere possè viderentur, Reginam impulere, uti sibi omnes edocendos statueret, quid illi consilii esset, si forte rei atrocitate, & belli civilis metu sese adduci sinerent, ut erumpentem in rei publicæ perniciem hominis audaciam coerceri æquo animo paterentur. Eo Senatum accersit, aderat Gasto, Contiùs, Belfortius, Nemorosius, atque alii vocati omnes præter Condæum. Ubi Rex, atque Regina mater assedere, hæc quid Rex super omni Condæi ratione sentiat, eos certiores facere voluisse ait, dein Seguierus Cancellarius Scriptum quod præ manibus habebat Lomenio Briennæ uni ex Quatuorviris recitandum tradidit, quod postea Molæo primario Præfidi traditum est.

Hujus sententia hæc erat, *Quæ Rex de Mazarino, atque hujus propinquis, & clientibus edixerat, ea firma, & rata fore, atque adeò nihil esse, quod hæc rei publicæ perturbandæ quisquam obientui haberet*: postea quanta in Henricum Condæi patrem Ludovicus XIII. Rex, quanta ipse Rex Ludovicus filius in Condæum beneficia contulisset, commemorabatur: hæc postquam è custodiâ missus esset, conservata, atque aucta, restituta oppida, atque arces, restitutas pedum, equitumque copias, quæ utraque tot, ac tanta sint, ut qui eas sibi expetiverit, ut civis modum excedere voluisse videatur. Datam huic nuper Aquitaniam provinciam, atque in Ædvis quam dimiserit arcium trium retinendarum faciem potestatem: exhaustum in explendo hoc uno homine ætarium, antiqua sibi debita, copis, atque præfidiis stipendia, atque aliâ emun-

1651.

genda pecuniæ postulante, interea dum hæc in domus regie, atque exercituum sumptus, aut nulla, aut perexigua sit. Condeï pertinaciâ Regem coactum è Consilio suo pellere, quos ille voluerit : tres nuper Aula ut ipsi moi generetur, pulsos, quorum opera cum Regi, tum Reginæ matri bona, fidelique, in re publicâ fuerat. Nihil hæc ad stitendum ferocem animum profuisse : hunc ad Curias, & urbes primarias regni multa quæ bellum civile portendant, scripsisse, clientes, amicoque ejus copias in provinciis scribere, uxorem, ac sororem Muronem dimisisse, quo sicuti loco tutissimo, atque arce munitissimâ majus publico ærarium habeas. Cum Leopoldo apud Brussellas, cum Fuensaldanio apud hostium exercitum multa egisse, atque constituisse : nuntios ad hunc missitare, cum præsidio equitum, qui apud Marlas sint. Hæc, atque alia hujuscemodi quid Condeo consilii sit, satis, superque indicare, cui nisi prævertatur, rem publicam in maximum discrimen venturam. Id quidem facere, Reginæ certum esse, in quo sibi Senatam quæ bujus erga Reges perpetua fides sit, adiutorem fore confidat.

Hæc ubi in Senatu sicuti prius in Regiâ recitata, Condeus qui aderat, scripto & ipse respondit, Vana isthæc, & conficta ab obtrectatoribus suis, quo sibi invidiam apud Senatam, populumque constarent. Quæ beneficia ab Rege Ludovico XIII. in Henricum patrem, quæ in se ab Rege filio collata sint, ea utrumque, atque ampliora promeruisse. Haud decere se Patribus commemorare quæ, quantaque, & quam difficilibus temporibus rei publicæ præstiterit : se Regis voluntate Æduos quam obtinebat provinciam, in Aquitania qua sibi Spernonius cesserit, æstimationem dedisse, qui banc lubentissimus acceperit, neque Divionis Castellum, Joannis ad Alniam fanum, ac Seuram ad Ararim oppida in Æduis posita sibi præterea tradi postulaverit, quæ adeo penes se porro manserint : jure ita quidem, neque in eo quidquam præter morem factum fuisse.

Mazarinum advenam, atque hospitem plures habere arces, atque oppida, quæ cunctis clientibus, atque amicis permittenda ab Rege curet, quam se è regiâ gente Principem virum, aut quemquam alium. Sibi ab Rege attributas equitum, peditumque copias, at longè plures Mazarino. Suas Regi, atque rei publicæ usque præclaram operam dedisse, quid Mazarini copiarum facturæ sint, in incerto esse. Sese illas Almontio, aut Fertæo-Sanneclario Mazarini satellitibus conjunctas noluisse, sed Gastoni plane dicto audientes, ad quem summa rei militari per Regis pueritiam attineat. Quæ mutatio in Regis Consilio facta sit, eam se negare voluntate suâ factam : obtulisse quidem se Gondio, ac Montbisauro Burdelio, qui super hac mutatione, Gastoni autores fuerint, uti per Urbem discurreres, armaret plebem, in ædes Molæ irrumperet, ac Signum regium huic tum ab Regina datum vi eriperet, dein pergeret in Regiam, atque alia sese indigna pro amborum lubricine faceret.

Sese Servianum, Tillierum, & Lionnum Aula pulsos voluisse, uti sibi, bonisque omnibus consularet, quibus Mazarinus per hos clientes suos, tamen si absens insidiabatur. Id Senatui probatum, sed ne eo quidem se satis sibi cautum existimasse, atque Regia se abstinuisse, in qua scilicet Mazarinum porro gratia valere plus æquo satis perspiceret, qui tunc cum maximè rei publicæ specie, sicuti hanc ipse invadere velit, neque ei rei præverti nisi per suam perniciem possit, hanc sibi palam minuitur. Quoad Senatam, & ad cæteras Curias scripserit, id rectè,

atque ordine fecisse, uti se expurgaret adversum obtreclationes malevolorum, qui bellum civile ab se parari vulgaverim.

1651.

Hispanos Sateñaño discessuros fuisse, si Regine placuisset inter id oppidum, & Luxemburgensem agrum in annum inducias esse, aut sibi duo millia pedum permittere, quibus fretus bos oppido facessere coegisset, utrumque Reginam abnuisse: postremò se satis intelligere, atque sentire eo eum haberi, quod Mazarinus reditus rei publicæ causa adversetur. Si cum Hispanis hostibus consilia contulerit, aut quidpiam constituerit, jure contra se in hoc ordine agendum, sin id vanum, & falsum sit, querendum videri in eos, quibus autoribus id Regina scripto traditum Senatui voluerit, atque adeò huic supplicandum, ut ne bos Patribus occultos habeat. Simul Gastonis Scriptum Senatui Condæus tradidit, quo pleraque in commentario regio perscripta elevabantur.

His omnibus recitatis Condæus ait non alios se suspicari Regii commentarii autores esse, quàm Monthesaurium, & Gondium: apud alterum convenire omnes, qui sibi infensi sint, ac pessima de se inire consilia, alterum violenta, atque atrocia perpetuò agitare animo, ac suadere Gastoni, sicuti nuper de Molæo fecerit. Gondius sibi quidem respondit tum haud probatum Gastonis injussu Molæo ab Reginâ regium Signum datum, cæterum nihil illi hujuscemodi suadere voluisse. Condæus contrà adesse in Senatu Belfortium, & Rupifocaldum, qui sciant utrùm id verè, an falsò prædicet, hos unâ secum isthæc Gondium Gastoni suadentem audisse: postremò hunc ipsum Gondium, neque quemquam alium, regium commentarium qui recitatus sit, concessisse: exclamavere plerique qui id fecisset, eum videri alienissimum ab pace, & concordia animum habere. Dein Cognitor, atque Actores regii jussi dicere, si quid de eo quod agebatur Senatum edocendum haberent, Gastonis, atque Condæi Scripta ad Reginam deferenda censuere, eadem fuit Seniorum sententia, prætercà rogandum Gastonem, ut ejus operâ Condæus cum Reginâ rediret in gratiam, quæ recitata fuissent retrò citròque Scripta, eorum posthàc nullam fieri mentionem.

At ex Inquisitionum Classibus Juniores Reginæ supplicandum censuere, uti Senatum haud celatum vellet, qui sibi comperta essent ea quæ Scripto regio continebantur, ad salutem rei publicæ magnoperè pertinere si vera hæc audierit, ut ne Condæo, qui secum jure agi posset, sin falsa, ut ne criminatibus ejus impune sint. Cum res dilata in crastinum esset, eâ die in vestibulo Curia adfuerunt Condæi, & Gondii clientes, atque amici cum telis, quod est ab illo Senatui indicatum, addiditque Condæus sese ubi resciverit Gondium cum armatis in Curiam venturum, sicuti res monebat, sibi consuluisse, cæterum priusquam perrogentur sententiæ, dandam operam videri, ut omnes utrumque facessant. Gondius haud negavit sibi adduxisse prædicio amicos, metuentem videlicet ut ne quid Condæus adversum se iratus moliretur, quem pridè regium Commentarium fabricasse dixerit.

Continuò Senatus quatuor è Patribus egredi, atque abigere omnes qui in vestibulo cum telis essent, jubet: simul Gondius qui suos,

1651. Rupifocaldus qui Condæi clientes dimitteret, egrediuntur. Sed hi viso Gondio sustulere clamorem Mazarinistam appellando. Discedunt in suas quisque partes, districtisque gladiis apparant pugnam: at hunc tumultum sedavere qui aderant ex Senatu, quibus, ac præterea Gondio, atque Rupifocaldo suorum impetum inhibentibus, atque hortantibus uti discederent, postremo his utrique dicto audientes fuere, atque abire. Sed interea tempus quo Senatus haberi solet exierat, atque adeo postquam in Curiam redire qui abigendorum Condæi, atque Gondii satellitum causâ egressi fuerant, Senatus est dimissus. Gondium ferunt ubi ab vestibulo in Templum regrediebatur caput primum, ut fere fit, foribus semiapertis intulisse, quas Rupifocaldus qui prius ingressus fuerat in eo temporis occluserit vestigio, ita ut Gondii caput intrò, cæterum corpus foris esset. Diutius homini ita deprehenso illusisset, ni Camplatusius Molæi filius intervenisset, qui apertis foribus huic contumeliæ magis, quam periculo Gondium exemit, ex quo gratia inter hunc, & Molæum conciliata, qui usque ex dispari natura, atque ingenio discordes fuerant.

Postridiè Prætor Urbanus, & rerum capitalium Quæsitör, alii que minores Magistratus cum armatis circum Curiam præsidii causâ fuere, atque ubi Senatus assedit, ac Condæus de cuius scilicet negotio agebatur, in proximum conclave secesserat, Molæus perrogatis denique sententiis graviter suo more suam est orsus dicere. *Sibi Condæi rationem nusquam probari, quem nuper Regem, atque Reginam matrem in Regid visentem cum his bona fide, atque ex animo redire in gratiam decuerit, neque id simulare verbis; ac postea cultu, habitu, comitatu prope regio per Urbem incedere, uti plebi audaciam, atque potentiam regis parem ostendat: hunc verò quod de pellendis Sarsenais Hispanis receperat, id præstare debuisse. Sed ita rei publicæ tempus esse, ut omnes controversias minuire præstes, quàm alitercando, & quæ aliquis censuerint, ea ab Regina postulando alere, aut augere: se statim conciliandum inter hanc, & Condæum gratiam censere, rogandumque Gastonem, cujus auctoritas apud utrumque valeat plurimum, ut hunc rei publicæ navare vellet operam. In Molæi sententiam plerique omnes discessere, Senatus consultum fit, uti Regis, Gastonis, atque Condæi Scripta ad Regem, atque Reginam matrem deferantur, adjiciaturque quid ex his pertimescendum Senatus existimet: cæterum utrique supplicandum, ut hanc controversiam sublatam, ac magis gratiam inter se, & Condæum conciliatam velint, ei rei summopere ab Senatu rogari Gastonem, uti quam possit operam det.*

Castronovanum, Molæum, atque Vetustvillam Mazarini voluntate, de quâ Ondedeus Reginam fecerat certiore, designatos fuisse diximus, qui ubi Rex propediem rem publicam, ætatem ad id legitimam adeptus capesseret, huic in Consilio adessent, ac præterea suum quisque obire munus: jamque Regina de rebus in quibus maturè consulto opus erat, his magnam habebat fidem, nam quibus consultandis spatium erat, de iis Mazarini exquirebatur, expectabaturque sententia. Sed quoniam nondum palam illos tres Regina de re publicâ consultabat,

Chavignium

Chavignium ad Urbem retinere velle visa est. Nam ubi primum Servianum, Tellierum, ac Lionnum abigi Condæus postulaverat, Regina ut huic contrà agrè faceret, atque ab hoc consilio dimoveret, idem se Chavignio facturam dixerat, qui tum nihil id opus esse Reginæ significaverat, cum ultrò discessurus esset, ni matris morbo impediretur, quam satis piè deserere non posset, ubi huic meliusculè foret, continuo profecturum.

Post paulò tamen Regina per Villaregium nuntiarì Chavignio jubet, per se licere, ut ad Urbem maneat, quo multi existimavere hujus consilio Regem porro, atque Reginam in re publicà uti voluisse, sed ille obstinato ad discessum animo, atque propositi quod honestum censeret, tenacissimus, perstitit in sententià, seque abiturum Villaregio confirmavit. Id illum eo fecisse arbitror, quod conciliandæ Reginam inter, & Condæum gratiæ nulla spes erat, providebatque ex eorum discordià rei publicæ multa secùs eventura, inter quæ versari, cum prohibere nequiret, importunum videbatur, satiùsque erat rus concedere, quàm Reginæ, aut Condæo dare operam, Reginæ quod ab hac Condæus cui se Chavignius in adversis dederat in clientelam, & fidem, diffidebat, Condæo quod bellum civile apparabat.

Sed de Castronovano Condæus negabat se usquàm toleraturum, ut iterum in Regis Consilio esset, dictitando hunc deteriorem esse Mazarinum: quamobrem Gastonis implorabat de eo pellendo fidem, atque *Ad fadus pertinere aiebat, ut ne hominem sibi inimicum eadem quæ antebac Mazarinum, ac pejora facere sineret: de hujus consilio fabricatum quem in se Regina ad Senatum miserit commentarium, postremò pessimè secum, & cum omnibus bonis actum videri, si pulso Mazarino nequior ipso Castronovanus rem publicam administret, sibi satius esse decedere finibus, ac se Hispanis hostibus permittere: sibi virtutem ubique eandem, ac fortassiè fortunam fore.*

Isthæc commovere Gastonem, periculumque erat, ut ne cum Condæo de pellendo Castronovano congrueret, ni Rohana Mombafona, atque Gondius hominem attinuissent: postremò in hanc Gasto, Condæus, atque alii discessere sententiam, uti Comitiorum Regni, quæ hoc anno habitum iri Regina receperat, operâ, Consilium Regi institueretur, quale non uni Reginæ, sed & Gastoni, & Condæo videretur, qui in eo Guisiorum per Henrici III. Regis tempora exemplum sequi nihil pensì habuere. Isthuc de Consilio Regi instituendo Gondio satis placebat, speranti se denique Gastone fretum eò introduci posse. Sed ut animo cupienti nihil satis festinatur, Gondius autor Gastoni fuit, uti rus abiret, si fortè secessionis simulatione Reginam ad hujuscemodi Consilium instituendum etiam antè Comitìa posset adducere, quod quidem frustra fuit.

Regina de Comitiiis habendis spem fecerat, quæ omninò certa videbatur, non in Urbe quidem, sed aliò, quò probè intelligebat factionis opes haud æquè, ac in Urbe ad perturbandam rem publicam valere posse. Gasto ubi videt Reginam in hac hære sententiâ, & ipse apud

1651.

Limursium suum porrò commorabatur. Sed hoc ita ab Senatu, Condæo que se juncto factionis vis minuebatur: quamobrem Condæus ad hunc profectus est, misitque præterea Senatus, qui rogarent ut ad Urbem, atque in Curiam redire vellet. Misit & Regina sæpius, scilicet quæ hominem tametsi multò quàm par esset æquiores Condæo ab Regis tamen Consilio diutius abesse nolebat: ad hoc sibi, atque rei publicæ præsidium in eo putabat, quod Gondius in cujus potestate erat Gasto, Condæum malè oderat, ac vix usquàm conventurum inter eos videbatur. Eo Regina adversum Gondium benevolentiam simulabat, sinebatque hominem ab se, & ab Rege filio Cardinalatum, atque alia ingentia sperare. Certè enim nemo eà tempestate magis idoneus fuit, quem Condæo opponeret, audacem, neque antehac illius dignitate, aut genere deterritum, quo minùs cum eo tanto Imperatore in Curiae vestibulo, grege utrimque factò, si usus veniret, ferro decertaret: cæterùm hunc multa sibi licere arbitratum existimo, uti potentiam regiae proximam, qualem eà tempestate Mazarinus, atque antehac Richelius habuerat, adipisceretur: sed si eò pervenisset, hac rectè usurum fuisse, exemplo Octaviani Cæsaris, cujus ratio in adipiscendo Imperio haud satis recta, cæterùm hoc adepto æqua planè, ac sancta fuit.

Nondùm Gasto redierat rure, atque interea Senatus haud cessabat Reginam de Condæi negotio urgere: sed hæc primùm se Gastonis reditum opperiri dixerat, de cujus consilio velle se facere, quæ ad hanc rem attinerent: verùm cum is opinione amplius moraretur, Senatum accersit, cui Cancellarius Reginae verbis ait. *Quæ ipsi de consiliis ab Condæo cum hoste collatis antehac nuntiata fuerint, ea se falsa audisse lubentem credere, quoniam ea de re nulla porrò iudicia sint subsequuta: cæterùm æquum videri Condæum dare operam, uti præsidium hostium quod apud Satenaium sit, prope facessat: uti copiae quibus præsit, exercitus regio conjungantur: Muronem munire amplius definat: majora solito præsidia in oppidis, arcibusque sibi ab Rege commissis ne habeat: Regem protinus visat, atque huic in Consiliis quæ de re publica habeantur, præsto sit.*

Sed postquàm Gasto ad Urbem redierat, Senatusque de Condæi negotio habitus est, ex Gastonis sententià visum amplius Condæo cavendum esse. Id factum regio Diplomate, quo hunc extrà noxam esse Rex edixit. Hoc Diploma, simul alterum de Mazarino, atque hujus propinquis quod tantoperè Senatus flagitaverat, ad eum mensis Septembris initio allatum est, atque hoc confestim de Mazarino, propinquis, ac familiaribus extraneis omni Galliâ, atque aliis quæ in Regis ditione sint regionibus, interdicendis, promulgatum, & in acta Senatus relatum: illud de Condæo dilatum in eam diem, quâ Rex capefrendæ rei publicæ in Senatum venturus erat. At Condæus nusquàm sibi cum Regina conventurum satis scibat, nisi si Mazarinum in Aulam reductum vellet, neque aliud quidquam sibi apud illam noxæ esse, quàm quod id huic obsequi nollet, & quamdiù in hac perstaret sententiâ, tamdiù sese haud satis tutò in Aulâ versari posse, neque adeò quod Regina perscribi Edic-

tum, ac promulgari iusserit, in eo satis sibi præsidii futurum, quamobrem secedendum esse denique arbitrabatur.

Igitur biduo antequàm Rex in Senatum veniret, ad Triam Rus Longavillæ hujus visendi specie proficiscitur, atque inde litteras Contio mittit, quas Regi redderet. His purgabat se, quod ipsi more majorum rempublicam capessere aggredienti non adesset, *Factum id inimicorum fraude, atque saviis, quibus subducere se coactus sit, uti posthac quam domi, militiaeque Regi debeat operam, eam ipsi navare possit, ceterum suam erga hunc fidem inviolatam fore.* Apud Triam cum Longavillâ uti secum sentiret, ac Sectam suam sequeretur convenit: dein Cantilium suum divertit, quò Nemorosius, & Rupifocaldus iêre, uti quid ab se facto opus esset, resciscerent.

At Rex Id. Septemb. insigni equo vectus, quem stragulum superimpositum ephippio, atque hinc, inde pertinens ad solum opere phrygio ornabat, per urbem incescit. Comitabantur viri Principes, atque alii ex Aulâ, ipsi, atque singulorum equi perinde ac sutores ornati: ab Regiâ ad Curiam stabant in armis longo ordine Galli, atque Helvetii milites è regiâ custodiâ. Ubi Rex Senatum est ingressus, atque solio insedit, paucis Patres est allocutus. *Se eò venisse uti more majorum ad quos per pueritiam Regnum pervenerit, id ætatem legitimam adeptus capessere incipiat in Senatu: dein exceperit orationem de more Cancellarius, atque amplius est prolocutus quæ ad eam rem attinerent, finemque dicendi faciens Patribus ait, Regem singulis quem gerebant Magistratum, cum confirmare, vitæ, necisque civium, præterea bonorum judices constituere.* Postea Regina in Regem filium versâ paulum flexo venerantis in modum corpore. *Novennium esse ait, ex quo Ludovici viri voluntate hunc filium suum porro educere, & in Procuratione Regni esse cepit. Deo volente omnia salva, atque secunda usque fuisse: tunc lege Regni quod hujus sit, ad rem publicam per se gerendam, regendamque vocari, quod uti recte faciat, adjuturum Deum, atque eo virtutem, & prudentiam in dies additurum.*

Rex matri quod & sui, & Regni tam præclaram usquè curam gesserit, egit gratias, oravitque, uti se porro consilio juvaret, atque eâ causâ velle, uti secundum se in consilio sicuti matrem deceat, primas haberet partes: dein Reginam ad solium venientem, atque inclinantem se, uti fidem, & obedientiam Regi filio polliceretur, complexus allevavit, deosculatusque est. Andius frater, Gasto Patruus, Contius consanguineus, & qui aderant Franciæ Pares altero genu flexo, alius post alium ad solium progressi fidem, & obedientiam Regi polliciti sunt. Molæus primarius Præses luculentam eâ de re quæ agebatur habuit orationem, dein apertis Curiæ foribus recitata sunt Ediçta regia tria, primum de his qui Duello decertarent, secundum de his qui Deo, aut Divis maledicerent, tertium de Condæo sicuti perscriptum fuisse antehac diximus, nam tametsi decesserat Urbe, & quid haberet consilii palam esset, tamen de promulgando sicuti Regina receperat, Ediçto nihil est mutatum.

1651.

Castronovanus ad Mazarinum de hujus in Aulam reditu per Bertetum de quo supra memoravimus, scripserat, cui rei se daturum unâ cum amicis omnem operam pollicitus fuerat. Quamobrem Mazarinus per Ondedeum Reginæ persuaserat, ut illius consilio, iudicioque iterum in republicâ administrandâ uti, atque eâ causâ hunc regio Consilio præesse, seu primum in eo locum habere vellet, nam huic Signum regium redditum nolebat. Sed Castronovanum ferunt isthuc Seguieri Cancellarii voluntate factum optasse, atque omni ope enisum ut hunc eò adduceret, atque ut id ipsi rectè fieri posse persuaderet, per interpretes fidissimos, ac solertissimos cum eo egisse: hi Seguierum edocuere Castronovano consilium esse omnem dare operam ut ille & in Aulâ, & in Consilio regio maneret, ac Signum regium porro haberet. At hic tametsi id esset in potestate Castronovani, hanc tamen se negavit conditionem accepturum, neque commissurum, ut in se, atque in primum Regni quem gereret Magistratum, huiusmodi dedecus admitteret: sese Richelio quidem antehac primas in Consilio regio concessisse, quod & in Mazarino utroque Cardinali fecerit, sed idem cuiusquam alterius causâ nunquam facturum. At ubi Rex rem publicam capessere coepit, hanc licet continuo diremit: nam regium Signum per Guenegaldum Quatuorvirum ab Seguiero repetitum Molæo reddidit, qui primas in regio Consilio Castronovano concessit. Præterea Rex Vetusvillam Marchionem Maisonio summo Regni Quæstori subrogavit, huic abrogato Magistratu, aut quod eâ tempestate fieri solebat, Maisonio hunc sicut id ipse sua faceret, abdicare iussu, qui ex Mazarini sententiâ Vetusvillæ homini haud ingrato mandaretur.

Sed Reginam ægrè adductam aiebant, ut iterum Castronovani operâ in re publicâ uteretur, quoniam haud sincerâ fide cum Mazarino nuper egerat, eo hanc Molæi consilio magis, atque iudicio usam, Mazarinum verò consultò tres delegisse, qui rem publicam administrarent, propè consecrâ ætate, & qui inter se discordarent, quo sibi minor ab his metus foret, aut si quis fortè habendus esset, brevî desineret, postremò illis cautionem fore non dubitabat, ut ne Gondius ipsis præpolleret.

Interea dum Ondedeus ad Urbem morabatur, quem de habendo Cardinalatu Mazarini verbis Gondio fidem dedisse antehac diximus, hic ad illum misit qui vicissim suam de maturando hujus in Aulam reditu prius datam firmaret, atque id rectè fieri posse doceret, ubi Rex inaugurationis suæ causâ Durocortorum Rhemorum peteret, quò Mazarinus veniret, atque Gastonis voluntate pristinam in Aulâ gratiam, atque in re publicâ potentiam obtineret, atque id se apud Gastonem operam daturum pollicebatur: cæterum Mazarinum orabat, uti quam primum de Cardinalatu suo Regis ad Pontificem, atque ad Valencæum Romæ Legatum litteras perscriptas vellet, quæ penes Mazarinum ipsum forent, donec de ejus reditu confectum esset. Præter Cardinalatum quem expetebat sibi, Nigromonasterio amico Ducis, & Pa-

ris Franciæ dignitatem tribui postulabat, de quâ & Rescriptum Regis fieret, ac penes Mazarinum item maneret.

Isthæc reditus sui in Aulam causâ satis placuere Mazarino, atque adeo perscriptæ Regis ad Pontificem, & ad Valancæum de Gondii Cardinalatu litteræ sunt, ac traditæ Ondedeo, qui has ad Mazarinum perferret: sed post paulò pervicit Gondius, ut has Mazarinus ad Reginam remitteret Gastoni tradendas, quo isthuc, & hujus honoris causâ Regina se facere ostenderet: mox & missæ ad Valancæum sunt, qui has Pontifici opportunè redderet, atque ad eam rem aptam orationem adderet. Quod ubi factum est, ibi verò Gondius nihil Romæ sumptui pepercit, quo Cardinales quantocyùs crearentur, ut ne Mazarino conturbandæ rei spatium esset.

Scio existimare nonnullos, Gondium postillà invito Mazarino, atque adeo Rege Cardinalem creatum: sed omninò incredibile est Pontificem quantovis in Mazarinum odio permotum tantam Regi contumeliam fecisse: probabilius autem Mazarinum Gondio Cardinalatum ab Rege peti seriò voluisse, uti sibi de reditu in Aulam apud Gastonem faveret, neque illi mutare cum Gondio fidem usquàm consilium fuisse: sed hic nihilo magis Mazarini in Aulam reditum cupiebat, tametsi huic se operam navaturum fidem dedisset, ac firmavisset, nam ingentem, ac vastum animum nusquàm Cardinalatus explebat, quem eâ causâ modò petebat, uti viris è regiâ Gente Principibus æquaretur, atque hâc dignitate fretus ad eundem denique gratiæ, atque potentiæ gradum quo Richelius, dein Mazarinus adscenderant, perveniret.

Fuere eâ tempestate qui crederent comparatum inter Gastonem, & Condæum, ut ille domi, hic foris rem publicam curaret: ille non omninò ab Regina dissentiret, sed concordia specie, si quid in Aulâ, aut in Senatu graviùs in Condæum consuleretur, id Gasto disturbaret, satiusque esse diceret æquas huic ferre condiciones, atque eo pacto bello civili quod imminebat occurrere, quàm id ex hostium sententiâ accendere: interea Condæus augeret copias, exercitumque ex amicis, & clientibus, & qui sibi, atque his obnoxii essent, conflaret. Bellum in Aquitaniâ incepturus videbatur, quod uti Rex sustineret, ab Regni finibus propè omnes copiae evocandæ erant, atque in diversissimas, duccendæ partes, quod ægrè facturus erat, ut ne interea hostis haud procul ab Urbe fines invaderet, ac potius æquas condiciones Condæo laturus. Eâ spe fretus cum ab Urbe profectus esset, ad Angervillam Rus Peralti clientis nobile restiterat, opperiens quid Gasto sibi nuntiaturum mitteret.

Sed hic quid Rex, atque Regina vellent certior factus Limursium suum profectus est, haud ita procul ab Angervillâ positum, ac locum inter utrumque delegit, quò cum Condæo colloqueretur, quem misso ad hunc e sua familiâ Nobili quodam accersivit. At nobilis non ad Peralti, sed ad aliam Aureliâ Urbe haud procul Angervillam iit, quo factum est ut ad Condæum non perveniret: ipse autem de sua secessio-

1651.

ne Aulam parùm sollicitam ratus continuò abeundum longiùs, & operam dandam esse decrevit, quo sentiret quàm graviter in se spernendo offenderet. Sed Gasto quando Condæus abierat longiùs, neque ampliùs colloquendi copia erat, Croissium ad eum mittit, cum mandatis hujusmodi. Regi, atque Reginae matri satis placere, ut in his quas obtineat provinciis tutus, ac quietus maneat, usque dùm Regni comitia habeantur: ibi verò copias quibus præsit, in stativis commodis fore, haud procul comitiorum loco. Gasto, & Castronovanus spem injiciebant apud Dionysii-fanum comitia habitum iri, quò se magis in tuto Condæus ob Urbis vicinitatem fore crederet.

Hæc apud Avaricum Biturungum Croissius Condæo exposuit: is verò has conditiones sibi haud rejiciundas existimabat, quia veteranorum copias, quibus ipse, Angianus filius, atque Contius frater præerant, per hyemem supplementis augendi, ac novas conscribendi, atque exercitandi spatium dabant: nam cum paucis veteranis, & cum tyronibus quos tumultuatim scriberet, bellum sumere, ac gerere difficile erat. Interea si Mazavinus rediret ad Urbem omnes Regni Curias, omnes provincias quæ hunc malè oderint, suam Sectam secuturas: sin extrà fines Regni porrò agitet, id ab se omnes ingentis beneficii loco habituras, qui hujus reditus usque obtulerit, ita ex alterutro sibi gratiam apud cunctos Regni Ordines accessuram: dein ubi comitia altero ab Urbe lapide haberentur, in hac, atque in Aula ipsâ se potentissimum fore, fretum secunda omnium voluntate, & copiis suis, quæ tum plenissimæ, atque haud procul urbe futuræ essent, si forte bellum gerere denique necesse foret.

Sed de his ubi cum Contio fratre, Nemoroso, & Rupifocaldo consultavit, Quæ Croissius attulisset ab Aula, ea nihil esse dixit, præter fraudem, ac dolum, quibus uti Condæus faciliùs capiatur, Gastonem ad hæc suadenda adhibitum: ceterùm eo latis conditiones, ut alacres illius ad bellum impetus infringantur objecta mora. Hanc faciundæ quidem paci peridoneam, bello autem rectè incipiundo plane damnosam videri: ubi Gasto æquus, atque omnis factio ad Urbem item æqua sit, & ingentia ab Condæo subito speret, haud cessandum esse, ut ne ardor animus dilabatur. Burdigalenses promptos ad bellum, quæ ingenia fervida sint, neque moræ patientia. Hispanos qui omnia polliceantur, si se produci sentiant, aliò animum adjecturos: postremò qui Condæo amici, atque tum fidissimi sint, ubi quæ speraverint, ea dubia, incerta, & ab variis casibus pendere videbunt, sibi quod res ipsa monebit, consilium capturos.

Isthæc incertiore quàm antea reddidère Condæum, neque quidquam sibi in re tantâ prius decernendum est arbitratus, quàm cum Condæâ sorore collocutus esset: hæc apud Muronem cum Brezæâ uxore erat, quò se Croissium sequi jussit. Eò cum venisset sæpius cum Condæâ, atque amicis consultasse fertur, animumque ab pace haud alienum ostendisse, sed huic obstabant illi sedulo: postremò inambulantem aiunt, diù, multùmque secum agitavisse, quid optimum factu esset, incertum, atque animo varium, ac tandem hæc prolocutum amicis, se non sponte suâ, sed ut ipsis morem gerat, suscipere bellum, cujus eos rei memi-

nisse velit, & quemadmodum postremus ad id descenderet, ita & postremum ab armis discessurum.

Isthæc quid de amicis sentiret, satis indicabant, plerosque omnes videlicet belli tædio prius suas deserturum partes, quam ipse pacem in suas leges facere posset. Dein Croissium appellat, ac renuntiare Gastoni jubet, quando ipsi curæ fuerit de reconciliandâ inter se, atque Aulam pace, ut id porro facere ne gravetur, cæterum summopere orare, ut ne credat majorem suâ in eum cuiusquam observantiam esse. Hæc quidquid ipse posthæc designaret, Gastoni dicta oportere credit, ut sunt humana, si quid interveniret, quo ad pacem rursùm animum adjicere cogeretur. Sed tanta fuit propinquis, atque amicis belli lubido, uti Contius, Condæa, Nemorosius, Rupifocaldus, & Viola clam Condæum fœdus inirent, quo se conjunctos fore cavebatur, etiam adversum ipsum si cum Aulâ injussu suo pacem faceret, Condæum, sine his videlicet, quæ singuli sibi expeterent, præmiis.

At Condæus relicta apud Muronem Brezæâ uxore, cum filio Angiano, jussisque Avaricum Biturigum petere Contio, atque Condæâ sorore, ipse cum Nemorosio Vertulium iit Rus nobile Rupifocaldi, quo scribendis militibus pecuniam his qui se id facturos recepere, curare cepit: dein maturat in Aquitaniam iter pergere, ac denique Burdigalam advenit, quod latissimis omnium animis accipitur. Ubi primum bellum facere decreverat, Laishæum de quo jam memoravimus, Mantuam Carpetanorum miserat, ad Philippum Hispaniæ Regem fœdus, atque amicitiam oratum, cum quo ita convenit. Quod apud Satenaium cum Condæâ, & Turenâ transactum fuerat, id ut ratum porro, firmumque esset. Pax ut ne Philippi injussu fieret ab Condæo, neque vicissim hanc Philippus sanciret, quin huic Condæus adscriberetur, iis quæ huic animum explerent conditionibus. Quingenta nummum millia Philippus Condæo conscribendis copiis curaret. Classẽ Garumnæ æstuarium versùs haberet, eo navium numero, qui ad arcendos indè hostes satis esset, ac præterea ut ab omni maris ad Oceanum usque Cantabricum orâ com meatu tuto Burdigalam advehi possent. Condæus Hispanicis copiis ubicumque adesset, Imperator foret. Quæ oppida Condæus in Galliâ bello caperet, ea penes hunc essent, oppidum tamen maritimum unum cum portu Philippo permetteretur, quo classis esse in tuto posset, ac nonnulli usui esset, ubi de restituendis utrimque bello occupatis oppidis ad faciendam pacem ageretur. Septem, aut octo millia armatorum Philippus Condæi in Campania copiis conjungeret, qui ipsi, aut quem eò haberet Legato dicto audientes forent. Sexcenta nummum millia Philippus in Condæi copiarum stipendium annuatim ipsi curaret. Si Longavilla animum induceret bellum in Normannia sumere, eò ipsi idonea auxilia terrâ, marique Philippus mitteret, atque alia ex hujus voluntate faceret.

De Longavillâ certum est Condæum illius fidem sibi obligatam de bello unâ sumendo existimasse, quam tamen minimè præstitit, Regi-

1651.

nae, ac Mazarini promissis oneratus, ac denique delusus. De Turenâ quidpiam causae fuit, quamobrem Condæus speraret fore, uti copiis suis in Campaniæ finibus denuò Imperator esset, quod certò sibi persuaserat, atque ipsi ut id fieret Hispani operam dabant sedulò, experti videlicet hominis virtutem, quâ Regem privare, atque hâc se frui operæpretium esse ducebant: Condæus huic Satenaium oppidum, atque arcem se dono daturum aiebat, Hispani verò se oppido præsidium deducturos recipiebant, ut id planè in hujus esset potestate, quæ res & ad Buillonium fratrem magnoperè pertinebat, quoniam Sedanum cujus recuperandi consilium vix dimissurus videbatur, in propinquo est: sed Turena postquàm in viam redierat, ab hac sibi discedendum esse non est arbitratus.

Postquàm Condæum in Aquitaniam discessisse nuntiatum est, Rex, atque Regina mater hujus consiliis occurrendum existimavère, neque moram ullam hostilia molienti dandam, Ludovicum patrem celentate multa hujuscemodi confecisse. Reginae studium ingens erat, ab Urbe discedendi, ubi enim aliò Aula agigaret, eò sibi copiam fore sperabat accerfendi Mazarini, quod in Urbe fieri non poterat, propter Gastonis, Senatûs, populi que in illum odia, quæ factiosi diligenter alebant. Ad hoc Reginae importunum erat eò manere, dum bellum civile gereretur, ex cujus variis eventibus plebes item variè permota Regem quæ ipsa vellet magis, quàm quæ res publica postularet, facere cogeret, ac singillatim prohiberet Urbe egredi, ubi id maximè opus foret.

Contrà Molæus, Vetusvilla, ac Pralino-plessius Equitum Tribunus rem ipsam modò putantes, utrum videlicet Condæum bello persequi in rem publicam esset, neque de Mazarini reditu quidquam, aut de prohibendo ab plebe Rege quò minùs ab Urbe discederet solliciti, negabant huic tum ab Urbe discedendum, aut bellum Condæo movendum. *Hunc metu adductum abiisse, quem si vanum Rege cessante esse sentiet, quieturum videri, maxime si Gastonis opera sibi conditiones pacis ferri videat: si verò his posthabitis bellum parabit, tum Regis, qui hunc in viam reducere conatus fuerit, equitatem, omnibus probatum iri, illius autem iniquitatem, ac pertinaciam fore invisam, atque adeo ipso Deo, hominibusque approbanibus Condæo bellum justum, piumque illaturum.*

At Castronovanus quid Reginae consilii esset, gnarus ab Urbe discedendum esse probè intelligebat: sed danda opera erat, ut Aula quàm longissimè ab Mosâ, & Rheno abiret, quò Mazarinus exulabat, ut ne auderet tanto se itineri committere, quantum per Regni fines faciundum foret, ut ad Aulam perveniret, quod difficile, ac periculosissimum fore videbatur homini, qui omnibus odio esset, ab Senatu hostis iudicatus, & quem impunè necare liceret: nam tametsi Castronovanus Mazarino per Bertetum summum ejus redditûs studium ostentaverat, nihil tamen minùs optabat. Rex igitur III. Calend. Octobres ab Urbe discessit, ac Fontembellaqueum advenit. Jam sibi operæpretium fecisse

cisse Regina videbatur, cùm filius nihil ampliùs Senatui, Populove, aut factiosis ex utroque ordine obnoxius esset: reliquum erat de Mazarini reditu cogitare, de quo tamen mentionem tam subito faciendam non existimabat: cæterùm in Administris, qui Règi filio aderant, haud satis auxilii ad rem publicam gerendam esse arbitrabatur, qui discordes inter se, dubii, & quid optimum factu esset incerti plerùmque erant, atque adeo hanc uni Mazarino rectè credi posse censebat.

Sed id ut ne fieret, ac ne ipse in Aulam rediret, Castronovano cautio erat, quam adeò ultrà Ligerim studebat abducere: nam hic præter Mosam, Matronam, Sequanam, & Igonnam interpositus amnis difficiliorem Mazarino ad Aulam aditum erat redditurus. Bituriges haud ita procul ab Fontebellaqueo sunt, quam obtinebat Condæus provinciam, atque in hac Avaricum oppidum magnum, atque valens, cum Turri amplissimâ, ac validissimâ, è quadrato lapide, quæ oppido vice arcis est, idoneo militum tenebat præsidio, sperabatque eâ fretus oppidanos adducere, uti secùm sentirent: eò Contium fratrem, & Condæam reliquerat virilis animi sceminam, cùmque Regi exiguæ tum copiæ essent, aut hunc nihil moliturum credebatur, aut facile si ad Avaricum accederet, oppidum defendi posse.

At Castronovano satis placebat ægrè Condæo facere, qui tot, tantaque in se jactaverat, ubi Regina iterùm hujus consilio, atque judicio in re publicâ gerendâ per Mazarini absentiam Regem usurum decreverat: eo Regem, atque Aulam cum exercitu in Bituriges ire studebat, atque hanc Condæo adimere provinciam, in quâ ipse Castronovanus aliqua prædia nobilia, atque opima habebat. Ad hoc si Aula longiùs ab Urbe discederet, Molæum, cui tum Regina confidebat plurimùm, ac Vetustvillam restituros ad Urbem scibat, atque se propè unum Regi, atque Reginae matri adfuturum, ita usu venturum sperabat, uti sibi perindè, atque antehàc Mazarino denique assuescerent. Sed Molæus longiùs abscedendum negabat, seu juvabat eò manere Aulam, quò & ipse manere posset, seu verè censebat sicut ad Urbem dixerat, nihil movendum adversum Condæum, ut ne huic metus augeretur, quo solo adductum secessisse primùm, dein procul abiisse rebatur: dein haud quaquam pares Avarici incepto Regem copias habere causabatur, quod si frustrâ foret, magnam famæ quæ plurimùm rerum gerendum principio valeat, jacturam fieri. Sed brevî Castronovanus per clientes, & amicos apud Avaricum effecit, ut oppidani ad Regem clàm mitterent, qui sibi rem suam publicam in manu esse nuntiarent, veniret benè juvante Deo, atque Urbem benevolus iniret, in quâ omnia obedientia forent.

Eâ legatione Rex permotus profectionem ad Avaricum instituit, Gastonem ad Urbem cum Imperio futurum decernit, huic adfuturos Molæum, Vetustvillam, Hospitalium Equitum Tribunum, ac Præfec-tum Urbi, qui consilio, atque operâ hunc adjuvent. Longavilla se in Normanniâ quieturum fidem nuper firmaverat: tametsi autem Gasto

1651.

Condæo æquior esse videbatur, modum tamen illius in hunc studio Gondium facturum nemo dubitabat, quia omnia Condæo ex sententiâ evenire solebat, sed magis hunc, perinde ac Mazarinum labefactum, atque Aulâ procul abesse : idem Rohana Mombasona sentiebat, dabantque unâ operam, uti quod vellent, eò Gastonis animum flecterent. Contrâ Chavignius, & Gualcurius Condæi cliens pro eo nitebantur, & quæ inter ipsum, & Gastonem convenerant, ab us ut ne discederet magnoperè contendeant : his Belfortius, atque cæteri Funditores adjutores fuere, rati videlicet factionem Condæi virtute fultam adversum Mazarini conatûs validiorem fore, neque Gondii diversis pro varietate consiliorum studiis obnoxiam.

Regem ad Avaricum proficiscentem sequebantur equitum, peditumque quatuor millia, Galli, atque Helvetii ex eorum numero quos pluræ custodiæ causâ habere solet, alii aliò quaquâ versum fuerant dimissi, qui virtutis, ac disciplinæ exemplo cæteras copias confirmarent. Illis Franciscus Hannibal Estræus Equitum Tribunus Imperator fuit, vir ubi vigeat ætas ingens animi, qui utrûm cum corpore senuerit, existimare non licuit, in tam brevi Imperio, ac cessante hoste : nam ubi Regem appropinquare nuntiatum est, Contius, atque Condæa soror Avarico, dein Murone in Aquitaniam discessere. Cum his unâ profectus est Nemorosius, qui usque apud Muronem cum uxore Elizabetha Vindocinâ fuerat : hæc verò Vindocinum prædium patris nobilissimum concessit.

Rex apud Avaricum lætissimis oppidanorum animis accipitur, huic continuo dedita Turris est, quam cum hi dirutam cuperent, id ipsis facile est obsecutus, uti si posthæc pax cum Condæo fieret, ac per hujus conditiones huic iterum Bituriges provincia permetteretur cum Avarico, tanto infirmior dirutâ Turri ad rebellandum foret. Muronem haud procul Avarico penes Regem esse magnoperè ad rem publicam pertinebat : sed ^a Perfanus cum veteranorum, atque aliquo equitum numero, huic Præfectus erat, vir fortis, & Condæo fidissimus, in regiis exercitibus Castrorum Præfectus, atque adeò hanc arcem cæterâ munitissimam ab naturâ, atque arte oppugnare difficile erat : quamobrem obsidere modò visum, atque id negotii ^b Paluaviø Clerembaltio, qui Estræo legatus erat, datum, cum tribus equitum, ac peditum millibus : Muronem Henricus Condæus Ludovici Condæi de quo tum agimus pater ad incerta fortunæ paraverat, ac probè muniverat.

Copias quibus Condæus, Angianus filius, ac Contius frater, aut horum vice amici, ac clientes præerant, seorsim ab exercitu regio in Gallia Belgium versùs sinibus stativa habuisse diximus : sed ubi Condæus in Aquitaniam profectus fuerat, atque hunc bellum civile moliri palàm fuit, omnes hæ copiarum clam profectæ Satenaium contendere, neque tamen eò pervenire intactæ : nam ^c Magnipratæus Joësius qui antehæc ab Rege, ad Condæum dum in custodiâ esset, defecerat, tum reciderat in viam, ac circum Musonium oppidum cum copiis agitabat. Is

^a Le Marquis de Perfan.

^b Le Marquis de Paluau, de Clerembault.

^c Le Comte de Grandpré de Joyeu.

ab Manicampo certior factus de Condæi copiarum itinere, has Villamfrancâ haud procul acriter est aggressus: cæsi quinquaginta, cæteri propinquitate Satenaii quod impendebat periculum effugere.

Mufonium ad Mosâ amnem, quod nuper Hispani ceperant, valido præsidio tenebant, atque id Magnipratæo ægrè erat, cum ob Magnipratum nobilissimum quod habet in propinquo prædium, tum quod antehac Mufonio Præfectus fuerat. Ab hoc oppido ad Axonam usquè hostes excurrabant, ac populabantur omnia, præter ea loca quorum incolæ collationibus populationem redimebant: hanc Magnipratæus quantum cum paucis, atque egregiis poterat equitibus, peditibusque prohibebat, neque hosti circum Mufonium quidquam quietum, aut tutum relinquebat. Cis Axonam Bezanfonus erat Castrorum Præfectus cum quadringentis modò equitibus, peditibusque: is autor Magnipratæo fuit uti Belmontium haud procul Mufonio, ac flumine Mosâ oppidum occuparet, quod est factum ex sententiâ, pulso indè hostium præsidio, sed id ægrè fuit Stephano Gamarræ qui ultrâ Mosâ in Lucemburgensi agro hostium præerat copiis: metuebat enim uti fines suos ab Belmontio posthac vadato Mosâ Magnipratæus incursionibus vicissim infestaret.

Igitur quàm maximum potest militum numerum ex vicinis præsiidiis cogit, tria peditum millia, equites quingenti fuere, quibus fretus ad Belmontium contendit. Sed ubi appropinquavit oppido, Magnipratæus eruptione factâ haud paucos ex hostibus cecidit: quæ subsecuta est nox, ea hosti haud minùs infesta crebris nostrorum ab oppido eruptionibus fuit. Postridiè tribus majoribus tormentis ingens in muro edita ruina, semel, atque iterum hostes irrumpunt, toties ab nostris pulsi: sed eò res redierat, ut ni maturè subveniretur, faciunda deditio, aut sædè pereundum esset: neque illam honestis conditionibus facere copia erat, quas ab Magnipratæo latas hostis abnuerat. Igitur mittit ad Bezanfonium, qui hunc de suis, suorumque apud Belmontium fortunis doceret, simul hortaretur, ut ne quod de hoc oppido occupando consilium dederat, id sibi fraudi esse pateretur.

Continuò Bezanfonus nobilitatem circâ omnem evocat, hortaturque uti si rem suam juxta, ac publicam salvam velint, ne morentur: nam capto Belmontio, ac Magnipratæo cum suis deletis fortunæ eorum omnes in hostium arbitrio fore: secum ex vicis suis fortissimum quemque adducant, uti non modò equite, sed & pedites publica sustentetur: ab præsiidiis item vicinis milites ad se venire jubet. Sed quoniam hæc omnia opperiri necessitas Magnipratæo maturè subveniendi prohibebat, Bezanfonus his ubi convenissent subsequi iussis, statim movet, paucitatem suam clam hostem esse maxime studens. Itaque inclinante ad vespæram die millia passuum quatuor ab Gamarræ castris confedit, ac paulum eò reficiendo militi commoratus ad Setonnam pergit, vicum in colle situm, quo hostes centum & viginti equitum stationem habebant: hos qui Bezanfoni præibant agmen ferociter aggrediuntur, eo

1651.

graviores, quod improvise accesserant. Igitur illi facile fusi, fugatique, qui in castra Gamarræ fugientium more omnia ampliora vero de hoste nuntiavere: huic consilium esse Belmontium inter, & Musonium ponere castra, prohibendo Hispanis receptui, quod se facturum Bezanonus consultò inter suos prædicaverat. His nuntiis territus Gamarra nulum sibi ad eà exploranda, & cognoscenda spatium sumit, sed continuo vasa colligi jubet, ac discedit. Ita Gamarræ de Belmontio recipiendo consilium frustra fuit, unicà Bezanoni solertià.

Per id tempus Fertæus Sannectarius Equitum Tribunus Castellum ad Mosellam amnem nuper ab Lotharingis, sicut & alia loca, per ejus absentiam captum, post quinquaginta dierum oppugnationem recepit. oppidum est cum arce firmissimà, haud procul Nancio, quæ Urbs Lotharingiæ caput est, positum: defensabant Centuriones, Procenturiones, Vexillarique fusi, aut dimissis quibus præerant centuriis gregarii milites facti, quod genus firmissimum ob virtutem, atque rei militaris scientiam est: ii denique post diuturnam propugnationem quam honestissimis conditionibus deditionem fecere, a Belfortius Baro oppido Præfectus fuit.

a Le Baron de Beaufort.

Marsino supra diximus permissam Cataloniam Provinciam, qui eò profectus fuerat denique. b Mortara Marchio qui dudum in his regionibus Philippo Hispaniæ Regi egregiam navabat operam, bellumque administrabat, peditum millia sex, equitum duo millia, atque amplius circum Ilerdam quò omnia ad Catalonicum bellum idonea jamdiu apparari solita erant, coegerat: huic aderant c Sebacus Baro Germanus, Castrorum Præfectus generalis, Aro Comes Castiliæ Contestabilis filius de quo supra in bello Italico memoravimus, Præfectus equitum, Palavicinus Marchio Genuensis rei tormentariæ item Præfectus, d Butierus Baro Sequanus, atque alii. Hi v. 1. Idus Quintiles ad Cerveram movere, Balagueram oppugnare se velle simulantes: sed eò & præsidium, & commeatus ampliora fuere, quàm ut facile se hoc oppido potiri posse Mortara speraret, atque adeò ultrà pergit iter facere, atque ad Valliezem habuit castra.

b Le Marquis de Mortara.

c Le Baron de Sebac.

d Le Baron de Boucier.

At Marfinus ubi Barcinonem advenerat, collocutus cum Margarito, cum delectis ab tribus provinciæ Ordinibus, quos Deputationem appellant, & cum Consulibus Barcinonensibus de rebus quæ ad bellum pertinebant, eò proficiscitur, quò nostræ agitabant copiæ, & castra apud Pie-ram habuit: dein ubi nuntiatum est hostes ab Vallieze movisse, ipse ad Andreæ-fanum retrocessit, vicum ad Lobregam amnem positum. Hispani ad Lodonerum collem venere, aucti cohortibus Italicorum tribus, & quatuor Hibernorum infrequentissimis. Apud Barcinonem pauci tum fuere oppidani, dilapsi in sua rura plerisque omnibus, effugiendæ pestilentiae, quæ ingens erat in urbe, nihil præterea commeatus erat: sed Jozepi Margariti operà, & revocati cives, & annona tanta advecta, uti post obsidionis menses modò quindecim eà ceptum sit laborari. In exercitu nostro millia peditum sex fuere, ac mille septin-

genti equites, Galli erant, atque Helvetii qui Catalonico inveteraverant bello, atque adeò Marfino non opes, sed rei benè gerendæ studium defuit: huic Legati fuere Jozephus Margaritus, ^a Marfilius, ac Jozephus Dardenna Illæ Comes, qui ab Galliâ nuper redierat, aderat & ^b Monpuillianus Castrorum Præfectus, atque alii viri fortēs, ac strenui: sed rem publicam corruptente Marfino, ea vix commodè, aut rectè geri ab cæteris poterat.

^a De Marfiliy.

^b Le Marquis de Mompouillan.

Ab Andræ-fano traductis Lobregam copiis itum ad Hospitaletum est, nihil tentato adversum hostem, qui ab Lodonero colle in planitiem descendens per viarum angustias nostris opportunus fuerat. Dardenna modò cum suâ Catalanorum equitum alâ in hostem procurfavit, comitantibus quibusdam pugnandi, ut ab nostris fere fit, studio Gallis. Ab Hospitaletto, quod tribus modò ab Urbe millibus abest, ad Valdonzellam Cœnobium Marfinus duxit, atque sub ipsis Urbis mœnibus habuit castra. Hostes & ipsi traductis Lobregam copiis nihil obstantè Marfino secundum amnem habuere castra, atque turri quæ ad ostium est, potiti sunt, quò tormenta ab Tarracone navibus advenere, cum omni tormentario instrumento, & Germanorum duobus millibus, ac quingentis: postridiè circumductis Urbem copiis ab occidente, ad orientem solem omnia huic circumvallandæ loca hostes occupavere: ab meridie quâ mari infidet, naves sex quæ tormenta, atque Germanos advenxerant, ac tres præterea aliæ cum actuariis quinque stationem habuerunt, uti navibus si quæ advenirent nostris aditum ad Urbem prohiberent: dein fossas, vallumque moliri sunt aggressi, nihil porro prohibente Marfino: procurfatum modò est in pabulatores ab ^c Rupæo Sanchamarantio qui equitatu Præfectus erat, sed majore adveniente hostium numero nihil operæpretii factum.

^c La Roche Saint Chamarant.

Sensit Jozephus Margaritus prodi ab Marfino rem publicam, atque de hoc comprehendendo cum Marfiliis collocutus est: sed id seu rei difficultate deterrii propter alam equitum quam habebat in exercitu, ac præterea amicos, seu Regis injussu fas non esse arbitrati omisere denique. Marfinus verò postquam cum hostibus de discessu suo per Mompouillanum convenerat, qui secum ituri erant, eos instructos ad perfectionem esse jubet, dein cujusdam Tarraconem versis gerendæ rei specie ab castris de tertiâ vigiliâ discessit: secuti sunt Mompouillanus, ^d Luffanus, ^e Espenseus qui hujus equitum præerat alæ, ac præterea ex alis Mottæi, & Baltazaris equites quadringenti, ac postremo ^f Marcussius. Cerveram versus primum iter intendit, dein flexit iter ad Condæum in Aquitaniam.

^d De Luffin.
^e D'Espence.
^f La Marcouff.

Marfino datam Cataloniam provinciam diximus quam pro Prætorè, obtineret, sed mox ubi Condæus in Aquitaniam secesserat, retinendo in fide homini missus est ad eum qui regum de Proregis Titulo Diploma ferret, ac præterea litteras quibus Rex huic Tribunatus Equitum spem faciebat, si per hæc æstiva rem publicam eò sustentaret: sed ubi Diploma, atque litteræ advenere, jam Marfinus defecerat, atque in

1651.

Aquitaniam profectus fuerat. Ubi per Septimaniam pergit cum suis iter facere, Tholosatum Senatus hunc hostem iudicat, ac multitudini per oppida, & agros hujus copias invadendi potestatem facit: quæ res impigre ab Cadurcis facta Marfinum coëgit eorum facessere finibus, omiffis quas imperaverat collationibus, partim alendis suis, partim compendio suo.

Cùm Catalonia provincia Imperio vacua esset, rei publicæ cura in Margaritum recidebat more majorum, ex Magistratu, quem jam ante deditam Ludovico XIII. Regi Catalaniam gerebat, præterea Marfino in exercitu Legatus fuerat. Is primùm omnium Regem de Marfini proditione, ac discessu certiore facit, uti quantocyùs Proregem, atque interea idonea ad rem quæ in dies pejore loco apud Barcinonem fore videbatur, sustentandam mittere vellet. Contrà augethebat Hispanorum exercitus, advenientibus non modò ab vicinis Hispaniæ provinciis, sed & ab Italiâ copiis, nam Octobri mense Joannes Austrius cum actuariis navibus novem, atque onerariâ unâ, ac simul septingentis peditibus advénit, atque adeò militum, ac navium Hispanis crevit numerus, ita ut quatuordecim actuariæ, & onerariæ naves octo instructæ militariter ante portum Barcinonis starent. *a* Albukercus Dux alias postea, dein *b* Vasconcellus Tarraconi Præfectus alias cum duobus millibus, ac quingentis equitibus, & peditibus, ac præterea duobus tormentis adduxit, ita res Hispanis pulchrè procedere videbatur.

a Le Duc
d'Albukercus.
b Vasconcellus.

Apud Barcinonem duo millia, atque amplius Gallorum militum fuere, è Legionibus, cohortibusve Reginæ, Andium Ducis, Aquitanix, Chiuppi, Gesfræi, ac Lemovicensi, Helvetii mille ducenti cum Tribunis Locmanno Tigurino, & Reynoldo Friburgensi, Catalanorum cohortes quatuor, quæ Tribuni erant Franciscus Villa, Hieronymus Noveilus, Petrus Sabater, Franciscus Granollus, mille ducenti pedites fuere: Equitum alæ decem Sanfimoni, Merinvillæ, Rupelauii, Mottæi, Aletzii, Castelbriani, Marfini, Catalanorum Margariti, Ardennæ, atque Ulaci: erant præterea in Urbe oppidanorum armatorum tria millia, qui stationes, & excubias agebant, ac cætera militaria faciebant.

In Cataloniâ præter Barcinonem Rhoda erat penes Regem, oppidum cum arce munitissimâ ad mare Balearicum: ultra Sicorim Balaguiera, quæ & satis munita erat, alteri Lafarius Marchio, alteri Baro frater præfecti fuere: Arbeca, Cervera, Camaras, Urgel, Trempa, Castellum Valentix, Sanroca, Alos, & Palamos exiguis præsidii tenebantur ab Præfectis regiis Gallis, qui omnes compendio suo studere, ampliorem vero numerum militum deferentes, uti quæstui locus esset: ea res nobis in finitimis Regni oppidis, atque in bello captis plerumque fraudi fuit, atque huic maximè tribuendum censeo brevem eorum quæ usquè bello paravimus possessionem, neque id mali ferè sanari potest: unus modò Catalanus Jacobus Dearnl idoneum ducentorum militum præsidium apud Trempam habuit, oppidum procul in hostico ad Nogueram amnem positum.

Tarraco ad mare, Ilerda ad Sicorim, Fraga, ac Ponson ultrà hunc amnem dudùm penes Philippum fuère, præterea Flix, ac Miravez ultrà Iberum, atque Dertosa citrà hunc amnem nuper recepta. Hispani castella, ac munitiones circùm Barcinonem instituebant, sed fœdis tempestatibus viæ interruptæ, atque procellosum mare tantisper commeatibus prohibuere, ita ut in castris annona gravis esset, neque multùm abfuit, quin incœptum omitterent: sed ea Gens suprâ quàm dici potest inedia patiens est.

In Galliâ haud quaquàm neglectui erant Cataloniae res, tametsi bello civili perturbata esset. Igitur eò missus iterum est Mottæus Hodencurius Equitum Tribunus, qui provinciam Prorex sicut antehac obtineret: fuerat & hic de grege factioforum, propter acceptam ab Administris, ubi ab provinciâ redierat, injuriam, nam & in carcerem conjectus, & capitis arcessitus fuerat: sed tum bonâ fide cum Reginâ redierat in gratiam, quo factum est, ut huic rectius quàm Marfino hospiti, atque advenæ, & qui isthinc mercedē militatum venerat, Catalonia crederetur. Ille maturè profectus ad Santandream Mombrunum scribit, uti subito cum copiis quas ab Italiâ in Allobroges duxerat, ad se veniret, celeritate uti Barcinoni subveniretur opus esse. Sed hic quoniam Rhodanus immensum creverat, neque pontis ad Spiritus-sanctum adeundi copia erat, cis pontem restagnante aquâ, apud Avenionem Cavarum, quod & pontis copia est, traduxit agmen, cum bonâ Vicelegati Corsi veniâ, qui Urbem hanc, atque aliquantùm circùm agri, Comitatum Vainesium appellant, pro Pontifice obtinet: huic Rex quam idgratum sibi fuisset, per litteras significavit, ac maximè, quod id ultro, neque expectatis ab se litteris fecisset.

At in Campaniæ finibus ad Mosam amnem, qui Condæi partes secuti Satenaium sese receperant, ii cum Stephano Gammarrâ, atque Hispanis sese conjungere, ut horum operâ in Æduos transirent. Præerat illis ^a Tavianus de quo antehac memoravimus: Fertæus Sannecetarius Equitum Tribunus cum exiguo exercitu in Campaniâ erat, qui Hispanos, & Gallos hostes observabat. Utrique duce Gammarrâ ad Mosellam amnem versùs movere se fingunt, sicuti per Sequanorum fines in Æduos contendere consilium esset, rati Fertæum continuò quibus locis agitabat, iis decessurum, ut ad Mosellam properaret, atque adeò sese, aut certè Gallos per ea quæ Fertæus deseruisset loca, evasuros in Æduos. Sed hic cui videlicet speculanti omnia hostium nota erant, suis se tenuit locis, ac Angiani Condæi filii, & Contii fratris turmas clam transire conantes per Linvillam, & Maipasium depræhendit, ceciditque.

^a Le Comte de Tavan.

Intercè certior factus ab exploratoribus Tavianum in eo esse, uti relietis apud Claromontium impedimentis, quæ arx Condæi haud procul Mosâ est, expedito agmine in Æduos proficisceretur, ipse cum mille ducentis equitibus, & sclopetais sexcentis ad Claromontium properat. Sed hominis adventum Tavianus senserat, atque opportunè

1651.

ad Gamarram discesserāt : ita Fertæus re infectâ ad Mosam redit. Hostes Musonium inter, & Montem-medium ad Chieram amniculum habebant castra, unde tormenta, & quod gravius in exercitu erat, Montem-medium misere : quæ res indicabat eos de profectioe cogitare, atque expeditam velle. Hæc ex perfugis juxta, & ex speculatoribus cognita, (nam crebra ab Gallorum qui Condæ partes sequebantur copiis fiebant transfugia) Fertæum impulsere, ut hostes persequi constitueret, si qua bene gerendæ rei, ut ferè fit, his recedentibus copia foret.

Igitur properè copias omnes in unum conducit, Magnipratæum jubet quàm plurimos è colonis suis, alijque armare, qui in finibus Regni haud rudes militiæ sunt : mille & ducenti fuere, quos cum unâ equitum alâ, & sclopetariis trecentis Magnipratæus habuit. Is apud Remillium Sedano haud procul vadato Mosâ agmen præire jussus ad hostem contendit : subsequitur Fertæus, & qui nuper advenerat Manicampus in eo exercitu Legatus. At hostes multum itineris levi, atque expedito agmine anteceperant, Givacum versùs, quod est ad Mosam oppidum diversissimâ ab Æduis, quò primùm intenderant, parte, nam ad eos eundi consilium planè omiserant, atque in Belgium properabant. Per Arduennam sylvam habebant iter, quò equites passim in angustiis viarum reliquerant, uti nostros morarentur, haud difficili ubi premerentur, per notos calles receptu. Quidam ab Magnipratæo ex his cæsi, captique, nostri propè ad Givacum usque hostes persecuti sunt, præda ingens in hostico facta, mille, ac ducenti equi capti, centum & viginti è Contii Alâ equites ad Fertæum transfugere, nuntiantes Gamarram apud Givacum omnes copias Mosam traducere : quæ Condæ essent, eas ad trecentorum equitum, nec majorem peditum numerum rediisse.

Pulsis eâ parte hostibus Fertæus in Lotharingiam cum exercitu cui præerat, abiit : Magnipratæus autem more, institutoque suo bellum copiis suis administravit, ac nihil quietum, aut tutum Hispanis longè, lateque circum Musonium, ac Satenaïum, cis, transque Mosam passus Villa-francam, Dunum, atque omnia ab Satenaïo ad Virodunum loca recepit. Infrâ Musonium omnia erant in potestate, quo fiebat, ut id oppidum, & Satenaïum quæ propinqua inter se ad Mosam loca hostes præsidii tenebant, nonnullarum rerum inopiam paterentur : Præfecti fidei militum haud satis credebant, quorum animos Magnipratæus & litteris, & promissis sollicitabat, adeo ut ipsi Tribuni, ac Centuriones, multi, frequentisque stationibus, atque excubiis adesse, & gregariorum militum quandoque officia fungi cogerentur, tantus ipsis de Magnipratæo metus domi, forisque fuit.

* Ulric de
Vitemberg.

Vervinum in Tieracensî agro oppidum * Ulricus Vitembergus vir in Germaniâ Princeps, ac Germanis equitibus qui Hispaniæ Regi in Belgio mercede militabant, Præfectus oppugnare decreverat, ratus quæ loci infirmitas est, oppidanos nullas deditionis condiciones abnu-
turos,

turos, nam suæ fidei relicti si ab hoste premerentur, sibi, fortunisque suis consulere poterant. Lignevilla quem Lotharingis equitibus præessè diximus, Vitembergo sese conjunxerat, & uterque locum hybernis opportunum circumspiciebant, quæ in hostico, quàm in Hispanorum solo habere malebant, spemque nacti erant si Vervinum foret in potestate, ex omni qui inter Mosam, Axonam, & Esiam amnes jacet agro, ingentes redimendæ prædæ collationes se corrasuros. Sed longè aliter ac rati erant, res cecidit, nam Verviniani nec minis, nec oppugnatione acerrimâ, quæ ab tribus peditum, & quatuor equitum millibus fiebat, adigi potuere, uti deditionem facerent, quin & ruinâ in muro editâ subitariam hostibus objicere munitionem, atque etiam eruptiones fecere, quâ tantâ virtute hostes ab incæpto deterriti abiêre denique. Profecto gloriosissimum Vervinianis fuit, nullo fretos militum præsidio loco infirmo adversum justum exercitum oppugnandarum urbium apparatus instructum ita propugnasse, ut hostem re infectâ discedere coegerint.

At majora hostes Oceanum versus moliebantur, receptâque Bergâ Fani-Vinoci idem de Dunkercâ, & Gravelingâ consilium habuere. Sed prius Burburgum oppidum, Lincum, atque Mardicum castella recipiunda videbantur, quæ loca & præfidiis, & regiarum, quibus præerat Quinceus, copiarum propinquitate, satis pro tempore munita erant. Apud Dunkercam quæ longius in hostico sita, & quæ Bergâ Fani-Vinoci receptâ opportunior hostibus erat, duo peditum millia introducta. Eò tamen tum primùm languescere res nostræ, dein labefactari cœpere, Rege coacto curas aliò, cogitationesque convertere, & copiarum quæ in finibus Belgii fuere, partem in Aquitaniam evocare.

Sed Avarico, atque Turri ab Rege receptis bellum adversum se inchoatum Condax sentiebat, atque adeò ad id sustinendum, defendendumque, ac si fieri posset gerendum, & inferendum magis quàm ad pacem faciendam sibi adjiciendum animum statuit. Eo maturat copias scribere, ac propiora ad Duranium amnem oppida tenere præfidiis, Fidei-fanum, Liburnum, atque Vesunam Petrocoriorum ad Garumnâ, præterea oppida omnia usquè ad Aginnum. Cum Ludovico a Fucatio Daugniono Comite de quo memoravimus antehac, ut hunc ad suas partes adduceret, aliquamdiù egit, homine & rei, & gloriæ avido, quas per fas, & nefas augere nihil pensi habet.

Hic se in Brezæ Condax uxoris clientelâ esse profitebatur, post Ducis Brezæ fratris ejus obitum rei navali in Galliâ ubi vivebat Præfecti, cui sicut antehac diximus, Legatus, seu rei Navali Proprefectus fuerat, atque item Broagio quod Brezæus obtinebat, Proprefectus, dein eo ubi in Italiæ maribus fugientem hostium classem persequitur, caeso Præfectus, oppido per scelus, & audaciam sibi retento, ac præterea Rheorum, atque Oleronâ Insulis, dein Rupellis occupatis. In hac igitur omni regione Rege, atque Reginâ matre quæ Rupellas, atque has Insulas obtinebat, posthabitis regnabat, ac præterea navibus haud paucis fretus perindè mari, ac terrâ sese terribilem procul, juxtaque

Nnnn

a De Foucault, Comte de Daugnion.

1651. sitis præbebat : quo factum est uti Condæus tantas hominis opes sibi adungere studuerit, atque usui fore rectè crediderit. Igitur misit ad Daugnionum, qui Brezæ uxoris verbis cum eo ageret, atque hominem ad suas partes adduceret, quod factum est denique, eâ lege, uti Daugnionus Condæi operâ Dux, & Par Franciæ, ac præterea Equitum Tribunus crearetur.

a Le Marquis
de Castelle-
nou-Mauvi-
sieres,

Id ubi in Aulâ refecit, continuò in Pictonas proficisci visum, ut ne Condæus, atque Daugnionus in hac quæ Broagio vicina est provinciâ, atque in finitimis Santonibus quid rei publicæ damni adferrent. Eò a Castelnavius Malviciera quatuor cum equitum, tum peditum millia ab finibus Belgii adducere iussus est, & quæ aliæ ex novis delectibus conscriptæ copiæ fuerant, eodem contendere. Pictones Aquitaniæ finitimi sunt, in quâ Condæum ingentem animi vix restitutum credibile erat, aut sibi temperaturum, quin Regis copias ubi vicinæ forent, lacescitum veniret, ac denique acie decertaret. Eo necesse videbatur summum Imperatorem deligi ab Rege quem tantæ Condæi virtuti opponeret. Is fuit ex Mazarini tan etli absentis sententiâ Henricus Lotharingus Harcurius Comes vir Princeps magnâ rerum terrâ, mari-que gestarum gloriâ, ac famâ.

Sed priusquam Rex ab Avarico Biturigum discederet, ad Gastonem misit, qui significaret nihilo se minùs pacis cum Condæo sanciundæ, quàm antehac studiosum esse : hanc se vel certæ, atque exploratæ victoriæ præferre velle, cum in bello civili quæ iactura fiat, ea ad Principem tamen victorem pertineat. Quamobrem Condæum si videbitur, ad colloquium invitet, quod apud Richelium oppidum, & Gastonis, & Condæi commodò fieri possit. Ille subito ad Condæum mittit, qui hunc de Pace Regis sententiam doceret, de quâ inter ambos apud Richelium oppidum agi posset. Condæus post triduum se Gastonem quid sibi sententiæ foret, certiorum facturum respondit.

Post paulò quàm Condæus Burdigalam advenerat, eodem Gourvilla Mazarini voluntate contenderat, laturus illi conditiones, quæ satis placiturae videbantur : Blaiam videlicet de quâ Servianus, & Lionnus huic antea spem fecerant, ipsi datum iri, cui Præfectus foret, atque clientibus omnia quæ Regis haud indigna viderentur, & his explere animum possent : Rupifocaldo nimirum centum millia nummum, quibus sibi quam obtinere vellet provinciam, eam compararet, ac præterea Regii Rescripti quod antehac impetraverat, confirmationem, quo Rescripto ipse, filii, atque nepotes Rohanis, ac Buillonis æquabantur : Violæ item centum millia nummum, atque facultatem Quatuorviratûs, aut Præsidis in Senatu Magistratûs cœmendorum : Nemorosio Arvernos provinciam, ac Marfino Tribunatum Equitum : de Daugniono quia nondum Condæi sectam sequebatur, mentio nulla facta, sed ad cæterorum normam hunc habitum iri facili existimari poterat.

His ferendis Condæo conditionibus Mazarinus Buillonii operâ usus est, quas hic per Gourvillam ad Condæum misit : sed Buillonius omne

studium, officiumque Condæo in hac pacificatione pollicebatur, si hunc satis dignum deputaret, qui sibi in re tantâ interpret esset. Condæus eâ tempestate miserat ad ipsum Buillonium, & Turenæ fratrem, qui cum his ageret, nihil propè dubitans, quin Sedani suâ operâ recuperandi spe fœdus in hanc legem secum facere vellent, atque Turenâ singillatim exercitum ex Condæi, Angiani, ac Contii veteranis copiis, ac præterea novis delectibus, & Hispanorum quæ illis conjungi debebant copiis conflatum in Campaniæ finibus ductare, rem opportunissimam recuperando, si quâ id fieri posset, Sedano, cujus rei spem ambos nunquam abjecturos credebat.

Eo Condæus Gourvillæ respondit, *Buillonio quæ ad se pertinerent, ea libentissimè permissurum: sed si ambobus consultum velis, prius utriusque rationes conjungendas videri, ita ut Turenâ in Picardiæ, & in Campaniæ finibus, sicuti nuper, rem publicam gerere velis, tum fore, ut ex communi sententiâ conditiones pacis æquissimas ab Aula impetrent.* Ubi hæc respondebat Condæus, certior tum primùm factus est, Daugnionum ad suas partes accessisse, ac præterea Caumontios Forcæos omnes, præter Ducem, qui tùm in Normanniâ erat: hujus filiam Turenâ duxerat uxorem, quo fiebat, uti cum hoc, atque Buillonio magis, quàm cum fratribus sentiret.

Igitur Condæus Gourvillam ad Buillonium cum hujusmodi mandatis dimittit, & cum litteris ad Gualcurium, quibus jubebat hunc unâ cum Gourvillâ certiore facere Gastonem, quid ille secum egisset, quidve huic respondisset: cæterùm doceret colloquium apud Richelium oppidum si fieret, sibi damnosum futurum, quando multam pecuniam conscribendis copiis dederit, quâ in re qui hanc accepere, eos non modò segniore futuros, si de pace agi sentient, sed & spem capturos nullis conscriptis militibus pecuniam nihilominus penes se mansuram: postremò cuncta quæ cum Hispanis de auxiliis transfegerit, hujusmodi colloquio disturbatum iri: ad hoc Gualcurium quidpiam Gastoni dicere jussit de pessimâ Gondii in se voluntate, cui uti de rebus suis nullam haberet fidem illum impensius rogabat. Fuere qui ita existimarent Condæum ab multis impulsus, uti Gondium de medio tollet, sed illum ab hominis maximè Ecclesiastici cæde alienum, in id modò consensisse, uti dolo caperetur, atque Danvillarium abduceretur, æquum censens huic parem saltem referre gratiam, atque ei rei Gourvillam operam dedisse, quæ denique frustra fuerit.

Interea Hispani nihil antiquius habuere, quàm uti discordias, & civile bellum apud nos alerent, ita ut huic modò sustentando auxilia Condæo subministrarent, non autem uti plus æquo proficeret, ac suis legibus Regem secum pacem facere cogeret. Condæi, Angiani, atque Contii veteres copias in Belgium discessisse suprâ memoravimus, quæ ut ne dilaberentur stipendii inopiâ, in id Tavanio, atque in supplementum earum, quod satis esset pecuniæ, Hispani curavere: in Aquitaniam autem ex fodere nuper operâ Lefnæi factò misere classem navium tre-

1651.

Le Baron
de Battevil-
le.

decim, cum incendiariis septem, cui præerat *a* Battevilla Sequanus, de quo suprà memoravimus. Milites mille quingentos classis vehebat, atque alia bello idonea, cum aliquantâ pecuniâ. Ubi ad Santonum oram advenit, huic honoris causâ processit obviam Lusignanus Marchio ab Condæo missus, atque adventum est gratulatus, dein VI. Calendas Novembres speculatoria ab classe Hispanicâ navis Burdigalæ portum tenuit.

Quos advexerat, ii præter mandata ad Condæum, alia ad Burdigalenses habuere, quos Philippi verbis de hujus benevolentia fecere certiores, atque hortati sunt, uti Condæo conjuncti porro forent, quod quidem ii eo lubentius audiêre, quod Hispani pecuniæ quidpiam potentioribus distribuerant. Primum apud Tallemontem exscendere pauci Hispani, dein apud Burgum mille ducenti : ille ad Garumnæ æstuarium, hic ad Duranium locus est, in dextrâ amnis ripâ, qui eò ad sinistram Garumnæ committitur. Burgum alicujus rei oppidum est, quod Philippo Condæus tradidit ex fœdere, ut eò appellî naves, atque omnia quæ huic mitterentur auxilia advehi, exponi, tutò asservari, ac denique tradi ex utriusque commodo possent : ipse Battevilla oppidum tenuit, cui Præfectus esset, Jozephus verò Ozorius Hispanus Propræfectus, qui id ampliùs munire aggressus est. Hæc ab Hispanis probè instituta Regem, atque Reginam matrem sollicitos habuere, quæ ut ne altiores radices agerent, atque uti Daugnioni primum, dein Condæi conatibus occurrerent, Augustorum Pictonum cum exercitu contendere. Sed cum bello domi, forisque gerendo haud satis copiarum haberent, scripsere ad Mazarinum, uti quàm plurimas posset in Germaniâ quò tunc exulabat, conscriberet, & in Pictonas adduceret, quò hujus consiliis, atque operâ egerent : præterea Hocquincurium idem facere jussere, & cum Mazarino unâ venire.

Ubi Rex Augustorum Pictonum advénit, subitò ad Gastonem, atque ad omnes ubique Curias, ac denique ad eos qui provincias obtinebant, dat litteras, de novis Condæi delectibus, de præsidiis in varia Aquitanie oppida distributis, de accersitis Hispanis, de horum præsidiis Tallemontem, & Burgum introductis, quæ loca his tradita sint : hæc civem, hæc consanguineum plusquam hostilia facere, patriam hosti teterrimo prodere, contrâ jus, fasque, contrâ fidem datam nuper nihil se cum hostibus consilii habiturum. Sed hic Aginnum sibi nuper adjunxerat, oppidum satis validum, quod ad Garumnâ positum est, ac constitutis apud Burdigalam, circûmq; rebus, eò Contium fratrem, atque unâ Marfinum pro Prætore reliquit, cum copiis quæ ad prohibendos Sanlucii conatus sufficere visæ. Is in Aquitaniâ pro Prætore est, Regi fidus, qui Montalbanum ad Tarum amnem oppidum, per Sectariorum bella celebratum, atque illâ tempestate validissimum, tunc his quas antiquis mœnibus obduxerant munitionibus nudatum præsidio tenere jussus fuerat, ac præterea *b* Deonam apud Cadurcos ad Lotum amnem, qui hanc propè omnem circumfluit, ac denique rem publicam in his regionibus pro opibus, ac fide suis gerere.

c Cahors.

Condæus quàm longissimè posset ab Burdigalâ Regis copias attirere decreverat, ut ne si forent in propinquo, obsidionis, atque oppugnationis nuperæ memoriâ Burdigalensium animi ad pacem inclinarent. Igitur cum *a* Tremolio Tarenti Principe, atque Rupifocaldo in Santonas movet, Burdigalensi agro, Garumnæ æstuario, Inculismensibus, atque Pictonibus finitimos, ac per Tarenti Principem, Richelium, & Daugnionum Mediolanum caput Santonum obstante frustra *b* Ludovico Bassompieræ Episcopo in dedicationem redegit. Id oppidum ad Carentonum amnem positum est, in agro fertili, atque amœno, ita ut nullus parandis comœatibus, advehendisque totâ hâc regione locus aptior Condæo esset: quo factum est, ut eò & horrea, & armamentarium constitueret. Tailleburgum huic præterea deditum est, castellum item ad Carentonum: dein adverso flumine de Inculismâ ipsâ tentandâ venit in mentem: sed tanto incepto haud quaquàm parces copias, aut belli habebat apparatus: ad hoc eò Carolus *c* Santimaurus Montalserius Marchio advenerat, qui Inculismenses, ac Santonas provinciam obtinet, vir fortis, ac Regi fidus, multâ non rei militaris modò, sed & aliarum scientiâ clarus: quamobrem Condæus ad Cuniacum inferiùs ad Carentonum oppidum animum adjecit.

a De la Trimouille, Prince de Tarente.

b De Bassompierre. Evêque de Xaintes.

c De sainte Maure, Marquis de Montauxier.

d De sainte Maure, Comte de Jonzac.

Sed eò maturè Leo *d* Santimaurus Jonzacus Comes Cuniaco Præfectus validum introduxerat præsidium, quo uno tueri oppidum poterat, cujus videlicet mœnia haud satis firma fuere. Isthæc Condæus moliebatur, ut ab Duranio amne, & Garumnâ, ad Carentonum fertilissimî soli regionem alendo quamdiù luberet bello haberet in potestate, sed & ultra Carentonum, Oceanum versùs, ad Rupellas, ac vicinas Insulas, atque ad Broagium spes, opesque suas extendere propcrabat, ac maximè de Rupellis in pristinum statum restituendis, atque eò sede belli constituendâ seriò cogitabat. Nam apud Rupellas nihil sicuti apud Burdigalam Senatui, Populoque obnoxius, ac ne ipsis quidem Hispanis, sed planè sui juris fuisset, neque eo seciùs horum, atque Britannorum si opus foret, auxilia, perindè, atque apud Burdigalam habere potuisset. Hujus spei plenus magnoperè laborabat, uti cum bonâ Daugnioni veniâ id sibi facere liceret. Sed Daugnionus qui dudum isthæc eadem volebat animo, atque eâ gratiâ sese Condæo adjunxerat, contrâ enisus est, uti se hanc omnem rem suscipere sineret, ex quâ illi fama dignum viro Principe præmium, sibi verò res amplior, ac potentia accederet, quibus fretus magis, ac magis hujus commodis servire, atque validiorem navare posset operam, usquedùm ab Rege quæ sese digna essent, exprimeret: ad hæc Condæus neutrum Rupellas habiturum prædixit, cum satis sciret Daugniono opes ad hujusmodi inceptum impares esse, tametsi Regi exiguæ tum copię ad prohibendum essent.

Apud Augustonitum Pictonum Rex tunc cum maximè consultabat quid facto opus esset, neque aliud majus, atque utilius veniebat in mentem, quàm prohibere, ut ne perduelles Rupellis potirentur. Id oppidum

1651.

antehac armis, virisque opulentum, operibus, & loci naturâ munitum, Sectariorum arx per multos annos, ac sedes Imperii, quod sibi per summum arrogabant scelus, fuit: nunc verò disjectâ munitionum immensâ mole jacet ad Oceanum Aquitanicum ingentis vici instar, undique pervium, nisi quâ ab mari aditur: eò Turres, & mœnia relicta defendendo portui, quas Daugnionus præsidio tenebat. Sed hic Condæi novâ nixus clientelâ, spem nactus erat, oppidi potiundi, atque reficiendarum munitionum: quod si fieret, haud minora, quàm antehac Sectarii, agitabat animo, cui videlicet neque pudor, neque modestia, neque ullum æqui, bonique studium, omnia in lubricine posita sunt, & quoniam fraus, atque audacia habendo Broagio antehac ex sententiâ cesserat, idem de Rupellis eventurum credebat.

Harcurius tum apud Niortium fuit, quod & cogebat copias, & alia rei publicæ gerendæ idonea parabat sedulò: hunc Rex jussit omnem dare operam, ut ne Rupellæ in hostium potestate forent. Rupellani ad Regem miserant, qui fidem ejus implorarent, adversum Daugnioni conatûs: urgebant & Harcurium, uti sibi subveniret, ac properaret accedere, paulum si cesset, frustra posthac venturum serum rebus perditis, auxilium. Harcurio tum Legatus fuit *a* Estissacus Rupifocaldi Ducis Patruus, Regi fidissimus, qui in Prætorianâ Legione primum Centurio, dein Tribunus uni cohorti, atque in aliis potestatibus suo genere, atque virtute dignissimis inveteraverat, Legatus item erat Harcurio Artus *b* Guffierus Roïanesius Dux, qui Pictonas obtinet provinciam, ac denique Beliero-plessius.

Sed Harcurius Rupellanos oratione permotus ad Surgeram movit castra, quæ decem passuum millibus ab Rupellis posita est. Eò nuntiatum Daugnionum sexcentos equites, & pedites mille ducentos apud Tonaïum ad Carentonum amnem misisse, qui ad Rupellas contenderent: simul & allatum Rupifocaldum, ac Tarenti Principem Cuniacum oppugnatum venisse. Ita ancipiti curâ distractus Harcurius, utri primum rei occurreret, incertus hærebat. Estissacum tamen ad Rupellas mittit, cum quatuor Prætorianorum Centuriis, quæis *c* Raræus Centurio præfuit: iit & cum Estissaco pleraque Pictonum Nobilitas, qui omnes Rupellas ingressi his qui ad portum, & Turres vergebant vicis transversas munitiones obduxere, intereâ dùm oppugnandis Turribus tormenta, atque plures copię advenirent. De his factus certior Harcurius ad Cuniacum flestit iter, atque ad Engeriaci-fanum movet. Ultrâ Carentonum positum est Cuniacum, in sinistrâ amnis ripâ: ab oppido pons ad dextram pertinet, in quâ suburbium est, quod hostes occupaverant, muniverantque: hæc ipsis minora castra, majora ultrâ Carentonum fuere, quem ratibus junxerant.

Harcurius copiarum numero impar hostibus erat, ita ut si cum cunctis dimicandum esset, multis partibus inferior foret: quamobrem ad Engeriaci-fanum hærebat, quid sibi faciendum esset incertus. Hostes intereâ Cuniacum summâ vi oppugnabant, quæ res Harcurium propius

a Le Baron d'Estissac de la Rochefoucault.

b Le Duc de Rouanne de Gouffier.

c Le Baron de Rar.

1651.

a Le Chevalier de Barradas.

accedere coëgit, qui passuum octo millibus ab oppido confedit. Eò Dux Roüancius de quo jam memoravimus, cum multà Nobilitate advēnit, præterea a Barradæ è Melitenfī Militiā turma, ac trecenti in supplementum Harcurianæ cohortis scripti milites, quā virium accessione fretus Harcurius, tametsi nequedūm cum hac par erat hosti, fortunam tamen quā sæpè prosperā ulus est, sibi tentandam esse constituit. Follevillam igitur castrorum Præfectum cum Jamaci equitum alā, & Barradæ turmā præmittit ad pontem, qui altero ab Cuniaco lapide est, occupandum: hunc hostes disjicere conabantur, cū Follevilla opportunè advēnit, atque incœptum coëgit omittere. Postridiè ad Harcurium misit, qui nuntiaret rates quibus hostes junxerant amnem, proximā nocte aquarum vi quæ immensū creverant, abreptas, neque adèò ab majoribus hostium castris subveniri posse iis qui cis amnem in suburbio essent: octingenti pedites fuere, equitatum pridè ab Condæo in majora castra revocatum, id quod acciderat providente.

Continuò Harcurius movet, atque ubi suburbium fuit in conspectu, aciem instruit. Prætorianorum in medio centuriæ quinque fuere, quò Beliero-plefsius Legatus curare jussus, ipse Harcurius cum regiā gravioris armaturæ equitum turmā in subsidio fuit. In dextro cornu curabat Follevilla castrorum Præfectus, quò Helvetiorum è regiā Custodiā centuriæ duæ, par militum Prætorianis numerus. In subsidio Regiæ gravioris, & levioris armaturæ equitum turmæ duæ. In sinistro cornu Subletus Hudicurius castrorum Præfectus fuit, cum his militibus, quos in supplementum Harcurianæ cohortis conscriptos diximus, levioris armaturæ regiū equites in subsidio fuere, cum Roüancesi selopetariis equitibus: Piætonum Nobilium turmæ tres, quas Roüancius, b Noüs, b La Noüe, ac Santimaurus ducebant, & Santonum Nobilium una Crequio Haimontio castrorum Præfecto attributæ, cum reliquo equitatu, atque id ultimum ad incerta rerum subsidium fuit, hi adèò quiescere jussi, donec Harcurius procurrendi si fortè opus foret, signum daret. Priusquam suburbium oppugnaretur, missus est qui hostibus deditionem suaderet: quam ubi abnuere, undique regiū procurrunt, ac præ studio simul cuncti in munitiones impetum faciunt, nihil expectato Ducum imperio, qui sicut erat imperatum, seriem oppugnationis servatam voluerant. Ita quā cuique proximum fuit, scandere, transcendere vallum, aut petrumperre, claustra perfringere, hostibus imminere. c Belfonsius ab oppido per pontem nostrorum clamore excitus cum eā quæ in oppido erat Nobilitate erumpit: hostes in medio deprehensi cæduntur, capiunturque, Condæus ab alterā amnis ripā hujus cladis adest spectator, qui cū antehac res apud Cuniacum in angusto essent, ab suis accitus fuerat, ut iis qui in oppido erant, deditionis ferret conditiones, atque hoc propè in Aula conspectu potiretur.

d Le Marquis de Bellefont.

Sed ubi commutatam fortunam videt, continuò movet castra, cūque in solo pingui quale in eā regione est, atque itineribus novissimo imbre corruptis tormenta agrè se avecturum judicaret, detracta car-

1651.

ris quibus plurimum instrumenti tormentarii vehebatur, jumenta ipsi tormentis adhiberi jubet, ut ne his nostri potirentur, sicuti instrumento tormentario ab hoste relicto mox potiti sunt. Duplici agmine Condæus abscedebat, & quidpiam inter utrumque intervalli fuit: alterum ad amnem qui superandus erat pervenerat, eique rei dabat operam, cum agmen alterum advēnit, metumque hostilem fecit, ac tanta trepidatio incessit, uti plerique plus æquo festinantes in alteram ripam evadere fluminis vadis deerraverint, atque altiori aquâ hausti perierint.

Inter hæc Condæum Rex, Contium fratrem, Condæam sororem, Nemorosium, & Rupifocaldum, atque alios qui arma ceperant, edicit hostes esse, dies tamen dicta ante quam sine fraude ab his liceret discedere, misitque eâ de re Diploma ad Senatum, ut in hujus acta referretur. Sed id disturbatum sæpius, cum ab Gastone simulante sese sperare Condæum si spatium daretur, neque exagitaretur animus ferox, in viam rediturum, tum ab aliis qui in Senatu amici huic erant: postremò tamen annitente Molæo ex Regis sententiâ factum est. Scripserat Condæus ad Regem litteras, ad quarum exemplum alias misit ad Senatum, acres, atque atroces in Mazarinum, Castronovanum, Molæum, Vetustivillam, & Gondium, quibus ambitionem, & avaritiam objectabat, Mazarinum omnium malorum quæ in republicâ essent, fontem appellando, quam miserè spoliavisset, Castronovanum ab hac Ludovici XIII. testamento prohibitum, Vetustivillam summam ab Mazarino Quæsturam tametsi absente commercatum, ut hujus simul, & suæ avaritiæ serviat, Molæum Procancellarium factum, uti rem publicam in Senatu corrumpat, Gondium nihil nisi atrox, violentum, crudele, atque immane volvere animo, in omnes quos consiliis suis ob stare putet.

Penes hujusmodi homines rem publicam esse iniquum, atque omnibus bonis intolerandum, quod ubi cum Gastone, & Senatu prohibere conatus sit, sibi ad id locorum tali viro ab pessimis, & sceleratissimis hominibus instructis insidias, neque in Regiâ, neque in Urbe, neque domitudo esse licuisse: postremò longius abscedere coactum, & quod miserrimum omnium sit, armis tueri salutem suam, ita ut sibi pereundum fuerit, aut subeundam rebellionis famam. Nullius se noxæ sibi conscium esse, nisi quod rem publicam ab Mazarino planè perditam noluerit. Penitere profecto quod cessaverit tamdiu, ac penè serò succurrat. Nihil in Gastone, nihil in Senatu, nihil in se auxilii fuisse, quamdiu lenibus remediis tanta rei publicæ vulnera curare conati sunt: ad extrema denique se descendisse invitum, & ferro utendum censuisse. Nam quem finem malorum fore si pestis illa rei publicæ Mazarinus redeat, quem Rex Edictis suis, Senatus suis Decretis exulare jussit: quis hæc sancta, atque inviolata usque adhuc, hujus hominis, & consilium Administrorum fraude, ac scelere vana, inania, irrita esse patiatur? Nam certum esse hos de reducendo Mazarino agitare. Equitum Tribunos quos ipse creaverit, ad gratiâ copias parare, hunc ipsum milites in finibus Regni scribere, non cives, sed extraneos, qui omnia mercede faciant. Hæc satis

fatis, superque ostendere Regem nondum per sese gerere rem publicam, sed hanc Mazarini clientibus plane permissam, qui nihil pensi habeant fidem regiam toties de hoc nunquam reducendo datam, Edictis, & Senatûs Decretis firmatam, violare. Quod si fiat, quid posthac in republicâ firmum, aut sanctum, aut quid erit reliquum nisi ut ex Mazarini lubricine vivamus, aut potius pereamus? Quæ quoniam & Rege, & republicâ indigna videbantur, arma in quibus modo præsidium est, cepi. Una mihi cum Gastone, vobiscum, & cum omnibus bonis causa est, ut abactò Mazarino, cunctisque pessimi, atque scelestissimi hominis clientibus Aulâ pulsâ Consilium Regi ex optimis quibusque constitutur. Eo fiet uti pax, & quies Regno, omnibus sua salus constet. Hæc vos P. C. haud celatos volui, quæ omnia mea probari velim. Vos quantum consilio, atque auctoritate valeatis, rei publicæ consulite, ego hanc quantum virtute potero fortiter geram.

Sed hæ Condæi litteræ in Senatu non sunt recitatæ, scilicet quem Rex edixerat, Senatusque decreverat hostem esse, qui adeo has ad Regem continuò misit, uti cognosceret magis, magisque hujus Ordinis erga se fidem integram esse. Postea loci complures è fece plebis allegati ab factionis ad Gastonis ædes iêre, pacem procaciter more suo postulantes, ac Mazarino malè precantes, quem in Galliam redire aiebant. His Gasto sese pacis cupidissimum esse respondit, ceterum hanc facere non esse in suâ potestate, de Mazarinò, hunc nunquam in Galliam suâ voluntate rediturum. Dein multitudo ad Molæi ædes vadit infesta, hominem criminando, sicuti Mazarini redditui faveret. Occlusæ erant ædium fores, in quas ingerere saxa multitudo cœpit, sed nihil commotus, aut perturbatus Molæus has aperiri, & si quid dicendum plebes haberet, accedere, & promere jubet: quâ firmitudine animi compressâ seditio, cunctique dilapsi. At Senatus postridiè de eâ re quæstionem habendam, & qui id facerent Quæsitores duos decernit. Fuere eâ tempestate qui ita existimarent Gastonis voluntate id Gondium esse machinatum, cui Molæum ad Urbem mansisse grave fuit, cuncta quæ ille facere vellet, observantem, atque prudentiâ suâ ubi opus esset, disturbantem.

Interea rumor increbrescebat Mazarinum in Galliam reditum apparere, scribere copias, Fertæum, atque Hocquincurium Equitum Tribunos huic favere, & ex omnibus Picardiæ, Campaniæ, Lotharingiæ præfidiis milites cogere, uti cum exercitu hominem reducerent: nuper hunc ad Ellebovium qui Picardiam obtinet provinciam, litteras dedisse, quibus significabat se copias suis sumptibus scripsisse, quæ Regi mererent, ac bellum civile defendant, has per Picardiam sibi ducere, aut mittere ut ejus voluntate liceret postulantem, simul uti faceret se certiorum, utrum ipsi magis placeret. Ellebovius sese rescipuisse aiebat uti mitteret potius, quàm ipse duceret, neque se arbitrari hunc id recte, aut satis tutò facturum, qui Regis Edicto, & Senatûs Decretis exulare jussus esset. Jam Sedanum Mazarini sororum filias, hunc verò Buillonium in propinquo advenisse nuntiabatur, quæ res Senatûm perpulsi,

1651.

uti decerneret mittendos è suo Ordine ad Regem, qui huic supplicarent, uti de non reducendo Mazarino fidem firmare vellet.

Rex de hoc Senatûs Decreto certior factus scribit ad Patres, & quam postulabant fidem eam dat ultro, hortaturque ut ne quotali rei publicæ tempore è suo Ordine ad se mittere vellent. Sed invalescente in dies de Mazarini reditu rumore, Senatûs Decretum fit, quo statim proficisci jussi sunt, qui ad Rêgem antehac ituri fuerant, huic agerent gratias, quod quam Senatus optaverat, ultro dedisset fidem, flagitarentque uti permanere in sententiâ, & quæ ipse de Mazarino edixerat, Senatûsque decreverat, ea firma, & rata esse vellet. Sed cùm Mazarinus Sedanum venisset, Senatus decrevit id hunc videri contra Regis Ediçta, & sua Decreta fecisse, quem adeo hostem judicavit, producendam, ac venundandam hujus Bibliothecam, quæ ad Urbem erat, atque ex eâ, & ex fructibus Sacerdotiorum ejus conficiunda nummum millia quinquaginta, mercedem huic qui hominem seu vivum, seu mortuum Senatui sisteret. Tantum erat omnium eâ tempestate in Mazarinum odium, ut isthæc adversum hunc decernere nihil pensi haberent: certe nullâ habitâ quæstione, neque causâ cognitâ, ex rumoribus vulgi hominem damnare, ac veluti proscribere, procul ab hujus Ordinis disciplinâ videbatur.

Harcurium suprà memoravimus apud Cuniacum bonam, fidelemque Regi, atque rei publicæ operam navasse, atque Condam ut inde re infectâ abscederet, coëgisse: sed ille cùm haud sibi satis ad hostem persequendum copiarum esset, ad Surgeram Rupellas versùs rediit, uti Daugntonum ab hujus Urbis potiundæ spe planè dejiceret. Jam oppidani suâ sponte, dein Estissaci jussu, ductuque multa, eaque egregia adversum Daugntonianos fecerant, qui ab duabus ad portum turribus dejeçtis in unam reliquam, vicinamque Munitionem denique compulsi fuerant: hæc portum subeuntibus ad dextram erat, unumque habebat propugnaculum, quod ab limo recedentis inde æstûs nomen habet: centum, ac sexaginta milites Turrim Munitionemque defensabant, cum nobilibus aliquot: præerat omnibus Bessus quidam Daugntonio fidus: hic omnes scaphas, aliaque vectoria navigia quæ in Carantono amne, atque in omni vicinâ maris orâ fuerant, conquisiverat, quibus ad subvehendos commeatus utebatur: præterea hæc paraverat, ut Hispanicæ classis quæ brevî ventura erat, usui essent, cujus operâ Daugntonius sese Rupellis potiturum sperabat: postremò Condam ab eo accersitum, atque eò venturum fama erat.

Quibus rebus uti præverteret Harcurius, Rupellas venit, contemplatûsque Turrim, & Munitionem quam hostes tenebant, ac dispositis circum stationibus, primâ nocte locum ad Munitionis fossam capi, muniri que jubet: sed diuturna oppugnatio futura videbatur, si fossâ ponte transeunda, atque hoc pacto ad Munitionem perveniendum foret: satius visum id facere levi navigio constrato in modum carinæ inverfat, atque laminis æneis contecto, ut ne igni obnoxium esset, quod navigium

secundo æstu ad Munitionem subiit, atque ex eo cunicularii aggerem perfodere aggressi tantum hostibus terrorem fecere, uti continuo Besum coëgerint quempiam ad Harcurium de ditione mittere: sed huius faciundæ copia rebellibus tum negata, qui videlicet hanc antehac abnuerant: pertendentibus tamen, atque Harcurio qui in conspectu erat, supplicantibus, uti sibi qui cives essent, consultum vellet, postremo vitam se dare militibus, Præfecto verò neutiquam respondit. Is continuo sibi pulveris tormentarii satis superesse ait, quo se, suosque, ac Turrim ipsam eximat hosti, atque ejus ruinâ ipsis, sibi que tumulum exstruat, simul eò properat, quò pulveris tormentarii reliquum erat aliquantum: sed prohibuere milites, hominem acrius districtis gladiis infecuti: qui ubi certam ab his, aut ab hoste si huic dederetur, necem metuit, se se ab propugnaculo præcipitem dedit in subiectum limum, atque eò nostrorum telis est obrutus, milites qui in turri, & munitione fuere, in ditionem accepti. Ita disturbata Daugnioni immoderata consilia, ac Rupellani metu liberati, Estiflâcus eò cum præsidio qui Præfectus esset oppido, ac vicinum Alnitensem obtineret Agrum, relictus est.

Harcurius pacatâ Urbe certior factus, Crequium è Melitenfî Militiâ advenisse cum copiis, quas Rex ab finibus Regni quâ Belgium attingunt, evocaverat, subito ad illum contendit, atque his auctus copiis rem prælio committere si per Condæum liceat, constituit. Condæus apud Tonaïum ad Carantonum amnem habebat castra, quò belli fortunam tentaturus videbatur, quæ si adversa foret, pontem qui illic est, exercitum traducere consilium fuit, atque hoc interrupto ab persequendo Harcurium prohibere. Hic igitur ad hostem versùs movet: Tonaïum ad Buttonam amnem huic ad lævam erat, quò sclopetarios aliquot Condæus præsidio reliquerat, ab dextrâ Maranium haud procul palude, quæ Alnitensem claudit agrum: eò & quatuor equitum turmas loco edito Condæus collocaverat, neque cognoscendi copia erat, utrùm ponè hunc collem instructa reliqua Condæi acies esset. Harcurius quot satis visum est militum è Masencurii cohorte adversum Tonaïum ad Buttonam collocat, qui locum expugnarent, aut ne quid sibi ab tergo periculi esset, prohiberent: dein suos, ac Pralinoplefii sclopetarios equites procedere jubet, cum turmâ Nobilium ex Pictonibus, atque aliquot equitibus ex Andium Ducis alâ, id primum agmen fuit, in quo Belfonsius castrorum Præfectus curabat: aliquo intervallo sequebatur Belieroplefius Legatus cum reliquâ Andium Ducis equitum alâ, quod secundum fuit agmen, in quo & Follevilla, & Brevallius Harlaeus ambo castrorum Præfecti, præterea Bugius Legato aderant: postremò Harcurius ipse cum reliquis copiis.

Qui è nostris in primo erant agmine, in hostes editiorem insidentes locum procurrunt acriter, hi haud timidi resistunt, & tantisper sustinent pugnam, dein regionum virtuti haud quaquam pares conturbatis ordinibus pedem referre cœpere: urgent regû donec ad viarum augus-

Oooo ij

a Le Chevalier de Crequy.

b Le Marquis de Breval, de Harlay.

1651.

tias perventum, quò aliquanta cædes hostium facta, nam accelerare fugam loci natura prohibebat. Ultrà angustias Condæus erat cum alis equitum duodecim, paratus, intentusque regiones si angustias prætergrederentur, excipere. Iniqua his fuisset conditio tenui agmine ob angustias advenientibus, quâ de causâ restitère. Ubi primùm hostes pelli cœperant, alii ab vico qui ab dextrâ regis erat, hostium equites venère subsidio suis, quos Belieropleffius conspiciatus in hos cum Andium Ducis alâ impetum facit: hi partim cæsi, alii in proximas paludes pulsî, aut in ædes quæ erant in propinquo satis firmæ, confugère, ac postea deditère se, & victoribus permisère: eò equorum, atque impedimentorum præda facta.

Harcurius ad dextram iter quærebat, quo ad hostem ire satis tutò posset: sed id frustrâ, nam impedita erant omnia aut densò saltu, aut paludibus, uti transire volenti dissolvere ordines omninò necesse esset: hæc molientem nox oppressit, cujus silentio Condæus Carantonum amnem apud Tonaium traduxit copias, quæ res victum hominem satis indicabat, & cum causâ mutatam esse fortunam. Reliquum anni Harcurius apud Tonaium, Condæus apud Bergeriam edito loco, stativa habuère. Harcurius ultrà Carantonum, ad caput pontis Munitionem exstruxit, Condæus stativa vallo, fossâque munivit. Sed Harcurii exercitus sub tectis, Condæi sub dio agitabat, incunte hyeme crebris imbribus fœdâ, quo fiebat, uti complures in dies dilaberentur.

In Borbonensi agro Herissonum oppidum castellumque hostes occupaverant, quæ a Sangeranus recepit, is Borbonensem obtinet provinciam. Herissonum haud procul Murone Condæi Arce positum est. In Æduis Spernonius castellum apud Divionem recepit. Sed in hujus provincie finibus Espagnium est castellum Margaritæ Chabotæ, quæ Ellebovii, atque Harcurii mater est, in eo magna vis fuit frumenti, cujus habendi cupido qui apud Seuram fuère, eos impulit, uti castellum oppugnarent, atque expugnarent denique, quâ re ex sententiâ confectâ, quidpiam jam frumenti avexerant, cum advénit Uxellus Marchio, Spernonio in Æduis Legatus: is primùm missis qui avectum frumentum reciperent, castellum oppugnat, ac brevî in deditionem redegit: qui ab Seurâ nobiles eò reperti sunt, ù sine impedimentis dimissi, fide datâ se adversum Regem posthac haud militaturos, Galli milites sacramentum Regi dicere jussi, cæteri capti, abductique ad Spernonium sunt.

Hoc anno mortem obiit Leonorius Stampæus Valancæus Rhemorum Archiepiscopus, Dux, ac Franciæ Par, genere, atque magnâ rerum quæ ad Clerum Gallicanum pertinent, peritiâ clarus. Mortuus est & Jacobus Cogneuxius in Senatu Præfes, de quo passim memoravimus: præterea Renatus b Voyerus Argensonus Regis ad Venetos Legatus, genere & ipse, ac singulari in Deum pietate clarus, qui ubi uxor obiecit mortem, cœlibem vitam coluit, quin & sacerdos factus denique est, diù multumque in regio Consilio versatus, ac sæpius in Regni

a Le Marquis
de Saint Ge-
ran.

b Le Voyer
d'Argenson.

provincias, atque ad exercitus Quæstor missus, ubique cum magnâ probitatis, atque integritatis famâ: funus huic publico sumptu Veneratorum Senatus faciundum decrevit, atque id universus est profecutus: obiit postremò Nicolaus Causlinus Jesuita, Gallicis, Latinis, Græcisque litteris juxtâ, ac doctissimè eruditus, quem ego per adolescentiam latinè scribendi magistrum habui: hic postea Ludovici XIII. Regis Confessarius fuit, qui quoniam ei scrupulum injecerat, de Mariâ Regina matre haud satis piè habitâ, atque Aulâ, & regni finibus abscedere coactâ, Aulâ & ipse Richelii operâ, cui cum Mariâ lites intercessere, fa-
cessere pridem jussus fuerat.





JOAN. LABARDÆI
MATROLARUM
AD SEQUANAM MARCHIONIS
DE REBUS GALLICIS HISTORIARUM
LIBER DECIMUS.
E P I T O M E.

1652.



*E. Mazarini reditu decretum in Aula. Redit cum copiis. De
bujus reditu Condæi ad Senatum litteræ. Belleuæi ad Regem
cum aliis ab Senatu missi oratio. Molæi Procancelarius Re-
gis nomine Responsum. Rhedonensis Curie ad Senatum lit-
teræ de Mazarino, ac Melleraiæ. Stampæi Ferimbaltii
E. T. sententia de sedere cum Gastone ab Senatu, atque Urbe
faciundo. Robanus Chabotus Juliomago in Andibus Præ-
fectus Gastonis, ac Condæi partes sequitur: eundem oppidanos adducit. Gasto in
Urbe delectum habet. Nemorosum in Belgium Condæus adducendis copiis mittit.
Mazarini in Aulam adventus. Aula ad Salmuriam profectio. Castronovanius
ab Aula discedit. Apud Burdigalam Regem eò venturum creditur, quo ad bellum
defendendum apparantur omnia. Robanus Juliomagum, arcemque Regi dedit.
Pons Casaris item deditus. Gondius Romæ Cardinalis creatus. Nemorosius apud
Meduntam copias quas ab Belgio adduxerat Sequanam traducit. Rex ab Salmu-
riâ ad Blesiam, dein Gianum advenit. Apud Gergolium Belfortius pontem op-
pugnat, regii egregiè propugnant. Turena alteri exercitus præest, alterum Hoc-
quincurius ducebat. Buillonius Turena frater quæ prædia in æstimationem Sed-
ani dabantur, accipit, de eâ re Regis Edictum in Senatu promulgatum. Anna
Ludovicæ Aurelia Virgo Aureliam ab Patre missa. Condæus in Aquitaniam. Eb-
dem Harcurius cum exercitu regio properavit. Sanlucius in Aquitaniam Legatus
cum copiis ab Condæo malè habuit. Condæus ab Harcurio improvisè adveniente
Agimium compulsus. Condæus permittit Contio fratri, atque Marsino Legato
Aquitaniam ad Urbem versùs proficiscitur. Apud Suillum rursus Bethunii nobis ad*

Ligerim Rex tantisper agitavit. Ed missi ab Senatu Nesmondus Præses, atque alii de pellendo Mazarino. Regi de ed re Scriptum Senatûs tradidit. Condeus Lorim baud procul Aureliâ Urbem quâ suâ, Gastonisque copiæ stativa habebant, venit. Montargirium ducit, quod ipsi deditum est. Rex apud Giano erat. Hocquincurius cum regiis ad Blenellum fusus ab Condeâ. Turena postridiè Condeâ nonnullam intulit cladem. Condeus ad Urbem venit, dein venit in Senatum unâ cum Gastone. Uterque sanctè professus est statim atque Mazarinus abiisset finibus, se ab armis discessuros. Decretum uti Nesmondus, & alii ad Regem iterum adirent isthæc nuntiatur, simul postulatum uti Senatûs Scriptum Rege coram recitaretur. Rex ab Giano Autissiodorum ad Igonnam amnem contendit, ut eo ad Urbem versûs proficisceretur. Exercitus virorum Principum ab Montargirio commotus, & pabuli inopiâ Stampas movit, atque ed stativa habuit. Robana Momabona, & Gondus Regem ad Urbem accersebant, aliter Condeâ consiliis occurrî non posse. Carolus Britannicæ Rex apud Corbolum de pace mentionem injicit. Rex Germanianum petit. Ed ab viris Principibus missi Robanus Chabotus, Chavignius, & Goulasius Gastonis Scriba venêre, uti de pace agerent, sed id frustra fuit. Condeus Dionysii-fanum cum copiis petit, ac pugnando capis. Turena occasione Aureliæ Virginis ab Stampis ad Urbem proficiscens se quidpiam operæpretis facturum ratus ad Stampas ducit. Ipse, atque Hocquincurius Suburbium capiunt, dein Autricum Carnutum petunt, atque ad Palatiolum redeunt. Conditiones pacis ab Condeâ latæ Mazarino per Gourvillam. Radesianus Cardinalis, & Chavignius uti pax Gastonis non Condeâ operâ fieret studebant, atque ed causâ huic Germani-fanum iterum Mazarino spem faciebant. Condeus Butte-villam quæ Coliniâ Castillonis uxor fuerat, Germani-fanum de pace mittit. Turena Stampas obsidet, eo Rex Melodunum proficiscitur, uti propior castra esset. Carolus quondam Lotbaringicæ Dux Gastonis, ac Condeâ auxilio venit. Uti Stamparum solveretur obsidio cum Castronovano paciscitur, ipse facessit Regni finibus. Ab Senatu missi ad Regem qui tum apud Melodunum erat, de abigendo Mazarino. Rex inter quosdam è Consilio regio, & ex Senatu de pace, & concordia agendum respondet. Christina Sueciæ Regina ad Senatum de pace scribit, atque huic conciliandæ operam suam exhibet. Brusselli Senatoris de abigendo quod unum paci faciendæ necesse sit, Mazarino sententia omnibus probata. Viri Principes fidem dant, profuturum, ac in acta Senatûs referri postulant se ab armis ubi id factum fuerit, discessuros. Ea de re Senatus ad Regem mittit iterum. Belli tædium plerosque omnes capis. B. Genovesæ reliquæ per Urbem gestantur magna, ac pia pompa, paci ab Deo impetrandæ. Regis de Mazarino responsum, quo negabat hujus abitu pacem confectum iri. Actum in Senatu de consicienda qua Mazarinus proscriptus erat summa. Egre dientibus Curia Patribus minæ intentatæ ab allegata multitudine, ac maxime Bailleulio Præsidi, qui tum per Molæi absentiam Senatui præerat. Particellus in una ex Inquisitionum Classibus Præsides ab plebe malè habitus. Belfortius plebi suadet ut ab Senatu libello postulet, qui ex hoc Ordine Mazarino studeat, eos indicari. Longolio Maisonio Præsidi ab plebe periculum. Patres ubi Curia egrediebantur, iterum ab allegata multitudine pulsati, neque satis dignè habiti. Virorum Principum exercitus ab Stampis ad Clodoaldi-fanum movet, atque ed habet stativa. Condeus ab pace baud abhorre-re visus. Hispani, Condeâ

foror, atque hujus amici bene procul ab Urbe esse cupiebant, ut ne de pace ageret, ad quam ex Butteville sententia animus inclinabat, postremò tamen bellum maluit, nihil fides habendum Mazarinò ratus. Harcurius in Aquitania rem publicam bene, feliciterque gessit. Apud Burdigalam turbæ. Ed Brezæa Condæ uxor, Contius frater, & Condæ foror Burdigalensium adversùm Condæum studia fovebant. Rex apud Dionysii-sanum habet castra. Ed missi tertio Nesmondus, ac Longolius Maisoniæ Præsides, cum aliis ex Senatu, qui Regem docerent de virorum Principum professione in Senatu se ab armis statim discessuros, ubi Mazarinus pulsus Regni finibus foret. Regis Sequanam haud procul Dionysii-sano transire tentant. Obstitere ex adversa ripa virorum Principum copiæ. Condæus Clodoaldi-sanum venit. Inde castra movet, & ad B. Antonii Suburbium ducit. Ed cum regis pugnat. Condæus cum copiis Parisinorum voluntate in Urbem recipit se, & ad Victoris Suburbium habet castra. Palea factionis tessera gestatur in Urbe. Consilium in Urbis Aedibus habetur. Allegata multitudo in foro propinquo, & virorum Principum admixti milites territando Consilio tumultuantur, uti Senaturn, Populumque seductum cum viris Principibus facere cogerent. Ignem Aedium foribus admovent. Aurelia virgo denique advēnit, que tumultum sedat, & qui in Aedibus erant, eos periculo eximit. Ab ea die multi ab factione virorum Principum paulatim discedere, ac pacem magis cupere. Condæus apud Hispanos sibi consulit. Rex habendæ paci se Mazarinum amandaturum edicit. Ut ad se viri Principes de suis rebus mittant, postulat: bi abnuunt, seque arma posturos ubi Mazarinus abierit, confirmant. Nesmondus, & Longolius Præsides ad Urbem redeunt. Decretum in Senatu Gastonem Regi in Gallia Legatum porre esse, sicuti antebac per hujus pueritiam, usque dum abierit Mazarinus, qui item haud secus ac per Regis pueritiam rem publicam sibi regere copiam esse putet. Gasto sibi Consilium ex cujus sententia rem publicam gerat, institui postulat. Ea de re Bignonii Actoris regii oratio. Belfortii, ac Nemorosii certamen, hic ab illo necatur. Francisci Rieuxii Camitis, & Tremolii Tarenti Principis inter alterum anteiret, controversia. Continud Condæus de pace cum Mazarino agebat, uterque serio, au per simulationem incertum. Fredericus Mauricius Turiis Buillonius Dux apud Esie-pontem quò Rex habebat castra diem suum obiit. Harcurius frustra Villam novam Aginensium oppugnat. Renatæ Dubecæ quæ Budæ Guebriani. E. T. uxor fuerat, omnis de habendo Brisfaco fabrica. Inde pellitur. Carlevoſius hujus opera Philippiburgum abductus Brisfaco Harcurio tradit. Ed primum Cambultia uxor, denique ipse Harcurius exercitu regio in Aquitania Iſlabono fratris filio permisso venit. Gravelinga ab Leopoldo recepta, dein Dunkerca. Blacus Britannicæ classi Præfectus naves Gallicas quæ Dunkercam auxilia, & commectum vehere debebant, Cromwelli jussu capit, & quæ bis vehebantur omnia, homines verò dimittit, id captarum antebac ab Gallis Britannicarum navium, ac mercium specie factum, quo patrem nobis gratiam Britanni referrent. Rex Senaturn Esie-pontem ab se venire jubet, ut ed haberetur. Id Senatus abnuvit. Præsides duo modò, & Consiliarii quatuordecim ed venère, bis adhibiti Magistri aliquot libellorum, quibus omnibus præfuit Moleus Procancellarius. Hi abiit Mazarinum postulant, quod denique Rex factum voluit. Hic abiit, post paulò redire certus. Seguiens Cancellarius in Aulam revocatus. Persanus Clerembaldio Paliavio

Митохондрии

Murum dedit. Pacem viri Principes amando Mazario baud abnuunt, sed de variis rebus ut ad Regem sibi mittere liceat qui de his agant, postulant: id Rex abnuit, quoniam & ipsi antebac abnuerant. Edictum de pace apud Esiae-pontem promulgatum. Aquilonia, Castronovanus, & Goulasius Gastonis scriba hunc ab Condeo sejungere quo pacem haberet, conati sunt, discedentes hunc illam plane abnuere. Condeus ab Belgio copias Germanorum, Lotharingorum, atque Eburonum accersiverat, quæ ad Sequanam supra Urbem haberent castra, baud procul Georgii-Villa-noviâ. Sed ed Turena prior, atque in collibus vicinis posuit castra: in planitie subjectâ Matronam amnem versus hostes erant. Hi comitatus Urbi difficiles reddebant, rura civium amenissima vastabant, diripiebant, quo studium pacis baud mediocriter crescebat in Urbe. Radesianus Cardinalis cum plerisque ex Ordine Ecclesiastico Compendium de pace, ac Regis ad Urbem reditu actum venit. De cupiditate rei publicæ loco Mazario gerende apud Reginam purgat se, quæ id ab Rege sibi pendere responderet, neque virum Radesiano permittere. Huic quod nosset, quidquam in mentem usque venisse. Candalius in Aquitaniam paternam antebac provinciam missus cum imperio. Provincia vicina Inculsimo Duci abrogata, ac data Mercurio. Initium revocandi in Urbem Regis factum à Carolo Prevosto Senatore, & ab Franciscanis duobus Fauro, & Bertalio. Guisus ab Hispanis dimissus Mantua Carpetanorum ad Urbem redit. Radesiano, & Castronovano placebat Gastonem cum Regina redire in gratiam, spem factus sese hujus autoritate fretos baud rei publicæ expertes fore. In Edicto pacis quædam corrigi Gasto, ac Senatus postulabant, quod est factum ex sententiâ. Turena ad Matronam Meldas inter, & Lagnium habuit castra. Virorum Principum exercitus Vincennas propius. Parisini Regi ut ad Urbem veniret crebris missionibus supplicabant. Condeus eo sibi maturè consulendum est arbitratus, & quæ cum Hispanis per Sillerium constituerat, ea tum esse faciunda, scilicet ut his conjungeret se. Id Charvignio minimè probabatur, qui eo objuratus ab Condeo in morbum gravem incidit, atque diem suum obiit. Condeus ab Urbe in Rhemos abiit cum exercitu. Ad Urbem rediére Hospitalis E. T. Urbi Præfectus, & Faber Præfectus mercatorum, ac denique Rex ipse, & Regina mater cum omni Aula. Ad Senatum scripserat uti postridiè in Regiam conveniret, quod & qui ab Esiaeponte advenerant, adfuere. Gasto Regi non venit obviam, quamobrem Limursium suum abire iussit. Radesiani, & Belfortii super eâ re consilia. In Regiâ Senatus habitus. Edicta de Senatu, & de Pace recitata, ac denique de his quos Rex Urbe facessere jubebat. Gasto Blesiam denique concessit. Ex Senatu quidam Regis jussu & rus concessere. Brussellus ad Urbem restitit, nullâ Administrorum de hoc pellendo curâ, quando neque huic rus ullum quod abscederet, neque quidquam reliquum erat quo nocere posset. Reliquæ belli in Campaniæ finibus, quod Condeus, & in Aquitaniâ quod Contius, & Condea soror fuere: hos, & qui horum sequebantur Scitam Rex edicit hostes esse. Barcino, atque omnis Catalonia ab Hispanis recepta, frustra obnitere Motta E. T. qui Barcinonem denique dedere, atque abire coactus est. Casalium Hispanis oppugnantibus Carolo Mantuæ, ac Montis-ferrati Duci deditum ab Santangelo Propræfecto. Mazarinus cum Condeo de reconciliandâ inter ambo gratiâ agit, sed frustra, cum jam Hispanis sese atrox conjunxisset, quàm ut facile ab his sejungi posset. Condeus Veruunum in

1652.

Tieracensi agro, Rbetelium, Portiani-Castellum, ac denique Meculphi-sanum in Campania occenpat, haud ita firma, sed stabiliundis eò hybernis opportuna oppida, dein Baren Ducis, Lignium, & Vordium. Portiani-Castellum ab Elleborio, & Almontio E. T. receptum. Castronovanus Urbe pellitur. Radesianus Cardinalis in Vincennarum arcem conjicitur.

FINE anni proximi Rex, atque Regina mater Augustoriturum Pictonum Molæum, atque Vctulsvillam ab Urbe venire iusserant, uti de revocando in Aulam Mazarino frequens Consilium haberetur: atque intereà ad hunc, atque ad Hocquincurium scripserant, uti copias in finibus Regni conscriberent, quibus tunc cùm maximè bello civili sustinendo opus habebant. Nemo erat qui dubitaret Mazarini reditum Reginæ cordi esse, cujus operâ ubi procuracionem habuerat Regni, fideli, atque egregiâ usâ fuerat, atque adeò eandem Regi filio utilissimam porro fore arbitrabatur: sed non idem plerique sentiebant, variis de causis Mazarino adversi, infensique. Huic contrâ impensius favebant Thomas vir Princeps, qui ab Italiâ nuperadvenerat, Pralino-plefsius Equitum Tribunus, ac Michaël Tellierus Quatuorvir, cui hunc Magistratum Mazarini commendatione ab Ludovico XIII. Rege mandatum antehac diximus: cæterùm huic homini tanta prudentia, atque modestia est, ut omnium propè in Mazarinum odium quod & ad propinquos, & ad clientes pertinet, facilè vincat: ita ut ubi Condæus nuper hunc cum Serviano, atque Lionno abigi postularet, id uno ore cuncti faciendum negarent, ipse unus paratum se diceret rei publicæ, atque concordix causâ non modò ab Aulâ, sed & ab ipsâ si opus esset, vitâ discedere: hic nuper in Aulam redierat annitente Villaregio ut id Castronovani voluntate fieret.

Sed ipsi Castronovano qui per Mazarini absentiam omnem tractabat rem publicam, suprà quàm dici potest ægrè futurum erat, si huic eodem redeundi copia foret, qui primas in eâ gerendâ partes obtineret, quibus antehac ille vix Richelio ipsi cesserat: dissimulabat tamen sedulò, cùm Reginæ animus erga Mazarinum ut esset, probè sciret. Igitur non hunc in Aulam esse revocandum negabat. *Sed si tum rediret, eo Condæi causam quæ propter Mazarini absentiam propè nullis probetur, visum iri iustissimam aiebat, atque adeò plerosque aut palàm ad Condæi partes transiuros, aut clàm huic fautores futuros, non factiosos modò in Urbe ised & universum Senatum, populumque, quorum exemplum cætera in provinciis Curix, atque Ordines omnes secuturi sint: satius adeò videri cum Condæo bellum conficere, ac deinde sine ullo rei publicæ, quæ in tuto collocata foret, periculo Mazarinum revocare.*

Hæc certè verè, tametsi haud rectè ab Castronovano dicebantur, qui suæ in eo magis, quàm publicæ rei studebat: quæ verò contrâ Mazarini, fautores discitabant, ea haud satis valida fuère, hunc videlicet unum rei publicæ gerendæ idoneum, atque adeò necessarium administrum esse: nam id verum non fuit, neque enim hanc minùs rectè eâ tempestate

Castronovanus administrabat, homo in quo si ab eo tempore, quo Pro-cancellarius creatus fuerat, in re publicâ perpetuò versatus fuisset, nihil reprehenderes : sed exactâ ætate hujus tractandæ, atque eâ gratiâ tantum in Aulam redeundi studium habuisse, intempestivum, atque immoderatum videtur. Quantum ad eas copias quas Mazarinus secum adducturus erat suis conscriptas sumptibus, ridiculum fuit isthuc tanti facere, ut eâ causâ hunc qui odio esset seu jure, seu injuriâ plerisque omnibus Rex in Aulam reductum vellet, uti videlicet tantò maturius Condæum armis coerceret, atque in viam redire cogeret, cùm illius reditus propè omnes in Galliâ homines Condæo esset adjuncturus.

Sed rectius Reginadicebat, *Regis filii maximâ interesse, ut ne quis hoc invito, atque ex aliena lubricine pulsus Aula Regniq[ue] finibus sit: quod quidem regiam infringat potentiam, & quidpiam supra banc esse ostendet, quod quanti in Regno momenti sit, ambigere neminem. Eo se Mazarinum in Aulam redire velle: datam ab se, atque ab Rege filio de non reducendo fidem, & ab Senatu petitam æquè pudendum esse, cujus rei memoriam deleri, atque exemplum tolli in rem publicam sit.* His Molæus assentiebatur odio Castronovani, qui illo invito regii Consilii obtinebat principatum, rem insolitam, atque antehac inauditam, præterquàm in viris è regiâ Gente Principibus, aut Cardinalibus, qui soli in Regis Consilio Cancellarium, aut per hujus absentiam Procancellarium præiére, eo Mazarinum hunc occupare locum malebat.

Sed ubi Castronovanus de reducendo Mazarino sententiam vincere sentit, hujus rei prohibendæ nullam iniri posse credidit rationem, quàm si Gasto in Aulam veniret. Eo ad Fremontium hujus scribam veterem clientem suum dat literas, sed minor erat Fremontio apud Gastonem fides, quàm ut quidquam illius autoritate permotus faceret: Gondius verò Gastonis in Aulam professionem disturbavit, fortè ut ne si Gasto Mazarini reditui obstaret, vicissim hic Gondii negotium de Cardinalatu Romæ infectum vellet, atque operam daret, quo Rex alium, qui Cardinalis hoc posthabito crearetur, Pontifici commendaret. Sed si Castronovanus de Gastonis in Aulam professione ad Chavignium, aut ad Goulasium alterum Gastonis scribam scripissêt, hunc Chavignio nixum forti, ac magnæ pridem apud Gastonem autoritatis viro, rem ex sententiâ confecturum fuisse verisimile est. Sed Castronovano dudum intercessère cum Chavignio similitates, sicuti fermè inter homines qui in eadem aut spe, aut fortunâ sunt.

Regem aiunt primùm quotidianis omnium in Mazarinum sermonibus, atque omnis propè Aulæ, Senatûs, populique in eum odio permotum, dein fidei ab se, atque ab Reginâ matre de non reducendo datæ religionem illam inviolatam voluisse : nam adolescentis animus insolens malarum artium fidem tametsi ab invito datam prodere flagitium existimabat : postremò tamen matris quam plus scire, atque providere credidit, atque eorum quos in consilium adhibuerat autoritate victum de Mazarini reditu illi morem gessisse.

1652.

Interea Hocquincurius Regis jussu ab Campaniæ, & Picardiæ finibus evocatis copiis, circum Laodunum cum Navaillio, Broglio, Quincæo, Montejoco, Cossæo, Bare, atque aliis eodem profectus est, quò armatorum duo millia fuere equites, peditesque: dein ad Axonam amnem movit, atque hoc apud Arcium quò pontis copia est, transmissio, atque item traductis Matronam copiis Mazarinum apud Troissium expectavit. Is Spernatum IV. Non. Januariæ advénit, cum quinque millibus armatorum, atque eò cunctis conjunctis copiis Hocquincurius cum equitibus mille ad Sequanam, & Igonnæ amnes properavit, ut adveniēti cum reliquis copiis Mazarino nihil in his traducendis impedimenti esset: quantum ad Sequanam, id apud Merim oppidum infra Tricassum facile fuit.

a. Som.

Sed ubi est Igonnæ appropinquatum, eò ad Pontem qui infra Agendicum Senonum oppidum, positus est, Gastonem quatuor à Septemanicà Legione Centurias misisse nuntiatum, simul & Senatum duos ex suo Ordine, qui omnem darent operam, ut ne illæ Mazarinus, nec hujus copiarum transirent, pontem eà gratiâ interromperent, naves deprimerent, aut abducerent, plebem armarent, atque alia quæ usui forent, sedulo facerent. At Hocquincurius adveniēns ubi vidit equites ultra amnem hæc, illæ cursitantes, quidpiam sollicitè molientium specie, quot ex suis visum, vado ad aliam contendere ripam jubet: hi in Franciscum b. Bitaltium, atque Jacobum Genierum Codraii ambo Senatores incidere, qui cum his congressi planè ignari quinam essent, Bitaltium confosio equo prolapsus capiunt, Codraii fugâ sibi consulit. Interea Hocquincurius venit ad pontem, quem oppidani, nam eò oppidum est, interrompere conabantur: hos quid Regi de Mazarini reducti sententiæ esset, simul & qui quatuor septimanicis præerat centuriis cum edocet: sed hoc resistente, equites aliquot omissis equis pontem oppugnatum ire jubet, quorum alacritate, atque impetu perterrefactus Morandiera, (id nomen homini fuit,) uti sine fraude sibi, suisque abire liceret pactus continuò discessit. Eò Mazarinus traduxit Igonnæ copias, dein Ligerim apud Giani pontem, quò & Carolus & Escobellus Marchio Aureliæ Urbi Præfectus decreverat hunc arcere transitu: sed id per sese facere oppidani ipsi consilium ceperant, ni ab Hocquincurio de Regis voluntate facti fuissent certiores, quâ cognitâ inceptum omiserunt.

b. Biezult.
Geniers du
Coudray.c. D'Escou-
bleau, Mar-
quis de Sour-
dis.

Interea Genierum cæsum, ac Bitaltium captum fama ad Urbem tulerat, quæ res Patres consilii incertos reddidit: dein decrevere uti de cæde alterius quæreretur, alterum Gasto ab Hocquincurio per Tubicinem repeteret: sed hunc se negavit Hocquincurius Regis injussu dimissurum. Itaque quid actum esset in eo negotio, Bellevræum, & alios quos Senatus ad Regem legaverat, edocere visum, mandandumque uti graviter expostularent, in eo Senatûs autoritatem ab satellitibus Mazarini foedè violatam. Sed hæc, atque alia hujuscemodi ab Senatu frustra fiebant, Mazarino per mediam Galliam properante ad Aulam, cui ar-

inato Senatûs decreta ludibrio fuere. Rectius Gasto adversûs armatum vi, atque armis agendum censebat, quas habebat copias ad id infirmas esse, eas augendas videri, atque eâ causâ regiam pecuniam quæ ad Urbem erat, corradendam. Sed eò progrediendum plerique ex Senatu negavere, quo Rex Senatûm bona sua publicasse, & sibi bellum indixisse crederet: procul id ab amplissimo Ordine esse debere, cui nulla arma præter leges, atque jus publicum sint, sibi modò quid isthuc, & illæ postulent Regem edocere fas esse, at cogere quis sibi licere persuadeat?

Dum hæc in Curiâ Patres consultant, nuntiatum est adesse ad fores quempiam cum Condæi litteris, quas uti reddere Senatui, & quæ in mandatis habeat, ea proponere liceat, postulantem. Baillæulius qui per Molæi absentiam Senatûm habebat, hunc dandum ei qui ab hoste missus esset, negabat, Condæum enim hostem ab Senatu judicatum. Factum est tamen Mazarini odio, ac præsentî de Bitaltio capto, ac Geniero violato irâ, ut & Senatus Condæi Legato daretur, & hujus litteræ, atque libellus quem ad Senatûm mittebat, recitarentur. Hæc fermè erant hujusmodi.

Tandem Patres videre, atque sentire non se de nibilo, ac temerè ad bellum descendisse, neque adeò his de causis quas Mazarinus Ediçto regio cuius ipse potissimus autor sit, falsò jactaverit, sed quia huic in Galliam, atque in Aulam redire consilium esse certo scibat, ut id omni ope prohiberet. Quod hujus reditus primùm obstitisset, eo se insidiis propè circumventum, ac comprehensum ut in custodiam iterum conjiceretur, eo in Aquitaniam discedere coactum, ut ne his porro opportunus foret, eo se Ediçto regio percussam, atque hostem judicatum, eo se denique bello petum, quod adversum se à regiâ gente Principem virum, iisdem quibus Rex majoribus ortum Mazarinus hospes, atque advena primùm absens moverit, dem postquàm in Aulam rediit, armatus, atque copiis quas ex omnium gentium colluvie collegit, instructus jam præsens gerat. Sed hunc non modò Regis Ediçti, & Senatûs decretis, verùm etiam omnium propè consensu exulare jussum quis ferat in Aulâ egregium, atque omnium rerum arbitrum rursùm agitare, Regis Ediçti, Senatûs decretis, regiâ fide toties datâ, atque sanctissimè firmatâ possibilibus, ac violatis? Certè quod contra se Mazarinus bellum gerat, id non magnoperè pertimescere: sed molestum sibi, ac grave esse judicium Senatûs, qui Regis adversum se seu verius Mazarini Ediçtum in astra sua relatum voluerit: satis scire se ad Patres haud lubentes, sed rerum quæ agebantur, & quæ belli civilis ultro ab se suscepti faciem ostentabant, specie permotos decrevisse, quoniam Mazarinum rostum suum in Aulam moliri, atque armatum venire constituisse nondum in aperto erat. Jam verò cum id fecerit, atque regius opibus fretus omnes bonos pessum daturus videatur, postulare uti quæ de se sicuti hostis esset, Rex nuper edixerit, Senatusque decreverit, ea pro non ediçti, atque decretis habeantur, quamdiù contra Regis Ediçta, ac Senatûs decreta Mazarinus in Galliâ, atque in Aulâ ipsâ versabatur: neque enim Patres æquum existimaveros, ubi hæc irrita adversum Mazarinum sint, sibi uni fraudi esse. Interea omnem operam Senatûs uti res publica salva sit, deim uti domi, forisque pax constituatur, polliceri.

De Condæo, & Mazarino sicut ille postulaverat, Senatûs Decretum

fit : præterea uti litteræ, libellus, & mandata Condæi ad Bellevræum, & alios quos Senatus ad Regem legaverat, mitterentur : hunc ii edocerent quanta mala ex Mazarini reditu rei publicæ impenderent, jamque adessent. Id ab Bellevræo in hanc sententiam factum memorant. Non per venerationem modò, atque omnium rerum obsequiam qui parere Regibus debeant, eos officio fungi, sed & contrà quàm ipsi Reges sentiant, tendendo ubi res publica moneat. Nam sicuti Soli defectiones suas, ita & Regi quandoque esse, quæ sapius alieno quàm bujus ipsius vitio accidant. Quod quidem ubi evenit, ibi Regni legibus Senatui tributum, ut id Regem liberè, tametsi quâ par sit reverentiâ doceat : quæ res Regibus omni veneratione, atque obsequio gravior, acceptiorque esse debeat. Profecto de re tantâ quæ agatur, Senatum tacere propius flagitium, quàm obsequium esse. Regis Edicta, fidem toties ab eo, atque ab Regina matre datam, firmatamque, Senatus decreta, quæ denique apud homines sanctiora sint, ea in Mazarini reditu violari. Eam esse regiam potentiam, supra quam nihil præter Deum immortalem sit, atque adeò nullos nisi quos ipse, aut ipsa sibi constituerit, fines habeat : sed hos nisi sibi dissimilis, atque adversa sit, quod dicere, aut arbitrari pudet, egredi non posse. Nam ne Fori quidem, quo nihil majus, atque potentius sibi finxit antiquitas, futorum quæ ipse constituerat, seriem interpellare licuisse.

Ardere Galliam civili bello, quod ex metu quem de Mazarini reditu homines ceperint, exortum sit, & quem haud vanum fuisse res ipsa comprobet : unde quid ex ipso reditu mali, damni ve rei publicæ sit evenurum, magna existimandi copia sit. Attinuisse multorum animos quod bellum civile incertâ de causâ moveri videbatur : sed cum universus omnium de Mazarino procul habendo consensus sit, atque ea de re Regis Edictum, Senatus, & omnium Regni Curiarum decreta extent, quid denique futurum credibile est, si & his, & quod sanctissimum usque fuit, aut esse debuit, Regis, atque Regine matris fide posthabitis in Gallia, in Aula, in Regis Consilio supra caput omnium, ultionis in viros Principes, in Senatum, in omnes bonos, qui hunc jure amandatum voluerint, avidus versabitur ?

An quam Rex dedit inter auspicia capeffendi Regni Edicto, ac lege Senatui fidem, quam ipse nuper persanctè firmavit, eam ex hominis unius hospitii, atque advenæ aut commodo, aut lubricine deserturum, uti cuncti quam sancta, aut contrà per omne Regni tempus futura sit, inde omen accipiant, atque omnium rerum incerti, cujusvis magis quàm Principis sui sequantur fidem ? Quæ in Gallia sit omnium rerum perturbatio, eam satis superque ostendere pessima Mazarini consilia, pessimam omnem ejus rationem in re publica gerenda fuisse. Viros Principes malè, atque indignè habitos, Senatum pessum datum, plebem tributis, ac vestigalibus exhaustam, externo bello civile superadditum, omnes Regni Ordines labefactatos, civēs, ac socios terra, marique juxta spoliatos, ut unus expletur Mazarinus.

Tantine hunc hominem esse, uti contrà Regis Edicta, Senatūs decreta, atque omnium omnino de hoc procul habendo sententiam revocandus videatur ? Tantamne in Gallia magnorum virorum inopiam, uti res publica uni modò advenæ, atque hospiti rectè credatur, atque ea causa belli civilis atrocitas, atque omnium rerum major quàm antebac fuerit, perturbatio, atque confusio nibili pendatur ?

Quæ certè rei publicæ tam periculosa visa Senatui sint, ac tantoperè ad Regem perimere, ut hunc commonefaciendum, edocendumque censuerit, de summo quod Gallie imminet ex Mazarini reditu discrimine. Ea se gratia ad Regem missos ab Senatu, simul huic supplicatum, ut ne præter bellum externum, quod ægrè jamdiù res publica sustineat, hanc intestino, atque civili conficiari velit: cui uti prævertatur, standum modò iis, quæ Rex in Mazarinum edixerit, standum fidei quam dederit, firmaveritque, standum Senatûs decretis, atque adèd standum omnibus, quæ inter homines sanctissima usque fuere, quæ rata, firmaque esse Regem velle Senatus confidat.

Ubi Bellevræus dicendi finem fecit, Rex sibi Reginâ matre, atque aliis quos in consilium adhibere soleat consultis opus esse ait, dein responsurum, & quæ velit, jubeatque edicturum. Intereà loci in proximum conclave Bellevræus, atque alii ex Senatu tantisper secedere jussi, dein his accersitis Procancellarius Molæus Regis verbis ita respondit.

Quod Senatus eos ad Regem miserit, id ejus in seobsequio, studioque tribuere, quod huic Ordini maximum erga majores suos difficillimis plerumque rei publicæ temporibus fuerit. Eo Regum in Senatum benignitatem semper extitisse singularem: quamobrem ubi quid in rem publicam esse censuerit, id huic eos docere quandoque copiam fuisse, quod æqui, bonique consuluerint: cæterum isthuc Senatui nullis Regni legibus tributum esse, quas uni Regi ferre, atque abrogare liceat. Privilegium de Mazarino latum nuper, & in Senatu promulgatum, quo procul ab Regno, Aula, & Consiliis Regis ut esset, cavebatur: factum id quidem ab Rege pacis, & concordie causa, atque avertendo civili bello. Prius sponte exulatum abissiè Mazarinum, magis uti Gastoni, aliisque animum expleret, atque adèd res publica quies foret, quam quò sibi ullius rei perperam gestæ conscius esset. Sed id quoniam frustra sit ab eo factum, neque eo minùs bellum civile consecutum, non esse Regi consilium, quod sua modò, & rei publicæ causa Mazarinus fecerit, id huic, & sibi diutius obesse.

Fam satis scire Regem, atque perspicere eos quidpiam amplius quàm Mazarini exilium exoptasse, qui hoc exulante nibilò feciùs civile bellum moverint, cui simul, & externo sustinendo quamobrem Mazarini consilio, atque opera non utatur, nihil satis causæ videri. Id profecto longè æquius esse, quàm Condeum ad Hispanica, quæ accersiverit, & Belgica, quæ miserit postulatam, auxilia, atque fœdera descendisse. Mazarinum sua virtute, & ob meritâ in Regem, & rem publicam jamdiù eivem factum: Hispanos, & qui pareant iis Belgas, eos acerrimos, atque sempiternos Gallie hostes esse, quibus simul, & pessimis qui cum his consentiant civibus uti resistatur, Regem negotium dedisse Mazarino, uti Germanorum conscriberet copias, easque ad se deduceret, scilicet uti cujus absentia avertendo civili bello parum profuerit, bujus præsentia descendendo proficiat.

Hæc ignorasse Senatûm, ubi tot, tantaque in Mazarinum decreverit: quod si rei publicæ studio fecerit, laudandum, modò ut his quæ legibus comparata sunt, stetisset, neque ad nova, atque antebac inaudita descendisset. At ubi per eos resciverit Mazarinum Regis voluntate cum copiis Regni fines ingressum, jussumque ad sese venire, tunc certè quieturum. Cæterum Mazarinum quæ in se ab inimicis, atque obstructoribus jactata sint, ea uti sibi consutare liceat, vehementer

postulare, quod de re quid sibi porro videbitur, Regem facturum uti Senatus sciat. Interea & qui imperat, & qui parere debeant, in eadem sententiâ de re publica esse debere, atque hos in illius sententiâ discedere acquiri, quàm contrâ esse, neque Senatus quæ ejus prudentia sit, aliter factum usquàm velit. Pergite igitur more, institutioque vestro Regem sicuti par est colere, observare, atque huic obediens esse, neque committite ut adversum ea quæ sentiat, animum obfirmare velle videamini: si vos ita quemadmodum Rex sapientia vestra fretus confidit, gesseritis, ejus certè gratia, atque benevolentia erga vos aterna erit.

Cum hoc responso Bellevræus, atque alii dimissi: de Bitaltio sibi curæ futurum Molæus recepit, qui post paulò emissus custodiâ ab Hocquincurio ad Urbem rediit. Sed hæc ubi ab Bellevræo Senatui renuntiata, hic nihilò clementior in Mazarinum fuit: sed recitatis multarum Regni Curiarum litteris, quibus significabant eadem in eum quæ Senatus antehac decreverat, sese decrevisse hujus prærogativam secutas, visum ut his de rebus postridiè referretur. Quas litteras Rhedonenfis Curia ad Senatum de Mazarino dederat, iis simul querebatur graves injurias sibi ab Melleraiò, qui Provinciam Legatus obtinet, factas, postulabatque uti se Senatus conjunctum secum vellet, quo huic de his injuriis fieret satis, interea ut ne Diploma regium quo Melleraius Dux, & Par Franciæ creatus fuerat, in acta sua referri sineret.

Postea quàm iis de rebus relatum postridiè est, Senatus decretum fit, uti denuo quanta rei publicæ mala ex Mazarini reditu impendant, Rex scripto edoceret, interea quæ in illum edicta, quæque decreta fuerant, ea rata, firmaque essent, ad cæteras Regni Curias rescriberetur, ut idem decernerent, nulla quibus aut Equitum Tribuni, aut Duces, ac Pares Franciæ crearentur regia Diplomata in acta Senatûs referrentur, quamdiù Mazarinus in Galliâ esset, nec singillatim id pro Melleraiò fieret, antequàm de injuriis Rhedonenfi Curiae faceret satis. Aderant in Senatu Gasto, Belfortius, Brissacus Duces, ac Franciæ Pares, præterea Hospitalius Præfectus Urbi, atque Fertimbaltius Stampæus ambo Equitum Tribuni. Sed hic Gastonis cliens erat, qui sententiam dicendo inter alias resjecit, uti Mazarinus ab Aulâ, & Regno certo pellatur, Senatu cum Gastone per fœdus conjuncto opus esse, aliter quæcunque eâ causâ fierent, ea omnia frustra futura.

Id ab Stampæo dictum excepere alii, atque in sententiam addidère, Aut Regi de Mazarino planè obsequendum, serviundumque huic homini, aut si hunc porro pellendum Senatus censet, ac rem publicam ab ejus impotentiissimo dominatu, & immuni avaritia liberandam, quod Stampæus autor sit, id omnino faciendum videri: nam verba ferro, atque decreta armis opponere ridiculum esse: quemadmodum ad opprimendam rem publicam, viros Principes, Senatum, atque omnes bonos pessumidandos armatus Mazarinus sit, ita illos ad prohibendam injuriam perinde armatos esse oportere. Gastonis, & Condeï virtutem Senatûs autoritate, atque fœdere fulciundam, ad quod cæteræ Regni Curia, ac denique Ordines omnes accessuri sint, quorum consensu futurum, uti victus denique Rex quæ de Mazarino jure edixerit, ea rata, firmaque esse velit, atque hujus

hominis

hominis artibus quibus sicuti præstigiis circumventus sit, expeditus, atque explicatus, quod rectum sit, ac rei publicæ utile, id clarus, neque quoquam interpositio impeditis oculis videat: pessime consultum rei publicæ, si quemadmodum Mazzarinus fidem suam nibili faciat, hanc pro lubricitate, atque ex commodo mutare solitus, ita Regem suam nibili pendere doceat, quod ut ne fiat, necesse videri Senatum in ipsius Mazzarini negotio summo opere intentum esse, ac providere, ut ne peregrina fraus in rem publicam, si denuò ab advena, atque hospite geratur, antiquæ virtutis, atque integritatis loco invertebatur. Nam mutua Regis in cives, & civium in Regem fide, stare rem publicam. Hæc à multis in Senatu dicta magnam movere contentionem, unis pro fœdere, aliis contrâ sentientibus, donec Memmius, atque Novio Præfides tantâ vi, atque gravitate orationis in illam invecti sunt sententiam, ut hanc planè subverterint: Senatum enim decebat partium expertem esse, atque uni rei publicæ consuli velle videri.

Sed hæc Fertimbaltii sententia, atque alia ab Gondio, & ab hujus amicis dicta, factaque suspicionem injecere Condæi clientibus qui ad Urbem erant, Gondio consilium esse, uti Gasto suam sibi singillatim Sectam institueret, facto cum Senatu, ac cæteris Curiis cùm in Urbe, tum in provinciis fœdere: præterea ex Aula complures qui Mazzarinum odissent, illi adhæsurus sperabat, qui Condæo adherere nollent. Sed isthuc Chavignius, atque alii Condæi amici disturbavere, docentes Gastonem utriusque maximâ interesset, uti conjuncti manerent: amborum eodem tendentium opes eas esse, quas Aula formidet, si dividantur, infirmiores fore, ac facilius alterum aut cogi, aut adduci posse, uti cum Aula conveniat: quamobrem & tutius, & honestius videri, conjunctos esse porro ambos, & in commune consulere.

Henricus à Chabotus Rohanus Andes Provinciam cæ tempestate obtinebat, cui Juliomagus caput est, urbs cum arce satis firmâ. Is Gastonis, & Condæi partes sequebatur, qui utrique servire studens dedit operam, uti quemadmodum arcem satis valido præsidio tenebat, ita & urbs esset in potestate. In hac erat Episcopus Henricus Arnaldus vir pius, & Carolus Boilevius Prætor, ambo sicuti par erat Regi fidi, præterea Mazarino amici, per cujus gratiam Arnaldus Andegavensem, Boilevii frater Abrincatuorum Episcopatus adepti erant. Fortè Arnaldus aberat, quem redeuntem Rohanus Urbe prohibet, Boilevium in custodiam conjicit: frater Abrincatuorum Episcopus vir impiger apud Lutetiam Parisiorum erat, is per libellum Senatum edocet, quid in fratrem ab Rohano factum sit, postulans uti de eo quæretur: Senatus hujus rei commentarium uti gesta esset, ab duobus è Curia Præfidiali Andegavensi Consiliariis pericribi, atque ad se mitti jubet, quo perlecto quid amplius faciendum videatur, decernat. Post paulò Rex ad Senatum scribit de Rohani defectione, simul de Nemorosii professione in Belgium, uti Germanos, & Lotharingos qui Regi Hispaniæ merebant, & qui nuper eâ fortasse gratiâ apud Vervinum hyemare voluerant, in Galliam adducat, præterea de copiis quæ injussu suo scribe-

a Chabot,
Duc de Ro-
han.

1652.

bantur: nam Gasto delectum in Urbe, atque aliò habebat. Eo Senatus decreto cavit, ut ne quis copias Regis injussu scriberet, duceretve.

Hæc duo decreta de Prætorè Andegavensi, atque de novis delectibus Gastonem offendere, quorum alterum in Clâsserum capitalium, alterum in majori Clâsse factum fuerat: sed si de utraque re frequens Senatus convocatis omnibus Clâssibus haberetur, quæ decreta fuerant, ea irrita fore sperabat: cæterùm, *Robanum Juliomagum Præfectum, oppidum sicuti par erat, in potestate habere voluisse: ed Arnaldum, & Boilevium pro Mazarino nitentes, alterum prohibuisse Urbe, alterum in-custodiam conjecisse, quamobrem collaudandus magis, quàm reprehendendus videatur. De copiis quas Nemorosius quæsitum eat in Belgium, non eas Hispanorum, sed Germanorum esse & Lotharingorum, qui mercede militent: has æque sibi, ac Regi Hispaniæ conducere copiam esse, scilicet pridem rogatum ab Senatu, uti Mazaringi conatibus obset, atque ea gratia quantas opus sit, copias comparat. Id ipsum ab se fieri, quamobrem mirum videri ab majori Clâsse decretum, ut ne quis Regis injussu copias scribat, ducatve. Quod quidem ut ne sibi, ac rei publicæ fraudi sit, simul & quod de Boilevii negotio rerum capitalium Clâssis decrevit, ineunda ratio videatur, atque id frequenti Senatu convocatis omnibus Clâssibus fieri posse.*

Baillculius quod in majori Clâsse decretum esset, de eo iterùm frequenti Senatu referri posse negavit, idem Novio de eo quod in rerum capitalium Clâsse sit decretum ait, sed uterque-frustrà fuit, Junioribus clamore, atque impetu contrà tendentibus. Itaque Baillculius inivit Cognitorem, atque Actores regios pro more, si quid cæ de re dicendum habeant, expromere jubet. Hi postulavere uti qui ad Urbem Episcopi sint, eos Senatus facessere jubeat, & in Diœceses quisque suas proficisci, rem divinam sicuti deceat, curatum: eos conventicula, & consilia de re publicâ habere contra jus, fasque, cùm neque ipsi, neque ullis aliis convenire uti de re publicâ consultant, usquàm liceat. De copiis quas Nemorosius sit adducturus, cæ uti finibus arceantur ab his qui provincias obtineant, ab oppidorum, atque arcium Præfectis, ab civibus, atque omnibus aliis. Sed hæc ab Cognitore, atque Actoribus regiis rectè postulata eorum fraude qui Gastoni, atque Condæo favebant, irrita fuere, hi enim aliorum negotiorum specie perfecere, ut ne tùm sententiæ rogarentur.

De Nemorosio in Belgium profecto ita se res habet: postquàm Condæus diù sibi persuaserat Turenæ ad se denique rediturum, qui suis veteranorum, & quas his Hispani conjuncturi erant, copiis Imperator foret, atque ea spes hunc frustrata fuerat, Nemorosium clam Burdigalâ miserat ad Urbem, qui Gastonem viseret, cuncta sua consilia cum eo communicaret, atque ex hujus sententiâ in Belgium properaret, inde quas diximus copias in Galliam adducturus. Hic celeriter mandata efficit, sed quoniam Condæus certior ab amicis factus fuerat, Gondium res novas moliri, atque Gastonem abducere conari ab sædere, quod inter ambos ictum fuerat, Nemorosio mandaverat, ut id cum Gastone renovaret, quod ex sententiâ factum est, atque iterùm de pol-

lendo finibus Mazarino, ac de dandâ operâ ut inter ambos Reges pax sanciretur, convenêre. 1652.

Rex nuper ex Consilii sententiâ edixerat, uti quæ pecuniæ ex omnibus tributis, vectigalibus, portoriis corrobabantur, tam in Urbe, quàm aliò, eæ in Aulam adveherentur, in belli quod gerebatur domi, foris-que, & regiæ domûs sumptus, nullâ habitâ aliorum sumptuum ratione, in quos destinatæ antehâc fuerant. Ea res & Senatûs, & populi animos commovit, quoniam Urbanarum usurarum solutiones pro creditis olim Regibus pecuniis definere necesse erat, præterea stipendiorum quæ annuatim Magistratibus è pecuniâ regiâ pendî solent, & quæ ad victum, cultumque quotidianum plerisque necessariæ sunt. Igitur, Senatus deligendos ex singulis ad Urbem Curiis quosdam censet, qui in B. Ludovici Conclave sicut antehâc factum sit, conveniant. Sed Rex nihil se consilii habuisse de non solvendis Urbanis usuris, aut Magistratuum stipendiis ad Senatum, & Urbanos Magistratus post paulò scribit, quo factum est, ut is in B. Ludovici Conclavi futurus conventus tum omitteretur.

Interea Mazarinus relicto in stativis Broglîo, atque omnibus quas ad-duxerat copiis, ipse cum Hocquincurio, & Grancæo Equitum Tribu-nis, Cossæo, Navaillo, Manicampo, Quincæo, atque aliis, & qui præsidio essent paucis equitum turmis Augustoriturum Piætonum contendit. Fortè quâ Mazarinus adventabat Rex foris ab Urbe rhedâ vec-tus exierat: una fuere Philippus frater Andium Dux, Thomas vir Prin-ceps Sabaudia Ducis patruus, atque omnis de more sequebatur Nobi-litas. Ubi Mazarinus venerabundus appropinquabat rhedæ, Rex hâc exscendens hominem complectitur, ac benignè appellatum secum in eadem rhedâ deducit ad Urbem, atque ad Annam matrem, quæ huic ex animo adventum gratulatur, mulier in amicitia quam multis, ac mag-nis in hanc, in Regem filium, atque in rem publicam meritis Maza-rinus promeruerat, constantissima.

Post paulò quid optimum factu esset, consultatum, utrùm videlicet ad Urbem movere, atque eò fovere studia bonorum in rem publicam, atque horum exemplo, & operâ, dein vicinitate regii exercitûs Gas-tonem, & qui cum eo sentiebant, in viam reducere, quas Nemorosius ad-ducturus erat copias, eas prohibere finibus præstaret, an properare in Aquitaniam, inclinatam Condæi fortunam proterere, omni Galliâ pellere hominem, atque adeò efficere, uti quod civile bellum gerat in patriæ sinu, id externum deveniat, hoc cum Hispanis extra Regni fi-nes conjuncto? Cum isthuc satis Reginæ placuisset, Mazarino, atque Castronovano, atque adeò in Consilio regio fuisset constitutum, pos-tremò tamen Rohani quæ tum nuntiata est defectione adducta Re-gina, atque Mazarinus Regi autores fuere uti Salmuriam properaret. Id oppidum ad Ligerim est, de quo antehâc memoravimus. In propin-quo haud procul ipso Ligeri Juliomagus ad Meduanam amnem posi-tus est, oppidum magnum, atque valens cum arce satis firmâ, tametsi non ad hodiernum morem exadificata.

1652.

Ad Salmuriam seu fortè, seu consultò profectio infcio Castronovano decreta fuerat, quo, atque aliis de causis posthaberi se, atque contemni arbitrat, aut potius suspectum esse Reginae, ac Mazarino, seu denique animum inducere nequibat socium in re publicâ administrandâ quemquam habere, ab Regina postulavit, uti sibi ab Aulâ discedere liceret: quod ubi semel, atque iterum, dein tertio flagitavit, neque quidquam satis certi respondebat, postremò idem studiosius facere perterritus, donec de profectioe continuò fatiganti Regina respondit, uti Regi filio consilium suum aperiret, qui ab matre, & ab Mazarino monitus hominem ex sententiâ dimittit. Ita ultimùm Carolus a Albaspinæus Castronovanus ab Aulâ discedit, vir integer quantum licebat inter Aulâ tricas, quibus servire planè necesse erat, omnis rei publicæ prudens, gnarusque, pecuniæ negligens, honoris, ac potentiae avidissimus, non socii, nedum superioris patiens: huic neque doctrina, neque eloquentia fuere, cæterum ingenium firmum, validum, ac propius ferociam, quæ tamen ferocia ab mulieribus facilè flecebat, quibus multa obsequi solebat, hæc de Castronovano dicere visum, qui biennio post diem suum obiit.

a De l'Aubespine, Marquis de Châteauneuf.

Ubi Mazarinum in Aulam rediisse, atque Regem in Aquitaniam venturum sicuti primò decretum fuerat, Burdigalæ auditum, ibi verò Senatus providere, parare, festinare, neque omittere quidquam, quod ad bellum sustinendum, ac defendendum usui foret: qui boni, fidelesque Regi videbantur, eos Urbe pellerè, moliri, munire, addere muris propugnacula, annonæ, atque com meatibus dare operam, nihil plebes quod ad sumptus pecuniæ satis esset, abnuere, sed hæc seu sponte suâ, seu ab Condæi amicis, ac clientibus impulsâ circulos, ac conventus habere coeperat, rata videlicet haud satis rectè rem publicam ita in unius Senatus manu esse, ut ne ad populum usquàm pertineret. Eo Senatus circulos, ac conventus haberi prohibuit, quæ res sicuti fermè vetita horum studium auxit, & quia cò siebant, quò frequentes Ulmi fuere, sub quarum opacitate, atque umbrâ ex multis circulis unus denique effectus est, hunc Ulmeam appellavere. Huic circulo, aut populi Consilio fautores erant b Gourguinus Præses, ac Consiliarii Blancus, Malvicinus, Spagnetus, Raimundus, Ducus, atque alii, quorum operâ Condæus Burdigalenses sibi porrò æquos habere studebat, metuens videlicet, uti vi boni, ac recti victus denique Senatus ab se dissentiret, ac cæteros exemplo suo ad æquiora pertraheret.

b De Gourgues, Præsidens. Le Blanc, Mauvoisin, Espaignet, Raymond, Duduc.

Ubi Rex Salmuriam advenerat, quò hunc profectioem antehac decrevisse posthabita Aquitaniâ diximus, uti videlicet illam provinciam Rohani defectione turbatam pacaret, neque copia erat simul Nemosio qui propediem cum Condæi veteranis, atque huic datis Hispanorum copiis venturus erat, obviam ire, atque has arcere finibus, ad Senatum dat litteras, quibus significabat, *Quas habebat in Andibus copias, eas sibi pacandæ provincie opus esse: quæ in finibus Belgium versus antehac fuerant, eas plerasque partim ab se, alias ab rebellibus, aut qui his faverant, seducit:*

quæ reliquæ sint paucas, sed firmas esse, quibus si Patres decretis suis opitulari velint, atque iudicent eos hostes esse, qui cum Hispanis consilia conferant, qui copias ab his sibi datas in Galliam adducant, qui alias in Gallia injussu suo scribant, atque ita cunctis ubi factio, ubi res publica sit dignoscere possint, confidere haud facile fore. Nemo ideo per Regni fines agmen ducere, atque id multitudinem ubi hostes esse per Senatus decreta cognoverit, regis copiis adjutam haud difficulter prohibituram. Quæ rectè, atque salubriter cogitata, scriptaque ad Senatum, eorum qui Gasto, & Condæo favebant, malitiâ corrupta sunt, prohibentium ut ne de Regis litteris referretur: quod si factum foret, providebant omnes in hoc Ordine vi æqui, bonique adductos ex Regis sententiâ decreturos.

Igitur ubi litteræ in Senatu recitatae, Gasto, Harum scriptorem Maxarinum esse ait, qui cum ab omnibus Curia Senatus prærogativam secutus hostis iudicatus sit, hunc persequi sibi consilium esse, non privato odio, cujus nullas cum eo causas habeat, sed quia ita Senatus visum, ab quo rogatus sit communem, & rei publicæ, & omnium bonorum hostem pellere sinibus, atque ea causa copias augere, atque alia necessaria facere: eo se copias scripsisse, & quæ aut suo, aut filii nomine antebac Regis voluntate conscriptæ sint, eas simul Belfortio tradidisse, qui Senatus decreta de Maxarino exequatur: eo Germanicas, ac Lotharingicas Belgio evocatas, quas mercede conduxerit: idem ab Maxarino factum, qui Germanos secum adduxerit in Galliam: hos cuilibet merere consueisse: sum hostes fuisse, cum Hispaniæ Regi meruerint, nunc cum sibi mereant, amicos, ac socios factos. Nihil in hoc omni negotio sua, sed rei publicæ causa facere, quæ ubi salva Maxarini discessu fuerit, continuè positurum arma: quod uti certius, firmiusque sit, postulare ut isthæc ab se dicta in acta Senatus referantur.

Gastonis orationem excepit Talonus pro Cognitore regio, dixitque, Maxarinum omnium Regni Curiarum decretis, ac mortalium prope omnium sententia damnatum, quin Aula, atque omni Gallia pellendus sit ambigere neminem. Id flagitare omnes bonos, id Senatum decrevisse simul uti Rex scripto edoceatur, quid ex ejus reditu detrimenti res publica capta videatur, eidemque supplicandum, ut hunc denud sinibus egredi jubeat, atque huic omni Gallia interdictum velit. Sed non tamen æquum esse, ut ea causa delectus habeatur, & exercitus conscribatur, quoniam isthæc ad Regem modò attinere Senatus probè intelligat, atque aded Majestatis reum esse qui privato consilio, aut Regis injussu talia incipiat, nibilo periculiosiora rei publicæ quàm Maxarini reditum. Sed hæc ut ex neutra re quidquam detrimenti capiat providendum videri, quod æquè Patribus curæ esse debeat: alteri provisum iri eo scripto quod ad Regem instituatur, alteri si Senatus decernere placeat quod in delectibus habendus, parandis, ac ducendis exercitibus, legibus comparatum sit, id ut ab cunctis observetur, qui secus faxit jure in eum agatur, postulare denique ut ea de re statim referatur.

Hæc præterea scripto ab Cognitore regio Senatus tradita sunt, is est Nicolaus Fouquetus Mazarino amicissimus. Sed huic cā tempestate palam favere nemo in Senatu poterat, qui se salvum, & honestum vellet. Itaque necesse erat, quæ ad eum attinerent, ea arte tractare, Senatum specie rei publicæ, atque legum deterrendo, ut ne cum Gastone, &

1652. Condæo de bello civili sentiret, præterea dictitando, *Quæ de Mazarino decreverat, ea constantia, & firmitudine animi, perpetuisque apud Regem admonitionibus, ac supplicationibus tuenda: nam Senatus auctoritatem ubi leges valeant, & ipsam valere, ubi valere desierint, & ipsam desinere: at leges inter arma, ac maximè civilia planè interire, neque committendum ut hæc usquam Senatus comprobasse videatur. Integram usque hujus Ordinis adversum Reges fidem, aut sibi labefactata fuerit, vitio temporum, ac prorsus difficili inter rectum, pravumque discrimine accidisse, ceterum hanc nunquam exutam voluisse. Postremò uti quidpiam mali in re publica corrigas, maius malum admittere fas non esse: at bellum civile omnium malorum esse cumulum.* Hæc, atque alia hujuscemodi Talonis dicendo quò veriora crant, eò minùs obtinuit uti de regis litteris referretur, tametsi annitente, atque contendente ut id fieret Bailleulio, qui tum Senatum habebat: contrà nitebatur Gasto, atque intereà abiit tempus, quo Senatus haberi solet, quem adeò pro more dimitti necesse fuit.

Postridiè Gasto non iit in Senatum tertianam causatus, quamobrem adesse nequiret: quo factum est, ut in biduum res differretur. Calend. Martiis Gasto in Curiam tardiùs venit, consultò ut ne de litteris referendi spatium foret, atque eadem quæ antehàc dixerat, scripto tradidit, postulavitque iterum ut in acta Senatus referrentur. Placebat plerisque id continuò fieri, dein de Bitalio, & Geniero referri, qui Mazarinum, atque Hocquincurium reos agebant auctoritatis Senatus in sese violatæ. Bailleulius de litteris regis sicuti Cognitor regius postulabat, & de ponendis ab Gastone armis statim atque Mazarinus Regni finibus decessisset, sicuti professus fuerat, referendum aiebat, neque id nisi rogatis Patrum sententiis in acta Senatus referri posse: ita alteri cum alteris altercando tempus consumpsère, dimissusque Senatus est, dein aliorum negotiorum specie annitentibus iisdem Gastonis, & Condæi fautoribus ea res denique omisâ, cæteris aut odio, aut certè tædio Mazarini in iis quæ ad Regem pertinebant, quando & ad illum pertinere videbantur, remissioribus: neque erat omnium quisquam, quin hunc re publicâ salvâ amandatum vellet, etiam per civile bellum, modò ut ne id Senatus comprobasse videretur.

Inter hæc Gondium Romæ Cardinalem factum nuntiatum est, quâ de re ad Pontificem Regem scripsisse suprâ memoravimus, autore Mazarino, qui eo Gondium sibi devinctum volebat, atque adeò apud Gastonem dare operam, ut hic nihil posthàc suo in Aulamreditui obstaret, ac præterea uti Gasto ab Condæi rationibus suas sejungere vellet. Sed nullum ex re tantâ Mazarini adversum Gondium mentum fuit, nam qui se dolo hanc ab illo expressisse crederet: præterea nihil se obligatum Mazarino volebat, sibi conscius tunc cum maximè post adeptum Cardinalatum hunc Aulâ pulsum, atque se in ejus locum suffectum velle. Ad hoc tantus fuerat Gondio metus, uti Mazarinus secum sicuti antehàc fecerat, de Cardinalatu iterum mutaret fidem, parataque apud Valancæum Romæ Legatum Regis haberet litteras, quibus alteri hunc

honorem peteret, ut ei rei prævertendum existimaverit. Ea gratiâ Olympiam quam ex affinitate plurimum apud Pontificem valere diximus, donis aggressus fuerat, ut ejus operâ Cardinalium creationem maturaret, periceretque ut hæc inscio Valancæo fieret, neque adeò opportunitas esset alias Regis litteras Pontifici reddendi, si quas fortè haberet, quibus Cardinalatum alteri quàm Gondio peteret. Romæ Gondius hujus negotii curatorem habebat fidum, quem secum Valancæus congruissè ad cæteros ubique Regis Legatos, atque adeò ad me qui tum apud Helvetios eram, scripsit, ac compositò inter ambos factum, ut hic de Gondii negotiò rariùs, ac veluti per simulationem Pontifici loqueretur, qui properantiùs rem confecturus videbatur, si hanc Mazarino ægrè fore crederet, nam inter ambos veteres, atque maximæ fidei antehac memoravimus, simultates erant: cæterum utrùm id Valancæus scripserit verè, an uti rem Mazarini voluntate confectam simularet, incertum est.

Ab Salmuriâ Rex Hocquincurium Juliomagum versùs misit, cum alis equitum duabus, gravioris armaturæ turmâ unâ, levioris duabus, sclopetariis equitibus aliquot, quos Hocquincurius, atque Legati custodiæ causâ habere solent: prima ad Belfortium oppidum habuere castra, quò Hocquincurius ab Rege litteras accepit, his Hocquincurium monebat qui boni, fidelesque manserant apud Juliomagum, eos operam daturus, ut una ex oppidi portis esset in potestate, quâ regio si quo modo fieri posset, introducerent. Illi pauciores erant in Urbe, plures ut ferè sit, ad pravam abstrahente naturâ, rebelles fuere. Postridiè Hocquincurius castra propius Urbem habuit, quò nobiles centum ab Normanniâ advenere duce Grancæo Equitum Tribuni filio. Is objecta extremo suburbii vico claustra frustra tentavit, quò unus, aut alter ex nobilibus vulnerati sunt: quin & eruptionem fecere hostes, sed subito receptui canere coacti Nobilitatis maximè operâ, quæ eò voluntate militabat gloriæ avida.

Dein ubi ad castra advenere pedites, quinque videlicet Prætorianorum Centuriæ, Hocquincurius tùm suburbium oppugnare aggressus est: propugnabat cohors una cui Labarraus Tribunus fuit, ac prætereà qui ex oppidanis seditiosiores erant: hi ex ingenio gentis linguâ, quàm manu promptiores nullo operæpretio facto in oppidum recelsere: regii vero desertum ab hostibus suburbium ingressi, quâ ad oppidi portam pertinet, munitionem exstruxere, ut hæc ab oppidanorum telis, atque tormentis tecti essent: nihilo seciùs tamen Hocquincurii filius minore tormento quem falconem appellant, ictus occubuit, tanto patre dignissimus adolescens, cui parentatum est militariter, quin & hujus immaturæ necis dolor ad ipsos hostes transiit, quem Rohanus Hocquincurio quâ potuit inter arma consolatione levare conatus est. Sed hic ubi paterno dolori, atque Rohani comitati satisfecit, sicuti virum fortem, & Regi fidum decebat, rem publicam porrò benè, feliciterque gessit.

1652.

Pauciores habebat copias, quàm ut his expugnari, aut ad deditio-
nem redigi oppidum posset: quamobrem ubi res incepta est, Broglius
cum copiis quas adduxerat Mazarinus, ad castra circum Juliomagum
venire iussus est, ac Mellerius rei tormentariae Praefectus huic tor-
menta maiora quatuor tradere, quæis moenia oppidi quati possent. Bro-
glio ad castra venienti traducendæ erant Ligerim copiae, quò hunc
Meduana amnis influit, atque id difficile erat, cum propter foedam
quæ tunc cum maximè sæviebat tempestatem, tum quia ad con-
fluentes validum erat ab Rohano missum arcendis transitu regis præ-
sidium, præterea naves eò armatæ in statione fuere. At a Broglius
conquisitis nivibus quas paucas invēnit, meridiano tempore quo
infrequentes in navibus hostes fore satis scibat, traiecit copias, quæ nec
opinantibus intervenere: quamobrem hos faciliè fudit, fugavitque,
b Jarzæum è Melitensi Militia, atque alios capit, dein Juliomagum ver-
sus ire pergit. Tum demùm Hocquincurius his copiis auctus, atque
tormentis quatuor fretus oppidum oppugnare cœpit seriò: qui propu-
gnabant, ii magis tormentis eminiis, quam eruptionibus cominus rem
gerebant, quibus ictus Florinville filius unicus occubuit.

a Le Comte
Broglio.

b Le Cheva-
lier de Jarzé.

c Le Baron
d'Igby.
d Le Marquis
de Vaubecour.
e De Bethu-
ne, Duc de
Guilly.

Semel, atque iterùm Gallo ad Rohanum miserat qui hortarentur,
uti bono, fortique animo esset, & quamdiù posset, Urbem, arcemque
defenderet, Belfortium cum copiis, ac fortè Nemorosium in tempore
adfuturos. Nam hic inter Senatûs moras nihil adversum se, atque exer-
citurum quem ductabat, decernentis, per Regni fines nullo satis prohi-
bente, usquè ad Meduntam venerat, tametii Ellebovius, Almontius-
Villequierus Equitum Tribunus, e Igbius Britannus, & Nettancurius-
d'Valbecurius alius aliò copias haud procul Urbe haberent. Sed apud
Meduntam Praefectus fuit Maximilianus Franciscus e Bethunius Dux
Suillius, qui ubi Nemorosius oppido appropinquaverat, nihil cuncta-
tus huic pontis qui eò ad Sequanam est, copiam fecit, quo sine fraude
copias traduceret. Id Suillium eò fecisse aiebant, quod Seguierus Can-
cellarius focer iterùm Aulà pulsus fuerat, quo hanc saltem hoc pacto,
ulcisceretur injuriam.

f De Beau-
vais.

Intercà Rohano apud Juliomagum cuncta domi, forisque adversa,
atque aspera fuere, cives, atque hostes juxtà deditioem suadebant,
aut extrema minabantur. In Belfortio, aut Nemorosio nihil erat aux-
ilii, altero ob copiarum paucitatem cessante, altero longius disfito,
quàm ut in tempore adesse posset. Itaque sibi, ac præsidio quod in Urbe,
atque in arce erat, consulendum ratus utramque dedit, pactus uti
sibi, atque præsidio sine fraude abire liceret, & quæ oppidani delique-
rant, ea ipsis impunè forent. Præter Juliomagum Pons Cæsaris in An-
dibus ab f Belvalle præsidio tenebatur, qui sicuti Rohanus, Gastonis,
atque Condæi partes sequebatur. Pons Cæsaris oppidum est positum
in Ligeris Insulâ, altero ab Juliomago lapide, naturâ loci, atque ope-
ribus munitum: pons ligneus flumini, & Insulæ impositus est, longis-
simo ab unâ ad alteram ripam spatio: eà non est visum Insulam adire,
quoniam

quoniam facilè pons interrumpi poterat, sed navibus ab inferiori parte fluminis, quò Navaillius, & Broglius cum octingentis peditibus ab Hocquincurio missi exscendere, nihil prohibente hoste, dein munitiorem obductam oppido magnà vi oppugnant, quâ brevî expugnata Belvallis dedicationem fecit, atque ita pacata Andium provincia est.

Eà re ex sententiâ consecrâ Rex Turonus petit, quò Franciscus Harlaeus a Campivalonus Rotomagensis Archiepiscopus, præterea Episcopi aliquot amici Mazarino advenere: hi per Campivalonum juvenem acrem, atque facundum quæ ab Senatu decreta in Mazarinum essent, ea graviter exposculant, profana, impia, sacrilega Patrum ora qui talia censuissent, ac prolocuti essent, appellando, flagitandoque uti Rex hujuscemodi decreta neque rectè, neque ordine facta rescinderet: non enim fas fuisse Senatui de Mazarino qui ex Ordine Ecclesiastico, & Cardinalis sit, capitis ferre judicium: Molæus Procancellarius respondit, neque annuendo, neque abnuendo id Senatui jus fuisse, cæterum homo prudentissimus eos docuit esse quod Regi gratias agerent, qui ex Consilii sententiâ jam edixisset, quid de hisce in Mazarinum Senatûs decretis sentiret. Id factum XVII. Calend. Februarias, quâ die ex Consilii sententiâ Rex edixerat Senatûs de Mazarino Decretum infirmum esse, quod neque ex hujus Ordinis disciplinâ, neque ex præscripto legum, neque more majorum, sed ex lubricine, ac studio partium factum esset: eo neque hujus bona, neque Bibliothecam singillatim, nedùm hunc rectè, atque ordine proscriptum, quem adeò si quis violaret, haud ei impunè futurum: qui ex hujus bonis quidquam commercaretur ex Senatus consulto, ei fraudi, & noxæ futurum, quod & rem domino reddere haud restituto pretio cogeretur, & ipsi decem librarum millium mulcta foret.

Rex ab Turonibus Blefiam est profectus, quò Abel Servianus in Aulam Regis voluntate rediit: Lionnus fororis filius Reginae matris Scriba, & cujus operâ Mazarinus in re publicâ uti solitus erat, diutius absuit. At Hocquincurius Blefiam venit cum exercitu, qui circum oppidum magno accolarum damno agitavit, omnia propter stipendiî inopiam diripiens, atque haud secus, atque in hostico prædas agens. Sed hostes haud procul Ligeri in Vindocinensi agro erant, quæ vicinitas metum fecit, ut ad Belgencium moverent. Oppidum est cum ponte ad Ligerim positum, cujus si potiti forent, vix sine prælio Rex ultrâ progredi Aureliam versùs potuisset, aut certè ab Belgensio si eo stativa habuissent, crebris excursionibus itinera infestissima reddidissent: quamobrem visum, ut eò duceret Hocquincurius, atque stativa ipsè haberet.

Postea consultatum ab Rege, utrùm Aureliam iret, an circumducto agmine ultrâ pergeret: plerique boni, fidelesque in oppido erant, sed b Surdus Marchio Præfectus insensus erat Mazarino, ac plebem quæ sæpius suâ sponte insanit, magis, magisque accendebat, ut ne se Mazarino qui Regem comitabatur permitteret: id si faceret præsidium

a De Harlay
de Champva-
lon.

b Le Marquis
de Sourdis.

1652. urbi certò impositum iri, quod & alendum, & hujus nutu agendum foret; Magistratus verò, atque prudentiores hortabatur, ut ne quid contrà Galtonis cui obnoxii essent, sententiam facerent, quod postea fecissè pigeret. Contrà missus ab Aulâ Aureliam fuerat *a* Grassus Luardus Libellorum Magister, qui oppidanis suaderet fidem eorum adversum Regem integram esse debere: huic obstabat *b* Fliscus, Fiescum Comitem corrupto nomine appellant, eò missus ab Gastone, atque ita distracti Aurelianensium animi quid sibi faciendum esset, haud satis expediebant. Quâ de re Belfortius Gastonem fecit certiorè, simul autor erat, ut Aureliam venire properaret, exercitu cui ipse Belfortius, & Nemorosius præessent, fretum quidpiam operæpretii facere posse: longè pauciores esse Regis copias, atque ad famam, opeſque factionis plurimum accessurum, si ille ipse Gasto rem publicam suscipere, atque armis tegere videretur. Haud ita censuit Gondius, quem Radefianum Cardinalem posthac appellaturi sumus, clarissimo cognomine, quod avus Albertus Gondius ductâ in matrimonium Catharinâ Claromontiâ Tonnerrâ præstantissimâ fœminâ, quæ Radefianum nobilissimum prædium possidebat, sibi, ac posteris quæſivit. Radefianus igitur, *Apud Lutetiam Parisiorum summam rerum esse ait, quam Gasto deserere videretur, si ab Urbe discederet: præterea Senatûs auctoritatem magnum ad hujus causam adferre momentum, quem cum eo conjunctum fama feret, quamdiu multus, frequensque Gasto in Curia fuerit: at si foris agitet, non eandem vim neque huic, neque Senatui fore, quam aliter ab altero mutuetur: posse Aureliam missi Annam Mariam Ludovicam Gastonis virginem filiam, cui ad confirmandos oppidanos, ipsamque tuendam Urbem satis, superque animi sit. Comprobatur hoc ab Gastone consilium est, atque illa provinciam cepit lubens, odio, atque ultionis studio in Mazarinum accensâ eâ quam diximus de causâ.*

Rex verò Aureliam haud ingredi constituit, sed eò mittere Molæum Procancellarium, qui si reciperetur mœnibus, id ad famam haud alienatî oppidi satis futurum, neque suspectum fore oppidanis, cum Procancellarii comitatus pacis magis, quàm belli, aut præsidii speciem ostentet. Interea ad Gergolium Turenâ cum duobus millibus armatorum, ac præterea quingentis præmittit, uti copiis omnibus quæ eò convenire debebant, Imperator esset. Gergolium oppidum est suprà Aureliam ad Ligerim, sicuti Belgenſium infra, cum ponte positum ad sinistram amnis ripam, ab quâ pons ad dextram pertinet. Cum hostes nihil ad Belgenſium tentassent, eos aut ad Gergolium, aut ad Gianum, quod & superius ad Ligerim positum est, quidpiam incepturos ex copiâ rerum videbatur, ut ad Condæum commearè copia esset, singillatim Nemorosio, cui consilium erat exercitum quem in Belgio coëgerat, eò ducere. Sed id primùm disturbare cœperat Radefianus, ubi Nemorosius in Veromanduis erat, regionis ejus Nobilitatem excitando, ut hunc, & quibus præerat copiis, eas arcerent transitu, qui ipsis maxime damnosus fore videretur: sed ea res deterrente Gastone Radefia-

num ut ne contrà Condæum Nemorosii exercitum diutiùs morando tenderet, dein fide ab Nemoroso datâ Nobilitati pacatum agmen absque ullâ prædâ per eorum fines transiturum, discussâ. Ubi Sequanam Nemorosius traduxerat copias, ad Houdanum stativa habuit, ab quibus ipse cum Tavanio qui veteranis Condæi copiis præerat, Clinchano qui Lotharingicis, ac plerisque cæterarum copiarum ducibus venit ad Urbem, quò plusquàm Capuanis delitiis summâ Radefiani voluntate retenti sunt. Ita Regi spatium fuit pacare Andes, atque ad loca suprâ Aureliam posita ad Ligerim accedere; quo factum est, ut ne hunc amnem transire Nemoroso copia fuerit, atque adeò hujus exercitus Gastonis copiis cui Belfortius Imperator erat, conjunctus sit, ex Radefiani sententiâ, ut unius Gastonis auspiciis bellum geri videretur. Id certè ad hujus gloriam, ac famam magnoperè pertinebat, quæ tantò amplior fuisset, si ipse ad exercitum proficisci, atque ita rem publicam suscipere, ac per sese gerere voluisset: sed obstitit sicuti diximus, Radefianus, qui Cardinalatum adeptus, tamen hujus insigne, pileum videlicet purpureum ab Rege nondum acceperat, quo sibi cum Aulâ leniùs agendum decreverat, neque hanc eâ tempestate per ipsum Gastonem tantoperè urgendam, sufficere affatim copiarum ostentare Mazarino, ut ne sibi impunè injuriam facere possè crederet.

Turenâ memoravimus ab Rege præmissum ad Gergolium, uti copiis quæ eò adventuræ erant, Imperator esset: hunc Mazarinus ab Condæo sejunxerat, atque sibi adjungere magnoperè studuerat hominem juxtâ prudentem, fortemque. In Hocquincurio virtus quidem erat, sed hæc fortassè nimia, ac præceps, cui per Turenâ modum facere utile eâ tempestate rei publicæ fuit. Cum Turenâ Mazarinus Buillonium fratrem natu majorem sibi item adjunxerat, operamque dederat, ut huic in æstimationem Sedani, atque agri vicini, ac præterea Raucurii quibus prædiis Ludovico XIII. Regi eâ quâ diximus de causâ cesserat, regia prædia sicuti tunc convenerat, assignarentur: nam ea res partim ab Administris usquè neglecta, cæterum ab ipso Buillonio nihil expetita, dum per Regis puenitiam, & perpetuas factiones, partes, turbas, & bella civilia aliqua Sedani recuperandi spes fuerat: sed postquàm ex ephœbis excesserat Rex, tametsi bellum civile ab Gastone, & Condæo tunc cum maximè movebatur, satius tamen Buillonius ratus est mutare rationem, nec hujusmodi partes sicuti usquè fecerat, porro sequi: ita acceptis quæ in æstimationem Sedani, atque Raucurii dabantur prædiis, quietus posthac vitam exegit.

Sed Buillonius Sedanum, ac Raucurium cum agris vicinis Regi tradendo, ut ne quid sibi de pristina quam obtinet Principis dignitate, decederet, sibi ab Rege cautum voluit, quod summâ hujus voluntate factum. Henricus Turrius Buillonius Friderici Maurici Turrii Buillonii, atque Henrici Turrii Turenæ pater ductâ in matrimonium Carolâ Lamarkîâ Sedanum, Raucurium, atque Buillonii Ducatûs partem in Campaniæ, & Lucemburgensis agri finibus dotalia acceperat,

1652.

ac post Carolæ sine liberis obitum sibi propria possederat, quæ ad Fridericum Mauritium Buillonium Ducem sicuti paternæ hæreditatis bona transire: cum autem hæc neque Galliarum Regi, neque Germanorum Imperatori, neque cuiquam omnium obnoxia sint, qui ea possidet, is verè Princeps habetur, quo factum est, uti Fridericus Mauritius, atque Henricus frater verè Principes habeantur, sicut & horum filii, nepotesque futuri sunt: nam hæc dignitas ab patribus qui hujusmodi Prædia possedere, ad filios pervenire solet, neque Turris fraudi esse potest, quod his Prædiis Ludovico Regi cedere, qui tamen eâ de re ut ne cui dubia esset, ipsis cautum voluit. Cæterum Turrios ab Arvernorum Principibus ortos vir omnis antiquitatis scientissimus Christophorus Justellus rectè demonstrasse videtur.

Eodem tempore Cæsaroduno Rex, & Lutetiâ Parisiorum Anna Maria Ludovica Gastonis filia profecti sunt, quo factum est, ut ille circum Aureliam, hæc ad Urbem ipsam, & eodem tempore advenirent, nam utrimque Aurelia bidui itinere abest: comitati sunt virginem Rohanus, ac duo ex Senatu, Fouquetus Croissius, & Martinus Bermondus, præterea nobiles aliquot. Ubi Aureliæ appropinquavit, ab alterâ ultrâ Ligerim parte Procancellarius Molæus adventabat: clausæ utrimque fores, atque ad portas oppidanorum armatorum stationes fuere. In publicis Ædibus quid facto opus esset consultabatur, neque id satis expediebant, cum virgo moræ impatiens ad flumen flectit secundum oppidi mœnia: eò navicularii frequentes ferum genus, ac temerarium portulam quæ dudum muro clausa, atque obducta erat, hoc diruto aperiunt, atque eâ virginem introducunt: plebes accurrere, huic acclamare, gaudium, atque lætitiâ de hujus adventu agitare; eam advenisse dices, quæ quondam Urbem ab Britannorum obsidione liberaverat. Illa per mediam multitudinem hinc inde, circumspiciens, atque huic benigno vultu gratum esse quod faceret ostentans, vadit ad Ædes publicas, quò cum de ejus ingressu integrum amplius non esset, de Procancellario ut ne reciperetur mœnibus effecit: dein ad portam quæ in extremo ponte posita est, suburbium versùs ultrâ Ligerim progressa in Turriculas quæ suprâ portam sunt, confendit, atque inde Camplatrufum Procancellarii filium conspiciat hunc nomine inclamavit, ostentans nihil esse quod Procancellarius Urbem ingrediundi spe eò diutius moraretur.

a Gruel de la
Prece.

Ab Turonibus, Blesîâ, aut Belgenfio per Carnutas brevius Regi ad Urbem iter fuisset, sed huic non erat satis copiarum, uti Belfortio, ac Nemorosio prohibentibus perrumpere posset: ad hoc Gasto a Gruelum Lafretuin Autricum Carnutum miserat, quo oppidanos armaret, ac transitu regios arceret: ita ad Gergolium, aut Gianum ubi plures copiæ advenissent, Rex Ligerim transmittere necesse habebat. Sed hoc appropinquante Aurelia virgo in Aureliæ suburbio de summâ belli cum Belfortio, Nemorosio, atque aliis Ducibus consilium habuerat, in quo visum fuerat Gergolium, aut si id minùs procederet, Gianum occu-

pare, nam utrobique pontis copia est. Id satis placebat Nemorosio, cui consilium erat traducere Ligerim copias, & ad Muronem solvendæ obsidioni, dein ad Condæum in Aquitaniam contendere. Igitur Belfortius ex consilii sententiâ ad Gergolium ducit: sed eò Turena maturè advenerat, quo factum est, uti Belfortius frustrâ fuerit, nam regii pontem quem ipse acriter oppugnavit, æquè acriter defensavere, pauci tamen utrimque desiderati, sed magnum in *a* Sirote Barone hostes *a* Le Baron de Sirote, damnum fecere, qui graviter vulneratus post paulò interit, vir fortis, & belli scientissimus, qui Regi antehac meruerat, sed horum iniquitate temporum, & privatâ Gastoni obnoxius clientelâ hujus partes sequebatur.

Harcurium sine æstivorum apud Tonaium ad Carentomum amnem, Condæum haud procul in stativis fuisse diximus, dein ubi inde movit, primum ad Saviniani-fanum, quod Tremolii, dein ad Brisemburgum quod Bironis prædium nobile est, tantisper agitavit, & mox, Mediolanium Santonum, ac denique Ponsium venit. At *b* Bugius Castrorum Præfectus per exploratores factus certior Condæi copias in vicis longè inter se distitis esse, I V. Idus Januarias de quartâ vigiliâ vadato apud Merpinum Nayo amne, ad Brivam contendit, cum quingentis equitibus, præmisso cum quadraginta *c* Forillio è Melitenfî militiâ: eò *d* Dyrrachii Marchionis ala erat, cujus pars magna caesa, alii capti, reliqui fusi, fugatique: haud paulò diversâ Angiani alæ fortuna fuit, quæ deprehensa, fusaque est ab Crequii alæ equitibus. Inter hæc certior factus Condæus Harcurium movisse pugnae avidum, Tremolium *e* Tarenti Principem in Santonibus reliquit, cum parte copiarum, qui Mediolanium Santonum, Tailleburgum, ac cætera quæ occupaverat oppida, castellaque obtineret: ipse cum plerogue equitatu, atque expeditis peditibus magnis itineribus prælium vitabundus in Aquitaniam properavit, atque haud procul Burgocastra posuit, diffusus aliò contra Harcurii conatus sese satis in tuto fore. Hic verò relictis apud Santonas *f* Belicro-pleffio, qui Amblevillam, & *g* Bel-fonsio qui Barbesicuxium castella oppugnarent, Condæum est per-secutus, tantâ adhibita celeritate, uti prius circum Andræ-fanum esset, Burgo haud procul, quàm ille de hujus adventu satis certus esset. Harcurius *h* Albaterreum è Melitenfî militiâ præmiserat, qui castris idoneum locum deligeret: sed is ab Balthasaris equitum alâ pulsus fuerat, simul Condæus copias in aciem eduxerat, editiori loco, quo factum est, ut Harcurius has paucas esse perspicere non posset, omnes enim eò convenire nequiverant, neque ubi postea advenere, rem prælio committere Condæus ausus est; sed ad Liburnum movit, atque eò copias Illam amnem traduxit, quo tutior hoc objecto adversum Harcurium foret. Apud Liburnum resectis per dies aliquot militibus, Bergeracum duxit, quod oppidum ad Duranium amnem est, per Sectariorum bella celebratum, nam & naturâ loci, & operibus tum validum, quæ jussu Condæi pro temporis brevitate resecta sunt.

a Le Baron de Sirote.

b Le Marquis de Bougy.

c Le Chevalier de Forillie.

d Le Marquis de Duras.

e De la Trimouille, Prince de Tarente.

f Le Marquis du Pleffio-Beliere.

g Le Marquis de Belfons.

h Le Chevalier d'Aubertre.

1652.

Sanlucium diximus antehac Proprætorem in Aquitaniâ operam dare jussum, ut ne Montalbanum, atque Dueona Cadurcorum in potestatem hostium venirent. Is præterea quidquid in rem publicam esse judicabat, id faciebat sedulo, atque auctis copiis prohibebat ut ne hostes in Aquitaniâ inferiore quidquam damni rei publicæ inferrent. Contius haud procul Aginno ad Caudacostam habebat castra, circumspiciens si quid operæpretii facere copia esset: eò Sanlucius contendit, spem nactus quoniam Contius neque multas, neque satis firmas è novis delectibus habebat copias, rei benè gerendæ. Apud Miradusium, circumque Sanlucius haud procul Caudacostâ, simul & quos habebat pedites, equitesque, ii sicuti fermè nostri solent, diversi agitabant, quod his sæpius fraudi fuit. Sed Condæus seu accersitus ab fratre, seu fortè quid illic ageretur resciverat, eò properavit accedere, adèd ex improvò, ut in mediis Sanlucii præfidiis esset, nequedùm hic cum tanto Imperatore sibi rem esse scibat.

Sanlucius tamen nihil territus in colle edito, atque aditu difficili aciem instruit, peditum plusquam duo millia, septingentos habebat equites, utrosque veteranos: tantumdem equitum Condæus, ac Contius habuere, cum peditibus quingentis, tyronibus plerisque, ac nuper conscriptis: visum adeò Condæo opperiri tormenta tria, quæ ab Aginno advehebantur: interea levibus certaminibus consumpta dies est, cumque è regiis quidam capti, abductique essent, eos consultò Condæus dimitti jussit, ut in caltris regiis sciretur hunc adesse, ratus nominis sui famam metum his adjecturam. Inclinat ad vesperam dies, cum Condæus frequentiores procurrare suos jubet, tum totâ acie fama percubuit, hunc adesse more, institutoque suo egregium, atque præclarum, quæ res regio in fugam dedit: equites maximè ad Leicturium intendere fugam, pedites verò plerique cum paucis equitibus ad Miradusium quod propius erat, recepere sese.

Id modò in Aquitaniâ ex pristina fortunâ Condæo evenit: sed hæc qualiscumque victoria post paulò Harcurii adventu corrupta est. Ubi enim Harcurius Condæum sicuti suprâ memoravimus Liburnum compulerat, quò Illam amnem traduxerat copias, ibi ipse in Santonas rediebat, quò Ambleuillâ, ac Barbefyeuxio castellis in dedicationem redactis, restabant Ponsium, Tailleburgum, ac Mediolanium Santonum, quæ præfidiis Condæi tenerentur. Sed per *a* Albaterreum è Melitenfî Militiâ Ponsium recepit, deditum ab Hispanis qui defensabant ducentis; dein *b* Montalsiero, & Belieropleffio de Mediolanio Santonum, ac Tailleburgo negotium dat, ut hæc maturè oppugnarent, ipse de incommodo ab Sanlucio accepto certior factus properat ad Condæum.

Hic circum Miradusium habebat castra, quò Campanica, atque Lotharingica Legionες receperant sese, unâ cum *c* Marino Comite Castrorum Præfecto, & *d* Covongio Tribuno Lotharingicæ Legionis, quibus Condæus pristinæ fortunæ memor hanc unam ferebat conditionem, uti sese huic permitterent, quod hi tametsi loco infirmo de-

a Le Chevalier d'Aubeterre.
b Le Marquis de Montausier.

c Le Comte de Marin.
d De Covongio.
 686

prehenſi abnuebant. Miraduſium enim vici magis inſtar, quàm oppidi eſt : ultimæ fermè ædes, aut hortorum muri pro mœnibus ſunt, præterea regii pulveris tormentarii patiebantur inopiam : ſed rationem iniit Sanlucius, quo hujus ſupportaretur aliquantum agreſtium operâ, qui per intervalla Condæi ſtationum in oppidum haud difficulter evaſere. Paucos Condæus habebat pedites, quo factum eſt, ut equitum operâ uti vellet ad impetum in oppidum faciundum : ſed hæc adverſum veteranos qui propugnabant milites parùm profutura viſa : ita quid faciundum eſſet incertus hærebat, ſpem nactus interea com meatûs inopiâ deditionem facturos.

Inter hæc famâ de Harcurii adventu ad hunc perlatâ, continuo quâ venturum credebat, ſpeculatores dimittit, Miraduſium omittit, atque impedimenta omnia, ac tormenta ſecundo amne qui Garumnâ ſuprà Aginnum influit, eò deſcendi jubet, copias ad Pergaïum, & Plumam, circumque ea loca diſperſit, ipſe ad Staffortium loco opportuno conſtitit, quid ſpeculatores adferrent, opperiens. Fortè accidit, uti quò ière, eà iter Harcurius non habuerit : ſed hic poſtquàm apud Hautoclarſium Garumnâ copias traduxerat, ad dextram flexit iter, ac primis caſtris Lomaniam, ſecundis Belmontium ad Gimontem amnem pervenerat, quò Sanlucius cum copiis quibus præerat, advénit. His auctus Harcurius a Salbovium Marchionem qui deſertis Burdigalenſibus redierat in viam, properare jubet ad Staffortium, quò Condæus cum plerisque ſuorum erat : b Ilabonum fratris filium, atque Albaterreum è Melitenſi militiâ cum idoneo quemque armatorum numero ad Plumam, quò Condæi gravioris armaturæ equites, Sanlucium ad Pergaïum, quò c Rupæus cum ſclopetaſiis equitibus Condæi, & Contii, atque Lega-

a Le Marquis de Sauveburſ.

b Le Comte de Fléchebne.

c La Roche.

Condæus cum tardiùs ob ſpeculatorum negligentiam de hoſtium adventu cognoviſſet, neque paucioribus ſiſ cum pluribus Harcurii copiis ſibi decertandum rectè exiſtimaret, relictis apud Staffortium, Plumam, ac Pergaïum præſidiis, his locis deſenſandis, atque adeò attingendo hoſti, ipſe cum reliquis copiis, Rupifocaldo, Montefpano, ac Marſino comitantibus ad Buzetum contendit. Is infrà Aginnum, item ad Garumnâ locus eſt, quò Condæus hunc amnem tranſgreſſus ad Aginnum properavit. Id oppidum in dextrâ Garumnæ ripâ, ſuburbium in ſiniſtrâ poſitum eſt : eò Condæus navibus idoneum ſuorum numerum traduxit, ac locum pro tempore munivit, unde ſi qua copia foret, præſidiis quæ apud Staffortium, Plumam, ac Pergaïum reliquerat, ſubveniret, aut ipſis eò receptus eſſet.

Sed eodẽm Harcurius cum parte copiarum venit ocyùs, alterâ ad Staffortii, atque duorum aliorum locorum oppugnationem relictâ. a Ilabonus, Crequius è Melitenſi Militiâ, ac Codraius Mompenerſius in obſectas Suburbii munitiones acriter impetum fecere, quod quidem

d L'Iflebone. Le Chevalier de Crequy.

Le Marquis du Coudray, Mompenerſier.

1652.

frustrà fuit, propugnantibus egregiè hostibus in conspectu Condæi, qui aderat, addebatque animos rem per sese strenuè gerentibus. Postridiè Harcurius re cuius gratiâ venerat infectâ, ad reliquam trium quæ diximus locorum oppugnationem rediit, quæ denique ipsi dedita sunt. Apud Staffortium trecenti fuere pedites, quorum plerique Regi sacramento dixere, cæteri datâ fide sese quieturos dimissi. Apud Pergaïum custodes corporis Condæi centum sese victori sine ullâ conditione dederant, quos Harcurius ad Condæum sine pretio remisit, comitatis memor inter arma, sed quæ non nisi ab victore proficisci posset.

Pigebat Condæum qui inter celeberrimas victorias tyrocinium posuerat, tunc vinci, & quæ inciperet omnia, ea sibi aspera, fœdæque evenire, quod quidem copiarum quas nuper scripserat, infirmitati tribuendum videbatur: nam vix quidquam tyrone milite operæpretii feceris: eo pœnitebat ab veteranis quas ducebatur Nemorosius abesse tamdiù: ad hoc clientes, atque amici revocabant ad Urbem, metuentes videlicet uti Radesianus nuper Mazarini operâ Cardinalis creatus cum eo planè rediret in gratiam, atque eodem Gastonem adduceret: prætereà quotidie magis animadvertebant Radesianum sedulò dare operam, uti Gastonis gratia, atque potentia per Condæi absentiam cresceret, & quæ communi consilio, atque opibus gerebantur, ea illi magis, quàm huic procederent: eo retentas quas Nemorosius ab Belgio adduxerat copias, artemque ut id facere necesse esset, adhibitam: cæterum rumor erat Mazarinum cum Rege, atque exercitu ad Urbem venturum, quo Condæus credebatur Gastonem adduci posse, uti secum mutaret fidem, quàm pauci contra vim inimicentem alteri servavere.

His igitur omnibus maturè occurrendum censuit. Si Rex Ligerim traderet exercitum, quod futurum videbatur, patere huic aditum ad Urbem, aut prælio prohibendum. Ibi verò rerum summam actum iri, quæ ad se potissimum attineat: nam Gastoni qui Regi propinquior quàm ipse sit, in eâ re magnum esse præsidium: quidquid eveniat, sibi spes, opeque omnes in armis sitas: hæc penes Belfortium, atque Nemorosium egregios, ac fortes viros esse, qui Gastonis suisque ipsius copias duces sint. Sed rem tuam omnem cum tute gerere possis, alienæ operæ, atque virtuti credere minùs providentis animi esse.

Igitur dimissis in hyberna cæteris circùm Aginnum copiis, Contium fratrem, & qui huic rebus gerendis adjutor esset, Marfinum in Aquitaniâ reliquere constituit, Contii cohortem haud procul Aginno paratam esse jubet, quæ oppidum dato signo ingrederetur, cum Magistratibus (Juratos appellant) agit, ut hanc sibi præsidio adversum Harcurii conatus, atque eorum qui Mazarino in oppido faveant, consilia, introduci finant. At isthuc & Magistratibus, & omnibus oppidanis tam grave visum, uti primùm circulos hinc indè, conventusque facerent, dein arma caperent, atque omnibus vicis munitiones obducerent ex obviâ quavis materiâ. Condæus inter armatos equo vectus cum Rupifocaldo, Marfillaco hujus filio, Montespino-Bellogardio, & Marfino nihil territus versabatur, plebem modò benignè appellans, modò castigans,

tigans, quod non satis quid in rem suam esset, perspiceret, neque sibi pro suâ, fratrisque benevolentia satis fidei haberet: ita vicis omnibus obequitans opera munitionum tardabat, atque interea Contii cohortem oppidum ingredi jubet: quæ res jam plebem commotam amplius accendit, ac propè transversam egit.

Qui cohortem ducēbat a Magdalenus non ultrà primùm quem inierat vicum processit, quò unus ē plebe glandem in hunc sclopeto emisit, sed hæc capillum modò attigit, ac labefactavit: ille verò simulans id arbitrari casu accidisse, & se, & suos opportunè continuit, ut ne ex eâ re pugna inciperet, ac Condæo qui in medio oppido erat, fraudi foret: ipse Condæus propè idem periculum adiit ab oppidano sclopetum in hunc minaciter dirigente, quod & similiter dissimulavit, neque prius incepto destitit, quàm Rupifocaldus, & Montepanus in ædibus publicis Magistratus allocuti cum his convenire, uti veniam seditionis ab Condæo peterent, deprecarentur præsidium quod introduci vellet, sese vice cohortis Contianæ quæ statim egrederetur oppido, aliam suis scripturos sumptibus reciperent, quæ oppido præsidio esset, cuique Tribunus, ac Centuriones forent homines grati, acceptique Condæo: in hæc datâ fide, atque acceptâ res cum mutuâ transacta est gratiâ, ac munitiones continuò disiectæ. Dein Condæus traditâ Contio provinciâ, atque omnibus copiis, adhibitoque qui huic Legatus, atque adjutor esset, Marfino, clam ad Urbem versus proficiscitur.

At cùm Belfortius neque Gergolio prius ab regiis sicuti diximus occupato, neque Giano ut alterutro traducere Ligerim copias facultas foret, potiri potuisset, sicuti fuerat antehac Aurelia Virgine coram constitutum, visum est iterum apud eam consultare, quid porro faciundum esset. Utriusque, aut alterius oppidi potiundi opportunitatem ab Belfortio corruptam Nemorosius clam apud Virginem querebatur, nihil enim prius, aut antiquius habebat, quàm Ligerim copias traducere, uti Muroi subsidio esset, deinde in Aquitaniam ad Condæum properaret. Sed ea res multos recipiebat casus, cùm ob Ligeris transeundi difficultatem, prohibentibus regiis, tum ob itineris longitudinem: præterea si Nemorosius cum copiis quas adduxerat, in Aquitaniam discederet, Belfortius cum solis Gastonis copiis obstare Regi ad Urbem venienti non poterat.

Sed ubi in Aureliæ urbis suburbio Aureliâ Virgine coram est consultatum, duæ fuere sententiæ, altera de profectioe ad Blesiam, atque eò traducendis Ligerim copiis, altera de occupando Montargirio: si apud Blesiam traducerentur copię, eæ ab tergo Regi futuræ erant, quem non commissurum aiebant, ut hujus partis Regni quæ ultrà Ligerim est, possessione Gastoni, ac Condæo cederet, atque adeò non minus hunc eo pacto attineri posse, ut ne ad Urbem contenderet, quàm si Montargirium occuparent, interea sibi in manu futurum oppidum satis firmum, quo ultrà, citràque Ligerim commcare possent, & utro-

1652.

bique factionis opes sustentare, quæ in Gastone qui citrà, & in Condæo qui ultrà agitet, positæ essent. Nemorosius huic de Blesîa favebat sententiæ, propter Muronem, quem obsidione exemptum volebat, cæterasque Condæi rationes.

Sed si id fieret, neque eo minùs Rex ad Urbem cum exercitu proficisceretur, necesse erat Gastoni, sicut & Senatui, Populoque sine idoneo præsidio deprehenfis Regi, seu Mazarino quæ vellent obsequi omnia: nam nihil erat quod Regem crederent propter Gastonis, & Condæi copias, quæ ultrà Ligerim forent, ad Urbem ire dilaturum, quia & ad hanc in officium reducendam, atque inde ad cætera ultrà Ligerim patranda spatium fuisset, atque Rex pacatà Urbe potentior, ac validior erat futurus. Vicit igitur de Montargirio occupando sententia, quod oppidum inter Ligerim, & Urbem positum est ad Lupam amnem. Sed quia huic sententiæ multum faverat Belfortius, Nemorosius qui maluisset alteram vincere, scilicet ut ad Blesiam iretur, atque eò copias Ligerim traducere posset, atque ad Muronem ducere, quo hujus obsidio solveretur, Belfortio exprobravit, hunc quæ Condæo receperat, ea minimè præstare: Belfortius isthuc quantum ad se verum esse negavit, sed Nemorosius hunc mentiri respondit. Ibi verò Belfortius haud abstinuit manum tam gravi accensus convicio, sed hæc ita leviter os hominis attigerat, ut id ex iis qui aderant, nemo persentisceret: at hi continuò dedere operam, ut ne res ad gladios deveniret, atque Aureliam Virginem quæ in proximo conclavi erat, quid ageretur monuere, quæ statim egressa ambos redegit in gratiam, pervicitque uti concordēs unâ rem communem porro gererent.

Interea Rex apud Suillium erat, Prædium Maximiliani Francisci Bethunii nobilissimum cum Ducatus Titulo. Eò advenire missi ab Senatu a Nesmondus Præses, atque alii, qui Regem scripto edocerent. *Mazarini reditum omnium quæ in Galliâ essent, malorum causam esse, id viros Principes qui in armis sint, id omnes alios uno ore prædicare. Hunc Regis Edictis exulare jussum, datam sæpius de non revocando ab Regina quæ in procuratione Regni erat, quin & ab ipso Rege fidem, quam inviolatam oportuerit. Reges qui se legibus solutos putent, eo magis fidei datæ religione teneri, quæ si in his fluxa sit, nullum esse inter hos, & qui iis parere debeant, mutus officii vinculum. Haud temerè dandam, neque ab Regibus, neque ab ullis fidem, sed banc ubi data sit, omninò servandam. Hanc fallere Mazarino nihil pensi usquam fuisse, neque curæ esse uti Regi, aut Regine matri integra sit, omnia vera, falsa, bona, mala ex commodo dicere, aut facere solito: postremò Senatus hoc Scripto contendeat omnia quæ legibus comparata sint, sibi adversum Mazarinum licere, uti quæ contra Regem, atque rem publicam fecisset, ea ne ipsi impunè, aut Regi, & rei publicæ fraudi, damnove essent. Ubi civitate donatus, ubi Regni negotiis admixtus fuerit, ibi Senatui obnoxium factum, scilicet constituto ab Regibus, uti qui contra jus, fasque, contra leges, contra rem publicam faciant, de iis quicumque tandem illi sint, judicium ferat, ac supplicium si res moneat*

a Le Præsident de Nesmond.

more majorum sumant : si Mazarinus in noxâ sit, hunc eximere aut Senatûs judicio, aut pœnæ quam commeruerit, Cardinalatum, vel quodvis sacerdotium nequaquam possê.

Scriptum id Nesmondus cum aliis qui ab Senatu venerant, ubi ad Regem adiit, pauca Senatûs Verbis præfatus huic tradidit: quo accepto Rex cum id recitari non juberet, Nesmondus postulavit ut id ab uno ex Quatuorviris more majorum fieri vellet: de eâ re se Rex Consilium advocaturum respondit. Institit Nesmondus, dixitque anno 1650. 15c xv. ubi confirmile Senatûs scriptum Regi Ludovico XIII. traditum fuisset, id subito recitari jussisse coram iis qui ex Senatu aderant, id factum ab Henrico Augusto Lomenio quem hujus rei testem appellet, is Regi cum tribus aliis Quatuorviris tum aderat. Dein Nesmondus, atque alii tantisper secedere jussi in aliud conclave transiêre: postremò revocatis Molæus Procancellarius ita locutus fertur.

Regi mirum videri ubi hostes ab rebellibus civibus accersiti Regni fines ingressi sint, atque hi sint in armis, uti se ab Urbe prohibeant, ibi Senatûm sicut sui fretum ad se misisse qui doceant quid is Ordo de re publicâ sentiat. Huic decretis suis Patres opitulari debuisse, confirmare qui permanserint in fide, hortari uti Regi, atque rei publicæ necessario maximè tempore subvenirent, arma sumerent, hostes transitu prohiberent, detertere verò eos qui fidem exuerint: postremò decernenda fuisse digna nomine, fama, atque fide majorum, qui in eo Ordine perinde iniquis temporibus bonam, sortemque Regibus, ac rei publicæ operam præstiterint. Contra Cognitori, atque Actoribus regis, ut id ab Senatu fieret, postulantibus frustra fuisse. Tormenta vecta per Urbem, & adversum Regem abducta, spectante, atque cessante Senatu. In bujus acta quæ Rex adversum rebelles edixerit minimè relata, sed ei rei moram ab virorum Principum fautoribus objectam. Quæ de Mazarino dicantur, ea factionibus, & bello civili obtentui, ceterum vana, & inania esse. Huic petenti jus reddere, consilium Regi esse, atque ea gratia edicturum uti Cognitor regius, quæ in eum quæsitæ, & decreta ab Senatu sint, ea ad se mittat, ac tum demum Senatûs scriptum recitatum iri, Regemque ubi propius Urbem accesserit, eos ipsos accersiturum, facturumque certiores, quid super Senatûs scripto sentiet, & quid velit, jubeatque.

Nesmondus porrò uti scriptum recitaretur institit, atque res inter hunc, ac Procancellarium ad altercationem veniebat, ni Regina utrumque monuisset id Rege coram minùs decere: dein Regi uti missi ab Senatu discederent innuenti Nesmondus ait, *Discedimus quando ita jubes, summo cum dolore, quod præter majorum morem, & contra exemplum patris, quæ te Senatûs edoceri de re publicâ ad hanc magnoperè pertinere censuit, ea coram te, nobisque recitari gravère, ex quo si quid tu Rex, atque illa detrimenti ceparit, id procul amotum ab nobis volumus, scilicet quod non nostra, sed bujus evaniet culpa, cujus consilio, judicioque in re publicâ gerenda uteris, & eorum qui ipse fautores sunt, in quos gravius dicere Majestatis verecundiâ prohibet.*

Priusquàm Condæus Aginno discederet, Burdigalenses certiores per amicos fieri jussierat, *Se se rei publicæ causa properare ad Urbem, atque ad exercitum, quem ipse, & Gastô haud procul haberent: quo fretus ipse majori usui*

1652.

a Le Duc de
la Rochefou-
cault.
Le Prince de
Marillac.
Le Comte de
Levi.
Le Baron de
Chavagnac.
Guitaud.
Bersene.
Gourville.

b Chastillon
sur Loing.

Burdigalensibus, quam si in Aquitania restitisset, futurum : nam daturum opam uti Regi necesse sit, ad se omnes evocare copias, quibus obsistere conatibus suis possit, qui longè majores futuri sint, ubi veterano exercitu rem publicam geret, quam usque cum milite tyrone fuerint. Interea cum a Rupisfocaldo, Marfilaco hujus filio, Levio Comite, Barone Chavagnaco, Guitaldo, Bersene, & Gourvillâ per Petrocorios, Lemovices, Arvernos, & Borbonenses quò intenderat, eò properabat, neque diurno, neque nocturno itinere intermissio. Fortè accidit cùm haud procul Giano quò Rex stativa habebat, pergeret iter facere, uti quidam Mazarini cursor in Guillelmum Guitaldum incideret sibi ex vultu antea cognitum, qui suspicatus inter sex alios qui unâ erant, Condæum esse, eâ de re ubi primum eò advenerat, quò ab cursoribus mutari solent ad celeritatem equi, certis locorum intervallis ubique in Galliâ dispositi, Mazarinum ab se monendum existimavit. Sed hic ex copiâ rerum arbitratus Condæum b Castellum ad Lupam Prædium Coliniolorum venturum, qui jamdiù Condæorum amici, atque clientes fuere, eò Santimaurum hominem audacem, ac manu promptum cum ducentis equitibus contendere jubet.

Ea verò Condæi fortuna fuit, uti priùs Castello ad Lupam discederet, quam eò Santimaurus adveniret : hic haud procul cum equitibus pernoctabat, neque longè ab eo loco Condæus de tertiâ vigiliâ profectus iter habuit, quod & reliquum noctis inter alia Regis præsidia vitabundus facere perrexerit, donec Aurelianensem ingressus sylvam in Nemorosii equites incidit, quibus percunctantibus equi essent? Condæum respondit, satis certus eò loci non alios quàm amicos esse, nam tum haud procul Lori oppido erat, quo suos stativa habere scribat. Hujus adventu ingens omnibus oborta lætitia est, ex Ducum nuperâ discordiâ, nequedùm satis reconciliatâ gratiâ, vix quidquam quod rei publicæ procederet, sperantibus. Consilium Condæo fuerat properare ad Gastonem, cùm officii, tum rei publicæ unâ constituendæ causâ, ac maximè Radefiani pellendi, aut hujus fidei apud Gastonem minuendæ, aut hujus denique sibi planè adjungendi. Sed Regi plures copias advenisse, cum Mazarino Buillonium, & Turenæ fratrem in gratiam reduisse, hunc regis copiis Imperatorem factum, atque adeo majorem sibi posthac ab tanto viro belli molem sustinendam præclare intellexit, quomobrem sibi manendum ad exercitum existimavit. Igitur Gourvillam misit ad Gastonem, qui doceret de adventu suo, de hujus visundi studio, ac denique quibus de causis ad exercitum restitisset, quò suam operam magis Gastoni, quàm ad Urbem processuram crediderit.

Sed Condæi adventus ad hostium castra, curam, atque sollicitudinem in Aulâ auxit, quo videlicet omnis spes quam ex Belfortii, atque Nemorosii discordiâ, nec pari utriusque ad Turenæ, atque Hocquincurii exemplum rei militaris scientiâ ceperant, interibat. Condæus verò restitutâ apud exercitum quantum temporis brevitatis patiebatur, militari disciplinâ, quæ non nihil corrupta fuerat, sicut antehac decretum

acceperat, Montargirium ducit. Mondrevilla castellum erat ingressus, quem comitati fuerant nobiles octo, cum quibus ducentos habebat pedites: sed ubi Condæus cum exercitu appropinquavit, despondere animum, atque dedicationem fecere. Lacottiera qui huic subsidio veniebat, ubi agi de deditione rescivit, retrò iter convertit, dein Condæus haud difficulter oppido potitus est, oppidanis quia locus haud ita firmus est, neque eò præsidium ullum erat, facile adductis, uti quas primum clausurant portas, eas aperirent Condæo, pollicito sicuti arbitrabantur, nullum militem eò introductum iri, quod non est servatum, nam & milites oppidum introiere, & in eo multa fœdè, atque nefariè fecere.

In eâ regione fossa ab Ligeri haud procul Briaræo ad Montargirium pertinet, quò primum Lupa navium patiens est: hæ ab Ligeri, ad Montargirium per hanc fossam, dein Lupà ad Sequanam, Urbemque commeant. Longitudo fossæ passuum triginta sex millium est, atque amplius: in eâ quadraginta quibus naves in superiorem ascendunt, aut in inferiorem descendant fossam, alvei sunt, è saxo quadrato, navis majusculæ longitudine, ac latitudine, cum suis foribus, ac cataractis, opus veterum Romanorum mirabilioribus par. Ad hanc fossam altera multo minor, neque navium patiens ab Lupà paulum infrà Ferreoli-fanum ducta pertinet, quâ hujus amnis quidpiam in majorem derivatur fossam. Quæ regio inter utramque fossam, superiorem Lupam, & Ligerim est, eam copiarum regiarum quibus Hocquincurius præerat, omnem tenebant, non in unis castris, sed passim in vicis distributæ, sparseque, ac in hos maximè qui ad utramque fossam sunt, nullo alio munimento adversum hostes tutæ. Ipse Hocquincurius apud Blenellum Curtenaiorum quos è regiâ gente oriundos aiunt, prædium, Prætorium, aut stationem habebat regiam, alterum Turena apud Briaræum cum suis, & ipse copiis Prætorium habebat, Rex apud Gianum erat, cum omni Aulâ.

a Bleneau.
Les Princes
de Courte-
ney.

Fortè accidit uti Turena ad Hocquincurium visens iret, atque ex itinere copias alias ab aliis observaret agitare longius, atque adeò Condæi conatibus opportunas, cui videlicet speculanti omnia hostium nota sæpius esse scibat, de quâ re Hocquincurium pro re publicâ, quam unâ tum gerebant, ac pro amicitia monuit. Ubi domum redierat Turena, Condæum relicto apud Montargirium idoneo præsidio, atque tormentis, b Castello-vulpinum versus movisse accepit: ipse Hocquincunus sub noctem scripsit ad Turenâ, sese ab captivis rescivisse Condæum ad se versum venire, atque adeò rogare uti sibi auxilio esse vellet, simul quaquâ versum dimittit, qui omnes copias eò convenire jubcant, quò sclopetarii equites agitabant, atque ipse relicto apud Blenellum ducentorum armatorum præsidio, impedimenta Bretellum versus ad Lupam ire jubet, quo longius ab hoste forent, ipse extrâ oppidum instruit suos, uti quò opus esset opem ferret.

b Chasseau-
renard.

At Condæus ingressus eam quam ab Hocquincurii præfidiis teneri
Siss ij

1652.

a Maipas.
Roquespiné.
Renville.
Beaujeu.
Bourlemont.
Moret.
Navaille.

diximus regionem, singulas cohortes, aut alas ad sclopetariorum equitum castra properantes carpebat, ac magis perturbabat, fundebat, fugabatque, quàm cædebat, utrisque inter tenebras quid facerent, omittentve, haud satis certis: id maximè a Maipasii, Rocaspinae, Renvillæ, Beljoci, Burlemontii, atque Moreti Alis contigit, Navailii item cohorti, atque aliis quorum impedimenta hostibus prædæ fuere, ipsi noctis beneficio propè omnes in tutum alius aliò evasere, neque quicquam ad sclopetariorum equitum castra, quò Hocquincurius copias omnes convenire jussèrat, pervenit. Sed ad hæc ipse Condæus contendit, quæ capta statim, ac direpta, ipsi in proximum castellum diffugere, quod mox, ac se ipsos dedidere: Tavianus Croatas qui haud procul agitabant, adortus fudit, fugavitque, & horum castra similiter diripuit.

Postea loci Condæus Blenellum versùs processit, quò Prætorium Hocquincurii fuisse diximus, pauci comitabantur equites, dilapsis cæteris quæ quemque fors tulerat, dum hostes diversim fugientes sequuntur. Hocquincurius haud procul ab Blenello aciem intruxerat, quid potissimum faceret incertus, aut cui rei primùm occurreret, nam ubique simul adesse non poterat: septingentos habebat equites, externos plerosque omnes, hostes propinquum diripiebant vicum, quò Hocquincurius properè ducit. Ibi Condæus suorum restituit ordines, atque ipse princeps dextrâ, levâque assumptis Belfortio, Nemorosio, Rupifocaldo, Marfillaco filio, ac Tavanio, atque aliis è familiâ suâ nobilibus ad Hocquincurium vadit, atque omnem partium fortunam, simul suam, atque amicorum vitam instar equitum vulgarium in discrimen adducere non est veritus, adversum plures regios, ut ne se in conspectu hostium, ac maximè Imperatoris, tametsi numero imparem cessasse fama ferret.

Hocquincurius cum suis propior factus brevioribus sclopetis de more agere cœpit, dein ubi facta ultrò, citròque glandium missio, Nemorosius graviter est vulneratus, simul & ipsi confossus equus est, quo casu, simul instantibus acridus regis aliquantùm Condæus retrocessit, neque ultrâ profecutus est Hocquincurius recedentem, incertus quæ fortuna cæteri exercitus fuisset, & quod secum integri erat conservare optimum ratus. At Condæum pudor quod retrocedere coactus esset, incendit: itaque cum b Meillæus eò fortè venisset, cum suâ triginta equitum turmâ, hunc ab latere hostem aggredi jubet, ipse confirmatis suorum animis, atque amicis eodem quò antea collocatis, ad Hocquincurium præclarus redit, ac tanto impetu regios invadit, pellit, funditque, uti restituere ordines copia non fuerit, ac tum demùm victor sibi visus.

Turena apud Briaræum sicuti memoravimus habebat castra, qui Hocquincurii litteras de primâ vigiliâ acceperat, nuntiantes Condæum advenire: simul hunc inter media illius præsidia esse accepit, dein alius super alium nuntii res afflictas, ac denique perditas adferebant, & qui ex eâ clade profugerant, ù ampliora vero nuntiabant omnia, ita ut quid

6 Le Comte
de Meille.

optimū factū esset, Turena magnoperè dubitaret. Nam exercitu Hocquincurii sicuti nuntiabatur profligato, reliquæ spes, opesque Regis in eo quem ipse Turena dūctabat, sitæ erant, quem adeò per noc-tem, & tenebras ubi nihil satis certi statuere, ac facere posset, hosti ex victoriâ præclaro, ac feroci objicere haud æquum censebat, consilio enim magis, quàm manu geri rem publicam. Inter hæc omni propè exactâ nocte, quæ Hocquincurio fœda, Condæo clarissima fuit, sub lucem Turena qui omnes copias ad se vocaverat, instruxeratque, ad Ousoyum Briaræo haud procul movet, quod est oppidum ad Tresæam amniculum, propiùs eam quam memoravimus fossam, quæ Hocquincurii castra, seu præsidia eâ parte claudebat.

Turena ubi se eò progressum Condæus sciret, ibi credidit cogniturum, se longè ab integrâ abesse victoriâ: præterea tumultus, trepidatio, fuga major in Hocquincurii castris, quàm cædes fuerat, nam equites, peditesque propè omnes redibant ad signa, cohortesque, & alæ integræ ad Turenā veniebant, quibus pro tempore instructis, atque acie constitutâ ad hostem pergit ire. Condæus ubi Hocquincurium, atque hujus copias fugâ dissipatas insequendi finem fecerat, suos omnes ex disciplinâ in unum coëgerat, ut ne quemadmodum Hocquincurius sibi, ita & ipse Turenæ opportunus foret: sed hic eò denique processit, quò Condæum in propinquo esse cum omnibus copiis accepit. Intercedebat sylva, in quâ callis angustus, neque agmine euntibus pervius est: ita qui ingrederentur sylvam, iis si ultra tenderent, necesse erat dissolutos propter viæ angustias ordines restituere ubi egrederentur: quò fiebat, ut hostis contrâ instructus ubi tantum numerum sylvâ egressum cognosceret, quantum profligare facillè posset, ibi procurreret, atque hunc pro lubricina caderet, cæteris in sylvâ ob viæ angustias hærentibus.

Turena sylvam ingressurus videbatur, quia hanc quinquaginta equitum occupaverat præsidio, ac sequebatur omnibus copiis. Sed Condæus recenti victoriâ præclarus ad sylvam properat accedere: quæ res Turenæ locum dedit simulandi ab victore metum, præsidium quod in sylvâ erat subducendo, ac retrocedendo, ut in hanc Condæum, dein ultra alliceret, nam sicuti receptui consuleret, eò processit, quò inter sylvam, & cum in quo erat locum, & instruendi, & instructis procurrendi spatium esset. Condæus Turenā metu, non consilio ratus abfeedere, sex equitum alas dimittit, qui sequerentur, atque harum ipse vestigiis insisit. Sed ubi alæ equitum sylvâ egressæ aliquantū processerant, ac cæterum veniebat agmen, Turena converso agmine, ac paulisper constituto, in advenientes hostes impetum fieri jubet.

Quod ubi videt Condæus, qui sylvâ post sex præmissas alas egressi fuerant, eos restare, dein quâ venerant, regredi jubet, dum sex alæ sustentant pugnam non sine damno, quæ prælio & ipsæ postea subductæ sunt, collocatis ab Condæo ad hostes versum in ultimâ silvâ sclopetariis, quæ regios acrius insequentes frequenti glandium missione

1652.

a Roussel,
Comte de
Maré.

inhibuere. Turena haud procul sylva constitit, dispositisque loco edito tormentis inter subjectos hostes ingentem edidit stragem, quâ peste a Guillelmus Russellus Maræus Comes, Russellii Grancæi Equitum Tribuni frater periit, in exercitu Virorum Principum Legatus. Reliquum diei uterque exercitus alter alterius in conspectu fuit, atque Hocquincurius postquam nonnullos suorum ex fugâ collegerat, eodem venit. Condæus centurionem de exercitu Turenæ ad hunc sine pretio dimisit, atque humanissimè scripsit, ac Buillonio fratri iisdem litteris salutem dixit, quæis Rupisfocaldus, ac Clinchanus adscripsere nomina, postremò advesperascente jam die exercitus utrimque in castra discessere.

Quamvis nocturnum Hocquincurii damnum ab Turenâ satis sarcitum fuerat, nihilo minùs in Urbe per omnes conventus, circulosque de factò Condæi magnificè loquebantur: nam amici, atque clientes cuncta majora vero vulgaverant, uti Senatus, Populusque suas spes, opesque in Condæo maximè sitas, neque quidquam nisi ubi adesset, satis rectè fieri posse crederent: nam eo procul agitante nihil evenisse ex sententiâ, ubi adveniret continuò fortunam esse commutatam, & ex dubiâ firmam, atque secundam factam. Contrà Radesianus, & qui ex hujus factione fuere, multa apud Gastonem, Senatum, Populumque moliebantur, ut his Condæus aut invisus, aut certè suspectus foret: *Hunc nullâ rei publicæ, sed suæ modò habitâ ration: cum Aulâ perpetuo egisse, uti cum Reginâ, & cum Mazarino rediret ingratiam: eo Gourville usum operâ, quem ad Mazarinum apud Brullam exulantem miserit.*

Sed qui Radesianum satis noverant, ii probè intelligebant hunc ægrè ferre Condæum tantâ virtute virum in ore esse omni populo, atque in gerendâ omni re publicâ facilè principem videri, qui si cum Mazarino conveniret, nullas sibi in eâ partes fore, aut si Mazarinus pellere-tur, Condæum Chavignii consilio fretum hanc omnem gesturum, cui adeò æquè, ac Condæo maledicebat. Hunc ab Aquitaniâ ad Urbem venire decrevisse diximus, uti Radesianum sibi adjungeret, aut ab Gastone sejungeret, hominem consiliis suis, atque conatibus importunum. Postquam igitur tanto operæpretio adversum Hocquincurium factò sibi vacuum esse credidit ad Urbem ire, eò profectus est.

Sed cùm id fama priùs vulgasset, Urbani Magistratus in Ædes publicas convenere, aderat Franciscus Hospitalius Equitum Tribunus Præfectus Urbi, Mercatorum Præfectus, atque alii. Hi consilio de Condæi adventu habito decrevere, ut Hospitalius ad Gastonem iret, atque huic redigeret ad memoriam, Condæum Regis Edicto hostem judicatum, quem ad Urbem adventantem recipere moenibus Urbani Magistratus sibi nefas esse existiment: orare igitur Gastonem, ut hanc ipsis demere velit necessitudinem, ut aut huic, aut Regi ægrè faciant. Ist-hæc dicenti Hospitalio Gasto Condæum ad se venire respondit, uti de communibus rebus consultant, neque ampliùs unâ die isthæ commo-raturum, subitòque rediturum in castra, nihil ex ejus adventu turbarum,

aut

aut tumultus pertimescerent. Id responsum Gastonis ab Hospitalio alatum urbani Magistratus in acta referri iussere: quod ubi Gasto recevit, incredibile memoratu est, quam tulcrit violenter, atque mercatorum Præfectum, aliosque eà de re ad se vocatos objurgaverit, qui ab se familiariter Hospitalio dicta in Urbis acta retulissent, quod in rebus modò solemnibus, ac gravibus fieri soleat.

Ubi optimates ab jure discesere, id & sibi licere faciliè cæteri existimant. Paulò antè Condæi adventum plerique in Urbe flagitiosi sui similes omnes scripto vulgato ad Pontem novum vocare: quò ubi magna hujuscemodi hominum convénit multitudo, primò qui hac commebant, eos Regi, ac viris Principibus benè, Mazarino malè precari cogeant: dein crescente audaciâ poscere ab omnibus pecuniâ quidpiam, ac postea extorquere, ac rapere: postremò de diripiendis Guenegaldi ædibus iniere consilia, quod est ab Gastone prohibitum, qui eò Helvetios quos custodiæ causâ habere solet, dimisit. Guenegaldus unus ex Quatuorviris apud Aulam erat, atque adeò hunc Mazarinistam invidiosò per hæc tempora nomine appellabant: ædes ejus iis erant in conspectu luculentæ, quas haud ita pridem ab Mantuæ Duce commercatus fuerat. Quæ subsecuta est dies, ea nihilo quietior fuit: sed infamienti porrò multitudini oppidani sese armatos opposuere, atque tres ex hujus numero comprehensos in carcerem deduxere, cæteri quaquà versum dilapsi. Hæc, atque alia, quæ posthac facta sunt hujuscemodi, primùm ab Condæi amicis, dein ab ipso ubi ad Urbem advenerat, moveri Radefianus prædicabat, uti metu rapinarum, & cædis Patribus injecto, hi pacem, quam bellum mallent, desinerentque flagitare uti Mazarinus Aulâ, ac Regni finibus pelleretur.

Condæus III. Id. April. Lutetiam Parisiorum advenit: huic obviam Gasto processerat, atque alii complures. Idibus venit in Senatum cum Gastone, qui Patribus breviter ea commemoravit, quæ pro Rege, pro re publicâ, pro pace domi, forisque constituendâ fecerat: eadem & fecisse, & sensisse Condæum, atque etiam tum sentire, nec ambos ab eâ sententiâ usquàm discessuros. Gastonis orationem Condæus excepit, egitque Senatui gratias, quod quæ ad hunc pertinerent, ea amplissimo Ordini curæ fuissent, nec se pro hoste habendum censuissent, quamdiù unica belli causâ Mazarinus in Aulâ versaretur. *Sibi modò consilium esse Regis, & rei publicæ servire commodis, neque eâ gratiâ suæ ipsius viæ parcere. In eo se & Gastonis, & Senatûs autoritatem secuturum, quâ nihil carius habeat: profiteri denique persanctè se nihil nisi sui tuendi causâ fecisse, aut factum voluisse, quando ab Aulâ secesserit, bellumque invitus sumpserit, quod omittere, atque arma ponere velis, statim atque Mazarinus Regni finibus fuerit egressus, & quæ Senatus in eum decreverit, ea ex hujus sententiâ confecta sint, orare Patres ut hæc ab se dicta in acta Senatûs referri velint, quo se si quid ab his alienum, aut diversum dixerit posthac, feceritve, suis ipsius verbis coarguant.*

Ubi Condæus dicendi finem fecit, Baillleulius qui tum præerat Senatui, Pergratum ait, semper fore Patribus hunc eo genere, eâ virtute, atque

1652.

gloriâ virum in Curiâ videre sedentem : cæterum ipsis nullam religionis causam esse, quod propè cruentis ex eorum cæde manibus qui Regi militaverint, & ab recenti adversum hunc pugna Templum in quo Senatus habeatur, ingressus sit : præterea quod Rex hunc antebac edixerit hostem esse, quod tamen ob Mazarini reditum tantisper dissimulandum Senatus censuerit, extare tamen Edictum, ac promulgatum fuisse. Huic boni, atque integerrimi viri orationi vehementer est ab omnibus propè reclamatum, ob ingens in Mazarinum odium, quod plerisque omnes uti Condæo faverent, impellebat.

Secundùm hæc Nesmondus, atque alii ex Senatu qui cum eo ab Suillio ad Urbem redierant, quæ eò gesserant, Patres edocuerunt : iis gratiæ ab Baillleulio actæ, pro tam fideli, fortique operâ rei publicæ, atque Senatui navatâ. Dein Cognitor, atque Actores regii Edictum cum Regis litteris Senatui reddidit. Rex per litteras significabat, quæ adversum Mazarinum quæsitæ, aut decreta fuerant, ea ad Procancellarium Molæum ab Cognitore regio mitti placere, quibus in Consilio recitatis, atque cognitis, ex hujus sententiâ quid sibi videretur, porro ediceret : interea quæ antehac de Mazarino edixisset, aut Senatus decrevisset, iis superscideri velle, & quod Edictum eâ de re mittebat ad Senatum, id in ejus acta jubebat referri. Rogati Cognitor, atque Actores regii nunquid de hoc negotio dicendum haberent, postulavere ut inter se consultare liceret, cujus rei gratiâ egressi Curiâ, atque hanc rursùm ingressi sunt.

Tunc Audomarus Talonus, Nihil esse ait, quâ ad Procancellarium aut Quæstiones de Mazarino habitæ, aut decreta Senatûs mittantur : damnatum hunc Edictum Regis, & finibus egredi jussum : quæ postea ab Senatu decreta sint, ea uti Mazarinus Edictum pareret facta, restet quidem, atque ordine, quando Senatûs officium sit secundum Regis Edicta decernere, atque operam dare, ubi promulgata in hoc Ordine fuerint, ut iis cuncti obedientes sint. Quod cum ita factum sit in Regis Edicto de Mazarino finibus pellendo, quid esse reliquum nisi ut id omne certum, firmum, ratumque sit, & Mazarinus sicuti Rex ipse edixerit, atque omnes Regni Ordines expectant, rursùm abeat, eique Regni finibus æternum interdictum sit ? Postulare igitur ut istuc Senatûs decernere velit, ac de hujus Ordinis quod fiet Decreto Procancellarius Molæus, atque hujus opera Rex ipse certior fiat, neque adeo Senatûs ultimo Regis quod I V. Non. Mart. de Mazarino datum fuerit Edicto satisfacere posse : cæterum continuò Molæus Regem hortari vellet uti scriptum Senatûs coram delectis ex hoc ordine recitari vellet, qui ad hunc ea gratia mitterentur.

Postremò Senatûs Decretum fit, uti qui ab Rege redierant, iterùm ad eum adirent, supplicatum uti scriptum Senatûs coram se, atque ipsis more majorum recitari, atque huic respondere vellet : quæ Gasto, atque Condæus in Curiâ sanctè professi essent, ea in acta Senatûs referrentur, & de his Rex certior ficret, scilicet quibus certa, atque explorata pacis habendæ, atque faciendæ ratio esset : eo ad rem publicam planè pertinere visum, de Edicto quod Rex de Mazarino nuper miserat ad Senatum minimè referri : decretum præterea uti quæ Gasto, at-

que Condæus in acta Senatûs referri voluissent, quæ Bellevræus apud Augustoriturum Pictonum, & Nesimondus apud Suillium Regem de re publicâ, aut scripto, aut Senatûs verbis edocuisissent, ea ad cæteras cùm in Urbe, tùm in provinciis Curias perscriberentur: urbani Magistratus, atque ex singulis Urbis regionibus cives duo, & è singulis mercatorum Collegiis unus, aut alter, in Ædes Urbis publicas convenirent, atque eò Gallo, & Condæus eadem quæ in Curia, profiterentur, dein si videretur, quosdam è suo numero sicuti Senatus, de abigendo Mazarino ad Regem mitterent, postularentque uti quod ipse eà de re antehac edixisset, Senatusque decrevisset, id ratum, firmumque esse vellet, ac postremò uti pax domi, forisque sanciretur.

Intercè Rex ab Giano per Ferreoli-fanum nobile, atque opimum Aureliæ Virginis Prædium Autissiodurum ad Igonnam amnem contenderat, uti secundùm id flumen, dein secundùm Sequanam appropinquaret Urbi: nam per Montargirium quâ brevius iter erat, virorum Principum exercitus prohibebat, qui tamen post paulò com meatûs, & pabuli inopiâ, seu ne ipsis quidem prælium cum regiis facere placebat, Stampas concessit. Oppidum est inter Lutetiam Parisiorum, & Aureliam medio fermè itinere, in Belsienfi agro. Rex verò per Senonas, Rigolimontem, ac Melodunum, Corbolum ad Sequanam advēnit, mediaci dici itinere ab Urbe positum. Turena, atque Hocquincurius simul exercitum ab stativis inter Briareum, & Montargirium secundum Lupam amnem Moretum, quod est oppidum ad eundem Lupam haud procul Sequanâ, quem paulò infrâ influit, duxere, dein secundum Sequanam, ita ut ipsi citrà, Rex ultrà amnem iter faceret, eo, atque exercitu tectus.

Radesianum, & Rohanam aiunt ubi Condæus ad Urbem advenerat, Mazarino autores fuisse, uti quantocyùs Regem eò reduceret, aliter Condæi consiliis occurri non posse: hos Radesianus ludos more, institutoque suo faciebat, Mazarino, atque Condæo vicissim, sicuti res sua monebat, infestus, atque alterum alterius operâ perditum volens: prætercè Regem ad Urbem esse cupiebat, ut ab hoc Pileum purpureum Cardinalatûs insigne more majorum acciperet. Ubi Rex Corbolum advēnit, eò & Leca missus ab Radesiano, & Rohanâ cum mandatis item bonorum civium ab Urbe venit, qui uti Rex ad Urbem rediret hortabantur: sed dubiæ se plebis, ac maximè factiosorum fidei committere, neque Regi, neque Reginae matri, neque Mazarino satis placebat. Fuere eontrâ qui Lutetiam Parisiorum premendam obsidione, atque com meatibus prohibendam censerent, quorum inopiâ brevi reditura in viam esset: sed isthuc negavit Mazarinus faciundum, ut ne Senatus, Populusque magis, ac magis viris Principibus, ac maximè Condæo adjungeretur, atque variæ apud Urbem factiones, quæ sibi plerumque invicem obstabant, inter se coalescerent, & in suam congruerent, conjurarentque perniciem.

Carolus Britannæ Rex quem in Galliam venisse supra diximus

patriâ profugum, atque omnibus fortunis spoliatum, apud Urbem erat, cum Henricâ matre, quæ Ludovico Regi amita est. Is cum ad Regem Corbolum venisset, post dictam utrimque salutem, pleraque inter ambos, ac Reginam quæ aderat commutata verba sunt, de præsentis utriusque Principis fortunâ, quæ tametsi Ludovico multo minùs adversa erat, tamen ut sunt humana, providendum videbatur, ut ne posthâc ampliùs labefactaretur. Carolus pacem cum viris Principibus, Senatu, Populoque suadebat, neque plus rationes quàm exemplum hominis valebant, ac Britanniae vicinæ res documentò erant, Nullum iis qui parere debeant, ubi imperium exuerint, modum esse: nam quo longius ab iure discesserint, eò tutiores videri. Id demùm valere ubi homines rectè sentiant, ubi insanire cœperint, nihil valere: postremò Regem ubi bellum adversum civem gerat. huic ex æquari, neque inter utrumque discriminis fermè quidquam esse, quàm quod victori fecerit. Id aded magnopere cavendum, aut ubi si accidat, subitò gravis fermè conditione finiendum. Igitur Regi, atque Reginae matri satis placebat pacem fieri, ipse Mazarinus frequenti Consilio quod de hoc negotio habebatur Carolo coràm professus iterùm est, sese exulare denuò malle, quàm belli civilis causam esse. Sed Rex, atque Regina mater negavère suo, ac rei publicæ commodo id fieri posse, neque commissuros uti pro lubricine virorum Principum, aut Senatûs, Populive, aut cujusquam omnium Administros sumant, dimittantve, aut in eo Majestatem regiam, atque potentiam minui sinant: ne se quidem ulli civium præcipere, quorum consilio, aut operâ in re suâ administrandâ utatur, quod iis multò minùs adversum se liceat.

Ubi Carolus ad Urbem redierat, Henricæ matri quæ apud Corbolum dicta fuerant, ea ordine renuntiat, atque ipsa Gastoni fratri. Hic verò, atque Condæus ad Regem ubi Germani-fanum advenisset, quò se iturum Carolo dixerat, mittere constituunt, qui de pace agerent. Primùm utrùm id Regi placeret quæsitum, dein factâ mittendi potestate Germani-fanum ière Henricus Chabotus Rohanus, Leo Butthillierus Comes Chavignius, & Goulasius Gastonis Scriba. Ubi in conspectum Regis venère, Mazarinus aberat: post ubi Gastonis, ac Condæi mandata eloqui cœpère, advenit Mazarinus, atque Legatorum interpellavit orationem, quibus videlicet edictum fuerat, ut ne quid cum eo agere vellent. Ibi verò Rex hos si quid secum actum velint, pergere jubet, neque enim mandata Gastonis, & Condæi nisi Mazarino præsentente cogniturum: sin id ipsis haud satis placeat, sicuti veniundi copia fuerit, ita & discedendi esse.

Rohanus, Chavignius, atque Goulasius quando ita Rex vellet, haud sibi cessandum Mazarini verecundiâ existimavère, atque re infectâ cuius gratiâ venerant, discedendum. Igitur pergunt eloqui, *Mazarinum qui aderat, omnium quæ in Gallia sint malorum causam unicam esse dicunt, quò Aula, atque finibus pulso, continuò desitura sint, ab armis discessuros Principes viros, Senatum, Populumque quætuos: omnium Ordinum, ac propè singulorum hominum voicis bujus discessum expeti, neque in quemquam tantum omnium*

immortalium odium usquam extitisse. Regum potentiam nullis finibus circumscriptam, iis cives in omnibus obedientes esse debere: sed magnæ, ac propè necessariæ prudentiæ esse, ea jubere quæ non omnibus iniqua videantur. Si idem omnes de re quæpiam sentiant, id pro divino usque habitum, cui ob stare fas non sit: postremò orare viros Principes, atque Regi supplicare, uti de abigendo Mazarino omnium Ordinum, atque civium precibus, ac flagitationibus exorari se sinat, neque eo quidquam de Majestate, atque potentia regia detractum, aut imminutum fuerit, satis agnoscere viros Principes, atque omnes Ordines, quæ, & quanta sit, & esse debeat, pro qua tuenda, atque amplificanda neque fortunis, neque viis sua parcere velint: sed illa Mazarinum abuti haud æquum esse. Ad hæc ipse sui purgandi causâ multis disseruit, cæterum Regem impensius, quàm Legati oravit, uti sibi ejus voluntate discedere liceret, magnum sibi pretium exilii sui futurum, si eo res publica quieta foret: sed neque ejus, neque Legatorum oratione Rex adductus est, ut illum abire sineret.

Hæc coràm Rege, Reginâ matre, Mazarino, atque aliis dicta, de quibus præterea cum Mazarino Legati singillatim egere, cujus rei licentiam hos habuisse si ita necesse foret, haud dubium est. Id Chavignium lubentius fecisse aiebant, quod hunc tæderet, pigeretque tandiù ab Aulâ, atque ab rei publicæ negotiis abesse, atque adeò jam antehac quædam pro Condæo cum Mazarino per Fabrum Sedano Præfectum, ac per alios egisse. Scilicet Mazarinum Peronam, aut Sedanum secessurum, sicuti de pace inter Galliarum, & Hispaniæ Reges conciliandâ acturum. Interea Rex Compendium proficisceretur, atque eò agigaret. Condæus ubi Mazarinus abiisset, ab armis discederet, daretque operam ut idem fieret ab Gastone, præterea de non instaurando ubi Mazarinus rediisset, bello fidem daret. Ratio iniretur, quonam modo adduceretur Senatus, ut Mazarinum extrâ noxam esse decerneret, eò Condæus quos in hoc Ordine amicos, atque fautores habet, eos Mazarini amicis, atque fautoribus conjungeret. Sin id ad Urbem minùs procederet, in Divionenfi Curiâ quæ sit in Condæi potestate, aut aliò fieret. Si quid posthac inter Aulam, & Senatum controversiæ foret, Condæus nihil adversum illam faceret. Huic in belli quod gesserat sumptus ingens pecunia curaretur, ex Burdigalensi portorio in Aquitaniâ, quam Condæus obtinet provinciam, atque ut ne hæc pecunia interverteretur, Longolius Maisonius summus Quæstor Regni iterum crearetur. Contius Provinciam, Nemorosius Arvernos obtineret, Marfinus in Aquitaniâ Condæo Legatus esset. Is cum Daugnionio Fucaltio Tribunus Equitum, Gondrinus Montespanus Dux, & Par Franciæ crearetur. Rupifocaldo, atque Violæ centum utrique millia nummum numerarentur. Postremò Consilium Regi non unius Reginæ matris, sed & Gastonis, & Condæi arbitrio constitueretur. Ipsi Condæo Rex Pacis inter se, & Philippum faciundæ faceret potestatem. De cæteris quid consilii Mazarino fuerit haud satis compertum habeo: sed isthuc de Consilio Regi constituendo durius erat, quàm ut illi probaretur, neque item de Pacis negotio Condæo permittendo: haud

1652. enim satis æquum censebat, uti qui dudum cum Hispanis congruebat, ei pacis cum his fanciundæ potestas fieret : nam tametsi Rex quibus conditionibus hanc factam vellet, ipsi præscribere posset, tamen in agendo, ac moliendo pleraque Condæum si vellet facturum, quibus ab illis Rex ascescere cogeretur : illi denique saltem in manu futurum, pacis conficiundæ tempus aut maturare, aut producere, quod ad rem publicam magnum habebat momentum, ac denique sicuti Condæo sua in pace cum Hispanis fanciundâ consilia, ita & Mazarino fuere, quæ nec ab illo, nec ab Chavignio, neque ab ullo alio conturbari volebat.

Sed ab Radesiano pleraque horum ficta, atque alia huiusmodi dixere, uti Condæo, atque Chavignio quos iis de causis, quas supra memoravimus, malè oderat, invidiam conflaret : cæterum per conditiones pacis Mazarinum Aulâ, ac finibus planè pulsum volebat, spem nactus Regem ex sententiâ Annæ matris sibi tum rem publicam permîssurum unico in Galliâ Cardinali, ac satis, superque idoneo, qui Condæi ambitiosis consiliis, conatibusque obstaret : Mazarinum tamen ab quibusvis aliis, quàm ab se abactum videri malebat, nonnullâ ex adepto ejus operâ Cardinalatu verecundiâ : postremò æquius censebat Gastonis, quàm Condæi arbitrio pacem sanciri, nam in hac ille Radesiani consilio, judicioque usus erat, quamobrem Condæum, atque Chavignium apud Gastonem, apud Senatum, Populumque maledictis onerabat, præterea Belfortium, quem cum his congruere aiebat, atque adeò seignius omnia quæ ad bellum pertinebant, quàm par erat, egisse, atque etiam tum agere, hæerere ad Urbem amori deditum, neque quemquam omnium ex viris Principibus in castris esse, qui rem publicam gerat. Complures omnium Ordinum eâ tempestate Radesiani domum frequentabant, nuper ab Pontifice Cardinalem creatum, quo huic, atque amicis spes amplior erat, fore uti si pelleretur Mazarinus, nullo negotio in hujus locum sufficeretur, hos ille benignè, ac pro cuiusque dignitate, comiter excipiebat, nihil omnium quæ homini potentiam quærenti conveniunt, prætermittens.

Regem Urbi appropinquantem secutæ erant copiæ aliquæ : hæc apud Corbolum restitère, quæ res Gastoni, atque Condæo locum dedit postulandi apud Senatum, fidem ab Hospitalio datam violari, nam is haud propius triginta passuum millia copias regias appropinquaturas Urbi pollicitus fuerat, quod idem factum fuerat ab Gastone, atque Condæo de utriusque copiis. Itaque has ambo se accersituros dixere, atque rogavere Patres, ut id æqui, bonique consularent, quoniam rei publicæ causâ fieret : præterea pontes apud Clodoaldi, & Mauri fana Carentonium, & Neuillium interrumpere, atque eò collocare præsidia. Sed horum metu agrè ad Urbem commatus subvehebantur, de quâ re Patres monere mercatorum Præfecto visum, quod est factum frequenti Senatu : at Principes viri negavere quidquam ab præsidiis quæ apud pontes haberent, molestiæ, aut moræ commeatibus, aut eorum vectoribus allatum iri, licere mercatorum Præfecto mittere quos velit,

uti quid agatur coram cognoscant. Confugiebat in Urbem agrestium multitudo, cum omnibus fortunis, armentis, gregibus, vino, atque annonâ, quæ res miserabilem planè belli faciem ostentabat: præterea Condæus in Urbe delectum habebat, atque equites scribebat, postremo aut res prælio committenda, aut occupatis omnibus ad Urbem itineribus fame laborandum propediem videbatur. Virorum Principum exercitum ab Montargirio Stampas in Belsienfi agro concessisse supra memoravimus, atque id oppidum medio inter Aureliam, & Urbem itinere positum esse. At Turena, & Hocquincurius progressi ad Castrum, & Herimontem, eò, atque vicinis locis stativa habuere, ut hostes ab Urbe, & Germani-fano quò Rex commorabatur, prohiberent.

Senatus nuper decreverat uti Magistratum urbanorum, atque oppidanorum in publicis Urbis Ædibus Consilium frequens haberetur, in quo Gasto, atque Condæus si videretur, eadem quæ in Senatu profiterentur, se videlicet ab armis discessuros, statim atque Rex Mazarinum Regni finibus sicuti sæpius edixerat, ac Senatus decreverat, abactum vellet, quod quidem ambo lubentes fecere, ac præterea idem in Rationum, & Vestigialium Curiis sunt professi: sed in hac Amelotus primarius Præses summâ cum gravitate, atque eloquentiâ eadem Condæo quæ Bailleulius in Senatu de Regis Edicto, quo hostis judicatus fuerat, atque de eadè regionum apud Blenellum exprobravit, reclamantibus item sicuti in Senatu cæteris. Sed & Rationum, & Vestigialium Curia, præterea Consilium Urbis è suo singuli ordine quosdam sicuti Senatus ad Regem de pellendo Mazarino mittendos consuevit, quod est post paulò factum. Ibi verò Rex scriptum Senatûs de quo antehac memoravimus, sese coram, atque hujus Ordinis Legatis recitari jussit denique, recepitque ante triduum huic se habito eâ de re Consilio responsurum, Senatûmque facturum quid ipse velit, jubeatque certiorum: eadem fermè aliarum Curiarum, atque Urbis Legatis respondit, ac benignè appellatos, habitosque, & quæ fieri æquum esset omnia ab se expectare jussos dimisit.

Ab Castro, atque Herimonte Turena cum exercitu propiùs Urbem venerat, dein ad Palatiolum confedit, undè crebro circumquaque excurrerant equites, quo fiebat uti difficiliore ad Urbem aditus commeatibus essent, obsidentibus vias cum regiis, tum virorum Principum quæ ad pontes sicuti supra memoravimus, custodias agebant, copiis, vix altero ab Urbe lapide. Sed Gasto, atque Condæus V. Id. Maias in Senatum venire, uti Nesmondum, atque Collegas Legationem renuntiantes audirent. Quod ubi fiebat, nuntiatum est regio munitionem ad Clodoaldi pontem oppugnare, quâ re permotus Condæus ait eò se properare, ut hostem arceat, neque Urbis appropinquare sinat: secundum hæc Curia egressus aliquantum equitum numerum cogit, atque ad Bononiæ sylvam procedit, sequuntur armati oppidani aliquanto numero, ex quo delectis qui ad inceperum suum magis idonei videbantur, tantum sibi in præsentia sufficere dixit, ac cæteros hortatus ut ad reli-

1552.

qua belli ubi eorum opera rei publicæ usui foret, parem animum gererent, dimisit.

Regii interea egregiè propugnantibus ad Clodoaldi munitionem hostibus, inceptum omiserant, neque tamen ubi id rescivit Condæus, sibi nihil tentato ad Urbem redeundum statuit : sed continuo misit ad Gastonem, qui nuntiaret sibi consilium esse, ad Dionysii-sanum ducere, ut inde regios pelleret. Id oppidum altero ab Urbe lapide positum est, haud procul Sequanâ, quò ducenti Rhæti, qui unâ cum Helvetiis mercede Regi militant, præsidium agitabant. Gasto Condæi consilium probat, Belfortius ad eum maturat accedere cum aliquanto equitatu, Condæus trecentos omnino habebat equites, comitabantur Riccius Comes Ellebovii filius, Rohanus, Rupifocaldus, Suillius, Marsillacus, atque alii nobiles, cum quinque millibus oppidanorum armatorum : Belfortius cum eo quem adduxerat equitatu, quâ regii ab Germani-fano Condæo Dionysii-sanum oppugnanti intervenire poterant, stationem habuit.

* Le Comte
de Ricuz.

Condæus ubi appropinquavit oppido, misit ad Rhætos, qui hortarentur uti deditionem facerent : sed hi crebrâ glandium missione respondere, quâ multi perterrefacti diffugere : sed collecto denique animo unâ omnes Condæum scandentem moenia secuti sunt. Rhæti tanto hostium numero oppressi, partim cæsi, alii capti, abductique, atque adeò Condæus oppido potitus est. At Turena hujus rei brevem lætitiâ hostibus fecit : postridiè enim per Renvillam recepit oppidum, dein utrimque convénit, ut omnes quæ circum Urbem erant copiæ, ultrâ triginta millium passuum circumquâque spatium deducerentur, quod est subito factum, & quæ apud Dionysii-sanum, aut aliò regiæ, & quæ apud Clodoaldi, & Mauri-fana virorum Principum, apud Neuillum, & quocúmque aliò copiæ erant, ex longius abscelsere. Harum ab Urbis viciniâ discessu exercitus cum regius, tum virorum Principum aucti, quorum ille ad Palatiolum, hic ad Stampas stativa habebant.

Sed cum Palatiolum intrâ triginta millium circum Urbem spatium esset, eo movere Turena necesse habuit, ac circum Autricum Carnutum habere castra. Tum Aurelia Virgo nondum ab Aureliâ ad Urbem redierat, quod uti tutò sibi facere liceret, ab Turenâ Diploma per litteras postulavit. Is eâ de re certiores se Regem facturum respondit, ab quo missum quod Virgo postulabat Diploma est. Sed hæc interea Stampas advenerat, atque inde iterum de Diplomate ad Turenam miserat, quod ille continuo tradidit. At ubi hæc ab Stampis discederet, ratus hostes oppido egressuros, futurosque in acie officii causâ, dein plerisque ex Ducibus Virginem abeuntem profecuturos, spem nactus est, aut cum egressis acie decertandi, aut vacui oppidi ex improvviso potiundi. Sed in tantâ vicinitate stativorum, vix quidquam fallebat quod alter moliretur : cum itaque certiores facti hostes essent, Turenâ movisse, continuo in oppidum regrediuntur, & undequâque stationes, & custodias firmant.

Extra

Extrâ oppidum suburbium est; in quo Germanorum quos Nemorosius nuper adduxerat, cohortes septem, Contia præterea, atque Æduorum Gallicæ legiones duæ agitabant, præterea equitum alæ Vitembergi, & Bruchi Germanorum. Turena cum neutri earum quas animo destinaverat, rerum in tempore occurrisset, id suburbium cum Hocquincurio oppugnare decrevit, postquam naturam, atque ingenium loci satis perspexerant. Hocquincurius maximè ex nuperâ apud Blenellum acceptâ clade ultionis, atque adeò pugnandi avidus erat, ad hoc consilia militaris audaciæ plena homini per se satis placebant: Turena neque audaciæ, neque consilii usquam eguit. Inter rivum, & amnem qui Stampas præterfluit, suburbium positum est: ab Autrico Carnutum venientibus regis rivus erat objectus: dextrâ parte Turena, sinistrâ Hocquincurius curabat. Haud procul ab rivo Vitembergi, atque Bruchi Germani equites fuere, inter quos tanta strages ab regionum tormentis edita est, uti mutare locum cogerentur, quo facile regis fuit rivum transire, atque ad hostes propè intactis pervenire.

Hi munitionibus quas obdixerant suburbii vicis, atque hortorum muris, ac maceris tecti strenuè propugnabant, & qui præmissi ab Turenâ, & Hocquincurio fuerant, eorum impetum sustinere, & retinere, partim equites, alii ex omnibus cohortibus electi fuerant, qui prælium inciperent. Sed ipsæ cohortes id exceperunt, ac post satis diuturnum certamen munitiones perrupere, ac suburbium ingressæ sunt: hostes tamen hinc inde resistebant, non fugientium more recipientes se, at sicubi locus idoneus erat, acriter propugnantes, maximè propius Templum, quò murus humilis circum sepulchrale solum esse solet: postremo tamen cæsi, captique complures, atque direptum ab regis suburbium est. Æduorum legio omnis deserto quem tueri debuerat loco, in tutum se recepit, cæterum pauci alii ad oppidum refugere. Turena, atque Hocquincurius factò hoc operæpretio ad Autricum Carnutum, & post biduum ad Palatiolum redire. Ingens certè damnum hostibus intulerant, ita ut post tantam quam fecerant copiarum jacturam, se bellum diutius sustinere non posse sentirent, nisi ab Hispanis valida iterum auxilia, imò iustus adveniret exercitus.

Sed eâ tempestate Condæus seu suâ sponte, seu ab Mommorantiâ Buttevilla cujus hunc amore captum diximus, persuasus ad pacem animum adjecerat: nihil verò optatius fuit Mazarino quàm de hac agi secum, ac ferri utrimque conditiones, atque ita tempus terere. Eâ gratiâ Regina, atque ipse Buttevillam prensabant, spemque faciebant mulieri pacem æquis Condæo conditionibus fieri posse, cui rei si operam dare vellet, hujus ipsi haud exiguam fore mercedem. Eodém tenebat Rupifocaldus, simili spe fretus quæ præceperat animo præmia, ea denique se per pacis conditiones consecuturum: sed ut ne Mazarinus more suo rem produceret, Condæo cautio fuit. Igitur non ut antehac per ingentes viros sicuti Rohanum, & Chavignium, sed per Gourvillam de quo sæpius memoravimus Rupifocaldi clientem de re tantâ agere

Vuuu

1652.

decrevit, non ut hic cum Mazarino de eâ colloqueretur, atque ageret, quod diuturnum fore videbatur, sed qui huic perscriptas ferret conditiones, quæ hujusmodi fuere.

Uti quâ die ferebantur, eâdem acciperentur, neque mutaretur in iis quidquam. Mazarinus facesseret Regni finibus, ac Buillonium haud procul concederet. Gastoni, atque Condæo de pace cum Hispanis agendi, atque transigendi copia esset, cujus conditiones æquissimæ ab Rege utrique traderentur, quas Hispanis ferrent. Condæus eâ gratiâ quem-que in Hispaniam mitteret, qui cum Hispanis quonam de pace ageretur, ac denique hæc sanciretur conveniret. Regium Consilium qui nihil Gastoni, atque Condæo suspecti essent, componerent. Abrogaretur summo Quæstori Magistratus, ac res regia proborum virorum consilio administraretur. Qui Gastoni, & Condæo per id bellum operam dedissent, ii in integrum restituerentur, neque ullam bonorum, honorum, Magistratum, munerum, pensionum ex ærario annuarum, aut ullius usquam rei jacturam paterentur, ac multo minùs Gasto ipse, atque Condæus. Gastoni, Condæo, atque amicis, & clientibus de omnibus quæ postulaverant fieret satis. Qui Tribuni, Præfecti alis equitum, turmarum Duces, quæque alæ, turmæ equitum, cohortes Gastoni, atque Condæo militassent, eodem numero, atque ordine, quo antehac haberentur. Burdigalensibus quæ ante bellum petierant, ea de quibus ad Regem miserant, ea concederentur. Vectigalium aliquâ parte Aquitani levarentur. Contio potestas fieret habendæ Provinciæ, atque in hujus æstimationem tradendæ Inculismo Duci qui hanc tum obtinebat, Campaniæ; aut Campaniæ provinciæ alteri venum dandæ, cujus pretium Inculismo Duci daret; quod suprà id dandum foret pecuniæ, id Rex ipsi ex ærario curari vellet. Nemorosio Arverni provincia daretur: Violæ Præsidis in Senatu Magistratûs, aut Quatuorviratûs in Aulâ commercandi potestas fieret, atque eâ gratiâ pecunia curaretur. Rupifocaldo eadem viri Principis, quæ Buillonio dignitas tribueretur, Santonas præterea, atque Inculismenses haberet provinciam, atque eâ gratiâ centum & viginti nummum millia huic curarentur, quò hanc, aut aliam commercaretur provinciam. Tremolio Tarenti Principi, idem dignitatis gradus porrò esset, & quam jacturam apud Tailleburgum suum captum, ac dirutum fecerat, ea faceretur. Marfinus, ac Fucaltius Daugnionus Tribuni Equitum, Gondrinus Montespanus Dux, & Par Franciæ crearentur. Rohanus Chabotus Andes haberet sicuti antehac provinciam, Juliomago, & Cæsaris Ponti Præfectus esset. Forcæus Bergeraco, ac Fidci-fano oppidis in Aquitaniâ item Præfectus esset, atque huic ubi mortem obiret Castelnavius frater succederet. Ist hæc si satis placerent continuò Gasto, atque Condæum ab armis discessuros, ac nihil obstituros, quò minùs Mazarinus de iis quorum reus habeatur, rectè purget se, atque in Galliam, & Aulam post tres menses redeat, aut ubi Condæus de conditionibus pacis cum Hispanis convenierit.

Ab his conditionibus Mazarinus haud alienus videbatur, seu verè has accipere consilium erat, seu ubi de his Rege coràm consultaretur, tum his obstituros alios satis scibat. Interea Gourvillam bonæ spei plenum ad Condæum remittit, satis gnarus quàm varia essent apud Gastonis, & Condæi clientes de pace, bellove studia, quibus si spatium daretur, quæ de pace agantur, ea faciliè disturbaturos: sibi majores ad bellum sustinendum quàm illis opes esse, interea tempus, & diem multa quæ vix provideas allatura, postremò sibi perpetuas cum hostibus, aut inimicis de pace, aut reconciliandâ gratiâ colloctiones prosperè evenisse, quæ moram gerendis rebus plerùmque adferant.

At Radefianus paci quæ per Condæum fieret, adversus erat, nam hanc per Gastonem fieri malebat, ut aliquam ex eâ apud Regem, Reginamque matrem gratiam iniret: sed bellum præoptabat, quod si porro gereretur, atque prosperè viris Principibus cederet, coactum iri Mazarinum ab Aulâ discedere, in cujus locum uti sufficeretur sese daturum operam, inter Reginam, & Gastonem gratiam conciliando, sin bellum parùm procederet, Condæum aut in Aquitaniam, aut aliò, quò belli administrandi ratio postularet, abiturum, sibi que Gastonis, & Senatûs quò bonum foret, atque commodum per illius absentiam impellendi majorem copiam fore. Chavignius item qui de pace apud Germani-fanum agere coeperat, hanc alterius operâ heri nolebat, quo factum est, cum in rem hujus non minùs quàm Radefiani esset, id negotium disturbari, ut unâ ambo Gastonem adduxerint, uti per Danvillam Mazarinum moneret, ne cum Gourvillâ quidquam de pace convenire vellet, cujus faciendæ Gasto sibi gratiam, & gloriam expeteret: propediem hunc Germani-fanum ad Regem iturum, cujus rei exemplum apud Senatum, Populumque magnam vim esset habiturum. Hæc, atque hujuscemodi alia Mazarinum suâ sponte dubium, atque incertum, incertiore multo faciebant, nisi si certum erat, perpetuis de pace, aliisque de rebus cum Gastone, Condæoque colloctionibus, misitationibusque utrumque more suo ludificari. Postremò cum Condæus eo res suas labefactari sentiret, Gourvillam iterùm Germani-fanum mittit, qui ab Mazarino super conditionibus quas tulerat, utrum has accipere velit necne responsum referat, spemque adimat sese posthac eodem rediturum.

Interea qui Mazarino infensi erant, ii Condæi animum ab pace avertere, nisi si per hujus conditiones ille rei publicæ, & omnium bonorum sicuti prædicabant, hostis planè, atque in perpetuum Regni finibus pelleretur. Hispani verò promissis onerabant hominem, neque omitebant polliceri omnia, quæ in Galliâ civile bellum alerent: neque erat quicumque ex ejus propinquis, amicisve, & clientibus, qui non idem suaderet, quò & animi libido magis, quàm ad pacem ferebat. Obstabat modò amor, cui si bellum gereret, operam dare non poterat, quia ipse discessurus ab Urbe, Buttevilla verò eò mansura erat. Quamobrem faciliè adductus est, ut huic pacis omne negotium crederet, cui ant-

1652.

plum, atque magnificum visum, tantas quæ & Aulam, & Galliam omnem perditum ibant, turbas sedare, ac civile bellum extinguere, neque id apud omnes sibi ingratum fore satis scibat.

Eâ tempestate Condæus Butteville Merlovium rus nobile dono dedit, quod huic posthac proprium, atque hæredibus foret, in eo Carolæ Margaritæ Mommorantiæ matris exemplum secutus, quæ ruris hujus usumfructum Butteville antea legaverat. Id se Condæo autorem fuisse Rupifocaldus prædicavit, quo ille magis, ac magis esset in Butteville potestate, atque huic de pace faciundâ porro auscultaret. Sed qui omnia hominum in pejorem, quod verè sæpius fit, partem rapiunt, non eâ modò gratiâ Rupifocaldum Merlovium rus ab Condæo Butteville donatum voluisse aiebant, sed & ut Nemorosius ex eâ re nonnullam sentiret ægritudinem, qualem videlicet haud absimili de causâ ipse Rupifocaldo paulò antè conflaverat.

Igitur Buttevilla Condæi voluntate Germani-fanum proficiscitur, cui agendarum rerum, ac belli componendi omnem licentiam permittit. Sed Mazarinus qui nihil esset quod in tantâ re properaret, probè intelligebat, præterea factiones varias inter virorum Principum clientes esse, quæ sibi invicem quò minùs res communis rectè administraretur obstarent, dein quo diutius de pace ageretur, eo segniùs quæ ad bellum pertineant, paratum iri, neque post rem apud Blenellum benè gestam inceptum quidquam ab hostibus esse, Buttevillam benignè, ac liberaliter habitam cum spe modò pacis optimâ dimisit.

Hâc dum Condæum Mazarinus attinet, atque ludificatur, ad rem publicam intereâ magnoperè pertinere arbitratus est, Turenæ hostium stativa quæ apud Stampas habebant, oppugnare : ac simul Rex Germani-fano profectus est Melodunum, quo suis ex propinquo animos adderet, atque complures ex Aulâ nobiles ut ferè fit, militaris gloriæ avidi ad castra faciliè commearent, egregiamque de more operam Regi, atque rei publicæ navarent. Id planè fecere ubi Turenâ Stampas oppugnavit, quò utrimque acriter gesta res est, hostibus naviter propugnantibus primùm pro munitionibus quas regiis objecerant, dein pro oppidi mœnibus, ac postremò in ipsis mœnibus, quò compulsi denique sunt : eò cæsi permulti, inter quos è regiis *a* Vetusvilla, ac *b* Paraberus, uterque è Meliteni militia, ille summi Quæstoris filius, qui post paulò ab vulnere interiit : vulnerati *c* Vardius Marchio Dubecus, *d* Schombergius Comes, atque alii. Eò tamen deducta ab Turenâ res erat, ut in oppidi fossam huic descendere copia esset, atque per hanc cunicularium infirmis mœnibus applicare, quæ brevi disiectum iri propè exploratum videbatur.

Ubi Principum virorum copiarum nuper apud Stamparum suburbium ab Turenâ, atque Hocquincurio malè habitæ fuerant, Gasto, atque Condæus ad Hispanos miserant in Belgium auxilium orantes, quod est ab his opportunè missum, non Hispanorum quidem, & Belgarum, ut ne quid horum aspectus Gallorum oculos offenderet, sed Lotharingo-

a Le Chevalier de la Vieuville.

b Le Chevalier de Paraber.

c Le Marquis de Varde, du Bec.

d Le Comte de Schomberg.

rum peditum, equitumque, iusti exercitus numero, quem Carolus antehac Lotharingæ Dux per Lingonum, & Campaniæ fines adduxit: hic Gastoni affinis est, quem huic opem ferre haud fermè iniquum cuiquam videri poterat.

Eâ tempestate percrebuit rumor Carolum tantisper esse tergiversatum, dum tentat magis, quàm flagitat uti Jamasium, Satenaium, atque Claromontium suæ ditionis antehac oppida sibi ab Condæo reddantur, quæ hic haud ita pridem sibi ab Rege donata possidet; sed ea res denique nihil Carolum est remorata. Igitur ad Lagnium usquè processit, atque eò in stativis exercitu relicto venit ad Urbem: prodière obviam Gasto, Condæus, atque alii factionis principes: quod ubi Regi est nuntiatum, subito Corbolum Almerasium Castrorum Præfectum cum quingentis peditibus, ducentis equitibus, ac tormentis sex dimisit, validum huic oppido, ut ne eâ Sequanam Carolus transiret, præsidium. Apud Urbem propinquos huic visere cura fuit, ac maximè Rohanam Mombasonam, quæ ipsi affinis est: hæc seu suâ sponte, iudicioque, seu Castronovano autore qui tum ad Urbem erat, rationem iniit, quo sine certamine Stamparum obsidio solveretur, atque id Carolus cum bonâ Regis, atque virorum Principum gratiâ faceret. Eo hunc docuit nihil esse quod tantoperè properaret hos adjuvare: ipsi in copiis suis spes, opeque omnes sitas, quas in discrimen adducere, ut aliis gratificaretur, non in rem ejus esse: satius videri quod facturus venerit, id citrà prælium, aut periculum ullum efficere, quod certè fieri posse consideret, si Carolus cum Castronovano colloqui vellet.

Id quidem Carolus lubentissimus fecit, atque ambo convenère, uti Castronovanus scriberet ad Reginam, doceretque eò se posse Carolum adducere, ut ne ad Stampas versùs duceret, sed regrederetur in Belgium, modò ut Regi placeret Stamparum obsidionem solvi, atque inde Principum virorum copias tutò discedere. Continuo Castronovano eâ de re agendi, transigendique cum Carolo potestas facta, quod est his conditionibus factum. Uti Turena ab Stamparum viciniâ exercitus abduceret. Virorum Principum copiarum tutò inde discederent. Carolus subito moveret, ad Regni fines contenderet, atque his quantocius egrederetur. Iter ad fines habenti adessent ubique commعات: pecuniam præterea huic ab Rege curatam plerique dixerunt.

Gasto interea, atque Condæus Carolum magnoperè urgebant, uti Sequanam traderet copias, spem nacti Turenâ cum exercitu regio inter duos Principum virorum, ac Caroli exercitus deprehensum vinci posse, atque ita Regem cogi, ut ad ea quæ ipsi vellent descenderet. Sed ille necessebat moras, quibus facillè quid huic sententiæ esset cognoscere, ac denique satis se magnam iis operam navare dixit, Stampis, ac magis eorum copiis obsidione eximendis, cui rei modò patranda venisset, & quam integris suis copiis, neque in prælium aleam adductis, quàm vel insigni victoriâ factam mallet, quoniam vix hæc sine ullâ militum jacturâ reportare posset. Sed viri Principes ab eo saltè postu-

1652.

lavère, uti maneret in stativis, quæ tum apud Georgii Villamnovam duodecim supra Urbem passuum millibus ad Sequanam habebat, usque dum horum copiarum quæ ab Stampis discederent, in tutum essent collocatae, quod quidem impetravere.

At Turena ubi nuntiatum est Carolum nondum sicuti foedere Castronovam operâ inito cautum fuerat, discessisse, Corbolum ducit, ut eò copias Sequanam traduceret. Quo huius consilio Carolus permotus mittit ad eum qui sciscitaretur, quæ causa esset, quamobrem ad se versum veniret, cum sibi constituta omnia cum Aulâ esse ignorare non posset, atque interea in collibus circa Georgii Villamnovam castra probe munit. Turena hunc ab foedere discessisse respondit, qui dictâ die non abiisset, quod si etiamtum facere velit, se non ultra progressurum, quatuor horas ad deliberandum dare, quibus elapsis sese ad eum protinus iturum, quod est cessante Carolo factum. Nam Turena expedito agmine relictis apud Corbolum impedimentis ad Yerram amniculum, qui in Sequanam ad Villamnovam influit, & quò munita erant Caroli castra, venit.

Longiusculè, ab his quæ in collibus posita fuere, Castellum est ad hunc amniculum, quod Carolus præsidio tenebat: sed id cum ipso præsidio deditum est Turenæ, qui eò traduxit amniculum copias, atque instructâ acie stetit in Caroli conspectu. Continuo venit ad eum Britannus cui a Germano nomen, vir magnâ apud Henricam Britannia Reginam, ac filium ejus Carolum Regem & gratiâ, & fide, qui Caroli Lothringiæ antehac Ducis verbis nuntiavit, hunc quæ conveniant, ea facere paratum. Turena negavit aut se, aut Carolum tum ullo teneri foedere, cujus dies exisset: se nihilominus pridie Carolo quibus conditionibus convenisset, discedendi potestatem fecisse, quâ posthabita cum resisterit, nihilo se prohiberi, quin prælio deceret. Varenam tamen cum Germano ad Carolum dimittit, qui ultimum nuntiet homini, porro se huic discedendi potestatem facere, modò ut naves quæ huic ab Urbe missæ sint jungendo flumini, sibi tradat, statim munice desinat castra, sed hæc moveat continuo, pergatque iter ad regni fines facere eâ quâ jussus sit viâ, atque hos ante dies quindecim egrediaur, ac denique sibi obsidibus caveat id ita se facturum. Carolus vicissim sibi obsidibus caveri postulat Turenam non usum navibus traducendo Sequanam exercitui in copiarum Gastonis, & Condæi quæ ab Stampis redibant, damnum: quæ horum copiarum in castris suis essent, iis ad Urbem recipiundi se facultas esset: copiis suis quâ discedens iter faceret, com meatus Regis sumptibus subministraretur, & sicuti nemini damno forent, ita & his nihil damni illatum iri. In hæc datâ, atque acceptâ fide, traditisque invicem obsidibus Carolus statim ad Briam Comitis Roberti movet, ac porro ad regni fines contendit.

Ubi primum Carolus advenerat, sicuti antehac memoravimus, opesque virorum Principum eo majores esse Senatus senserat, ibi Nesmondum, & Longolium Præsides, atque alios ex Senatu ad Regem porro

a Milord
Gegmani.

de Mazarino abigendo Melodunum miserat, docentes haud grave Regi esse debere hominem unum dimittere, uti tot millia aut in officio manerent, aut in viam reducerentur. His Rex scripto respondit, *Subique Senatus verbis dixissent, ea & grata, & magni ponderis esse, quæ vide licet ab optimo in se, atque in rem publicam animo profecta existimet, atque adeo huic Ordini omnia cordi esse, quæ ad Majestatem suam, potentiamque pertineant, ita ut quo talis apud omnes sit, qualis esse debeat, ipsi perpetuo curæ fore confidat. Sed quando nullum usque finem rei publicæ malis adesse sentiat, pervelle uti delecti ex Senatu cum delectis ex Consilio regio conveniant, colloquantur, agant, pervestigant, quæ quâ ratione ex his malis emergi possit, uti tandem aliquando populus qui ipsi subiectus sit, domi primum, dein foris pacem habeat, ac tantis quibus prematur oneribus sublevari, ac recreari possit, regia familia rursus conjunctissima sit, atque Regno pristinus splendor, dignitasque restituatur. Hoc recitato responso Nesmondus omnia hæc in Mazarini abitu posita dixit, quem Rex obturbans severo vultu respondit illam suam esse sententiam, neque pluribus opus esse.*

Inter hæc Christina Sueciæ Regina, cui cum Rege paternum fœdus intercedit, ad hunc, ad viros Principes, atque ad Senatum de reconciliandâ inter omnes gratiâ litteras dedit, ad id operam suam, si hæc satis placeat, pollicens, quæ res sicuti multa super hoc negotio alia, frustrâ fuit, alienâ enim operâ nusquam indigebant, sed eâ quæ & Principem, & cives decet in patriam, & rem publicam caritate, quæ variis utrimque studiis impediabatur. Nesmondus, Longolius, atque alii ab Meloduno cum Regis responso postea advenère, ac frequenti Senatu renuntiavere legationem, docueruntque Patres quemadmodum benignè appellati, atque habiti cum Responso perscripto dimissi fuerant. Sed eo recitato variæ fuere sententiæ: multis satis placebat cum Administris sicuti Regi videbatur colloqui, atque agere, magnificum, id atque amplum Senatui rati, ac præterea magnum esse signum arbitrabantur Regem, atque Administros conditionibus æquis pacem facere velle, nihil enim ab Senatu nisi æquum eos sperare posse.

Sed Brussellus unum modò in eo negotio æquum esse contendit, uti Rex Mazarinum abigeret, quod nisi uti faceret adduceretur, nihil æqui sperandum videri, in id igitur incumbendum esse, quod unum gratiam inter omnes reconciliare, atque adeò pacem domi restituere posset. Hæc sententia Principibus viris maxime probata, qui porro sicut antehac simul ac Mazarinus pulsus esset, sese ab armis discessuros professi sunt. Visum igitur eisdem mittere ad Regem, rogatique sunt viri Principes ut & ipsi eodem mittere vellent, qui horum verbis Regem, quid his esset sententiæ, facerent certiores: sed id nihil opus esse respondere, cum sua, Senatusque postulata eadem omninò essent, atque adeò ab iisdem fieri possent: postremò Senatus decretum fit de Nesmondi, Longolii, atque aliorum ex hoc Ordine ad Regem profectio, qui Mazarinum abigi porro flagitent, id unum viros Principes posulare, ut ab armis subito discedatur, simul quid eâ de re in Senatu ite-

1652.

rùm profecti sint, atque is in hujus acta referri decreverit, Regem edoceant, ac præterea ad hunc perferant litteras, quas ad Senatum Christina scripserat.

Sed in Urbe plerosque omnes belli civilis tædium ceperat, ubi se multò pejore conditione dum Auræ adversantur, quam ubi obnoxii erant, esse sentiunt. Hæc maximè sententia plebis fuit, at huic haud satis animi, satisque consilii erat, uti per sese pacem cum Rege faceret, aut hac infectà in viam rediret, seseque huic permetteret, quod nequaquam satis tutum arbitrabatur: præterea in cervicibus erant viri Principes cum exercitu, atque Senatus cum iis sentiebat, ab quo sibi dissentiendum minimè rebatur, nam *In hujus Ordinis fide salutem suam usque positam, quem si deserat, nihil præsidii uspiam fore adversum impotentem Administratorum dominatum, cui modum facere unus modò Senatus possit.* Cùm hæc, atque alia hujuscemodi traherent animis, neque satis expedirent, quid factu optimum esset, ad Deum immortalem quod dubiis, atque asperis in rebus fieri solet, convertit se, & huic de pace supplicandum putant, in quo certè nemo usquam offendit.

Jamdiù Parisini Genovesam Virginem multis ab hinc annis ob vitæ sanctitatem inter Divos relata summâ veneratione colunt, atque hujus tutelâ freti nihil ab Deo immortali frustra petivere. Id experiri denuò ad pacem habendam placuit, atque eâ causâ Arcam ex argento solido inauratam, & ingentis pretii gemmis ornatam, in quâ B. hujus Virginis reliquiæ sunt, ferri per Urbem. Eâ de re primum apud Urbanos Magistratus agi visum, quam in publicis Urbis Ædibus consultatam ad Senatum deferunt, ac deinde ad Archiepiscopum Joannem Franciscum Gondium, quoniam ad sacra pertinebat, quibus & in Urbe, & in omni Diœcesi præest. Utrobique morem plebi gerere idem studium fuit: dies igitur dicta, ad quam pompa more, institutoque majorum ab Genovesæ Templo ad Mariæ duceretur. Id longo Sacerdotum, Ferulorumque ordine factum: secuti pompam sunt Patres amicti purpurâ, ac cæteræ Curiæ, Urbanique Magistratus, ipse Gasto Arcam Divæ priusquam Templo egrederetur veneratus est, quod Condæus & ipse haud procul Mariæ Templo fecit. Ita primores studiis plebis, ubi ejus operæ indigent, diligenter obsequuntur, tametsi hæc ipsi frustra sapius esse velint.

Ubi hæc agebantur Rex etiamtùm apud Melodunum erat, quò missi ab Senatu Nesinondus, Longolius, atque alii mandata hujus Ordinis exposuere de abigendo Mazarino, quod unum omnes ut ab armis discedatur, enixè postulent: his datum scripto responsum est, quod fermè: *nam antebac ubi abierat, nibilo minus bellum porrò gestum, sicuti tum geratur. Condæi cum Hispanis hostibus fœdus Mazarini discessu nusquam desitutum. Certiorem igitur Regem faciendum utrum ab fœderibus domi, forisque contra jus, fasque initis discessurus sit? nihil clientibus, atque amicis perduellibus ob navatam videlicet adversum rem publicam operam petiturus? si hanc Regi contra* quosvis

quosvis sicuti cives debeant sint daturi? si quos viri Principes accerserint extraneos milites, ii Regni finibus, nullâ ab Rege curâ pecuniâ, sint egressuri? si quæ illis merent copiæ, eæ subito dimittentur? Hispani Sateoio, atque Burgo facissent? Contius, atque Condaa, ac Burdigalenses in viam redituri sint?

His in Senatu recitatis Gasto huius scripti autorem dixit esse Mazarinum, qui sibi interrogatiunculis Principes viros laessere jus, fasque esse putet, omnis moris nostri ignarus: cæterum quæ ipsi receperint, ea se præstituros, pulso ab finibus Mazarino. Cognitor, atque Actores regii mittendos aiebant, sicut antehac Rex postulaverat, qui cum Administris de pace agerent: sed Brussellus iterum obstitit, standumque ait Senatus Decretis de Mazarino. Alii cum quid factum opus esset haud satis expedirent, hoc omisso in præsens negotio, de magno egenorum in Urbe numero egere, quibus quo modo victus quotidianus præberetur, ineundam rationem dicebant, atque eâ causâ ab singulis ex Senatu stipem conferendam. Carolus *a* Prevostus Senator tum equis de habendo porro pane sibi cavere vellet, percunctatus est. Bitaltius respondit cui tantis census esset, ei vix usquam panem defuturum, multaue inter eos paulò duriora verba commutata. Sed I X. Calend. Sextiles Senatu frequenti de duabus rebus est consultatum, quomodo videlicet egenis consuleretur, & quo pacto quinquaginta nummum millia conficerentur, quâ summâ proscriptum Mazarini caput fuerat, cum quispiam se tantum facinus patraturum profiteri vellet: de egenis convenit, uti singuli ex Senatu centum libras penderent.

a Prevost,
Conseiller.

Ubi dimissus Senatus est, atque Patres curiâ egrediebantur, permul-ti eò allegati strepere, tumultuari, panem, ac pacem sine Mazarino inclamare, qui in Senatu boni sanctique fuere, eos territare, quo viri Principes efficere se posse sperabant, ut ne fœderi quod inter se, ac Senatum, Populumque factum volebant, obstare auderent, rem jam antehac ab Stampæo Equitum Tribuno Gastonis cliente in Senatu jactatam, atque factiosis ex hoc Ordine probatam: quod si viris Principibus eveniret ex sententiâ, se ab Urbe necessariam in belli sumptus pecuniam corrogaturos credebant, nam quæ ab Hispaniis veniebat, ea sustentandæ singulorum ex factione rei familiari propè omnis impendebatur. Ab multitudine tumultuante malè habitus, ac pulsus est singillatim *b* Bailleulius Præses, cui quoniam ad æquiora propendebat, neque ad præcipitia animum adjiciebat, factiosi infensiores erant, atque hic antiquior è Præsidibus Senatum habebat, & huic per Molæi absentiam moderabatur, quæ res ad hunc Ordinem quò ille inclinaret, movendum aliquid habebat momenti: malè habitus præterea *c* Vassanus Senator, sed maximè Particellus *d* Almerici filius in unâ ex Inquisitionum Classibus Præses, qui tabernam amici hominis è plebe fortè ingressus capitis periculum quod imminebat effugit.

b Sie Bailleul,
Président au
Mortier.

c De Vassan,
Conseiller.
d d'Emery de
Thoré, Prési-
dent aux En-
quêtes.

Cæterum Belfortius multitudini tum indixisse aiunt, uti post meridiem ad Plateam regiam adesset, eò se cum his quid optimum factu foret, acturum. Quæ dicta fuerat hora, eâ quinque hominum millia in

X x x x

1652.

Regiâ Plateâ convenère, quos Belfortius edocuit, *Non esse obſtrependum Patribus in Curia, atque univerſis terrorem obijciendum, quod mali moris, & exempli ſit: ſed libellum ab viginti quatuor ex eorum numero porrigendum Senatui, quo poſtulent qui Mazarino ſaveant, eos palam fieri, adverſum quos quid factu opus ſit poſtea videatur*: atque ita ad id quod ipſe vellet, paratiſſimos dimiſit. At Patres de Belfortii conſiliis facti certiores in Curiam quâ die frequens haberi debebat Senatus, non ière: factioſi modò adfuère, ſed nullus ex Præſidibus, qui apud Bailleulium omnes convenerant, quid in tantâ rerum perturbatione faciendum eſſet, conſultaturi. Condatæ eodém venit, Gaſtonis verbis, atque ipſe ſuis orans, ut in Curiam poſt meridiem venire vellent: ſed hi ſe ituros negavère poſt hanc quam Belfortii operâ conjurationem factam eſſe ſciant

Principiò Condatæ Bailleulium perterrefacere tentaverat, ſed ubi viderat eandem aliorum eſſe ſententiam, mutatâ ſicuti neceſſe fuerat, ratione, minas in preces humanitate pleniffimas converterat, quibus tandem pervicit, uti Bailleulius iret ad Gaſtonem, qui hunc orare inſtitit, uti Senatus eâ ipſâ die haberetur: ſed iſthuc fieri poſſe porrò negavit, neque priùs factum iri, quàm Senatus id tutò ſe facere poſſe ſentiat: Belfortium peſſima ſua conſilia patefeciffè, adverſum quæ tametſi Senatui abundè caveatur, tamen ante V. Calend. Sextiles haberi non poſſe. Iſthæc dicenti fortè Belfortius intervenit, quem puduit commotæ adverſum Senatum plebis reum haberi, & quemdam eâ cauſâ in vincula coniectum adverſum ſe teſtimonium dixiſſe. Sub vèſperam Longolius Maiſonius Præſes ab Gaſtonis ædibus rediens haud longè proceſſerat, cùm plebecula hunc Mazariniſtam inſclamando, ſaxa in ſcillam quâ geſtabatur, ingerit: is in proximas aufugit ædes, quæ continuò ab multitudine circumdatæ oppugnatum iri videbantur, ni eò Condatæ, atque Belfortius properaſſent, qui ſedato multitudinis tumultu hunc periculo eripuère. Ita ſe viri Principes oſtentare plebi caros, atque hanc pro lubricine commoturos pro magnifico habebant, conſidebantque ſe quò vellent multitudinis metu Senatum adducturos, uti ſcilicet fœdus ſecum unâ cum Urbe faceret, ac belli ſumptus utrique ſuſtinerent.

Poſtremò ubi Senatum ſatis tutò haberi poſſe Patres intellexère, frequens V. Calend. Sextiles habitus eſt, atque in eo viri Principes porrò profeſſi ſunt, ſe ab armis diſceſſuros, ſimul ac Mazarinus Regni finibus egreſſus foret, ac præterea omnibus quæ ultimo Regis Reſponſo continerentur, ex huius ſententiâ ſatiſfacturos. Id gratum, & jucundum fuit Patribus, quorum pars maxima pacem exoptabat, ſpem tum primùm naſti ad hanc ſi fraus ab virorum Principum dictis abeſſet, perveniri poſſe. Ubi eâ de re conſultatum, plerique omnes ſenſere remittendos ad Regem qui antehæc ad eum iſſent, cum hac virorum Principum profeſſione. Sed de Neſimondo difficultas interceſſit, poſtulantibus ut ne eò tum remitteretur viris Principibus qui videlicet ſuſpectus eſſet ſuam Mazarino operam venditaſſe, & cum huius amicis col-

locutum fuisse. Sed grave Senatui visum sibi moderari velle viros Principes, quos magis quò Senatus censeat, eò adduci æquum videatur, cum & id ipse Rex sibi faciendum sæpius existimet: frustra se ab Administratorum regionum impotentissimo dominatu liberare velle rem publicam, si hanc Principum virorum lubidini permittant. Visum igitur Nesmondum cum cæteris ad Regem remittere, qui hunc doceret de ultimâ quam diximus virorum Principum professione factâ cum in Senatu, tum in Urbis Ædibus, & in acta utrobique relata.

Ubi dimissus est Senatus, ac Patres Curiam digrediebantur, allegati multitudinum duces, atque circum Curiam dispositi ut in quemque inciderant, eos pulsare, Pacem inclamare, atque huic habendæ fœdus ab Senatu, Populoque cum viris Principibus pellendo Mazarino faciendum dicere: admixti erant plebi milites ex virorum Principum exercitu, qui magis, ac magis hanc commovebant: quin & missæ hinc inde sclopetis glandes, ab quibus interiøre nonnulli, qui proximè Patres erant. Hi ubi cuique proximum fuit diffugere, Prætor Urbanus Aubrayus cum aliquibus Consiliariis in Castelletum recepit se, satis firmum ad propugnandum, nam & aderant qui defenserent Accensi soliti huic, atque aliis Urbanis Magistratibus præsto esse. Ignem admove-
re portis multitudo circumfusa parabat, ni præter Accensos hujus Urbis regionis Tribunus cum eâ cui præerat cohorte isthuc molientibus intervenisset, atque plebem amovisset: ad noctem seditio perduravit, indignantibus omnibus bonis hæc tam atrocia, gravia, fœda in rem publicam, ac singulorum salutem ab Principibus viris, & qui his faveant, factiosius fieri, ut animum ambitione flagrantem expleant.

a D'Aubray,
Lieutenant
Civil.

Postridiè Senatus decrevit, uti quæreretur in eos qui hesternam moverant seditionem, ac præterea de famosis libellis, qui plurimi in vulgus eâ tempestate edebantur. Mercatorum Præfectus cum cæteris Urbanis Magistratibus apud Ædes Urbis publicas habito Consilio Tribunis, ac Centurionibus edixit, uti singuli cohortes, ac centurias ita paratas haberent, uti confestim quò esset imperatum, eas ducere possent: præterea stationes circum Curiam disponi placuit, uti Patres tuto posthac Senatum habere possent, pridie Non. Septemb. Conventus civium ex omnibus Ordinibus Urbis frequentissimus haberetur, in quo de Senatûs, Populique salute consultaretur.

Ubi hæc apud Urbem agitabantur, interea Condæx suas, atque Gastonis copias Stampis egressas accepit, quibus obviam profectus his cum viginti omnino equitibus inter quos Nemorosius, Rupifocaldus, atque hujus filius Marillacus fuere, apud Linasium occurrit, atque eas haud procul Urbe ad Clodoaldi-fanum duxit. Is locus uti Condæo tempus erat, stativis idoneus visus: nam detrectanti pugnam pontis ad Sequanam copia erat, quo subduceret exercitum, si potior hostis accederet, atque hunc interrupto, aut munitionibus clauso transitu prohiberet: præterea vicinitas Urbis opportuna erat, sed dum eò moratur exercitus, villæ circumquaque direptæ, atque incensæ, atque alia ab mili-

1652.

tibus pravè fieri solita magnam Condæo invidiam apud plerosque in Urbe conflagrè.

Haud desinebat tamen per Gualcurium de pace agere cum Mazarino, rem huic opportunam, quo inter factionis populares discordiam, ac lites fereret, aut aleret, earum rerum potentissimus artifex. De plerisque conditionibus cum Gualcurio conveniebat, in cæteris verò hærebatur consultò, atque ad eò rationem inibat, uti si ex usu esset irrita omnia forent. Mazarinus Fertæum Sanneftarium Equitum Tribunum cum eo exercitu cui Imperator est, accersiverat, spem nactus post Caroli Lotharingiæ quondam Ducis discessum Condæi opprimendi, quâ maximè causâ Carolum abire, atque Regni finibus propere abscedere magnâ sicuti aiebant mercede studuerat, Condæo intereâ se de pace auctoritate simulans. Sed ne hic quidem seriò de pace agebat, cui videlicet integrum non erat quas contraxerat cum Hispanis necessitudines, ab iis discedere, quod tamen Mazarino haud occultum fuit.

Condæum tamen procul ab Urbe esse Hispani cupiebant, ut ne vi boni, rectique ab pravo, falsoque abduceretur. Neque enim quisquam & fidem in Principem, & caritatem in patriam, & officium in rem publicam facile exiit. Quò Hispani, eòdem & Condæa soror, & hujus amici Condæi animum ferebant, atque operæpretium ducebant hominem ab Urbe, atque ab hujus viciniâ deducere, ut ab Buttevellâ longius abesset, cujus amor suapte naturâ primum ad arma, tamen ad pacem inclinabat. Id & Aureliæ virgini molestum fuit, nam Condæum unum ulciscendæ quam ab Mazanno sibi factam rebatur injuriæ idoneum deputabat, qui videlicet hanc Regi nubere cupientem falsis pollicitationibus duxerat, ac postremò deluserat: quamobrem & copias quæ Condæo militarent scripsit, & pecuniam in belli sumptus promisit. Hæc, atque alia, ac maximè quod nullam haberet Mazarino fidem, quem dolo malo secum de pace agere suspicabatur, ut incautum iterum deprehenderet, atque in carcerem conjiceret, Condæum ad bellum impulere denique.

Huic, aut Contio fratri in Aquitaniâ, & qui horum sectam sequebantur, iis res nihilo secundiores, quàm ad Urbem fuere: nam postquam Harcurius apud Gondrinum per hyemem commoratus fuerat, atque ex hac omni regione quæ ultra Garumnâ est, collationes in belli sumptum voluntate Regis exegerat, Condomum, ac Mariæ-portum recepit, pulsus Condæi qui hæc oppida obtinebant præsidii: præterea pulsus qui apud Brulham haud procul Aginno fuere, ipsum Aginnum Harcurio deditum exacerbatis ex nupero Condæi conatu oppidanis, ubi apud eos præsidium introducere tentaverat. Ab Aginno Harcurius Isabonum fratris filium, atque unâ Bugium Mascem Aginnensium oppidum ad Garumnâ firmissimum dimisit, qui clam propiores mœnia facti, in hæc applicitis scalis evasere, atque oppidum improvisò cepere, caesis, aut captis omnibus qui eò præsidium agitabant, inter quos Lafagius in Lusignanâ cohorte Protribunus, atque Martignac

fuère, dein Monsegurium, ac Basiliæ-sanum ultrò dedita.

Tum Harcurio visum cum omni equitatu appropinquare Burdigalæ, quò magnas inter oppidanos discordias esse resciverat, si qua fortè secta alterius odio (ut fere fit) desertis virorum Principum partibus, ad regias transire vellet: præterea mobilitas animorum in hac Urbe spem faciebat æquè tunc ad bonum, quam antehac ad prævum ferri posse: eò litteras ad Juratos, hi Urbani Magistratus sunt, per Tubicinem misit, quibus amicissimè Burdigalenses hortabatur, ut ab armis discederent, atque ab Rege omnia quæ respicientibus digna essent, expectarent: sed neque Tubicen receptus mœnibus, neque litteræ acceptæ, Contio qui in Urbe erat, Brezæa, atque Condax prohibentibus. Ad Labredam Harcurius habebat castra, sed Burdigalam propior factus Burdigalenses excivit Urbe, qui inter macerias, atque hortorum sepes, aliasque locorum opportunitates eminùs glandibus rem gesère adversum Harcurii equites, qui locis impeditis appropinquare nequebant. Igitur abire visum, atque id Burdigalensibus addidit animum, ut abeuntes persequi auderent: sed quæ clauderant agmen Salbovii, atque Codraci-Mompenseri alæ malè habitos expulère. Rionis oppidum ad Garumnam ultrò se Harcurio dedit, in alterâ ripâ iter facienti, atque ad Marmandam eunti, quò navibus Garumnam traduxit copias, & quæ inter hanc, & Duranum amnem posita est regio, cam est ingressus, ab quâ item necessarias ad belli sumptum collationes exegit.

Apud Burdigalam tantæ fuère discordiæ, factiones, ac sectæ, uti quæ illic facta fuerint, ea recitare non possemus absque eadem orationis perturbatione quæ in rebus gerendis fuit, atque adeò breviter dicemus Burdigalenses usquè ad mutuas inter se cædes, atque incendia insanisse, Contium, & Condaxam sororem unis, Brezæam, & Lesnæum alios fautores fuisse, dein ambas Principes fœminas quos fovere deberent incertas sæpiùs inter tela civium, cum nonnullo vitæ discrimine versatas, ut insanientes, furentes, atque in mutuam perniciem ruentes inhiherent. Sed Condax nihil antiquius habuit, quam plebi, aut Ulmæ cujus nominis rationem suprà diximus, adversum Curiam Burdigalensem favere, cui post Condaxi discessum omnem in manu rem publicam habere studium fuerat: quod quidem minùs Condaxi rationibus conducebat, quam hanc penes plebem æquè, ac penes Curiam esse, quâ planè ex voluntate Condaxus se uti posse dissidebat.

Quæ belli satias plerosque omnes apud Lutetiam Parisiorum ceperat, ea crescebat in dies apud Patres maximè, propter terrorem ipsis nuper objectum ab Principibus viris, uti cogerent Senatuum secum facere fœdus, atque unà cum populo belli sumptus sustinere: quod quidem contrà suadebat pacem quantocyùs facere, ita ut quâ ratione ad hanc perveniri posset, Patres circumspicerent. Eo Senatus frequens habitus, in quo ubi Gasto, & Condaxus porro professi sunt, se ab armis discessuros, pulso sinibus Mazarino, atque Regis postulatis satisfacturos, visum ad Regem adhuc mittere Nesmondum, ac Maisonium Præ-

fides, atque alios ex Senatu, qui huic apud Dionysii-fanum mandata hujus Ordinis exposuere. Eò Rex consultò venerat, ut ex propinquo bonorum in Urbe studium ad pacem foveret, & cum his agere promptius foret. Ex itinere quibus copiis Fertzæus Sannectarius Imperator erat, eas instructas, atque in acie stantes viderat, jucundum Regi adolescenti spectaculum.

Turena cum altero exercitu circum Dionysii-fanum stativa habuit, atque ita magnam belli molem Senatui, Populoque Rex ostentabat, & ab omni abstinens maleficio clementiæ famam quærebat, quâ Parisinos ad pacem adduci posse Mazarinus sperabat: nam hæc benignitatis plena ratio collata cum virorum Principum in Senatum acerbitate, hujus animos Regi conciliare debebat. Sed satis honestè Senatus pacem se facere posse adhuc dubitabat, nisi unâ cum viris Principibus, atque eâ lege, uti videlicet Mazarinus finibus pelleretur, quando hunc omnium malorum causam esse omnes arbitrabantur. Postremò tota vis belli non in Urbem, Senatum, Populumque, sed in virorum Principum exercitum versa est, quem profligare Mazarino consilium fuit, prius quàm ab Belgio auxilia quæ per Gualcurium Condæus tunc cum maximè ad se mitti flagitabat, advenirent.

Virorum Principum exercitus apud Clodoaldi-fanum sicuti diximus stativa habebat, loco propter Urbis vicinitatem opportuno, ab quo Sequana ad Chalsæam quæ item ad amnem haud procul posita est, multorum millium circuitum, ac propè insulam in medio facit: hanc copiarum virorum Principum obtinebant, & ubique ad amnem, ac maximè apud Neuillium, & Chatovium, (nam in utroque loco pontes sunt) custodias disposuerant, ut ne quâ hostis falleret. Is enim stabat ex adverso postquam Rex Dionysii-fanum advenerat, quod propè ad ripam Sequanæ positum est. Eò si regii ratibus jungerent amnem, prælium effugere Condæus nequibat, quod huic iniquum fore videbatur cum duobus Regis exercitibus, quorum alteri vix copiarum numero pares erant. Hic tùm ad Urbem, Tavianius Comes in stativis pro Prætore erat, cui nuntiatum est regio quod Condæus futurum suspicatus fuerat, ratibus jungere flumen. Continuo centum & quinquaginta pedites, ac tantumdem equitum eò ducere Govillam castrorum Præfectum jubet, atque detertere pro virili, & arcere regio, donec ipse cum copiis pluribus subsequeretur.

Govilla re inspectâ mittit properè ad Tavianium qui nuntiet hostes jam ad insulam quæ in medio amne est, processisse, in adversâ ripâ tormenta esse disposita: Tavianius cum a Hollaco Comite, Scarfio è Melitensi Militiâ, atque aliis Ducibus, ac præterea equitibus quos raptim coëgerat accedit, & coràm quid regii molirentur cognoscit. Sed hi ubi vident rem esse difficilem, prohibente ex adversâ ripâ hoste, nihil tùm ultrà tentavere. Tavianius relicto eò idoneo præsidio ad Clodoaldi-fanum redit, atque Condæum de regionum consilio, atque conatu facit per litteras certiorē. Condæus ab Urbe cum amicis advolat, rem ipse

cognoscit, ac diffidens se posse denique regiones arcere transitu fluminis, seu quâ moliebantur, seu aliò, ex eorum qui aderant consilio Clodoaldi-fano movere decrevit, quod advesperascente jam die factum. Impedimenta primum, atque tormenta, dein equites, peditesque partim ponte cujus eò copia est, alii ratibus junctis traducti ad Urbem versus contendere. Sed ubi propè ad regiones hortos pervenerant, ad sinistram flexere iter, atque Urbis mœnia circumagi agmen Condæus jussit, qui intereà ad Gastonem adiit. Exercitum ante lucem Carentonium adventurum existimaverat, ut hunc eò Matronam amnem traduceret, & quò Sequanam influit castra poneret, loco suapte naturâ munito.

Sed quispiam ab Urbe Mazarinum quid ageretur monuit statim, qui Turenæ est hortatus uti subito equitatum omnem paratum, & instructum juberet esse, atque ad Urbem versus properare. Id factum ex sententiâ, ita ut præmissi ab Turenâ equites ubi primum luceſcebat, qui in agmine Condæi postremi fuerant, eos affecuti sint in Dionysii suburbio. Navaillius Comes Contii cohortem quæ claudebat agmen, ita est adortus, ut in congressu plerosque cæderet, quod & factum in alâ equitum, quos ipse Condæus regiis objecerat ad Templi Portam, dein per interiora suburbiorum pergente Condæi agmine iter facere, res huic tranquilla fuit. Intereà Fielcum Comitum misit ad Gastonem, qui nuntiaret adesse regiones, ac se in Antonii suburbio restiturum, atque eò habiturum, ac muniturum castra: simul dimittit equites quaquaversum speculatum, uti de hoste amplius cognosceret: hi renuntiavere regiones paratos, instructosque haud procul abesse. Continuo occupatis omnibus suburbii vicis, his extremis quâ ad campos pertinent, fossas obducit, munitiones exstruit, atque hostibus objicit. Turenæ cum exercitu regio veniebat, atque ipse Rex cum omni Nobilitate sequebatur agmen: comitabatur Mazarinus fiducia plenus eâ die debellari posse: nam ab Urbe nusquam recipi Condæum, neque hujus copias certo credebatur, sicuti pridie receptæ non fuerant, annitentibus Mazarini amicis, ad quos tum misit, qui bono animo eos esse juberent, ac maximè operam dare, uti portæ Urbis clausæ essent, seu recipientibus se hostibus, sicuti futurum videbatur, seu his qui egredi, atque ipsis subsidio venire vellent. Intereà Regem ad Caronnam Mazarinus ducit, edito loco positum, ex quo in vicinam quæ ad Antonii suburbium pertinet, planitiem despectus est, ut inde Condæi cladem spectaret. Turenæ in hanc planitiem descendit, manente sicut in subsidio Fertæo Sanneſtario, cum eoque ductabat exercitu.

Tres maximè ad Antonii suburbium aditus sunt, ad vicum videlicet, qui in medio est, quò Tavianus curabat: prætereà ad alium vicum ab dextrâ, in quo Rambolietii villa posita est, quò Nemorosius: ac denique ad tertium vicum ab sinistrâ, quò Clinchanus. His tuendis vicis, ac munitionibus, quæ in iis exstructæ fuerant, Condæus Gastonis quam Celſitudinis appellabant, Septimanæ, Valeſiam, Langeronis, Condæi, atque Æduorum, ac denique aliam septimam cohortes dispo-

1652.

suerat, &c quò pedites defuere, eò partem equitum collocavit, cæteros in subsidiiis quà necesse foret, jussit esse, tormenta in fronte disposita: Turena post locata idoneis locis tormenta, quæ in vicos suburbii pilas mitterent, Prætorianos, Picardiæ, atque Maritimam legiones quæ in vicum majorem, Helvetios è Regis custodiâ, &c cohortem suam qui in alterum vicum impetum facerent, procedere jussit.

At Condæus paucitatem suorum haud mediocri virtute, atque audaciâ sustentandam probè intelligens, atque in hoc quod impendebat prælio, non modò gloriam tot victoriis partam, sed & salutem suam verti, statuit unâ cum Nemorosio, atque aliis quos unius turmæ instar circum se habebat, ex fortissimis juxta, ac nobilissimis paratam, insignè aliquid patrare, quod quanto longius esset ab hostium opinione, atque expectatione, tanto his terribilius accideret. Collecto igitur ad rem quam agitabat ingentem animo, in advenientes regios erumpit, atque torrentis in modum præcipitat: hi subitâ, nec opinatâ re percussi tantam equitum tametsi paucorum procellam sustinere nequivere: pedites erant qui adversum equorum vim maximè si ex improvviso advenierint, plerumque infirmi sunt: itaque sternuntur, cæduntur, funduntur: ipse factis in præsentia fractum, atque contusum eâ parte hostium impetum existimans ad munitionem recipit se, uti reliquæ propugnationi provideret.

Ad aliam quam in sinistrâ positam munitionem diximus, Jacobus Stuartus Sammegrinus Marchio accesserat, quam Clinchanus defensabat: regii magnâ vi succedunt, sed ubi hostes haud timidi resistunt, ac primus illorum retusus est impetus, ibi verò segnius, neque ex sententiâ ducis viri fortissimi, atque acerrimi rem gerebant, qui irâ, atque audaciâ præceps levîs armaturæ regios equites qui in subsidiiis erant, accessit, ac sese sequi jubet: dein angustum qui huic ab sinistrâ erat, vicum transversâ munitione clausum ingreditur, in quo glânde ictus occubuit: similiter b Nantullietus, ac c Fuillouxius cæsi, vulneratus Mancinus, qui post paulò interiit, strenuus, atque ingentis adolescens animi, ac verè dignus eâ fortunâ cui Mazarinus avunculus hunc destinaverat: hæc virosum insignium inter regios cædes argumentum est, hos eâ parte fortem rei publicæ operam navasse, tantam herclè ut hostes ægrè sustentaverint pugnam, ac ni Sammegrinus occubuisset, eâ regios perrupturos fuisse creditum: nam eò cæli ex hostibus d Rupigifardus Marchio, Boslutus Comes Belga: vulnerati Tavanius, Jarzæus Marchio, Fortzius è Melitenis Militiâ, Cognæus Marchio, Melodunus vicecomes Arbalesta, Loressæus Baro, atque alii Nobiles.

Ab omnibus partibus regii nihil suorum neque vulneribus, neque cædibus deterriti porrò acriter instabant, cum iterum Condæus turmâ suâ fretus erumpit, atque hostium impetum comprimit: hanc eâ die invictissimam esse regii censere, omnes conjurasse diceres, quidquid Imperator faceret, idem se pro virili facturos. Ille verò distracto inter undequaque petentes Imperatorem hostes gladio versabatur, quâ ince-

a Stuart, Marquis de Saint-Mégrin.
Clinchan.

b Le Marquis de Nantouillet.

c Le Fouilloux.

d Le Marquis de la Roche-Gifard.

e Le Comte de Boslut.

f Le Comte de Tavane.

g Le Marquis de Jarzé.

h Le Chevalier de Fortz.

i Le Marquis de Cognée.

k Le Vicomte de Melun Arbaleste.

l Le Baron de Loressé.

debat viam cædibus, aut vulneribus obviatorum hostium signans, ipse intraçtus ab glandibus, hastis, atque gladiis, inter quos singulis, atque universis terribilis agitabat : neque in tantis quæ circumvallabant periculis omittebat quid ubique faciundum perinde providere, atque imperare, ac si ab omni alio negotio vacuus esset. Istiuc enim huic singulare est, ut in medio prælii tumultu, ac dubiis, & asperis rebus quid factu optimum sit, judicet, imperet, ac factum reddat, haud secus ac si prius, frequenti Prætorio per otium consultatum fuisset, cujus rei laudem nullum antehac Imperatorem æquè ac Condæum promeruisse memini.

Sed regii ab primâ, secundâque Condæi eruptione restitutis ordinibus, atque animis, præterea integris subsidio venientibus, tantum virtute proficere, uti quæ objecta erat Vincennas versus munitio, eam percurrerent, ac transcenderent denique, & ad forum quod in medio suburbio est, instructi pervaderent. Ibi verò Condæus cum suâ nobilium turmâ, & cum suâ, atque Angiani filii equitum alis tertio impetum adversum regios fecit, qui tantæ hominis virtuti impares retulere pedem, malè mulctati plerique, & quod ad forum usque occupaverant loci, id omne, atque ipsam munitionem deseruere.

Sed aliam regii tenebant ab dextrâ munitionem occupatam ab Navaiillio Comite, in eo vico ad quem Rambolietti villa posita est : hostes pro virili ut ne ultra progredierentur, prohibebant, atque eò Germanorum cohors bonam Condæo navaverat operam : sed diuturno labore fatiscibat, præterea Navaiillius vicinas munitioni ædes, hortosque, sclopetariis compleverat, qui per ædium fenestras, aut per murorum qui hortos cingebant, facta repente cava, glandibus hostes infestabant : eò Condæus advolat, cui aderat Nemorosius, omnis quam ille eâ die adeptus erat gloriæ particeps : sed tum Belfortius his intervenit, ut ne rei tantæ quæ gerebatur expertus esset. Condæo sustentare suos atque regiorum exemplo in propinquis ædibus, hortisque sclopetarios collocare satis in præsentia videbatur, ut ne illis ultra progrediundi in suburbium facultas esset. Sed Belfortio si id fieret nullus ostendæ virtutis locus erat, cujus tot eâ die exempla edidisse Nemorosium cessante se supra quam dici potest, homini ægrè erat, nam inter ambos porro fuere similitudines, quæ in alterius perniciem denique evasere, sicuti postea memorabimus. Eo Belfortius Condæo autor fuit, uti pedites ad munitionem huic summâ vi oppugnandæ, ac pulsas ab eâ regius recipiundæ ire juberet, quibus cum omni comitatu suo, qui tum fortè frequens, & Principum virorum, ac cæteræ nobilitatis fuit, adesset ad rem patrândam adjutor. Condæus tametsi aliter sentiebat, cum tamen eâ die in unâ audaciâ suam, suorumque salutem positam esse crederet, *Æduorum Legionis* manipulos præire ad munitionem jubet : sed hi hujus dici labore defatigati resistere, ac secundum muros uti regiorum glandibus, qui ab fenestris occupatarum ædium mittebantur, minùs opportuni essent, collocavere sese. Tum fortè accidit uti Germanorum equitum ala glan-

1652.

disbus regionum infestata recederet Condæum versùs : hic arbitratus novos hostes esse, qui in suburbium irrupissent, ad eos versum iit, sed subito quinam essent, cognovit. Intercà regii ab ædium fenestris haud cessabant glandibus infestare hostes qui in vicis erant, atque idem ab occupatâ munitione faciebant : quam adedò visum Belfortio oppugnatum ire, atque hæc regio pellere, quando aliter animum ex alienâ virtute anxium explere nequibat.

Ititur ipse, ac Nemorosius, Rupifocaldus, ac Marfillacus ejus filius rem ausi incredibilem omisiss equis, districtisque gladiis in munitionem faciunt impetum ; qui hanc defensabant eos fundunt, fugantque, munitionem ipsi obtinent, quos inde pellere nulli ex regis cominùs tentavèrunt, sed eminùs modò glandes in superstantes munitionem misère, inter quarum grandinem Nemorosius duo vulnera in manu dextrâ, Rupifocaldus unum sub oculis accepit : ita Belfortius de fororis viro, Marfillacus de patre, quemadmodum hos abducerent, solliciti erant, jamque regii properabant accedere, uti vulneratos, atque integros simul caperent, cùm Condæus opportunè illis cum frequentî de quo diximus nobilium, juxtâ ac fortissimorum hominum comitatu præclarus intervenit, atque viam inter hostes, quâ se in tutum reciperent, tantùm de se meritis amicis fecit : edò Guitaldus, Berzena Rupifocaldi cliens, ac Martiniera vulnerati sunt ab glandibus, quas ex occupatâ rem ædium fenestris continuò mittebant regii.

Post tam atrocem regionum oppugnationem, neque minùs fortem hostium propugnationem, ab utrâque parte sicuti ex composito cessatum, tantaque omnes prælii satias ceperat, uti de reficiendis magis animis, corporibusque, quàm de reliquo prælio cogitarent. Hæc velut induciæ regis spatium dedere aciem restituendi, atque ordinandi denudò, quod in duo veluti cornua factum est, quorum alterum ad majorem suburbii vicum, alterum ad eundem quem diximus in quo Rambolieti villa est tendere, & utrobique prælium instaurare velle videbatur. Intercà Parisini apud Urbis *Ædes* publicas altercabantur, utrùm Condæum cum copiis recipere mœnibus, an sicuti belli civilis autorem, fautoremve regis cadendum permittere deberent, nam edò res denique reditura videbatur.

Dum isthæc domi, forisque agebantur, Aurelia virgo Gastonem patrem docebat planè necesse esse Condæo properè subvenire, neque committendum uti virum Principem sibi propinquum, cum quo ipsi tantæ necessitudinis causæ sint, præterea foedus, ac belli pro re publicâ suscepti societas, hanc ita sustentantem, ut in ejus maximè virtute, atque audaciâ eâ die stetisse videatur, vinci ab Mazarini satellitibus sinat. *Quæ adversum hunc Radesianus narret, atque ipsi, ac Senatus, Populoque persuadere nitatur, ea ex privato hominis in Condæum odio conficta. Si Condæus cum Mazarino congrueret, nihil opus fuisse tam cruento quod eâ die fiat prælio, in quo ex utrâque parte insignes viri ceciderint, quod indicium sit nihil amplius inter Condæum, & Mazarinum esse, quàm quod videatur, & sentiat, odium*

grande videlicet, isthinc rei publicæ, illinc familiaris per hujus damna augendæ, atque alterius alterum fallendi de pace per simulationem agendo studium. Si Condæus victus erit, deletæque hujus spei, nullam Gastoni reliquam spem nisi in suis cum Rege propinquitate, quod quamvis Aula semper feceris, ipsum satis scire. Quamobrem si se salvum, & honestum, atque item rem publicam salvam velit, continuò opitulandum Condæo, cui jamiam pereundum sit, ni properè Gasto, hunc atque ejus copias recipi mænibus jubeat, atque eo pacto hostium qui longè numero præsent, conatibus subduci. Eâ gratiâ cives arma capere, & ad B. Antonii portam adesse oportere, uti quod factò opus sit, id tuto fieri possit. Ituram igitur se si ipsi videatur, ad publicas Urbis Ædes, atque isthuc ejus verbis imperaturam. Simul annuente Gastone proficiscitur: Urbani Magistراتus virgini auctoritavere, ac cives ingenti studio arreptis armis quò jubebantur, properè contendunt.

Ingens enim admiratio Condæi virtutis, atque audaciæ omnium animos ceperat, quem inter pericula præclarum, atque ferocem eâ die verisari fama per Urbem ferebat: nihil enim in tantâ propinquitate fiebat, quod non subito plerique resciscerent: simul misratio tot nobilium, qui cæsi fuerant, & quorum corpora plebes referri videbat, ejus animos homini magis conciliabat: postremò qui vulnerati fuerant, magnifica, ac propè incredibilia de Condæo narrando plebis in eum studium accendebant. Itaque nullo negotio recipiuntur mænibus Condæi primùm, atque omnis exercitus impedimenta: dein ubi receptui cecinit, copiarum ex disciplinâ iis quos infederant locis deductæ intravere Urbem, Condæo ipso inter postremos cogente agmen. Aurelia virgo ubi Condæus copias deducere cœperat, conspicata regio ad suburbium versus venire, ab Bastiliâ arce tormentis emitti in eos pilas jubet, quibus perterrefacti resistere. Tormentorum strepitus primùm Mazarino persuasit, Urbem Condæo infestam esse, & ut in adversis plerumque solet, misero, victoque insultare plebem: sed factus certior longè aliter hanc sentire, & ipse receptui cani jussit.

Eâ ipsâ quâ pugnatum est die Condæi copiarum pontibus qui ad Urbem sunt, Sequanam traductæ haud procul ab Victoris suburbio castra habuere. Ipse magnificus in Urbe, atque Senatui, Populoque acceptissimus nihil non ab his impetraturus videbatur. Eo inter factionis principes consultatum, quem ex populi secundâ voluntate fructum capiundum esse potissimum censerent. Consilium in publicis Urbis Ædibus haberi visum, eò Gastonem, & Condæum adesse, atque omni ope nitendum, uti Urbs cum his foedere jungatur, dein uti Senatus Gastonem Regi Legatum in Urbe, atque in omni Regno esse velit, donec Mazarinus in cujus potestate sit, abigatur.

Sed Aurelia virgo de Condæo, atque hujus copiis periculo creptis læta, atque præclara huic porrò favere, atque bellum civile alere quantum ipsa posset, decrevit, cumque insensibilis Mazarino esset, rationem iniit, quâ hujus amici, atque fautores dignosci possent: eo cunctos qui unâ cum Gastone patre, atque Condæo rei publicæ studerent, ali-

1652.

quid paleæ suprà se loco conspicuo gestare jussit, quod ipsa cum omni familiâ continuò fecit, atque hujus exemplum secuta omnis civitas est, ita ut cujuscumque modi, atque ordinis viri, ac fœminæ hanc partium tesseram si se salvos, atque honestos vellent, gestare cogerentur: nam qui fortè sine hac per Urbem commeavère, ii ingens ab plebe ad malefaciendum pronâ discrimen adière. Id Gastonis patris jussu, atque ex Condæi sententiâ ab Aurelia factum aiebant, atque ad ea pertinuisse quæ postea facta sunt.

Ambos suprà diximus Senatum perterrere voluisse, uti secùm faceret fœdus: nam quæ in Patres tumultuosè antehac facta fuerant, cùm ab plebe, tùm ab aliis qui in vestibulo Curiaë allegati fuerant, eò pertinuerè; neque aliâ causâ Conventum post nuperam in Antonii suburbio pugnam apud Urbis Ædes habitum iri decreverant, quò ipsi ambo ad futuri erant. Hunc & Senatus item habendum sicuti suprà memoravimus, decreverat, scilicet uti consultaretur, quo pacto posthac tutò haberi, neque ab quoquam agere, ac decernere quod in rem publicam videretur, prohiberi possët: sed & in hujus quanta tum erat perturbatione quonam modo pristina ipsi quies redderetur quærendum videbatur: eo cunctos Urbis Ordines hortari placuit, uti quosdam in hujus Ædes publicas mittere vellent, habendo Conventui, cui Hospitalius Præfectus Urbi adessè, atque huic præessè debebat.

Isthæc non omnino congruebant cum virorum Principum consiliis, quæ de fœdere non modò cum Senatu, sed & cum Populo fanciundo inierant, atque uti Gastonem in omni Galliâ universæ rei publicæ gerendæ Regi Legatum esse vellent. Quò uti Populum adducerent, sicut antehac Senatum, ita & futurum Conventum per homines è plebe, atque ex copiis suis perterrefacere decrevère: hi eâ gratiâ in foro quod ante Ædes publicas est, quâ die Conventus habitus, adfuère. Manè Gasto Stampæum Fertimbaltium Equitum Tribunal miserat ad Hospitalium, qui nuntiaret se post meridiem ad Urbis Ædes cum Condæo unâ venturum, intereâ cupere se nihil consultari, præterquàm de eo cujus gratiâ Conventum haberi Senatus decrevisset, ac dan hujus Legatis qui ad Regem ierant, redeundi ad Urbem spatium, quos magna spes esset omnia bona allaturos.

Consultò Gasto, atque Condæus cum frequenti comitatu quartâ modò post meridiem horâ ad Urbis Ædes venère, ut ne spatium foret, ubi ab his discessissent, quidquam consultandi, nedum decernendi. Plebes cùm allegata, tùm quæ scire perciperet quid in Conventu decerneretur, multa in forum descenderat, omnes paleam ferebant, ex quâ varia quæ ad ornatum virorum, mulierumque pertinerent, qui talia venumdare solent, confecerant. Ipse Gasto sicut alii paleam gerebat, cui ad Urbis Ædes advenienti processit obviam Hospitalius, dixitque comiter, mirari se hunc ad Regis Ædes (nam quæcumque loca publica in Urbe, atque aliò in regno sunt, ea omnia Regis esse censentur) venire cum hac partium tessera, quam sibi haud satis probari Gasto

respondit, neque eo minùs hanc sibi præbitam accepisse.

Dein ingressus conclave in quo Conventus habebatur, ubi assedit gratias Parisinis agit de receptis suis, atque Condæi in Urbem nuper copiis, omnem operam pellendo Mazarino porro pollicetur, paci prætereà cum Hispanis conficiundæ, atque restituendæ quæ tam forè labefactata sit, rei publicæ, postremò sibi omnes Urbis rationes ubi belli civilis conditionibus desinendi potestas erit, potissimum curæ fore: id brevè factum iri si Aula sentiat Urbem secùm, & cum Condæo sicuti res moneat, planè congruere. Eadem propè locutus est Condæus, quibus Hospitalius breviter respondit, Urbem idem adversùm ambos porro studium habituram, ac post eorum ab Conventu discessum de his quæ dixerint consultatum iri. Idem respondit Faber Mercatorum Præfectus, cujus primæ partes in Urbis Consilio sunt, ubi per Præfecti Urbis absentiam quod fieri sæpiùs solet, habetur, neque ubi adest huic unà cum illo moderari definit. Nondum egressis Principibus viris ab Rege Tubicen advenit, cum litteris, quibus jubebat ad Nonas Sextiles Conventum rejici: eo certè qui ad Regem ab Senatu ierant, iis spatium sicuti Gasto se cupere significaverat, dabatur ad Urbem redeundi, neque de re publicâ quidquam tum consultandum videbatur, atque ad eò qui aderant iis territatis nihil opus fuit: sed cum Gasto, atque Condæus fœdus inter se, ac Senatum, Populumque fieri posse diffiderent, nisi utrisque injecto metu, quod eà gratiâ decreverant, ab eo minime discessere.

Primum his septo quo Consilium habebatur egredientibus, è seditionum grege quispiam paleam Hospitalio qui Gastonem officii causâ prosequeretur, exhibet, ut hanc sicuti cæteri gestaret, quam aspernatus Hospitalius ait, unâ se Gastonis verecundiâ prohiberi, quo minùs hunc ab fenestris Ædium in subjectam plateam præcipientem dari juberet. Dein viri Principes Ædibus Urbis egressi dixerè multitudinè quæ adstabat, in his omnes Mazarinistas esse, quod signum tumultuandi fuit. Continuò enim in Ædium fenestras missæ glandes, & qui ad harum portas, & circumquaque in statione fuere oppidani armati, ii subito diffugere: multitudo verò arreptâ quæ in navibus proximis erat materiâ, hanc ad fores Ædium comportat, accenditque.

Hospitalius ante aulæ quæ propior Ædium portam erat, fores trabes prægrandes, validasque disponi transversas jubet, uti firmam munitionem efficerent, quâ freti sclopetarii ipsius Hospitalii, cujusmodi Præfectus Urbi habere solet custodiæ causâ, egregiè propugnarent. Intereà aliis foribus postico Ædium seditiosi ignem intulere, qui cum hos ipsos ab ingressu arceret, huic alimentum quod satis esset, subministrari Hospitalius iussit, ita tempus ad noctem traherebat, cujus beneficio se, atque alios sperabat evasuros, ac tum denique tumultuandi tædium multitudinem capturum. Condæum ferunt apud Gastonem tum fuisse, cui ubi nuntiatum rem ad omnium qui in Ædibus Urbis erant, interneccionem tendere, subito egredi, atque eò properare vo-

1652.

luisse, ut hos periculo eriperet, ac tanto beneficio devinctos haberet, sed Gastonem prohibuisse, sicuti periculosum duceret, Condæum sese insanienti multitudini objicere, seu tantum hujus meritum in eos qui oppugnabantur, esse noluerit. Postremò Aurelia virgo seu sponte suâ, seu patris jussu assumpto secum Belfortio ad Urbis Ædes iit, horâ post meridiem decimâ, quæ multitudinem dimisit, & qui in his usque manserant, iis salutis fuit.

Quidam quia plebi haud ignoti erant, se per mediam multitudinem tutò evadere posse confisi graviter offendere, nam *a* Grassius Luardus Magister libellorum, Petrus Ferrandus Janvrius in Senatu Consiliarius, Robertus Miro Magister in Rationum Curiâ fœdè cæsi ab plebe sunt. Hospitalius priusquam Aurelia virgo adveniret, sub alienâ veste, atque alieno nomine evaserat, ac post paulò discessit ab Urbe, & ad Regem iit, qui hunc collaudatum in Campaniam dimisit, in quâ hunc Condæo, dein Contio Legatum fuisse antehac diximus. Sed ab eâ die factio languescere cœpit, discedentibus ab hac plerisque, ubi vident nihil peius se ab Aulâ, atque ab ipso Mazarino quem omnibus diris devoverant, quàm ab his qui se rem publicam restitutos prædicarent, perpeti posse: nihil enim hominibus vitâ, atque libertate carius est, quæ utraque non in plebeiis, sed in uno libellorum Magistro, in uno ex Senatu, in uno ex Rationum Curiâ violata fuerat. Biduò post Consilium in Urbis Ædibus est habitum denuò ab paucis è virorum Principum factione, cæteris qui huic adesse solent, eò venire abnuentibus, ac maximè Mercatorum Præfecto Fabro, in cujus locum suffectus est Brussellus, simul & Belfortius Urbi ab ipsis viris Principibus Præfectus est creatus.

Dein ubi primùm Senatus est habitus, eadem in Curiâ, quæ in Urbis Consilio infrequentia fuit, & cum ne unus quidem ex Præsidibus adesset, qui de more præficeret Senatui, illius vicem subiit *b* Cavalierus antiquior ex Consiliariis. Gasto, Condæus, ac Belfortius aderant, quibus coràm orationes habitæ graves de nupero tumultu, ac cædibus, quæ nihil in Urbe tutum, ac sanctum esse argumento essent, cum ipsos Magistratus sua dignitas adversum perditorum hominum furorem haud satis texerit: decretum tamen ex sententiâ Gastonis, ut ne quis ex Senatu Urbe decedere vellet, & qui aberant, ii quamprimum redirent, operam rei publicæ navaturi. Quæ Senatus ubi regii antehac propè omnes ad Urbem aditus obsederant, de commeatibus, frumento, pane, atque aliis, quæ ad quotidianum populi victum pertinent, decreverat, eadem uti tum fierent decrevit, atque uti de rebus hujuscemodi Consilium apud Urbis Ædes institueretur, postremò de nuprà seditione diligenter ab Joanne c Laifnéo, & Petro Gilberto Senatoribus quæreretur: id maximè Gasto, Condæusque postulavère, uti seditionem hanc nihil ad se attinuisse omnes cognoscerent. Cùm tamen Condæus se vulgi studia amisisse sentiret, neque suas opes satis firmas uti tanti quod impendebat belli molem per se modò sustinere posset, Battevillam qui

a Le Gras du
Luard.
Ferrand de
Janvry.
Miron.

b Chevalier,
Doyen de la
grâde Cham-
bre.

c Laifné.
Gilbert, C6-
seillers.

tum apud Sebastiani-fanum erat, huic oppido propius Galliae fines Praefectus, certiorum facit, quo loco res suae essent, idem ad Hispanos in Belgio scribit, uti sibi succurreretur: Battevilla Philippum monet res Condæ in angusto esse, qui adeo auxilii ageret.

Ea tempestate ab Indiâ Classis Hispanica Gades advenerat, quæ magnam auri, argentique vim advexerat, quo facilius Philippo fuit aliquid Condæ curare pecuniæ, quâ maximè indigebat, quando uti quidquam in belli sumptum suppeditaret Senatus, Populusque adduci nequibat. Sed ab Belgio a Fuenfaldanius Comes cum exercitu Chalnim venit, oppi-

a Le Comte
de Fuenfaldagne.

dum ad Eliam positum, vix bidui itinere ab Urbe, quò stativa hat uir, loco amœno, atque ad comœtus habendos, cogendosque ex omni circum fertilis soli regione opportuno. Id sufficere visum Hispanis, qui dum auxilia fovendis modò partibus idonea viris Principibus subministrant, rem omnem parcendo corrumpere: nam inopiâ pecuniæ hi Senatum, Populumque territare coacti sunt, quo foedus secum facere vellent, ac pecuniam in belli sumptus suppeditare, quæ res contrâ pacis studium in omnium animis accendit.

Cessantibus igitur Hispanis, nam eorum ad Chalnim adventus nihil, aut parùm ad rem faciebat, item utrimque circum Urbem cessabat, alteris ad Dionysii-fanum, alteris ad Victoris suburbium, circumque castra habentibus, atque ita per otium de pace agebatur. In Urbe plerique omnes de suo in Mazarinum odio aliquantum remisérant, neque tamen pax fieri posse videbatur, eo manente ad Aulam, aut in regni finibus, quia hic unus belli movendi, gerendique titulus fuerat, ab quo discedere haud satis honestum erat. Igitur eò res redibat denique, uti Rex de Mazarini discessu viris Principibus, Senatui, Populoque animum expleret, quo tandem ab armis discederent, atque id saltem, ab Senatu, Populoque factum iri non dubitabat, adeoque pax propè explorata erat: nam viri Principes ab Senatu, Populoque destituti vix quidquam operæpretii porro facere poterant: ceterùm si Mazarinum pelleret finibus, hunc quamprimùm id sine rei publicæ damno fieri posset, in Aulam revocare consilium fuit, sicuti postea videbimus.

Jamdiù Nesmondus, ac Longolius Praefides, atque alii ab Senatu ad Regem missi apud Dionysii-fanum morabantur, opperientes quid ad Senatus quæ ediderant mandata respondere vellet: postremò id factum ab Molæo Procancellario his ferme verbis. *Tametsi Rex probè sciat Mazarini discessum eo peti, uti si hunc demeret, eadem hæc belli porro gerendi causa sit, quod nibilo minus ut ipse abierit, sacros gesturos certo sciat, sicut antebac fecerint: tamen ut animum expleat iis, qui hunc omnium malorum causam esse arbitrantur, adduci se denique, uti Mazarinum abire sinat, jamdiù se de professione fatigantem. Hanc igitur certam esse, ubi provisum fuerit, ut hujus discessu rei publicæ suæ quies constet. Velle igitur Regem qui ab Senatu ad se missi sint: ut hunc de hac sententiâ suâ ac viros Principes faciant certiores, monentque ut & bi ad se mittant, quibuscum agatur: commoraturus interea apud Dionysii-fanum Nesmondum, Longolium, atque alios ex Senatu.*

1652.

Ad hæc ubi in Curiâ sunt recitata, Gasto, *Nihil opus esse respondit, quod quam ab se ad Regem missio, quando neque agendum quidquam, neque postulandum habeat, omnia in Mazarini ab regni finibus discessu sibi esse posita, quod ubi factum fuerit, subito arma positurum, sicuti toties professus fuerit, & firmaverit fidem. Mitti ab se quecupiam eo Mazarinum cupere, uti condones ultro, citroque ferantur, de quibus agendo, tempusque terendo quæ auxilia, atque præstidia rei publicæ adventura sciat, iis moram injiciat, ac suspiciones inter eos qui hanc salvam volunt, more institutoque suo ferere pergat. Consulto retentos tandem qui ab Senatu missi sint, dein datum bis denique ambiguum, & qui bonorum spem frustretur, responsum. Quid enim aliud providendum nisi ut abeat, quo rei publicæ sua quies constet? Pellendo igitur quando abire nolit, Mazarino, Senatu, Populoque sibi conjunctis opus esse: quod ubi ille factum resciverit, tum fore uti quod velle se abire nunc simulet, id verè sibi faciendum esse sentiat. Eodem Condæus dixit, & quod professus fuerit, de ponendis ubi Mazarinus finibus decesserit, armis, satisque Regi faciundo, in eo se porro firmiter, atque constanter manere.*

Quibusdam rei maturandæ placebat, ubi primùm Aulâ Mazarinus discessisset, tum saltem mitti quosdam ab viris Principibus ad Regem, quibuscum conveniret, quo pacto huic facerent satis: posse enim hos nullo suo damno id post hujus ab Aulâ discessum facere, quod ubi finibus egressus fuerit, faciundum denique videatur, sed id obfirmato animo Condæus abnuvit. Postremò decretum est, scribendum ad Nesmondum, & Longolium, atque alios, uti Regi de pellendi Mazarini consilio gratias agerent, atque id uti properè fieret, operam darent: viri Principes Senatus rogatu ad eisdem scribere vellent, sese quod receperint, ac professi in Senatu fuerint, de ponendis ubi Mazarinus finibus excessisset, armis, & quidquid Rex significaverit antehâc, ab ipsis fieri velle, id se sedulò, atque obedienter facturos: ubi hæc ad se scripta, atque mandata Regi exposuerint, atque ipse responderit, ad Urbem redirent, adessentque in Curiâ ubi Patres de omni eâ re consultaturi essent.

Eâ die & jactata quædam in Senatu de tumultu, ac cædibus, quæ nuper & pro Curiâ, & pro Urbis Ædibus patrata fuerant, dictitatumque vix satis liberos, ac ne tutos quidem in sententiis dicendis Patres esse. Gasto id sibi summo dolori fuisse respondit, quod quidem omnes ab naturâ suâ, atque ab omni antea vitâ, ac ratione alienum existimatos confidat. Nesmondus, Longolius, atque alii missi ab Senatu, quæ viri Principes, & quæ Patres ad eos scripserant, ea Regi ordine dixere. Qui scripto respondit, *Merari se, cur viris Principibus grave sit, ad se mittere qui doceant, quo pacto, & quando quæ antehâc ab his fieri se velle significaverit, & quæ sedulò se, atque obedienter facturos receperint, ea exequi consilium sit: rei publicæ enim maximâ interesse, uti Condæus certiorum se faciat, quam ad diem, quove modo ab fadere quod cum Hispanis hostibus iniit, sit discessurus, cum plures legerit ipsius interceptas ad eos litteras, quibus etiam tum hos accersat, sicuti perpetuorum Gallie hostium opera pax, & quies rei publicæ parari possit, satiusque sit in patriæ visceribus hostium arma, quam Mazarinum habere,*

habere, qui hos tam acriter usque oppugnaverit. Sed quando Senatui, Populoque persuasum sit, hunc esse omnium malorum causam, nihil se ab eo quod sit pollicitus, discedere, neque hujus discessum differre in id tempus velle, quo cuncta quæ priori suo responso continentur, confecta sint: cupere modò ut horum conficiendorum prius ratio ineat, atque eà gratià ad se viri Principes mutant, qui hujus rei facultatem habeant: interea ipsi Præsides, atque alii ab Senatu missi manent in Aulà, opperientes quid viri Principibus sententiæ futurum sit.

Venit post paulò Servianus ad Præsides, atque alios ex Senatu nuntiatum Regis verbis perindè huic fore, si viri Principes quod ad se attineat, id per illos agi vellent, ac si alios eà gratià mitterent. Sed Nefmondus, Longolius, atque alii cum Rex ad Esiæ-pontem ab Dionysifano iturus esset, ad Molæum Procancellarium adièrè, ut hujus operà ne eodem proficiscerentur, ab Rege impetrarent: huic primò satis placuit eos apud Dionysifanum manere, opperientes mandata virorum Principum, ac Senatùs, de quibus Regem facerent certiore: dein mutata repente sententià ad Esiæ-pontem uti venirent Rex per litteras jussit: sed hi rescripsèrè supplicantes ut ejus voluntate sibi ad Urbem redire liceret, atque eò singulis sui obire munia Magistratùs, cum cujus rei gratià ab Senatu missi fuerant, de eà sibi reddenda ratio huic Ordini esset, decretum enim acceperant, quoad Urbem continuò redire jubebantur.

Jam antea Senatus tantæ quam apud Dionysifanum agitabant moræ tædio hos ad Urbem redire debere censuerat. Quamobrem Condæus cum equitibus quadringentis eò versum contenderat, ut hos tutò ad Urbem reduceret. Sed ipsis nihil tanto præsidio opus erat, quibus nulla vis fiebat, aut parabatur, sed qui expectabant, ut ad litteras quibus sibi ad Urbem redeundum esse Aulæ significaverant, rescriberetur, atque id ipsis Regis voluntate facere liceret. Postridiè tamen accepto de suo reditu Senatus decreto ad Urbem sunt profecti: reduxèrè Gasto ipse, Condæus, ac Belfortius cum duobus armatorum millibus, ut illis quidpiam ab regiis metuendum fuisset, imperitæ multitudini ostenderent.

Quà die Legationem erant renuntiaturi, præter Viros Principes vocati in Senatum sunt Petrus Seguierus Cancellarius, Pares Franciæ, Urbis Archiepiscopus, atque alii quibus in hoc Ordine sententiæ dicendæ jus est. Cancellarius non adfuit, causatus se nulla Magistratùs sui munia post suum ab Aulà discessum obivisse. Sed Rex gravibus de causis, ac magnoperè ad rem publicam pertinentibus Senatùs Legatos ad Esiæ-pontem venire jusserat, quod & ipsi cum cæterâ Legatione renuntiavèrè Senatui: at hæc gravia, atque ad rem publicam pertinentia quando scripto nihil de his demonstrabant, neque quidquam Rex ad Senatum scripserat, commenta, & artes Mazarini esse plerique dixèrè, atque adeo rectè, atque ordine fecisse Legatos, ubi ad Urbem redierant, ac Senatui paruerant.

Rex autem hos in Aulà adesse volebat, ubi in hujus Consilio decerneretur, uti Quæstio de nupero tumultu, seditione, ac cædibus, de

Zzzz

Ædium Urbis publicarum oppugnatione, atque harum incendio tentato diligenter haberetur, ita ut palam fieret, quinam tantorum, ac tam atrocium facinorum autores, participes, conscii, atque huic culpæ afines essent, ut in eos lege ageretur: Brussellum contra jus, fasque Mercatorum Præfectum creatum, cujus si quæ munia posthac obiret, capitis reus foret: quidquid ab Calend. Sextilibus in Senatu, aut in Urbis Ædibus decretum, factumve esset, id pro non decreto, factove haberetur, sicuti quæ posthac decernerentur, fierentve, usquedum Magistratus qui tumultus, seditionis, ac cædium causâ abierant, in Senatum, Præfectus Urbis, ac Mercatorum Præfectus in Ædes Urbis publicas redirent: postremò ut ne pecunia quæ solvendis urbanis usuris curari solet, in potestate rebellium esset, qui hac in rem publicam abutantur, atque in belli civilis sumptus, quod Hispanorum maximè, atque aliorum peregrinorum militum operâ gerant, hæc cò adveheretur, quò Rex ageretur, ut illis ab ipsis qui hanc administrare solent, rectè creditoribus solveretur, Urbani Magistratus eodem venirent post triduum, ex quo id Decretum promulgatum foret. Hoc decreto Mazarinus, ac cæteri Administristri occurri posse sunt arbitrati virorum Principum, atque factionis in Senatu consilii de Prorege, aut Regis Legato in omni Regno creando. Nihilò seciùs tamen ea res in Senatu acta denique est, consultatumque de summâ Potestate, penes quem tantisper foret, donec Mazarinus finibus pelleretur. Iniquum enim penes hospitem, atque advenam, qui hostis ab Senatu judicatus sit, hanc esse diutius: exuendam tandem aliquando diutinam quam, passus simus ab Administris servitutem, quâ non modò Senatûs, Populique, sed & ipsorum Regum libertatem oppresserint, pro lubidine leges imperando, sicuti nihil ad illos pertineant. Tantum eâ tempestate in Mazarinum odium fuit, ac tantum aliis quàm Regibus parendi sicuti per novissimorum tempora factum fuerat, præ nimia quemadmodum Senatui videbatur, Administrorum audaciâ tædium, ut huic mori finem facere hic Ordo vehementer vellet.

Eâ gratiâ rem planè insolitam aggressus est, neque tamen in tanto prudentissimorum hominum numero inventus est quisquam, qui hanc sibi disturbendam existimaverit. Quidam Gastonem Regentem creandum censebant, quo nomine penes quem Regni Procuratio quandoque esset, cum appellare solemus: alii hujus Imperii nomen ulli tribui posse negabant, nisi per Regis aut pueritiam, aut captivitatem, aut insaniam, quæ in Ludovico nulla erant: postremò cò res rediit, uti Gastonem sicuti antehac per Regis pueritiam huic in omni Regno Legatus fuerat, ita & porrò esse æquum censerent, donec Mazarinus finibus egrediretur, nam statum in quo Rex erat constitutus, pueritiâ, aut quâvis capitis diminutione deteriorem esse aiebant, cum qui cæteris imperitare deberet, is parere homini omnium perniciosissimo cogebatur.

Igitur Senatus decernit Regem haud liberum videri, sed ab Mazarino teneri sicuti captivum: Gastonem rogandum uti Regis, suâque ipse autoritate huic liberando utatur: præterea uti sibi cuncti sicuti par sit,

dicto audientes sint : id omnibus quibus rectè fieri posse judicaverit, modis efficiat, detque operam uti quæ mala ex pessimis Mazarini consiliis rei publicæ impendeant, ab iis hanc sartam, testamque præstet : eo Legati nomen, atque Imperium sicut antehac habeat, teneatque, id in omni Regno, finibusque exerceat, huic cuncti obedientes sint, usquedùm iis ejusque Mazarinus fuerit, quemadmodum Rex pridem edixerit, Senatufque decreverit : rogandum præterea Condæm uti secundùm Gastonem exercitus ducere velit : iterùm Regi per litteras supplicandum uti Mazarinum abigat : invitandas denique cæteras in provinciis Curias ut eadem decernant. Dein sedulò data opera ut ex venditione Mazarini Bibliothecæ, signorum, statuarum, ac reliquæ suppellectilis ea summa corraderetur, ad quam proscriptus antehac fuerat. Sed ego de his quæ temporum vitio contracta sunt, parcam dicere quid mihi sententiæ sit, de quibus posteritas ab omni studio, atque odio vacua æquius judicabit.

At Gasto post paulò dixit in Senatu rogatum se ab hoc Ordine uti Legati nomen, atque imperium in toto Regno, finibusque caperet, exerceretque : quod quidem Regis, ac rei publicæ causâ, & quando id sibi Senatus autor fuerit, lubens fecerit : sed in hac gerendâ sibi ab hoc Ordine Consilium institui velle, ex cujus sententiâ omnia fiant. Super his Hieronymus Bignonus Actor regius pro Cognitore qui aberat regio, & cujus vices tum gerebat alius, Substitutum vocant, Rectè, atque ordine Gastonem Legati nomen, atque imperium Regis, & rei publicæ causâ in omni Regno, finibusque sibi ea tempestate porro sumere ait, qui Regi patruus sit. Nam viros è regia Gente Principes Magistratus nasci, non creati, quibus absque Diplomate regio, aut jurejurando ullo dicende in Senatu sententiæ jus sit. Id satis scripsisse Henricum magnum, priusquam ad Regnum pervenisset : nam per Henrici III. Regis tempora cum Gallia bello civili arderet, quibusdam hortantibus uti rem publicam capeßtere vellet, respondisse sibi quidem isthuc facere jus esse, qui primus in Regno Magistratus esset. Id in Gastone Senatam quæ ejus prudentia sit, atque omnium rerum scientia, agnovisse, cui non Legati imperium detulerit, sed rogaverit, ut id exerceret, jure suo videlicet, atque adeo de hujus rei modò necessitate judicaverit. Hanc certè omnes non cognoscere solum, sed & sentire, cum rem publicam omnem occupaverit Mazarinus hospes, atque advena, & in hac regium plane imperium usurpaverit. Legationis nomen, & imperium in Gastone novum non esse, quod per Regis pueritiam habuerit. Quam cum in eo Mazarinus continuare per summam audaciam hujus potentiam porro sicut antehac exercendo ostendere vellet, ita & Legationis nomen, atque imperium Gastoni continuatum videri. Ceterùm de Consilio quod sibi institui ab Senatu postulet, id ab hoc Ordine deligi baud necessarium videri, sed magis in Gastonis arbitrio positum, quem probitatis, ac pietatis in omni re publica rationem habiturum nemo dubitet, in his quos ad id Consilium lecturus sit, daturumque operam, ut in eo quod ad Regis Majestatem, ac potentiam attineat, id inviolatum, ac sacrosanctum sit. Hac oratione Bignonus quid de hoc omni Legationis quæ Gastoni tribuebatur, negotio sentiret, satis ostendebat : nam id clarè dicere

1652.

illorum temporum iniquitas prohibebat, neque quisquam omnium esset, quem non pigeat nihil profutura proloqui, atque æqua dicendo nihil nisi omnium odium quærere. Bignono magna integritas, atque doctrina, juris divini, humanique peritia, ac præterea maxima eloquentia est, postremò ad hæc ingenii multa bona summa in Deum pietas sicuti cumulus accessit.

Postquàm Actor regius, atque Cognitoris regii Vicarius de more excesserant templo, variæ dicuntur de instituendo Gastoni Consilio sententiæ, ac postremò decretum ut in hujus arbitrio esset deligere quos vellet, atque monere Seguierum Cancellarium, ut ipse huic Consilio pro eo quod gereret Magistratu adesse vellet. Senatu dimisso ipse Gasto, atque Condæus comitantibus qui adfuerant Franciæ Paribus, ad Seguierum adiere, atque hunc de Senatûs Decreto fecere certiorum, rogantes uti suum in eo quod instituendum erat Consilio Magistratum gerere vellet. Is se ad Gastonem post meridiem iturum dixit, cui tum ex sententiâ respondit. Hunc eò adductum dixere, uti daret operam, ne quæ illic consultarentur, ea Regi, ac rei publicæ damno essent, cumque de altero regio Signo fabricando, atque huic tradendo ageretur, id faciendum negasse, atque alia quæ Regi nocitura viderentur, summâ prudentiâ, atque solertiâ disturbasse: tantum in hoc viro supra ulciscendæ quam ab Aulâ acceperat injuriæ lubidinem recti studium fuit. Præter Condæum, Seguierum Cancellarium, Chavignium Administrum regni, Belfortium, ac Nemorosum viros Principes, Rohanum, Brisacum, Rupifocaldum, ac Suillium Duces, ac Pares Franciæ, fuere in hoc Consilio ex Senatu Præsides duo *a* Nesmondus, ac Longolius Maisonius, ex Rationum Curiâ duo *b* Albericus, & Larchierus, item duo ex Curiâ Vestigialium *c* Dorieuxius, & Niger. Huic magnam Consilii regii speciem dabant Gasto, atque Condæus è regiâ gente, ac maximè Seguierus Cancellarius omnibus Consiliis regis, Senatui, atque omnibus regni Curiis more majorum præesse solitus, ac postremò Chavignius Administer regni.

a De Nesmond.
De Maisons-Longueuil,
Præsidents au Mortier.
b Aubry.
Larcher,
Præsidents des Comptes.
c Dorieux.
Le Noir,
Præsidents de la Cour des Aydes.

Sed inter Belfortium, & Nemorosum uter in hoc Consilio alterum anteiret, controversia fuit, quæ eo gravior evasit, quod ambo aliis de causis simultates dudum exercebant: has fama erat mulierem quam prius Nemorosius, ac tum Belfortius amabat, fovere, atque alere, ob amorem aliò ab illo translatus huic insensissimam, neque enim mulieri quidquam intolerabilius est. Quæcumque tandem hujus inter ambos odii causa fuit, id ad alterius cædem denique evasit: hanc patravit Belfortius ab Nemorosio ut inter se decertarent, tantoperè fatigatus, ut id satis honestè se rejicere posse non existimaverit. Tanta enim Nobilitatem Gallicam obsecratio tenet, ut in mutuam perniciem ruere præclarum ducat, modò ut id æquatis inter decertantes numero, armis, atque aliis omnibus fiat. Ita rei omnium pessimæ, atque miserabilissimæ leges sibi constituere, quas pro normâ virtutis, & honoris habeant. Præter ferrum, aut gladium, quo uno in his certaminibus sæpiùs uti

solent, sclopeto breviori se, atque Belfortium ufuros Nemorosius cum eo convenerat, quia nondum ab vulncribus quæ apud Antonii suburbium acceperat, planè sanatus haud satis virium habere se ad pugnam quæ gladio fieret, diffidebat.

Sed ea res huic fraudi fuit, nam qui breviori sclopeto peritiùs Belfortio utatur, nemo omnium est, præterea nihil festinas quod plerisque sæpè usui fuit, Nemorosium priùs glandem sclopeto mittere sivit, cujus ab irato ut ferè fit, temerè emissæ nulla offensio fuit, ipse firmiori quàm in re tam miserà opus esset, animo, manuque in Nemorosium directo sclopeto hominem quâ vita effugeret, attigit. Quatuor simul utrimque nobiles pro alienâ amborum lite decertabant, quâ finitâ per Nemorosii cædem, hos sicuti res monebat, desinere Belfortius iussit, coëgitque : plerique jam vulnerati fuerant, duo vero adeò graviter, uti post paulò interierint. Ita quod esse debuit inter ambos amicitie vinculum Belfortii soror, quæ & uxor Nemorosii erat, id minùs ad alendam illam, quàm ad dissolvendam alienarum mulierum consuetudo valuit, quæ non singulis hominibus modò, sed & quandoque rei ipsi publicæ perniciem attulit. In Nemorosio virtus, an forma præstaret, vix diceret : illius Regi militans præclara sæpiùs exempla ediderat, quam ab Sabaudicâ gente habere visus, nam huius gentis Principibus viris planè virtus generi similis est, forma amorem mulierum conciliaverat, qui huic denique exitio fuit.

Alia eâ tempestate controversia fuit inter Ellebovii filium natu minorem Francicum ^a Rieuxium Comitem, & Carolum Henricum ^b Tremolium Tarenti Principem Tremolii Ducis filium majorem natu, uter alterum anteiret. Ille Lotharingicâ Gente ortus est, quem adeò virum Principem esse nemo dubitare potest : Tremolii verò cuipiam majorum suorum maternum genus ab Neapolitanis Regibus fuisse aiunt, atque adeò sibi rationes expeditas esse quibus Neapolitanum regnum obtinere debeant, quod Hispaniæ Reges contra jus, fasque usurpaverint, eo majores natu filios Tremoliorum, sicuti quondam Neapolitanorum Regum, Tarenti Principes dudum appellatos, quamobrem Tarenti Princeps Tremolius sibi jus esse Rieuxium præeundi contendebat : sed hujuscemodi lites apud nos immortales esse solent, cum dirimi sine alterutrius offensione nequeant. Condæus cui cum Tremoliis ex aviâ affinitas intercedit, dabat operam uti neutri hæc controversia fraudi esset : sed Rieuxius hunc æquiores quàm par esset Tremolio ratus, ubi id graviùs apud Condæum in Gastonis ædibus exposculet, excidère juveni verba acerbiora, quàm quæ tali loco viro dici deberent, quibus exasperatus Condæus haud abstinuit manum, Rieuxius verò stringebat ocyùs gladium, ferro ulturus injuriam, nisi qui propiùs ambos aderant, vaginâ planè educere prohibuissent. At Gastoni hæc nimia adversum virum è regiâ gente Principem Rieuxii audacia visâ, quam hoc in Bastiliam conjecto corrigendam existimavit.

^a Le Comte de Rieux.
^b Le Prince de Tarente de la Trimouille.

1652.

Sed quæ de Legatione Gastoni continuatâ, atque de Consilio instituto diximus, ea si ante labefactatam partium fortunam, atque abalienatos multorum animos in Senatu, atque in Urbe, per nuperos in Curia, deinde in Ædium Urbis vestibulo tumultus, & cædes facta fuissent, profectò magnam factionum rebus famam additura fuisset videntur; sed his corruptis ad restituendas nihil profuere. Ad hoc Condæus per amicos, & clientes in Urbis Consilio impetravit, uti sibi aliquanta pecunia curaretur, hæc ratione ostiorum prout singulis ædibus rhedæ capacia, aut incapacia essent, super illarum domibus imposita est, quæ ubi exigebatur, ea verò magnam homini conflavit invidiam, ita ut in maledicta populus prorumperet, dictitans hanc non rei publicæ restituendæ, sed explendæ ambitioni ab Condæo quæri, cujus modò causâ fortunis, ac sanguine civium abutatur. Quod exactum est haud multum fuit, neque id magni pendebat Condæus, sed Mazarino ostentare maximè consilium erat, se ex voluntate Senatu, Populoque porro usurum, quo quidem ad pacem in leges suas conficiendam nihil magis profuturum credebat, de hac enim tunc cum maximè agebat cum Mazarino per Gualcurium, annitente uti fieret Buillonio, qui ubi cum Mazarino redierat in gratiam, ea ut & inter hunc, & Condæum conciliaretur, magnoperè studebat. Sed quas Condæus porro ferebat conditiones, de Consilio Regi instituendo, de tradendâ Contio Provinciâ, de ornando Marfino, atque aliis clientibus suis, eæ verò duræ Mazarino videbantur: hujus tamen pacis spes Condæum impulit, ut ne festinare sineret eos, qui Mazarini necis mercedem paratam volebant, quæ ex boum Urbem ingredientium tributo colligi debebat, quod & alii disturbavere.

Rex ad Esiæ-pontem moverat, sicuti diximus, uti propior Hispanos hostes esset, quod ad horum excursionses cohibendas pertinebat. Eo facultas Condæo fuit copias suas ab Victoris suburbio, ad Carentonium, & Clodoaldi-fanum suprâ, atque infrâ Urbem ad Sequanam, Matronamque flumina deducere, uti longiusculè ab Urbe, ac faciliùs agitent. Apud & circum Esiæ-pontem stativa regii exercitus cum in oppido, tum in locis vicinis per calores immodicos, ut anni tempus erat Quintili, atque Sextili mensibus, præterea odore tetro, ut ferè sit ex mortuorum jumentorum cadaveribus, aërem statim insalubrem reddere: ex quo morbi graves primùm in vulgus militum, atque Aulæ, ac postremo in primores ipsos grassari cœpere.

His correptus Buillionius mortem obiit, vir Princeps ingenio perindè, atque animo, ac militari scientiâ clarus: sed quamdiù Sedanum obtinuit oppidum magnum, atque valens, cum summo jure, judicioque, tamdiù factionibus studuit, quarum qui principes apud nos fuere, cò receptaculum asperis in rebus suis, aut nondum satis ad bellum gerendum paratis habuere: ubi autem illud creptum, de recuperando perpetua consilia iniit, eâ gratiâ porro similibus factionibus implicatus, in quibus propè omni exactâ vitâ, hanc denique ubi cum Rege redie-

rat in gratiam, finiit. Jamdiù Sectam quam pater fuerat professus, ipse ejuraverat : ita in divinis primùm, ac postea in humanis feliciter respuit. In Urbe Valesius puer filius Gastonis unicus biennio ante natus obiit, magno cum hujus, atque Margaritæ Lotharingæ matris dolore, cujus se participes esse Rex, atque Regina mater utrique missis qui hoc officio verbis suisungerentur significavere, manente inter arma civilia mutuâ inter propinquos caritate: eodem est officio functus Senatus, & reliquæ in Urbe Curæ.

In Aquitaniâ Harcurius porrò rem publicam haud impigrè gerebat: sed sub æstivorum finem ad Villam-novam Aginnensium, seu Nitiobrigum movit, ac circum hanc posuit castra. Id oppidum ad Lotum amnem est, infra Duëonam Cadurcorum, quod oppugnare Harcurio consilium fuit, atque id acriter est aggressus. Sed ad opus maturandum multa defuere, pecuniæ ad necessarios sumptus inopiâ, præterea appetente hyeme scædæ tempestates oppugnantibus intervenere, quibus immensum crescente Loto, fossæ quæ ad oppidum ducebantur, aquâ sepiùs oppletæ sunt. Neque eo primùm deterritus ab oppugnatione Harcurius est, omnia incommoda subeunte alacriter milite, ut Imperatori morem gereret: postremò tamen discedendum ab castris, atque inceptum omittendum fuit. Huic antehac perpetua, atque integra fides adversum Regem, atque rem publicam fuerat, quam nemo majori animo, majori virtute, atque fortunâ usque gesserat: sed vitio humani ingenii evenit, atque alienâ magis quàm hujus culpâ, uti sub anni finem in fraudem incidit.

Renatam a Dubecam anno proximo Brisiacum profectam, atque unâ Sironem, & Furnellum diximus, quæ per hyemem eò commorata est, nihil festinans, ut ne rem quam cum Carlevosio agendam habebat, nimiam properantiâ corrumperet. Interea quam secum adduxerat Sironis rogatu mulierem viduam, ea pulchrè ad Carlevosii perniciem instructa nihil omnium quæ ad amorem conciliandum pertinent, omittebat, omnis industriæ, atque nequitia muliebris prudentissima, neque id frustra fuit. Nam hanc b Carlevosius amare coepit perditè, ita ut nihil gravius huic accidere posse videretur, quàm si Dubeca discedendi consilium caperet. Hæc itaque negotium cujus gratiâ venerat, per otium agitabat, sicuti nihil urgeret, & quas tempus, & dies opportunitates adferrent, opperens.

Interea hominem quandoque docebat, *Quod Rex, atque Regina vellet, juberentque, id faciendum fore denique. Isti huc modò agi, utrum id honoris sui causâ facere velit, atque ad eò sibi tradere Brisiacum, quod in maximâ gratiâ habitura sit, an tempus prolatando hujus rei spem admere sibi, atque alteri daret, quod certè haud satis dignum Guebriani viri in hunc meritis esse videatur. Quas conditiones ipsi tulerit, eas ubi ipse voluerit præstituram: pervelle certè se, uti quid amplius quo hujus animus planè expletur, fieri posset.* Carlevosius sese paratum respondit huic obsequi omnia, sed Regis litteras ad se scriptas hujuscemodi non esse, ut bis unis fretus possit Dubeca Brisiacum rectè tradere. Diplo-

a La Mare.
chale de
Guebriani,
Renée du
Bec.

b Charlevoix.

1652.

mate opus esse, quo Præfecta oppido ab Rege constitueretur: id non se modo censere, sed & amicos omnes, quos ea de re in consilium adhibuerit, atque id eo magis necessarium judicare, quod faminam oppido, ac militibus qui in eo præsidium agerent, præfici, res nova, neque usquæ facta sit. Id responsum quod ad se magis, quàm ad rem pertinebat, & quo se deludi, atque contemni sentiebat, suprâ quàm dici potest mulierem offendit, atque impulit, uti negotium properè confici vellet.

Carlevoſius ad Mazarinum miſerat Centuriones duos, quibus fidebat maximè, uti ſtipendii quod multorum menſium militibus apud Briſiacum debebatur, poſtulandi ſpecie, quid de ſe, atque de oppido quod retinebat conſilii haberet, explorarent, & hunc ſi quâ fieri poſſet, adducerent, ut id ſuæ fidei commiſſum vellet. Sed Dubeca & Carlevoſium, & ejus legatos Mazarino ſuſpectiſſimos reddiderat, ac denique hos in Galliâ, illum apud Briſiacum comprehendendos eſſe perſuaſerat. Id fieri utrobique Mazarinus jubet, ſed apud Briſiacum res difficilis videbatur. Eò Valterum qui Germanis militibus Tribunus erat, Dubeca ad ſuas perduxerat partes, præterea *a* Moiruxium qui Harcurii negotia in Alſatiâ, quam obtinet provinciâ, curabat; de Protribuno Carlevoſii cohortis *b* Builliaco, ac de centurionibus, ac militibus nulla ſpes fuit, nam plerique in hac inveteraverant, non ſicuti commilitones, ſed ſicuti filii ab ipſo habiti, quorum adeò ingens erat in eum caritas, ac ſicuti in parentem pietas.

a Moiroux.*b* Bouillac.

c De Champagne, Comte de la Suze.

Sed hic amori indulgere pergebat, neque ab *c* Campanio Suſâ Comite qui Belfortium oppidum, prædiumque in Alſatiâ obtinet, admonitus id ſibi fraudi fore, deſiit, aut cavit ſibi quidquam. Dubeca quandoque rhedâ veſtâ exibat oppido, ac longiuſculè procedebat, uti regionis amœnitate, atque ſalubritate frueretur: comitabantur ſcilicet Carlevoſius, vidua mulier, atque alii. Ubi patrandæ quam animo agitabat rei tempus denique conſtituit, de more ſe foras ituram edixit, dein ubi appaſſa aderat rheda, quidpiam ſibi interveniſſe negotii ſimulavit, neque eo ſeciùs qui hanc comitari ſolebant, eos, eaſque foras exire juſſit, quod eſt ex hujus ſententiâ factum. Sed poſtquam tribus ab oppido paſſuum millibus progreſſi fuerant, ibi in Sironem, & equites comprehendendo, deducendoque Carlevoſio paratos incidunt: hi arreptis armis minitabundi hunc extractum rhedâ equum qui apparatus erat, conſcendere jubent, dein Siron Philippiburgum hominem abduxit. Dubeca pridie operam dederat, uti plerique centuriones è Carlevoſii cohorte circumquaque, atque ipſe Builliaco Protribunus alius aliâ de cauſâ dimitterentur, ita ut unus modo in oppido eſſet centurio, juvenis is quidem, ſed qui tamen in eo tam difficili, atque aſpero negotio nihil temerè ab militibus paſſus eſt agi. Nam ubi nuntiatum eſt Carlevoſium comprehenſum, abductumque, continuò ab omni cohorte arma ſumi jubet, ſtationibuſque ad portas firmatis, qui frequentes fuère in plateâ milites, eos ad Dubecæ ædes deducit, ac circumquaque cuſtodias collocat: tantus erat omnium in eam furor, uti vix atineri potuerint, quin fa-

cinus

cinus admitteret in muliere miserabile: sed maximè viduam cujus amore Carlevosius in fraudem inciderat, ad eadem deposcebant, quod est ab centurione prohibitum. Interea alii qui circumquaque dimissi fuerant, centuriones redièrè, atque ipse Builiacus Protribunus, ex quorum omnium sententiâ Dubeca postridiè ejecta oppido est, quæ primum Neoburgum, dein Basilicam concessit.

Sed hæc eò non despondit animum, ac tam magnificè, atque elato animo de factò suo ubique scripsit, uti non uxorem Guebriani, sed hunc ipsum redivivum cum imperio, atque exercitu esse diceret: equites quos Septemvir Brandeburgicus nuper dimiserat, se mercede conducturam aiebat, sicuti postea fecit, Pertæum Sannectarium qui propinquam cum exercitu obtinet Lotharingiam, aut venturum sibi subsidio, aut partem copiarum missurum, Faugium qui Lotharingis equitibus in Alsatia præerat, item sibi militaturum prædicabat. Isthæc Helvetii vicini credidèrè, atque ad eam legavèrè postulantes uti nec Lotharingos, nec Brandeburgicos equites aut in suos, aut in Episcopi Basileensis fines excurrere sineret. Id illa sibi amplum, atque præclarum rebatur, sed simul intelligebat quantum apud Brisiacum offendsset, nam illic pejore loco res esse nequibat: oppidum validissimum nuper Austriacis ademptum quibus hujus recipiendi summum erat studium, planè erat in potestate Builiaci Protribuni Carlevosii cohortis, atque ejusdem centurionum, ac militum, neque quidquam hos prohibere poterat, quo minùs id cui luberet, venum darent, quàm in Tribunum fides, caritas, pietasque, nactos videlicet spem hujus recuperandi si Brisiacum retinerent.

Igitur animus quidem Dubecæ superabat, sed argentum, atque consilium deesse sentiebat, quorum alterum aut nullum, aut parvè de more ab Aulâ præbitum, alterum ab Sirone scilicet datum foedè evenerat, utrumque adeò querere aliò decrevit, apud Labardæum videlicet Regis ad Helvetios Legatum, qui haud procul Solodori agitabat. Hunc crebris ad colloquium litteris elicere tentavit, sed is se in rei perditæ societatem cum Dubecâ haud sapienter venturum existimavit, de qua ubi integra erat, nihil ab eâ fuerat consultus. Diem, illa locumque colloquio constituerat, seque eò Sironem adducturum adscripserat, addideratque tantam esse homini in his quæ sentiret pertinaciam, ut in alterius sententiam adduci nequaquam posset. Labardæus colloquium fugiens rescripsit, frustra igitur id habitum iri, cum nihilo minùs, ut aliquid rectius Dubeca, atque ipse sentirent, tamen eo quod Sironi videretur, standum foret. Hic Siron homo vanus, levisque est, ex eorum grege, qui se ad Mazarinum applicavèrè, & qui per hujus clientelam clarescere, ac ditari student.

Interea a Moiruxius negotiorum Harcurii curator, de quo suprà memoravimus, seu Sironi, atque Dubecæ autor fuerat Carlevosii Philippiburgum deducendi, seu id sponte sua fecerant, è re natâ præclaram orditur fabricam. Philippiburgo Harcurius Præfectus est, cujus vice

Aaaaa

a Moiroux.

1652.
a Le Comte
 de Cerny.

oppido præerat *a* Cernius Comes : eò Moiruxius subito proficiscitur, atque unà cum Cernio Carlevosio suadet, uti si se saluum, atque honestum porro velit, Harcurio dedat in clientelam, & fidem, huic Brisiacum tradat, aut potius tam generoso, ac grato homini tradendo retineat : nihil ipsi ab Rege, aut ab Mazarino sperandum, delusà priùs ab ipsomet, dein pulsà ab ipsius militibus Dubecà. In hæc datà fide, atque acceptà, nam quò aliter hinc evaderet nihil Carlevosio veniebat in mentem, atque composito inter se uti res ex sententià eveniret, dolo, Cernius Brisiacum petit, fingitque eò se venire, uti tumultum ex abducto Carlevosio sedet.

b Le Comte
 de Moret.
 Du Bec.

c Le Marquis
 d'Arson.

Builliacum Protribunum hujus cohortis, ac centuriones, militesque benignè appellat : hi nihil primò acerbius dicere, aut facere, dein repente tumultuari, crudeliter minari Cernio, atque retinere hominem, donec Carlevosius reducat. Inter hæc Dubeca cùm secum ipsà reputasset, quàm novum, atque insolitum videretur si foemina oppido, atque militibus præesset, *b* Moretum Comitem fratris filium acceperat, qui cum Diplomate regio advénit quo ipse Præfectus Brisiaeco creabatur. Igitur priùs aditâ apud Basilæam amitâ Philippiburgum venit : sed huic neque oppidi ingrediundi, neque Carlevosii appellandi copia fuit, neque alio pacto ubi Brisiacum venit, cum eò actum est. Sed ubi apud Philippiburgum *c* Arsono Marchioni Cernii filio nuntiatum est, quàm acerbè apud Brisiacum Builliacus, ac centuriones, militesque Carlevosii cohortis cum patre agerent, simulans se metu adductum, ut ne quid gravius in eum consulerent, eò Carlevosium reduci jubet, quò & Cernius mansit. Operæpretium erat Dubecæ Brisiaci præsidium, & comætu, & pabulatione, & lignatione prohibere, atque impedire, ut ne collationes fieri solitas exigere possent, quod quidem Faugius cum equitibus suis seu amicus, seu hostis, seu neutrum esset, magna ex parte faciebat, collationes ipse ab Alsatiæ incolis corradens, præterea Brandeburgici de quibus memoravimus, equites eodem officio naviter fungebantur.

Helvetii viri graves, prudentesque, neque soliti tantas in propinquo sentire turbas, ubi vident Gallos, Germanos, Lotharingos in finibus suis armatos haud satis dijudicare quid eorum, quid regæ ditionis esset, & quandòque popularibus suis, ac maxime Basileensibus inferre damna, Conventum apud Balnea indicunt, ab singulis Civitatibus, ac Pagis quidpiam militum in præsentia scribendum decernunt, qui Basileensibus, & Episcopo Basileensi præsidio sint, cæterum ad duodecim millia hominum parata esse jussere, qui ubi res publica postularet, subito in unum cogi possent. Addidère sibi muniunda esse loca omnia, quæ tuendis finibus suis idonea viderentur, quod ita perscriptum fuit, ut & in alieno solo, perindè ac in suo id sibi faciundum esse statuerent : dein Decretum cum Labardæo Regis Legato communicavere. Is duo in eo reprehendit, primùm quod Protestantes juxta, atque Catholici auxilium Basileensi Episcopo decernerent, cui cum Catholicis modò foe-

duſ intercederet, præterea quod & in alieno ſolo loca munire ſibi licere arbitrantur: ſed hæc leniter & reprehendit, & queſtus eſt Labardæus, probè ſciens quæ ſine aliquo ſumptu fieri nequeant, ea ab Helvetiis facilè omitti, ſicuti de hoc Decreto accidit.

Inter hæc Dubeca Baſilæa diſceſſit denique, atque in Galliam rediit, pro uno duos qui Briſiacum obtinerent Cernium, & Carlevoſium, atque plenam armis relinquens Alſatiam. Sed eò venit poſt paulò Margarita a Cambultia Poncaſtella Harcurii uxor, quam ad Briſiacum præmiſerat: hæc antiqua & virtute, & nobilitate fœmina eſt, tanto, ac tam forti viro digniſſima, quæ tamen Moiruxii conſilio uſa aliena attingere nihil penſi habuit. Scripſit enim ad Labardæum, orans uti ſibi adjumento eſſe vellet, quo Girollus Baſilæa pelleretur. Hæc Urbs Helvetiorum eſt, apud quos cùm Labardæus Regis Legatus eſſet, hujus erat quidquid eò ad Regem pertinebat curare, neque fas erat cuiquam id ſibi ſumere, ac multò minùs mulieri, quæ viri noxæ implicata erat.

a Du Camboult, de Pont-Chafreſeu, Comteſſe d'Harcourt.

Cæterùm Girollus apud Briſiacum, atque in Alſatiâ Quæſtor fuerat, qui poſtea Condæo ſeſe dederat in clientelam, & fidem, atque huic apud Helvetios ut ne cuncta Regi ex ſententiâ procederent, operam daturus videbatur. Sed cùm hæc Condæo nihil uſque profeciſſet, nihil item feſtinabat Labardæus illum abigere, quem magis in viam reducere conabatur, quia propinquus erat homini, quem ſibi colendum, atque obſervandum ſemper exiſtimavit. Igitur Cambultia ad Baſileenſes de Girollò abigendo ſcripſit, quibus tametsi videbatur inſolitum fœminam rêm publicam tractare, ac maximè quæ Regis injuſſu Briſiacum veniſſet, benignè tamen huic reſcripſere, Urbem ſuam patere omnibus, neque ſe ſatis ſcire Girollum quidquam adverſum Regem moliri. Poſtremò ubi Girollus ſe Condæi negotiorum curatorem eſſe Helvetiis per litteras ſignificavit, ibi verò Labardæus ad Baſileenſes ſcripſit ſerò, orans, ac Regis verbis poſtulans, ut hunc confeſſim abigere vellent, quod tum Regi, atque ejus Legato rectè poſtulanti ſunt obſecuti.

Excunte Decembri denique Harcurius ab Aquitaniâ Iſlabono fratris filio exercitu regio permiſſo Briſiacum venit, quod quidem feciſſe tantum hominem dicere piget, pudetque: ſed quidquid in eo pravi fuit, id Moiruxio rectè aſſignaverimus, qui totum hoc negotium ſuo magis, quam Patroni conſilio, judicioque conceſſerat: ſi quid autem boni, quod videlicet Briſiacum in hujus poteſtate poſitum minùs opportunum hoſtium technis fuit, quàm cum penes Carlevoſium, dein penes Builiacum erat, id verò rectè Harcurii fidei tametsi labefactatæ tribuerimus: nam neque Auſtriaci, neque Hiſpani, neque propinquus ipſius Carolus quondam Lotharingæ Dux quidquam quantâvis oblatâ mercede hominem movère, uti Briſiacum his tradere vellet.

Harcurius antehæc id ſibi permiſſi poſtulaverat, cui Præfeſtus foret, cùm aliud nullum in Alſatiâ oppidum eſſet, quo ſatis tutò, ac ne honeſtè quidem poſſet agitare, puderetque virum Principem quam

1652.

obtinebāt provinciam, in eā esse qui Brisiaco fretus sese longè potentior haberetur, eo tunc hujus habendi occasionem sibi oblatam haud dimittendam existimavit, neque hanc ingratam fore Mazarino, postquam Dubeca & oppidum, & provinciam omnem in maximum discrimen adduxerat, quod tradito ipsi Harcurio Brisiaco proculdubio desierat : præterea magna erant Harcurii in Mazarinum merita, quo fiebat, ut huic haud molestum fore crederet, eò rem rediisse, ut ipse Brisiacum obtineret.

Eā tempestate Carolus Ferdinandus Austrius Tirolis Princeps misit ad Regem, qui trigecies centena librarum millia ipsi curari flagitarent, ex Monasteriensis Pacis legibus, in Alsatiæ, atque Brisiaci quæ prius possederat, æstimationem. Sed cum Rex ob temporum iniquitatem tunc solvendo non esset, Carolum Ferdinandum oravit, ut eam rem in aliud tempus rejici ne gravaretur : interea Philippum Hispaniæ Regem ab suo qualecumque sit, super Alsatiâ, & Brisiaco jure discessurum, quod usquè defuerit, uti Rex quam Carolus Ferdinandus flagiter summam, eam solvere teneatur : vulgo creditum est, id factum ab Carolo Ferdinando, uti si qua recipiendi Brisiaci, atque Alsatiæ inter has turbas opportunitas foret, eam jure captasse videretur.

Rebus in Galliâ tantoperè perturbatis Hispani non modò operam dedere, uti viris Principibus esset, quo bellum porrò aut gerere, aut certè defendere possent, sed ut & ipsi quæ diuturno adversum nos bello perdiderant, ea dum in civile averfi omnes Regni opes in mutuum perniciem nostram consumebamur, reciperent. Eo Leopoldus ad Gravelingam Fuenfaldanum Comitem, & Linxum Principem, atque Sfondratum Marchionem octo millia peditum, ac tria equitum ducere jussit : hi Bassignium Comitem Audomari-fano Præfectum in propinquo cum parte equitatus præmisere, ut omnes ad oppidum aditus obsideret : dein ipsi subsecuti quaternis castris oppidum circumsedere. Ab mari Joannes Almaræ Ostendæ Præfectus, quæ & in propinquo ad mare posita est, ante Gravelingæ portum stationem navium habuit, altera statio navium ante Dunkercæ portum fuit. Dunkercæ supra, & Icius portus infra Gravelingam est : alteri & Ludovicus Bethunius Charostus Comes, alteri Godefredus Estrada Præfecti sunt, ambo vigilantissimi.

Sed Gravelingæ oppugnatio magis ad Estradam pertinebat, probè scientem sibi oppidum captum foret, aut deditum hosti, hunc subito ad se venturum : quo magis id sibi pro virili prohibendum intelligebat. Jacobus Russellus Granæus Equitus Tribunus Gravelingæ Præfectus aberat, qui ubi in Normanniâ quò agitabat, nuntiatum est hanc obsideri ab Hispanis, aliquo militum coacto numero eò proficisci decrevit : sed neque id, nec quæ apparabantur in Britannia, atque Normanniæ orâ, atque apud Icium portum naves usui fuere, uti Gravelingæ succurreretur. Leopoldus ipse ubi castra vallo, fossâque munita fuere, advenit, atque rem omni ope maturavit. Ubi huic disturbandæ Estrada videt nihil ab Aulâ satis festinari, ipse cum haud tantum haberet

a Le Prince
de Ligne.

b Calais.

c Le Comte
de Charost
de Bethune.

militum, uti Dunkercam posthàc, atque tunc Gravelingam deffendere possët, Mardicum Castellum quod est inter utramque medium, in cuius præsidio trecenti pedites erant, disjiciendum sibi statuit, quo tantumdem armatorum Gravelingam mittere possët. Id modò huic obstabat consilio, quod Mardicum inter, & Dunkercam trecentorum equitum præsidium hostes habebant, ab Mardico autem ad Gravelingam mille equitum, quos in tria secundùm maris littus distribuuerant loca.

Sed ipse illos trecentos equites sese facilè pulsurum confidebat, dein ubi propiùs Mardicum adveniret, ibi cuniculis sub Castellum actis id disiectum iri, cum ingenti fragore, quo equites hostium tribus in locis distributos commotum iri probabile erat, atque ad Mardicum versùs advoluturos, rei quæ ageretur pernoscendæ causâ: tum trecentos pedites ad Gravelingam ducendi opportunitatem fore. Estrada cuniculos sub Castellum agi jussërat, atque tormenta cum omni militari instrumento Dunkercam advehi. Ubi igitur cuniculis est admotus ignis, momento temporis Castellum cum horribili sonitu disiectum est, ædes incensæ, atque terribilis loci facies facta. Intereà Estrada cum idoneo peditum, equitumque numero pulsus qui Dunkercam inter, & Mardicum in statione erant equitibus circum Mardicum advénit.

Eò ubi cæteros equites quos ab alijs præsidijs Mardicum inter, & Gravelingam dispositis rei quæ illic agebatur visundæ, atque cognoscendæ venturos providerat pugnando distinet, trecenti pedites nostri ad Gravelingam evasère. Hos Villierus in Prætorianorum Legione centurio, atque alii centuriones quatuor ductavère, qui adhibitis viarum peritis amnes tres in mare decurrentes vadis transière, & ad pontem quâ in hostium munitiones ingressus erat, turmam equitum, atque pedites centum qui in statione erant, fudère, atque ita oppidum ingressi sunt. Ab hac expeditione Estrada ubi Dunkercam redierat, milites omnes qui Urbi præsidio erant accuratè recenset: quid instrumenti militaris, quid annonæ essët, cognoscit: frumentum omne in publica horrea conferri jubet: tria hominum, scæminarumve millia, quæ in oppido nulli usui essent, abigit: circumquâque dum licet excurrit, atque comeatum Dunkercam advehit: quos Hispani in castra sua advehebant nonnullos intercipit: prorsùs omnia fecit sedulò, quo Urbem adversùm imminentem ab hostibus vim muniret.

In Aulâ omnem dabat Mazarinus operam, uti Gravelingæ quid auxilii præberetur: Hocquincurius ab operæpretio apud Stamparum suburbium factò cum quingentis equitibus in regni fines dimissus fuerat, qui Mondejoco Atrebatibus Præfecto, ac duobus millibus peditum fretus, præterèa omnibus quos cogere possët in his regionibus, conaretur quidpiam subsidij Gravelingam introducere, intereà dum apparantur ubique naves, quæ ampliora deveherent auxilia. Sed pecuniæ inopiâ nihil satis festinabatur, quo factum est, uti a Valiberto Gravelingæ Propræfectus omnia sibi, atque præsidio honesta pactus oppidum denique hostibus dediderit: octingenti sani, ægrive oppido discessère, cum

a Valibert.

1652.

tormentis tribus, atque Iciuni portum in propinquo deducti sunt: duo millia hostium partim caesa, partim ab morbis circum Gravelingam absumpta sunt, ac plerique inter eos qui ordines duxerant: Sfondratus Marchio tormento ictus interiit, vir inter hostes magna virtutis opinione.

* Le Chevalier de Neuchâsse.

Eâ tempestate Daugnionum qui Condæi sectam sicuti antehac memoravimus, sequebatur, apud Broagium, circumque ea loca classem apparare fama erat, atque Hispanicam opperiri, uti conjunctæ hostilia facerent. His uti resisteretur, Vindocinus quem rei navali in Galliâ Præfectum esse diximus, in Armoricas civitates est dimissus, qui in omnibus hujus regionis portibus naves conquireret, instrueretque. Quâ in re bonâ, atque sollicitâ * Neuchâssii è Melitensi Militiâ, qui ipsi Legatus fuit, operâ usus est, qui viginti tres naves grandiores, incendiaras duodecim coëgit, in his milites, & nautæ affatim fuere. Hispani autem cum Daugniono haud procul Broagio classem habuere, grandiores videlicet naves septemdecim Hispanicas, Neapolitanas, & Dunkercicas.

Nostri circum Ream Insulam erant, cum est nuntiatum hostes adesse: ibi sublati anchoris propiores factæ inter se classes cum horribili strepitu, atque ingenti fragore tormentis pilas emittunt: nebula Oceano incubantem ex quâ collucere ignes, atque fulmina hinc inde jactari crederes, quod ab luce primâ ad noctem duravit: tormentis modò actum, nam ut ne cominus prælium fieret, navesque jungerentur, utrimque cautio fuit: Hispanica una incensa, una Neapolitana capta, ac post paulò depressâ, Hispanica classis silentio noctis abscessit. Vindocinus quoniam pecunia alendis sociis navalibus, atque ad alios necessarios sumptus deerat, naves in Armoricarum Civitatum proximos portus dimisit, unde post paulò ad Diepam ductæ sunt, uti Dunkercam commeatûs deveharent.

Hanc post deditam sicuti diximus Gravelingam Hispani oppugnatum ire, cò Ferdinandus Solis præmissus ab Leopoldo cum quatuor peditum, duobus equitum millibus ab Dunkercâ passuum millium intervallo castra ponit, stationes circumquaque disponit, firmatque, pontes super rivos, præterea fossas, turres, & castella instituit, ita ut oppidum aliquo spatio circumvallatum esset: clausum erat ab statione quam diximus navium mare, neque ulla advehendorum commeatuum copia erat: quo factum est denique, uti brevî omnium rerum inopiâ qui in oppido, erant laborarent: inde morbi graves, atque ipsa orta pestilentia, quæ in diebus undecim mille ex duobus millibus milites absumpsit, cæteris ita fatigatis ob continuas excubias, vigiliæque, uti nihil propè virium in his superesse videretur.

Eo adductus Leopoldus octo peditum, tribus equitum millibus fretus non jam obsidione, sed oppugnatione apertâ oppidum adoriri decrevit: fossæ igitur ab quatuor partibus duci cœptæ, ad singulas partes mille pedites per vices excubantes, ac tormenta decem fuere, appara-

tus etiam multis, atque integris defensoribus terribilis, nedum septingentis in tam vasto moenium ambitu, qui vix arma sustinere possent, victi malis ex perpetuo vigiliarum labore, nam iisdem manendum in stationibus erat, scilicet paucioribus, quam ut id fieri per vices posset. Ita sæpius res propior seditionem fuit, his omnia detrectantibus, ni Præfecti exemplum, amor, atque autoritas attinuisset. At hostes confisi nihil superesse animi nostris, quo satis propugnare possent, ab tribus partibus externum fossæ oppidi latus oppugnare: Hispani, atque Italici eò locum occupare, sed pulsi primum, dein cum fessis integri successissent iterum fecere impetum, ac loco potiti sunt.

Ibi verò Estrada conspicatus hostes jam eò munientes erumpit ipse oppido, & cum eo plerique ex his qui ordines ducere soliti erant, ac præterea milites quinquaginta, qui unâ omnes tanto impetu in hostem inveci sunt, uti post atrox utrimque prælium, & septem eorum qui ordines ducere soliti erant, ac viginti quinque militum cædem, vulnusque in femore ab ipso Estradâ ex glânde sclopeto missâ acceptum, hostes pepulerit. Postremò fatiscenibus præter Præfectum cunctis, qui obfirmato ad retinendum oppidum animo, nihil cæterorum necem pendere videbatur, sibi consilium cepere tres gregarii milites, & cum hoste de tradendo huic oppido egere, quâ re Præfecto patefactâ, de his more majorum supplicium sumpsit.

Sed jamdiu militibus panis paucillulûm dabatur, qui ab diebus quindecim hordeaceus erat, neque hordei multum restabat, quo porrò confici posset. Igitur Estrada omnibus centurionibus in consilium adhibitis, ex hujus sententiâ de deditione egit cum hoste, his videlicet legibus. Ni sex proximis diebus quid auxilii oppido adveniret, id septimo dederetur, interea usquè induciæ essent. Centuriones duo ab Estradâ, alter ad Almontium Equitum Tribunum Icium portum, alter ad Vindocinum qui classi regiæ præerat Dicpam de auxilio mitterentur. Opportunè uterque advenire, Almontius enim annonam quæ per sex menses præsidio apud Dunkercam satis futura esset, ac mille, & quingentos milites vectoris apud Icium portum navigiis imponi curabat, qui ab classe regiâ Dunkercam deducerentur.

Nihil dubii erat, quin eò nostri portum ingrederentur, quoniam haud difficile fuisset his stationem Hispanicarum navium quæ eò præsidium agitabat, amovere, ni Britannica classis prohibuisset. Philippus Hispaniæ Regis Legatus apud Londinum ab Cromvello, Britannisque postulaverat, *Uis Regi suo adjumento esse vellent, quo Dunkercam recipere posset: hanc præpò deditam dicere, quæ post sex induciarum dies tradi debeat, ni auxilii quidpiam interea introducat, quod ut ne fiat in eorum manu esse, quæ lassum in eo quod Galliam, atque Britanniam interjacet freto habeant, belli quod adversum Socias Civitates gerant causâ.* Cromvellus ob Carolum Britannicæ Regem qui in Galliâ agit, haud satis æquus nobis erat, metuebatque uti Rex sicubi ab civili, externoque bello vacuus foret, Carolus propinquum in Britanniam reducere vellet: postremò agrè erat Britan-

1652.

nis Dunkercam penes nos esse, ut ne maritimæ opes Régilcrescerent rem Britannis molestam, qui maximam, atque opulentissimam toto Oceano incolentes Insulam, illius se Principatum obtinere dictitant, quem omni ope sibi tuendum esse putant.

Igitur Cromvellus de classis Gallicæ ad Dunkercam cursu prohibendo facîle Hispanico Legato auscultavit, ac Blaco Britannicæ Prætori præcepit, ut ubicumque naves Gallicas nactus foret, eas oppugnaret. Hæ ab Diepâ Icium portum advenerant, adductisque velis anchoras jecerant, quæ ad auxilium Dunkercam introducendum apparatus in portu fuerant, eas opperientes, cum Britannicæ naves nihil hujuscemodi suspicantibus intervenere, atque omnes cepere, præter tres, quæ maturè sublatis anchoris, aut præcis quibus religabantur funibus, ad Flessingam Sociarum Civitatum portum diffugere. Sed religio fuit Britannis, nihil indicto antea nobis bello, id improvisò, ac nullâ de causâ sumpsisse videri: præterea cum id adversum Socias Civitates gererent, his Regem adiutorem esse haud quaquam ipsis conducebat, cum præsertim haud satis pacati Britannicæ populi essent, neque satis certi Regem, an libertatem mallent, cujus imaginem ipsis Cromvellus ostentabat, re autem ipsâ regia omnia munia exercebat.

Quamobrem hujus voluntate Blacus retentis navibus Gallicis, & quæ his vehebantur omnibus, homines modò qui in his fuere Icium Portum remisit, nihil Britannis, cum Gallis esse belli dictitans, sed multa ab his qui piraticam fecerint, illis erepta, in quorum æstimationem naves Gallicas cum omni onere retinere sibi jus esse censuerit, donec causâ cognita, quod usque Galli abnuerint, de hujuscemodi contra justum gentium factis prædis Britannis fiat satis. Interea quod maxime Cromvellus studuerat, auxilia quæ Dunkercam vehenda erant, prohibita sunt, atque oppidum Hispanis ubi induciarum dies exierat, deditum. Post Dunkercam deditam Leopoldus sub tectis exercitum habuit tantisper, reficiendis ex diuturno labore militibus in Bergenfi, atque Casselensi agris: dein rursùm coacto exercitu, versum Boloniensem in finibus nostris agrum movit, atque apud Teroanam habuit castra: postremò inde recedens a Linæum Principem cum quatuor equitum, ac peditum millibus dimisit in Picardiæ fines, quo regiarum copiarum partem averterent, ac tanto pauciores virorum Principum exercitui oppositæ essent: hic, ac regius exercitus circum Urbem agitabant, sicuti bonum, atque commodum esset, mutantes castra, ipsi Urbi, atque accolis graves.

Interea Mazarino consilium fuit, uti Rex Senatum ad se venire, atque haberi tantisper ad Esiaë pontem juberet: id huic autorem fuisse aiunt Nicolaum Fouquetum Cognitorem regium: si Senatus abnueret, sicuti futurum videbatur, Præsides duos, atque Consiliarios quatuordecim ab cæteris seceverat, quorum alii crebris in Urbe seditionibus, factisque nuper cædibus perterriti, alii præmiis illecti, quæ ingentia Mazarinus iis quorum operâ indiget, facîle pollicetur, cuncta ex ejus sententiâ facturi videbantur. His Præsidibus, atque Consiliariis, libellorum

a Le Prince
de Ligne.

Iortum Magistros, qui plerumque Aulae obnoxii sunt, adhibere decreverat, quibus omnibus Procancellarius Molæus præfideret: hunc Magistratum numerum satis superque esse, qui abnuentibus eo quod accederentur, venire cæteris Patribus, Senatum apud Esix-pontem haberent.

Pacificante antehac Condæo memoravimus ab hoc Mazarinum postulasse per conditiones futurae pacis, ut aut ab Senatu in Urbe, aut per Divionensem quæ in illius potestate esse videbatur, Curiam hunc extrâ noxam esse causâ cognitâ decerni curaret, quod quidem per ejus absentiam factum iri Condæus reciperet, nam Mazarinus uti Senatui, Populoque animum expleret, jam tum tantisper abire decreverat, dein Galtonis, atque Condæi voluntate redire. Sed cum id frustrâ fuisset, ejusdem rei agendæ aliam inire videbatur rationem, eorum videlicet operâ, qui ad Esix-pontem Senatum habituri erant: nam ubi nuper hic Ordo ad Regem miserat, qui illum abigi postularent, iis ita responsum fuerat, uti Mazarino sese purgandi consilium esse omnes satis intelligerent, atque eâ causâ Regem jussisse, uti quæ adversum illum ex Senatûs Decreto quæsitæ fuerant, ea ad Procancellarium quamprimum mitterentur.

Sed missum est denique ad Cognitorem regium in Urbe, aut ad ejus vicarium Regis Edictum, quo Patres ad Esix-pontem venire jubebantur, eo Senatum posthac habituri, quod Edictum nusquam in Senatu recitari, aut promulgari siveret. Rex igitur ubi hos eam rem dissimulare videt, qui apud Esix-pontem erant, eos Senatum habere jubet. Illic recitatur, ac promulgatur Edictum, quo omnia in Mazarinum ab Senatu decreta, ac præterea multa de re publicâ, tam in hoc Ordine, quàm in Urbis Aedibus item decreta, factave fuerant, ac maximè de Legatione Gastonis, atque Imperio Condæi apud exercitus regio planè rescindebantur, prohibebaturque cives cuiquam præterquam Regi obediens, aut dicto audientes esse, vel quibus potestates, & imperia ipse mandasset, postremò ut ne ullis Decretis, nisi Senatûs qui ad Esix-pontem haberetur, stare, qui ex Senatu manserant ad Urbem, eos sine ullâ jurisdictioni, aut publicæ rei quidquam attingendi facultate esse significabat.

Ubi Patres ad Urbem rescivere alterum apud Esix-pontem Senatum haberi ab his qui eo abscesserant, immane quantum iis maledixere, desertores, ac proditores appellando, qui rem publicam evertant, Regni leges dissolvant, jura violent, postremò indigni sint, qui posthac ullos unquam Magistratus gerant. In hanc igitur propè sententiam Decretum fit; Qui apud Esix-pontem convenerint, iis interdictum Senatu, nomina eorum de tabulâ Senatorum eximerentur: ipsi, & in quos Magistratum posthac conferrent, ii indigni haberentur, qui in amplissimo Ordine hunc, aut alium gererent, nisi si illi ante octiduum ad Urbem, & in Senatum redire vellent. Nihilò secius apud Esix-pontem habetur porrò Senatus, qui ab Rege denique uti Mazarinus finibus pellatur, aliorum qui ad Urbem manserant, exemplo postulat: sed ea

Bbbbb

1652. res ex composito fiebat, nam is Regis, & Reginae matris, suâque ipse voluntate lubentissimus, atque ubi vellet redire certus abiit.

At isthic mirari lubet non modò plebi, sed & viris gravibus per dolum, & fallacias quod verum, & bonum est, quandòque insinuandum, ut id dignoscant denique, atque huic acquiescant. Nam & verum, & bonum in Mazarini negotio fuit, uti si rem publicam pessum dedisset, planè hunc Rex abigeret, aut pejùs haberet: sin hanc benè gessisset, hunc nequaquam ex virorum Principum, Senatùs, Populique lubidine dimitteret. Sed humani ingenii vitio evenit, uti primùm Rex hunc se dimissurum profiteri Edicto cogeret, atque dimittendum Senatus omnium in hunc odio permotus decerneret, quod est firmatum ab Rege, atque Regina matre, atque ab ipso Senatu sapius, & tametsi id haud satis æquum fuit, atque id ipsum Senatus apud Esia-pontem sentiret, tamen necesse esse judicavit Mazarinum per simulationem abigere, atque ita plebi fucum facere, uti res publica salva esset: eo enim belli civilis porro gerendi causa tametsi falsa, atque injusta Principibus viris adimebatur, neque eo finibus pulso restabat quidquam, quo Senatus, populusque horum operâ egere se ampliùs crederet.

a Le Marquis de Mortemar, de Rochechouart
b Le Marquis de Crequy.
c Le Marquis de Roquetaillade.

Mazarinus ab Aulâ discedens Regi autor fuit, uti Gabrielem *a* Rupichonartium Mortemarium Marchionem, ac Carolum *b* Crequium Marchionem ambos regionum Cubiculariorum principes, atque *c* Rupilaarium item Marchionem regiae vestis Praefectum Duces, ac Pares Franciae crearet, hos qui continuò Regi adsunt, sibi amicissimos facere studens: præterea uti Petrum Seguierum Cancellarium in Aulam revocaret, nam præter quàm quod optimum factu judicabat talem hunc virum, qui cum Gastone, & Condæo ad Urbem regii Consilii speciem faciebat, illinc educere, hujus certè opera, & in Regis ipsius Consilio, & in Senatu apud Esia-pontem pulchrè processura videbatur, & utrique multum dignitatis hujus adventu accessurum. Vocatus igitur subitò in Aulam Seguierus est, qui clam ab Urbe profectus Compendium, quò Rex ab Esia-ponte discesserat, advénit, perbenignè & ab eo, & ab Regina matre acceptus, habitusque.

Rex post Mazarini discessum ex hujus sententiâ Thomæ viri Principis Caroli Emanuelis Sabaudiae Ducis patru, consilio, atque iudicio potissimùm in re publicâ gerendâ usus est, ac præterea Ondedeum negotiorum Curatorem fidum in Aulâ Mazarinus reliquerat, qui Reginae cuncta quæ fieri vellet, continuò subjiceret: postremò Abel Servianus, atque Tellierus Quatuorvir illi bonam, fidelemque navabant operam, rem publicam quantum ad utrumque pertinebat, planè ex ejus voluntate tractantes, studentesque ut nequid fieret, quod ipsi fraudi foret. Mazarinus ab Esia-ponte discedens Tureniam, atque exercitum cui præerat regium visum ut, qui ab Lagny quod oppidum ad Matronam amnem est, ad Sequanam versùs movebat. Sed Condæus abiisse Mazarinum certior factus, atque ad Seganum iter habere, Jazæum mittit ad Carolum Lotharingiae antehac Ducem, & ad Vitember-

gum, ut hominem si quâ fieri posset, deprehenderent, caperentque: sed Hispanos aiunt isthuc fieri noluisse, ratos videlicet non esse sibi usui belli civilis in Galliâ causas desinere.

Philippum Clerembaltium Palûavium suprà diximus ab Estræo Equitum Tribuno, qui regio exercitui Imperator erat ubi Rex ad Avaticum Buturigum proficiscebatur, ad Muronem Arcem Condæi firmissimam dimissum cum copiis, qui hanc obsidione cingeret: quò cùm diù stativa habuisset, factus denique certior est, paucos eò superesse milites, qui moenia defendere possent, cæteris labore, atque inediâ consumptis. Igitur fossas ad Arcem ducere decrevit, quod ubi est incœptum, id longè ac ratur erat difficilior, atque asperius esse sensit, ob majorem defensorum quàm pro numero virtutem: quamobrem castra amplius munire visum, quæ quia haud ita ampla fuere, brevî tam valida, firmaque reddita sunt, uti sine summâ vi expugnari non possent. Sed magna erat in Arce omnium rerum inopia, quâ denique adductus qui huic Præfectus erat Persanus Marchio, ac veritus uti se, suosque Palûavio, simul omnia quæ Condæi erant in Arce, permittere cogeretur, statuit priusquàm inopia cresceret, futuræ deditiois illi ferre conditiones.

Hæc fuere hujusmodi: hunc videlicet deditioem facturum, si ante Calend. Septembres nihil sibi adveniret auxilii, quod in Arcem se plane cessante, neque militibus qui præsidio erant, moventibus quidquam introduceretur: interea commeatum sibi, atque præsidio, & oppidanis Palûavii suppeditari curaret soluto pretio: neque in castris, neque in Arce quidquam operis novi fieret: Persanus armatus cum præsidio, atque omnibus impedimentis abiret, cui liceret ad Condæum ire: huic, atque oppidanis in Arce res suæ intactæ, atque integræ manerent: Persano copia esset, de his conditionibus Condæum certiores facere. Id ubi ipse rescivit a Briollum Comitem Muronem versùs misit, cum quingentis equitibus, iussum navibus apud Suillium Ligerim transmittere, atque b Levio Marchioni, & Colinio Comiti conjungere se, qui trecentos habebant equites: sed his difficile erat munitiones Palûavii castrorum percurrere, quæ partes magis peditum, quàm equitum sunt. Igitur re infectâ Briollus magnis itineribus ad castra Principum virorum rediit, cavique sedulò ut ne in Maipasium incideret, qui cum octingentis equitibus missus ab Turenâ operam dabat, ut huic quòpiam occurreret. Ita Calend. Septemb. Regi dedita Arx Muronis est, dimissusque cum suis Persanus, ac dati de more qui præsidio essent, ut ad castra Principum virorum sine ullâ fraude, aut offensione advenire posset. Ob eam rem ab Palûavio Clerembaltio consecram, atque alia præclare gesta, ipsum denique Rex Equitum Tribunum mox creavit: huic homini præter rei militaris scientiam, ingenium come, elegans, & quos sibi usui esse credit, ad eorum gratiam promerendam aptissimum est, ac denique promptum posse dicere quæ placeant, ac delectent plurima, tametsi ab naturâ haud ita expedita lingua sit.

a Le Comte de Briolle.

b Le Marquis de Levy.
Le Comte de Coligny.

Ubi vulgatum in Urbe est, Mazarinum ab Aulâ discessisse, ibi Gasto, atque Condæus in Senatu dixere sese ab armis discedere paratos, statim atque ille finibus egressus foret, sicuti apud omnes in Urbe Curias, & apud ipsius Urbis Consilium sanctè antehâc professi fuerint, modò ut Regi placeat, quod in tali negotio solet, Edicto cavere quæ per id bellum patrata fuerint partium studio, ea ne cui fraudi sint, præter rerum capitalium aut condemnatis : quæ copix viris Principibus meruerint, quibusque ante id bellum ipsi præfuerint, iis porrò præfint, uti Regi sicuti antehâc mereant, & quò has mitti velit, edicat: regix copix ab Urbe, item ab Aquitaniâ longiùs ad fines Regni decedant : copiis extraneis, quæ ipsis militaverint, tuto abscedendi Diplomate potestas fiat : postremo omnia in eundem, quo ante id bellum fuissent statum, restituantur, ac maximè in iis quæ ad amplissimum Ordinem pertineant : sibi consilium esse ad Regem mittere qui de his cum eo agant, si ita Senatui videbitur, cujus omnia in re tantâ, ac tantoperè ad quietem publicam pertinente consulta sequi, atque iis obtemperare velint.

De his Becheferus Cognitoris regii vicarius pro more dicere si quid vellet jussus viros Principes collaudavit, qui perstarent in eâ sententiâ, quam in Senatûs, cæterarumque in Urbe Curiarum acta referri postulaverant, gratias eo nomine ipsis agendas censere, tum quod de amplissimo Ordine iis curæ esset, quem ad Urbem in integrum restitui ad rem publicam magnoperè pertineat, ei rei dandam sedulò operam videri, atque ut ipse Rex brevi ad Urbem redire velit, quo maximè rei publicæ pacem quæsitum iri nemo ambigat; postremò adversum eos qui ab Senatu secesserant, graviter invehit, approbantibus cunctis. Dein ubi excessisset templo, continuò regrediens litteras sibi tum traditas attulit, scriptas ab Curiâ Burdigalensi ad Senatum, quibus hunc certiorum faciebat, sese idem de Gastone decrevisse, uti Regi in toto Regno Legatus esset, atque hujus vice omnem capefferet rem publicam, usque dùm Mazarinus finibus decessisset.

Litteris recitatis Senatus decrevit Gastoni, atque Condæo gratias agendas, quod in his nihil moræ ad pacem esset : mittendos ad Regem qui de amandato Mazarino gaudium amplissimi Ordinis significarent, quoniam eâ unâ re pacem rei publicæ reddidisset : postremò huic supplicarent, ut ad Urbem redire vellet. Qui ad Regem ituri essent, non sunt delecti, quoniam utrùm ista legatio ipsi satis placeret, meritò dubitabatur, ab Senatu videlicet, qui Esiæ-pontem venire jussus abnuerat : quidam per Cancellarium, alii per Procancellarium Molærum, eundemque primum in Senatu Præsidentem, sed qui apud Esiæ-pontem Magistratum gerebat, Regis voluntatem de Senatûs Legatis explorandam censebant, atque alterutrius operâ habendum Diploma, quo his ad Regem adeundi potestas fieret.

Sed idem intereâ Gasto pro Stampæo Fertimbaltio Equitum Tribuno, & Goulasio Scribâ, quos ad Regem mittere decreverat, atque item

pro Fiesco Comite qui unâ ab Condæo mitti eodem debebat, frustrâ postularerat. Id Gasto apud Senatum graviter exposulavit, dixitque *Mazarinum abundantem operam de industriâ dedisse, ut ne sic quidem pax rei publicæ foret: eo ut ne quos ipse, atque Condæus de hac ad Regem mittere vellet, admitterentur, effecisse: nihil se tamen eâ re commotum statuisse scribere ad Regem, ut omnes intelligant, nihil se quod ad pacem habendam pertineat, detestari.* At Rege antehac postulante uti viri Principes ad se mitterent, qui secum, aut cum Administris agerent, quo pacto, aut quando quæ se facturos apud Senatum, ac cæteras Urbis Curias receperant, atque professi fuerant, ea exequerentur, id usquàm opus esse negaverant, sed abacto Mazarino, ac regni finibus egresso seise statim ab armis discessuros, atque omnia quæ Rex tum ab his factum iri æquum censebat, executuros polliciti fuerant: quorum Rex memor nihil vicissim ipse jam ullis ad se missis, sed his quæ tum se facturos receperant, confectis opus esse distitabat, de quâ re Regem inter, & Gastonem patrum porro per litteras est altercatum.

Interea Rex Edicto omnibus qui civili bello implicati fuerant, hostilia fecerant, cum Hispanis hostibus congruerant, domi, forisque fœdera adversum se inierant, postremò alia quævis partium studio patraverant, abundè cavit, ut ne cui aut civi, aut peregrino ea fraudi forent: nihil cautum iis, qui rerum capitalium ad partes, aut ad bellum civile haud pertinentium damnati, aut rei essent, nihil præterea iis qui foribus Ædium Urbis publicarum ignem intulissent, atque eâ die cedes patravissent, nihil denique iis, qui duello decertassent. His exceptionibus sibi infidias fieri, atque ad perniciem suam dolum quæri plerique ex factiosis distitabant, quibus videlicet nullum belli civilis, ac malefaciundi finem esse placebat. Eodem Edicto cavebatur, uti triduo Gasto, atque Condæus arma ponerent, fidemque scripto darent ab omni fœdere domi, forisve inito se sine fraude discedere, idem postquàm de Edicto Contius certior factus foret, triduo faceret: quæ necessaria dimittendis Satenaïo ad Mosam, Burgo ad Duranium amnes, atque quovis alio Hispanicis præsidii essent, ea Regi, aut cui juberet, traderent: naves Hispanicæ ab littorum, & portuum Galliæ viciniâ abigerent: copias quas circum Urbem haberent, regiis conjungerent, externas dimitterent, darentque operam, uti quæ ipsis tunc cum maximè auxilio veniebant, eæ in diebus proximis quindecim facerent Regni finibus, quod his sine fraude facere liceret. Id Edictum in Senatu apud Esix-pontem promulgatum, & in hujus acta relatum est.

Mirum fuit omnibus Gastonem, atque Condæum hoc Edictum Regis abnuere, quo abundè omnibus cautum videbatur: nam persuasum omnibus fuerat, ubi Mazarinus abiisset, continuo ambos ab armis discessuros, neque quidquam ampliùs postulatueros, quando in eo sibi omnia posita esse persanctè in Senatu, in omnibus Curis, in Urbis Ædibus professi fuerant, neque quidquam esse quod ampliùs postularent: postremò eâ causâ negaverant opus esse, uti quemquam ad Regem de

1651.

ullâ aliâ re mitterent; eo gravius erat cunctis abactò Mazarino eandem in Urbe, circumque belli faciem esse. Gasto miserat iterum ad Danvillam, uti sibi quempiam ad Regem legare copia esset, qui de rebus suis ageret: postremò Danvillæ operâ factum, uti liceret Fertimbaltio Stampæo Equitum Tribuno ad Aulam venire, non sicuti ab Gastone missò, sed sicuti homini privato, cui tamen liceret Regi dicere quæ vellet omnia.

Tum Goulasium Gastonis Scribam cum Castrónovano, atque Aquiloniâ omnem operam dedisse ferunt, uti Gastonem ab Condæo sejungeret: id Goulasius homo frugi unâ in patronum, atque in rem publicam caritate faciebat, Castronovanus verò, & Aquilonia odio in Condæum, cujus graves habebant causas, Gastoni dictitabant *Falso Condæum apud Senatum, ac ceteras Curias, atque apud Urbis Consilium professum se pacem velle, qui tunc cum maximè apud Mantuam Carpetanorum, atque apud Brussellæ firmet Hispanis fidem sese ipsis porro conjunctum bello adversum Galliam gerendo fore, & cum Britannis azas de habendis illinc præterea auxiliis: nihil ab eo pendi fidem, quam de bello desinendo unâ cum Gastone dederit statim atque Mazarinus Regni finibus egressus foret, quam si Gasto servare velis, omnino necesse videri, ut ab fœdere cum Condæo inito discedat, ac sibi seorsim consulat.*

Sed sensere in ipsâ Urbe eadem propè quæ antehac belli incommoda, nam tum Condæo nuntiatum est venire ab Fimis, quod est oppidum apud Rhemos ad Vellim amnem, tria Germanorum equitum millia, quævis Ulricus Vitembergus præerat, Lotharingicorum equitum, peditemque millia sex, firmum quod ab Hispanis huic mittebatur auxilium, cui se conjunxerant sex equitum alæ mercede conductæ ab Rogerio Guisio è Melitensi militiâ, Ducis Guisii fratre, & Pasio Comite apud Eburones virorum Principum jussu. Omnem hunc exercitum ducebatur Carolus quondam Lotharingæ Dux, qui tamen se negabat Gallicæ, aut Regis hostem esse, *Lotharingicas enim copias esse quidem suas, sed quas mercede Hispanis locaverit, atque ad eò ducere quò jusserint, teneatur: nihil sibi in eas imperii esse, sed Gastoni modò, atque Condæo, ad quos Hispani eas miserint.* Has copias Condæus ad Sequanam suprà Urbem venire jussit: haud procul ab Georgii-Villa-novâ, atque eò stativa habere, quò cum & ipse ducere vellet, ab Clodoaldi-fano, atque Surenâ, ad Victoris suburbium movit, uti copias Sequanam ad Urbem traduceret. Sed ubi eò advenère, cum suburbanis incommodum esset milites apud se agitare, jamque odium Condæi plures cepisset, jurgium primùm, dein certamen inter utroque ortum, in quo cæsi utrimque viginti, atque ex eo belli tedium plebi haud mediocriter crevit.

Mazarinum ferunt abeuntem Regi demonstrasse, *Si viri Principes varia porro, neque satis æqua postulando bellum traberent, id ipsis planè fraudis fore: nam in suo ab Aulâ discessu Regem omnia fecisse visum iri populo, atque ad eò omnem belli invidiam in viros Principes, ac maximè in Condæum casuram, quod quo diuturnius erit, eo majora plebis incommoda futura, majusque in ipsum odium: præterea quando Regis copiarum haud parvis numero virorum Prin-*

Le Chevalier de Guise.
Le Comte de Pals.

cipum, atque Hispanicis copiis futuræ sint, firmum, ac naturâ munitum locum esse deligendum, in quo Turenæ cum exercitu regio stativa habeat, neque ad prælium faciendum adius possit: colles apud Georgii-Villam novam ad id opportunissimos esse, quibus adhiberi munitiones possint: Corbolum, Melodunum, atque alia loca supra esse ad Sequanam, ad Igomam, & ad Lupam amnes, ex quibus annonæ affatim subvehi possit, interea dum virorum Principum copiarum cum Hispanicis auxiliis circum Urbem ipsi, atque hujus commatibus graves agerant, ex quo plebi incommoda, atque odia in Condæum baud dubie crescent. Cæterum caverent Rex, atque Regina mater se statim Senatui, populoque ad Urbem committere, qui ubi denique belli civilis incommoda satis senserint, atque id non restituendæ, sed perdendæ rei publicæ ab viris Principibus gerisatus intellexerint, ibi verò rectè Regem, atque Reginam ad Urbem rediuros.

Ubi Mazarinus Aulâ discesserat, atque ex itinere ad castra diverterat, eadem Turenæ de stativis apud Georgii-Villam novam habendis, munitionisque dixerat, quod quidem vir providens, neque magnopere egens monitore satis suâ sponte facturum fuisse videbatur. Igitur eò maturè movit, castraque habuit Sequanâ amne ab sinistra, ab tergo Yerrâ amniculo qui in illum influit, munita, ab fronte declivia fuere ad planitiem, quæ ab Villa-novâ ad Matronam pertinet, ab dextrâ aditus inter colles difficilis ab naturâ si levis munitio adhiberetur, longè difficilior reddi poterat. Carolus Lotharingæ Dux in eâ planitie quam ab Villâ-novâ ad Matronam pertinere diximus, habuit castra, quod & Principum virorum exercitus ab Viætoris suburbio movit, traductus Sequanam ad Urbem: tria millia armatorum, ac quingenti omnino fuere, copiarum videlicet Gastonis, quibus Belfortius præerat, legatosque habebat a Vallonum, & Boulaium, copiarum Condæi queis Tremolius Tarenti Princeps, atque huic legatus fuit Tavanius, copiarum denique quas Nemorosius ab Belgio adduxerat, atque his Franciscus b Maillius Clinchanus præerat, ab Hispaniæ Rege legatus Nemorosio: hæc copiarum omnes sese Carolo Lotharingæ Duci, atque Ulrico Vitembergæ, in eâ quam diximus planitie, conjungere. Post paulò Carolus ad Urbem venit, ab Gastone, atque ab Margaritâ uxore, quæ soror illius est, acceptus hospitio, atque liberaliter habitus.

a De Vallon.
Le Marquis
de la Boulaye.
b Mailly de
Clinchan.

Eò de summâ rerum ab Gastone, Condæo, Carolo, adhibitis in Consilium factionis primoribus, est consultatum, visumque castra quoad fieri posset Turenæ castris conferre, uti quid regii agerent, ex propinquo magis notesceret, ac maximè ubi pabulatum, aut lignatum irent, ibi si deprehendi, ac carpi possent, ac denique (si casus daretur) iusto prælio vinci, ac profligari, cujus rei potior hostium numerus his spem faciebat. Sed ut id ne fieret Turenæ cautio fuit: inter equites prælia crebra, alia aliis locis facta, quæ parùm ad summam rerum pertinuerunt. Ad Turenæ castra Corbolio, ac Meloduno commearis secundo amine tutò devehebantur, neque nostris egredi pabulandi, aut lignandi causâ propè necesse fuit, omnium rerum copiam præbente amne. Interea circum Urbem Germani, ac Lotharingi equites ab vicis, & villis præ-

das agebant, cæterum omnis exercitus ab ipsâ Urbe commeatus habebat expeditos, sed aliquanto pretio, cum enim ab superiore Sequanâ, quem Turena tenebat, nihil eò adveheretur, neque multum ab Matronâ, quem copix Principum item ad Carentonium tenuere, viarum ab militibus eâ parte infestæ essent, necesse erat annonam in Urbe difficiliorem esse, atque adeò in eos qui id ipsi incommodi adferebant, odium civium crescere.

Eo quærebant omnes quo pacto ab his malis emergere possent, atque eâ gratiâ crebrò in Urbis Ædes publicas conveniebant: quo factum est, uti viri Principes, atque factiosi ex Senatu metuerent denique, ut injussu suo pacem Populus clam faceret, cujus postea operâ Rex faciliè hos Urbe decedere cogeret. Quamobrem & ipsi se magnoperè pacis studiosos simulare decrevere, atque rationem inire velle, quo brevè fieri possent. Eâ de re Conventus est habitus apud Urbis Ædes publicas, cui viri Principes adfuerunt Non. Septemb. in quo decretum est ut ad Regem mitterentur Ædiles duo, Urbis Consiliarii sex, è sedecimviris Urbis regionum quatuor, è singulis Mercatorum Collegiis bini, prius Petrus Cognitor Regius apud Urbis Ædes iret ad Regem, ac rescisceret, utrùm hæc ipsi legatio satis placitura esset, simul visum rogare Ecclesiasticum Ordinem, ut ad Regem eadem de causâ, de pace videlicet, ac de hujus ad Urbem reditu mittere vellet.

Datum Pietro responsum scripto est, quo Rex summam suam erga Urbem benevolentiam significabat, cæterum qui habitus esset in Ædibus publicis Conventus Non. Septem. cum neque rectè, neque ordine factum aiebat, cum ob viros Principes, qui contra majorum morem eò adfuisent, tum propter Belfortium, & Brussellum contra jus, fasque alterum Præfectum Urbi, alterum Mercatorum Præfectum antehac creatos, qui Conventui præfuisent, atque adeò quos hic Conventus ad se mittere vellet, iis potestatem facere non posse, facere verò his, qui sponte suâ privatim ad se venire voluerint. Hoc scripto commemorabatur omnia facta in Patres, atque in Urbis Ædes publicas, tributa imposita, creati Ædiles duo contra quàm Rex vetuerat, directa per agros civium bona, dein mentio fiebat Edicti regii, quo abundè cautum omnibus videbatur, & quæ contra ab pacis inimicis adferrentur, ea quàm vana, ac futilia essent, ostendebatur: postremò magnum ad Urbem redeundi studium Rex ostentabat, atque omnia in integrum restituendi, uti faciliè crederes hæc odio in viros Principes magis ac magis accendendo, ex sententiâ Mazarini, ac tamen verè scripta esse.

Isthæc omnia Parisinis magnoperè probabantur, quorum videlicet rura circum Urbem amoenissima Germani, ac Lotharingi planè vastabant, quod certè his ad pacem ab Rege, atque hujus ad Urbem reditum postulanda magnum incitamentum erat: eâ de re per Radesium, ac per Castronovanum agebant continuò, seu homines avidi gratiæ, atque potentiæ omnibus se negotiis, ex quibus ad utramque aditum sibi parare posse crederent, ultrò admiscebant. Id consilii Radesiano

defiano fuit, ubi ab Urbe Compendium cum plerisque ex Ordine Ecclesiastico ad Regem venit, atque luculentam de pace, ac de hujus in Urbem reditu habuit orationem, quo sibi Parisinorum voluntates conciliare posse credidit, ut in eo tanto negotio conficiendo suâ potissimum operâ uti vellent: quod si feliciter eveniret, eo se & apud Regem, Reginamque matrem gratiam initurum speravit, ac fortasse dignum habitum iri, cui rem ipsam publicam sicut antehac Mazarino permitterent.

Se tamen isthuc expetere dissimulabat, apud Reginam maximè, quam Mazarino impensius favere scibat. Ubi igitur cum eâ privatim colloquebatur, negavit isthuc sibi in mentem usquam venisse: at Regina nihil esse respondit, *quod se edere purgaret, cuius enim quod sibi convenire existimet, id ut eveniat optare licere, sed in unius Regis arbitrio esse debere cujus consilio, judicio, atque operâ in re publicâ gerendâ utatur, qui nihilum de ipsâ quod noverit, huic permittendâ cogitaverit: cæterum hominem benignè appellatum, habitumque dimisit.* Sed Radesiano ægrè fuit Reginam quò ipse tenderet, probè intelligere, ac multò magis satis ostendere id sibi minimè probari.

Ita Gastonem magis, magisque ab se colendum, observandumque esse sensit, disturbanda omnia quæ Condæus cum Aulâ de pace per Gualcurium, ac maximè per Rupichoartium Mortemarium agitabat, atque operam dandam, uti Gasto cum Rege, atque Reginâ matre quantocyùs rediret in gratiam, & in eo Condæum anteveniret, quod si fieret, Condæum fere Hispanis planè conjuncturum, & ab Gallia discessurum, aut si pacis particeps foret, in Aquitaniam saltem tantisper dimissum iri, Gastonem autem mansurum ad Aulam propinquitatè quâ Regem contingat, fretum, se verò tum illius, atque factiolorum qui reliqui in Urbe forent, operâ usurum, ut ne Mazarinus in Galliam redeat, intereâ multa eventura, quæ prævidere difficile sit.

At Rex Ecclesiastico Ordini qui ad eum venerat, liberalissimè respondit, sibi pace nihil optatius esse, quam Urbi, ac civibus datam jamdiù voluerit: qui huic adversi sint, ii ubi ab Urbe discesserint, eò se continuò rediturum. Omnium sententia erat virorum Principum in carpendo Pacis Edicto, quod Amnistiam appellabant, pertinaciam obstare quieti publicæ, ac præter hos, ac factiosos nemo erat aut in Urbe, aut aliò, cui non probaretur: quin & plerique apud Burdigalam hoc pacis Edictum non abnuebant, tametsi eò Brezæa Condæi uxor, Contius frater, atque Condæa soror tùm agitarent, ita ut his necesse fuerit plebem commovere, cujus Consilium Ulmeam sicuti diximus appellabant, uti seditionis metu ab Edicto pacis comprobando, atque accipiundo boni deterrentur.

Burdigalenses eo magis viris Principibus porrò studebant, quod post Harcurii discessum provincia sine imperio erat, ac magna torpedo regium exercitum tenebat: quo factum est, uti Marfinus ab Condæo relictus in Aquitaniam, qui Contio fratri legatus esset, sicuti supra memoravimus, Castellologosium, ac Mamis Castellum novum reciperet, quò

1652.

« Le Duc de
Candale.

multa vestis, atque supellex Speronii inventa, præterea eorum qui accolunt multa bona eò in tutum sicuti rebantur collocata, dein Masem Aginensium ad Garumnam, atque ultrà amnem Basileæ-sanum ad deditionem redegit, atque in Petrocorios movit. Eò Sarlatum huic est deditum, ob diversâ oppidanorum studia, qui si idem de re publicâ sensissent, id frustra inceptum Marfino fuisset. Inter hæc advenit « Candalius adolescens Speronii filius, cui data ab Rege Aquitania paterna antehac provincia fuerat, ex sententiâ sine dubio Mazarini, qui tum unam ex sororum filiabus huic nubere volebat. Candalius nactus hostium copias longiùs inter se dissitas, quia Marfinus earum majorem partem in Petrocorios duxerat, alias circum Burdigalam reliquerat, has quia paucæ fuere, malè habuit, cæterum comitate, atque clementiâ perolque patris ob hujus diversam agendi rationem inimicos sibi conciliavit.

Ita Aquitania in Mazarini potestate quodammodo esse videbatur: de Provinciâ quæ huic magis opportuna erat, res Italicas, ac singillatim Romanas respicienti, Regi autor fuit, uti Mercurium cui Mancina alia ex sororum filiabus nupserrat, eò dimitteret, qui hanc Inculisfini Ducis loco obtineret. Hic Condæo affinis est, suspectus denique studere rebus novis, atque seditiosis apud Tauroëntum favere: qui cum in Aulâ nuper esset, Regi postulanti ut ne injussu suo rediret in Provinciam, ita se facturum dederat fidem, dein mutatâ voluntate cum iter cõhaberet prædiorum suorum visendorum specie, deprehensus, comprehensusque est. Mercurius in Provinciâ comitate, clementiâ, summâque prudentiâ, qui apud Tauroëntum rebellaverant, eos in viam reduxit, atque ita pacatam omnem Provinciam habuit: postremo rebus ita eò constitutis, uti nihil obstaret, quo minùs Mercurius hanc tutò posthac obtineret, Inculisfinus uxoris « Henricæ Laguichæ, atque Ludovici Guisii Jousfi generi rogatu custodiâ emissus est, atque Provinciam acceptâ in æstimationem pecuniâ deposuit, homo animo juxta, ac corpore gravis, qui perpetuo in alienâ potestate fuit.

« Henriette
de la Guiche.
De Guise,
Duc de
Joyeuse.

Cum in Urbe belli civilis, atque incommodorum quæ circum Urbem cuncti ab Germanis, Lotharingicis equitibus, atque aliis virorum Principum copiis sentiebant, tædium in dies cresceret, « Carolo Prevosto in Senatu Consiliario, Fauro, ac Bertaldo è Franciscanorum Ordine venit in mentem quingentos ex diversis Urbis regionibus cives in Richelii Aedes, quæ tunc regiæ sunt, convocare: hi multo ante de hoc habendo Conventu convenerant, quò ubi omnes adfuere, Prevostus Regis litteras ad eos scriptas recitari jubet, quibus significabat nihil sibi optatius esse, quàm redire ad Urbem, sed id se facere non posse, quamdiù in seditiosorum potestate sit: dein Prevostum ferunt dixisse arma ab bonis civibus sumenda videri, Paleam seditiosorum tesseram abjiciendam, cujus loco gestandam aut cartam, aut quid albi coloris, uti qui Regi fideles sint, ii dignosci possint: factiosos pellendos Urbe, ac si resistent eadendos. In hæc conjurant omnes, & quæ posthac in

« Prevost,
Conseiller au
Parlement.
Les PP. Fau-
ro, & Ber-
thaud, Cor-
deliers.

Conventu consulta forent, ea se executuros fidem dant: quingenti modò in eo fuère, sed magna pars civium in eadem erat sententià, tametsi non aderat Conventui, ac singillatim sex Collegia mercatorum, atque Urbanarum cohortium Tribuni plerique omnes. Utrique ab Gastone flagitaverant, uti sibi Regem adeundi Diplomate potestatem faceret, quo sibi cautum foret in itinere adversum militum qui viris Principibus merebant, injurias, quod usquè haud impetrari posse videbatur, ni metus factiosis injiceretur, populum denique plusquam vellent, ausurum.

Ubi conjuravère quingenti, atque cum his propè universam Urbem sentire haud dubium erat, de Radefiano facta ab amico mentio est, qui hujus operam idoneam futuram videri dixit apud Regem, Reginamque matrem, quò & pacem, & reditum suum ad Urbem maturarent: sed visum non est rei publicæ causam cum ullius qui sibi quidquam privatim expeteret, rationibus communicare, ad quarum normam hanc gerere vellet. Ubi Conventus habebatur, eò advenit ab Gastone missus Stampæus Fertimbaltius Equitum Tribunus, qui hunc frustra disturbare conatus est: Aureliæ Virgini eodem venire consilium fuit, sed id sibi frustra futurum suspicata postremò omisit. Continuo ab Conventu missus est ad Regem, qui hunc certiozem faceret rem benè, atque ex sententià evenisse, ac postridiè iterum Conventum habitum iri edictum est, seduloque præceptum omnibus qui aderant, uti quam plurimos possent, eodem secum adducerent.

Secundum hæc Senatus apud Esiaë-pontem decrevit, qui in Richelii Ædes convenerant, eos rectè, ac sicuti res publica monebat, videri fecisse, atque adeò hos in Regis, atque Senatûs tutelâ esse velle, ac maximè Carolum Prevostum, præterea ut ne quis Belfortium pro Præfecto Urbi, Brussellum pro Mercatorum Præfecto, atque duos alios pro Ædilibus haberet: hi ne quid muneris, quod ad hos Magistratus attineret, attingere vellent: postremò ut ne quid commeatûs ab Urbe ad hostium castra veheretur: quod Decretum ab Præcone recitatum, atque adeò promulgatum in foris, ac plateis Urbis est: sed Brussellus jam ante Decretum Præfecturam Mercatorum abdicaverat, quod & Ædiles duo post aliquam tergiversationem fecêre.

Ière postea ad Regem missi ab Urbis Consilio Pietrus iterum, atque unus ex Ædilibus, de pace, atque de illius ad Urbem reditu: eodem ière post paulò missi ab sex Collegiis Mercatorum, quibus utrisque responsum est ab Rege, *Se pacem datam omnibus arbitrari eo quod de hac perscriptum, ac promulgatum fuerit, Edicto, quò tum fruturos videri Parisinos, ubi qui huic adversentur, eos abegerint: neminem ab Principum castris ad Urbem, neque vicissim ab Urbe ad castra commutare patientur, nec quidquam eò supportari: præterea si dederint operam, ut Hospitalius Præfectus Urbi, Faber mercatorum Præfectus, ac Ædiles duo in quorum locum duo alii Regis injussu subrogati fuerint, ad Urbis Consilium redeant, ac munia sua denuò obeant, interea quæ in Urbis Consilio fiant, ea neque rectè, neque ordine facta, atque adeò*

1652.

nulla videri: ubi hæc confecta fuerint, ibi se lubentissimum ad Urbem rediturum, ac suam benevolentiam Parisiis præstaturum.

Hæc ad Regem ab Urbe missitationes, quæ Parisinorum animos ad pacem planè propensos esse ostendebant, sollicitos Principes viros habuere, quorum secta usque plebis maximè gratiâ, ac studiis steterat. Sed cum foris se plus armis valere sentirent, Lotharingorum, atque Germanorum auxiliis freti, omnem sibi operam dandam satis intelligebant, ut aliquid insigne adversum Turenâ, ac regium exercitum pararent. Hunc apud Georgii-Villam-novam, atque in vicinis collibus stativa habere diximus, quò primùm magna omnis generis commeatûs copia fuit, quam & amnis, & vicina regio ultrâ Yerram amniculum præbebat. Sed hæc in dies ut ferè fit, imminutâ, postremò huic copiarum successit, quæ & homines, & iumenta confectura denique videbatur, aut ubi Turenâ moveret, obnoxium fore hosti, qui in propinquâ sicuti diximus planitie habebat castra: si Turenâ cladem aliquam acciperet, hanc ad mutandos Parisinorum animos, atque reducidos ad pristina adversum viros Principes studia magnum momentum habituram, quod & eventurum videbatur, si in stativis regû inopiâ conficerentur.

a De Lorrainæ, Duc de Guise,

Eâ tempestate Henricus *a* Lotharingus Guisus Lutetiam Parisiorum advēnit, quem in Neapolitano Regno captum, abductumque in Hispaniam antehac memoravimus: hunc Hispani se dimissuros dixerant, si Regina quæ tum in Regni Procuratore erat, omnes vicissim captivos Hispanos, Italicos, Belgas, atque alios qui Philippo meruerant, dimittere vellet: qui quanquam quatuor millia fuere, atque inter hos viri insignes, Regina tamen acceperat conditionem, atque id ex Hispanorum sententiâ se facturam receperat. Sed hi consilium mutavere, atque Guisum maluere Condæi rogatu dimittere, atque huic tradere, spem nacti videlicet Guisum huic magno usui ad rem publicam magis, ac magis perturbandam futurum. Sed Guisus omnia se debere Condæo professus est, quæ secundum jus, fasque huic præstare posset, *Hispanos Regis, atque Galliæ hostes esse, ab quibus malè habitus sit, & quibus adeo se ægrè facere æquius videatur, quàm obsequi quidquam. Ubi Condæus ab eorum rationibus suas sejunctas habuerit, hujus causâ cupidissimè facturum omnia, ac nihil quod ipsi usui sit, abnuiturum.* Dein memor tantæ in se Reginæ benignitatis, quâ adducta tot captivorum permutatione sese redemptum voluisset, ad eam ubi Germani-fanum unâ cum Rege filio redierat, profectus est, atque egit utrique gratias, vicissim ab his comiter, ac perliberaliter acceptus, habitusque.

Quanto propius Urbem Rex, atque Regina mater adventabant, tanto majora videbantur in Urbe omnium Ordinum de eorum in hanc reditu studia: neque omiserat Gasto Radefiano, atque Castronovano auctoribus, continuò ad utrumque scribere, atque ad Danvillam per Lambertum *b* Joissium, quem Carolus Lotharingiæ quondam Dux ad Aulam de rebus suis missabat, uti Rex Edictum pacis, quod Amnistiam

† De Joyeuse.

appellabant, in quibuscumque correctum vellet, sicuti necesse videbatur, uti satis omnibus cautum foret. Radefiano, atque Castronovano consilium erat, perpetuo cum Aulâ agere, atque eò Gastonem adducere, uti quibuscumque conditionibus cum Rege, atque Reginâ matre rediret in gratiam, nam eo pacto mansurum in Aulâ, atque omnis rei publicæ participem, sicuti Regis patrum deceat, futurum, quod si fieret, & ipsos haud hujus expertes fore, ac fortasse per Mazarini absentiam utriusque operam haud inutilem Regi, atque Reginæ matri futuram. De Edicto pacis, aut Amnistia corrigendâ Senatus cum Gastone congruebat, ita ut æquè viris Principibus, Senatui, populoque, atque omnibus de his quæ ab quinque proximis annis facta, patratave fuerant, caveretur, quod Edictum ex sententiâ correctum frequenti Senatu in Urbe eò revocatis quia apud Esia-pontem erant, Patribus, promulgari volebant. Id verò Rex haud sibi faciendum putabat, neque aliud quidquam ex sententiâ Patrum, qui ad Urbem manserant, in quâ his Senatum habere fas non fuisse dicebat, post ademptam Edicto suo Juris dicundi, aut ullo modo conveniendi facultatem.

Turenâ diximus in stativis com meatûs, & pabuli inopiâ laborare, quâ movere cogeatur, atque aliò habere castra: naves apud Villam novam habebat complures, quibus junctis eâ nocte quæ IV. Non. Octobres antecessit, Sequanam impedimenta, atque tormenta, dein primâ luce copias omnes traduxit. Condæus tum morbo detinebatur ad Urbem, sicut & Ulicus Vittembergus: Carolus Lotharingus quondam Dux, Belfortius, cæterique omnes hostium Duces eodém commemorabantur, partim Urbis delitiis retenti, alii solliciti quid plerisque omnibus eò pacificantibus eventurum denique esset: unus Tavianus erat in castris, qui seriùs de regionum protectione monitus aciem instruxit, atque equitatum qui hos insequeretur, præmisit: sed id subductis ab Turenâ quibus annis jungebatur navibus frustra fuit. Turena verò Corbolum duxit, quò iterum Sequanam traducto exercitu ad Matronam contendit, atque inter Meldas, & Lagnium castra habuit. Virorum Principum exercitus propius Urbem concessit, Vincennas versùs, circumque ea loca: sed hujus metus nihil Parisinos deterruit, quo minùs paci studerent, atque Regem ad Urbem redire cuperent, quæ res Condæum monebat, uti sibi ipsi, atque copiis suis consulere, longiùs ab Urbe discedendo, quo facili si opus foret, ipsis Regni finibus decederet.

Jam huic constituta esse cum Hispanis omnia dicebantur, ubi Sille-rius Brusseili redierat: sed isthæc Chavignio nequaquam probabantur, qui Condæum ad Urbem, atque in Aulâ manere malebat, quàm patriâ extorrem, alienæ opis quod miserrimum est, indigum, ab Hispanorum lubricine pendere: eò ut hic cum Rege, atque Reginâ matre, quin & cum ipso Mazarino rediret in gratiam, sibi dandam omnem operam existimavit. Quamobrem eâ de re cum Fouqueto Abbate clàm egit, quo interprete in hujusmodi negotiis Mazarinus utebatur: sed

1652.

cùm hic usquè adhuc per Gourvillam, per Buttevillam Mommorantiam, per Gualcurium secùm de Condæi pace faciundà agi frustra passus esset, utrum & eodem modo cum Chavignio, an verò actum seridò voluerit, vix quisquam dijudicare possit. Sed fortè, seu consilio accidit, uti quas litteras Fouquetus eà de re ad Tellierum scribebat, eæ in manus equitum Condæi circumcursantium inciderent, capto qui has perferebat nuntio.

Hæ continuò ad Condæum perlatae, in quibus erat perscriptum, Chavignium dixisse Fouqueto se omni ope enisurum, uti Condæus æquis conditionibus pacem faceret, & cum Rege, Reginà matre, atque adeò cum ipso Mazarino rediret in gratiam, quod si Condæus abnueret, se uti Gasto ab illius rationibus suas sejungeret, ac pacem faceret, effecturum. Continuò Condæus ad iram suapte naturâ præceps, neque re satis cognitâ, in quâ dolus subesse poterat, acriter in Chavignium absentem est invectus, nihil parcens maledictis, atque famæ tanti viri. Sed hic sibi illo convento opus esse arbitratus ad eum venit ocydus, uti se coràm expurgaret : id verò facile videbatur, cùm quæ litteræ interceptæ fuerant, eæ non Chavignii, sed Fouqueti Abbatis essent, qui quod sibi bonum, atque commodum fuerat, ad Tellierum scripserat, datâ fortasse operâ, ut qui has perferebat, is se ab equitibus Condæi, qui quaquà versum circum Urbem excurrerant, capi sineret. Sed Chavignius nusquam Condæum ab eâ quam præceperat ex his litteris iracundiâ dimovere quivit, quin pergeret huic in os maledicere, quæ res hominem ingentis animi, neque Condæo quidquam obnoxium, tametsi huic plurimum obligatus esset, adeò graviter affecit, uti continuò in morbum inciderit, ex quo brevi interit.

Cæterum is fuit Chavignius, qui haud leve momentum Condæi partibus attulerat, tantæ homini opes, ac tanta ingenii, atque solertia fama fuit. Sed hunc rectè Gastonem, & Condæum cum Rege, Reginà matre, atque cum ipso Mazarino reductos in gratiam voluisse iudico, cùm populus pacem quam Rex Edicto sanciverat, propediem accepturus esset, neque postillâ ipsis opes ad bellum sustinendum pares futuræ essent. Id certè satius fuit, quàm Gastonem Blesiam concedere, ac procul ab Aulâ agitare, Condæum verò ad Philippi Hispaniæ Regis Galliæ hostis acerrimi partes transire. Profectò quando Mazarinum ab Aulâ procul habere non poterant, non nihil fuisset hujus gratiæ, atque potentiaë manendo in Aulâ modum facere, in quo Chavignii opera utrique haud frustra fore videbatur.

Postremò & Gastoni, & Condæo, & Chavignio, & omnibus qui alterutrus Sectam secuti fuerant, conducebat manere in Aulâ, quò omnes eorum spes sitæ erant, quamobrem id operam etiam tùm dabant pro Gastone Radefianus, & Castronovanus, sicut & antehàc pro Condæo Rupifocaldus fecerat, quod & Chavignius sibi faciendum rectè est arbitratus, præclarè intelligens, qui ab Aulâ procul sunt, iis privatam vitam sine decore, ac plerumque potentiorum injuriis obnoxiam

exigendam : at enim Chavignius cessante Condæo Gastonem se adducturum aiebat, uti pacem seorsim ab illo cum Rege faceret? an cuiquam capitale videri potest, si è duobus quibus æquè studebat, alterum saltem salvum, atque honestum in Aulâ esse voluit, cùm & hoc pacto alter eodém adduci posse videretur? sed in eo suis commodis serviebat? quid ni si simul & illorum? quod hunc facere rectè voluisse, atque plusquàm illos ambos & scivisse, & providisse rerum eventus docuit. Paulò ante Chavignium dicm suum obierat Claudius Buthillierius hujus pater septuagenario major, de cujus simul, & de Leonis filii Chavignii Comitiss naturâ, & moribus initio diximus: hic annum vitæ quadragesimùm quartum agebat, omnibus corporis, fortunæ, & ingenii bonis cumulatus, cæterùm animo in utrâque fortunâ haud satis æquabili.

Nondùm Belfortius Urbi Præfecti Magistratum sibi ab Gastone mandatum abdicaverat, atque id obstabat quo minùs Rex quæ ab Consilio Urbis siebant, ea rectè, atque ordine facta judicaret, cùm neque Urbi Præfectus Hospitalius, neque Faber mercatorum item Præfectus qui hujusmodi consilia more majorum habere solent, iis adessent: eò Rex ad Urbanos qui reliqui erant in Urbe Magistratus, atque alios qui frequenti Urbis Consilio adesse solent, scripsit denuò, ut id quantumcùq; haberent de Hospitalio, Fabro, atque duobus Ædilibus in id revocandis, quod continuò ex Regis sententiâ factum, postquàm Belfortius Magistratum Gastonis ab quo hunc acceperat, voluntate abdicaverat.

Dein Urbanæ Militiæ Tribuni, ac plerique alii uti sibi ad Regem de pace, atque hujus ad Urbem reditu adire liceret, ab Gastone postulavère, cujus rei perlibenter his tum denique potestatem fecit. Cuncta hæc Condæum impellebant, ut ab Urbe quæ brevi in Regis potestate futura videbatur, quamprimùm discederet, quod cùm facere, atque ad exercitum qui castra habebat in propinquo, proficisci decrevisset, Carolum Lotharingiæ quondam Ducem eò præmittendum censuit. Sed is ubi Portæ Urbis ut egrederetur appropinquavit, qui Urbani milites eò in statione fuère, u hominem restare jubent, rogantque ferociùs ecquid ab Urbanis Magistratibus scripto haberet, quo sibi Urbe egrediundi potestatem factam esse fidem faceret? Hæsitantem, ac cessantem maledictis onerant, atque tumultum faciunt, quo vicina plebes commota recedentem prosequabatur, & clamore, ac propè impetu terrebat, cùm objecta fortè ex sanctissimo Sacramento quod ad ægrum quempiam gerebatur, religio multitudinem sedavit: postridiè autem Gastonis operâ Carolo ab Urbe discedere copia fuit, atque item biduò post Condæus cum Vitembergo, Rupisfocaldo, Tremolio Tarenti Principe, atque aliis ab Urbe discessit, dein movit ad Rhemos, ut in hac regione Satenatio, ac Musonio oppidis ad Mosam positis fretus hybernaret.

Intercà Urbanæ militiæ Tribuni ad Regem apud Germani-fanum

1652.
a De Seve.
Chatignon-
ville.

ière, horum princeps fuit Alexander a Seva Castignonvilla libellorum Magister, atque Mercatorum antehac Præfectus, qui scitam, atque elegantem ad Regem habuit orationem, haud secus ac si Urbis Consilii, quin & ipsius Senatûs, cæterarumque Curiarum, postremò ipsius Gastonis, & qui hujus, Condæique Sectam sequebantur, verbis hanc faceret: nam de Diplomate quo cunctis cautum foret, atque de hoc ita promulgando, ut id rectè, atque ordine factum nemo dubitare posset, mentionem fecit: postremò nihil elapsum hominis industriæ, atque solertiæ, tanta in Regem verborum obsequiâ, ut ne minimùm quidem in his dicendis offenderit: quibusdam tamen verbosior, quàm par esset hujus oratio visa, sed in eo plebis quæ aderat, auribus serviisse hominem puto. Rex hunc singillatim, atque alios benignè appellatos, habitosque dimisit, diemque dixit, quâ redire ad Urbem decreverat.

Hi bonæ spei pleni, lætique suam ad Germani-fanum profectionem tam pulchrè reipublicæ processisse revertebantur, cùm est nuntiatum tumultuari in Urbe plebem, cædem iis, quoniam injussu suo ad Germani-fanum ierant, minitantem. Continuo restitit agmen, habitumque eâ de re consilium est: sed nusquàm morari visum, & quicumque motus animorum esset, cum se tanto de proximo Regis adventu nuntio facilè sedaturos confisi pergunt iter facere, atque lætissimis omnium animis accepti in Urbe sunt. Tunc & ad Urbem rediére Hospitalius huic Præfectus, Faber Præfectus mercatorum, atque Ædiles duo, de quibus supra memoravimus. Dein Rex ad Hospitalium, Urbisque Consilium litteras dat, quibus significabat se ad Urbem venturum XII. Calend. Novemb. jubebatque Urbanorum militum stationes portis deduci, arma omnino poni, nec injussu posthac suo resumî: cæterùm quod de reditu suo tantoperè laboraverint, gratum esse, quem ipsis maximo usui futurum sentient, & cui Deus rem publicam credidit, hanc ei longè quàm aliis cariorum esse. Atque id quidem ego verissimum esse censeo, nam hanc ille sicuti suam, cæteri sicuti communem gerunt, quæ plerùmque negligitur, ac nescio an eâ causâ Deus hanc penes unum, quàm penes plures esse malit.

Ubi primùm Hospitalius ad Urbem advenit, Basiliam arcem, atque armamentarium recepit. Intercè Rex ad Senatum qui apud Esia-pontem erat, simul ad singulos ex hoc Ordine qui apud Lutetiam Parisiorum resisterant, litteras dat, quibus significabat quâ die ad Urbem redire vellet, ac jubebat hos postridiè in Regiam venire amictos purpurâ, ut in hac Senatus coràm se frequens haberetur. De his litteris ab Nesmondo Præfide in Senatu dici cceptum est, unas se accepisse, quibus jubebatur in Regiam venire postridiè, idem alii omnes præter duodecim dixere, quod cæteris haud satis placuit, quando id illis exilium portendere videbatur. Aderat Gasto, atque cum eo Belfortius, ac Stampæus Fertimbaltius, qui omnes incerti, ac dubii videbantur esse, quid in re tantâ optimum factu esset. Vocati Cognitor, atque Actores regii de Patrum ad Regiam itione, ac de habendo in hac ex Regis voluntate Senatu

Senatus qui isthuc faciendum, ac Regi obtemperandum censuere. Qui nullas acceperant ab Rege litteras, si Senatum docebant maximâ huius Ordinis interesse, ut ne aliò, quàm quò solet, haberetur, multa adducentes, quæ graviuscula videbantur: sed Nesmondus qui tum Senatui moderabatur, vir fortis, ac prudens, quædam exempla esse dixit, Senatûs Regum Henrici II. ac III. iussu aliò quàm quò solet, habiti, atque id in Regis esse arbitrio, & cum plerique omnes in hanc discederent sententiam, postremò sicuti fieri iusserat, ita decretum.

At Rex XII. Calend. Novemb. Germani-fano profectus est, neque longius quàm Ruellium Aquiloniæ Rus nobile, atque amœnum ante meridiem processit, eò ab hac magnificentissimè, juxta atque lautissimè acceptus, habitusque. Inde præmissus ad Urbem a Bautruus Nogen-tius Comes, qui Gastonem moneret Regem post meridiem venturum ad Urbem, hortareturque hominem, ut huic prodiret obviâ adventum gratulaturus, spondere se id Regi gratissimum fore, atque ipsum Gastonem ex Regis benevolentia magnam voluptatem percepturum. Hic verò ubi ad Clodovæi-fanum advenit, atque etiamtùm cessabat Gasto, Danvillam ad hunc properare visum, qui moneret iterum, quid ipsi faciendum videretur.

a De Bautru,
Comte de
Nogent.

Sed Gasto porro domi restitit, cui fortè religio fuit ab fœdere quod sibi cum Condæo intercedebat, discedere: postremò Rex tardiùs ad Urbem venit, summâ cum læticia Ordinum omnium, atque acclamationibus plebis, quæ & accensis per noctem ubique ignibus gaudium ingens ex Regis adventu significavit. Ipse tum in Regiâ veteri quam Luparam appellant, habitare maluit, quàm apud Richelianas ædes, sicut usquè fecerat: hæc haud ita pridem ab Richelio Cardinali Ludovico XIII. Regi legatæ fuerant, Lupara Regum perpetua domus jam ab multis annis est, Richelianis ædibus multo amplior, & cui ex vetustate nonnulla dignitas accessit.

Ubi primum Rex advēnit, misit ad Gastonem, qui verbis suis juberet hunc Limursium suum postridiè concedere, quod ita grave homini fuit, ut id satis ostenderit dubia, atque incerta respondendo: quin & Belfortius qui aderat, de muniundâ in quâ ipse agitabat Urbis regione locutus est, dein idem Radefianus habito eâ de re consilio dixit de regione Urbis circum majus Urbis Templum, quò se acquisissimâ plebe usum confidebat, præterea complures in urbe esse, qui Gastonem haud deserturi essent, interea dum Condæum cum suis, atque Lotharingorum, & Germanorum copiis accerferet, quibus cogi posse Regem existimabant, uti Germani-fanum regrederetur: si id ex sententiâ eveniret, Radefianus operam suam ad Gastonem cum Rege in gratiam reducendum necessariam fore sperabat, atque inter agendum, molitundumque multa acingere posse, quibus ipse apud Regem, Reginamque matrem gratiam iniret, neque re publicâ gerendâ quod huic primum erat, atque palmarium haud indignus haberetur: sed Gasto isthæc in-

D d d d d

certa, dubia, atque periculosa posthabuit, maluitque rus concedere, quàm diutius suâ causâ rempublicam perturbari.

Patres diximus Senatû in Regiâ sicuti Rex jussêrat, habendum decrevisse, sed & simul decretum fuerat Regem edocendum ubi opportunum foret, rectius Senatû loco solito, quàm aliò haberi, atque id majoris quàm fortassè videatur momenti ad rempublicam esse, mittendos præterea ad Cancellarium Seguierum, atque ad Procancellarium, eundemque Primarium Senatû Præsidentem Molæum, qui hujus Ordinis verbis monerent, atque orarent, uti curæ utrique esset, ut & ad eos qui in scribendo prætermissi ab Rege fuerant, litteræ sicuti ad alios darentur, quod quidem frustrâ fuit.

At Patres XI. Calend. Novemb. in Regiam venêre, quò Senatus Rege coram est habitus, ex Ediçto quod apud Esix-pontem in Senatu qui tum ed habebatur, promulgatum fuerat, atque in hujus acta relatum. Id primum est recitatum, quo omnis hic Ordo reducebatur in Urbem: præterea Ediçtum quo cunctis cavebatur, Amnistiam vocabant, ut in Senatû qui tum in Regia erat acta referretur: postremò id quo Belfortius, Rupifocaldus, ex Senatu Brussellus, atque alii, Romanus, Boulaius, Fonteralius viri nobiles, ac denique Penisus omnium factiosorum postremus, ac pessimus, Condæi, Contii, Condææ fororis clientes, ac singillatim Peraltus in Rationum Curiâ Præsês, uxores, filii, filixque eorum Urbe facessere jubebantur: Senatui ut ne quid reipublicæ posthac injussu Regis attingere, neu quorum operâ in hac gerendâ uteretur, in eos quid eâ gratiâ decernere vellet, interdicebatur: postremò ne cui ex Senatu, cæterisque in Urbe Curii Principum virorum consiliis, aut rei administrandæ præesset, aut interesset copia esset, aut ab his stipendia, honoraria, aut pensiones annuas, aliave accipere, tametsi hujus rei ipsis antehac facta ab Regibus potestas fuisset. Recitatis his omnibus Ediçtis Cancellarius eorum qui aderant sententiam rogat, quæ de promulgandis Ediçtis lata quidem, cæterùm Patres de collegis ut ne abigerentur, Regi supplicandum censebant, sed id frustrâ fuit: nam postquàm quid Rex sentiret, juberetque ab ipso more majorum Cancellarius exquisiverat, Ediçta recitata, & promulgata, atque in acta Senatus referenda pronuntiavit: quæ res quod ad collegas attineret, Patribus ægrè fuit, Majestatis tamen vrecundiâ, & uti tempus erat, sibi temperandum sapientissimè censuere, atque ita Senatus est dimissus.

Ubi Rex cuncta hæc confecerat ex sententiâ, atque ed res redierat, uti Gastoni necesse esset illi omnia quæ vellet, ac juberet obsequi, ibi verò se sponte suâ, judicioque quæ æqua essent ea ipsi concedere velle per Danvillam significavit, quem eâ gratiâ Limursium haud procul ab Urbe quo Gasto discesserat misit. Hunc ed adduci Rex cupiebat, uti Mazarinum in Aulam redire æquo animo pateretur, nec eâ causâ secedere, aut abesse vellet, quod quidem Danvilla Gastoni persuadere omni ope conatus est: sed hic se Mazarino amicum usquàm fore, ac si

in Aulam rediret, eò se manere posse negavit, cætera verò omnia Regis voluntate facturum aiebat. Cum isthuc responsum huic haud satis placeret, missus est ad Gastonem iterum Danvilla, atque unâ Tellierus Quatuorvir, qui frustra uti de Mazarino Regi obsequeretur, hominem fatigavere, ac denique Gasto postquam Condæi sententiam exquisiverat, has ipsis tulit conditiones; se videlicet pacatum, ac quietum apud Blefiam oppidum suum ad Ligerim commoraturum: copias suas ab Condæi exercitu segregaturum, quæ regiis conjungerentur, eâ lege ut ne adversum Condæum harum operâ Rex uti vellet, quem ut hanc sibi veniam daret, rogaret impensius: quæ conditiones ubi Regi satis placuere, atque in has data, atque accepta utrimque fides est, Gasto Blefiam discessit, quò procul ab omni reipublicæ curâ reliquam vitam exegit. Belfortius Vindocinum paternum oppidum abiit, atque alii Urbe facessere jussi in rura quisque sua discessere.

Qui ex Senatu discesserant, de iis Nesimondo Præsidi, atque Francisco Veidello Consiliario placebat, uti Senatus frequens consultaret, atque ex totius Ordinis sententiâ ratio iniretur, quemadmodum ab Rege impetrari posset, ut ad Urbem, & in Curiam redirent, quamobrem Inquisitionum Classes in majus Conclave vocandas esse censebant, quod quidem utrique fraudi fuit, nam cæteri isthuc frustra futurum sunt arbitrati, atque adeò non est factum. Nesimondus autem vocatus in Regiam eâ de re graviter est increpitus, ac post paulò tantisper abire jussus, sicut & Veidellus: unus Brussellus restitit ad Urbem, cui videlicet nullum rus erat, quo secederet, cæterum res familiaris angusta, atque ætas gravis, quæ omnia ut hominis plebem miseresceret, efficiebant, cùmque vitabundus hominum cœtus, atque occultus agigaret, hujus planè abigendi nulla porro cura in Aulâ fuit.

Ita Gastonis, Condæi, atque Funditorum Sæctæ quæ in unam coa-luerant, tametsi huic Senatus, populusque Mazarini odio faveret, profligatæ: quod quidem Gastonis, & Condæi magis culpâ, quam Administrorum consilio, atque solertiâ, evenit, ubi illi pecuniæ in belli sumptus inopiâ Senatum, populumque ad fœdus secum faciendum, ut hanc posthac suppeditarent, vi adigere voluere, quo factum est, ut eorum studia amitterent, quæ denuò in Regem versa hunc denique potiorē reddidit. Certè Principis opes in vulgi benevolentia sitæ sunt, qui adeò perpetuò meminisse debet, Populum sine Principe, Principem sine Populo esse non posse. Reliquia igitur belli civilis in Campaniæ finibus, atque in Aquitaniâ longius ab Urbe posthac fuere. Illic Condæus, eò Contius frater, atque Condæa soror hostilia faciebant: quamobrem & hos, & qui horum sæctam sequebatur, Rex edixit hostes esse, simul horum bona publicavit, quæ habuerant imperia, & potestates, ac cætera quæ ad rem, & dignitatem pertinebant, ea ipsis abrogavit. Apud Burdigalam Contius, atque Condæa soror Ulmeistas fovebant, indignante Curia eo se plebi propè obnoxiam esse, quæ antehac sibi obediens esse solebat: nec tamen Contio, atque Condææ ad-

4 Veidellus
Conseiller au
Parlement.

Dddd ij

1652.

verſa, nequedùm ab rebellionẽ aliena erat : ſed in hãc pudebat non habere principatũ, quo plura in Ulmeiſtas habita conſilia, ut ab Ædibus urbis publicis quas tenebant, pellerentur, quæ omnia fruſtrà fuere.

a Le Marquis
de S. André
Mombrun.

b Le Chevalier
de la Ferrière.

Barcinonem in Cataloniã terrã, marique ab Hiſpanis obſeſſam diximus : in Urbem tamen Mottæum Hodencurium Equitum Tribunalis per media hoſtium caſtra evaſiſſe, qui hanc defenderet, atque Barcinonenſes in priſtinã erga Regem fide confirmaret; præterea a Santandreana Mombrunum ab Italiã copias eò duxiſſe, quibus Hiſpanorum caſtra tentaret, atque externas munitiones oppugnando, dum Mottæus erumperet ab urbe, hanc obſidione eximeret, atque Hiſpanos abire cogeret. Ad hoc Ferriera è b Melitenſi militiã rei navalis ſcientiſſimo curata pecunia fuerat inſtruendis navibus, onerandiſque commeatu, quem ad mare Balearicum deveheret, atque Barcinonem introduceret, quæ cum fame magis, quàm ferro premeretur, haud dubium videbatur hoc pacto ſuſtentari poſſe obſidionem, quæ hoſtibus denique fruſtrà, ac diſpendio, damnoque foret : nam navi ſecundo vento in portum tendenti prorsùs difficile eſt impedire curſum, pluſque uno navigio devehitur commeatùs, quàm pluribus caris, jumentisve : ex multis autem navibus quas Ferriera habebat, unam, aut alteram ſaltem in portum evaſuram veriſimile erat.

Rex ad Joannem Luſitaniæ Regem miſerat, qui doceret *Quam maximã huius intereſſe, ut ne Catalonia Philippus Hiſpaniæ Rex reciperet, qui quamdiu eò bellum gereret, tandiũ Luſitaniam aut quietam fore, aut leviter oppugnata : at ſi Catalonia penes Philippum foret, ibi verò omnes quæ in Hiſpaniã ſint copias adverſum Luſitaniam ituras, atque eò maximam belli molem futuram : octo, aut decem omninò navibus ab eo Barcinonem veriùs miſſis opus eſſe, cum aliquanto commeatu, qui in Urbem introducatur, id huic in tanta quam habeat navium copia, atque ob vicinitatem facile eſſe, quod Rex magna in gratia ſit habiturus, atque hanc ubi ſibi res ſecundiores eſſe caperint, relaturus.* Sed Luſitaniæ Regi ægrè erat fœdere quod huic cum Rege intercedebat, cautum non eſſe pacem ab hoc nuſquam ſancitum iri, niſi & ad illud pertineret, huius rebus, atque dignitate integris, ſed Regem modò ut id fieret eniſurum : quamobrem inter Ludovicum, & Philippum bellum eſſe diuturnum ſtudebat, ut interea ipſe quietus foret, aut faciliùs bellum defenderet.

Sed Ferriera poſtquàm tantisper ad mare Balearicum cum navibus in Barcinonis conſpectu ſteterat, re cujus gratiã venerat inſectã, ac ne tentatã quidem diſceſſit ; quin nec uti triduum, ſicuti Mottæus poſtulat, opperiretur, adduci potuit, quo triduo Santandreas munitiones Hiſpanorum externas, ipſe ab Urbe Mottæus caſtra erat oppugnaturus, nam ſi Ferriera cum navibus ſuis manſiſſet in ſtatione, harum metu, qui in claſſe Hiſpanicã erant focii navales, hãc non exſcendiſſent, ſicuti hoc metu vacui fecere, atque caſtra cum cæteris copiis ita defendere, ut horum oppugnatio noſtris fruſtrà fuerit. Æqua propè com-

meatûs inopia in Santandreæ castriserat, atque in ipsâ Urbe, cùm penes Hispanos omnia circùm Barcinonem loca essent, aut ipsis qui potiores videbantur, studerent: neque profuerat quidquam & Mottæo in Urbe, & Santandreæ foris, multa, atque præclara facinora fecisse: nam fames ambos abegit denique, Santandream primum, ad quem Rex scripserat, ut ubi res publica apud Barcinonem in tuto collocata foret, cum copiis suis in Italiam rediret, quò Hispani Casalium in Montis-ferrati agro oppugnaturi videbantur. Quod quamvis clàm copias esse Santandreas studuerat, tamen ab quibusdàm rescitum, qui pertæsi tam duræ, atque asperæ in Cataloniâ militiæ, hunc coëgere denique, ut abscederet.

Cùm id Regis injussu, atque adeò præter opinionem factum esset, visum ad Belieroplessium scribere, uti coactis quæ in Santonibus erant copiis, in Aquitaniam properaret, & cum Harcurio consultaret, quæ ex Aquitaniâ copię cum suis conjungi possent, ac duci in Cataloniam, uti Barcinoni subsidio essent: has omnes Harcurius si videretur ipse duceret, aut hanc traderet Belieroplessio provinciam. Sed jam Harcurius in Alsatiam profectus fuerat, sicuti suprâ memoravimus. Igitur Belieroplessius sicuti pro Pratore in Aquitaniâ fuit, qui Ilabono Ellebovi filio, Salbovio Marchione, Crequio è Melitensi Militiâ, & Belfonsio Marchione unâ reipublicæ operam navantibus, propè omnia in Aquitaniâ loca capta ab hostibus recepit, Marsinum cum omnibus copiis ad se venientem inhibuit, ut ne huic animus fuerit eò progredi, quò ipsi prælium facere necesse fuisset. Sed ubi deligendæ copię fuere, quæ in Cataloniam ducerentur, earum duces nihil sibi ab Rege hac de re mandatum dixere: præterea quæ copię ex hybernis collationes acceperant, eas videri ad hanc expeditionem paratiores: postremò mittendum ad Aulam qui resciscat, quid tandem Rex factum velit, ac pecuniam in stipendium poscat iis copiis, quas in Cataloniam mitti vellet, aut Tracium denique qui apud Montalbanum erat sicuti Quæstor in Aquitanico exercitu, de pecuniâ scribendum.

Venere brevî ab Rege mandata, quæ copię in Cataloniam ituræ erant, iis curata in stipendium pecunia est, sed hæc tam exigua, uti neque duces, neque milites satis adduci possent, ut eò proficiscerentur, difficillimo anni tempore, atque in regionem, quam planè vastatam esse seibant: Crequii tamen, atque Belfonsii Marchionis operâ plerique adducti sunt, uti proficiscerentur. Ad Mottæum Rex scripserat exercitum qui in Aquitaniâ esset, huic auxilio venturum, cui adeò mittere obviam Iosephum Margaritum, de quo sæpius memoravimus, cum plerisque aliis Catalanis Mottæo, atque Barcinonensibus visum. Illi exiguo, ac levi navigio per mediam Hispanorum classẽ cum ingenti periculo traducti apud Bagurem Palamis haud procul exscendere navi, dein apud Armenteram cum Lafario, qui Rhodæ Præfectus erat, & cum Alezio Barone, qui præerat equitatui, collocuti sunt, de comœatu Rhodam introducendo, cujus inopiam patiebatur. In-

1652.

de Gironam oppidum iere, ab quo Mortara Marchio cum copiis haud procul tum fuit, collectum tamen in viciniâ comneatum Rhodam Margaritus misit, vir ad extremum Regi fidus, industrius, & qui nihil labori, & sumptui ad rem publicam benè gerendam parceret.

Ab Gironâ Perpinianum unâ cum Alélio Barone petit, eò se credens Belieroplessium cum Aquitanicis copiis inventurum, uti rationem inirent, quo pacto labefactatis, ac propè perditis patriæ rebus succurrere possent, & quâ viâ appropinquare Barcinoni. Sed hunc ea spes frustrata est, neque dùm quando Belieroplessius adventurus esset, quispquam satis scibat. Margariti tamen ad Perpinianum adventus ipsi oppido salutis fuit: Thomas enim *a* Bagnolsius qui eundem in Russinonensi Agro, quem Margaritus in Catalonia gerebat Magistratum, Gubernatorem appellant, inimici sui cujusdam persequendi, atque adeò rixæ privatæ specie, ex agris milites collegerat, quibus fretus Perpinianum ingredi, atque oppido, & arce nostros pellere decreverat, quod est ab Margarito prohibitum.

Jam Hispani omnia ad mare loca, suprâ, atque infrâ Barcinonem ceperant, ac præfidiis tenebant, ita ut nihil ampliùs ab his comneatûs ad Urbem, sicut antehâc quandôque fiebat, supportari posset: quæ verò oppida, atque Castella longiùs ab maris orâ posita sunt, ea propè omnia erant in horum potestate: nam & Gironam post Margariti discessum Mortara Marchio ad deditionem redegerat. Mottæus igitur undequâque circumclusus, neque quâ Belieroplessius iter ad se habere, neque quo modo ipse famem usquè ad ejus adventum tolerare posset, satis expediebat: quamobrem consilio cum ducibus, atque Barcinonensibus habito, deditionem facere decrevit.

Hujus latæ conditiones ab Joanne Austrio quàm honorificentissimæ sunt, quibus & ducibus, & militibus, & popularibus ex sententiâ cautum, qui manere ad Urbem, aut in patriâ, quive migrare vellent. Ita Catalonia in Philippi Hispaniæ Regis ditionem rediit, post decennium atque ampliùs, ex quo Catalani se Ludovico XIII. Galliarum Regi dediderant, ab eo, atque ab Ludovico filio perliberaliter habiti usquè ad hæc nostra bella civilia, ita ut bellum quod eò adversum Hispanos gerebamus, Catalanis magis quæstui, quàm damno esset, tam sedulò Gallicis copiis, atque Catalanicis stipendium curabatur, quo fiebat ut omnis ex hac Provinciâ Galliæ conjunctâ fructus magis ad Catalanos, quàm ad Regem pertineret, qui immensum planè huic adversum Philippum tuendæ sumptum fecit: pudet profectò nostrâ culpâ isthæc tam læda, atque aspera rei publicæ evenisse.

Interea Belieroplessius Russinonensem agrum versùs iter per Septimaniam habebat, quo *b* Santaunesius Barrius Locatæ Præfectus ab Rege defecerat, ac virorum Principum partes sequebatur: sed ubi sensit Mercurii equitum alam ab Provinciâ missam, ac præterea Belieroplessium cum plerisque copiis in propinquo esse, facile adductus est, uti cum Mottæo de pace ageret, ac rediret in viam. Hic post deditam

a De Barry
Marquis de
Saint Aunais.

b De Barry
Marquis de
Saint Aunais.

Barcinonem redibat in Galliam, quicum ex itinere Belieroplessius collocutus est, ut quid optimum factu existimaret ab ipso rescisceret. Is eundem in confluentem censuit, atque eò pellendos hostes ab oppidis, ac castellis, quæ nuper receperant. Confluens Ruffinonensis agri regio est Cataloniæ propior, quò Thomas Bagnolsius de quo supra memoravimus, concesserat, cum his quos coëgerat militibus.

Is sicuti secundis in rebus nostris Regis partes secutus erat, ita Philippi qui tum potior videbatur, fortunam sequebatur: primum quâ Pyrenæus in hac regione saltus aditur, angusto inter montium juga itinere (collum Ternæum appellant) eâ transitu arcere Belieroplessium decreverat: dein hoc omisso consilio, suos in vicina oppida loci naturâ munita dimittit, ipse inter hujus jugi confragosa, atque aspera diffugit. At Belieroplessius Rodezæ oppugnat, quò trecenti Hispani moenia defensabant: quadratum propugnâre, dein uti sibi deditionis conditiones ab Belieroplessio ferrentur, postulâre: sed is se negavit aliam ferre posse, quàm ut se, suæque ipsi permitterent, quod ubi hostes abnuere, impetus ab nostris in oppidum factus, pulsique in arcem hostes sunt, quò denique vitæ suæ consuluere, Belieroplessio sese permittent, qui omnes captivos habuit: pedites trecenti, equites quinquaginta fuere: oppidum primum ab nostris, dein ubi profecti sunt, ab accolis direptum, atque incensum est, manente in popularium animis conceptoque pridem in Hispanos odio.

Cætera oppida deditione item sibi consuluere, ita ut Bagnolsius Villam-francam concedere coactus fuerit, quæ regionis illius caput est. Sed hæc cum naturâ loci, & operibus ita munita esset, ut oppugnandarum Urbium omni apparatu ad hujuscemodi inceptum opus esset, cui moliendo hyems haud quaquàm opportuna erat, isthuc in aliud tempus Belieroplessius distulit, atque interea Crequium cum idoneo equitum numero Rhodam versùs misit, cum quingentis peditibus, qui oppidum ingressi sunt: dein ab hac regione propter frigora, quæ inter Pyrenæi juga per hyemem intolerabilia sunt, atque commeatûs inopiam discedere visum in propinquam Septimaniam, quò in hybernis copiæ collocatæ, atque eò manere jussi Belieroplessius, atque Belfonsius, si quid hostibus adversum Rhodam consilii foret, ut huic subito subvenirent.

Hispanos graviter offendisse diximus, ubi Carolum Gonzagam a Noviodunensem Ducem Mantuâ Urbe, quæ huic hereditate obvenerat, atque agro Mantuano, præterea Casalio ad Padum, & Montisferrati in quo situm est, agro spoliare antehac decreverant: nam ea res tum hominem coëgerat, Casalium oppidum, cum Arce totius Italiæ longè validissimâ, quibus maximè potiri Hispanis consilium erat, permittere Ludovico XIII. Regi, ut hæc adversum Philippi Hispaniæ Regis conatus tueretur. Id per complures annos fecit, tam immensis sumptibus, ac tot tantorumque civium jacturâ, qui ab morbis magis, ac cæli gravitate, pestilentia, atque aliis in Italiâ calibus, quàm ab ferro interi-

a Le Duc de
Nevers.

1652.

a Le Marquis
de Mompé-
zat.

re, nam raro victi, sæpiùs victores fuerunt, uti ratio tot sumptuum, atque hominum nequaquàm iniri possit. Casalium oppidum, atque Arx in Ludovici filii potestate etiamtùm erant: sed propter corruptam apud nos rempublicam, ac bellum civile quod in Galliâ gerebatur, nusquàm suppeditare sumptibus qui foris faciendi erant, Rex poterat. a Mompézatuz Casalio ab Rege Præfectus in Aulam venerat, nuntiatum præsidium eò exiguum esse: qui suâ, atque Serviani in propinquo apud Sabaudix Ducem Regis Legati fide stipendium militibus, atque frumentum usquè dederant, eos cessare, quoniam quo uterque hanc exolveret, nihil jamdiù ab Aulâ missum fuerat: postremò aut curandam eò pecuniam, aut propediem Casalium in potestate hostium futurum, quorum tametsi exiguæ opes ad tantum inceptum, tamen quia nullæ in oppido, atque arce sint, his faciliè potituros.

Isthæc Carolo II. Mantuæ, ac Montisferrati Duci haud ignota erant: hujus amita Eleonora Ferdinando II. Imperatori quondam nupserat, tunc vidua: Eleonora verò Caroli soror tum Ferdinandi III. Ferdinandi II. filii uxor erat: Carolus ipse Elizabetham Claram Austriam Oenipotani Archiducis filiam uxorem duxerat, ita hujus cum Austriacâ Gente affinitatis vinculum triplex est, quam adeò si Galliarum Regis amicitix anteposuerit, nemini mirum videatur: sed ea Ludovico in Carolum fuit, qualis esse debebat erga hominem cui Rex pater Mantuæ, ac Montisferrati Principatûs adversum Austriacorum vim conservaverat; Carolo verò haud alia, quàm quæ ob ingentium in se meritorum memoriam hominibus esse solet, quæ certè hos non ita afficit, ut eâ causâ præsens adire discrimen, aut ullius damni subire casum velint: præterea haud huic ægrè fuit, sibi opportunitatem dari, quâ si rectè uteretur, Casalium posthac non in alienâ, sed in suâ unius potestate foret, quod quidem huic ab Rolando b Lavalle cujus consilio, judicioque in omni republicâ gerendâ utebatur, subiectum perlique credidèr.

b De Laval.

c Priandi Re-
sident de
Mantouë.

Igitur Carolus hoc autore rationem inire decrevit, quo cum bonâ Gallorum, atque Hispanorum gratiâ Casalium suo ipse præsidio posthac teneret. Ut eò perveniret, per Hieronymum Priandum c qui dudum Mantuæ Ducum negotia isthuc procurat, hominem sibi sicuti majoribus fidum, atque isthuc gratum, acceptumque cum Rege, atque Administris egit maturè, atque continuò, uti Casalio consulere vellent, sicuti res monebat, aut si ob bellum civile id adversum Hispanorum confilia, conatusque tueri non possent, præsidium Gallorum inde, atque Helvetiorum deducerent, seque Casalium suis opibus defendere sinerent, considerare se si isthuc Regi probaretur, Hispanos nihil adversum Casalium molituros. Interea ut ne Hispani properarent eò ducere, per amitam, atque sororem Eleonoras apud Ferdinandum Imperatorem hujus virum, cujus maxima apud Philippum Hispaniæ Regem autoritas, & fides est, operam dabat: simul agebat cum Hispanis ipsis apud Mediolanum per Bozzoli Principem, & Augustinum Guazzonem è Sommarcorum Ordine, uti sibi satis utile esse ducerent Casalium ab Gallorum manibus

manibus eripi, quod domino citrà cuiusquam invidiam traderetur.

Sed ægrè erat Regi tam validum oppidum in Italiâ, atque huic ab Hispanorum lubricine, quæ ipsis propagandæ dominationis suæ ingens ab naturâ est, vendicandæ opportunissimum dimittere: eò tergiversabatur fortunam opperiens, si fortè bello civili finem faceret, atque intereà hanc ferebat Carolo conditionem, uti deducto ab Casalio Gallorum, atque Helvetiorum qui sibi mercede militabant, præsidio, novum eò Helvetiorum præsidium introduceretur, qui fidem darent, se Regi, atque Carolo oppidum conservaturos, atque ubi bellum desineret, ex utriusque sententiâ discessuros: huic præsidio stipendium pro mediâ parte Regis, pro quartâ omnium Italiæ Principum, pro alterâ quartâ Caroli sumptibus curaretur, uti quorum maximâ interesset Casalium non esse in Hispanorum potestate, eorum ut id ne fieret, eadem cura, ac pro opibus impensa esset. Sed isthæc quod imminabat Casalio periculum, id non avertebant, atque hoc pacto magis ut in posterum, quàm uti tunc in tuto esset, cavebatur: nam cum omnibus Italiæ Principibus eâ de re agendum erat, qui ut in eandem hanc adducerentur sententiam, aliquanto tempore opus erat.

Argensonus Regis apud Venetos Legatus cum Carolo agebat fœdulo, ut ne ab Regis amicitia discedere vellet, ab cuius patre tanta in huius avum, atque in hunc ipsum beneficia profecta essent, quem si cessasset adversum Hispanorum conatus tueri, ille Mantuæ, atque Montisferrati Prædiis planè fuisset ab his spoliatus, qui tunc ipsi nepoti blandiantur, uti videlicet ubi ab Regis amicitia discesserit, quod usque patrare non potuere prohibiti ab Gallis, id posthæc ex sententiâ conficiant, atque hunc sicuti pridem decreverint, aut planè spolient, aut saltem Casalio sibi cedere cogant. Venetis autem Argensonus persuadere conabatur, ut ne Casalium sinerent ab Hispanis capi, atque teneri posthæc, rem omnibus Italiæ Principibus periculosissimam, quorum maximâ intersit, Hispanorum opes nequaquam in Italiâ crescere. Id ipsis singillatim curæ esse decere, quibus Hispani in Mediolanensi, atque Cremonensi agris finitimi sint, eo de Carolo Mantuæ, & Montisferrati Duce tuendo cum Rege Ludovico XIII. concordasse, & quod hic apud Casalium fecerit, id ipsos apud Mantuam fecisse: ipsum Casalium haud ita procul ab eorum abesse finibus, cui si tantisper subvenire velint intereà dùm bellum civile in Galliâ desierit, id & ex re publicâ facturos, & Regem in maximâ gratiâ habiturum.

Sed Veneti vix se huic admiscere negotio poterant, bello Turcico impediti, cui sustinendo omnibus opibus suis, ac prætereà alienis opus habebant, atque adeò neque suppeditare sumptibus poterant, qui tuendo eâ tempestate Casalio necessarii erant, neque Hispanis ægrè facere volebant, de hoc autem negotio cum omnibus Italiæ Principibus agendi spatium non erat, neque hi faciliè adduci potuissent, uti labefactatis Galliæ rebus quidquam quod Hispanis displiceret inciperent: postremò non dubito Carolum eos fecisse certiores, quid apud Viadanam, &

Eeeee

1652.

apud Mediolanum de Cafalio ageret, & quorsum ea res esset evasura: quo factum est, uti Veneti omnia se Regis causâ velle dicerent, atque operam daturus, ut Hispani, atque Carolus nihil in Cafalii negotio quod rei publicæ fraudi, damno foret factum vellent.

Sed Hispani ut ne tantam Cafalii à Gallorum manibus eripiendi opportunitatem corrumpi sinerent, Sturæ-pontem, Corniolium, Ozanum, Bassignanum, Georgii-sanum, Occimianum, Mirabellum, Ticinetum, & Frassinum occupavere, ac præsidii tenuere, quibus ita circumclusum Cafalium est, uti vix quidquam eò supportari posset. Isthuc Priandus Regem, atque Administros edocuit, orans, atque obtestans uti dum liceret, dumque tempus esset, præsidium Gallorum, atque Helvetiorum Cafalio deduci, atque eò Mantuanorum ab Duce copias introduci vellent: si Hispani Cafalium vi, atque armis caperent, vix id Carolo reddituros, tam opportunum suis in Italiâ consiliis oppidum. Sed ne ipsi quidem Galli tum adduci potuere, ut id dimitterent, verum accusare Carolum, sicut id ab eorum manibus ereptum, ac penes Hispanos esse mallet, quod tamen gravius in Rollandum Lavallum jactatum est, qui certè jamdiu Hispanis quàm nobis æquior erat. Sed in hoc Cafalii negotio Principi suo singillatim sicuti par erat, studuisse videtur, sed illi haud ægrè fuisse tantam hujus ab Regis amicitia, atque clientelâ subducendi opportunitatem oblatam esse: hæc certè fuit hujusmodi, uti satiùs fuerit Regi ab Cafalio Gallorum, atque Helvetiorum præsidium sponte deducere, atque ipsi Carolo suis opibus tuendum relinquere, quàm hujus nobis defendentibus ab Hispanis capiendi, atque adeo sibi retinendi occasionem dare: nisi si Mazarinus credidit Santandream Mombrunum cum copiis ab Catalonia in Italiam satis maturè uti Cafalio subvenire posset, rediturum, aut id alio pacto factum iri, ac denique si ab Hispanis caperetur, Regi hujus vi, atque armis ex iis recipiundum jus fore, non item ex Carolo, ubi ipsi semel permissum foret.

a Le Marquis
de Mompe-
zat.

a Mompezatus Marchio Cafalio Præfectus qui tum ad Aulam erat, sicuti diximus, cum nulla ab Rege ob ærarii inopiam auxilii spes esset, hanc tulit Administris ab Tavano Marchione conditionem, ut hunc Rex Tribunum equitum creare vellet, mitteretque in Italiam cum imperio, eò hunc tria peditum millia, ac mille quingentos equites quos omnes suis sumptibus scriberet, ducturum, atque his simul, & Sabaudia Ducis copiis fretum Cafalio subventurum. Id quidem ipsis satis probabatur, nec tamen factum est, quâ verò de causâ incertum habeo. Christina Regis amita Caroli Emanuelis Sabaudia Ducis mater haud cessabat per b Agliæum Abbatem filii apud Regem Legatum hunc urgere, uti Cafalio tuendo dare vellet operam, quod si in potestatem Hispanorum veniret, nihil sibi satis tutum in Italiâ adversum hos fore distitans, cum quibus adeò maturè pacem factura esset, dum hanc æquis conditionibus facere liceret, cujus rei post captum Cafalium haud perindè copiam fore. Interea c Villam Marchionem eò mi-

b L'Abbé
d'Aglié.

c Le Marquis-
Villé.

erat, uti coram cognosceret, ecqua spes esset oppidi, ac saltem arcis defensandæ, ut ex eo sibi consilium caperet. Hic ex a Sant-Angelo qui arcis Præfæctus erat, si quid auxilii introduceretur, aliquamdiu rem sustentari posse rescivit, atque adeo quadringentos equites eò ducere decrevit. At mox Sant-Angelum qui Monferrinorum in Subalpinos odium noverat, subiit metus, uti si quid ab his adveniret auxilii ipsi Monferrini deficerent, atque Hispanis continuo dederent se: quamobrem ad Villam misit qui moneret sibi Subalpinorum auxilio uti copiam non esse, quod quidem his, atque Christianæ maximè ægrè fuit.

Sed longè molestius fuit b Antonium Broüillium Piennam Marchionem Pinarolo Præfæctum quem Rex jussit octingentos pedites Casalium mittere, id facere recusasse, causatum videlicet periculosum esse eam tempestate apud Pinarolum præsidium tanto militum numero minuire, quorum profectio ab oppugnando quidem Casalio Hispanos deterrere, cæterum ad oppugnandum Pinarolum impellere posset. Hi tamen sibi conscii infirmas ad Casalii inceptum opes suas esse, si vel minimum auxilii introduceretur, omni ope nitebantur, uti Carolum planè sibi adjungerent, qui unà secum Gallos oppido, atque arce pelere aggrediretur. Eo ad illum misere c Vercellinum Manam Viscontium qui quod Bozzoli Princeps incœperat, id perficeret. Factum igitur inter Caracenam qui Mediolanum, ac Mediolanensem obtinet Agrum cum omnibus finitimis quæ Hispanicæ ditionis sunt regionibus, & Carolum Mantuæ, ac Montisferrati Principem, Ducem appellat, foedus quo cavebatur ut hic peditum millia duo, & trecentos equites ex Mantuâ Urbe, atque Agro Mantuano, ac præterea mille quingentos pedites ex Montisferrati Agro Casalium introduceret: id modo rescivit ex fœderis legibus, quia tantumdem postea equitum, peditumque ab Camillo Gonzagâ Bozzoli Principis fratre Casalium introductum est, cæteras fœderis conditiones ut ne Galli resciscerent, cautio fuit.

Argensonus Regis apud Venetos Legatus certior ab amicis factus de fœdere, atque in Agro Mantuano cogi milites, iterum Venetorum Senatui edocet, quantum ea res ad rem eorum publicam, atque ad alios Italiæ Principes pertineret: famam quidem, & gloriam Regis, sed illorum libertatem agi, quæ si Casalium penes Hispanos erit, incerta posthæc futura videatur: ad Carolum autem scribit, hortans, obsecrans, obtestansque ut ne id factum vellet, neu Regis partes defereret, cujus, ac Ludovici Patris cum ingentia in eum merita sint, qui res Caroli illius avi perditas tanto suo sumptu, tantâ civium jacturâ restituerit, nulli probatum iri nepotem ab illius amicitia discedere, & ad Hispanorum qui ipsi hostes sint, transire partes. Sed isthæc, atque alia hujuscemodi frustra fuere, nam d Fuentanus Comes Hispaniæ Regis Legatus Venetos quid Philippo de Casalio consilii esset, certiores fecit, quod & ab ipso Carolo factum probabile est, quamobrem de hoc negotio haud ita postea solliciti fuere.

Igitur Camillus Gonzaga milites Mantuanos Casalium versùs duxit, quò & pleraque Mantuana Nobilitas profecta est. Sed priusquam adveniret, Christina Sabaudia Ducis matri tentare visum, si quid militum eò introduci posset, nam quos Pienna mittere iussus antehac fuerat numero ostingentes, ii denique Pinarolo profecti ubi Casalio appropinquaverant, ab Hispanis fusi, fugatique fuerant, ita ut quadraginta modò ad arcem evaserint. Misit igitur illa peditum duo millia, ac mille quingentos equites, qui oppidum propiores facti uti Padus modò intercederet, postulavère ab oppidanis, uti sibi mitterent naves, quibus amnem traduci possent: sed illi id se facturos negavère, qui videlicet Principi suo consci quid ipsi consilii esset, haud contrà tendere noluère.

At hæc omnia satis superque ostendunt, in unius Caroli arbitrio positum fuisse, aut Casalium penes Gallos relinquere, aut id Hispanorum operà illis ereptum sibi posthac habere, quod maluit denique, atque Hispanorum partes sequi, quia id nova cum Austriacis affinitas suadebat ingentium in se, patremque Regis, ac Ludovici patris meritorum immemori. Ubi igitur Mantuani, Monferrinique milites Casalium introducti sunt, Galli omnes in arcem concessère, Hispani verò hanc omni ope oppugnavère, ac ductis ad duo propugnacula fossis, & cuniculis ruinas in his edidère, atque impetum denique fecère. Sed ab Gallis, & Helvetiis pulsè cum nihilo minùs satis scirent nostros haud diù propugnare posse, honestissimas Sant-Angelo Propræfecto deditionis conditiones tulère, quibus acceptis arcem cui per Mompezati absentiam præerat, deditit, quæ deinceps penes Mantuæ Ducem foret, delectumque ab eo Præfectum, ac præsidium haberet. Stipendium tamen posthac præsidio curatum ab Hispanis est, tametsi Eleonoræ Caroli sororis, atque Ferdinandi uxoris nomine, quod satis indicat ingratum Caroli adversum Regem animum, cujus id non ultimum inter Principes exemplum erit.

Ubi Subalpinis apud Casalium oppidani naves uti Padum traducerentur se missuros negaverant, quo hiis auxilii quidquam eò introducere spes adempta fuerat, ad Crescentinum cum Verrüa Comite qui ipsis præerat ière, oppidum oppugnaturi, quod post septimum diem recepère, interea dùm Caracena Casalii arcem oppugnabat, huic uni rei intentus. Quæ postquam feliciter evenerat, cum Subalpinis ipsis agere decrevit, uti cum Hispanis pro Italiae libertate congruerent, quam in pellendis hæc omni regione Gallis positam esse aiebat. *Hos sicuti Casalio, ita & Arce apud Augustam Taurinorum, & Pinarolo pellenidos, quod facile futurum sit, si Caroli Mantuæ Ducis exemplum sequi Carolus Emanuel Sabaudia Dux, atque huius mater Christina velint: qui si Hispanis sese conjungere animum inducant, Philippum adduci posse, ut illi filiam tot Regnorum hæredem despondeat, atque uxorem det, quo nihil magnificentius, atque amplius Carolo Emanueli esse possit.* Ithæc plerisque Subalpinorum satis placebant, sed ea Christinae prudentia, atque constantia in Regis fratris filii amicitia fuit, uti nihil his quæ vana, atque incerta fuère, ulquàm moveretur.

Eâ tempestate ab Aftæ Villa-novâ, atque ab Verriâ Gallorum præsidia Rex deduci jussit, quæ loca cum arce apud Augustam Taurinorum usquè tenebat, ut Hispanos ad reddendas Carolo Emanuëli Vercellæ adigeret, cui denique rei conficiundæ arcem apud Augustam Taurinorum porro retinuit: cæterum quod dudum Carolus Emanuël expetebat, uti sui apud Regem Legati ad regionum normam haberentur, id huic est condonatum, nam quod factum usquè fuerat discrimen sublatum est, uti videlicet qui apud circumque Regiam milites stationes per vices habere solent, ii adveniente Legato sub armis velut in acie instructi sint, quod unis Legatis regiis honoris usquè habitum fuerat. Postremò Quincæ Rex misit in Subalpinos cum copiis, quæ tuendis finibus, prohibendisque, ac retundendis Hispanorum conatibus satis essent, eò confirmati Subalpinorum animi, uti jam haberet porro Gallorum servire commodis, neque Hispanos amplius metuerent.

Qui apud Burdigalam Condæi sectatorum principes fuere, ii apud Mantuam Carpetanorum Philippo Regi, atque Aro Comiti persuasere, haud difficile fore Santonum-portum, seu Blayam ad æstuarium Garunnæ terrâ, marique obsidere, nam post captas Gallicas ab Britannis naves in orâ Gallicâ, nullas Regi superesse, quibus Hispanicis littoribus suis arceat, aut prohibeat Blayæ appropinquare, quam ab terrâ Condæi copiæ, atque Burdigalenses obsidere, & oppugnare possint. Huic igitur incipiundæ rei Philippus Battevilleam qui tum apud Sebastiani-fanum erat, cui oppido ad Oceanum Cantabricum Præfectus est, naves cogere, classẽ apparare, dein ducere Blayam versùs jubet. Sed ubi advēnit, nihil ab Condæi clientibus satis provisum invenit, quo ab terrâ sicut ab mari oppugnaretur: quamobrem omisso incepto ad Passagii portum hybernandi causâ classẽm deduxit. At ex eâ re infectâ inimiciæ graves Battevilleam inter, & Marfinum, atque Lesnæum ortæ, quia eo Philippo in aperto fuit hos præmiorum studio multa ipsi magnifica, atque ampla, sicuti factu facilia subijcere, quæ ubi ad rem conferebantur, perdifficilia essent. Vicissim Marfinus, & Lesnæus Philippo, atque Aro Comiti haud occultum habuere, Battevilleam compendio suo apud Burgum, quò Præfectus erat, studere, in cuius præsidio mille modò milites haberet, qui quoniam initio aliquanto plures fuissent, tot militum stipendium ab Philippo etiamtùm acciperet, atque adeò nonnullos quæstui haberet, præterea monetam Hispanicam quæ ipsi curabatur, in Gallicam permutando, quartam illius partem lucri faceret. Isthuc Philippo, atque Aro Comiti leve visum, neque satis dignum, quod in fortiviro, ac strenuo animadvertent: præterea satis intelligebant Marfinum, & Lesnæum ex invidia, atque ultionis studio hunc labefactum velle, cui videlicet suprâ quàm vellent, perspicaci fraudem suam occultare se posse diffident: Battevilleam tamen Sebastiani-fanum concedere jussere, ut ne quid ex huius cum Marfino, atque Lesnæo litibus, mali damnive rei publicæ eveni-

1652.

ret. In hujus locum successus est Jozephus Oforius qui Burgo posthac Præfectus esset, atque in eâ regione omnem quæ ad Hispanos attineret rem publicam gereret, is Burgo Propræfectus usquæ fuerat. Sed quempiam eâ tempestate Brezæa ad Philippum misit, qui cum eodè Condæi viri rebus ageret: ille cum gemmarum dono cujus pretium quadraginta aureorum millium fuit, remissus est, donatus ipse aliquanti pretii armillâ: tanta Hispanis adversum eos qui suâ causâ ad malas partes animum adducunt, largitas est.

Postquam Mazarinus vulgi de habitu suo lubidini servierat, atque adeo uti cupientissimâ plebe Rex, atque Regina mater ad Urbem redirent, effecerat, ac præterea uti Condæum propè haud multò minùs quàm Hispanos quibus se conjunxerat, odisset, ibi verò uti suus ad Aulam reditus omnium voluntate fieret, operam dedit: eodè de reconciliandâ gratiâ vel cum inimicissimis egit sedulò, cum Contio, cum Curiâ Burdigalensi, cum Harcurio, cum Daugniono, atque aliis. Jam Santauneliûm Locatæ Præfectum Mottæi operâ in viam reductum diximus, cui quod hic receperat, Rex planè ratum habuit, ac præstitit: de illò videlicet noxæ regio Edicto eximendo, atque item Locatensibus: de filiis qui apud Urbem dati in custodiam fuerant, dimittendis: de bonis omnibus cum ipsi, tum amicis, qui unâ defecerant, restituendis: de Termis castello Narbonensi Archiepiscopo permittendo, quod post sex menses Santaunesio aut redderetur, si isthuc Regi satis placeret, aut destrueretur: de duabus turmis equitum, quas ille conscripserat, ab Rege quæ huic mererent retinendis: de pecuniâ aliquantâ huic cum propter sumptus in conscribendis, armandisque turmis factos, tum aliis de causis curandâ.

Sed operæpretium erat Mazarino cum Condæo redire in gratiam, atque hunc in Aulam reducere: id per fidum interpretem tentatum, latæque ipsi quàm honorificentissimæ conditiones sunt, ac fortasse majores, quàm ut his stare denique Mazarinum velle crederet: nam huic commercari extrâ Galliæ fines Principatum, quem cum summo jure, judicioque obtincret, proponebatur: item alia omnia, quæ explere vas-tum, atque ingentem animum posse videbantur. At isthac hominem fortasè commovissent, si integris rebus suis, nequedùm cum Philippo communicatis, proposita fuissent, quæ tum factâ inter ambos belli so-cietate, frustrâ fuere.

Igitur Condæus respondit, Principis è regis gente viri quam habeat ab natura dignitatem, sibi omni Principatu, qui cum summo jure, judicioque dari possit, potorem esse: neque potentiam, neque malefaciendi licentiam, quæ major in hujuscemodi Principatu futura videatur, quærere se, sed amicitiam, sed fidem, quam in Mazarino nullam esse suo magno malo sit expertus: non esse adeo sibi consilium iterùm huic se permittere: hunc facile omnia polliceri, uti quod ad-versum se fiat, id interpellat, quod ubi factum est, præstare modo ea quæ velit: postremò eodè se Mazarini fraude adductum, uti necesse habuerit cum Philippo belli societatem inire, quod desinere nisi utriusque voluntate possit: quàmobrem cum

utroque aut pacem faciendam quod magnopere ad rem publicam perirent, aut bellum gerendum esse, neque alterum ab fide quam alteri dederit, discessurum. Hæc ab animo odio in Mazarinum accenso proficiscebantur, ac præterea spei plenissimo, fore uti proximis æstivis, profligatis Regis, seu potius Mazarini copiis, victor ad Urbem accederet, ac se Pacis Ludovicum inter, & Philippum faciundæ arbitrum futurum.

Sicuti cum Condæo, ita & cum Contio Mazarinus egit: qui tamen si non nihil ab fratre dissideret, tamen ab Condæ sororis, hæc autem ab Condæ voluntate pendebat, quod Mazarino molestum, nam si Contius, & Condæa respuissent, magnum ad pacandam Aquitaniam momentum attulissent: cæterum uti Contio, Condæ, atque Burdigalensibus majora in dies adferrentur incommoda, Vindocinus ad Garumnæ æstuarium classem adducere iussus est, atque Candalio qui tum provinciam cum exercitu obtinebat, missæ ab vicinis regionibus copiar, quibus tantò melius rem publicam gereret, ac denique cum Daugnio no agi coeptum.

At Condæus in Campaniæ sinibus, ubi hinc indè circumspererat quid sibi factu facile, aut contrà esset, neque Durocortoro Rhemorum, aut Augustâ Sueffionum potiri se posse sentit, infirmis ad hujusmodi incœpta opibus suis, Vervinum in Tieracensi agro, neque naturâ, neque operibus, neque præsidio ullo munitum oppidum, occupat, atque eò cohortes duas, cum unâ equitum alâ collocat: dein Rhetelium ducit infirmum item ad Axonam amnem oppidum, quod huic brevî ab *a* Rallâ Præfecto, cui ad propugnandum omnia defuere, deditum est, ceterâ viro forti, ac strenuo: deditum est & Portiani-Castellum, perindè, aut magis infirmum: dein Meneculphifanum oppidum cum arce tantisper est ab Santimauro Præfecto defensum, ac postremò Condæo deditum: id ampliùs muniri Condæus iussit, positum videlicet Mosam inter, & Matronam amnes, Virodunum, atque Cabilonum oppida valida, haud procul Claromontio, ac Sateñaio, quæ duo oppida penes ipsum sunt, spem videlicet nactus se Meneculphifano, atque Rhetelio fretum, in eâ regione cum exercitu facile hybernaturum, prædas è vicinis Campaniæ locis amplas facturum, ac denique ex propinquo factionis in Urbe reliquias confirmaturum. Postea Barem Ducis, Lignium, ac Voidium in Barenfi agro facile cepit, loca infirma, quorum primum ubi oppugnat, *b* Faugius qui Lotharingicas copias ductabat, cæsus est: dein has, & Belgicas dimisit, suas autem ad Mosam in hyberna distribuit: quæ Gastonis erant copiar, eas jam ante Baris oppugnationem dimiserat, quæ regius secundum foedus cum eo sancitum conjungi debebant.

Rex, atque Regina mater Mazarinum urgebant, ut ad Aulam redire vellet: sed hic rei publicæ magis, quàm suis commodis serviens iit ad exercitum, qui in Campaniâ erat: eodè ad hujus adventus famam venere Ellebovius cum copiis, quas in Picardiâ coegerat, præterea alii

1652.

è Normanniâ, atque ex aliis provinciis, quidam accersit, alii sponte suâ, ut apud hunc gratiam inirent: ita multum est auctus regius exercitus, cui omnia accuratius quàm antehâc Mazarini operâ subministrata, quo facilius agitare, & quæ faciunda censebat, ea exequi possêt. Hoc exercitu freti Ellebovius, atque Almontius equitum Tribunus Portiani-castellum oppidum recepere, nihil prohibentibus hostibus, qui in arcem concesserant.

• Le Comte
de S. Aignan.

Sed eò propugnâre acriter, donec sæpiùs ubi erupère pulsi, fusi-que, fossis, atque cuniculis ad murum ductis, ac pulvere tormentario oppletis, diutiùs propugnandi spem abjecere: neque tamen dedicationem facere voluere, quin Condæus sex dierum uti sibi suppetias ferre possêt, spatium haberet, ac postremò hoc cessante armatis, instructisque arce discedendi facta copia est. • Santanianus eò egre-giam, fortēque Regi navavit operam, hunc unum è Cubiculariorum regiorum principibus esse diximus, qui seu domi, seu foris bellum gereretur, cum imperio, aut ubi nihil commissum erat, sine imperio perpetuò militavit: hic dum adversum hostes qui arce eruperant, strenuè rem gerit, quamvis glande ictus graviter fuerat, tamen adduci nequivit, uti curando vulnere prælio excederet, quod his modò suâ maximè virtute pulsus fecit.

Castronovanum antehâc memoravimus ab Aulâ sponte discessisse, quin & Regem, & Reginam matrem ut id sibi liceret fatigasse: neque tamen ullam postillâ sese reipublicæ admiscendi occasionem prætermisit. Is ubi Mazarinus iterum abierat, tametsi id per simulationem factum scibat, tamen ut sunt homines proni ad ea quæ magno perè cupiunt, speranda, non omnem de suo in Aulam reditu spem abjecerat: cùmque id haud ex sententiâ eveniret, satis liberè cum mulieribus colloquendo quid de Mazarino sentiret, prædicavit: quod cùm ad Regem, atque Reginam matrem manasset, hominem ab Urbe discedere continuo iussere.

Haud minùs erat Radefiano, quàm Castronovano omnis reipublicæ gerendæ studium, sicuti sæpiùs memoravimus: neque minus sibi persuadebat eò se perventurum denique. Igitur amicos in Senatu hortabatur, ut hunc frequentem haberi postularent, de Collegis ab exilio revocandis: quibus usuræ pecuniæ Regibus urbanorum Magistratum fide creditæ debebantur, eos impellebat ut has sibi solvi flagitarent: qui seditiosi, atque multitudinum duces erant in Urbe, eos prensabat, atque liberaliter habebat, sperabatque sicuti Cardinalatum adeptus erat rempublicam perturbando, ita & Regem se coacturum, ut hanc sibi omnem permitteret, aliter enim familiaris damna immenso ære alieno contracta se sarcire possè diffidebat, postremò id suadebat ambitio, quæ nullis finibus circumscribitur.

In Regiam postquàm Regi, atque Reginæ ubi ad Urbem redierant, adventum erat gratulatus unâ cum omni qui hunc erat comitatus Ecclesiasticorum

Æstasticorum Ordine, non ierat: quo metuere videbatur, ut ne se Rex comprehendi juberet, nam in mediâ quò agitabat Urbe id fuisset difficile vulgi gratiâ fretum: dissimulabat tamen hunc metum sedulò, atque se purpurâ suâ planè munitum videri volebat, quo suis animus amplior esset, ad omnia quæ fieri vellet, patranda: certè Cardinalatûs dignitas effecerat, ut hunc Rex, atque Regina mater amandatum, quàm comprehensum mallent. Anna Rohana Ludovici Rohani a Guimenæi Principis uxor ab Radefiano inter colloquendum audisse se dixerat, hunc lubentem Romæ agiturum: quo factum est, ut hæc ipsâ interprete Rex uteretur homini in hæc sententiâ confirmando, quæ præterea verbis suis huic fidem daret, omnem quæ Romæ gerenda esset rem publicam, huic permissum, ac pecuniam in sumptum qui ipso dignus esset curatum iri, imminere hujus Pontificatûs finem, quo tempore Cardinales Romam ire soleant, uti mortuo Pontifici alterum subrogent, in quo hujus opera pulchrè rei publicæ procedere possit, atque ipse magnam ex eo apud Regem gratiam inire.

a La Princesse de Guimenay, Anne de Rohan.

Sed & hæc, & alia quæ postea Radefiano dicta sunt ab a Annâ Gonzagâ Reginæ verbis frustrâ fuere: nam se pulsum ab Aulâ visum iri aiebat, si tunc Romam abiret, præterea de se ab amicis, ac propè prodi. Ita Radefianus tantum sibi esse fautorum, clientium, & amicorum in Aulâ, atque in Urbe aut credidit, aut ab Rege, atque Regina matre credi voluit, ut horum præsidio satis posthac tutus esse posset: quin & ab illis, ut hos ornatos vellent, impetrare se posse arbitratu est, nam alteri aliquam provinciam quam obtineret, alteri Quatuorviratum petiit. Sed cum hæc hominis ratio non modò fiduciæ, sed & audaciæ plena, neque diutius toleranda Regi, atque Reginæ videretur, de eo comprehendendo consilium cepere: at id exequi in mediâ Urbe importunum, ac periculosum erat futurum: quamobrem opperitundum fuit usquè dum rei patrandæ opportunitas daretur. Interea omnes amici juxtâ, atque inimici Radefiani dictitare hunc in Regiam ire debere, Regem, atque Reginam matrem visentem, sicuti tali loco virum deceat, quod ab eo usquè infectum dissidium, & partes, aut certè metum ostentet, cujus rei famam effugere debeat. At is hujus rei occasionem quærens, per festos Christi natalium dies Concionem sacram ad populum apud Germani Autissiodorensis Templum habere decrevit, eò se magis, ac magis studia vulgi adepturum sperans. Hoc Templum propius Regiam est, quâ vicinitate Regina permota, ac magis Radefiano ad se veniundi causam præbere cupida, se huic adfuturam Concioni prædicavit, ac Templi Curioni significavit: hic verò continuò eâ de re Radefianum fecit certiore, qui hanc nactus occasionem ad Reginam adeundi postridiè iit in Regiam. Regina nondum expectata erat, atque adeò Radefianus ad Regem divertit, in quem scalas descendentem, atque ad Reginam matrem venientem incidit. Rex cum perbenignè accepit, habuitque, quem Radefianus ad matrem eun-

b La Princesse Palatine Anne de Gonzague.

Fffff

tem est comitatus, & cum eo hujus cubiculum est ingressus. Rex paucis allocutus matrem in lecto jacentem Radefiano colloquendi eum eâ locum dedit, atque alias res cum his qui aderant agere se simulans ad Tellicrum accedit, mandatque huic, uti suis verbis Villeguierum Custodum corporis Ducem jubeat ab matre exeuntem Radefianum comprehendere, quod ex sententiâ factum, atque is in Vincennarum artem deductus est.

Rex subito ad Valancæum suum apud Pontificem Legatum eâ de re scripsit, ut hunc edoceret quàm gravibus de causis ad id consilium descendisset, planè uti res publica in tuto esset, necessarium. Quæ huic perturbandæ Radefianus designaverat, ea neque Pontifex, neque quicumque omnium ignorabat: sed hic Regi insensus, ac magis Mazarino eò processit, uti contra prudentiorum quos in consilium adhibuerat Cardinalium sententiam, Marinum apud Avenionem Cavarum Vice-Legatum ad Urbem venire juberet, & de Radefiani causâ cognoscere, quod sibi uni jus esse contendebat. Sed Marinus ingredi fines Regni prohibitus est, atque haud satis æquum visum Pontificem qui ubi Mazarinus proscriptus fuerat, planè cessaverat, tunc tantoperè Radefiani causâ laborare: sed Ecclesiasticus Ordo eâ de re ad Regem adiit, supplicatum uti quem dederat Archiepiscopo Parisiensi qui horum caput est, adiutorem, cum custodiâ emissum vellet, id & Archiepiscopus ipse Joannes Franciscus Gondius patruus ab Rege, & Regina matre enixè postulavit, ac denique Mazarinus ad Regem scripsit, uti pro suâ in Sanctam Sedem pietate, ac Christianissimi, atque Ecclesiæ Primogeniti titulis cujus Radefianus Cardinalis esset, sese in hujus negotio gerere vellet. Id per simulationem ab Mazarino scriptum cuncti existimavere, ut ne autore se comprehensum Radefianum, atque in custodiam conjectum fama ferret, atque id ipsi Romæ quandoque fraudi foret: nam nemo omnium Cardinalium Italicorum est, qui se tam procul ab Pontificatu esse putet, ut ab eo se planè exclusum velit, nedùm Mazarinus, cui tantæ huic adipiscendo opes sunt.

Sed alia nobis cum Pontifice controversia fuit, ex Nuntio quem ad Regem mittere consilium fuit in Bagnii locum, qui jamdiù isthuc agitaverat. Id ubi Pontifices antehac sibi faciundum esse decrevere, haud occultum habuere Regis apud se Legato quemnam ad hunc mittere vellent, utrum gratus, acceptusque foret, resciscendi causâ. Sed Innocentius X. eâ tempestate Pontifex maximus uti nobis tempus erat durum, atque difficile, illud ab majoribus fieri solitum se impunè omittere posse credebatur. Contrà Valancæus Regis apud Pontificem Legatus omni studio, atque industriâ nitebatur, ut hunc ad pristinum morem adduceret, qui haud frustra ab majoribus usurpatus fuerat. Nam in Pontificis Aulâ Magistratum, atque Sacerdotiorum spe multi versantur, non ex Urbe, aut ex agro Romano modò, sed & ex aliis regionibus, quæ in cæterorum Italiæ Principum, imo & in ipsius Hispaniæ

Regis qui tunc nobis hostis est, ditione sint, atque adeò plurimum Regis interest, ut ne ad se ex horum numero quicumque ab Pontifice mittatur, qui amicitiae inter hunc, ac Regem fovendae specie, quae de causâ ferme Legati ultrò, citròque mittuntur, Principis sui commodis servire velint. Sed quo magis Valancæus Pontificem ut in eo de more cum Rege agere vellet, adducere studebat, tanto magis ille ab tali consilio abhorrebat, ac denique Corfinum (id Nuntio designato nomen erat) proficisci in Galliam jubet, qui ubi est in Provinciam advectus, ultrà progredi prohibitus est.

Radesiano in custodiam coniecto, Funditorum factio planè extincta videbatur, aut certè tam debilitata, uti vix quidquam ampliùs movere posset: nonnulli tamen cum Condæo etiamtùm congruebant, si quid fortè huic prosperè eveniret, rempublicam porrò perturbaturi, donec quæ quilibet præmia sibi proposuerat, ea adepti forent. Sed Rex, atque Regina dabant operam sedulò, ut hæc in integrum restitueretur, atque domi saltem quieta foret, quo foris bellum fortius geri, atque adeò hostes ad pacem adigi denique possent. Eo pecunia in illius sumptus habenda erat, quæ de causâ multa Rex edixit, quibus corrogari posse videbatur, de quibus Edicta in Senatu promulgata, atque in hujus Acta relata sunt, nihil reclamantibus Patribus, quandò ærarii inopia in aperto erat, atque omnem quæ ex his corraderetur pecuniam in belli sumptus impendendam esse Edictis cavebatur: ita annus abiit, nam isthuc de Edictis pridie Calend. Jan. Anni CIO. ICQ. LIII. factum est in Senatu, Rege coràm pro tribunali de more sedente.

Hoc anno mortem obièrunt *a* Turrius Atrebatibus Præfectus, vir fortis, ac strenuus: Carolus *b* Angennas Rambolietus Marchio, ex equestri sancti Spiritus regiâ militiâ, septuagenario major, qui primum regiorum Cubiculariorum penes quos vestes regiae sunt, princeps fuerat, castrorum Præfectus, ac centum Cataphractorum equitum Dux, dein summo cum splendore, magnâque ingenii, ac solertiae famâ in Hispaniam extra ordinem Legatus eò rem publicam præclarè gesserat, pacemque inter Philippum Hispaniae Regem, & Carolum Emanuelè Sabaudiae Ducem conciliaverat: Joannes Petrus *c* Camusius antehac Belleyensis Episcopus, sanctus vir, cui mira fuit dicendi, scribendique copia, quam in sacris concionibus faciendis, librisque propè innumeris edendis qui ad Dei immortalis cultum, pietatem, ac vitæ sanctitatem pertinent, perpetuò exercuit: Dionysius *d* Petavius Jesuita vir omni litterarum genere, humanarum, divinarumque rerum scientiâ, atque doctrinâ eruditissimus, quam pluribus scriptis posteritati commendavit: Nicolaus *e* Bailleulius in Senatu Præfex qui libellorum Magister, in magno Consilio Præfex, Urbis Prætor, Annæ Reginae Cancellarius, ac denique Administer Regni, & summus Quaestor fuit, vir summâ humanitate, temperatissi-

Fffff ij

a De la Tour.
b D'Angennes, Marquis de Rambollet.

c Camus
Evêque de Belley.

d Le Pere
Petavius.

e Le Præsident de Bailleul.

1652. mis, moderatissimisque moribus cum gravitate, quæ tantum Magis-
 1 Le Duchef- tratum deceret, conjunctis : Margarita denique Chabota Princeps
 2 d'Elbeuf. femina, dudum vidua, quæ Caroli Lotharingi Ellebovii Ducis, at-
 que Harcurii Comitis de quibus sæpius memoravimus, mater erat.

FINIS.





INDEX.

A

- A**GLIÆUS Abbas, l'Abbe d'Aglié, Sabaudia Ducis ad Regem Legatus. pag. 770
Aictona Marchio, le Marquis d'Aictone. 312
Alanfona virgo, Mademoiselle d'Alañon, Gastonis filia. 589
Albaspinzus Verderona, de l'Aubespina Marquis de Verderonne, Gastonis cliens. 544
Albaterraus è Melitenfi Militia, le Chevalier d'Aubeterre. 685
Robertus Albericus, Aubry, in rationum Curia Præses lectus ab Gastone qui sibi in Consilio de re omni publicâ adesset ubi illi Senatus Legationem in omni regno continuaverat. 732
Albretus Ponsius Miossanus, d'Albret de Pons Miossan. 490
Albukercus Dux, le Duc d'Albuquerque, 35. Hispanico Equitatu Præfectus. 482. 484. 646
Olympia Aldobrandina Camillo Pamphilio nubit. 271
Aletsius Comes, le Comte d'Alets, Louis de Valois, qui Provinciam obtinet. 475
Aletsius Baro, le Baron d'Alets, equitum alæ Tribunus. 561. 765
Stephanus Aligrius, Aligre, Melleraiio in summâ Quæsturâ datus adjutor. 359. 456
Almericus, Amery Michel Particelle, Quatuorviratum quem Nucenius gesserat petit 20. Contratabularius creatus 38. huic summa Quæstura mandata 288. abrogata 369. 431. reddita 456. 512. mortem obit. 525
Antonius Almontius Villequierus, Villequier d'Aumont, 50. 99. 147. 227. 230. 374. 376. 464. 465. 470. 473. 510. Equitum Tribunus creatus 585. in Belgio cum exercitu 626. Portiani-Castellum cum Ellebovio recipit. 776
Almontius Villequieri frater Germesensem in Germaniâ capit 99. cæsus. 100
Alfata Regi per pacis Germanicæ conditiones relicta. 191
Alvimarius, Alvimar, castrorum Præfectus. 573. pugnando cæsus. 577
Ambervalius unius turnæ Dux, Amberval, pugnando cæsus. 543
Amnistia seu Edictum de pace Regem inter, Viros Principes, & Senatuum, Populumque. 753. in hac Gasto, ac Senatus quidpiam correctum volebant. 757

INDEX.

Januarius Ances, <i>Gennaro Anese</i> , ab Populo Neapolitano qui sibi præ-	
esset, delectus. 291. supplicio affectus ab Hispanis.	335
Anevotius, <i>le Baron d'Anevoux</i> .	507
Angiani, <i>Louis de Bourbon Duc d'Anguien</i> , & Mazarini, uter alterum ante-	
iret controversia. 7. Angiano Belgium cum exercitu decretum.	
22. 33. haud procul Rupe regiâ castra ponit. 34. adversum His-	
panos pugnat, vincit. 35. 36. laus Angiani. 37. Baioarorum castra	
oppugnat. 95. supplicatio ob res in Germaniâ ab eo gestas. 98. Mo-	
guntia huic dedita. 99. in Germaniam ducit, atque ad Landembur-	
gum habet castra. 160. Rottemburgum capit. 162. adversum Mer-	
cium, & Baioaros pugnat. 163. 164. 165. vincit. 166. huic Nor-	
linga deditur. <i>ibid.</i> Furnas ad deditionem redigit. 230. dein Dun-	
keram.	230
Angianus Ludovici Condæi filius.	502
Thomas Aniellus, <i>Massaniel</i> , apud Neapolim plebem concitat. 290.	
moritur.	<i>ibid.</i>
Anno, <i>Annon</i> , Castellum Hispanorum ab ipsismet destructum. 101	
Aquabonus, <i>le Marquis d'Aiguebonne</i> , Casalio Præfectus.	555
Aquabonus, <i>d'Aiguebonne</i> , Tribunus in prælio ad Moram amnem vul-	
neratus, dein mortuus.	170
Aquensis Curia uti cum Senatu conjuncta sit ab eo postulat.	425
Onufrius Aquilles apud Barcinonem. 135. 141. de hoc supplicium	
sumptum.	143
Aquilonia, <i>la Duchesse d'Aiguillon</i> , <i>Marie de Vignerot</i> . 496. ex disturbato	
Richelii fratris filii cum Caprosâ virgine Matrimonio Condæo, ac	
Condææ hujus forori infensa.	498
Araffi-Petra, <i>Rocca d'Araffi</i> , castellum Hispanorum ab ipsismet destruc-	
tum.	101
Arausius, <i>Henry Prince d'Aurange</i> , 231. Guillelmus filius.	521
Arcofius, <i>le Duc d'Arcos</i> , apud Neapolim Prorex.	211. 290
Argensonus, <i>d'Argenson René le Voyer</i> , è Consilio regio. 477. Regis ad Ve-	
netos Legatus. 660. mortem obit. <i>ibid.</i> Argensonus filius apud Vene-	
tos Regis item Legatus.	769
Armentaria Gassioni, & Ramfavo dedita. 149. ab Leopoldo, & Hispanis	
oppugnatur, & his deditur.	282
Henricus Arnaldus, <i>l'Abbé de Saint Nicolas Henry Arnaud</i> , Romam	
missus de Barberinorum negotio. 198. Andegavensis Episcopus. 673.	
Juliomago ab Chaboto Rohano prohibetur.	<i>ibid.</i>
Arnaldus Corbevilla, <i>Arnaud de Corbeville</i> , 231. Agerem oppidum in	
Cataloniâ capit. 310. 375. noctu ad Gondium de Condæo custo-	
diâ eximendo ventitabat. 568. 601. Castello apud Divionem Præ-	
fectus.	612
Antonius Arnaldus, <i>Arnaud Docteur de Sorbonne</i> .	71
Aro Comes, <i>le Comte Louis d'Aro</i> , qui gratiâ apud Philippum Hispaniæ	
Regem valet.	478

INDEX.

Aro Comes Castiliæ Contestabilis filius, Præfectus equitum.	644
Arona ad Verbani lacus fauces ab Thomâ frustra oppugnata.	101
Arsoinus, <i>Arson</i> .	226. 455
Arsonus Marchio, <i>le Marquis d'Arson</i> , Cernii Comitis filius.	738
Asta ab Thomâ Principe, <i>le Prince Thomas de Savoye</i> , recepta.	16
Astæ Arcem Hispani capiunt.	102
Atestinus Cardinalis, <i>le Cardinal d'Este</i> , Mutinæ Ducis frater, Galliarum negotiorum Romæ Protector ab Rege creatus.	199. 457
Anna Maria Avaucuria Herculis Rohani Mombasoni uxor, <i>la Du- chesse de Mombason, d'Avaugour</i> .	416. 570. 611
Avauxius, <i>le Comte d'Avaux Claude de Mesme</i> , de Pace Monasterium Vestfalorum Legatus. 18. Quatuorviratum quem Nucerus gesserat petit. 20. summus Quæstor creatus. 38. Pacis Germanicæ velut Arbitr. 261. ab Monasterio Vestfalorum discedit. 330. cum Mazarino redit in gratiam. <i>ibid.</i> è numero Administrorum est. <i>ibid.</i> summam Quæsturam sibi antehac mandatam gerit, cui Almericus collega datus. 487. summam Quæsturam abdicat. 526. mortera obit.	581
Aubrai, <i>d'Aubray</i> , Prætor urbanus.	715
Augusta Vindelicorum ab Gallis, & Suecis oppugnatur.	242
Aurelia virgo Anna Maria Ludovica, <i>Mademoiselle</i> , Gastonis filia. 539. Mazarino insensa. 595. Aureliam venit. 684. 716. Gastonem patrem edocet subveniendum esse Condæo quem regii in Suburbio B. Antonii premebant, aut hunc cum copiis recipiendum mœnibus. 722. id ipsa exequitur. 723. in regios è Bastiliâ arce tormentis emitti pilas jubet. 723. Palsam gestat, atque ab Mazarini inimicis gestari jubet quo hujus amici dignoscerentur.	724 755
Joannes Austrius Hispanicæ classi apud Neapolim præest. 292. 298. in Siciliâ naves apparat. 553. classè Barcinonem versus advehitur oppugnandæ Urbi. 624. eo advenit.	646
Auvrius Abbas, <i>l'Abbé Auvry</i> .	214

B

Nicolai B agnii Pontificis Nuntii ad Regem, ac Reginam matrem Boratio de Barberinis deferendis.	194 498
Thomas Bagnolsius in Ruffinonensi agro rebellis.	766
Baiardus Marfacus uni navi Præfectus.	57
Bailleulius Præses, <i>le President de Baillet Nicolas</i> , summus Quæstor creatus. 38. 536. 538. 669. 674. 678. 698. pulsatus ab plebe. 713. mortem obit.	779
Paulus Balbus Genuensis.	336
Balthazar Roias Pantochas Ilerdæ Præfectus.	559
Balthazar equitum alæ Tribunus.	558
Bamberghus, <i>Bamberg</i> , Philippiburgo Præfectus.	98

INDEX.

Barberini fratres Cardinales Franciscus, & Antonius Sachetum Card. Pontificem creari voluere frustra. 111. hos Innocentius Pont. insectatur; Franciscus frustra Philippi Hispaniae Regis implorat fidem. 126. dant se Regi in clientelam, ac fidem. 130. Antonius Barberinus Card. factionis Gallicae Romae princeps. 111. huic Galliae Protectio Romae auferitur. <i>ibid.</i> in hunc Innocentius Pont. Jure agi jubet. 129. profugit in Ligures. <i>ibid.</i> Franciscus Card. & Tadeus Barberini Romam fugiunt. 196. cum Innocentio redeunt in gratiam. 335. Franciscus Romam redit. 336. Antonius in Montisferrati agro cum imperio restitatur. <i>ibid.</i>	
Bar Durlano Praefectus, <i>de Bar.</i>	668
Barcosius, <i>Barcos Abbé de Saint Cyran.</i>	71
Baremius in Aqueensi Curia Consiliarius ad Senatum missus.	425
Barillonus, <i>Jean Jacques de Barillon</i> , in una ex inquisitionum classibus Praeses. 131. apud Pinarolum moritur.	177
Barillonus, <i>Antoine de Barillon de Morangis</i> , Melleraio in summa Quae- tura datus adjutor.	269. 456
Barradas è Melitensi Militia, <i>le Chevalier de Barradas.</i>	655
Petrus Basadonna Venetorum in Hispania Legatus.	455
Basquius Abbas Guisio adversus huic apud Neapolim infidiatur.	303
Bassæa Gassioni dedita, <i>la Bassée.</i>	285
Bassignius Comes, <i>le Comte de Bassigny</i> , Audomari-fano Praefectus.	740
Bassumperæus Mediolanii Santonum Episcopus, <i>Bassompierre Evêque de Xainte.</i>	653
Bassumperæus, <i>le Maréchal de Bassompierre</i> , emittitur custodiâ.	11
Bastilia Castellum ad Urbem ab factionis capta.	416
Battevilla, <i>le Baron de Batteville</i> , Sequanus qui Guipiscoam obtinet. 479. classem Burdigalam adducit. 652. hujus cum Marsino, & Lelavo controversia de Blaiâ oppugnandâ.	773
Baussionus, <i>Baussion.</i>	515
Bautruus Nogentius Comes, <i>Bautru Comte de Nogent</i> , ab Rege ad Gastonem missus.	761
Beccus qui Luxemburgensem obtinet agrum copias suas conservat. 37. vulneratus.	150. 376
Becheferus, <i>Bechefer</i> , Cognitoris regii Vicarius.	748
Becherellus, <i>de la Becherelle.</i>	507
Belfonius, <i>le Marquis de Belfons</i> , apud Cuniacum.	655. 685. 765
Belfortius, <i>le Duc de Beaufort François de Vendôme</i> , apud Reginam gratiâ pollere visus. 25. Mazarino iniquus. 42. hujus necandi consilium capit. 64. Vincennarum arce elapsus. 397. paratâ in Mazarinum necis absolvitur Senatus decreto. 416. è factionorum Ducibus unus est. <i>ibid.</i> 421. 426. Nigrolocum pugnando cædit. 427. 429. 432. 438. 439. 464. 468. 490. 492. infidiarum Condæo paratarum suspectus. 493. Senatus decreto absolvitur. 502. cum Regina & Mazarino redit in gratiam. <i>ibid.</i> rei navalis Praefecturam quam	

INDEX.

quam post Vindocini patris obitum gerat, petit.	523.	Inter hunc, & Mercurium fratrem ea de re lites. <i>ibid.</i>	578. 682. 689.	inter Belfortium & Nemorosium jurgium.	690.	Plebem in eos qui Mazarino in Senatu, atque in Urbe amici erant, commovere studet.	713. 721.
Urbis Præfecti munus abdicat.	759.		761				
Belfortius Baro Becci filius, <i>le Baron de Beaufort.</i>			377				
Belfortius Baro Castello ad Mosellam Præfectus.			644				
Bellieroplesius, <i>Jacque de Rougé du Plessis-Belliere</i> , Armentariam defendit.	277. 375. 463. 470. 473. 474.	egregiè cum hostibus pugnat.	475.	Diepam petit.	506. 626. 660.	685.	765.
Belinus Comes, <i>le Comte de Belin d'Averton.</i>			226				
Beljocus, <i>le Marquis de Beaujeu Mesnil-Simon</i> , apud Ypris Propriæfectus.	457.	Castrorum Præfectus.					628
Beljocus, <i>de Beaujeu</i> , Angiani Ludovici Condæ filii vicarius in hujus equitum turmâ cæsus in pugna apud Lentium.			377. 508				
Bellebrunus, <i>de Bellebrune</i> , in Prætorianorum Legione Centurio vulneratus in pugna apud Lentium.			378				
Belletia Senator Taurinensis Monasterium Vestfalorum ab Carolo Emanuele Sabaudia Duce missus.			182				
Belleverus, <i>le President de Belleverre Pomponne.</i>	447. 511.	ad Fœderatos Ordines extra ordinem Legatus.	623.	hujus ad Regem adversum Mazarini reditum oratio.			670
Belleyenensis Episcopus, <i>l'Evesque de Belley Jean Pierre Camus</i> , mortem obit.			779				
Bellovardius, <i>le Duc de Billegarde Jean de Saint Lari</i> , moritur.			243				
Bellum adversum Hispanos in Etrusci maris ora decernitur.	206.	inter Succos, & Danos.	68.	adversum Urbem ab Aula paratur.			388.
Bellovacensis Episcopus Augustinus Potierus, <i>l'Evesque de Beauvais Augustin Potier</i> , Administris insensus.	24.	gratiâ apud Reginam pol- lere visus.	25.	Rex huic Cardinalatum ab Pontifice petit.	29.	Buthilleriis summam Quæsturam ab patre abdicandam nuntiat.	31.
							66
Belmontius Abbas, <i>l'Abbé de Beaumont Hardouin de Perefex.</i>			205				
Belputeus, <i>Beaupuy.</i>	65.	hunc Rex sibi ab Innocentio Pontifice tradi postulat.					125
Belvallis, <i>de Beauvais</i> , Ponti Cæsaris Præfectus.			680				
Benfelda haud procul Argentorato.			466				
Bensius Tribunus Germanus, <i>le Colonel Bens</i> , pugnando cæsus.							
	577						
Joannes Bentivolius Abbas, <i>l'Abbé Bentivoglio.</i>			208				
Jozephus Berardus Cruceus, <i>de Berard de la Croix</i> , cæsus.			99				
Berga Fani-Vinoci capta.			226				
Beringanus, <i>Henry de Bringen</i> , fautor Mazarino apud Reginam.			11				
Bernontius Ariæ Præfectus Venantii-fanum frustra tentat.			373				

Ggggg

INDEX

Bertetus, <i>Bertet</i> , ad Mazarinum missus.	613
Berzena, <i>de Berzene</i> , Rupifocaldi cliens in B. Antonii suburbio vul- neratus.	722
Bertaldus Franciscanus, <i>le Pere Bertaud Cordelier</i> .	754
Bethunius, <i>le Comte de Bethune</i> , Mazarino iniquus.	42
Henricus Bethunius, <i>de Bethune</i> , Archiepiscopus Burdigalensis.	538
Beuvronius, <i>le Marquis de Beuvron d'Harcourt</i> , Longavillæ in Nor- manniâ Legatus.	424 489
Bezanlonus Castrorum Præfectus. 642. solertiâ suâ Gamarram Bel- montium oppidum oppugnantem abicedere cogit.	644
Bezonsius, <i>de Bezon</i> , è Consilio regio Quæstor in Cataloniâ.	484
Bicchius Card. <i>le Cardinal Bicchi</i> , Gallicæ fidus.	113
Hieronymi Bignoni, <i>Bignon Advocat General</i> , Actoris regii de Consilio quod Gasto sibi ab Senatu institui postulabat ubi huic Legationem in omni regno continuaverat, oratio.	731
Bironus Marchio, <i>le Marquis de Biron</i> .	538
Franciscus Bitaltius, <i>Bitaut</i> , Senator.	356. 346. 668. 712
Blammenius Præfes in unâ ex Inquisitionum classibus, <i>le President de Blammenil René Potier</i> . 355. comprehensus abductusque. 479. 451. 589.	676
Blancus, <i>le Blanc</i> , in Burdigalensi Curiâ Consiliarius.	676
De Blayâ oppugnandâ Marfinus, & Laissæus cum Hispanis agunt frustrâ.	773
Boilevius, <i>Boileve</i> , apud Juliomagum in custodiam conjectus ab Ro- hano Chaboto Præfecto.	673
Boilevius Episcopus Abrincotuorum.	673
Boissacus, <i>de Boissac</i> , Castrorum Præfectus.	237. 338
Boslütus Comes, <i>le Comte de Bossut</i> , Belga in pugnâ ad B. Antonii su- burbium viris Principibus militans cæsus.	720
Bosquetus, <i>du Bosquet</i> , Furnis Præfectus.	373
Boulaïus Marchio, <i>le Marquis de la Boulaie</i> , inter factionis principes. 419. 421. Populum ad seditionem impellere conatur. 484. 492. 493. 751.	492
Bozzoli Princeps, <i>le Prince de Bozzolo</i> .	ibid.
Brasius Baro, <i>le Baron de Bras</i> , in Provinciâ.	476
Brassacus Comes, <i>le Comte de Brassac Jean de Galard</i> , mortem obit.	177
Bregius, <i>le Comte de Bregy Flecelles</i> , ab Rege ad Uladislaum Poloniæ Regem missus. 119. ad Uladislaum missus iterum cum Legati ti- tulo.	176
Brevallius Harlayus, <i>le Marquis de Breval de Harlay</i> , Castrorum Præ- fectus.	659
Urbanus Maillæus Brezæus E. T. Armandi pater Ludovici Condæi focer. 509. mortem obit.	512
Armandus Brezæus, <i>le Duc de Brezé</i> , classem in Mari Mediterraneo instruit. 55. ad Cataloniæ littora ducit. 56. Tarraconem oppugna- re se velle simulat. <i>ibid.</i> sex Hispanicæ naves capit. <i>ibid.</i> cum Classè	

INDEX.

- Hispanicâ pugnât. 57. Classem in Provinciâ portubus adornat.
207. cum Hispanicâ classe pugnât. 212. ictu tormenti necatur.
213.
- Brezæa Clara Clementia Ludovici Condæi Angiani uxor, *la Princesse de Condé*, 3. in Aquitaniam properat. 524. cum Angiano filio Burdigalam venit, mœnibus recipitur. 428. 571. 616. 753
- Bretignius, *de Bretigny*, Contii cliens iit ad Leopoldum, & Carolum Lotharingæ quondam Ducem. 447
- Briennæ, *Henry Auguste de Lomenie Comte de Brienne*, Quatuorvyratus ab Chavignio abdicatus mandatur. 40. 502. 594
- Brigantium, *Bregens*, ad Acronium Lacum ab Vrangelio, & Suecis captum. 269
- Petrus Brilliacus, *de Brilliac*, Senator de Pace cum Aulâ mentionem facit. 429
- Briollus Comes, *le Comte de Briolle*, Condæi cliens. 747
- Brisiacum Ferdinandus Regi in belli præmium per conditiones pacis concedit. 191
- Brissacus, *le Duc de Brissac Louis de Cossé*. 412. 421. 432. 438
- Jacobus Brisuela Salcedus Dertosa Præfectus. 346
- Gregorius Brito Ilerdæ Præfectus. 238
- Broaus Comes, *le Comte de Broay*, cæsus in Boiohemo. 155
- Broglius, *Broglie*, castrorum Præfectus. 464. 470. Bassiæ Præfectus. 605. 668. 680
- Bugius Marchio, *le Marquis de Bougy*, castrorum Præfectus. 441. 573. 628. 685.
- Burgondio, *Bourguignon*, Briæ Præfectus. 429
- Ludovicus Bridæus, *de Bridieu*. 74. Guisio Præfectus. 527
- Carolus Brulardus Leonus Abbas, *de Leon Brulard*, è consilio regio mortem obit. 484
- Antonius Brunus, *Brun*, Sequanus apud Monasterium Vestfalorum. 252. hujus ad fœderatos Ordines epistola. *ibid.* hujus ut ne potestates & imperia paterna Guillelmi Arausiorum Principis filio posthumo ab Sociis Civitatibus destinarentur ad fœderatos Ordines oratio. 623
- Brussellus Senator, *Pierre de Broussel Conseiller au Parlement*. 369. comprehensus abductusque. 379. Senatui autor est uti Regi debitam ubicumque pecuniam cogat. 418. negat pacem Ruellii factam cuiquam probari. 449. postremo ad pacem animum adjicit. 449. 489. 493. 604. Mazarinum abigendum esse porro censet. 711
- Bucoius, *le Comte de Bucquoy*. 376
- Claudius Bullio, *Claude de Bullion*. 6
- Buillonius Dux, *Frédéric Maurice de la Tour Duc de Bouillon*, cum uxore Regis in iussu Romam abiit. 115. 413. 421. 453. 461. Condæo comprehenso abiit in Lemovices. 502. 523. cum Rupifocaldo bellum parat, cum Burdigalensibus convénit. *ibid.* 528. 611. 614. 616.

Ggggg ij

INDEX.

640. prædia in æstimationem Sedani accipit, ac sibi caveri de viri Principis dignitate postulat. 683. obit.	734
Burdigalenses de Pace misere ad Regem.	547
Burgum supra Burdigalam Hispanis permiffum ab Condæo.	652
Burmonvilla Marchio, <i>le Marquis de Bourmonville</i> , Diepam petit.	506
Burrus Marchio, <i>le Marquis Burro</i> , qui Hispanis merebat.	559
Bufcodelphinus è Melitenfî Militiâ, <i>le Chevalier de Bois-dauphin</i> , pugnando cæsus.	548
Ægidius Butaltius, <i>Gille Boutant</i> , Atturenfium Epifcopus.	431
Buttevilla Mommorantius, <i>de Bouteville Mommorancy</i> , adverfum Regem pugnando captus. 577. Securæ Præfectus.	612
Buttevilla Mommorantia Elizabetha Angelica Caftilloni Ducis antehac uxor, <i>la Ducheffe de Chaffillon de Bouteville Mommorancy</i> . 522. voluntate Condæi de pace cum Mazarino agit. 705. iterum. 708. 716.	
Claudius Buthillerius, <i>Claude Bouthillier</i> , fummus Regni Quæstor. 6. de hoc abigendo Mazarini confilia. <i>ibid.</i> Buthillerii pater, ac filius haud fatis fibi cavent apud Reginam.	11
Buticrus, <i>le Baron de Bouteres</i> , Sequanus.	644

C.

Cabrera Hispanicus Romæ Legatus.	200
Cadomum ab Croiffetâ Regi deditum.	506
Cædes Caftrenfis Epifcopi.	481
Calufius Marchio.	340
Cameracum.	463
Campignius, <i>de Champigny</i> , cliens Longavillæ.	440
Campivalonus Harlæus, <i>François de Harlay de Champvalon</i> , Rothomagensis Archiepifcopus.	681
Campobonus, <i>de Champbon</i> .	237
Joannes Camporotundus, <i>de Champrond</i> , Senator.	489
Joannes Camufius, <i>le Camus</i> , Senator.	536
Joannes Canaius, <i>Canaye</i> , Senator.	536
Candalus, <i>le Duc de Candale</i> , Spernonii Ducis filius. 477. 612. in Aquitaniam advenit, Condæi copias fundit longius inter fe haud procul Burdigalâ diffitas.	574
Canoffkius Friburgo Præfectus.	93
Canolus Baro, <i>le Baron de Canole</i> .	538
Andreas Cantelmus Hispanico exercitui in Catalonia finibus præeit. 105. Balagueram, Agerem, Agramontem capit. <i>ibid.</i> mortem obit. 141.	
Capellam in Ticeracenfi agro, <i>la Cappelle en Tierache</i> , Leopoldus atque Hispani oppugnant.	541
Caprofus Dux Claudius Lotharingus Guifius, <i>de Lorraine de Guife</i> .	

INDEX

<i>Duc de Chevreuse.</i>	417. 496
Caprofa virgo, <i>Mademoiselle de Chevreuse.</i>	589
Caracena, <i>le Marquis de Caracene.</i> 16. 227. 231. huic decreta Mediolanum provincia.	305. 335. 336. 456. 479
Amedæus Carailus, <i>Caraile.</i> 456. 479. è Thomæ comitatu apud Orbitellum.	221
Alfonfus Cardenas Hispanicus apud Londinum Legatus.	621
De Cardinalibus. 41. de his ab Consilio regio arcendis Edictum regium.	604
Carentonium; <i>Charenton</i> , ab regiis oppugnatum.	423
Carlevoſius, <i>de Charlevoy</i> , apud Briſiacum Propræfectus. 460. 514. comprehensus, ac Philippiburgum abductus.	736
Carmainus Comes, <i>le Comte de Carmain, dñ de Cramail</i> , emittitur custodia 11. mortem obit.	242
Carolus quondam Lotharingia: Dux cum Rege de pace velle se agere simulat. 63. 150. 151. 216. cum eo pacem se facere velle Mazarinus præ se fert. 223. de conditionibus pacis cum eo fanciundæ Imperatoris, & Hispanorum sententia. 263. exercitum qui viris Principibus auxilio sit, adducit. 709. 710. iterum exercitum adducit.	750. 759
Carolus Ferdinandus Austrius Tirolis Princeps.	740
De Carolo Britannia: Rege securi percusso.	445
Carolus huius filius in Galliam advenit. 465. apud Corbolum pacem cum viris Principibus Senatu Populoque, Regi suadet.	700
Carretonius, <i>Louis Charretton</i> , in alterâ Libellorum classe Præf. 422: cum Sevino Senatore de pace cum Aulâ litigat, huic adversus. 429. 488. 489. 493.	
Carronius, <i>Charron</i> , Quæstor in Almerici locum creatus.	38
Carſius Comes, <i>le Comte de Carſe</i> , in Provinciâ Legatus.	476
Castelardus, <i>de Castelard</i> , caesus in pugna circum Balaguieram.	140
Castellum. ad Lupam, <i>Chastillon sur Lom</i> , prædium Coliniurum: 692.	
Castelnavius Malviciera, <i>le Marquis de Castelnau Mauviciere.</i> 231. 427: 650.	
Castræus, <i>La Chastre Comte de Nancé</i> , Mazarino iniquus. 42. captus: 165.	
De Castro Ducatu Urbanum Pontificem inter, & Odoardum Parmæ Ducem controversia.	13
Castronovanus, <i>Charles de l'Aubespine Marquis de Chasteau-neuf</i> , custodia emissus Monterubeum suum altero ab Urbe lapide venit; de hoc ad Aulam reducendo Rohana Mombafona cum Mazarino agens offendit. 44. hunc per Montacutum Regina longius abire jubet. 46. Urbe facessere iussus. 384. Procancellarius factus. 512. 591. Regina huic minus æqua. 608. ab eo Signum regium repetitum. <i>ibid.</i> delectus qui consilio regio per Mazarini absentiam præflet. 632.	

INDEX.

hunc pelli Condæus postulat. 633. primum in Consilio regio locum habet. 636. 667. hujus ab Aulâ discessus. 676. Gastonem seorsim ab Condæo pacem facere cum Rege vult. 750. 752. 757. Urbe facessere iussus.	776
Catalonia in Philippi Hispaniæ Regis ditionem redit.	766
Nicolaus Causinus, <i>le Pere Caussin</i> , Jesuita mortem obit.	661
Jacobus Cavalierus Rhodæ Præfectus.	136
Nicolaus Cavalierus, <i>Chevalier</i> , Senator.	449. 726
Cavoyfius, <i>de Carvays</i> , cæsus in pugnâ apud Lensium.	377
Cernius Comes, <i>le Comte de Cerny</i> , Philippi-Burgo Propræfectus.	738.
Certamen Belfortium inter, & Nemorosium quo hic ab altero victus, ac cæsus est.	732
Chabotus, <i>le Comte de Chabot</i> , ab Hippolitâ Arragonâ ad amorem pellectus. 136. Agramontem cis Sicorim capit. 138. hostes arcem apud Flixium oppugnantes omnes capit. 141. circum Ilerdam cæsus. 236	
Henricus Chabotus Rohanus, <i>Chabot Duc de Rohan</i> , Andes provinciam obtinet. 673. Juliomago Præfectus. <i>ibid.</i> ab Gastone, & Condæo ad Regem de pace missus.	700
Chabotus, <i>le Chevalier de Chabot</i> , è Melitenfî militiâ castrorum Præfectus vulneratus ab vulnere interiit.	231
Chalnius Dux, <i>le Duc de Chaulne Honoré d'Albert</i> , mortem obit. 486.	
Chalnius Dux filius feroci ingenio adolescens.	<i>ibid.</i> 626
Chalnius è Melitenfî Militiâ, <i>le Chevalier de Chaulne</i> .	627
Chambaretus, <i>de Chambaret</i> , è vicinâ Nobilitate Burdigalensibus Dux cæsus.	477
Chamboius apud Pontem-arcuum, <i>Chamboy</i> .	585
Castellum Harcurio dedit.	<i>ibid.</i>
Chanutus Galliæ negotiorum apud Stocolum Curator, <i>Channr</i> .	261
Hercules Charnacæus, <i>le Baron de Charnacé</i> .	246
Charnius Comes, <i>le Comte de Charny</i> , cæsus in pugnâ circum Balaguieram.	140
Charostus Comes, <i>le Comte de Charost Louis de Berbune</i> , Icio-Portui Præfectus.	740
Chavagnacus, <i>de Chavagnac</i> .	237
Chavagnacus Baro, <i>le Baron de Chavagnac</i> .	692
De Chavignio Quatuorviro, <i>Leon Boutillier Comte de Chavigny</i> . 5. de eo procul habendo Mazarini consilium. <i>ibid.</i> uti Monasterium Vestfalorum legari de pace vellet ab Ludovico XIII. prensatus. 18. de abdicando Quatuorviratu ultro Mazarino mentionem facit quod huic gratissimum fuit. 31. Quatuorviratum abdicat. 40. Procellariatum apud Gastonem abdicat. 67. Legationem de pace abnuit. <i>ibid.</i> hujus apud Reginam fides per Mazarini morbum. 110. hujus in Provinciam protectio 207. in interiorem Vincennarum arcem conjectus. 384. 409. Condæi operâ redit in Aulam. 486.	

INDEX.

- de Mazarini reditu secus sentit. 608. 609. 614. 633. ab Gastone, & Condæo ad Regem de pace missus. 700. Consilium Condæi de se Hispanis conjungendo huic non probatur, clam eum Fouqueto Abbate de gratiâ inter Condæum, & Mazarinum reconciliandâ agit. 757. Fouqueti litteræ interceptæ allatæ ad Condæum, in his perscriptum Chavignium daturum operam si Condæus pacem abnucret, ut hanc Gasto faceret. 758. eâ de re Condæus Chavignio succenset, ac in os malè dicit, hic objurgationis impatiens in morbum incidit, ac moritur. 758
- Chaussius, *de Chaussy*, in una equitum turmâ Ducis Vicarius cæsus. 484
- Chemeraldus, *de Chemeraud*, Tribunus. 338
- Fabius Chigius, *Fabio Chigi*, Pontificis Nuntius apud Monasterium Vescalorum. 182. 247
- Choiseulius Comes, *le Comte de Choiseul*, Pralinoplessii E. T. frater ad Jacobi-fanum cæsus. 102
- De Christiano Danicæ Rege. 117. graviter est vulneratus in navi. *ibid.* ad Ferdinandum Imp. de auxilio adversum Succos mittit. *ibid.* 118
- Christina Succicæ Regina ad Regem, ad Viros Principes, ad Senatum de pace dat litteras. 711
- Cinarga Tribunus Neapolitanus. 338
- Clara Comes, *le Comte de Claire Charle de Martel*, castrorum Præfectus. 440
- Clanlevius, *le Marquis de Clanlev*. 227. 231. ad Carentonium cæsus 423.
- Claramontius Comes, *le Comte de Clermont*, apud Guisum. 527
- Classis Hispanica apud Neapolim. 292
- Classis Gallica in conspectum Neapolis venit nihil auxilii aut pecunie Guisio adferens. 303. adversum Hispanicam pugnat tormentis cminus. 304
- Clicotus, *Clicot*, Mottæ Præfectus hanc dedit. 145
- Clinchanus, *François de Mailly de Clinchan*, Nemorosio Legatus in exercitu virorum Principum. 720. 751
- Codraïus, *le Coudray Mompensur*, Gastonis cliens. 540. 545. 687
- Codraïus Genierus, *le Coudray de Geniers*, Senator. 668
- Cogneus Marchio, *le Marquis de Cognée*, in pugnâ ad B. Antonii suburbium viris Principibus militans vulneratus. 720
- Cogneuxius, *Jacque le Cogneux President au Parlement, & cy-devant Chancelier du Duc d'Orleans*, ad Urbem redit: capitis ab Divionensi Curiâ antehac absens damnatus Senatus Decreto præsens absolvitur: huic Magistratus redditur. 46. 411. 447. mortem obit. 660
- Antimus Dionysius Cohon Diavritarum in Britannia nostrâ Episcopus, *Evêque de Dol*. 431.
- Colinius Salinius, *Coligny de Saligny*, ad Carentonium cæsus. 423.
- Colinus Comes, *le Comte de Coligny*, Condæi cliens. 747

INDEX.

- Colinius Andelotus Castillonus, *Louis Gaspard de Coligny Dandolos de Chastillon*, apud Theodonis villam vulneratus. 50. 231. 373. 375. apud Carentonium casus. 423. 424
- Joannes Colon, *Coulon*, Senator. 493
- De Comitibus Regni habendis simulatum uti nobilium ad Urbem conventicula desinerent. 421
- Joannes Baptista Comingius, *de Cominge*, unâ cum Guitaldo fratre custodum Regiæ corporis Dux. 477. Contium comprehendit. 501. 520. 614
- Condæa Longavillæ uxor, *la Duchesse de Longueville*, Condæi, & Contii Soror factioni studet. 387. 407. in Normanniam abit. 502. Diepam petit. 504. inde aufugit. 506. Roterodamum navi devehitur. 521. fœdus inter Philippum, & Condæum sancit *ibid.* in Aulam redit. 606. 616. 716. 753
- Condæum oppugnatur ab Harcurio. 472
- Henrici Condæi, *Henry de Bourbon, Prince de Condé, dit Monsieur le Prince*, cum Belfortio controversia 26. In Etrusci maris orâ bellum dissuadet. 206. ab Aulâ secedit. 222. ad Aulam redit. 224. moritur. 243
- Ludovicus Condæus antehac Angianus appellatus Præfectus Palatio in patris de mortui locum creatus. 265. provinciæ paternæ huic datæ *ibid.* huic decreta Catalonia provincia quam Prorex obtineret. 272. Alldam oppugnat. 280. inceptum omittit. 281. Huic Belgium data provincia cum exercitu 370. huic Ypræ urbs dedita 371. 376. pugnat, ac vincit haud procul Lentio 377. glande semur ictus ad Furnas 378. huic Furnæ deditæ *ibid.* rogatus ab Senatu ut in Curiam veniret de republicâ consultatum abnuvit, 386. Regina, & Mazarinus Condæum prensant & ambiunt utne ad factionem animum adjiciat *ibid.* de hacre Gramontii E. T. & Telleri Quatuorviri ad Condæum oratio 387. Violam in Senatu de republicâ dicentem obturbat quod Patres tulere graviter 394. 405. huic Jamasium & Claromontium dono data ab Rege *ibid.* 442. 463. 472. hunc adversum Mazarinum multi impellunt 485. Mazarino planè adversus 490. redeunt in gratiam 492. huic instructæ insidiæ *ibid.* 498. in carcerem conjicitur 501. De Condæo custodiâ emittendo Buillonius, & Rupifocaldus cum Mazarino agunt apud Burgum 548. de hoc, atque Contio, & Longavillâ custodiâ eximendis postremò cum Gondio & Belfortio agitur ab amicis 553. Condæum Regina sibi adjungere vult. 606. 609. huic Aquitania data provincia. 612. 616. de eo scriptum regium in Senatu recitatum. 630. huic scripto respondit. *ibid.* scripti regii Gondium, & Monthesaurium autores esse ait. 631. secum in Curiam amicos & clientes aliquanto numero adducit. *ibid.* Rex edicit Condæum extra noxam esse. 634. cum eo per Gastonem de pace actum frustra. 638. Burdigalam petit 639. cum Philippo Hispaniæ Rege fœdus facit *ibid.* Condæi epistola ad Senat-
tum

INDEX.

- tum adversum Mazarinum, Molæum, Vetusvillam & Gondium. 676.
 657. altera de Mazarini reditu ad Senatum epistola. 669. 687. 688.
 ab Aquitaniâ ad Urbem clâm proficiscitur. 689. Hocquincurium
 E. T. apud Blenellum fundit, ac regias quæ præerat copias profligat.
 694. hujus copiarum ab Turenâ vicissim tormentis infestatur ac male
 habitatur. 696. ad Urbem venit, proficitur in Senatu se ubi Mazari-
 nus decessisset finibus ab armis discessurum. 697. Dionysii-fanum op-
 pugnat, & capit. 704. 716. in B. Antonii Suburbio castra ponit.
 719. De comprehendendo Mazarino qui Gallia abscedebat, mittit ad
 Carolum Lotharingiæ quondam Ducem, & ad Vitembergum. 746.
 sibi oblatas ab Mazarino conditiones de pace respuit. 774. loca in-
 firma in Campaniæ finibus capit. 775
 Conismarcus inter Succos Duces. 242. Pragm parvam cis Meldani
 capit. 351
 Conjunctio inter, Rationum, & Vectigalium Curias, ac Magnum Con-
 silium, ac Senatum denique. 354
 Consilium regium anni 1643. initio quibus constaret. 6. Consilium ab
 Ludovico XIII. Annæ Reginæ uxori institutum, ubi in Procura-
 tione Regni esset. 23. in Comitibus futuris Regni instituendum. 623
 Ludovicus Contarinus Venetorum Legatus apud Monasterium Velt-
 falorum. 182. 247. 261
 Contius, *le Prince de Conty*, Condæi frater rogatus ab Senatu ut in Cu-
 riam veniret de republicâ consultatum, abnuvit. 386. factioni studet.
 387. 407. 412. factionum ad Urbem Imperator. 413. 421. 432.
 438. hujus de abigendo Mazarino, atque hac unâ pacis conditione ac-
 cipiendâ oratio in Senatu. 451. 452. huic data Campania provincia
 quam obtineret. 454. Leodiensis Episcopatus huic ab Canonicis des-
 tinatus frustra. 462. in carcerem conjicitur. 501. 614. 688. 716
 753.
 Conventus in Urbis Ædibus habitus, cui perterrefaciendo ut Urbs
 cum Gastone, & Condæo, ac Senatus ipse fœdus faceret, tumul-
 tuatum in proximâ plateâ, Ædium foribus admotus ignis, quidam
 his egressi ab multitudine cæsi, 725. 726
 Corfinus ab Pontifice missus in Galliam qui apud Regem Nuntius es-
 set, Regni fines ingredi prohibitus. 779
 Corfus, *Corso*, apud Avenionem Cavarum Vicelegatus, 647
 Corvallis Vicecomes, *le Vicomte de Courval*, Uberlingæ Præfectus co-
 strenuè propugnat. 91. pugnando cæsus. 577
 Cossæus Brissacus, *Timoleon de Cossé Brissac*, 50. 575. castrorum Præ-
 fectus. 575. 668
 Costura, *des Coustures*, Syndicus creditorum Urbis creatus, 488. 501
 Covongius, *de Courvoisier*, Harcurio circum Ilerdam Legatus. 237
 Covongius, *de Courvoisier*, Lotharingicæ Legionis Tribunus.
 Cremonam Franciscus Atestinus Mutinæ Dux, & Pralino-plebsius E.
 T. oppugnant. 339

INDEX.

Crepacorius Baro, <i>le Baron de Crevecoeur.</i>	377
Crequius è Melitenſi Militiâ, <i>le Chevalier de Crequi.</i>	628. 687. 765
Crequius Marchio, <i>le Marquis de Crequi</i> , Dux & Par Franciæ mox creatus.	746
Crispinus, <i>Hierosme Creſpin</i> , Senator de pace cum Aulâ faciundâ præclare ſententiam dixit.	426
Croiſetta, <i>la Croiſette</i> , Longavillæ cliens Cadomum Regi dedit.	306
Croiſius, <i>de Croiſy</i> , Reginæ cuſtodum corporis vexillarius Longavillam comprehendit,	501
Cromvellus Blaco Britannicæ Claffis Prætori præcipit, uti naves Gallicas, & quæ his vehebantur, deprehenderet, ac caperet; homines vero dimitteret, quod eſt ab eo factum.	744
Crucæus Baro, <i>le Baron de la Croix François de Berar</i> , in Normannica Legionem Vicetribunus.	220
Gaiſpar Cueva Hiſpanus vulneratus.	484
Curſellus, <i>le Marquis de Courſelle</i> , caſtrorum Præfectus.	233
Curtracum, <i>Courtray</i> , ab Leopoldo, & Hiſpanis receptum.	371

D

D Anvilla Vantadurius, <i>le Duc d'Anville de Vantadour.</i>	548. miſſus ab Rege ad Gaſtonem.	762
Danvillarium, <i>Danvilliers</i> , in Lucemburgenſi agro haud procul Campaniæ finibus Contio permiſſum cui Præfectus eſt.	454. id Præſidarii Regi conſervant.	507. 750
Daugnionus Comes, <i>le Comte du Daugnion Louïs Foucault</i> ,	210. 211. 213. 214. 478. 537, 649. claffem apparat quam Hiſpanicæ conjungat.	742
Joſephus Dardenna Illæ Comes Catalanus.		135. 484
Delphino prænomen datur.		24
Denmarius, <i>de Denmarie</i> , caſus in pugnâ apud Lentsium.		377
Dertona, <i>Tortone</i> , ab Hiſpanis oppugnatur in Italiâ. 15. his deditur ab noſtris.		16
Dertofa ad Iberum, <i>Tortofe</i> , ab Schombergio & Gallis pugnando capta. Arx hiſ dedita.		346
Dixmuda Ramſavio dedita. 284. ab Hiſpanis recepta.		288
Doricuxius, <i>Dorieux</i> , in Veſtigalium Curiâ Præſes lectus ab Gaſtone qui huic in Conſilio de omni republica adeſſet ubi Senatus huic legationem in omni regno continuaverat.		732
Joannes Doujatus, <i>Doujat</i> , Senator.		489. 573
Renata Dubeca J. Budæ Guebriani quondam uxor, <i>la Mareſchale de Guebrian Renée du Bec.</i>	176. Briſiacum venit ſemel, atque iterum. 515. hujus de abigendo ab Briſiaco Carlevoſio fabrica. 620. cum Carlevoſio porro de Briſiaco ſibi tradendo agit. 735. dolum abhibet, Carlevoſium comprehendendi, ac Philippiburgum abduci jubet.	

INDEX.

736. Brisiaco pellitur. 737. Basilæam petit.	ibid.
Dubecus Marchio, <i>le Marquis du Boc</i> , capitis antehac absens damnatus Senatus decreto præsens absolvitur.	54
Dunkerca ab Leopoldo oppugnatur, 742. huic deditur.	744
Duc, <i>du Duc</i> , in Burdigalensi Curia Consiliarius.	676
Duglasius cæsus ab Austriacis in Boiohemo.	155.
Dumontius, <i>du Mont</i> , apud Salmuriam dedere arcem Regi non vult.	520
Dunkerca. 228. Angiano dedita.	220
Dunkespiel oppidum in Germania Angiano deditum.	166
Dyrachius Comes, <i>le Comte de Duras</i> .	492
Dyrachius Marchio, <i>le Marquis de Duras</i> , Comititis filius pugnando vulneratus.	429. 685

E.

E dictum de Regni Procuratione Rege, & Aulâ coram recitatur, deinde in Acta Senatus refertur. 24. Edictorum omnium promulgationem Senatus ad se unum pertinere contendit: super eâ re Segueri, & Molæ orationes. 314. 363. Edictum de omnibus in Conclavi B. Ludovici consultis, atque aliis de republicâ. 399. 391.	
Edictum id Administri abrogatum volunt. 404. Quæ continebantur in Regis Edicto quò Patres Montargirium abire jubebantur. 410. Edicto singulis Patribus Magistratus abrogati quoniam priori Edicto quo abire Montargirium jubebantur non paruisent, nisi si qui Germani-fanu ad Regem venirent. 420. Edictum ad Senatum missum quo jubebatur ad Esia-Pontem venire, atque eò haberi. 745. Edictum quo Rex omnium quæ per bellum civile facta fuerant, gratiam faciebat.	749
Egtotus Marchio, <i>le Marquis d'Egtot</i> , Bévronii Marchionis filius.	424.
Elizabethæ Hispaniæ Reginæ obitus.	107
Ellebovius Dux, <i>le Duc d'Elbeuf Charles de Lorraine</i> , capitis ab Divionensi Curia antehac absens damnatus Senatus Decreto præsens absolvitur. 53. uti cum Gassione exercitui in Belgio præflet postulat. 115. huic cum Gassione lites, ac propè certamen. 116. factioni in Urbe operam suam pollicetur. 412. 421. 438. 657. Portiani-Castellum cum Almontio E. T. recipit.	776
Entragæus, <i>d'Entragues</i> , captus ab Hispanis.	471
Episcopatus complures in Germaniâ in belli ab se pro libertate Germanicâ gesti pretium Sueci petunt.	188
Erenbrestei-Petra ad Rhenum.	466
Erlacus, <i>le General Erlac du Canton de Berne</i> , Brisiaco Præfectus. 94. in Belgium cum copiis venit. 373. 375. 458. moritur.	514
Espenanus, <i>Espenan</i> . 33. apud Theodonis villam.	52. 96

INDEX.

Espagnius, <i>d'Espagny</i> , Cohortis unius Tribunus.	627
Espensæus, <i>d'Espense</i> , deficit ab Rege cum Marfino.	645
Estrada, <i>le Comte d'Estrade</i> , Hagam Comitibus ab Rege missus iterum.	
185. de oppugnandis Antuerpis ad Arausium missus. 218.	305
Dunkercam petit. 441. cujus Præfectus fuit. <i>ibid.</i> trecentos milites inter hostium præsidia Gravelingam duci, atque introduci curat.	741
Estræus E. T. <i>le Marechal d'Estrée François Hannibal</i> 391. exercitui regio in Bituriges eunti Imperator.	642
Estræus Coveræus, <i>d'Estrée Marquis de Cœuvre</i> , castrorum Præfectus.	345
Estreinus Baro, <i>le Baron d'Estrein</i> , qui Hispanis merebat.	564
Eyterram, <i>Eyterre</i> , ad Legiam amnem Leopoldus capit.	373

F

Faber Commartinus, <i>le Fevre de Commartin Louis François</i> , Senator.	588
Antonius Faber, <i>le Fevre</i> , Senator. 533. Mercatorum Præfectus creatus.	534
Faber castrorum Præfectus. 233. Idem Sedano Præfectus.	605
Fabula insignis saltata in Aulâ.	266
Claudius Falco Risius, <i>Claude de Faucon de Ris</i> , primarius apud Rotomagum Præfex mortem obit. 289. Falco Risius filius & ipse primarius Præfex ab Rotomago propter factionem discedit, atque ad Regem apud Germani-fanum vadit.	425
Potus Fargius, <i>Pot du Fargis</i> , castrorum Præfectus ad Gravelingam.	85
Faurus Franciscanus, <i>le Pere Faure Cordelier</i> .	754
Fecialis ab Rege missus ad Urbem cui non est introeundi facta copia.	429
Ferdinandus Etruriæ Dux.	110. 111. 482
Ferdinandus Imperator Eleonoram Mantuæ Ducis sororem uxorem duxit.	480
Feronius in unâ ex Inquisitionum classibus Præfex, & Mercatorum Præfectus, <i>le President le Feron</i> .	472
Ferraciera, <i>de Ferraciere</i> , Castrorum Præfectus in Cataloniâ.	163
Ferrandine Dux, <i>le Duc de Ferrandine</i> .	58
Ferrandus Janvrius, <i>Ferrand de Janvry</i> , Senator cæsus ab plebe tumultuante in plateâ Edibus Urbis vicinâ.	726
Ferriera Melitenfî Militiâ, <i>le Chevalier de la Ferriere</i> , cum navibus in mari Balearico.	764
Henricus Fertæus Sannectarius, <i>le Marquis de la Ferté Semeterre</i> , Claramontium recipit. 507. In Campaniam vadit cum exercitu. 542.	
Varennam Turenæ clientem Villâ-Francâ pellit. <i>ibid.</i> apud Lingnum vulceratus. 568. Equitum Tribunus creatus. 585. Castell-	

INDEX

lum ad Mosellam capit. 644. 648. ab Rege, seu Mazarino accersitus cum exercitu ad Urbem versus.	716. 718
Fertimbaltius, <i>Jacque d'Estampe de la Ferté Imbault</i> . 85. 230. 464. Equitum Tribunus creatus. 585. 609. hujus de fœdere Gastonem inter & Senatum sanciendo sententia in Senatu.	672. 748. 755
Faugius, <i>Fauge</i> , qui Caroli Lotharingæ quondam Ducis copias quasdam ducabat, & Hispanis Caroli jussu militabat.	567. 577
Figeanus, <i>de Figean</i> , Condæi cliens Burdigalâ missus ab Brezæâ uxore qui conficiundæ paci apud Burgum adesset.	548
Fiescus aut Fliscus Comes, <i>le Comte de Fiesque</i> , Mazarino iniquus. 42. 682. 719. 749.	
Filomarinus Cardinalis Neapolitanus Archiepiscopus.	290
Fimarco Marchio, <i>le Marquis de Fiemarcon</i> , castrorum Præfectus.	530
Flekensteinus, <i>Flekenstein</i> , Germanus castrorum Præfectus.	575
Flexius Comes, <i>le Comte de Flex de Baufremont de Senecy</i> .	227
Flixio in Catalonia Hispani pulsi.	60
Fœdus ictum ab Condæâ Longavillæ uxore inter Philippum Hispaniæ Regem, & Condæum, Contium, & Longavillam.	521. Fœderis Tabulæ inter Condæum & Mazarinum. 569. fœdus inter Gastonem, & Condæum. 588. fœdus inter Gastonem, & Senatum
Fertimbaltius E. T. Gastonis cliens proponit in Senatu.	672
Foliadæi Eberodunensis Episcopi Georgii Aubussoni, <i>d'Aubusson de la Feuillade Archevesque d'Ambrun</i> , ut ne Cardinales Consilio regio arcerentur, oratio ad Regem.	604
Foliadæus, <i>le Comte de la Feuillade</i> .	85
Follevilla castrorum Præfectus, <i>de Folleville</i> .	655. 659
Fontanus Comes, <i>le Comte de Fontaine</i> . 35. cæditur.	37
Fontenaius Marchio, <i>le Marquis de Fontenay François du Val</i> , Romæ Legatus abscesserat Urbe. 12. iterum Romam extra ordinem legatus. 271.	
Aula apud Fontembellaqueum, <i>Fontainebleau</i> .	108
Forcæus Dux, <i>le Duc de la Force Armand Nompur de Caumont</i> .	524
Forillius è Melitenfî Militiâ, <i>le Chevalier de Fourille</i> .	685
Fortzius è Melitenfî Melitiâ, <i>le Chevalier de Fortz</i> , in pugna apud B. Antonii Suburbium viris Principibus militans vulneratus.	720
Fossâ ab Briaræo ad Montargirium navium patiens.	643
Fouquetus Abbas, <i>l'Abbé Fouquet</i> .	507
Nicolaus Fouquetus Cognitor regius. 677. autor Mazarino uti Senatum Rex apud Esæ-Pontem haberi jubeat.	745
Antonius Fouquetus Croissius, <i>Croissy Fouquet</i> , Senator ad Racocium Transylvaniæ Regulum missus. 116. 588. de pacis negotio Sate-naïum missus.	606
Fraisclierus, <i>de Fraissliere</i> , è Chappæi alâ cæsus in pugna apud Lentium.	378
Frankendalium in Palatinatu inferiori.	466
Fremontius, <i>Fremont</i> , Gastonis scriba.	667

INDEX.

Frētæus Gruellus, <i>le Marquis de la Frette Gruel</i> , Autrico Carnutum Præfectus.	684
Friburgum in Brisgaviâ ab Baioaris oppugnatur, atque his deditur.	93
Frontenacus, <i>de Frontenac de Buade</i> , Normannicæ Legionis Tribunus.	220. 221
Fuensaldanius, <i>le Comte de Fuensaldagne</i> , in Belgio. 376. Venantii-fanum recipit. 457. 465. 510. Sylvamotæum Castellum capit. 526. 628. ab Belgio Chalnim venit vix bidui itinere ab Urbe, atque eò habuit castra.	727. 740
Fuentanus Comes, <i>le Comte de la Fuente</i> , Hispanicus apud Venetos Legatus.	771
Fuillouxius, <i>le Fouilloux</i> , in pugna ad B. Antonii Suburbium cæsus.	720
Fullæus, <i>Foullé</i> , Magister Libellorum.	536
Funditores, <i>les Frondeurs</i> , id factiosis nomen inditum.	603. 613
Furnæ Angiano deditæ. 230. has Sfondratus recipit.	373

G.

G Alassum Ferdinandus Imp. in Daniam adversum Tortenfonum, & Suecos mittit cum exercitu. 117. hic Tortenfonum circumcludit. 118. sub Magdeburgi mœnibus habet castra. 154. inde clam dimittit exercitum. <i>ibid.</i> Baioaris subsidio venit adversum. Gallos victores.	167
Gallicanus Abbas Catalanus.	135. 141
Stephanus Gamarra, <i>de Gamarre</i> , Hispanus Turenæ sicuti collega in hostium exercitu.	577. 629
Gandavus Viccomes, <i>le Vicomte de Gand</i> , Diepam petit.	506
Joannes Garaius, <i>Jean de Garai</i> . 60. Hispanicis circum Ilerdam copiis Imperator.	482. 484
Garanciera, <i>de Garanciere</i> , cæsus in Catalonia.	484
Garfia Comes, <i>le Comte Garfia</i> , Cameraco Præfectus.	465
Joannes Gassio, <i>Gassion</i> . 36. Equitum Tribunus creatus. 64. de Nucario ad Aulam revocando cum Gastone loquitur. 89. Gastonis ab Belgio discessu ad hunc imperium redit. 115. 150. Lambonii copias apud Alveringam fundit. 152. 227. 230. 232. Bassæam capit. 283. Lentium oppugnat, vulneratur, interit.	287
De Gastonis, <i>Gaston Duc d'Orleans</i> , in Aulam reditu consilium. 8. cum Ludovico XIII. fratre redit in gratiam. <i>ibid.</i> Mardicum in Belgio oppugnat. 147. capit. 148. Lincum Gastoni deditum. 149. Bethunia dedita. <i>ibid.</i> Ilercium. <i>ibid.</i> huic decretum Belgium provincia cum exercitu. 207. Curtracum oppugnat. 215. quod huic deditur. 217. Mardicum oppugnat. 227. in Senatum venit uti Senatus frequens esse desineret, & ne Curia in Conclave B. Ludovici convenirent. 367. rogatus ab Senatu ut in Curiam veniret, id abnuit.	

INDEX.

386. 442. 461. uti Condæus in carcerem conjiceretur consentit.
500. in Gondii potestate. 502. 532. 536. Condæum, Contium &
Longavillam ab Vincennis Marcussium deduci jubet. 544. hujus in
Senatu de Burdigalensibus oratio. 546. Limursium suum ab Rege
abire jussus. 761
Carolus Gatta, Orbitello Præfectus. 211
Gaufridus, *Gaufridi*, Odoardi Parmæ Ducis, dein Ranucii filii Scriba.
481
Gebelinus Solodorensis Centurio, *le Capitaine Gebeli Suisse de Solleure*,
cæsus in pugna apud Lentsium. 377
B. Genovefæ Virginis reliquiæ magnâ, ac piâ pompâ per Urbem ges-
tata. 712
Geraldinus, *Geraldin* qui Hispanis militabat cæsus ad Capellam. 542
Gefvæus, *le Marquis de Gefvère François Potier*. 35. 49. 53. frater ejus
nominis ejusdem apud Gravelingam vulneratus. 87. circum Iler-
dam cæsus. 236
Gilbertus, *Pierre Gilbert*, Senator. 726
Girollus, *de Girolles*, antehac Quæstor in Alsatiâ tunc Condæi cliens.
739
Gobellinus Brevilierus, *Gobelin de Brevilliers*, Tribunus in prælio ad
Moram amnem cæsus. 270
Godardus, *Jacque Godard de petit Marest*, Senator. 422
Gœtussus ab Pannoniâ in Boiohemum ab Ferdinando Imp. ire jussus
cum copiis. 154. cæsus in Boiohemo. 155
Golsteinus cæsus ab Austriacis in Boiohemo. 155
Gondius, *Jean Paul François de Gondi, dit le Coadjuteur*, Archiepiscopo
Parisiensi datus Adjutor. 379. hujus de Cardinalatu consilia. 380.
Condæum ambit, ut ad factionem pertrahat. 386. 393. 407. 364.
apud Noisium cum Longavillâ, & cum Condæâ hujus uxore de
factione cui Contius adjungeretur convenerat. 411. admitti in Se-
natum cupit. 414. in Senatum admissus. 418. 432. 438. 439. 445.
448. Leopoldum Regni fines ingressum Contii verbis Senatui nun-
tiat. 451. 468. 490. Insidiarum Condæo paratarum suspectus. 493.
cum Rohanâ Mombasonâ de conjiciundo in carcerem Condæo con-
gruit, atque id Mazarino suadet. 499. cum Reginâ, & Mazarino
redit in gratiam. 502. 504. 510. 539. Condæum, Contium, &
Longavillam in Bastiliam ab Vincennis abduci studebat. 543. 549.
553. De Cardinalatu Gondii ut hunc ei datum velit adduci se posse
Mazarinus Rohanæ Mombasonæ planè negat. 568. quæ ab eo post
victoriam ad Rhetelium de Mazarino dicta. 578. de Principibus
viris qui in custodiâ erant oratio. 579. ad Gastonem. 587. 590.
592. ad Senatum de eo quod Mazarinus de Patribus dixerat in
Consilio regio oratio. 593. Gondio consilium fuit, uti Gasto Re-
gem haberet in potestate. 602. 609. 613. amicos, & clientes ali-
quanto numero in Curiam adducit. 631. 634. de hujus Cardina-

INDEX.

- latu litteræ Romam mittuntur. 636. 651. Romæ Cardinalis creatus. 678. in custodiam conjicitur. 778
- Margarita Gondia Megnelai Marchionis quondam uxor, *de Gondis Marquise de Megnelay*, mortem obit. 583
- Gonnorius Guffierus, *Gauffier Comte de Gonnor.* 521
- Arias Gonfales Hispanus pugnando vulneratus & ab vulneribus interit. 564
- Anna Gonzaga Palatini Principis uxor, *de Gonzague Mantouë la Princesse Palatine.* 502. 522. 570. cum Condæo agit ut hunc Reginæ adjungat. 606. 607. ab Condæo dissidet, quod nondum Vetulvilla summus Quæstor crearetur. 611. 777
- Vincentius Gonzaga. 340
- Camillus Gonzaga. 306. milites Casalium ducit. 772
- Gourguius, *de Gourgues*, in Curia Burdigalensi Præfens. 539. 676
- Goulafius, *Goulas*, Gastonis scriba. 667. ab Gastone ad Regem de pace missus. 700. 748. 750
- Govilla, *de Goville.* 508
- Gourvilla, *Gourville*, Marfillaci cliens. 404. ad Regem ab Brezæa Buillonio, & Rupifocaldo de pace Burdigalâ missus. 547. 612. de pace missus ad Condæum ab Buillonio Mazarini voluntate. 650. 692. ab Condæo conditiones pacis fert Mazarino. 706
- Antonius Gramontius, *le Marechal de Grammont*, E. T. 94. 96. captus. 165. 232. 311. 376. 426. 592.
- Grancæus Comes, *Jacques Rouxel Comte de Grancé.* 50. circum Gravelingam. 85. Equitum Tribunus creatus. 585. hujus cum factiosis pugna haud procul Briâ. 428. 464. 673. 474. hujus filius in Julionagi oppugnatione. 679. pater Gravelingæ Præfectus. 740
- Grassetus, *Grasset*, Turrim apud Avaricum Biturigum Regi dedit. 509.
- Grassus Luardus, *le Gras du Luard*, Magister Libellorum. 682. creatus ab plebè tumultuante in plateâ Urbis Ædibus vicinâ. 726
- Gratiæ-Portum Richelius Dux Regi dedit. 507. eò Condæus, Con-tius, & Longavilla deducuntur. 552
- Gravelinga in Belgio oppugnatur ab Gastone. 84. huic deditur. 88. hanc Leopoldus oppugnat. 740. 741. huic dedita. *ibid.*
- Gravius, *de Grave*, apud Dixmudam vulneratus. 284
- Gremonvilla, *Nicolas de Bretel de Gremonville*, ad Venetos legatur, qui primùm Romam ad Innocentium Pontificem iit. 124. hunc Rex Româ discedere, ac Venetias ire jubet. 125
- Honoratus Grimaldus Monæci Princeps. 102
- Hieronymus Grimaldus Cardinalis. *ibid.*
- Guadanus, *le Marquis de Gadagne.* 574
- Gualcurius, *de Gauscour*, Condæi cliens. 651. per hunc cum Mazari-no de pace Condæus agit. 716. 753
- Joannes Baptista Gualtius, *Gault*, Massiliensis Episcopus moritur. 69
- Augustinus

INDEX.

- Augustinus Guazzonus è Sommascorum ordine, *Augustino Guazconi.*
708.
- Guebrianus, *le Marechal de Guebrian Jean Bude*, in Germaniâ bellum gerit. 61. Rotveilam ad Nicrum oppugnat, huic deditur, ab vulnere moritur. 62
- Guenegualdus Pleffius Quatuorvir, *du Pleffis Guenegaud Secretaire d'Etat.*
420. 697.
- Guionnetus *Guionnet*, in Curiâ Burdigalensi Consiliarius. 535
- Henricus Guisius circum Gravelingam in castris. 87. Romæ agitatur. 292. hujus operâ Michael Mazarinus Cardinalis creatus. *ibid.* Neapolitanorum negotiis admiscet se. 293. mittunt ad hunc Neapolitani. 294. cum Pontifice Innocentio de Neapolitano negotio colloquitur. 296. Neapolim petit. 297. hujus cò adventus. 298. Gladius Imperij testera Guisio datus Neapoli. 299. Averfam ducit, quò Nobilitas Neapolitana fuit cum copiis. 302. cum Andriæ Duce colloquitur. *ibid.* Neapolitanos Nobiles Aversâ discedentes in fugam conjicit. 332. ad Insulam Nisitam trajicit. copias. *ibid.* profugit, capitur, Caietam deducitur. 333. hunc Hispani dimittunt, & ab Mantuâ Carpetanorum in Galliam remittunt. 756
- Rogerus Guisius è Melitenfî Militiâ, *le Chevalier de Guise.* 750
- Guisium oppidum Hispani obsident. 526. oppugnant frustra, ac denique omittunt. 528
- Guitaldus custodum Reginæ corporis Dux, *François de Comenge de Guitault*, Condæum comprehendit. 501
- Guitaldus frater item custodum Reginæ corporis Dux, *Gaston Jean Baptiste de Comenge*, Contium comprehendit. *ibid.*
- Guitaldus, *Guillaume de Pechepierou de Guitault*, Condæi cliens. 692. in suburbio B. Antonii vulneratus. 722

H

- H**Ailbrona ab Gramontio, & Turenâ oppugnatur. 167
- Harcurius Comes, *Henry de Lorraine Comte d'Harcour*, Prorex Catalonia cum exercitu obtinet. 134. Hujus adversum Cantelmum circum Balaguieram pugna, ac victoria. 140. Balaguieram obsidet. 236. Ilerdæ obsidionem omittit. 140. in Normanniam cum exercitu proficiscitur. 424. huic data Belgium provincia cum exercitu. 463. 465. 466. 468. apud Neovillam vulneratus. 470. 473. in Normanniam præmissus ab Rege cum copiis. 505. exercitui regio Imperator adversum Condæum. 650. Cuniaci obsidionem solvere Condæum cogit. 655. apud Rupellas Turrim, ac Munitionem ad Portum capit. 659. 682. Condæum Aginnum recipere se cogit. 687. 688. Multa ab eo in Aquitaniâ benè gesta. 716. 717. Villam-novam oppugnat frustra. 735. Philippiburgo dudum Præfectus. 727. Regis injussu relicto in Aquitaniâ exercitu cui præerat regio Brisia-

INDEX.

cum venit, atque id sibi cui Præfectus esset sumit.	739
Harcurius Ellebovii Ducis filius, <i>le Prince d'Harcour</i> , in castris circum Gravelingam. 87. Montrolium ab præsidio sicuti Præfectus admisit.	450
Hasfeldius in Boiohemo Leopoldo Austrio Legatus. 154. captus in pugna.	155
Hassia Langravia Amelia Elizabetha Hannauvia.	160
Haucurius, <i>de Hancour</i> , pugnando adversum Regem captus.	577
Hayus Vanteletus, <i>de la Haye Vantelet</i> , Regis apud Turcorum Regem Legatus.	203
Helvetiorum Legati ad Regem.	517
Henrica Britannæ Regina in Galliam profugit. 108. Senatus huic in sumptum quidpiam decernit.	410
Hericurius, <i>d'Hericour</i> , cæsus in pugna apud Lentsium.	377
Herfentius ab Româ Pontificis iussu in Galliam redire maturat, ac Rivieræ de Cardinalatu spem facere. 178. in carcerem conjectus. <i>ibid.</i>	
Hervartus, <i>Hervart</i> .	515
Hippolitæ Aragonæ apud Barcinonem conjuratio. 185. Tarraconem abit.	143
Hispani pacem cum sociis Civitatibus seorsim ab Gallis moluntur. 183. cum Sabaudia Duce, & Christina hujus matre de pace agunt frustra.	772
Hispaniæ Regina Maria Anna ab Germaniâ in Hispaniam vadit. 479	
Hocquincurius Carolus Monchius, <i>le Marquis d'Hocquincour de Monchy</i> . 542. Equitum Tribunus creatus. 585. Peronæ Præfectus. 600. 668. Juliomagum oppugnat. 679. filius ejus apud Juliomagum cæditur. <i>ibid.</i> 681. apud Blenellum habet castra. 693. funditur ab Condæo.	694 703
Hocsta ab Baioaris capitur.	100
Hoëntviele in Vitembergenſi Agro Baioari frustra tentant.	91
Hollacus Comes, <i>le Comte de Holac</i> , Germanus.	718
Hospitalius Vicecomes, <i>le Vicomte de l'Hospital</i> , pugnando cæsus.	377
Hospitalio Haliero, <i>François de l'Hospital du Halier, dit le Marechal de l'Hospital</i> , Campania provincia data. 21. Angiano in Belgio atque in exercitu Legatus 22. 380. 490. Præfectus Urbi Conventui apud Urbis Aedes publicas præest. 725. per sclopetarios suos ut ne seditionis in has irrumpanz providet. <i>ibid.</i> sub vesperam elabatur. 726. ad Urbem revocatur.	759. 760
Hudicurius Subletus, <i>Sublet d'Hudicour</i> , Landrecio Præfectus. 284. castrorum Præfectus.	655
Hulſta Arauſio Principi dedita.	153

J Aræus è Melitenſi Militiâ, <i>le Chevalier de Jarzè</i> , advertum Regem pugnando captus.	577. 680
Jarzæus Marchio, <i>le Marquis de Jarzè</i> , apud Theodonis villam vulneratus. 50. Ixionis fabulæ haud ab ſimile quidpiam incipit. 486. in pugnâ ad B. Antonii Suburbium viris Principibus militans vulneratus.	720
Icius-Portus, <i>Calais</i> .	740
Igbius Anglus, <i>le Baron d'Igby</i> .	473. 680
Ilerda ad Sicorim Hispanis dedita.	83
Inculifmus Dux Carolus Valeſius, <i>le Duc d'Angouleme baſſard de Charle IX. de Valois</i> . 422. mortem obit.	583
Ludovicus filius antehâc Aletſius Comes tunc Inculifmus Dux. 611. in cuſtodiam conjeçtus, atque huic Provincia abrogata. 754. dein emiſſus cuſtodia.	ibid.
Innocentius Pontifex Regi atque hujus Legato Valancæo injuriam facit.	581.
Inojoſa Marchio Flixium, & Miraveſem in Catalonia fruftrâ tentat.	13
De Inquiſitionis Romanæ Decreto.	274
Infula, <i>la Ville de l'Iſte</i> , ab Gaſſione, & Ramſavio fruftrâ tentata.	149
Infula ſançti Amandi.	471
Joanna Monialis apud Eliæ-pontem Seguieri Cancellarii ſoror obſtat apud Reginam Caſtronovani ad Urbem reditui.	45
Joffrevilla, <i>de Joffreville</i> , Rupi regiæ Præfeçtus.	33
Jolius in Caſteleto Conſiliarius, <i>Joly Conſeiller au Châſtelet</i> , Syndicus creditorum Urbis creatus. 488. vulneratus leviter ab equite.	489
Henrica Catharina Jouſia, <i>de Joyeuſe Duchèſſe Douairiere de Guiſe</i> , in Aulam redit.	25
Jouſius Dux Ludovicus Guiſius, <i>de Guiſe Duc de Joyeuſe</i> .	754
Lambertus Jouſius quem Carolus Lotharingus ad Aulam de rebus ſuis miſſitabat.	756
Jozephus Clericus Tremblayus Capucinus, <i>le Pere Joſeph le Clerc du Tramblay</i> .	246
Iſemburgus Comes, <i>le Comte d'Iſembourg</i> , præmiſſus ad Rupem regiam, <i>Rocroy</i> , obſidendam.	33. 35. 37
Iſlabonus Ellebovii filius, <i>le Comte de l'Iſlebonne</i> .	374. 687. 765
Juliomagus, <i>Angers</i> .	678
Juniores in Senatu de ſcedere Gaſtonem inter & Senatum ſanciundo cum Fertimbaltio E. T. ſentiunt.	672
Juniorum in Senatu dicta de Collegis amandatis.	132

INDEX.

K

- K** Eimbecus Tribunus Germanus *Keimbec.* 62
 Knutius, *Knut*, unus è Sociarum Civitatum Legatis apud Monasterium Vestfalorum. 245

L

- L** Abardæus, *Jean de la Barde Marquis de Marolles*, ad Helvetios Legatus Osnabrugam petit. 188. 193. 459. 460. 515. 518. 737
 Labarraus, *de la Barre*, rei tormentariæ Propræfectus. 35
 Labrossæus, *de la Brosse*, cæsus ad Salernum. 334
 Lacottiera, *de la Cottiere*, subsidio veniens Montargirii Castello. 693
 Lagardius *Magnus de la Garde*, Succix Legatus ad Regem. 269
 Laisnæus, *Jean Laisné*, Senator. 726
 Lafarius, *le Marquis de la Fare*, in Cataloniâ. 484. 765
 Lambertus, *de Lambert.* 85. 334
 Lamboius, *Lamboy.* 227. 457
 Lametus Vicecomes, *le Vicomte de Lamet.* 543
 Lampadii ad Imperii Ordines apud Osnabrugam de Gallis præclara oratio. 191
 Languctotus Bretellus, *de Languetot de Bretel*, in prælio apud Norlingam cæsus. 165
 Henrica Laguichia, *de la Guiche Duebessè d'Angoulême.* 754
 Carolus Lanoius, *Charles Comte de Lanoy*, Montrolio ad Oceanum Præfectus mortem obit. 450
 Larchicrus in Rationum Curiâ Præses, *Larcher*, lectus ab Gastone qui sibi adesset in Consilio de omni re publicâ ubi illi Senatus Legationem in omni regno continuaverat. 732
 Lafalius, *de la Sale*, cæsus in pugna apud Lentium. 378
 Lavallius Sablæus, *le Marquis de la Val de Sablé*, Castrorum Præfectus ab vulnere interiit. 231
 Lavia, *Lavie.* 534
 Launaius, *de Lannay.* 334
 Launus, *de Laune Conseiller au Chastelet.* 417
 Lauricrus Miravezi in Cataloniâ Præfectus, *du Laurier.* 556. apud Miravensem cæsus dein oppidum deditum. 563
 Leca, *le Marquis de Legue.* 334. 354. 550. hujus colloquium cum Gastone. 569
 Lenuncurio, *le Marquis de Lenoncour*, Lotharingia data provincia. 21. apud Theodonis villam cæsus. 51
 Lentium Condæo deditum. 377
 Leopoldus Austris in Boiohemo cum exercitu. 154. ab Ferdinando Imp. missus Baiovar auxilio venit. 167. Belgium provinciam obti-

INDEX.

- net. 271. 276. 373. 376. hujus Legatus de pace ad Senatum. 433.
in finibus Regni cum exercitu. 451. Ypras obsidet. 457. 465. 468.
469. 473. Vervinum, Portiani-Castellum, & Rhetelium in Cam-
paniâ occupat. 542. de pace mittit ad Gastonem. 544. 626
Leodiensem Episcopatum Contio Canonici Leodienses destinabant.
462.
- Lermontius, de *Lermont*, apud Curtracum vulneratus. 216
- Leichafférius, *Leichafferie*, uni Præfectus navi. 57
- Lefnatus, *Lefné*, Condaci ciens. 530
- Levius Comes, *le Comte de Levy*. 692. 747
- Lignevilla Lotharingus, de *Ligneville*, Lotharingorum Equitum Præ-
fectus. 376. cum copiis aliquanto numero Carolo Duci merebat.
567. Voidium, Lignum, & Barem cepit. 567. 577. 649
- Linæus, *le Prince de Ligne*. 376. 377. 740. 744
- Lindavia ad Acronium Lacum frustrâ ab Vrangelio, & Succis oppu-
gnata. 269
- Linvilla de *Linville*, Castrorum Præfectus. 374. 567. 573. 575
- Hugo Lionnus, *Hugue de Lionne*, Romæ apud Fontenaium. 12. Odoardo
Parmæ Duci persuadere conatur, ut omisso adversum Pontificem
bello Hispanicum unâ cum Rege sumat. 14. 456. 614. 617
- Lipontius Curtraco Præfectus, *Liponts*. 217. 510. Rhetelio Præfectus
oppidum Pralino-pleffio dedit. 574
- Livrus Tribunus, de *Livry*, in prælio apud Norlingam cæsus. 165
- Locmannus Helvetius Tribunus Tigurinus *Lochman*. 646
- Loignius, de *Loigny*, cæsus è Picardiæ legione, in pugnâ apud Lent-
sium. 377
- Longavilla, *Henry d'Orleans Duc de Longueville*, de pace Monasterium
Vestfalorum Legatus. 18. eò advenit. 170. Cadomo oppido Præfe-
ctus. 270. huic Juxium Castellum in Sequanis dono datum ab Re-
ge. *ibid.* ab Monasterio Vestfalorum discedit. 329. uti Gratiæ-Port-
tui Præfectus esset frustrâ petit. 353. ab Senatu rogatus, ut in Cu-
riam veniret de republicâ consultatum, abnuat. 386. Mazarinum co-
gere vult uti sibi Gratiæ-Portum ab Rege datum velit. 406. 407.
412. 413. 424. 439. 454. 490. in carcerem conjicitur. 501. Præfec-
tus Cadomo, & Ponti-arcuum. 505. Anna Maria Longavilla hu-
jus filia virgo. 571. 613
- Petrus Longolius, *l'Abbé de Longueil*, Senator factionis in Urbe autor
habitus, 385. 610
- Renatus Longolius Maisonius, *le President de Maisons*. 6. huic summa
Quæstura mandatur. 525. 610. huic ab plebeculâ periculum. 714. lec-
tus ab Galtone qui Concilio de republicâ adesset ubi illi in omni
regno Legationem Senatus continuaverat. 732
- Longonis-Portus Austrio, atque Ognato deditus. 554
- Lorestius Baro, *le Baron de Loreste*, in pugnâ ad B. Antonii suburbium
viris Principibus militans vulneratus. 729

INDEX.

De Lotharingæ Duce Carolo, <i>le Duc Charle.</i> 61. 63. 263. 313. 331.	
457.	
Louviera, <i>de la Louviere</i> , Brusselli Senatoris filius Basilicæ ab Contio Præfectus.	47
Luceraius, <i>de Luceray</i> , uni Præfectus navi. 57. cæsus.	334
Ludovicus XIII. moritur.	26
Nicolaus Ludovicius.	554
Lugdunensis Archiepiscopus Cardinalis, <i>le Cardinal de Lion</i> , Richeli Card. frater Romam petit.	110
Lugo Hispanus Cardinalis Romæ creatus.	69
Lumæus Carolus Albertus, <i>le Duc de Luine Charles d'Albert.</i> 380. 416.	
438	
Lumiæus Hispanicus apud Ferdinandum Legatus.	367
Lusignan Marchio, <i>de Lusignan.</i>	478. 652
De Lusitanicæ Rege.	262
Lusitanus, <i>de Lussan</i> , deficit ab Rege cum Marsino.	645
Lussingius, <i>de Lussinge</i> , Thomæ Principis turmæ Vicarius.	576
De Lutetiâ Parisiorum obsidendâ.	404

M

M Agalottus Italicus castrorum Præfectus, <i>Magalotti.</i>	85. 144
Magdalenus, <i>de la Magdelaine</i> , Contii Cohorti Tribunus.	689
Magniprataeus, <i>le Comte de Grand-pré</i> , <i>Charles François de Foyeuse.</i> 508	
566. huic Hispani Mufonium reddunt cui Præfectus esset cum Reclangio Propæfecto.	567. 642. 648
Maipaius, <i>de Maipat</i> , Præfectus equitum.	567
Malgironus, <i>Maugiron.</i>	63. 237
Malvicinus, <i>Mauvoisin</i> , in Burdigalensi Curia Consiliarius.	676
Victoria Mancina, <i>Mancini</i> , Mazarini sororis filia.	461
Mancinus in pugna ad B. Antonii suburbium vulneratus post paulò interiit.	720
Manheimum ad Rhenum, & Nicrum confluentes ab Baioaris receptum.	100
Manicampus, <i>Manicamp de Longueval</i> , circum Gravelingam. 85. Pralino-pleffio E. T. in exercitu Legatus. 573. vulneratus.	576. 643
Mantua Dux Carolus Claram Eugeniam Alberti Ænipontani Ducis filiam uxorem duxit.	480
Marcus Comes Guillelmus Russellus, <i>le Comte de Maré</i> , cæsus.	696.
Ludovica Maria Gonzaga Mantuana, <i>la Princesse Marie</i> , Uladislao Poloniæ Regi nupta.	176
Petrus Marca apud Barcinonem Visitator generalis.	106. 482
Marcussius, <i>de la Marcouffe</i> , deficit ab Rege cum Marsino.	645
Margaritæ Lotharingæ ad Aulam adventus, hujus nuptiæ cum Gaf-	

INDEX.

- tone instauratæ. 37. Mazarinus hujus gratiam expetit. 223. Mazari-
rino infensâ. 555
- Josephus Margaritus, *D. Joseph de Marguerit*, Aquilaris Marchio Ca-
talanus. 135. 483. 559. 644. 765
- Marinus Comes, *le Comte de Marin*, castrorum Præfectus, 477. 530.
686.
- Marinus apud Avenionem Cavarum Vicelegatus jussus ab Pontifice
in Aulam venire, qui de Radefiani in custodiam conjecti causâ cog-
nosceret. 778. regni fines ingredi ab Rege prohibitus. *ibid.*
- Mardicum ab Hispanis receptum 152. oppugnatur. 227. Gastoni
deditur. 228
- Marfillacus Franciscus Rupifocaldus, *de la Rochefoucaud Prince de Mar-
fillac*, inter factionis principes, 387. 407. 412. 421. 428. 464. 489.
comprehensio Condæo abijt in Pictonas. 501. Marfilliacus hujus
filius adolescens, *le Prince de Marfillac*. 688. 722
- Marfillius, *de Marilly*, Marfino Legatus in Cataloniâ. 645
- Marfinus, *Marfin Liegeois*, castrorum Præfectus. 95. 231. 312. 345. in
Cataloniâ Proprætor. 482. 484. 485. Perpinianum abductus, atque
eo in custodiam conjectus. 503. Satenaio Præfectus. 612. in Ca-
taloniam Proprætor missus. 624. deficit ab Rege ad Condæum.
645. Contio Legatus atque adjutor datus ab Condæo fratre in
Aquitaniâ. 688. cò multa loca capit, & in Petrocoriis Sarlatum.
553. 554
- Petrus Martinellus, *Martineau*, Senator. 536
- Martiniera, *la Martiniere*, in B. Antonii suburbio viris Principibus mi-
litans vulneratus. 722
- Martinossia virgo, *Martinossi*, Mazarini sororis filia. 477
- Simon Mascarena, *Mascarenas*, apud Balaguieram Hispanis præerat.
142
- Mata, *le Comte de Mata*. 428
- Matarellus, *Matarel*, cæsus in pugnâ apud Lentium. 377
- Matignonus, *de Matignon*. 489
- Jacobus Maugisius, *Maugis*, Senator. 536
- Mauricius Caroli Emanuëlis filius nothus egregiè ad Moram amnem
dimicat. 170
- Maurierus Albericus, *Aubery du Maurier*. 63
- Maurus Comes, *le Comte de Maure Louis de Rochecouart*. 451
- Mauvillius, *Mauvilly Marechal de Bataille*, aciei Instructor. 75
- Maximilianus Baioariæ Dux. 180. induciæ inter hunc, Gallos, &
Suecos factæ. 268. ab iudiciis cum Suecis discedit. 309
- Julius Mazarinus, *le Cardinal Fule Mazarin*, in Consilium Regis ad-
hibitus. 4. hujus apud Fontembellaqueum morbus. 110. 181. hos-
tis ab Senatu indicatus facessere Aulâ, & Regni finibus jussus. 409.
de Senatus Decreto adversum se retulit in Consilio regio. 410. Vin-
docinos patrem, ac filios sibi adjungere tentat, dein omittit. *ibid.*

INDEX.

- De Mazarino quædam in uno edicto ampla ac magnifica. 420. 442.
 ab colloquio de Pace apud Ruellium hunc arcere delecti ab Senatu
 tentant. *ibid.* de abigendo Mazarino Rex, atque Regina, Gasto,
 Condæus ac Seguierus Senatui negayere. 453. de Mazarino post
 victoriam ad Rhételium. 578. hujus post victoriam apud Rhete-
 lium in Aulam adventus. 581. ab Aulâ secedit. 599. Gratiaepor-
 tum petit, viros principes eximit custodiâ. 602. apud Brullum Co-
 loniâ Agrippinâ haud procul exulavit. 605. huic, atque propin-
 quis interdictum Galliæ finibus. 634. De Mazarini reditu habitum
 ab Rege apud Augustoritum Pictonum Consilium. 660. hujus in
 Aulam reditus. 674. Mazarinum tametsi Cardinalis sit, Senatus
 Decretis obnoxium esse etiam quæ de capite ejus fiant. 691. Hujus
 sese expurgandi apud Senatum consilium. *ibid.* Rex Mazarinum se
 dimissurum Senatus legatis edicit dudum se de profectioe fatigan-
 tem. 727. Mazarinus ex composito ab Esia-Ponte quod Aulaerat,
 extra Regni fines discedit. 746
- Michaël Mazarinus Dominicanus Julii Card. frater ab Urbano Pon-
 tifice male habitus. 12. Cardinalis creatus. 292. Cataloniam obtinet
 provinciam. 343. subito Romam redit. *ibid.* mortem obit. 348
- Mazerollus, de Mazerolle, ab Brezâ missus ad Philippum Hispaniæ
 Regem. 529
- Medicæus Cardinalis Hispanicæ factionis Romæ princeps. 111
- Medina Torrefius, *Medina de las Torres*, ab Fontenaio Romæ Lega-
 to, & ab Lionno Venetiis sibi ab Rege auxilium prorogandæ apud
 Neapolim provincie frustra petit, quia hujus internuntius nullas
 habebat ab eo litteras. 15
- Mediolanum obtinet Joannes Velasus-Siruclæ Comes, *Jean de Vilas-
 que Comte de Siruela.* 16
- Medo, *Meudon*, Castellum ab regiis oppugnatum, ac Condæo dedi-
 tum. 419
- Meillatus Comes, *le Comte de Meille*, Condæi cliens Claromontio Præ-
 fectus. 612. 694
- Blasius Melianus, *Melian*, Cognitor regius. 429
- Melianus Eglinius in prælio apud Norlingam captus. 165
- Melleraius Carolus Portæus, *Charles de la Porte Marechal de la Meille-
 raye*, Britanniam obtinet. 3. circum Gravelingam. 85. ad Plum-
 binum oppugnandum, ac Longonis-portum missus cum exercitu.
 230. huic summa Quæstura mandata. 369. 370. 380. 405. 456. jus-
 sus in Aquitaniam ire cum exercitu. 525. 540
- Franciscus Mello Belgium obtinet. 32
- Melodunus Vicecomes, *le Viscomte de Melun Guy Arbaleste*, haud pro-
 cul Mariendalio cæsus. 159
- Melodunus alter Vicecomes Arbalesta in pugna ad B. Antonii Subur-
 bium viris Principibus militans vulneratus. 720
- Henricus Memmius, de *Mesme*, in Senatu Præses. 330. 435. 442.
 446

INDEX.

446. mortem obit.	582
Gratianus Menardellus, <i>Menardeau</i> , Senator.	573
Menene oppidum Gallis deditum.	149
Mercius Baiocaris Imperator. 61. captus in pugnâ ab Suecis in Boiohem.	155
Mercurius Dux, <i>le Duc de Mercœur Louïs de Vendosme</i> . 160. huic data Catalonia provincia. 502. 561. Falsctum in Catalonia oppugnat, quod huic est deditum. 563. ad Aulam redit. <i>ibid.</i> huic data Provincia Inculismo Duci abrogata.	754
Merinvilla, <i>le Comte de Merinvilla François de Monfrier</i> , castrorum Praefectus.	237. 562
Meuter captus ab Suecis in Boiohemo.	155
Milander qui Germanis Imperator erat, caesus.	349
Miletus, <i>Milet</i> .	515
Miratus, <i>Mirat</i> , in Curiâ Burdigalensi Consiliarius.	534
Miro, <i>Miron</i> , in Rotomagensi Curiâ Consiliarius ad Senatum de conjunctione missus.	425
Robertus Miro in Rationum Curiâ Magister, <i>Miron Maître des Comptes</i> , in plateâ Aedibus Urbis vicinâ ab plebe tumultuante caesus. 726	
Moftruxius, <i>Moiroux</i> , Harcurii negotiorum Curator.	736. 737
Molæus primarius in Senatu Praeses, <i>le premier Président Moli</i> . 24. hujus ad Reginam oratio. 459. cum aliis ab Senatu Germani-fanum missus cum Gastone, Condæo, Contio, & Longavilla de re publica colloquitur. 389. 411. de Molæo primario Praefide. 434. hujus ad Regem, ac Reginam matrem de Leopoldi Legato oratio. 435. 442. 446. 447. hujus firmitudo animi adversum plebem. 448. 449. 536. de viris Principibus custodiâ emitendis ad Reginam oratio. 586. uti Cardinales è regio Consilio arcerentur oratio in Senatu. 609. ab Condæo dissidet. 610. huic redditum Signum regium. 636. Plebis seditionem adversum se animi firmitudine compefcit. 657. 666. pro reditu Mazarini Molæi Responsum Regis verbis. 671. 681. 682	
Mombafonus Dux, <i>le Duc de Mombafon Hercule de Roban</i> , Praefectus Urbi.	409. 472
Mombafona Rohana Caprosi Ducis uxor, <i>la Duchesse de Chevreuse de Roban Mombafon</i> , in Aulam ab Reginâ revocatur. 41. hujus ad Urberem reditus. 43. inter hanc, & Mazarinum gratia conciliata. 44. 433. ex disturbatis filiae cum Richelio nuptiis Condæo infensa. 498. Mazarino ut hunc in carcerem conjiciat, autor. <i>ibid.</i> 511. 512. 549. Mazarinum apud Reginam astutè labefactare conatur. 578. 610. 613	
Mommegius, <i>le Marquis de Mommege</i> .	427
Carola Margarita Mommorantia, <i>de Mommorancy, Madame la Princesse Douairiere</i> , quæ Henrici Condæi uxor fuerat. 499. 519. mortem obit.	583
Mompexatus, <i>le Marquis de Mompexat</i> , Cafalio Praefectus. 768. de Ta-	

K k k k k

INDEX.

- vanio Marchione proponit uti copias sumptibus suis scriberet, quæ
 Cafalio hujus ductu auxilio essent, atque hic Tribunus Equitum
 crearetur. 770
- Mompüillianus, *le Marquis de Mompüillan*. 484. 645
- Carolus Monchalus, *Charles de Monchal*, Tholosatum Archiepiscopus.
 431
- Mondrevilla, *de Mondreville*, Montargiri Castellum ingreditur cum
 præsidio. 693
- Monsonem oppidum in Hispaniâ Hispani oppugnant, quod his dedi-
 tur. 60
- Mons-albus, *Montblanc*. Hispani Duce Garaio cepere. 482
- Vincentius Monsuri Cremonæ Præfectus. 339
- Montacutus Anglus ab Henrica Britannicæ Reginâ ad Regem Ludovi-
 cum XIII. missus, *Montaigu*. 10
- Montacutus, *de Montaigu*, Rupi regicæ Præfectus. 605
- Montadius, *de Montade*, uni Præfectus navi. 57. cæsus ad Salernum.
- 334
- Anna Montafiera Caroli Borbonii Successionis, *Comte de Soissons*, pridem
 mortui quondam uxor mortem obit. 121
- Montalferius Leo Santimaurus, *le Marquis de Montausier de Sainte
 Maure*. 653. 686
- Montargirium, *Montargis*, ab virorum Principum copiis occupandum
 Aurelia virgo decernit. 690. captum ab Condæo. 693
- Montaterius, *de Montatere*, unius Cohortis Tribunus. 575
- Monteclarus à Melitenfî Militiâ, *le Chevalier de Monteclair*, castrorum
 Præfectus, & Durlano Præfectus egregiè pugnando vulneratus post-
 paulò interiit. 565
- Montejocus Schulemburgus, *le Marquis de Montdejeu de Schulemburg*, Fano-
 spiritus Rucæ Præfectus. 505. 668.
- Montespanus Bellogardius, *de Montespan de Bellegarde*. 688
- Montesfurius, *le Comte de Montresor de Bourdeille*, Mazarino iniquus.
 42. 614.
- Montius Tribunus, *le Colonel Monti*. 16
- Montoglanus Comes, *Charles le Comte de Montoglan*, Senator. 131. 536
- Montrolium Harcurio Principi viro Ellebovii filio cui Præfectus porro
 foret, permissum. 454
- Hieronymus Comes Moretta, *le Comte de Morette*. Astæ Præfectus. 556
- Moretus Comes Dubecus, *le Comte de Moret du Bec*. 738
- Michaël Morosinus Venetorum Legatus ad Regem. 468
- Mortanius, *Mortagne*, cæsus ab Austriacis in Boiohemo. 155
- Mortara, *le Marquis de Mortare*, in pugna circum Balagueram captus.
 140. cum Hispanis Flixium in Cataloniâ oppugnat, quod est huic
 deditum. 563. deditum & Miravez oppidum. 664. Gironam in Cata-
 loniâ ad deditionem redigit. 766.
- Mortemarius, *le Marquis de Mortemar* *Gabriel de Rocheboüard*, Dux &

INDEX.

- Par Franciæ mox creatus. 746. 753
Mottæus E. T. *le Mareſchal de la Motte*, Hiſpanos cædit. 13. Auxilia
Ilerdam introducere fruſtrâ tentat. 81. Tarraconem oppugnat fruſ-
trâ. 103. Tarraconem omittit. 105. Adminiſtris maledicit. *ibid.* in
carcerem Lugduni conjicitur. 123. 413. in Senatum præter morem
admiſſus. 418. 421. 432. 438. 447. 614. iterum in Cataloniâ Prorex.
647. 765. Barcinonem dedere coactus. 766
Mottæus Delaſius, *la Motte de Las*. 539
Mottæus Deſcarſius, *de la Motte Deſcars*, dux unius turmæ in Gaſtonis
equitum alâ cæſus in pugnâ apud Lentſium. 378
Clemens Muſnierus, *le Muſnier*, Senator. 536. 546
Muſonium ad Moſam amnem Molingen miſſus ab Leopoldo circumſi-
det. 564. oppugnatur. 565. eò milites miſſi ab Vilkequiero. 566. Ma-
ſonius Præfectus oppidum dedit denique. *ibid.*
Muſſâius Goïonus, *le Marquis de la Mouſſaye Goïon*. 231. 374. captus.
376. Condæo comprehenſo Satenaium contendit. 502
Mutinæ Ducem Franciſcum Ateſtinum, *François d'Eſte*, Mazatinus
per Lionnum ad Regis partes perducere conatur. 15. fœdus cum
eo ab Rege factum. 294. ad hunc iit Eſtrada cum copiis. *ibid.* Cre-
monam verſus ducit. 300. omiſſo Cremonæ incepto Caſaliuna ma-
jus redit. 301. hujus adverſum Hiſpanos pugna. 306. Victoriâ Par-
mæ Ducis ſororem ducit uxorem. 335. 356
De Mutuo, *des preſts faits au Roy*. 364

N

- Nangius Brichantæus, *de Brichanteau Marquis de Nangis*, caſtro-
rum Præfectus circum Gravelingam. 85. cæſus. 88
Nantulietus, *le Marquis de Nantouillet*, in pugnâ ad B. Antonii subur-
bium Regi militans cæſus. 720
Joannes Nanus, *le Nain*, Senator. 573
Navaillius, *le Comte de Navaille Philippe de Monſault*, caſtrorum Præ-
fectus. 211. 305. 337. 338. 575. 605. 668. 719. 721
Neapoli plebes novis rebus ſtudet. 289. fœdus cum Neapolitana plebe
ab Fontenaïo Regis Romæ Legato factum. 294
Neſtierus, *de Neſtier*, caſtrorum Præfectus. 101. Vigevão ab Thomâ
Principe præſcitur. 169. 483
Nemoroſius, *le Duc de Nemours Amedée de Savoye*. 227. Arvernos pro-
vinciam Chalnii Ducis morte vacuum ſibi dari petit fruſtrâ. 486. 616.
674. 682. inter Belſfortium, & Nemoroſium Jurgium, Aurelia vir-
go ambos reducit ingratiam. 690. 721. in munitione ad B. Antonii
Suburbium graviter vulneratur. 722. ab Belſfortio cæditur. 733
Anna Neoburga, *de Neubourg Marquiſe du Vigan*. 497
Neſmondus, *le Preſident de Neſmond Theodore*. 46. miſſus cum aliis ab
Senatu ad Regem venit. 690. lectus ab Gaſtone qui Conſilio de
K k k k k ij

INDEX.

republica adesset ubi illi continuata in omni regno legatio ab Senatu fuerat.	732. 763
Nettancurius, <i>Nettancour</i> , Centurio.	95
Neuiliacus, <i>de Neuillac</i> , Longonis portui Præfectus.	554
Neullianus, <i>de Neuillan</i> , Niortio Præfectus vulneratus in pugna apud Lentium.	378
Nicia, <i>Nice de la Paille</i> , ab Hispanis in Italiâ capta.	289
Nigella Baro, <i>le Baron de Nefle de la Val</i> , apud Dixmudam vulneratus.	284 454
Niger, <i>le Noir</i> , in Vectigalium Curiâ Præses, lectus ab Gastone qui sibi in Consilio de omni republicâ adesset ubi illi Senatus legationem in omni regno continuaverat.	732
Nigrolocus, <i>de Noirlieu</i> , Alæ equitum Tribunus cæsus.	427
Nigromonasterius, <i>Louïs de Larval Marquis de Noirmontfier</i> . 231. apud Dixmudam vulneratus.	284. 374. 376. 410. 421. 428. 489
Noncurius, <i>de Noncour</i> , cæsus in pugna apud Lentium.	377
Normanvilla Marchio, <i>le Marquis de Normanville</i> , vulneratus in pugna apud Lentium.	378
Novio in Senatu Præses, <i>le President de Novion Nicolas Potier</i> . 355. 447 674	
Noûs, <i>de la Noüe</i> .	655
Nucerius Quatuorvir, <i>François Sublet de Noyers</i> , Cardinalatum sibi expetebat. 5. De hoc abigendo Mazarini consilium. <i>ibid.</i> ab Ludovico XIII. Rege Cardonæ Ducatum Mottæo impetrat. 13. Aulâ pulsus. 19. eò redire conatur. 69. De suo in Aulam reditu spes vana. 109. Mortem obit.	177
Nuptiæ Hispanicæ virginis cum Rege ostentatæ quæ dotale Belgium haberet.	183

O

Oemus Tribunus Germanorum equitum Regi mercede militantium.	469
Ognatus Comes, <i>le Comte d'Ognate</i> , apud Neapolim Prorex. 333. clausum adornat.	553
Olympia Innocentii Pontificis fratris uxor.	197
Olivares Gaspar Gulmanus, <i>le Comte d'Olivares</i> .	59
Zongo Ondedæus, <i>l'Abbé Ondedei</i> , ab Mazarino ad Aulam missus. 613. captus ab Hispanis in itinere. 614. in Aulâ relictus ab Mazarino qui Reginæ adesset.	746
Jozeplus Osorius missus ab Philippo Hispaniæ Rege ad Brezacam. 529. 652. in Battevilla locum qui Burgo Præfectus esset, suffectus.	774
Ostenda ab Ramfavio frustra tentata.	371
Oysius, <i>d'Oysy</i> , Ducis Vicarius in unâ equitum turma, cæsus in pugna apud Lentium.	378

- De **P**ace quid nobis consilii esset Ebersteinus Monachus ab Traut-
mantorfio exploratum missus in Aulam venit. 9. Pax inter
Urbanum Pont. & Odoardum Parmæ Ducem Bichii Cardinalis
operâ facta. 110. Conditiones pacis quas Galli apud Monasterium
Vestfalorum tulere. 170. de his denique convenit, & quæ fuerint.
394. huic Paci Philippus Hispaniæ Rex intercessit, item Innocen-
tius Pontifex. 397. De Pace Aulam inter, & Urbem agitur apud
Ruelhium. 442. Pax inter Hispanos, & Franciscum Mutinæ Du-
cem. 457. Pax data Brezææ, Buillonio, Rupifocaldo, & Burdiga-
lenfibus. 547
Petrus Paganus Deslandius, *Payen des Landes*, Senator. 571
Carolus Ludovicus Palatinus Imperii Septemvir, aut Octovir. 466
Carolus Palatinus Sueciæ Reginæ Legatus. 466. Imperator omnibus
Suecorum in Germaniâ copius. 467
Palavicinus Tarraconi Præfectus. 562. rei tormentariæ Præfectus. 644
Paliavius Comes Philippus Clerembaltius, *Philippe de Clerembault Comte*
de Paliau, Castrorum Præfectus. 95. 231. 370. 429. 368. 341. Es-
træo E. T. Legatus. 642. huic Persanus Marchio Muronem de-
dit. 747. de hujus hominis ingenio. *ibid.*
Pamphilus Cardinalis Antonio Barberino Card. & Mazarino inen-
sus. 111. eo Rex hunc Pontificem creari volebat. 112. postremò
Franciscus Barberinus ut hunc creari vellet, adigitur. *ibid.* Ponti-
fex denique creatur. 113. Innocentius appellatur. 114. Camillum
Pamphilium fratris filium Cardinalem creat. *ibid.* cum omnibus
Italiæ Principibus Barberinis posthabitis amicitiam instituit. *ibid.* Ca-
millus Pamphilus Innocentii Pont. fratris filius abdicato Cardina-
latu Olympiam Aldobrandinam uxorem ducit. 481
Paraberus è Melitenfî militiâ, *le Chevalier de Parabere*, ad Stampas cæ-
sus. 708
Parmæ Ducis Odoardi cum Mazarino simultates. 14. hujus cum Ve-
netis, & Ferdinando Etruriæ Duce foedus. *ibid.* Ranucius hujus
filius Parmæ, & Placentiæ Dux. 457. 480. Innocentius adversum
Ranucium Odoardi filium bellum gerit de Castro oppido. 481
Michaël Particellus, *Particelle*, Almerici filius in unâ Inquisitionum
Classe Præses ad flumen trahebatur ab Plebe ni subvenisset quis-
piam. 450. 713
Palius Comes, *le Comte de Pas*. 750
Passagius, *du Passage*, Castrorum Præfectus. 101. 516
Peraltus, *Pernalt*, in Rationum Curiâ Præses. 461. in carcerem con-
jectus. 502
Persanus Marchio, *le Marquis de Persan de Vaudetar*, Muroi Præfec-
tus. 612. 642

INDEX.

Dionysius Petavius Jesuita, <i>le Pere Petau</i> , mortem obit.	779
Philippus Hispaniæ Rex Cæsaraugustam venit.	59. 482
Phrudis amnis, <i>la Riviere de Somme</i> .	458
Pianezza Marchio, <i>le Marquis de Pianesse de Simiane</i> , cujus consilii in re omni publicâ gerendâ Christina Sabaudicæ Ducis mater, atque ipse Dux utebatur.	182
Pichonus Vayri Castello Præfectus, <i>Pichon</i> .	538
Picolominius apud Passauium Austriacis Imperator.	35
Pienna Marchio, <i>Charles de Brouilly Marquis de Piemme</i> , Pinarolo Præfectus.	771
Pietrus, <i>Pietre</i> , Cognitor regius in Urbis Consilio.	752. 755
Pimientus, <i>Pimiento</i> , classis Hispanicæ Prætor.	482
Plessius Besanfonus, <i>Plessis Besanfon</i> . 63. 139. Camaras ad Sicorim capit. <i>ibid.</i> super Classe Gallicâ ad Neapolim tenente cursum.	333
Antonius Pimentellus Fuenfaldanii cliens Mazarinum iter ad Coloniâ Agrippinam facientem comitatur, cui ille de pace mentionem facit.	605
Poncastella Margarita Cambultia, <i>Marguerite du Camboulé de Pont-Château</i> , Harcuri uxor, <i>la Comtesse d'Harcour</i> , Brisacum venit ab viro præmissa.	739
Sturæ-Pons oppidum Covongio Casalii Præfecto deditum.	55
Porcheusius Sanvallius, <i>de Porcheux Saint Val</i> , cæsus in pugna apud Lentsium.	377
Pradella, <i>de Pradelle</i> , castrorum Præfectus.	575
Pralinoplefsius Comes, <i>Cesar de Choiseul Comte du Plessis Prassin</i> . 16. 17. 54. circum Rhodam ponit castra. 136. hæc est ei dedita. 138. Equitum Tribunus creatus. 144. ab Italiâ in Hispaniam cum copiis navigat. 236. in Mutinensi agro cum exercitu. 337. Cæsar Choiseulius hujus filius cæsus. 338. 455. 469. pacem cum Burdigalensibus facit. 478. cum exercitu Guisium versûs properat. 527. Capellam versûs. 541. Durocortorum Rhemorum Urbem tegit. 542. acriter Rhetelium oppugnat. 571. hujus pugna, & Victoria.	575
Pralinoplefsius Comes Equitum Tribuni filius, <i>Auguste de Choiseul Comte du Plessis-Prassin</i> , castrorum Præfectus pugnando cæsus.	576
Carolus Prevostus, <i>Prevost</i> , Senator.	713. 754
Hieronymus Priandus, <i>Priands</i> , Mantuæ Ducis negotiorum in Aula Curator.	768
De Regni Procuracione in Senatu visum agi.	27
De Publicanis.	331
Pugna Angiani adversum Hispanos haud procul Rupe-regiâ oppido. 35. 36. ejusdem adversum Mercium & Baioaros haud procul Norlingâ. 163. 164. 165. 166. Austriacorum adversum Suecos in Boiohemo. 155. Gallorum ac Suecorum adversum Austriacos, & Boioaros apud Zusmarhausen. 348. Geisii, & Hassorum adversum Lamboium, & Austriacos. 350. Condæi adversum Hispanos haud pro-	

INDEX.

- cul Lentio. 377. Ariæ Gonfalis Hispani adversùs Villequierum quibus par equitum numerus fuit. 564. Fertæi Sannectarii Gallorumque adversum Lignevillam, & Lotharingos. 567. Pralinoplefium inter, & Turenam Gallis simul, & Hispanis fretum. 575. Regiorum in Stamparum suburbio adversum Gastonis, & Condæi copias. 705. Condæi adversum Turenam, & regium exercitum in B. Antonii Suburbio. 719
- Anna Puffarda Vigeani Marchionis filia quæ prius Ponsii Mioffani uxor fuerat, *Madame de Pons*, Armando Vignerotio Richelio Duci nubit. 497

Q

- Q Uelaius, *Nicolas Quelain*, Senator. 131
- Quesnæus, *du Quesne*, rei maritimæ peritus Diepam petit. 506
- Quinceus Castrorum Præfectus, *le Comte de Quincé*, circum Gravelingam. 87. 231. 334. 473. 474. 668. missus in Subalpinos cum copiis. 773
- Quintana Tribunus Hispanus. 338
- Quintinus Comes, *le Comte de Quintin*, Mussai Goyoni filius adversum Regem pugnando captus. 577

R

- R Acocii Transylvaniae Reguli cum Suecis fœdus adversum Ferdinandum Imperatorem. 68. Hungariæ fines ingreditur cum copiis. 69. cum Ferdinando Imp. pacem facit. 154
- Radesianus Cardinalis idem qui antehac Gondius, *le Cardinal de Retz*. 682. 688. de Condæo multa secus prædicare. 696. de pace: cum Rege Gastonis, non Condæi operâ vult agi. 707. 752. Compendium iit ad Regem cum plerisque ex Ordine Ecclesiastico, atque huic luculentam de huius ad Urbem reditu orationem habet. 753. Reginae matri purgat se de studio omnis reipublicæ gerendæ. *ibid.* 757. 761. 776. in custodiam conjectus. 778
- Raimondus, *Raimond*, in Burdigalensi Curia Consiliarius. 676
- Ralla, *le Ralle*, Rhételio Præfectus. 605
- Rambolietus Angennas Pisanius Marchio, *le Marquis de Pisani & Angennes* in prælio apud Norlingam cæsus. 165. Rambolietus Marchio huius pater, *le Marquis de Rambouillet Charles d'Angennes*, mortem obit. 779
- Ramsavius, *Ramsau*, exercitus post Guebriani obitum in Germaniâ præest. 62. cum exercitu ad Dutlingam fusus. *ibid.* Gastoni Vicelegatus circum Gravelingam. 84. Equitum Tribunus creatus. 148. 150. huic Lentium, Sclusia, Arleuxium dedita. 151. 230. 370. 371. castra Hispanorum ad Stenkeram oppugnat. 378. Furnas recipit. *ibid.* in carcerem conjectus. 441. mortem obit. 442
- Raræus Baro, *le Baron de Raré*, in Prætorianorum Legione Centurio. 654

INDEX.

Rafilius <i>de Rafilly.</i>	375
Refugius castrorum Præfectus, <i>de Refuge.</i>	221
Rex, Regina mater, atque omnis Aula clam ab Urbe Germani-fanum proficiscuntur. 406. Urbe discedunt, ac Fontembellaqueum, Avaricum Biturigum, dein Augustoriturum Pictonum petunt. 641. Ab Giano quod est ad Ligerim Germani-fanum per Ferreoli-fanum, & Autissiodurum properant.	699
Reynoldus Tribunus Helvetius Friburgensis <i>Reynold.</i>	642
Rhodium, <i>de Rhode</i> , cum Regis litteris in vestibulo Curiae.	596
Rhodii uxor Ludovici Lotharingi Guisii filia, <i>Madame de Rhode.</i>	522
Rhæti, <i>les Griffons.</i>	517. 263
Ricardus, <i>Richard</i> , cæsus.	231
Ricardus Marchio, <i>le Marquis Richard</i> , Ferdinandi Etruriæ Ducis Romanæ Legatus.	209
De Richelio mortuo, <i>Armand Jean du Plessis Cardinal de Richelieu</i> , quid Ludovicus XIII. sentiret. 2. de hujus cæde Quinquemartii consilium. 3. Quæ Potestates, & Imperia obtinebat ea propinquis ejus data. <i>ibid.</i> Hujus Testamentum. <i>ibid.</i> de Regni Procuratione post Ludovici XIII. obitum habenda consilium.	8
Richelius Dux Cardinalis sororis nepos, <i>le Duc de Richelieu</i> , actuarias naves primum ducit. 272. 333. Annam Pussardam Vigeani filiam uxorem ducit. 297. Condæam Longavillæ uxorem apud Gratiae-portum se recepturum quam honestissimâ negat oratione.	504. 614. 653
Rieuxius, <i>le Comte de Rieux</i> , Ellebovii filius. 412. hujus cum Tremolio Tarenti Principe controversia. 733. in Battiliam conjectus Gastonis jussu quod quidpiam minus ex Condæi dignitate dixisset, ac fecisset.	733
Riviera Ludovicus Barbierus, <i>Louis Barbier</i> , dicitur <i>l'Abbé de la Riviere</i> . 66. Gastonem ut in Consilium regium veniret, impedit, quia huic Cardinalatus negotium Mazarinus prolatabat. 390. 461. 472. rus ab Gastone secedere jussus.	504
Rocca-spinæus, <i>de Rocquespine</i> , Capellæ Præfectus. 541. Capellam dedit.	549
Anna Rohana Guimenæi Principis uxor, <i>la Princesse de Guimenay</i> . 777	
Rohanetus, <i>Robanette</i> .	214. 431
Roissius, <i>de Roisy</i> , è Mazarini alâ cæsus in pugna apud Lentium. 378	
Roncallus ab Uladislao Poloniæ Rege ad Regem missus.	119
Roncerollus, <i>de Roncerolles</i> , castrorum Præfectus. 464. 474. Scuræ Præfectus.	516
Roquesclius, <i>de Roquesle</i> , in Cataloniâ cæsus.	484
Rosa Tribunus Germanus. 62. Gazelquium, & Volsium, atque equites Baïaros fundit. 92. cum Baïoarum equitibus pugnat. 97. comprehensus. 307. Pralinoplessio E. T. Legatus. 575. pugnando cæsus.	577
Rosenhamus Suecicus Residens apud Monasterium Vestfalorum.	181
	Rotomagenfis

INDEX.

Rotomagensis Curia ab Senatu uti cum eo conjuncta sit, postulat.

425	
Rouanensis Dux Artus Guffierus, <i>Gouffier Duc de Roüanais.</i>	654
Rupæus, <i>la Roche</i> , custodum Condæi corporis Dux.	572. 687
Rupæus Sanchamarantius, <i>la Roche saint Cbamarant.</i>	645
Rupe-alardus, <i>Roche-alard</i> , uni Præfectus navi.	57
Rupellæ, <i>la Rochelle.</i>	653. 654
Rupeferverius, <i>Roqueserviere.</i>	95
Rupi-focaldus Cardinalis mortem obit.	177
Franciscus Rupifocaldus, <i>le Duc de la Rochefoucault</i> , Marillaci pater mortem obit.	513. 688
Rupifocaldus Estissacus, <i>de la Rochefoucaud Baron d'Estissac.</i>	654
Rupifocaldus qui antehac Marillacus Lodunum petii armatus, nec est receptus mœnibus. 520. 528. 616. 688. in Munitione ad B. Antonii Suburbium viris Principibus militans graviter vulneratus.	720
Rupifocaldus è Melitensi Militiâ, <i>le Chevalier de la Rochefoucaud.</i>	507
Rupifortius Bonna, <i>Roche fort de Bonne</i> , in Salxii cohorte Vicetribunus ubi copias Musonium introducere tentat cæsus.	565
Rupigifardus Marchio, <i>le Marquis de la Rochegifard</i> , in pugna ad B. Antonii Suburbium viris Principibus militans, cæsus.	720
Rupiguidonus Comes, <i>le Comte de la Rocheguyon du Plessis de Liancourt.</i>	227
Rupilaureus, <i>le Marquis de Roquelaur.</i>	546. Dux, & Par Franciæ mox creatus.
	746
Ruvignius, <i>de Ruvigny.</i>	596

S

Saavedræ Hispanici apud Monasterium Vestfalorum de pace Legati	
Scum Rosenhamo Suecico Residente collocutio.	181. 185
Sabiontam Jacobus Ferdinandus Velasus Aro Comes commeatum introducit.	305
Salbovius Marchio, <i>de Sauvebois.</i>	478. 687. 765
Salbricus Tribunus unius Equitum Germanicorum Alæ, <i>Salbrik Colonel de Cavalerie Allemande</i> , cæsus in pugna apud Lentium.	378
Salernum, <i>Salerno.</i>	334
Salgeona virgo, <i>Mademoiselle de Saugcon.</i>	499
Salicæus, <i>du Saucay</i> , Monfoni Præfectus.	60
Salincius Fayus, <i>de Salins Faye</i> , in Prætorianorum Legione Vicecenturio vulneratus in pugna apud Lentium.	378
Salmius, <i>le Prince de Salm.</i>	376
Salvetatus, <i>Sauvetat.</i>	434
Sammegrinus, <i>le Marquis de saint Megrin Jacque Stuard.</i>	138. 374. 546.
Proprætor in Cataloniâ. 563. 622. in pugna ad B. Antonii Suburbium egregiè dimicans cæsus.	720

INDEX.

- Sanchamondus, *le Marquis de saint Chamond*, Regis Romæ Legatus.
 112. in Galliam redire, atque rure agitare iussus. 113. moritur.
 494
 Sancolumbus Marinus, *de sainte Columbe Marin*, Flixio in Cataloniâ Præ-
 fectus. 237
 Stephanus Saintotus, *Saintot*, Senator. 536
 Sanlucius Timoleon Spinaius, *d'Espina Marechal de saint Luc*, obit. 177
 Sanmicaldus, *Sanmicau*, præfidio apud Seuram in Ædus præerat. 509.
 516.
 Sandovalium Castellum Hispanorum in Verfellenfis agri finibus. 101
 Sangenefius, *le Marquis de saint Geniez de Monstault*, castrorum Præfec-
 tus. 575
 Sangeranus, *le Marquis de saint Geran*, qui Borbonensem obtinet agrum.
 660
 Sanlucius, *le Marquis de saint Luc François d'Espina*. 424. in Aquitaniâ
 Propætor. 652. 686.
 Henricus Sannectarius, *de Senneterre le Pere*. 391
 Sanpaulus, *saint Paul Mestre de Camp*, apud Rhodam cæsus. 138
 Sanromanus Stokolmiam ab Legatis Gallicis qui apud Monasterium
 Vestfalorum erant, missus. 189
 Sansimonus, *le Duc de saint Simon Plessis de Rasse*, Blaiæ Præfectus. 524 537
 Santamorius Comes, *le Comte de saint Amour*, qui Hispanis militabat.
 377
 Santandreas Mombrunus, *le Marquis de saint André Mombrun*. 102.
 307. 341. exercitui in Italiâ præest, Caracenam, & Hispanos in fines
 suos abigit. 625. 626. in Cataloniam venit cum copiis subsidio Barci-
 noni. 764
 Santangelus, *de saint Ange*, Casalio Propæfectus. 555-771
 Santanianus Comes, *le Comte de saint Agnan*. 506. huic data Bituriges
 provincia. 509. eò rempublicam strenuè gerit. 549. 776
 Santauncius Barrius, *de Barry Marquis de saint Aunez*, Equitum in Ca-
 taloniâ Præfectus, item Locatæ Præfectus. 107. 139. 480. 766
 Santibarius, *saint Ibar*. 433
 Leo Santimaurus Jonzacus Comes, *de sainte Maure Comte de Jonzac*.
 653.
 Santimaurus, *de sainte Maure*, Gratia-portui Propæfectus. 497. 692
 Saradesquius captus in Boiohemo ab Succis. 155
 Saffeyus, *de Saffy*, unius equitum turmæ Dux. 474
 Scalæus, *de l'Eschelle Marechal de Bataille*, acici instructor. 95. vulnera-
 tus. 97
 Scarfius è Melitenfi militiâ, *le Chevaliers d'Escars*. 718
 Schnetterus ante Baccaræ arcem cæsus. 100
 Schombergius E. T. *le Marechal Duc de Schomberg*, Helvetiorum Regi
 mercede militantium Tribunus creatus. 270. huic Catalonia decreta.

INDEX.

343. Dertofam oppugnat. 344. Flixium ducit. 345. 501. 597
 Schombergius Comes, *le Comte de Schomberg*, Germanus vulneratus ad
 Stampas. 708
 Joannes Philippus Schombornius Archiepiscopus Moguntinus Imperii
 Septemvir. 308
 Sebacus Baro, *le Baron de Sebac*, Germanus qui Hispanis militabat castro-
 rum Præfectus generalis. 644
 Seguierus Cancellarius ut ne Castronovanus ad Aulam redeat, obstat fe-
 dulò. 45. hujus oratio de Barberinis ab Rege adversum Innocentii
 Pont. injurias tuendis. 194. Seguieri Cancellarii oratio uti Senatus fre-
 quens haberi deberet, & Curia in B. Ludovici conclave ne conve-
 nirent. 366. summo in periculo. 380. huic regium Signum ablatum,
 ac Rosnium secessit. 513. redditum. 610. in Aulam quæ apud Com-
 pendium erat, revocatur. 746
 Petrus Seguinus primus Annæ Reginæ matris Medicus mortem obiit.
 399.
 Semurius, *Semur Marechal de Bataille*, apud Dunkercam cæsus. 231
 In Senatu lites, atque turbæ. 131. Senatus, & Curiarum in B. Ludovici
 conclavi commune veluti Consilium. 358. Senatus Decretum de
 Quæstoribus à Regis Consilio in provincias dimissis. 361
 Uti Senatus in Classes discederet, ac frequens esse deberet, Gasto, &
 Condæus in Curiam venêre. 393. De Regis, atque Aulæ protectione
 ab Urbe Senatus habetur. 407. Montargirum abire jussus. *ibid.* Delec-
 tum in Urbe habendum decernit, ac quærendam pecuniam in belli
 sumptus. 411
 Senatus fidem implorat Aquis Curia de Classe unâ libellorum institu-
 tà, & semestri operâ Judicii dare jussâ, conduplicato propè eâ gratiâ
 Magistratuum numero. 417. Senatus scriptum in Mazarinum. 419.
 Senatus Leopoldi Legato datus. 433. hujus decretum ut ad collo-
 quium de pace cum Aulâ iretur quò Regina juberet. 439. Rex in Se-
 natum venit uti republicam capesseret, ac per se gereret ætatem ad
 id legitimam adeptus. 635. Senatus decretum in Mazarinum. 658.
 Decretum de legatione in omni Regno Gastoni sicuti per Regis pue-
 ritiam continuatâ, donec Mazarinus Regni finibus egrederetur. 730.
 731. Rex Senatum sese coram in Regiâ haberi jubet. 761
 Seniorum in Senatu dicta de collegis amandatis. 132
 Serfilius, *de Serisy*, adversum Regem pugnando captus. 577
 Serra Comes, *le Comte de la Serre*, castrorum Præfectus. 477
 Serra Marchio, *le Marquis Serra*. 236. vulneratus. 339
 Servianus, *le Comte de Servien*. Legationem de pace quam Chavignius
 abnuerat suscepit. 67. Hagam Comitum proficiscitur. 246. hujus ad
 Fœderatos Ordines oratio. 247. 442. 518. hunc Regina voluntate
 Condæi abigit. 617. in Aulam redit. 681. 746
 Gabriël Selpedes ab Palavicino Tarraconi Præfecto missus cum præsidio

INDEX.

- qui Falfeto Præfectus effct. 563
- Seva Caftignonvilla, *de Seve de Chaffignonville*, Magifter libellorum, mercatorum Præfectus antehac luculentam apud Germani-fanum ad Regem de pace, atque hujus ad Urbem reditu habet orationem. 760
- Carolus Sevinus, *Sevin*, Senator de pace cum Aulâ præclare fentit. 429. 452
- Seura Regi dedita. 515
- Sfondratus, *le Marquis Sfondrati*. 373. 457. 468. Sylva-mottærum, *la Motte au bois*, Castellum capit. 474. vulneratus ad Capellam. 542. 626. 740.
- Sillierius Marchio, *le Marquis de Sillery Brulard*, vulneratus. 429. 529. 629
- Sirmundus Jefuita *le P. Sirmond*, Ludovici XIII. Regis Confefſarius. 5. 49
- Siron. 220. 737
- Sirotus Baro, *le Baron de Sirot*. 35. grave agmen ad Theodonifvillam oppugnandam ducit. 49. apud Gergolium ad Ligerim cæſus. 685
- Philippus Sohetermus, *de Sobetern*, Archiepiſcopus Trevirenfis, Imp. Septemvir, Epifcopus Spirenfis. 98
- Ferdinandus Solis Gravelingæ Præfectus. 60. ad Dunkercam præmiſſus ab Leopoldo qui hanc obſideret. 742
- Sordiera, *la Sourdiere*, Vicecenturio cuſtodum Regis corporis ad Senatum miſſus. 407
- Soyecurius Belforiera, *de Soyecour Belforriere*, antehac capitis abſens damnatus Senatus decreto præſens abſolvitur. 54
- Spagnetus, *Espagnet*, in Burdigalenſi Curia Conſiliarius. 676
- Spernonius, *le Duc d'Efpernon*, Mazarino iniquus. 42. huic reddita Aquitania, & Tribunatus Gallorum peditum. 44. capitis antehac abſens damnatus Senatûs decreto præſens abſolvitur. 53. 476. 523. 530. 597. huic Ædui data provincia. 612
- Steinvilla, *de Steinville*, qui peditibus Lotharingis præerat captus. 471
- Suecorum de Danis Navalis victoria. 118
- Suillius Dux Maximilianus Franciſcus Bethunius, *de Bethune Duc de Sully*. 680
- Surius Solodorenſis Vicecenturio Suri, *Suisse de la Ville de Soleurre Lieutenant*, cæſus in pugna apud Lentium. 377
- Surdus Archiepiſcopus Burdigalenſis, *de Sourdis*, mortem obit. 177
- Surdus Marchio, *le Marquis de Sourdis d'Escoubleau*. 598. 668. 681
- Philippus Sylva Luſitanus Herdam capit. 83. huic optimates invident, eo ab Aulâ diſcedit. 104. 140
- Syndici creditorum Urbis, *Syndics des Rentiers*, creati. 418

INDEX.

T

- T**Allemontem Condæus Hispanis permittit. 652
 Talonus, *Aumer Talon*, Actor regius. 197. hujus de Inquisitionis Romanæ Decreto oratio. 274. de Conjunctiōe Curiarum. 356. de Feciali haud in Urbe accepto ad Regem, ac Reginam matrem oratio. 432. hujus oratio in Senatu quā demonstrat Reginæ unius judicium esse utrum re publicā salvā viri Principes emitte custodiā possint. 571. 678
 Tancredi quem Rohani Ducis filium esse aiebant, fabula. 172. 173. pugnando cæsus. 426
 Tarenti Princeps Tremolius, *le Prince de Tarente de la Trimouille*. 653. 685. hujus cum Rieuxio controversia. 733
 Tavanius Comes, *le Comte de Tavane*, vulneratus apud Theodonisvillam. 50. apud Seuram in Æduis. 509. 513. 516. 612. 647
 Tavanius Marchio, *le Marquis de Tavane*, in Æduis Condæo, dein Vindocino Legatus. 513. Cafalio se Auxilio futurum per Mompesatum proponit, eo copias suis sumptibus scripturum, si Regi placeat hunc Tribunum Equitum creare. 770
 Tellierus, *Michel le Tellier*, Quatuorvir creatus. 21. 404. 552. 590. 591. hunc Regina Condæi voluntate abigit. 617. in Aulam redit. 666. 746. missus ab Rege ad Gastonem 763
 Teminius, *le Marquis de Témènes*. 227
 Tempæus, *Tempe*, cæsus. 231
 Ternæus Marchio, *le Marquis de Terme*. 504
 Terralius, *du Terrail*, Castrorum Præfectus in Catalonia. 103. 216
 Theobonus, *le Marquis de Theobon*. 478
 Theodonisvilla ad Mosellam, *Thionville*, ab Angiano oppugnatur. 49. deditur. 50
 Tholosana Curia. 538. 543
 Thomas Princeps. 54. ad Aulam venit. 101. Ponsonem Castellum capit. *ibid.* Jacobi-fanum, *Santis*, oppugnat. *ibid.* Finale frustra tentat. 102. Vigevanum oppidum, atque arcem capit. 169. ad Moram amnem cum Hispanis pugnat. 170. Hispani dilabuntur. *ibid.* classē cum exercitu ad Vada conscendit. 208. Stephani Castellum in Etrusci maris orā oppugnat. 210. Orbitellum oppugnat. 211. Inceptum omittit, ac discedit. 222. hujus de Neapolitano regno consilia. 289. Prochitam Insulam capit. 334. 666. hujus consilio potissimum Rex utitur in omni re publicā gerendā autore Mazarino per hujus absentiam. 746
 Jacobus Thubovius, *le President Thubouf en la Chambre des Comptes*. 6. 393. 456.
 Tilladetus, *de Tilladet*, Brisiaco Præfectus. 514. hujus cum Carlevoasio

INDEX.

Propræfecto lites. 619. Brisiaco discedit.	<i>ibid.</i>
Gabriel Toletanus, <i>Gabriel de Toledo</i> . 521. de negotio pacis ad Regi- nam venit.	606
Tonnelierus, <i>Tonnelier</i> , in B. Eustachii Templo Curio.	133
Tonquedecus, <i>de Tonquedec</i> .	226
Toralus Massæ Regulus, <i>Toralis Prince de Masse</i> , ab Neapolitano Po- pulo Dux sibi delectus. 290. ab Populo capite plexus.	<i>ibid.</i>
Toralus, <i>Toralis</i> , Tarraconi Præfectus strenuè propugnat.	104- 135
Tortensonus cum Suecorum exercitu Holsatiam ingreditur, & adver- sùm Danos bellum gerit. 68. foedus cum Racocio Transylvaniæ Re- gulo facit. 116. in Holsatiâ, & Jutia. 117. circumclusus ab Galasso in Daniâ munito per paludem itinere elabitur. 118. In Boiohemum ducit. 154. ante Viadanam cum Suecorum exercitu.	156
Tracius Alexander Provillæus, <i>Tracy de Prouville</i> .	268. 765
Maximilianus Trautmanstorffius, <i>le Comte de Trautmanstorff</i> . 9. Monas- terium Vestfalorum ab Ferdinando Imp. de Pace Legatus. 170. Mo- nasterio Vestfalorum hunc abigere Hispani conantur.	314
Trautnisius captus ab Suecis in Boiohemo.	155
Tremblaius; <i>du Tremblay Charles le Clerc</i> , Bastiliæ Præfectus.	417
Tresmaus, <i>le Duc de Tresme René Potier</i> , unius Custodum Regis cor- poris turmæ Dux.	250
Circùm Trinum castra ab Thomâ Principe posita. 54. huic deditum op- pidum.	55
Martinus Herpers Tromp, <i>l'Admiral Tromp</i> , Sociarum Civitatum Classi Præfectus.	84
Galeassus Trottus, <i>Galeazzo Trotti</i> , Præfectus equitum apud Hispa- nos captus.	339-555
Trucmullerus unus ex Austriacis Ducibus.	352
Hardius Truffæus, <i>le Marquis de la Trouffe le Hardy</i> .	138. 240. 345
Tubatel. Tribunus Germanus.	62
Tuilleries, <i>Gaspard Cognet de la Touillerie</i> , ad Sueciæ Reginam, & Daniæ Regem de Pace inter hos extra ordinem Legatus. 117. pacem Sue- cos inter, & Danos conciliat. 175. foedus inter Regem, & Daniæ Regem facit.	<i>ibid.</i>
Tumultus quidpiam in Urbe, operæ ab ædificationibus cessavere, is facile sedatus.	115. 317. 380
Turci injustum bellum adversùm Venetos in Cretâ Insulâ gerunt. 202	
Turena. 54. In Germaniâ regii exercitus Imperator. 64. In Sequanis per hyemem Balmium, Vesulium, Luxeulium, & Falconium capit. 92. castra Baioarorum oppugnanda censet: de eo iudicium. 94. dice- dente Angiano imperium apud exercitum in Germaniâ ad Turenâ redit. 100. ad Mariendalium ab Baioaris deprehensus suâ virtute elä- bitur. 159. Augustam Trevirorum capit, ac Philippo Soheterno Ar-	

INDEX.

chiepiscopo, & Septemviro reddit.	168.	Succis conjungitur.	241.
apud Lauringam hyberna munit.	242.	307. exercitum in Lucemburgensem Agrum ducit.	308.
Succis subsidio venit.	310.	copias cum Succis conjungit.	347. 453. 454. 611.
Condæo comprehenso Satenaium contendit.	502.	Hispanis simul, & Condæo militans Hocquincurium pellit.	542. 640. 683. 694. 695. 704.
Virorum Principum stativa apud Stampas oppugnat.	708.	718. adversum Condæum in B. Antonii Suburbio pugnat.	719.
in collibus ad Georgiivillam-novam munita habet stativa.	751.	Sequanam traducit copias, ac Corbolum movet, dein ad Matronam Meldas inter, & Lagnium.	757
Turnonius Comes, <i>le Comte de Tournon</i> , castrorum Præfectus.	95.	cæsus apud Philippiburgum.	100
Catharina Turra Buillonii soror, <i>de la Tour de Bouillon</i> .	520	Turrius, <i>de la Tour</i> , è Gastronicâ Legione cæsus in pugna apud Lentsium.	377
Turrius Atrebatibus Præfectus mortem obit.	779	Tuttavilla Tarraconi Præfectus.	312.
Garaio in exercitu Hispanico Legatus.	482		

V

Vagnerus Helvetius Bernensis.	518
Vaillacus Comes, <i>le Comte de Vaillao</i> , Campanicæ Legionis Tribunus cæsus.	240
Wala Hibernus pugnando cæsus.	577
Leonorius Valancæus Stampæus, <i>de Valancé d'Estampes</i> , Rhemorum Archiepiscopus obiit.	660
Joannes Valancæus Stampæus, <i>d'Estampe de Valancé</i> , è Consilio regio pacem in Provinciâ inter Aletziûm Comitem, & Aquensem Curiam conciliat.	476
Valancæus, <i>le Commandeur de Valancé</i> , Romæ Cardinalis creatus.	69.
Româ in Galliam venit.	126.
Regina mittit obviam qui Romam redire jubeat.	127.
de Barberinis in gratiam ab Rege recipiendis cum Lionno convenit.	<i>ibid.</i>
Henricus Valancæus è Melitenfi Militiâ, <i>le Bailly de Valancé</i> , super classè Gallicâ.	289.
Romæ Legatus.	581. 778
Valbecurius, <i>de Vaubecour</i> .	138. 371. 374. 680
Valbecurius, <i>de Vaubecour</i> , è Fertæi Senectarii alâ cæsus in pugna apud Lentsium.	378
Valdecus Comes, <i>le Comte de Valdek</i> , captus ab Succis in Boïohemo.	155
Valdisera Comes, <i>le Comte de Valdisere</i> , è Thomæ Principis comitatu apud Orbitellum strenuè se gerit.	221

I N D E X.

Nogaretus Valetta, <i>le Chevalier de la Valette</i> . 430. in Aquitaniâ.	529.
vulneratus. 539. ab vulneribus moritur.	541
Valibertus, <i>Valibert</i> , Gravelingæ Propræfectus hanc post aliquantam oppugnationem Leopoldo dedit.	741
Valon Castrorum Præfectus.	573. 577. 751
Valterneusius, <i>de Vautourneux</i> , Centurio.	423
Valtortius Franciscus Cafetta, <i>Cafette de Vautorte</i> , è Consilio regio.	425.
467.	
Calimirus Wamboltius Umblatius Moguntinus Archiepiscopus Imperii Septemvir moritur.	308
Vandius, <i>le Marquis de Vandy</i> . 507. Casteleto Præfectus.	526
Vandius Marchio, <i>le Marquis de Varde du Bec</i> . 570. ad Stampas vulneratus.	708
Varenna, <i>de Varenne</i> , ad Ibraimū Turcorum Regem de omittendo adversum Venetos bello ab Rege missus.	203
Vasconcellus, <i>Vasconcellos</i> , Tarraconi Præfectus.	646
Vassixus, <i>le Marquis de Vassé Maître de Camp</i> , circum Gravelingam.	87
Vassianus, <i>de Vassan</i> , Senator ab plebe pulsatus.	713
Uberlinga ad Acronium Lacum ab Baioaris capta.	91
Veidellus Senator, <i>Veideau</i> .	763
Velada Marchio, <i>le Marquis de Velade</i> , Mediolanensem obtinet Agrum.	
55	
Venantii-fanum, <i>Saint Venant</i> , Gallis deditum.	149
Vergerius Sanciranus Abbas, <i>du Verger Abbé de Saint Ciran</i> , moritur.	69
Vernolius Dux, <i>le Duc de Verneuil</i> , Mazarino iniquus.	42
Verrua Comes, <i>le Comte de Verruë</i> .	480. 555
Versellinus Maria Viscontius, <i>Vercellino Maria Visconti</i> , de fœdere inter Carolū Mantuæ Ducem, & Caracenam qui Mediolanensem agrum obtinebat, de Casilio recipiundo.	771
Joannes Vertius, <i>Jean de Vert</i> .	308. 309
Vetufvilla Marchio, <i>le Marquis de la Vieuville</i> , Urbe facessere iussus.	384.
summam Quæsturam petit frustra. 525. 597. futurus Administer, & summus Quæstor. 632. huic summa Quæstura mandatur.	636.
666	
Vetufvilla è Melitenſi militiâ, <i>le Chevalier de la Vieuville</i> . Marchionis filius vulneratus apud Stampas ex vulnere interiit.	708
Vicinus, <i>Voisin</i> , in Curiâ Burdigalensi Consiliarius.	535. 539
Viderholtius Hoëntuicli in Vitembergenſi agro Præfectus Baioaros hostes frustratur.	91
Vietri vicus haud procul Salerno.	334
Vigeanus Marchio, <i>le Marquis du Vigean François Poussard</i> .	497
Vigeanus Forſius, <i>le Marquis de Forſ du Vigean</i> .	374
Vigevanum ab Hispanis receptum.	205
	Vignaltius

INDEX.

Vignaltius, <i>du Vignault</i> , cæsus.	231
Vilarsius Brancacius, <i>de Villars Brancace</i> .	376
Villarsius, <i>de Villars</i> , castrorum Præfectus.	567
Guido Villa, <i>le Marquis Ville</i> . 50. huic Astæ-Villanova dedita.	54 236.
340. apud Cremonam tormenti pilâ necatur. 342. Villa Guidonis filius.	480. 555. 770
Villaregius, <i>Nicolas de Neuville Marechal de Villeroy</i> , conditiones deditio- nis Clicoto dicit. 145. Regis pueritiæ moderator. 204. 404. 469. 591	
Iacobus Villaurius, <i>Villauri</i> .	340
Vindocinus, <i>le Duc de Vendosme</i> , in Aulam redit. 25. Mazarino iniquus.	
42. huic Ædui data provincia. 502. Divionis Castellum huic dedi- tum. 509. 513. huic data rei navalis Præfectura. 523. item & Bel- fortio filio qui hanc unâ cum patre gereret. <i>ibid.</i> naves per Neuchai- sium qui ipsi Legatus fuit, conquerit, classẽm cogit, atque instruit.	
742. cum Hispanicâ, & Daugnionicâ pugnat, hæc silentio noctis discedit.	748
Vinolius Hardierus, <i>Hardier de Vincuil</i> .	392
Viola, <i>le President Viole</i> , in unâ ex Inquisitionum classibus Præses lucu- lentam habet de republicâ orationem.	385. 522. 568. 601
Vitembergus cæsus ab Austriacis in Boiohemo.	155
Vitrius Franciscus Maria Hospitalius, <i>le Duc de Vitry de l'Hospital</i> .	416. 421
Vitrius, <i>le Marechal Duc de Vitry</i> , emittitur custodiâ.	11
Uladislaus Poloniæ Rex Ludovicam Mariam Gonzagam uxorem duxit, Cardinalatum ab Pontifice pro Michaële Mazarino Julii fratre petit.	
176. mortem obit.	398
Ulricus Vitembergus vir Princeps unius ex Austriacis Ducibus.	352.
Philippo Hispaniæ Regi militat. 467. Vervinum oppugnat frustra.	648
Helmus Vrangeliussuecicus per absentiam Tortensoni præest.	242
Urbani Pont. obitus.	110
Vriliera Phelippæus, <i>de la Vriliere Phelippeaux</i> , Quatuorvir. 502. 536.	537. 601.
Carola Ursina Ulciæ Comitissæ quondam uxor, <i>la Vicomtesse d'Auchy</i> , mo- ritur.	243
Uxellus, <i>le Marquis d'Uxelles Louis du Bled</i> .	138. 211. 341

Y

Y Præ, <i>Ypre</i> , Urbs oppugnata. 370. ab Leopoldo receptæ.	458
--	-----

ERRATA.

P *Alina*, 5. *linea*, 19. per easdem, *lege*, per easdem. p. 17. l. 19. vado transire, *lege*, transire.
 p. 22. l. 25. Colinio Andeloto, *lege*, Colinio Castillono. p. 28. l. 19. hujus sibi, *dele*, sibi. p. 32.
 l. 12. fasciculus, *lege*, fasciculis. p. 54. l. 5. Victoria, *adde*, Amadai. p. 57. l. 23. ignis, *lege*, lu-
 men. *ibid.* *lege*, conspicuum. l. 17. ignem, *lege*, lumen. p. 65. l. 11. *dele*, hanc. p. 79. l. 6. fuit,
lege, fuerat. l. 11. Rex, *lege*, Ludovicus XII. p. 88. l. 21. Regis, *lege*, Regi. p. 104. l. 26. fue-
 rant, *lege*, erant. p. 105. l. 18. 19. peritæ famâ, *lege*, perlata fama. l. 37. *lege*, nollet. l. 38. *lege*,
 invidere Tellierum. p. 123. l. 11. *Horfinius*, *lege*, *Horfinius*. p. 128. l. 12. Caroli, *lege*, Nicolai,
 p. 159. l. 23. *lege*, Maipashum. p. 164. l. 18. aut, *lege*, atque. p. 168. l. 25. *lege*, Trevirarum. p. 169.
 l. 10. Confluentem, *lege*, Confluentes. p. 174. l. 4. & 5. Igitur, *adde*, Riviera. p. 284. l. praul.
 hoc, *lege*, hæc. p. 205. l. 22. narrabat, *lege*, narraverat. p. 304. l. antepen. Carolum, *lege*, Nico-
 laum. p. 213. l. 39. Henricum; *lege*, Ludovicum. p. 251. l. 26. fuisset, *lege*, fuisse. p. 255. l. 5.
 magnâ vicuperat, *lege*, gerere cuperat. p. 259. l. 15. excecavit, *lege*, excecavit. l. 20. *lege*, Penneren-
 da. p. 257. l. 2. ubi *Socia*, *lege*, uti. p. 264. l. 9. quæ, *lege*, quas. p. 281. l. 34. *dele*, quos. p. 283.
 l. praul. Bergerus, *lege*, Bergerus. p. 352. l. 20. quos, *lege*, quas. p. 356. l. 31. ipsa, *lege*, ipsas.
 p. 389. l. 12. copiam faciundam, *lege*, copiam omnibus faciundam. p. 405. l. 9. lubens discessit, *lege*,
 lubens Mazarinus discessit. p. 412. l. 24. uti qui, *dele*, uti. p. 537. l. 39. venerant, *adde*, dimissi.
 p. 550. l. 1. cum eo, *dele*, eo. p. 593. l. 21. quin, *lege*, qui. p. 609. l. 11. velit, *lege*, velis. p. 617.
 l. 32. ire, *lege*, iterum. p. 664. l. 41. Abi, *lege*, ad. p. 668. l. 33. Nicobiellus, *adde*, Gordius. p. 676.
 l. 19. videlicet illam, *lege*, videlicet Andes. p. 695. l. ult. quæ, *lege*, qui. p. 699. l. vernali. in suam,
adde, magis. p. 721. l. antepenult. Belfortius, *lege*, Belfortium. p. 726. l. 5. potentissimus, *lege*, po-
 tentissimus. p. 753. l. 26. qui, *lege*, quæ. p. 761. l. 1. Senatus, *lege*, Senatu.

In margine.

p. 10. le Chevreu, *lege*, de Chevreu. p. 22. d'Andelot, *lege*, de Chastillon. p. 477. la Voyce,
lege, la Voyet.



TYPIS THEODORICIANIS.

THE THEODORICUS







